


Júu 'mîi e cacuo
fidiée



New Testament in Chinantec, Comaltepec (MX:cco:Chinantec,
Comaltepec)

Júu 'mí e cacuo fidiée

New Testament in Chinantec, Comaltepec (MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022
30c6f873-0dee-5863-8883-ba3c5eaa988c

Contents

Mateo	1
Marcos	68
Lucas	110
Juan	182
Hechos	237
Romanos	302
1 Corintios	332
2 Corintios	358
Gálatas	375
Efesios	385
Filipenses	394
Colosenses	400
1 Tesalonicenses	406
2 Tesalonicenses	412
1 Timoteo	415
2 Timoteo	423
Tito	429
Filemón	433
Hebreos	435
Santiago	458
1 Pedro	466
2 Pedro	474
1 Juan	479
2 Juan	486
3 Juan	487
Judas	488
Apocalipsis	491

E lab júu[^] quiá[']- Dsea` Jmáang⁻ e cajme['] MATEO

*Jaléng['] 'lii[~] yáa['] quiá[']- Dsea` Jmáang⁻
(Lc. 3:23-38)*

¹ I lab jaléng['] 'lii[~] yáa['] quiá[']- Dsea` Jmáang⁻ i líng['] siju[~] 'lii[~] yáa['] dseata[~] Davi['] cóo[']gui 'lii[~] yáa['] Abraham. ² Jo Abraham calisí[^] tiquiá['] Isáa['] jo Isáa['] calisí[^] tiquiá['] Jacóo[^] jo Jacóo[^] calisí[^] tiquiá['] Judá cóo['] jaléng['] rúíñ[']. ³ Jo Judá calisí[^] tiquiá['] Fares cóo[']gui Zara jo niquiá[']r[^] calisí['] Tamar. Jo Fares calisí[^] tiquiá['] Esrom jo Esrom calisí[^] tiquiá['] Aram. ⁴ Jo Aram calisí[^] tiquiá['] Aminadab jo Aminadab calisí[^] tiquiá['] Naasón jo Naasón calisí[^] tiquiá['] Salmón. ⁵ Jo Salmón calisí[^] tiquiá['] Booz jogui niquiá[']r[^] calisí['] Rahab. Jo Booz calisí[^] tiquiá['] Obed jogui niquiá[']r[^] calisí[^] Rut. Jo Obed calisí[^] tiquiá['] Isaí. ⁶ Jogui Isaí calisí[^] tiquiá['] i dseata[~] Davi['] jo íb['] tiquiá['] Salomón jogui niquiá[']r[^] i calíng⁻ dseamí['] quiá[']- Urías.

⁷ Jo Salomón calisí[^] tiquiá['] Roboam jo Roboam calisí[^] tiquiá['] Abías jo Abías calisí[^] tiquiá['] Asa. ⁸ Jo Asa calisí[^] tiquiá['] Josafat jo Josafat calisí[^] tiquiá['] Joram jo Joram calisí[^] tiquiá['] Uzías. ⁹ Jo Uzías calisí[^] tiquiá['] Jotam jo Jotam calisí[^] tiquiá['] Acáz jo Acáz calisí[^] tiquiá['] Ezequías. ¹⁰ Jo Ezequías calisí[^] tiquiá['] Manasés jo Manasés calisí[^] tiquiá['] Amón jo Amón calisí[^] tiquiá['] Josías. ¹¹ Jo Josías calisí[^] tiquiá['] Jeconías cóo['] jaléng['] rúíñ[']. Jo ie[~] job['] mi[~] cató⁻ dsea['] i seeng['] fí Babilonia fíng['] dsea['] Israel fí góor['] e 'ñúuñ['] do.

¹² Jo mi[~] cangí[']gui lajo, Jeconías calisí[^] tiquiá['] Salatiel jo Salatiel calisí[^] tiquiá['] Zorobabel. ¹³ Jo Zorobabel calisí[^] tiquiá['] Abiud jo Abiud calisí[^] tiquiá['] Eliaquim jo Eliaquim calisí[^] tiquiá['] Azor. ¹⁴ Jo Azor calisí[^] tiquiá['] Sadoc jo Sadoc calisí[^] tiquiá['] Aquim jo Aquim calisí[^] tiquiá['] Eliud. ¹⁵ Jo Eliud calisí[^] tiquiá['] Eleazar jo Eleazar calisí[^] tiquiá['] Matán jo Matán calisí[^] tiquiá['] Jacóo[^]. ¹⁶ Jo Jacóo[^] calisí[^] tiquiá['] Sé[^], jo i Sé[^] do íb['] i calí⁻ dseañ['] quiá['] Yá[^]; jo i Yá[^] do, íb['] i líng['] niquiá['] Jesús i líng['] Mesías e guóng[']: Dsea['] i caguíng['] Fidiée['].

¹⁷ Jo caliséng['] guiqui['] 'lé['] íng['] dsea['] catí['] mi[~] caliséng['] Abraham jo cartí['] mi[~] caliséng['] dseata[~] Davi['], jo jíe[']gui guiqui['] 'lé['] catí['] mi[~] caliséng['] dseata[~] Davi['] jo cartí['] mi[~] cangojéng['] dsea['] Babilonia jaléng['] dsea['] Israel fí góor['] e 'ñúuñ['], jo jíéng[']gui guiqui['] 'lé['] catí['] mi[~] cangí['] e cató⁻ dsea['] Babilonia jaléng['] dsea['] Israel fí góor['] jo cartí['] mi[~] caliséng['] i Mesías do i caguíng['] Fidiée['].

*Mi[~] caliséng['] Dsea` Jmáang⁻
(Lc. 2:1-7)*

¹⁸ Lalab calí⁻ mi[~] caliséng['] Dsea` Jmáang⁻. Jo ie[~] jo seeng['] jaang['] simí['] i sii['] Yá[^] i nininée['] júu[^] quiá[']- cóo['] jaang['] siming['] i sii['] Sé[^], dsu['] ná[']gui e nigüear['] colíng['] cangoquieeng['] i Yá[^] do yáa['] la'eáang['] cóo['] Jmiguí['] quiá[']- Fidiée[']. ¹⁹ Jo i Sé[^] do líiñ['] jaang['] siming['] i dsíng['] guíung['], joba['] ja['] calí[']liñ['] fa['] e cajméer['] dsee['] quiá[']- i Yá[^] do fí quini['] dsea[']. Joba['] ca[']í dsí['] e nitiúung['] neiñ['] do e ñm[']jiu e laco['] ja['] niliñ['] dsea[']. ²⁰ Jo lajee['] e í dsí['] i Sé[^] do e nijmér['] lajo, lajee['] güñiñ['] jo caquir['] e cajnéng['] jaang['] ángel i líng['] guoti['] Fidiée['] i casíng['] dsea['] do. Jo í casí[']r['] i Sé[^] do jo cajíñ[']:

—Sé[^], siju[~] dseata[~] Davi['], ja['] jmoo['] 'gó['] e nicøn['] Yá[^] e niliñ['] dseamí['] quiá['], dsuco['] i jiuung['] i quíeeiñ['] na ca'uíñ['] cóo['] Jmiguí['] quiá[']- Fidiée[']. ²¹ Jo niliseeng['] jaang['] yáa['] siñ['] quiá[']-r['], jo 'nu['] nitó['] e nilisiir['] Jesús, jo nilisiir['] lana dsuco['] nileáiñ['] jaléng['] dsea['] quiá[']-r['] jee['] jalé['] dsee['] quiá[']-ñ['].

²² Jo jalé' e cajíng' i ángel do calí' e laco' caliti~ júu^ quiá'- Fidié' e café' jaang` dsea` i café' cuaiñ~ quiá'r- malí~gui eáang' mi~ cajíñ'- lala:

²³ Jaang` simí' nidsiquieeiñ~ jaang` yuu` siñuu^, jo mi~ niliseeng` i yuu` do, nitér- e nilisiñ` Emanuel e guóng': Fidié' seeiñ` cóo'~ jneaa~aa'.

²⁴ Jo mi~ cajné- dsí' i Sé^ do, joba' cajmée`bre jalé' e cajíng'- i ángel do jogui cacóm~bre i Yá^ do e nilí' dseamí' quiá'r-. ²⁵ Dsu' ja` caquiain'^ cóoiñ'- do cartí' mi~ caliséng` i yuu` i quieeiñ' do. Jo mi~ caliséng` í, joba' catée` Sé^ e calisiñ' do Jesús.

2

Mi~ caguilíng- dsea` i jmitíng` quiá'- jaléng' núu' fi' Jerusalén

¹ Jo caliséng` Jesús fi' cóo' fi' e sii' Belén e née' lí' se' Judea. Jo ie~ jo líng' jaang` dsea` i sii' Herodes dseata~ dsea` féng' quiá'- jalé' fi' e sea' fi' jo. Jo ie~ job cajo caguilíng- fi' Jerusalén tú- 'ní' máng'~ dsea` i jmitíng` quiá'- jaléng' núu', jo i dsea` do huíib- eáang' jalíñ- fi' lí'^ lí' guo' iee'. ² Jo mi~ caguilíñ- fi' Jerusalén, cajmingí'r- jaléng' i dsea` seeng` fi' jo, jo cajíñ'-:

—¿Jnang~ i dseata~ dsea` féng' quiá'- dsea` Israel i nicaliséng` do? Dsuo' nicanéng~naa' núu' quiá'r- fi' lí'^ lí' guo' iee', joba' ne~naa' e nicaliséiñ` jo lana nijáa'naa' e nijmiféng'naa're.

³ Jo mi~ canúu- dseata~ Herodes e júu^ jo, dsíng'- jo` tii- seeiñ`, jogui lajobi cajo jaléng' dsea` i seeng` fi' Jerusalén. ⁴ Joba' i dseata~ do cató'r- jaléng' fi' jmidsea` quiá'- dsea` Israel cóo'~gui jaléng' tifa' quiá'- júu^ quiu' ta~ quiá'- dsea` Israel jo cajmingí'r- reiñ' do jo cajíñ'-:

—¿Jie~ fi' lí' niliseeng` i Mesías?

⁵ Joba' cañí' i dsea` do quiá'- i dseata~ do jo casí'-reiñ':

—I dsea` í niliseeiñ` fi' cóo' fi' e sii' Belén e née' lí' se' Judea; dsuo' lajobi cajme' jaang` dsea` i café' cuaiñ~ quiá'- Fidié' malí~gui eáang' mi~ cajíñ'- lala:

⁶ E fi' pí'^ e sii' Belén do née' fi' lí' se' Judea, dsu' e fi' jo ja` 'ga' lí' niing- lajee~ lajalé' fi' e sea' fi' jo, dsu' fi' job lí' nigüi'íng` jaang` dseata~ dsea` féng'

i nicá' nifí' quiá'- jaléng' dsea` quie- e, dsea` i líng' dsea` Israel.

⁷ Joba' i dseata~ Herodes do cató'r- jaléng' i dsea` i jmitíng` quiá'- jaléng' núu' do fi' cóo' lí' ja` 'ga' lí' ní' dsea` jo cajmingí'r- dsea` do e` í' ngóo' mi~ cajnéng- i núu' do. ⁸ Jo mi~ cangí' jo, i dseata~ do casíñ` i dsea` í' fi' Belén jo casí'-reiñ' do lala:

—Güilíng-na' fi' jo, jo güijmidseáang` óo'na' laji' e lí'na' quiá'- i jiuung~ do; jo mi~ niguiéng'na're, jmée'~na' jnea~ júu^, job cuóøng` ni~i e nijmifén'nre cajo.

⁹ Jo mi~ cató' sí' dseata~ Herodes i dsea` do lajo, joba' catam'-tuiñ' do fi' ngolíñ-. Jogui i núu' i cangáñ- jéeng' do, ngóo'biñ' do laco' ngolíñ-, jo cóob' mi~ caje` i núu' do fi' yá'^ 'núu' lí' guíng~ i jiuung~ do. ¹⁰ Jo i dsea` do eám' íaang` dsí' dsu' e níñ- i núu' do. ¹¹ Jo mi~ caguilíñ- fi' e 'núu' do, dsifí' ladob cangotáaiñ~ e fi' dsí' sinuu^ do jo cangáñ- i jiuung~ do cóo'~ niquíaiñ'^ Yá^. Jo casí'r- uó' jnir~ fi' quini' i jiuung~ do jogui canaaiñ` e jmiféng'neiñ' do cajo. Jo mi~ calí- e cajmér- e jo, jo caneáar' guóo' quiá'r- e quier' do, jo cacuó'r' i jiuung~ do cunée' cóo'~gui su' e 'mo'^ eáang' cóo'~gui cuí' e jlo'^ jmeafi' cajo.

¹² Jo mi~ cangí' jo, caquim'-tu i dsea` do fi' góor'. Dsu' fi' lí' jiéb' caquiñ'- do dsuo' Fidié' cajmea'breiñ' júu^ lajee~ güiñ' do e ja` cuóøng` niquíng'-tuiñ' do fi' lí' guíng~ i dseata~ Herodes do.

Mi~ cacuúí` Sé` cóo~ Yá` cóo~gui i jiuung~ do e cangolíñ` fí` Egipto

¹³ Jo mi~ cangí e nicangolíng` i dsea` i jmitíng` quiá~ jaléng` núú do, jo lajee` güüing` i Sé` do, caleáb`tu caquiñ` jaang` ángel quiá~ Fidié`. Jo i ángel do casí`r` i Sé` do jo cajíñ`:

—iSé, ráan` jo jéeng` i jiuung~ na cóo~gui niquiá`r` jo cuíi`na` fí` Egipto! Jo fí` job nijá`na` cartí` mi~ nijméé` e `nú` júu`, dsuco` i dseata~ Herodes do ni`náiñ` i jiuung~ na e nijngám`-bre.

¹⁴ Joba` caráam` i Sé` do ladsifí` lado, jo uóø` job cataiñ`- fí` e cangojééiñ` i jiuung~ do cóo~gui niquiáiñ` do fí` Egipto. ¹⁵ Jo dob cajeiñ` cartí` mi~ cajúng` i dseata~ Herodes do. Jo cangojéé` e la e lí` laco` caliti~ lajii~ júu` e cajíng`- Fidié` la`eáng` cóo~ jaang` dsea` i café` cuaiñ` quiá`r` malii~gui eáng` mi~ cajíñ`- lala: “Catøø`ø` Jóo`ø` e nigüi`fir` fí` Egipto.”

Mi~ cajnga` dsea` quiá~ jaléng` jiuung` ping`

¹⁶ Jo mi~ calilí` i dseata~ Herodes do e cajmigóøm` i dsea` i jmitíng` quiá~ jaléng` núú do ír, joba` dsíng`- caliguiñ` ; jo caquiá`r` ta~ jaléng` `léé` quiá`r` e nidsijngáaiñ` jaléng` jiuung~ i ping`-gui laco` tú` jí` i seeng` fí` Belén cóo~gui jaléng` jiuung~ ping` i seeng` fí` fi` e néé` lacúng` lajiiing` e fi` jo i ngolíng`- í` lajo cajo. Jo cajngam`-bre lí` laco`-gui jii~ jii` e cajíng`- i dsea` i jmitíng` quiá~ jaléng` núú do. ¹⁷ Jo cóo~ e nab caliti` e júu` e cajme` jaang` dsea` i café` cuaiñ` quiá~ Fidié` malii~gui eáng` i calisí` Jeremías mi~ cajíñ`- lala:

¹⁸ Jo canú` óo` jaang` dseam` fí` coo` fi` e sií` Ramá,
jo dsíng`- qui`r` jogui óor`;

Raquéeb` sií` i dseam` do jo qui`r` uíi~ jiuung~ quiá`r` dsuco` nicajúm`-bing`,
jo ja` iíñ` nimíñ`- co` dsíng`- lijiuung~ dsíir`.

¹⁹ Jo mi~ cangí e cajúng` i dseata~ Herodes do, fí` Egipto táang` i Sé` do lajee` jo. Jo coo` ya` lajee` e güüiñ`, caquiim`-tur jaang` ángel quiá~ Fidié`, jo í` casí`r` Sé` jo cajíñ`- lala:

²⁰ —Sé, ráan`, jo quíng`-tu` cóo~ i jiuung~ na cóo~gui niquiá`r` fí` lí` se` Israel, co` lana nicajúm` i lamí` iing` jngáng` i jiuung~ na.

²¹ Joba` lajob cajméé` Sé, caráam`-bre jo catø`-bre i jiuung~ do cóo~gui niquiáiñ` do fí` lí` se` Israel. ²² Jo dsu` mi~ caliñir` e Arquelao niguiiñ` líiñ` dseata~ dsea` féng` quiá~- lí` se` Judea eáng` quiá~ i tiquiá`r` dseata~ Herodes do, joba` eám` cafóíñ` jo jo` cangáiñ`- fí` jo, co` Fidié` cajme`-turiñ` júu` lajee` güüiñ` e ja` cuóøng` nidsiliñ` fí` jo. Joba` fí` lí` se` Galileab cangolíñ`. ²³ Jo mi~ caguiéng`- Sé` fí` lí` se` Galilea, jo cangogüéar` fí` coo` fi` e sií` Nazaret e néé` fí` jo. Jo calí` e na e laco` caliti~ jalé` júu` e café` dsea` i café` cuaiñ` quiá~ Fidié` malii~gui eáng` mi~ cajíñ`- e Jesús nilisiir` jaang` dsea` nazareno.

3

Mi~ canaang` Juan i seáng` dsea` jmii` e guiar` júu` quiá~ Fidié`

(Mr. 1:1-8; Lc. 3:1-9, 15-17; Jn. 1:19-28)

¹ Jo mi~ cangígui jmiguiá` jii` lajo, jo ie` jo cangí jaang` dsea` i sií` Juan i seáng` dsea` jmii` fí` ni` guóo`- uó` quiú` fí` lí` se` Judea, ² jo guiar` júu` jo fé`r` lala:

—Qui`- jíng`- yaang`-na` fí` quini` Fidié` uíi~ dsee` qui`na`, dsuco` nijaquiéem`-ba` e nicá` dsea` do nifí` quiá~- lajaang` lajaang` dsea` jmigüi`.

³ Jo malii~gui eáng` caliséng` jaang` dsea` i calisí` Saíi` i café` cuaiñ` quiá~ Fidié`, jo íb` i café` uii~ quiá~ i Juan do mi~ cajíñ`- lala:

Ngí` jaang` dsea` i fé` teá` fí` ni` guóo`- uó` quiú` jo fé`r` lala:

“Jmeáng`-na` guiá`- fí` jogui`-nea`-na` condseé`,
co` lana tí` lí` nijáab` Fíi`naa`.”

Jō jaléⁿ e na cajíng^l Saí[^] fí[~] ni[~] jí[~] quiá^l Fidié[~] do.

⁴ Jō sá[^] i Juan i seáang[^] dsea[^] jmí[~] do lí[~] cóo^l layaang[~] jñá[^] loo[~] jó[^] camello, joguí[~] ñáá[^] tu[^] r[^] cóo[^] ñáá[^] tu[^] e lí[~] cóo^l loo[~] jó[^], joguí[~] jmitaang[~] ñia[^] r[^] cóo^l sini[^] i cóong^l cóo^l guí[~] ta[^] e dsé[^] r[^] fí[~] jee[~] mó[^]. ⁵ Jō jaléng^l dsea[^] i seeng[^] fí[~] Jerusalén cóo^l guí[~] jaléng^l dsea[^] i seeng[^] fí[~] lí[~] se[^] Judea cóo^l guí[~] jaléng^l i neáang[^] quiá^l gua[^] Jordán dsilíiñ[~] e dsinúur[~] jalé[^] júu[^] e guíá[^] i Juan do. ⁶ Jō jaléng^l i dsea[^] do jmóor[^] júu[^] lajii[~] dsee[~] e nica[^] éer[^] quiá[^] r[^], jō lí[~] jō i Juan do seáaiñ[~] jmí[~] jaléng^l í[^] fí[~] é[^] gua[^] Jordán.

⁷ Jō mí[~] cangá[^] i Juan do e fíim[^] dsea[^] Israel i líng[^] dsea[^] fariseo cóo^l guí[~] dsea[^] Israel i líng[^] dsea[^] saduceo jalíiñ[~] e iñ[~] nisáaiñ[~] jmí[~], jōba[^] cajíiñ[~] casí[^] r[^] jaléng^l i dsea[^] do lala:

—Jóó[^] mí[~] guíng[~] 'nú[^]! ¿I[~] nicasí[^] 'nú[^] e nileáng[^] na[^] jee[~] iihu[^] e nijaquíeng[^] e nicu[^] Fidié[~]? ⁸ Jō ee[~] na[^] røø[^] fí[~] quini[~] dsea[^] jō jmiliing[~] yaang[~] na[^] e laco[^] nililí[^] jaléng^l dsea[^] rúng[^] na[^] e já[^] ba[^] e nicaquí[^] jím[^] yaang[~] na[^] fí[~] quini[~] Fidié[~]. ⁹ Jō ja[^] jmijløng[^] yaang[~] na[^] e fó[^] na[^]: “Jnea[^] lí[^] naa[^] dsea[^] siju[~] 'lí[~] yáá[^] Abraham”; co[^] jnea[^] jmitaa[^] óo[^] na[^] e Fidié[~] cuóom[^] lí[~] jmér[~] e cuu[~] néé[^] na[^] e ni[^] uíng[~] dsea[^] siju[~] 'lí[~] yáá[^] Abraham faco[^] iñ[~] lajō.

¹⁰ Jō cajíng^l guí[~] Juan casí[^] r[^] jaléng^l i dsea[^] do lala:

—Níneeb[^] guíá[^] ñiguí[~] quiá[^] Fidié[~] e níquiá[^] r[^] jalé[^] 'ma[^] catí[^] jmó[^] quiá[^]. Co[^] jalé[^] 'ma[^] ofí[^] e ja[^] cuó[^] ofí[^] e guíá[^] níhuí[^] b[^] jō nidsitóo[^] fí[~] ni[~] jí[~]. ¹¹ E já[^], jnea[^] seáan[^] 'nú[^] jmí[~] jí[~] cóo^l layaang[~] jmí[~] b[^] e laco[^] cuó[^] lí[~] e nicaquí[^] jím[^] yaang[~] na[^] fí[~] quini[~] Fidié[~]; dsu[^] i dsea[^] i nijáa[^] mí[~] ningúng[~] jnea[^] niseáiñ[~] 'nú[^] jmí[~] cóo^l Jmiguí[^] quiá[^] Fidié[~] joguí[~] cóo^l jí[~] cajo. Jō i dsea[^] í[^] dsíng[^] guí[~] gøiñ[^] laco[^] jnea[^] e jí[~] jnea[^] ja[^] catín[~] n co[^] sá[^] i capí[^] ñí[^] 'ñáá[^] lomí[~] r[^]. ¹² Jō quier[^] cóo[^] e jmáiñ[~] ta[^] quiá[^] e nisíñ[^] micuí[^] íee[^], jō nisér[~] ca[^] e quí[^] quiá[^] do. Jō dsu[^] e micuí[^] íee[^] do ní[^] meár[~] fí[~] dsí[^] sináá[^] joguí[~] e quí[^] do quiá[^] ní[~] jbre[^] fí[~] lí[~] coo[^] jí[~] e ja[^] tóo[^] jmí[~] yá[^].

Mí[~] cajgáang[~] Jesús jmí[~]

(Mr. 1:9-11; Lc. 3:21-22)

¹³ Jō mí[~] cangá[^] jō, cagüí[^] í[^] Jesús fí[~] lí[~] se[^] Galilea jō cangór[~] fí[~] lí[~] táang[^] i Juan do fí[~] gua[^] Jordán e laco[^] dsea[^] í[^] nisé[~] jmí[~] quiá[^] r[^]. ¹⁴ Dsu[^] i Juan do ja[^] lamí[~] iñ[~] e niseáiñ[~] dsea[^] do jmí[~], jō lalab cajíiñ[~] casí[^] reiñ[^]:

—'Nub[^] dsea[^] catín[~] e niseáan[~] jnea[^] jmí[~]; jō ¿jialí[^] ñí[^] e iin[~] e jnea[^] niseáan[~] 'nú[^] jmí[~]?

¹⁵ Jōba[^] cañí[^] Jesús jō casí[^] reiñ[^]:

—Lí[^] jmee[~] laco[^] e fí[~] i 'nú[^] lana; co[^] la guím[^] 'né[~] jmití[^] ií[^] jalé[^] ta[^] quiá[^] Fidié[~] e 'né[~] jmó[^] oo[^].

Jōba[^] ca[^] íb[~] dsí[^] i Juan do e niseáiñ[~] dsea[^] do jmí[~]. ¹⁶ Jō dsifí[^] mí[~] cajgáang[~] Jesús jmí[~], jō cagüí[^] í[^] bre[^] fí[~] dsí[^] jmí[~]. Jō ladsifí[^] lanab cana[^] fí[~] yá[^] jmigüí[^], jō cangá[^] Jesús e cajgó[^] Jmiguí[^] quiá[^] Fidié[~] fí[~] yá[^] moguir[~] e líng[~] jaang[^] mee[~].

¹⁷ Jō guicaná[^] cóo[^] luu[~] e jáa[^] fí[~] yá[^] jmigüí[^] jō guicajíng[^] lala:

—I nab Jóo[^] i 'neáan[^] eáang[^], jō dsíng[^] íáang[^] dsii[~] cóo[^] r[^].

4

Mí[~] cajméé[^] fí[~] i 'líng[^] quijí[~] jial ní[^] é[^] Jesús dsee[~]

(Mr. 1:12-13; Lc. 4:1-13)

¹ Jō mí[~] cangá[^] e cajgó[^] Jmiguí[^] quiá[^] Fidié[~] fí[~] yá[^] moguí[~] Jesús, jō e Jmiguí[^] do cangojéeng[^] dsea[^] do fí[~] cóo[^] guóo[^] uó[^] quiú[^] e laco[^] fí[~] i 'líng[^] ní[~] jmér[~] quijí[~] jial e ní[^] é[^] dsea[^] do dsee[~].

² Jō fí[~] jōb cateáang[^] Jesús lajee[~] tuló[~] jmí[~] joguí[~] tuló[~] uóø[^] jō ja[^] e cagó[^] r[^] jí[~] cóo[^] lajee[~] jō. Jō mí[~] cangá[^] guí[~] lajōba[^] cadseá[^] jmí[~] aaiñ[~]. ³ Jō lajee[~] jōb

cangoquiéeng' i fii' i 'ling'^ do fi' li' sing' Jesús e jmóor` quiijí` jial ni'é` dsea` do dsee` , joba' casí'r` dsea` do lala jo cajíñ'`:

—Song já' e 'nua' lin' i Jóo' Fidiéé` camíng'` do, quiá'` ta` e ni'uíng` iñí'^ e cuu` e néé` na.

⁴ Jo dsu' dsifí' lajob cañí' Jesús quiá'` i fii' i 'ling'^ do jo cajíñ'`:

—Dsu' lalab fé' fi' ni` jì quiá'` Fidiéé` : “Ja` niliseeng` jaléng` dsea` jmigüü` juguiá` e lico' ni'í'` nidó'r` jalé' e sea` fi' jmigüü`, co' 'né` e nijmitir` jalé' ta` quiá'` fi' ni` jì quiá'` Fidiéé` , jo lajoguiba' niliseeiñ` juguiá` .”

⁵ Jo mi` cangí' jo, i fii' i 'ling'^ do cangojéeiñ` Jesús fi' fi' güeang'^ quiá'` dsea` góor` dsea` Israel e sii` Jerusalén, jo caseáaiñ` dsea` do cartí' yá'^ guá'` fé' e si' fi' jo. ⁶ Jo lajee` niteáaiñ` fi' jo, lalab casí'r` Jesús jo cajíñ'`:

—Song já' e lin' i Jóo' Fidiéé` camíng'` do, bíng' uó' cartí' uii` quiá'` e guá'` la; dsuco' fi' ni` jì quiá'` Fidiéé` fé' lala:

Fidiéé` niquiá'r` ta` jaléng` ángeles i líng' guotíir` e nijmér` í' 'nua', jo nisáaiñ` 'nua' cóo'` guoor` lajee` guiáang'` guo' guiá'^ güí e laco' ja` nititaan'` cartí' ni` uó'`.

⁷ Joba' cañí' Jesús jo casí'` reiñ':

—Dsu' lala fé' gui' fi' ni` jì quiá'` Fidiéé` cajo: “Ja` jmoo'` jial ni'é` Fíi' Fidiéé` dsee` .”

⁸ Jo mi` cangí' e jo, i fii' i 'ling'^ do cangojéeiñ` Jesús fi' coo'` yá'^ mó' e ñíí' eáang', jo ca'e'r` dsea` do jalé' fi' e sea` fi' jmigüü` jogui jial niing` lacoo' lacoo';

⁹ jo i fii' i 'ling'^ do casí'r` Jesús jo cajíñ'`:

—Jnea` nicuóó'` 'nua' lajalé' e móo'` na song nisi'^ uó'` jní'^ fi' quinií` jogui nijmifén'` jnea`.

¹⁰ Joba' cañí' Jesús jo casí'` reiñ':

—Güihuíng` cáan'n, Satanás, dsuco' fi' ni` jì quiá'` Fidiéé` fé' gui: “Jíi'` Fidiéé` dsea` guing` ñifí'` bing'` nijmifén', jo jíi'` ta` quiá'` í'bre e nijmití'` cajo.”

¹¹ Jo dsifí' lajob cajmi'náng` 'ñia' i fii' i 'ling'^ do fi' li' sing' Jesús, jo lí' jo caguilíng` tú'` 'ní' míng'` ángeles fi' li' sing' Jesús e cangoto'` fíiñ` dsea` do.

Mi` canaang` Jesús jmóor` ta` quiá'r` fi' li' se' Galilea

(Mr. 1:14-15; Lc. 4:14-15)

¹² Jo mi` cangí' jo, jo caliñí' Jesús e 'nua'í'` ni'iuung` Juan i seáang` dsea` jmüi, joba' caquim'` tur fi' li' se' Galilea. ¹³ Dsu' ja` cajer' fi' Nazaret, co' dob cangogüear' fi' Capernaum fi' 'ni'` guiéé' Galilea, fi' li' se' li' neáang` dsea` Israel i líng' dsea` siju` Zabulón cóo'` gui Neftalí. ¹⁴ Jo cangojéé' jalé' e jo e laco' caliti` lajii'` júu` quiá'` Fidiéé` e cajme' Saíí', jaang` i café' cuaiñ` quiá'` Fidiéé` malíi` gui eáang` mi` cajíñ'` lala:

¹⁵ E guóo'` uó'` quiá'` dsea` siju` Zabulón cóo'` gui Neftalí

néé' cáang` gua` Jordán fi' 'ni'` guiéé' Galilea

fi' dsíí' li' se' Galilea cajo.

Jo fi' job li' seeng` dsea` i ja` cúing` Fidiéé`.

¹⁶ Jo lafa' i seeng` fi' li' nua` só'` líng' jaléng' i dsea` í',

dsu' cangár` coo'` jì e jlo'^ niing` 'gong'.

Jo jaléng' i dsea` í' líiñ' lafa' sijúuiñ` uii'` dsee` quiá'r`,

dsu' nicajneá` e jì do jee` ír`.

¹⁷ Jo lajee` e niguiing` Jesús fi' Capernaumba' canaaiñ` guiar' júu` quiá'r` jo fé'r`:

—Qui'` jíng'` yaang` na' fi' quini` Fidiéé` uii'` dsee` quií'` na', dsuco'` nijaquiéem'ba' e nicá' dsea` do nífi' quiá'` lajaang` lajaang` dsea` jmigüü`.

Mi` cató'` Jesús quiúung` dsea` i jmóo'` ta` sáng'` 'ñua`

(Mr. 1:16-20; Lc. 5:1-11)

18 Jo mi~ cangá jo, lajee e ngóó Jesús ngir' fí 'ni' guiée Galilea, cangáin~ gáng dsea i la'ó' rúng', jaang i sii Simón jo sii'bir Tú^ cajo, jo jaang'gui i sii' Dí'. Jo laji huáaiñ' do taaiñ ta feá 'máa' fí dsí' jmá quía' e saíñ' 'ñu'. 19 Jo Jesús casí' reiñ' jo cajíñ':

—'Nú' ñilíng na' cóo' jnea~, jo jnea~ nicuóøø 'nú' ta~ e guiá na' júu^ quía' Fidiée' fí jee~ dsea jmi'güi, jo líb'jiu e ta~ jo la lí' ta~ sáang' 'ñu'.

20 Joba' i dsea do dsifí ladob catár' 'máa' quía'r~ jo cangolím bre cóo' Jesús.

21 Jo tí' dobijiá ningoó Jesús cóo' i dsea do mi~ cangáin~ jiéng'gui gáng dsea i la'ó' rúm' cajo, jo jaaiñ' do siir' Tiáa~ jo jaang'gui i sii' Juan. Jo laji huáaiñ' do líiñ' jóo' jaang dseañu' i sii' Zebedeo. Jo teáaiñ' fí cóo' dsí' móo' colíng~ cóo' tiquía'r^ e jmó'r' jalé' 'máa' quía' e saíñ' 'ñu'. Jo Jesús cató' reiñ' do, 22 jo dsifí lajob ca'uøøiñ' do e fí dsí' móo' lí' teáaiñ' do jo cangolím bre cóo' Jesús, jo dob caseáaiñ' i tiquía'r^ do.

Mi~ ca'e' Jesús fíng' dsea jalé' júu^ quía' Fidiée'

(Lc. 6:17-19)

23 Jo mi~ cangá jo, cangá Jesús fí la'úng~ fí lí' se' Galilea e e'r' jaléng' dsea Israel júu^ quía' Fidiée' fí dsí' guá' quía'r~ e téé~ lacoo' fí. Jo guiar' júu^ quía' Fidiée' e nijaquíem'ba' e nicá dsea do nifí quía' lajaang' lajaang' dsea jmi'güi. Jogui jmi'leám bir jaléng' dsea i líng' lí' doñí ee' jmohuí' osi lí' doñí' jié' lí' cu' quíaíñ' é. 24 Jo eám' nini' júu^ quía' Jesús quía' jalé' e guiá e jmóor' do fí la'úng~ fí lí' se' Siria. Jo jaléng' dsea i seeng' fí jo dsilíñ' fí lí' táang' Jesús e dsijeeiñ' jaléng' dsea dsée' quía'r~ lí' doñí ee' jmohuí' líiñ'; jo quíéng' i jée' i 'líng' quía' cóo' gui jaléng' i joñíng' jogui jaléng' i caang' guotíi jogui jaléng' i ja lí' ngí, lí' lajaléng' i na dseáng' jmi'leám Jesús.

25 Jo eám' fíng' jaléng' dsea i nangi cóo' Jesús; jo jaléng' i dsea í seeiñ' do i seeng' fí lí' se' Galilea jogui seem'bi i jalíng~ fí jalé' fí e téé' fí lí' se' Decápolis jogui seem'bi i jalíng~ fí Jerusalén jogui seem'bi cajo jaléng' dsea i jalíng~ fí lí' se' Judea cóo' gui jaléng' dsea i jalíng~ lí' lí' 'ngóo' lacoo' iu' gua Jordán.

5

Jalé' júu^ e ca'e' Jesús dsea quía'r~ fí cóo' yá' mó'

(Lc. 6:20-23)

1 Jo mi~ cangá Jesús e fíng' dsea ngolíng~ caluur' laco' ngóor', joba' cajgóor~ fí cóo' yá' mó' jo fí job caguár'. Jo jaléng' i dsea quía'r~ do cangoquíeeiñ' fí lí' guíng~ dsea do, 2 jo Jesús canaaíñ' e' reiñ' do jo cajíñ':

3 —Juguiá' jiu quía' jaléng' dsea i ní' e 'neaiñ' Fidiée', có' dsea íb' dsea i quíe' nifí quía'r~.

4 'Juguiá' jiu quía' jaléng' dsea i dsíng' líjiuung~ dsí', có' Fidiée' ni jmi'iaaiñ' dsí' jaléng' i dsea í.

5 'Juguiá' jiu quía' jaléng' dsea i 'neáng' Fidiée', có' niñir' e jíi' cóo' ja' e quí'r~ jmí' jmér' yaaiñ'; jo Fidiée'bing' i nicuó' jaléng' i dsea í jalé' e catíiñ' lí' laco' jíi' júu^ e nicacuø' reiñ' lamí' jééng'gui.

6 'Juguiá' jiu quía' jaléng' dsea i dsíng' iing~ jmé' jalé' e iing~ Fidiée', có' dsea íbing' i nijmicóo' quía'r~ e nilí' bre jmér' jalé' e jo.

7 'Juguiá' jiu quía' jaléng' dsea i fí líng' jaléng' dsea rúng', có' Fidiée' nilí' fí líiñ' jaléng' i dsea í.

8 'Juguiá' jiu quía' jaléng' dsea i guíng~ dsí' e jmóor' jmang' jalé' e guiá, có' jaléng' dsea íbing' i niníng~ Fidiée'.

9 'Juguiá' jiu quía' jaléng' dsea i jmóo' quijí' jial niliseeng' dsea juguiá' cóo' dsea rúíñ', có' Fidiée'bing' níjng' e dsea íbing' líng' jóor'.

10 'Juguiá-jii quiá'- jaléng' dsea`i dsing'ing- e jmó'- dsea`ga` quiá'r- uí'~ e jmóor` jalé' e iing` Fidiéé', co' i dsea`i dsing'ing- jalé' e jo, Fidiéé`bing' i quie' nifí' quiá'r-.

11 'Juguiá-jii quií' 'nú' mi~ fé' dsea`ga` uii~ quií'-na' jogui jmaíñ' 'nú' jogui sí'r' 'nú' jalé' júu^ e o' já'- uí'~ e líng'na' dsea` quié'-e. 12 Jmi'iaang` óo'na' jogui güiliseeng'na' juguiá-, co' dsing'- niguó'^ e ni'ling'na' quiá'- Fidiéé' e si'má'r^ quií'-na' fí' ñiff'. Dsüco' jaléng' dsea`i café' cuaiñ~ quiá'- Fidiéé' malíi~ gui eáang', lajob cajmeáng' dsea` ír` cajo.

'Nú' líng'na' laco' la lí' ñi~ cóo'gui la lí' jì' fí' jee~ jaléng' dsea`jmigüí'
(Mr. 9:50; Lc. 14:34-35)

13 Jo casí'-gui Jesús i dsea` quiá'r- do lala:

—'Nú' líng'na' la lí' ñi~ jee~ jaléng' dsea`jmigüí', dsu' fíng cajéng' e ñi~ e ñi~ do, joba' jo' quí'- jmi~ jóng fa' e niliñi~tu calé' catú'. Jo co' jo' e ta' líng^ jii~ coo' e ñi~ do, joba' nibib~ fí' guiá' fí' jóng, jo jaléng' dsea`i ngí' fí' jo niso'óm'bre.

14 'Jogui 'nú' líng'na' la lí' coo' jì' jee~ jaléng' dsea`jmigüí'. Cofa' coo' fii' e néé' fí' coo' yú'^ mó' ja' quí'~ jmi~ fa' e ni'méng- 'ña' e ja' cuóong' lí' joo'- dsea`. 15 'Jogui cajo ja' 'gui' dsea` coo' candii^ jo nisí'r' fí' coo' lí' cóong', co' 'né' nisí' dsea` coo' lí' ñi'ba' do, jo lajoba' cuo' jì' e jné' dsea`i neáang' fí' dsí' sinúu^. 16 Jo lajob 'nú' cajo, dsea` nilíng'na' lafa' jì' fí' quini~ jaléng' dsea` jmigüí', jmi'úung'na' e nijmee- na' jalé' e guiá' fí' jee~ jaléng' dsea` rúng'na', co' mi~ niní' dsea` e jmoo'na' jalé' e jo, joba' lajii~bre nijmiféiñ' Tiquí'ii' dsea` guing~ ñiff' jóng.

Mi~ ca'e' Jesús cuaiñ~ quiá'- júu^ quiu' ta~ quiá'- Fidiéé' e cajme' Moi'

17 Jo lí' jo, lalab casí'-gui Jesús i dsea` quiá'r- do jo cajíñ'-:

—Ja' í' óo' 'nú' e cagá'-a fí' jmigüí' la e caga'ín'n jalé' júu^ quiu' ta~ quiá'- Fidiéé' e cajme' Moi~, o'gui e caga'ín'n jalé' júu^ e ca'e' jaléng' i dsea`i café' cuaiñ~ quiá'- Fidiéé' malíi~gui eáang'. Co' ja' cagá'-a fa' e caga'ín'n jalé' e jo, co' jnea~ cagá'-a fí' jmigüí' la e lí' laco' niliti~ jalé' e júu^ job. 18 Jo jmitaa^ óo'na' e lajee' róo'bi guóo'~ uo' jmigüí', ja' quí'- jmi~ fa' e nijé'- jii~ camí'^ e júu^ quiu' ta~ do cartí' mi~ nidsijéé' jalé' e nisí'í' e nidsijéé' do. 19 Joba' i dsea`i ja' jmóo' núu~ fa' camí'b^ júu^ quiu' ta~ quiá'- Fidiéé' e cajme' Moi~, doñí' fa' ja' 'ga' lí' niing- e júu^ camí'^ do, o'gui e'r' dsea` rúñ' jial e nijméiñ'- do núu'r~ e júu^ jo, joba' i dsea` í' ni'uíñ- jaang' i ja' niing- jii~ capí' fí' quini~ Fidiéé' mi~ tí' lí' nicá' dsea` do nifí' quiá'- lajaang' lajaang' dsea` jmigüí'. Dsu' jaléng'gui dsea`i núu~ jalé' e júu^ quiu' ta~ do jogui e'r' jaléng' dsea` rúñ' e nijméiñ'- do lajo, joba' i dsea` í' ni'uíñ- dsea`i niim- fí' quini~ Fidiéé' mi~ tí' lí' nití' í' e dsea` do nicár` nifí' quiá'- lajaang' lajaang' dsea` jmigüí'. 20 Joba' fii'-i 'nú' e song ja' nijmi'úung'na' e nijmee- na' núu'na' jalé' júu^ quiá'- Fidiéé' røø'gui laco'gui i tifa' quiá'- júu^ quiu' ta~ quiá'- dsea` góo'naa' dsea` Israel jo cóo'gui jaléng' dsea` góo'naa' i líng' dsea` fariseo, joba' ja' quí'- jmi~ jóng fa' e Fidiéé' nicár` nifí' quií'-na' mi~ tí' lí' nití' e í' jo.

Mi~ ca'e' Jesús jial lí' mi~ guíng- dsea'
(Lc. 12:57-59)

21 Jo mi~ cangí' jo, Jesús ca'er' e júu^ la jo cajíñ'-:

—Jo 'nú', nicanúu~ba' lajii~ júu^ e ca'íng' dsea` áang' quií'-naa', jo e lab e jo: "Ja' jngán' dsea` rún', dsüco' ii' i jmóo' lajo, joba' fí' quini~ dseatab~ catíng- dsér- e nitidsí' í' quiá'r- laco' catíng-." 22 Dsu' jnea~gui fii'-i 'nú' e doñí' ii' dsea` i liguíng- quiá'- jaang'gui dsea` rúng', joba' fí' quini~ dseatab~ catíng- dsé- i dsea` í' e laco' nitidsí' í' quiá'r-. Jo ii' dsea` i jmineang'^ jaang' dsea` rúng', joba' i dsea` í', dsea` cóong' i quiu' ta~ quiá'- dsea` Israel catíng- niquidsí' í' quiá'r-.

Jogui iì dsea` i cuóøng` júu` 'li` jaang`gui dsea` rúng`, joba' fí lí` 'lib` catíng` i dsea` í fí lí` coo` jì e ja` tóo` jmi` yu`.

²³Jò mi` güilíng`na' fí guá` e líng` ee` güicuóø`na' Fidiée` fí nife`, jò lajee` jò niguiéng` óo`na' e seeng` jaang` dsea` i jmoo`na' mhi` cóo`, ²⁴joba' dob`né` sée`na' e quié`na' do, jò nigüilíng`na' e nijmití` óo`na' la'uii` cóo` i dsea` rúng`na' i jmoo`na' mhi` cóo` do. Jò mi` ningf, joguiba' nicuóøng` e güicá`na' fí nife` jalé` e quié`na' do jóng.

²⁵Jò song`iì dsea` 'náng` 'nú` lajii` dsee` e nica`ee`na', jogui`iñ` e nidsijeeiñ` 'nú` fí quini` dseata~, joba' guiá`-gui` jmi`úung`na' jóng e nisíng`na' røø` cóo` i dsea` do la'uii~, nú`-gui e nijáiñ` 'nú` fí jaguó` dseata~; dsuco` song` ja` nijmee`na' lajò, joba' i dseata` do nijáiñ` 'nú` fí quini` jaléng` h` quiá'r` jò 'nuñib` nitáiñ` 'nú` jóng. ²⁶Jò jmitaa` óo`na' e ja` ni`uóng`na' e fí dsí` 'nuñi` do cartí` niquá`na' jalé` cuu` e nimf` i dseata` do 'nú`.

Mi` ca'e` Jesús e ja` dseeng` e güüing` dsea` cóo` dsea` i o' quiá'r`

²⁷Jò mi` cangf` jò, ca'e`gui` Jesús e júu` la jò cajíñ`:

—Nicanáub` 'nú` e júu` la mali`gui` eáang`: “Ja` 'lee` e nigüín` cóo` dseañu` osi dseamf` i o' quiá'r`.” ²⁸Dsu` jnea` fii` i 'nú` e doñi` iì i suung` jaang` dseamf` jò í dsí` e iñ` güiñ` cóo`iñ` do, joba' lí` lafa` nicajmee`bre e jò mi` ca`f` dsí` lajò cóo` i dseamf` do, jò dseeb` nica`éer` fí quini` Fidiée` jóng.

²⁹Jò lajòb` lí`, song` jminí`na' dsée` jmoo` e niténg`na' fí ni` dsee`, joba' guiá`-gui` e gui`ba' jò nigüibí`na' fí lí` huí` laco` seeng`na' yaang`na'; dsuco` guiá`-gui` qui`na' e ni`íng` capí` ngúu` táang`na' e laco`gui` e nibíng`na' latøøng`na' fí lí` 'li`. ³⁰Jogui` song` guóo`na' dsée` jmoo` e niténg`na' fí ni` dsee`, joba' guiá`-gui` qui`na' e quiá`ba' jò nigüibí`na' huí` laco` seeng`na' yaang`na'; dsuco` guiá`-gui` e ni`íng` jii` guóo`na' e laco`gui` e nibíng`na' latøøng`na' fí lí` 'li`.

Mi` ca'e` Jesús quiá`- mi` tiúung` dsea` rúíñ`

(Mt. 19:9; Mr. 10:11-12; Lc. 16:18)

³¹Jò mi` calí` jò, cajíng`-gui` Jesús e júu` la:

—Lalab` júu` sea` mali`gui`: “Doñi` iì dseañu` i tiúung` dseamf` quiá`, joba' 'né` cuó`-bre i dseamf` do cóo` majf` lí` fé` quiá` e nicatiúung` rúíñ`.” ³²Dsu` jnea`-gui` fii` i 'nú` e song` jaang` dseañu` tiúuiñ` dseamf` quiá'r` e ja` mí` ca`léé` i dseamf` quiá'r` do e güiñ` cóo` dseañu` jiéng`, joba' i dseañu` do jmoo` e dseáang` e ni`léb` i dseamf` do cóo` dseañu` jiéng`, jò lajòba' ni`éiñ` do dsee` fí quini` Fidiée`; jò i dseañu` i nicúng` guó` cóo` jaang` dseamf` i nicatiúung` rúng`, joba' dseeb` éer` cajò.

Mi` ca'e` Jesús quiá`- mi` éeng` dsea` fi`

³³Jò mi` cangf` jò, cajíng`-gui` Jesús e júu` la:

—'Nú` nicanáub`-ba' lajii` júu` e fé` dsea` áang` qui`naa', jò e lab` e júu` jò: “Ja` se` jii` cóo` fa' e ja` nijmee` e nicafee` e nica`een`-fi`.” ³⁴Dsu` jnea` fii` i 'nú`: Ja` éeng`na' fii` quiá`- lí` doñi` ee`: ja` éeng`na' ñifí, dsuco` fí jòb` lí` lí` ée` quiá`- Fidiée`; ³⁵o`gui` éeng`na' guóo` uó, dsuco` jòb` lí` jmi`íng` tii` Fidiée`; o`gui` éeng`na' fii` Jerusalén, dsuco` jòb` lí` lí` fii` güeang` quiá`- Fidiée` i quiá` ta` fí la`úng` fí jmi`güi. ³⁶Jogui` ja` éeng` 'nú` moguí`na', dsuco` ja` lí`na' jmisíng`na' i jii` camí` jñu` guí`na' e tee` osi e uí`-é. ³⁷Jò song` fo`na' e nijmee`na', joba' jmee`na' jóng; jò song` fo`na' e ja` jmee`na', joba' ja` jmoo`na' jóng; dsuco` song` jmoo`na' e jié`gui, joba' nijmoo`na' núu`na' júu` quiá`- i 'lim` jóng.

Mi` ca'e` Jesús quiá`- e ja` 'né` cóo` dsea` quiá'r`

(Lc. 6:29-30)

³⁸ Jo mi~ cangî jo, ca'e'gui Jesús e júu^ la:

—Nicanáub~ 'nú' e júu^ la maliĩ~gui eáang': "Song jaang` dsea` ca'liĩ~ cõõ` jminí^, joba' lajob` 'né~ jme'^ cõõ` i dsea` í; õsi jaang` dsea` cafiĩ~ camí^ majá^, joba' lajob` 'né~ jme'^ cõõ` i dsea` í cajo." ³⁹ Dsu' jnea~ fĩ~i 'nú': Ja` cõõ~na' quí~na' mi~ iĩ` jmáng` 'nú' ga; dsu' fĩng song iĩ` caquiũũ` cataang` moní^na', joba' cuõõ~na'r e cataang`gui do gũiquiũũ` cajo. ⁴⁰ Jogui song iĩ` iing~ ni'náng~ 'nú' fĩ` quini~ dseata~, jogui iĩ~ niguír~ 'mi'quí~na', joba' cuõõ~na'r jóng la quie'gui 'mi'guiée~ quí~na' gũiquiẽẽr` cajo. ⁴¹ Jo song iĩ` quia' 'nú' ta~ e nigüicá^na' cõõ` lee~ e ngi'na' cõõ` kilómetro, joba' güicá~na' jóng tú~ kilómetro. ⁴² Jo fĩng mi' dsea` 'nú' lí^ doñí ee~, joba' cuõõ~na'r jóng; jogui song iĩ` mi' 'nú' e liing~ ee` nijmi'õõng`na're cateá~, joba' jmi'õõng`na'r jóng.

'Né~ jmi'neáang`naa' jaléng` i 'ní' níng~ jneaa~aa'
(Lc. 6:27-28, 32-36)

⁴³ Jo mi~ cangî jo, ca'e'gui Jesús e júu^ la jo cajíĩ~:

—Nicanáub~ 'nú' cajo e júu^ la maliĩ~gui eáang': "Jmi'neáang` jaléng` dsea` i seeng` rõõ` cõõ` jo jmee~ e 'ní' man' jaléng` i 'ní' níng~ 'nu.'" ⁴⁴ Dsu' jnea~gui fĩ~i 'nú': Jmi'neáang`na' jaléng` i 'ní' níng~ 'nú' jogui féeng~na' Fidiée~ uii~ quía~ jaléng` dsea` i jmáng` 'nú' ga, ⁴⁵ jo lajoba' ni'uíng~na' jóõ` Tiquí^na' Fidiée~ dsea` guing~ ñiff~. Dsũcõõ' dsea` do jmóõ`bre e guo' iee` lí~ seeng` jaléng` dsea` i jmóõ` jalé' e ga` jogui lí~ seeng` jaléng` dsea` i jmóõ` jalé' e guiá~ cajo; jogui sũm`bre jmi' cajo lí~ seeng` jaléng` dsea` i ée` e guiá~ cõõ`gui fĩ` lí~ seeng` jaléng` dsea` i ja` ée` e guiá~. ⁴⁶ Dsũcõõ' song 'nú' jmi'neáang`na' lajii~ dsea` i jmi'neáang` 'nú', joba' ja` ni'íng~na' jóng lajii~ e si'íng`na' quía~ Fidiée~; cõõ' lajob` cajo jmóõ` jaléng` nodsicuu~ quía~ Roma. ⁴⁷ Jogui song fõng`na' lajii~ dsea` rúng`na', ¿e~ e jié'gui jmoo`na' laco' doñí iĩ` dsea'? Cõõ' lajob` jmóõ` jaléng` dsea` i ja` cuíng` Fidiée~ cajo. ⁴⁸ Jo jmi'neáang`na' jaléng` dsea` dseáng~ laco' si'í^ lí^ laco'gui la jmóõ` Tiquí^na' dsea` guing~ ñiff~.

6

Mi~ ca'e' Jesús quía~ mi~ jaang` dsea` jmicõõ'r~ jaang`gui i 'né~ quía~ lajo

¹ Jo mi~ cangî jo, ca'e'gui Jesús e júu^ la jo cajíĩ~:

—Ja` jmoo`na' jalé' e guiá~ e quí~ tĩng`na' jmoo`na' e lí^ laco' nijõõ~ jaléng` dsea; cõõ' song jmoo`na' lajo, joba' Tiquí^na' Fidiée~ dsea` guing~ ñiff~ ja` nicuõõr~ 'nú' jalé' e niguo'^ e sea` quía~r~ fĩ` ñiff~ quía~r~.

² Joba' mi~ jmicõõ`na' jaléng` dsea` i 'né~ quía~ lajo, ja` jmoo`na' lí~ cuõõng` jõõ~ dsea` fĩng` lí^ laco'gui la líng` dsea` i jmicaang~ e jmóõr` jalé' e iing~ Fidiée~, dsu' õ' já' e jmóõr` lajo. Cõõ' jaléng` i dsea` í` jmicaaiĩ~ e jmicõõ'r` jaléng` dsea` i 'né~ quía~ lajo fĩ` dsíí` sinúu` guá~ cõõ`gui lacaang` jee~ 'núu' e lí^ laco' nifé' dsea` guiá~ uii~ quía~bre. Jo dsu' jnea~ jmitaa` óõ`na' e cõõ` jalé' e jmicaang~ i dsea` do, nicalí~bre lajii~ e 'nó'r` do, cõõ' jo` ee` ni'íng`guir jii~ cõõ` quía~ Fidiée~. ³ Jo dsu' mi~ jmicõõ` 'nú' jaléng` dsea` i 'né~ quía~ lajo, ja` 'né~ jmée~na' dsea` júu^ quía~ lajii~ e nijmee~na' do, doñí fa' jaang` dsea` i cuíng`na' eáang'; ⁴ jo jmee~na' e jo e ja` ní` dsea`. Jogui Tiquí^na' dsea` guing~ ñiff~ jõõ~bre lajii~ e jmoo`na' do, jo lajoba' nicuõõr~ 'nú' lajii~ e si'má'r^ quí~na' fĩ` ñiff~ quía~r~.

Mi~ ca'e' Jesús jial féeng~naa' Fidiée~
(Lc. 11:2-4)

⁵ Jo mi~ cangî jo, ca'e'gui Jesús e júu^ la jo cajíĩ~:

—Jo mĩ siing̃ 'nú' cóo' Fidié̃, ja' jmoo'na' laco'gui la jmoo' i dsea' i jmicaang̃. Co' i dsea' í tí dsír' síng' yaaiñ̃ e s̃iñ̃ cóo' Fidié̃ fí dsí' sinúu' guá' jogui lacaang' lí seáng' dsea' fíng' i jòøng̃ ír' cóo' jalé' e jmóor' do. Jo dsu' jnea' jmitaa' óo'na' e cóo' jalé' e jmicaang̃ i dsea' do nicalí' bre lajii' e 'nó'r' do, joba' jo ee' ní'ng' guir jii' coo' quía' Fidié̃. ⁶ Dsu' 'nú'gui, mĩ siing̃ na' cóo' Fidié̃, güitáng' na' fí dsí' sinúu' quí' na' jo jniing̃ yaang̃ na' 'nú' jo siing̃ na' cóo' Tiquí' na' dsea' guing̃ ñifí' i seeng' cóo' 'nú' fí jo. Jo co' Tiquí' na' dsea' guing̃ ñifí' jòø' bre jalé' e jmoo'na' do, joba' nicuó' bre 'nú' lajii' e si'má'r' quí' na' fí ñifí' quía'r'.

⁷ Jogui mĩ siing̃ na' cóo' Fidié̃, ja' fó' na' jmigui' ya' jalé' júu' e ja' uing̃ sea' lí' laco'gui la jmoo' dsea' i ja' cuíng' Fidié̃; co' jaléng' i dsea' í í dsír' e song jmigui' gui nifé'r', joba' já' gui ninú' dié̃ quía'r' jalé' júu' quía'r'. ⁸ Jo jie' mí jmeáng' yaang̃ 'nú' lajo lí' laco'gui la jmoo' i dsea' í, co' Tiquí' na' Fidié̃ jéem' niñir' jalé' e 'né' quí' na' 'nú' gui e nimí' na're. ⁹ Joba' lalab 'né' siing̃ na' cóo' Fidié̃:

Tiquí'ii', dsea' guin' ñifí',
güijmifém' jaléng' dsea' jmigüi' 'nú',
co' 'nub' dsea' fén' fí la'úng' fí jmigüi'.

¹⁰ Jogui güijáng' yaang̃ dsea' fí quini' e laco' nicá' nifí' quía'r' lajaang' lajaañ'.

Jogui güijmitib' jaléng' dsea' jmigüi' jalé' e iing' 'nú' fí jmigüi' la, lí' laco'gui líti' fí ñifí' quí'.

¹¹ Jogui cuóø' jnea' jalé' e 'né' niquiee'naa' e jmí' lana.

¹² Jogui íng' dsee' uii' quí' naa' quía' jalé' e ja' dseeng' e nicajmó'naa', lí' laco'gui jnea' íng' naa' dsee' quía' jaléng' dsea' rú' naa' dsea' jmigüi' mĩ ee'go nica'léer' quí' naa'.

¹³ Jogui jmee' í' jnea' lacaang' lí' ngí' naa' e laco' ja' nijjá' naa' fí ni' dsee',

jogui jmee' í' jnea' cajo e laco' ja' nijmeáng' jaléng' i 'líng' jnea'.

Co' 'nub' i quí' ta' røø' fí la'úng' fí jmigüi' jogui i 'gøng' jogui i niing' eáang' cajo car' ngongí' jmí'.

Jo lajob nilí'.

Jo lanab ca'e' Jesús ie' jo jial féeng' naa' Fidié̃.

¹⁴ Jo mĩ calí' jo, cajíng' gui Jesús:

—Jo song 'nú' íng' na' dsee' quía' jaléng' dsea' rúng' na' mĩ ee'go 'léer' quí' na', joba' lajob Tiquí' na' dsea' guing̃ ñifí' cajo ní'ím' bre dsee' quí' na'. ¹⁵ Dsu' song 'nú'gui ja' íng' na' dsee' quía' jaléng' dsea' rúng' na' mĩ ee'go 'léer' quí' na', joba' lajob Tiquí' na' dsea' guing̃ ñifí' cajo ja' ní'íñ' dsee' quí' na'.

Mĩ ca'e' Jesús quía' mĩ jmoo' dsea' ayuno

¹⁶ Jo mĩ cangí' gui lajo, ca'e'gui Jesús e júu' la jo cajíñ':

—Jo mĩ jmoo' 'nú' ayuno, ja' jmeáng' yaang̃ na' e líng' na' fí' lí' laco'gui la jmoo' jaléng' dsea' i jmicaang̃ e jmóor' jalé' e iing̃ Fidié̃, dsu' o' já' e jmóor' lajo; co' jmoo' jaléng' i dsea' í lajo e lí' laco' nijøø' dsea' quía'r' e jmóor' ayuno. Jo dsu' jnea' jmitaa' óo'na' e cóo' jalé' e jmicaang̃ i dsea' do, nicalí' bre lajii' e 'nó'r' do, jo jo ee' ní'ng' guir jii' coo' quía' Fidié̃.

¹⁷ Jo dsu' 'nú'gui, mĩ jmoo'na' ayuno, rúu' na' ní' na' jogui jmeáng' na' guí' yaang̃ na', ¹⁸ jo lajoba' ja' nililí' dsea' e jmoo'na' ayuno. Jo jii' Tiquí' na' Fidié̃ i seeng' cóo' 'nú', jii' í'bing' i nililí' e jo, jo dsea' íb' i nicuó' 'nú' lajii' e si'má'r' quí' na' fí ñifí' quía'r'.

*Jalé' e jlo' e sea` quía' Fidié' fí ñifí`
(Lc. 12:33-34)*

¹⁹ Jo mi~ cangî jo, ca'e'gui Jesús e júu^ la jo cajíñ'~:

—Ja`jmoo`na' e silí'na' eáang' cuu~ fí jmigüí' la, dsuco' fí jmigüí' la íim~ jalé' e óo`dsea` jogui seeng` cajo jaléng' guisí i 'léé', jogui seem` ñi` cajo i dsitáaiñ' i 'léé' fí dsí' sinúu^ quía' dsea`. ²⁰ Jo guiá`guib e nijmee`na' e nilísea` quí`na' fí ñifí` jalé' e jlo', co' fí job lí` ja` seeng` jaléng' guisí i 'léé', o'gui dsitáang' jaléng' ñi` i 'léé' cajo. ²¹ Co' lí` sea` jalé' e lí` óo`na' do, e jobi eáang' guíng~ óo`na' jóng.

*Mi~ ca'e' Jesús quía' coo` jî` cóo` e cuø' e jné' dsea`
(Lc. 11:34-36)*

²² Jo mi~ cangî jo, ca'e'gui Jesús e júu^ la jo cajíñ'~:

—Jalé' jmini` dsea` lí' la lí' coo` jî` cóo` e cuø' e jné'r' lacaang` fí lí` ngír'; joba' song jlo' jminí'na', joba' guiáb` jné'na' lacaang` fí lí` ngí'na' jóng; ²³ jo dsu' song ja` dseeng` jminí'na', joba' ja` jné'na' jóng lacaang` fí lí` ngí'na'. Jo song lajee` e jneá` røø` jminí'na' ni'uíng~ e ja` jné'na' jíi` capí', jo song lajob lí', joba' dseáng'` nuu`guib ni'uíng~ jminí'na' jóng.

*Ja` cuøng` e guíng~ dsí' dsea` Fidié' mi~ eáang'gui guíng~ dsír' cuu`
(Lc. 16:13)*

²⁴ Jo mi~ cangî jo, ca'e'gui Jesús e júu^ la jo cajíñ'~:

—Jíi` jaang` dsea` quí'r~ jmi~ fa' e nijmér` ta` fí quini` gáng` fir~ colíng~, dsuco' song cajméer` lajo, joba' nilí` 'ní' níim`bre jaang` jogui nijmiti`bre ta` e niquíá' i jaang'gui do. Jo co' lajob lí', joba' ja` quí'r~ jmi~ fa' e 'nú' nijmití'na' colíng~ jalé' ta` quíu' Fidié' jogui nijmití'na' cajo jalé' ta` seáng' jmiguiú' cuu`.

*To' fîm` Fidié' jaléng' dsea` quía'r`
(Lc. 12:22-31)*

²⁵ Jo uí' joba' fîi` i 'nú' e ja` jmee`na' fí'í` uii~ quía' jalé' e u' cø'na' e laco' cuø' e seeng`na', o'gui quía' jalé' sí'na' cajo. Co' eáang'gui laniing~ e seeng` dsea` laco'gui jalé' e gø'r` do, jogui eáang'gui laniing~ ngúu` táaiñ` cajo laco'gui jalé' sí'r` e quí'r`. ²⁶ Quié'na' cuente quía' fíng` tá' i ngí' fí' guíá' güí; ja` e jní're' o'gui e sitíng`ne' o'gui 'mea're' jalé' e nidó're' fí' dsí' sinúu^ quíaa`re'. Dsu' Tiquí' 'nú' dsea` guíng~ ñifí` hém'breíñ' do. Jogui 'nú', jeáang'gui quíng`na' laco'gui e fíng` tá'! ²⁷ Jo lajob lí' cajo, doñí` ii` i jmoo` fí'í` quía' jalé' e jo, ja` quí'r~ jmi~ cajo fa' e nijmér` e seeíñ` huøø`gui laco'gui jíi` e sí'í` quía'r` fa' jialgui la lí' dsír'.

²⁸ Joba' ja` 'né` jmee`na' fí'í` quía' jalé' sí'na'. Co' quí'na' cuente jial cuaang` jalé' lí' e sea` fí' jee` mó'; ja` jmoo` ta` o'gui jmiíng~ sí' yaang`. ²⁹ Jo dsu' jnea`gui fîi` i 'nú' e jî'gui dseata` dsea` féng' Salomón do, dsea` i eáang` sea` cuu~, dseáng'` ja` caquím' 'ñia'r` 'mi' e niguó' lí' laco'gui la niguó' coo` lí'. ³⁰ Jo song Fidié' jmoo` e eáang` niguó' sí' jalé' lí' e sea` lacaang` fí' jee` mó', jo dsu' lajee` cateá'ba' e ee` e jlo' do, co' dsa'ó` iéé' fí' ní' jib` nidsitoo', jo dsu' jeáang'guib nijmé` Fidié' í' 'nú' laco'gui e lí' do, 'nú' dsea` i ja` 'ga' lí' já' líng` e tíng` Fidié' jmér` lí' doñí' ee'! ³¹ Joba' 'nú' ja` 'né` jmee`na' fí'í` e fo'na': “¿E~ niquíee`naa'? osi ¿E~ ní'né`naa'? osi fo'bhí' é ¿E~ 'mi' niquí'naa'?” ³² Co' jaléng' dsea` i ja` cuíng` Fidié'bing' i jmoo` fí'í` quía' jalé' e lajo. Jo dsu' 'nú', seem` jaang` Tiquí'na' i guíng~ ñifí', jo í'bing' i niñi' e 'né`na' jalé' e jo. ³³ Co' e laba' 'né` e jmee`na'; la'uii~ e nijmi'úung`na' e seeng`na' e Fidié' quier` nifí' quí'na', jogui e jmoo`na' dseáng'` lajíi` ta` quíu'bre cajo, co' lajoba' e nicuø'r` 'nú' jalé' e 'né`na'. ³⁴ Joba' ja` 'né` jmee`na' fí'í` quía' jalé' e

nidsijéé' quíi~na' e jmíi~ dsa'ó', cō' dsa'ó' jíé^gui e líi' quíi~na'. Dsūco' nitéb' jii~ fi'í^ dsíi' e sea`lacoō` jmíi~.

7

Ja`cuø'na' dsee~ dsea`rúng'na'

(Lc. 6:37-38, 41-42)

¹ Jō lalab cajíng'~ gui Jesús:

—Ja`cuø'na' dsee~ jaléng' dsea`rúng'na', jō lajōba' ja`nicuø'~ Fidiéé' 'ná' dsee~ cajo. ² Dsūco' Fidiéé' nicuø'r~ 'nú' dsee~ lí^ laco'gui la cuø' 'nú' dsee~ jaléng' dsea`rúng'na'; jogui jial tíi' dsee~ e cuø' 'nú' dsea`rúng'na', jōba' lajōb nicuø'~ Fidiéé' 'nú' dsee~ cajo. ³ Jōba' ¿jialí' ca` cuente lajii~ quíi' iá~ jminí' jaang` dsea`rún', jogui ja`ca` cuente uø' e jíé^ ja` latøøng~ cōō` 'mab` iá~ jminí'^? ⁴ Jō song latøøng~ cōō` 'mab` iá~ jminí'^ uø', jōba' ¿jial niteá' o' e nifí'^ jaang` dsea`rún': "Rú'uu', nea`du ne`ee', jō nigui`duu e quíi' iá~ jminí'^"? ⁵ ¡jmicang~ 'nú'! Jang'~ gui`du e 'ma` e iá~ jminí'^ uø', jō lajoguibá' nicuøøng` e jøø' guiá~ e nigui'^ e quíi' e iá~ jminí' i dsea`rún' do.

⁶ Ja`cuø'na' jalé' e güeang'^ quíiá'~ Fidiéé' jaléng' dsea`'líng'^ i soo` dsíi', dsūco' i dsea`la'í líiñ' la líng' dsii' osi la líng' cú^ é, e niso'ø'bre' jalé' e güeang'^ quíiá'~ Fidiéé' do, jogui dseáam'~ e nilí' 'ní' níiñ' 'nú' jogui e nijmeáiñ' 'nú' ga` cajo.

Míi~na' Fidiéé' jalé' e 'né~na' jō nicuø'bre

(Lc. 11:9-13; 6:31)

⁷ Jō mí~ cangí jō, lalab cajíng'~ gui Jesús:

—Míi~na' Fidiéé' jalé' e 'né~na', jō nicuø'bre; jogui mí~ 'nó'na', niguié'ba' jalé' e 'nó'na' do; jogui mí~ tø'na' fí' o'nú^, jōba' nineab' e 'núu' do. ⁸ Dsūco' ii` dsea` i mí' Fidiéé' jalé' e 'né~', ngím`bre; jogui ii` dsea` i 'nó', dsé'bre e 'nó'r' do; jogui ii` dsea` i tø' fí' cōō` o'nú^, nineab' e 'núu' do.

⁹ Jō jnea` lí^ dsii' e jii~ jaang` 'ná', dsea`seeng` jaléng' jōō`na', e mí~ nimí'r~ 'ná' ir~, nicuø'^na'r cūu~; ¹⁰ osi mí~ nimí'r~ 'ná' capí'^ ngúu' 'ñá, jō nicuø'^na'r ngúu' mí'. ¹¹ Jō 'ná', dsea`jmoo'na' jalé' e 'lí', tíim`ba' cuø'^na' jaléng' jōō`na' jalé' e guiá~, jō dsu' eáang`guib` jlo'^ jalé' e nicuø' Tiquíi'na' Fidiéé' dsea`guiing~ ñifí~ mí~ nimí'naa'r.

¹² Jō lajōb líi', jōba' jmee~na' jmang'~ e guiá~ cōō'~ jaléng' dsea`rúng'na' lí^ laco'gui iing`na' e nijmé~ dsea`cōō'~ 'nú'; cō' lajōb ta` quíiá' júu^ quíiá' ta` quíiá'~ Fidiéé', jogui lajōb' fé' fí' ní' jii` quíiá'~ jaléng' dsea` i café' cuaiñ~ quíiá'~ Fidiéé' malíi~gui eáang'.

Mí~ ca'e' Jesús quíiá'~ e o'nú^ e dsūu`

(Lc. 13:24)

¹³ Jō mí~ cangí jō, ca'e'gui Jesús e júu^ la jō cajíñ'~:

—Güitáang'~na' fí' o'nú^ e dsūu`. Dsūco' e fí' o'nú^ e ú` cōō'~gui fí' guiá'^ fí' e ú', fí' jōb lí~ dsitáang'~ fíing'gui dsea` i niteáang'~ fí' e ngolíng' fí' lí' 'lí'; ¹⁴ dsu' e o'nú^ jogui e fí' e ngo' fí' lí' guiá', dsuab` jogui huím' eáang' cajo, jōba' ja` 'leáang~ dsea` i dsilíng' fí' jō.

Jalé' 'ma` ofíi` cuíi` dsea`la'eáang' cōō'~ ofíi` e íb`

(Lc. 6:43-44)

¹⁵ Jō fíi~guíi' 'ná' e júu^ la: Ñiing~ óo'na' cōō'~ jaléng' dsea` i jmicaang~ e er' júu^ quíiá'~ Fidiéé', dsu' o' jalé' e júu^ e fé'r' do. Jō mí~ ngír' fí' jee~ 'ná', jnéeiñ~ lí' caluu' la jnéeng~ dsea`guiúng~ i cúing' Fidiéé', jō dsu' caniing~ jii~ e 'lé'bre í' dsíir' fí' dsíi'. ¹⁶ Jō cōō'~ jalé' e jmóob` i dsea`la'í cuøøng` jmicuíng'na'r. Jō lajōb líi' cajo, 'nú' lí'na' jmicuí'na' cōō' 'ma` ofíi' la'eáang'

cóo' ofii e íb; dsuco' coo' 'matóo' ja' cuóøng' fa' e ni'í' mí' huíng' jó' yá', o'gui coo' 'matóo' fi' ja' cuóøng' fa' e ni'í' güiñí' yá'. ¹⁷ Jo lajob jalé' 'ma' ofii e guiá, j Mang' ofii e guiáb' cuø; jo dsu' e 'ma' ofii e ja' dseeng', ja' dseeng' jalé' ofii e cuø. ¹⁸ Jo lajob jalé' 'ma' ofii e guiá, ja' cuóøng' fa' e nicuø' ofii e ja' dseeng'; jogui jalé' 'ma' ofii e ja' dseeng', ja' cuóøng' fa' e nicuø' ofii e guiá. ¹⁹ Jo nihuíb' jalé' 'ma' ofii e ja' cuø' ofii e guiá jo fí' ni' jib' nidsitoo'. ²⁰ Jo co' lajob lí', joba' cóo' jalé' e jmóob' i dsea' i jmicaang' e er' júu' quía' Fidié' do lí' na' jmicuíng' na'r.

Ja' lajüing' dsea' lí'r' e Fidié' nicá' nifi' quía'r' lata~
(Lc. 13:25-27)

²¹ Jo mi' cangí jo, cajíng' gui Jesús e júu' la:

—Ja' lajüing' dsea' i sí' jnea': "Fí'i, Fí'i", nilí'r' e Fidié' nicá' nifi' quía'r' lata~, dsu' i dsea' i nijmé' jalé' e iing' Tiquié' e dsea' guing' ñifi', jii' íbing' i nilí' e jo. ²² Jo mi' nití' e í' jo mi' niquidsí Fidié' í' quía' lajaléng' dsea' jmigüí, fím' dsea' nisí'r' jnea' ie' jo: "Fí'i, Fí'i, jnea' café' naa' júu' quí' la'eáang' 'nu', jogui la'eáang' 'nu' ca'uøøng' naa' jaléng' i 'ling' i jée' quía' dsea', jo jmiguiab' jalé' e quí' jmi' e dsigá' dsí' dsea' cajmó' naa' la'eáang' 'nu' cajo." ²³ Dsu' jnea' ningü' quía' i dsea' í' ie' jo: "Jéeng' na' fí' lí' sín' n la; jo güilíng' na' lí' do, co' dseáng' ja' calicuím' baa' 'nú', dsea' i sitíng' 'lée'!"

Mi' ca'e' Jesús quía' lajü' tú' tí' fí'
(Mr. 1:22; Lc. 6:47-49)

²⁴ Joba' fí' güí 'nú' e jaléng' dsea' i núu' jogui jmóor' lajüí' ta' quía' líiñ' laco' jaang' dsea' i í' dsí' guiá' jalé' e nijmér'. Jo i dsea' í' cajme'r' 'nur', jo ab' tí' fí' catá'r' quía' e 'núu' do. ²⁵ Jo mi' cajá' jmí' dsiing' jo cacuáng' jalé' gua' jo dsíng' caqui' guí' fí' lí' sí' e 'núu' do, dsu' e 'núu' do ja' caqui', co' ab' ía' tí' fí' quía'. ²⁶ Jo dsu' i dsea' i lico' núu' júu' quí' e jo ja' jmóor' lajüí' ta' quía', joba' i dsea' í' líiñ' laco' jaang' dsea' i ja' í' dsí' guiá' e nijmér'. Jo cajme'r' 'nur', dsu' ja' catá'r' tí' fí' quía' e 'núu' do. ²⁷ Joba' mi' cajá' jmí' dsiing' jo cacuáng' jalé' gua' jogui dsíng' ca'í' guí', joba' caqui' e 'núu' do, jo dseáng' conguiab' ca'íng' quía' i dsea' í'.

²⁸ Jo mi' calí' fé' Jesús jalé' e júu' na, lajüim' dsea' i siseáng' do dsíng' cangogá' dsír' laco' e' dsea' do, ²⁹ dsuco' dsíng' 'gøng' jalé' júu' quía'r' jogui dsíng' tíiñ' er' cajo, co' ja' er' laco' e' i tifa' quía' júu' quí' ta' quía' dsea' Israel.

8

Mi' cajmi'leáang' Jesús jaang' dsea' i lüing' jmohuí' 'lí' fí' ngúu' táang'
(Mr. 1:40-45; Lc. 5:12-16)

¹ Jo mi' cangí jo, cajgám' Jesús e fí' yá' mó' do, jo fím' dsea' ngolíng' caluur' laco' ngóor'. ² Jo lajee' job cangoquiéng' jaang' dseañu' i nilíng' jmohuí' 'lí' fí' ngúu' táang' fí' quini' Jesús, jo casí'r' uø' jnir' fí' quini' dsea' do jo cajíñ' casí' reiñ':

—Fí'i, cuøøm' lí' jmi'leáan' jnea' lajüí' jmohuí' e lín' n song' iin' lajo.

³ Joba' Jesús cagüiñ' capí' dsea' do jo cajíñ' casí' reiñ':

—Íim' baa' jmi'leáan' 'nu', jo lana' ca'láam' ba' lajüí' jmohuí' e lín'.

Jo dsifí' lajob ca'láang' i dsea' dsé' do lajüí' jmohuí' líiñ'.

⁴ Joba' Jesús casí' guir dsea' do jo cajíñ':

—Ja' fí' jii' jaang' lajüí' e cajmé' e cóo' 'nu', lico' gua' güijéeng' uø' fí' quini' jmidsea' e laco' niliñí' i jmidsea' do e nica'láam' ba' lajüí' jmohuí' e lamí' lín'. Jo mi' nilí' jo, joba' güica' lajüí' e feá' e 'né' cuø' Fidié' lí' laco' gui

e ta~ e caquiua' Moĩ ie~ maliĩgui do. Jo e job cuø' li~ fi' quini~ jaléng' dsea` e nica'laám-ba' lajii'~ jmohuí' e lamĩ lin'.

Mĩ cajmi'leáng- Jesús jaang` dsea` léeng' quiá'- jaang` fi~ 'lée- romano
(Lc. 7:1-10)

⁵ Jo mi~ cangĩ jo, caguiéng'- Jesús fi' Capernaum, jo fi' jo jaang` fi~ 'lée- romano cangoquíeeĩñ' fi' li~ ngang' dsea` do jo camĩ'r' dsea` do jmi'lee~ ⁶ jo casĩ'-reiñ':

—Fii'i, dob ráang` dsea` 'léeng'- quié-e dsée'r' fi' quié-e, jo jii'~ ja' lí jii'~ joiĩñ' jogui dsím'- cu' líiĩñ' cajo.

⁷ Joba' cañii' Jesús jo casĩ'-reiñ':

—Nii~baa nijmi'leáan^re.

⁸ Joba' cañii' i fi~ 'lée- do quiá'- Jesús jo casĩ'-reiñ':

—Fii'i, ja' catĩng- jnea~ e 'nu' ni'ú' fi' dsii' sinúu^ quié-e; lico' fée' e ni'leáng- i dsea` 'léeng'- quié-e do, joba' lajob nilí jóng. ⁹ Dsũco' seem` dsea` i teáng- nifi'gui i quiu' ta~ quié-e, jogui seem` 'lée- i quiá' ta~ cajo. Jo mi~ fii-i jaang` 'lée- quié-e e dsér-, joba' dsé-bre jóng; jogui mi~ fii-i jaang'gui e jáar', joba' jáa-bre jóng; jogui mi~ fii-i dsea` 'léeng'- quié-e e lĩng- e jmér-, joba' jmóo-bre cajo.

¹⁰ Jo mi~ canúu- Jesús e júu^ na, eáam' cangogá` dsii'r' jo cajiiñ'- casĩ'r- jaléng' i dsea` i ngolíng- cóo'r- do:

—E já' e fii-i 'nu' e jii'~ coo' ya' ja' mi' cajín'n jaang` dsea` góo'o dsea` Israel i dseáng' já'- lĩng' júu^ quié-e lí' lacogui la lĩng' i fi~ 'lée- romano na. ¹¹ Jo fii-i 'nu' e jmiguiab' lĩng' li~ nijalĩng- fĩng' dsea` i ja' lĩng' dsea` Israel jo nigúeár' e nidó'r- cóo'~ jaléng' 'li~ dsea` cóong' qui-ii' i sii' Abraham jogui Isáa' cóo'~ gui Jacóo^ mi~ tí li~ nití- i' e nicá' Fidié~ nifi' quiá'- lajaléng' dsea` jmigúĩ. ¹² Jo dsu' Fidié~ nibíim-bre fi' caluu' fi' li~ nuu' só' fĩng' dsea` Israel i lamĩ si'í' catĩng- seeng' cóo'r' fi' li' guiá' fi' li' quiu'r' ta~, jo i dsea` í' dob nijeár- qui'r' jogui tur' majar- uii'~ jalé' iihuú' e ni'ĩñ' do.

¹³ Jo lí- jo, Jesús casĩ'-guir i fi~ 'lée- romano do jo cajiiñ'-:

—Guóng' fi' quií- jo güilitib~ lajii'~ ta~ cañii', co' jáb'- nicalĩn'- júu^ quié-e. Jo dsifi' lajob ca'laáng- i dsea` 'léeng' quiá'- i fi~ 'lée- romano do.

Mĩ cajmi'leáng- Jesús iemisé^ Tú^ Simón
(Mr. 1:29-31; Lc. 4:38-39)

¹⁴ Jo mi~ cangĩ jo, Jesús cangór- fi' quiá'- Tú^ Simón. Jo mi~ caguiér- fi' jo, dob ráang` iemisé^ Tú^ Simón e dsíng'- iu' guiiñ'. ¹⁵ Jo Jesús cagüi'r' guoo' i dseamĩ do, jo dsifi' lajob caguá- e iu' guiiñ' do. Jo mi~ cangĩ jo, i dseamĩ do caróor- jo cajméer' e cagóob' jaléng' i dsea` do.

Mĩ cajmi'leáng- Jesús fĩng' dsea` dsée'~
(Mr. 1:32-34; Lc. 4:40-41)

¹⁶ Jo mi~ canuu' lajo, fii'm' dsea` caguiliiñ- fi' li' guing~ Jesús e jeeiñ` jaléng' dsea` i teáng' i 'ling' dsii'; jo cóo'~ 'ñia' camĩ'^ júu^ e fé' Jesús, uøøm' jaléng' i 'ling' i teáng' dsii' dsea`, jogui 'laám-bi lajaléng' dsea` dsée'~ la'eáang' cóo'~ e júu^ jo cajo. ¹⁷ Jo cangojée' e la e laco' caliti~ jalé' júu^ e cajíng'- jaang` dsea` i café' cuaiñ` quiá'- Fidié~ maliĩgui eáang' i calisí Saíi' mi~ cajiiñ'- lala: "Íbre ca'iiñ' jalé' iihuú' qui-naa' jogui cacór- jalé' jmohuí' e lí-naa' cajo."

Jaléng' dsea` i iing~ dsilĩng- cóo'~ Jesús
(Lc. 9:57-62)

¹⁸ Jo mi~ cangĩ jo, cangá- Jesús e dsíng'- fĩng' dsea` caseáng' fi' lacúng' lajĩng' li~ siñ', joba' caquiur' ta~ dsea` quiá'r- e ningiiñ- fi' li' 'ngóo' cataang' e

guiéé do. ¹⁹ Jo lajee job, cangoquiéeng' fí lí siñ' jaang' tifa' quiá' júu quiá' ta' quiá' dsea' Israel jo cajíñ' casí' dsea' do lala:

—Tifa', iim' baa nii' i cóo' 'nu lí' doñí' jíe' fí guó'.

²⁰ Joba' cañí' Jesús quiá' i dseañu' do jo casí' reiñ':

—Jaléng' güí' seab' too' lí güing'ne', jo lajobi jaléng' ta' seab' sii' re' cajo; dsu' jnea~, dsea' gáa' a fí ñiff' e lán'n jaang' dsea' jmigüí, jíi' lí quiee~ e moguii' ja' sea'.

²¹ Jo mi' cangf' jo, jaang' lajee i dsea' quiá' Jesús do casí' ír' lala jo cajíñ':

—Fíi', cuóø' jnea' fí jang' ni' áan'n tiquié'e, jo mi' ningf' jo, joguiba' ninii' i cóo' 'nu'.

²² Joba' lalab cañí' Jesús quiá' i dsea' do jo casí' reiñ':

—Nea' cóo' jnea' lana jo cuø' fí e jaléng' i dsea' i líng' lafa' 'líng' ni' áaiñ' tiquí' mi' nití' oor' quiá'r'.

Mí' cajmé' Jesús e ca'uáang' e róo' jmí' jogui ca'uáang' e í' guí'

(Mr. 4:35-41; Lc. 8:22-25)

²³ Jo mi' cangf' jo, ca'ib' Jesús fí cóo' dsí' móo' colíng' cóo' jaléng' dsea' guitúung' quiá'r'. ²⁴ Jo lajee guiáang' e ningolíñ' ni' jmí' mi' canaang' í' guí' la huíng' jogui canaang' e róo' jmí' cajo, jo mífíng' ninaang' dsí' ab' jmí' fí dsí' e móo' do. Jo lajee jo, güim' Jesús ngóor'. ²⁵ Joba' i dsea' quiá'r' do cañíim' bre dsea' do jo cajíñ' casí' reiñ':

—Fíi', leaang' jneaa' aa', co' ningóo' dsí' am' baa'.

²⁶ Joba' cañí' Jesús quiá' i dsea' do jo casí' reiñ':

—¿Jialí' dsíng' 'gó' na'? Jo ¿jialí' ja' 'ga' lí' já' líng' na' e jnea' quí' i jmí' e nijmee' e lí' doñí' ee'?

Jo mi' calí' fé'r' lana, jo caráaiñ' jo caquiur' ta' e guí' do cóo' guí' e jmí' do, jo dsí' lajob caquiung' e í' guí' jogui caquium' bi e róo' jmí' cajo, jo tiib' ca'f'. ²⁷ Jo dsíng' cangogá' dsí' i dsea' quiá'r' do mi' cangár' lado, jo canaaiñ' jmíng' rúíñ' lajee' la'ó' yaaiñ':

—¿Í' guí' i dseañu' na e quiur' ta' jo núu' jalé' guí' cóo' jalé' jmí' júu' quiá'r'?

Dsea' i seeng' fí' Gadara i niteáang' i 'líng' dsí'

(Mr. 5:1-20; Lc. 8:26-39)

²⁸ Jo mi' tí' lí' caguié' Jesús fí' lí' lí' 'ngóo' cataang' e guiéé do e fí' guóo' uø' lí' se' Gadara, jo fí' codsii' ca'uøøng' gáng' dsea' i niteáang' i 'líng' dsí' jo cangoquiéeiñ' fí' lí' sing' Jesús. Jo eám' soo' dsíñ' do e jíi' jaang' dsea' cuøøng' lí' ngíñ' e fí' jo. ²⁹ Jo lalab canaaiñ' do áíñ' Jesús:

—Ja' jmiguín' jnea', Jesús, co' ne' baa' guí' e 'nub' dseáng' lin' Joo' Fidiéé. Jo ¿su cañí' e ñicuøø' jnea' iihuí' e jíi' ja' mí' catí' í' lajo?

³⁰ Jo e quiá' job nitaang' i fíng' cú' i taang' ta' gø'. ³¹ Jo i 'líng' do camí' jmí' ee' Jesús jo casí' dsea' do lala:

—Song ni' uøøñ' jnea' lí' té' naa' la, cuøø' jnea' fí' e nidsitoo' naa' fí' dsí' i cú' i taang' do.

³² Joba' lalab cañí' Jesús jo casí' reiñ' do:

—Güilíng' na' güitáang' na' fí' jo.

Jo ladsí' lajob ca'uøøm' i 'líng' do fí' dsí' i dsea' do jo cangotáaiñ' fí' dsí' i cú' i nitaang' do. Jo dsí' lajob canaang' i cú' do cuí' re' cartí' cajiung' yaang' ne' fí' dse' jíaa', jo casojiung' ne' fí' dsí' jmí' jo fí' job cajgó' re' jmí'.

³³ Jo i dsea' i nijmoo' í' i cú' do cacuí' bre cangolíñ' fí' jee' fí'. Jo mi' caguí' fí' jo, canaaiñ' guiar' júu' quiá' lají' e calí' do cóo' i dsea' i teáang' i 'líng' dsí' do. ³⁴ Joba' lajim' i dsea' i seeng' e fí' do cangolíñ' fí' lí' táang'

Jesús. Jò mi~ cangáin~ dsea` do, jò camí`reïn' jmi'ee` fa' e nigüi'lib' dsea` do e fi' guóol~ uø- li~ táain` do.

9

Mi~ cajmi'leáng- Jesús jaang` dsea` i caang~ tñ-
(Mr. 2:1-12; Lc. 5:17-26)

¹ Jò mi~ cangf jò, cajgóob~ tu Jesús fi' dsí' còò` móo' jò cangáin~ fi' lí' 'ngóol~ cataang` e guiée' do jò caguiém'~ tur fi' fi~ li~ guiin~. ² Jò mi~ caguiéin~ fi' jò, jò caguiling~ dsea` i jéeng` jaang` dsea` i caang~ tñ- i dsíng~ ni~ còò` 'ma' e silíng~. Jò mi~ cangá- Jesús e jò, jò cò' niñi'bre e jáb' líng` jaléng` i dsea` do júu^ quiár~, jòba' lalab casí'r~ i dsea` dsée'~ do:

—Jóòò, cuø` bí uø', cò' lana nica'ím~ dsee~ quí'~.

³ Jò ie~ jò dob niteáng~ tú~ 'ni' máng~ tifa' quiá'~ júu^ quiá' ta~ quiá'~ dsea` Israel. Jò mi~ canúur~ e cajíng'~ Jesús lajò, jòba' ca'f dsíir' lala: “Lajíi~ e nicajíng'~ i dseañu' na, gab` fé'r' uii~ quiá'~ Fidiée~.”

⁴ Jò cò' ñib' Jesús lajii~ e i' dsí' i dsea` do, jòba' cajmíngi'~reiñ' do lala:

—¿Jialí' jmang'~ e ga'ba' i' óo' 'nú'? ⁵ ¿E~ e líng~na' e ja'gui huíng' e nife'ee', su e “Ni'ím~baa dsee~ quí'~”, osi e nifé'~naa' é: “Ráan'~ jò ngi'~”? ⁶ Jò dsu' lana jnea~ ni'ée^ e 'nú' e jneab~ dsea` cagáa' fi' ñiff~ e lín'n jaang` dsea` jmigüi' jò oo~baa ta~ fi' jmigüi' la e ni'ín~n dsee~ quíá'~ dsea`.

Jòba' casí'~ Jesús i dsea` caang~ tñ- do jò cajíi'~:

—Ráan'~ jò sée'~ li~ ráan' jò guóng' fi' quí'~.

⁷ Jò dsifí' lajòb caráang~ i dseañu' do jò cangám'~bre fi' quiá'r~. ⁸ Jò mi~ cangá~ i dsea` i teáng~ do e ca'láam~ i dsea` dsée'~ do, dsíng'~ cangogá' dsíir'. Jò lajim'bre canaain~ jmiféin' Fidiée~ dsuco' dsea` do cacuø'r' dsea` jmigüi' jalé' e quíin~ jmi~ do.

Mi~ cató'- Jesús jaang` dseañu' i sii' Mateo
(Mr. 2:13-17; Lc. 5:27-32)

⁹ Jò mi~ cangf jò, cagüi'í' Jesús e fi' fi~ li~ guiin~ do. Jò lajee` ngóor' guiá'~ fib' cangáin~ jaang` dseañu' i sii' Mateo i niguiing~ mí cuu~ e catíng~ dseata~ i guing~ fi' Roma. Jòba' lalab casí'~ Jesús i dseañu' i jò cajíi'~:

—Mateo, nea~ còò'~ jnea~.

Jòba' caróob~ Mateo e li~ niguiin~ do jò cangó~bre còò'~ Jesús.

¹⁰ Jò mi~ cangf jò, e jmi~ jòb cagó' Jesús fi' quiá'~ Mateo. Jò lajee` guiin~ gø'r' colíng~ còò'~ jaléng' dsea` quiá'r~, caguiling~ i fíng' nodsicuu~ i jmóo' ta~ còò'~ i Mateo do còò'~ gui jaléng' dsea` i sea` júu^ e dsíng'~ røøiñ` dsee~, jò caguár` colíng~ còò'~ Jesús e cagó'r' ni~ mes~ li~ guing~ dsea` do. ¹¹ Jò mi~ cangá~ tú~ 'ni' máng~ dsea` Israel i líng' dsea` fariseo e guing~ Jesús gø'r' còò'~ i dsea` do, jòba' i dsea` fariseo do cajmíngi'r~ dsea` quiá'~ Jesús jò cajíi'~:

—¿Jialí' gø' tifa' quí'~na' còò'~ jaléng' nodsicuu~ jøgui còò'~ dsea` i sea` júu^ e dsíng'~ røøiñ` dsee~?

¹² Jò nicanúub~ Jesús lajii~ e cajíng'~ i dsea` do, jòba' lalab cañíir' quiáin~ do jò casí'~reiñ':

—Jaléng' dsea` i guíng~ ja` 'neáin~ timí', dsu' 'neám~ jaléng' dsea` dsée'~.

¹³ Güilíng'na' jò güijmitíng'na' e júu^ la e fé' Fidiée' fi' ni~ jì quiá'r~: “Jnea~ Fidiée' iin~n e 'nú' nifí~ líng'na' jaléng' dsea` rúng'na', jò o' lico' cuø'na' feá'~ fi' quini'~.” Jò jnea~ fi~ i 'nú' e ja` cagá~a fi' jmigüi' la fa' e caga'nén'n jaléng' dsea` i ée' guiá~, dsuco' jnea~ caga'nén'n jaléng' dsea` dsee~ dsea` quib'.

Mi~ cajmíngi'~ dsea` Jesús cuaiñ~ quiá'~ ayuno
(Mr. 2:18-22; Lc. 5:33-39)

14 Jo coo` jmii` cangoquiéeng` jaléng` dsea` quiá` i Juan i seáang` dsea` jmii` do fi` lí` sing` Jesús jo cajmingi`r` dsea` do lala:

—Jnea` colíing` cóo` jaléng` dsea` góo`naa` dsea` Israel i líng` dsea` fariseo contøom` jmoo`naa` ayuno, jo çjali` jaléng` dsea` quíi` 'na` ja` jmóor` lajo?

15 Jöba` cañíi` Jesús quiá` i dsea` do jo casí`-reíñ`:

—Ja` cuóøng` nijmé` ayuno jaléng` dsea` i simíng` quiá` coo` lí` cung` guoo` dsea` lajee` seeng` i siming` i cung` guo` do cóo`r`. Jo dsu` niguiéeb` jmii` mi` nisáng` dsea` i siming` do, jøguiba` nijmé` ayuno jaléng` i dsea` do.

16 Jo jii` jaang` dsea` to`r` coo` 'mi` e yúu` cóo` ca`ná` 'mi` e 'mii`, dsuco` song cajméer` lajo, jöba` nijóm` e 'mi` 'mii` do jogui` ni`guí`bi e 'mi` yúu` do cajo, jöba` lí` lí` jmigui`gui` ni`guí`b` jóng. 17 Jo lajobi` cajo ja` guié` dsea` méé` e laco` gui`ná` có` fi` coo` dsíi` loo` jó` e yúu`, dsuco` song cajméer` lajo, jöba` ni`guí`ba` do jo nidsi`íib` e méé` do jogui` ni`ím` e loo` jó` do cajo. Jo co` lajob líi`, jöba` guiá`-gui e niguié` dsea` e méé` laco` gui`ná` có` do fi` coo` dsíi` loo` jó` e 'mii`b`, jo lajoba` ja` dseáang` fa` e ni`guí` e loo` jó` do o`gui` fa` e nidsi`íi` e méé` do cajo.

Mi` cajmi`leáang` Jesús joo` Jairo

(Mr. 5:21-43; Lc. 8:40-56)

18 Jo lajee` sing` Jesús e gui`ná` sím`bir cóo` i dsea` i caguilíng` jmingii` do, mi` caguié` jaang` fii` féng` quiá` dsea` Israel i sii` Jairo fi` lí` sing` dsea` do. Jo casí`r` uo` jnir` fi` quini` dsea` do jo casí`-reíñ`:

—Tifa`, 'micú` nabí` cajúng` jaang` simí` quié`e; jo fa` nijgiéé` o` guó` güiquidisi` guoo` fi` moguir` jo nijib`tu`.

19 Jo dsifib` cangó` Jesús fi` jo colíing` cóo` i dsea` quiá`r` do. 20 Jo lajee` e iuuiñ` fi` ngóob`re mi` cangoquiéeng` jaang` dseam` lí` caluur` i nilíng` jmohuí` e tuuiñ` lajii` níngoo` mí` guitu` jii`. Jo i dseam` do catíiñ` capí` 'ni` si` dsea` do; 21 co` í` dsíi` e fa` capí`b` si` dsea` do catíiñ`, jöba` ni`leám`-bre lajii` jmohuí` e líiñ`. 22 Jo dsifí` mi` cajméé` i dseam` do lajo, caji` Jesús nir` fi` caluur` jo cangáañ` i dseam` i catíng` si`r` do jo casí`-reíñ`:

—Cuóø` bí` uo`, joo`o; nica`láam`-ba` lajii` jmohuí` e lamí` lin` uíi` e jáb` calín` júu` quié`e.

Jo ladsifí` lajob ca`láang` i dseam` do lajii` jmohuí` e líiñ`.

23 Jo mi` tí` lí` caguié` Jesús fi` quiá` i fii` féng` quiá` dsea` Israel do, cangár` e niteáang` dseati` jíuur` lúu` quiá` 'líi` co` tí` lí` ni`ám` i simí` 'líi` do, jogui` jaléng` dsea` eáang` niteáañ` ta` qui` óo`. 24 Jöba` caqui` Jesús ta` quiá` jaléng` i dsea` do jo casí`-reíñ`:

—Uóøng`na` lajii`na` e la, co` ja` 'líng` i simí` na, co` lico` güim`bre.

Dsu` mi` canúu` jaléng` i dsea` do lajo, lico` cangim`-bre Jesús, 25 dsu` Jesús ca`uóøm`-bre jaléng` i dsea` do fi` lí` teáañ`. Jo mi` cangí` jo, ca`í`-bre fi` dsíi` sinúu` jo mifíng` catíiñ` guoo` i simí` 'líi` do, jo dsifí` lajob caráañ` do. 26 Jo latøom` lí` se` Galilea cani` júu` quiá` lajii` e calí` do ie` jmii` jo.

Mi` cajmi`leáang` Jesús gáng` dsea` tiuung`

27 Jo mi` cangí` e cajmijí` Jesús i simí` 'líi` do, cagüi` dsea` do fi` jo; jo lajee` ngóor` fi` guiá` fi`, cangoquiéeng` gáng` dsea` tiuung` fi` lí` ngóor`, jo i dsea` í` áañ` Jesús lala:

—í`íi` güilíin` jnea`, Joo` dseata` Daví`!

28 Jo mi` tí` lí` caguié` Jesús fi` coo` lí` si` 'núu`, jo ca`í`-bre fi` dsíi`, jo cangotáam`-bi i dsea` tiuung` do fi` jo cajo, jo Jesús cajmingi`r` dsea` do:

—¿Su` já` líng` 'nú` e quíi`-baa` jmii` jmee` e e nilijné`tu`?

Jöba` cañíiñ` do:

—Dseáng' jáb' lî'naa', Fí'ii'.

²⁹ Jò dsifib' cagüi' Jesús jminiñ' do jò casí' reiñ':

—Nijmee~baa e nilijné'tu', cò' jáb' calíng-na' e quí'~baa jmí'.

³⁰ Jò dsifib' cana' jmini' i dsea' gáng- do. Dsu' Jesús ca'íir- 'goo' quiáiñ'- do e ja' ii' nisíñ' jii' jaang' quiá'- lajii' e calí- do. ³¹ Dsu' i dsea' do, jobi lico' nica'uøøiñ' fí' lí' si' e 'nú' do mi' canaaiñ' ni'r' júu' fí' lacaang' fi' e née' lí' se' Galilea quiá'- lajii' e cajmée' Jesús cóo' ír' do.

Mí' cajmi'leáang- Jesús jaang' dsea' i ja' fé'

³² Jò lajee' e uøøng' i dsea' gáng- i lami' tiuung- do, jò lajee' jò, tú- 'ní' máng' dsea' cangojéiñ' fí' quini' Jesús jaang' dsea' i ja' fé' uí' e iuung- i 'líng' dsíir'.

³³ Jò mi' calí- e cajmihuíng- Jesús i 'líng' i iuung- dsíi' i dsea' i ja' fé' do, joguiba' canaaiñ' do cafér'. Jò jaléng' dsea' i siseáng' do ie' jò dsíng'- cangogá' dsíir' jò fé'r' lala:

—Dseáng' jii' cóo' ya' ja' mí' cane'ee' fí' góo'naa' Israel lajii' e nicalí- na jmí' na.

³⁴ Jò dsu' jaléng' dsea' Israel i líng' dsea' fariseo i siseáng' do ie' jò fé'r' lala:

—La'eáang' cóo' bí' quiá'- fi' i 'líng' ba' tñng' i dseañu' na e jmihuíñ- i 'líng' i teáang' dsíi' dsea'.

Eáam' fí' líng- Jesús jaléng' dsea'

³⁵ Jò mi' cangí' jò, cangí' Jesús lacaang' jalé' fi' fé' cóo' gui jalé' fi' pí' e er' júu' quiá'- Fidié' fí' laco' lí' té' guá'- quiá'- dsea' góor' dsea' Israel. Jogui guiar' júu' e nijaquíem'ba' e nicá' dsea' do nifí' quiá'- lajaang' lajaang' dsea' jmigüí', jogui jmi'leáaiñ- jaléng' dsea' i líng' lí' doñí' ee' jmohuí' osi lí' doñí' jié' lí' cu' quiáiñ'- é.

³⁶ Jò mi' cangáng- Jesús i dsea' 'leáang- i siseáng' do ie' jò, eáam' calí- fí' líng- neiñ', cò' dsíng'- jmiquíng'- dsíñ' do jogui dsíng'- ljiuung' dsíñ' cajo. Cò' líiñ' do laco' líng' jaléng' jò'se' mi' ja' seeng' fi' re' i quie' nifí' quiá'- re'.

³⁷ Jòba' cajíng'- Jesús casí'r- jaléng' i dsea' quiá'- do lala:

—E já'- e dsíng'- fíng' jaléng' dsea' i iing' nijmicuíng' jnea~, dsu' ja' ii' 'ga' lí' dsea' seeng' i niguiá'- júu' quie'-e. ³⁸ Jòba' 'né' nimí' 'nú' Fidié' e nicuøng' guir dsea' i niguiá'- jalé' júu' quie'-e, jò e jò lí' lafa' mi' caroo' jalé' e cajní' jaang' dsea' jò dsu' jò ii' 'ga' lí' seeng' i nijmicóo' quiá'- e ni' ta' do.

10

Mí' cagúing' Jesús dsea' guitúung' quiá'-

(Mr. 3:13-19; Lc. 6:12-16)

¹ Jò mi' cangí' jò, cóo' jmí' cató'- Jesús lajñng' i dsea' guitúung' quiá'- do, jò cacuø'reiñ' e óoiñ' do ta' e tññ' e ni'uøiñ'- jaléng' i 'líng' i teáang' dsíi' dsea', jogui e tññ' nijmi'leáaiñ- jaléng' dsea' dsé' lí' doñí' ee' jmohuí' líiñ' osi lí' doñí' jié' lí' cu' quiáiñ'- é.

² Jò lalab sií' jaléng' i dsea' apóo' i ni' júu' quiá'- do: i sing' nifí' do siir' Simón, jogui sií'bir Tú' cajo, jogui jaang' rúíñ' do i sii' Dí'; jogui Tiáa' cóo' jaang' rúíñ' i sii' Juan, jò laji' huáaiñ' na líiñ' jóo' jaang' dseañu' i sii' Zebedeo; ³ jogui Lii' jogui Bartolomé jogui Mó' jogui Mateo, jaang' i lami' jmóo' ta' mí' cuu' e catíng- dseata' i guíng' fí' Roma; jogui Tiáa~, jóo' jaang' dseañu' i sii' Alfeo; jogui Tadeo; ⁴ jogui jaang' i sii' Simón i líng' dsea' celote; jò jaang'gui i sii' Judas Iscariote, dsea' i ca'níng' Jesús fí' quini' dseata'.

Mí' casíng' Jesús dsea' guitúung' quiá'- e nidsiguiáñ' júu' quiá'- Fidié'

(Mr. 6:7-13; Lc. 9:1-6)

⁵ Jo mi~ cangf jo, jo lajee e ná~gui e nisíng~ Jesús i dsea` guitúung` quiá'r~ do e nidsiguiaíñ~ do júu^ quiá~ Fidiée~, la'uii~ jang~ casí~reiñ' jalé' ta~ e nidsijméeiñ~ do jo lalab casí~reiñ':

—Jie~ mí güilíng~na' fí guóo~ uó~ quiá~ dsea` i ja' líng' dsea` Israel, o'gui nigüitáang~na' fí jalé' fii~ quiá~ dsea` Samaria. ⁶ Jo lajii~ ta~ e nigüilíng~na' e güiquí~ jíing~na' jaléng' dsea` Israel jial laco' nilicuiiñ` Fidiée~, co' i dsea` í lúñ' laco' jo'se' i sí'íng'. ⁷ Jo güilíng~na' güigua~na' júu^ jee~ jaléng' i dsea` í e nicatib' í' e Fidiée~ nicá nifí quiá'r~. ⁸ Jo lajee jo, jmi'leáang~na' jaléng' dsea` dsée~, jogui jmee~na' e nijí'tu jaléng' 'lii~, jogui jmi'leáang~na' jaléng' dsea` i líng' jmohuí' 'li' fí ngúu' táang', jogui uóøng~na' jaléng' i 'ling' i teáang~ dsí' dsea`. Jo ja` cá^na' e 'léeng'na' quiá~ lajii~ e nijmee~na' do, co' ja` ee` cuu~ cacóng~ qui~na' e cangíng~na'.

⁹ Jo ja` né~ cá^na' jii~ ca'íng' cuu~ quiá~ e 'né~na' ¹⁰ o'gui nosúu' quií^na'. Jogui jii~ sí'na' e quií~ba' 'né~ cá^na', co' ja` 'né~ cá^na' e co' cá^na'; lajobi lomii~na' cajo, lajii~ e ó'ba', o'gui 'né~ cá^na' 'ma'u~, cofa' jaléng' dsea` jmóo' ta~ ngám~bre jalé' e gø'r'.

¹¹ Jo mi~ niguilíng~na' fí coo' fii' pí^ osi fí coo' fii' fé' é, 'néng'na' jaang` dsea` i lí' i ni'íng' 'nú' fí sinúu^ quiá'r~, jo fí job nijá^na' carta~ taang~na' fí e fii' jo. ¹² Cuóø'ba' guicá^ jaléng' dsea` i neáang' fí jo mi~ nigüitáang~na' fí sinúu^ . ¹³ Jo song guiab~ ni'íng' 'nú' i dsea` lí~ niguilíng~na' do, joba' juguiá~ niliseeiñ'; dsu' song ja` ni'íñ' 'nú' cóo~ e guia~, joba' lajob ja` juguiá~ niliseeiñ` yaaiñ~ cajo. ¹⁴ Jogui song ja` ni'íñ' 'nú' guia~ o'gui iíñ~ e ninúr~ júu^ quií~na', joba' uóøng~na' lajminá~ e fí sinúu^ jo osi e fí fii' jo é, jo bó'na' 'lee' tóo' tíi~na'. ¹⁵ Jo jnea~ jmitaa^ óo'na' e mi~ nití' í' e niquidsí Fidiée' í' quiá~ lajaang` lajaang` dsea` jmigüí, eáang'guib nicuó'r~ iihu' i dsea` i ja` calijí' 'nú' do laco'gui iihu' e ca'íng' jaléng' dsea` i caliséng' fí Sodoma cóo' gui fí Gomorra.

Mi~ cajíng' Jesús e jalé' iihu' ni'íng' dsea` guitúung` quiá'r~

¹⁶ Jo mi~ cangf jo, lalab casí~gui Jesús i dsea` quiá'r~ do:

—i'Tée' áa'na! Jnea~ nisín^n 'nú' jee~ dsea` i 'ní' níng~ 'nú' lafa' jaang` jo'se' i ni'iuung~ jee' ie'dsinúu^ . Jogui jmee~na' lí^na' laco'gui la lí^ jaang` mi', jo 'né~bi cajo e ja` 'lee~na' dsuco' fa' jaang` mee~ ja` 'lee're'. ¹⁷ Jo ñiim~ áa'na', co' nisám' dsea` 'nú' jo nidsijeáaiñ~ 'nú' fí quini~ dseata~ qui~ii' dsea` Israel, jogui nijmihu'íñ' 'nú' fí dsí' sinúu^ guá~ quiá'r~ ¹⁸ jo jí'gui cartí nidsijeáaiñ~ 'nú' fí quini~ dseata~ dsea` cóøng' uí~ e cuíng~na' jnea~ . Dsu' mi~ nijmeáiñ' 'nú' lajo, joba' cuóøng' e nifo^na' fí quinir' cóo~gui fí quini~ jaléng' dsea` i ja` cuíng' Fidiée~ jial mi~ ca'uíng~na' dsea` quié~e. ¹⁹ Jo dsu' mi~ nijáiñ' 'nú' fí quini~ dseata~, ja' jmee~na' fí'í' jial nifí^na'r osi jial ningii~na' quiá'r~ é, co' Fidiéeb' dsea` nicuó'r~ 'nú' e ñí^na' e júu^ e ningii~na' quiá'r~ mi~ tí lí~ nití' í' e líng~ ee` nijming'í'r~ 'nú'. ²⁰ Co' ie~ jo, Jmigüí quiá~ Tiquí^naa' Fidiée' dsea` guíng~ ñifí~ e nifé' cuaiñ~ quií~na' mi~ nití~ e í' jo, jo o' yaang~ 'nú' dsea` nifo^na'.

²¹ Jo mi~ tí lí~ jo, seem` dsea` nijáiñ' jaléng' rúíñ' e nijúuiñ~, jogui seem'bi tiquiá^ dsea` nijmér~ lajo cóo~ jóor', osi jóor' é nijmér~ lajo cóo~ tiquiá'r^ e nijngáng' rúíñ'. ²² Jo lajím` dsea` jmigüí nilí 'ní' níñ~ 'nú' uí~ e cuíng~na' jnea~ ; jo dsu' i dsea` i nité' e siñ' teá' fí guia~ contøøng~ cóo~ jnea~, joba' i dsea` í'bing' i nileáang' jee~ jalé' dsee~ quiá~ mi~ nití' í' lajo. ²³ Jo mi~ ni'óøng~ dsea` 'nú' fí coo' fii', guia~gui e cuí^ba' jo nigüilíng~na' fí jié'gui coo' fii'. Jo dsu' jmitaa^ óo'na' e jnea~ i cajá~ fí jmigüí la e lín'n jaang` dsea` jmigüí, nigáab'túu calé' catú~ nú~gui e niteáang'na' ngi'na' ta~ guia' júu^ quié~ e fí la'úng~ jalé' fii' e tée~ lí~ se' Israel.

²⁴ Co' jii~ jaang` dsea` i jmitíng', tíng'guir laco' tifa' quiá'r~, o'gui jaang` dsea` 'léeng' fa' níng~guir laco' fíir~. ²⁵ Co' i dsea` i jmitíng' do 'néb~ nijmitíñ'

cartí nilitíiñ røø, jo lajoguiba' røøb` nicóñ còo~ tifa' quiá'r- jóng. Jogui i dsea` 'léeng~ do mi~ ningóo' jmóor` ta~, ni'uim` bre laco' i fiir~ do cajo. Jo song fé' dsea` e fiir~ i 'ling'^ i sii` Beelzebú quier` nifi' sinúu^ quií-na', joba' ga'guib nifé' dsea` jóng uíi~ quiá'- dsea` sinúu^ quií-na'.

Jial`né- nijmi'gó` dsea` Fidié`

(Lc. 12:2-7)

²⁶ Jo mi~ cangí jo, casí'-gui Jesús jaléng' i dsea` quiá'r- do jo cajíñ'-:

—Ja` fòong~na' quiá'- jaléng' dsea` i 'ní' níng- 'nú', co' ja` sea` jíi~ coo` júu^ e ja` ñí dsea` fa' ja` tóo` jmí~ e niliñí dsea`, o'gui coo` e si'ma' fa' ja` tóo` jmí~ e niguié' dsea` cajo. ²⁷ Jogui jalé' e fiir~ i 'nú' e ñng, guía'ba' júu^ jee~ jaléng' dsea`; jogui jalé' e fiir~ i 'nú' fi' oo- loguá'na', fée'ba' teá' jee~ jaléng' dsea`. ²⁸ Jo ja` fòong~na' quiá'- jaléng' dsea` i iing~ nijngáng'- 'nú', co' ja` e ta` íng' quiá'r- lico' lír' jíi~ ngúu' táang'na'; co' Fidiéeb' dsea` 'né- i nijmi'goo'na', co' jíi~ dsea` íbing' cuóong' nijngáng'- dsea` jogui ni'íñ- dsea` congua' fi' lí' 'lí' car` ngongí' jmí~.

²⁹ Co' cuóom` nilóng- dsea` gáng- ta' còo~ coo` tú- í' lajo, jo dsu' jíi~ jaang` i ta' do quí'- jmí~ nidsi'íng'ne' e ja` mí' caquiú' Tiquí'na' Fidié' ta' lajo.

³⁰ Jogui jaléng' 'nú', jìgui jñuguí'na' si'í'^ Fidié' jó' mí' tíí'. ³¹ Joba' ja` fòong~na' jíi~ coo`, co' lí'gui quíng' 'nú' fi' quini' Fidié' laco'gui i fíng' ta'.

Jaléng' dsea` i jíng'- e cuíñ` Dsea` Jmáang- fi' quini' jaléng' dsea` jiéng'

(Lc. 12:8-9)

³² Jo cajíng'-gui Jesús casí'r- dsea` quiá'r-:

—Song ií dsea` jíng'- e cuíñ` jnea~ fi' quini' dsea` jiéng', joba' lajob nifá' jnea~ cajo e cuíim'baa i dsea` í' fi' quini' Tiquié'e dsea` guiing~ ñifí'; ³³ jo dsu' ií'gui i jíng'- e ja` cuíñ` jnea~ fi' quini' dsea` jiéng', joba' lajob nifá' jnea~ cajo e ja` cuíin`re fi' quini' Tiquié'e dsea` guiing~ ñifí'.

Nijíng- dsea` lajee` la'ó'` rúñ'` uíi~ quiá'- Jesús

(Lc. 12:51-53; 14:26-27)

³⁴ Ja` í' áa'na' fa' jnea~ cagá- a fi' jmigüí' la e cagajmée'e e seeng` dsea` juguiá- júu^ røø, co' jnea~ ja` cagajmée'e lajo, dsuco' uíi~ jnea~ nijíng- dsea` lajee` la'ó'` rúñ'. ³⁵ Jo jóo' dsea` dseañu' nijíñ- còo~ tiquiá'r^, jogui jóo' dsea` dseamí' nijíñ- còo~ niquiá'r^, jogui dsea` miloo~ quiá'- dsea` nijíñ- còo~ iemisér^; ³⁶ jo lajee` la'ó'` dsea` sinúu^ quiá'r- nilí' 'ní' níng- rúñ'.

³⁷ Jogui song jaang` dsea` eáang'gui 'neáaiñ` tiquiá'r^ osi niquiá'r^ é laco'gui jnea~, joba' ja` quí'- jmí~ e líiñ` dsea` quié-e jóng; osi jaang` sejmii` dsea` eáang'gui 'neáaiñ` jóor' dseañu' osi jóor' dseamí' é laco'gui jnea~, joba' lajob cajo ja` quí'- jmí~ e líiñ` dsea` quié-e. ³⁸ Jogui ií dsea` i ja` niseáng- lafa' crúu^ quiá'r- e laco' cuø' lí' e guía' dsíir' e ni'íñ' iihu' uíi~ e líiñ` dsea` quié-e, ja` quí'- jmí~ e líiñ` dsea` quié-e. ³⁹ Jogui ií dsea` i í' dsíí' e lí'bre nileáng- 'ñia'r' jee~ jalé' dsee- quiá'r-, joba' i dsea` í' conguaib' nibíiñ' fi' lí' 'lí' jóng; jo dsu' ií dsea` i júung- uíi~ e líiñ` dsea` quié-e, joba' i dsea` í' conguaib' nitíiñ' fi' quini' Fidié' jóng.

Lajíi~ e catñng- dsea` íñ'` quiá'- Fidié`

(Mr. 9:41)

⁴⁰ Jo lalab casí'-gui Jesús dsea` quiá'r-:

—Ií dsea` i íng' 'nú' lacoo' lí' guilíng-na', joba' ím'bre jnea~ cajo; jogui ií dsea` i íng' jnea~, joba' ím'bre i dsea` i casíng' jnea~ fi' jmigüí' la. ⁴¹ Jogui ií i íng' i dsea` i fé' cuaiñ~ quiá'- Fidié', co' dsea` íb' casí' quiá'r-, joba' i dsea` i ni'íng' i dsea` í' røøb' ni'íñ' cajo laco'gui e cuø' Fidié' i dsea` i fé' cuaiñ~ quiá'r- do; jogui ií i íng' jaang` dsea` i ée' guiá-, co' guiúm- i dsea` do, joba' røøb' ni'íng'

i dsea` í quiá- Fidiéé` lí^ laco'gui la íng' i dsea` i ée` guiú- do. ⁴² Jogui doñí`
i dsea` i cuø' fa' capi' jmi` i dsea` quié- e i doñí' fa' ni'lé' cuíng` jnea~, joba'
jneá~ jmitaa` óóna' e catim` bre ni'ín' lajii' e si'íin^ quiá- Fidiéé` cajo.

11

Mi` casting` Juan i seáng` dsea` jmi` dsea` quiá-r` fi` lí` táang` Jesús
(Lc. 7:18-35)

¹ Jo mi` tí' lí` cató' e cacuø' Jesús ta~ jaléng' i dsea` guitúung` do quiá-r~, joba'
cangó-bre e cango'er' jogui e cangoguiar` júu^ quiá- Fidiéé` fi' jalé' fi' e téé' lí`
se' Galilea.

² Jo ie~ jo, 'nuñib^ iuung- i Juan i seáng` dsea` jmi` do. Jo lajee` iuuiñ- fi' job
mi` caliñir' jalé' e quíi~ jmi` tíng` Dsea` Jmáang- e jmóor~, joba' casíin` coo` tú-
míng' dsea` quiá-r` fi' lí` táang` dsea` do ³ e cangojmingíi' reiñ' su íb` dsea` i
sijeeng` dsea` Israel i si'íing^ e nigüéeng- fi' jmigüi' la, osi nijém- bir jaang`gui i
jiéng' é.

⁴ Joba' lalab cañi' Jesús quiá- i dsea` do:

—Güilíng`na' güicoo`na' júu^ quiá- i Juan do lajii' e nicanúu`na' jogui
nicañi`na' e quíi~ jmi` e jmóo'o. ⁵ Síi'gor e lijnéb'tu jaléng' dsea` tiuung-,
jogui e ngib'tu jaléng' dsea` jlúung', jogui e 'láam- jaléng' dsea` i líng` jmohuí'
'lí' fi' ngúu' táang, jogui e núub'tu jaléng' dsea` güing~, jogui e jib'tu jaléng'
'líi~, jogui cajo e guiaa- júu^ quiá- jial nileáng` jaléng' dsea` jmigüi' jee~ jalé'
dsee- quiá-r-. ⁶ iJuguiá- jia quiá- jaléng' dsea` i ja' litúng- dsíi' lajii' fi' lí` nisiñ'
cáo~ jnea~!

⁷ Jo mi` tí' lí` caquing'-tu i dsea` i casting` Juan i seáng` dsea` jmi` do, joba'
Jesús canaiñ' sí'r` jaléng' i dsea` i taang` cóo'r~ do jalé' juguiá- uii' quiá- i
Juan do, jo lalab casí- reiñ' jo cajíi' :

—¿E` caguijòø- 'nú' mi` canúu`na' e ningí' i Juan do fi' jee~ guóo~ uø- quiú?
¿Já' leáa'?, ja' caguijòøng- 'nú' jaang` dsea` i uaang` júu^ quiá- i jmóo' lí' doñí'
ee' ta~ quiá' dsea` jiéng' i líng' la lí' coo` cuiñi'^ e dsée' cataang` lí' doñí' jié' fi'
lí' í' guí; ⁸ o'gui caguijòøng`na' jaang` dseañu' i jlo'^ sí'^, co' niñib^ 'nú' e i dsea`
la'í' neáaiñ' quiá- dseata~ dsea` féng', co' í'bing' sea` jalé' e jlo'^ quiá-. ⁹ Jo ¿i' í'
óóna' i caguijòøng`na'? Jo e jáb'-, 'nú' caguijòøng`na' jaang` dsea` i laniing`gui
laco' i dsea` caguiaang- i café' cuaiñ~ quiá- Fidiéé` mali~gui eáang'. ¹⁰ Jo nab
nicaliti~ laco' fé' fi' ni' jì' quiá- Fidiéé` cuaiñ~ quiá- i Juan i seáng` dsea` jmi`
do mi` cajíng'- Fidiéé` e casí-r- Dsea` Jmáang- lala:

Nisñn^n jaang` dsea` i niguiá- júu^ quié- e

ná'-gui e niguó'^ fi' jmigüi'

e laco' niguiár- guiá- fi' lí' ningí'^.

¹¹ Jo lalab cajíng'-gui Jesús casí-r- i dsea` teáng- cóo'r~ do ie~ jo:

—Jo jnea~ jmitaa` óóna' e lajee` lajaléng' dsea` i nicafé' cuaiñ~ quiá-
Fidiéé`, ja' mí' caliséng` jaang` i niing-gui ta~ quiá- laco' i Juan i seáng` dsea`
jmi` do. Jo dsu' i dsea` i ja' niing- fi' jmigüi' la dsu' Fidiéé`bing' i quié' nifi'
quiá-r~, joba' í'bing' i niing-gui laco' i Juan do.

¹² 'Co' ie~ latí' mi` canaang` Juan i seáng` dsea` jmi` e guiar' júu^ e nijáa'
Dsea` Jmáang- jo cartí' lana, eáang` huíng` nicangojéé' cóo' júu^ quiá- Fidiéé`
e quiá- e quier' nifi' quiá- dsea` jmigüi'; jogui jaléng' dsea` i 'ní' ní-, cuø' bí
yaañ~ e laco' iin~ nijmiguieeiñ` cóo' e júu^ jo. ¹³ Jo ná'-gui e cagüéng- Juan i
seáng` dsea` jmi` fi' jmigüi' la, jalé' e júu^ e caguia' i dsea` i café' cuaiñ~ quiá-
Fidiéé` jogui e júu^ quiá' ta~ quiá- Fidiéé` do, jalé' e jo lico' jmita~ dsíi' e Fidiéé`
iin~ nicár- nifi' quiá- lajaang` lajaang` dsea` jmigüi'. ¹⁴ Jo song` 'nú' iing`na'
ni'íng`na' e júu^ jo, joba' i Juan do líiñ' laco' Lí' i café' cuaiñ~ quiá- Fidiéé`

malih̄gui eáanḡ i si'í' nijáa'tu calé' catú'. ¹⁵ Jo jaléng' 'nú', dsea` sea` loguá'na', núu`na' jalé' e júu` e nicafá'`a na.

¹⁶ 'Jo lana nifá'`duu jial líng' jaléng' i dsea` seeng' jmih̄ na, co' jaléng' í líiñ' la líng' jiuung` i táang` tacóo' fí 'móo'~, jo mi` niti'áng' rúíñ' fé'r' lala: ¹⁷ "Cajíuú` jnea'` lúu', dsu' 'nú' ja` cadseeng`na'; jogui ca'ó'naa' e ó' dsea` lí ráang` líi~, dsu' 'nú' ja` caquí'`na'." ¹⁸ Co' lalab caféé'` 'nú' mi` cajá' i Juan i seáang` dsea` jmih̄ do, ca'eeng`na'r e iuung` i líng'` dsíir' dsu' uíi' e ja` 'leáang` gø'r' jogui jíi'` capí'` méé' ja` í'r'. ¹⁹ Jogui mi` cagüéng` jnea` fí jmigüi' la, jnea` dsea` i jáa' fí ñifí' e lín'n jaang` dsea` jmigüi' e gø'`baa jíi'` laco' gø'` dsea', jo uíi' e lajob líi', joba' jaléng' 'nú' ca'eeng`na' jnea` e lín'n jaang` dsea` cúng` i gø'` contøong` jogui e lín'n jaang` dsea` íng' i ngí' cóo'~ jaléng' dsea` i ga' fé' dsea` uii` quiá'r` osi cóo'~ jaléng' 'ná'` nodsicuu` i jmóo' ta` mí' cuu` e catíng` dseata` quiá'` Roma é. Jo dsu' cóo'~ jalé' e jmóo' Fidiéé'` jmiñéiñ' jial tí' tñiñ' ngáíñ'.

Dsea` i ja` já'` calíng` júu` quiá'` Dsea` Jmáang`

(Lc. 10:13-15)

²⁰ Jo ie` jo, canaang` Jesús 'gaam`bre quiá'` jaléng' dsea` i seeng` fí fii' lí' nicajméer` jalé' e quí'r` jmih̄ e dsigá' dsíi' dsea', co' jaléng' i dsea` í ja` caquí'` jíng' yaaiñ` fí quini' Fidiéé'. Jo lalab cajíng'` Jesús ie` jo:

²¹ —iE ngí'` fñb' 'nú', dsea` seeng`na' fí Corazín cóo'~gui 'nú' dsea` seeng`na' fí Betsaida, cofa' mi` fí Tiro cóo'~gui fí Sidón cajmé` e lajalé' e guíá' e quí'` i jmih̄ laco'gui jíi'` e nicajmé` e jee` 'nú', joba' i dsea` í ladsifí lajo caquí'` jíng' yaaiñ` fí quini' Fidiéé'` faco' mi` lajo, jo catíng` e ñineáaiñ' fí'lb' uii` quiá'` jalé' e dsee` e nicarøøiñ'! ²² Joba' fñ' i 'nú', dsea` seeng`na' fí Corazín cóo'~gui fí Betsaida, ie` mi` nití' í' e niquidsí Fidiéé'` í' quiá'` lajaang` lajaang` dsea` jmigüi', eáang`gui nicuø'r` 'nú' iihuí' laco'gui e iihuí' e ni'íng' dsea` i seeng` fí Tiro cóo'~gui fí Sidón. ²³ Jogui jaléng' 'nú', dsea` seeng`na' fí Capernaum, ¿su líng`na' e 'nú'bing' i nisáng' cartí' yá'`gui jee` jaléng' dsea'? Jo o' lajo, co' 'nú'bing' i nijgiáang` tí' lí' 'lí'` mi` nití' í' lajo. Cofa' mi` fí fñ' Sodoma calí' lajalé' e quí'` jmih̄ laco'gui jíi'` e nicajmé` e jee` 'nú', joba' ja` ca'íng` e fñ' jo, jo siji'`bi latí' lana. ²⁴ Joba' fñ' túu' 'nú', dsea` i seeng` fí Capernaum, e mi` nití' í' e niquidsí Fidiéé'` í' quiá'` lajaang` lajaang` dsea` jmigüi', eáang`gui b ni'íng'` 'nú' iihuí' laco'gui jíi'` iihuí' e ca'íng' jaléng' i dsea` i seeng` fí Sodoma.

Jaléng' dsea` i óo' fí'í' dsí' 'né'` nijaquíéiñ' fí quini' Jesús

(Lc. 10:21-22)

²⁵ Jo lalab cajíng'`gui Jesús ie` jo:

—Teaa~, lana jmifén'`n 'nu', dsea` Fii` ñifí' cóo'~ jmigüi' la, dsuco' lana nicajmee'` e ngám' jaléng' dsea` dsee` dsea` quí' jalé' júu` quí'`, jogui cajmee`ba' e ja` cangáng' júu` quí'` jaléng' dsea` i tíng` eáang' i jmicøøng'` yaang` fí jee` jaléng' dsea` rúng'. ²⁶ E jáb'~, lajob líi', Teaa~, co' lajob nicali'íing` 'nu' e calí'.

²⁷ Jo mi` cangí' jo, lalab casí'` Jesús dsea` quiá'r`:

—Tiquié'e Fidiéeb' dsea` nicacuø'r' jnea` e néé' nii` lajalé' e sea` fí la'úng` fí jmigüi'. Jo jíi'` jaang` dsea` dseáng'` mí' cuiñ' jnea~, dsea` lín'n Jóo' Fidiéé' camíng'~, co' lajíi'` Tiquié'`baa dsea` cuiñ' jnea~; jogui jíi'` jaang` dsea` dseáng'` mí' cuiñ' Tiquié'e dsea` guíng` ñifí', co' lajíi'` jneab` dsea` cuíñ'`re cóo'~gui lajaléng' dsea` i nisi'íng` quíe` e e nilicuíñ' dsea` do. ²⁸ Jo jaléng' 'nú', dsea` i óo' fí'í', cóo'~gui jaléng' 'nú', dsea` dsingúng`na' iihuí', quí'` jíng'` yaang`na' fí quini', co' jneab` dsea` quí'` i jmih̄ nijmee` e nití'` áa'na' quiá'` jalé' e jo. ²⁹ Jogui íng'`na' jalé' júu` quíe` e e guíaa` jee` 'nú', jogui ee`ba' guíá' laco'gui jnea~, dsea` lín'n jaang` dsea` féng' dsí' cóo'` doñí'` ii' jogui e ja`

jmiféng' 'ñiá'a cajo. Jo song nijmee~na' lajo, joba' nilí'ba' jóng e nití'~ áa'na' uii~ quiá'~ jalé' e dsing'ng~na' do. ³⁰ Co' song ii' dsea' i iing~ nijmit'ing' júu^ quié' e jogui nijmitir~ lajú' júu^ quiá' ta~ quié'e, ja' hu'ng' quiá'r~ e nijmér~ lajo, co' ja' ii' e ta~ jo.

12

*Mi~ ca'éeng~ dsea` quiá'~ Jesús láa' quiá'~ cui'iee`
(Mr. 2:23-28; Lc. 6:1-5)*

¹ Jo ie~ jo, coo' jmii~ lajee~ e t'ing' dsea' Israel e jmi'íñ', cang'ing' Jesús col'ing~ cóo'~ dsea' guitúung' quiá'r~ fí' coo' guóo'~ uó' lí' s'jneá' cui'iee'. Jo lajee~ ng'íñ' fí' jo, cadseá' jmi'aang~ i dsea' quiá'r~ do, jo canaaiñ' do éem~bre láa' quiá'~ cui'iee' e sea' do jo canaaiñ' gó'bre m'í^ quiá'-. ² Jo ie~ jo, co' quiá'~ dob nitaang~ coo' tú~ m'ing'~ dsea' Israel i líng' dsea' fariseo jo cangá' bre e ca'éeng~ i dsea' quiá'~ Jesús do cui'iee', joba' lalab casí'r~ Jesús:

—Ja' cat'ing~ jmé~ i dsea' quií'~ na lana lajee~ jmii~ e jmi'íng'naa', jneaa~aa' dsea' lí'í' dsea' Israel!

³ Jo lalab cañí' Jesús quiá'~ i dsea' do:

—Téé' óo'na' e nica'í'ba' fí' ni~ jì quiá'~ Fidiéé' lí' fé' jial cajmée' dseata~ Davi'~ mi~ cadseá' jmi'aaíñ~ col'ing~ cóo'~ jaléng' dsea' quiá'r~. ⁴ Co' ie~ jo cang'íñ' cartí' dsí' sinúu^ guá'~, jo cagó'r' íñ'í^ e güeang' quiá'~ Fidiéé' e jú'~ jmidsea'bing' sí'í' cuó'ng' dó'~, dsu' cagó'bre col'ing~ cóo'~ i dsea' quiá'r~ do. ⁵ Jogui téé' óo'na' cajo jial fé' fí' ni~ jì quiá'~ Fidiéé' e cajme' Moi~, co' fí' ni~ jo fé' e ja' dsee~ ée' jaléng' jmidsea' nañí' fa' jmóor' ta' fí' dsí' sinúu^ guá'~ fé' lajee~ jmii~ e jmi'íng' jneaa~aa', dsea' lí'í' dsea' Israel. ⁶ Jo dsu' jnea' fí' i 'nú' e niing~gui júu^ quié' e laco'gui e guá'~ do. ⁷ Dsu' latí' lana ja' mí' cangám'bi 'nú' e guó'ng' lajú'~ e fé' fí' ni~ jì quiá'~ Fidiéé' lí' fé' lala: “Jnea~ Fidiéé' iin~ n e nilí' fí' líng' rúng'na', jo o' e cuó'na' feá'~ fí' quini'~.”

Jo casí'~gui Jesús i dsea' fariseo do:

—Facó' mi~ cangáng'na' e júu^ jo latí' mi~ uiing~, joba' ja' e ta~ e cuó'na' dsee~ jaang' dsea' i ja' mí' ca'lée' jú'~ coo'. ⁸ Jo dsu' e já'~, jnea~ dsea' cagá'a fí' jmigü' la e lín'n jaang' dsea' jmigü', oo~baa ta~ e niquí'~u ta~ mi~ jmii~ e jmi'íng' jneaa~aa', dsea' lí'naa' dsea' Israel.

*Mi~ cajmi'leáng~ Jesús jaang' dsea' i caang~ guoo`
(Mr. 3:1-6; Lc. 6:6-11)*

⁹ Jo mi~ cang' jo, cangó' Jesús fí' coo' dsí' sinúu^ guá'~ quiá'~ dsea' góor' dsea' Israel. ¹⁰ Jo mi~ caguiér~ fí' jo, dob ni'iuung~ jaang' dseañu' i caang~ coo' guoo'. Jo ie~ jo, dob niteáng~ coo' tú~ m'ing'~ dsea' Israel i líng' dsea' fariseo e siteeíñ' Jesús e iin~ ninír' su nijmi'leáng~ dsea' do i dsea' i caang~ guoo' do 'ñia' ie~ jmii~ e jmi'íng' dsea' Israel, jo lajoba' e niguié'r' jial e ni'níñ' dsea' do fí' quini' dseata~. Joba' cajming'í'r~ Jesús lala:

—¿Su seab' fí' e nijmi'leáng~ jaang' dsea' dsée'~ lajee~ mi~ jmii~ e jmi'íng'naa'?

¹¹ Joba' cañí' Jesús quiá'íñ' do jo casí'~ reiñ' lala:

—Facó' 'nú' aang~na' jo'se' jo caling'ng~na' e cat'ong' jaang' fí' dsí' í' 'ñia' ie~ jmii~ e jmi'íng'naa', ja' lí' dsii~ fa' lí' niseáng~na're' lajo, co' nigüiseám'ba're'. ¹² Joba' fí' i 'nú', jial tí' laniing~gui quíng' jaang' dsea' fí' quini' Fidiéé' laco'gui jaang' jo'se'. Jo lajob lí', seab' fí' e jmé'naa' coo' e guiá'~ 'ñia' mi~ jmii~ e jmi'íng'naa'.

¹³ Joba' lalab casí'~ Jesús i dsea' caang~ guoo' do:

—Ní'~ guóo', dseañu'.

Jø lajɔb cajmée` i dsea` do, jø ladsifí lanab ca'lóo` guóor` jø caliguiáb` e guóor` do lí` laco'gui e coo` do. ¹⁴ Jø mi` tí lí` ca'uøøng` jaléng` i dsea` fariseo do e fí` dsíí` sínúú` guá' do, jø canaaíñ` sáíñ` quiá'` jial niguié'r` e nijngáíñ` Jesús.

Júu` e cajme'` Saíí` cuaiñ` quiá'` Jesús

¹⁵ Jø mi` calilí` Jesús e jø, cagüi`ñ`bre e fí` jø, jø cangór` fí` lí` jié', jø fíim` dsea` cangolíng` cóo'r` ie` jø. Jø laco' ngolíñ` teáaiñ` fí` lado, jmi'leáam` dsea` do jaléng` dsea` dsée', ¹⁶ jogui quiu'r` ta` quiá'` jaléng` i dsea` i jmi'leáaiñ` do e ja` niguiáiñ` do júu` quiá'` jalé' e quíí` dsea` do jmí` jmóor`. ¹⁷ Jø cajméer` jalé' e jø e laco' caliti` lajii` júu` quiá'` Fidiéé` e cajme'` Saíí`, jaang` dsea` i café' cuaiñ` quiá'` Fidiéé` malíí` gui eáang` mi` cajíñ` lala:

¹⁸ I lab i dsea` i nicaguín`n,

i jmóo` lajii` e iin`n,

jø eáam` 'neáan`nre jogui iáang` dsii` cóo'r`.

Jogui eáam` nili'gøiñ`

la'eáang` cóo'` Jmiguí` quié` e e nicuøø` øre,

jogui niguiár` júu` jee` jaléng` dsea` jmigüí`

e dseáng` røøb` níí` í` quiá'` lajaang` lajaang` dsea`.

¹⁹ Dsu' ja` nijmér` ta` jíing` o'gui ta` ta' míí`;

jø jii` jaang` dsea` ja` ii` ninú` júu` quiá'r` jee` 'núú` e jmiféng` 'ñia'r`.

²⁰ Jø nijmicóo'`bre jaléng` dsea`

i í` dsíí` e ja` seeng` ii` nijmicóo'` quiá'r`.

Jogui nijmicóo'`bir cajo jaléng` dsea`

i í` dsíí` e ja` niquíí`r` jmí`.

Jogui niguiár` júu` jee` jaléng` dsea`

car` nilita` dsííñ` e dseáng` røøb` íí` í` quiá'` lajaang` lajaang` dsea`.

²¹ Jø la'eáang` íb` nijá'` líng`

jaléng` dsea` jmigüí` júu` quiá'` Fidiéé`.

Jø lanab cajíng` Saíí` ie` malíí` gui do.

Mí` cacuø'` dsea` dsee` Jesús e jmóor` ta` la'eáang` cóo'` i 'líng'`

(Mr. 3:20-30; Lc. 11:14-23; 12:10)

²² Jø mi` cangí` jø, cangojéeng` dsea` fí` quini` Jesús jaang` dsea` tiuung` jogui i ja` fé' cajo. Jø i 'lim'` jmóo` e nilíng` i dsea` do lado. Jø dsu' Jesús cajmi'leáam`bre i dsea` do, jø calijnéb`tuiñ` do jogui café'tuiñ` cajo. ²³ Jø jaléng` dsea` i teáang` do ie` jø, eáang` cangogá` dsíí` jø canaaíñ` sí` rúíñ` lajee` yaaiñ` jø fé'r` lala:

—Jangám` song Jóo'` dseata` dsea` féng` Daví` i na.

²⁴ Jø ie` jø, dob niteáang` coo` tú` máng` dsea` Israel i líng` dsea` fariseo. Jø mi` canúur` síng` i dsea` do lado, jøba' cajíñ`:

—La'eáang` cóo'` bí` quiá'` Beelzebú i líng` fii` jaléng` i 'líng'`, la'eáang` í'bing'` tiiing` i dseañu` na e uøøíñ` i 'líng'` i teáang` dsíí` dsea`.

²⁵ Jø co'` ñib` Jesús lajii` e í` dsíí` i dsea` fariseo do, jøba' cajíñ` casí` reiñ`:

—Fa' coo` fii` jø jaléng` dsea` i seeng` fí` jø 'ní` níng` rúíñ`, jøba' sí'ím` e fii` jø jóng, co'` ja` seeíñ` røø. Jø lajõb` cajo fa' coo` fii` pí'` osi coo` sínúú` lí` 'ní` níng` rúng` dsea`, sí'ím` cajo. ²⁶ Jø lajõb` líí` cajo cóo'` Satanás i líng` fii` i 'líng'` do, song nijmihuiñ` i 'líng'` quiá'r`, jøba' nilí` e 'ní` níim` rúíñ` jø lajõba' ní'ím` bí` quiá'r`. ²⁷ Jø 'nú'`gui fó'`na' e jnea` tiiñ` jmihuín`n jaléng` i 'líng'` i teáang` dsíí` dsea` la'eáang` cóo'` bí` quiá'` fii` i 'líng'` i sii` Beelzebú; co'` faco'` lajõ, ¿í` i í` óo'`na' i jmicóo'` quiá'` jaléng` dsea` i ngí` cóo'` 'nú'` e tiiñ`bre jmóor` lajõ faco'` lajõ? Co'` Fidiéé`bing'` i jmicóo'` quiá'` i dsea` í` e tiiñ` jmóor` lajõ. Jøba'

lajjĩ e tũĩĩ do cuø li e ja dseeng`laco' jji e í áa'na'. 28 Co' lajjĩ e jmóo`jnea e jmihuĩn`n jaléng` i 'ling' i teáng` dsí' dsea, la'eáang` cóo' Jmiguĩ quía' Fidié`ba' e jmóo`o lajo. Jo e jo cuø li e nicatib` í' e Fidié` nicár` nifí quí' na' lajaang` lajaang`na'.

29 Jo jing`gui Jesús:

—Jo ja`nilí' jaang`dsea`ni'ír`fí`dsí' cóo`sinúu` quía' jaang`dsea`i`bí`gui dsí' laco' ír`e`ni'uo'`r` jalé' e sea` quía'ĩ' , dsaco' la'uii`jang` 'né`ni'ñũm`bre i`dsea`bí`dsí' do, jo lajoguiba' cuøøng` e nijmér` lajo.

30 Jo i`dsea`i`ja`sing` uii` quíe`e, joba' 'ní' níim`bre jnea`; jogui i`i`ja`jmico'`jnea` e laco' nilicuĩng`dsea`jnea`, joba' ja`siñ' uii` quíe`e cajo.

31 Joba' fii`i`'nú' e íim`bi`Fidié`dsee` quía' jaléng`dsea`jmigüi`mĩ`ee`go júu`gá`fé'r` uii` quía' dsea`do, osi lí' doñí`ee`dsee` e éeiñ`é; dsu' jo`ni'íiñ`dsee`fing`song`i`café' ga`uii` quía' Jmiguĩ quía'r`. 32 Joba' fii`túu`'nú' e Fidié` íim`bir`dsee` quía' jaléng`dsea`jmigüi`mĩ`ee`go ga`fé'r` uii` quíe`e, jnea`dsea`gáa`a`fí`ñifí` e lĩn`n`jaang`dsea`jmigüi`; dsu' song`i`gui`café' ga` uii` quía' Jmiguĩ quía' Fidié`, joba' jo`tõo`jmĩ`fa`ni'ling`dsea`do`dsee` quía' i`dsea`i`lata`seeiñ`fí`jmigüi`la`o`gui`fí`jmigüi` cóo`cajo.

*Jalé' 'ma`ofi` cuí` dsea` la'eáang` cóo` ofi` e`#b`
(Lc. 6:43-45)*

33 Jo lalab`cajing`gui Jesús e éeiñ`i`dsea`teáng`do`ie`jo:

—Fa' 'nú' ta`na' o`fí`i`'ma`ofi` quí' na', joba' jlob`ofi`nicuø` ; jo song`ja`jmoo`na' lajo, joba' ja`'goo`ofi`nicuø`. Co' jaléb`'ma`ofi` cuí`dsea`la'eáang` cóo`ofi` e`#b`. 34 Joo`mĩ`guim`'nú'! Ja`cuøøng` e nifo`na' jmang`juguiú`, co' jmang`jalé' e ga`ba' í`áa'na'. Dsaco' lajjĩ e í`dsíib`dsea, jji`joba' fé'r`. 35 Jo jaang`dsea`i`guiúng`, jmang`júu`guiáb`fé'r', co' jmang` e guiú`ba' í`dsíir`; jogui jaang`dsea`i`soo`dsíi, jmang`júu`gab`fé'r', co' jmang` e ga`ba' í`dsíir`. 36 Joba' fii`i`'nú' e mĩ`niguiéé`jmĩ` e niquidsí`Fidié`í' quía' lajaang` lajaang`dsea`jmigüi, ie`job`mĩ`niguiéé`dsea`júu`fí`quini`dsea`do`jalé' e ja` íing`ta` e café'r`lajee`cateáiñ`fí`jmigüi`la. 37 Jo cóo`lajjĩ`júu` e café' dsea, cóo`jji`job`nija`i`su`røøiñ`dsee`osi`ja`røøiñ`é`mĩ`tí`lí`nití`í' e nitidsí`í' quía'r`.

*Mĩ`cami` dsea` Jesús e nijmér` cóo`li` e quí'r` jmĩ` e dsigá`dsí' dsea`
(Mr. 8:12-13; Lc. 11:29-32)*

38 Jo mĩ`cang`jo, cóo`tú`máng`tifa' quía' júu`quiú`ta` quía' dsea`Israel cóo`gui`cóo`tú`máng`dsea`Israel i`láng`dsea`fariseo`cangoquiéeiñ`fí`lí`sing`Jesús`jo`casí'r`dsea`do`lala:

—Tifa', iin`naa' ne`naa' e nijme` cóo`li` e quí' jmĩ` e dsigá`dsí' dsea`.

39 Joba' cañi` Jesús quía' i`dsea`do:

—Jaléng`dsea`seeng`jmĩ`na`dsíng`nirøøiñ`dsee`jogui`ja`jmitir`júu` quía' Fidié`, co' lico' mĩ'r`jnea` e nijmee`e`cóo` e`lí` e quí' jmĩ` e dsigá`dsí' dsea`. Dsu' ja`nijmee`e`jji` cóo` e`jo`fí`quinir`, co' nicaliseáb` e`jo`lamĩ`jéeng`gui` e`cangonging`Jonás, jaang`dsea`i`café' cuaiñ` quía' Fidié` malĩ`gui`eáang`. 40 Jo laco' ca'í`Jonás`nĩ`jmĩ`jogui`nĩ`uoø`fí`dsí' tu' jaang`ñũ`dsé`, lajob`jnea`cajo, dsea`cagá`a`fí`ñifí` e lĩn`n`jaang`dsea`jmigüi, ni'ú`u`nĩ`jmĩ`jogui`nĩ`uoø`fí`ná'`uoø`. 41 Jo mĩ`nití`jmĩ` e niquidsí`Fidié`í' quía' lajaang` lajaang`dsea`jmigüi, i`dsea`seeng`fí`fi`Nínive`do`nicuø'r`dsee`jaléng`dsea` i`seeng`jmĩ`na; co' mĩ`canúu`i`dsea`i`júu` e`caguia`Jonás, dsifí`lajob`caqui'`jíng`yaaĩñ`fí`quini`Fidié`uí'`jalé' dsee` quía'r`. Dsu' jnea`gui`fá'a` e`jnea`niing`gui`laco'gui`i`Jonás`do. 42 Lajobi`cajo`ie`malĩ`do`caliséng`jaang`reina`i`caquiú`ta`fí`lí`huíu`, jo`cajár`cajanúur`jalé' júu` e`tĩng`jaang`dseata`dsea`

féng' i sii' Salomón. Jo lajòb líí, i dseamî î nicuó' bre dsee cajo jaléng' i dsea` seeng` jmîi na mi` nití` jmîi e niquidsi Fidiée' í' quíá' lajaang` lajaang` dsea` jmigúí. Dsua' júu` quíe' e niing` gui lacò' gui júu` quíá' i dseata` Salomón do.

Jial líí mi` dsitáang` tu i 'lîng' fí' dsí' dsea`
(Lc. 11:24-26)

⁴³ Jo mi` calí` cajíng' Jesús lana, jo casí' guir jaléng' i dsea` do jo cajíñ'`:

—Mi` güí'í' jaang` i 'lîng' i iuung` dsí' jaang` dsea`, ngír' fí' lí' quié' e 'nó'r' fí' lí' nijmi'íñ'. Jo song ja` niguié'r' lí' nijmi'íñ', joba' í' dsír': ⁴⁴ “Níním' túu fí' dsí' dsea` e lí' cajú` u do, cò' ja lí' sea` lí' nijmi'ín'n.” Jo mi` niguieng` tur dsí' i dsea` do, niguiéñ' lafa' cò' sináa` lí' joo` jogui síquiáang` jogui sílii` jlo`. ⁴⁵ Jo mi` ninír' e dsíng' jlo` dsí' e lí' niguiéñ' do, joba' nidsér` nidsitéer` guiáng` i 'lîng' gui lacò' ír' e nidsitáaiñ' fí' dsí' i dsea` do, joba' ga` gui nilíng` i dsea` do lacò' gui lamí` iuung` jaang` i 'lîng' do fí' dsír'. Jo lajòb nidsing`ing` jaléng' i dsea` i røong` dsee` i seeng` jmîi na.

Mi` cajíng' Jesús i` niquíá'r` jogui i` jaléng` rúñ'
(Mr. 3:31-35; Lc. 8:19-21)

⁴⁶ Jo lajee` gui'nang` sãm` bi Jesús cóo` jaléng' i dsea` teáang` do ie` jo, mi` caguié` niquíá'r` cóo` gui jaléng' rúñ', cò' iíñ` nisíñ` cóo` dsea` do. Dsua' ja` cangúíñ' do cartí' lí' iuung` dsea` do. ⁴⁷ Jo jaang` dsea` jiém` bing' cangojmée' júu` Jesús e niteáang` i dsea` sináa` quíá'r` do fí' caluu`, jo lalab júu` quíe' i dsea` do:

—Nab nicagüéng` niquíí' cóo` gui jaléng' rún' e iíñ` síñ` cóo` 'nua`, jo nab teáaiñ` fí' caluu` lana.

⁴⁸ Jo lalab cañí' Jesús quíá' i dsea` quíe' júu` do:

—Jneab` nifí' i 'nua' i` niquié` e jogui i` jaléng' rún'n.

⁴⁹ Jo dsifib' ca'éeiñ` i dsea` quíá'r` do jo cajíñ'`:

—I dsea` nab niquié` e cóo` gui jaléng' rún'n. ⁵⁰ Cò' doñí' ií dsea` i jmiti` lajii` e iing` Tiquié` e dsea` guing` ñifí', jaléng' dsea` íbing' líng' rún'n jogui dsea` íbing' líng' niquié` e cajo.

13

Cò' júu` já' e lafa' júu` cuento quíá' mi` bí dsea` mijú`
(Mr. 4:1-9; Lc. 8:4-8)

¹ Jo 'ñia' ie` jmîi jo cagüi'í' Jesús fí' jo, jo cangór` cangogüear` fí' 'ni' guíeé' Galilea. ² Jo cò' i 'leáam` bi dsea` caseáng' fí' jo, joba' Jesús cajgóor` fí' yá' cóo` móo' e nisi' e fí' 'ni' e guíeé' do jo fí' job` caguár'. Jo dob teáang` jaléng' dsea` fí' 'ni' jmîi lajee` jo. ³ Jo catí' job` canaang` e' Jesús jaléng' i dsea` do jmiguiáb' jalé' júu` quíá'r`, jo casí' reiñ' cóo` júu` já' e lafa' júu` cuento jo cajíñ'`:

⁴ —Còo` née' jaang` dsea` cangór` cangobíir` mijú` quíá'r`. Jo mi` tí' lí' canaaiñ` bír' e mijú` do, e líng' do cajiá' lí' ngíng' fí', jo tab' cagò' jalé' e jo. ⁵ Dsua' e líng` gui e mijú` do cangotóo` jee` cuu` fí' lí' ja' 'leáang` guóo` née', jo e mijú` jo lajmináb` ca'íáang`, cò' nib` guóo' uó` cangotóo'. ⁶ Jo dsua' mi` tí' lí' cangíng` iee', lajmináb` caliquíú', cò' ja' a' cangotóo' jmó' quíá'. ⁷ Jo e líng` gui e mijú` do cangotóo` jee` mijú` 'matóo', jo dsua' mi` cacuáng` e mijú` 'matóo' do cajmée` niúm' quíá' e mijú` e guíá' do. ⁸ Jo e líng` gui e mijú` do cajiá' lí' jlo' uó` jo jlob' cacuó' e mijú` do mi` cacuáng`; jo e líng` e mijú` do cacuó' lí' lí' cien mí' lacamí', ⁹ jogui e líng` gui do cacuó' jíi' sesenta, jo e líng` gui jíi' treinta. Joba' fí' i 'nú' jaléng' na' e ií' 'nú' dsea` sea` loguá' na', i'nú' na' jalé' júu` quíe' e!

E~ uing~ e cajíng~ Jesús jalé~ e júu^ do
(Mr. 4:10-12; Lc. 8:9-10)

¹⁰ Jo mi~ cató' e café' Jesús jalé' e júu^ na, jo cangoquiéng' i dsea` quiá'r~ do fí' lí' guiiñ~ jo cajming'~r~ dsea` do lala:

—¿Jialí' fí' jaléng' i dsea` i caseáng' na cóo'~ jalé' júu^ já'~ e lafa' júu^ cuento?

¹¹ Jo lalab cañí' Jesús quiá'~ i dsea` quiá'r~ do jo casí'~ reiñ':

—Jo 'nú' nicangíng' na' quiá'~ Fidié~ e ngáng' na' jalé' e ja' mí' ñí' dsea` jéeng' gui e dsea` í' iñ~ cár' nifí' quiá'~ lajaang' lajaang' dsea` jmigüí, jo dsu' jaléng' i dsea` na ja` cangíñ' e ngáiñ' e jo. ¹² Co' i dsea` i nicangíng' e ngáng' jiu' júu^ quié~ e jmiguiá' guib niñíñ' e ningáiñ' e jo, joba' lalím' nilisea` quiá'r~; jo dsu' i dsea` i ja' niñíng' e ngáiñ' jii'~ capí' e jo, joba' nigüeáb' lajii'~ capí' e ngíñ' e ngáiñ' do. ¹³ Jo uii~ e lajob lí', joba' fii'~ i jaléng' i dsea` na cóo'~ júu^ já'~ e lafa' júu^ cuento; co' jaléng' i dsea` na lím~ bre e jné' bre, dsu' ja' jné'r'; jogui lím~ bre e núu' bre, dsu' ja' núur' o'gui ngáiñ' cajo. ¹⁴ Jo cóo'~ i dsea` na líti' laco' jii'~ júu^ e cajíng'~ Saií', jaang' i café' cuaiñ~ quiá'~ Fidié~ malíi' gui eáang' mi~ cajíñ'~ lala:

Jial fa' jialgui la núur' dsu' ja' e ningáiñ',

jogui fa' jialgui la jóø~ dsu' ja' e ninír'.

¹⁵ Dsaco' jman'~ e ja' dseem' ba' í' dsí' i dsea` seeng' fí' la;

jogui jné' bre loguar~ co' ja' iñ~ ninúr'~,

jogui jné' bre jminir~ cajo co' ja' iñ~ nijóø~r'~,

jo lajobi ja' cuóøng' ningáiñ' jii'~ coo',

jo lajobi cajo ja' niquí'~ jíng' yaaiñ~ fí' quinií'~

e laco' jnea~ nijmi' leáan' nre.

¹⁶ Joba' fii'~ i 'nú', dsea` nilíng' na' dsea` quié~ e, juguiá' jiu' quií' na', co' seab' jminí' na' cóo'~ e cuóøng' jóø' na', jogui seab' loguá' na' cóo'~ e cuóøng' núu' na'.

¹⁷ Jogui jnea~ jmitaa' óo' na' e fíim' dsea` i café' cuaiñ~ quiá'~ Fidié~ malíi' gui eáang' cóo'~ gui jaléng' dsea` i ée' guiá' cali' iñ~ ninír' lajii'~ e cangíng' 'nú' e móo' na' jmií' na, dsu' ja' cangár'~; jogui cali' iñ~ e ninúr' lajii'~ e núu' 'nú' lana, dsu' ja' canúur'~ cajo.

Mí~ cajíng'~ Jesús e~ guóng' e júu^ quiá'~ i dsea` bí' mijú' do
(Mr. 4:13-20; Lc. 8:11-15)

¹⁸ 'Núu' na' júu^ quié~ e, lana nijméé'~ duu 'nú' júu^ e~ guóng' e júu^ quiá'~ i dsea` bí' mijú' do. ¹⁹ Jaléng' dsea` i núu' jalé' júu^ quiá'~ jial quié' Fidié~ nifí' quiá'~ dsea` jo dsu' ja' ngáiñ' e júu^ jo, joba' jaléng' i dsea` í' bing' i líng' laco' e mijú' e ca' líng' fí' guiá' fí' do; co' dsifí' lanab guiéé' fii' i 'líng' jo íim~ bre lajii'~ e nicangáng' i dsea` do. ²⁰ Jogui e mijú' e cajiá' fí' jee~ cuu' do guóng' quiá'~ jaléng' dsea` i tí' dsí' núu' júu^ quiá'~ Fidié~ jogui tí' dsí' íñ' cajo; ²¹ jo dsu' laco' e mijú' do ja' lí' sea' lí' nisó' jmó' quiá'~ jmiguiá', joba' lajob lí' cóo'~ i dsea` í', cateá' ba' e té'r' e siñ' teá' cóo'~ e júu^ jo; jo dsu' mi~ dsingíñ' e huíng' uí' e já' líñ' e júu^ do, joba' ladsifí' lanab tá'tur e já' líñ' e júu^ jo. ²² Jogui e mijú' e cajiá' fí' jee~ mijú' 'matóo' do guóng' quiá'~ jaléng' dsea` i núu' júu^ quiá'~ Fidié~ , jo dsu' eáang' gui guíng' dsí' jalé' ta' lí' cuu' fí' jmigüí' la, jogui eáam' jmigóo' e cuu' do quiá'r~. Jo co' lajob líñ', joba' íim~ dsí' lajii'~ e júu^ do; jo lajoba' íim~ quiá'r~, co' ja' cuór' fí' fa' e nidsicuáng' e júu^ do quiá'r~ e laco' teá' gui nisíñ' fí' guiá' cóo'~ Fidié~. ²³ Jo dsu' e mijú' e cangotóo' lí' jlo' uó' do guóng' quiá'~ jaléng' dsea` i núu' júu^ quiá'~ Fidié~ jogui ngám' bre jalé' e júu^ jo, joba' eáam' dsicuáng' quiá'r~ cóo'~ e júu^ jo. Jo i líng' i dsea` í' líñ' laco' e mijú' e cacuó' laj' cien mí' lacamí' do, jogui i líng' gui i dsea` do líñ' laco' e mijú' e cacuó' jii'~ sesenta mí' lacamí', jogui i líng' gui líng' laco' e mijú' e cacuó' jii'~ treinta mí' lacamí'.

Coo` júu` já` e lafa' júu` cuento quiá` onuu` guí`

²⁴ Jo mi` cangf jo, cajíng' gui Jesús casi'r` jaléng' i dsea` ngí cóo'r` do coo`gui júu` já` e lafa' júu` cuento jo cajíñ`:

—Lalab lí' mi` Fidié` quier' nifi' quiá` dsea`: Jo e jo lí' laco' jaang` dseañu' i cangojní micui'iee` jlo` fí lí' nicajír`;²⁵ jo dsu' lajee` uóøb` caguié` jaang` i 'ní' ní` quiá` i dseañu' í jo cangoteá'r` mijú` onuu` guí` fí jee` mijú` cui'iee` quiá` i dsea` do, jo mi` cangf jo caquim' tur.²⁶ Jo mi` tí lí' canaang` cacuáng` e mijú` cui'iee` do jo canaang` ca'ia` láa` quiá`, jo mifíng` cajném` bi cajo e onuu` guí` do.²⁷ Joba' i dsea` jmóo` ta` quiá` e cui'iee` do caguijmé` bre júu` i dsea` fií` do cuaiñ` quiá` e onuu` guí` e nica'iaang` do, jo lalab casí` reiñ' do: “Fí'ii', jmang' mijú` jlob` e caguijní` nu` fí ni` guóo` uó` qui` do. Joba' gzie` lí` cajá` jú` quiá` e onuu` guí` e nica'iaang` do?”²⁸ Jo lalab cañí` i dsea` fií` do quiá` i dsea` 'léeng` quiá'r` do: “Dsea` i 'ní' ní` quie` baa, íb` lí` dsii` i cajmé` lajo.” Joba' cañí` tu` i dsea` 'léeng` do quiá` fiir` jo casí` reiñ': “Cuø` nu` júu`, fí'í, e nidsisé` naa' jalé` e onuu` guí` do.”²⁹ Joba' cañí` tu` i dsea` fií` do quiá` i dsea` 'léeng` quiá'r` do: “U~, co' fing song cagüitøø` e onuu` do, jo la quie` tí e cui'iee` dob dseáng` nigüitøø` jóng.³⁰ Joba' guiá` gui güisée` lado jo güicuaang` colíng` cartí` mi` nití` í` e nihuí` e cui'iee` do; jo i dsea` i nisín` n i nisítíng` e jo, nifí` ire e nisø'r` la'uii` e onuu` guí` do jo niguiár` tá` có` nibøø` jo ngí jo nitó'r` ji; jo mi` níngf, joguiba' nisítíñ` e cui'iee` do jo nitá'r` ée` quiá`.”

Coo` júu` já` e lafa' júu` cuento quiá` coo` mijú` e sii` mostáa`

(Mr. 4:30-32; Lc. 13:18-19)

³¹ Jo casí` gui Jesús jaléng' i dsea` quiá'r` do cóo` e júu` lajob cajo jo cajíñ`:
—Lalab lí' mi` Fidié` quier' nifi' quiá` dsea`: Jo e jo lí' la lí' coo` mijú` e pí` eáang` e sii` mostáa` e jní` dsea` fí` guóo` uó` quiá'r`.³² Jo e já` e mijú` jo pí` gui eáang` lajee` lajalé` mijú`, jo dsu' mi` nicuáng`, latí` coo` 'ma` féb` tí, jo cuø` quiá` jaléng' ta` e jmo`re' si`re' fí` lacaang` guo` quiá`.

Coo` júu` já` e lafa' júu` cuento quiá` quie` iñí`

(Lc. 13:20-21)

³³ Jo casí` gui Jesús jaléng' i dsea` quiá'r` do cóo` e júu` lajob cajo jo cajíñ`:
—Jo lalab lí' mi` Fidié` quier' nifi' quiá` dsea`: Jo e jo lí' la lí' quie` e cáng' jaang` dseamí` fí` jee` ca` iñí` quiá'r`. Jo cóo` jíí` capí` e quie` dob jmóo` e róo` jalé` e ca` iñí` do.

E uing` e café` Jesús cóo` júu` já` e lafa' júu` cuento

(Mr. 4:33-34)

³⁴ Jo jmang' cóo` júu` lanab caféng' Jesús jaléng' i dsea` i ngí cóo'r` do, jo jíí` coo` júu` quiá'r` fa' ja` café'r` cóo` e júu` lajo.³⁵ Jo e júu` na caliti` lí` laco'gui la júu` e caguiá` Saií` malí` gui eáang`, jaang` dsea` i café` cuaiñ` quiá` Fidié` mi` cajíñ` lala:

Nifá` a jmang' júu` já` e lafa' júu` cuento,
jogu` nijmijnéem` baa jalé` júu` e si`maang` lami` jéeng` gui
latí` jíí` ie` mi` cajmé` Fidié` jmigüí`.

Mi` cajíng` Jesús e` guóng` e júu` já` e lafa' júu` cuento quiá` e onuu` guí` do

³⁶ Jo mi` cangf jo, ca'íib` Jesús júu` jaléng' i dsea` ngí cóo'r` do jo ca'ír` fí` coo` dsí` sínúu`. Jo fí` job cangoquiéeng` i dsea` guitúung` do quiá'r` jo casí'r` dsea` do e fa' nijméiñ` do júu` e` guóng` e júu` e cajíñ` do cuaiñ` quiá` e onuu` guí` e cajní` dsea` fí` lí` líng` ee` sijnéé` dsea`.

³⁷ Jo lalab cañí` Jesús quiá` i dsea` quiá'r` do:

—I dsea` i jni` e mijú` jlo` do, íb` i dsea` i jáa` fí` ñifí` e líiñ` jaang` dsea` jmigüü, ³⁸ jo e fí` ni` guóo` uó` do guóng` lafa' fí` jmigüü. Jo e mijú` e jlo` do guóng` lafa' jaléng` dsea` i náu` jalé` ta` quiu` Fidiéé, jogui e onuu` guí` do guóng` lafa' jaléng` dsea` i líng` dsea` quiá` fii` i` ling` i` ní` níng` Fidiéé. ³⁹ Jogui i fii` i` ling` i` ní` níng` Fidiéé do, íb` i cajni` e onuu` guí` do. Jogui cuaiñ` quiá` e sitíng` lajii` e cangojneá` do guóng` lafa' mi` tí` lí` ni`ling` jmigüü. Jogui jaléng` i sitíng` lajii` e caroo` do, íb` jaléng` ángeles i líng` guotii` Fidiéé. ⁴⁰ Jogui lí` laco' sitíng` e onuu` guí` do jo nidsitoo` fí` ni` jì` e nicó, lajob cajo nidsijéé` mi` tí` lí` ni`ling` jmigüü. ⁴¹ Co' jnea, dsea` i cagüéng` fí` jmigüü la e lín`n` jaang` dsea` jmigüü, nisín`n` jaléng` ángeles quié` e jee` jaléng` dsea` i quiá`-u ta` quiá` e laco' nisitíiñ` do jaléng` i dsea` i jmoo` e niténg` jaléng` dsea` rúng` fí` ni` dsee` jogui jaléng` gui i quí` tíng` jmoo` jalé` e ja` dseeng`. ⁴² Jo jaléng` i dsea` í` nitáíñ` fí` lí` coo` jì` e ja` too` jmii` yu` jo fí` job ni`íñ` iihuú` e eáang` cartí` niquí`r` jogui nitár` majar. ⁴³ Jo dsu` jaléng` gui dsea` i náu` jalé` ta` quiu` Fidiéé, dob ninír` e guiá` fí` lí` guíng` Tiquí`ii` Fidiéé i quiu` ta` fí` la`úng` fí` jmigüü. Jo jaléng` i dsea` í, mi` niguilíiñ` fí` jo, nilijíiñ` lí` laco' gui la jing` íee. Joba' fii` i` ná, jaléng` na` dsea` sea` loguá` na, jnu` na` júu` quié` e!

Coo` júu` já` e lafa' júu` cuento quiá`- coo` e 'mo` eáang` e si`ma`

⁴⁴ Jo casí`-gui Jesús jaléng` i dsea` quiá`r` do coo`-gui júu` já` e lafa' júu` cuento jo cajíñ` lala:

—Jo mi` Fidiéé` quier` nifí` quiá` dsea, lí` lafa' coo` e 'mo` eáang` e si`ma` lí` ná` uó`. Jo fíng` jaang` dsea` cadsé`r` e si`ma` do, jo mi` cadsé`r` e jo, ní` dsíir` e dob ni`meá`-túr` calé` catú` dseáng` e lí` cadsé`r` do; jo co' dseáng` eám` cali`iáang` dsíir` dsu` e cadsé`re` do, joba' mi` niguieíñ` fí` quiá`r`, ni`ní`-bre lajalé` e sea` quiá`r`, jo nilár` e uó` lí` cadsé`r` e 'mo` eáang` e si`ma` do.

Coo` júu` já` e lafa' júu` cuento quiá`- coo` cuu` e 'mo` eáang`

⁴⁵ Jo casí`-gui Jesús jaléng` dsea` quiá`r` coo`-gui júu` lajo jo cajíñ` lala:

—Jo mi` Fidiéé` quier` nifí` quiá` dsea, lí` lafa' jaang` dsea` i jmoo` ta` láa` jogui ta` 'nii` cuu` e jlo` jogui e 'mo`. ⁴⁶ Joba' mi` tí` lí` nijíiñ` coo` cuu` e jlo` jogui e 'mo` eáang`, joba' nidséiñ` nidsi`nii`-bre lajalé` e sea` quiá`r`, jo lajoba' nilí`r` cuu` e nilár` e cuu` do.

Coo` júu` já` e lafa' júu` cuento quiá`- coo` 'máa` e sáang` 'ñu`

⁴⁷ Lalab lí` cajo mi` Fidiéé` quier` nifí` quiá` dsea: Jo e jo lí` laco' coo` 'máa` e sáang` 'ñu` e bí` dsea` fí` é` jmii` jo lí`r` langúing` íng` 'ñu`. ⁴⁸ Jo mi` caróng` e 'máa` do e teáang` 'ñu, joba' i dsea` jmoo` ta` sáang` 'ñu` do ni`óm`-bre e 'máa` do fí` 'ni` jmii, jo fí` job ni`uóíñ` jaléng` i 'ñu` i calí`r` do jo nitáíñ` fí` dsíi` 'matá` la lí` i guiúng`-gui jogui nibíim`-bre jaléng` i ja` dseeng`. ⁴⁹ Jo lajob nidsijéé` cajo mi` tí` lí` nití` í` e ni`ling` jmigüü; co' ie` jo nisíng` Fidiéé` jaléng` ángeles i líng` guotii`r` e laco' ni`náíñ` ca' jaléng` i dsea` i ca`ée` ga` i seeng` jee` jaléng` i dsea` i ca`ée` guiá`. ⁵⁰ Jo jaléng` i dsea` i ca`ée` ga` do nitáíñ` fí` dsíi` lí` coo` jì` e ja` too` jmii` yu`, jo fí` job ni`íñ` iihuú` cartí` niquí`r` jogui cartí` nitár` majar` uii` jalé` e nidsingíiñ` do.

Júu` e 'má` jogui júu` e yúu`

⁵¹ Jo cajmíngí`-gui Jesús jaléng` i dsea` quiá`r` do jo casí`-reiñ` lala:

—¿Su nicangáng` 'nú` jalé` e júu` e fii` i` 'nú` na?

Joba' cañí` i dsea` do:

—iNgám`baa', Fíi`ii`!

⁵² Jo cajíng`-gui Jesús jo casí`-reiñ`:

—Mĩ jaang` tifa' quia' juu^ quia' ta~ quia' dsea` Israel jmitiĩn` e quia' mĩ Fidié` quier` nifí quia' dsea`, joba' íb` tifa' i líng' laco' jaang` dsea' fiĩ coo' 'núu' e guiar` líng' langúng` íng' e dsér' e fí sinúu^ quia'r` do, doñi' si 'mí̃ osi yúu' é, co' dseáng' sitú̃ bre lajalé'.

Mĩ caguiéng` tu Jesús fí góor` e sii` Nazaret
(Mr. 6:1-6; Lc. 4:16-30)

⁵³ Jo mĩ catáng' Jesús e fé'r` jalé' e juu^ já' do e lí' lafa' juu^ cuento, joba' cagüi' bre fí jo, ⁵⁴ jo caquim` tur fí góor` lí̃ sii` Nazaret, jo fí job canaang` tur e'r` jaléng' dsea` juu^ quia' Fidié` fí dsí' sinúu^ guá' quia' dsea` góor` dsea` Israel e si' fí jo. Jo lajalém' i dsea` i núu' e juu^ quia'r` do, eám' dsigá` dsí̃n' jo fé'r` lala cuaiñ` quia' dsea` do:

—¿Jie` fí lí̃ cajmitúng` i dseañu' na lajalé' e tiiñ` na? ¿Jial tiiñ` jmóor` jalé' e lí̃ e quí̃r` jmí̃ e dsigá` dsí' dsea'? ⁵⁵ Jo ¿su o' i nabi jóo' Sé^ i líng' tí' ma' i seeng' fí la, jogui niquia'r` sii` Yá? Jogui i nabi rúng' Tiáa` cóo' gui Sé^ jogui Simón cóo' gui Judas, ⁵⁶ jogui labi neáng' i rúñ' dseam' do jee` jnea` aa' cajo. Jo i dseañu' na ja` ní' jial jmóor` e tá' tūng' lir.

⁵⁷ Jo jaléng' dsea` i teáng` do lajob fé'r', joba' ja` iñ` fa' já' calíñ` dsea` do. Jo dsu' Jesús cajíñ' casí' reiñ' lala:

—Doñi' jiéb' jmí' gó' dsea` jaang` dsea` i fé' cuaiñ` quia' Fidié`, dsu' fíng catí' fí góor', jí̃ jaang` jo` i` jmí' gó' ír` jogui lajobi fíng catí' fí quia'r` cajo.

⁵⁸ Jo e fí jo ja` leáng` jalé' lí̃ e quí̃r` jmí̃ e dsigá` dsí' dsea` cajméé` Jesús, dsuco' ja` já' calíng` dsea` ír'.

14

Mĩ cajúng` Juan i seáng` dsea` jmí̃
(Mr. 6:14-29; Lc. 9:7-9)

¹ Jo ie` jo niseeng` jaang` dseata` dsea` féng' i sii` Herodes i quia' ta` latøng` lí̃ se' Galilea. Jo i dseata` í, mĩ caliñir` lajiĩ juu^ e fé' dsea` quia' Jesús, ² joba' lalab casí'r` i dsea` i jmóo' ta` quia'r` do ie` jo:

—Jangám` i nab i Juan i lamí̃ seáng` dsea` jmí̃ jo e nicajíb` tur calé' catú'. Joba' eám' quí̃r` jmí̃ cóo' jalé' e lí̃ e dsigá` dsí' dsea` e jmóor'.

³⁻⁴ Jo ie` lamí̃ jéeng' gui do i dseata` Herodes do 'nuñib` cataiñ' i Juan do. Jo caquia'r` ta` e cañung' dsea` do cóo' ní̃ cadena fí dsí' 'nuñi' uíi' i dseam' i sii` Herodías i calí` dseam' quia' Lii` rúng' dsea` ngáang' cóo' i dseata` Herodes do. Co' ie` jo i Juan do cajim` bre dseata` Herodes jo casí'r` e ja` catúng` e jmóor` e jeeiñ` lafa' dseam' quia'r` oo` dseañu' rúñ' i ngáang' cóo'r` i sii` Lii` do.

⁵ Jo mĩ canúu` dseata` Herodes e juu^ jo, joba' dseáng' lamí̃ iñ` ni-jngám` bre i Juan do, jo dsu' ja` cajméer` lajo co' 'góm' bre jaléng' dsea' fiĩ; co' lajim` dsea` já' líiñ` e i Juan do líiñ' jaang` dsea` i fé' cuaiñ` quia' Fidié`. ⁶ Jo jo huøø` ngó` mĩ ngí jo mĩ catí jmí̃ quia' dseata` Herodes e cadsí'r` jiĩ. Jo i Herodías do niseeng` jaang` simí quia'r`, jo i simí í cagüi' ír' e cadséiñ` dseáng' fí quini' lí̃ neáng' i dsea` simúng` do. Jo co' eám' catí dsí' i dseata` Herodes do lajiĩ e cajméé` i simí do, ⁷ joba' casí' reiñ' do e dseáng' nicuø' bre lí' doñi' e mí' biñ' do. ⁸ Jo i simí do, co' niteáaiñ` juu^ quia' niquia'r`, joba' casí'r` i dseata` Herodes do lala:

—Cuøø' jnea` mogui` Juan i seáng` dsea` jmí̃ e iu` fí dsí' coo' huí'.

⁹ Jo dsu' i dseata` Herodes do fí' íb` eáng` calíñ` mĩ canúur` e juu^ jo lifa' jo` ñir` e` jmé` bre, co' jéem' nicacuø' juu^ quia'r` fí quini' i dseam' do jogui fí quini' i dsea` simúng` do e nicuø' breiñ' do lí' doñi' ee` mí' biñ'. Joba' jo` e mí' caliseá` quia'r` jo jiĩ lajob cajméer'. ¹⁰ Jo caquia'r` ta` dsea` quia'r` e

caquiua'biñ' mogui~ i Juan do catí' lí' iuuiñ- dsí' 'nuañí'; **11** jo iu~ fí' coo' dsí' huí' cacór- jo cacuø'r i dseamî do, jo îguib cangîng' fí' jaguo' niquiá'r e huí' do.

12 Jo mi~ cangî jo, caguilíng- jaléng' dsea` quiá'- i Juan do e fí' jo, jo catø-bre i 'lí' do e cango'áang'neíñ'. Jo mi~ cangî e ca'áaiñ- dsea` do, jo cangolíim-bre cangojmée'r júu^ Jesús quiá'- lajii~ e nicalí- do.

Mi~ cahéng' Jesús 'ñiá` mil dsea`

(Mr. 6:30-44; Lc. 9:10-17; Jn. 6 :1-14)

13 Jo mi~ caliñí' Jesús e nicajngam' dsea` Juan i seáang` dsea` jmi~ do, joba' cagüi'í'bre 'ñia'r e fí' lí' táaiñ' do jo cangór- fí' coo' lí' ja` ii' 'ga' lí' dsea` seeng' e iuuiñ- fí' dsí' coo' móo'. Jo dsu' mi~ caliñí' jaléng' dsea` i seeng' có- quiá'- do e ningóo' Jesús, joba' dsifib' cangolíñ- fí' lí' lí' ngóo' dsea` do lifa' la tóo' guoo' uób-. **14** Jo mi~ tí' lí' cagüi'í' Jesús e fí' dsí' móo' do, dob niteáang- i dsea` 'leáang- do, jo calí' fii- líim-bre jaléng' i dsea` do jo cajmi'leáam-bre lajaléng' dsea` dsée' i jéeiñ' do. **15** Jo co' ie~ jo ningóo' canuub, joba' i dsea` quiá'- Jesús do cangoquiéeiñ' fí' lí' sing' dsea` do jo lalab casí'-reiñ':

—Fí'i' la, nicanuub` la, jo jii~ jaang` dsea` neáaiñ' có- quiá'- la, fa' ni'í'ba' júu^ jaléng' i dsea` na e güiguilíñ- fí' lí' lí' neáang` dsea` jo fí' job nidsileáar' capí' e nidø'r-, co' ja` e sea' fí' la.

16 Dsu' mi~ canúu- Jesús lajo, lalab cañíir` quiá'- i dsea` quiá'r- do:

—Ja' 'né- dsilíng- i dsea` na e nidsi'néer- e dø'r-, co' 'náb' 'né- cuó'na'r e jo.

17 Joba' cañíi' i dsea` quiá'r- do lala:

—Jii~ 'ñiá` iñí' cóo'gui gáng- 'ñu, jii~ joba' sea` qui-naa' lana.

18 Joba' lalab cañíitü Jesús quiáñ'- do:

—Cuóø'~ du' jnea~ e jo fí' la.

19 Joba' caquiua' Jesús ta~ i dsea` fíng' do e nigüeáíñ' tá- có' nibøø' fí' jee~ ñii'. Jo mi~ cangî jo, catíng- Jesús laji' 'ñiá` e iñí' do cóo'gui laji' huáang- i 'ñu do jo cajøø'r fí' yá' jmigüi, jo lajob cacuø'r gui'máang' Fidiée~ quiá'- jalé' e do. Jo ngî jo, cañim-bre e iñí' do jo cacuø'r i dsea` quiá'r- do, jo îguib cajmée' guiéé' jee~ jaléng' i dsea` i fíng' do. **20** Jo lajii~ i dsea` do cagø'r guié- ie~ jo car` calitaañ~. Jo mi~ calí- gø'r, caseám-bi guitü'gui 'matá' jalé' 'ná' iñí' cóo'gui jalé' 'náng' i 'ñu do. **21** Jo lajee~ lajiiñg' dsea` i cagø' do ie~ jo tíir' 'ñiá` mil yaang~ dseañu', jo ja' lí'ling` dseamî cóo'gui jaléng' jiuung~.

Mi~ cangî Jesús fí' ni~ jmi~

(Mr. 6:45-52; Jn. 6 :16-21)

22 Jo mi~ cangî jo, caquiua' Jesús ta~ i dsea` quiá'r- do e cangotáaiñ' do fí' dsí' móo' jo nicuá'r- e guiéé' do jéeng'guir laco' dsea` do, lajee~ e táaiñ' e i'r' júu^ jaléng' i dsea` i caseáng' do ie~ jo. **23** Jo mi~ catáiñ' e i'r' júu^ jaléng' i dsea` do, joguiba' cajgóor- fí' coo' yá' mó' 'ñia'r lado e cangoféeiñ' Fidiée~. Jo coob' mi~ tí' lí' calí- núu, jo dobi táaiñ' 'ñia'r e fí' yá' mó' do, **24** jogui e móo' e lí' teáang' i dsea` quiá'r- do ningo' huíim- laco'gui 'ni' guoo' uø-. Jo lajee~ jo, dsíng'- niroo- jmi~ jogui ni'lea' jmi~ e móo' do, co' lí' lí' jieb' í' guí laco' la ngóo' e móo' do. **25** Jo ningóo' nijneáb' mi~ cangoquiéeng' Jesús fí' ni~ jmi~ fí' lí' ningo' e móo' e lí' teáang' i dsea` quiá'r- do jo e ngí'bre cangáiñ' e fí' ni~ jmi~ do. **26** Jo mi~ tí' lí' cangá- i dsea` do e ngí' Jesús ni~ jmi~, joba' ladsifí' lanab ca'óor' e caføiñ' jo cajíñ':

—iJaang` dsea` guí' do!

27 Dsu' Jesús cañíir` quiá'- i dsea` quiá'r- do jo casí'-reiñ':

—iTeá' teáang' óo'na', co' jneab~ la, jo ja' føøng'na'!

28 Jōba' cañí' Tú^ Simón quiá' dsea` do jō cajíñ' :

—Fí'ì, song já' e 'nə, jōba' sí' jnea~ e ningñ' fí' nì jmiñ' cartí' nijín'n 'nə.

29 Jōba' cañí' Jesús quiá' dsea` do:

—Nea~ fí' la jō.

Jō lajōb cajmēe` Tú^ Simón, jō cajgám-bre lí' dsíñ' fí' yá' e móo' do jō cangoquiéñ' fí' lí' sing' Jesús. 30 Jō dsu' lajee` ngóor' ngir' nì jmiñ' mī' calilí'r' e dsíng' bíng' guí' e í' do, jōba' cafóm'bre; jō mifíng' ninaang' dsi'am'bre jóng, jōba' ca'oor' jō cajíñ' :

—iLeaang' jnea~, Fí'ì!

31 Jō dsifí' lanab catíng' Jesús guoo' Tú^ Simón e laco' ja` nidsi'aiñ' do jō casí' reiñ' :

—jiali' dseáng' ja` 'ga' lí' já' lín' júu^ quié'e, jogui jiali' tú' ca'í' o'!

32 Jōba' mī' tí' lí' cajgóor' laj' huáaiñ' do e fí' yá' móo' do, ladsifí' lanab ca'uáang' e í' guí'. 33 Jō jaléng' dsea` quiá' Jesús i caguaiang' do i teáng' dsí' e móo' do canaaiñ' sí'r' uó' jnir' fí' quini' dsea` do e jmiféng' neiñ' jō cajíñ' :

—Dseáng' e jáb' e 'nəb' lín' i Jōo' Fidié' dsea` guíng' ñifí'.

Mi' cajmi'leáng' Jesús jaléng' dsea` dsée' fí' Genesaret

(Mr. 6:53-56)

34 Jō cacua'bre e guié' do e teáng' tur' fí' dsí' móo', jō caguilíñ' fí' cōo' lí' sií' Genesaret. 35 Jō mī' calilí' jaléng' dsea` i seeng' fí' jō e dob táang' Jesús, dsifí' lanab cani'r' júu^ fí' la'úng' fí' lí' se' e fí' jō jalé' e júu^ jō. Jō jaléng' i dsea` í' cangolíñ' cangojéñ' jaléng' dsea` dsée' i seeng' quiá'r' fí' lí' táang' Jesús, 36 jō camí'r' dsea` do fí' e fa' capí' 'ni' sīb' dsea` do nigü'r' ; jō jaléng' i dsea` i lí' güi' fa' capí' 'ni' sí' dsea` do, dseáng' 'láam-bre lajii' jmohuí' e líiñ'.

15

Jial lí' mī' jmíróng' dsea` dsee' yaaiñ'

(Mr. 7:1-23)

1 Jō mī' cangí' jō, cangoquiéeng' fí' lí' sing' Jesús cōo' tú' míng' dsea` Israel i línng' dsea` fariseo cōo' gui' tú' 'ni' míng' tifa' quiá' júu^ quiu' ta~ quiá' dsea` Israel, jō jaléñ' do jaliñ' fí' Jerusalén, jō cajmíng'r' dsea` do lala:

2 —¿jiali' jaléng' dsea` quií' ja' ru'r' guóor' laco' quí' tíng' 'lí' dsea` áang' quí' naa' mī' ná' gui' e nidó'r' ir'?

3 Jogui Jesús cajmíng'r' i dsea` do lala:

—Jō ¿jiali' 'nú' cajo ja' jmi'goo'na' lajii' ta~ quiu' Fidié', cō' lico' jmití'na' lajii' e quí' tíng'na' yaam'ba'? 4 Cō' lalab jíng' Fidié': "Jmi'goo' tiquí' cōo' gui' niquí'", jogui "I dsea` i cuó' júu^ 'lí' tiquiá' osi niquiá' é, ní' í' e 'né' nijúum' i dsea` í'." 5 Jō dsu' 'nú' fó'na' e jaang' dsea` cuóom' nisí'r' tiquiá'r' osi niquiá'r' é: "Ja' cuóong' lí' jmicóo' 'nə' lana, cō' lajib' e sea` quié' e nicacuóo' Fidié'"; 6 jogui fó'na' cajo e lí' doñí' i i café' e júu^ la jō catíng' fa' e nijmicóo' guir' tiquiá'r' osi niquiá'r' é. Jō lajōb lí' cōo' 'nú', cō' jō jí'na' fa' jmití'gui' lajii' júu^ quiá' Fidié' e cajme' dsea` malí' gui, jō jí' e quí' tíng'na' yaam'ba' jmití'na'. 7 i jmicang' i la 'nú' cōo' jalé' e fó'na'! Cō' jáb' laco' jii' júu^ e café' Saí', jaang' i café' cuaiñ' quiá' Fidié' malí' gui eáang' mī' café'r' uii' quií'na' lala:

8 Jaléng' i dsea` na lico' fé'bre e jmi'gór' jnea~ jii' cōo' layaang' júu^ quiá'bre, dsu' huím' seeng' jalé' e í' dsír' do

e jmi'gór' jnea~.

9 Jō dsu' jí' cōo' ja' e ta' íng' quiá'r' jial e jmiféñ' jnea~, cō' lajii' ta~ quiu' dsea` jmigü'ba' jmóor'.

10 Jō mī' cangí' jō, cató' Jesús jaléng' i dsea` i siseáng' do jō casí' reiñ' lala:

—Náa-na' jogui jmee-na' úung` e ningáng`na' e júu` la: ¹¹ Jíi` coo` e í` gø' dsea` ja` cuóøng` lí` jmé` e nili`liiñ`^ fí` quini` Fidié` , co' lajii` júu` e uøø` fí` mo'oob` dsea` , jii` e joba' cuóøng` lí` jmé` e nili`liiñ`^ fí` quini` Fidié` .

¹² Jo cangoquiéeng` i dsea` quiá'- Jesús do fí` lí` sing' dsea` do jo cajmingí'-reiñ' lala:

—Fíi'naa', ¿níi` e 'nib` catúng` dsea` fariseo e júu` e café` na 'micú`-?

¹³ Joba' cañi` Jesús quiá'- i dsea` quiá'r- do jo cajíñ` lala:

—Lí` doñi` ee` onuu` e sea` fí` guóo` uø` e o' Tiquié` e dsea` guing` ñifi` cajnír` , nigüitøøb` e jo cati` jmó` quiá'- . ¹⁴ Joba' fíi` i 'ná` , ja` jmijíng`na' jaléng` i dsea` fariseo do; co' i dsea` í` líiñ` lafa' dsea` tiuung` i jeeng` jaang`gui dsea` tiuung` . Jo ja` lí` jii` jaang` dsea` tiuung` nijéiñ` jaang`gui dsea` tiuung` , co' fíng` song` cajméer` lajo , joba' laji` huáam` bre dseáng` nijiúñ` fí` í` jóng` .

¹⁵ Jo mi` cangí` jo , cajíng`- Tú` Simón casí'r- Jesús:

—Fíi` , ¿já` jié` o' jmé` jnea` júu` e` guóng` e júu` e café` na 'micú`-?

¹⁶ Joba' cañi` Jesús quiá'- Tú` Simón:

—Jo ¿su o'gui` 'ná` mí` ngám`bi` júu` quié` e cajo? ¹⁷ ¿Su ja` ñi`na' e lajalé` e í` gø' dsea` ngúng` fí` dsí` tu'r` , jo mi` jo` ee` ta` íng` , joba' uøøb` jóng` fí` lí` caluu`?

¹⁸ Jo dsu` jalé` júu` e uøø` fí` mo'oo` dsea` , fí` dsíib` dsea` lí` jalí` jalé` e jo , jo e joba' jmóo` e jmirøng` dsee` yaang` dsea` . ¹⁹ Co' fí` dsíi` dsea` lí` jalí` jalé` e ga` e í` dsíir` , jo e jo quiéeng` e jngang` dsea` rúñ` , osi e 'lee` dsea` e güiñ` cóo` dsea` i o' quiá'r- , osi e jmóo` dsea` jalé` e ja` tíi` ta` e lí` dsíi` ngúu` táaiñ` , osi jmóor` í` é , osi ngír` ta` quié` júu` e o' já`- , osi jmineaiñ` dsea` rúñ` é . ²⁰ Jo jalé` e 'lí` lanab e jmóo` e jmirøng` dsee` yaang` dsea` , jo o' uí` e ja` jmitir` lajii` e qui`- túng` dsea` e ru'r` guóor` ná`-gui e nidø'r` ir` , co' e jo ja` jmóo` e lirøøng` dsea` dsee` .

*Mi` já`- calíng`- jaang` dseamí` i ja` líng` dsea` Israel júu` quiá'- Jesús
(Mr: 7:24-30)*

²¹ Jo mi` cangí` jo , cagüi`íb` Jesús fí` jo , jo cangór` fí` lí` se' Tiro cóo`-gui fí` lí` se' Sidón . ²² Jo mi` caguiér` fí` jo , jaang` dseamí` cananea i niguiing` fí` jo cangoquiéeiñ` fí` lí` sing' dsea` do e áñ` teá` lala:

—iFíi` , siju` dseata` dsea` féng` Davi` , fíi` güilín` jnea` jo jmi`leáng` i simí` quié` e , co' jaang` i 'líng` iuung` dsíir`!

²³ Jo dsu` jii` camí` júu` ja` e cañi` Jesús quiá'- i dseamí` do . Jo i dsea` quiá'r- dob cangoquiéeng` fí` lí` siñ` jo camí'r` dsea` do jmi`ee` jo casí'r- dsea` do lala:

—Fíi'naa' , síi`-go i dseamí` na güiguiéiñ` , co' jáar` ta` óo` lí` caluu`naa' .

²⁴ Joba' cañi` Jesús quiá'- i dsea` quiá'r- do jo casí'-reiñ`:

—Lajii` ta` e casíng` Fidié` jnea` fí` jmigüi` la e quiá'- nilaan` jaléng` dsea` góo` dsea` Israel jee` jalé` dsee` quiá'r- , co' í` líiñ` lafa' jo'se` i sí'íng` .

²⁵ Jo dsu` mi` canúu` i dseamí` do lado , dsifí` lajob cangór` cangosi` uø` jnir` fí` quini` Jesús jo casí'r- dsea` do lala:

—iFíi` , jié` o' jmicóo` jnea`!

²⁶ Joba' cañi` Jesús quiá'- i dseamí` do lala:

—Ja` dseeng` e niguí` dsea` iñi` e gø' jiuung` quiá'r- jo nicuø'r- jaléng` dsii` .

²⁷ Joba' cañi` tu` i dseamí` do quiá'- Jesús:

—Jáb` , Fíi'naa' , lajob líi` ; dsu` e já`- cajo e jiguí` dsii` sitúng`ne' jalé` e cui` iñi` e sojiú` fí` nú`- mes` quiá'- fii` re' .

²⁸ Joba' cañi` tu` Jesús quiá'- i dseamí` do jo casí'-reiñ`:

—iDseamí` , dseáng`- lajam` já`- lín` júu` quié` e! Jo güilíb` jii` laco' fó` na . Jo dsifí` lajob ca'láang` i jóo' i dseamí` do .

Mi` cajmi`leáng` Jesús i fíng` dsea` dsé`

29 Jo mi~ cangf jo, cagui'ib' Jesús fi' jo, jo caguiér' fi' 'ni' guiée' Galilea jo fi' job cajgóor' fi' coo' yá'^ mó', jo fi' job caguár'. 30 Jo lajee' jo, i fíing' dsea' caseáng' e fi' li' guiñ' do e jéeiñ' jaléng' dsea' dsée' quiá'r' i líng' doñi' ee' jmohuí'; do dsea' jlúung', do dsea' tiuung', do dsea' bõong' cóo' gui jaléng' dsea' i ja' lí fé', jogui quiéem' bi i líng' lí'^ doñi' ee' jmohuí' e jié' gui, jo dob cajmi'leáng' Jesús lajaléng' í. 31 Joba' dseáng' lajim' dsea' cangogá' dsíir' ie' jo mi~ cangár' e caféb' jaléng' dsea' i ja' lamí' fé', jogui jaléng' dsea' bõong' ca'láam' bre, jogui jaléng' dsea' jlúung' cangi'bre, jogui jaléng' dsea' tiuung' calijné' bre. Jo lajim'bing' do canaaiñ' jmifeiñ' Fidiée' quiá' dsea' Israel.

Mi~ cahéng' Jesús quiá' mil dsea'
(Mr. 8:1-10)

32 Jo mi~ cangf jo, cató' Jesús dsea' quiá'r' jo casí' reiñ':
—Eám' fí' lín' n jaléng' i dsea' la, co' na ningóo' 'ni' jmib' e taaiñ' fi' la cóo' jnea' jo ja' sea' jii' coo' e nidó'r'. Jo ja' iin' n fa' lí'^ niguiéen' nre lajo fi' quiá'r' e ja' mí' gó'r', co' dseám' fíng' ca'uó'r' guiá' fi'.
33 Joba' lalab cañi' dsea' quiá' Jesús jo casí'r' dsea' do lala:
—Jo çjial nijmó'oo' jóng? Çjie' li' nidsilé'ee' e nidó' i dsea' fíing' na? Co' tí' lab la ja' ii' dsea' seeng' có' quiá' la fa' i ni'ni'.
34 Joba' cajming' Jesús i dsea' quiá'r' do lala:
—Çjó' jii' tí' e iñi' e si'mang' 'nú' na?
Joba' cañi' i dsea' quiá'r' do:
—Jii' guiéb' iñi' tí', jogui jii' coo' tú' ming' 'ñub'.
35 Jo Jesús caquiá'r' ta' i dsea' fíing' do e caguaiñ' do fi' ni' uó'. 36 Jo mifíing' catiñ' casá'r' e guié' iñi' do cóo' gui i coo' tú' ming' 'ñub' do jo mifíing' cacuø'r' gui'máng' Fidiée'. Jo lí' jo cafim'bre e iñi' do jo canguiñ' fi' jaguó' i dsea' quiá'r' do, jo ígui' cajmée' guié' jee' lajaléng' i dsea' do. 37 Jo lajim' i dsea' do cagó'r' ie' jo car' calitaiñ' guiá'. Jo caróm' bi guié' gui' matá' mi~ cangf jo e téé' 'ná' e caseáng'. 38 Jo jaléng' i dseañ' i cagó' ie' jo tí'bre la quiá' mil, jo ja' lí'ing' dseam' cóo' gui jaléng' jiuung'. 39 Jo mi~ cangf jo, ca'ib' Jesús júu' jaléng' i dsea' i caseáng' do, jogui mifíing' ca'ír' fi' dsí' móo' jo cangór' fi' guóo' uó' lí' se' Magdala.

16

Mi~ cali'ing' dsea' Israel e Jesús nijmér' coo' e li' quí'r' jmii'
(Mr. 8:11-13; Lc. 12:54-56)

1 Jo mi~ cangf jo, coo' jmii' cangolíng' jaléng' dsea' Israel i líng' dsea' fariseo cóo' gui i líng' dsea' saduceo fi' li' táang' Jesús, co' iñ' e niguié'r' jial e ni'náiñ' dsea' do fi' quini' dseata'. Joba' camí'r' dsea' do e fa' nijméiñ' coo' e lí' e quí'r' jmii', jo lajoba' nicuó' lí' e Fidiéeb' dsea' i casí' quiá'r'.

2 Jo dsu' lalab cañi' Jesús quiá' i dsea' do:
—Mi~ nica'lóo' lalab fó' 'nú': “Lana ja' jmii' nitú', co' coo' jni' fi' yá'^ jmigüi’”;
3 jogui mi~ la'ee' fó' na' lala: “Náguijia jmii' nitú', co' eáng' nuu' jni' téé' fi' yá'^ jmigüi’.” Jo song ngám' ba' guiá' lajii' e lí' fi' yá'^ jmigüi', joba' çjiali' ja' ngáng' na' e nidsijée' jmii' na? 4 Jo jaléng' dsea' seeng' jmii' na dsíng' nirøøiñ' dsee' jogui ja' jmitir' júu' quiá' Fidiée', jogui mi'r' jnea' e nijmee' e jalé' e lí' e quí' i jmii'; dsu' ja' nijmee' e jii' coo' e jo fi' quinir', co' nicaliseáb' e jo lamí' jéeng' gui e cangongíng' Jonás, jaang' dsea' i café' cuaiñ' quiá' Fidiée' malii' gui eáng'.

Jo dob caseáiñ' i dsea' do, jo fi' lí' jiéb' cangór'.

*Jial lãng' dsea' fariseo**(Mr. 8:14-21)*

⁵ Jo mi~ catáng- Jesús cóo' i dsea' quiá'r- do lí' lí' 'ngóo' cataang' e guiéé' do, jo cadseng' dsí' i dsea' quiá'r- do e ja' iñí' quiér'. ⁶ Jo casí'- Jesús i dsea' quiá'r- do lala:

—Ñiing' óo'na' cóo' jalé' e e' dsea' Israel i lãng' dsea' fariseo cóo' gui i lãng' dsea' saduceo, có' jalé' e e' i dsea' í' lí' lafa' quie' iñí'.

⁷ Joba' canaang' i dsea' quiá'- Jesús do sũĩĩ' lajee' la'ó' yaaiñ~ jo sí' rúĩĩ':

—Uii' e ja' iñí' léé'naa', joba' jing'- Fii'naa' lana.

⁸ Jo có' calilí' Jesús lajii' e sũng' i dsea' quiá'r- do, joba' casí'- reiñ' lala:

—¿Jialí' fó'na' e ja' iñí' quie'na'? ¿Su dseáng'- ja' já'- mí' líim'bi' jalé' e quí' i jmiĩ' jmóo'o? ⁹ Jo ¿su latí' lana ja' mí' cangám'bi' nú' o' gui tóo' óo'na' cajo quiá'- e 'ñiá' iñí' e cajmitaan' n laji' 'ñiá' mil dsea', jogui e jmigui'bi' matá' caseáng' e téé' 'ná' quiá'- e jo? ¹⁰ Jo ¿su ja' tóo' óo'na' cajo quiá'- e guié' iñí' e cafiin', jo cagó' quié' mil dsea', jogui e jmigui'bi' caseáng' ie~ jo? ¹¹ ¿Su dseáng'- ja' cuante ca'ba' e o' cuaiñ~ quiá'- iñí' e júu' e fá'a na? Joba' fii' 'nú' e jmeáng' í' yaang'na' cóo' jalé' e e' dsea' fariseo cóo' gui dsea' saduceo, có' jalé' e jo lí' lafa' quie' quiá'- iñí'.

¹² Joguib mi~ calilí' i dsea' quiá'- Jesús do lajii' e guóng' e júu' e café' dsea' do quiá'- quie' iñí', có' e laba' sí' Jesús i dsea' quiá'r- do e nijmeiñ'- do í' yaaiñ~ e ja' niligóo'iñ' cóo' jalé' júu' e e' dsea' fariseo cóo' gui dsea' saduceo.

Mi~ cajing'- Tú' Simón e Jesús lãĩĩ' i dsea' i sijeeng' dsea' Israel i nicá' nifi' quiá'r-

(Mr. 8:27-30; Lc. 9:18-21)

¹³ Jo mi~ tí' lí' caguié- Jesús fí' lí' se' Cesarea quiá'- Filipo, lalab cajmingi'r' i dsea' quiá'r- do jo cajíĩ':

—¿E' fé' dsea' uii' quie' jnea~, dsea' i cajá' fí' ñiff- jo cagüén- n fí' jmigüi' la e lãĩn' jaang' dsea' jmigüi'?

¹⁴ Joba' cañí' i dsea' quiá'r- do jo cajíĩ'- lala:

—I lãng' dsea' fé'r' e i Juan i lami~ seáng' dsea' jmiib' 'na', jo i lãng' gui fé' e Líi' 'na', jogui i lãng' gui dsea' éeiñ' 'na' e Jeremías osi lí' jaang' gui lajee' dsea' i café' cuaiñ~ quiá'- Fidié' malii' gui eáng'.

Jo ngí' jo, joba' cajmingi' Jesús i dsea' quiá'r- do jo cajíĩ':

¹⁵ —Jogui 'nú', ¿i' fó'na' e lãĩn'?

¹⁶ Joba' cañí' i Tú' Simón do lala:

—'Nub' i dsea' i sijeeng' jnea', dsea' Israel, i nicá' nifi' quí'naa', jogui 'nub' cajo lãĩn' i Jóo' camãng' quiá'- Fidié' i seeng' lata~ do.

¹⁷ Joba' cañí' tu Jesús quiá'- Tú' Simón jo cajíĩ'- casí'- reiñ':

—Juguiá' jia quí', Tú' Simón, jóo' jaang' gui dseañu' i sii' Jonás, dsuco' jii' jaang' dsea' jmigüi' ja' ii' mí' ca'e' 'na' e júu' na, có' Tiquié' e dsea' guing' ñiff'bing' i nica'e' 'na' e na. ¹⁸ Jo jnea~ fii' 'na' e cuu~ guóng' e sii' 'na' cajo, jogui 'nub' dsea' i niling' lafa' cóo' cuu~ quiá'- tii' fii' quiá'- guá'- quie' e. Jo e guá'- e ni'uíng- do quie' e lí' lafa' jaléng' dsea' i ni'uíng- dsea' quie' e, jo ja' sea' bí' quiá'- 'mó' fa' nijmé' e ni'ling- e jo. ¹⁹ Jo jneab~ nicuóó' 'na', Tú' Simón, cóo' lafa' joñí' quiá'- ñiff' fí' lí' guing' Fidié' i quia' ta' quiá'- lajaang' lajaang' dsea' quiá'- . Joba' jalé' e ja' nicuó' fí' jee~ jaléng' dsea' quie' e fí' jmigüi' la, ja' nicuó' Fidié' fí' quiá'- e jo cajo. Jogui lajalé' e nicuó' 'na' fí' jee~ jaléng' dsea' quie' e fí' jmigüi' la, joba' nicuób- Fidié' fí' quiá'- e jo cajo.

²⁰ Jo mi~ cangí' jo, caquiá' Jesús ta~ i dsea' quiá'r- do e ja' ii' nisiĩn' do jii' jaang' e í'bre lãĩĩ' i dsea' i sijeeng' dsea' góor' dsea' Israel i nicá' nifi' quiá'r-.

*Mi~ cajméé` Jesús júu^ e tí` lí~ nijngáng` dsea` tr`
(Mr. 8:31-9:1; Lc. 9:22-27)*

²¹ Jo latí` ie~ job canaang` Jesús jma`r` júu^ jaléng` i dsea` quiá`r~ do e fí` Jerusalén` 'né` dséng`-tur calé` catú~, jo fí` job jaléng` i dsea` cóong` i quiá` ta~ quiá`- dsea` góor` dsea` Israel cóo`-gui jaléng` fí~ jmidsea` quiá`r~ cóo`-gui jaléng` tifa` quiá`- júu^ quiá` ta~ quiá`r~, jo jaléng` í`bing` i nicuó`- ír` iihuí` e eáang` cartí` nijngáin`- dsea` do. Jo dsu` mi~ nidsíng`- 'ní` jmí~ e cajúin`, nijib`-tur calé` catú~. ²² Joba` Tú^ Simón cajééin` dsea` do lí` cóo` yaain` jo cajíim`-jiur dsea` do jo casí`r~:

—Ja` güli`iing`- dsí` Fidiéé` e nilí` lajo, Fí`naa`! ;Ja` catúing`- 'nu` e nilíin`- lajo!

²³ Jo Jesús cangoquiééin` calé` catú~ fí` quini` Tú^ Simón jo casí`-reín` do:

—Jééng`- cáan`n, Satanás! Ja` jnín`- jnea` fí`. Co` 'nu` ja` ngáng` lacó` júi` e í` dsí` Fidiéé`, co` lajúi`- e lí` quiá`- dsea` jmigüi`ba` ní` 'nu`.

²⁴ Jo mi~ cangá jo, casí`-tu Jesús jaléng` i dsea` quiá`r~ do lala:

—Song jú` dsea` iing`- ni`uíng`- dsea` quié`-e, joba` güitár` jalé` e lí` dsíir` 'ñia`r` jo güiseain` lafa` crúu^ quiá`r~ e lacó` cuó` lí~ e guía` dsíir` e nidsingüin`- jalé` e huíng` uíi` e líin` dsea` quié`-e, jo lajoguiba` ningír` cóo`- jnea` jóng. ²⁵ Co` lí` doñi` jú` dsea` i í` dsí` e lí`bre nileáng`- 'ñia`r` jee` jalé` dsee` quiá`r~, joba` i dsea` í` conguiab` nibíin` fí` lí` 'lí`^; jogui lí` doñi` jú` dsea` i nijúung`- uíi` e líin` dsea` quié`-e, joba` i dsea` í` nitíim`-bre fí` quini` Fidiéé` jóng. ²⁶ Jo júi` cóo` ja` ee` ta` íing` quiá`- dsea` jmigüi` e silí`r` latøong`- jmigüi` song ja`gui cuiin`- jnea~, co` ni`íim`- quiá`r~ mi~ tí` lí` nití`- í` e nijúuin`, jogui ja` cuóong`- lí` quir`- cuu` e lacó` nitíin`- fí` quini` Fidiéé`. ²⁷ Dsaco` jnea~, i Joo` Fidiéé` i cagüéng`- fí` jmigüi` la e lín`n` jaang` dsea` jmigüi`, nigáab`túu e niníing`- 'gøng` quiá`- Tiquié`e colíng`-gui cóo`- jaléng`- ángeles i líng`- guotíir`- mi~ tí` lí` nití`- e í` jo. Jo ie~ job mi~ nicuóø`ø` dsea` lajúi`- e catúing`- lajaang`- lajaain`- lí` jialco` júi`- lí` ta~ e nicajméer` fí` jmigüi` la. ²⁸ Jo fí`-i 'nú` lana e i líing`- 'nú` la'ó`- teáang`-na` la jmí~ na ja` mí` júung`-na` cartí` nimó`-na` e nigáa` jnea~, i dsea` i cagüéng`- fí` jmigüi` la e lín`n` jaang` dsea` jmigüi`, e nilíin`n` jaang` dseata` dsea` féng` i quiá` ta~.

17

*Mi~ calisíng`- jial jnéeng`- Jesús
(Mr. 9:2-13; Lc. 9:28-36)*

¹ Jo mi~ cangá jñáa`- jmí~ lajo, cató`- Jesús Tú^ Simón cóo`-gui Tiáa`- jogui Juan i líng`- rúng`- Tiáa~, jo lajee` la'ó`- yaam`-bre cangolíin`- fí` cóo` yá` mó` e níí` eáang`. ² Jo lajee` teáain`- fí` jo, i dsea` do cangár`- jial calisíng`- jial jnéeng`- Jesús. Jo cangár`- e jíing`- jí` ni` dsea` do lafa` jí` iee~, jogui sí`r` dseáng`- calité` lafa` jí` e tee` jlo`. ³ Jo lajee` job cangáin`- Moi` cóo`-gui Líi` e teáain`- síin` colíng`- cóo`- dsea` do. ⁴ Joba` lalab cajíng`- Tú^ Simón e casí`r` Jesús:

—Fí`i, juguíá`- o` e taang`-naa` colíng`- fí` la, fa` na nijméé`-e 'ní` 'núu`-jiu cóo`- má` 'ma~, cóo` quíi`- 'nu`, cóo`-gui quiá`- Moi` jogui cóo`- quiá`- Líi`.

⁵ Jo lajee` gui`ná`- fé`bi Tú^ Simón lado, mi~ cajgó`- cabøø`- jníi` e jí` jlo` fí` lí` teáang`- dsea` do, jo fí` jee` e jníi` do guicaná`- e líing`- jú` guicafé`- jo guicajín`-:

—I lab Joo`-o` i 'neáan`n eáang` jo eáam`- íáang`- dsii` cóo`r~. Jmee`-na` núu`-na` júu^ quiá`r~.

⁶ Jo mi~ canúu`- i dsea` gaang`- quiá`- Jesús do lajo, dsifí` lanab casíjníir`- fí` ní` uó` jogui catú`- guir~, co` eáam`- cafóin`. ⁷ Jo cangoquiéeng`- Jesús fí` lí` síjnii` i dsea` quiá`r~ do jo caquidsir`- guóor`- quiáin`- do jo casí`-reín`:

—Ráang`-na`; ja` fóøng`-na`.

⁸ Jo mi~ casé` i dsea` quiá'- Jesús do nir~, jíi~ jaang` i dsea` gáng- do jo` ii` seeng` e fí` do; 'ñiab' Jesús sing' guir.

⁹ Jo ngí` jo cajgám- bre e fí` yá'^ mó' do. Jo lajee` jo caquiá' Jesús ta~ quiá'- i dsea` quiá'r- do jo casí'- reiñ' lala:

—Ja` fí'^na' jíi~ jaang` lajíi~ e cañí'-na' e fí` yá'^ mó' la cartí' mi~ nití'- í' e nijí' tu jnea~, dsea` cagá'-a fí` ñiff'- e lín'n jaang` dsea` jmigüí'.

¹⁰ Jo mi~ cangí` jo, cajmingí' i dsea` quiá'- Jesús do cajmingí'r- dsea` do jo cajíñ'-:

—Fí'naa', ¿jialí' fé' i tifa' quiá'- júu^ quiá' ta~ quí'-ii' dsea` Israel e Líi'bing' i nijáa' nifí'gui?

¹¹ Joba' cañí' Jesús quiáñ'- do lala:

—E jáb'- e Líi'bing' i nijáa' nifí', jo í'bing' i niguiá- guiá- lajalé'. ¹² Jo dsu' jnea~ gui fí' i 'nú' e nicajáb- Líi', dsu' ja' calijíi~ dsea` ír', jo cajméeb' dsea` la tí' e já- dsír' cóo~ dsea` do. Jo lajob jnea~ cajo, i dsea` i cagüéng- fí' jmigüí' la e lín'n jaang` dsea` jmigüí', niñim'baa iihuí' cajo e nicuó- jaléng' i dsea` í'.

¹³ Job mi~ calíi' i dsea` quiá'- Jesús do e dsea` do fé'r' uii~ quiá'- i Juan i lamí' seáng` dsea` jmí'.

Mi~ cajmi'leáng- Jesús jaang` s'iming' i iuung- i 'ling'^ dsí'

(Mr. 9:14-29; Lc. 9:37-43)

¹⁴ Jo mi~ caguiéng'- Jesús cóo~ i dsea` quiá'r- do fí' lí' teáng- dsea` fíng', jo fí' job cangoquiéeng' jaang` dseañu' fí' quini~ Jesús jo casí'r' uó- jnir~ fí' quini~ dsea` do ¹⁵ jo casí'- reiñ' do lala:

—Fí'i, fí' güilín' jóo`o, co' contøøm- dsea` e joñíñ', jo seab` mi~ quiñ' fí' ni~ jí' osi fí' ni~ jmí' é, jo dseáng'- eám' íñ' iihuí'. ¹⁶ Jo nicagajéem'baa'r fí' quini~ dsea` quií'-, dsu' ja' mí' cali' í' fa' e nicajmi'leáng' neiñ'.

¹⁷ Joba' cañí' Jesús jo cajíñ'-:

—Dsíng'- ja' já'- líng'na' júu^ quié'-e, jo jmang'- fí' gab` iing~na' cá'na'. ¿Jial nité' lí' i e niliseen- cóo~ 'nú'? Nijéeng'na' i s'iming' do fí' la.

¹⁸ Jo mi~ caguilíñ- fí' lí' sing' Jesús, joba' cajíng- dsea` do i 'ling'^ i iuung- dsí' i s'iming' do jo lajob cangoहुíng- i 'ling'^ do ladsifí' lana, jo ca'láam- i s'iming' do. ¹⁹ Jo mi~ cangí` jo, i dsea` quiá'- Jesús do casíñ- cóo~ dsea` do lajee` la'ó' yaaiñ~ jo casí'r- dsea` do lala:

—¿E~ uing~ quiá'- e ja' calí'- jnea' fa' e cajmihuíng-naa' i 'ling'^ i lamí' iuung- dsí' i s'iming' do?

²⁰ Joba' cañí' Jesús quiáñ'- do:

—Co' ja' 'leáng- já'- líng' 'nú' júu^ quié'-e, jo uí' e joba' e ja' calí'-na' cajmee-na' lajo; jo dsu' jnea~ jmítaa^ óo'na' e fa' capí'^ba' já'- líng'na' júu^ quié'-e fa' laco' jíi~ e tí' cóo~ mijú' mostáa^, joba' cuøøm' lí' quiá'na' ta~ cóo~ mó' e nilisíng- ée^ quiá'- lí' si', jo nidsisíng' 'ña' fí' lí' jié' faco' lajo. Jo song lajo, joba' doñí' eeb' quiá'na' jmí~ jmee-na' jóng. ²¹ Co' la'eáng' cóo~ e féng' dsea` Fidié~ jogui jmóor' ayuno, quí' jmí~ e ni'uóng' i 'ling'^ lado.

Mi~ cajméé tu Jesús júu^ e nijnga'- dsea` quiá'r-

(Mr. 9:30-32; Lc. 9:43-45)

²² Jo mi~ cangí` jo, lajee` e ngí' Jesús colíng~ cóo~ dsea` quiá'r- fí' lí' se' Galilea, lalab cajíñ'- casí'r- i dsea` quiá'r- do:

—Tí' lí' niguiéeb' í' e jnea~, dsea` i cajá- fí' ñiff'- e lín'n jaang` dsea` jmigüí', tí' lí' nitén'n fí' jaguó' dsea` jmigüí' ²³ jo cartí' nijngám'-bre jnea~. Jo dsu' mi~ nití'- ni' jmí~ lajo nijíb'túu calé' catú'-.

Jo mi~ canúu- i dsea` quiá'- Jesús do lajo, joba' dsíng'- fí' í' caliñ-.

Mi~ caquí' Jesús cuu- e catíng- guá'-

²⁴Jo mi~ cangf jo, caguie~tu Jesús fí Capernaum coling~ cóo~ i dsea` quíar~ do. Jo i dsea` i jmóo` ta~ mí cuu~ e catíng~ guá~ caguiliñ~ fí lí~ sing' Tú^ Simón jo cajmingí'r~ dsea` do jo cajíñ'-:

—¿Su ja` quí' tifa' quí'~ lajii~ cuu~ e catíng~ niquí' fí guá'-?

²⁵—Quí'b~ dsea` do e jo —cañí' Tú^ Simón.

Jo mi~ tí lí~ ca'í~ Tú^ Simón fí dsí' sináú^, cuøøng` Jesúsbi canaaíñ` s'í'r` dsea` do jo cajíñ'-:

—Janú', Tú^ Simón, ¿jial í o' cuaiñ~ quíá'- e júu^ la? Jo jee~ jaléng` dseata~ i quíu' ta~ fí jmigüú` la, ¿i~ quíá'- jaléng` catíng~ nicár` cuu~ e 'né~ quí' dsea` jogui e cuu~ e íng^ dsea'? ¿Su quíá'- jaléng` dsea` góor` osi quíá'- jaléng` dsea` i jalíng~ fí caluub` é?

²⁶Joba' cañí' Tú^ Simón jo cajíñ'-:

—Mó^ quíá'- jaléng` dsea` i jalíng~ fí caluub`.

Joba' cañí' tu Jesús quíá'- dsea` do jo cajíñ'-:

—Joba' lajii~ e catíng~ 'nua', ja` 'né~ quí'^ jii~ cóo`. ²⁷Jo lico' ja` í~ dsí' i dsea` do ga` uii~ quí'ii', gua` fí lí~ néé' guiéé', jo güibí' 'máa' quí'~ jo guíng~ i la'uii~ 'ñu~ i nilí'; jo fí mo'oo~ i 'ñu~ í nisicú^ cóo` cuu~, jo cóo'~ jii~ e job nitíng` guíá~ quíá'- e nigüiquí'^ quí'ii' quíá'- lajii~ cuu~ e catí~ naa' niquí'ii' quíá'- guá'; joba' quíé' e cuu~ do jo güiquí~ jóng.

18

¿I~ i niing~gui fí quini~ Fidiéé'?

(Mr. 9:33-37; Lc. 9:46-48)

¹Jo ie~ job cajo jaléng` dsea` quíá'- Jesús cangoquíeeíñ` fí lí~ sing' dsea` do jo cajmingí'r~ lala:

—Fí'naa', ¿i~ líng~ 'nua' i niing~gui mi~ Fidiéé' quier' nifí quíá'- dsea` jmigüú'?

²Joba' Jesús cató'r~ jaang` jiuung~ jo casíñ' i jiuung~ do fí guíá'^ jóo` laco' la teáang~ i dsea` quíá'r~ do ³jo casí' reíñ' do lala:

—E jáb' e fí' i 'nua' e song ja` nijmisíng^na' lajii~ e í óo'na' jogui song ja` ni'uíng~na' laco'gui la líng' jiuung~, joba' ja` nilí'na' jóng e Fidiéé' nicár` nifí quí'na'. ⁴Jo lalab fí' i 'nua'; i~ dsea` i ja` jmiféng' 'ñia' jogui ni'uíng~tur laco'gui la líng' i jiuung~ i sing' la, joba' í'bing' i niing~gui mi~ Fidiéé' quier' nifí quíá'- dsea'. ⁵Jo i~ dsea` i íng' i dsea` i líng' laco' i jiuung~ la la'eáang' cóo'~ jnea~, joba' güiliñir' guíá~ e jneab~ íñ' cajo.

Jial dseáang~ e nijjúng' dsea` fí ni~ dsee~

(Mr. 9:42-48; Lc. 17:1-2)

⁶Jo fí' guí' 'nua' e doñí' i~ dsea` i nijmé~ e niténg' fí ni~ dsee~ jaang` jiuung~ i nijá'- líng' júu^ quíé~e, joba' guíá~gui quíá'- i dsea` í e nidsibíng' 'ñia'r' fí é' jmiñí^ e guineaang~ cóo` cuu~ 'loo' fí moluur~ e laco' nineáiñ~ cartí uii~. ⁷Jo gab` lí' quíá'- jaléng' dsea` jmigüú' e sea` cóo'~ jalé' e jmirøng` yaaiñ~ dsee~, có' cóo'~ jalé' e job e tóíñ' fí ni~ dsee~. Jo dsu' e ngí~ fíib^ i dsea` i jmóo` e niténg' dsea` rúíñ' fí ni~ dsee~.

⁸Joba' fí' i 'nua' e doñí' si guóo' osi tíi~ nijmé~ e nitén' fí ni~ dsee~, joba' jmeáng~gui quí'~ e niquíá'^ba' jo nigüibi' cartí lí~ huíí^'. Có' guíá~gui quí'~ e niguøñ'^ fí lí~ guíá~ e ja` sea` guóo' osi tíi~ é e laco'gui niguøñ'^ e la'ieb' guotíi~ fí lí~ coo' jì e ja` tóo' jmíi~ ya'. ⁹Jogui song jminí'^ nijmé~ e nitén' fí ni~ dsee~, joba' jmeáng~gui quí'~ e niguí'ba' jo nigüibi' cartí lí~ huíí^'. Có' guíá~gui quí'~ e niguøñ'^ fí lí~ guíá~ e cóo' jminí'^ e laco'gui niguøñ'^ cóo'~ lajì tú~ jminí'^ fí lí~ coo' jì e ja` tóo' jmíi~ ya'.

*Coo` júu`já` e lafa` júu` cuento quiá`- jaang` jo`se` i si`ling`
(Lc. 15:3-7)*

¹⁰ 'Joba' fíi`guíi` 'nú` e ja` jmi`uóng`na' jii` jaang` i` jiuung` na. Co' jnea` fíi` i` 'nú` e fí` ñifíi` seeng` ángeles quiá'r` i` neáang` colíing` cóo` Tiquié`e dsea` guing` fí` jo. ¹¹ Co' jnea`, i` dsea` i` cajá` fí` ñifí` e lín`n jaang` dsea` jmigüí, cagá` a e laco' nilaan` jaléng` dsea` i` si`ling` uíi` dsee` quiá'r`.

¹² 'Jogui` ¿jial` líng` 'nú` e júu` la? Facó' jaang` dsea` áaiñ` cien jo`se`, jo` caling`iiñ` e cango`íng` jaang` i` jo`se` do quiá'r` fí` jee` mó`, ¿su ja` ni`tiúung` tear i` noventa y nueve do cateá` lajee` nidsér` e nidsi`néiñ` i` jaang` i` cango`íng` do quiá'r`? ¹³ Jo` song` cadseíñ` í, joba' eáang`gui` nili`iáang` dsíir` uii` quiá`- i` jo`se` i` cadseíñ` do laco'gui` quiá`- i` noventa y nueve i` caseáaiñ` do. ¹⁴ Jo` lajob` cajo, co' Tiquí`ii` dsea` guing` ñifí` ja` iin` fa' e nidsi`íng` jii` jaang` i` jiuung` na.

*Jial` né` íng` dsea` dsee` quiá`- jaang` dsea` rúiiñ`
(Lc. 17:3)*

¹⁵ 'Jo` fíi`guíi` 'nú`, song` jaang` dsea` rúng`na' caling`iiñ` e cajmeáiñ` 'nú` ga, joba' guiá`gui` e siing`na' røø` lajee` co` gáng`na', jo` nifí`na're e` uing` quiá`- e cajméer` e ga` do qui`na'. Jo` song` canúub` júuiñ` quiá`- lajii` e cajméer` do, joba' røøb` niliseeng`tu` cóo`r`. ¹⁶ 'Jogui` dsu' song` ja` ni`í` júuiñ` lajii` e nifí`re do, joba' nitó`na' jóng`gáng` gaang` dsea` jiéng` i` tíi` ni` i` nija` júu` røø` quiá`- lajii` e nisiing`na' do. ¹⁷ 'Jogui` song` la` lím`bre` líiñ` e ja` ni`í` júuiñ` cóo` i` dsea` í, joba' cóo` dsea` quiá`- Dsea` Jmaam` 'né` ngíng` e júu` jo. 'Jogui` song` o' cóo` dsea` í` ni`í` júuiñ`, joba' 'né` e nita` óo`na' e i` dsea` í` ja` cuíiñ` Fidiéé` jogui` líiñ` laco' jaang` dsea` i` jmóo` ta` mí` cuu` e catíng` dseata` guing` fí` Roma.

¹⁸ 'Joba' jnea` jmitaa` óo`na' e jalé` e ja` nicuó`na' fí` jee` jaléng` dsea` quié` e fí` jmigüí` la, ja` nicuó` Fidiéé` fí` fí` ñifí` cajo. 'Jogui` lajalé` e nicuó`na' fí` jee` jaléng` dsea` quié` e fí` jmigüí` la, joba' nicuób` Fidiéé` fí` cajo.

¹⁹ 'Lalab` fíi`guíi` 'nú` cajo, fa' gám` 'nú` fí` jmigüí` la nisiing`na' røø` quiá`- lajii` e nimí`na' Fidiéé`, joba' Tiquié`e dsea` guing` ñifí` nicuó`-bre` 'nú` lajii` e nimí`na'r` do. ²⁰ 'Cofa' gáng` osi` gaang` dsea` siseáiñ` e jnea` quiee` nifí` quiá'r`, joba' dob` seeng` jnea` jee` ír` fí` lí` siseáiñ` do cajo.

²¹ 'Jo` ie` jo` cangoquiéeng` Tú` Simón` fí` lí` sing` Jesús` jo` cajming`r` dsea` do: —Fíi`, ¿jó` ya` 'né` íin`n dsee` quiá`- jaang` dsea` rún`n song` cajmeáiñ` jnea` ga? ¿Su` jii` guié` néeb` jii`?

²² 'Joba' caíi` Jesús` quiá`- Tú` Simón` jo` casí`-reiñ`: —Ja` fíi` i` 'næ`, Tú` Simón, e jii` guié` née`, co' cartí` setenta ya` siete née` 'né` íin` dsee` quiá`- i` dsea` rún` do song` lí` 'né` lajo.

Coo` júu`já` e lafa` júu` cuento quiá`- jaang` dsea` 'léeng`

²³ 'Jo` cajíng`-gui` Jesús` casí`r` i` dsea` quiá'r` do e júu` la: —Jo` mí` Fidiéé` quier` nifí` quiá`- dsea`, líi` laco' mí` jaang` dseata` dsea` féng` i` niseeng` dsea` 'léeng` i` nirøøng` quiá'r`. Jo` mí` catí` í` e camíi` i` dseata` do cuu` quiá'r` lajii` e nirøøng` i` dsea` 'léeng` quiá'r` do, ²⁴ joba' i` dseata` dsea` féng` do cató`r` jaléng` i` dsea` 'léeng` i` nirøøng` quiá'r` do e laco' nidsicóoiñ` do lajii` e røøiñ`. Jo` la` uii` cató`r` i` dsea` 'léeng` i` nirøøng` jmiguiá` cuu` quiá'r`. ²⁵ 'Jo` co' ja` ee` cuu` sea`gui` quiá`- i` dsea` 'léeng` do fa' e nija`r` i` fíir` do, joba' i` fíir` do caquiá`r` ta` e nidsi`nim` i` dsea` 'léeng` do colíing` cóo` dseamí` quiá'r` cóo`gui` jaléng` jóor` cóo`gui` lajalé` e sea` quiá'r` e laco' niquír` lajii` e røøiñ` do. ²⁶ 'Jo` dsu` i` dsea` 'léeng` do dsifí` lanab` casí`r` uó`-jnir` fí` quini` i` fíir` do jo` camí`r` dsea` do jmi`ee` jo` casí`r` dsea` do lala: "Fíi`, míi` i` jmi`ee` 'næ` e nijméé` féng` a' uii` quié` e ja` mí` seeng` quié` e lana e cuu`

e røøñ- quíi'-, dsu' niquí'baa lajalé' e røøñ- do quíi'- mi~ niliseeng` quié'-e.”
²⁷ Jo i fii' do calí' b- fii- líiñ- i dsea`'léeng'~ i røøng` quiá'r- do, joba' jo` camí' guir
 cuu- quiá'r- jo caleáam`breiñ' do cóo'~ júu^ røø`.

²⁸ 'Jo cangám'- i dsea`'léeng'~ do, jo lajee` ngaiñ' guiá'^ fib' mi~ cajíñ'
 jaang`gui dsea`'léeng'~ rúíñ' la'ó' røø` nijmóor` ta~ quiá'- fii~, jo i dseañu' i
 nirøøng` capí'^ cuu- quiá'r-. Jo casam'-bre dsea` do jo canaaiñ` güi'r' luuiñ'~
 jo casí'r- dsea` do lala: “iQui~ quié'- e lajii'~ e røøñ'!” ²⁹ Jo i dsea`'léeng'~ rúíñ'
 do casí'r- uø` jnir~ fí' quiniñ' do jo camí'r' dsea` do jmi'ee' jo casí'r- lala: “Fa'
 nijmée`ba' féng' o' e røøm`bii cateá' quíi'-, dsu' niquí'baa lajalé' mi~ niliseeng`
 quié'-e.” ³⁰ Jo dsu' i dsea`'léeng'~ i cajmi'øø` cuu- do jo` e caná'u' júuiñ` jii'~ cóo',
 jo 'nuñib^ cangojéiñ` i dsea`'léeng'~ rúíñ' i carøøng` quiá'r- do cartí' caquiñ'~
 do e cuu- do. ³¹ Jo mi~ caliñi' i dsea`'léeng'~ rúíñ' i caguiaang`gui do e júu^ jo,
 joba' cangosí' bre fii~ lajii'~ e cajmeáng' i dsea`'léeng'~ rúíñ' i jaang`gui do.
³² Jo ée^ jo iing` i fii~ do mi~ caliñir' e júu^ jo, joba' caquiá'r' ta~ e calitéb^ i dsea`
 i ca'lée' do jo lalab casí'-reiñ' do: “i'Nu` lin' jaang` dsea`'léeng'~ i soo` dsí'! Jo
 jnea~ jo` camí'i lajii'~ e røøñ' quié'- e do dsu' uí'~ e camí' jnea~ jmi'ee'. ³³ Jo
 lajob catíng` fa' mi~ cajmee' cóo'~ i dseañu' rún' do mi~ camí'r' 'nu' jmi'ee'
 lí'^ laco'gui cajmé' jnea~ cóo'~ 'nu.’” ³⁴ Jo dseáng'- la huím' eáang` caliguíng` i
 dsea` fii' do quiá'- i dsea`'léeng'~ quiá'r- i cajmée` ga` do có' jigu' cartí' caquiá'r'
 ta~ e cangíiñ` do iihuí' cartí' caquiá'r' lajii'~ e røøiñ` do.

³⁵ Jo cajíng'-gui Jesús casí'r- jaléng' i dsea` quiá'r- do:

—Lanab cajo nijmé- Tiquié^ e dsea` guing` ñiff- cóo'~ jaléng' 'nú' song ja`
 ni'íing`na' dsee- dseáng'- lajang'- uii~ quiá'- jaang` dsea` rúng'na'.

19

Mi~ ca'e' Jesús quiá'- mi~ tiúung` dsea` rúíñ'

(Mr. 10:1-12; Lc. 16:18)

¹ Jo mi~ cangí e cajíng'- Jesús jalé' e júu^ na, jo cagüi'í'bre fí' lí' se' Galilea jo
 caguié`tur fí' lí' se' Judea e née' lí' 'ngóo'~ cataang` laco' iu~ gua` Jordán. ² Jo i
 'leáam` dsea` ngolíng` laco' ngóor', jogui cajmi'leáam`bre jaléng' dsea` dsée'~
 ie~ jo.

³ Jo lajee` táang` Jesús fí' jo, cangoquiéeng' fí' lí' siñ' cóo' tú- máng'~ dsea`
 Israel i líng` dsea` fariseo e lico' iíñ'~ do e niténg' dsea` do fí' ni~ dsee-, joba'
 cajmíng'~ dsea` do lala:

—¿Su cuøøm` quiá'- jaang` dseañu' e nitiúuiñ` dseamí quiá'r- fíng lí'^ doñí'
 ee` cajmiquíng' jii dsí' rúíñ'?

⁴ Joba' cañi' Jesús quiá'- i dsea` fariseo do lala:

—Nica'íb' 'nú' fí' ni~ jii' quiá'- Fidiéé' lí' fé' lala: “Jii'~ latí' mi~ uing`~ ca-
 jmeáng` Fidiéé' dseañu' jogui dseamí.” ⁵ Jogui fé' cajo: “Uí'~ e cúng' dseañu'
 guóor', joba' 'naaiñ` quiá'- tiquiá'^ niquiá'r^ e laco' niliseeiñ` colíng` cóo'~
 dseamí quiá'r-, jo lajoba' lafa' jaam`bre ni'uúíñ` lajee` laji' huáaiñ'- do.” ⁶ Jo
 lajob fii' i 'nú', jo` tí'guir gáíñ-, có' lafa' jaam`bre nica'uúíñ-. Có' Fidiéé`bing'
 caguia' uing` e cúng' dsea` guóor', joba' jo` cuøøng` fa' e nitiúung`gui dsea`
 rúíñ' mi~ cangígui e cacúíñ' guóor`.

⁷ Jo cajmíng'~ tu i dsea` fariseo do Jesús:

—Jo jiali' caquiá' Moi' ta~ e cuøøm` tiúung` dsea` rúíñ' song caráang` cóo'
 mají lí' fé' lajo, jo lajoba' dseáng'- e cuøøng` e tiúung` i dseañu' do dseamí
 quiá'r-?

⁸ Jo cañi' tu Jesús quiáíñ'- do:

—Jo i Moi~ do cacuør' fí' e catiúung`na' dseamí quíi'-na' dsu' uí'~ e 'nú'
 dseáng'- eáam' ue' ó'na'. Có' jii'~ latí' mi~ uing` ja` lajo cali'íing` Fidiéé' e

nilí. ⁹ Jo jnea~gui fíi~i 'nú' e doñí' ií i tiúung~ dseamí quiá' e jíi~ ja`ca'lee' i dseamí quiá'r~ do e güiñ`cóo~ dseañu' jíeng', jogui e nicúng'tur guóor`cóo~ jaang`gui dseamí jíeng', joba' dseeb~ éer`jóng fí' quini~ Fidié~.

¹⁰ Jogui i dseá` quiá'- Jesús do casí'r~ dseá` do lala:

—Song lajob lí' quiá'- jaléng' dseañu' cóo~gui dseamí quiá'r~, joba' guiá~gui líng~ jnea' e ja`nicúñ' guóor`.

¹¹ Joba' cañí'tu Jesús quiáñ'- do:

—Ja`lajíng` dseá` catíñ~ e ngáiñ' jalé' e júu^ na, co' lajii'~ dseá` i nicangíng` quiá'- Fidié~, jíi~ í'bing' i ngáng' e jo. ¹² Jo jmiguiab' uing~ sea' e jmóo` huíng` quiá'- jaléng' dseañu' e ja`cuøng` e nicúñ' guóor`: co' seem` dseañu' e latí' mi~ ngáam' bre ja`si'íñ` fa' e nicúñ' guóor`, jogui seem`bi cajo e dseañu' rúm'bre nicajmi'léng' ír', jogui seem`bi i ja`cuø' fí' yaang~ fa' e nicúñ' guóor` dsu' uíi' e Fidié~ quie' nifi' quiá'r-. Jo jaléng' dseá` i quíi~ jmí~ nijmé~ lajo, joba' güijmé~bre lajo.

Mí~ cajmigüeang' Jesús jaléng' jiuung~
(Mr. 10:13-16; Lc. 18:15-17)

¹³ Jo mi~ cangí jo, caguilíng~ jaléng' dseá' e jéeiñ` jiuung~ quiá'r~ fí' lí~ sing' Jesús e laco' niquidsí' dseá' do guóor` fí' yá'^ mogui~ lajaang` lajaang` i jiuung~ do jogui e nifeiñ' Fidié~ uii~ quiáñ'- do, jo lajoba' niligüeaiñ'^ do. Jo dsu' i dseá` quiá'- Jesús do cajníim`bre quiá'- jaléng' sejmii` i jiuung~ do jogui cajíim`breiñ' do cajo. ¹⁴ Joba' cajíng' Jesús casí'r~ i dseá` quiá'r~ do:

—Cuøø'na' fí' jaléng' i jiuung~ na güijalíñ` fí' la jo ja`jni'na' quiá'r~, co' jaléng' dseá` i líng` laco' i jiuung~ la, í'bing' catíng~ e Fidié~ quie' nifi' quiá'r-.

¹⁵ Jo caquidsib' Jesús guóor` fí' yá'^ mogui~ lajaang` lajaang` i jiuung~ do, jo ngí jo, cagüi'í'bre fí' jo.

Mí~ casíng` Jesús cóo~ jaang` siming' i sea` cuu~
(Mr. 10:17-31; Lc. 18:18-30)

¹⁶ Jo mi~ cangí jo, caguie~ jaang` siming' fí' lí~ sing' Jesús jo cajming'í'r~ dseá` do:

—Tífa' i guiá~ dsíí, ¿e~ e guiá~ 'né~ jmee~ jnea~ e laco' nilí'i e niliseen` cøøng` cóo~ Fidié~ car`ngongí~ jmí~?

¹⁷ Joba' cañí' Jesús quiá'- i siming' do:

—¿Jialí' jnea~ jmíngí~ cuaiñ~ quiá'- jalé' e guiá~? Co' jaam` i guiúng~ seeng` jo jíi~ Fidié~bing' líng` lajo. Jo dsu' song 'nu'gui iin~ e niliseen` cøøng` cóo~ Fidié~ car`ngongí~ jmí~, joba' 'né~ nijmití'ba' lajalé' júu^ quiu' ta~ quiá'- Fidié~ jóng.

¹⁸ Joba' cañí' i siming' do quiá'- Jesús:

—¿E`gui e júu^ 'né~ líti~ do jóng?

Jo cañí'tu Jesús quiáñ'- do jo casí'r~ lala:

—Lalab lí' jalé' e júu^ 'né~ líti~ do: Ja`jngán' jíi~ jaang` dseá` rún'; jogui ja`lee' e nigüñ' cóo~ dseañu' dseamí i o' quíi'; jogui ja`jmoo' í; o'gui cuø' dseá` dsee~ e ja` uing~ sea'; ¹⁹ jogui jmi'goo` tiquíi' cóo~gui niquíi'; jogui jmi'neáan' jaléng' dseá` rún' lí' laco'gui jmi'neáan' uø'.

²⁰ Joba' cañí'tu i siming' do quiá'- Jesús jo casí'r~ dseá` do:

—Lajíb' e júu^ e fól'na' nicajmitii~; joba' ¿e~ jíi~ e 'né~ nijmiti'guí~?

²¹ Joba' cañí'tu Jesús quiáñ'- do jo cajíñ'-:

—Song 'nu' iin~ e niliguiún' laco' si'í' fí' quini~ Fidié~, joba' guóng' fí' quíi' jo güi'ní~ lajalé' e sea` quíi', jo jalé' e cuu~ e nilí' quiá'- e jo jmee~ guié^ jee~ jaléng' dseá` tíñíng~, jo lajoguiba' nilí' e nilisea` juguiá~ quíi' fí' ñiff' fí' lí' guíng~ Fidié~. Jo mi~ níngí jo, nea~ cóo~ jnea~ jóng.

22 Jo dsu' mi~ canúu~ i siming' do jalé' júu^ e cajíng' Jesús, joba' fi'íb^ cangáin'~, co' eáam' sea` cuu~ quiá'r~.

23 Joba' casí'~ Jesús i dsea` quiá'r~ do jo cajíñ'~ lala:

—E já' e fñi' i 'nú' e huñm' lí' quiá'~ jaang` dsea` sea` cuu~ e nijáng' 'ñia'r' fi' quini' Fidié' e laco' dsea` do nicá' nifi' quiá'r~. 24 Jogui fñi' túu 'nú' calé' catú~ e ja'gui huñng' quiá'~ jaang` jó' camello e ningíng' ne' fi' dsí' too' jmini' mocuu~ e laco'gui jaang` dsea` sea` cuu~ nijáng' 'ñia'r' fi' quini' Fidié' e laco' dsea` do nicá' nifi' quiá'r~.

25 Jo mi~ tí' lí' canúu~ i dsea` quiá'~ Jesús do lajo, joba' eáang'guib cangogá' dsíir' jóng, jo canaain' jmingi' rúin':

—Jo song lajob lí', joba' ¿i~ nilí' nijmé~ e nileáin' jee~ jalé' dsee~ quiá'r~?

26 Jo lico' cajóøm~ Jesús i dsea` quiá'r~ do, jo cañir' quiáin'~ do lala jo cajíñ'~: —Jíi'~ jaang` dsea` jmigüi' quí'r~ jmí~ nileáng' 'ñia'r' jee~ jalé' dsee~ quiá'r~, co' jíi'~ Fidié'bing' quí'r~ jmí~ jmé~ lajo.

27 Joba' cañi' Tú' Simón quiá'~ Jesús jo casí'r~ dsea` do lala:

—Fí'i'i', jnea'^ nicatú'baa' lajalé' e sea` quí'naa' jo cóo' 'nub' ningi'naa' lana. Joba' ¿e~ jíi'~ e catí'naa' ni'íng'naa'?

28 Joba' lalab cañi' Jesús e casí'r~ i dsea` quiá'r~ do jo cajíñ'~:

—E laba' jmitaa^ óóna' e mi~ nití' í' e nili'mí' tu latøøng~ jmigüi', job mi~ nimáang~na' jnea~, dsea` i cajá' fi' ñifi' e lán'n jaang` dsea` jmigüi', e niní' e niquiá'^u ta~ fi' ée^ lí' niing~ jlo'^ quié~e e sea` fi' ñifi'. Jo ie~ jo jaléng' 'nú', dsea` líng'na' dsea` quié~e, niliseab` cajo guitu' ée^ quí'na' fi' jo lí' niní'na' colíng~ cóo' jnea~ e laco' niquidsi'na' í' quiá'~ laji' guitu' 'lé' dsea` góona' dsea` Israel. 29 Jogui jaléng' dsea` i nilíng' dsea` quié~e, jo uíi' e jo nicatár' jalé' 'nar~, osi nica'naain' quiá'~ jaléng' rúin' é, osi nica'naain' quiá'~ tiquiá'^ niquiá'r^ é, osi quiá'~ jóo'bir é, osi nicatár' uó~ quiá'r~ é, joba' jaléng' í'bing' i niñíng' cien ya' e jmigui'gui e laco' e catár' do jogui niñim'bir cajo e niliseeiñ' cøøng~ cóo'~ Fidié' car` ngongí' jmí~. 30 Jo i líng~ dsea` i líng~ e niñi' eáang' fi' jmigüi' la, dsu' í'bing' jíi'~ capí'^ ja' ee' niñi' mi~ nití' e í' jo; jo dsu' i líng~ dsea` i líng~ e ja' ee' niñi' jíi'~ capí'^ fi' jmigüi' la, joba' í'bing' i eáang'gui niliniing~ mi~ nití' e í' jo.

20

Coo' júu^ já' e lafa' júu^ cuento quiá'~ dsea` jmóo' ta~ quiá'~ mí'^ huñng' jó'^

1 Jo café'gui Jesús coo'gui júu^ já' e lafa' júu^ cuento jo cajíñ'~ lala:

—Jo mi~ Fidié' quier' nifi' quiá'~ dsea', lí' laco' mi~ jaang` dsea` fi' coo' uó~ lí' sijnea' mí'^ huñng' jó'^, jo i dsea' í' cagüi'fir' coo' ya' e la'ee' e cango'néeiñ' dsea' 'léeng' i nijmé~ ta~ quiá'~ e mí'^ huñng' jó'^ do. 2 Jo casí'~ reiñ' do e niquí'bre e 'léeiñ'~ do quiá'~ coo' jmí~ ta~. Jo mi~ cangí' jo, casím'breiñ' do fi' jee~ ta~. 3 Jo i fi' do calé' catú~ cagüi'fir' fi' jee~ 'núu' mi~ catí' la ii' ñú~ e la'ee' jo cangáin'~ jiéng'gui dsea` i neáang' jøøng~ e ja' ta~ jmóor'. 4 Jo lalab casí'r~ í': “Song ja' ta~ sea' jmée' 'nú', güilíng'na' güijmee'na' ta~ quiá'~ mí'^ huñng' jó'^ quié~e, jo niquí'baa' quí'na' laco' sí'í'.” Jo cangolím^ i dsea` do cangojméer^ ta~.

5 Jo mi~ catí' guieñi'~, cagüi'fíb'tu i dsea` fi' do fi' jee~ 'núu' e ngojmée'guir quijí' dsea` i nijmé~ ta~ quiá'r~, jo caléb' catú~ cagüi'fir' mi~ catí' la ii' 'ní' e ca'lóo~ cajo. 6 Jo coob' mi~ catí' la ii' 'ñiá' e ca'lóo~, jo caléb' catú~ cagüi'fir' jo cangór~ fi' 'móo'~, jo fi' job cangár~ e neáang' jiéng'gui dsea` i ja' ta~ sea' jmé~, joba' cajmingi'r~ dsea` do: “¿Jialí' ngíng' 'nú' jmí~ quí'na' fi' la e ja' ta~ jmoo'na'?” 7 Joba' cañi' i dsea` do quiá'~ i fi' do: “Co' jíi'~ jaang` dsea`

ja` mí cali`neaiñ` jnea` ta`.” Joba` cajíng` i fii` do casí`-reiñ`: “Güiling` 'nú` güijmee`-na` ta` cajo` fí` lí` sea` mí` huíng` jó` quié`-e.”

⁸ Jo` mí` tí` lí` canuá`, i fii` do caquiá`r` ta` i dsea` née` ni` dsea` 'léeng` do e nitóor` jaléng` i dsea` jmóo` ta` do jo` casí`-reiñ` do lala: “Tee` lajaang` lajaang` i dsea` 'léeng` na` jo` quiá`r`-quiá`r`, dsu` la`uui` ningíng` i dsea` i cangotáang` jee` ta` la` ii` 'ñiá` e ca`lloo` do jo` lajob` cartí` i cangotáang` la`ee` do.” ⁹ Jo` lajob` cajmée` i dsea` do; jo` la`uui` cangíng` i dsea` i cangotáang` la` ii` 'ñiá` e ca`lloo`, jo` lajaang` lajaam` i dsea` í` ca`íñ` e 'léeiñ` quiá`-latøng` jmíi`. ¹⁰ Jo` mí` cató` quiá`-í, joguiba` cangíng` i dsea` i cangotáang` la`ee`gui` do, jo` i dsea` í` ca`í` dsíir` e jmiguiá`gui` nilí`r` e 'léeiñ`. Jo` dsu` o` lajo, co` røøb` ca`íñ` cóo` i nifí`gui` do cajo. ¹¹ Jo` mí` tí` lí` cangí` e ca`íñ` do e 'léeiñ`, joba` canaaiñ` fé`r` ga` uui` quiá`-i dsea` fii` do ¹² jo` casí`-reiñ` do lala: “I dsea` 'léeng` quiá`-i caguiling`-cøøng`gui` na, jii` coo` oor`ba` cajmээр` ta`; jogui` røøb` caquiá` quiá`-dsea` do laco`gui` jnea`, dsea` cataang`naa` lajee` latøng` jmíi` e guí`-iee.” ¹³ Jo` dsu` i fii` do cañír` quiá`-jaang` lajee` i dsea` 'léeng` do jo` casí`-reiñ`: “Ruu`, ofa` jnea` jmóo` o` jlon`n cóo` 'nú`. ¿Su` ofa` casí`naa` røø` jial` tí` 'léeng` dsea` laco` jmíi`? ¹⁴ Joba` fí`-i` 'nú` lana, nab` røo` e 'léen` jo` nicuøom` guón`. Jo` song` jnea`gui` iin`n quí` quiá`-i dsea` 'léeng` i ca`í` cajmée` ta` cøøng`gui` do røø` laco` jii` e nicaquí` quiá`, ¹⁵ joba` cuøom` lí` jmee`-e lajo, co` cuu` quié`-baa` e cacuøø`-øre` do, o` cuu` quiá`-dsea` jíéng`. ¿Ofa` dsihuám`ba` é dsu` uii` e cajmé`-e e guíá` cóo` i dsea` í`?”

¹⁶ Jo` cajíng`-gui` Jesús` lala:

—Jo` i` líng` dsea` i` líng` e niñ` eáang` fí` jmigüi` la, dsu` í`bing` e jii` capí` ja` ee` niing` mí` nití` e í` jo. Jo` dsu` i` líng` dsea` i` líng` e ja` ee` niñ` jii` capí` fí` jmigüi` la, joba` í`bing` i` eáang`gui` niliniing` mí` nití` e í` jo.

*Mí` cajmée` Jesús` júu` e catí` 'ní` ya` e tí` lí` nijngám`-dsea` 'r`
(Mr. 10:32-34; Lc. 18:31-34)*

¹⁷ Jo` coo` jmíi`, lajee` e ni`iuung` Jesús` fí` ngaiñ` fí` Jerusalén, jo` cató`r` i dsea` guitúung` quiá`r` do coo` lico` yaaiñ` jo` casí`-reiñ` do:

¹⁸ —Jo` lí` laco` jii` e móo` 'nú` jmíi` na, lana` ningóo`naa` fí` Jerusalén, jo` fí` job` lí` nisáng` dsea` jnea`, dsea` i` cajá` fí` ñifí` e lín`n jaang` dsea` jmigüi`. Jo` nijaiñ` jnea` fí` jaguó` jaléng` fii` jmidsea` quiá`-dsea` góo`naa` dsea` Israel cóo`-gui` jaléng` tifa` i` e` júu` quiá` ta` qui`naa` cajo. Jo` jaléng` i dsea` íb` i` nicuø` júu` quiá` e nijúung` jnea`. ¹⁹ Jogui` nijaiñ` jnea` fí` jaguó` jaléng` dsea` i` ja` cuíng` Fidiée`, jo` jaléng` íb` i` niløø` quié`-e, jogui` nijmihuíñ` jnea` cajo jo` jiguí` cartí` niteaiñ` jnea` fí` dse` crúu`, jo` fí` job` nijúun`n; dsu` mí` nití` 'ní` jmíi` lajo, nijí`b` túu` calé` catú`.

*Lajii` e camí` niquiá` Tiáa` cóo`-gui` Juan e camí`r` Jesús
(Mr. 10:35-45)*

²⁰ Jo` mí` cangí` jo, i dseamí` quiá`-jaang` dseañu` i sii` Zebedeo` cajaquiéeiñ` fí` lí` sing` Jesús, colíng` cóo`-gáng` jóor`, jaang` i` sii` Tiáa` jogui` jaang` i` sii` Juan, jo` laji` huáaiñ` do quiñ` jee` dsea` guitúung` quiá`-Jesús, jo` casí`r` uø` jnir` fí` quiniñ`, co` iin` líng` ee` nimí`-bre` dsea` do. ²¹ Joba` cajmingí` Jesús` i dseamí` do jo` casí`-reiñ`:

—¿E` iin`?

Joba` cañí` i dseamí` do quiá`-Jesús` jo` casí`r` dsea` do:

—Jiée` o` e nicuø` fí` e laji` gáng` i` jóo` o` la nigüear` cóo` 'nú` fí` lí` quiá` ta` mí` niguing`-tu` fí` jo, jo` jaaiñ` la nigüear` lí` lí` dsée` jogui` jaang`guir` lí` lí` tuung`.

²² Joba` cañí` Jesús` quiáíñ` do lala:

—'Ná' jii~ ja' ñí'na' lajii~ e mi'na' na. ¿Su líng'na' e nité'na' lajii~ iihuí' e nijaquíeng' quié~ jnea~?

Joba' cañí' i joo` i dseamf do jo cajíñ'~:

—Nité' lí'baa'.

²³ Jo cañí'tu Jesús quiá'~ i dseá do:

—E jáb'~ e 'nú' nimó'ba' iihuí' cajo lí' laco'gui nimoo~ jnea~; jo dsu' e nigüea` dseá lí' lí' dsée' osi lí' lí' tuung~ é laco' guiin~n, ja' jnea~ catín~n e jo fa' e nicuøø~, co' lajii~ dseá i nicaguíng' Tiquié'e, jii~ í'bing' i catíng~ e jo.

²⁴ Jo mi~ tí' lí' canúu~ i dseá quiá'~ Jesús i guíng~gui do lajii~ e júu^ jo, joba' caligüím~bre quiá'~ i gáng~ do. ²⁵ Jo dsu' Jesús cató'r~ jaléng' i dseá guitúung~ do quiá'r~ jo casí'r~ lala:

—Niñí' b' 'nú' guiá~ e jee~ jaléng' dseá i ja' cúing' Fidié' seeng' jaléng' dseata~ i quiá' ta~ quiá'~ jaléng' dseá, jo jaléng' i dseá i quiá' ta~ do eáam' silí'r' cóo'~ e ta~ líiñ' do. Jo lajob lí' cajo cóo'~ jaléng' dseata~ dseá féng' i quié' nifí' quiá'~ jaléng' dseá, co' laguidseam^ quiá'r' ta~ quiá'ñ' do. ²⁶ Jo dsu' ja' cuøøng' e nidsijéé' lajo jee~ 'nú', co' ii i iing~ i nicá' nifí' jee~ 'nú', í'bing' i 'né' nijmé~ ta' jmicoo'~ quiá'~ i caguiaang~gui. ²⁷ Jogui ii i iing~ i nijmé~ e niing~guir jee~ 'nú', í'bing' i 'né' jmé~ jalé' ta' huí' jee~ jaléng' i caguiaang~gui e ja' jmiféng' 'ñia'r'. ²⁸ Jo lajob 'né' jmér~, co' lajob ta~ cagá~ jnea~ cajo, jnea~ dseá cagá~a fí' ñifí' e lín'n jaang' dseá jmigüí'. Co' jnea~ ja' cagá~a fa' e jmoo` dseá ta' fí' quinií~, co' jnea~ cagá~a e laco' nijmicoo'~ jaléng' dseá jmigüí' jogui e nijáng' 'ñia'a e nijúun~n e laco' nileáng' fíng' dseá jmigüí' jee~ jalé' dsee~ quiá'r~.

Mi~ cajmi'leáang~ Jesús gáng~ dseá tiuung~

(Mr. 10:46-52; Lc. 18:35-43)

²⁹ Jo mi~ cangí' jo, mi~ tí' lí' ca'uøøng' Jesús cóo'~ jaléng' dseá quiá'r' fí' Jericó, eáam' cango'leáang' dseá laco' ngóor'. ³⁰ Jo lajee~ laco' teáaiñ'~ fí' lado, coob' mi~ cangüiñ' lí' neáang' gáng~ dseá tiuung~ i neáang' 'ni' fí'. Jo mi~ tí' lí' calilí' i dseá tiuung~ do e cangíng' Jesús fí' jo, joba' ca'áiñ' dseá do lala:

—iFí'ii', siju~ dseata~ Daví', fí' güilín' jnea'!

³¹ Jo dsu' jaléng' i dseá i ngolíng~ cóo'~ Jesús do ca'gaam~bre quiá'ñ' do e laco' jo' áng'guiñ' do dseá do. Jo dsu' lí' lí' teá'gui canaang' óo' i dseá tiuung~ do e áiñ' dseá do jo fé'tur lala:

—iFí'ii', siju~ dseata~ Daví', fí' güilín' jnea'!

³² Joba' cajeab' Jesús laco' fí' iuuiñ~ do jo cató'r~ i dseá tiuung~ do jo cajmingí'~rein' do:

—¿E~ iing~na' e nijmee~e quií~na'?

³³ Joba' cañí' i dseá tiuung~ do quiá'~ Jesús lala:

—Fí'ii', ii~naa' e nijmée' e nilijnéb'~túu'.

³⁴ Joba' calí' fí' lím~ Jesús i dseá tiuung~ do jo lico' cagüi'r' jmini'biñ' do lajaang' lajaaiñ'. Jo dsifí' lajob ca'láang~ i dseá tiuung~ do, jo calijné'~bre. Jo mi~ cangí' jo, cangolíim~bre cóo'~ Jesús.

21

Mi~ ca'í' Jesús fí' jee~ fí' Jerusalén

(Mr. 11:1-11; Lc. 19:28-40; Jn. 12:12-19)

¹ Jo lajee~ ná' gui e niguieng' Jesús fí' Jerusalén colíng~ cóo'~ jaléng' dseá i ngí' cóo'r~ do, jo caguilíñ~ fí' coo' fí' e sii' Betfagé e néé' quiá'~ coo' mó' e sii' Olivos. Jo tí' job caguíeng' Jesús gáng~ lajee~ i dseá quiá'r~ do e jéeng'guiñ' ² jo casí'~rein' do lala:

—Güilíng-na' e fí fí'jiu e née' quini' na, jo fí' job niguiéng-na' jaang` bú' iee` i' ñúung` colíng` cóo` jaang` yuu` quíaa`-re'. Jo síng`-na're' jogui tee`-na're' fí' la. ³ Jo song` i` casí' 'nú' jialí' jmoo`-na' lana, joba' nifí'-na'r lala: “Lana 'neáng` fí'li' i' bú' la. Dsu' mí` ningí' jo nijajeaam` túure'.”

⁴ Jo cangojée' e na e laco' caliti' jí' laco' júu` e cajíng`- jaang` dsea` i' café' cuaiñ` quíá'- Fidiée' malí' gui eáang` mí' cajme'r' lala:

⁵ Sí' na' jaléng` dsea` i' seeng` fí' Sión:

“Lab nijáa' i' dseata` dsea` féng' i' quíe' nifí' quí'-ii',
jo jaang` dsea` i' ja` jmiféng' 'ñiab' líiñ',
jogui guíiñ` fí' mocóo` jaang` bú' jiuung`.”

⁶ Jo mí' cangí' jo, cangolím` i' dsea` gáng` quíá'- Jesús do jo cajmiti`-bre laco' jí' ta` caquiú' dsea` do quíá'r-. ⁷ Jo cató'-bre i' bú' iee` do colíng` cóo` yuu` quíaa`-re' do fí' lí' síng' Jesús, jo canaaíñ` sífí' sí'r' fí' mocóo` i' bú' jiuung` do jo mifíng` caguáb` Jesús fí' mocóo` i' jó' do. ⁸ Jo fím` dsea` ni'r' jalé' sí'r` lacuee` guíá' fí' lí' cangíng` Jesús; jo i' líng`-gui dsea` t'ur' guo' 'ma' e tií' jo guiar' fí' guíá' fí' lí' ningíng` dsea` do cajo. ⁹ Jo jaléng` i' dsea` i' ngolíng` nifí' cóo`-gui i' jalíng` catí' cøøng` óor` lala:

—iMajmiféng'naa' i' jóo' dseata` dsea` féng' Daví'! iJogui juguíá'-jiu quíá'- i' dsea` i' casíng` Fidiée' fí' jmigüí' la cuaiñ` quíá'r! iJo majmiféng'naa' Fidiée' dsea` guíng` ñifí'!

¹⁰ Jo mí' tí' lí' ca'í' Jesús fí' dsí' fí' Jerusalén, lajim` dsea` canaaíñ` ta'r' mí' jo jmingí'- rúíñ':

—¿I'gui i' dsea` na?

¹¹ Jo i' líng` i' dsea` do ngír':

—Mó' Jesús i' dsea` i' fé' cuaiñ` quíá'- Fidiéeb` na, i nabi i' seeng` fí' Nazaret do fí' lí' se' Galilea.

Mí' ca'uóøng` Jesús jaléng` dsea` i' jmóo` ta` 'nú' fí' dsí' guá'-

(Mr. 11:15-19; Lc. 19:45-48; Jn. 2:13-22)

¹² Jo mí' cangí' jo, jo cangó'- Jesús fí' dsí' guá'- fé' quíá'- dsea` góor` dsea` Israel e sí' fí' Jerusalén do. Jo mí' cangár` e lafa' 'móob` lí' e fí' jo, co' teáang` dsea` ta` 'nú' jogui ta` láa', joba' cajmiquím`- dsí' Jesús mí' cangár` lajo, jo canaaíñ` jíim`-bre jalé' mes` quíá'- i' dsea` i' jmóo` ta` jmísiing`- cuu` jogui jalé' 'masii` quíá'- i' dsea` i' jmóo` ta` 'níng` jaléng' mee'. ¹³ Jo cajíñ`- casí'r` jaléng' i' dsea` do lala:

—Lalab fé' Fidiée' fí' ni` jì quíá'r: “E 'nuu`- la nilisií' 'nú' lí' nisíng` dsea` cóo`- jnea`”; jo dsu' 'nú' nicajmi'uíng`-na' coo' 'nú' lí' teáang`- jaléng' í'.

¹⁴ Jo lajee` táang` Jesús e fí' dsí' guá'- do, job caguilíng`- jaléng' dsea` tiuung` cóo`-gui jaléng` dsea` jlúung`, jo cajmi'leáang`- Jesús jaléng' i' dsea` í'. ¹⁵ Jo mí' tí' lí' cangá'- jaléng' fí' jmidsea` quíá'- dsea` Israel cóo`-gui jaléng' tifa' quíá'- júu` quíá' ta` quíá'r- lají' e quí' Jesús jmí' jmóor` e dsigá' dsí' dsea` jogui canúu`-guir e óo' jaléng' jiuung` e fí' guá'- do lala: “iGüijmiféng' jaléng' dsea` jmigüí' i' jóo' dseata` dsea` féng' Daví'!”, joba' jaléng' i' dsea` í' eáam` caliguiñ`

¹⁶ jo casí'r` Jesús:

—iNuu' lají' e fé' jaléng' i' jiuung` na!

Joba' caíí' Jesús quíá'ñ` do:

—Núu'baa, jogui ¿su ja` mí' ca'í' 'nú' lají' e tóo' fí' ni` jì quíá'- Fidiée' lí' fé' lala?:

'Nu, Fidiée', nicajmee'

e cóo`- jalé' e ø' jaléng' jiuung` cóo`-gui jaléng' yuu` nijmiféiñ' 'nu.

¹⁷ Jo mí' calí' casí'- Jesús i' dsea` do lala, jo cagü'í'bre fí' fí' Jerusalén jo cangó'-tur fí' coo' fí' lí' sí' Betania, jo fí' job cangongíñ` e uóø' jo.

*Mi~ caliquiú` coo`'ma` güñí`
(Mr. 11:12-14, 20-26)*

¹⁸ Jo mi~ cangî jo, coo` e la'ee` lajee` e ni'iuung` Jesús fí e ningáin` fí Jerusalén, cadseá` jmi'aaín`. ¹⁹ Jo coo` cangá`bre e gui~ coo` 'ma` güñí` ca' fí lana, jo cangoquiéin` fí lí` gui~ do, dsu' cadsé'r` e jii~ coo` güñí` ja` íi~, dseáng` yaang` má` quiáb`- dsi~. Joba' lalab casí'r` e 'ma` güñí` do:

—jo` nicuó`gui' jii~ coo` güñí` latí` lana!

Jo ladsifí lanab caliquiú` e 'ma` güñí` do. ²⁰ Jo mi~ tí` lí` cangá` i dsea` quiá'r` do e calí` lado, joba' eáam` cango`gá` dsíir` jo cajmingí'r` dsea` do lala:

—Fíi'naa', ¿e~ uiing` quiá`- e caliquiú` ladsifí` lana e 'ma` güñí` na?

²¹ Joba' cañí` Jesús quiáin` do:

—E já` e fii`-i` 'nú` e song dseáng`- já`- líng`na' e quíi`-baa jmi~ jmee` lí`- doñí` ee` jo ja` jmitúng`- áa`na', jo o' jii~ e na niquíi`-na' jmi~ nijmee`-na' jóng lí` laco`gui' jii~ e cajmé`-jneá` cóo` e 'ma` güñí` na. Co' song dseáng`- já`- líng`na' e quíi`-baa jmi~ jmee` lí`- doñí` ee`, joba' cuóom` lí` quiá`na' ta~ e mó` si' la e nijéng`- 'ñia' lí` si' jo nidsisíng` 'ñia' fí` 'ni' jmiñí`, joba' lajob nilí` jóng. ²² Joba' fii`-i` 'nú` lajning`na' na e mi~ fóng`na' Fidiéé`, míi`-ba're car` ngocáng` óo`na' jogui` já`- líng`na' e quíi`-baa dsea` do jmi~ nijmér` lí` doñí` ee`, joba' nicuó`-bre 'nú` jóng lajii~ e mi`na' do.

*I` quiá` ta` Jesús e jmóor` jalé` e jmóor`
(Mr. 11:27-33; Lc. 20:1-8)*

²³ Jo mi~ cangî e cajíng` Jesús lajo, jo ca'í`-bre fí` dsíi` sinúu` guá`- fé` e er` júu` quiá`- Fidiéé`. Jo lajee` iuuiñ` fí` job, mi~ cangoquiéeng` jaléng` fii~ jmidsea` quiá`- dsea` góor` dsea` Israel fí` lí` siñ` colíng` cóo` jaléng` dsea` cóong` quiá'r` cajo, jo cajmingí'r` dsea` do lala:

—¿I` i` quiá` ta~ quíi`- e jmoo` jalé` e na? Jo ¿i` i` cacuó` 'nú` fí` e cuóong` jmee` jalé` e na?

²⁴⁻²⁵ Joba' cañí` Jesús quiáin` do jo casí`-rein`:

—Jnea~ cajo seab` coo` e nijmingí`-i` 'nú`. ¿I` casíi` quiá`- Juan e niseáin` dsea` jmi~? ¿Su Fidiéé` ofa' dsea` jmigüib` é? Jo song nijmée`-na' jnea~ júu` i` casíi` quiá'r`, joba' nijmée`- jnea~ 'nú` júu` i` quiá` jnea~ ta~ e jmóo`o` lajalé` e la.

Jo i` dsea` do canaaín` sáin` lajee` la'ó` yaain` jo sí` rúin` lala:

—Song nisíi`-naa'r e Fidiéeb` dsea` casíi` quiá`- i` Juan do, joba' nijíñ`- nisí'r` jnea~aa': “¿Jialí` ja` já`- calíng`-na' i` dsea` í` jóng?” ²⁶ Jo ja` cuóong` nisíi`-naa'r e dsea` jmigüib` casíi` quiá`- i` Juan do, co' fíng song casíi`-naa'r lajo, dseáam`- fíng ee` cajmeáng` dsea` jnea~aa'; co' lajím` dsea` ñir` e i` Juan do café'r` cuaiñ` quiá`- Fidiéé`.

²⁷ Joba' cañí` quiá`- Jesús lala:

—Ja` ne~naa' jii~ coo`.

Jogui` Jesús casí`-tur i` dsea` do jo cajíñ`-:

—O'gui` jnea~ cuóong` jmée`-e 'nú` júu` cajo i` i` quiá` jnea~ ta~ e jmóo`o` jalé` e la.

Coo` júu` já`- e lafa' júu` cuento quiá`- gáng`-jóo` dsea`

²⁸ Jo cajmingí`-gui` Jesús jaléng` i` dsea` do lala:

—¿E` í` óo` 'nú` cuaiñ` quiá`- e júu` la? Coo` née`- nicaliséng` jaang` dseañu`, jo i` dseañu` í` nicaliséng` gáng`-jóor`. Jo coo` née`- casí'r` i` jóor` la'uii` do: “Jóo`o, fa' jgiéé` o' güijmée`- coo` jmi~ ta~ fí` lí` sijnea` mí` huñng` jó`- quí`-ii' do.”

²⁹ Joba' cañí` i` jóor` do: “iU~, dseáng`- fím`-baa nii`i!” Jo dsu' mi~ cangî`guijia lajo, ca'í`- dsíir` cangór`. ³⁰ Jo dsu' ngî` jo i` jóor` i` catí` tú`-gui do casí`- tiquiá'r`

laco' casí'r- i jóor' la'uii~ do; joba' i jóor' í cañí'bre ladsifí' quiá'- tiquiá'r^ jo cajiñ'- e nidsé-bre. Dsu' mi~ ngoyúung'~ jo ja` cangór-.

³¹ Joba' cajmingí'- Jesús i dsea` do:

—¿I~ lajee' laji' gáng- i jóor' do líng- 'nú' i calinúu'~ júu^ quiá'- tiquiá'r^?

Joba' cañí' i dsea` do quiá'- Jesús jo cajiñ'-:

—I jóor' la'uii~ do, í'bing' i calinúu'~.

Jo Jesús casí'r- i dsea` do lala:

—E já'- e fíi- i 'nú' e jaléng' i dsea` i jmóo` ta~ mí' cuu- e catíng- dseata` dsea` féng' i guing~ fí' Roma jogui jaléng' dseamf i jmóo` ta~ 'níng' yaang~, jéeng'guir nijáng' yaaiñ~ laco'gui 'nú' fí' jaguó' Fidiéé' e laco' dsea` do nicár' nifí' quiáiñ'- . ³² Co' mi~ cajá- Juan i caseáng` dsea` jmíi` jo ca'e'r' 'nú' jial niliguiúng-na' fí' quini' Fidiéé', dsu' ja` já'- calíng- 'nú' jalé' e jo ie~ jo. Jo dsu' jaléng'gui i dsea` i jmóo` ta~ mí' cuu- cóo'~gui jaléng' dseamf i jmóo` ta~ 'níng' yaang~ jáb'- calíñ- ie~ jo. Jo dsu' 'nú'gui, nañí' fa' cañí'-ba' jalé' e jo, dsu' ja` caqui'~ jíng'~ yaang-na' fí' quini' Fidiéé', jogui dseáng' ja` já'- calm-ba' júu^ quiá'- Fidiéé'.

Coo'gui júu^ já'- e lafa' júu^ cuento quiá'- dsea` 'léeng' i soo` dsí'

(Mr. 12:1-12; Lc. 20:9-19)

³³ Jo mi~ cangf jo, cajíng'-gui Jesús e júu^ la:

—Núu-na', la nifíi' i 'nú' coo'gui júu^ já'- e lafa' júu^ cuento: Coo` née'~ jaang` dseañu' ni'óor coo' uó- jo nicajme'r' ía` lacúng' e uó- quiá'r- do, jo cajnir' mí'^ huíng` jó'^ fí' dsí'. Jo cajmilíiñ~ coo' lí- ni'uó'r- jmí'^, jogui caséer` coo' 'núu' ñí' fí' quiá'- jo e laco' cuóøng` tí' nir~ fí' la'úng- e fí' ni~ guóo'~ uó- quiá'r- do lí~ sijnea` mí'^ huíng` jó'^.

'Jo mi~ cangf guijiu lajo, ca'náaiñ- coo' tú- máng'~ dsea` i nijmé- ta~ uó- quiá'r-. Jo mi~ cangf jo, cagüi'í'bre cangór- fí' lí' huíi'. ³⁴ Jo mi~ tí' lí' catí' í' e caroo' e mí'^ huíng` jó'^ do, jo caguiém' i dsea` fii~ uó- do coo' tú- máng'~ dsea` 'léeng'~ quiá'r- i cangoquiéé' lajii'~ e catíiñ'- do. ³⁵ Dsu' mi~ tí' lí' caguilíng- i dsea` 'léeng'~ do fí' lí' taang~ i dsea` jmóo` ta~ uó- do, dsíng'- ga` cacóøiñ' e caquié' i dsea` i jmóo` ta~ uó- do; i líng~ cacóøng' cóo'~ cuu~, jogui i líng~gui dseáng'- cajngam'bre. ³⁶ Jo mi~ cangf jo, i fíing'gui dsea` 'léeng'~ caguiéng'tu i fii~ do laco'gui i caguiéiñ' lamí~ uii~ do. Jo dsu' lajob cajmée'tu i dsea` i jmóo` ta~ uó- do, cajmeám'tur jaléng' i dsea` 'léeng'~ i caguiéng' i dsea` fii~ uó' do.

³⁷ 'Jo mi~ cangf jo, jóo'gui i dsea` fii~ uó- do caguiéiñ', co' ca'f dsíir' e í'guib fíng nijmí'gó' i dsea` jmóo` ta~ uó- do. ³⁸ Jo mi~ tí' lí' cangáng- i dsea` jmóo` ta~ uó- do i jóo' i dsea` fii~ uó- do jo canaaiñ` sáiñ` lajee' yaaiñ~: "I siming' nabing' i nijmé'- guiáa' e uó- la mi~ tí' lí' nijúung- tiquiá'r^; majngáang'~naa're lajminá-, jo jneaa~aa' nilí'naa' nijé'ee' cóo'~ e uó- la." ³⁹ Jo røøb` casíng- i dsea` jmóo` ta~ uó- do e nijmér- lajo, jo cangojéeiñ' i siming' do catí' 'ni' guiee' lí~ sijnea` e mí'^ huíng` jó'^ do jo fí' job cajngang'neiñ' do.

⁴⁰ Jo cajíng'-gui Jesús casí'r- i dsea` do:

—Joba' fíi- i 'nú' e mi~ niguiéé' i fii~ uó' do, ¿e~ líng- 'nú' e nijmeáiñ' i dsea` jmóo` ta~ uó- i ca'lée' do?

⁴¹ Joba' cañí' i dsea` do:

—E nijngám'- i fii~ uó- do lajaléng' i dsea` jmóo` ta~ uó- do, jogui dsea` jiem' nitáiñ' i nijmé- ta~ e uó- do lali~ i lí'^ dsíir' i nija'- lajii'~ e catíiñ- quiá'- e niró' do quiá'r-.

⁴² Joba' cañí' Jesús quiá'- i dsea` do:

—¿Su ja` mí' ca'í' 'nú' fí' ni~ jí' quiá'- Fidiéé' lí' fé' lala? E cuu~ e ja` calijíi' dsea` jmígüi' quiá'- tíi' fíi' quiá'- 'nær~, lanagui dseáng'- cuu~ laniim- nica'uíng- quiá'^ 'núu'.

Jō 'ñiab' Fí'naa' dsea`cajméer` e la,
 jōba' dseáng' eáam` dsi'gò` dsi'naa' lana.

⁴³ Jō uí' jōba' fí' i' núa' jmí' na e nigüeáb' lajii' e si'í' niñíng' na' e Fidié' nicár' nifí' quí' na' jō dsea`jiém' niñíng' e jō, cō' í'bing' já' nilíng' jōgui ni'é' røø' fí' quini' dsea` do. ⁴⁴ Jōgui doñi' ii' dsea` i nititaang' fí' ni' e cuu' e julí' na, dseáng' túb' nilíiñ' ; jōgui songii' dsea`cajling' e cuu' do, dseáng' conguaí' leeb' nilíiñ' .

⁴⁵ Jōba' mĩ' tí' lí' canúu' i fi' jmidsea`quíá' dsea`Israel do cóo' gui jaléng' dsea` i líng' dsea` fariseo lajii' e júu' e cajíng' Jesús do, jōba' calilí'r' e jaléng' í'bre éeng' dsea` do cóo' e júu' quiá'r' do. ⁴⁶ Jōba' ie' jō lamí' iñ' nisám' bre Jesús, dsu' ja` cateá' dsíir' fa' cajméer' lajō, cō' fím' dsea` teáang' i já' líng' e dsea` do líiñ' jaang' i fé' cuaiñ' quiá' Fidié' .

22

Cō' júu' já' e lafa' júu' cuento quiá' mĩ' cung' guó' dsea`
(Lc. 14:15-24)

¹ Jō mĩ' cangí' jō, jō cóo' júu' lanab canaang'tu Jesús sí'r' jaléng' i dsea` do jō casí' reiñ' :

² —Jō lalab lí' mĩ' Fidié' quier' nifí' quiá' dsea`. Cō' e jō lí' laco' mĩ' jaang' dseata` dsea` féng' cajméer' cō' jmí' fe' quiá' e nicúng' guó' jōor'. ³ Jō mĩ' tí' lí' ninéé' guí' e jmí' do, jōba' i dseata` do casíiñ' jaléng' dsea` léeng' quiá'r' i cangoté' jaléng' dsea` simíng' e laco' nidó'r' colíng'. Dsu' i dsea` simíng' do ja` calí' iñ' fa' cangoliiñ'. ⁴ Jō mĩ' cangí' jō, i jiéng' gui dsea` léeng' quiá' i dseata` do casíiñ' i cangoté' i dsea` nisimíng' do jō casí' reiñ' do jial júu' nicáiiñ' do jō cajíiñ' lala: “Güijmé' na' júu' i dsea` nisimíng' do e ninéeb' guí' lajaléb' e niquiee' naa', cō' nicaquí' ta' e nicaingam' dsea` güitá' quí' e cóo' gui jaléng' jó' caguiaang' gui i jlo' úung', jō lajib' ninéé' guí' lana. Sí' gō' güijalíiñ', cō' lana nidsitoo' jmí' quiá' e nicúng' guó' jō' baa.”

⁵ Dsu' dseáng' ja` cajmijíib' i dsea` simíng' do lajii' júu' quí' i dsea` léeng' do. Jō jaaiñ' do cajíiñ' : “Sí' gō' fí' e ja' lí' nii' i lana, cō' nabi' né' nii' i ni'éé' e uó' quí' e.” Jō jaang' gui do cajíiñ' : “Sí' gō' fí' e ja' lí' nii' i lana, cō' nabi' né' nijóøø' lajii' e 'nii' baa.” ⁶ Jōgui i dsea` simíng' caguiaang' gui do caquíem' bre i dsea` léeng' quiá' i dseata` do cartí' cajngam' breiñ' do. ⁷ Jō mĩ' caligüíng' i dseata` do e eáang' jō caquí' ta' lé' quiá'r' e cangojngáam' biñ' do jaléng' dsea` i calé' do jōgui cají' bre fí' góoiñ' do cajo. ⁸ Jō mĩ' cangí' jō, i dseata` dsea` féng' do casí'r' i dsea` léeng' quiá'r' caguiaang' gui do jō cajíiñ' : “Lana ninéé' guí' lajii' jmiñ' e niquiee' naa', dsu' i dsea` i lamí' si'í' simíng' do ja` catíiñ' fa' e nijalíiñ' e niquiee' naa' colíng' cóo'r'. ⁹ Jō lanagui fí' i' núa' e güilíng' na' lacaang' jee' 'núu' fí' jalé' fí' e laniing' jō güite' na' lí' doñi' ii' dsea` i nijíng' na' jee' 'núu' do jō sí' na' r e niquiee' naa' colíng' cóo'r', cō' i dsea` i lamí' si'í' simíng' do ja` calí' iñ' fa' cajalíiñ' .” ¹⁰ Jōba' ca'uøøm' i dsea` léeng' quiá' i dseata` dsea` féng' do e cajmitir' laco' jii' ta' caquí' fíir', jō i fím' i dsea` do cató'r', do i guiúng' jōgui dogui i soo' dsíi'; lifa' dseáng' carøøm' dsíi' sinúu' quiá' i dseata` do e catang' jaléng' i dsea` í'.

¹¹ Jō mĩ' tí' lí' ca'í' i dseata` do fí' lí' niteáang' i dsea` fíng' do, jōb cangáiiñ' jaang' dseañu' i niquíng' jee' do i ja' quí' si'í' laco' catíng' quiá' mĩ' tí' jmí' e cung' guó' dsea`. ¹² Jōba' i dseata` do casí'r' i dsea` í' : “Ruu', ¿jial ca'í' o' ca'u' fí' la ja' guí' sí' quí' quiá' lí' cung' guó' dsea'?” Jō tiib' cajé' i dsea` i ja' quí' si'í' laco' sí'í' do. ¹³ Jōba' i dseata` do casí'r' jaléng' i dsea` léeng' i guí' guí' mes' do: “Ñu' na' guotí' i dseañu' na jō güibíng' na' r cartí' lí' nuu' sò'

fi' caluu, jo fi' job li~ nijmér- ta~ qui' jogui ta~ tu' maja~." 14 Dsuco' tó' Fidiée' i fíim' dsea' e nijáng' yaaiñ' fi' jaguór', lifa' jii' tú- 'ni' máng'~bing' i guíñ'.

Mi~ cajming' dsea' Jesús cuaiñ' quiá' e cat'ing' dseata'
(Mr. 12:13-17; Lc. 20:20-26)

15 Jo mi~ cangf e la, caseáng' coo' tú- máng' dsea' Israel i líng' dsea' fariseo jo cas'ing- tur røø' jial laco' nicuó'r- Jesús dsee- fi' quini' dseata'. 16 Jo casíim' biñ' do fi' li~ táang' Jesús coo' tú- máng' dsea' i la'ó' ír' cóo'~gui dsea' quiá' dseata~ Herodes, jo lalab júu^ quieñ' do quiá' Jesús jo casí'r-:

—Tifa', ne~baa' guiá- e jmang'- júu^ já'-ba' fó' 'nu' jogui e dseáng'- la-jam'~ba' já'- e e' jialco' iing~ Fidiée' e see~naa'. Jogui ne~bái' cajo e ja' 'gó' 'nu' cóo'~jalé' e í dsí' dsea' osi jalé' e fé' dsea' uii~ quí' é, co' ja' jóø' 'nu' jii' jialco' líng' dsea' lí' caluu. 17 Joba' ii~naa' nijming'~h' 'nu' e~ nifo' cuaiñ' quiá' e júu^ la: ¿Su 'né- niquí'naa' cuu- e cat'ing- dseata~ i guing~ fi' Roma osi ja' 'né- quí'naa' é?

18 Jo dsu' Jesús calilí' bre lajii' e ga' e í dsí' i dsea' do, joba' cajíñ'- casí'- reiñ': —i jmicaang~ i la 'nú'! ¿Jialí' 'nó'na' e iing~na' niguié'na' jial e ni'n'ing~na' jnea~ fi' quini' dseata~? 19 Ée'na' jnea~ e cuu- e 'né- niquí' quiá' i dseata~ do. Joba' i dsea' fariseo do cacuó'r' dsea' do coo' cuu- lajo. 20 Jogui Jesús casí'- reiñ' do lala:

—¿i' i táang' fi' ni~ e cuu- la jogui jial siir'?

21 Joba' cañí' i dsea' fariseo do quiá'- Jesús:

—Dseata~ dsea' guing~ fi' Roma táang' fi' na.

Joba' cañí' tu Jesús quiá'ñ'- do jo casí'- reiñ':

—Cuóø'na' dseata~ i guing~ fi' Roma lajii' e cat'ing- í, jogui lajobi cajo cuóø'na' Fidiée' lajii' e cat'ing- Fidiée'.

22 Joba' mi~ tí' li~ canúuiñ'- do lajo, eáam' cangogá' dsíir' e jii' o' ñir' e~ niñí' guir. Jo cangolím'bre mi~ cangf lajo, jo 'ñiab' Jesús caje' guir.

Mi~ cajming' dsea' jial lí' mi~ nijí' tu dsea' calé' catú'
(Mr. 12:18-27; Lc. 20:27-40)

23 Jo 'ña' ie~ jmi~ jo caguilíng- coo' tú- máng' dsea' Israel i líng' dsea' saduceo fi' li~ táang' Jesús. Jo co' jaléng' i dsea' saduceo do ja' já'- líiñ' e jí' tu 'lii~, joba' ca'í' dsíir' e cangojming'~r' Jesús jo casí'r- dsea' do lala:

24 —Tifa', lalab cajíng'- Moi~ mali~ gui eáang' e song cajúng- jaang' dseañu' e jii' ja' jóor' caliséng', joba' i rúng' dsea' ngáang' cóo' i 'lii~ dob 'né- nicúíñ' guóor' cóo' i dseamí quiá' i 'lii~ do e laco' niliseeng' jóor' cóo' ír'. Joba' lafa' jóob' i dseañu' la'uii~ do ni'uíng- i jiuung~ i niliseeng' do. 25 Jo lalab calí' jee~ jnea'; coo' née' caliséng' guiáng- dseañu' i la'ó' rúng'. Jo i dseañu' la'uii~ do cacúm' guóor', jo ja' huóø- ngó- cajúm-bre, lifa' jii' jaang' jóor' ja' caliséng' cóo' dseamí quiá'r-. Joba' i dseañu' rúíñ' i catí' tú- do cacúm'bre guóor' cóo' i dseamí í, 26 jo dsu' lajob calí-tu, cajúm-biñ' do jo ja' jóor' caliséng' cajo. Jo lajob i rúíñ' i catí' 'ni' do cajo, cacúm'bre guóor' cóo' i dseamí í, dsu' lajobtu ca'uíng- quiá'r-, cajúm-bre e jii' ja' jóor' caliséng'. Jo lajob calíng- laj' guiáng- i dseañu' do, cajúm-bre e jii' ja' jóor' caliséng' cóo' i dseamí do. 27 Jo ja' huóø- ngó- jo cajúm- i dseamí do cajo. 28 Joba' jming'~h' jnea' 'nu' lana e mi~ nití- í' e nijí' tu dsea', ¿i' dseáng'- i dseañu' do lajee~ laj' guiáíñ' nicúng' guóor' cóo' i dseamí do? Co' lajalém'bre cacúíñ' guóor' lajee~ seeíñ' fi' jmigú' la.

29 Joba' cañí' Jesús quiá'ñ'- do:

—Sijgiém' áa' 'nú', co' ja' ñí'na' jial laco' fé' fi' ni~ jii' quiá'- Fidiée', jogui dseáng'- ja' ñí'ba' cajo jial tí' 'gøng' dsea' do. 30 Co' ie~ jo, mi~ nití- í' e nijí' tu jaléng' 'lii~, jaléng' dseañu' cóo' gui jaléng' dseamí jo tóo' jmi~ fa' e

nicúng' gui guór, dsuco' lafa' ángeles quiá' Fidié' i neáang' fí ñífb' nilíñ' ie~ jo. ³¹ Jogui 'nú' jming'na' su jí'tu jaléng' dsea' mi~ ning' e júuñ', jo ¿su ja' mí' ca'í' 'nú' lí' tóo' lajii' júu^ quiá' Fidié' e cajíñ' malí' gui mi~ café'r' lala? ³² “Jneab~ líin' Fidié' quiá' Abraham cóo' gui quiá' Isáa' jogui quiá' Jacóo'.” Joba' fii' i 'nú' lana e Fidié' ja' líiñ' Fidié' quiá' jaléng' 'líi~, có' Fidié' quiá' jaléng' dsea' jib' líiñ'.

³³ Jo mi~ tí' lí' canúu~ jaléng' i dsea' do lajii' júu^ e cajíng' Jesús, joba' dsíng' cango'gá' dsíir' jo cangolíim' bre jóng.

E lab júu^ quiu' ta~ e laniing~gui quiá' Fidié'

(Mr. 12:28-34)

³⁴ Jo mi~ tí' lí' cang' e casíng' Jesús cóo' dsea' saduceo, jo caseám' rúng' dsea' fariseo mi~ tí' lí' caliñir' e cateá' lanab cañi' Jesús lajii' júu^ e cajming' i dsea' saduceo do. Jo i dsea' í' cangolíim' bre fí' lí' táang' Jesús. ³⁵ Jo jaang' lajee' la'ó' ír' i líng' tifa' quiá' júu^ quiu' ta~ quiá' dsea' góor' dsea' Israel e lí' laco' iñ' e niténg' Jesús fí' ní' dsee~, joba' cajming'r' dsea' do lala:

³⁶ —Tifa', ¿e~ e júu^ quiu' ta~ quiá' Fidié' e niing~gui?

³⁷ Joba' cañi' Jesús quiá' i dsea' do:

—E lab e júu^ e niing~gui do: “Jmi'neáang' Fí' Fidié' car' ngocáng' o' jogui cóo' jalé' bí' seeng' jmi'guí' qui' jogui cóo' jalé' e í' o'.” ³⁸ Jo e lab e júu^ e laniing~gui jogui e la'uii' do cajo jee~ lajalé' júu^ quiu' ta~. ³⁹ Jogui e júu^ quiu' ta~ e catí' tú~ do røøb'jiu' lí' cóo' e la, jo lalab fé': “Jmi'neáang' jaléng' dsea' rún' lí' laco'gui jmi'neáan' uø'.” ⁴⁰ Jo cóo' e tú~ júu^ quiu' ta~ nab lí' júu^ tíi' fii' quiá' lajalé' e caguiee~gui júu^ quiu' ta~ quiá' Fidié' jogui lajalé' júu^ e ca'e' i dsea' i café' cuaiñ' quiá' Fidié' malí' gui eáang'.

I~ dsea' siju' líng' Dsea' Jmáang'

(Mr. 12:35-37; Lc. 20:41-44)

⁴¹ Jo lajee' e teám' bí' jaléng' i dsea' fariseo fí' do, ⁴² mi~ cajming' Jesús ír' lala:

—Jo ¿e~ í' óo' 'nú' cuaiñ' quiá' i dsea' i sijeeng'na' do i nicá' nifi' qui'na' do? ¿Jial laco' jáa' siju'?

Joba' cañi' i dsea' do quiá' Jesús jo cajíñ':

—Dsea' siju' dseata~ dsea' féng' Daví' í'.

⁴³ Joba' cañi' Jesús quiá' do:

—Jo ¿jial lí' jóng? Có' ie~ lamí' cateáang' dseata~ Daví' fí' jmi'guí' la, cajíñ' la'eáang' cóo' Jmi'guí' quiá' Fidié' e Dsea' Jmáang' líng' Fíir', có' lalab cajíñ' ie~ jo:

⁴⁴ Lalab cajíng' Fidié' casí'r' Fí'i:

“Ní' lí' lí' dsée' laco' guin' n cartí' nijmee~ e jaléng' dsea' i 'ní' níng' 'nu' nisí'r' uø' jnir' fí' quiní' e laco' nijmi'gór' 'nu'.”

⁴⁵ Jo cajíng' gui Jesús e júu^ la:

—Jo song' ñia' bí' dseata~ Daví' sír' Fí'i i dsea' i sijeeng'na' do i nicá' nifi' qui'na' do, joba' ¿jial cuøøng' e í' líiñ' dsea' siju' dseata~ Daví' jóng?

⁴⁶ Jo jaléng' i dsea' i teáang' do ie~ jo jíi' camí' júu^ ja' cadsé'r' fa' cañir' quiá' Jesús, jo latí' ie~ job jíi' jaang' dsea' fa' cateá' gui dsíir' ee' nijming'r' dsea' do.

23

Mí' cajíng' Jesús jalé' e ga' e jmóo' jaléng' dsea' fariseo
(Mr. 12:38-40; Lc. 11:37-54; 20:45-47)

¹ Jo mi~ cangí e jo, casí~ Jesús jaléng' dsea` i teáang~ do ie~ jo cóo'~ gui jaléng' dsea` quiá'r~ jo cajíñ'~ casí~ reíñ':

² —Jaléng' tifa' quiá'~ júu^ quiu' ta~ quiá'~ dsea` góo'naa' dsea` Israel cóo'~ gui jaléng' dsea` góo'naa' i líng' dsea` fariseo óor' ta~ e er' e~ guóng' lajii'~ júu^ quiu' ta~ quiá'~ Fidiée'. ³ Joba' fii' i 'nú', jmee~ba' núu'~na' lajii'~ júu^ quiá'r~ jogui jmití'ba' lajii'~ e sí'r' 'nú', jo dsu' jie~ mí jmoona' laco'gui la jmóor', dsuco' i dsea` í ja` jmitir~ lajii'~ e júu^ quiá'r~ do. ⁴ Dsuco' i dsea` í lico' tiiñ' jmér~ lafa' léa` dsea` cóo'~ jalé' e jíñ'~ e 'né~ nijmiti~ dsea` e jíñ'~ ja` quíñ'~ dsea` jmí~ jmitir~, jo dsu' ja` jmicóo'r~ dsea` jíñ'~ cóo'~ camí'~ niguóor' e laco' niróo~ e lee' do. ⁵ Jo lajii'~ e jmóor' do lico' iñ'~ e jóø~ jaléng' dsea` jiém'. Jogui tí dsíir' e quier' lí tóo' júu^ quiá'~ Fidiée' fí guiaquíir' osi fí dse' cuéer' é, jo e jo tóo' cóo'~ júu^ e liing~ guíu'~ laco' jnéeng~ huíi'. Jo lacaang' fí dse' sí'r' tí dsíir' e í'r' lo' e cuee'. ⁶ Jo tí dsíir' e guár' fí lí~ jlo'gui fíng dsilíñ'~ lacaang' lí~ tí jmí~ osi lí~ niing~ gui é fíng dsilíñ'~ fí sinúu' guá'~ quiá'~ dsea` góo'naa'. ⁷ Jogui iñ'~ e jmí'gó dsea` ír' mí jíñ' rúíñ' jee' 'núu', jogui tí dsíir' e fa' jalém' dsea` sí' ír' tifa'.

⁸ Jo dsu' 'nú' ja` catíng~na' fa' e nisí' dsea` 'nú' tifa', dsuco' jaam` tifa' i dseáng'~ seeng' quí~na', jogui lajaléng' 'nú' líng'na' laco' rúm'ba'. ⁹ Jogui 'nú', ja` catíng~na' e nifí'~na' tea~ jíñ'~ jaang' dsea` fí jmigüi' la, dsuco' jaam` Tiquí'na' i seeng', jo íb' Fidiée' i guíng~ fí ñíff'~; ¹⁰ o'gui catíng~na' fa' e nisí' dsea` 'nú' fii~, có' jaam` Fii'na' seeng', jo íb' i dsea` i sijeeng'na' do i nicá' nifí' quí~na'. ¹¹ Jogui song i~ lajee' la'ó' 'nú' líñ'~ e niing~ guí, joba' í'bing' i 'né~ nijmé~ ta~ jmicóo'~ jee~ jaléng' 'nú'. ¹² Co' doñí' i~ dsea` i jmiféng' 'ñia' jee~ jaléng' dsea', joba' i dsea` í eáam' nijgiáañ'~ mí nití' í' lajo. Jo doñí' i~ dsea` i ja` jmiféng' 'ñia' jee~ jaléng' dsea` rúng', joba' í'bing' i eáang'gui nilíniing~ mí nití' í' lajo.

¹³ 'jE ngí' fíib' 'nú', jaléng' tifa' quiá'~ júu^ quiu' ta~ quiá'~ dsea` Israel cóo'~ gui jaléng' 'nú', dsea` Israel i líng' dsea` fariseo, có' jmang'~ i jmícaam~ 'nú'! Co' jni'ba' fí e laco' dsea` jiéng' ja` nijáng' yaaíñ' fí jaguó' Fidiée' e laco' dsea` do nicá' nifí' quiá'r~. Jogui jíñ'~ 'nú' ja` jáang'~ yaang'na' fí jaguó' Fidiée' o'gui cuø'na' fí jaléng' dsea` i iing~ nijmé~ lajo.

¹⁴ 'jE ngí' fíib' 'nú', jaléng' tifa' quiá'~ júu^ quiu' ta~ quiá'~ dsea` Israel cóo'~ gui jaléng' 'nú', dsea` Israel i líng' dsea` fariseo, có' jmang'~ i jmícaam~ 'nú'! Co' jmoona' i~ 'nú' jaléng' dseamí' 'nú' i tíñíng~, jogui jmícaang'na' e ja` lí' lajo, jogui jmoona' e cuee' fa' quí~na' mí güilíng~na' fí guá'. Jo uí' e lajob jmoona', joba' 'nú'bing' i ga'gui eáang' ní'íng' iihuí' mí nití' í' lajo.

¹⁵ 'jE ngí' fíib' 'nú', jaléng' tifa' quiá'~ júu^ quiu' ta~ quiá'~ dsea` Israel cóo'~ gui jaléng' 'nú', dsea` Israel i líng' dsea` fariseo, có' jmang'~ i jmícaam~ 'nú'! Co' jmoona' ta~ ngí' lacaang' fí ní' guóo'~ uø' quiu' cóo'~ gui lacaang' fí ní' jmíñí' e laco' nilí'na' jaang' dsea` i nidsitáang~ cóo'~ 'nú'. Jogui mí tí lí' calí'na' i dsea` í, dseáng'~ lico' síng'guina'r e catíñ'~ tú~ née' fí lí' lí' laco'gui la líng' 'nú' yaang'na'.

¹⁶ 'jE ngí' fíib' 'nú', dsea` líng'na' lafa' dsea` tiuung~ i jéeng' jaang'gui dsea` tiuung'~! Co' 'nú' fó'na' e mí jmoó' dsea` promes e éeíñ' guá' fé', ja` 'né~ nijmitir' e jo; jo dsu' 'nú' fó'na' e mí éeng' dsea` e cunee' e sea' fí guá' do, joba' dseáng'~ 'né~ e jmiti~bre jóng. ¹⁷ 'Nú' líng'na' lafa' dsea` tiuung~ i íí'! ¿E e quíng'gui quí~na' eáang' líng'na'? ¿Su cunee' o'fa' e guá' e jmigüeang'~ e cunee' dob é? ¹⁸ Jogui fó'bi' 'nú' cajo e doñí' i~ dsea` i jmóo' promes e éeíñ' fí nife', ja` catíng~ fa' e nijmitir~ lajii'~ e ca'éeíñ' do. Jo dsu' 'nú' fó'na' e song ca'éeng' dsea' lajii'~ e tíng' dsea` e cuø'r' Fidiée' fí nife', joba' dseáng'~ 'né~ e nijmiti~bre jóng lajii'~ e ca'éeíñ' do. ¹⁹ 'Nú' líng'na' lafa' dsea` tiuung'~! ¿E

e quíng'gui quíi'na' eáang' líng'na'? ¿Su lajii' e tíng'na' cuø'na' Fidié' fí nife' do ofa' e nife' e lí' ligüeang' dob é? ²⁰ Jo dsu' jnea' gui fá'a e i dsea' i éeng' e nife' do, o' jii' quíá' e jo jmóor' lajo, co' lajob jmóor' cajo quíá' lajalé' e sea' e fí' ní' do. ²¹ Jogui i dsea' i éeng' guá' fé', o' jii' quíá' e guá' do jmóor' lajo, co' lajob jmóor' cajo cóo' Fidié' i seeng' fí' jo. ²² Jogui i dsea' i éeng' ñiff', lajob éeiñ' ñia' Fidié' cajo jogui fí' lí' lí' éé' quíá' dsea' do fí' jo.

²³ 'iE ngi' fíib' 'nú', jaléng' tifa' quíá' júu' quiu' ta' quíá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' cuø'na' Fidié' cóo' lajee' guí' lajii' e catíiñ' quíá' jalé' e ro'na' do fa' jalé' oo' quíá' jmiñi' jogui jalé' e jié', jo dsu' ja' jmití'na' e júu' quiu' ta' quíá' Fidié' e niing' gui e quíá' jial ni'é' dsea' røø' cóo' dsea' rúíñ' jogui jial nilí' fíi' líng' dsea' jaléng' dsea' rúíñ' jogui jial dseáng' nijmitir' jalé' e iing' Fidié'. Jo jalé' e nab e laniing' gui e 'né' nijmití'na' lifa' ja' 'naang'na' ca' jalé' e catíng' Fidié' e nicuø'na're do. ²⁴ 'i'Nú' gui líng'na' lafa' dsea' tiuung' i jéeng' jaang' gui dsea' tiuung'! Jo tíim'ba' ngí'na' jalé' e ú'na' e laco' ja' nining'na' lu' ping'la, jo dsu' nám'ba' i jó' féng' i sií' camello!

²⁵ 'iE ngi' fíib' 'nú', jaléng' tifa' quíá' júu' quiu' ta' quíá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' 'nú' lí' i ru' guiá' jalé' cuéé' huí' quíá' jii' lí' caluu', jo dsu' e téé' dsí' do jmang' jalé' e nicajmee'na' i cóo' gui jalé' e lí' óo'na' e sea' fí' jmigüí. ²⁶ 'i' tui' 'nú', dsea' fariseo! Co' la'uii' jang' rúu'na' lí' lí' dsíib' jalé' cuéé' huí' quíi'na' do, jo lajoguiba' nijé' tee' fí' caluu' cajo.

²⁷ 'iE ngi' fíib' 'nú', jaléng' tifa' quíá' júu' quiu' ta' quíá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' 'nú' líng'na' laco' gui la lí' lí' si'aang' 'lí' e jlo'jiu' tee' lí' caluu', jo dsu' lí' lí' dsí' layaang' móo' 'lí'ba' téé' cóo' gui jalé' e 'lí' e jié'. ²⁸ Jo dseáng' lajob líng' 'nú' cajo, co' guiúm'ba' jnéeng'na' jøøng' dsea' 'nú' lí' caluu', jo dsu' dseáng' lico' jmicaam'ba' cóo' jalé' e fó'na' jogui jmang' e 'lib' i áa'na'.

²⁹ 'iE ngi' fíib' 'nú', jaléng' tifa' quíá' júu' quiu' ta' quíá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' jmo'na' lí' si'aang' jaléng' dsea' i café' cuaiñ' quíá' Fidié' malí' gui eáang' jogui jmo'na' e silí' jlo' lí' si'aang' jaléng' dsea' i ca'éé' guiá' cóo' Fidié', ³⁰ jogui fó'na' lala: "Facó' jnea' calisé'naa' lajee' e caliséng' 'lí' dsea' áang' quí'naa', joba' ja' cajmicóo'naa' jóng' e cajnga' dsea' quíá' i dsea' i café' cuaiñ' quíá' Fidié' malí' gui eáang' do." ³¹ Jo cóo' jii' e júu' nab cuø'na' lí' e dsea' sijú'ba' líng' i dsea' i cajngang' i dsea' i café' cuaiñ' quíá' Fidié' malí' gui do. ³² Jo co' lajob lí', joba' 'nú' jmité'na' náng' lajii' e nicanaang' 'lí' dsea' cøøng' quíi'na' cajméer'.

³³ 'i'Nú' líng'na' jóo' mi' guíng'! ¿jial nilí'na' e nileáng'na' lajii' iihuí' e ni'íng'na' fí' lí' lí'? ³⁴ Joba' fíi' i 'nú' e jnea' nisín'na' jee' 'nú' jaléng' dsea' i fé' cuaiñ' quíá' Fidié' jogui jaléng' dsea' i tíng' eáang' cóo' gui jaléng' dsea' i e' jalé' júu' quíá' dsea' góo'naa' dsea' Israel; lifa' 'nú', nijngám'ba' jogui nitáang'na' fí' dse' crúub' i líng' i dsea' í, jogui i líng'guiñ' do nibøøng'na'r fí' dsí' sínúu' guá' jogui ni'øøng'na'r fí' laco' fí' lí' guilíiñ'. ³⁵ Jo lajoba' iihuí' e eáam' ni'íng'na' e jáa' quíá' Fidié' uii' quíá' jalé' jmi'øøng' i dsea' i guíung' e nicatu' fí' ní' guóo' uø' la. Jo e jo canaang' mi' catu' jmi' Abel i líng' jaang' dsea' guíung' fí' quini' Fidié' jo cartí' mi' catu' jmi' Zacarías, jóo' jaang' dseañu' i calisi' Berequías, co' i dsea' íb' i cajngang' 'nú' cáang' nife' quíá' sigui' guá' fé' e si' fí' Jerusalén. ³⁶ Jo dseáng' e jáb' e fíi' i 'nú' e i dsea' i seeng' jmi'na, íbing' i ni'íng'na' iihuí' uii' quíá' lajalé' e jo.

*Mi~ caqui' Jesús uii~ quiá'- dsea` seeng` fí fí Jerusalén
(Lc. 13:34-35)*

³⁷ Jo mi~ cangî jo, cajíng'-gui Jesús e júu^ la:

—iFíib^ 'nú', dsea` seeng`na' fí Jerusalén, fíib^ 'nú', dsea` seeng`na' fí Jerusalén! Co' 'nú' i seeng` e fí fí lab i cajngang' jaléng' dsea` i café' cuaiñ` quiá'- Fidié', jogui cuub~ casi'lóo'na' cajo jaléng' dsea` i casíng' dsea` do i guia' júu^ quiá'r- jee~ 'nú'. Jo ja` ñii- jón'gui néé~ cali'iin~n e nito' fíin~n 'nú' lí' laco'gui to' fíng` jaang` tui'iee~ jaléng' tuyuu` quiáa-re' fí ná- cué're', jo dsu' ja` cali'ing~na' lajo. ³⁸ Joba' latí lana jo` i niliseeng`gui fí guá'- quií~na' la. ³⁹ Joba' fíi~i 'nú' e jo` nimáang~gui' jnea~ cartí'mi~ nifo'^na' lala: “iJuguiá~ jia quiá'- i dsea` i casíng' Fidié' fí jmigüf la cuaiñ` quiá'r-!”

24

*Mi~ cajíng'- Jesús e ni'íng- guá'- fé' e si' fí Jerusalén
(Mr. 13:1-2; Lc. 21:5-6)*

¹ Jo mi~ cangî jo, mi~ tí lí cagüi'íí Jesús fí dsí' sinúu^ guá'- jo mifíng` ni'iuuiñ` fí ngam'bre, mi~ tí lí cangoquiéeng` i dsea` quiá'r- do fí lí ngóor' jo canaañ` do jøø- la'úung` e guá'- fé' do. ² Joba' lalab casí'- Jesús i dsea` í:

—¿Su jøø- 'nú' jial jlo'^ e guá'- si' na? Jo dsu' e já'-ba' e fíi~i 'nú' e jii~ coo` cuu~ jo` nijé- sífíng`gui rúng' quiá'- e guá'- e móo-na' si' na lana; co' lajib` ni'íng- jo jii~ coo` jo` e nijé-gui.

*Jalé' e lí mi~ tí lí ná'-gui e ni'íng- jmigüf
(Mr. 13:3-23; Lc. 21:7-24; 17:22-24)*

³ Jo mi~ cangî jo, cangób- Jesús fí yá' mó' e sii` Olivos colíng~ cóo~ dsea` quiá'r-. Jo mi~ caguiliñ` fí jo, job caguá' Jesús, jo lajee` job cangoquiéeng` i dsea` quiá'r- do fí lí guiiñ~ do lí coo` yaañ~, jo cajíñ'- casí'r- dsea` do lala:

—Ii~naa' fa' 'nú' nijméé~ jnea'^ júu` ¿lí nidsijéé' lajalé' e la? ¿E~ jalé' e nilíli` jéeng`gui mi~ tí lí ná'-gui niñí'tu 'nú' fí jmigüf la jogui mi~ tí lí nití- í' e ni'íng- jmigüf?

⁴ Joba' cañíí Jesús quiá'- i dsea` quiá'r- do jo casí'-reiñ':

—Jii~ e laba' fíi~i 'nú'; jmiñiing` óo'na' e jii~ jaang` dsea` ja` güijmigóøiñ` 'nú'.

⁵ Co' fíim'bing' i nijalíng- i nijmigóo` jo nijíñ'-: “Jneab~ i dsea` i sijeeng`na' do i nicá' nifí quií~na'”; jo fíim' dsea` nilí'r' i niligøøng`. ⁶ Jo 'nú' ninúu^na' júu^ e sea` 'nií' fí la fí na; jo dsu' ja` fóøng`na' mi~ nití- í' lajo, co' jobi uiing` jogui co' dseáng'- 'né- e nidsijéé' lajalé' e jo; dsu' o' ie~ jo nití- í' e ni'íng-. ⁷ Co' ie~ jo jaléng' dsea` nitíñ- cóo~ dsea` rúñ', jogui coo` fíi` nitíng- cóo~ coo`gui fíi, jogui nilísea' oo- fí la fí na, jogui jmiguiab` lí nijó' uó- e eáang' cajo. ⁸ Jo jobi lí' uiim~bi jóng mi~ nimó'na' e nidsijéé' jalé' e iihuí' jo.

⁹ Jo job mi~ nitøø' jaléng' 'nú' e laco' nijmihuñíñ` 'nú' cartí' nijngáñ'- 'nú'. Jo ie~ jo lajim` dsea` jmigüf nilí 'ní' níñ- 'nú' uí~ jnea~. ¹⁰ Jo ie~ jo fíim' dsea` nitá'bre e já'- líñ' júu^ quié- e jogui nilí 'ní' níng- rúng' dsea` jogui ni'náñ- lajee` la'ó' rúñ' cajo. ¹¹ Jo fíim' dsea` nijalíñ- mi~ tí lí jo e nijmigóor' e fé'r' cuaiñ` quiá'- Fidié', jo fíim' dsea` nilí'r' i niligøøng`. ¹² Jo ie~ jo dseáng'- jmang'- jalé' e 'lí'ba' nijmé- dsea', joba' fíim' dsea` nitá'bre e jmi'neáañ` jaléng' dsea` rúñ'. ¹³ Jo dsu' i dsea` i nité' e siñ' teá' fí guíá- lata~ cóo~ jnea~, joba' í'bing' i nileáng' jee~ dsee- quiá'- mi~ tí lí jo. ¹⁴ Jo e júu^ la quiá'- jial quie' Fidié' nifí quiá'- dsea` nini'- fí la'úng- fí jmigüf e laco' nilícuí' dsea` e júu^ jo; jo joguib` mi~ nití- í' e ni'íng- jmigüf jóng.

¹⁵ Jo malí~gui eáang' i dsea` i café' cuaiñ` quiá'- Fidié' i calisí' Daniel cajme'r' fí ni` jì quiá'r- cuaiñ` quiá'- coo` e 'lí' eáang' e nisi' dsea' fí dsí' guá'- fé' e si' fí Jerusalén fí lí lí' e guá'- güeang'^ quiá'- Fidié'. Jo mi~ nimó'na' e

jo e fi' li' güeang' quiá' Fidié' do —jaléng' 'nú' i' i' e ji' la 'né' ningám' ba'—, ¹⁶ joba' mi' nití' e í' jo, jaléng' dsea' i' neáang' fi' li' se' Judea güicuú' bre fi' jee' mó' jóng. ¹⁷ Jogui i' dsea' i' dsiing' yá' 'nú' mi' tí' li' jo, ja' güi' í' dsíir' fa' e nijgiáang' guir e laco' nidsi'uóø'r' jalé' e sea' quiá'r'. ¹⁸ Jogui i' dsea' i' taang' fi' jee' mó' e jmóor' ta', joba' ja' güi' í' dsíir' fa' e niquing' guir fi' quiá'r' e faco' dsiquiéer' si'r'. ¹⁹ Joba' í' í' eáang' jaléng' dseam' i' quiéeng' yá' ie' jo osi i' jéeng' yá' i' cu' tú' é! ²⁰ Jo má' na' Fidié' e ja' nidsitíng' e ni'uóng' na' e cuú' na' lajee' jii' güi' osi lajee' jmí' e jmi' íng' dsea' góo' na' é; ²¹ dsaco' ie' jo gab' eáang' nilisea' iihu' e ja' mí' canga' dsea' lajii' mi' catiroo' jmi' güi' o' gui fa' nin' guir calé' catú' cajo. ²² Jogui faco' Fidié' nijmér' e nilí' eáang' e nidsijéé' jalé' e jo, joba' jii' jaang' jo' i' nileáang' gui jóng faco' lajo. Jo dsu' ja' nijmi' íi' e jo uí' e í' í' jaléng' dsea' quiá'r' i' nicaguí' do.

²³ 'Jo song ie' jo nijmigóøng' dsea' 'nú' jo nijí' : “Jóø', i' lab i' dsea' i' sijeeng' na' do i' nicá' nifi' qui' na'”, osi “Jóø', dob nisi' é”, jo dsu' ja' já' güilíng' na' jóng. ²⁴ Co' ie' jo í' í' dsea' nijalí' jo nijmigóor' e í' i' dsea' í', jogui seem' bi' i' nijmigóor' e í' i' dsea' i' fé' cuai' quiá' Fidié' cajo; jogui eáam' nijmér' jalé' e li' jogui jalé' e quí' r' jmí' e dsigá' dsí' dsea'. Jo nijmér' lajo e lico' nijmigóo' bre jo quiáb' jii' nijmigóø' í' la quié' gui i' dsea' i' nicaguíng' Fidié' do, dsu' ja' lí' jmér' lajo. ²⁵ Jo quié' na' cuente røø' quiá' jalé' júu' e nicafá' a na lana quiá' jalé' e nidsijéé' cøøng' gui. ²⁶ Joba' ie' jo, ja' güilígøøng' na' mi' nisi' dsea' 'nú' lala: “Jóø' na', e dob táang' i' dsea' i' sijeeng' na' do fi' ni' guóo' uó' quiú'”, jo dsu' ja' güilíng' na' fa' e nigüi' néng' na' r; osi nisi' bi' dsea' 'nú' lala é: “E lab si' maang' i' dsea' í'”, jo dsu' ja' já' güilíng' na' e jo. ²⁷ Dsaco' lí' laco' lí' mi' lí' güi' í' e jnéeng' fi' yá' jmi' güi' e jóø' dsea' lajii', lajob lí' cajo mi' nigáa' tu' jnea', dsea' lín' n jaang' dsea' jmi' güi' i' já' fi' í' í'. ²⁸ Co' e já' ba' fá' a, e jié' lí' ráang' jó' 'lí', fi' job seáang' jaléng' tujlí'.

Jial mi' nijáa' tu' i' dsea' jmi' güi' i' jáa' fi' í' í'
(Mr. 13:24-37; Lc. 21:25-33; 17:26-30, 34-36)

²⁹ Jo cajíng' gui Jesús e júu' la:

—Jo mi' tí' li' casúung' e iihu' jo, joba' jo' jii' iee' nilisea' gui o' gui si' cajo fa' nicuó' guir jir', jogui jaléng' nú' nijí' cartí' guóo' uó', jogui Fidié' nijmér' e niguiá' jalé' e sea' fi' yá' jmi' güi'. ³⁰ Jo ie' jmí' job mi' nilisea' li' fi' yá' jmi' güi' e tí' li' nigáa' túu' fi' jmi' güi' la, jnea' dsea' lín' n jaang' dsea' jmi' güi', jo lajii' dsea' seeng' fi' la' úng' fi' jmi' güi' niquí' r' uí' e 'gór', jo joguiba' mi' nimáang' na' jnea', dsea' lín' n jaang' dsea' jmi' güi' i' jáa' fi' í' í', e nigáa' e niquí' n jee' cabøø' jní' cóo' e níing' jii' e 'gøøng' quiá' Fidié'. ³¹ Jogui nisíng' Fidié' jaléng' ángeles i' líng' guotí' e nijí' do teá' lúu' trompé' fi' yá' jmi' güi' e laco' lajii'ng' dsea' jmi' güi' i' níling' dsea' quiá'r' niseái' colíng' mi' nití' e í' jo.

³² Jo cajíng' gui Jesús e júu' la:

—Lanagui ni' ée' e 'nú' coo' júu' quiá' 'ma' güi' í': Co' mi' ninaang' iéé' jalé' guo' quiá', jo mifíng' canaang' e iáb' jalé' má' quiá' cajo, joba' nilí' 'nú' e nijaquiéem' jii' jmí' jóng. ³³ Jogui lajob lí' e júu' la cajo, co' mi' tí' li' nidsijéé' lajalé' e nicafá' a na, joba' ní' ba' jóng e quiáb' nijaquiéeng' e nigáa' jnea', dsea' i' líng' jaang' dsea' jmi' güi' i' jáa' fi' í' í'. ³⁴ Co' dseáng' já' ba' fá' a e dseáng' nidsijéé' jalé' e jo nú' gui e nijúung' jaléng' dsea' i' seeng' lajee' lana. ³⁵ Jo tóob' jmí' ní' líng' la' úng' yá' jmi' güi' cóo' gui la' úng' guóo' uó', lifa' júu' quié' e ja' tóo' jmí' fa' e ja' niliti'.

³⁶ Jo jii~ jaang` dsea` jmiigüiñ ñir` e` jmi~ jogui e` oor` e nidsijee` e jo, co' jì'gui jaléng` ángeles quiá'- Fidiée` dsea` guing` ñiffi- ja` ñi' e jo, o'gui jnea` ñii- cajo. Co' dseáng'- lajii~ Tiqúi'ii' dsea` guing` ñiffi-, jii~ í'bing' dseáng'- ñi' e jo.

³⁷ Jo mi~ tí' lí' nití- í' e nigáátúu fí' jmiigüiñ la, jnea` dsea` lín'n jaang` dsea` jmiigüiñ i jaa' fí' ñiffi-, nilí' lí' laco'gui calí- ie~ lamí~ cateáang` Noé fí' jmiigüiñ la.

³⁸ Co' ie~ jo, lajee` e nú'-gui e ca'á' jmi~ fí' la'úng- fí' guóo'~ uó-, í' gøb' dsea` laco' sí'í', jogui cúñ' guóor` cajo, lí' coob` mi~ catí' í' e ca'í- Noé fí' dsí' coo` móo' e dsée- cóo'~ jaléng' dsea` sinúu^ quiá'r-; ³⁹ jo dsu' lajee` e ja` ñiing` dsíib' dsea`, mi~ catí' í' e ca'á' jmi~ fí' la'úng- fí' guóo'~ uó-, jo job lí' cajúng- lajaléng' dsea` lí' coo' gui'ná' i seeng` fí' jmiigüiñ. Jo dseáng'- lajob dseáng'- nidsijee` tu calé' catú- mi~ tí' lí' nigáátúu fí' jmiigüiñ la, jnea` dsea` lín'n jaang` dsea` jmiigüiñ i jaa' fí' ñiffi-. ⁴⁰ Co' ie~ jo gáng- dsea` taang` jmóo' ta~ quiá'- fí' jee` mó': jo jaañ' do nidsém'-bre, jogui jaang`guiñ' do nijé'-bre. ⁴¹ Jogui lajobi cajo gáng- dseamí teáang' ta~ dsí': jo jaañ' do nidsém'-bre, jogui i jaang`gui do nijé'-bre.

⁴² Joba' fii- i 'nú', ñiing` áa'na' contøng-, co' coo` lajee` ja` lí'na', lanab mi~ nigüéeng-túu. ⁴³ Jo e laba' iin` n e ñi'na', faco' jaang` dsea` niñir` e` í' nigüíee` jaang` ii' fí' quiá'r-, joba' nigüéa'bre e jmóor` í' 'nar~, jo ja` nilí' i ii' do fa' ni'uó'r- jalé' e sea` quiá'- i dsea` do. ⁴⁴ Joba' lajob cajo, dseáng'- contøm- 'né- e siñiim` áa' 'nú'; co' jii~ lajee` ja` ñiing` áa'na', lanab mi~ nigüéeng-túu fí' Jmiigüiñ la, jnea` dsea` i jaa' fí' ñiffi- e lín'n jaang` dsea` jmiigüiñ.

Jaang` dsea` 'léeng' i guiúng- cóo' gui jaang`gui dsea` 'léeng' i soo` dsí'
(Lc. 12:41-48)

⁴⁵ Jo mi~ cangí e jo, cajíng'-gui Jesús e júu^ la:

—Lalab lí' quiá'- jaang` dsea` 'léeng' i núu~ jalé' ta~ quiu' fiir~ jogui i guiúng- cóo'~ jaléng' dsea` 'léeng' rúñ' i caguaang-gui. Co' mi~ cagüi'í' i fiir~ do e nidsér- fí' lí' jé', caguiar' ni~ i dsea` 'léeng' i núu~ do lajaléng' i seeng` quiá'r- e laco' nicuó'-reiñ' do e nidóñ' mi~ nití- í' lajo. ⁴⁶ Joba' juguiá' jia quiá' i dsea` 'léeng' i jmóo' ta~ laco' catúng- mi~ niguieng' fiir~ e car` cuente. ⁴⁷ Joba' jmitaa` oo'na' e i fiir~ do dsíng'- guiá- nijmér- jo nicuó'-reiñ' do e nine'- niñ' latøm- sinúu^ quiá'r- cóo'~ gui jalé' e sea' fí' jo. ⁴⁸ Jogui dsu' song i dsea` 'léeng' do lúñ' jaang` dsea` 'léeng' i soo` dsí' jo í' dsír' e ja` mí' guieng' fiir~ lajee` jo, ⁴⁹ joba' nináñ' e nijmeáñ' ga` jaléng' i dsea` 'léeng' rúñ' i caguaang-gui do, jogui e niseáñ' rúñ' cóo'~ jaléng' dsea` jmóo' ta~ í' e laco' ni'í' nidó'r- coling~, ⁵⁰ jo dsu' coo` lajee` e ja` ñiing` dsír', lanab mi~ nití- í' e niguieng' tu i dsea` fiir~ do; ⁵¹ joba' i dsea` do iihuá'b' nicuó'r- i dsea` 'léeng' do, co' nibíim- breñ' do jee` jaléng' dsea` i jmicaang- e jmóor` jalé' e iing` Fidiée` fí' lí' nijmér- ta~ qui' jogui ta~ tu' maja~ uí' jalé' iihuá' e ni'íñ' do.

25

Coo` júu^ já'- e lafa' júu^ cuento quiá'- guíng- simí'

¹ Jo cajíng'-gui Jesús e júu^ la:

—Lab nifá' duu jial lí' mi~ tí' lí' jo, mi~ Fidiée` nicár` nifí' quiá'- dsea` jmiigüiñ. Co' e jo lí' laco' guíng- simí' i ca'uøøng` quie` jmaco` jì' candí' e cango'íñ' dseañu' i cung' guó'. ² Jo dsu' 'ñíng- lajee` i simí' do ñiing` dsír' jogui i 'ñíng-gui do ja` ñiing` dsír'. ³ Joba' i simí' i ja` ñiing` dsí' do ca'uøøm-bre quier' jì' candí' quiá'r- e cango'íñ' i dseañu' i cung' guó' do, jo dsu' jii~ jmicoo' e a~ dsí' candí' quiá'-bre quier' co' jo quie'guir fa' e seáang-gui; ⁴ jo dsu' i simí' 'ñíng- i ñiing` dsí' do ca'uøøm-bre cajo e quier' jì' candí' quiá'r- jo lifa' quie'bir coo` sí'gui e co' quier' e a~ jmicoo'. ⁵ Jo co' calí'ím- i dsea` cung' guó' do e ja` nigüíeeñ', joba' lajim i simí' do nicaquiáñ'- lajee` jo. ⁶ Jo

coob, mi cati la ii guitu' guienáa, jo guicatá' mhi' lí' caluu' jo guicafé' dsea: "jmiñnee' áána', co' nab nijang' i dsea' cung' guó' do; jogui ñiling' na' e niñi'ling' na'rel!" 7 Jo lajim' i simi' do caráaiñ' jo caguiar' guiá' j' candiá' quiá'r' lajaang' lajaaiñ'. 8 Joba' i simi' i ja' ñiing' dsí' do casí'r' i simi' i ñiing' dsí' do: "Fa' jgiée' óo' 'ná' fa' nijmi'ðong'jiu' jnea' jmicoo' quií' na', dsuco' cadseáb' jmicoo' quiá' candiá' quií' naa' jo jo' iing' nicó'." 9 Jo dsu' cañi' i simi' i ñiing' dsí' do: "U~, ja' nijmi'ðong'naa' 'ná' co' ja' niling' quií' naa' o'gui quií' na' cajo. Co' guiá' gui quií' na' e nigüiling' na' fi' teen' e nigüileáa' na' e jmicoo' e 'né' na' do." 10 Jo lajee' cangoling' i simi' i ja' ñiing' dsí' do fi' teen' e cangoleaar' jmicoo' quiá'r', lajee' job mi' caguiéng' i dseañu' i cung' guó' do, jo i simi' i ñiing' dsí' do cangotáam' bre jmi' coling' cóo' i dsea' cung' guó' do, jo cajni' bre 'nú'. 11 Jo mi'ming' guiji lajo caguilim' tu i simi' i ja' ñiing' dsí' do i cangoling' fi' teen' do, jo guicatór' caluu' 'nú' jo guicajín': "j'fí'i', fí'i', fa' jgiée' o' e ná' go 'nú'!" 12 Jo dsu' guicañi' i dseañu' do jo cajín': "E já' ba' e fí' i 'ná', simi', ja' cuín' n 'ná'."

13 Jo cajíng' gui Jesús:

—Jo co' lajob lí', joba' fí' i 'ná' e jmiñiing' áána', co' ja' ñi' na' e jmi' jogui e' oor' e nigüéeng' jnea', dsea' lín' n jaang' dsea' jmigüi' i jáa' fi' ñif'.

Coo' júu' já' e lafa' júu' cuento quiá' dsea' 'léeng' i ca'ing' cuu'
(Lc. 19:11-27)

14 Jo mi' cangí' jo, cajíng' gui Jesús e júu' la:

—Jo mi' Fidiée' quier' nifi' quiá' dsea', jo e jo lí' laco' jaang' dseañu' i cagüi'fi' cangó' fi' lí' huí'. Jo dsu' lajee' e ná' gui e nigüi'fi' nidsér', jo catór' jaléng' i dsea' jmóo' ta' quiá'r' do, jo cacuø'reiñ' do cuu' e laco' nijméiñ' do ta' e nilisea'gui e dsí' quiá' e cuu' do. 15 Jo jaang' i dsea' 'léeng' quiá'r' do cacuø'r' 'ñiá' mil cuu', jogui jaang' cacuø'r' tú' mil cuu' lajo, jogui i jaang'gui do cacuø'r' coob' mil cuu', jo laji' gaam'biñ' do cangüiñ' cuu' lí' jialco' jii' b' seem'bre. Jo ngí' joguiba', cagüi'fi' i dseañu' do e cangór' fi' lí' huí'. 16 Jo i dsea' 'léeng' i cangüing' 'ñiá' mil cuu' do, eám' guiá' cajméer' ta' cóo' e cuu' do, jo calí' bre jié'gui 'ñiá' mil lajo. 17 Lajobi cajo i dsea' 'léeng' i ca'ing' tú' mil e cuu' do cajmée'bre ta' cóo' do, jo calí' bre jié'gui tú' mil e cuu' do cajo. 18 Jo dsu' i dsea' 'léeng' i cangüing' cóo' mil e cuu' do, cango'mea'bre fi' ná' uø'.

19 Jo mi' cangí'gui lajo, caguiém' tu i fiir' do, jo casí'r' lajaang' lajaang' i dsea' 'léeng' quiá'r' do e nigüieeñ' do cuente lajii' e nicajméer' cóo' cuu' e cangüiñ' do. 20 Jo la'uii' caguié' i dsea' 'léeng' i cangüing' 'ñiá' mil e cuu' do, jo cajá'r' fiir' 'ñiá'gui mil lajo e calí'r', jo casí'r' dsea' do: "Fí'i', 'nú' cacuøø' jnea' 'ñiá' mil cuu', jo nicajmé'baa ta' cóo' e jo, joba' lana nicalí' i 'ñiá'gui mil lajo e dsí'." 21 Joba' cañi' i fiir' do: "'Nub' jaang' dsea' 'léeng' i guiúng', co' cajmee'ba' ta' røø' cóo' lajii' capí' cuu' e cangüñ'. Joba' lana jmiguiab' jalé' e sea' quié' e e nicuøø' 'nú' e nine' ní', jo lana røøb' nijmi'iaang' dsí'naa' náng." 22 Jo jo' huøø' lí'fi' i dsea' 'léeng' i ca'ing' tú' mil e cuu' do caguiér' jo casí'r' fiir': "Fí'i', 'nú' cacuøø' jnea' tú' mil cuu', jo cajmé'baa ta' cóo' e jo, jo lana nicalí' i tú'gui mil e cuu' do e dsí'." 23 Joba' cañi' i fiir' do: "'Nub' jaang' dsea' 'léeng' i guiúng' cajo, co' tiim'ba' jmé' ta' røø' cóo' capí' cuu', joba' jmiguiab' jalé' e sea' quié' e e nicuøø' 'nú' e nine' ní', jo lana røøb' nijmi'iaang' dsí'naa' náng." 24 Jo jo' huøø' lí'fi' guié' i dsea' 'léeng' jaang'gui do i cangüing' cóo' mil e cuu' do, jo lalab casí'r' fiir': "Fí'i', ñi'baa guiá' e jaang' dseañu' i ue' dsí' ling' 'nú' e lí' tiin' sitün' lajii' ta' cajmée' dsea' jiem', jogui e ú' có' jalé' ta' jmóo' dsea' jéng' cajo. 25 Joba' cafóm'baa 'nú', jo fi' ná' uøb' ca'meá'a e cuu' e cacuøø' jnea' do. Jo lana lab quiee' e lajii' e cuu' jo."

26 Joba' cañíi' i fii' do quiá' i dsea' 'léeng' quiá'r' do: "Nu' lin' jaang' dsea' 'léeng' i soo' dsí' jogui i fi', jo song niñí'ba' guiá' e jnea' sitíin' n lajii' ta' cajmée' dsea' jiéng' jogui e gú' gó'ø jalé' ta' jmóo' dsea' jiéng', 27 joba' çjalí' ja' ca'í' o' fa' mi' caguíte' cuu' quié' e fi' banco? Joba' mi' cagüean' n, ca'ím' baa lajii' cuu' quié' e jogui e dsí' quiá' cajo." 28 Joba' casí'r' jaléng' gui i dsea' i teáng' do ie' jo, jo cajíin': "Gui' na' e coo' mil cuu' quiá' i dsea' 'léeng' fi' na, jo cuóø' na' i dsea' 'léeng' i quié' guí' mil e cuu' na. 29 Dsüco' i dsea' i sea' quiá', jmigui' guib niñíin' e nilisea', joba' lalím' nilisea' quiá'r'. Jo dsu' i dsea' i ja' sea' quiá', nigüeáb' lajii' e capí' ji' e sea' quiá'r' do. 30 Jogui i dsea' 'léeng' fi' na guing' na' r' fi' caluu' fi' lí' nu' só', jo fi' job niquí'r' jogui nitár' majar' cajo."

Jial nilí' mi' nitidsí' í' quiá' dsea' jmigüi'

31 Jo cajíng' gui Jesús e júu' la:

—Jo mi' tí' lí' nití' í' e nigáa' jnea', dsea' lín' n jaang' dsea' jmigüi' i jáa' fi' ñifi', nigáa' túu' dsu' e niquíin' n jee' jalé' e jlo' e niing' 'gøng' quiá' Fidiée' jogui colíng' cóo' jaléng' ángeles i líng' guotíi' Fidiée', jo joguib mi' niníi' fi' ée' quié' e lí' niing' jlo' quiá' Fidiée'. 32 Jo lajiiim' dsea' seeng' fi' la'úng' fi' jmigüi' niseáin' fi' quini', jo jneab' dsea' ni'naan' dsea' jie' fi' lí' catíin' lajaang' lajaain' lí' laco' gui la jmóo' jaang' dsea' i jmóo' í' jo'se' mi' 'náain' jaléng' jo'se' jee' jaléng' jo'chí'. 33 Jogui jaléng' i dsea' i líng' lafa' i jo'se' do niguién' n lí' lí' dsée' laco' guiin' n, jogui jaléng' i dsea' i líng' lafa' i jo'chí' do niguién' n lí' lí' tuung' laco' guiin' n. 34 Joba' jnea', dsea' lín' n i dseata' dsea' féng' do, nifi' i jaléng' dsea' i neáang' lí' lí' dsée' laco' guiin' n jo nifá'a: "Jaléng' 'nú', ñilíng' na' fi' la, co' 'nú' bing' i nicajmigüeang' Tiquié' e dsea' guing' ñifi', joba' íng' na' lajalé' e catíng' na', co' lajob nisi' íng' na' quiá'r' lajii' latí' mi' caguiar' uing' jmigüi'. 35 Dsüco' lajee' cataan' n cóo' 'nú' fi' jmigüi', mi' cadseá' jmí'aaan', jogui 'nú' cacuóø' ba' jnea' e cagóø; jogui mi' cadseá' jmíjmiin', cacuóø' ba' jnea' jmí' cagú' u; jogui cang' bii' cajo laco' ngí' jaang' dsea' i jáa' fi' caluu', jo dsu' cacuóø' ba' jnea' lí' cajmi' íin' n. 36 Jogui cali' né' bí' sí' i, jo cacuóø' ba' jnea'; jogui casá' bí' e calidsée' e, jo cato' fíim' ba' jnea'; jogui ca' ú' bí' 'nuñí', jo dsu' cagui' ee' ba' jnea' cajo." 37 Joba' jaléng' i dsea' í' i cajmée' jalé' e iing' Tiquié' e dsea' guing' ñifi' nijmingíir' lala jo nijíin': "Fíi' i, çlí' caneeng' naa' 'nu' e jmí'aaan', jo cacuóø' baa' 'nu' e caquié'? Jogui çlí' caneeng' naa' 'nu' e jmíjmiin', jo cacuóø' baa' 'nu' jmí' e ca'í' i? 38-39 Jogui çlí' caneeng' naa' 'nu' e lin' lafa' jaang' dsea' i jáa' fi' caluu', jo cacuóø' baa' 'nu' cajo lí' cajmi' íin'? Jogui çlí' caneeng' naa' 'nu' e cali' né' sí', jo cacuóø' baa' 'nu' e jo cajo; jogui e dsée' osi e iuun' fi' 'nuñí' é, jo cango' ee' ba' 'nu' cajo?" 40 Joba' ie' jo jnea', dsea' lín' n dseata' dsea' féng', lalab ningíi' quiá'r': "E já' e fíi' i 'nú' e lajalé' e cajmicóo' na' i dsea' i líng' lafa' rún' n i dseáng' ja' niing' jii' capí', joba' lajaléb' e jo quié' jneab' cajmee' na' cajo."

41 Jogui jnea' i líng' dseata' dsea' féng' do nifi' i jaléng' i dsea' i neáang' lí' lí' tuung' laco' guiin' n: "Do güilíng' 'nú' lí' do, co' Fidiée' nicabíim' bre 'nú', jo dob catíng' 'nú' fi' ni' jé' lí' coo' jé' e jo' tóo' jmí' yu' fi' lí' nicajme' Fidiée' lí' catíng' fi' i 'líng' colíng' cóo' jaléng' ángeles i 'líng' quiá'r' cajo. 42 Co' cadseáb' jmí'aaang' jnea' lajee' cataan' n cóo' 'nú' fi' jmigüi' la, jo dsu' ja' cacuóø' na' jnea' e cagóø; jogui cadseá' bí' jmíjmiin' cajo, dsu' 'nú' ja' cacuóø' na' jnea' jmí' e cagú' u; 43 jogui cang' bii' laco' gui jaang' dsea' i jáa' fi' caluu', dsu' 'nú' ja' cacuóø' na' jnea' lí' cajmi' íin' n; jogui cali' né' bí' sí' i, dsu' 'nú' ja' cacuóø' na' jnea' sí' i; jogui calidsée' bí' jogui ca' ú' u 'nuñí' cajo, dsu' 'nú' ja' cagui' ee' na' jnea'." 44 Joba' i dsea' i neáang' lí' lí' tuung' do nijmingíir'

lala: “Fíi'ii', ¿lí caneeng~naa' 'nu' e cadseá~ jmi'aaan'~, osi e cadseá~ jmi'jmiin'~ é, osi e lin' laco' jaang' dsea' i jaa' fí caluu', osi e 'né~ sí' é, osi e dsée' osi e iuun'~ fí 'nuñí'bi é, jò ja' cajmicóo'~naa' 'nu'?” ⁴⁵ Jòba' ie~ jò lalab ningii~ quíar'~, jnea~ dsea' lín'n dseata~ dsea' féng': “E já'~ e fíi' 'nú' e jalé' e ja' cajmées~na' cóo'~ jaang' dsea' i líng' lafa' rún'n i ja' niing~ jii'~ capí', jòba' lajòb cajo ja' cajmées~na' cóo'~ jnea~.” ⁴⁶ Jòba' jaléng' i dsea' i fí lí 'lib' nidsilíiñ' fí lí ni'íiñ' iihu' e ja' tóo' jmi' nité'. Jò dsu' jaléng' gui dsea' i ja' dsee~ røong' fí quini' Fidiée', íbing' i nidsigüea' car' ngongii' jmi' cóo'~ dsea' do fí ñiff'.

26

Mi' casíng~ jaléng' dsea' jial e nisáiiñ' Jesús

(Mr. 14:1-2; Lc. 22:1-2; Jn. 11:45-53)

¹ Jò mi' cangí e cajíng'~ Jesús jalé' e júu' na, lalab casí'r~ i dsea' quíar'~ do:
² —Jii'~ laco' íi' 'nú' e tú~ jmi'ba' 'né~ gui e nití~ e jmi' Pascua. Jò ie~ jmi' jòb mi' nijáng' dsea' jnea~, dsea' cagá' a fí ñiff' e lín'n jaang' dsea' jmi'güi', jò niteáiñ~ jnea' fí dse' crúu' cartí nijngáiñ'~ jnea~.
³ Jò ie~ jòb cajo, jaléng' fii' jmidsea' quíar'~ dsea' Israel cóo'~ gui jaléng' dsea' cóong'~ quíar'~ caseáng' rúiiñ' fí lí guing' fii' jmidsea' laniing'~ i sii' Caifás quíar' ta~, ⁴ jò casíiñ'~ cuaiñ'~ quíar'~ jial nilí'r' e nijmi'gøøiñ' Jesús e laco' nisáiiñ' dsea' do jò lajòba' nijngáng'~ neiñ'. ⁵ Jò dsu' síiñ' e iñ'~ jmér' lajò lajee' e o' e jmi' jò, dsucó' jial fíng nitá'~ dsea' mii'~.

Mi' ca'ée~ jaang' dseamí jmi' jmeafii' fí mogui' Jesús

(Mr. 14:3-9; Jn. 12:1-8)

⁶ Jò lajee' jòb cangó~ tu Jesús fí cóo' fii' e sii' Betania; jò lajee' táaiñ' fí jò, dob dsitíiñ'~ fí quíar'~ jaang' dseañu' i sii' Simón i nínicalíng'~ jmohu' 'li' fí ngúu' táang' lamí~ jéeng'gui. ⁷ Jò lajee' guing' Jesús fí jòb mi' tí lí cangoquíeeng' jaang' dseamí fí lí guiiñ'~, jò quieiiñ' do cóo' sí' lí a~ jmi' jmeafii' e 'mo' eáang'. Jò lajee' e guing' Jesús gø'bre mi' ca'ée~ i dseamí do e jmi' jmeafii' e quier' do fí mogui' dsea' do. ⁸ Jò mi' tí lí cangá~ i dsea' quíar'~ do e cajmées' i dseamí do lajò, eáam' caligúiiñ'~ jò cajíiñ'~:

—¿Jialí' jmi'í' i dseamí na e jmi' jmeafii' e 'mo' eáang' na? ⁹ Cofa' mi' ja' cajmées' lana, jmi'guiub' cuu' nicóng'~ na facó' e cango'nii~, jò e cuu' jò nilí'íng' ta~ e nilicóo'~ jiu jaléng' dsea' tiñíng'~.

¹⁰ Jò dsucó' Jesús lí'bre lajii'~ e síng' i dsea' do, jòba' casí'~ reiñ' do lala:
 —¿Jialí' fí 'nú' 'leáang'~ i dseamí la? Cò' cóo' e guíu'ba' nicajméesiñ' na quíe' e. ¹¹ Cò' contøøm~ niliseeng' jaléng' dsea' tiñíng'~ jee' 'nú', dsu' jnea' gui cateá'ba' caga'ee~ nii' fí jee' 'nú'. ¹² Cò' e jmi' jmeafii' e ca'ée~ i dseamí la fí ngúu' táan'n lí' lafa' e nicasúuiñ'~ jnea' e jmeafii' quíar'~ mi' ni'ú'u fí dsí' tó' ée'. ¹³ Cò' e já'~ e fíi' 'nú' e doñí' jé' fí ni' guóo'~ uó' fí jmi'güi' lí niguiá' dsea' júu' quíar'~ jial laang' dsea' jee' jalé' dsee~ quíar'~, ninib'~ júu' cajo quíar'~ lajii'~ e cajmées' i dseamí na cóo'~ jnea~, jòba' lajòb niguiéng' dsí' dsea' ír'.

Mi' camí Judas Iscariote cuu' e quíar'~ nijáiiñ' Jesús

(Mr. 14:10-11; Lc. 22:3-6)

¹⁴ Jò ie~ jò jaang' lajee' dsea' guitúung' quíar'~ Jesús i sii' Judas Iscariote cangór' fí lí neáang' jaléng' fii' jmidsea' quíar'~ dsea' gøor' dsea' Israel, ¹⁵ jò cangosí' reiñ' do lala:

—¿Jial tí' cuu' guíá' óo'na' e nicuó'na' jnea' jò nijmées' e úung' e nijøon'~n Jesús fí jaguóo'na'?

Jòba' cañí' i fii' jmidsea' do jial tí' niquí'r~ jò cajíiñ'~:

—Niquí'baa' quí'~ guigui' cutes'.

16 Jo latí' ie~ job canaang` i Judas do e 'nó'r' jial laco' nicuó~ quiá'r~ e nijáiñ' Jesús fí' jaguó` jaléng' i dsea` do.

*Mi~ cagó' Jesús í' canu~ cóo~ dsea` guitúung` quiá'r~
(Mr. 14:12-25; Lc. 22:7-23; Jn. 13 :21-30; 1 Co. 11 :23-26)*

17 Jo ie~ jmí~ la'uii~ quiá'- e jmí~ e gø' dsea` Israel íñí^ e ja` quie^ quiéeng` do, cangoquiéeng` i dsea` guitúung` do fí' lí' sing' Jesús jo cajmingí'r~ dsea` do:
—Fí'íi', ¿jie fí' lí' iing~ 'nu' e nidsiguiá^naa' guiá~ e niquiee~ee' colíng~ e quiá'- e jmí~ Pascua?

18 Joba' cañí' dsea` do quiá'- i dsea` quiá'r~ do jo casí'- reiñ':
—Güilíng~ na' fí' e fíi' la, jo mi~ niguilíng~ na' fí' quiá'- i dseañu^ la, síi~ na're lala: “Lalab jíng'- Tifa' qui~naa': Nijaquíém' e nití- í' quié~e, joba' ngóó' fí' sinúu^ quií'- jo fí' job lí' nijmee~e jmí~ Pascua colíng~ cóo~ jaléng' dsea` guitúung` quié~e.”

19 Joba' cajméeb` i dsea` guitúung` do laco' jíi~ ta~ caquiá' Jesús e nijmér~, jo caguia`bre guiá~ lajíi~ e nidó'r~ do quiá'- lajíi~ e jmí~ e nijaquíéeng` do.

20 Jo mi~ tí' lí' canuu e jmí~ jo, cangím' Jesús fí' mes~ colíng~ cóo~ i dsea` guitúung` quiá'r~ do. 21 Jo lajee~ e nineáaiñ' gø'bre mi~ tí' lí' cajíng'- Jesús lala e sí'r' i dsea` quiá'r~ do:

—E já'- e fíi~ i 'nú' e jaang` lajee~ 'nú' nijáng' jnea~ fí' jaguó` dsea` i 'ní' níng~ jnea~.

22 Jo mi~ canúu~ i dsea` guitúung` quiá'r~ do lajo, dsíng'- fí'í' calíiñ~, jo canaaíñ` casí'r~ dsea` do i~ lajee~ ír` nijmé~ ta~ jo, jo lalab cajíng'- lajaang` lajaaíñ`:

—Fí'íi', ¿su o' jnea~, faa~aa'?

23 Joba' cañí' Jesús quiáiñ'- do:

—Lí' jaang` i gø' cóo~ jnea~ fí' coo` cuéé~ huíi', íb` nijáng' jnea~ do. 24 Co' dseáng'- nisi'í'ba' e lajo nidsingín~ n jnea~, dsea` i cajá~ fí' nífi~ e lán'n jaang` dsea` jmígüi', lí' laco'gui la fé' fí' ni~ jí' quiá'- Fidiéé~. Jo dsu' íe ngí~ fíib^ i dsea` i nijáng' jnea~ do! Co' guiá~ guib quiá'- i dsea` í' fa' mi~ ja` caliséiñ`.

25 Jo i Judas i niguiá' guiá~ e nijáiñ' dsea` do, jo 'ña'biñ' do cajíñ'- casí'r~ Jesús lala:

—Fí'íi', ¿su o' jnea~, faa~aa', i nijmé~ lajo?

Joba' cañí' Jesús quiáiñ'- do:

—'Nub` nicaféé~gui' lajo.

26 Jo lajee~ e neáaiñ' gø'r' íbre mi~ catíng~ Jesús coo` íñí^, jo cacuø'r' gui'máang~ Fidiéé~, jo lí' jo cajméer` jmá'- ca'ná^ quiá'- lajaang` lajaang` i dsea` guitúung` quiá'r~ do jo cajíñ'- casí'- reiñ':

—Quié'na' e na, co' e nab ngúu' táan'n.

27 Jo ngí' jo catíiñ~ coo` cóo^ e a~ jmí^ mí^ huíng` jó^, jo mi~ cangí' e cacuø'r' gui'máang~ Fidiéé~, jo joguiba' cacuø'r' lajaang` lajaang` i dsea` guitúung` quiá'r~ do jo casí'- reiñ' do:

—Í'na' lajíng~na' e la, 28 co' e lab jmí'øøñ~ e nitú~ mi~ nitán~n fí' dse' crúu^ e laco' ni'íng~ dsee~ quiá'- lajaléng' dsea` jmígüi'. Jo e jo lí' júu^ tigua~ e 'mí~ e jmí'ø' Fidiéé~ cóo~ dsea` jmígüi'. 29 Dsu' e já'- e fíi~ i 'nú' e jo' nidúu~guí' jmí^ mí^ huíng` jó^ cartí' mi~ ni'né^túu' colíng~ e jmí^ mí^ huíng` jó^ e 'mí~ mi~ nití- í' e Tiquié~e Fidiéé~ nicár' nífi' quiá'- lajaang` lajaang` dsea`.

*Mi~ cajméé' Jesús júu^ e nijíng'- Tú^ Simón e ja` cuiñ' dsea` do
(Mr. 14:26-31; Lc. 22:31-34; Jn. 13 :36-38)*

30 Jo mi~ cangí' jo, ca'ø'r' quiá'- e jmiféiñ' Fidiéé~, jo ca'uøøm~bre jo cangolíng~tur fí' mó' Olivos. 31 Joba' cajíng'- Jesús casí'r~ i dsea` quiá'r~ do lala:

—Lajim̄ 'nú' nitiúum̄ ba' jneā e uóø` na; co' lalab tóo` fí nĩ jì quiá' Fidiéẽ lí' fé' lala: “Nijngám' dsea` i fii` i nées` nĩ jo'se', jogui jaléng' jo'se' quiá'r- lí' nisojóm̄ bre'.”

³² Jo cajíng' gui Jesús lala:

—Dsu' mi' tí lí' ningí e nijí' túu jee` jaléng' 'lí', jo jéem' baa ninii` i fí lí' se' Galilea jo fí job nijí' tú rú' naa' calé' catú`.

³³ Jo cañí' Tú' Simón quiá' Jesús:

—Dsu' song i caguiaang` do nitiúuĩn` 'nu', Fí'í, dsu' jnea` ja` nijmee` e lajo.

Joba' cañí' tú Jesús quiá'ĩn` do:

³⁴ —E laba' jmitaa` o', Tú' Simón, e uóø` na, nú' gui e niquí' tuidsée^, 'nu' nifo' 'nĩ' ya' e ja' cuín' jnea`.

³⁵ Joba' cañí' Tú' Simón quiá' Jesús:

—Fí'í, nañí' fa' nijngáng' dsea` jnea` uii` 'nu', dsu' ja` nijmee` e lajo.

Jo lajob fé' i dsea` quiá' Jesús i caguiaang` gui do cajo.

Mĩ` caféng' Jesús Fidiéẽ fí' coo` lí' sii' Getsemani

(Mr. 14:32-42; Lc. 22:39-46)

³⁶ Jo mi' cangí jo, cangób` Jesús coling` coo' dsea` quiá'r- fí coo` lí' sii' Getsemani e nées` fí mó' Olivos, jo lalab casí'r- i dsea` do mi' caguilíĩn` fí jo:

—Lab nijá' 'nú' la lajee` ninii` jnea` nifón' n Tiquié^ e Fidiéẽ.

³⁷ Jo jí' Tú' Simómbing' jeeĩn` coo' gui laji` gáng` i jóo' jaang` dseañu' i sii' Zebedeo, jo mi' catí fí jo, canaang` e fí'íb` líng' Jesús jogui lijiuung` dsí' cajo,

³⁸ jo casí'r- i dsea` gaang` do lala:

—Dsíng' lí' i e fí'í' lín' n dseáng' lafa' jo` seem` baa fí jmi'güí' la lín` n. Jo lab nijá' 'nú' lajee` jo, jo ja' jmi'güing` yaang` na' jo e sijnéeb` áa' na' coo' jnea`.

³⁹ Jo cangób` Jesús cartí dogui capí' laco' caje' i dsea` quiá'r- do, jo fí job catúuĩn` cartí cajnúu` nĩ fí nĩ uó^ jo canaaiñ` féĩn' Fidiéẽ lala:

—Teaã, leaang` jnea` lajii' iihu' e nijaquíéeng' quié` e; jo dsu' ja' güilí laco' iing` jnea`, co' güilíb` dseáng' laco' iing` 'nu' e nilí.

⁴⁰ Jo mi' cangí jo, caquim` tur lí' caseáaiñ' i dsea` quiá'r- do, jo cadséng' neiñ' do e teiñ' güim` bre. Joba' cajíng' Jesús casí'r- Tú' Simón:

—¿Su dseáng' ja` téb' 'nú' fa' e ja` nigüing` na' e neáang` ji' e sijnéé` áa' na' coo' jnea` jí' coo' oor? ⁴¹ ¿Jialí' güing` 'nú'? Jminá` ráang` na' jo féeng` na' Fidiéẽ dsea` guing` ñifí` uii` qui` na' yaang` na', jo lajoba' ja` dseáng' e nijjúng' na' fí nĩ dsee`. Co' eáam` iing` na' e nité' na' e sijnéé` áa' na', dsu' ngúu' táang` na' ja` cuø' fí e nijmee` na' lajo.

⁴² Jo mi' máng` guiji' lajo cangób` tú Jesús e fí jo e catí tú` ya' e féĩn' Fidiéẽ jo cajíĩn` lala:

—Teaã, song ja' niquí' jmi' fa' e nileán` n jee` jalé' iihu' e nijaquíéeng' quié` e, joba' lí' güilíb` laco' iing` 'nu' e nilí.

⁴³ Jo mi' tí lí' caquing' tur fí lí' caseáaiñ' i dsea` quiá'r- do, cadséng' neiñ' e güim` tuiñ' do, co' dseáng' eáam` ja' lí' güiñ'. ⁴⁴ Jo cangób` tur e catí 'nĩ' ya' e cangoféiñ' Fidiéẽ, jo dob caseáaiñ' i dsea` quiá'r- do e güiĩn', jo camí' tur Fidiéẽ laco' nicajíĩn` lami' jéeng` gui do. ⁴⁵ Jo mi' cangí jo, caquim` tur fí lí' caseáaiñ' i dsea` quiá'r- do jo lalab casí' reiñ' do:

—¿Su dseáng' mi' 'noo' bi teng' 'nú' e jmi'ing` na'? Joba' fí' i 'nú' e lanab catí í' e nijáng' dsea` jnea` fí jaguó' jaléng' dsea` dsee` dsea` qui', jnea` dsea` i cajá' fí ñifí' e lín' n jaang` dsea` jmi'güí'. ⁴⁶ Jo jminá` ráang` na' jo má' aa', co' nijaquíéem` i dsea` i nijáng' jnea` do.

Mĩ' casáng' dsea' Jesús

(Mr. 14:43-50; Lc. 22:47-53; Jn. 18:2-11)

47 Jo lajee˘ gui'ná˘ sing' Jesús fé'r, job mi˘ caguié˘ Judas Iscariote, jaang˘ lajee˘ i dsea˘ guitúung˘ quiá˘ˉ Jesús, jo caguiér˘ coling˘ cóo˘ˉ i fíng˘ dsea˘ i quie˘ jalé˘ ñisʉ˘ cóo˘ˉ gui jalé˘ 'ma. Jo jaléiñ˘ do ngolíñ˘ lajii˘ ta˘ quiʉ˘ jaléng˘ fi˘ jmidsea˘ quiá˘ˉ dsea˘ Israel cóo˘ˉ gui jaléng˘ yúʉ˘ dsea˘ cóong˘˘ quiá˘ˉ r. 48 Co˘ i Judas do jéem˘ nicajmea˘ r˘ júu˘ i dsea˘ ngolíng˘ cóo˘ˉ r˘ do jo casí˘ reiñ˘ lala:

—Ii˘ nimáang˘ 'nú˘ i nichú˘ ni˘, íb˘ Jesús; jo séng˘ na're ladsifí˘.

49 Jo lajob˘ cajmée˘ Judas, cangoquiéem˘ bre fí li˘ sing' Jesús mi˘ caguiér˘ jo casí˘ r˘ dsea˘ do:

—iCá˘, Tifa˘!

Jo mifíng˘ cachʉ˘ r˘ ni˘ dsea˘ do.

50 Joba˘ cañí˘ Jesús quiá˘ˉ dsea˘ do:

—Ruu˘, jmeeb˘ lajii˘ ta˘ cañí˘.

Jo ladsifí˘ lanab˘ cangoquiéeng˘ i dsea˘ caguiaang˘ gui do, jo casam˘ bre dsea˘ do jogui cató˘ r˘.

51 Jo lajee˘ jo, jaang˘ lajee˘ dsea˘ quiá˘ˉ Jesús caguir˘ ñisʉ˘ quiá˘ˉ r˘ jo caquiʉ˘ r˘ cataang˘ logua˘ i dsea˘ 'léeng˘˘ quiá˘ˉ i jmidsea˘ laniing˘ do. 52 Joba˘ cajíng˘˘ Jesús casí˘ reiñ˘:

—Te˘ tu˘ ñisʉ˘ quiá˘ˉ ée˘ quiá˘ˉ, dsuco˘ i dsea˘ i tíng˘ cóo˘ˉ ñisʉ˘, cóo˘ˉ e job nijúuiñ˘ cajo. 53 ¿Su ja˘ ñí˘ 'nú˘ e cuóom˘ fí˘ jnea˘ Tiquié˘ e, jo nimíñ˘ nre lí˘ gui guitúung˘ 'lé˘ 'lé˘ i líng˘ ángeles i líng˘ guotíir˘, jo ladsifí˘ lanab˘ nisíñ˘? 54 Jo dsʉ˘ faco˘ lajo, ¿jial niliti˘ jóng˘ lajii˘ e fé˘ fí ni˘ jì quiá˘ˉ Fidié˘? Co˘ lajalé˘ b˘ e jo dseáng˘ 'né˘ e nidsijéeb˘ dseáng˘.

55 Jo mi˘ míng˘˘ guijiʉ˘ lajo cajmíng˘˘ Jesús i dsea˘ i caguilíng˘ do jo casí˘ reiñ˘:

—¿Jialí˘ cañilíng˘ 'nú˘ e quie˘ na˘ jalé˘ ñisʉ˘ jogui jalé˘ 'ma˘ e cañiséng˘ na˘ jnea˘? Co˘ cañilíng˘ na˘ e lafa˘ jnea˘ líñ˘ jaang˘ íi. Dsʉ˘ lacoo˘ jmiib˘ ie˘ lamí˘ jéeng˘ gui do táang˘ jnea˘ e ee˘ fí guá˘ fé˘, jo ja˘ cateá˘ óo˘ na˘ fa˘ caséng˘ na˘ jnea˘ ie˘ jo. 56 Jo dsʉ˘ lajalé˘ e na nidsijéé˘ jmiñ˘ na e lí˘ lacoo˘ niliti˘ lacoo˘ fé˘ fí ni˘ jì quiá˘ˉ Fidié˘ e cajme˘ dsea˘ i café˘ cuaiñ˘ quiá˘ˉ r˘ malí˘ gui eáang˘.

Jo ie˘ jo jaléng˘ i dsea˘ quiá˘ˉ r˘ do cacuí˘ bre, jo 'ñiab˘ Jesús caseáang˘ guir do.

Mi˘ caguiéng˘˘ Jesús fí quini˘ jaléng˘˘ dsea˘ cóong˘˘

(Mr. 14:53-65; Lc. 22:54-55, 63-71; Jn. 18:12-14, 19-24)

57 Jo catób˘ i dsea˘ do Jesús jo cangojeáaiñ˘ dsea˘ do fí quini˘ i jmidsea˘ laniing˘ quiá˘ˉ dsea˘ Israel i si˘ Caifás, co˘ fí job nisiseáng˘ jaléng˘ tifa˘ quiá˘ˉ júu˘ quiʉ˘ ta˘ quiá˘ˉ dsea˘ Israel cóo˘ˉ gui jaléng˘ yúʉ˘ dsea˘ cóong˘˘ quiá˘ˉ r˘ cajo. 58 Jo cangám˘ Tú˘ Simón t'leáaiñ˘ lacoo˘ cangolíñ˘ téer˘ Jesús cartí˘ caguilíñ˘ fí siguí˘ quiá˘ˉ e 'núʉ˘ lí˘ guing˘ i jmidsea˘ laniing˘ do. Jo dob˘ jii˘ cajé˘ Tú˘ Simón e fí siguí˘ do colíng˘ cóo˘ˉ jaléng˘ i jmóo˘ í˘ guá˘ e sijeeiñ˘ lajii˘ júu˘ nitigua˘ quiá˘ˉ i jmidsea˘ laniing˘ do cóo˘ˉ Jesús.

59 Jo jaléng˘ fi˘ jmidsea˘ cóo˘ˉ gui lajiiñg˘ i dsea˘ cóong˘˘ i quiʉ˘ ta˘ quiá˘ˉ dsea˘ Israel do 'nó˘ r˘ jial e lacoo˘ niguié˘ r˘ e ni˘ níñ˘ Jesús cóo˘ˉ júu˘ e o˘ ja˘, jo lajoba˘ nilí˘ r˘ e nijngáíñ˘ dsea˘ do. 60 Jo dsʉ˘ ja˘ cadsé˘ r˘ jial lacoo˘ nijmér˘ lajo, nañí˘ fa˘ fíim˘ dsea˘ caguilíng˘ e 'níñ˘ Jesús cóo˘ˉ e júu˘ lajo cajo. Jo mi˘ míng˘˘ guijiʉ˘ lajo caguilíng˘ gáng˘ gui dsea˘ jiéng˘ 61 jo cajíng˘˘ í˘:

—I nabí˘ i dseañʉ˘ i cajíng˘˘ e tím˘ bre qui˘ r˘ guá˘ quiá˘ˉ Fidié˘, jogui nijmé˘ tur calé˘ catú˘ cóo˘ˉ 'ní jmiñ˘.

62 Jo caroo˘ i jmidsea˘ laniing˘ do jo cajmíng˘˘ Jesús lala:

—¿Jialí˘ ja˘ ngíi˘ jii˘ coo˘? ¿E˘ fó˘ lajii˘ e júu˘ e fé˘ i dsea˘ na uii˘ quiá˘ˉ?

63 Dsʉ˘ Jesús tiib˘ cajér˘, ja˘ e cañíir˘ jii˘ coo˘. Joba˘ cajíng˘˘ tu˘ i jmidsea˘ laniing˘ do:

—La'eáang' cóo'~ Fidiéé' dsea` jí', lana quiú'u ta~ e nijméé' júu' já' su 'nu' i líng' i Jóo' Fidiéé' camíng'~ do i nisíng' Fidiéé' i nicá' nifí' quí' ií'.

⁶⁴ Joba' cañí' Jesús quiáin'~ do:

—'Nub' nicaféé'~gui'. Jo fí' i 'nú' lana e nimáam'~ba' jnea~, i líng' i dsea` i jáa' fí' ñifí' e lín'n jaang' dsea` jmígüí', e guiin'~n lí' lí' dsée' laco' guiing' Fidiéé' dsea` féng' dsea` ñíng' i 'gøng' eáang', jogui nimáam'~ba' jnea~ cajo mi nigáa'túu fí' jmígüí' e quíin'~n jee~ cabøø' jní'.

⁶⁵ Jo mi~ canúu~ i jmidsea` laniing'~ do lajo, lico' casíin' si'~bre e cuø' lí' e liguíim'~bre jo cajíin'~:

—Lajíi'~ júu' e nicafé' i dseañu' na gab' fé'r' uí'~ quiá'~ Fidiéé', jo jo' i 'neáng'~guí' fa' i ni'níng'~gui' ír', co' 'núb' nicanáa'~gui' lajii'~ júu' ga' e nicafé'r'.

⁶⁶ Joba' ¿jial' í' óo' 'nú' cuaiñ'~ quiá'~ e júu' jo?

Joba' cañí' i dsea' 'leáang'~ do:

—E jáb'~ e óo'bing' na dsee~, joba' dseáng'~ 'né' e nijúum'~bre.

⁶⁷ Jo canaañ' 'ñíim'bre dsea` do jogui jmihuúim'breiñ' cajo, jogui i líng'~gui dsea` bár' moni' dsea` do ⁶⁸ jo sí'r' lala:

—Songjá'~ e 'nu' lin' i dsea` i sijeeng'~naa' do i nicá' nifí' quí'~naa', joba' ijmeé' júu' lana i~ cabøøng'~ 'nu'!

Mi~ cajíng'~ Tú' Simón e ja' cuíin' Jesús

(Mr. 14:66-72; Lc. 22:56-62; Jn. 18:15-18, 25-27)

⁶⁹ Jo lajee' jo, dob guiing' Tú' Simón fí' siguí' fí' lí' si' 'nu' i jmidsea` laniing'~ do fí' lí' quiá'r' ta~. Jo lajee' jo jaang' dseam' i nijmóo' ta~ e fí' jo cangoquiééiñ' fí' lí' guiing' Tú' Simón jo casí'~reiñ':

—'Nu' cangi'ba' cajo cóo'~ Jesús i seeng' fí' Galilea, ¿já' leáa'~?

⁷⁰ Jo Tú' Simón cañíir' quiá'~ i dseam' do jo cajíin'~ casí'~reiñ':

—Ja' ñii' ee' e fí' jnea~ na, dseam'.

⁷¹ Jo mi'míng'~guijiu lajo cangoquiéeng' Tú' Simón fí' o'nú' quiá'~ e 'núu' lí' guiing'~ i jmidsea` laniing'~ do e quiá'r' ta~, jo fí' job' jiéng'~gui jaang' dseam' cangá'~ quiá'r'~, jo cajmea'r' júu' jaléng' i dsea` caguiaang'~gui do jo casí'~reiñ':

—I dseañu' na cangi'bre cóo'~ Jesús i seeng' fí' Nazaret cajo.

⁷² Jo caleáb' catú'~ cañí' Tú' Simón jo cajíin'~:

—Ni' fii' ja' i dseañu' do cúing'~ jnea~ la, dseam'.

⁷³ Jo mi'míng'~guijiu lajo i dsea` i neáang'~ quiá'~ dogui cangoquiééiñ' fí' lí' sing' Tú' Simón jo casí'~reiñ' do:

—'Nu' dseañu' e já'~ba' e ngí' cóo'~ Jesús cajo, co' cóo'~ lajii'~ jial fó', nabi nicuø' lí'.

⁷⁴ Joba' cañí'tu Tú' Simón jo casí'~reiñ' do:

—iDseáng'~ e jáb'~ ni' fii' e ja' i dseañu' do cúing'~ jnea~ la!

Jo ladsifí' lanab caqui' jaang' tuidsee'. ⁷⁵ Jo joguib mi~ cadse'~ dsí' Tú' Simón e lajob' cajíng'~ Jesús lami~ jéeng'~gui mi~ cajíin'~ casí'r'~ dsea` do lala: "Lajee' e nú'~gui e niquí'~ jaang' tuidsee', 'nu' nifo' 'ní' ya' e ja' cuíin' jnea~." Jo cagüi'~b' Tú' Simón fí' caluu', jo caqui'r' dseáng'~ e ngocáng' dsí'r' uí'~ e calíin'~ fí'í' eáang'.

27

Mi~ caguiéng'~ Jesús fí' quini' dseata~ Pilato

(Mr. 15:1; Lc. 23:1-2; Jn. 18:28-32)

¹ Jo mi' tí' lí' cajneá'~ e jmii'~ jo, lajaléng' fii' jmidsea` cóo'~gui lajaléng' yúu'~ dsea` cóøng'~ quiá'~ dsea` Israel casíin'~ røø' quiá'~ jial laco' niguié'r' e nijngáin'~ Jesús. ² Jo cató'~bre dsea` do e 'núuuiñ'~ jo cangojeáañ' fí' quini' jaang' dsea` i sii' Pilato i líng' jaang' dseata~ romano.

Mi~ cajúng~ Judas Iscariote

³ Jo i dseañu' i sii Judas Iscariote, i dsea i cajáng' Jesús fí jaguó jaléng' i dsea do, mi~ cangár e jaléng' i dsea í tí lí~ nijngám' bre Jesús, joba' job mi~ tí lí~ calilí'r^ lajii' dsee e ca'éer do, jogui cajo' dsíir' cóo' lajii' e nicajméer do, joba' cajáb'tur i fii~ jmidsea do cóo' gui jaléng' i yúu' dsea cóong' quíá' dsea Israel do lajii' e guigui' í' ctee e ca'íñ' quíá' e cajáñ' Jesús do, ⁴ jo lalab cajíñ' casí' reiñ':

—Nica'ee baa dsee e nicajáan' n fí ni~ 'mó- jaang dseañu' i ja røong dsee jii' capí'.

Joba' i dsea do cañíir' quíáñ':

—¿E~ cuaiñ~ qui~ jnea'^ e cajmee' 'nu' lajo? ¿Cuaiñ~ quíib~ 'nu' e jo!

⁵ Jo i Judas do fí dob cabír e cuu do fí dsíi' sinúu^ guá' fé' jo cagüi'ñ' bre jo cangote'r' si' luur e cangojngáang' 'ñia'r'.

⁶ Jo jaléng' i fii~ jmidsea do casitím'bre e cuu do jo cajíñ':

—E cuu la nisi'lí'^ cóo' jmi'øong dsea, jo ja cuøong fa' e nidsitoo' gui fí dsíi' guoo' lí dsi'ma~ cuu quíá' guá'.

⁷ Jo job mi~ casíñ' røø e nilár coo uó cóo' e cuu do; jo e uó jo sii Uó lí uó' Dsea Guoo' quíá' e Jmóor Tu'. Jo job lí cajme'r' coo codsii lí ni'áaiñ jaléng' dsea i jalíng fí caluu i lingüng jüung fí fii do. ⁸ Joba' e uó do sii'bi cajo latí lana Uó lí Catuu Jmi'øong. ⁹ Jo job caliti laco' jii' e cajíng' i dsea i calisí Jeremías, jaang i café' cuaiñ~ quíá' Fidiée' mali' gui eáang', mi~ cajíñ' lala: “Cacá bre laj' guigui' ctee lí' laco' gui lajii' 'moo' cacuø dsea Israel, ¹⁰ jo cóo' e cuu job calár e guoo' uó e sii Uó lí uó' dsea Guoo' quíá' e Jmoo' Tu', lí' laco' gui ta e caqui' Fíi'.”

Mi~ caguiéng' Jesús fí quini~ dseata~ Pilato

(Mr. 15:2-5; Lc. 23:3-5; Jn. 18:33-38)

¹¹ Jo mi~ caguiéng' Jesús fí quini' i dseata i sii Pilato do, jo í cajmingí'r Jesús:

—¿Su e já' ba' e 'nu' lín' dseata dsea féng' i quie' nifí quíá' jaléng' dsea góo' dsea Israel?

—'Nub' nicafée' gui' —cañí' Jesús.

¹² Jo lajee e teáang i fii~ jmidsea do cóo' gui jaléng' yúu' dsea cóong' e jmóor dsee quíá' Jesús, dsu' dsea do ja e ngír jii' coo quíá' i dsea í. ¹³ Jo uíi' joba' cajmingí' dseata Pilato cajmingí'r Jesús jo cajíñ':

—¿Su ja nuu' lajii' dsee e cuø' i dsea na 'nu'?

¹⁴ Jo dsu' Jesús ja cañíir' jii' camí'^ júu^ quíá' dseata do; joba' i dseata do eáam' cangogá dsíir' jo jo ñir' e~ nijmé' guir.

Mi~ cahuí' ta e nijúung~ Jesús

(Mr. 15:6-20; Lc. 23:13-25; Jn. 18:38-19:16)

¹⁵ Jo lajee e jmi' e gø' dsea Israel íñí' e ja quie'^ quiéng' jo táng' i dseata do e láaiñ jaang dsea sijnáng' 'nuñí' lí'^ doñí' ii' i niguíng' dsea fii'. ¹⁶ Jo ie~ jo ni'iuung jaang dsea i nínica'lée eáang i sii Jesús Barrabás. ¹⁷ Joba' cajíng' i dseata do cajmingí'r dsea fii':

—¿I~ dsea iing' 'ná' e nilaan'? ¿Su Jesús Barrabás ofa' Jesús i sii Dsea Jmáang dob é?

¹⁸ Jo dsu' calilí'^ i dseata do e cajáng' i dsea do Jesús uíi' e dsihuím'bre quíá' dsea do.

¹⁹ Jo lajee guíng' i dseata Pilato do fí lí qui'r ta, lajee job caguié' júu^ quíá' i dseamí quíá'r do jo sí' reiñ': “Ja e jmoo' jii' coo cóo' i dseañu' i ja dsee røong na, dsuco' dsi'lóo^bi gab caquí' uíi' quíá'r.”

20 Jo dsu' jaléng' i fiir jmidsea` do cóo'~gui jaléng' yúu'~ dsea` cóong'~ cacóoiñ` dsí' jaléng' dsea` fiir e laco' nileáng' i Barrabás do jogui e nijúum` Jesús. 21 Jo dsu' i dseata` Pilato do cajmingí' tur calé' catú' dsea` fiir jo cajíñ':

—¿I' lajee` i dseañu' gáng' la iing' 'ná' e nilaan`? ¿Su Jesús ofa' Barrabás? Jōba' i dsea` fiir do cañíir` jo cajíñ':

—iLeang` Barrabás!

22 Jo caleá' catú' cajmingí' tu dseata` Pilato jo cajíñ':

—Jo ¿e`gui nijmee` jnea` jóng cóo'~ Jesús i siir` Dsea` Jmáng' la?

Jōba' lajim` i dsea` fiir do cañíir` jo cajíñ':

—iGüitáin` fí' dse'` crúu'!

23 Jōba' cañíir` dseata` Pilato quiá'~ i dsea` fiir do jo cajíñ'~ casí'~rein':

—¿E`gui e ga` e nicajméer` e catíñ'~ lajo?

Jo dsu' caleáb' tu cacuø' i dsea` fiir do 'goo' jo cajíñ':

—iGüitáin` fí' dse'` crúu'!

24 Jo cóob' mi` jo` ñiir` dseata` Pilato e` nijmé'~ guir, có' dseáng'~ gab` ta' i dsea` do mii' e mir' e nitáng' Jesús fí' dse'` crúu', jōba' caquiur' ta` dsea` quiár' e cangoquieñ' jmiir` jo caru'r' guóor' fí' quini' jaléng' dsea` fiir jo cajíñ':

—Ja` dsee` quié' e lajii'` 'mó' nitáng' i dseañu' la, có' cuaiñ` quií' 'ná' yaam`ba' na.

25 Jōba' lajim` dsea` fiir cañíir`:

—iJneab'` colíing` cóo'~ jaléng' jōo`naa' nine'~ ni`naa' lajii'` 'mó' quiá'~ i dseañu' na!

26 Jo dseata` Pilato caleám`bre Barrabás; jo caquiur' ta` e cabóom` Jesús, jo mifíng' cajám`bre dsea` do e quiá'~ nitáin'~ do fí' dse'` crúu'.

27 Jo jaléng' 'léé'~ quiá'~ i dseata` do cató'~bre Jesús fí' 'naff' jo casíñ' yaaiñ` lacúng' lajín' laco' sing' dsea` do. 28 Jo i 'léé' do ca'uø'bre si'` Jesús jo ca'iañ' dsea` do cóo' jmáng'~ 'mi' e ná'. 29 Jogui catá'r' cóo' lí'` corona e lí' cóo'~ layaang` tóo' fí' mogui` dsea` do, jogui cóo' siir` cacuø'r' dsea` do jo casaiñ'~ do fí' guóor' dsée'. Jo mi` cangí' jo, casí'r' uø' jnir` fí' quini' dsea` do jo lóoiñ` dsea` do jo sí'r' lala:

—iMajmiféng'naa' dseata` dsea` féng' quiá'~ dsea` Israel!

30 Jogui` ñiim`bir dsea` do cajo, jo cóo'~ e siir` e cacuø'r' dsea` do, cóo'~ e job canaiñ` bár' fí' mogui` dsea` do. 31 Jo mi` cangí' e jmóor' ta` lóong' dsea` do, cajéb' tur e jmáng'~ 'mi' do jo caquíng' tur dsea` do siir' e lamí' qui'r', jo cajéem`bre dsea` do fí' lí' nitáin` fí' dse'` crúu'.

Mi' catáng' Jesús fí' dse'` crúu'

(Mr. 15:21-32; Lc. 23:26-43; Jn. 19:17-27)

32 Jo lajee` e ningoliiñ` jéeiñ` dsea` do, cajíñ' jaang` dseañu' guiá' fí' i siir` Simón i niseeng' fí' cóo' fiir e siir` Cirene; jo caquiur' i dsea` i jéeng' Jesús do ta` i dseañu' í e cajéeiñ' do crúu' quiá'~ Jesús.

33 Jo mi` caguiliiñ` fí' cóo' lí' siir` Gólgota e guóng' Cuø' Mogui' 'Lii', 34 jo fí' job cacuø'r' Jesús jmi'` mí'` huíng' jó'` e tí' e sicáang' cóo'~ jmi'` dsí' e guí'; jo cóo' ni'ba' cali'ing` dsea` do ca'í'r', jo jo cali'ing` guir fa' ca'í'~ guir.

35 Jōba' mi' tí' lí' nicateáaiñ` Jesús fí' dse'` crúu', i 'léé' do canaiñ` cóor' e laco' nigüéáng' i nilí' i nicóo' e si'` dsea` do. 36 Jo mi' cangí' jo, dob caguár' e jmóor' í Jesús lajee` táang' dsea` do fí' dse'` crúu'. 37 Jo fí' yá'` gui` dsea` do catéer' cóo' lí' tóo' júu' e fé' e uíing` quiá'~ e jmáng' dsea` ír' lado, jo lalab tóo': "I lab Jesús, dseata` dsea` féng' quiá'~ dsea` Israel."

38 Jo gáng' i catáng' fí' dse'` crúu' colíing` cóo'~ Jesús cajo, jmá'` jáng' crúu' la jaaiñ` do, jaaiñ` do táaiñ` lí'` lí' dsée' jo jaang`guiñ' do lí'` lí' tuung'. 39 Jo

jaléng' dseá ì ngúing' fí lí t́áng' Jesús fí dse' crúu^ do, gab' fé'r' uii~ quiá'- dseá do jò lico' guiar' mogui~bre jòõñ- dseá do jò fé'r':

40 —'Nu' dseá fó' e niqui'^ guá'- jò nijméé'tu' calé' catú- cóo'~ 'ní' jmií. Jò song já'- e 'nu' lin' Joo' Fidiéé' ì camúing'~ do, jòba' jleang- uø' lí t́aan' na jóng!

41 Jò lajobi jaléng' fii~ jmidseá cajo cóo'~ guí jaléng' tifa' quiá'- júu^ quiu' ta~ quiá'- dseá Israel cóo'~ guí jaléng' yúu'~ dseá cøøng'~ quiá'r- løøm- bre dseá do jò fé'r':

42 —Caleám' bre jaléng' dseá jiéng' jò lajò güileáang' 'ñia'r' lana. Jò song já'- e líiñ' dseata~ dseá fèng' quiá'- dseá Israel, jòba' güijgiáang' 'ñia'r' lí t́aiiñ' fí dse' crúu^ na jò lajoguiba' já'- nilí'ii' jóng e líiñ' ì Joo' Fidiéé' camúing'~ do. 43 Jò song dseáng'- já'- líiñ' e Fidiéé' seeng' cóo'r~, jòba' íb' catúing- nileáng' ír' lana song dseáng'- já'- e iing~ neiñ'; co' nicajím'- bir e líiñ' ì Joo' Fidiéé' camúing'~ do, ¿já^ leáa'~?

44 Jò jì' guí jaléng' ì ii' ì t́áng' cáang' Jesús do, gab' fé'r' uii~ quiá'- dseá do cajo.

Mi~ cajúng- Jesús

(Mr. 15:33-41; Lc. 23:44-49; Jn. 19 :28-30)

45 Jò mi~ tí lí catí' guieñí'- jò cartí' la ii' 'ní' e ca'lóo- dseáng'- canuu' sòb' fí e guóo'~ uø- jò. 46 Jò lajee' jòb mi~ ca'óo' Jesús e teá' jò cajíñ'-:

—Elí, Elí, ¿lama sabactani? —e guøng': Fidiéé' quié- e, Fidiéé' quié- e, ¿jiali' nicatiun' jnea~?

47 Jò ì liing' ì dseá ì teáang- do ie~ jò canúur- e cajíng'- Jesús lajò, jòba' cajíñ'-:

—Ì Líí^ tø' ì dseá na, jaang' dseá ì café' cuaiñ~ quiá'- Fidiéé' malii~ gui eáang'.

48 Jò ladsifí lanab jaang' lajee' ì dseá do cangór- güi'í' jò cangoquier' cóo' joo' jò cajmi'lear' cóo'~ jmi'^ mí'^ huíng' jø' e tí' jò caquidsir' fí cóo' yú'^ sii- jò ca'úuiñ' fí mo'oo- dseá do e laco' niyúñ'- . 49 Jò dsu' ì dseá caguiaang- guí do cajíñ'-:

—Jéeng' guí cateá', ne~ duu' su nigüéeng- ì Líí' do ì nileáng' ír'.

50 Jò Jesús calé'b' catú- ca'óor' teá' lado, jò ngí' jò cajúm- bre. 51 Jò ladsifí lajòb calí' tú- dseá' joo' e 'mi' e í' guíá' joo' guá'- fé' e si' fí Jerusalén, co' casíng- catí' yú'^ jogui cartí' uii~. Jogui cajo cajø' uø- jogui cafiing- jalé' cuu- cóo'~, 52 jogui jalé' ée' lí t́eáang'~ 'líi~ canab'; jogui fíim' jaléng' dseá quiá'- Fidiéé' ì nicajúng- lamí' jéeng' guí cají'b' tur. 53 Jò mi~ cangí' e cají' tu Jesús, jò jaléng' ì dseá ì cají' tu do cangolíiñ' fí Jerusalén fí lí' lí' fii' güeang'^ quiá'- Fidiéé', jò fíim' dseá ì cangáng- ír' fí jò.

54 Jò mi~ cangá- ì fii' 'léé- do cóo'~ guí jaléng' ì dseá ì teáang- cóo'r~ do ì jmóo' í' Jesús jial cajø' uø- jogui cóo'~ jalé' e calí- guí do, jòba' eám' cafóñ' jóng jò cajíñ'-:

—E nijáb'- e ì dseañu' na líiñ' ì Joo' Fidiéé' camúing'~ do.

55 Jò ie~ jò dob teáang- ì fíing' dseam' ì jøø- catí' huí' ì nicajalíng- cóo'~ Jesús catí' lí' se' Galilea jogui ì nicajmicóo'~ quiá'r^ cajo. 56 Jò jee~ jaléng' ì dseam' í' quiéeng' Yá^ ì seeng' fí Magdala, jogui Yá^ niquiá'^ Tiáa~ cóo'~ Sé^, jogui niquiá'^ jaléng' joo' yúu' Zebedeo cajo.

Mi~ ca'áng- Jesús

(Mr. 15:42-47; Lc. 23:50-56; Jn. 19 :38-42)

57 Jò mi~ tí lí ngóo' ca'í' núu^, caguié- jaang' dseañu' ì sea' cuu- eáang' ì sii' Sé^ ì seeng' fí cóo' fii' e sii' Arimatea, jò í' cangí' bre cóo'~ Jesús lamí' jéeng' guí cajo. 58 Jò ì dseañu' í' cangó- bre fí lí' guíing~ dseata~ Pilato jò cangomir~ fí e fa' ni'áam- bre Jesús. Jòba' cacuøb' ì dseata~ Pilato do fí lajò. 59 Jò cangojgiáam' ì Sé^ do Jesús fí lí' t́aiiñ' fí dse' crúu^, jò caquiñ' dseá do cóo'~ cóo' 'mi' té e

niguo⁶⁰, jo cango'áam bre dsea` do fí coo` dsíi' tó li` ja ii` mi' áang` jii` jaang`; jo uó` quíá` bre líi` li` ca'áaiñ` dsea` do, jo ja` mi' ngóo' eáang' caquiur' ta` e calí` e too` ée` do. Jo mi' tí li` calí`, caquiéer` coo` cuu` e dsée` e otoo` ée` do jo cangám` bre jóng. ⁶¹ Dsu' i Yá^ i seeng' fí Magdala do cóo` gui i Yá^ jaang` gui do, dob cajer' fí quini` e too` ée` e li` ca'áng` Jesús.

Mi` cajméé` dsea` í` oo` ée` quíá` Jesús

⁶² Jo mi' tí li` cajneá` e jmi` coo` gui do, jo ie` jo cangotíng` jmi` e jmi'íng' jaléng' dsea` Israel, job mi` cangolíng` jaléng' fí jmidsea` quíá` dsea` Israel colíng` cóo` jaléng' dsea` Israel i líng' dsea` fariseo fí li` guíng` dseata` Pilato jo casí` reiñ' do:

⁶³ —Dseata` quí` ii', tóob` dsí` naa' e ie` lamí` seeng` gui i dsea` i jmi'góo` do cajíñ` e mi' níng' 'n' jmi` e cajúíñ`, nijíb` tur calé` catú`. ⁶⁴ Jo uíng` e joba' síi` naa' 'n' e nijmé` dsea` íb` e li` ca'áng` dsea` do lajee` 'n' jmi`, co' jial fíng` lajee` dsea` quíá` bre nijalíng` e uó` jo niguím` bre dsea` do, jo mi' nilicøng` gui lajo nijmi'góor` e nicajíb` tu dsea` do. Jogui song nilí lajo, joba' eáang` guib ga` nilí jóng laco` gui latí` mi` uii` do.

⁶⁵ Joba' cañí` dseata` Pilato jo cajíñ`:

—Lab teáang` 'lée` i cuøng` lí jmeáang` na' ta` i nijmé` í` oo` ée`. Jo güilíng` na' colíng` cóo` r` jo güijmee` na' í` car` jié` jii` li` quí` jmi` fí jo.

⁶⁶ Jo cangolíng` biiñ' do cóo` i 'lée` do jo cajméer` lí` fí e cuu` fé' e jni` e oo` ée` do e laco' ja` ii` cuøng` nineá`; jo dob caseáaiñ' 'lée` i caguá` cajméé` í` e fí jo.

28

Mi` cají` tu Jesús

(Mr. 16:1-8; Lc. 24:1-12; Jn. 20 :1-10)

¹ Jo mi' tí li` cangí` e jmi` e jmi'íng' jaléng' dsea` Israel e lí` lí` ngóo' nijneá` e jmi` la` uii` quíá` seamaan`, jo cangojò` Yá^ i seeng' fí Magdala cóo` gui i Yá^ jaang` gui do fí li` ca'áng` Jesús. ² Jo lajee` job mi` cajó` uó` e eáang', co' jaang` ángel i líng' guotí` Fidié` cajgáng` fí yú` jmi'güi` ie` jo, jo cangoquíeíñ' fí oo` ée` quíá` Jesús, jo cajé` r` e cuu` fé' e jni` e oo` ée` do, jo fí ni` job caguár`. ³ Jo dseáng` jlo` jing' i ángel do lí` laco` gui la jnéng` j' mi` jmi'jneá` güi` ñia` j' re', jogui jlo` tee` sí` r` cajo dseáng` lí` laco' la tee` joo` dseáng`. ⁴ Jo i 'lée` i teáang` jmóo` í` e oo` ée` do dsíng` cajléiñ` dsu' uíi` e 'gór` jo j' gui cartí` ca'íng` dsíir'. ⁵ Jo i ángel do casí` r` i dseamí` do jo cajíñ`:

—Ja` fòøng` na' jii` coo`, co' ñi` baa guí` e Jesús dsea` 'náng` na' i cajúng` fí dse` crúu` do. ⁶ Jo dsu' jo iuuiñ` fí la lana, co' nicají` bre lí` laco` gui cajíñ` ie` lamí` cangir` cóo` 'n' do. Ñilíng` na' ñijò` na' fí li` ca'áng` dsea` ír`. ⁷ Joba' fí` i 'n' lana, güilíng` tu' lajminá` jo güijméé` na' júu` jaléng' dsea` quíá` r` e nicajíb` tur jo jéeng` guir nidsér` fí li` se' Galilea laco` gui 'n', jo fí job nimáang` na` re. Jo jii` lanab júu` quíe` quí` na' lana.

⁸ Joba' i dseamí` do caquím` bre lajminá` e fí oo` ée` do, jo lajee` jo dseáng` 'gór` bre jogui dseáng` dsíng` iáang` dsíir` cajo. Jo jmináb` cangolíñ` e cangocóor` e júu` do fí quini` jaléng' i dsea` quíá` Jesús do. ⁹ Jo jo` huø` li` ñi` lajo, coob` mi` cajmi'jneéng` 'ña' Jesús fí quini` i dseamí` do jo caféng` neiñ' do. Jo cangoquíeém` bi` i dseamí` do cajo fí li` sing' dsea` do jo canaaiñ` do ríur` tí` dsea` do jo lajee` jo jmi'féng` neiñ'. ¹⁰ Joba' cajíng` Jesús casí` r` i dseamí` do:

—Ja` fòøng` na' jii` coo`, jo güilíng` na' lana jo güisíi` na' jaléng' dsea` quíe` e i líng' laco' rún` n e güidsilíñ' fí li` se' Galilea lajminá`, jo fí job nijí` rú` naa' cóo` r`.

Lajíi~ júu^ quiá'- 'léé- e casí'r- fi~ jmidsea`

¹¹ Jo lajee~ e ngolíng` i dseamí do, i líng` i 'léé- i teáng- jmóo` í^ do caguilíiñ` fí' jee~ fi~ jo casí'r- jaléng` i fi~ jmidsea` do lají' e calí- do. ¹² Joba' i fi~ jmidsea` do cangolíim-bre e cangosiñ` cóo'~ jaléng` yáú'~ dsea` cóong'~ quiá'- dsea` Israel cuaiñ~ quiá'- lajíi~ júu^ e nisea` quiá'- Jesús do. Joba' casíiñ- e cacuo'r' jmiguiá' cuu- i 'léé- do ¹³ jo casí'- reiñ' do lala:

—Lalab júu^ nijmitíng`na', e lajee~ uóø` e teng'na' güim`ba', caguilíng- i dsea` quiá'- Jesús do jo caguíim`bre dsea` do fí' dsí' tó` éé`. ¹⁴ Jogui song nilíi' dseata~ lajíi~ e júu^ jo, joba' jneab'~ nine~naa' jial laco' nisíng~naa' cóo'r~ e laco' ja' ni'uíng- huíng' quí-na'.

¹⁵ Jo ca'ím' i 'léé- do e cuu- do jo cajmée`bre lajíi~ júu^ e nisínú'r^ . Jo lajob jii~ líí júu^ e ngí' cartí' jmíi~ na jee~ jaléng` dsea` Israel.

Lajíi~ júu^ e ca'í- Jesús quiá'- dsea` quiá'-

(Mr. 16:14-18; Lc. 24:36-49; Jn. 20 :19-23)

¹⁶ Joba' lajob cajmée` i dsea` guijáng` quiá'- Jesús do, cangolíim`bre fí' lí se' Galilea jo cangolíiñ` fí' cóo` yáú^ mó' fí' lí caquiá' Jesús ta~. ¹⁷ Jo mí~ tí' lí cangáíñ- Jesús, eáam' cajmíféiñ' dsea` do, jo dsu' seem`bi i líng` cajo i ja' já'- líng` e dsea` do Jesús. ¹⁸ Jo cangoquiém' Jesús fí' quiá'- gui laco' teáaiñ'- do jo casí'r- dsea` do lala:

—Fidiée~ nicacuø'r' jnea~ e niquiá'~ta~ fí' latøng- fí' ñifí- jogui fí' ni~ guóo'~ uó- la. ¹⁹ Joba' güilíng- na' fí' jalé' fí' e sea` fí' jmigüi, jo jmee- na' e niquí'- jíng' yaang~ dsea` e laco' ni'uíñ- dsea` quié-e; jogui mífíng` seaang- na'r jmíi` la'eáang' cóo'~ júu^ quiá'- Tiquié'e Fidiée~ jogui la'eáang' cóo'~ jnea~, i Jóor' camíng'~ do, jogui la'eáang' cóo'~ Jmiguí' quiá'- Fidiée~ cajo, ²⁰ jogui ée'~ na'r jial laco' nijmitir~ lajalé' e júu^ quiá'- Fidiée~ e nicafí- i 'nú' e nijmití'na'. Jogui güilíiñ'na' guiá- e seem- baa cóo'~ 'nú' lacoø` jmíi~ lacoø` jmíi~, jo dseáng'- lajob nilí' car` ngongí' jmíi~.

Jo lajob nilí'.

Jo lanab jíi~ líí júu^ quiá'- Fidiée~ e cajme' Mateo.

E lab júu[^] quiá[']- Dsea` Jmáang⁻ e cajme['] MARCOS

Mi[~] cajá⁻ Juan i seáang` dsea` jmí[~]

(Mt. 3:1-12; Lc. 3:1-9, 15-17; Jn. 1:19-28)

¹ Lalab mi[~] canaang` cani[']- juguiá⁻ quiá[']- Dsea` Jmáang⁻ i líng' Jóo['] camíng['] quiá[']- Fidiéé[~] dsea` guíng[~] ñiff⁻.

² Jo lajii[']~ mali[']gui eáang' jaang` dsea` i café['] cuaiñ[~] quiá[']- Fidiéé[~] i calisí['] Saí[^] catéer['] fi['] ni[~] jì['] quiá[']- lala:

Lalab fé['] Fidiéé[~] e casí[']- Dsea` Jmáang⁻:

Nisín[^]n jaang` dsea` i niguiá⁻ júu[^] quié⁻ e nú[']-gui e niguo['] fi['] jmígüi[']
e laco['] niguiar['] guiá⁻ fi['] li[~] ningí['].

³ Jo fi['] jee[~] uó[^] quiú['] do guicaná['] coo['] luu[~] dsea` e fé['] teá['] lala:

“Jmeáang[']-na['] guiá⁻ fi['], co['] tí['] li[~] nijáab['] Fíi[']-naa['];

jogu['] nea[~]-na['] condsée['], co['] 'né⁻ e nilirøøb['] fi['].”

Jo jalé['] e jo cajíng[']- Saí[^] fi['] ni[~] jì['] quiá[']- Fidiéé[~].

⁴ Jo lajob['] líi['] mi[~] cajá⁻ jaang` dsea` i sii['] Juan e fi['] jee[~] uó[^] quiú['] do; jo ie[~] jo, i Juan do caseáaiñ['] jmí[~] jaléng['] dsea`, jo sí[']-reiñ['] e 'né⁻ quí[']-jíng['] yaaiñ['] do fi['] quini['] Fidiéé[~] jogui['] e nisáaiñ['] do jmí[~], jo lajoba['] cuøøng['] e íng['] Fidiéé[~] lajalé['] dsee⁻ quiáiñ[']. ⁵ Jo fíim['] dsea` dsilíiñ['] e dsináur['] júu[^] e guia['] i Juan do; dsilíng['] jaléng['] dsea` i seeng['] fi['] Jerusalén jogui['] jaléng['] i seeng['] fi['] fi['] jíe['] li[~] se['] Judea e laco['] jmóoiñ['] do júu[^] lajii[']~ dsee⁻ e nica'éer[']. Jo mi[~] ningí['] jo, i Juan do seáang['] neiñ['] jmí[~] fi['] dsí['] gua` Jordán.

⁶ Jo i Juan do qui[']-r 'mi['] e líi['] cóo[']~ jñú[^] loo[~] jó['] camello jogui['] 'ñú['] tu[']-r cóo[']~ coo['] lo'ñutu['] e líi['] cóo[']~ loo[~] jó['], jogui['] jmítaang['] 'ñia[']-r cóo[']~ jaléng['] sini['] i cóøng['], jogui['] í[']-r jalé['] jmí['] ta['] e dsér['] fi['] jee[~] mó[']. ⁷ Jo lalab líi['] e júu[^] e guiar['] jee[~] jaléng['] dsea` i dsilíng['] dsináur['] júu[^] quiá[']-r do:

—Mi[~] nisóong⁻ jnea[~], nijáa['] jaang['] i 'gøng[']gui laco['] jnea[~]; joba['] jnea[~] quini['] i dsea` í['] ja['] e quín['] e co['] tuun[~] e sá['] i 'ni['] ñí['] 'ñú['] lomí[']-r. ⁸ Co['] jnea[~] nicaseán['] jaléng['] 'nú['] jmí[~] cóo[']~ layaang['] jmí[~] e laco['] cuø['] li[~] e nicaquí[']-jíng['] yaang[']-na['] fi['] quini['] Fidiéé[~]; dsu['] í[']-r mi[~] nigüéeiñ['], niseáiñ['] 'nú['] jmí[~] cóo[']~ Jmíguí['] quiá[']- Fidiéé[~] e laco['] cuø['] li[~] e nicangíng[']-na['] Jmíguí['] quiá[']- dsea` do.

Mi[~] cajgáang⁻ Jesús jmí[~]

(Mt. 3:13-17; Lc. 3:21-22)

⁹ Jo ie[~] jo cagüí['] Jesús fi['] Nazaret e née['] fi['] li[~] se['] Galilea, jo cangó⁻ e fi['] gua` Jordán e née['] fi['] li[~] se['] Judea; jo fi['] dsí['] gua` job caseáang['] i Juan do jmí[~] í[']-r.

¹⁰ Jo dsifí['] mi[~] cagüí['] Jesús fi['] dsí['] jmí[~], cangár⁻ e cana['] cateá['] fi['] yú['] jmígüi[']; jo lajee['] jo cajgó⁻ Jmíguí['] quiá[']- Fidiéé[~] fi['] yú['] moguir['] e líng['] jaang['] mee[']. ¹¹ Jo guicaná['] coo['] luu[~] e jáa['] fi['] yú['] jmígüi['] e guicajíng[']- lala:

—'Nub['] Jóo['] i 'neáan['] eáang[']; jo eám['] íaang['] dsii['] cóo[']~ 'nu['].

Mi[~] cangó⁻ Jesús fi['] jee[~] uó[^] quiú[']

(Mt. 4:1-11; Lc. 4:1-13)

¹² Jo dsifí['] mi[~] cangí['] jo, cajmée['] Jmíguí['] quiá[']- Fidiéé[~] e cangó⁻ Jesús fi['] jee[~] uó[^] quiú[']. ¹³ Jo fi['] job cajer['] lajee['] tuló['] jmí[~] fi['] li[~] ngí['] jaléng['] jó['] nuu[']; jo lajee['] jo lamí['] iing['] i fi['] i 'líng['] i sii['] Satanás e niténg['] Jesús fi['] ni[~] dsee⁻, dsu['] ja['] calí[']-r fa['] cajméer['] lajo. Jo mi[~] cangí['] job mi[~] caguilíng['] jaléng['] ángeles i líng['] guotí[']- Fidiéé[~] i cangoto['] fíng['] dsea` do.

*Mi~ canaang` Jesús jmóor` ta~ quíá'r` fí` lí` se` Galilea
(Mt. 4:12-17; Lc. 4:14-15)*

¹⁴ Jò mi~ cangîgui lajò, mi~ nicatang` dsea` Juan ì seáang` dsea` jmiî fí` dsíí` 'nuñí', joba' cangáng`-tu Jesús fí` lí` se` Galilea e cangoguiar` júu` quíá'-Fidiée` fí` jò, ¹⁵ jò lalab fé'r`:

—Lanab catî í' e nijaquíéng` e nicá` Fidiée` nifí` quíá'-lajaang` lajaang` dsea` jmigüî. Jò nab tí'gui e quí'` jíng` yaang`na' fí` quini` Fidiée` jogui íing`na' e ngocáng` óo'na' júu` quíá'r`.

*Mi~ cató'- Jesús quiúung` dsea` ì jmóo` ta` sáng` 'ñu`
(Mt. 4:18-22; Lc. 5:1-11)*

¹⁶ Jò mi~ cangî lajò, cangó` Jesús fí` lí` née` coo` guíée` e sii` Galilea. Jò mi~ caguiér` fí` jò, lajee` e ngir` fí` lí' lí' 'ni' e guíée` do, joba' cangáin` jaang` dseañu` ì sii` Tâ` Simón cóo`-gui jaang` rúin` do ì sii` Dî. Jò dob táain` do lajî huáain` e jmóor` ta` bí` 'máa' fí` é` guíée` e quíá'- e sáin` 'ñu'. ¹⁷ Jòba' casí'- Jesús ì dsea` do lala:

—'Ná' ñilíng`na' cóo` jnea~, jò latí` lana nicuøø` 'nú` ta` e guíá'na' júu` quíá'- Fidiée` fí` jee` dsea` jmigüî, jò líb`jiu e ta` jò la lí' ta` sáng` 'ñu`.

¹⁸ Jò dsifí` mi~ canúu` ì dsea` gáng` do e júu` e cajíng`- Jesús do, ladsifí` lanab catúr` e 'máa' quíá'r` do jò cangolíim`bre cóo`- dsea` do.

¹⁹ Jò ja` huíi` mí` ngolíim`bir mi~ cangáng` Jesús jaang` dseañu` ì sii` Tiáa` cóo`-gui jaang` rúin` do ì sii` Juan, jò lajî huáain` do líin` jóo` jaang` dseañu` ì sii` Zebedeo, jò teáain` do fí` coo` dsíí` móo` e niguiar` guíá` 'máa' quíá'r` e quíá'- nisáin` 'ñu'. ²⁰ Jò dsifí` cató'- Jesús ì dsea` do e cangolíin` do cóo`r~, jò ladsifí` lanab cangolíng` ì dsea` do cóo`- Jesús; jò dob caseáain` do tiquíá'r` fí` dsíí` e móo` do colíng` cóo` jaléng` ì dsea` ì jmícoo`-gui quíá'r`.

*Jaang` dseañu` ì iuung` ì 'ling` dsíí`
(Lc. 4:31-37)*

²¹ Jò mi~ cangî jò, cangolíin` fí` coo` fí` lí` sii` Capernaum. Jò fí` jò mi~ catî e jmi'íng` dsea` Israel, jò Jesús ca'ír` fí` dsíí` guá'- quíá'- ì dsea` góor` do, jò canaain` e'r` jaléng` dsea` ì teáang` do ie` jò. ²² Jò dsíng`- dsí'gó` dsíí` jaléng` ì dsea` do dsu' e núur` jalé' e júu` e guíá' Jesús do, co' er` laco' jaang` dsea` ì quíe` nifí` e ja` 'gó'r`, jò ja` er` laco' e jaléng` tífa' ì e jalé' júu` quíu' ta` quíá'- dsea` Israel. ²³ Jò ie` jò e fí` dsíí` guá'- dob ni'iuung` jaang` dseañu` ì ni'iuung` ì 'ling` dsíí'. Joba' mi~ tí` lí` cangáng` ì dsea` do Jesús, dsifí` ladob ì 'ling` do cajméer` e ca'óo` ì dseañu` do jò cajíin` do lala:

²⁴—¿Jialí' ñijmiguín` jnea`, Jesús, dsea` seen` fí` Nazaret? ¿Su cañí' e ni'ín` jnea`? Cuím`baa' 'nu, joba' ne`naa' e lin` dsea` güeang` quíá'- Fidiée` dsea` guíng` ñifí`.

²⁵ Jòba' mi~ canúu` Jesús lajò, dsifí` lanab cajíin` ì 'ling` ì ni'iuung` dsíí` ì dseañu` do jò cajíin` casí'-reiñ` lala:

—¿Catii` î moní', jò tiúung` ì dseañu` la!

²⁶ Jò dsifí` lajòb cajmée` ì 'ling` do e cadseá` joñíng` ì dseañu` do, jò teáb` ca'óoiñ` do mi~ cagüí'í' ì 'ling` ì ni'iuung` dsíir` do. ²⁷ Jò jaléng` dsea` ì cangá` e jò ie` jò, eáam` cafóin` jò canaain` jmíng`- rúin`:

—¿Í` ì dsea` na? ¿Co' fé'r` júu` e ja` mí` ne`naa' jogui ja` 'gó'r` fé'r` lí' laco' jaang` dsea` ì quíe` nifí, jò la quíe`gui jaléng` ì 'ling` ì teáang` dsíí` dsea` núur` júu` quíá'- dsea` na!

²⁸ Jò mi~ cangî jò, eáam` cani` júu` quíá'- Jesús cóo` jalé' e guíá` e jmóor` do fí` latøøng` lí` se` Galilea.

*Mi~ cajmi'leáang~ Jesús iemisé Tú^ Simón
(Mt. 8:14-15; Lc. 4:38-39)*

²⁹ Jo mi~ tí lí~ ca'uøøiñ e fi' dsí' guá~ e si' fi' Capernaum do, dsifí' lajob cangó~ Jesús cóo~ Tiáa~ cóo~ gui Juan fi' quiá~ Tú^ Simón cóo~ gui Dí'. ³⁰ Jo mi~ caguiliñ~ fi' quiáñ~ do, dob ráang` iemisé^ Tú^ Simón e iu~ guim^bre, jo casí~ i dsea` do Jesús e calí~ cóo~ i dseam^ do. ³¹ Joba' Jesús cangoquiéiñ' fi' quiá~ lí~ ráang` i dsea` dsée~ do, jo catíiñ~ guóoiñ' do jo caseáng`neiñ'; jo mifíing` caráam~biñ' do, jo ladsifí' lanab caguá~ e iu~ guiñ^ jo canaaiñ' do guiar' guíá~ e quiá~ nihéiñ' Jesús cóo~ gui i dsea` i ngí cóo~ dsea` do.

*Mi~ cajmi'leáang~ Jesús i fíing` dsea` dsée~
(Mt. 8:16-17; Lc. 4:40-41)*

³² Jo mi~ canuu e jmiñ jo e lico' nicadseá~ ié, cangojéeng` dsea` i fíing` dsea` dsée~ i seeng` quiá'r~ fi' quini~ Jesús, jo do quiéeng` jaléng` dsea` i teáang` i 'ling'^ dsí'. ³³ Jo dseáng~ latøøng~ fiib` caseáng` e o'nú^ lí~ iuung~ Jesús ie~ jo. ³⁴ Jo fíim` dsea` cajmi'leáang~ Jesús ie~ jo lí^ doñí ee' jmohuá' e líng` dsea~, jogui fíim`bi jaléng` dsea` i niteáang` i 'ling'^ dsí' cajmi'leáam~ Jesús cajo; dsu' ja cacuø'r' fi' i 'ling'^ do fa' e niféiñ' do e nijmér~ júu^ i i dsea` do, co' ñib` i 'ling'^ do guíá~ i líng` dsea` do.

*Mi~ caguia' Jesús júu^ quiá~ Fidié~ fi' lí~ se' Galilea
(Lc. 4:42-44)*

³⁵ Jo nú~ gui e ngóo' nijneá` e uøø jo, caróob~ Jesús jo cagüi'fíbre e fiñ jo, jo cangór~ cangoféiñ' Tiquiá'r^ Fidié~ fi' cóo~ lí~ ja 'ga' lí dsilíng~ dsea`. ³⁶ Jo Tú^ Simón colíing~ cóo~ jaléng` dsea` i la'ó' ngí cóo~ Jesús cangoliñ^ cango'néem^bre dsea` do, ³⁷ jo mi~ cadséiñ' dsea` do jo casí'r~:

—Fíi'naa', lajím` dsea` ngir' 'náíñ' 'nu' lana.

³⁸ Dsu' Jesús cañíir` quiá~ i dsea` do jo casí'r~reiñ' lala:

—Má~aa' fi' jalé' fí e néé' fi' quiá~ gui la, jo fi' job nidsiguiá^naa' júu^ quiá~ Fidié~, dsuco' ta~ joba' e cagá~ jnea~ fi' jmigüi' la.

³⁹ Jo lacaam` lí se' Galilea ngí Jesús e guiar' júu^ quiá~ Fidié~ lí^ lacaang` lí téé~ guá~ quiá~ dsea` góor` dsea` Israel, jogui jmóo`bir e túu~ jaléng` i 'ling'^ i teáang` dsí' dsea`.

*Mi~ cajmi'leáang~ Jesús jaang` dsea` i líng` jmohuá' 'lí^
(Mt. 8:1-4; Lc. 5:12-16)*

⁴⁰ Jo lajee~ e ngí Jesús fi' lí se' Galilea, cangoquiéeng` jaang` dseañu' fi' lí ngóor` i nilíng` jmohuá' 'lí^ fi' ngúu` táaiñ. Jo mi~ caguier~ quiá~ lí ngóo' Jesús, joba' casí' uø~ jnir~ jo casí'r~ dsea` do lala:

—Fíi', cuøøm` lí jmi'leaan'^ jnea~ lajii~ jmohuá' e lín'n song iin~ lajo.

⁴¹ Jo Jesús calí~ fi' lím~bre i dseañu' do, joba' cagüiñ' dsea` do jo cajíñ~:

—Iim~baa jmi'leáan^ n 'nu'. ijo lana ca'láam~ba' lajii~ jmohuá' e lín'!

⁴² Jo dsifí' lajob ca'láang~ i dseañu' do, jo jo` e líiñ` jii~ cóo` jóng. ⁴³ Jo mi~ cangí jo, ca'fíb~ Jesús júu^ i dseañu' do e nidséiñ~, jo eáam' ca'fíir~ 'goo' quiáñ~ do jo lalab casí'r~:

⁴⁴ —Fíi~ i 'nu' e jii~ jaang` dsea` ja` ii~ nifí^ lajalé' e calí~ na; lico' güjjeaang~ uø' fi' quini~ jmidsea` lí^ laco' tíng` dsea` góo'oo' dsea` Israel, jogui líng~ ee` nigüicá^ quiá~ e ca'láam~ba' lí^ laco'gui ta~ caqui' Moi~ maliñ~ gui eáang', jo lajoba' nilíñ' dsea` e nica'láam~ba' lajii~ jmohuá' e lamí lin'.

⁴⁵ Jo cangám~ i dseañu' do, dsu' cajmea'bre júu^ lajím` dsea` lajii~ e calí~ do. Joba' Jesús jo` lí'r` fa' ngí~guir dseáng~ fi' lí teáang` dsea` eáang', jo fi' caluub` fí jii~ ja'guir fi' lí ja` ii` 'ga' lí dsea` jøø~ quiá'r~; dsu' car` jii~ jo dseáng~ dsilím~bi dsea` i 'no' quiá'r~.

2

Mi~ cajmi'leáang~ Jesús jaang`dseañu`i caang~ tii~
(Mt. 9:1-8; Lc. 5:17-26)

¹ Jo mi~ cangîgui tú~ 'ni~ jmi~ lajo, cangám~ tu Jesús fi' Capernaum. Jo mi~ caliñi' jaléng' dsea` e liing~ jié' fi' li~ nitáang` dsea` do, ² joba' ladsifi' lanab caseáng' fíing' dsea` e fi' 'núu' li~ iuung~ Jesús e guiar' júu^ quiá'~ Fidiéé, jo jii'~ jo` ing~gui dsea` fi' o'nú^ quiá'~ e 'núu' do, cõ' i' leáam~ dsea` teáang'~ e fi' dsíi' jo. ³ Jo lajee~ jo caguiling~ quiúung~ dseañu` i dsíing` jaang`gui dseañu` i caang~ tii~. ⁴ Jo dsuco' eámam` fíing' dsea` i teáang'~ do ie~ jo, joba' ja` cuøng` fa' e nidsijeeiñ` i dsea` dsée'~ do cati' quini' Jesús. Joba' caneáar' capí'~ fi' yá' 'núu' dseáng'~ e li~ iuung~ Jesús cóo'~ jaléng' i dsea` do, jo fi' job cajgiéer~ e 'ma' li' dsíing` i dsea` dsée'~ do carti' quini' laco' sing' Jesús. ⁵ Jo dsifi' mi~ calilí' Jesús jial dseáng'~ já' líng` jaléng' i dsea` do júu^ quiá'r~, joba' cajíñ'~ casí'r~ i dsea` dsée'~ do lala:

—Jóo'o, nica'ím~baa dsee~ quií'~.

⁶ Jo mi~ cajíng'~ Jesús lajo, joba' i liing~ tifa' quiá'~ júu^ quiu' ta~ quiá'~ dsea` Israel i teáang'~ do ie~ jo canaañ` i' dsír': ⁷ “¿Jial teá` dsíi' i dseañu' na e fé'r' lana? Cõ' jalé' e fé'r' na, júu^ gab` lí' fi' quini' Fidiéé, dsuco' dseáng'~ lajii'~ Fidiéé`bing' cuøng` lí' íing~ dsee~ quiá'~ dsea'.” ⁸ Jo dsu' dsifi' lajob calilí' Jesús lajii'~ e i' dsíi' i dsea` do, joba' casí'~ reiñ' do lala:

—¿Jiali' i' áa' 'nú' lana? ⁹ ¿E~ e líng' 'nú' e ja`gui huíng` nifíi'~ i i dsea` caang~ tii~ na? ¿Su nifíi'~ ire: “Nica'ím~baa dsee~ quií'~”, osi nifíi'~ ire é: “Ráan'~ jo ngí', jo quíéé` uø' e 'ma' li' dsíin' na”? ¹⁰ Jo dsu' lana jnea~ ni'ée` e 'nú' e jneab~ cagá~ a fi' ñifí' e lín'n jaang` dsea` jmiçüü` e oo~baa ta~ fi' jmiçüü` la e ni'ín~n dsee~ quiá'~ dsea`.

Jo mi~ cangî e cajíñ'~ lajo, joba' casí'r~ i dsea` caang~ tii~ do lala:

¹¹ —Jnea` fíi' i 'nu', ráan'~ jo quíéé` e 'ma' li' dsíin' na jo guóng' fi' quií'~.

¹² Joba' dsifi' ladob caráang~ i dsea` caang~ tii~ do, jo cacór~ e 'ma' li' lamí' dsíiñ' do la nî jaléng' i dsea` i teáang~ do ie~ jo. Jo mi~ cangá~ jaléng' i dsea` do lajii'~ e calí~ do, joba' lajim`bre cango'gó` dsír' jo canaañ` jmiféiñ' Fidiéé` jo fé'r':

—Dseáng'~ jii'~ cõo' ya' ja` mí' cane`naa' lajii'~ e nicalí' jmi~ na.

Mi~ cató'~ Jesús jaang`dseañu`i sii' Leví
(Mt. 9:9-13; Lc. 5:27-32)

¹³ Jo mi~ cangî lajo, cangób~ tu Jesús fi' 'ni' guiéé' e néé' fi' Galilea do. Jo lajee~ táaiñ` fi' jo, dseáng'~ eámam` dsilíng~ dsea`, joba' e'bre jaléng' dsea` i guiling~ do júu^ quiá'~ Fidiéé. ¹⁴ Jo lajee~ e iuung~ Jesús fi' ngóor' fi' li' jié', cangáñ` jaang` dseañu` i sii' Leví, jóo' jaang` dseañu` i sii' Alfeo, e guiiñ'~ do fi' cõo' li' mîr' cuu~ e catíng~ dseata~ i guíing~ fi' Roma, cõ' líiñ' do nodsicuu~. Joba' casí' Jesús i dseañu` do lala:

—Leví, má~aa' cóo'~ jnea~.

Jo dsifi' ladob caróo~ Leví jo cangó~bre cóo'~ Jesús.

¹⁵ Jo mi~ cangî jo, Leví cató'r~ Jesús e nidsé~ dsea` do e nidsihér' fi' quiáiñ'~. Jo fi' jo niguiing~ dsea` do gø'r' colíing~ cóo'~ jaléng' dsea` i ngí cóo'r~ jogui cóo'~ i fíing' dsea` i mí' cuu~ quiá'~ dseata~ guíing~ fi' Roma jogui cóo'~ jaléng' dsea` i jiéng'gui i sea` júu^ i røng` dsee~ cajo. ¹⁶ Jo mi~ cangá~ jaléng' dsea` Israel i líng' dsea` fariseo cóo'~gui jaléng' tifa' quiá'~ júu^ quiu' ta~ quiá'r~ e Jesús guiiñ` gø'r' colíing~ cóo'~ jaléng' i dsea` do, joba' cajmingí'r~ i dsea` quiá'~ Jesús do jo casí'~ reiñ' do lala:

—¿Jiali' gø' tifa' quií'~na' colíing~ cóo'~ jaléng' 'ná' nodsicuu~ cóo'~gui jaléng' dsea` caguiaang~gui i sea` júu^ i røng` dsee~?

17 Jo mi~ canúu~ Jesús lado, joba' cañiir` quiá'- i dsea` do lala:

—Jaléng' dsea` i guiúng~ ja` 'neáiñ~ timí', dsu' jaléng' dsea` dsée'~bing' i 'neáng~ í. Jo jnea~ ja` cagá~a fí' jmigüü' la fa' e caga'nén'n jaléng' dsea` i ée' guiá~, dsu' jaléng' dsea` dsee~ dsea` qui'bing' i caga'nén'n.

Mi~ cajmingí'~ dsea` Jesús uii~ quiá'- jalé' ayuno
(Mt. 9:14-17; Lc. 5:33-39)

18 Jo cōo` née'~ cajmée` ayuno jaléng' i dsea` i ngí' cōo'~ Juan i seáang` dsea` jmíi` cōo'~ gui jaléng' i dsea` i líng' dsea` fariseo. Jo lajee` jo, caguilíng~ i líng~ dsea` fí' lí' táang` Jesús jo cajmingí'r~ dsea` do lala:

—Jaléng' i dsea` quiá'- Juan i seáang` dsea` jmíi` cōo'~ gui jaléng' dsea` fariseo jmóo`bre ayuno, jo ¿jialí' jaléng' dsea` quií' 'nu` ja` jmóor` lajo?

19 Joba' cañií' Jesús quiá'- i dsea` do lala:

—Ja` cuøng` nijmé~ ayuno jaléng' dsea` i simíng~ quiá'- cōo` lí~ cung' guoo` dsea` lajee` seeng` i siming' i cung' guó` do cōo'r~; cō' lajee` siseáng' i siming' do cōo' i dsea` simíng~ do, ja` cuøng` fa' nijmé~ i dsea` simíng~ do ayuno. 20 Jo dsu' cōob` mi~ nití' í' e nisáiñ' i siming' i cung' guó` do, jo joguü' mi~ niguiéé' jmíi` e nijmé~ dsea` ayuno.

21 Jo jíi'~ jaang` dsea` to'r` cōo` 'mi' e yáa'~ cōo'~ ca'ná'^ 'mi' e 'míi~, dsuco' song cajméer` lajo, joba' nijóm' e 'mi' e 'míi~ do joguü' ni'guí'bi e 'mi' e yáa'~ do cajo, joba' lí' lí' jmigui'gui ni'guí' b' jóng. 22 Jo lajobi cajo, ja` guié' dsea` méé' e laco' gui'ná'^ có' fí' cōo` dsíí' loo~ jó' e yáa'~; dsuco' song cajméer` lajo, joba' ni'guí'ba' do jo nidsi'íib' e méé' do joguü' ni'ím~ e loo~ jó' do cajo. Jo cō' lajob líí', joba' guié'~gui e niguié' dsea` e méé' laco' gui'ná'^ có' do fí' cōo` dsíí' loo~ jó' e 'míib~, jo lajoba' ja` dseáang'~ fa' e ni'guí' e loo~ jó' do o'gui fa' e nidsi'í' e méé' do cajo.

Mi~ ca'éeng~ dsea` quiá'- Jesús láa' quiá'- cui'iee`
(Mt. 12:1-8; Lc. 6:1-5)

23 Jo cōo` ya' ie~ jmíi` e jmi'íng' dsea` góo` Jesús dsea` Israel, jo caguié~ dsea` do colíng~ cōo'~ jaléng' dsea` quiá'r~ fí' cōo` guíee' lí~ sijnea` cui'iee'. Jo jaléng' i dsea` quiá'r~ do mi~ cangíiñ' fí' jo, canaaiñ' éeiñ~ láa' quiá'- e cui'iee' e sea` do ie~ jo. 24 Joba' jaléng' dsea` Israel i líng' dsea` fariseo cajmingí'r~ Jesús lala:

—Janú', ¿jialí' jmóo` dsea` quií'~ lana?, cō' ja` cuøng` jmé~ dsea` Israel e lana mi~ jmíi` e jmi'íng'~naa'.

25 Joba' cañií' Jesús quiá'- i dsea` do lala:

—¿Su jíi'~ cōo` ya' ja` mí' ca'í' 'nú' fí' ni~ jì' quiá'- Fidiéé' lí' fé' e~ cajmée` dseata~ Daví'^ ie~ malíi~ do cōo` ya' lajee` e jmi'aang~ dsea` do cōo' dsea` quiá'r~? 26 Jo ie~ jo jaang` dsea` i sii' Abiatar líiñ' jmidsea` laniing~, dsu' i dseata~ Daví'^ do ca'í'~bre fí' dsíí' 'nu~ Fidiéé' jo cagó'bre e iñí'^ güeang'^ quiá'- Fidiéé' e si'í' dseáng'~ lajíi'~ jmidsea`bing' cuøng` lí' dó'~; joguü' cacuø'bir cajo jaléng' i dsea` i ngolíng~ gui cōo'r~ do e cagó'iñ' do.

27 Jo cajíng'~ gui Jesús cajo:

—E jmíi` e jmi'íng' dsea` cajmée` Fidiéé' e laco' nijmícōo'r~ dsea` jmigüü'b~, jo o' yaang~ dsea` jmigüü' cagui'r' e jmíi` jo e laco' nijmi'íñ'. 28 Jo uíi'~ lajoba' e jnea~, i cagüéng~ fí' jmigüü' la e gáa'a fí' ñiff' e lín'n jaang` dsea` jmigüü', seab' fí' quié~ e e quiá'~ta~ lajee` e jmíi` e jmi'íng' dsea` góo` dsea` Israel.

3

Mi~ cajmi'leáang~ Jesús jaang` dsea` i caang~ guoo`
(Mt. 12:9-14; Lc. 6:6-11)

¹ Jo mi~ cangî jo, coo` jmi~ ca'lb-tu Jesús fí coo` dsí' guá'- quiá'- dsea` góor` dsea` Israel, jo fí job ni'iuung- jaang` dseañu' i caang` coo` guoo`. ² Jo ie~ jo i fíim' dsea` siteeñ` Jesús fí e guá'- jo e lí' laco' nijøør- su nijmi'leáang- dsea` do i dsea` dsée' do 'ña' ie~ jmi~ e jmi'ing' jaléng' dsea` góor` dsea` Israel, co' fing cajmée` dsea` do lajo, lajoba' líiñ- e nilí'r e ni'níng- neiñ' fí quini` dseata`. ³ Jo mi~ cangáng- Jesús i dseañu' i caang` guoo` do, dsifí lajob casí' reiñ' do lala: —Ráan' jo síng'- uø' e guiá' jóo` do.

⁴ Jo mifíng` cajmingí'r- jaléng' i dsea` i teáang- do ie~ jo, jo casí'- reiñ' do lala: —¿E' í' óo' 'nú' e cuøøng` líl' mi~ jmi~ e jmi'ing' jneaa`aa', dsea` Israel? ¿Su e guiá- ofa' e ja` dseem` é? ¿Su 'né- e nijmi'leáang`naa' jaang` dsea` rú'naa' jee` jmohuí', osi e nibiing`naa'r é?

Dsu' jaléng' i dsea` do tiib- cajer'. ⁵ Jo lí' cajøøm- Jesús jaléng' i dsea` i teáang- lacúng' lajíng` do, jo caliguim- bre quiáñ'- do, jogui fí'í'bi cajer' cajo, co' dseáng'- ja` iing` jaléng' i dsea` do ningám`bre. Joba' lalab casí'r- i dseañu' i caang` guoo` do:

—Ní' guóo', dseañu'.

Joba' cani'biñ' do guóor` e caang` do, jo ladsifí lanab ca'lóo-. ⁶ Jo mi~ cangá- jaléng' i dsea` Israel i líng' dsea` fariseo i teáang- do ie~ jo jalé' e calí- do, dsifí mi~ tí lí' ca'uøøiñ' fí jo, jo canaañ' sñiñ` cóo' jaléng' dsea` quiá'- dseata` Herodes e quiá'- jial nijmér- e laco' nijngáñ'- Jesús.

Mi~ caseáng' i fíng' dsea' fí 'ni' guiéé' Galilea

⁷ Jo mi~ cangî jo, cangób-tu Jesús colíng` cóo' jaléng' dsea` quiá'r- fí 'ni' guiéé' Galilea, jogui i fíim' dsea` seeng` lacaang` fí lí' se' Galilea ngolíñ- laco' ngóo` dsea` do. ⁸ Jo mi~ caliñí' jaléng' dsea` quiá'- jalé' e guiá- e jmóo` Jesús, i fíim' dsea` cajalíñ` cajajøøiñ` dsea` do; cajalíng` jaléng' dsea` i seeng` fí Jerusalén, jogui lacaang` fí jíe' lí' se' Judea, jogui lí' se' Idumea, jogui jaléng' dsea` i neáang` lí' lí' guiéé' laco' iu~ gua' Jordán, jogui jaléng' dsea` i seeng` fí fí Tiro cóo' gui fí fí Sidón. ⁹ Jo casí'- Jesús i dsea` quiá'r- do e nijméiñ'- do quijí- coo` móo' e ni'ír' e lí' laco' ja` nicúñ'- eáang` fí jee` i dsea` 'leáang- do; ¹⁰ dsuco' Jesús dseáng'- i 'leáam- dsea` dsée' i nicajmi'leáañ', joba' jaléng' dsea` dsée' dseáng'- dsiquiéiñ' e güim`bre dsea` do. ¹¹ Jogui jaléng' i dsea` dsée' i jée' i 'líng' quiá'- laco' mi~ níñ- Jesús, dsifí lajob sí'r- uø- jnir- fí quini` dsea` do jo óor` teá jo fé'r lala:

—'Nu` lin' i Jóo' Fidiéé` camíng' do.

¹² Jo Jesús cajmi'leáam-bre i dsea` dsée' do, jo jíim-bre i 'líng' do jogui quiá' reiñ' ta~ e ja` niféiñ' do cuaiñ` quiá'r- 'ña'r fí quini` dsea`.

Mi~ caguíng' Jesús dsea' guitúung` quiá'r- (Mt. 10:1-4; Lc. 6:12-16)

¹³ Jo mi~ cangî gui lajo, cajgóo- Jesús fí coo` yá' mó', jo fí job cató'r- i fíng' dsea` e laco' niguíñ' i jaléng' ni'uíng- dsea` quiá'r-. Jo lajee` e nicaseáñ' lajñiñ` e fí yá' mó' do, ¹⁴ caguíñ' lajee` jaléng' i dsea` i teáang- do ie~ jo guitúung` dsea` i nisíñ- cuaiñ` quiá'r- e laco' nidsiguiañ' do júu` quiá'- Fidiéé` jee` jaléng' dsea` jmigüi; joba' i dsea` í calisír dsea` apóo`, e guøng' dsea` si'neaang` quiá'- Fidiéé` i quie` júu` quiá'r-. ¹⁵ Jogui cacuø'reiñ' do ta~ e quí'r- jmi~ e ni'uøiñ- jaléng' i 'líng' i jée' quiá'- dsea`. ¹⁶ Jo lalab sii i dsea` guitúung` i ca'naañ' do: jaang` i sii Simón, jo mi~ cangír cóo' Jesús calisír Tú; ¹⁷ jaang`gui i sii Tiáa` cóo' gui jaang` rúñ' do i sii Juan, jo laji huáañ'- do líiñ` jóo' jaang` dseañu' i sii Zebedeo, jo mi~ cangír cóo' Jesús laji huáañ'- do calisír Boanerges, e guøng' Jóo' Ji` Güi'ñiá'; ¹⁸ jaang`gui i sii Dí', jaang`gui i sii Lii, jo jaang`gui i sii Bartolomé cóo' jaang`gui i sii Mateo, jogui jaang`gui i sii

Mó[^], jò jaang[^]gui i sii[^] Tiáa[~], jóo[^] jaang[^] dseañu[^] i sii[^] Alfeo, jogui jaang[^]gui i sii[^] Tadeo cóo[^] jaang[^]gui i sii[^] Simón i líng[^] dsea[^] celote, ¹⁹ jò catí[^] lí[^] cadséng[^] gui Judas Iscariote i cajáng[^] Jesús fí[^] jaguó[^] dsea[^] i cajnga[^] quiá[^]r⁻.

Mi[^] cacuø[^] dsea[^] dsee[^] Jesús e jmóor[^] ta[^] la'eáang[^] cóo[^] fi[^] i 'líng[^]

(Mt. 12:22-32; Lc. 11:14-23; 12:10)

²⁰ Jò mi[^] cang[^]gui lajò, caí[^]-tu Jesús fí[^] cóo[^] dsí[^] sinúu[^], jò dsifí[^] lajò caseáng[^]tu dsea[^] i 'leáang[^] e jí[^] o[^] cuø[^] fí[^] dó[^]-gui dsea[^] do colíng[^] cóo[^] dsea[^] guitúung[^] quiá[^]r⁻. ²¹ Jò mi[^] caliñí[^] i dsea[^] rúng[^] Jesús e jò, jòba[^] cangolíñ[^] e cangotéer[^] dsea[^] do ladsifí[^] lado, co[^] fé[^]r[^] e ningaam[^]biñ[^].

²² Jogui lajòbi cajo, lalab fé[^] jaléng[^] tifa[^] quiá[^]- júu[^] quiu[^] ta[^] quiá[^]- dsea[^] Israel i jalíng[^] catí[^] Jerusalén jò cajíñ[^]:

—La'eáang[^] cóo[^] bí[^] quiá[^]- Beelzebú i líng[^] fi[^] jaléng[^] i 'líng[^], la'eáang[^] íbing[^] tíng[^] i dseañu[^] na e uøøíñ[^] i 'líng[^] i teáang[^] dsí[^] dsea[^].

²³ Jòba[^] cató[^]b[^] Jesús jaléng[^] i dsea[^] do, jò casí[^]-reiñ[^] do cóo[^] júu[^] já[^] e lafa[^] júu[^] cuento jò lalab cajíñ[^]:

—¿Jial lí[^] Satanás niguíñ[^] 'ñia[^]r[^]? ²⁴ Jogui fa[^] dsea[^] i seeng[^] fí[^] cóo[^] fi[^], jò nilí[^] e 'ní[^] níng[^] rúíñ[^] lajee[^] la'ó[^] yaaiñ[^], jòba[^] ja[^] huøø[^] nité[^] e seeng[^] dsea[^] e fí[^] fi[^] jò, ¿já[^] já[^]? ²⁵ Jogui lajòbi fa[^] cóo[^] sinúu[^] quiá[^]- dsea[^] lí[^] seeiñ[^] mii[^], ja[^] cuø[^] fí[^] fa[^] e seeiñ[^] juguiú[^] fí[^] jò, ¿já[^] já[^]? ²⁶ Lajòbi lí[^] cóo[^] Satanás i líng[^] fi[^] i 'líng[^] do; cofa[^] caliséiñ[^] mii[^] jogui catíñ[^] cóo[^] i 'líng[^] i líng[^] la'ó[^] 'ñia[^]r[^] do, jòba[^] ja[^] røø[^] nigü[^]íñg[^] quiá[^]r⁻, co[^] ni'ím[^]-bre congua[^] jóng, ¿já[^] já[^]?

²⁷ Jogui lajòbi cajo jí[^] jaang[^] dsea[^] lí[^]r[^] ír[^] fí[^] dsí[^] sinúu[^] e nidsijméer[^] í[^] quiá[^]- jaang[^]gui dsea[^] i bí[^]gui dsí[^] laco[^] ír[^]; co[^] la'uii[^]-jang[^] 'né[^] e ni'núm[^]-bre i dsea[^] í, jò joguiba[^] nilí[^]r[^] e nijmér[^] í[^] jóng.

²⁸ Jò jnea[^] jmitaa[^] óóna[^] e cuøø[^]m lí'íng[^] Fidié[^] dsee[^] quiá[^]- jaléng[^] dsea[^] uii[^] quiá[^]- jalé[^] e nicajméer[^] cóo[^]-gui jalé[^] e nicafé[^]r[^], ²⁹ dsu[^] song íi[^]-gui fé[^] ga[^] uii[^] quiá[^]- Jmiguí[^] quiá[^]- Fidié[^], jòba[^] dseáng[^] jò ni'ím[^] Fidié[^] dsee[^] quiá[^]- i dsea[^] í, co[^] latab[^] nirøíñ[^] dsee[^] jóng.

³⁰ Jò lanab jí[^] lí[^] júu[^] e casí[^]- Jesús i dsea[^] do ie[^] jò uí[^] e féiñ[^] do e jée[^] i 'líng[^] quiá[^]r⁻.

Mi[^] cajíng[^] Jesús i[^] niquiá[^]r[^] jogui i[^] rúíñ[^]

(Mt. 12:46-50; Lc. 8:19-21)

³¹ Jò mi[^] cang[^] jò, jò lajee[^] e iuum[^]-bi Jesús fí[^] dsí[^] e sinúu[^] do, mi[^] caguié[^] niquiá[^]r[^] cóo[^]-gui jaléng[^] rúíñ[^]. Dsu[^] jí[^] caluub[^] cajeiñ[^] do, co[^] eáam[^] fíng[^] dsea[^] teáang[^] dsí[^] e sinúu[^] jò ie[^] jò. Jòba[^] casíñ[^] jaang[^] dsea[^] i sí[^] cangote[^] Jesús. ³² Jò i dsea[^] i neáang[^] lacúng[^] lajíng[^] lí[^] sing[^] Jesús casí[^]r[^] dsea[^] do lala:

—Nab nicagüéng[^] niquí[^] cóo[^]-gui jaléng[^] rún[^] dseañu[^] cóo[^]-gui rún[^] dseam[^] e 'náíñ[^] 'nu[^], jò nab teáiñ[^] caluu[^] lana.

³³ Jòba[^] cañí[^] Jesús quiá[^]- i dsea[^] do lala:

—¿Í[^] líng[^] 'nú[^] i líng[^] niquié[^] e jogui jaléng[^] rún[^]n?

³⁴ Jogui cajóøíñ[^] i dsea[^] i neáang[^] lacúng[^] lajíng[^] lí[^] guíñ[^] do jò cajíñ[^]:

³⁵—Co[^] lí[^] doñí[^] íi[^] dsea[^] i jmóo[^] dseáng[^] lají[^] ta[^] e íng[^] Fidié[^], jòba[^] i dsea[^] íbing[^] i líng[^] rún[^]n jogui íbing[^] i líng[^] niquié[^] e cajo.

4

Cóo[^] júu[^] já[^] lafa[^] júu[^] cuento quiá[^]- mi[^] bí[^] dsea[^] mijú[^]

(Mt. 13:1-9; Lc. 8:4-8)

¹ Jò cóo[^]-gui née[^] canaang[^]tu Jesús e e'r[^] dsea[^] júu[^] quiá[^]- Fidié[^] fí[^] 'ní[^] e guiéé[^] do. Jò dsuco[^] i fím[^] dsea[^] caseáng[^]tu e fí[^] jò, jòba[^] lajee[^] jò ca'íb[^]-tu Jesús fí[^] dsí[^] cóo[^] móo[^] e sí[^] e 'ní[^] e guiéé[^] do, jò fí[^] jòb[^] caguár[^] lajee[^] e jaléng[^] i dsea[^]

caguaang⁻ do teáaiñ⁻ fi' 'ni' e guiéé' do e núur⁻ júu[^] quiáañ⁻ do. ² Jo fi' job canaang⁻ Jesús ca'e'r' jaléng[^] i dsea⁻ do jmiguiá' júu[^] já⁻ lafa' júu[^] cuento, jo lalab fé'r' e sí'r' i dsea⁻ do:

³—Janú', núu⁻na' jalé' e nifá[^]a la: Co^o ya' cagüi'fi' jaang⁻ dsea⁻ quie' mijú' e ngojñir⁻ jma[~]. ⁴ Jo lajee⁻ ngóor' jnir' jma[~] quiá'r⁻, e liing[~] e mijú' do cajiá' fi' li[~] ngóo' fi', jo jiab[~] cøøng⁻ lajo caguiling⁻ ta' jo cagó[^]'bre' e mijú' do. ⁵ Jogui sea[^]bi e mijú' do e cajiá' fi' jee[~] cuu[~] fi' li[~] ja[^] 'leáang⁻ guóo[^]' née'; jo e mijú' jo lajmináb⁻ ca'iaang⁻, co' ja[^] 'leáang⁻ 'mí[~] née' guóo[^]'; ⁶ jo dsu' mi[~] cangáng⁻ iee', cacám⁻ jo caliquiáb[^], co' ja[^] 'ga' lí' jmó[^] sea⁻ quiá⁻. ⁷ Jo e liing[~]gui e mijú' do cajiá' fi' jee[~] 'matóo', jo co' eáang[^]gui cacuáng⁻ e 'matóo' do jo níum[^] ca'uúing⁻ quiá⁻ e mijú' e ca'iaang⁻ do, joba' e mijú' do dseáng⁻ ja⁻ e cacuøb[^]. ⁸ Jogui e liing[~]gui e mijú' do cajiá' fi' li[~] jlo[^] uø⁻, joba' jlob[^] cacuáng⁻; jo e liing[~] cacuø' lí'gui treinta lacamí[^], jogui e liing[~]gui cacuø' lí'gui sesenta lacamí[^], jogui e liing[~]gui cajo cacuø' latí' cien mí[^] lacamí[^] do.

⁹ Jo cajíng[^]-gui Jesús casí'r⁻ i dsea⁻ do:

—Jaléng[^] 'nú', dsea⁻ sea⁻ loguá[^]na', núu⁻na' e júu[^] na.

E[~] uing[~] e cacuø' Jesús jalé[^] júu[^] já⁻ lafa' júu[^] cuento

(Mt. 13:10-17; Lc. 8:9-10)

¹⁰ Jo mi[~] cang[^] jo, mi[~] caje' Jesús 'ñia'r', jo jaléng[^] i dsea⁻ i neáang[^] cáang⁻ laco' guiiñ[~] do colíng[~] cóo[^]' jaléng[^] dsea⁻ guitúung⁻ quiá'r⁻ cajmingí'r⁻ dsea⁻ do e guøng[^] e júu[^] e cajíñ⁻ do e lí' lafa' júu[^] cuento. ¹¹ Joba' cañí' Jesús quiá⁻ lajaléiñ[^] do jo lalab casí⁻reiñ[^]:

—Ngíim[^] 'nú' e cuø' Fidiéé⁻ e ñí[^]na' jialco' quie' Fidiéé⁻ nifí' quiá⁻ dsea⁻ e ja[^] mí' ñí' dsea⁻ jmigüi[^] lamí[~] jéeng[^]gui; dsu' jaléng[^]gui dsea⁻ i ja[^] mí' íng[^] júu[^] quiá⁻ Fidiéé⁻, núur⁻ e júu[^] do la'eáang[^] cóo[^]' júu[^] e lí' lafa' júu[^] cuento. ¹² Co' lajob fé' fi' ní' jì' quiá⁻ Fidiéé⁻ cuaiñ[~] quiá⁻ jaléng[^] i dsea⁻ í:

Jo dsu' nañí' fa' jialgui la jøø⁻, dsu' ja[^] ninír⁻,
jogui nañí' fa' jialgui la núur⁻, dsu' ja[^] ningáiñ[^],
e laco' i dsea⁻ la'í' ja[^] niquí[^]' jíng[^] yaaiñ[~] fi' quinií⁻,
jo o'gui jnea[~] ni'ín[~]n dsee⁻ quiá⁻r[^] cajo.

Mí' cajíng[^]- Jesús e guøng[^] e júu[^] quiá⁻ i dsea⁻ bí' mijú' do

(Mt. 13:18-23; Lc. 8:11-15)

¹³ Jo cajíng[^]-gui Jesús casí'r⁻ jaléng[^] i dsea⁻ do:

—¿Su ja[^] ngáng[^] 'nú' e júu[^] já⁻ e lí' lafa' júu[^] cuento la? Jo ¿jial ningáng[^]na' e caguiee⁻gui do song ja[^] ngáng[^]na' e la? ¹⁴ Jo lalab guøng[^] e júu[^] la: I dsea⁻ i jni' e mijú' do líiñ[^] lafa' jaang⁻ dsea⁻ i jmóo' ta[~] guia' júu[^] quiá⁻ Fidiéé⁻ cuaiñ[~] quiá⁻ Dsea⁻ Jmáang⁻. ¹⁵ Jo i liing[~] dsea⁻ líiñ[^] laco' lí' e mijú' e cajiá' fi' guiá[^] fi' do, co' núur⁻ e júu[^] jo, jo mi[~] ning[^] jo, dsifí' lajob guiéé' Satanás, jo íb[^] jmóo' e íim⁻tu dsíir' lajii[^] e júu[^] e nicanúur⁻ do. ¹⁶ Jo i liing[~]gui dsea⁻ líiñ[^] laco' la lí' e mijú' e cajiá' fi' jee[~] cuu[~] lí' ja[^] 'ga' lí' guóo[^]' sea⁻, co' i dsea⁻ í núur⁻ e júu[^] quiá⁻ Fidiéé⁻ do, jo ladsifí' íáam⁻ dsíir' e íñ[^] e júu[^] jo. ¹⁷ Jo dsuco' ja[^] mí' ca'íng[^]guir dseáng⁻ e ngocáng⁻ dsíir' e júu[^] jo, joba' ja[^] huøø⁻ té'r' e já⁻ líiñ[^]; jo mi[~] dsingíiñ⁻ ee⁻go e huíng[^] osi e 'ní' ní' dsea⁻ quiá⁻r⁻ é uí[^] e cuíiñ[~] Dsea⁻ Jmáang⁻, joba' jgiéem⁻ dsíir' cóo[^]' e júu[^] jo. ¹⁸⁻¹⁹ Jogui i liing[~]gui dsea⁻ líiñ[^] laco' lí' e mijú' e cajiá' fi' jee[~] 'matóo' do, co' lico' núur⁻ e júu[^] quiá⁻ Fidiéé⁻ do, jo dsu' eáang[^]gui guing[~] dsíir' jial nilí'r' jalé' e 'né⁻, jogui eáam[^] jmigøøiñ[~] yaaiñ[~] e dsináaiñ[^] cuu⁻ cóo[^]'gui jalé' e sea⁻ fi' jmigüi[^] la. Jo lajaléb[^] e jo jmóo' e túb[^]tur e júu[^] jo, jo ja[^] ee⁻ ta[~] íng[^] quiá⁻r⁻ e já⁻ calíiñ⁻ e júu[^] jo co' ja[^] ee⁻ dsicuáng⁻ quiá⁻r⁻. ²⁰ Dsu' i liing[~]gui dsea⁻ núur⁻ e júu[^] quiá⁻ Fidiéé⁻ do, jo jáb[^] líiñ[^] e júu[^] jo, jo guiáb⁻ uúing⁻ quiá⁻r⁻, jo i dsea⁻ la'í'bing[^] líng[^] laco' lí' e mijú' e cajiá' fi' lí' jlo[^] uø⁻ do. Jogui i liing[~]gui i

dsea` la'í lãíñ' laco' e mijú` e cacuø` treinta lacamí` do, jo` i lãíng` gui lãíng' laco' e mijú` e cacuø` lí' gui sesenta lacamí` ^, jogui` i lãíng` gui lãíng' laco' e mijú` e cacuø` lajì` cien lacamí` ^ do.

*Coo`gui júu` já`- lafa' júu` cuento quiá`- jial mi` jmijneá` dsea` jì`
(Lc. 8:16-18)*

²¹ 'Jogui fñ`-biguá' 'nú' cajo: Ja` ee` uing` sea` e sí' dsea` coo` candí` mi` canuu` fí` dsí' coo` caja osi fí' coo` lí` cøøng` é, dsuco' coo` lí` ñíib' 'né` sí' do e laco' cuøøng` jneá' guiú` fí' latøøng` sináa`. ²² Jogui lajob lí', co' jii` coo` sea` e si'maang` fa' e ja` tóo` jmí` niliñi` dsea`, o'gui jii` coo` júu` e ja` mí` ñi` dsea` jéeng` gui fa' ja` tóo` jmí` e niliñir`. ²³ Joba' fñ`-i 'nú', ii` 'nú' dsea` sea` loguá` na', náa` na' jalé` e júu` na.

²⁴ Jo mi` cangf` jo, lalab cajíng`-gui Jesús casí`r` i dsea` do jo cajíñ`-:

—Quié`na' cuante lajii` e nuu`na'; co' lafa' cóo` e guia` 'nú' í', cóo` e job cajo e niguiá` Fidiéé` í` ee`gø` nicuø`r` 'nú' jo car` jii` lí`bi lajo nicuø`r` 'nú'. ²⁵ Dsuco' i dsea` i sea` quiá`, jmigui`guib` niñiñ` e nilisea`, joba' lalím` nilisea` quiá`r`; jo dsu`gui i dsea` i ja` sea` quiá`, nigüéáb` lajii` capí``jiu e sea` quiá`r` do.

Coo`gui júu` já`- lafa' júu` cuento quiá`- mijú` e cuaang`

²⁶ Jo cajím`-bigui Jesús cajo:

—Mi` quie` Fidiéé` nifí` quiá`- dsea`, lí' la lí' quiá`- jaang` dsea` i ta' mijú` fí` ná' uó`. ²⁷ Jo mi` ningf` e cajní` e mijú` do, jo nidsém`-bre fí` quiá`r`. Jo mi` nití` tú` 'ní` jmí` lajo, nidsi`ee` tur fí` lí` cató`r` e mijú` do, jo lacoo` jmí` jneá` jogui lacoo` jmí` nuu` cuaam`ba' do, dsu` i dsea` i cajní` do ja` ñir` jial e cuaang`, ²⁸ co' 'ñiab` guóo` uó` e jmóo` e cuaang` do: co' la'uii` nijnéng` sá` quiá`, jo mi` ningf` jo nijáa` lí` quiá`, jo mi` cangf` joguiba' nicuø` ofñi. ²⁹ Jo mi` lí` e nicaroo` e ofñi do, joba' nidsicü`-bre, co' lí`r` e nicatí` í` e nisitám`ba' do.

*Coo`gui júu` já`- lafa' júu` cuento quiá`- coo` mijú` e sii` mostáa`
(Mt. 13:31-32; Lc. 13:18-19)*

³⁰ Jo cajíng`-gui Jesús:

—¿Jial lãíng`-na' e lí' mi` jaang` dsea` quie` Fidiéé` nifí` quiá`r`? Jogui` e` cóo` cuøøng` nicøøng`naa'? ³¹ Jo mi` quie` Fidiéé` nifí` quiá`- dsea`, lí' lafa' e mijú` e sii` mostáa` e jní` dsea`. Jo e mijú` jo dseáng`- pí`gui lajee` lajalé` mijú` e sea` fí` jmigüi, ³² dsu` fíng` cajní` dsea`, dseáng`- féb` eáang` cuaang`, co' fé'gui eáang` lajee` lajalé` onuu`, jogui cóob`- guo` quiá`- uíng` cajo e cuøøng` guía` jaléng` ta' sii`-re' fí` yá` jee` i` quiá`-.

*E` uing` e cajíng`- Jesús e júu` já`- do e lí' lafa' júu` cuento
(Mt. 13:34-35)*

³³ Jo lajob ca'e' Jesús jaléng` dsea` júu` quiá`- Fidiéé` e quiigeáang` jalé` júu` já`- e lí' lafa' júu` cuento lí` cartí` calíng`- mogui` dsea` e jo` ningáng`-gui` guiú`. ³⁴ Jo dseáng`- ja` e'bre dsea` júu` quiá`- Fidiéé` e ja` quieeng` e júu` lajo. Dsu` lajaléb` e guóng` e júu` do jma`-bre júu` condséé` i dsea` guitúung` quiá`r` do mi` neáaiñ` colíng` lí` ja` seeng` dsea` jíéng`.

*Mi` cajméé` Jesús e ca`uáang` e í' gui` jogui e ca`uáang` e róo`- jmí`
(Mt. 8:23-27; Lc. 8:22-25)*

³⁵ Jo 'ñia' ie` jmí` jo, mi` tí` lí` ca'í`- náa`, casí`- Jesús jaléng` i dsea` guitúung` quiá`r` do lala:

—Má`-aa' fí` lí' lí' 'ngóo`- cataang` e guiéé` la.

³⁶ Joba' lajob cajméer`: caseáam`-bre i fíng` dsea` jo cangó`-bre cóo` i dsea` quiá`r` do, jo cangotáaiñ` fí` dsí' coo` móo` e nisi' do, jogui cangotáam`-bigui

dsea`jiéng` fí dsí' tú` 'ní' móo' e jié'gui, jò cangolím`biñ' do cóo'r` cajo. ³⁷ Jò lajee` ningolíñ` ní` jmíib` mí` canaang` í` guí` e teá` eáang` jogui canaang` róo` jmí` cajo, jò catí` dsí' móob` nicanaang` dsi'a` jmí`. ³⁸ Jò lajee` jò gü#m` Jesús ngóor` lí` to'míi` e móo' do e sijnuuñ` dse` cóo` to'mí' dsíng` guí`. Jòba' cangoñiñ` dsea` do ladsifí` lado jò casí` reiñ' lala:

—iTifa'! ¿Su ja` dsi'gó` o' e nicanaang` dsi'am'baa'?

³⁹ Jòba' caróo` Jesús jò caquiua'r` ta` e guí` do jò cajíñ`-:

—iCatii`!

Jògui caquiua'r` ta` e jmí` do jò cajíñ`-:

—jmí'uaáng` uó'!

Jò ladsifí` ladob ca'uaáng` e í' guí` cóo`~gui e róo` jmí`, jò tiib` ca'f` jóng.

⁴⁰ Jò mí` cangí` jò, lalab cajíng`- Jesús casí'r` i` dsea` guitúung` quiá'r` do:

—¿Jialí' eáang` 'gó`na'? ¿Su ja` já`- mí` calím`bi` lajii`- júu` quié`-e?

⁴¹ Jò mí` canúu`- i` dsea` guitúung` do lajò cafóm`bre, có' ja` ñir` jialí' cajíng`- dsea` do lado, jò canaaiñ` jmingí`- rúñ` lajee` yaaiñ` jò fé'r`:

—¿I` i` dseañu` la e la quie`gui tí` guí` cóo`~ jmí` núu`- júu` quiá'r`-?

5

Jaang`dseañu` i` teáang` i` 'ling`^ dsí'

(Mt. 8:28-34; Lc. 8:26-39)

¹ Jò mí` cangí` jò, caguié` Jesús cóo`~ i` dsea` quiá'r` do fí` lí` lí` 'ngóo`~ cataang` e guieé` do e fí` ní` guóo`~ uó`- lí` se' Gerasa. ² Jò mifíng` mí` tí` lí` cajgáng`- Jesús e fí` yá` e móo' do, cangoquieéng` fí` lí` siñ` jaang` dseañu` i` teáang` i` 'ling`^ dsí'. Jò i` dseañu` do lí` nijar` fí` codsiib` , ³ có' fí` job fí` lí` guíñ`- . Jò jii`- jaang` dsea` ja` ii` mí` cali' fa' e nicasang`- neiñ` o'gui` ii` mí` cali' fa' ni`ñúng` neiñ` cóo`~ ñí` cadena cajo. ⁴ Jò jmiguíab` ya' ninicajmée` dsea` quijí`- e ni`ñú'` guotíiñ`- do cóo`~ e ñí` jò, dsu' dsifí` lado fíiñ` do jò dseáng`- jii`- jaang` ja` ii` mí` catéé` quiá'r`- . ⁵ Jò i` dseañu` do uóo` jmíib` ngí' fí` lacaang` jee` mó' jogui lacaang` fí` lí` si'aang` jaléng` 'líi` e óor` jogui e jmihuúng` 'ñia'r` cóo`~ cuu` . ⁶ Dsu' mí` tí` lí` cangáñ`- Jesús e huím`bi, dsifí` lajob cacuír` , jò cangoquieeiñ` fí` lí` sing` dsea` do jò casí'r` uó`- jnir` e jmiféiñ` dsea` do, ⁷ jò lalab casí`-reiñ' e dsíng`- teá` óor`:

—iJesús, Jóo' Fidiéé` dsea` guing`- ñifí`- , ja` jmiguíin`^ jnea`^; jò mí`~i` 'nu` jmí'ee` fí` quini` Fidiéé` e ja` jmihuín`^ jnea`^!

⁸ Jò cajíng`- i` dseañu` i` iuung`- i` 'ling`^ dsí' do lado, có' Jesús nicanaaiñ` quiua'r` ta` i` 'ling`^ do jò cajíñ`- lala:

—i'ling`^, júu` lí` iuun`- fí` dsí' i` dseañu` na!

⁹ Jò casí`-gui Jesús i` 'ling`^ do:

—¿Jial sii`?

Jò cañí` i` 'ling`^ i` teáang`~ dsí' i` dseañu` do:

—Legióm sii` , có' fí'baa'.

¹⁰ Jò i` 'ling`^ do, eáam` mí'r` Jesús jmí'ee` e laco' ja` nisíng`- dsea` do jaléng`^ í` fí` lí` huíi`- . ¹¹ Jò có' quiá`- do nisi' cóo` mó' , jò e fí` jò nitaang`~ i` fíng` cú` e 'nó're' e gø're', ¹² jòba' i` 'ling`^ do camí'r` Jesús fí` e nidsitáaiñ`~ fí` dsí' i` cú` do, jò casí'r`- dsea` do lala:

—Siing` jnea`^ fí` dsí' i` cú` do, jò cuø' jnea`^ fí` e nidsitóo`~naa' fí` dsí're'.

¹³ Jò cacuøb` Jesús fí` jaléng` i` 'ling`^ do e nijméiñ`- do lajò, jòba' ca'uøøm`biñ` do fí` dsí' i` dseañu` do, jò fí` dsí' i` cú` i` taang`~ dob cangotáaiñ`- . Jò dsifí` lajob canaang` i` cú` do cuíi`re' fí` lí` quia`~ , jò cajiúng`ne' jiáá` car` catisíng`ne' fí` é' cóo` guieé` , jò fí` job cajgó're' jmí` jò cajúm`bre' jaléng`ne'. Jò tíib` i` cú` i` taang` do la tú` mil.

14 Jo jaléng' i dsea' i táang' jmóo' í i cú' do cacuí' bre cajo, jo cangolíin' fí lí' neaíin' e ngoguiar' júu' quiá' lajii' e calí' do, jogui sí' bir cajo jaléng' dsea' i táang' jmóo' ta' lacaang' lí' cangíin'. Jo lajii' dsea' cangolíin' cangojóor' fí lí' cangojée' jalé' e jo. 15 Jo mi' tí' lí' caguiling' i dsea' do fí lí' sing' Jesús, dob niguiing' i dseañu' i lami' teáang' jaléng' i 'ling' dsí' do e jo' e líiin' jii' coo', jo nilí' bre co' nínica'uøø' lajaléng' i 'ling' i lami' teáang' dsíir' do; joba' eáam' cafóng' jaléng' i dsea' do. 16 Jo jaléng' i dsea' i cangá' jalé' e calí' do quiá' e ca'uøøng' i 'ling' do dsí' i dseañu' do jo cangotáain' dsí' i cú' do, lajib' e jo cajmea'r' júu' jaléng' dsea' caguiaang' gui. 17 Joba' jaléng' i dsea' do canaain' mi'r' jmi'ee' Jesús e nijmihuim' 'ñia'r' e fí lí' táain' do.

18 Jo mi' tí' lí' caquing' Jesús e ni'ítur' fí dsí' móo' e nidséin', i dseañu' i lami' teáang' i 'ling' dsí' do camí'r' Jesús fí e nidsér' cóo' dsea' do. 19 Jo dsu' Jesús ja' cacuø'rein' do fí lajo, jo lí' casí' rein' do e nidséin' fí quiá' bre jogui e nisí'r' jaléng' dsea' sinúu' quiá'r' lajalé' e nicajmée' Fí'naa' cóo' ír', jogui jial calí' fí' líiin' dsea' do cajo.

20 Jo cangám' i dseañu' do i lami' teáang' i 'ling' dsí', jo canaain' guiar' júu' jo sí'r' jaléng' dsea' seeng' fí lí' se' Decápolis jalé' e guiá' e cajmée' Jesús cóo'r'. Joba' lajii' i dsea' i núu' jalé' e jo, eáam' dsigá' dsíir'.

*Mi' cajmi'leáang' Jesús jóo' Jairo
(Mt. 9:18-26; Lc. 8:40-56)*

21 Jo mi' caquing' tu Jesús fí lí' 'ngóo' cataang' e guiée' do e iuiin' dsí' móo', jo i 'leáam' dsea' i caguiling' tu fí lí' siñ', jo dob cajé' Jesús e fí 'ni' e guiée' do. 22 Jo lajee' job caguie' jaang' dseañu' i sii' Jairo i née' ni' e guá' quiá' dsea' Israel. Jo mi' tí' lí' cangáin' Jesús, catúuin' cartí' uii' tii' dsea' do, 23 jo lalab casí'r' dsea' do e mi'r' jmi'ee':

—Jesús, dob ráang' Mí' quié' e e jia' jii' bre, jo fa' nijgiée' o' jnea' niguó' e güiquidsi' guóo' fí moguir' e laco' ni'leáain', jo lajoba' ja' nijúuin'.

24 Joba' cangób' Jesús cóo' dsea' do, dsu' eáam' fíing' dsea' i ti'leáang' laco' ngóor' dseáng' e 'leng' rúm' dsea'. 25 Jo jee' i dsea' i ningolíng' do, niquiéeng' jaang' dseam' i nidsée' ningóo' mí' guitu' jii' e nilíiin' jmohuí' e tuuin' jmi'. 26 Jo eáam' nicajmée' quijí' cóo' jaléng' timí' fa' e ni'leáain', jo eáam' nica'liin' cuu' lí' laji' jii' e nisea' capí' quiá'r', dsu' ja' e ta' íng' jii' coo', co' lí' lí' ngóo' fí'guib' e líiin' do. 27 Jo mi' canúur' jial tí' 'gøng' Jesús, joba' cangoquiéein' fí lí' caluu' dsea' do lí' ngolíng' dsea' i 'leáang' do, jo catíin' capí' sí' dsea' do, 28 co' í' dsíir' e fa' capí' sí' dsea' do catíin', joba' ni'leáam' bre lajii' e jmohuí' e líiin'. 29 Jo dseáng' lajee' e guiang' e catíin' sí' dsea' do, joba' caquium' e tuuin' jmi' do, jo dsifí' lajob calilí' e ca'láam' bre lajii' e jmohuí' e lami' líiin' do. 30 Jo dsifí' lajob calilí' Jesús e cajmeáin' ta' capí' e 'gøng' quiá'r', co' líim' ii' cajmi'leáain'; joba' caji'r' nir' lí' lacaang' lí' jalíng' jaléng' dsea' do, jo lalab cajíin' cajmingí'r' jaléng' i dsea' do:

—¿I' i catíng' capí' sí' í'?

31 Jo cañí' i dsea' guitúung' do quiá'r' lala:

—¿Jialí' jmingí' lajo, Tifa'? Ne' bii' e dseáng' sicúum' baa' ngóo'naa' la, jo jmingí' bi': “¿I' i catíng' capí' sí' í'?”

32 Jo dsu' Jesús jii' nir' jii' ngó' catoo' e jóor' i i cagüi' capí' sí' r'. 33 Jo i dseam' i catíng' sí' r' do ní'bre guiá' jalé' e calí' do, joba' dseáng' e jléein' eáam' e 'gór', jo cangosí'r' uø' jnir' fí quini' dsea' do, jo job casí'-rein' e dseáng' e calí' cóo'r'. 34 Joba' casí' Jesús i dseam' do lala:

—Jóo'o, uí' e jáb' calín' júu' quié' e, joba' nica'láam' ba' lajii' jmohuí' e lami' lín'. Jo lana guøng' cóo' e guiá' fí' quií', co' jo' lín' e jmohuí' e lami' lín' do.

³⁵ Jo lajee' fé'bi Jesús e jo mi' caguiling' coo' tú' m'ing' dsea' i jalíng' fí' quíá' i dsea' i neé' ni' guá' quíá' dsea' Israel do e ngojmée'r' júu' tiquiá' i simí' jiuung' i nidsée' do lala:

—Jmóo'naa' júu' 'na' e nicajúm' jóo', jo jo' 'né' fa' fí'gui' i tifa' na e nidsé' guir' fí' quí'.

³⁶ Jo dsu' Jesús ja' cajmi'gór' lajii' e cajíng' i dsea' do, jo lalab casí'r' i fii' i neé' ni' e guá' do:

—Ja' f'øon', Jairo, lico' já' güilín' júu' quíe'.

³⁷ Jo jo' cacuø' guir' fí' i fíng' dsea' i jiéng' i cangolíng' cóo'r', jo jii' Tú' Simón cóo' gui' Tiáa' jogui' Juan, rúng' i Tiáa' do, jii' í'bing' i cangolíng' cóo'r'. ³⁸ Jo mi' caguilíñ' fí' quíá' i Jairo do, jo canúur' e ninée' má' e teáng' dsea' ta' quí' óo' dsu' e nicajúng' i jiuung' simí' do. ³⁹ Joba' casí' Jesús i dsea' do lala:

—¿Jialí' eáang' ta'na' má' jogui' jialí' jmoo'na' ta' quí'? Co' ja' sijúung' i jiuung' simí' na, co' lico' güim'bre.

⁴⁰ Jo dsu' mi' canúu' dsea' e cajíng' Jesús lajo, lico' cangím'bre dsea' do, co' ní'bre guíá' e nicajúm'biñ' do. Joba' Jesús lico' cajéiñ' jii' tiquiáb' i jiuung' simí' do cóo' gui' niquiáiñ' cóo' gui' i dsea' quíá'r' i cóo'r' do, jo cangotáam'bre e fí' dsí' lí' ráang' i jiuung' simí' i 'lí' do. ⁴¹ Jo catíng' Jesús guoo' i simí' jiuung' i 'lí' do jo casí' reiñ' lala:

—Talita cum —e guóng': Mí', jnea' fí' i 'na' e niráan'.

⁴² Jo dsifí' mi' cajíng' Jesús lado, caróob' i jiuung' simí' do, jo canaaiñ' ngí'bre co' nicají'bre. Jo jaléng' i dsea' i cangá' jalé' e jo, dseáng' eám' cango'gó' dsí'r'. ⁴³ Jo Jesús caquiur' ta' lahuíng' quíá' jaléng' i dsea' do e ja' ii' nisíñ' jii' jaang'. Jo mi' cangí' jo, caquiur' ta' e cangíng' i jiuung' simí' do e cagó'r'. Jo i jiuung' simí' do niningóor' guitú' jii'.

6

Mi' cangáng'-tu Jesús fí' Nazaret

(Mt. 13:53-58; Lc. 4:16-30)

¹ Jo mi' cangí' jo, cangám' tu Jesús fí' góor' fí' lí' cacuáiñ' fí' lí' sii' Nazaret, jo cóo'bre jaléng' dsea' guitúung' quíá'r'. ² Jo mi' catí' jmí' e jmi'íng' dsea' góo' Jesús dsea' Israel, jo canaaiñ' e'r' jaléng' dsea' jalé' júu' quíá' Fidiée' e fí' dsí' guá' e sí' fí' jo. Jo dseáng' i leáam'bi dsea' i núu' júu' e guiar' do, jo eám' dsigá' dsí' dsea', joba' lalab naaiñ' sáiñ' lajee' yaaiñ':

—¿Jie' fí' lí' cajmitíng' i dseañu' na jalé' e tiiñ' na? ¿Jie' lí' caguir' e tá' tíng' lí' cóo' gui' jalé' e lí' e 'gøng' e jmóor' e dsigá' dsí' dsea'? ³ ¿Su o' i nabi i líng' tí'ma' do, jóo' Yá' jogui' rúíñ' Tiáa' cóo' gui' Sé' jogui' Judas cóo' Simón? Jogui' ¿su o' labi neáang' jaléng' rúíñ' dseamí' cajo jee' jneaa' aa' la?

Jo uí' e joba' e ja' 'ga' lí' iing' dsea' fa' dseáng' e cajmi'gór' dsea' do. ⁴ Joba' lalab casí' Jesús jaléng' i dsea' do jo cajíñ':

—Doñí' jiéb' jmi'gó' dsea' jaang' dsea' i fé' cuaiñ' quíá' Fidiée', lífa' ja' jmi'gór' dsea' do fí' lí' lí' góoiñ' fí' lí' caliséiñ' fí' lí' neáang' jaléng' rúíñ' osi jaléng' dsea' sinúu' quíá'r' é.

⁵ Joba' ja' 'ga' lí' cajmée' Jesús jii' coo' e 'gøng' e dsigá' dsí' i dsea' góor' do, co' lico' caquidsir' guóor' fí' moguí' tú' 'ní' m'ing' dsea' dsée' jo lajii' í'bing' i cajmi'leáaiñ'. ⁶ Jo eám' cangogá' dsí' Jesús quíá' jaléng' i dsea' góor' do, co' dseáng' ja' já' lí' m'biñ' do lajii' júu' quíá'r'. Jo mi' cangí' jo, dséeb' Jesús lacaang' jalé' fí' pí' e neé' có' quíá' do e dsí'e'r' dsea' júu' quíá' Fidiée'.

Mi' casíng' Jesús dsea' guitúung' quíá'r' e nidsiguaiñ' do júu' quíá' Fidiée'
(Mt. 10:5-15; Lc. 9:1-6)

⁷ Jo lajee˘ job cató˘r˘ i dsea˘ guitúung˘ quiá˘r˘ do jo canaaíñ˘ s̄ing˘neíñ˘ do tá˘ la gáíñ˘ e nidsi˘éieñ˘ do dsea˘ júu˘ quiá˘r˘ Fidié˘, jogui cacuó˘bireíñ˘ e quí˘r˘ jm̄i˘ cajo e quiu˘r˘ ta˘ quiá˘r˘ jaléng˘ i ˘ling˘. ⁸ Jo caquiú˘ Jesús ta˘ quiá˘r˘ i dsea˘ guitúung˘ quiá˘r˘ do e ja˘ nicáíñ˘ do jíí˘ coo˘ fí lí nidsilíñ˘; jíí˘ coo˘ ˘ma˘u˘ba˘ ˘né˘ só˘r˘, jo ja˘ ˘né˘ fa˘ nicár˘ nosúu˘ quiá˘r˘ o˘gui ir˘ e nidó˘r˘ o˘gui cuu˘ cajo. ⁹ Jo jíí˘ lom̄i˘ e ó˘bre ˘né˘ cár˘, co˘ ja˘ ˘né˘ fa˘ e nicá˘guir e jíé˘ o˘gui sí˘r˘ e co˘ quié˘guir. ¹⁰ Jo lalab casí˘r˘ i dsea˘ guitúung˘ quiá˘r˘ do:

—Mí˘ nigüítaang˘ na˘ fí quiá˘r˘ dsea˘ lí niguiling˘ na˘, fí job nijá˘ na˘ carta˘ nilí lajíí˘ ta˘ güiling˘ na˘. ¹¹ Jo song caguiling˘ na˘ coo˘ quiá˘r˘ dsea˘ lí ja˘ íñ˘ ˘nú˘ o˘gui iñ˘ ninúr˘ júu˘ e quié˘ na˘, joba˘ uóom˘ba˘ ladsifí lado quiá˘r˘ i dsea˘ í, jo bó˘ na˘ ˘lee˘ too˘ tí˘ na˘ e laco˘ cuó˘ lí e Fidié˘ nicuó˘r˘ dsea˘ do ihuú˘ uí˘ e jo.

¹² Jo lajob cajmée˘ i dsea˘ guitúung˘ quiá˘r˘ do, cangoguia˘bre júu˘ jee˘ jaléng˘ dsea˘ e quiá˘r˘ e niqú˘r˘ nijíng˘ yaaiñ˘ fí quini˘ Fidié˘. ¹³ Jogui ca˘uóom˘bir jaléng˘ i ˘ling˘ i teáang˘ dsí˘ dsea˘ lacaang˘ lí guilíñ˘, jogui cajmi˘leám˘ bir i f̄ing˘ dsea˘ dsée˘ e lico˘ éer˘ capí˘ aceite fí moguiñ˘ do.

Mí˘ cajúng˘ Juan i seáang˘ dsea˘ jm̄i˘

(Mt. 14:1-12; Lc. 9:7-9)

¹⁴ Jo eám˘ cani˘ júu˘ quiá˘r˘ jalé˘ e eáang˘ ˘gøng˘ e dsigá˘ dsí˘ dsea˘ e jmóo˘ Jesús. Jo mí˘ caliñí˘ dseata˘ Herodes jalé˘ e guiú˘ e jmóo˘ dsea˘ do, joba˘ lalab cajíñ˘:

—Jangám˘ i nab i Juan i lami˘ seáang˘ dsea˘ jm̄i˘ i ninicají˘tu˘ jee˘ jaléng˘ ˘lí˘, joba˘ eáang˘ tíiñ˘ e jmóor˘ jalé˘ e dsigá˘ dsí˘ dsea˘.

¹⁵ Jo i líng˘gui dsea˘ fé˘r˘ lala:

—Líib˘ i na˘ i café˘ cuaiñ˘ quiá˘r˘ Fidié˘ malí˘ gui eáang˘.

Jo i líng˘gui dsea˘ fé˘r˘ lala:

—Jaang˘gui dsea˘ i fé˘ cuaiñ˘ quiá˘r˘ Fidié˘b˘ i na˘, lí˘ laco˘gui i nicajalíng˘ lami˘ jéeng˘gui.

¹⁶ Dsu˘ mí˘ canúu˘ dseata˘ Herodes e júu˘ la, joba˘ lalab cajíñ˘:

—Juan i lami˘ seáang˘ dsea˘ jm̄i˘b˘ i na˘, dsea˘ i nicaquiú˘ta˘ ta˘ e cahuí˘ moguir˘, jo lifa˘ lanagui e nicají˘tur˘ jee˘ jaléng˘ ˘lí˘.

¹⁷ Co˘ lami˘ jéeng˘gui do i dseata˘ Herodes do caquiú˘r˘ ta˘ e catáng˘ i Juan i seáang˘ dsea˘ jm̄i˘ do jo ca˘ñúng˘neíñ˘ cóo˘ ní˘ cadena fí dsí˘ ˘nuñí˘ uí˘ jaang˘ dseam̄i˘ i síi˘ Herodías; jo i dseam̄i˘ la líiñ˘ dseam̄i˘ quiá˘r˘ Líi˘, i rúng˘ dsea˘ ngáang˘ cóo˘ dseata˘ Herodes do. Jo dseata˘ Herodes nicajméer˘ lafa˘ dseam̄i˘ quiá˘r˘ bre i dseam̄i˘ quiá˘r˘ i Líi˘ do. ¹⁸ Joba˘ lami˘ jéeng˘gui ninicajíng˘ i Juan i seáang˘ dsea˘ jm̄i˘ do e casí˘r˘ i dseata˘ Herodes do lala:

—Ja˘ dseeng˘ e jmée˘ lafa˘ dseam̄i˘ quí˘r˘ i oo˘ dseañu˘ rún˘ dsea˘ ngáang˘ cóo˘.

¹⁹ Jo mí˘ canúu˘ i dseam̄i˘ i síi˘ Herodías do lado, joba˘ ˘nib˘ cangáíñ˘ i Juan do jóng, jo dseáng˘ iñ˘ nijngám˘ breíñ˘ do, dsu˘ huúim˘jiu˘ e nilí˘r˘ lajo, ²⁰ co˘ níib˘ dseata˘ Herodes guiú˘ e jaang˘ dsea˘ güeang˘ líng˘ i Juan do jogui dseáng˘ røø˘ ír˘ í˘ quiá˘r˘ jaléng˘ dsea˘ cajo. Jo uí˘ joba˘ ja˘ fí cuó˘ i dseata˘ Herodes do fa˘ ee˘ nijmeáng˘ dsea˘ i Juan i seáang˘ dsea˘ jm̄i˘ do. Jo nañí˘ fa˘ ja˘ ˘ga˘ lí ngáng˘ dseata˘ Herodes lajíí˘ júu˘ quiáíñ˘ do, dsu˘ tib˘ dsíir˘ e núur˘ jalé˘ e júu˘ jo e iáang˘ dsíir˘. ²¹ Dsu˘ coob˘ mí˘ tí˘ lí calí˘ i dseam̄i˘ i síi˘ Herodías do mí˘ tí˘ lí catí˘ coo˘ jm̄i˘ e quiá˘r˘ cadsí˘ dseata˘ Herodes jíi˘, jo cajméer˘ coo˘ jm̄i˘ fé˘ jo cató˘r˘ i f̄ing˘ dsea˘ laniing˘ i seeng˘ fí lí se˘ Galilea colíng˘ cóo˘ jaléng˘ fíi˘ ˘lée˘. ²² Jo lajee˘ e teáaiñ˘ e jm̄i˘ do, ca˘í˘ i simí˘ quiá˘r˘ i Herodías do fí dsí˘ sinúu˘ e lí teáang˘ jaléng˘ i dseañu˘ do e gø˘r˘ jo cadséeíñ˘, jo dseáng˘ eám˘

catí dsíi i dseata~ Herodes do coling~ cóo~ jaléng~ dseañu i caguaang~ gui do e cadséeng i simí do. Joba' cajíng~ dseata~ Herodes casí'r i simí do lala:

—Míi~ jnea~ lí^ doñí ee`iin~, jo nicuø'baa.

²³ Jo dseáng~ cacuø'bre júu^ quiá'r i simí do e nicuø'breiñ' do lí^ doñí ee`iin~ do nañí fa' condseá' uø~ lí~ quiá'r ta~. ²⁴ Joba' mi~ canúu i simí do lado, jo cagüi'í'bre jo cangám'bre fí lí~ guing~ niquiá'r^ jo lalab cajmingí'r dseá do:

—¿E~ nimíi i dseata~ do, Nea~?

Joba' cañí i niquiá'r^ do jo lalab casí'r~reiñ':

—Míi'r~ mogui~ Juan i seáng~ dseá jmi~ do.

²⁵ Jo i simí do dsifí ladob ngó~tur güi'í' fí lí~ guing~ dseata~ Herodes, jo mi~ caguié'r fí jo lalab casí'r~reiñ':

—Lana iin~n e nicuø'^ jnea~ mogui~ Juan i seáng~ dseá jmi~ fí cóo`dsí' huí'.

²⁶ Jo mi~ canúu dseata~ Herodes lado, eám' fí' calíñ~, jo dsuco' jéem' nicacuø'guir júu^ quiá'r fí quini~ jaléng' i dseá niing~ i cagó' coling~ cóo'r do e nicuø'bre i simí do lí^ doñí ee`iin~, joba' lajob 'né~ jmér~. ²⁷ Joba' dsifí ladob casíñ' jaang' 'lé~ fí lí~ iuung~ i Juan do fí dsí' 'nuñí', jo caquiá'r ta~ i 'lé~ do e niquiúñ' mogui i Juan do. ²⁸ Joba' cangób~ i 'lé~ do fí dsí' 'nuñí', jo cangoquiú'bre mogui i Juan do, jo cacór~ e iá' fí cóo`dsí' huí', jo cajá'bre i simí do, jo i simí dogui cajá'r niquiá'r^ . ²⁹ Jo mi~ caliñí jaléng' i dseá i ngí cóo' Juan i seáng~ dseá jmi~ do e nicalí lado, joba' dsifí lajob camir' fí e nitø'bre i 'lí~ do e quiá' e ni'áng~ neiñ'.

Mí cahéng' Jesús 'ñiá`mil dseañu`

(Mt. 14:13-21; Lc. 9:10-17; Jn. 6:1-14)

³⁰ Jo mi~ cangí jalé' e jo, caquim~tu jaléng' i dseá guitúung~ do fí lí~ cangolíñ~ e cangoguiar~ e júu^ do, jo caseám'tur cóo' Jesús jo cajú'r júu^ fí quini~ dseá do cuaiñ~ quiá' jalé' e nicajméer cóo'gui jalé' e nica'er do. ³¹ Jo có' dseáng~ eám' seeng~ dseá fí jo e jíi' ja jøøng~ Jesús cóo' i dseá quiá'r do e có' dø'r ir~, joba' lalab casí'r Jesús i dseá quiá'r do:

—Ñilíng~na', má~aa' yee~naa' e nijmi'íng'naa' cateá' fí cóo' lí~ ja`ii' 'ga' lí dseá ngí.

³² Joba' ca'ib~ Jesús coling~ cóo' i dseá guitúung~ quiá'r do fí cóo`dsí' móo' jo cangolíñ' fí cóo' lí~ ja`ga' lí dseá ngí. ³³ Jo dsu' fíim' dseá cangáng~ ír e cangolíñ~, jo calicuíim'bre dseá do, joba' lajim' dseá i seeng~ có' quiá' do cangolíñ' fí jo, jo jéeng'guib i dseá í cagüliñ~ laco'gui Jesús. ³⁴ Jo mi~ tí lí cagüi'í' Jesús e fí dsí' e móo' do, jo cangáñ~ dseáng' i 'leám~ dseá i caseáng' fí jo, joba' calí fí~ lím~breiñ' do dsuco' teáiñ~ do la teáng~ jo'se' i ja' seeng~ i to' fíng' íre'. Joba' canaam'bre e'r i dseá do jalé' júu^ quiá'r. ³⁵ Jo mi~ tí lí ca'lóo~ e jmi~ jo cangoquiéeng i dseá guitúung~ do fí lí~ sing' Jesús jo casí'r dseá do lala:

—Fí'naa', nica'lóob~ la, jo e fí lí~ taang~naa' la ja`ii' dseá seeng~. ³⁶ I' júu^ jaléng' i dseá na, jo güidsilíñ~ lacaang~ fí'jiu e néé' có' quiá' na e laco' nidsileá'jiur e nidø'r~.

³⁷ Jo lalab cañí Jesús quiá' i dseá quiá'r do:

—Cuø'~ 'nú' jaléng' i dseá na e nidø'r~.

Joba' cañí i dseá quiá'r do lala:

—¿ling~ 'nu' e nidsileá'naa' iñí^ cóo' doscientos cuu~ denario jo nicuø'naa' jaléng' i dseá na e nidø'r~?

³⁸ Jo cañí tu Jesús quiá' i dseá guitúung~ quiá'r do jo casí'r~reiñ' lala:

—¿Jó' iñí^ si'má' 'nú'? Güijø'na' jóo' tíí.

Jō mi~ caguijōø^ i dsea` guitúung` do jóo~ iñí^ tíí, jōba' caguo~ júu^ e lajii~ 'ñiáb' iñí^ tíí cóo~ gui jii~ gáng~ 'ñu`.

³⁹ Jō mi~ canúu~ Jesús e jō, caquiur' ta~ i dsea` guitúung` quiár~ do e niguiéiñ~ jaléng` i dsea` do tá~ có nibøø` fí ni~ ñii`. ⁴⁰ Jō lajōb cajméiñ` do, caguábre tá~ cien cóo~ gui tá~ cincuenta. ⁴¹ Jō mi~ nineáng` i dsea` do røø` tá~ có nibøø~, jōba' Jesús catíiñ~ lajì 'ñiá' e iñí^ do cóo~ gui lajì gáng~ i 'ñu` do jō cajōør~ fí yá^ jmigüi, jō lajōba' cacuoør' gui'máang` Fidiée` quiár~ jalé` e jō. Jō mi~ calí jō, cafiim`bre e iñí^ do jō cacuoør' i dsea` guitúung` do quiár~ e laco' ígui nijmé~ guiéé` jee~ jaléng` i dsea` do. Jogui lajōbi i 'ñu` do cajo, cacuoør`bre e laco' nijméiñ~ do guiéé` cajo. ⁴² Jō lajiiim` i dsea` do cagøør` ie~ jō car` calitaiiñ~ guiá~. ⁴³ Jō mi~ calí gøør', lajiiñ` do caseám~ bi guitú` gui 'matá' e røøng` téé~ 'ná^ iñí^ cóo~ gui 'náng^ i 'ñu` do. ⁴⁴ Jō lajee~ lajiiing` i dsea` i cagøø` do ie~ jō, tíi`bre la 'ñiá` mil dseañu`.

*Mi~ cangí Jesús fí ni~ jmii`
(Mt. 14:22-27; Jn. 6:16-21)*

⁴⁵ Jō mi~ cangí lajō, caquiur' Jesús ta~ jaléng` i dsea` guitúung` quiár~ do e nidsitáng` tuiñ` do fí dsíí móo` e quiár~ nicuóñ~ do e guiéé` do jéeng` guijiur laco' ír` jō niguilíiñ~ fí cóo` fii` lí sií Betsaida lajee` e ii` Jesús júu^ jaléng` i dsea` caguiiang~ gui do. ⁴⁶ Jō mi~ nica'fir~ júu^ jaléng` i dsea` do, cajgóo`bre fí cóo` yá^ móo` 'ñia'r' e quiár~ nidsiféiñ` Fidiée`. ⁴⁷ Jō mi~ tí lí canuu` e jmii` jō, catí guiá^ jóob` e guiéé` do ningóo` e móo` lí teáng~ i dsea` guitúung` quiár~ do. Jō fí ni~ guóo~ uó~ quiú`bi sing` Jesús 'ñia'r'. ⁴⁸ Jō jōb mi~ cangár~ e jō nidsijeng` fí røø` e móo` do, dsuco' lí lí cøøm` 'lea' guí. Jō mi~ tí lí ningóo` nijneá` cangoquiéem` Jesús fí lí ngóo` e móo` do lí teáng~ i dsea` guitúung` quiár~ do, jō cangiñ` e ngi`bre fí ni~ jmii`. Jō mi~ tí lí catáaiñ~ e móo` do, cajméer` lafa' e cangiiim`bre. ⁴⁹ Jō mi~ tí lí cangá~ i dsea` guitúung` do quiár~ e ngóor` ngir' fí ni~ jmii`, jōba' calí dsiiñ` do e jaang` dsea` guib` do, jōba' calóor` teá, ⁵⁰ co' lajiiim`bre cangáñ~ dsea` do, jōba' eám` cafóñ`. Dsu' ladsifib` cañii` Jesús jō casí'r~ i dsea` guitúung` do lala:

—iTeá` teáng` óo`na'; jneab` la, ja` føøng`na'!

⁵¹ Jōba' ladsifí lajōb cajgóor~ dsíí e móo` do, jō ladsifí ladob ca'uáng~ e íí guí cajo. Jō dseáng~ eám` cangogá` dsíí i dsea` guitúung` do, ⁵² co' ja` mí cangám`biñ` do e guóng` e lí e quii~ jmii` e cajméé` dsea` do cóo~ e iñí^ do, dsuco' dseáng~ sijniib` moguiñ~ do, jō uíi~ jōba' e ja` ngáñ`.

*Mi~ cajmi`leáng~ Jesús jaléng` dsea` dsée~ fí Genesaret
(Mt. 14:34-36)*

⁵³ Jō cacuoør`bre cóo~ dsea` guitúung` quiár~ calé` catú~ e guiéé` do, jō caguilíiñ~ fí guóo~ uó~ lí se' Genesaret, jō fí jō lí ca'ñú'r` e móo` do fí 'ni' e guiéé` do. ⁵⁴ Jō ladsifí mi~ tí lí cajgáñ~ e móo` do, dsifí calicuíng` jaléng` i dsea` i seeng` do Jesús. ⁵⁵ Jōba' cangí jaléng` i dsea` do fí la'úng~ fí lí se' Genesaret, jō canaaiñ` jéiñ` jaléng` dsea` dsée~ quiár~ i dsiing~ ni~ 'ma' fí lí ñir` e táang` Jesús. ⁵⁶ Jō doñí` jié` lí dsée` Jesús, si lacaang` fii` pí^ osi lacaang` fii` cóo~ osi lacaang` jenuu` é, jō dsijéeng` dsea` jaléng` dsea` dsée~ quiár~ fí jee~ 'núu', jō mi' dsea` do jmi'ee` Jesús e fa' capíb` sí'bre nigüi~ i dsea` dsée~ do. Jō lajiiing` i dsea` dsée~ i güi' capí^ 'ni' sí^ dsea` do, ladsifí ladob 'láaiñ`.

7

*Jial lí` mi~ jmii`róng` dsea` dsee~ yaaiñ`
(Mt. 15:1-20)*

¹ Jo mi~ cangf jo, coo` tú~ mning~ dsea` Israel i líng' dsea` fariseo cóo~gui tú~ 'ni' mning~ tifa' quía~ júu^ quíu' ta~ quía~ dsea` Israel, jo jaléin' do jalíin' fí' Jerusalén jo cangoquíein' fí' lí' sing' Jesús. ² Jo mi~ cangá~ jaléng' i dsea` do e i líng~ lajee~ dsea` guitúung` quía~ Jesús gø'r' e ja` mí' cajmitir~ e ru'r' guoor` lí'^ laco' quí~ títng` dsea` góor` dsea` Israel, jo uíi~ joba' canaang` i dsea` do fé'r' ga` uii~ quía~ i dsea` i ngí' cóo~ Jesús do. ³ Co' jaléng' i dsea` fariseo do cóo~gui jaléng' dsea` Israel i caguiaang~gui mí' 'noo'bi jmitir~ laco' quí~ títng` 'líi' dsea` áang' quía~r~ e ja` mí' dór~ ir~ fíng song ja` mí' cajmitir~ e ru'r' guoor` dseáng~ laco' sí'í'. ⁴ Jogui cajo mi~ niquíin' e dsileáar' jalé' e gø'r' fí' 'móo~, ja` cuóøng` dór~ fíng song ja` mí' cajmitir~ e ru'r' guoor` laco' quí~ títin'. Jo jmigui~bi jalé' e quí~ títin' e jié'gui e 'né~ nijmitir~ dseáng~ laco' sí'í', fa' la e 'né~ ru'r' jalé' vas cóo~gui jalé' dsu~ cóo~gui jalé' e jmáin' ta~ e lí' ní' jogui lajobi ní' lí' güiín' cajo. ⁵ Jo uíi~ joba' jaléng' dsea` Israel i líng' dsea` fariseo cóo~gui jaléng' i tifa' do cajmingí'r~ Jesús jo casí'r~ dsea` do lala:

—¿Jialí' jaléng' dsea` quíi' ja` núu'r~ fa' e jmitir~ lajii~ e quí~ títng` 'líi' dsea` áang' quí~naa', dsea` Israel, co' ja` ru'r' guoor` laco' sí'í' ná~gui e nidór~ ir~?

⁶ Joba' cañii' Jesús quía~ i dsea` do lala:

—E jáb~ laco' café' jaang` dsea` i café' cuaiín' quía~ Fidié~ malii~gui eáang` i calisí Saíi' mi~ café'r' uii~ quíi' 'nú' e líng'na' dsea` i jmicaang~ cóo~ jalé' e fóna', co' lalab cajme' dsea` do ie~ jo:

Jaléng' i dsea` na lico' fé'bre e jmi'gór' jnea~ jii~ cóo~ layaang~ júu^ quía~bre, dsu' huim~ seeng` jalé' e í' dsíir' do e jmi'gór' jnea~.

⁷ Dsu' ja` ee' ta~ íng^ quía~r~ jii~ coo` jialco' jmiféin' jnea~, co' lico' jmitir~ lajii~ ta~ quíu' dsea` jmigüib'.

⁸ Co' 'nú' tiuum'ba' lajii~ júu^ quíu' ta~ quía~ Fidié~ jo lí'^ jmití'na' dseáng~ lajii~ e quí~ títng` la'ó' dsea` jmigüi'.

⁹ Jogui casí'~biguir i dsea` do lala:

—'Nú', lico' jmití'na' laco' quí~ títng` 'líi' yúu~ quíi'ba' jo dsu' ja` jmi'goo'na' laco' catíng~ júu^ quíu' ta~ quía~ Fidié~. ¹⁰ Co' lalab cajíng~ Moi~ malii~gui eáang': "Jmi'goo' tiquíi' cóo~ niquíi'", jogui cajíng~guir: "I dsea` i cuø' júu^ 'lí'^ tiquía'^ osi niquía'^ é, joba' ñ Fidié~ í' e 'né~ nijúung~ i dsea` la'í'." ¹¹ Jo dsu' 'nú' fóna' e jaang` dsea` cuóøm` nisí'r' tiquía'r^ osi niquía'r^ é: "Ja` cuóøng` lí' jmicóo'~o 'nú' lana, co' lajaléb' e sea` quíe~ e e lí' Corbán" (jo e la guóng' e nicacuøøø Fidié~); ¹² jogui fó'bi 'nú' cajo e i dsea` i fé' lajo jo 'né' fa' e nijmicóo~guir tiquía'r^ osi niquía'r^ é. ¹³ Jo mi~ jmoo' 'nú' e jo e jmití'na' jalé' e júu^ e casé' dsea` mí' áang' quíi'na', joba' íim~ba' lajii~ e júu^ quíu' ta~ quía~ Fidié~. Jo jmigui~bi jalé' e jié' e ja` dseeng` e cøøng`jiu'røø laco' e la e jmoo'gui 'nú'.

¹⁴ Jo mi~ cangf gui lajo, cató'~tu Jesús lajiiing` i dsea` do jo casí'r~ lala:

—Núu~na' júu^ quíe~ e lajiiing'na', jo jmee~na' úung` e ningáng'na': ¹⁵ Jii~ coo` e í' gø' dsea` cuóøng` lí' jmé~ e nili'liin' fí' quini' Fidié~. Co' lí'^ lí' lajii~ e ga` e í' dsíib' dsea`, e job e jmoo' e lí'liin' fí' quini' Fidié~ jóng. ¹⁶ Joba' fii' i 'nú', jaléng' 'nú' i dsí' loguá', núu~na' jalé' e júu^ quíe~ e la.

¹⁷ Jo mi~ cangf jo, ca'íi~ Jesús júu^ jaléng' i dsea` do, jo ca'ír~ fí' dsíi' sinúu' cóo~ lajii~ dsea` guitúung` quía~r~, jo fí' jo i dsea` quía~r~ do cajmingí'r~ reiín' cuaiín' quía~ e júu^ na. ¹⁸ Jo lalab cañii' dsea` do quía~ i dsea` quía~r~ do:

—¿Su o'gui 'nú' mí' ngám'bi' lajii~ e júu^ la cajo? ¿Su ja` mí' ní'na' e jii~ coo` e jáa' fí' caluu' cuóøng` sea' lí' jmé~ e nisó' dsea` fí' ga' jo e nijmi'ling' yaaiín' fí' quini' Fidié~? ¹⁹ Dsaco' jalé' e jo ja` dsitoo' fí' dsíi' dsea`, co' lajii~ fí' dsíi' tub' dsea` lí' ngíng' e jo, jo mi~ ningf jo, joguiba' e uøø' fí' caluu'.

Jø cajiñ¹ lajō e laco¹ jmóor¹ júu¹ e guiáb¹ lajaléb¹ e gø¹ dsea¹, jø ja¹ e si¹li¹ fi¹ quini¹ Fidiée¹. ²⁰ Jøgui cajím¹ biguir cajo lala:

—Jalé¹ e í dsíí¹ dsea¹, jalé¹ e joba¹ uíng¹ e jmi¹ling¹ yaaiñ¹ fi¹ quini¹ Fidiée¹ dsaco¹ fi¹ gab¹ cār¹. ²¹ Dsaco¹ fi¹ dsíí¹ dsea¹ li¹ uíng¹ e í dsíir¹ jalé¹ e ga¹ fa¹ jalé¹ e la: e 'lée¹ dsea¹ e güiñ¹ cóo¹ dseañ¹ osi dseam¹ i o¹ catiñ¹, jøgui jmóor¹ ta¹ jngang¹ dsea¹ rúng¹, jøgui jmóor¹ hi¹ quía¹ jaléng¹ dsea¹ rúñ¹ cajo, ²² jøgui suuiñ¹ jalé¹ e sea¹ quía¹ dsea¹ rúñ¹, jøgui jmóor¹ jalé¹ e 'li¹ e ja¹ dseeng¹, jøgui jmóor¹ ta¹ jmigoo¹, jøgui jmóor¹ jalé¹ ta¹ ja¹ dseeng¹ e sea¹ fi¹ jmigüi¹, jøgui eáang¹ dsihuñ¹ quía¹ dsea¹ rúñ¹, jøgui eáang¹ tí dsíir¹ fé¹r jalé¹ júu¹ ta¹ júu¹, jøgui eáang¹ jmijlōng¹ yaaiñ¹, jøgui ja¹ mí ca¹fí dsíir¹ røø¹ cóo¹ jalé¹ e jmóor¹. ²³ Jø jalé¹ e ja¹ dseeng¹ laba¹ e uøø¹ fi¹ dsíí¹ dsea¹, jø e joba¹ e jmóo¹ e cār¹ fi¹ ga¹ e laco¹ jmi¹ling¹ yaaiñ¹ fi¹ quini¹ Fidiée¹. Jø e job¹ júu¹ quié¹ e.

*Mi¹ já¹ calíng¹ jaang¹ dseam¹ i ja¹ lāng¹ dsea¹ Israel júu¹ quía¹ Jesús
(Mt. 15:21-28)*

²⁴ Jø mi¹ cang¹ jø, jø cagüi¹ñ¹ Jesús fi¹ jø, jø cangór¹ fi¹ li¹ se¹ Tiro cóo¹ li¹ se¹ Sidón. Jø mi¹ caguiér¹ fi¹ jø, ca¹r¹ fi¹ cóo¹ dsíí¹ sinúu¹ có¹ ja¹ iñ¹ e caliñ¹ jii¹ jaang¹ dsea¹ jie¹ fi¹ táaiñ¹; dsu¹ ja¹ calí¹r¹ fa¹ ca¹méeiñ¹, ²⁵ có¹ ladsifí ladob caliñ¹ niquía¹ jaang¹ simí¹ i ni¹iuung¹ i 'ling¹ dsíí¹ jie¹ fi¹ li¹ táang¹ Jesús. Jøba¹ ladsifí ladob cangór¹ fi¹ quini¹ dsea¹ do jø casí¹r¹ uø¹ jnr¹ fi¹ uii¹ tñiñ¹ do. ²⁶ Jø i niquía¹ i simí¹ do seeiñ¹ fi¹ li¹ huí¹, fi¹ cóo¹ fi¹ jié¹ laco¹ góo¹ Jesús, fi¹ cóo¹ li¹ sii¹ Sirofenicia. Jø mi¹ cangoquiéeiñ¹ fi¹ li¹ sing¹ Jesús, jø camí¹r¹ dsea¹ do fa¹ niguiñ¹ i 'ling¹ i iuung¹ dsíí¹ i simí¹ quía¹r¹ do. ²⁷ Jø cañi¹ Jesús quía¹ i dseam¹ do lala:

—Cuø¹ fi¹ e cuøøng¹ jaléng¹ jōō¹bi dsea¹ nidø¹ la¹uii¹, dsaco¹ ja¹ dseeng¹ e nigui¹ dsea¹ e iñi¹ e gø¹ jiuung¹ quía¹r¹ jø nicuø¹r¹ jaléng¹ dsii¹.

²⁸ Jøba¹ cañi¹ i dseam¹ do quía¹ Jesús lala:

—Jáb¹, Fíi¹, lajob líí¹, dsu¹ e jáb¹ cajo e jaléng¹ dsii¹ i teáang¹ uii¹ mes¹ sitám¹bre¹ jalé¹ cuií¹ iñi¹ e sojiú¹ quía¹ jōō¹ dsea¹.

²⁹ Jøba¹ cañi¹ tu Jesús quía¹ i dseam¹ do:

—Jáb¹ quií¹, dseam¹, nicuøø¹m¹ guøñ¹ fi¹ quií¹ lana, có¹ lana nicagüi¹ñ¹ i 'ling¹ i lamí¹ iuung¹ dsíí¹ i simí¹ quií¹ do.

³⁰ Jø cangám¹ i dseam¹ do fi¹ quía¹r¹, jø mi¹ caguiéiñ¹ fi¹ jø, cadséiñ¹ i simí¹ quía¹r¹ do fi¹ ni¹ co¹ma¹ e niguiú¹m¹ biñ¹ do, có¹ nicagüi¹ñ¹ i 'ling¹ i lamí¹ iuung¹ fi¹ dsíir¹ do.

Mi¹ cajmi¹ leáang¹ Jesús jaang¹ dsea¹ güiñg¹ jøgui i ja¹ lí fé¹

³¹ Jø mi¹ cang¹ gui lajō, cagüi¹ñ¹ Jesús e fi¹ guóo¹ uø¹ li¹ se¹ Tiro, jø cangüiñ¹ fi¹ li¹ se¹ Sidón cóo¹ gui jalé¹ fi¹ e néé¹ fi¹ li¹ se¹ Decápolis, jø caguié¹ tur e fi¹ li¹ néé¹ e guiéé¹ Galilea do. ³² Jø fi¹ job¹ caguiíng¹ dsea¹ i jéeng¹ jaang¹ dseañ¹ i güiñg¹ jøgui i ja¹ lí fé¹. Jø camí¹ jaléng¹ i dsea¹ do e fa¹ Jesús niquidsir¹ guóor¹ fi¹ mogui¹ i dsea¹ dsée¹ do. ³³ Jøba¹ cajéeng¹ Jesús i dseañ¹ do fi¹ lí¹ lacaang¹ li¹ siñ¹ fi¹ li¹ ja¹ teáang¹ dsea¹ jéng¹, jø catá¹r¹ niguóor¹ fi¹ dsíí¹ tó¹ logua¹ i dseañ¹ do, jøgui ca¹ñi¹r¹ capí¹ jø cóo¹ capí¹ jme¹e¹r¹ cagüi¹r¹ nisí¹ i dseañ¹ do. ³⁴ Jø mi¹ cang¹ jø, caséer¹ nir¹ fi¹ yá¹ jmi¹güi¹ jø caseáang¹ dsíir¹ casí¹r¹ i dseañ¹ do:

—¡Efata! —e guøng¹: ¡Güineab¹ loguá¹!

³⁵ Jø dsifí¹ mi¹ café¹r¹ lajō, ladsifí¹ lanab cana¹ logua¹ i dseañ¹ do jøgui canaang¹ fé¹bir guiá¹ cajo. ³⁶ Jø caqui¹ Jesús ta¹ jaléng¹ i dsea¹ do e ja¹ ii¹ nisíñ¹ jii¹ jaang¹. Dsu¹ fa¹ jmi¹gui¹gui¹ ya¹ e qui¹ Jesús ta¹ e ja¹ niguiá¹ jaléng¹ i dsea¹ do júu¹, eáang¹ gui¹b¹ guia¹ i dsea¹ do. ³⁷ Jø eám¹ dsigá¹ dsíí¹ jaléng¹ i dsea¹ i cangá¹ jalé¹ e jø, jø lalab fé¹r:

—Lajaléb¹ e jmóo¹ i dsea¹ na eám¹ guiá¹, có¹ lí¹bre¹ jmér¹ e ninú¹ tu jaléng¹ dsea¹ güiñg¹ jøgui jmér¹ cajo e nifé¹ tu jaléng¹ dsea¹ i ja¹ lí fé¹.

8

Mi cahéng' Jesús quiá mil dsea`
(Mt. 15:32-39)

¹ Jo mi cangf jo, jo coo jmi caseáng tu dsea` calé` catú` fí lí táang` Jesús, jo co ja` sea` e nidó` guiñ` do, joba` cató` Jesús i dsea` guitúung` quiá`r` do jo casí` reiñ` lala:

²—Eáam` fii` lín` n jaléng` i dsea` na, co` lana catí` 'ní` jmiib` e taaiñ` la cóo`~ jnea`~aa' jo jíi` coo` ja` e sea` dó`r`-; ³ jogui song jnea` niguiéen` nre fí` quiá`r` e nidsihér` ir~, dseáam` ni`uó`r` guiá` fí`, co` seem`biñ` na e jalíiñ` lí` huíi`.

⁴ Jo cañi` i dsea` guitúung` quiá`r` do lala:

—¿Jial í` óo` 'na`, Fíi`naa', e cuóong` nihéng`naa' i dsea` na? co` fí` la ja` seeng` dsea` i` 'nái` e gó`r` dsea`.

⁵ Jo cajmingí` Jesús i dsea` guitúung` quiá`r` do lala:

—¿Jó` iñi` si`mang` 'ná`?

Jo cañi` i dsea` quiá`r` do:

—E guié`ba` sea`.

⁶ Joba` caquiá` Jesús ta` e nigüea` jaléng` i dsea` do tá`- có` nibøø` fí` ni` uó`, jogui mifing` casá`-bre laji` guié` e iñi` do jo cajóor` fí` yá` e cuó`r` gui`máang` Fidiéé`. Jo ngf jo, cafiñ` e iñi` do jo mifing` cacuó`r` i dsea` guitúung` quiá`r` do, jo í`guib` cajmée` guiéé` e do jee` jaléng` i dsea` do, ⁷ jogui nisi`mam` bir jaang` gáng` 'ñu` cajo. Joba` lajob` cajmée` Jesús cóoiñ` do cajo, jang`- cacuó`r` gui`máang` Fidiéé`, joguiba` caquiá`r` ta` dsea` quiá`r` e nijméiñ` do guiéé` jee` jaléng` dsea`. ⁸ Joba` lajim`bre cagó`r` ie` jo car` calitaiñ` guiá`, jo casé`-bi guié`-gui`matá` e téé`- jalé` 'ná` e casé`-gui` do. ⁹ Jo jaléng` i dsea` i cagó` ie` jo tíi`bre jia` ja` quiá` mil. Jo mi cangf e cagó`iñ` do, ca`hib` Jesús júu` e dsilíiñ` do. ¹⁰ Jo ngf jo, cajgóob` Jesús calé` catú` fí` ni` móo` coling` cóo`~ jaléng` dsea` guitúung` quiá`r` jo cangolíiñ` fí` lí` se` Dalmanuta.

Mi camí` dsea` fariseo coo` e lí` e quí`~ jmi`
(Mt. 16:1-4; Lc. 12:54-56)

¹¹ Jo lajee` e nitáang` Jesús fí` ni` guóo`- uó` jo, job mi` caguiling` dsea` góor` i líng` dsea` fariseo e canaiñ` dsihuing` júu` quiá`r` cóo`~ dsea` do. Jo laco` niguié`r` jial ni`náiñ` dsea` do fí` quini` dseata~, joba` camí`r` dsea` do e fa` nijméiñ` do coo` e lí` e quí`~ jmi~, jo lajoba` nicuó`- lí` e Fidiéeb` dsea` casí` quiá`r`. ¹² Joba` caseáang` dsíi` Jesús e lajang`, jo ngf jo cajíiñ`-:

—¿Jiali` mí`na` jnea` e nijmee` e coo` lí` e quí`~ jmi~, co` jnea` dseáng`- fá`baa` condsée` e jíi` coo`gui` lajo` nijmee` e fí` quini`na`?

¹³ Jo dob caseáiñ` i dsea` do jo calí`-tur fí` dsíi` móo` jo cangóor` lí` lí` 'ngóo`~ cataang` e guiéé` do.

Jial líng` dsea` fariseo
(Mt. 16:5-12)

¹⁴ Jo ie` jo nica`ím` dsíi` dsea` quiá`r` fa` e nicár` e nidó`r`, jo la nitíng` coo` iñi`ba` niquie`guir fí` dsíi` e móo` do. ¹⁵ Jo cajíng` Jesús casí`r` i dsea` guitúung` quiá`r` do:

—Ñiing` óo`na` cóo`~ jalé` e e` dsea` Israel i líng` dsea` fariseo cóo`~gui` jalé` e e` dseata` Herodes, co` jalé` e e` jaléng` i dsea` í` lí` lafa` quie` iñi`.

¹⁶ Jo i dsea` guitúung` do lí` cajér` síiñ` lajee` la`ó` yaam`bre cuaiñ` quiá` e ja` quier` iñi`, ¹⁷ dsu` calilí` Jesús lajii` e síng` i dsea` do, joba` casí`-reiñ` do lala:

—¿Jiali` fó` 'ná` e ja` iñi` quié`na`? ¿Su ja` mí` cangám`bi` o`gui` mí` calilí`bi`? ¿Su dseáng`- eáam` sijni` moguí`na`? ¹⁸ Co` téeb` jminí` 'ná`, dsu` ja` jné`na`;

jogui dsi~bi loguá^na' cajo, dsu' ja`nuu'na'. ¿Su ja`tóo~ óo'na'? 19 ¿Jóo~ 'matá^ e røøng` téé~ 'ná^ e caseáng~ gui jø casitíng` 'nú^ ie~ mi~ cafiing~ jnea~ 'ñiá^ iñi^ e cagó^ 'ñiá^ mil dseañu'?

Jø cañií` i dsea` guitúung` do:

—Tíib' guitu' do.

20 —Jogui mi~ cafiing~ jnea~ e guié~ iñi^ do e cagó^ laji` quiu` mil dsea`, ¿jóo~ gui 'matá^ e røøng` téé~ 'ná^ casití~na'?

Jø cañií` tu` i dsea` do:

—Tíib' guié~.

21 Jøba' casí~ tureiñ' lala:

—¿Su ja` mí ngám^'bi' latí' lana jóng?

Mi~ cajmi'leáng~ Jesús jaang` dsea` tiuung~ fi' Betsaida

22 Jø mi~ cangí`gui lajò, caguilíng~ Jesús cóo~ dsea` quiá'r~ fi' Betsaida. Jø lajee~ e nitaaiñ~ fi' jø, caguilíng~ dsea` jéeiñ` jaang` dsea` tiuung~ fi' quini~ Jesús, jø mi'r` dsea` do fa' e nigüiñ~ capi^ i dsea` tiuung~ do. 23 Jøba' catíng~ Jesús guoo` i dsea` tiuung~ do jø cangojéeiñ` fi' lí~ 'ni' fií. Jø cajmijm'r^ jmini~ dsea` do cóo~ jme'e'r', jø ngí jø caquidsir` guoor` fi' moguiñ~; jø mi~ calí~ jø, cajmingí~ reiñ' su nilí jøør~ capi^'. 24 Jøba' cajíng~ i dsea` tiuung~ do e nicuøøm`jiu lí jøør~ jø cajíñ~:

—Nimáam`baa jaléng` dsea`. Jøø~ø e jnéeng~ lafa' 'ma` e ngí.

25 Jøba' caléb^ catú~ caquidsí` Jesús guoor` fi' ni~ jmini~ i dsea` do, jø ladsifí` lanab calijné^ i dsea` do jø ca'láam~bre, jø dseáng~ røøb` nijøør~ jóng. 26 Jø caquiú` Jesús ta~ e cangám^~biñ' do fi' quiá'r~ jø casí~reiñ' do lala:

—Ja` güiguiá^` júu^, melé^, cóo~ jalé^ e cajmé~ e cóo~ 'nu`.

Mi~ cajíng~ Tú^ e Jesús líiñ` Dsea` Jmáang~

(Mt. 16:13-20; Lc. 9:18-21)

27 Jø mi~ cangí`gui lajò, Jesús colíng~ cóo~ jaléng` dsea` guitúung` quiá'r~ cangolíñ` lacaang` jalé^ fií`jiu e née` lí se^ Cesarea quiá~ Filipo. Jø lajee~ ngolíñ~ e teáaiñ~ fi', cajmingí~ Jesús i dsea` guitúung` quiá'r~ do lala:

—¿I` í dsí` dsea` e líng` jnea~?

28 Jøba' cañií` i dsea` guitúung` do lala:

—I líng~ dsea` fé'r` e lin' Juan i lamí` seáng` dsea` jmí~, jogui i líng~ gui fé' e lin' Lí^, jogui i líng~ gui fé' e lin' jaang`gui dsea` i café^ cuaiñ~ quiá~ Fidiée~ malí~gui.

29 —Jogui 'nú', ¿i` fó'na' e líng` jnea~?

Jø cañií` Tú^ Simón quiá~ Jesús lala:

—'Nub` dsea` i líng` Dsea` Jmáang~ i casíng` Fidiée~ cuaiñ~ quiá'r~ e laco` nilaan~ dsea` jmigüí.

30 Jø caquiú` Jesús ta~ i dsea` quiá'r~ do e ja` nifé^ dsea` do júu^ uii~ quiá'r~ fa' nisí'r` dsea` jíéng^.

Mi~ cajmé` Jesús júu^ e ti` nijngáng~ dsea` ír`

(Mt. 16:21-28; Lc. 9:22-27)

31 Jø coob` mi~ canaang` Jesús e'r` jaléng` dsea` guitúung` quiá'r~ e dseáng~ nisi'ím^bre e ni'íñ` iihuí` dseáng~ e eáng`, íb` dsea` i cajár~ fi' ñifí~ e líiñ` jaang` dsea` jmigüí, jogui e jaléng` yúu~ dsea` cóøng~ i teáng~ nifí` quiá~ dsea` góor` dsea` Israel cóo~ gui jaléng` fií~ jmidsea` quiá'r~ cóo~ gui jaléng` tifa' quiá~ júu^ quiú` ta~ quiá'r~ nilí 'ní' níim~bre dsea` do. Jogui casí~guir` i dsea` quiá'r~ do e nijngám~ dsea` ír~; jø dsu' mi~ nití~ 'ni' jmí~ lajò, nijíb`tur calé^ catú~.

32 Jø dseáng~ júu^ røøb` cajmea'r` i dsea` guitúung` quiá'r~ do. Jø mi~ canúu~ Tú^ Simón lajò, cajéeiñ` Jesús fi' cóo` lí` ja` ii` núu, jø canaaiñ` jíim~bre dsea`

do. ³³ Dsu' caji'tu Jesús nir~ fí lí~ caseáaiñ dsea` quiá'r~ i caguaiang~gui do jo cajóøng~neiñ!, jogui cajiñ~ Tú^ Simón jo casí'r~ lala:

—Jéeng!~ cáan'n, Satanás! Ja` jnín~ jnea` fí, co' 'nua` ja` ngáng' laco' jii~ e í dsí' Fidié', co' lajii~ e lí' quiá'- dsea` jmigüí'ba' ní^ 'nua`.

³⁴ Jo mi~ cangí jo, cató'~ Jesús dsea` guitúung` quiá'r~ cóo'~gui jaléng' dsea` caguaiang~gui jo casí'-reiñ! do lala:

—Song ii~ dsea` iing~ ni'uíng~ dsea` quié~e, güitár` jalé' e lí dsír' 'ñia'r' jo güiseaiñ' lafa' crúu^ quiá'r~ e laco' cuø li~ e guia' dsír' e nidsingüiñ~ jalé' e huíng' uí'~ e líiñ' dsea` quié~e, jo lajoguiba' ningír~ cóo'~ jnea` jóng. ³⁵ Co' lí^ doñí ii~ dsea` i í dsí' e lí'bre nileáng~ 'ñia'r' jee~ jalé' dsee~ quiá'r~, jo dsu' i dsea` í conguiab' nibiñ^ fí lí' 'lí'; jogui doñí ii~ dsea` nijúuiñ~ uí'~ e líiñ' dsea` quié~e jogui uí'~ e ni'r' júu^ quiá'- jial laang` dsea` jee~ jalé' dsee~ quiá'r~, joba' i dsea` í nitím'~bre fí quini` Fidié' jóng. ³⁶ Co' ¿e~ ta` íng^ quiá'- jaléng' dsea` jmigüí e seeiñ` e silú'r' jmiguiá' fí jmigüí la song si'naam`bre lata~ cóo'~ jnea` mi~ nijúuiñ~? ³⁷ Osi` jial tí' cuøøng` sea` lí qui~ jaang` dsea` e laco' nilí'r' nitíiñ~ fí quini` Fidié' é? ³⁸ Co' song jaang` dsea` jmóor` i' líiñ~ uii~ quié~e jogui uí'~ quiá'- jalé' júu^ quié~e e guiaa~ fí quini` jaléng' dsea` dsee~ dsea` qui' i ja` já' líng' e júu^ jo, joba' lajob jnea~ cajo, dsea` lín'n jaang` dsea` jmigüí i jáa' fí ñifí~, nijmee~baa i' lín'n quiá'- i dsea` í mi~ tí lí~ nití' í' e nigáa'túu calé' catú~ fí jmigüí la e gáa'a jee~ e niing~ jii' niguo'^ quiá'- Fidié' colíng` cóo'~ jaléng' ángeles quiá'r~.

9

¹ Jogui casí'-bigui Jesús cajo jaléng' i dsea` quiá'r~ do:

—E laba' jmitaa~ óóna' e i líng~ 'nú' la'ó' teáang~na' la jmii~ na ja` mí nijúung~na' cartí mi~ cangí cangíng~na' jial nicá^ Fidié' nifí quiá'- dsea` la'eáang` cóo'~ e laniing~ 'gøiñ' do.

*Mi~ calisíng~ jial jnéeng~ Jesús
(Mt. 17:1-13; Lc. 9:28-36)*

² Jo mi~ cangígui jñuu~ jmii~ lajo, cangó~ Jesús fí coo` yá^ mó' e ñíí, jo lajii~ Tú^ Simómbing' jéeiñ` cóo'~gui Tiáa~ jogui Juan. Jo lajee~ e niteáaiñ~ e fí yá^ mó' do, canaang` calisíng~ jial jnéeng~ Jesús. ³ Jo calisíng~ jial lí' sí'r^ jo dseáng'- cajnéng~ e jii' jogui e tee` eáang' e jii' jaang` dsea` ja` lí'r` sér~ tee` lado mi~ ru'r'. ⁴ Jogui cangáiñ~ Lí' cóo'~gui Moi' e teáaiñ~ síiñ` cóo'~ Jesús. ⁵ Jogui lalab cajíng'- Tú^ Simón casí'r~ Jesús:

—Tifa', jeám' iáang` dsii~ e taang~naa' colíng~ fí la! Jo majmóo'~naa' 'ní' 'núu' jiiu lí~ nitaang~na': coo` quií', coo'gui quiá'- Moi~ jogui coo'gui quiá'- Lí'.

⁶ Jo cajíng'- Tú^ Simón lajo co' ja` ñí'guir e~ nijíñ~, co' dseáng'- eáam' cafóíñ^ laji' gaaiñ` do, Tú^ Simón jogui Tiáa~ cóo'~ Juan. ⁷ Jo lajee~ job mi~ cajgó~ cabøø jní' fí yá^ jmigüí, jo jee~ job caquíñ' lajaléiñ' do. Jo fí jee~ e jní' do guicaná' e guicafé' dsea` lala:

—I lab Jóo'o i 'neáan'n eáang', jo núu~na' lajii~ júu^ quiá'r~.

⁸ Jo mi~ tí lí~ cajóø~ i dsea` gaang` do lacúng' lajíng' e lí teáaiñ' do, jii~ jaang` i dsea` gáng^ do jo ii~ cangáng~guir cáang` Jesús, jo jii~ 'ñiab' dsea` do cajé'guir.

⁹ Jo lajee~ cajgáiñ~ e fí yá^ mó' do, caquiá' Jesús ta~ quiá'- i dsea` gaang` do quiá'r~ e ja` niguiáiñ' do júu^ lajii~ e nicangár~ do, co' cartí mi~ ningí e nijí'tu i dsea` i jáa' fí ñifí~ i líng' dsea` jmigüí, joba' nicuøøng' e nijméeiñ' do júu^ quiá'- jalé' e jo. ¹⁰ Joba' lajob cajmée~ i dsea` gaang` do, ja` caguiar' e júu^ jo nañí fa' jmíngí'~bre rúíñ' lajee~ la'ó' yaaiñ~ e~ guøng' e jíng'- dsea` do e nijí'tur calé' catú~. ¹¹ Jo lalab cajmíngí' i dsea` gaang` do Jesús:

—¿Jialí' fé' jaléng' tifa' quiá'- júu^ quiu' ta~ qui-ii', dsea` Israel, e Líi^bing' 'né- nijáa'tur nifi' fí' jmigüü' la?

¹² Joba' cañí' Jesús quiá'- i dsea` quiá'r- do, jō lalab casí'- reiñ' do:

—E jáb'- e nifi' nijáa'tu Líi^, jō íb' dsea` i niguiá- guiá- lajalé'. Jō ¿jialí' fé' fí' ni~ jì' quiá'- Fidiéé' e jnea~, dsea` lín'n jaang` dsea` jmigüü' i jáa' fí' ñifi-, guim'ba' 'né- e nicaa- iihuú' e eáang' cartí' nijngáng'- dsea` jnea~? ¹³ Dsu' jnea~ fá'a e fíi- i 'nú' e nicajáb- Líi^, jō cajméeb` dsea` la tí' e já- dsír' cóo'~ dsea` do lí^ laco'gui la fé' fí' ni~ jì' quiá'- Fidiéé' e nisi'í^ e nidsing'ing- dsea` do.

Mi~ cajmi'leáang- Jesús jaang` siming' i iuung- i 'ling'^ dsí'
(Mt. 17:14-21; Lc. 9:37-43)

¹⁴ Jō mi~ cangí' jō, caquing'- Jesús cóo'~ Tú^ Simón jogui Tiáa~ cóo'~ gui Juan fí' lí- táang' jaléng' dsea` guitúung` quiá'r- i caguaiang- gui do, jō cadseíñ' dsea` do jee~ cabøø~ jaléng' dsea` jiéng', jogui i lúng~ tifa' quiá'- júu^ quiu' ta~ quiá'- dsea` Israel teáaiñ- sáiiñ' cóo'~ jaléng' i dsea` do. ¹⁵ Jō mi~ tí' lí- cangáng- jaléng' i dsea` do Jesús, ladsifí' ladob cangojmijíñ' dsea` do e féng' neiñ' jogui dseáng'- eáam' dsigá' dsír' cajo. ¹⁶ Joba' lalab cajmingí'- Jesús i dsea` quiá'r- do:

—¿E~ teáang- 'nú' jmoo'na' cuee' júu^ cóo'~ jaléng' i dsea` do?

¹⁷ Joba' cañí' jaang` lajee~ i dsea` fíng' do lala:

—Tifa', lab niseen- jaang` jōo'ō, jō i 'lím'^ iuung- dsír', jō nicajméeiñ' do e ja' lí' fé' jōo'ō, ¹⁸ jō doñí' jié' sim' jōo'ō, jmóo' i 'ling'^ i iuung- dsír' do e quiñí' fí' ni~ uó^; jogui uøø' ja' fí' mo'oor-, jogui tar' majar~, jō dseáng'- i' teá' guotíir-. Joba' nicamíi~ i i dsea` quií'- na fa' e niguiñ- i 'ling'^ na, dsu' ja' mí' cali'r'.

¹⁹ Joba' cañí' Jesús quiáíñ'- do lala:

—iDseáng'- ja' já'- lím' 'nú' júu^ quié-e! ¿Lí~ jmí~ e nilínáa'~na' dseáng'- lajang'- júu^ quié-e? Jogui ¿lí~ tí' jmí~ nijmee~ e té'e cóo'~ 'nú'? Ñijéeng'na' fí' la i siming' na.

²⁰ Joba' cangojéeng' i dsea` do i siming' i dsée'~ do fí' quini~ Jesús. Dsu' mi~ tí' lí- cangáng- i 'ling'^ i iuung- dsí' i siming' do Jesús, dsifí' ladob cajméeiñ' do e cadseá-tu joñíng' i siming' do, jō caquím'- biñ' do fí' ni~ uó^ e beár', jogui e uøø' ja' fí' mo'oor-. ²¹ Joba' cajmingí'- Jesús tiquiá'^ i siming' do:

—¿Lí~ lajii'~ lúng' i siming' quií'- e la?

Joba' cañí' i tiquiáíñ'^ do quiá'- Jesús:

—Latí' jii'~ mi~ jiuum~biñ' líiñ' lana; ²² jō jmiguiab' ya' nicajméeiñ' e nicabíng- neiñ' fí' ni~ jì' jogui fí' dsí' jmí' e laco' nilí'r' nijngáng'- neiñ'. Joba' míi'~naa' 'nu' jmí'ee' fa' 'nu' bi' nilí' nijmi'leáan'^re, fíi- güilín' jnea'^ jō jmicóo'~ jnea'^.

²³ Joba' cañí' Jesús quiá'- i dsea` do lala:

—¿E lí~ song lí'baa fó' 'nu'? iCō' lajib' cuøøng` sea` lí' jmee~ jnea~ quiá'- ii' dsea` i já'- lúng' júu^ quié-e!

²⁴ Joba' cañí' tiquiá'^ i siming' i dsée'~ do e teá':

—iJáb'- lúng' jnea~ júu^ quií'-, Fíi'naa', jogui jmicóo'~ jnea~ e laco' já'- gui nilín' e jō!

²⁵ Jō mi~ cangá- Jesús e eáam' ngóo' seáng' dsea` fí' jō, joba' cajíiñ- i 'ling'^ i iuung- dsí' i siming' do jō casí'r- lala:

—Dsea' 'ling'^ i jmóo' e ja' lí' fé' jogui ja' lí' nú- i siming' na, jnea~ quiú'~u' 'nu' ta~ e nijúu'~ lí' iuun'- dsí' i siming' na, jogui e jō' quií'- jmí~ fa' e ni'ú'tu' calé' catú'.

²⁶ Jō dsifí' lajōb ca'óo' teá' i 'ling'^ do, jō cajméeiñ' do e cadseáb-tu joñíng' i siming' do. Jō mi~ cangí' joguiba' cagüi'íiñ' do fí' lí' iuuiñ-, dsu' i 'ling'^ do caseáaiñ' i siming' do dseáng'- lafa' 'lím~biñ' e lí^ laco' lajüng` dsea` do

nifé'r e cajúm-biñ' do. ²⁷ Dsu' Jesús ladsifí ladob catúñ' guoò i siming' do, jo caseang'neiñ'; jo caráam i siming' do jo casím-bre.

²⁸ Jo mi~ cangí jo, ca'í Jesús fí dsí' sinúú^ cóo~ dsea` guitúung` quiá'r-, jo fí jo i dsea` quiá'r- do cajmingí'r- dsea` do lajee` la'ó' yaaiñ~:

—¿Jialí' jnea' ja` calí'-naa' fa' caguíng'-naa' i 'ling'^ i iuung- dsí' i siming' do?

²⁹ Joba' cañí' Jesús quiáñ'- do jo cajíñ'-:

—I 'ling'^ i lado líb` ni'uóñ'- dsu' la'eáang' cóo~ e féng' dsea` Fidié` jogui jmóor` ayuno.

Mi~ cajméetu Jesús júu^ e nijnga'- dsea` quiá'r-

(Mt. 17:22-23; Lc. 9:43-45)

³⁰ Jo mi~ ca'uóñ' e fí jo, cangúim'tur fí lí se' Galilea. Jo dsu' Jesús dseáng'- ja` iim-bre fa' e caliñ' júi~ jaang` dsea` jie` fí lí táaiñ', ³¹ có' iñ~ e e'r' lajúi~ i dsea` guitúung` quiá'-bre. Jo lajee` táaiñ' fí jo, lalab s'r' jaléng' i dsea` quiá'r- do:

—E laba' fí-i 'nú' e jnea~ i cagüéng- fí jmigüi' la i jaa' fí ñiff- e lán'n jaang` dsea` jmigüi', jo 'né-ba' e nijám' dsea` jnea~ fí quini` dsea` i 'ní' ní- quié-e cartí nijngáñ'- jnea~; jo dsu' mi~ ningí 'ní' jmí lajo, nijíb'túu calé' catú-.

³² Dsu' ja` cangáng' i dsea` guitúung` do e~ uing~ e cajíng'- Jesús lado, jogui 'gó'bir cajo fa' e nijmingí'r- dsea` do.

¿I i laniing-gui fí quini` Fidié`?

(Mt. 18:1-5; Lc. 9:46-48)

³³ Jo mi~ cangí jo, jo mi~ tí lí caguilíng-tur fí Capernaum, jo cangúñ' fí dsí' sinúú^ . Jo mi~ niteáañ'- fí jo, lalab cajmingí'- Jesús i dsea` guitúung` quiá'r- do:

—¿E e ñilíng- 'nú' jñing-na' lacuee' guiá'^ fí?

³⁴ Jo mi~ canúu- i dsea` guitúung` quiá'r- do lado, lí^ cajer' tiib-, dsuco' lajee` teáañ'- do fí e jalíñ- sáñ' e i i laniing-gui lajee` la'ó' yaaiñ~ . ³⁵ Joba' caguáb` Jesús jo cató'r- i dsea` guitúung` do quiá'r- jo casí'-reñ' do lala:

—Song i dsea` iñ~ e líñ- dsea` laniing-gui, joba' güi'f' dsí'r' e íb` i dsea` i catí lí dséng-gui, jogui íb` dsea` cajo i nijmé- jalé' ta` quiu' jaléng' dsea` jiéng' e 'né- jmér-.

³⁶ Jo mi~ cangí jo, casíng' Jesús jaang` jiuung~ pí' fí guiá'^ jóo' lí teáañ'- do, jo casíñ'- i jiuung~ do jo catañ'- cuéer', jo casí'r- i dsea` quiá'r- do lala:

³⁷ —I dsea` i íng' i jiuung~ la la'eáang' cóo~ jnea~, lajob cajo íñ' jnea~; jogui i dsea` i íng' jnea~, güilíñ'bre guiá- e o' júi~ jnea~ íñ', có' lajob cajo íñ' Tiquié` e dsea` guing~ ñiff-, dsea` casíñ' jnea~ fí jmigüi' la.

I dsea` i ja` 'ní' níng- jneaa~aa' sitáam^bre cóo~ jneaa~aa'

(Lc. 9:49-50; Mt. 10:42)

³⁸ Jo mi~ cangí jo, e lab cajíng'- Juan casí'r- Jesús:

—Tifa', jnea'^ nicanem~baa' jaang` dseañu' i jmóo' ta~ uóong` jaléng' i 'ling'^ la'eáang' cóo~ 'nú', jo có' ja` ngí'guir colíng~ cóo~ jneaa~aa', joba' nicajním~baa' quiá'r- e nijmér- lajo.

³⁹ Joba' lalab cañí' Jesús quiá'- i dsea` quiá'r- do:

—Ja` jñing-na' quiá'- i dsea` do, có' ja` seeng` júi~ jaang` dsea` i nijmé- cóo` e lí e dsigá` dsí' dsea` la'eáang' cóo~ jnea~, jo mi~ nilicóong`gui lajo nifé'r` ga` uii~ quié-e. ⁴⁰ Có' i dsea` i ja` fé' ga` uii~ qui-ii', joba' cóo~ jneaa~aa' sitáañ'.

⁴¹ Jogui i dsea` i cuø' 'nú' fa' lab cóo` vas jmí uí' e 'nú' líng'na' dsea` quié-e, joba' jnea~ jmítaa- óóna' e seab` guié^ quiá'r- mi~ nití- fí jmigüi' cóo`.

Jial dseáng' e nijjúng' dsea` fí ni~ dsee-

(Mt. 18:6-9; Lc. 17:1-2)

42 'Jogui song iì dsea` jmóor` jial e niténg` fí ní dsee` doñí iì i jiuung` lala i nijá` líng` júu` quié` e, joba' guiá` guib ni`uíng` quiá` i dsea` í e nidsibíng` 'ñia`r` fí é` jmi` e guinee` cõõ` cuy` 'loo` fí moluur`. 43 Jo song guóo` nijmé` e nitén` fí ní dsee`, joba' quiáa` jóng; cõõ' guiá` gui quií` e nitáang` fí jmi`güi` la cõõ` cõõb` guóo`, jo ja` guien` fí lí` 'lí` fí lí` coo` jì cõõ` lajì tú` guóo` mí` nití` oor` quií`. 44 Cõõ' e fí jo jò` tóõ` jmi` fa' e nijúung` gui jaléng` joo` õ` gui fa' e niyu` gui jì. 45 Jogui song tii` nijmé` e nitén` fí ní dsee`, joba' quiáa` jóng; cõõ' guiá` gui quií` e nitáang` fí jmi`güi` e jlúun` e laco`gui e niguøn` cõõ` lajì tú` tii` fí lí` 'lí` 46 fí lí` teáang` joo` i ja` tóõ` jmi` nijúung` jogui fí lí` coo` jì e jò` tóõ` jmi` yu`. 47 Jogui song jminí` jmóo` e nitén` fí ní dsee`, joba' gui` jóng; cõõ' guiá` gui quií` e Fidié` quier` nifi` quií` e ja` sea` cõõ` jminí` e laco`gui téeb` lajì tú` jminí` niguøn` fí lí` 'lí` 48 fí lí` teáang` joo` i ja` 'mó` sea` quiá` jogui fí lí` coo` jì e ja` tóõ` jmi` yu`.

49 'Jo ligüeang` jaléng` dsea` quié` e la`eáang` cõõ` jalé` e huíng` e dsingüiñ` lí` laco`gui ligüeang` jalé` feá` la`eáang` cõõ` ñi` jogui jì. 50 Jo eám` íng` ta` jalé` ñi`, jo dsu` song ca`íng` lajii` e ñi` do, joba' j`jial nilí` 'nú` nijmee`na` e niliñi`tu` calé` catú`? Joba' fí` i` 'nú` e güi`uíng`na` laco` lí` ñi` e guiá` do, jo güiliseeng`na` juguiá` júu` røø` lajee` la`ó` rúng`na`.

10

Mi` ca`e` Jesús quiá` mi` tiúung` dsea` rúñ`
(Mt. 19:1-12; Lc. 16:18)

1 Jo mi` cangí` jo, cagüi`ñib` Jesús fí Capernaum jo cangó` tur` fí guóo` uõ` lí` se` Judea jogui e fí guóo` uõ` e née` lí` lí` guíe` laco` iu` gua` Jordán. Jo fí job` caseáng`tu` jaléng` dsea`, jo canaaiñ` e`r` jaléng` i dsea` do júu` quiá` Fidié` lí` laco` litüiñ` do. 2 Jo lajee` jo cangoquiéeng` jaang` gáng` dsea` Israel i líng` dsea` fariseo fí lí` sing` Jesús e lí` laco` niguié`r` jial ni`ñiñ` dsea` do fí quini` dseata`. Joba' cajmingí`r` dsea` do e su seab` fí e nitiúung` dseañu` dseamí` quiá`r`. 3 Joba' lalab cañi` Jesús quiá` i dsea` do:

—¿E` ta` caqui` Moi` e nijmee`na` quiá` e jo?

4 Jo jaléng` i dsea` do cañi`r` lala:

—Moi` cacuø`bre e líb` jaang` dseañu` nitiúuiñ` dseamí` quiá`r` lifa` 'né` seáiñ` cõõ` mají` lí` fé` lajo.

5 Joba' cañi` Jesús quiá` i dsea` do lala:

—Moi` cacuø`r` e júu` jo, cõõ' ñir` e dseáng` eáang` ue` óo` 'nú`. 6 Jo dsu` lajii` ie` mi` catiroo` jmi`güi`, “Fidié` cajmeáaiñ` dseañu` cõõ`gui dseamí”.

7 “Jo uí` e joba' e cúng` dseañu` guóor` jo 'naaiñ` quiá` sejmiir` e laco` niliseeñ` colíng` cõõ` dseamí` quiá`r`. 8 Jo lajì huáaiñ` do lafa' jaam`bre nica`uíñ` jóng.” Joba' jo` tí`guir` gáng` dsea`, cõõ' lafa' jaam` dsea` ca`uíñ`.

9 Cõõ' Fidié`bing` caguiá` uíng` e nicúng` dsea` guóor`, joba' jo` cuøøng` fa' e nitiúung` gui dsea` rúñ` mi` nicangí` e cacúng` guóor`.

10 Jo mi` cangí` jo, jo ca`íb`tu` Jesús fí dsí` sináa` colíng` cõõ` dsea` guitúung` quiá`r`, jo lajee` jo calé` catú` cajmingí` i dsea` quiá`r` do cuaiñ` quiá` e júu` e ngóo` do. 11 Joba' Jesús cañi`r` quiá` i dsea` do lala:

—Ii` dseañu` i tiúung` dseamí` quiá` jo cúñ` guóor` cõõ` dseamí` i jíéng`, joba' ée`bre dsee` fí quini` Fidié` uii` quiá` i dseamí` la`uii` do; 12 jogui song jaang` dseamí` catiúuiñ` dseañu` quiá`r` jo cacúñ` guóor` cõõ` jaang`gui dseañu`, joba' ée`bre dsee` cajo` fí quini` Fidié`.

Mi` cajmigüeang` Jesús jaléng` jiuung`
(Mt. 19:13-15; Lc. 18:15-17)

13 Jo lajee˘ jo fíim' dsea` cangojéeiñ˘ jiuung˘ quiá'r- fí li˘ táang` Jesús e laco' niquidsí' dsea` do guóor` fí moguiñ˘ e laco' niligüeaiñ˘ do, dsu' i dsea` guitúung` quiá'- Jesús do canaañ˘ jím-bre jaléng' i dsea` i dsijéeng` jiuung˘ quiá'r- fí do. 14 Jo mi˘ cangá- Jesús e jo, eáam' caliguiñ˘ jo lalab casí'r- i dsea` quiá'r- do:

—Cuóø'na' fí e jalíng- jaléng' i jiuung˘ na fí quini- jo ja` jn#ng'na' quiá'r-, dsuco' Fidiéé'bing' i quie' nifí' quiá'- jaléng' i dsea` i líng' laco' i jiuung˘ la. 15 Jo dseáng'- fá'baa e i` ja` iing˘ ni'íng' e Fidiéé' nicá' nifí' quiá'r- laco'gui íng' jaang` jiuung˘, joba' ja` toq- jmí e Fidiéé' nicá' nifí' quiá'r- cajo.

16 Jo mi˘ cangá jo, casáng' Jesús lajaang` lajaang` i jiuung˘ do, jo catañ˘ güea'^ lajaléiñ˘ do e lico' caquidsir' guóor` fí moguiñ˘.

*Mi˘ cas#ng- jaang` dseañu' i sea` cuu- cóo' Jesús
(Mt. 19:16-30; Lc. 18:18-30)*

17 Jo mi˘ cangá jo, lajee˘ e nú'-gui nilí' Jesús fí e nidsér- fí iuuiñ˘, ladsifí' ladob caguié- jaang` dseañu' i cuí, jo casí'r- uó- jnir- fí quini˘ dsea` do jo cajmingí'r- dsea` do lala:

—Tifa' i guiá- dsíí, ¿e˘ 'né- nijmee˘ jnea˘ e laco' nilí'i e niliseen- cøong` cóo' Fidiéé' car` ngongí' jmí?

18 Jo cañí' Jesús quiá'- i dseañu' do lala:

—¿Jialí' fí' jnea˘ e guiá- dsii'? E jáb'- dseáng'- jaam` dsea` guiúng- i seeng`, jo íb` Fidiéé'. 19 Jo niñí'^ lajii˘ júu^ quiu' ta˘ quiá'- Fidiéé': “Ja` jngan' dsea` rún'; ja` 'lee' e nigúín' cóo' dseañu' o'si dseamf i o' quíí'; ja` jmée'^ i; ja` cá'^ júu^ e o' já'- e en' jaléng' dsea` rún'; ja` jmigóon' dsea` rún'; jogui jmí'goo' tiquíí'^ cóo' niquíí'.”

20 Jo cajíng'- i dseañu' do lala:

—Tifa', lajaléb' e jo nicajmiti˘baa latí' jii˘ mi˘ simím'baa.

21 Joba' cajóøng- Jesús i dseañu' do e íaang` dsíir', jo cañíir' quiáíñ'- do lala:

—Coo'gui sea` e 'né- fí-i 'nu' e 'né- quíí': guóng' jo güi'niñ˘ lajalé' e sea` quíí', jo e nilí' do nijmée'^ guíéé' jee˘ jaléng' dsea` tiñíng-. Jo lajoba' nilisea` juguiá- quíí'- fí ñifí- mi˘ nití- fí jmigüi˘ cóo'. Jo mi˘ ningá e nijme'^ e nicafí-i 'nu' na, joba' nea˘ jo ningí'^ cóo' jnea˘.

22 Jo dsu' mi˘ canúu- i dseañu' do lado, eáam' fíí' calíñ˘; jo jo` íaang` dsíir' cangáíñ'- fí quiá'r-, co' líiñ˘ jaang` dsea` i eáam' sea` cuu-.

23 Jo mi˘ cangá jo, cajóø- Jesús lacúng' lí siñ', jo casí'r- i dsea` guitúung` quiá'r- do lala:

—Eáam' huíng' líí' quiá'- jaléng' dsea` sea` cuu- e nijáng' yaaiñ˘ fí quini˘ Fidiéé' e laco' dsea` do nicá' nifí' quiá'r-!

24 Jo mi˘ canúu- i dsea` guitúung` do lala, eáam' cangogá' dsíir'. Jo dsu' caléb'tu casí'- Jesús i dsea` quiá'r- do lala:

—Jóo'o, jeáam' huíng' e ni'íng' dsea` e Fidiéé' nicá' nifí' quiá'r-! 25 Co' ja'gui huíng' quiá'- jaang` jó' camello e ningíng-ne' fí dsíí' tó' jmini˘ quiá'- mocuu- 'mí' 'mí' e laco'gui jaang` dsea` sea` cuu- nilí'r' e ni'íñ' e Fidiéé' nicá' nifí' quiá'r-.

26 Jo mi˘ canúu- dsea` guitúung` quiá'r- e jo, eáang'gui b cangogá' dsíir', jo canaañ˘ jmingí'- rúíñ' lajee˘ la'ó' yaaiñ˘ lala:

—Jo ¿i˘ i nilí' e nileáiñ˘ jee˘ jalé' dsee- quiá'r'?

27 Joba' cajóøng- Jesús i dsea` do, jo cañíir' quiáíñ'- lala:

—Huím' líí' quiá'- jaléng' dsea` jmigüí, dsu' ja` líí' lajo quiá'- Fidiéé', co' lajib` quíí' dsea` do jmí˘ lí jmér-.

28 Jo mi˘ cangá jo, Tú' Simóngui canaañ˘ sí'r' dsea` do lala:

—Fí'naa', jnea'^ nīcatú^baa' lajaléb' e sea` quí-naa', jō joguiba' cangí^naa' cóo'~ 'na'.

²⁹ Joba' cañí' Jesús quiáíñ'- do:

—Dseáng' e já' e fí'i 'nú' e doñí' i' i catú jalé' e sea` quiá'- osi góor` osi ca'naaiñ` quiá'- jaléng' rúíñ' osi quiá'- tiquiá'r^ niquiá'r^ osi quiá'- jaléng' jōor` osi catúr` jalé' uó' quiá'r- dsu' uí' e ca'íñ' jnea~ jogui uí' e ni'r júu^ quiá'- jial laang` dsea` jee~ jalé' dsee~ quiá'r-, ³⁰ joba' i dsea` i ni'ím"bre fí' jmigüi' la cien née' gui e jmiguiá' quiá'- jalé' e catúr` do, nañí' fa' gab` jmáng' dsea` ír; jogui mi~ nití' fí' jmigüi' cóo', ni'ím"bre e seeíñ` cøong` cóo'~ Fidié' lata~ cajo. ³¹ Jō i lüing~ dsea` i lüing- e niññ` eáang' fí' jmigüi' la, jō dsu' í'bing' jüi'~ capí' ja ee` niing- mi~ nití' e í' jō. Jō dsu' i lüing~ dsea` i lüing- e ja ee` niññ` jüi'~ capí' fí' jmigüi' la, jō í'bing' i eáang'gui nilniing- mi~ nití' e í' jō.

Mi~ catí' 'ni'ya' e cajíng'- Jesús e nijnga'- dsea` quiá'r-
(Mt. 20:17-19; Lc. 18:31-34)

³² Jō mi~ cangí' jō, iuung- Jesús fí' e ngóor' fí' Jerusalén colüing~ cóo'~ dsea` quiá'r-, jō 'ñiab' Jesús ngóor' nifí' ie~ jō, jō caluu'gui lajō ngolíng- dsea` guitúung` quiá'r-, jō i dsea` la eáam` dsigá` dsíir'. Jō caluu' i dsea` guitúung` do ngolíng- dsea` quiá'r- caguiaang- gui, jō i dsea` la dseáng'- 'gó'bre. Jō Jesús ca'naam`bre calé' catú- cóo'~ i dsea` guitúung` quiá'r- do jō casí'- reiñ' do lajüi'~ e nidsijéé' cóo'r~ jō lalab cajíñ'-:

³³ —Jō lí' laco' jüi'~ e la móo- 'nú' jmí~ na, lana ningóo'naa' fí' Jerusalén, jō fí' fí' jōb lí~ nijáng' dsea` jnea~, dsea` cagá'-a fí' ñifí' e lüin' jaang` dsea` jmigüi', jō fí' jaguó' jaléng' fí' jmidsea` quiá'- dsea` góo'baa' cóo'~ gui fí' jaguó' jaléng' tifa' quiá'- júu^ quiu' ta~ quí-baa' lí~ nijáiñ' jnea~ jō nicuó'r- jnea~ dsee- e dseáng'- 'né- nijúum-baa; jō nijáiñ' jnea~ fí' jaguó' dsea` i ja lüing' dsea` góo'naa' dsea` Israel, ³⁴ jō nilóom-bre jnea~, jogui ni'ñíñ- jnea~, jogui nijmihuññ' jnea~ cartí' nijngám'-bre jnea~; dsu' mi~ nisúung- 'ni' jmí~ lajō, nijíb'túu calé' catú-.

Mi~ camí' Tiáa~ cóo'~ Juan cóo'~ jmi'ee'
(Mt. 20:20-28)

³⁵ Jō mi~ cangí' jō, cangoquiéeng' Tiáa~ cóo'~ gui Juan fí' lí' sing' Jesús, jō lajüi' huáiñ'- do lüiñ' jōo' jaang` dseañu' i sií' Zebedeo, jō lalab cajíng' i dsea` do casí'r- Jesús:

—Tifa', ií-naa' e nijmití' cóo'~ jmi'ee' lajüi'~ e nimí'~naa' 'na'.

³⁶ Joba' cañí' dsea` do:

—¿E~ iing~na' e nijmicóo'~o 'nú'?

³⁷ Joba' cañí' i dsea` gáng- do quiá'- Jesús:

—Cuóø'~ jnea' e nití-naa' fí' ñifí' quiá'- mi~ niguiing~tu' fí' jō e ni'ie^naa' jaang` lí' lí' dséé' jogui jaang` lí' lí' tuung~.

³⁸ Joba' cañí' Jesús quiáíñ'- do lala:

—'Nú' jüi'~ ja ñí'na' lajüi'~ e mi'na' na. ¿Su lüing-na' e nité'na' lajüi'~ e iihuñ' e nijaquiéeng' quié- e jogui e nité'na' e nijmeáng' dsea` 'nú' ga` lí' laco'gui nidsingüing- jnea~?

³⁹ Joba' cañí' i dsea` gáng- do quiá'- Jesús lala:

—Lí'baa'.

Joba' cajíng'-tu Jesús casí'-reiñ':

—E jáb'- e 'nú' nimó'na' iihuñ' cajo lí' laco'gui nimoo~ jnea~, jogui e gab` nijmeáng' dsea` 'nú' lí' laco'gui nijmeáng' dsea` jnea~; ⁴⁰ jō dsu' e nigüea' dsea` lí' lí' dséé' osi lí' lí' tuung~ é laco' guin~n, ja' jnea~ catíñ-n fa' e nicuóø- e jō, có' nigüea' fí' jō jaléng' i dsea` i nisi'íng^ i niñíng` e jō.

41 Jo mī tí lí canúū i dsea` quiá' Jesús i guínḡ-gui do e cajmée` Tiáa` cóo'~gui Juan lajo, joba' eáam' caliguiñ̄ quiáñ' do. 42 Jo dsu' Jesús cató'~bre jaléng' i dsea` guitúung` do quiá'r̄ jo casí'~reiñ' lala:

—Niñib̄ 'nú' guiá' e jee` jaléng' dsea` i ja` cuíng` Fidiée` seeng` jaléng' dseata` i quiu' ta` quiá' jaléng' dsea`, jo jaléng' i dsea` i quiu' ta` do eáam' silir' cóo' e ta` líñ̄ do. Jo lajob lí' cajo cóo' jaléng' dseata` dsea` féng' i quie' nifí quiá' jaléng' dsea`, co' laguidseam̄ quiu'r̄ ta` quiáñ' do. 43 Jo dsu' ja` cuøøng` e nidsijée' lajo jee` 'nú', co' ī i iing` i nicá' nifí jee` 'nú', íbing' i 'né- nijmé- ta` jmicóo' quiá' i caguaanḡ-gui; 44 jogui ī i iing` i nijmé- e niinḡ-guir jee` 'nú', íbing' i 'né- jmé- jalé' ta` huí' jee` jaléng' i caguaanḡ-gui e ja` jmiféng' 'ñia'r'. 45 Jo lajob 'né- jmér-, co' lajob ta` cagá- jnea` cajo, jnea` dsea` cagá-a fí ñiff- e lín'n jaang` dsea` jmigüi; co' jnea` ja` cagá-a fa' e jmóo' dsea` ta` fí quinī, co' jnea` cagá-a e laco' nijmicóo' jaléng' dsea` jmigüi jogui e laco' nijáang' 'ñia'a e nijúun- n e laco' nileáng` fíng` dsea` jmigüi jee` jalé' dsee- quiá'r̄.

*Mī cajmi'leáang- Jesús jaang` dsea` tiuung- i sii` Bartimeo
(Mt. 20:29-34; Lc. 18:35-43)*

46 Jo mī cangí jo, caguié- Jesús cóo'~ dsea` quiá'r̄ fí Jericó. Jo lajee` e uøøiñ̄ e fí jee` fī jo colínḡ cóo'~ dsea` quiá'r̄ cóo'~gui i fínḡ-gui dsea` i jiéng' cajo, jo jaang` dsea` tiuung- i sii` Bartimeo, jóo' jaang` dseañu' i sii` Timeo, guiiñ̄ 'ni' fí e jmóor' ta` mí cuu-. 47 Joba' mī tí lí calilí i dsea` tiuung- do e quiá'~ningóo' Jesús dsea` seeng` fí Nazaret, joba' canaañ̄ óo'bre jo fé'r̄ lala:

—Jesús, dsea` siju` dseata` Daví', fī güilín' jnea`!

48 Jo i fím' dsea` cajíñ̄ i dsea` tiuung- do e laco' jo` nifé'guiñ' do lado, jo dsu' i dsea` tiuung- do lí' lí teágui canaañ̄ ám'bre dsea` do jo café` tur lala:

—Jesús, dsea` siju` dseata` Daví', fī güilín' jnea`!

49 Joba' Jesús caquium'bre fí iuuiñ̄ jo cajíñ'~:

—Jéeng`na're fí la.

Joba' cató'~ jaléng' i dsea` i ngolínḡ cóo'~ Jesús i dsea` tiuung- do jo casí'~reiñ' do lala:

—Cuøø' b̄ uø' jo ráan'~, co' dob tó' Jesús 'nu`.

50 Joba' cab' caquiéer` e 'mi' jlíñ̄ do, jo lico' ca'ím-~bre jo caguiér- catí' quinī Jesús. 51 Joba' cajmingí' Jesús i dsea` tiuung- do lala:

—¿E` iing` 'nu` e nijmee` e quií'~?

Joba' cañí i dsea` tiuung- do quiá'~ Jesús lala:

—Tifa', iin`n e nijmées' e nilijné'baa.

52 Joba' cañí Jesús quiá'~ i dsea` tiuung- do lala:

—Nicuøøm` guøn'^ náng, co' nica'láam-ba' uí' e jáb' calín' júu` quié` e.

Jo ladsifí lado calijné' i dsea` do, jo cango'leáam'bre laco' ngóo' Jesús lajii' fí iuung- dsea` do.

11

*Mī ca't- Jesús fí jee` fī Jerusalén
(Mt. 21:1-11; Lc. 19:28-40; Jn. 12:12-19)*

1 Jo mī cangí jo, mī tí lí niteáañ̄ quiá'~ jee` fī Jerusalén jo e fí lí née' e fī e sii` Betfagé cóo'~gui e fī e sii` Betania, quiá'~ fí mó' e sii` Olivos, jo fí jo casínḡ Jesús gáng- lajee` dsea` guitúung` quiá'r̄, 2 jo lalab casí'r̄ i dsea` do:

—Güilínḡ-na' e fí fī pí' e née' quinī na, jo mī nigüitáng'~na' fí jee` fī, nimáang~na' jaang` bú' íee` i sing' 'ñúung' e jí' jaang` dsea` ja` ī mí caguá' fí mocóo'~re'. Jo síng'~na're' jo tee-~na're' fí la. 3 Jo song ī dsea` jíñ'~ sí'r̄ 'nú'

jiali' jmoo'na' lana, joba' síl'na're e ta~ quiu' Fí'baa', co' 'neám-bre i jó' la cateá', jo mi~ ningf jo, nijajeaam-ture' calé' catú- fí' ée^ quiáa-re'.

⁴ Joba' lajob cajmée' i dsea' gáng- quiá'- Jesús do; cangolím-bre, jo mi~ cangotáaiñ' fí' jee~ fií, cangáiñ- jaang' bú'^ i sing' 'ñúung' fí' jee~ 'núu' cáang' o'nú^ quiá'- coo' 'núu', joba' casim'bre i bú'^ do lí'^ laco' ta~ siná'r' quiá'- Jesús.

⁵ Jo i líing~ dsea' i cangá- mi~ casing' i dsea' do i bú'^ do cajíñ'-:

—¿E~gui jmoo' 'nú', dsea'? ¿Jiali' síng'na' i bú'^ na?

⁶ Joba' cañí' i dsea' gáng- do jo casí'-reiñ' lajii' júu^ e nicasí'- Jesús ír' lamí~ jéeng'gui; joba' calí'-bre cató-r- i bú'^ do. ⁷ Jo cató-bre i bú'^ do fí' lí' sing' Jesús jo caguiar' sí'r^ fí' mocóo' i bú'^ do, jo mifíing' caguáb' Jesús. ⁸ Jo fíim' dsea' cani'r' sí'r^ lacuee' guíá'^ fí', jogui seem'bi dsea' caquiur' guo' 'ma' e jia~ jo caguiar' guíá'^ fí' cajo. ⁹ Jo jaléng' dsea' i ngolíng- nifi' cóo' gui i jalíng- cøong' canaaíñ' oor' teá' jo fé'r' lala:

—iMajmifém'baa' i dsea' güeang'^ na i jáa' fí' ñiff- cuaiñ~ quiá'- Tiquí'ii' dsea' guing~ fí' jo! ¹⁰ Co' nicatí' í' e nijáa' i dsea' síju~ quiá'- dsea' áang' quí'ii' i calisí' Davi'^ do i sí'íng^ e niquiá'- ta~ quiá'- dsea' jmigüí'. iMajmiféng'naa' jogui majmi'goo-naa' Fidiée' dsea' guing~ ñiff'-!

¹¹ Jo mi~ caguié- Jesús fí' jee~ fií Jerusalem, cangór- fí' dsí' sinúu^ guá'- fé' quiá'- dsea' góor' dsea' Israel e sí' fí' jo; jo cajóor- fí' la fí' na e fí' jo, jo mi~ cangf jo, cangó-tur fí' Betania colíing~ cóo' i dsea' guitúung' quiá'r- do, co' nica'lóob- ie~ jo.

*Coo' 'ma' güíñí'^ e ja' dsi' güíñí'^ quiá'-
(Mt. 21:18-19)*

¹² Jo mi~ cajneá- e jmí~ jo, mi~ tí' lí' ca'uóoíñ' fí' Betania, cadseá- jmí'aang- Jesús. ¹³ Jo lajee' e teáaiñ' fí', huím-bi cangá- Jesús e gui~ coo' 'ma' güíñí'^ e dsi' má'^; joba' cangojóor^ catí' quiá'- su dsi' güíñí'^ quiá'- e 'ma' do, dsu' ja' ee' cadsér' jii' coo' mi~ tí' lí' caguié-, dseáng' lajii' má'ba' dsi~, co' o' jii' e dsi' güíñí'^ ie~ jo. ¹⁴ Joba' café' Jesús quiá'- e 'ma' güíñí'^ do lala:

—Jii' jaang' dsea' jo' nidó'- guir güíñí'^ quí'.

Jo canúub- dsea' guitúung' quiá'- Jesús e café'r' lajo.

*Mí~ ca'uóøng' Jesús jaléng' dsea' i jmóo' ta' 'n# fí' dsí' guá'-
(Mt. 21:12-17; Lc. 19:45-48; Jn. 2 :13-22)*

¹⁵ Jo mi~ cangf e caguilíng-tur fí' Jerusalem, job mi~ ca'í-tu Jesús fí' dsí' sinúu^ guá'- fé' quiá'- dsea' góor' dsea' Israel, jo canaaíñ' uóøm-bre jaléng' dsea' i niteáang' ta' 'n# jogui ta~ láa' e fí' dsí' sinúu^ guá'- do, jogui canaaíñ' jíim-bre jalé' mes~ quiá'- jaléng' i dsea' i neáang' ta~ jmifíing~ cuu- quiá'- jaléng' dsea' jogui mes~ quiá'- jaléng' dsea' i neáang' ta' 'n#ng' mee~ cajo. ¹⁶ Jo dseáng' jo' cacuø'r' fí' jii' jaang' dsea' fa' e nidsica~gui dsea' fí' dsí' sinúu^ guá'- jii' coo' e 'n#r'. ¹⁷ Jo lalab canaaíñ' e'r' jaléng' i dsea' do ie~ jo:

—Lalab fé' Fidiée' fí' ni~ jì' quiá'r-: “Fí' dsí' sinúu^ quié- e la íng^ ta~ e jmiféng' dsea' jnea~ lí'^ lajaléng' dsea' i seeng' fí' la'úng- fí' jmigüí'”; dsu' 'nú'gui nicajmee-na' e 'núu' la lafa' too' lí' neáang' jaléng' íib'.

¹⁸ Jo jaléng' fii~ jmidsea' quiá'- jaléng' dsea' Israel cóo' gui jaléng' tifa' quiá'- júu^ quiu' ta~ quiá'- dsea' Israel canúu-bre júu^ quiá'- Jesús, jogui canaaíñ' 'nó'r' jial nijngáiñ- dsea' do, co' 'góm'bre dsea' do, co' dseáng' eám' dsi'gó' dsí' jaléng' dsea' quiá'- lajii' e e' dsea' do. ¹⁹ Jo mi~ tí' lí' ca'í- núu^, cagüi'íib' Jesús colíing~ cóo' dsea' quiá'r- e fí' jee~ fií jo.

*Mí~ caliquiú' e 'ma' güíñí'^ do
(Mt. 21:20-22)*

20 Jo mi~ cajneá~ e jmi~ coo`gui do e la'ee, cangíng'tu Jesús cóo~ dseá` quiá'r~ fí lí~ gui~ e 'ma` güiñí~ do, joba' cangár~ e nicaliquiú~ba' do catí' jmó~ quiá'. 21 Jo job mi~ tí lí~ cadseng'~ dsí' Tú^ Simón, joba' casí'r~ Jesús lala:

—Tifa', fíng na jøø~ e 'ma` güiñí~ e caféé~ ga` uii~ quiá~ lado guié~: Nicaliquiú~b` lana.

22 Joba' cañí' Jesús quiá~ Tú^ Simón:

—Já~ güilíng'na' lajii~ júu^ quiá~ Fidié~. 23 Dseáng'~ e já~ba' fí~i 'nua` e doñí' ii~ i nijíng'~ e nisí' e mó' la: “jéeng'~ 'nua` fí na jo güiteáng' uø' fí 'ni' jmiñí'!”; jo song coo`ba' í dsír' jogui já~ líiñ e lajii~ e nicafé'r` do dseáng'~ nilitib~, joba' lajob nilí jóng. 24 Joba' fá'guí e fí~i 'nú' e lajalé' e mi' 'nú' lajee~ e fong'na' Fidié~, jo song já~ líng'na' e nica'ím~ba' e jo, joba' lajob nilí jóng. 25 Jogui mi~ fong'na' Fidié~ cajo, song ja` guiá~ seeng'na' cóo~ i líng~ dseá` rúng'na', íng'na' dsee~ uii~ quiá~ i dseá' í, jo lajoba' Tiquí'na' dseá` guíng~ ñifí~ ni'ím~bre dsee~ quí~na' cajo. 26 Jogui song 'nú' ja` íng'na' dsee~ quiá~ dseá` rúng'na', joba' lajob nijmé~ Tiquí'na' dseá` guíng~ ñifí~ cóo~ 'nú' cajo, ja` ni'íiñ~ dsee~ quí~na'.

I~ quiú' ta~ Jesús e jmóor` jalé' e jmóor`

(Mt. 21:23-27; Lc. 20:1-8)

27 Jo mi~ cangígui lajo, caquim'~tur fí Jerusalén. Jo lajee~ e ngí Jesús fí sinúú~ guá~ fé', jo cangoquiéeng' fí lí~ siñ' jaléng' fí~ jmidseá` quiá~ dseá` góor` dseá` Israel cóo~gui jaléng' tifa' quiá~ júu^ quiú' ta~ quiá'r~ cóo~gui jaléng' dseá` cóong'~ quiá'r~ cajo, 28 jo lalab cajmingí'r~ dseá` do:

—¿I~ i quiú' ta~ quí~ e jmoo' jalé' e na? ¿I~ i cacuo' 'nua` fí e cuøøng` jme' jalé' e na?

29 Jo lalab cañí' Jesús quiá~ i dseá` do:

—Jo jnea~ iim~baa jmee~ e camí' júu^ cóo~ 'nú' cajo, jo e laba' iin~n jmingí'~i 'nú': 30 ¿I~ i caquiú' ta~ quiá~ Juan i caseáng` dseá` jmi~ do? ¿Su Fidié~ osi dseá` jmiçü'b` é? Jo song nilí'na' ningí~na' quí~ e lana, joba' jnea~ nifí'~i 'nú' i~ i quiú' ta~ quí~ e e jmoo`o jalé' e na.

31 Jo lí' canaang` i dseá` do sñiñ` lajee~ la'ó' yaam~bre jo sí' rúíñ' lala:

—Song nifé'naa' e Fidiéeb~ casí' quiá'r~, joba' lalab niñí'r~ quí~naa': “¿Jialí' ja` já~ calíng'na' lajii~ júu^ quiá~ i dseá' í?” 32 ¿Osi nisí'~bñ're é e dseá` jmiçü'bing' caquiú' ta~ quiá'r~ e jmóor` lajo?

Jo co' 'góm'bre jaléng' dseá`, dsuco' lajalém' dseá` já~ líiñ` e i Juan do dseáng' já~ba' e fé'r' cuaiñ` quiá~ Fidié~, 33 joba' lalab cañí' i dseá` do quiá~ Jesús:

—Ja` ne~naa' jii~ coo`.

Joba' cañí' Jesús quiáíñ' do:

—O'gui jnea~ cuøøng` lí fí~i 'nú' i~ i quiú' ta~ quí~ e e jmoo`o jalé' e la.

12

Coo` júu^ já~ lafa' júu^ cuento quiá~ dseá` léeng' i soo` dsí'

(Mt. 21:33-46; Lc. 20:9-19)

1 Jo lajee~ e táam`bi Jesús fí Jerusalén, jo canaaíñ` féiñ' jaléng' dseá` cóo~ jalé' júu^ já~ e lí' lafa' júu^ cuento jo lalab casí~reiñ' do:

—Coo` néé~ caliséng` jaang` dseañú' mali~gui i cajní jmang'~ huíng` jø^ fí ni~ guóo~ uø~ quiá'r~; jo cajme'r' coo` iá, jogui cajme'r' coo` fí lí~ niniúung~ e nicuø~ jmí' e mí' huíng` jø^ do, jogui cajme'r'bir coo` lí~ nigüear` e quiá~ nijmér~ í. Jo mi~ cangí jo, cacuo'r' dseá` i cajmé~ ta~ e uø~ quiá'r~ do, jo cagüi'ñbre 'ñia'r' cangór~ fí lí~ huí. 2-3 Jo mi~ tí lí~ catí' í' e nisítíng', co' nicaroob` lajii~ e cajní'r' do, joba' casíng` i dseá` fí~ uø~ do jaang` dseá` léeng'~

quíar- e nidsimíiñ- lajii- e catíng- i dsea` do quiá- jalé` e caroo` e ni` guoo` uó- quiar- do. Jo mi` tí li` caguié- i dsea` 'léeng- do quiar-, i dsea` i jmáng- ta` uó- do cajmihuim`bre i dsea` 'léeng- do, jo caguiém`tureiñ' e ja` quíeiñ' do jii- coo`. ⁴ Jo mi` casíng- i dsea` fii- uó- do jaang`gui dsea` 'léeng- quiar- e quiá- nidsimíiñ- do lajii- e catíiñ-, dsu' cuub- catéé- i dsea` jmoo` ta` uó- do mogui- í cajo, jo júu` 'léb- casí- reiñ' do. ⁵ Jo mi` cangí í, i dsea` fii- uó- do casíiñ- jiéng`gui jaang` dsea` 'léeng- quiar-. Jo mi` tí li` caguié- í, cajúm-bre, co' cajngab' i dsea` jmáng- ta` uó- do quiar-. Jo mi` cangí gui lajo, i dsea` fii- uó- do i fíim`bi dsea` 'léeng- quiar- casíiñ-; jo i líng- lí- calihuim`bre, jogui i líng- dseáng- cajngab' i dsea` do quiar-.

⁶ Jo coob` mi` jaang` jóob- i dsea` fii- uó- do seáng-gui, jo íb- i dseáng- i 'neáaiñ- eáang-. Jo ca'í dsíir- e i jóor- dob nisíiñ-, co' líiñ- e i jóor- doguibing- i nijmi`gó jaléng- i dsea` do. ⁷ Dsu- i dsea` jmáng- ta` uó- do casíiñ- lajee` yaaiñ-: "I jóor- nab i nine- ni` latøng- e guoo` uó- na; joba' guiá-gui e nijngáam- baa're, jo lajoba' jneaa`aab- dsea` nilí'naa' e guoo` uó- la." ⁸ Joba' casam- bre i jóo- i dsea` fii- uó- do, jo cajngam`breiñ' do, jo cangojéeng`neiñ' do fí lí- caluub- e guoo` uó- quíaiñ- do.

⁹ Jo mi` cangí e fé- Jesús e júu` jo, jo cajmingí-r- jaléng- i dsea` do lala: —¿E` líng- 'nú- e nijmé- i dsea` fii- guoo` uó- do? E jáb- nidsé-bre jo nidsijngáam- bre jaléng- i dsea` jmoo` ta` uó- quiar- do, jo i jiém- nitáiñ- i nijmé- ta` e fí ni` guoo` uó- quiar- do.

Joba' cajíng- gui Jesús lala:

¹⁰ —¿Su ja` mi` ca'í 'nú- lajii- e too- fí ni` jì- quiá- Fidié- lí fé- lala?: E cuu- e ja` calijii- jaléng- dsea` jmo' 'nú-, lanagui dseáng- cuu- laniim- nica'uíng- quiá- 'nú-.

¹¹ Jo 'ñiab- Fí'naa- dsea` cajmée- e la, joba' dseáng- eám- dsigá- dsí'naa'. Jo lanab too- fí ni` jì- quiá- Fidié-.

¹² Jo job- mi` cajmée- quijí- jaléng- fii- jmidsea` quiá- dsea` Israel jogui jaléng- tifa' quiar- cóo- gui jaléng- dsea` cóong- quiar- jial e nisáiñ- dsea` do, co' calilí- bre e caféiñ- do e éeiñ- jaléng- íb-. Jo dsuco' 'góm- bir jaléng- dsea` i núu- júu- quiá- dsea` do, joba' catíuum- bre dsea` do jo cangolíim- bre jóng.

Mi` cajmingí-r- dsea` Jesús cuaiñ- quiá- e catíng- dseata- (Mt. 22:15-22; Lc. 20:20-26)

¹³ Jo mi` cangí gui lajo, i dsea` i quie- nifí- quiá- dsea` Israel casíiñ- fí lí- táang- Jesús coo- tú- ming- dsea` fariseo cóo- gui coo- tú- ming- dsea` quiá- Herodes e laco' ni'nóñ- do jial nisí-r- Jesús e laco' niguié-r- jial ni'níiñ- dsea` do fí quini- dseata-. ¹⁴ Jo mi` caguilíiñ- fí lí- sing- dsea` do lalab casí- reiñ-:

—Tifa', ne- naa' e jmang- júu- já- ba' fó- 'nú-, jogui e ja` 'gó- cóo- jalé- e í dsí- dsea` jogui jalé- e fé-r- uí- quí-, jogui dseáng- e já- ba' e røb- í- 'nú- í- quiá- jaléng- dsea`, co' ja` jóø- 'nú- jii- jialco' líng- dsea` lí- caluu-, jogui e e' jial e niliseeng- dsea` dseáng- laco' iing- Fidié-. Joba' jmingí- naa' 'nú- e júu- la: ¿Su 'né- quí'naa' cuu- e catíng- dseata- i guíng- fí Roma osi ja` 'né- quí'naa' é?

¹⁵ Jo co' calilí- Jesús lajii- e iing- i dsea` do jmícaaiñ-, joba' casí-r- dsea` do lala:

—¿Jialí- 'nó- na' e iing- na' niguié- na' jial e ni'níng- na' jnea- fí quini- dseata-? Fíng na cuóø- na' jnea- coo- cuu- jo nijóøø.

¹⁶ Joba' ca'e'bi i dsea` do coo- cuu-, jo cajóøb- Jesús, jo mi` cangí jo cajmingí-r- jaléng- i dsea` do lala:

—¿I- moni- too- e ni` cuu- la?, jogui ¿e- júu- e silí- fí ni- la?

Joba' cañí' i dsea` do lala quiá'- Jesús:

—Ni` dseata` dsea` guing` fi' Romab tóo`.

¹⁷ Joba' cañí'tu Jesús quiá'- jaléng' i dsea` do:

—Cuóø'~na' dseata` dsea` guing` fi' Roma lajii' e catíng` î, jogui cuóø'~na' Fidié` cajo lajii' e catíng` Fidié`.

Jo eám' cangogá` dsí' jaléng' i dsea` do mi` canúur` lajii' e júu` e cañí' Jesús do.

Mi` cajming` dsea` jial lí' mi` nijí'tu dsea` calé' catú'

(Mt. 22:23-33; Lc. 20:27-40)

¹⁸ Jo mi` cangí'gui lajo, cangolíng` coo` tú` míng` dsea` Israel i líng` dsea` saduceo fi' lí` táang` Jesús. Jo i dsea` do fé'r e jo jí'tu jaléng' 'lí'~, joba' e job e iin` nijming`r` Jesús jo casí'r` dsea` do lala:

¹⁹ —Tifa', Moi` caséer' e too` fi' ni` jì quiá'r` e song cajúng` jaang` dseañu', jo caseáañ' dseamí' quiá'r` e ja` mí seeng` jóor', joba' rúng' i dseañu' do 'né` nicúng' guór` cóo' i dseamí' 'nhi` i caseáng` do; jo mi` caliseeng` jóor` cóo' î, joba' lafa' jóob' i dseañu' quiá'r` mi` uii` do nilíng` i jiuung` do. ²⁰ Jo lafa' e já', coo` ya' caliséng` guiáng` dseañu' i la'ó' rúng', jo i dseañu' la'uii` do cacúm' guóor', dsu' jo huóø` ngó` cajúm` bre la ja` mí seem`bi jóor'. ²¹ Joba' i dseañu' i catí' tú` do cacúm' guóor` cóo' i dseamí' 'nhi` do, jo lajob cajo cajúm` bre jo jii' camíng' jóor' ja` mí lí' sém`bi; jo lajob calí' cóo' i dseañu' i catí' 'ni' do cajo. ²² Jo lajob lajii' guiám` i dseañu' do cacúng' guóor` cóo' i dseamí' do, dsu' jii' jaaiñ' do fa' caliséng` jiuung` quiá'r`. Jo mi` lí' cóng`guijia lajo, cajúm` i dseamí' do 'nia'r' cajo. ²³ Joba' mi` tí' lí' nijí'tu jaléng' i dsea` do calé' catú' fi' fi' coo`, ¿i` lajee` lajii' guiáng` i dseañu' do ni'uíng` dseáng' dseañu' quiá' i dseamí' do?

²⁴ Joba' cañí' Jesús quiáañ' do lala:

—Sijgiém` áá' 'nú', dsuco' ja` ñí'na' jial laco' fé' fi' ni` jì quiá'- Fidié`, o'gui ñí'na' jial tí' 'gøng' dsea` do cajo. ²⁵ Dsuco' mi` nijí'tu jaléng' 'lí' fi' jmi'güi coo', jo` nicúng' gui guoo` dseañu' o'gui dseamí', lí' laco' dsingíng` jaléng' ángeles quiá' Fidié` i seeng` fi' ñífi'. ²⁶ Jogui e cuaiñ` quiá' e fíng jí'tu jaléng' 'lí' do, ¿su ja` mí ca'í' 'nú' jalé' e too` fi' ni` jì quiá'- Moi' jial mi` caféng' Fidié` ír` catí' lí' si' coo' 'matóo' e ia' jì? Jo lalab casí' reiñ' do ie` jo: “Jneab` lín'n Fidié` i jmiféng' Abraham cóo' gui Isáa' jogui Jacóo` cajo.” ²⁷ Jo Fidié` ja' líiñ' Fidié` quiá' jaléng' 'lí'~, co' Fidié` quiá' dsea` jib' líiñ'; joba' sijgiém` jalé' e í' óo' 'nú'.

E lab e júu` laniing` gui quiá' Fidié`

(Mt. 22:34-40)

²⁸ Jo lajee` jo caguié` gui jaang` lajee` la'ó' tifa' quiá' júu` quiu' ta` quiá' dsea` Israel, jo mi` calilí'r` e cañib' Jesús røø' lajii' e júu` do, joba' i dsea` î cangoquiéiñ' cáang` Jesús jo cajming`r` dsea` do lala:

—¿E` e júu` laniing` gui lajee` lajalé' e júu` quiá' Fidié`?

²⁹ Joba' cañí' Jesús quiáañ' do:

—E lab e júu` e laniing` gui do quiá' lajee` lajalé' e júu` jo, jo lalab fé': “Núu`na' dsea` Israel e Fii`naa' Fidié` jii' íb` dseáng' i líng' Fii`naa'.

³⁰ Jmi'neáng' Fii' Fidié` car` ngocáng` o' jogui cóo' lajii' jmi'guí' qui' jogui cóo' lajii' e í' a' jogui cóo' lajii' bî seen'.” Jogui e nab e júu` laniing` do. ³¹ Jogui e lab e júu` laniing` e catí' tú` do: “Jmi'neáng' jaléng' dsea` rún' lí' laco' gui jmi'neáan' uø'.” Jo e nab e júu` quiá' Fidié` e laniing` gui eéang` do lajee` lajalé'.

³² Joba' lalab cañí' i tifa' do jo cajíñ':

—Eám' guiú- lajo, Tifa', dseáng'- jáb'- júu^ quií'- e já'-ba' e jaam` Fidiéé` seeng`, jo ja` seeng` i jiéng`gui. ³³ Jogui e jáb'- e 'né- e nijmi'neáng`naa' Fidiéé` dseáng'- e ngocáng` dsi'naa' jogui cóo` laji e í dsi'naa' jogui cóo` laji bí see`naa', jogui e jmi'neáng`naa' jaléng` dsea` rú'naa' laco'gui ií`naa' e nijmi'neáng` dsea` jneaa`aa', jo lajalé` e la eáang`gui quíng` laco'gui lajalé` feá'- e cuóø`naa' Fidiéé`, fa' la mi` jngang`naa' jó` fí` quinir` oši mi` ee`go e ju`naa' fí` nife' é.

³⁴ Jo mi` calilí- Jesús e guiáb- cañíi` i dsea` do, joba' casí'-reñ' do lala:

—Na jaquiéem- e tí li` nicá` Fidiéé` nifí` quií'-.

Jo mi` cangá jo, jíi` jaang`gui i dsea` do fa' cateá- gui dsír' ee` nijmingí'- guir Jesús.

I` dsea` siju` líng` Dsea` Jmáang`

(Mt. 22:41-46; Lc. 20:41-44)

³⁵ Jo lajee` e iuung- Jesús fí` guá'- fé` quiá'- dsea` góor` e si' fí` Jerusalén e e'r` dsea` júu^ quiá'- Fidiéé`, jo lalab cajmingí'r- jaléng` i dsea` i teáng` do:

—¿Jial lí' quiá'- i tifa' quiá'- júu^ quiu' ta` qui`ii', dsea` Israel, e fé'r` e Dsea` Jmáang- líiñ' siju` dseata` Daví`? ³⁶ Co' 'ñiab' dseata` Daví` cajíñ'- la'eáang` cóo` Jmiguí` quiá'- Fidiéé` lala:

Lalab cajíng'- Fidiéé` casí'r- Fíi`:

“Ní lí` lí` dsée` laco' guin`n

cartí` nijmee` e e jaléng` dsea` i 'ní` níng` 'nu` nisí'r` uó- jnir` fí` quini` e laco' nijmi`gór` 'nu`.”

³⁷ Jo cajíng'- gui Jesús e júu^ la:

—Jo song 'ñia'bi dseata` Daví` sí'r` Dsea` Jmáang- Fíi`, joba' ¿jial cuóøng` e Dsea` Jmáang- líiñ' dsea` siju` dseata` Daví` jóng?

Jo lajaléng` i dsea` fíng` i teáng- núu` do eám' íaang` dsír' e núur` jalé' júu^ e fé' Jesús.

Jalé' e ga` e jmóo` jaléng` tifa' quiá'- júu^ quiu' ta` quiá'- dsea` Israel

(Mt. 23:1-36; Lc. 11:37-54; 20:45-47)

³⁸ Jo mi` cangá jo, lalab café` Jesús jeeng` júu^ quiá'r- e er` do:

—Ñiing` óo`na' cóo` jaléng` tifa' quiá'- júu^ quiu' ta` qui`ii', dsea` Israel, co' lí` tí` dsír' e ngír' e jlo` silim`bre, jogui eáang` iñ` iñ` nijmi`gó` ír` lacaang` jee` 'núu` lí` ngír', ³⁹ jogui iñ` güeár` ni` 'masii` e jlo`gui fí` lacaang` dsí' guá'- quiá'r-, jogui iñ` e nigüeár` cajo dseáng'- la jmang'- lí` jlo`gui fíng` catí` e nidó'r-, ⁴⁰ jogui gui`bre 'nu` jaléng` dseamí` i 'nii-, jogui jmicaaiñ` e fé'r` fa' e cuee` fí` quini` dsea`. Dsu' jaléng` i dsea` la'ib` ni'íng` iihuí` e eáang`gui mi` nití- í' lajo.

Jaang` dseamí` 'nii` i catá'- cuu` fí` dsí' guóo' quiá'- guá'-

(Lc. 21:1-4)

⁴¹ Jo mi` cangá jo, cóo` ya' guíng` Jesús fí` ca' guóo' lí` ta' dsea` cuu- quiá'- guá'- e si' fí` Jerusalén, jo jóør- jial dsitea' dsea` cuu- fí` jo. Jo lajee` jo jaléng` dsea` sea` cuu- eám' dsitea'r` cuu- fí` jo. ⁴² Jo cóo` caguiéb- jaang` dseamí` i 'nii` i tiñíng- eáang`, jo catá'r- e fí` dsí' guóo' do tú- cuu- e ja` ee` 'ga' lí` quíng`.

⁴³ Joba' cató'- Jesús i dsea` guitúung` quiá'r- do jo casí'-reñ' do lala:

—Dseáng'- e já'- e fíi- i 'nú' e i dseamí` 'nii- la nicató'r` jmiguíu`gui cuu- e fí` dsí' guóo' quiá'- guá'- la laco'gui dsea` caguiaang`gui; ⁴⁴ co' jaléng` dsea` sea` cuu- cuór` lajii` e seáang` quiá'-bre; dsu' i dseamí` 'nii- la lajib` lajii` e sea` quiá'r- e 'né- nicatá'r- e fí` dsí' guóo' la.

13

Mi cajing Jesús e ni'ing guá' fé' e si' fi' Jerusalén

(Mt. 24:1-2; Lc. 21:5-6)

¹ Jo lajee ni'iuung Jesús fi' e güi'fir' fi' dsí' guá' fé' quiá' dsea`góor` dsea` Israel e si' fi' Jerusalén, jo jaang` lajee` dsea` guitúung` quiá'r` casí'r` dsea` do lala:

—i' Tifa', fíng na jóø` jalé' cuu` cóo' e niguo' e silí' e guá' la!

² Jo cañí' Jesús quiá' i dsea` quiá'r` do:

—Jóø` jial jlo' cóo' e silí' e guá' na. Dsu' latøng` e guá' na jii' coo` cuu` jo` e nijé` gui sifíng` quiá' rúng', co' dseáng'` lajib` ni'íng` mi` nití' í' lajo.

Jial nilí mi` nijaquíéng' e tí lí ni'íng` jmigüí`

(Mt. 24:3-28; Lc. 21:7-24; 17:22-24)

³ Jo mi` cangí jo, cangób` Jesús cóo' dsea` guitúung` quiá'r` fi' yá' mó' e sii` Olivos e si' fi' lí' quini` laco' si' e guá' do. Jo lajee` e taang` Jesús e fi' yá' mó' do, jo job mi` cangoquíéng' Tú` Simón cóo' gui Tiáa` jogui Juan cóo' Df' fi' lí' guíng` dsea` do, jo casí'` reiñ' lala coo` yaaiñ`:

⁴ —Ii' naa' e jmée' jnea' júu^, Tifa', lí' e nidsijéé' jalé' e fó' 'nu' na. Jo ¿e` e nicuó` lí' quiá' e jo` huóø` róo` jmigüí` jogui e nijaquíéng' e tí lí' nidsijéé' jalé' e jo?

⁵ Joba' cañí' Jesús quiá' do lala:

—Ñiing` áa' na' e jii' jaang` ja` ii' nijmigóøng` 'nú'. ⁶ Dsüco' fíim'bing' i nijalíng` i jmigóo' e jiiñ' e íbre líiñ' Dsea` Jmáang` jo nifé'r': "Jneab` i dsea` í"; jo fíim' dsea` niligóøiñ` jo jáb' nilíiñ` e júu^ e o' já' do mi` niguiéé' e jmíi` jo.

⁷ Jo mi` ninúu^ 'nú' júu^ quiá' e ninéé' 'nii' fi' la fi' na, ja` fóøng' na' jóng, co' lajob nisisí' quiá' Fidiéé' e nidsijéé'; dsu' lí' uim` bi jóng ja` mí' tí' lí' íim` bi.

⁸ Dsüco' mi` nú' gui e ni'íng` jmigüí', eáam' nitíng` dsea` lajee` la'ó' rúíñ'; co' nitíng` coo' fii' cóo' jié' gui coo' fii', jogui lajobi coo' góo' dsea` cóo' jié' gui coo' góo' dsea'; jogui jmiguiab' lí' nijó' uó` e eáang', jogui jmiguiab' lí' nijáa' jii' oo` cajo. Jo dsu' lí' uim` bi jóng mi` tí' lí' nidsijéé' jalé' e iihuí' na.

⁹ Dsu' eáang' 'né' ñiing` áa' 'nú' mi` nití' í' lajo, co' nijáng' dsea` 'nú' fi' quini` dseata~, jogui nijmihuíiñ' 'nú' fi' lacaang` dsí' sinúu^ guá'. Jo uii' e já' líng' na' júu^ quié' e, joba' nidsijeáaiñ' 'nú' fi' lacaang` quini` dseata~ dsea` cóøng' cóo' gui fi' quini` jaléng' dsea` féng'. Jo mi` nijmér` lajo, joba' cuóøng' e niguiá' 'nú' júu^ quié' e fi' quini` jaléng' i dseata~ do. ¹⁰ Dsüco' nú' gui e tí' lí' ni'íng` jmigüí', dseáng'` 'néb' e nini' júu^ quié' e jee` jaléng' dsea` fi' la'úng` fi' jmigüí' e quiá' jial nileáng' dsea` jee` jalé' dsee` quiá'r`.

¹¹ Jo mi` tí' lí' nitóør` 'nú' fi' quini` dseata~ e nijáiñ' 'nú', jo ja` jmee' na' fi' í' fa' ja` ñí' na' ee` ningíi' na' quiá'r`, co' dseáng'` ja` 'né' í' áa' na' lajo, dsüco' Fidiéeb' dsea` nijmicóo' qui' na' e ningíi' na' quiá'r` mi` nití' í' lajo; dsüco' o' dseáng'` 'nú' i nifé' mi' nití' í' lajo, co' 'ñiab' Jmiguí' quiá' Fidiéé' nifé', jo eáam' nijmicóo' 'nú' jóng. ¹² Dsüco' mi' nití' í' lajo, jaléng' dsea` ni'lé' bre quiá' rúíñ' e nijáng' neiñ' quiá' e nijúuiñ', jogui lajo cajo jaléng' tiquiá' dsea` nijám' bre jaléng' jóor' e nijúuiñ'; jogui jaléng' jóo' dsea` nitíng` nijíñ' cóo' jaléng' sejmiir` jo cartí' nijngám' breiñ'. ¹³ Jogui jaléng' dsea` jmigüí' nilí' 'ní' níiñ' 'nú' uí' e já' líng' na' júu^ quié' e; jo dsu' ii' i teáang` teá' cóo' júu^ quié' e carta` seeiñ' fi' jmigüí' la, joba' nileám' bre jee` jalé' dsee` quiá'r`.

¹⁴ Jo 'nú', mi' nimó' na' coo' e ga' eáang' e nijmé' dsea` fi' dsí' guá' fé' e si' fi' Jerusalén fi' lí' lí' e guá' güeang' quiá' Fidiéé' lí' laco' cajme' jaang` i café' cuiñ' quiá' Fidiéé' malí' gui eáang' i calisí' Daniel —güingáng' na' e júu^ la, 'nú', dsea` í' na' e la—, jo mi' nití' e í' jo, jaléng' dsea` i neáang' fi'

li~ se' Judea güicuúí^bre fí jee~ mó'. 15 Jogui song iì dsea` dsíiñ~ fí yá^ 'núú' mi~ nití~ e í' jo, ja` güijgiáaiñ` fa' e nidsi'uóø'r~ jalé' e sea` quiá'r~, co' 'né~ cuí~bre; 16 jogui song iì dsea` taang~ jmoo` ta~ fí jee~ mó', joba' ja` güí'í^ dsír' fa' e niqing'~guir fí quiá'r~ e fa' e nidsiquiéer` jalé' sí'r^'. 17 ¡Lí^ e ngí~ fíi^ jaléng' dseamí i jobi quiéeng` yuu` mi~ tí li~ jo osi dseamí i jobi cuø' yuu` tú' é! 18 Jo nab tí'gui e mii~na' Fidiéé` e ja` dsijéé` jalé' e la dseáng'~ lajee` jii` güíi~, 19 dsuco' ie~ jo dseáng'~ eáam` iihuí` ni'íng' jaléng' dsea` e ja` mí cangongíiñ~ jii~ coo` ya' latí mi~ catiroo` jmigüí, o'gui nidsingíiñ~ mi~ ningí jo. 20 Jo faco' Fí'naa' nijmi'íiñ~ eáang` e nidsijéé` jalé' e jo, joba' jii~ jaang` jo iì nileáng` jóng faco' lajo; dsu' nicajmitiñ~ jalé' e jo uíi~ e 'neáaiñ` jaléng' dsea` quiá~bre i nicaguíñ` lamí~ jéeng`gui.

21 'Jo ie~ jo, song iì dsea` nijmigøøng` 'nú' jo nisí'r` 'nú' lala: "I lab i dsea` i sijeeng`na' do", osi "Dob siñ'" é, dsu' ja` já' güilíng`na' jii~ coo`, co' o' já' e lajo. 22 Co' fíim`bing' nijalíng` i nijmigóo` e nijmicaaiñ~ e líiñ` Dsea` Jmáang~, osi nijmigóor` e líiñ` dsea` i fé' cuaiñ` quiá' Fidiéé` é; jo nijmé~bre jalé' li~ e quí'r~ jmí~ e dsigá` dsí' dsea` e lí^ laco' iñ~ e niligøøng` dsea`, jo dseám~ e niligøøng` la quie`gui i dsea` i nicaguíng` Fidiéé` i nilíng` dsea` quiá'r~. 23 Jo lana fí~ i 'nú', 'né~ e eáam` siñiing` óo'na', co' nicaliúum`baa 'nú' e júu` la lamí~ jéeng`gui.

*Jial mi~ nijáa'tu i dsea` i jáa' fí ñifí~ i líng` dsea` jmigüí`
(Mt. 24:29-35,42-44; Lc. 21:25-36)*

24 'Jo mi~ nití~ e jmí~ jo, mi~ nisóong~ jalé' e iihuí` e nijáa` do, jo jo` nicuó~gui íeé` jir~, o'gui sí' nicuó~guir jir~ cajo. 25 Jogui nijíúm` jaléng'` núú` i sitóng'~ fí yá^ jmigüí, jogui niguiá'~ fí yá^ jmigüí. 26 Jo joguib mi~ nití~ í' e nigáa'tu jnea~ fí jmigüí la, dsea` lín`n jaang` dsea` jmigüí i jáa' fí ñifí~, jo nigáa'a fí jee~ cabøø` jní' cóo'~gui jalé' e 'gøng' jogui e jí' laniing~ güea^ jí' niguó^ quiá' Fidiéé`. 27 Jo job mi~ nití~ í' e nisíng~ Fidiéé` jaléng'` ángeles quiá'r~; jo i ángeles do niseáiñ` jaléng' dsea` i nicaguíng` Fidiéé` lamí~ jéeng`gui fí laji` quiú` quiúung`~ jmigüí, catí li~ huíi~gui quiá'~ guoo'~ uó~ jogui catí li~ huíi~gui quiá'~ yá^ jmigüí cajo.

28 'Jo téé` óo'na' la'eáang` cóo'~ e júu` quiá'~ 'ma` güíñí^: Mi~ nidsi~ guo' e sí' quiá'~, jogui ni'íá` má^ e sí' quiá'~ cajo, joba' niñí^ 'nú' e quiáb'~ nijaquiéeng` jii` jmí` jóng. 29 Jo lajob lí' cóo'~ e júu` la; co' mi~ nimóo~ 'nú' e nidsijéé` jalé' e jo, joba' nicuó` li~ jóng e quiáb'~ nigáa'a, jnea~ dsea` lín`n dsea` jmigüí i jáa' fí ñifí~. 30 Co' dseáng'~ já'~ba' fá'a e dseáng'~ 'né~ e nidsijééb` jalé' e jo ná'~gui e nijúung~ jaléng' dsea` i seeng` lajee` lana. 31 Co' ni'ím~ fí la'úng~ jmigüí jogui lajobi la'úng~ fí yá^ jmigüí cajo, dsu' ja` tóo` jmí~ fa' e ja` niliti~ jalé' júu` quié~e.

32 'Jo dsu' jii~ jaang` dsea` ja` iì ñí e júu` jo jéeng`gui cuaiñ~ quiá'~ e~ jmí~ jogui e~ í' e nidsijéé` jalé' e jo, jo jí'gui latí jaléng'` ángeles quiá'~ Fidiéé` ja` ñír' e jo, o'gui jnea~ cajo, dsea` lín`n i Joo' Fidiéé` camíng'~ do, ja` ñii~, co' dseáng'~ lajii~ Tiquí'íi' Fidiéé` dsea` guíng~ ñifí~bing' ñí e jo.

33 'Joba' fí~ i 'nú' e dseáng'~ 'né~ e ñiing` óo'na' contøøm~ e sijeeng`na' jalé' e jo, jogui féeng`na' Fidiéé`, co' ja` ñí'na' røø` li~ dseáng'~ e nidsijéé` jalé' e jo. 34 Co' e la lí' lafa' jaang` dsea` i ni'í fí dsé` fí li~ huíi~, jo lajee` e nú'~gui nigüí'í' fí quiá'r~, jo caseáaiñ` dsea` 'léeng'~ quiá'r~, jo cacuø'r` ta~ lajaang` lajaaíñ` do, jogui caseáaiñ` jaang` dsea` i jmoo` í' jaléng' i dsea` jmoo` ta~ do. 35 Joba' lalab cajíng'~ i dsea` i néé` ni~ dsea` 'léeng'~ do casí'r~ jaléng' i dsea` jmoo` ta~ do: Jmiñiing` óo' 'nú', melé^, co' ja` ñí'na' li~ e nigüeáng'tu i dsea` fíi~ 'núú' la, su milí` na osi uóø` guié~ núub' é, osi téé~ ogóo' mi~ niquí~ tú' é, osi dsa'ee`guib

é; ³⁶ cō' jial fing lajee˘ teng' 'nú' güüm˘ba' nigüeáin'. ³⁷ Jo lajii˘ e fi˘i 'nú' la, lajob lí' júu˘ quié˘ e cóo˘ dsea˘ jiénɡ'gui cajo: jli˘ 'né˘ba' e jmiñing˘ óóna'!

14

Mi˘ casñng˘ dsea˘ e nisáin' Jesús

(Mt. 26:1-5; Lc. 22:1-2; Jn. 11 :45-53)

¹ Jo tú˘ jmi˘ba' jmóo˘gui e nití˘ coo˘ jmi˘ quiá˘ dsea˘ Israel e si˘ Pascua e gø'r' iñi˘ e ja˘ quié˘ quiéng˘. Jo jaléng' fi˘ jmidsea˘ cóo˘ gui jaléng' tifa' quiá˘ júu˘ quiu˘ ta˘ quiá˘ dsea˘ Israel canaaín' 'nó'r' jial niguié'r' e nisáin' Jesús e nijmigøøin˘ dsea˘ do e laco' nilí'r' nijngáng' neiñ'. ² Jo lalab sñng˘ i lñng˘:

—Ja˘ nijmó˘oo' e jo lajee˘ jmi˘ Pascua e laco' ja˘ dseáng˘ qui˘ i˘ e nitá˘ dsea˘ má˘.

Mi˘ ca'éē˘ jaang˘ dseam˘ jmi˘ jmeafi˘ fi˘ mogui˘ Jesús

(Mt. 26:6-13; Jn. 12 :1-8)

³ Jo mi˘ cang˘ jo, Jesús cangó˘ cóo˘ dsea˘ quiá˘ r˘ fi˘ Betania fi˘ quiá˘ jaang˘ dseañu˘ i si˘ Simón, jaang˘ dsea˘ i lamí˘ lñng˘ jmohuí˘ 'li˘ fi˘ ngúu˘ táang˘. Jo mi˘ caguié˘ Jesús fi˘ jo, lajee˘ e guiiñ˘ fi˘ 'ni˘ mes˘ e gø'r' ir˘, caguié˘ jaang˘ dseam˘ i quié˘ coo˘ sñ˘ e lí' cóo˘ coo˘ cuu˘ niguo˘ e si˘ alabastro e a˘ jmi˘ jmeafi˘ e lí' cóo˘ layaang˘ nardo e 'mo˘ eáang˘. Jo i dseam˘ do cafiim˘ bre e sñ˘ do jo ca'éer˘ e jmi˘ jmeafi˘ do fi˘ mogui˘ Jesús. ⁴ Jo i lñng˘ dsea˘ i cangá˘ e cajmée˘ i dseam˘ do lajo caligúim˘ bre eáang˘, jo canaaín˘ sñiñ˘ lajee˘ la'ó˘ yaaiñ˘:

—¿Jialí' nicango˘i˘ e jmi˘ jmeafi˘ na? ⁵ Co' jmáang˘ gui fa' mi˘ ii˘ ca'nñi˘, jo jmigui˘ gui laco' trescientos cuu˘ denario nilí'r' jóng e laco' sea˘ jia e nilicóo˘ jaléng' dsea˘ tiñing˘.

Joba˘ i dsea˘ i teáng˘ do ie˘ jo gab˘ fé'r˘ uii˘ quiá˘ i dseam˘ do.

⁶ Jo dsu˘ lalab cañi˘ Jesús quiá˘ i dsea˘ do:

—¿Jialí' jmiguiñg˘ na˘ i dseam˘ na? ¡Ja˘ e fi˘ na'r jii˘ coo˘! Co' lajii˘ e nicajmée˘ quié˘ e na eáam˘ guiá˘. ⁷ Jo jaléng' dsea˘ tiñing˘ nab ñi˘ 'nú' ee˘ cajmee˘ na˘ cóo˘ r˘, co' cuøøm˘ lí˘ jmée˘ na˘ e guiá˘ cóo˘ r˘ lí˘ iing˘ na˘, dsu˘ jnea˘ gui ja˘ contøøng˘ seen˘ jee˘ 'nú'. ⁸ Co' i dseam˘ na˘ nicajmée˘ bre lajii˘ e tñiñ˘: jo nicasúu˘ bre jmi˘ jmeafi˘ ngúu˘ táan˘ ná˘ gui e ni'áang˘ dsea˘ jnea˘. ⁹ Co' jnea˘ jmitaa˘ óóna˘ e doñi˘ jié˘ fi˘ lí˘ niguiá˘ dsea˘ júu˘ quiá˘ jial nileáng˘ dsea˘ jee˘ jalé˘ dsee˘ quiá˘ r˘, niliseab˘ júu˘ cajo lajii˘ e cajmée˘ i dseam˘ na, jo lajoba˘ niguiéng' dsí˘ dsea˘ i dseam˘ na.

Mi˘ ca'nñng˘ Judas Iscariote Jesús fi˘ quini˘ jaléng' jmidsea˘

(Mt. 26:14-16; Lc. 22:3-6)

¹⁰ Jo mi˘ cang˘ jo, Judas Iscariote, jaang˘ dsea˘ i quíng˘ jee˘ dsea˘ guitúung˘ quiá˘ Dsea˘ Jmáang˘, cangó˘ cangosiñ˘ cóo˘ jaléng' fi˘ jmidsea˘ quiá˘ dsea˘ Israel e laco' nisñiñ˘ røø˘ jial nijáin˘ Jesús fi˘ jaguó˘ dsea˘ do. ¹¹ Joba˘ mi˘ tí˘ lí˘ canúu˘ i dsea˘ í˘, eáam˘ cali'íáang˘ dsíir˘, jo casí˘ r˘ Judas e nicuø˘ reiñ˘ cuu˘. Jo mi˘ canaang˘ Judas 'nó'r' jialco' cuøøng˘ nijáin˘ Jesús fi˘ jaguó˘ i dsea˘ do.

Mi˘ cagó˘ Jesús í˘ canññ˘ cóo˘ dsea˘ guitúung˘ quiá˘ r˘

(Mt. 26:17-29; Lc. 22:7-23; Jn. 13 :21-30; 1 Co. 11 :23-26)

¹² Jo mi˘ cang˘ jo, canaang˘ la'uii˘ jmi˘ e quiá˘ gø' dsea˘ Israel iñi˘ e ja˘ quié˘ quiéng˘, jogui e jngang˘ dsea˘ Israel jaléng' jo'se˘ jiuung˘ quiá˘ e jmi˘ jo. Joba˘ lalab cajming˘ i dsea˘ guitúung˘ quiá˘ Jesús cajming˘ r˘ dsea˘ do jo cajíñ˘:

—Fí˘naa˘, ¿jie˘ fi˘ fó˘ 'nu˘ e nidsé˘naa˘ nidsiguiá˘naa˘ guiá˘ quiá˘ e niquiee˘naa˘ í˘ canññ˘ quiá˘ jmi˘ Pascua?

¹³ Joba˘ casíng˘ Jesús gáng˘ i dsea˘ guitúung˘ quiá˘ r˘ do jo casí˘ reiñ˘ do lala:

—Güilíng-na' fí fíi Jerusalén, jo fí job niguiéng-na' jaang`dseañu' i quié`
 coo` dsuu` e a` jmi; jo nigüilíng-na' laco' ngang' i dseá` do. ¹⁴ Jo mi`
 niguilíng-na' fí lí` ní'ír, síi-na' i fii` 'núu' jo: “Lalab jing'- Tifa' qui-naa':
 ¿Jie` fí lí` síi` 'núu' lí` nidøø` í' canuu` quiá'- jmi` Pascua colíng` cóo` dseá`
 quié`-e?” ¹⁵ Jo joguib ní'é` i dseá` do coo` 'núu' yú` e nisilíng` guíá`, jo fí job
 niguiá-na' guíá` e niquiee-naa' do.

¹⁶ Jo mi` cangí jo, ca'uøøm` i dseá` gáng` do cangolíñ` fí fíi jo, jo cadsém`bre
 i dseañu` do dseáng`- lí` laco' nicajíng`- Jesús e nicasi`-reiñ' do; joba' fí job
 cagua' i dseá` gáng` do guíá` quiá'- e nidøør` lajaléiñ` do í' canuu` colíng`
 cóo`- Jesús ie` jmi` Pascua do.

¹⁷ Joba' mi` canuu` e jmi` jo, caguiéb` Jesús colíng` cóo`- dseá` guitúung`
 quiá'r` fí jo. ¹⁸ Jo lajee` mi` nineáaiñ` fí 'ni' mes` e ninaaiñ` gø'r, lalab cajíng`-
 Jesús casi`-reiñ' do:

—Dseáng`- e já`- e fíi` i 'nú` e jaang` lajee` la'ó` 'nú` i neáang` gø' cóo`- jnea`
 lana, íb` i nijáng` jnea` fí jaguó` dseá` i 'ní` ní`- quié`-e.

¹⁹ Jo mi` canúu` i dseá` guitúung` do lado, eám` fí'í` calíñ`, jo canaaíñ`
 jming`r` dseá` do lajaang` lajaaíñ`:

—¿Su jneab~, faa`aa'?

Jo jíéng`gui jaang` cañí`:

—¿Si jneab`é?

²⁰ Joba' cañí` Jesús:

—Lí` jaang` 'nú` la'ó` guitúung`na' na, jaang` i gø' cóo`- jnea` fí coo` cuéé`
 huí, íb` i ní`lé` do. ²¹ Co' jáb`- e jnea~, dseá` lín`n jaang` dseá` jmi`güi` i cajá` fí
 ñifí`, dseáng`- 'né` e nidsingm`-baa lí` laco'gui la fé' fí ní` jì` quiá`- Fidiéé`;
 dsu' jnea` fá'a, je ngí` fíib` i dseá` i ní`lé` do! Co' guíá` guib quiá'- i dseañu` í`
 fa' mí` ja` caliséiñ`.

²² Jo lajee` e neáaiñ` gø`bre, catíng`- Jesús coo` iñí` jo cacuø'r` gui'máang`
 Fidiéé`, jo mi` cangí e jo, caffim`bre jo cajméer` guíéé` quiá'- i dseá` quiá'r` do,
 jo casi`-reiñ' do lala:

—Quié`na' e iñí` la, co' ngúu` táam`baa la.

²³ Jo mi` cangí jo, catíiñ` coo` cóo` e a` jmi` mí` huíng` jó`, jo cacuø'r`
 gui'máang` Fidiéé` cajo mifíng` cajméer` guíéé`, joba' lajím`bre ca'í'r` e a` dsíi`
 e cóo` do. ²⁴ Jo casi`r` i dseá` quiá'r` do lala:

—E lab e jmi`øøñ` e laco' nicuø` lí` quiá'- júu` tigua` e 'má`, jo fíim` dseá`
 nijmicóo` quiá'r` lajii` e jmi`øøñ` e nitú. ²⁵ Co' dseáng`- já`-ba' e fíi` i 'nú` e
 jo nidúu`-guí e jmi` mí` huíng` jó` la cartí` mi` nití` jmi` e nidúu`-u jmi` mí`
 huíng` jó` e 'má` mi` nití` í' e niquíá`- Fidiéé` ta` fí la'úng` fí jmi`güi`.

Mi` cajméé` Jesús júu` e nijíng`- Tú` Simón e ja` cuíñ` dseá` do

(Mt. 26:30-35; Lc. 22:31-34; Jn. 13:36-38)

²⁶ Jo mi` cangí e ca'ø'r` e jmiféiñ` Fidiéé`, jo cangolíim`tur fí mó` Olivos. ²⁷ Jo
 fí job casi`- Jesús i dseá` quiá'r` do lala:

—Lajím` 'nú` nitiúung`na' jnea` e uøø` na lí` laco'gui la fé' fí ní` jì` quiá`-
 Fidiéé`: “Nijngám`- dseá` i fii` i jmóo` í` jo'se", jogui jaléng` jo'se" quiá'r` lí`
 nisojóm`-bre'.” ²⁸ Dsu' mi` ningí e nijí`túu, fí lí` se' Galileab ninii` i calé` catú`
 jééng`gui laco' 'nú`.

²⁹ Joba' cañí` Tú` Simón quiá'- dseá` do lala:

—Nañí` fa' lajím` nitiúung`- 'nu', Fíi, dsu' jnea` ja` nijmee` e lajo.

³⁰ Joba' cañí` Jesús quiá'- Tú` Simón:

—Dseáng`- e já`- e fíi` i 'nu', Tú` Simón, e 'ña' e uøø` na e ná`-gui e niquí`-
 tuidsee` tú`-ya', 'nu` nifo`- 'ní`-ya' e ja` cuín` jnea`.

³¹ Jo cuø`bi Tú` Simón 'goo` dseá` do jo sí`-reiñ' lala:

—Nañí fa' nijúum⁻baa coling[~] cóo[~] 'nu', dsu' ja` nifá[^]a e ja` cuínⁿ 'nu'.
 Jo lajob cajing[^]- lajing[^] i dsea` quiá^r- caguaang⁻gui do cajo.

Mi[~] caféng[^] Jesús Fidié[^] fi[^] cóo[~] li[~] sii[^] Getsemaní
 (Mt. 26:36-46; Lc. 22:39-46)

³² Jo mi[~] cangí[^] jo, jo cangó⁻ Jesús coling[~] cóo[~] dsea` quiá^r- fi[^] cóo[~] li[~] sii[^] Getsemaní e née[^] fi[^] mó[^] Olivos, jo fi[^] jo casí^r- i dsea` quiá^r- do lala:

—Níⁿa' e la lajee[~] nii[~] jnea[~] nisiinⁿ cóo[~] Tiquié[^] e Fidié[^].

³³ Jo jí[^] Tú[^] Simón cóo[~] gui Tiáa[~] jogui Juan, jí[^] í[^]bing[^] cajéiñ[^], jo Jesús mifing[^] e ninaang[^] e líiñ[^] fi[^] e eáng[^] jogui e jiuung[~] dsír[^] cajo. ³⁴ Jo lalab cajíñ[^]:

—Dsing[^]- lí[^] i e fi[^] línⁿ dseáng[^]- lafa' jo` jmigü[^] la seem⁻baa línⁿ. Jo lab nijá[^] 'nú[^] lajee[~] jo, jo ja` jmigüing[^] yaang[~]na'.

³⁵ Joba' Jesús cangó⁻ catí[^] doguijia, jo catú^{uiñ} cartí[^] cajnú⁻ dsequír[^] fi[^] ni[~] uó[^], jo camí^r Fidié[^] fa' ja` ni[^] iihu[^] lají[^] e nisijé[~] quiá^r- mi[~] nití[^] í[^] lajo.

³⁶ Jo lalab caféiñ[^] Fidié[^] ie[~] jo:

—Tea[~], lajib[^] cuøng[^] sea[^] lí[^] jmée[^] 'nu', joba' mí[^] i 'nu' e jmí[~] lana e nilaang⁻ jnea[~] jee[~] e iihu[^] e eáng[^] e nijaquíéng[^] quié⁻ e, dsu' ja` güilí[^] lacó[^] iing[~] jnea[~], có[^] iinⁿ e nilí[^] dseáng[^]- lacó[^] iing[~] 'nu'.

³⁷ Jo mi[~] caquing[^]- tu Jesús fi[^] lí[~] caseáiñ[^] i dsea` gaang[^] do, jo cadséng[^] neiñ[^] do e teiñ[^] güim[^] bre, joba' casí^r- Tú[^] Simón lala:

—Simón, ¿su güim[^] ba'? ¿Su dseáng[^]- ja` té[^] ba' fa' e sijné[^] o' jí[^] cóo[~] oor[~]?

³⁸ Jmijné[^] ó[^] na', jogui mí[^] na' Fidié[^] e lacó[^] ja` nijjúng[^] na' fi[^] ni[~] dsee⁻. Dseáng[^]- e jáb[^]- iáam[^] ó[^] na' e jmée[^] na' jalé[^] e guiá⁻, dsu' ngú[^] táang[^] na' ja` cuø[^] fi[^] e nijmée[^] na' lajo.

³⁹ Jogui cangób⁻ tu Jesús calé[^] catú⁻ cangoféiñ[^] Fidié[^] lacó[^] gui nicangoféiñ[^] lamí[~] jéeng[^] gui do. ⁴⁰ Jo mi[~] tí[^] lí[~] caquing[^]- tur fi[^] lí[~] neáng[^] i dsea` gaang[^] quiá^r- do, jo caléb[^] catú⁻ cadséng[^] tureiñ[^] do e güim[^] biñ[^], có[^] dseáng[^]- eám[^] jo` teiñ[^] do e jaligüiñ[^]. Joba' ja` ñir[^] e` niñir⁻ quiá⁻ dsea` do.

⁴¹ Jo caquim[^] tu Jesús e catí[^] 'ní[^] ya' jo lalab casí^r- reiñ[^] do:

—¿Su mí[^] 'noo[^] güim[^] bi 'nú[^] jogui jmi[^] ing[^] na'? Dsu' nitéb[^] jí[^] lana, có[^] dseáng[^]- lanab catí[^] í[^] e fi[^] jaguó[^] dsea` dsee⁻ dsea` quib[^] nijáng[^] dsea` jnea[~], i dsea` i cagüéng[^] fi[^] jmigü[^] la e línⁿ jaang[^] dsea` jmigü[^]. ⁴² Jminá[^] ráang[^] na' na, jo má[^] aa', có[^] nab nijáa[^] i dsea` i nijáng[^] jnea[~] fi[^] jaguó[^] jaléng[^] dsea` i 'ní[^] ní[~] quié⁻ e.

Mi[~] casang[^]- dsea` Jesús
 (Mt. 26:47-56; Lc. 22:47-53; Jn. 18:2-11)

⁴³ Jo lajee[~] e fé[^] bi Jesús, mi[~] tí[^] lí[~] cagüé⁻ Judas Iscariote i quíng[^] jee[~] dsea` guitúung[^] quiá^r-, jo i fí[^] m[^] dsea` cóo[~] r[~] i quie[^] ñis[^] cóo[~] gui jalé[^] 'ma', có[^] ta[~] quia[^] jaléng[^] fi[~] jmidsea[^] ba' e ngolíng[^] i dsea` do cóo[~] gui jaléng[^] tifa[^] quiá⁻ júu[^] quia[^] ta[~] quiá⁻ dsea` Israel cóo[~] gui jaléng[^] dsea` cóøng[^] quiá^r- cajo. ⁴⁴ Jo Judas Iscariote lamí[~] jéeng[^] gui, lalab casí^r- jaléng[^] i dsea` i jéeiñ[^] do e nijmér⁻ cóo[~] lí[~], jo nijíñ[^]- jnang[~] i sii[^] Jesús, có[^] cajíñ[^]- ie[~] jo:

—Í[^] i nimó[^] 'nú[^] i nichá[^] u ni[~], íb[^] Jesús, joba' séng[^] na're jóng, jo tee⁻ na're e 'ñú^{uiñ} guiá⁻.

⁴⁵ Jo mi[~] tí[^] lí[~] cangáiñ⁻ Jesús, jo cangoquíéiñ[^] fi[^] quini[~] dsea` do jo casí^r- lala:

—i Tifa[^]!

Jo mifing[^] cachu^r ni[~] dsea` do. ⁴⁶ Jo casam[^]- jaléng[^] i dsea` do Jesús ladsifí[^] lado jo e 'ñúung[^]- biñ[^] do cató^r-.

⁴⁷ Dsu' jaang' lajee' la'ó' dsea' quiá' Jesús caguir' ñisú' quiá'r, jo caquiá'r dseáng' logua' jaang' dsea' i jmóo' ta' quiá' i jmidsea' i laniing'. ⁴⁸ Jo Jesús cajmingí'r jaléng' i dsea' do lala:

—¿Jialí' nicañilíng' na' e quié' na' jalé' ñisú' cóo' gui jalé' 'ma' e laco' nitøø' na' jnea' e 'ñúun' n laco' gui la cáng' dsea' jaang' ñí? ⁴⁹ Co' laco' jmíib' nicangí' jnea' jee' 'nú' e ée' e 'nú' júu' quiá' Fidié' fí' dsí' sinúu' guá' fé' quí' ii', dsu' ja' ca' í' ó' na' fa' lajii' ié' jo caséng' na' jnea'. Dsu' lanagui nilitib' náng laco' gui la fé' fí' ni' jì quiá' Fidié'.

⁵⁰ Joba' lajim' i dsea' quiá' Jesús do catiúum' bre dsea' do jo cacuí' bre. ⁵¹ Jo dsu' jaang' siming' cangó' bre ti' leaaiñ' laco' cangáng' Jesús, jo lico' íaiñ' coo' jmóo' 'mi' lajob. Jo casam' bre i siming' do cajo; ⁵² dsu' i siming' do catú' bre e jmóo' 'mi' do jo cacuí' bre la ringúuiñ' lado.

Mí' caguiéng' Jesús fí' quini' jaléng' dsea' cóong'

(Mt. 26:57-68; Lc. 22:54-55, 63-71; Jn. 18:12-14, 19-24)

⁵³ Jo cató' bre Jesús fí' quini' fii' laniing' quiá' jaléng' jmidsea' quiá' dsea' góor' dsea' Israel; jo fí' job caseáng' jaléng' fii' jmidsea' quiá'r cóo' gui jaléng' dsea' cóong' quiá'r jogui jaléng' tifa' quiá' júu' quiá' ta' quiá' dsea' Israel cajo. ⁵⁴ Jo dsu' cangób' Tá' Simón jiaib' cøøiñ' laco' cangó' Jesús cartí' caguilíñ' e fí' siguí' fí' lí' guing' i jmidsea' laniing' do, dsu' fí' caluub' caje' Tá' Simón colíng' cóo' i dsea' i néé' ni' e guá' fé' quiá' dsea' Israel i neáng' jmiguiáng' fí' ca' lí' coo' jì.

⁵⁵ Jo jaléng' fii' jmidsea' quiá' dsea' Israel cóo' gui lajaléng' dsea' cóong' i quiá' ta' quiá'r canaañ' 'nó'r e jalé' dsee' sea' quiá' Jesús e laco' nilí'r e nijngáñ' dsea' do, jo dsu' ja' cadsé' i dsea' do jii' coo'. ⁵⁶ Jo fíim' dsea' 'niiñ' Jesús cóo' júu' e o' já', dsu' jmaquíim' júu' fé'r' lajaang' lajaañ' jo jii' jaañ' ja' cuó' júu' rúñ'. ⁵⁷ Jo caróo' bi jaang' gáng' dsea' e 'niiñ' Jesús cóo' júu' e o' já' jo cajíñ' lala:

⁵⁸ —Jnea' caná' naa' e cajíng' dsea' na lala: “Jo ni' íim' baa guá' fé' quí' ii' e si' fí' Jerusalén e cajme' jaléng' dsea', jogui lajee' 'ní' jmíi' lajob nijmée' túu coo' gui e ja' nitaan' n jii' jaang' dsea' jmigúí' e jme'r.”

⁵⁹ Jo dsu' dseáng' ja' cuøb' júu' rúng' jii' jaang' i dsea' do cóo' lajii' e síiñ' do.

⁶⁰ Joba' caróo' i jmidsea' laniing' do jee' jaléng' i dsea' do, jo lalab cajmingí'r Jesús:

—¿Su jii' coo' ja' iin' ngíi'? ¿E' e fé' jaléng' i dsea' na e 'niiñ' 'na'?

⁶¹ Dsu' jii' coo' ja' ee' cañí' Jesús quiáñ' do, jo lí' cajer' tiib'. Joba' caleáb' tu cajmingí' i jmidsea' laniing' do jo cajmingí'r dsea' do lala:

—¿Su já' ba' e 'nub' lin' Dsea' Jmáang' i nisíng' Fidié' i nicá' nifí' quí' jnea', jogui lin' i Jóo' Fidié' camíng' i dseáng' i güeang' do?

⁶² Joba' cañí' Jesús quiáñ' do lala:

—E jáb', jneab' í, jogui 'nú' nimáam' ba' jnea', i dsea' jmigúí' i jáa' fí' ñiff', e guiin' n lí' lí' dsée' laco' gui la guing' Fidié' i quí' jmíi' jmé' lí' doñí' ee', jogui e nigáa' a fí' yú' jmigúí' fí' jee' cabøø' jní'.

⁶³ Job mí' i jmidsea' laniing' do canaañ' síiñ' sî'r dsu' e guíñ' jo cajíñ' lala:

—¿E' gui e güijeeng' guí' e niline' guí'? ⁶⁴ Nab nicanúu' na' jial nicafé'r' júu' ga' uí' quiá' Fidié'. ¿Jial í' ó' 'nú' cóo' jalé' e nicafé'r' na?

Jo lajim' i dsea' do casíiñ' røø' e røøm' dsea' do dsee', joba' 'né' e nijúum' bre.

⁶⁵ Jo i líng' i dsea' do canaañ' 'ñíim' bre Jesús, jogui qui'r ni' dsea' do jogui naaiñ' jnóor' moníñ' jo jmingí'r dsea' do lala:

—iNe' duu' su já' quí' ñí' i' i cabá' moní'!

Jogui jaléng' i jmóo' í e guá' fé' do canaañ' jnóor' moni' dsea' do cajo.

Mi' cajíng' Tú' Simón e ja' cuiñ' Jesús

(Mt. 26:69-75; Lc. 22:56-62; Jn. 18:15-18, 25-29)

⁶⁶ Jo cō' dobi guing' Tú' Simón e fí' sigui' do ie' jo, jo lajee' jo mi' tí' li' caguié' jaang' dseamí' i jmóo' ta' quiá' i jmidsea' laniing' do. ⁶⁷ Jo mi' cangáñ' Tú' Simón e do guiiñ' do 'ni' j' jmiguiáñ', lí' cajer' jøm-bre dsea' do jo casí'r' lala:

—Cangí' b' já' 'nə' cō' Jesús i seeng' fí' Nazaret do, ¿já' já'?

⁶⁸ Dsu' Tú' Simón cañir' quiá' i dseamí' do lala:

—Ja' cuíng' jnea' i dsea' í, dseamí'. Ja' ñii' e' gui e fó' na.

Jo cagü'í' Tú' Simón fí' lí' o'nú', jo job mi' caqui' jaang' tuidsee'. ⁶⁹ Joba' cajøng-tu i dseamí' do ír', jo mifing' canaañ' sí'r' i dsea' teáng' do ie' jo:

—I cangí' cō' Jesús i dseañ' la cajo.

⁷⁰ Dsu' Tú' Simón cajíñ' calé' catú' e ja' cuiñ' dsea' do. Jo mi' mung' guijia lajo cajíng' i teáng' do cajo casí'r' Tú' Simón lala:

—E jáb' dseáng' 'nəb' i cangí' cō' Jesús do, ¿já' já'?, cō' dsea' Galileab lin'.

⁷¹ Joba' Tú' Simón canaañ' jmi'lim' 'ña'r' e jíñ' e dseáng' ja' ñir', jo casí'r' dsea' do:

—Ni' fii'. Dseáng' ja' cuim'baa i dseañ' i éeng' 'nú' na.

⁷² Job mi' tí' li' caqui' tuidsee' e catí' tú' ya', jo joguib cadseng' dsí' Tú' Simón cajo e cajím' Jesús la nú' gui do lala: “Nú' gui e niquí' tuidsee' e nití' tú' ya', 'nə' nifo' 'ní' ya' e ja' cuín' jnea'.”

Jo mi' cadseng' dsír' guí' e jo, canaañ' qui'bre jóng dseáng' e ngocáng' dsír'.

15

Mi' caguiéng' Jesús fí' quini' dseata' Pilato

(Mt. 27:1-2, 11-14; Lc. 23:1-5; Jn. 18:28-38)

¹ Jo mi' cajneá' e jmii' jo, jaléng' fii' jmidsea' quiá' dsea' Israel caseáng' yaaiñ' cō' jaléng' dsea' cøng' quiá'r' cō' gui tifa' quiá' jú' qui' ta' quiá' dsea' Israel, lí' lajüng' i dsea' Israel i quie' nifi' i qui' ta', jo catø-bre Jesús e 'núuiñ' fí' quini' dseata' Pilato. ² Jo mi' caguilíng' jaléng' i dsea' í fí' jo, jo dseata' Pilato cajmingí'r' Jesús lala:

—¿Su já' ba' e 'nəb' i líng' dseata' dsea' féng' quiá' dsea' Israel?

Jo Jesús cañir':

—E jáb'. Lajob lí' lí' laco'gui la nicafée' na.

³ Jo cō' jmiguiab' dsee' cuø' jaléng' i fii' jmidsea' do Jesús, ⁴ joba' cajmingí'-tu dseata' Pilato Jesús lala:

—¿Su jí' cō' ja' e iin' ngii'? Cō' dseáng' jmiguiab' dsee' jmóo' jaléng' i dsea' la qui'.

⁵ Dsu' Jesús caleáb-tu ja' ee' cañir' jí' cō'; joba' eám' dsigá' dsí' dseata' Pilato.

Mi' cahuí' ta' e nijúung' Jesús

(Mt. 27:15-31; Lc. 23:13-25; Jn. 18:38-19:16)

⁶ Jo lajee' e tí' e jmii' jo, nitüng' dseata' Pilato e láaiñ' jaang' dsea' i sijnúng' lí' doñi' i i' mung' dsea' fii'. ⁷ Jo ie' jo ni'iuung' jaang' i sijnúng' i sii' Barrabás colüng' cō' jaléng' i nijmóo' ta' jngang' jaléng' dsea' fí' jee' mii'. ⁸ Job mi' casimó' dsea', jo camí'r' dseata' Pilato e nijmé' dsea' do lajo, e nileaiñ' jaang' i dsea' sijnúng' do laco'gui jí' e qui' tiiñ'. ⁹ Joba' cañi' dseata' Pilato quiá' jaléng' i dsea' do lala:

—¿Su iing` 'nú' e nilaan` i dseata` dsea` féng'` quiá'` dsea` góona' dsea` Israel?

¹⁰ Jo cō' calilíb` i dseata` do jéeng`gui e lí' uí' e dsihuím' jaléng' i fií` jmidsea` do quiá'` Jesús, joba' cajáng`neih'. ¹¹ Dsu' jaléng' i fií` jmidsea` do canaaín` ta'r` mii' jo canaaín` sí'r` jaléng' dsea` jiéng`gui e guiá`gui e nileáng` Barrabás. ¹² Joba' cajmingí'tu dseata` Pilato lala:

—Jo ¿e` iing` 'nú' e nijmee` e cóo' i dsea` i fi' 'nú' dseata` dsea` féng'` quiá'` dsea` góona' dsea` Israel?

¹³ Jo cañí'tu jaléng' i dsea` do cóo' júu` teá':

—¿Güitáin` fi' dse` crúu`!

¹⁴ Jo cañí'tu dseata` Pilato:

—¿E`gui e ga` e nicajmée` i dseañu` na?

Dsu' i dsea` do caleáb`tu canaaín` ta'r` mii' jo fé'r':

—¿Güitáin` fi' dse` crúu`!

¹⁵ Jo cō' i dseata` Pilato do contøm` iih` e seeih` guiá` cóo' jaléng' dsea`, joba' caguím`bre i Barrabás do dsí' 'nuhí'; jo mi` cangí` e jo, caquiur` ta` e calihuíng` Jesús cóo' 'nii` jo cajáng`neih' do e quiá'` nitáng` dsea` do fi' dse` crúb` jóng.

¹⁶ Jo jaléng' i 'lée` do cajéem`bre dsea` do fi' ni` 'núu` jo fi' jo caseáin` lajiing` 'lée`. ¹⁷ Jo caquíng`neih' do cóo' 'mi' e ná', jogui catá'r` fi' mogui` dsea` do cóo' lí' corona e lí' cóo' layaang` 'matóo'. ¹⁸ Jo mi` cangí` jo, canaaín` fé'r` teá' lala e løng`neih':

—¿Güiliseem` dseata` dsea` féng'` quiá'` dsea` Israel!

¹⁹ Jo bár` sii` mogui` dsea` do, jogui` ñíin` dsea` do, jogui` jmicaaiñ` e jmiféin` dsea` do e sí'r` uø` jnir` fi' quiniñ'. ²⁰ Jo mi` cangí` e løiñ` dsea` do lajo, cajé`bre e 'mi' ná' do, jo caquíng`tur dsea` do siin` e lamí` quiñ'. Jo mi` cangí` jo, caguím`bre dsea` do e quiá'` niteáin` fi' dse` crúu`.

Mi` catáng` Jesús fi' dse` crúu`

(Mt. 27:32-44; Lc. 23:26-43; Jn. 19:17-27)

²¹ Jo lajee` e teáaiñ` fi', cajíin` jaang` dseañu` i sii` Simón i seeng` fi' Cirene, tiquiá'` jaang` i sii` Jaang` cóo' gui jaang` i sii` Rufo, jo nijaiñ` do fi' jenuu` fi' lí` jmóor` ta`, jo jaléng' i dsea` i ngolíng` do cajmeáin` 'goo` i Simón do e nijéin` crúu` quiá'` Jesús.

²² Jo cajéem`bre Jesús fi' cóo' lí` sii` Gólgota e guóng` Cuo' Mogui` 'Lii'. ²³ Jo cacuø'r` Jesús jmí'` jmii` huíng` jø' e sicáang` cóo' cóo' oo' e sii` mirra e sí'í' ni'í' dsea` do, dsu' Jesús ja` cali'iiñ` fa' e ca'í'r` e jo. ²⁴ Jo job mi` cateáaiñ` dsea` do fi' dse` crúu`; jo jaléng' i 'lée` do canaaín` cóor` quiá'` e nijmér` guié` sí' Jesús, jo ne`duu` e` nilí'r` nicóor` lajaang` lajaaín`.

²⁵ Jo ngóo`jiu` la ii` ñú` e la'ee` mi` cateáaiñ` dsea` do fi' dse` crúu`. ²⁶ Jo catéer` cóo' 'majmá'jiu` fi' yá'` gui` dsea` do e tóo' e` uing` e jmáin` dsea` do lado, jo lalab tóo': "I lab dseata` dsea` féng'` quiá'` dsea` Israel." ²⁷ Jo cateáang`guir` gáng` ii` colíng` cóo' Jesús, jmá'` jáng` crúu` lajaaín` do, jaang` la cataang` cáang` dsea` do. ²⁸ Jo lajob caliti` laco' la fé' fi' ni` jì quiá'` Fidié` lí` fé' lala: "Calí'íin` jee` jaléng' dsea` i 'lée'."

²⁹ Jo jaléng' dsea` i ngíng` lajee` e táang` Jesús fi' dse` crúu` lico' guia'r` gui`bre e jøiñ` dsea` do jo fé'r` lala:

—¿Ja`! ¿Su o' 'nu`bi i fé' i lí' qui'` guá'` fé' quiá'` dsea` góo', jogui cóo' 'ní' jmii` lajo lí' jméel`tu? ³⁰ Jo lana leaang` uø', jo güíng` fi' lí` táan` fi' dse` crúu` na.

³¹ Jo lajobi jaléng' fií` jmidsea` quiá'` dsea` Israel cóo' gui jaléng' tifa' quiá'` júu` quiá'` ta` quiá'r` dseáng` løm`bre dsea` do, jogui siin` lajee` yaaiñ` lala:

—Caleáam`bre jaléng` dsea`jiéng`, dsu`'ñia`r` jo`quá`r` jmi` fa` e nileáng`gui` ñia`r` náng. ³² Song nine`naa` e nijgiáaiñ` fí` dse` crúu` fí` lí` táaiñ`, joguiba` já`-nilí`naa`jóng` e í`bre líiñ` Dsea`Jmáang`, i` dsea` i` sijeeng`naa` i` nicá` nifí` qui`-ii`, jogui` i` nilíng`-dseata` dsea` féng` qui`-ii` cajo.

Jø jì`gui` cartí` i` ì` i` taang` cáaiñ` do, gab` fé`r` uí` quiá`-dsea` do cajo.

Mi` cajúng` Jesús

(Mt. 27:45-56; Lc. 23:44-49; Jn. 19:28-30)

³³ Jø mi` catí` guieñí` e jmi` jo, dseáng`-latøng` e fí` jø calinú` conguaí`, jø lajòb` lí` cartí` la ì`-`ní` ca'lóo`. ³⁴ Jø e í` jøb` mi` ca'óo` Jesús teá` jø cajíñ`-lala:

—Eloi, Eloi, ¿lama sabactani? —e guøng`: Fidié` quié`-e, Fidié` quié`-e, ¿jiali` nicatiun` jnea`?

³⁵ Jø i` líng`-dsea` i` teáng`-do ie` jø canúur` e jø, jø cajíñ`-:

—Fíng` na núu`-na`, lana tó`r` i` café` cuaiñ` quiá`-Fidié` malí`-gui` eáang` i` calisí` Lí`.

³⁶ Jøba` ladsifí` ladob` cangó`-jaang` i` dsea` do, jø cangoquier` coo` joo` e nisiyá` jmi` jmi` huiñg` jó` e tí`, jø caquiñ` e joo` do fí` coo` yá` tá` jø caséer` e laco` niyá`-Jesús jø cajíñ`-lala:

—Ja` e` cang`na`re, majeeng`duu` su nijáa` i` Lí` do e nijajgiáaiñ` dsea` na.

³⁷ Jøb` mi` ca'óo` Jesús e teá` eáang` jø cajúm`-bre. ³⁸ Jø mifíng` jøb` cajo casím` e `mi` fé` e í` fí` sinúu` guá`-fé` quiá`-dsea` Israel e si` fí` Jerusalén jø calí` tú`-fóo` catí` yá` jøgui` catí` uii`. ³⁹ Jø mi` calilí` i` fii`-`lé` romano i` sing` jmoó` í` cáang` Jesús e nicajúm`-dsea` do, jøba` cajíñ`-lala:

—Dseáng`-e` e` ja`-ba` e i` dseañu` na líiñ` i` Joo` Fidié` camíng`-do.

⁴⁰ Jøgui` hui`-bijiú` teáng`-coo` tú`-míng`-dseamí` e jøø` fí` jø; jø jee` í` quíng`-Yá` i` seeng` fí` Magdala, jøgui` Salomé, jøgui` Yá`, niquiá`-Tiáa` i` jiuung` do jøgui` niquiá`-Sé` cajo. ⁴¹ Jø jaléng` i` dseamí` na cangi`bre e jmicóo`-r` cóo`-lí` ee`go`-né` Jesús ie` lamí` cateáaiñ` fí` lí` se` Galilea. Jøgui` i` fíim`bigui` dseamí` i` jiéng` i` teáng`-do ie` jø cajo i` cajalíng` fí` Jerusalén cóo`-dsea` do.

Mi` ca'áng` Jesús

(Mt. 27:57-61; Lc. 23:50-56; Jn. 19:38-42)

⁴² Jø jaquíéng` e tí` lí` ni`í` núu` ie` guati`ló`-jmi` e guía` dsea` Israel guíu` e nití`-jmi` e jmi`íñ`. ⁴³ Jø ie` jøb` mi` caguié`-jaang` dseañu` i` sii` Sé` i` seeng` fí` coo` fí` e sii` Arimatea, jø i` dsea` la líiñ` jaang` i` niing`-quiá`-jaléng` dsea` cóøng` i` quiu`-ta` quiá`-dsea` Israel, jø sijeem`bre cajo e Fidié` nicá` nifí` quiá`-r`; jø dseáng`-teáb` táang` dsíir` cangó`-fí` lí` guíng`-dseata` Pilato, jø camí` fí` e nidsi`áaiñ` Jesús. ⁴⁴ Jø cangogáb` dsíi` dseata` Pilato e nicajúm`-Jesús, jøba` cató`r`-i` fii`-`lé` e quiá`-nijmíng`-reiñ` do jial` tí` níngóo` e cajúng`-dsea` do. ⁴⁵ Jø mi` cajmea` i` fii`-`lé`-do júu` i` dseata` do, jøba` dseata` Pilato cacuø`bre fí` i` Sé` do e nidsi`áaiñ` Jesús. ⁴⁶ Jø i` Sé` do calár`-coo`-`mi` e niguo` eáang` e quiá`-niquiñ`-Jesús. Jø cangojéem`bre dsea` do fí` lí` ni`áaiñ` fí` coo` dsíi`-too`-jiáa`, jø cajlír`-e` ni` do cóo`-coo`-cúu` e fe`. ⁴⁷ Jøgui` Yá` i` seeng` fí` Magdala cóo`-Yá` niquiá`-Sé` i` jaang`gui` do cangá`-bre jie` lí` ca`áaiñ`-dsea` do.

16

Mi` cají`tu` Jesús

(Mt. 28:1-10; Lc. 24:1-12; Jn. 20:1-10)

¹ Jø mi` nicasúung` e jmi` e jmi`íng` dsea` Israel, i` Yá` i` seeng` fí` Magdala jøgui` Salomé cóo`-gui` Yá`, niquiá`-Tiáa`, calár`-jmi` jmeafí` e quiá`-e` nidsisuiñ` Jesús fí` lí` iuung`-dsea` do. ² Jø eeb` e jmi` la`uii` quiá`-semaan`

cangoliñ[^] fí lí[~] ca'áng⁻ Jesús, jò caguiliñ⁻ e lico' nicaguá⁻ iee', ³ jò sñiñ[~] lajee[~] yaaiñ[~] lala:

—¿I[~] nijé[~] e cūu[~] e jlí[~] fí otoo[~] ée[~] lí[~] ca'áiñ⁻ do?

⁴ Dsu[~] mi[~] cangár⁻ røø, e cūu[~] e cajlí⁻ ni[~] otoo[~] quiá⁻ e ée[~] do jò róo[~] ée[~] quiá⁻. ⁵ Jò cangotáam[~] bre e fí dsí[~] tó[~] ée[~] do, jò fí job[~] cangáiñ⁻ jaang[~] siming[~] i guing[~] lí[^] lí dsée[~] i qui[~] coo[~] 'mi[~] té[~] e cuee[~]. Jò eám[~] caføng[~] i dseam[~] do, ⁶ dsu[~] i siming[~] do cañir[~] lala:

—Ja[~] føøng[~] na[~] jí[~] coo[~]; co[~] ñi[~]baa e 'náng[~] na[~] Jesús i seeng[~] fí Nazaret i cajúng⁻ fí dse[~] crúu[^] do, dsu[~] lanagui nicajíb[~] tur, jò jò iuuiñ⁻ fí la lana. Fí na jøø⁻ na[~] e fí lí[~] catiraiñ⁻ do, jò i[~] seeng[~] jí[~] jaang[~]. ⁷ Güilíng[~] na[~] jò güijmé[~] na[~] júu[^] dseá[~] guijáng[~] quiá[~] r⁻, jò jee[~] jò quíng[~] Tú[^] Simón cajo, jò síi[~] na[~] r lala: “Jéeng[~] gui nidsé⁻ Jesús fí lí[~] se[~] Galilea laco[~] gui 'ná[~], jò fí job[~] nimáang[~] na[~] re lí[^] laco[~] gui jí[~] e cajíñ⁻ ie[~] lamí[~] nú[~] gui e nijngáng[~] dseá[~] í[~].”

⁸ Jò mi[~] cangí[~] e jò, ca'uøøm[~] i dseam[~] do e cuíir[~] e fí lí[~] ca'áng⁻ dseá[~] do, co[~] dseáng[~] eám[~] jléeiñ[~] e 'gó[~] r. Jò jí[~] jaang[~] ja[~] i[~] cajmea[~] i dseam[~] do júu[^], co[~] dseáng[~] 'gó[~] bre.

Mí[~] cajmijnéeng[~] 'ñia[~] Jesús fí quini[~] i Yá[^] i seeng[~] fí Magdala (Jn. 20:11-18)

⁹ Jò mi[~] nicangí[~] e nicají[~] Jesús, mi[~] cajneá⁻ e jmí[~] la'uii[~] quiá⁻ seamaan[~] do, jò la'uii[~] cajmijnéeng[~] 'ñia[~] r fí quini[~] i Yá[^] i seeng[~] fí Magdala, i dseam[~] i ca'uøøng[~] guijáng[~] i 'líng[~] fí dsí[~] lamí[~] jéeng[~] gui. ¹⁰ Jò i Yá[^] do ladsifí[~] cangojmée[~] r júu[^] jaléng[~] i dseá[~] i cangí[~] cóo[~] Jesús do; jò jaléng[~] i dseá[~] i dseáng[~] eám[~] fí[~] lí[^] líiñ[~] jogui neáiñ[~] ta[~] qui[~]. ¹¹ Jò mi[~] canúu[~] i dseá[~] do e nicajíb[~] tu Jesús jogui e nicangám[~] i Yá[^] do, jò dsu[~] ja[~] já⁻ calíng⁻ i dseá[~] do ladsifí[~] lado.

Mí[~] cajmijnéeng[~] 'ñia[~] Jesús fí quini[~] gáng⁻ i dseá[~] quiá[~] r do (Lc. 24:13-35)

¹² Jò mi[~] cangí[~] e jò, cajmijnéem[~] 'ñia[~] Jesús fí quini[~] gáng⁻ lajee[~] i dseá[~] quiá[~] r do lajee[~] ngolíñ⁻ e teáiñ[~] fí fí jee[~] mó[~]. ¹³ Joba[~] ladsifí[~] ladob caquim[~] tu i dseá[~] gáng⁻ do, jò cangojmée[~] r júu[^] i caguiaang[~] gui do; jò dsu[~] ja[~] já⁻ calíñ⁻ do cajo ladsifí[~] lado.

E ta[~] e cacuø[~] Jesús jaléng[~] dseá[~] quiá[~] r (Mt. 28:16-20; Lc. 24:36-49; Jn. 20:19-23)

¹⁴ Jò mi[~] cangí[~] gui lajo, lajee[~] e neáng[~] i dseá[~] guijáng[~] quiá[~] r e gø[~] r fí 'ni[~] mes[~], jò lajee[~] jò mi[~] cajmijnéeng[~] 'ñia[~] Jesús fí quini[~] jaléng[~] i dseá[~] do, jò cajím[~] breiñ[~] do, co[~] dseáng[~] ja[~] já⁻ mí[~] lím[~] biñ[~] do e nicajíb[~] tur; jogui co[~] eám[~] ue[~] moguiñ[~] cajo, joba[~] ja[~] já⁻ calíñ⁻ do ladsifí[~] lado mi[~] cajíng[~] i dseá[~] i cangá[~] quiá[~] r e nicají[~] tur. ¹⁵ Jò casí[~] Jesús i dseá[~] do lala:

—Güilíng[~] na[~] fí la'úng⁻ fí jmigüi[~], jogui güigüia[~] na[~] júu[^] jee[~] jaléng[~] dseá[~] jmigüi[~] jial nileáng[~] dseá[~] jee[~] jalé[~] dsee⁻ quiá[~] r. ¹⁶ Jò jaléng[~] i dseá[~] i já⁻ nilíng[~] júu[^] quié⁻ e jogui e nisáiñ[~] jmí[~] e laco[~] cuø[~] lí[~] e nica'uíñ⁻ dseá[~] quié⁻ e, joba[~] i dseá[~] i nileám[~] bre jóng[~] jee[~] jalé[~] dsee⁻ quiá[~] r; dsu[~] i dseá[~] gui i ja[~] já⁻ nilíng[~] júu[^] quié⁻ e, joba[~] i dseá[~] i latab[~] ni'naaiñ[~] quiá[~] Fidié[~]. ¹⁷ Jogui niñím[~] jaléng[~] i dseá[~] i já⁻ líng[~] júu[^] quié⁻ e e nilí[~] bre uóñ⁻ i 'líng[~] i teáng[~] dsí[~] dseá[~] la'eáng[~] cóo[~] júu[^] quié⁻ e; jogui niñím[~] bir cajo e nifé[~] r jmí[~] e ja[~] mí[~] ñir[~] jéeng[~] gui; ¹⁸ jogui nilí[~] bir e sáiñ[~] mí[~] i guíng⁻ cajo e ja[~] nicúñ[~] do quiá[~] r, jogui song ni[~] r lafa[~] oguí[~], ja[~] nilé⁻ quiá[~] r jí[~] coo[~]; jogui niñím[~] bir e nilí[~] r jmi[~] leáiñ⁻ jaléng[~] dseá[~] dsée[~] cajo e lico[~] niquidsir[~] guóor[~] fí yá[^] moguiñ[~], jò ni'leám[~] biñ[~] do jóng.

Mĩ cangáng^{-tu} Jesús fĩ ñifĩ⁻
(Lc. 24:50-53)

¹⁹ Jò miĩ cangĩ e casĩ⁻ Fíinaa' Jesús jaléng[^] i dsea` quiá^{-r} do lajò, joba' cajgóo^{-bre} fí yá[^] jmigüi jóng, jò cangám^{-tur} fí ñifĩ⁻ fí lí cajar⁻, jò cangogüea^{-tur} lí[^] lí dsée' laco'gui la guing[~] Tiquiá^{-r} Fidiée[~]. ²⁰ Jò miĩ cangĩ jò, ca'uøøm` jaléng[^] i dsea` do fí la'úng⁻ fí jmigüi e cangoguiar[~] júu[^] quiá⁻ jial laang` dsea` jee[~] jalé[^] dsee⁻ quiá^{-r}, jò 'ñiab' Fíinaa' jmicóo^{-r} i dsea` î e guiaĩ[^] do júu[^] quiá^{-r}, jogui ca'e[^] bir dsea` jmigüi e dseáng⁻ e já⁻ júu[^] quiá^{-r}, co' jaléng[^] i dsea` do jmóor jalé[^] e dsigá` dsí' dsea` la'eáang' cóo⁻ güea[^] quiá⁻ Fíinaa'.

Jò lajob nilí.

Jò lanab jíi⁻ lí júu[^] quiá⁻ Fidiée[~] e cajme' Marcos.

E lab júu^ quiá'- Dsea` Jmáang- e cajme' LUCAS

E uing~ e cajme' Lucas e ji` la

¹ Teófilo, niñí^b 'nu e fím' dsea` cajme'r' fí' ni` jì jalé' e nicalí- jee~ jneaa~aa',
² jo cajme'r' laco' júu^ e cajmée' jaléng' i dsea` i cangá- jial calí- lamí~ cagüéng-
 Jesús fí' jmigüf' la, jo i dsea` íb` i ca'e' jalé' júu^ quiá'- Jesús cajo. ³ Jo nica'nób'
 jnea~ cajo, jo nicalidseáam' dsii- jalé' e já'- e calí- latí' mi~ uing~ jo latí' lana,
 joba' nijmée' e 'nu júu^ jial calí- lamí~ cateáang' Jesús fí' jmigüf' la, ⁴ jo lajoba'
 dseáng'- lajang'- niliñí' jalé' e júu^ e nica'e' dsea' 'nu`.

Jaang` ángel cajmээр` júu^ e niliseeng` Juan i seáang` dsea` jmí`

⁵ Jo lajee` líng' Herodes dseata~ dsea` féng' quiá'- Judea, jo seeng` jaang`
 jmidsea` quiá'- dsea` Israel i sii' Zacarías, i líng' dsea` quiá'- jaang` jmidsea` i
 sii' Abías. Jo i dseamí quiá'- i Zacarías do siir' Elisabet, siju` jaang` jmidsea` i
 calisí Aarón. ⁶ Jo laji` huáam- bre núu'r- jalé' ta` quiá' Fidiée~, jo eáam' guiúin-
 fí' quini` dsea` do cajo e laco' jíi~ jaang` dsea` ja` cuøøng` cuø'- reiñ' do dsee-.
⁷ Jo dsu' ja` i jóor' seeng`, co' i dseamí do ja` cuøøng` nidsiquieeiñ~ yuu, jogui
 dsím'- nidseáaiñ- laji` huáaiñ- do cajo.

⁸⁻⁹ Jo coo` jmí~ catíng- jaléng' jmidsea` e lí' quíng' Zacarías do e nijmiféiñ'
 Fidiée' fí' dsíi' guá'- fé' e si' fí' Jerusalén, jo nitíng- lajee' la'ó' jmidsea` e
 guíng' yaaiñ~ i` i nitíng- e nijír- su' fí' nife', jo Zacaríasbing' catíng- ie~ jo.
¹⁰ Jo 'ñiab' Zacarías ca'ír- tí' nife' ie~ jo e quier' e su' do. Jo lajee' coo' e su' do,
 lajalém' dsea` teáaiñ- fí' caluu' e jmiféiñ' Fidiée'. ¹¹ Jo lajee' iuung- Zacarías
 fí' nife' do, jo coo` cajném- jaang` ángel quiá'- Fidiée' lí'- lí' dsée' e nife' e lí'
 iuuiñ- jír' e su' do. ¹² Jo mi~ cangáng- Zacarías i ángel do, dsíng'- cafóin' jíi~ ja`
 ñír' e~ nijmér- . ¹³ Jo cajíng'- i ángel do casí'r- Zacarías:

—Ja` fòøñ~, Zacarías, co' nicanúub- Fidiée' lajíi~ júu^ e nicanmí~na'r do, jo
 lana dseamí quiá'- nidsiquieeiñ~ jaang` yuu siñuu^ i nitó' e nilisií Juan mi~
 niliseeiñ'. ¹⁴ Jo fím' dsea` nili'iaang` dsír' jogui dsíng'- nili'iaang` óo' 'nú' e
 niliseeng` i yuu quií-na' do cajo, ¹⁵ co' mi~ nicuáiñ, dsíng'- niliféiñ' fí' quini`
 Fidiée'. Jo ja` mée' ni'í'r carta~ niteáiñ- fí' jmigüf', jogui nú'-gui e niliseeiñ,
 ni'íñ' Jmiguí quiá'- Fidiée' e nijmicóo~ quiá'r- lajíi~ ta~ e nijmér- fí' jmigüf'
 la. ¹⁶ Jogui nijmér- e niquí'- jíng' yaang~ fím' dsea` Israel fí' quini` Fidiée'. ¹⁷ Jo
 i Juan do ni'íñ' Jmiguí quiá'- Fidiée' laco' ca'íng' jaang` dseañu' i cali'gøng'
 eáang' i calisí Líí, jaang` i café' cuaiñ~ quiá'- Fidiée' malií'gui eáang'. Joba'
 i Juan na niguiár- júu^ mi~ nijaquíéng' e nijáa' Dsea` Jmáang- e laco' røøb`
 nisíng~tu jaléng' jóo' dsea` cóo' jaléng' sejmiir, jogui e laco' jaléng' dsea` i
 jo` núu~ júu^ quiá'- Fidiée' niquí'- jíng' yaaiñ~ mi~ ninúr- jalé' júu^ e niguiá-
 i dsea` í. Jo lajoba' nijmér- e niguiéng- guiá- yaang~ dsea` e nijmicuíñ` Dsea`
 Jmáang-.

¹⁸ Jo mi~ cató' e fé' i ángel do jalé' júu^ quiá'- Fidiée', jo cajmíngi' Zacarías i
 ángel do:

—¿Jial nilita~ dsí' jnea~ jalé' e jo, co' nidseáam-baa' eáang' cóo' dseamí
 quié-e?

¹⁹ Jo cañí' i ángel do:

—Jneab~ i ángel Gabriel, jo jmóo'o jalé' ta~ e iing~ Fidiée', jo íb` dsea` casíiñ`
 jnea~ e cagajmée' e 'nu` jalé' e juguiú- e nifá'-a na. ²⁰ Jo dsu' uí' e ja` já'-
 calín'- jalé' júu^ quié-e, joba' latí' lana nijá' e jo lí' fo' jíi~ camí' júu^ cartí'
 niliti~ lajíi~ júu^ e nifá'-a na, jo joguib nifo'^tu' jóng.

21 Jo lajee` s̄ing` Zacarías cóo` i ángel do, jo caluu` guá'` féb` teáang` jaléng` i dsea` i sijeeng` ír` do. Jo lajaléng` i dsea` do ninaang` í dsír` jiali` cali`ing` Zacarías eáang` fí lí` cangór` fí nife` do. 22 Jo dsu'` mi` cagüi`'hí` Zacarías fí jo, jo lí` fé'r`. Jōba' dsifí` lajōb` calilí` jaléng` i dsea` i teáang` caluu` do e l̄im`ba' e cangáin` do e fí dsí' guá'` do. Jo dsifí` ladob` canaang` Zacarías e jmóor` lí` cóo` guóor` quiá'` jial e cangár` do, jo cangoca`bi e l̄iin` lado.

23 Jo mi` cangá' jo, mi` catí` í' e cadsíng` lajii` jm̄i` e catíng` Zacarías e iuuiñ` fí sinúu` guá'` do, jo cangám` bre fí quiá'r`. 24 Jo mi` calicóng` gui lajo, yuub` cacóng` dseamf` quiá'r`. Jo lajee` 'ñing` si' jo` cagüi`'hí` i dseamf` do sinúu` quiá'r`, jo lajee` jo` í dsír': 25 "Gui'máam` Fidié` quiá'` e guiá'` e jmóor` cóo` jnea` e laco' jo` nifé` dsea` ga` uii` quié` e."

Mi` cajmé` i ángel do júu` e niliseeng` Dsea` Jmáang`

26 Jo mi` cadsíng` jñúung` si' lajo, cóo` jm̄i` casíng` Fidié` i ángel Gabriel do fí cóo` fí` lí` sii` Nazaret e néé` fí` lí` se' Galilea. 27 Jo casíñ` dsea` do fí quiá'` jaang` simí` i sii` Yá` i ninéé` júu` quiá'` cóo` jaang` siming` siju` Daví' i sii` Sé`. 28 Jo mi` caguié` i ángel do fí quiá'` i simí` do jo casí` reiñ`:

—Juguiá' o` quií', simí', co' 'nə`bing' i nicaguíng` Fidié` lajee` lajaléng` dsea` i seeng` fí` jmigüí, jo Fidiéeb` nijmicóo` 'nə`.

29 Jo mi` canúu` i simí` do júu` quiá'` i ángel do, dsíng` cangogá` dsír` jo ca'f` dsír` e` uing` e cajíng` dsea` do lado.

30 Jo cajíng` tu` i ángel do:

—Ja` f̄oøñ` jii` cóo, co' íáam` dsí' Fidié` cóo` 'nə', 31 jogui` lana nigüi` quiéen` jaang` yuub` siñuú, jo mi` niliseeñ, nitó`na' e nilisiir` Jesús. 32-33 Jo mi` nicuáiñ, nijmé` Fidié` e niliñ` jaang` dsea` féng` laco' calíng` i sijur` Daví' do. Jogui` i yuub` do quií` latab` niquiú'r` ta` quiá'` lajaléng` dsea` Israel, jogui` niquiú'r` ta` cajo fí` la'úng` fí` jmigüí, jogui` nilisiir` Joo' Fidié` dsea` guing` ñifí`.

34 Jōba' cajmingi' Yá` i ángel do:

—¿Jial` cuøng` nilí` lajo? Ja` gui` cóo` o` dseañu`.

35 Jōba' cañí` i ángel Gabriel do:

—Fidié` dsea` guing` ñifí` nijmér` cóo` güea` 'gøng' quiá'r` e niquin` lafa' jee` cabøø` jnii', jo lajee` jōba' nicuø'r` 'nə` Jmiguí` quiá'r`, jo joguiba' nigüi` quiéen` i yuub` güeang` i líng` Joo' Fidié` do. 36 Jogui` i nii' i sii' Elisabet, jaang` dseamf` i niyúng` eáang`, jñúung` si' ningóo` e quiéeiñ` jaang` yuub` siñuú. Jo i dseamf` do i nica'éeng` dsea` eáang` e ja` jiuung` nicøøiñ, yuub` niquiéeiñ` lana, 37 co' jaléb' t̄ing` Fidié` jmér`.

38 Jōba' cañí` Yá`:

—I` quiá'` Fidiéeb` jnea`. Güijméeb` Fidié` cóo` jnea` laco' nicafee` na.

Jo mi` calí` s̄iin` lado, jo cangám` tu` i ángel do fí` lí` cajár`.

Mi` cangó` Yá` e cango'er` Elisabet

39-41 Jo dsifí` mi` cangá' lajo, cangó` Yá` fí` cóo` fí` e néé` fí` jee` mó' lí` se' Judea e cango'er` i níir` Elisabet i cóo` Zacarías do.

Jo mi` caguié` fí` jo, jo cangoféiñ` dsea` do. Jo mi` cató` Yá` cató'r` Elisabet, dsifí` ladob` cajóng` i yuub` i iuung` dsí' tu' Elisabet, jogui` dsifí` ladob` ca'íng` Elisabet Jmiguí` quiá'` Fidié`. 42 Jōba' cajíng` i Elisabet do casí'r` Yá` e ngocáng` dsír' jo cajíñ`:

—'Nə`bing' i nicajmigüeang` Fidié` lajee` lajaléng` dseamf` i seeng` fí` jmigüí, jogui` nicajmigüeaiñ` yuub` quií` cajo. 43 ¿I` jnea` e nija'ee` niquiá'` Fíi` jnea`? 44 Co' mi` canú` u e cate' jnea, dsifí` ladob` cajóng` yuub` quié` e lí` iuuiñ` fí` dsí' tú` u e íáang` dsír'. 45 Jōba' eáam` juguiá' quií', co' jáb' calín' e niliti` jalé' júu` quiá'` Fidié` e cacuø'r` 'nə'. 46 Jōba' cajíng` Yá`:

Dsínɡ' jmfén' jnea~ Fidiée~,
⁴⁷ jɔɡuɪ dsínɡ' íáang` dsii` cóo'r~ cajo,
 cɔ' íbre dsea` caleáaiñ` jnea~ jee~ dsee~ quié~e.
⁴⁸ Dsɯ' jnea~ lín'n jaang` dsea` quiá'~ Fidiée~
 i ja` jmféng' 'ñia', jɔ sɪ'ím' Fidiée~ jnea~,
 jɔ latí lana jɔ cartí róo` jmigüi nifé' jaléng' dsea` jmigüi juguiá~ uii`
 quié~e.
⁴⁹ Cɔ' Fidiéeb` dsea` 'gøiñ' fí la'úng~ fí jmigüi,
 jɔɡuɪ jmiguiab` jalé' e nicajméer` cóo'~ jnea~ cajo,
 cɔ' íbre dsea` güeaiñ' fí latøng~ fí jmigüi.
⁵⁰ Jɔɡuɪ contømm~ nilí fí' líiñ~ jaléng' dsea` i nijmi'gó' ír`.
⁵¹ Jɔ íbre tñiñ` jmér~ lí' doñí ee',
 jɔɡuɪ cajméer` e cajgiéem~ jalé' e í dsí' dsea` i jmicøng' yaang~.
⁵² Jɔɡuɪ cajgiáam~ bre uó~ jaléng' dsea` i óo` ta~ ñí',
 jɔɡuɪ yúb' caseáin' jaléng' dsea` i ja` jmicøng' yaang~.
⁵³ Jɔɡuɪ juguiab~ cacuø'r` jaléng' dsea` i ja` 'ga' lí sea` quiá'~,
 jɔɡuɪ cajmilím~ bre guoo` jaléng' dsea` sea` cuu~.
⁵⁴⁻⁵⁵ Jɔɡuɪ cajmicóo'r~ jaléng' dsea` góor` dsea` Israel
 i caguíñ' lamí~ jéeng'gui i nilíng~ dsea` quiá'r~,
 cɔ' lajob júu^ caséer` cóo'` lí~ yúu~ qui'ii' i sií Abraham e nilí fí' líng~
 Fidiée~ jneaa~aa',
 jɔɡuɪ nijmicóo'r~ jneaa~aa' lata~.
 Jɔ jalé' e júu^ na cajíng' Yá^ ie~ jɔ.
⁵⁶ Jɔ cajeb` Yá^ gaang` sɪ' cóo'~ i Elisabet do. Jɔ mi~ cangí jɔ, jɔɡuɪba'
 cangáng'~ tur fí quiá'r~.

Mi~ caliséng` Juan i seáang` dsea` jmí`

⁵⁷ Jɔ mi~ cangí jɔ, cadsím~ jmí` e niliseeng` yuu` quiá'~ Elisabet, jɔ jaang` yuu`
 siñuub` caliséng` quiá'r~. ⁵⁸ Jɔ dsínɡ' calí'íáang` dsí' jaléng' rúíñ' cóo'~ jaléng'
 dsea` i neáang` lacúng' lajíng` lí~ neáaiñ', cɔ' calilí'r^ e dsínɡ'~ guiá~ e cajmée~
 Fidiée~ cóo'~ i Elisabet do. ⁵⁹ Jɔ mi~ cadsí'~ i yuu` quiá'~ Elisabet do jñiá~ jmí~,
 jɔba' cangojéeng` neiñ' e nitó~ lí fí ngúu` táaiñ` lacɔ' e qui'~ tñng` dsea` Israel.
 Jɔ mi~ cajméer` lajɔ, sɪ'í^ nilisii` i yuu` do lacɔ' sií tiquiá'r^ Zacarías. ⁶⁰ Dsɯ' i
 Elisabet do cañír` jɔ casí'r~ jaléng' i dsea` do:

—U~, Juam 'né~ nilisiiñ' na.

⁶¹ Jɔba' cajíng'~ i dsea` caguiaang~ do casí'r~ Elisabet:

—Jɔ ¿jialí' nilisiir` lajɔ? Jíi'~ jaang`gui dsea` sínúu^ qui'~ ja` siir` lajɔ.

⁶² Jɔba' cajmíng'~ i dsea` caguiaang~ do Zacarías e jmóor` lí~ cóo'~ guóor`:

—Jɔ ¿jial nilisii` i yuu` la, fó' 'nu`?

⁶³ Jɔ Zacarías camir` cóo' lí~ nijmé'r~ jial iñ~ e nilisii` i yuu` do, jɔba' cajme'r`
 e Juam nilisiiñ' do. Jɔ dsínɡ'~ cangogá` dsí' jaléng' i dsea` do e calisí i yuu` do
 Juan. ⁶⁴ Jɔ dsifí ladob cana' oo~ luu~ Zacarías jɔ canaiñ` jmiféiñ' Fidiée~.

⁶⁵ Jɔɡuɪ jaléng' dsea` i neáang` lacúng' lajíng` lí~ guíng~ Zacarías eáam`
 cangogá` dsíir` quiá'~ jalé' e calí~ do, jɔ lajobi lacaang` jee~ mó' lí se' Judea
 eáam` caliseá' e júu^ jɔ. ⁶⁶ Jɔ lajüng` dsea` i caliñí jalé' e calí~ do cajmíng' rúíñ':
 —¿E~ sí'íng^ i yuu` la mi~ nicuáin'? Dsɯcɔ' eáam` lí~ e jmicóo'~ Fidiée~ quiá'r~.

Jalé' e ca'ø' Zacarías quiá'~ Fidiée~

⁶⁷ Jɔ mi~ cana' oo~ luu~ Zacarías, dsifí lajob ca'íñ' Jmíguí quiá'~ Fidiée~ jɔ
 canaiñ` fé'r` jalé' júu^ e cangüiñ` cacuø' Fidiée~ ladsifí lado jɔ cajíñ'~:

⁶⁸ Güijmfém' jaléng' dsea` Fí'naa' Fidiée~ quiá'~ dsea` Israel,
 dsɯcɔ' nicajár~ jee~ jneaa~aa', dsea` lí'naa' dsea` quiá'r~,

jɔ nɪcaleáam bre jneaa~aa' jee~ jalé' dsee~ quí~naa'.

⁶⁹ Jɔ caguíñ' lajee~ lajaléng' siju~ dseata~
dsea` féng' Daví' i jmóo' ta~ quíu' Fidiée~ do jaang` i 'gøng' gui eáang'
e quiá'- nileáiñ~ jneaa~aa' jee~ jalé' dsee~ quí~ii'.

⁷⁰⁻⁷¹ Cɔ' lajob júu^ cacuø' Fidiée~ jaléng' dsea` quiá'r~ i nɪcafé' cuaiñ~ quiá'r~
malí' gui eáang'

e nileáiñ~ jneaa~aa' jee~ jaléng' i 'ní' níng~ jneaa~aa'

jɔgui jee~ jaléng' i guíng~ quí~naa' cajo,

⁷² jɔgui nilí' fí' lím~ bre jaléng' 'lí' dsea` cóøng'~ quí^naa',

cɔ' ja' ni'íng~ dsír' lajii' júu^ e cajmirør'

cɔ' 'lí' yúu'~ quí~ii' Abraham lajii'~ malí' gui eáang'.

⁷³ Jɔ e lab júu^ e cacuø' Fidiée~ i Abraham do ie~ jɔ:

⁷⁴ e nileáiñ~ jneaa~aa' jee~ jaléng' i 'ní' níng~ jneaa~aa',

jɔba' jneaa~aa' nijmó^naa' e ngocáng' dsí'naa' lí' dseáng'~ laco' iing~ Fidiée~,

jɔ jo' e 'gøng'~naa' jii'~ cɔ' i dsea` i 'ní' ní'~ quí~ii' do jóng.

⁷⁵ Jɔgui lata~ see~naa' fí' jmigüí' la,

nisee~naa' e lí'naa' dsea` güeang'~ quiá'- Fidiée~ jɔgui dsea` i ée' røø' laco'
sí' lí' fí' quini' Fidiée~.

⁷⁶ Jɔ mi~ calí' e jɔ, jɔ lalab casí'~ Zacarías i yuu' do:

Jɔgui 'nu, yuu' quí~ii', nilisii' dsea` i caguíng' Fidiée~ dsea` guíng~ ñí' i nifé'
cuaiñ~ quiá'r~;

cɔ' 'nu' dsea` niguiéen'~ dsea` guiá',

cɔ' lana nijaquíéeng' e tí' lí'~ nijáa' Fí'naa' Dsea` Jmáang~.

⁷⁷ Jɔ nijméel'~ dsea` júu^ jial nileáng~ Fidiée~ jaléng' dsea` jmigüí' e ni'íng~ dsee~
quíá'r~.

⁷⁸ Jɔ Fidiée~ nijmér~ jalé' e jɔ, cɔ' dsíng'~ 'neáaiñ' jneaa~aa', jɔgui eáam fí' lí' iñ~
jneaa~aa' cajo.

Jɔba' nɪcacuø'r' jneaa~aa' e lafa' nijneá' cɔ' jì' e jlo'~ níng~ 'gøng' fí' lí'
see~naa' lana,

⁷⁹ jɔ e jɔba' nijmicóo'~ quiá'- jaléng' dsea` i seeng' lafa' sijúung~ lí' nu' só'.

Jɔ Fidiée~ ni'é'r^ jneaa~aa' fí' guiá'~ quiá'r~ e laco'

nilisee~naa' juguiá' júu^ røø'.

Jɔ jalé' e júu^ na café' Zacarías ie~ jɔ.

⁸⁰ Jɔ cuaam` i yuu' quiá'r~ do laco' ngóo' jmíi'. Jɔ lajee~ cuaaiñ~, eáang' ngóo'
licuíñ' Fidiée~ jɔgui eáang' ngóo' liguiúñ~ la'eáang' cóo'~ Jmiguí' quiá'- dsea`
do. Jɔ mi~ 'lé' cacuíñ~, jɔ cangór~ fí' cɔ' jee~ mó', jɔ jɔb cateáaiñ' cartí' mí'
caguié' jmíi' e nilicuí' dsea` Israel quiá'r~.

2

Mí' caliséng' Jesús

(Mt. 1:18-25)

¹⁻² Jɔ ie~ jɔ seeng' jaang' dseata~ dsea` féng' i sii' Augusto i quíu' ta~ ie~ jɔ, jɔ
seeng' jaang' dseata~ dsea` nu'luu~ quiá'r~ i sii' Cirenio i guíng~ líng' ta~ fí' lí'
se' Siria. Jɔ ie~ jɔ caquíu' i Augusto do ta~ e nilí'íng' jaléng' dsea'. ³ Jɔ jaléng'
dsea` i taang' fí' lí' jé' 'né' nidsilíñ' fí' góo'bre, jɔ fí' jɔb nilí'íñ'.

⁴ Jɔ mi~ cahuí' ta~ lajɔ, jɔba' cagüí' i Sé' do fí' lí' guíñ' fí' fí' Nazaret lí' se'
Galilea, jɔ cangáñ'~ fí' góor' fí' lí' se' Judea fí' cɔ' fí' e sii' Belén fí' lí' caliséng'
i dseata~ dsea` féng' i sii' Daví' do, jaang' dsea` siju~ Sé' i caliséng' malí' gui
eáang'. ⁵ Jɔ mi~ cangáng'~ Sé' fí' góor', té'e'bre Yá', cɔ' ninée' júu^ quiá'r~ cóoñ'~
do, jɔgui yuub' niquíéiñ' do cajo.

6-7 Jo mi~ caguiliñ' fi' Belén, job catí' í' e niliseeng' yuu' quiá'- Yá^, dsu' ja' lí' calí'r- lí' nijér-, co' dsíng'- fíng' jaléng' dsea' i caseáng' e fi' fi' do ie~ jo. Jo lí' güñng' jaléng' cuea~ güitáb^ cajer', jo job caliséng' i yuu' do. Jo íb' la'uii~ jóo' Yá^ i caliséng'. Jo mi~ cangí' jo, caquiñ'- coo' 'mi', jo catiráaiñ' dsí' coo' ni'núu' lí' gø' jó', dsuco' ja' lí' sea' lí' guiá- fa' niquier'.

Mi~ cajnéng- ángeles fi' lí' taang' dsea' jmóo' í' jo'se'

8 Jo mi~ canuu' e jmiñ' jo, jo nicaje' coo' tú- míng' dsea' i jmóo' í' jo'se' quiá'- fi' lí' caluu' fi' Belén. 9 Jo lajee' neáaiñ' e canuu' e jmiñ' jo, coo' cajném- jaang' ángel i casíng' Fidié' fi' lí' neáaiñ', jo dsíng' jlo' cajneá- e güea' quiá'- Fidié' do lacúng' lajíng' lí' neáng' i dsea' do, jo dsíng' cafóñ'. 10 Jo cajíng' i ángel do casí'r- jaléng' i dsea' do:

—Ja' fòong' na' jii' coo', dsuco' juguiáb- quiee^ quiá'na', jo fím' dsea' nili'íang' dsí'r' uí' e júu^ jo. 11 Co' fi' lab góo' dseata~ dsea' féng' Daví', jo lana fi' lab nicaliséng' Dsea' Jmáang-, dsea' nileáiñ- 'nú' jee~ jalé' dsee- quiá'na'. 12 Jo niñí'ba' e mi~ nigüi'néng' na'r jo niguiéng' na'r quiñ' coo' 'mi' jo ráaiñ' dsí' coo' ni'núu' lí' gø' jó'.

13 Jo mi~ cató' e café' i ángel do lado, coo' cajném- ángeles i fíng'gui fi' lí' neáng' i dsea' do, jo lajalém' i ángeles do canaaíñ' e jmiféñ' Fidié' lajaléñ' do jogui canaaíñ' do ø' lala:

14 i Majmiféng' naa' Fidié' dsea' guíng' ñiff-, jogui jaléng' dsea' jmigüi i seeng' guiá- cóo'r- güiliseem-bre juguiá- júu^ røø' cóo' dsea' do!

15 Jo mi~ cató' e ca'ø' i ángeles do, cangolíim^tur fi' lí' jaliñ-. Jo i dsea' i jmóo' í' jo'se' do canaaíñ' sñiñ' lajee' la'ó' yaaíñ' jo sí' rúñ' lala:

—Má-aa' fi' Belén. Mane'duu' jalé' e nicajíng' Fí'naa' Fidié' quiá'- jalé' e nicalí- jmiñ' na.

16 Jo catam' i dsea' do fi' lajminá-, jo mi~ caguiliñ' fi' Belén, cadséñ' Yá^ cóo' Sé' jogui i yuu' do e ráaiñ' dsí' coo' ni'núu' lí' gø' jó'. 17 Jo mi~ cangí' e cangáñ' i yuu' do, jo canaam-bre ni'r' júu^ lajii' e cajíng' i ángel do cuaiñ' quiáñ' do. 18 Jo jaléng' dsea' i canúu- e júu^ jo dsíng' cangogá' dsí'r'. 19 Jo dsíng' ca'í' dsí' Yá^ quiá'- jalé' e calí- ie~ jo, jogui ca'mea'bir e júu^ jo fi' dsí' moguir~.

20 Jo mi~ cangí' jo, caquim'- tu i dsea' jmóo' í' jo'se' do. Jo lajee' ngolíñ' jo ø' quiá'- Fidié' jo dsíng' jmiféñ' Fidié', co' calitib~ lajii' júu^ e quie' i ángel do ie~ jo.

Mi~ cangojéñ' Jesús fi' guá'- fé' e si' fi' Jerusalén

21 Jo mi~ cadsí' i yuu' do jñiá- jmiñ', jo cangojéng'neñ' e cató- lí' fi' ngúu' táaiñ' laco' qui' tíng' dsea' Israel. Jo dsí' ladob catéer' e calisíñ' do Jesús lí' laco'gui cajíng' i ángel do casí'r- Yá^ lajii' mi~ nú' gui e nidsiquiééñ' i yuu' do.

22 Jo mi~ cangí' jo, mi~ cadsí'- Yá^ tuló- jmiñ' e caliséng' i yuu' do, cajmiti-bre lajii' júu^ e casé' Moi' e 'né- nilí, joguiba' cangolíñ' cangojéng'neñ' fi' guá'- fé' e si' fi' Jerusalén e laco' nidsijeáng-neñ' fi' quini' Fidié'. 23-24 Jo mi~ nití' í' e nidsilíng- dsea' Israel sinúu' guá'- cóo' yuu' siñuu' la'uii i liseeng' quiá'r-, 'né- jéeng' sejmii' i yuu' do gáng- bøsii' osi gáng- mee~ quiá'- e nijngáng'- jmidsea' fi' nife' quiá'- e sinúu' guá'- do. Jo jalé' e jo cajmée' i Sé' do cóo' i Yá^ do ie~ jo, co' lalab ta~ caqui' Fidié' malí'gui eáng': “Song ii' caliséng' yuu' siñuu' la'uii' quiá', í'bing' i nijmé- ta' lí' lajii' e iing' Fidié'.”

25 Jo ie~ jo seeng' jaang' dseañu' fi' Jerusalén i siñ' Simeón, jaang' dseañu' i guiúng- eáng', jo dsíng' jmiféñ' Fidié', jogui sijeeñ' i nisíng' Fidié' i

nileáng- dsea`góor` dsea` Israel jee` jalé` dsee- quiáin`. Jo jéeb` Jmiguí` quiá- Fidiéé` quiá- i Simeón do, ²⁶ jo la'eáang` cóo- e joba' caliñir` lajii` lamí` jéeng`gui e ja` nijúuin` e ja` mí` cangáaiñ` Dsea` Jmáang-, dsea` i nisíng- Fidiéé` do. ²⁷ Jo ie` jo cajmée` Jmiguí` quiá- Fidiéé` e cangó- Simeón fí` guá- fé` e si' fí` Jerusalén. Jo mi` caguiér- e fí` guá- jo, fí` job` nitaang` Yá` cóo-`gui Sé` e jéeiñ` i yuu` Jesús do e jmóor` jalé` ta` e caquiá' Fidiéé` e 'né- lí. ²⁸ Jo mi` cangáng- Simeón i yuu` do jo casang'-neñ' jo canaaiñ` jmiféiñ' Fidiéé` jo cajíñ'-:

²⁹ Gui'máam`ba' Fíi'naa' Fidiéé`, có' nicalitib` lajii` júu` quií- e cajmée`- jnea` jéeng`gui.

Joba' dsíng'- iáang` dsii- lana, jo nicuøøm` nitøø'- jnea` fí` ñiff- quií-, jnea` dsea` i jmóo' lajii` e iing` 'na`;

³⁰⁻³¹ có' nicamám`baa i yuu` la, dsea` i nileáng- jnea` jee` jalé` dsee- quií-ii', dsea` see`-naa' fí` jmigüi` la.

³² Có' i lab dsea` i líng` e ji` e jneá` jee` jaléng` dsea` jmigüi`,

jogu` la'eáang` i lab cajo e nijmí'gó` dsea` jaléng` dsea` quií- dsea` Israel.

³³ Jo dsíng'- cangogá` dsí' Yá` cóo-`gui Sé` quiá- jalé` e cajíng'- i Simeón do uii` quiá- i yuu` do. ³⁴ Jo mi` calí- e café` Simeón lajo, jo cataiñ'- güea` i yuu` do cóo-` sejmiñ` jogui` cajíñ'- casí'r- Yá`:

—I yuu` la nisi'iñ` mi` nicuáin` e niguiár- júu` jial` nijmicuíng` dsea` Fidiéé`, joba' fíim` dsea` jmigüi` niquí-` jing` yaaiñ` fí` quini` Fidiéé`. Dsu' seem` dsea` i ja` ni'íng` jalé` júu` e niguiáin` do, có' ja` nití- dsíir', ³⁵ có' niguiéeb` jmí` mi` nilidseáang` dsí' jial` dsí' lajaang` lajaang` dsea` jmigüi`. Jogui` 'na` dsíng'- nilijiuung` o' mi` nijmeáang` dsea` i yuu` la quií- mi` níféiñ`.

³⁶ Jo mi` calí- e fé` Simeón lajo, jo cajám`bre i yuu` do cóo-` sejmiñ`. Jo dsifí` ladob` cangoquiéeng` jaang` dseamí` i sii` Aa- fí` lí- sing` Yá` cóo-`gui Sé` e jéeiñ` i yuu` do, jo fé` i dseamí` i sii` Aa- do cuaiñ` quiá- Fidiéé` cajo, jo i dseamí` í` líiñ` jóo' jaang` dseañu` i sii` Fanuel i líng` dsea` siju` jaang` dsea` i calisí` Aser. Jo i dseamí` do eámam` niyúin`; ochenta y cuatro jii` ñingóo' e 'niiñ` jo le'eámam`bir` eáang` mi` cacúng'- guór`, jo guié` jii` mi` cangíngui` lajo, cajúm- dseañu` quiá'r-. ³⁷ Jo contøøm- iuuin` sinuá` guá- e jmitir` lajii` e iing` Fidiéé` e jmiféiñ` dsea` do jogui` e jmóor` ayuno cajo. ³⁸ Jo mi` cangáin` i yuu` Jesús do, jo cacuø'r` gui'máang` Fidiéé` uii` quiáin`. Jo mifíng` canaaiñ` jma'r` júu` jaléng` i dsea` i sijeeng` i dsea` i nisíng- Fidiéé` e quiá- nileáin` dsea` jee` dsee- quiá'r- jo cajíñ'- casí'-reiñ': "I lab i yuu` i cajíng'- Fidiéé` i nisíñ- i ni'íng- dsee- quií'naa'."

Mi` cangolíng`tu` Yá` cóo-` Sé` fí` Nazaret

³⁹ Jo mi` cangí- e cajmiti` sejmiñ` Jesús jalé` e ta` huí` fí` ni` jii` quiá- Fidiéé` do, cangolíim`tur` cóo-` i yuu` do fí` Nazaret fí` lí- se' Galilea. ⁴⁰ Jo cuaam` Jesús lajee` jo laco' ngóor` jmí~, jo dsíng'- ngóo' litíiñ`, jo eámam` jmigüeang` Fidiéé` ír`.

Mi` caje` Jesús fí` dsí' guá- fé` e si' fí` Jerusalén

⁴¹ Jo lacoo` jii` mi` tí` jmí~ Pascua quiá- dsea` Israel, nitíng` sejmiñ` Jesús e dsilíiñ` fí` Jerusalén. ⁴² Jo ie` mi` cadsí- i jiuung` do guitu` jii`, jo fí` job` cangór- cóo-` sejmiñ` cóo-` jaléng` dsea` sinuá` quiá'r- jogui` cóo-` jaléng` dsea` i neáang` fí` Nazaret. Jo fí` job` caje` lajaléng` i dsea` do lajee` catí- e jmí~ do. ⁴³ Jo mi` cadséng- e jmí~ do, jo cangolíim`tur` lajaléiñ` do fí` Nazaret, ⁴⁴ dsu' dob` nicaje` i jiuung` Jesús do fí` Jerusalén. Jo ja` nicalilí- sejmiñ` e nicajer', có' líiñ` e jee` i dsea` caguiaang` dob` ngaiñ`. Jo catam`-bre fí` lajaléiñ` do lajee` cóo' jmí~. ⁴⁵ Jo mi` caniúin` guiá- fí', jo ca'naiñ` Jesús jee` jaléng` i dsea` caguiaang` do,

dsu' jo' li' cadséng'nein' do. Joba' caquim'-tur fi' Jerusalén e cango'neéin' i jiuung' do.

46 Jo mi' caguiling'-tur fi' Jerusalén, jo ja' cadséng'nein' dsifi' lado car' mi' cadséng' 'ni' jmi'gui lajo, joguiba' cadséng'nein'. Dsu' fi' guáb'-guiiñ' do e núur' e síng' jaléng' tifa' quiá'-júu' quiu' ta' quiá'-dsea' Israel, jogui jmiguiab' jalé' e jmingí'-rúng' Jesús cóo' jaléng' i dsea' í. 47 Jo jaléng' dsea' i teáng'-núu' jial ngí' i jiuung' Jesús do dsíng'-dsigá' dsír', co' tím'biñ' eáang'. 48 Jo mi' cangá'-sejmi' Jesús e dob guiiñ', jo dsíng'-cango'gó' dsír' jo cajíng'-niquiá'r' casí'-reiñ':

—Yuu' quí-ii', ¿jiali' cajmeáan' jnea' lana? Dsíng'-nicajmó'oo' fi'í' cóo' tiquií', jo dsíng'-nica'néeng'naa' 'nu'.

49 Joba' cañi' Jesús quiá'-niquiá'r' jo casí'-reiñ':

—¿jiali' ngí'na' 'náng'na' jnea'? ¿Su ja' ñi'na' e ta' nisi'íin' e nijmee' e quiá'-Tiquié' e dsea' guiiñ' ñifi'?

50 Dsu' i sejmiir' do ja' cangáin' jiali' cajíng' i jiuung' Jesús do lado.

51 Jo mi' calí' síiñ' e jo, jo cangolím'-tur laji' gaaiñ' do fi' Nazaret. Jo dsíng'-guiúng' Jesús cóo' sejmiir', jo dsíng'-núur' cajo. Jo eáam' íaang' dsí' niquiá'r' mi' ca'í' dsír' quiá'-jalé' e cangojé' ie' jmi' jo. 52 Jo lajee' jo cuaam' Jesús, jo ngóo' litiing'guir lacoo' jmi', jo dsíng'-íaang' dsí' jaléng' dsea' cóo'r', jogui lajobi Fidié' cóo' ír' cajo.

3

Mi' canaang' Juan i seáang' dsea' jmi' e guiar' júu' quiá'-Fidié' (Mt. 3:1-12; Mr. 1:1-8; Jn. 1:19-28)

1 Jo ie' jo ningóo' gui'ñiá' jiing' e líng' Tiberio dseata' dsea' féng' quiá'-fi' la'úng' fi' jmigüi'. Jo seeng' quiúung' dseata' dsea' nu'luu' quiá'r', jaang' i sii' Poncio Pilato i guiiñ' líng' ta' fi' Judea, jo jaang' i sii' Herodes i líng' ta' fi' Galilea, jo seeng' jaang' rúng' dsea' ngáang' cóo' Herodes i sii' Lii' i guiiñ' líng' ta' fi' Iturea cóo' cóo' li' sii' Traconite, jogui jaang' i sii' Lisanías i guiiñ' fi' cóo' li' sii' Abilinia. 2 Jo ie' jo seeng' gáng'-jmidsea' laniing', jaang' i sii' Anás cóo' gui' jaang' i sii' Caifás. Jo ie' jo cajo i Juan do i líng' jóo' Zacarías guiiñ' fi' jee' uó' quiú' mi' café' Fidié' caféng'nein' e nicatib' í' e nináin' do e niguiár' júu' quiá'-Fidié' fi' jee' dsea' jmigüi'. 3 Jo mi' cahu' ta' lajo, jo dsifi' lajob cangó' i Juan do fi' gua' Jordán, jo fi' job canaain' e guiar' júu' quiá'-Fidié' fi' quini' dsea' i caseáng' fi' lacuee' e gua' do ie' jo. Jo fi' job e'r' jaléng' dsea' i guiling' do, jo sí' reiñ' e 'né' niquí' jing' yaaiñ' fi' quini' Fidié', jo lajoguiba' e nisáin' jmi' e lacoo' cuo' li' e cajmée' dsea' do lajo. 4 Jo e jo cangojé' lí' lacoo' fé' fi' ni' jì' quiá'-Fidié' e cajme' Saí' malí'gui eáang', jaang' dsea' i café' cuaiñ' quiá'-Fidié', li' fé' lala:

Ngí' jaang' dsea' i fé' teá' fi' ni' guóo' uó' quiú' jo fé'r' lala:

“Jmeáang'na' guiá' fi',

jogui nea'na' condsée',

co' lana tí' li' nijáab' Fí'naa'.

5 Jo jmiróo'na' lacaang' guiá' fi',

jo jmiróo'na' lacaang' li' jung',

jo jmee'na' condsée' fi' lacaang' li' tu' fi',

jo jaléb' fi' nilí' røø.

6 Jo jalém' dsea' jmigüi' nilí'r' jial e nileáin' jee' jalé' dsee' quiá'r' la'eáang' cóo' i dsea' í.”

Jo jalé' e na' cajíng' Saí' fi' ni' jì' quiá'-Fidié'.

⁷ Jo mi~ caguiling~ dsea` i iing~ nisang` jmi~ e fi` gua` li~ táang` i Juan i seáng` dsea` jmi~ do, jo casí` i Juan do lajaang` lajaang` i dsea` i caguiling~ do ie` jo:

—¿Jóo` jaléng` mi` guíng` 'nú'! ¿I` cajme` 'nú' júu` e lala cuøng` nileáng` na' lajii~ iihuú` e nijaquíéng` jmi~ na? ⁸ 'Né` nijmiliing` yaang` na' e laco' nililí` jaléng` dsea` rúng` na' e dseáng` e já`-ba' nicaquí` jing` yaang` na' fi` quini` Fidié`. Jo ja` jmigøng` yaang` na' e nileáng` na' jee` dsee` quií` na' dsu' uú` e Abraham líiñ` 'lí` yáa` quií` na', co' e já` e fi`-i 'nú' e cuøm` jmé` Fidié` siju` Abraham jalé` cuu` e néé` la faco' iin~ lajo. ⁹ Cofa' jaléng` dsea` i ja` quí` jing` yaang` fi` quini` Fidié` líiñ` laco' e 'ma` ofi` e ja` dseeng` ofi` e cuø, joba' huú` e 'ma` do jo dsitoo` fi` ni` ji` lafa' cuú` b~, co' ja` ee` ta` íng` jí` coo`.

¹⁰ Jo mi~ canúu` jaléng` i dsea` do jalé` e café` i Juan i seáng` dsea` jmi~ do, joba' cajmingí`-reiñ` do lala:

—¿Jial ni`ee` jnea`^ guiú` cóo`~ Fidié`?

¹¹ Joba' cañí` i Juan do jo casí`-r` i dsea` do:

—E laba' 'né` nijmee`-na': lí` 'nú' oo`-na' tú` 'mi`quí` na', 'né` nicuó`^ na' coo` jaang` dsea` i ja` sea` quiá`-; jogui` ii` 'nú' sea` e cø` na', 'né` nicø`^ na' jmá`-jiu` cóo`~ jaléng` i ja` sea` e dø`-.

¹² Jo lajee` sáing` Juan i seáng` dsea` jmi~ do cóo`~ i dsea` do, job caguiling~ coo` tú` máing`~ nodsicuu` i iing~ nisang` jmi~, jo cajmingí`-r` i Juan do jo cajíñ`-:

—Tifa', ¿e` 'né` jmó` jnea`^ e laco' ni`ee`-naa' guiú` cóo`~ Fidié`?

¹³ Joba' cañí` i Juan do quiá`- i nodsicuu` do jo casí`-reiñ`:

—E laba' 'né` nijmée`^ 'nú': Jo` mí` na' cuu` quiá`- dsea` e jmigui`gui laco' ta` quia` fi` ni` ji` quiá`- dseata`.

¹⁴ Jo lajee` sáing` i Juan do cóo`~ i nodsicuu` do, caguiling~ coo` tú` máing`~ 'lée` fi` lí` táaiñ` jo cajmingí`-reiñ`:

—Jogui` jnea`^, ¿e` 'né` nijmó`^ naa' e laco' ni`ee`-naa' guiú` cóo`~ Fidié`?

Joba' cañí` i Juan do jo casí`-r` i 'lée` do:

—E laba' 'né` nijmití`^ 'nú': Ja` ee` uø`^ na' quiá`- dsea` laguidseaang`, o`gui fong` na' dsea`, o`gui jmoo` na' dsee` quiá`- dsea` e ngi`gui, o`gui ni`ning` na' dsea` e ja` ee` mí` cajméer` jí` coo`; jo güilí` íaang` oo` na' cóo`~ lajii~ e 'léng` na'.

¹⁵ Jo lajee` fé` i Juan do e júu` na, jo jaléng` i dsea` caguiaang` do í` dsíir` e nilí` jogui` í` dsíir` su Dsea` Jmáam` i Juan i seáng` dsea` jmi~ do. ¹⁶ Jo mi~ calilí` i Juan do e í` dsíi` i dsea` do lajo, joba' casí`-reiñ` jo cajíñ`-:

—E já`-, jnea` seán` n` 'nú' jmi~ cóo`~ layaang` jmi~, jo dsu' nabi` nijáa` jaang`gui dsea` i niseáng` 'nú' jmi~ cóo`~ Jmiguí` quiá`- Fidié` jogui` cóo`~ jí`. Jo i dsea` í` 'gøng`'guir laco' jnea` e jí` jnea` ja` catín`-n fa' nisí`-i capí`^ ñí` 'ñúú` lomíir`. Co' jnea` nicaseán`-n jaléng` 'nú' jmi~ cóo`~ layaang` jmi~ e laco' cuø` lí` e nicaquí`- jing` yaang` na' fi` quini` Fidié`; dsu' ír` mi` nigüééiñ` niseáiñ` 'nú' jmi~ cóo`~ Jmiguí` quiá`- Fidié` e laco' cuø` lí` e nicangíng` na' Jmiguí` quiá`- dsea` do. ¹⁷ Jo quieb` dsea` do e jmáíñ` ta` quiá`- e nisíñ` micui`iee`, jo nisér` ca` e qui` quiá`- do. Jo dsu' e micui`iee` do ni`meár` fi` dsíi` sinúu`, jogui` e qui` quiá`- nijí`-bre fi` lí` coo` jí` e ja` tóo` jmi~ yu`.

¹⁸ Jo jmang`- cóo`~ júu` lanaba' caféng` i Juan do jaléng` i dsea` do, jo ca'e`-reiñ` jalé` júu` quiá`- Fidié` quiá`- jial laang` dsea` jee` jalé` dsee` quiá`-r`. ¹⁹ Jogui` caféng` i Juan do jaléng` dsea` e ja` dseeng` laco' jmóo` i dseata` Herodes do e jeeiñ` lafa' dseamí` quiá`-r` oo` dseañu` rúíñ` dsea` ngáang` cóo`-r` i sii` Lii~, jogui` cajíñ`- dseata` Herodes cóo`~ jalé` e ga` e jmóoiñ` do. ²⁰ Jo mi~ caliñí` i dseata` do lajii~ e júu` e fé` i Juan do uí` quiá`-r`, joba' dsíng`- caliguiñ` jogui` cajméer` coo`gui e ga`, co' caqui`-r` ta` e catam`^ i Juan do, jo 'nuñib`^ catang`-neiñ` do.

*Mi~ cajgáang~ Jesús jmii`
(Mt. 3:13-17; Mr. 1:9-11)*

²¹ Jo dsu' ná' gui e ni' í i Juan do 'nuñí', lajee` cateáaiñ` fi' gua` Jordán e seáaiñ` dsea` jmii`, jo cōo` jmii` caguié` Jesús fi' jo, jo cajgáaiñ` jmii` cajo. Jo dsifi' mi` cangí e jo, jo caféng' Jesús Fidiéé` dsea` guiiing` ñiff`, jo lajee` jo cana' cateá' fi' ñiff`, ²² jo fi' job cajgó` Jmiguí` quiá' Fidiéé` e lling` jaang` mee` fi' yá' mogui` Jesús, jo caná' e lling` ii` guicafé' fi' yá' jmigui` jo guicajíñ`:

—'Nub` Jōo`o` i 'neáan`n eáang', jo dsing'` iáang` dsii` cōo` 'na`.

*Jaléng'` 'lii` yúu` quiá'` Jesús
(Mt. 1:1-17)*

²³ Jo guiguí` jii` ningóo' Jesús mi` canaiñ` jmóor` ta` e si'íiñ`. Jo jaléng'` dsea` líiñ` e i Sé` do tiquiá'` Jesús. Jo tiyúu` quiá'` Jesús siir` Elí, ²⁴ jo tiquiá'` Elí siir` Matat, jo tiquiá'` Matat calisír` Leví, jo tiquiá'` Leví calisír` Melqui, jo tiquiá'` Melqui calisír` Jana, jo tiquiá'` Jana calisír` Sé, ²⁵ jo tiquiá'` Sé` calisír` Matatías, jo tiquiá'` Matatías calisír` Amós, jo tiquiá'` Amós calisír` Nahum, jo tiquiá'` Nahum calisír` Esli, jo tiquiá'` Esli calisír` Nagai, jo tiquiá'` Nagai calisír` Maat, ²⁶ jo tiquiá'` Maat calisír` Matatías, jo tiquiá'` Matatías calisír` Semei, jo tiquiá'` Semei calisír` Sec, jo tiquiá'` Sec calisír` Judá, ²⁷ jo tiquiá'` Judá calisír` Joanán, jo tiquiá'` Joanán calisír` Resa, jo tiquiá'` Resa calisír` Zorobabel, jo tiquiá'` Zorobabel calisír` Salatiel, jo tiquiá'` Salatiel calisír` Neri, ²⁸ jo tiquiá'` Neri calisír` Melqui, jo tiquiá'` Melqui calisír` Adi, jo tiquiá'` Adi calisír` Cosam, jo tiquiá'` Cosam calisír` Elmodam, jo tiquiá'` Elmodam calisír` Er, ²⁹ jo tiquiá'` Er calisír` Josué, jo tiquiá'` Josué calisír` Eliezer, jo tiquiá'` Eliezer calisír` Jorim, jo tiquiá'` Jorim calisír` Matat, ³⁰ jo tiquiá'` Matat calisír` Leví, jo tiquiá'` Leví calisír` Simeón, jo tiquiá'` Simeón calisír` Judá, jo tiquiá'` Judá calisír` Sé, jo tiquiá'` Sé` calisír` Jonám, jo tiquiá'` Jonám calisír` Eliaquim, ³¹ jo tiquiá'` Eliaquim calisír` Melea, jo tiquiá'` Melea calisír` Mainán, jo tiquiá'` Mainán calisír` Matata, jo tiquiá'` Matata calisír` Natán, ³² jo tiquiá'` Natán calisír` Daví, jo tiquiá'` Daví` calisír` Isaí, jo tiquiá'` Isaí calisír` Obed, jo tiquiá'` Obed calisír` Booz, jo tiquiá'` Booz calisír` Salmón, jo tiquiá'` Salmón calisír` Naasón, jo tiquiá'` Naasón calisír` Aminadab, ³³ jo tiquiá'` Aminadab calisír` Aram, jo tiquiá'` Aram calisír` Esrom, jo tiquiá'` Esrom calisír` Fares, jo tiquiá'` Fares calisír` Judá, ³⁴ jo tiquiá'` Judá calisír` Jacóo, jo tiquiá'` Jacóo` calisír` Isáa, jo tiquiá'` Isáa` calisír` Abraham, jo tiquiá'` Abraham calisír` Taré, jo tiquiá'` Taré calisír` Nacor, ³⁵ jo tiquiá'` Nacor calisír` Serug, jo tiquiá'` Serug calisír` Ragau, jo tiquiá'` Ragau calisír` Peleg, jo tiquiá'` Peleg calisír` Heber, jo tiquiá'` Heber calisír` Sala, ³⁶ jo tiquiá'` Sala calisír` Cainán, jo tiquiá'` Cainán calisír` Arfaxad, jo tiquiá'` Arfaxad calisír` Sem, jo tiquiá'` Sem calisír` Noé, jo tiquiá'` Noé calisír` Lamec, ³⁷ jo tiquiá'` Lamec calisír` Matusalén, jo tiquiá'` Matusalén calisír` Enoc, jo tiquiá'` Enoc calisír` Jared, jo tiquiá'` Jared calisír` Mahalaleel, jo tiquiá'` Mahalaleel calisír` Cainán, jo tiquiá'` Cainán calisír` Enós, ³⁸ jo tiquiá'` Enós calisír` Set, jo tiquiá'` Set calisír` Adán, jo tiquiá'` Adán 'ñia' Fidiéé`.

4

*Mi~ cajmée` fi` i 'ling'` quijí` jial niróng` Jesús dsee`
(Mt. 4:1-11; Mr. 1:12-13)*

¹ Jo ie` jo, mi` cangí e cangíng` Jesús Jmiguí` quiá'` Fidiéé`, jo e Jmiguí` do cangojéeng` ír` fi' jee` uó` quiú, ² jo fi' job cajer` lajee` tuló` jmii`. Jo lajee` jo ja` e cagó'r` jii` capí. Jo lajee` táaiñ` fi' jo, jo caguié` fi` i 'ling', jo cajméer` quijí`

jial e nirong` dsea` do dsee-. Jo mi~ cangf e tuló- jm#~ do, joguiba' cadseá- jmiaang- Jesús jóng. ³ Jo dsifí' lajob cajíng'- fii~ i 'ling'^ casí'r- dsea` do:

—iSong já'- e 'na` lin' i Joo' Fidié` camíng'~ do, joba' jmee- e ni'uíng- iní' e cuu~ née' la!

⁴ Joba' cañí' Jesús quiá'- fii~ i 'ling'^ do jo casí'- reiñ':

—Lalab fé' fí' ni~ jì' quiá'- Fidié': "Ja` niliseeng` jaléng' dsea` jmigüi` juguiá- e lico' ni'í' nidó'r- jalé' e sea` fí' jmigüi`. Co' 'né- nijmiti~ bre jalé' ta~ quiá' fí' ni~ jì' quiá'- Fidié', jo lajoguiba' e niliseeiñ` juguiá- jóng."

⁵ Joba' cajmée` tu fii~ i 'ling'^ quijí- jial e nirong` dsea` do dsee-, jo cangojéeiñ` dsea` do fí' coo` yú'^ mó' e ñí' eáang', jo ca'e' reiñ' jalé' fii e sea` fí' la'ung- fí' jmigüi` dseáng'- lajee` cateá'. ⁶ Jo cajíñ'- casí'r- dsea` do:

⁷—Jalé' e la nicuøø- quíi'- cóo'~ jalé' gui e jlo'^ e sea` fí' jo song nisi'^ uø- jní'^ jo nijmifén' jnea~, co' e quié- baa lajalé' e na, jo jneab~ cuøøng` jmee~ e guiéé' jo cuøøm` cuøøø doñí' i iin~ n.

⁸ Dsu' dsifí' ladob cañí' tu Jesús quiá'- fii~ i 'ling'^ do jo casí'- reiñ':

—Güihuíng- cáan`n, Satanás, dsuco' lalab fé' gui fí' ni~ jì' quiá'- Fidié' cajo: "Jii~ Fidié' dsea` guíng~ ñifí- bing' nijmifén', jo jii~ ta~ quiá' íbre e nijmití'^ cajo."

⁹ Jo mi~ cangf jo, cajmée` tu fii~ i 'ling'^ quijí- jial nirong` Jesús dsee-, jo cangojéeiñ` dsea` do fí' yú'^ guá'- fé' e si' fí' Jerusalén jo cajíñ'- casí'r- dsea` do:

—Song já'- e 'na` lin' i Joo' Fidié' camíng'~ do, laco' téé- ee' tí' yú'^ la bíng' uø' cartí' uii~, ¹⁰ co' lalab fé' fí' ni~ jì' quiá'- Fidié':

Fidié' niquiá'r- ta~ jaléng' ángeles quiá'r- e nijmér- í' 'na`,

¹¹ jo nisáíñ' 'na` cóo'~ guoor lajee` guiáang' guo' guiá'^ güi', jo lajoba' ja` nilihuín' mi~ nititáan' fí' ni~ uø-.

¹² Dsu' Jesús cañí' tur quiá'- fii~ i 'ling'^ do jo casí'- reiñ':

—Dsu' lalab fé' gui cajo fí' ni~ jì' quiá'- Fidié': "Ja` jmoo' jial ni'é- Fíi' Fidié' dsee-."

¹³ Jo cóo' e job catí' 'ní' née' e jmoo` fii~ i 'ling'^ quijí- jial e nirong` Jesús dsee-, dsu' jii~ coo` née' ja` calí'r- lajo. Jo mi~ cangf jo, mi~ jo' ñí' fii~ i 'ling'^ jial nijmér- e nirong` Jesús dsee-, joba' catiúum- bre dsea` do, jo cangohuím- bre lajee` cateá'.

*Mi~ canaang` Jesús jmóor` ta~ quiá'r- fí' lí' se' Galilea
(Mt. 4:12-17; Mr. 1:14-15)*

¹⁴ Jo mi~ cangf jo, cangám'- tu Jesús fí' lí' se' Galilea, jo la'eáang' cóo'~ jalé' bí' gøng' quiá'- Jmiguí' quiá'- Fidié' canaang` ni' júu^ quiá'r- fí' lacoo' fii e née' fí' la'ung- lí' se' fí' jo. ¹⁵ Jo mi~ niguiéer' lacoo' fii lí' dséer', dsifí' ladob ír' fí' dsí' guá'- quiá'- dsea` góor dsea` Israel, jo fí' job e'r' jaléng' dsea` i dsilíng- fí' guá'- do jalé' júu^ quiá'- Fidié'. Jo jaléng' dsea` i núu' júu^ quiá'r- eám' jímiféiñ' dsea` do.

*Mi~ cangáng'- tu Jesús fí' Nazaret
(Mt. 13:53-58; Mr. 6:1-6)*

¹⁶ Jo ie~ jo, lajee` ngí' Jesús fí' lí' se' Galilea, jo caguiéng'- tur fí' Nazaret fí' lí' cacuaiñ-. Jo mi~ jmii' e jmi'íng' jaléng' dsea` góor dsea` Israel, dséer' fí' Sináú' guá'- laco' jii~ e tiiñ' ñia'r'. Jo lajee` táaiñ' fí' e sináú' guá'- do, jo casíng' ñia'r' jee~ jaléng' dsea` góor, ¹⁷ jo ca'íñ' coo' jì e ca'ír' lí' tóo' jalé' júu^ quiá'- Fidié' e cajme' Saíí', jaang' dsea` i café' cuaiñ' quiá'- Fidié' malí' gui eáang'. Jo mi~ caneáar' e jì' do, joba' cadsé'r' lí' tóo' lala jo ca'ír':

¹⁸⁻¹⁹ E Jmiguí' quiá'- Fii~ Fidié' baa' e jéeng' jnea~,

co' caguíng' Fidiéé' jnea~ e laco' niguiaa^ jalé' juguiá- quiá'r- fí' jee~ jaléng' dsea` tiñíng-:

joguínicasíñ' jnea~ cajo e laco' niguiaa^ juguiá- quiá'- e nileáng' jaléng' i dsea` i lafa' 'ñúung'~ cóo'~ dsee- quiá'-,

joguí e nijmee~ e e nilíjné' tu jaléng' dsea` tiuung-,

joguí e nilaan- jaléng' dsea` i íng' iihuí' quiá'- dsea` rúng',

joguí e nijmées' e júu^ e nicatíb' í' e nijmé- Fidiéé' e ni'uíng- guiá- quiá'- dsea` jmíguí'.

Jo lanab jíí' lí' júu^ e fé' fí' ni~ jì' quiá'- Fidiéé'.

²⁰ Jo mí~ calí- e í' Jesús e júu^ do, jo cajníb'tur e jì' do jo cajá'r' i dsea` néé' ni~ e guá'- do, jo caguáb'tur. Jo jalém' i dsea` teáng'~ sinúu^ guá'- do teáañ- jòøiñ- Jesús. ²¹ Joba' canaang' Jesús sí'r' jaléng' i dsea` do jo cajíñ'-:

—E jmí~ na nicaliti~ jalé' e nicanúu- 'ná' e tóo' e fí' ni~ jì' la.

²² Jo jaléng' dsea` i teáng'~ dsí' e guá'- do dsíng'~ dsigá' dsír' jalé' júu^ quiá'- Jesús, joguí jmang'~ juguiáb- fé'r' quiá'- dsea` do, joguí jmingí'- rúíñ' la'ó' yaaiñ-:

—¿Su o' i nabi jóo' Sé^ i guíng'~ fí' fí' la?

²³ Joba' cañí' Jesús casí'r- jaléng' i dsea` do jo cajíñ'-:

—Ja` ngám- nisí' 'ná' jnea~ jíí' laco' júu^ róo': “Tímí', jmee- m'í' quiá'- uø'”; o'si nifo'^bi' é: “¿Jialí' ja` jmées' fí' góo'- la lajalé' e nicajmee'- fí' Capernaum?”

²⁴ Jo cajíng'- gui Jesús casí'r- jaléng' i dsea` do:

—Jo jnea~ jmítaa- óo'na' e jíí'~ jaang' dsea` i fé' cuaiñ~ quiá'- Fidiéé' ja` íng' dsea` góor' ír'. ²⁵ ¿Já^ tóo' óo'na' jalé' e fé' fí' ni~ jì' quiá'- Fidiéé' e calí- malí'gui eáang' mí~ cajá- Líí' i café' cuaiñ~ quiá'- Fidiéé'? Co' ie~ jo ja` catuu' jmí' fí' Israel lajee' 'ní' jíng' dsí' ca'ná'^, joguí dsíng'- cajá- oo- cajo. ²⁶ Jo dsu' ie~ jo ja` caquiú' Fidiéé' ta~ fa' e cajmées' Líí' e guiá' quiá'- i dseamí' dsea` góor' i 'n'í', co' caquiú' dsea` do ta~ e cajmées' i Líí' do e guiá' dsu' quiá'- jaang' dseamí' i 'n'í' i guíng'~ fí' lí' huí' eáang' fí' cóo' lí' sii' Sarepta quiá'- lí' néé' fí' Sidón. ²⁷ Jo lajob calí- cajo ie~ malí'gui eáang' mí~ cajá- Cheey~, jaang' dsea` i café' cuaiñ~ quiá'- Fidiéé'. Co' fí'm' dsea` Israel dsea` góo' Cheey~, calidsées' e cacár- jmohuí' 'lí' fí' ngúu' táaiñ' ie~ jo, dsu' jíí'~ jaang' i dsea` góor' fa' cajmí'leáaiñ-. Co' camíng'~ dsea` i sii' Naamán i guíng'~ t'í' lí' huí' eáang', t'í' lí' se' Siria, jíí'~ í'bing' i ca'láang-, co' lajob ta~ caquiú' Fidiéé'.

²⁸ Jo mí~ canúu- jaléng' i dsea` i teáng'~ dsí' sinúu^ guá'- do jalé' júu^ quiá'- Jesús jo dsíng'- caliguiñ-. ²⁹ Joba' caguíim'bre dsea` do sinúu^ guá'-, jo ca'øng'neiñ' catí' guiées' fí', joguí cangojéeng'neiñ' cartí' cóo' yú'^ jíáá'. Jo fí' job lí' lamí~ iíñ~ nibíiñ- dsea` do, co' í' dsír' e nijngám'-breiñ'. ³⁰ Jo mí~ caguilíiñ- t'í' e yú'^ jíáá' do e lí' í' dsír' e nibíiñ- dsea` do, jo dsu' Jesús caquiú'-tur jo cangíiñ' jee~ jaléng' i dsea` do, jo jíí'~ cóo' jo ee' cajmées' do quiá'r-.

Jaang' dseañu' i jée' i 'líng'^ quiá'-

(Mr. 1:21-28)

³¹ Jo mí~ cangí' jo, jo cangób-tu Jesús fí' Capernaum fí' lí' se' Galilea. Jo mí~ caguíer- e fí' jo, jo calí'r- fí' dsí' sinúu^ guá'- quiá'- dsea` góor' dsea` Israel, jo fí' job canaaiñ' e'r' jaléng' i dsea` í' jalé' júu^ quiá'- Fidiéé' lajee' jmí~ e jmí'íng' jaléiñ' do. ³² Jo dsíng'- dsigá' dsí' jaléng' dsea` i núu' júu^ quiá'r-, co' fé'r' lí'^ laco' jaang' dsea` i óo' ta~.

³³ Jo e fí' guá'- do e lí' caguíer- Jesús e cango'éer' dsea` júu^ quiá'- Fidiéé', jo fí' job nising' jaang' dseañu' i jée' i 'líng'^ quiá'- . Jo cajmées' i 'líng'^ do e ca'óo' i dseañu' do ga' eáang', joguí café'r' jo cajíñ'- lala:

34 —Jéeng^l na, Jesús, dsea` seeng` fí Nazaret. ¿Jialí' ñijmiguín^l jnea^l? ¿Su cañí^l e ni^lin^l jnea^l? Cuím^lbaa^l 'nua, joba^l ne^lnaa^l e lin^l dsea` güeang^l quiá^l Fidié^l dsea` guing^l ñiff^l.

35 Joba^l cajíng^l Jesús i^l ling^l do jō casí^l reiñ^l:

—i^lTii^l í^l moní^l, jō tiúung^l i^l dseañu^l na lana!

Jō mi^l cajíng^l Jesús lajō, jō dsifí^l ladob cajmée^l i^l ling^l do e caquing^l i^l dseañu^l do fí quini^l jaléng^l i^l dsea` teáng^l dsí^l sinúu^l guá^l do. Jō joguiba^l catiúung^l i^l ling^l do i^l dsea` do, jō jii^l cōō^l jō ee^l cajmeáiñ^l i^l dseañu^l do. 36 Jō dsíng^l cafóng^l jaléng^l dsea` jō jmingí^l rúñ^l lala:

—¿I^l i^l dsea` na, faa^laa^l, e quiu^lr^l ta^l laco^l jaang^l dsea` i^l óo^l ta^l, jogui^l quí^l bre jmí^l e jmihuíñ^l jaléng^l i^l ling^l i^l jée^l quiá^l dsea`, jō dsifí^l lajōb dsihuíng^l jaléng^l i^l ling^l do?

37 Jō mi^l calí^l lado, dsíng^l cani^l júu^l la'úng^l fí lí^l se^l Galilea quiá^l jalé^l e guiá^l e jmóo^l Jesús fí Capernaum.

Mí cajmi'leáng Jesús iemisé Tú Simón

(Mt. 8:14-15; Mr. 1:29-31)

38 Jō mi^l cangí^l jō, jō cagüi'íb^l Jesús lí^l iuuiñ^l fí dsí^l guá^l quiá^l dsea` góor^l i^l seeng^l fí Capernaum, jō cangór^l fí quiá^l Tú Simón. Jō mi^l caguiér^l fí jō, nidséeb^l iemisé Tú Simón e dsíng^l iu^l guíñ^l. Jō cōō^l tú^l míng^l dsea` i^l teáng^l e sinúu^l do camí^lr^l Jesús jmi^lee^l fa^l e nijmi'leáiñ^l i^l dseamí^l do. 39 Joba^l cangó^l Jesús fí lí^l ráang^l i^l dsea` dsée^l do. Jō mi^l caguiér^l lí^l ráaiñ^l do, jō cajíñ^l e jmohuí^l e líng^l i^l dsea` do. Jō dsifí^l ladob ca'láng^l i^l dseamí^l do, jō cajém^l e iu^l guíñ^l do. Jō mi^l cangí^l lado, jō caróo^l bre jō cajmээр^l e cagó^l Jesús cōō^l i^l dsea` caguiaang^l gui do.

Mí cajmi'leáng Jesús fíng dsea` dsée^l

(Mt. 8:16-17; Mr. 1:32-34)

40 Jō mi^l canuu^l e jmí^l jō, jō fím^l dsea` caguilíñ^l e 'náiñ^l Jesús, jō jéeiñ^l jaléng^l dsea` dsée^l quiá^lr^l e laco^l nijmi'leáng^l dsea` do. Jō mi^l caguilíñ^l fí lí^l guing^l Jesús, jō camí^lr^l dsea` do jmi^lee^l lajii^l ta^l ngolíñ^l; joba^l lí^l jō caquidsí^l Jesús guóor^l fí moguí^l lajaang^l lajaang^l i^l dsea` dsée^l do, jō dsifí^l ladob 'láaiñ^l. 41 Jō jee^l i^l dsea` dsée^l do niquiéng^l dsea` i^l jée^l i^l ling^l quiá^l. Jō laco^l ngóo^l Jesús e jmi'leáiñ^l lajaang^l lajaang^l i^l dsea` do, jō lajōb dsihuíng^l jaléng^l i^l ling^l do, jō sóong^l óor^l ti'áiñ^l Jesús jō fé^lr:

—'Nub^l dsea` lin^l Dsea` Jmáang^l i^l Jōō^l Fidié^l camíng^l.

Jō dsifí^l mi^l canúu^l Jesús e fé^l i^l ling^l i^l jée^l quiá^l i^l dsea` do lado, dsifib^l ca'gaaíñ^l quiáiñ^l jō jō cacuø^lr^l fí fa^l ee^l café^l guíñ^l do, cō^l líb^l i^l ling^l do e Jesús líiñ^l Dsea` Jmáang^l i^l cajíng^l Fidié^l i^l nisíñ^l fí jmigüí^l la lajii^l lamalí^l gui eáang^l.

Mí caguia' Jesús júu^l quiá^l Fidié^l fí lí^l se^l Galilea

(Mr. 1:35-39)

42 Jō mi^l cajneá^l e jmí^l e cajmi'leáng^l Jesús jaléng^l i^l dsea` dsée^l do, cagüi'íb^l Jesús e fí^l do, jō cangór^l fí cōō^l lí^l cateáaiñ^l 'ñia^lr^l. Dsu^l dsifí^l ladob caguilíng^l jaléng^l dsea` e 'náiñ^l dsea` do calé^l catú^l, jō jnáiñ^l dsea` do e laco^l ja^l nidséiñ^l fí lí^l jie^l. 43 Joba^l cajíng^l Jesús casí^lr^l jaléng^l i^l dsea` do:

—'Né^l ninii^l i^l lacoō^l lacoō^l fí^l e niguiaa^l júu^l quiá^l jial íng^l Fidié^l dsee^l quiá^l dsea` e laco^l cuøng^l nicár^l nifí quiáiñ^l.

44 Joba^l canaaíñ^l ngír^l lacoō^l fí^l e guiar^l e júu^l jō fí lacoō^l guá^l quiá^l dsea` góor^l dsea` Israel e tée^l fí la'úng^l fí lí^l neáang^l dsea` do.

5

*Mi~ cajmée` Jesús e calí`- Tú` Simón` ñu` i lí` eáang`
(Mt. 4:18-22; Mr. 1:16-20)*

¹ Jo coo` jmi~ cangó` Jesús fí` 'ni` coo` guieé` fé` e sii` Genesaret, jogui sii`bi guieé` Galilea cajo, jo caguiling` fíng` dsea` e iin` ninúr` jalé` júu` quiá`- Fidié` e e` dsea` do. Jo dsíng` fíng` i dsea` i caguiling` do, joba` dsíng`- sicúung` Jesús jee` jaléng` i dsea` do. ² Jo lajee` jo, cangá` Jesús tú` móo` e téé` quiá`- 'ni` jmi~, jo i dsea` fii` e móo` do nínica'uøøm`bre dsíí, jo dob nitaaiñ` ru`r` 'máa` quiá`r` 'ni` e guieé` do. ³ Joba` camí` Jesús fí` e cajgóor` dsíí coo` e móo` do e quiá`- Tú` Simón, jo caguá`bre fí` dsíí, jo casí`r` i dsea` do fa` e nidsihuíng` guiji~ e móo` do fí` 'ni` uó` quiú`. Jo mi~ cajé` e móo` do ni~ jmi~, jo tí` job ca'e` Jesús jaléng` i dsea` i teáang` 'ni` jmi~ do jalé` júu` quiá`- Fidié`. ⁴ Jo mi~ cató` e e` Jesús jaléng` i dsea` do jalé` júu` quiá`- Fidié`, jo casí`r` i Tú` Simón do jo cajíñ`:

—Jmee` e nidsé` e móo` la tí` dóo` tí` lí` ni'a`gui quiá`- e guieé` la. Jo mi~ niguiéé` lí` ni'a`gui, nibí`na` 'máa` quií`na` jo nijmang`^na` 'ñu`.

⁵ Joba` cañí` Tú` Simón jo casí`r` Jesús:

—Tifa`, lata` uøøb` nicataang`naa` jmoo`naa` ta` bí` 'máa`, jo jíi` jaang` 'ñu` ja` mí` calí`naa`. Dsu` 'nu`gui quiá` ta` lana, joba` nibí`baa` 'máa` quié`e.

⁶ Joba` cangoliñ` cartí` lí` ni'a`gui quiá`- e guieé` do, jo job cabír` 'máa` quiá`r` fí` lí` ca'e` Jesús, jo i lí` 'ñu` calí`r`. Jo mi~ canaaiñ` øøiñ` e 'máa` do, jo canaang` 'guí`ba` do, co` dsíng` fíng` i jó` do nicangotáang`ne` fí` dsíí e 'máa` do. ⁷ Joba` cató`r` i dsea` la'ó` jmoo` ta` cóo`r` i teáang` dsíí e móo` e coo`gui do, jo íb` cangolíng` e cangojmicoo` quiá`r` e quiá`- e caguá` e 'máa` do. Jo mi~ caguir` e 'máa` do, jo canaaiñ` uøøiñ` i 'ñu` do, jo catáng`neiñ` do fí` dsíí e móo` do car` caróng` laji` tú`. Jo ji~ ja` cango`ang` e móo` do, co` dsíng` fíng` i 'ñu` do calí`r`. ⁸ Jo mi~ cangá` Tú` Simón jalé` e do, dsifí` lajob casí`r` uó` jnir` fí` quini` Jesús laco` teáaiñ` dsíí e móo` do, jo casí`r` dsea` do jo cajíñ`:

—Fíi`, ja` catín` sin` cáan`n, co` jaang` dsea` dsee` dsea` quib` líng` jnea`.

⁹ Jo cajíng` Tú` Simón lajo, co` dsíng` cangogá` dsíir` colíng` cóo` jaléng` i dsea` caguiaang`gui do dsu` e calí`r` jaléng` i 'ñu` do ie~ jmi~ jo. ¹⁰ Jo jee` i dsea` í` nitaang` gáng` dseañu` i jmoo` ta` colíng` cóo` Tú` Simón, jaaiñ` do siir` Tiáa` jo jaang`gui i sii` Juan, jo laji` huáaiñ` do líiñ` jóo` jaang` dseañu` i sii` Zebedeo. Joba` cajíng` Jesús casí`r` Tú` Simón:

—Ja` føøn`, Tú` Simón, co` latí` lana nitá` e ta` jmoo` na, jogui nicuøø`ø` 'nu` coo`gui ta` e líb`jiu` la lí` e ta` na cajo, co` nijmée` ta` guía` júu` quié`e jee` jaléng` dsea` jmi`güí`.

¹¹ Jo mi~ cangí` jo, cangolíng`tur fí` 'ni` uó` quiú` cóo` laji` tú` e móo` do, jo job catú` i dsea` do laji` tú` e móo` do cóo` lajalé` e sea` quiá`r`, jo cangolíng`bre cóo` Jesús.

*Mi~ cajmi`leáang` Jesús jaang` dsea` i líng` jmohu` 'lí`
(Mt. 8:1-4; Mr. 1:40-45)*

¹² Jo mi~ cangí` jo, jo lajee` táang` Jesús fí` coo` fii` lí` se` Galilea, jo caguieé` jaang` dseañu` i líng` jmohu` 'lí` fí` ngúu` táang`. Jo mi~ caguier` quiá`- lí` sing` Jesús, jo casí`r` uó` jnir` jo catúuiñ` cartí` ni` uó` jo camí`r` jmi`ee` dsea` do jo cajíñ` casí`-reiñ`:

—Fíi`naa`, cuøøm` lí` jmi`leáan` jnea` song` iin` lajo.

¹³ Joba` cagüing` Jesús i dsea` dséel` do jo cajíñ` casí`-reiñ`:

—Iim`baa` jmi`leáan` n` 'nu`. Joba` latí` lanab`ni`leáan` lajii` jmohu` e lin`.

Jø dsifí mi~ cajíng' Jesús lajo, cajém' e jmohuí' e líng' i dsea` dsée' do, jø jii' capí' jo ee' líng' guir e jmohuí' 'li' do. ¹⁴ Jøba' caquiú' Jesús ta~ i dseañú' do e ja' ii' nisí'r' jii' jaang' lajii' e calí' do, jø casí'-reíñ' do jø cajíñ'- lala:

—Gua~ jø güijáang' uø' fí' quini' jmidsea` quí'-ii', jogui 'né' líng' ee' coo` nigüicá' e quiá' e nicuó' gui'máang' Fidié' lí' laco'gui ta~ caquiú' Moi'. Jøba' i jmidsea` do nijíñ' e nica'láam' ba' lajii' jmohuí' e lin', jø lajòb jaléng' dsea` ninír' e jo` lin' jii' coo`.

¹⁵ Jø dsu' dsifí ladob cani' júu' e dsíng' 'gøng' Jesús. Jø dsíng' fíng' dsea` cangolíng' e 'náíñ' dsea` do e iíñ' ninúr' jalé' júu' quiá' Fidié', jogui iíñ' e nijmi'leáang' dsea` do lajii' jmohuí' e lííñ' do. ¹⁶ Jø dsu' tá' co' jeeng' jmi'nám' 'ñia' Jesús, jø 'nó'r' lí' ja' ii' dsea` seeng', jø fí' jøb dséer' dsisiñ' coo' Fidié'.

Mi~ cajmi'leáang' Jesús jaang' dseañú' i caang' tii'
(Mt. 9:1-8; Mr. 2:1-12)

¹⁷ Jø mi~ cangí' jø, coo` jmii' lajee' e' Jesús jaléng' dsea` jalé' júu' quiá' Fidié', jø fí' jøb neáang' coo` tú' míng' dsea` Israel i líng' dsea` fariseo colíng' coo' tifa' quiá' júu' quiú' ta~ quiá' dsea` Israel. Jø i dsea` do, seeíñ' do jalíñ' fí' Jerusalén coo' gui jalé' fii' e néé' quiá' lí' se' Galilea coo' gui lí' se' Judea. Jø dsíng' lí' e jmicóo' quiá' Jesús e güea' 'gøng' quiá' Fidié', co' dsíng' tiiñ' e jmi'leáaiñ' jaléng' dsea` dsée'. ¹⁸ Jø lajee' jø caguilíng' tú' 'ní' míng' dseañú' fí' lí' táang' Jesús e dsííñ' jaang' dseañú' i caang' tii', co' iíñ' nidsijéiñ' i dsea` dsée' do fí' quini' Jesús. ¹⁹ Dsu' ja' lí' cadsé' i dsea` do fí' lí' ningíñ', co' dsíng' fíng' dsea` i teáang' e sínúu' do ie' jø. Jøba' cajgóo' i dsea` jéeng' i dsea` dsée' do fí' yú' 'núu' lí' røø'. Jø mi~ caguilíñ' fí' jø, jø ca'òr' coo' too', jø fí' jøb cangííñ' i dsea` dsée' do laco' dsííñ' do e fí' ni' lí' ráaiñ', jø cajgiáang' neiñ' do jee' jaléng' i dsea` i teáang' e dsíí' sínúu' do dseáng' fí' quini' Jesús. ²⁰ Jø mi~ catísíng' i dsea` dsée' do cartí' ni' uø', dsifí' ladob calilí' Jesús e jáb' líng' i dsea` dsée' do coo' i dsea` dsíí' quiá'r' do e quíib' dsea` do jmii' e nijmi'leáaiñ' jaléng' dsea` dsée'. Jøba' casí'r' i dsea` dsée' do jø cajíñ':

—Ni'íim' baa dsee' quí', Ruu'.

²¹ Jø mi~ canúu' jaléng' tifa' quiá' júu' quiú' ta~ quiá' dsea` Israel coo' gui jaléng' i dsea` fariseo do e cajíng' Jesús lajo, jø canaaiñ' í' dsíir' jø siiiñ' la'ó' yaaiñ': “¿I' i dseañú' la e jafée'r' jalé' júu' e jii' Fidiéeb' dsea` catííñ' fér'? Co' jii' Fidié' dsea' guíng' ñifí' catííñ' ni'ííñ' dsee' quí'naa'.”

²² Dsu' Jesús calilí' bre jalé' e í' dsíí' i dsea` do, jøba' casí'-reíñ' jø cajmíng' í' reíñ' lala:

—¿Jialí' í' óóna' lana? ²³ ¿E' e líng' na' e ja'gui huíng' e nifé'naa': su e “Ni'íim' baa dsee' quí'”, osi e nifé'naa' é: “Ráan' jø ngí'”? ²⁴ Dsu' lana jnea' ni'ée' e 'nú' e jnea', i cajá' fí' ñifí' e lín'n jaang' dsea` jmígüí', oo' baa ta' e ni'íin' n dsee' quiá' jaléng' dsea` jmígüí'.

Jøba' casí' Jesús i dsea` i caang' tii' do jø cajíñ':

—Ráan', Ruu', jø uøø' ba' nicó' e lí' dsíin' na, jø guóng' fí' quí' náng.

²⁵ Jø mi~ café' Jesús lado, dsifí' ladob caróo' i dsea` caang' tii' do jee' jaléng' i dsea` i teáang' do, jø case'r' e lí' dsííñ' do, jø cangáíñ' fí' quiá'r'. Jø lajee' ngaiñ' jø jmiféiñ' Fidié' dsu' uí' e ca'láaiñ'. ²⁶ Jø lajalém' i dsea` i teáang' do dsíng' cangogá' dsíir', jø canaaiñ' cuø'r' gui'máang' Fidié' jogui jmiféiñ' dsea` do cajo dsu' e ca'láang' i dseañú' i caang' tii' do, jø siiiñ' lajee' yaaiñ':

—Jii' coo' néé' ja' mí' cane'naa' e guiú' e la jmóo' i dseañú' na.

Mi~ cató' Jesús jaang' dseañú' i sii' Levi
(Mt. 9:9-13; Mr. 2:13-17)

27 Jo mi~ cangf jo, jo cagüi'ñb' Jesús li~ iuuiñ~ do, jo cangór~ fi' li~ jié'. Jo lajee~ iuuiñ~ fi' ngóor', cangáin~ jaang` nodsicuu~ i sii' Leví i guing~ fi' li~ mir' cuu~ e catíng~ dseata~ i guing~ fi' Roma. Jo cató'~ Jesús i dsea` do jo casí'~ reiñ':

—Leví, má~ aa' cóo'~ jnea~.

28 Jo mi~ canúu~ Leví e tó' Jesús, jo dsifi' ladob catár` ta~ jmóor` cóo'~ jalé' e sea` quiá'r~ jo cangó~bre cóo'~ Jesús.

29 Jo mi~ cangf jo, fi' quiá'~ Leví cajméer` cóo' jmi~ fe' e quiá'~ e jmi'gór` Jesús, jogui cató'r~ jaléng`gui nodsicuu~ i cuiñ` e cagó'r` colíng~, jogui fím'bi dsea`jiéng` i caseáng' fi' jo ie~ jo. 30 Jo lajee~ jo, dob neáng` jaléng` dsea` fariseo cóo'~ jaléng` tifa' quiá'~ júu^ quiu' ta~ quiá'~ dsea` Israel. Jo mi~ cangár~ e gø' Jesús cóo'~ jaléng` nodsicuu~ cóo'~gui jaléng` dsea` i sea` júu^ e dsíng'~ røøiñ` dsee~, joba' canaiñ` éeiñ` Jesús jo casí'r~ i dsea` i caguilíng~ cóo'~ dsea` do:

—¿Jialí' i' gø' tifa' qui'~na' cóo'~ jaléng` nodsicuu~ cóo'~gui jaléng` dsea` i sea` júu^ e dsíng'~ røøiñ` dsee~?

31 Jo mi~ canúu~ Jesús e fé' i dsea` do lado, jo cañíir` quiáin~ jo casí'~ reiñ':

—Jaléng` dsea` guiúng~ ja` 'neáin~ timí', co' lajii'~ dsea` dsé'~bing' i 'neáng~ timí'. 32 Jo jnea~ ja` cagá~a fi' jmi'güi' la e caga'nén'n jaléng` dsea` i guiúng~, co' jaléng` dsea` dsee~ dsea` qui'bing' i caga'nén'n e laco' niqú'~ nijíng' yaaiñ` fi' quini~ Fidié~ dsea` guing~ ñiff~.

*Mi~ cajming'~ dsea` Jesús cuaiñ` quiá'~ ayuno
(Mt. 9:14-17; Mr. 2:18-22)*

33 Jo mi~ cangf e cajíng'~ Jesús lajo, jo caleáb` catú~ cajming'~tu i dsea` Israel i líng` dsea` fariseo do jo cajíñ'~ lala e cajming'r~ Jesús:

—Jaléng` dsea` i ngí' cóo'~ Juan i seáng` dsea` jmi~ cóo'~gui jaléng` jnea'^, dsea` lí'naa' dsea` fariseo, dsíng'~ jmoo~naa' ayuno jogui dsíng'~ fé'naa' fa', jo ¿jialí' jaléng` dsea` i ngí' cóo'~ 'na' laco' jmi~ i' gø'r', jo ja` jmóor` ayuno laco' jnea'^?

34 Joba' cañí'tu Jesús quiá'~ i dsea` do jo cajíñ'~ casí'~ reiñ':

—Fa' mi~ jmoo` 'nú' jmi~ e cung' guoo` dsea`, joba' ja` cuøøng` e niseáng~na' jaléng` i dsea` simíng~ do e nijmér~ ayuno lajee~ neáaiñ` cóo'~ i simíng` i nicúng'~ guó' do. 35 Jo dsu' niguiéeb' jmi~ mi~ nitøø` dsea` i simíng` do, jo ie~ jo mi~ nijmé~ ayuno i dsea` simíng~ do.

36 Jogui ca'e'gui Jesús jaléng` i dsea` do jalé' júu^ já' e lafa' júu^ cuento jo cajíñ'~:

—Mi~ 'né~ te'~ dsea` cóo' 'mi', ja` jmóor` fa' e quiu'r' ca'ná'^ 'mi'qui' e 'mí~ jo nite'r~ cóo'~ cóo' 'mi'qui' e yúu~. Co' song cajméer` lajo, ni'ím~ e 'mi'qui' e 'mí' do, jogui ni'ím~ e 'mi'qui' e yúu~ do cajo, co' mi~ nijgí~, nijóm' e 'mi' 'mí' e sito' do, jo nilife'gui e lí' si'gui' do. Jo mi~ niliqui' jo jo ee' ta~ íng` júi'~ capí'^ jóng.

37 Jogui cajíng'~gui Jesús casí'r~ jaléng` i dsea` do:

—Jo lajobi cajo, ja` guié' dsea` jmi'^ mí'^ huíng` jø'^ e laco' gui'ná'^ có' fi' cóo' dsí' loo~ jø' e yúu~, dsuco' song cajméer` lajo, joba' ni'gui'ba' do jo nidsi'ñb' e jmi'^ do jogui ni'ím~ e loo~ jø' do cajo. Jo co' lajob lí', 38 joba' guiá~gui e niguié' dsea` e jmi'^ mí'^ huíng` jø'^ do laco' gui'ná'^ có' fi' cóo' dsí' loo~ jø' e 'mí~b~, jo lajoba' ja` dseáng'~ fa' e ni'gui' e loo~ jø' do o'gui fa' e nidsi'ñb' e jmi'^ do cajo.

39 Jogui júi'~ jaang` dsea`, mi~ nicangoyúung'~ e ca'í'r~ jmi'^ mí'^ huíng` jø'^ e nicó', iing~guir fa' ni'í'r' jmi'^ e ja` mí' lí' lajo, co' jalém' dsea` fé'r': “Eáng'gui jlo'^ jmi'^ mí'^ huíng` jø'^ e nicó' laco'gui jmi'^ e ja` lí' lajo.”

Jo jalé' e júu^ na ca'e' Jesús jaléng` i dsea` do ie~ jo.

6

*Mi~ ca'éeng` dsea` quiá'- Jesús láa' quiá'- cui'iee`
(Mt. 12:1-8; Mr. 2:23-28)*

¹ Jo mi~ cangí jo, coo` jmi~ lajee` e jmi'ing' jaléng' dsea` Israel, cangíng` Jesús cóo'~ jaléng' dsea` quiá'r- fí 'ni' lí síjnea~ cui'iee`. Jo lajee` teáaiñ' fí lado, jaléng' i dsea` do canaaiñ` éeiñ` láa' quiá'- cui'iee`, jo guiúr` fí jaguór` jo jiuur` qui' quiá', jo cu'r` e micui'iee` do. ² Jo dob ngolíng` tú` 'ni' máng'~ dsea` Israel i líng' dsea` fariseo. Jo mi~ cangár` e éeng` jaléng' i dsea` do láa' quiá'- cui'iee`, jo dsifí ladob cajmíngi' reiñ' jo cajíñ'- lala:

—¿Jialí' jmoo` 'nú' coo` e ja` catíng` nijmé` dsea` mi~ jmi~ e jmi'ing' naa', dsea` lí' naa' dsea` Israel?

³ Joba' cañí' Jesús quiá'- i dsea` do jo casí'- reiñ' jo cajíñ'-:

—¿Su ja` mí cal' 'nú' fí ni~ jì quiá'- Fidié` lí fé' jial cajmé` dseata~ dsea` féng' Daví^ cóo'~ jaléng' dsea` quiá'r- mi~ cadseá~ jmi'aaíñ'? ⁴ Co' ie~ jo i dseata~ Daví^ do cal'r- fí dsí' sinúu^ guá'- quiá'- dsea` góor` dsea` Israel, jo camí'r` jmidsea` i néé ni~ guá'- do iñí^ e güeang'^ e tíng' dsea` e cuø'r` Fidié`, jo cagø'r` cóo'~ jaléng' i dsea` i cóo'r~ do. Jo niñí'b` 'nú' e ja` cuøng` dø' lí^ doñí' i~ dsea` e iñí^ do, co' lajii'~ jmidsea`bing' cuøng` lí dø'- e jo. Dsu' cangím` i dseata~ dsea` féng' Daví^ do e cagø'r` e iñí^ do ie~ jo colíng` cóo'~ jaléng' dsea` quiá'r-.

⁵ Jo lalab cajíng'- gui Jesús:

—Jo jnea~, i cagüéng` fí jmiçüü' la e gáa'a fí ñifí` e lín'n jaang` dsea` jmiçüü', seab' fí quié` e e quiú' u ta~ lajee` e jmi~ e jmi'ing' dsea` góo` dsea` Israel.

*Mi~ cajmi'leáang` Jesús jaang` dseañu` i caang` guoo`
(Mt. 12:9-14; Mr. 3:1-6)*

⁶ Jo mi~ cangí jo, mi~ caguié` coo` gui jmi~ e jmi'ing' jaléng' dsea` Israel, jo cal' Jesús fí dsí' coo` guá'- quiá'- dsea` góor` dsea` Israel, jo canaaiñ` e'r` jaléng' dsea` jalé' júu^ quiá'- Fidié`. Jo job nitáang` jaang` dseañu` i nicaang` guoo` dsée'. ⁷ Jo jaléng' tifa' quiá'- júu^ quiu' ta~ quiá'- dsea` Israel cóo' gui jaléng' dsea` Israel i líng' dsea` fariseo dob ngir` e téeiñ` Jesús, jo iñ~ e nijøor` su nijmi'leáang` dsea` do i dsea` dsée'~ do lajee` mi~ jmi~ e jmi'ing' jaléng' dsea` Israel; jo faco' lajo, niguié'r` jial e ni'naiñ` dsea` do. ⁸ Jo dsu' Jesús lí^ bre jalé' e í dsí' jaléng' i dsea` do, jo casí'r- i dseañu` i caang` guoo` do jo cajíñ'-:

—Ráan' jo ñising' uø' fí quini' jaléng' i dsea` la.

Jo dsifí ladob caróo` i dseañu` i caang` guoo` do, jo cangór` fí lí cajíng'- Jesús. ⁹ Jo mi~ caguiér` fí lí e' dsea` do, joba' cajíng'- Jesús casí'r- jaléng' i dsea` i teáang` dsí' e sinúu^ guá'- do:

—Sea` coo` e nijmíngí' i 'nú' jaléng' na' na. ¿E~ ta~ quiu' fí ni~ jì quiá'- Moir` e cuøng` jmó'oo' mi~ jmi~ e jmi'ing' naa', su jalé' e ga` ofa' jalé' e guiúb` é? ¿Su e jngáang` naa' jaléng' dsea` dsée'~ ofa' e jmi'leáam` baa'r é?

¹⁰ Jo mi~ cal' e fé' Jesús lajo, jo cajøøiñ` jaléng' i dsea` i teáang` dsí' e sinúu^ guá'- do, jo casí'r- i dsea` caang` guoo` do jo cajíñ'-:

—Ní' guoo', dseañu'.

Jo mi~ cani' i dsea` do guóor` e caang` do, dsifí ladob cal'loo~, jo jii' coo` jo ee' lí'. ¹¹ Jo mi~ cangá~ jaléng' i tifa' quiá'- júu^ quiu' ta~ quiá'- dsea` Israel cóo' gui jaléng' dsea` Israel i líng' dsea` fariseo e cajmi'leáam` Jesús i dsea` dsée'~ do, dsíng' caliguíñ` jo canaaiñ` síiñ` lajee` yaaiñ` jial laco' cuøng` e nijmeaiñ` dsea` do.

*Mi~ cagúing' Jesús dsea` guitúung` quiá'r-
(Mt. 10:1-4; Mr. 3:13-19)*

12 Jo mi~ cangí jo, coo` jmi~ cangó- Jesús fí coo` yú^ mó', jo fí job cateáaiñ` lata` uøø` e siiiñ` cóo'~ Fidiéé` dsea` guing~ ñiffí. 13 Jo mi~ cajneá- e uøø` jo, jo cató'r- jaléng' dsea` i ngí cóo'r- do. Jo mi~ caguiliñ'- do fí lí- siñ', jo caguíñ' guitúung` i dsea` do i ni'uíng- dsea` apóo^ i nijmé- ta~ ni' júu^ quiá'r-. 14 Jo lalab sii` i dsea` guitúung` do: jaang` i sii` Simón, jo mi~ canaaiñ` ngir' cóo'~ Jesús jo calisír` Tú^; jaang`gui i sii` Dí^, rúng' dsea` ngáang'~ cóo' i Simón do; jaang`gui i sii` Tiáa~, jaang`gui i sii` Juan, jaang`gui i sii` Lií~, jo jaang`gui i sii` Bartolomé, 15 jaang`gui i sii` Mateo, jaang`gui i sii` Mó^, jaang`gui i sii` Tiáa~, joo` jaang` dseañu^ i sii` Alfeo; jaang`gui i sii` Simón i líng' dsea` celote; 16 jaang`gui i sii` Judas, rúng' dsea` ngáang'~ cóo' i Tiáa~ do; jo lí- cadséng- gui jaang`gui i sii` Judas Iscariote, dsea` i cajáng' dsea` Jmáang- fí jaguó` jaléng' dsea` cóøng'~ quiá'- dsea` Israel.

*Mi~ ca'e' Jesús fíng' dsea` jalé' júu^ quiá'- Fidiéé`
(Mt. 4:23-25)*

17 Jo mi~ cangí jo, cajgám- tu Jesús fí e yú^ mó' do colíng~ cóo'~ dsea` quiá'r- jo catisíiñ' coo` lí- iu~ coo` mí^ røø, jo fí job cajer' e ca'e'reiñ' do jalé' júu^ quiá'- Fidiéé`. Jo lajee` jo caguiliñg- jaléng' dsea` i jalíng- fí Jerusalén cóo'~ jalé'gui fí jé' e téé' lí- se' Judea cóo'~ jaléng' dsea` i neáang' fí 'ni' jmiñí^ fí Tiro cóo'~ gui fí Sidón. Jo jaléng' i dsea` do caguiliñ- 'náin' Jesús, co' iin~ e ninúr- jalé' júu^ quiá'- Fidiéé` e e' dsea` do. Jogui fíim'biñ' do jeeiñ` jaléng' dsea` dsée'~, co' niñir' e jmi'leáam- Jesús jaléng' i dsea` la'í lí^ doñí' ee' jmohuí' e líiñ'. 18 Jogui jaléng' dsea` i jée' i líng'^ quiá'- cajmihuím- Jesús i líng'^ do, jo lajoba' ca'láam- jaléng' i dsea` do. 19 Jo jalém' dsea` ie~ jo iin~ nidsilíiñ- cáang' Jesús, jo iin~ nigü'f'r- fa' capí^ sib'^ dsea` do, jo lajoba' ni'leáaiñ- lí^ doñí' ee' jmohuí' e líiñ' la'eáang' cóo'~ güea' 'gøng' quiá'- dsea` do.

*I` jaléng' i seeng` juguiá`
(Mt. 5:1-12)*

20 Jo lajee` sing' Jesús colíng~ cóo' i dsea` quiá'r- do, jo cajøøng- neiñ' jo casí'r- dsea` do lala:

—Juguiá` jiu quií^ 'nú', ja` e lí' jialgui la tiñíng- na', co' Fidiéeb` dsea` niquie' nifí' quií- na' lana.

21 'Juguiá` jiu quií- na', 'nú' dsea` móo- na' oo-, co' Fidiéeb` nicuø' 'nú' lalíng` mi~ nití- í' lajo.

'Juguiá` jiu quií- na', 'nú' dsea` jiuung~ óo' na' car` quií' na', co' 'nú' bing' i níngí- mi~ niguiéé' jmi~.

22 'Juguiá` jiu quií- na' mi~ 'ní' níng- jaléng' dsea` 'nú' uii~ quié- jnea~, o si mi~ øøiñ` 'nú' fí caluu` fí lí' seeng' na', o si mi~ jmineaiñ^ 'nú', o si mi~ nijíng'- jaléng' dsea` e 'lim'^ ba' dsu' uí'~ e náu'^ na' jalé' júu^ quié- e, dsea` i casíng` Fidiéé` fí jmiçü' la e lín' n jaang` dsea` jmiçü'. 23 Jo e jmi~ e mi~ nijmeáng' dsea` 'nú' jalé' e ga` lajo, güilí' íáang` óo' na' dsuco' niliseab` guieé^ quií- na' mi~ nití- fí ñiffí. Dsuco' lajob cajméé` jaléng' i líi~ yúu~ quiá'- jaléng' i dsea` i 'ní' níng- 'nú' do ie~ lamí~ cajmeáiñ' ga` jaléng' i dsea` i café' cuaiñ~ quiá'- Fidiéé` malii~ gui eáang'.

Jo mi~ calí- e ca'e' Jesús jalé' e júu^ na, jo lalab cajíng'- guir:

24 —E ngí~ fíi- 'nú', jaléng' dsea` sea` cuu-, co' nicañí- ba' e sii` juguiá`.

25 'E ngí~ fíi- 'nú', dsea` sea` e øø'^ na' lalíng` lana, co' niguiéé' jmi~ mi~ nimó' na' oo-.

'E ngí~ fíi- 'nú', dsea` jmi'íáang` óo' na' cóo'~ jalé' e sea` fí jmiçü' la, co' niguiéeb' jmi~ mi~ nilíjiuung~ óo' na' car` niquí' na' uii~ quiá'- jalé' e jo.

26 'E ngi~ fñ~ 'nú' mi~ fé' jaléng' dsea` jmang' e guiá~ uii~ quí'na', cõ' lajõb cajmée' lñi~ yúu~ quiá'r~ cõõ'~ jaléng' dsea` i cajmicaang~ e café'r` cuaiñ~ quiá' Fidiée~ malñi~ gui eáang'.

'Né~ nijmi'neáang'naa' jaléng' i 'ní' níng~ jneaa'aa'

(Mt. 5:38-48; 7:12)

27 Jo mi~ calí~ e cajíng'~ Jesús lajo, jo caféng'guir jaléng' i dsea` do jo cajíñ'~ casí'~ reiñ':

—Núu~na' jalé' júu^ quié~e: 'Né~ nijmi'neáam'ba' jaléng' i 'ní' níng~ 'nú', jogui jmee~na' jmang' e guiá~ cõõ'~ jaléng' dsea` i 'léé' quí'na', 28 jogui féeng'~na' Fidiée~ uii~ quiá'~ jaléng' i cuø' 'nú' júu^ 'lí', jogui mí'~na' Fidiée~ jalé' e guiá~ uii~ quiá'~ jaléng' i jmineang' 'nú'. 29 Song iì` caquiúu` cataang` moní'na', jõba' cuøø'~na'r e cataang`gui do güiquiúu`r` jõng. Jo song iì` cagui' 'mi'guié~ quií'na', jõba' cuøø'~na'r la quié' 'mi'quí'~na' cajo. 30 Cuøø'~na' jaléng' i mi' 'nú' lí' doñi' eé` mir', jo song iì` cacá~ eé`go e sea` quií'na', jo güimí'~na'r. 31 Jmicõõ'~na' jaléng' dsea`, jo jmee~na' jmang' e guiá~ cõõ'r` lí' laco'gui iing~na' e nijmér~ cõõ'~ 'nú'.

32 'Jo song 'nú' 'neáang'na' lajii'~ i 'neáang' 'nú', jõba' ja` güi'f` óó'na' e jmoo'na' e guiá~, cõ' lajõb jmóo` cajo jaléng' dsea` dsee~ dsea` qui'. 33 Jogui song jmicõõ'~na' lajii'~ dsea` i jmicõõ'~ 'nú', jõba' ja` güi'f` óó'na' fa' e jmoo'na' e guiá~, cõ' lajõb jmóo` cajo jaléng' dsea` dsee~ dsea` qui'. 34 Jogui mi' eé`go jmi'õõng` rúng'na' jo jmoo'na' lajõ cõõ'~ i dsea` i líng~na' i niquí~ e dsí` quií'na', jõba' ja` güi'f` óó'na' jõng fa' e jmoo'na' e guiá~, cõ' lajõb jmóo` cajo jaléng' dsea` dsee~ dsea` qui', jo jmóor` lajõ uii'~ líng~ eé` sijear~ e ni'íñ' quiá'~ dsea` rúñ'.

35 'Dsu' 'nú' 'né~ nijmi'neáang'na' jaléng' i 'ní' níng~ 'nú', jogui jmang' e guiá~ 'né~ nijmee~na' cõõ'~ lajaléng' dsea`. Jogui jaléng' dsea` i líng~ eé`go jmi'õõng` 'nú', ja` güi'f` óó'na' fa' dseáng'~ e niquí'~tur quií'na'. Jo song nijmití'na' jalé' e nicafá'~a na, jõba' dseáng'~ niliseab` guiéé` quií'na', jo lajõguiba' nilíng~na' jõõ' Fidiée~ dsea` guing~ ñifi~, cõ' jii'~ íb` dsea` guiúng~ cõõ'~ jaléng' dsea` doñi' fa' soo` dsíir` osi ja` cuø'r` gui'máang'~ dsea` do é mi' eé`go íñ'. 36 Jo jmee~ba' fñi~ líng~ rúng'na' laco'gui Tiquí'ii' dsea` guing~ ñifi~ fñi~ líñi~ 'nú'.

Ja` cuø'na' dsee~ dsea` rúng'na'

(Mt. 7:1-5)

37 'Jo ja` cuø'na' dsee~ dsea` rúng'na', jo lajõba' Fidiée~ ja` nicuø'r~ 'nú' dsee~ cajo. Jo ja` fó'na' júu^ ga` quiá'~ dsea` rúng'na', jõba' Fidiée~ ja` nijmér~ lajõ cõõ'~ 'nú'. Íng'na' dsee~ quiá'~ jaléng' dsea`, jo lajõb ni'íng~ Fidiée~ dsee~ quií'na' cajo. 38 Cuøø'~na' jaléng' dsea` eé`go e 'né~', jo lajõb ni'íng'na' quiá'~ Fidiée~ cajo; jo nijmér~ lajõ cõõ'~ 'nú' lafa' mi~ cuø'na' dsea` micuú' e néé' í' cõõ'~ 'ma' í' cuú', jo mi~ nidsitóo'~, 'né~ e ni'iéng' e 'ma' í' cuú' do, jo mi~ carõng~ 'né~ e nidsitóo'~ teá, jo mi~ calí~ jo, 'né~ e nilí' guisó^ guiá~. Jo Fidiée~ nijmér~ cõõ'~ 'nú' lí' laco'gui la jmoo'na' cõõ'~ jaléng' dsea` rúng'na'.

39 Jo mi~ calí~ e cajíng'~ Jesús jalé' e júu^ na, jo ca'e'guir jaléng' i dsea` do jo casí'~ reiñ' lala jo cajíñ'~:

—Song jaang` dsea` tiuung~ nijéñ~ jaang`gui dsea` tiuung~, jõba' dseáng'~ fí` íb' nijiúñ' laji` huáaiñ~ do. 40 Jogui jii'~ jaang` dsea` i jmitíng~, tíng`guir laco' tifa' quiá'r~ lajee~ e jmitíñ'. Dsu' mi~ ca'e' i tifa' do lajalé' e tíñ', jõguiba' røøb` nilitíñ' jõng.

41 'Jo çjialí' ca'` cuente lajii'~ qui' iá~ jmini~ jaang` dsea` rún', jo dsu' ja` ca'` cuente uø' e jie~ ja` latøøng~ cõõ' 'mab` iá~ jminí'^? 42 Jo song ja` lí' cá'` cuente uø' jial tí' fe' e iá~ jminí', jõba' çjial niteá' o' e nifi'^ jaang` dsea` rún' lala:

“Rú'uu', nea`du ne`ee', jò nigui`duu e qui`ia` jmini'”? j`jmicaang`'nu'! Jáng'`gui`du e 'ma`e ia` jmini'^ uo', jò lajoguiba' nicuøøng` jøø'^ guiá` e nigui'^ e qui` e ia` jmini` i dsea` rún' do.

*Jalé`'ma` ofi` cuí` dsea` la'eáang` cóo` ofi` e íb`
(Mt. 7:17-20; 12:34-35)*

⁴³ Jò mi` calí` jò, jò cajíng'`gui Jesús casí'r` jaléng` i dsea` do:

—Ja` sea` 'ma` ofi` e guiá` e cuø` ofi` e ja` dseeng`, o'gui sea` 'ma` ofi` e ja` dseeng` fa' e cuø` ofi` e guiá`. ⁴⁴ Co' jalé` 'ma` ofi`, mi` cacuø` ofi` quiá`, joguiba' nililí` dsea` su guiá` osi ja` dseeng` e 'ma` ofi` do. Co' ja` cuø` güñí` yá` 'matóo', o'gui mí` huñng` jø` í` yá` 'matóo` fí'. ⁴⁵ Jò jaang` dsea` i guiúng` fé'r` jalé` e guiá`, co' jmang'` e guiáb` í` dsíir`. Jogui jaang` dsea` i soo` dsíi` jmang'` e gab` fé'r`, co' jmang'` e gab` í` dsíir`. Co' dseáng'` lajii` e í` dsíib` dsea` e fé'r`.

*Jial lí` mi` núu` dsea` júu` quiá`- Fidié`
(Mt. 7:24-27)*

⁴⁶ 'Jiali' fí'na' jnea~, “Fí'i, Fí'i”, song ja`gui núu`na' jalé` ta` quiá`u? ⁴⁷ Nifá`duu i` líng` la líng` jaang` dsea` i núu` júu` quié` e jogui jmitir` jalé` e fá'a: ⁴⁸ i dsea` í` líiñ` la líng` jaang` dsea` i cajme' cóo` 'núu`. Jò i dsea` í`, ná`gui e nijmé'r` e 'núu` do, catá'r` tí` fi` e a' jogui caséer` cóo`` cuu` e cóo` eáang`, joguiba' cajme'r` e 'núu` do. Jò mi` cajá` jmí` dsiing~, dsíng'` ca'í` jmí` e tí` e 'núu` do, jò dsu' jii` cóo` ja` ee` calíng`, co' teáb` eáang` si'. ⁴⁹ Jogui i dsea` i ja` núu` jalé` júu` quié` e o'gui jmitir` jalé` e fá'a, i dsea` í` líiñ` la líng` jaang` dsea` i cajme' cóo` 'núu`, jò ja` catá'r` tí` fi`. Jò mi` cajá` jmí` dsiing~, eáang` ca'í` jmí` tí` e 'núu` do, jò ca'ím`ba' do co' caquib`.

Jò jalé` e júu` na ca'e' Jesús jaléng` i dsea` do e fí` e mí` røø` do ie` jò.

7

*Mi` cajmi`leáang` Jesús jaang` dsea` 'léeng` quiá`- jaang` fii` 'lée` romano
(Mt. 8:5-13)*

¹ Jò mi` cató' e caféng'` Jesús jaléng` i dsea` do, jò cangám`-tur cóo`` dsea` quiá'r` fí` Capernaum. ² Jò e fí` fi` Capernaum do nitáang` jaang` fii` 'lée` i niseeng` fí` Roma. Jò niseeng` jaang` dsea` 'léeng` quiá'r` i iñ` dsíng'`, jò i dsea` í` niráaiñ` dséer`, jò dseáng'` tí` lí` nijúum`-bre co' eáam` líiñ`. ³ Jò mi` caliñí` i fii` 'lée` do e caguiéng'` Jesús fí` Capernaum, jò dsifí` ladob casíiñ` tú` 'ní` máng'` dsea` cóøng` quiá`- dsea` Israel e cangoféiñ` Jesús fa' e nidsér` e nidsijmi`leáaiñ` i dsea` dséer` do. ⁴⁻⁵ Jò mi` caguilíng` i dsea` cóøng` do fí` lí` sing'` Jesús, jò camí'r` dsea` do jmi`ee` lajii` ta` ngoliñ` jò cajíiñ`:

—I fii` 'lée` i casíi` qui`naa' do, dsíng'` guiúiñ` cóo`` jaléng` dsea` góo`naa' dsea` Israel, co' í`bre caquiur` ta` e calí` guá' qui`naa', jòba' iñ`naa' e nijmicóo``re lana.

⁶ Jò mi` canúu` Jesús jalé` e cajíng'` i dsea` do, jò cangó`-bre cóo`iñ` do. Dsu` ná`gui e niguiéé` Jesús fí` quiá` i dsea` do, cajíiñ` tú` 'ní` máng'` dsea` i casíng` i fii` 'lée` do i quié` júu` quiá'r`, jò cajíiñ` casí'r` Jesús lala:

—Lalab jíng'` fii`naa': ⁷ “Fí'i, ja` jméé` fí'í` fa' ñi' tí` quié` e, co' ja` catíin` fa' e ni'úun` sinúu` quié` e, co' dsea` 'gøm'` nu', o'gui fa' e cateá` dsii` e caga'nén`n nu' ñiá`a, co' dsea` fém'` nu'. Jò licó' fée` e ni'leáang` dsea` dséer` quié` e, jò ni'leáam`-bre jóng. ⁸ Dsucó' jnea` seem` dsea` i quiá' ta` quié` e, jogui seem` dsea` i quiá`u ta` cajo. Jò mi` fii` i jaang` dsea` quié` e e gua~, jòba' dsifí` lajòb dséer`; jogui mi` fii` guí` i jíéng` e nea', jòba' dsifí` lajòb jáar` cajo; osi mi` fii` i

jaang` dsea` 'léeng` quié` e e jmee` e la, joba' dsifí' lajob jmóor` cajo; jo jalém` dsea` quié` e náur` júu` quié` e.”

Jo jaléb` e júu` na quié` i dsea` i cangojmijíng` Jesús do.

⁹ Jo mi` canúu` Jesús lado, jo dsíng` cangogá` dsír' jo caji'r` nir` cajóøiñ` jaléng` i dsea` i cóo'r` do jo casí`-reiñ' jo cajiñ` lala:

—Lajee` lajaléng` dsea` góo`naa' dsea` Israel ja` mí' cajín`n jíi` jaang` i dseáng` lajang` ja` líng` júu` quié` e laco'gui` i dsea` romano la.

¹⁰ Jo cangolíim`tu` i dsea` do fí' quiá'- i fi` 'léé` do. Jo mi` caguiliñ`, jo` ee` líng` i dsea` dsée` do jíi` cóo`, có' ninica`láam`bre.

Mi` cajmée` Jesús e caji`tu` jóo` jaang` dseam` i` nã`

¹¹ Jo mi` cangí' jo, cangó` Jesús fí' cóo` fi` e sii` Naín cóo` dsea` guitúung` quiá'r`, jo dsíng` fíng` dsea` i ngolíng` cóo'r` ie` jo. ¹² Jo mi` caguiér` quiá'- e fi` do, jo cajiñ` cabøø` dsea` i jéeng` jaang` 'lii`, jo teáaiñ` do fí' e ningolíiñ` fí' codsii`. Jo dsíng` qui' niquiá' i 'lii` do, có' jíi` dob jóor` i niseeng`, jo jíi` jaang` jo` i seeng` quiá'r`, có' ninicajúm` dseañu` quiá'r` cajo. ¹³ Jo mi` calilí` Jesús e jo` ii` seeng` quiá'- i dseam` 'nã` do, jo dsíng` calí` fi` líng`-neiñ', jo casí'r` i dseam` do lala:

—Jo` qui`.

¹⁴ Jo mi` cajiñ` lado, jo cangoquiéeiñ` quiá'- li` ngóo` e guóo` e iuung` i 'lii` do, jo cagüi'r` e dse` guóo` do. Jo` i dsea` i jée` quiá'- i 'lii` do, dsifí' ladob cajer`. Jo cajíng` Jesús caféiñ` i 'lii` do:

—Siming`, jnea` tøø`-ø` 'nã': ;Ráan` na!

¹⁵ Jo dsifí' ladob caji' i 'lii` do, jogui caguár` jo canaaiñ` fé'r`. Jo Jesús cajáiñ` i siming` do cóo` niquiáiñ`. ¹⁶ Jo mi` cangá` jaléng` i dsea` do e caji' i 'lii` do, joba' dsíng` cangogá` dsír' jogui dsíng` cafóíñ` cajo. Jo canaaiñ` jmiféiñ` Fidiée` jo sáiiñ` lajee` yaaiñ`:

—Jaang` dsea` i 'gøng` eáang` i fé` cuaiñ` quiá'- Fidiée` nicagüéiñ` jee` jneaa`aa` lana.

Jogui fé`guir cajo lala:

—Fidiéeb` nicagüéiñ` e nijmicóo'r` jaléng` dsea` góor`.

¹⁷ Jo jalém` dsea` i seeng` fí' jalé` fi` e née` fí' li` se` Judea cóo` gui fí' lacúng` jo, caliñir` e júu` jo lajii` e cajmée` Jesús do.

Mi` casíng` Juan i seáang` dsea` jmii` dsea` quiá'r` fí' li` táang` Jesús

(Mt. 11:2-19)

¹⁸ Jo lajee` jo caliñi` Juan i seáang` dsea` jmii` do jalé` e jmóo` Jesús, có' e júu` jo cajmée` i dsea` quiá'- i Juan do. ¹⁹ Joba' cató' i Juan do gáng` dsea` quiá'r`, jo casíng`-neiñ' fí' li` táang` Jesús e cangojmíngi'r` dsea` do su íbing` i cajíng` Fidiée` i nigüéeng` fí' jmigüi` la, osi` 'né` e nijém`bir jaang`gui` i jíéng` é. ²⁰⁻²¹ Jo mi` caguilíng` i dsea` quiá'- i Juan do fí' li` táang` Jesús, jo gui`nang` jmóo` dsea` do mí' quiá'- jaléng` dsea` dsée` i líng` doñi` ee` jmohuú': seeng` dsea` tiuung` jogui seeng` dsea` i jée` i 'ling` quiá'. Joba' cangáb` i dsea` gáng` do mi` cajmi`leáang` Jesús jaléng` i dsea` dsée` do. Jo cangoquiéeng` i dsea` quiá'- i Juan do fí' li` sing` Jesús jo cajmíngi'r` dsea` do:

—I Juan i seáang` dsea` jmii` do casíñ` jnea` e cajajmíngi`naa` 'nã', ¿su` 'nãb` dsea` i cajíng` Fidiée` i nigüéeng` fí' jmigüi` la, osi` 'né` e nijeem`baa` jaang` i jíéng`gui` é?

²² Joba' cañi` Jesús casí'r` i dsea` do:

—Güilíng`na' güijmée`na' i Juan do júu` jalé` e nicañi`na' jogui jalé` e nicanáa`na' na: güijmée`na`r` júu` jial líjné`tu` jaléng` dsea` tiuung`, jogui jial ngí`tu` jaléng` dsea` jlúung`, jogui jial linúub`tu` jaléng` dsea` güiing`, jogui jial

'láang-tu jaléng' dsea` líng' jmohuí' 'lí' fí' ngúu' táang, jogui jial jí'tu jaléng' 'lí', jogui jial guiaa- júu^ cajo quiá'- jial nileáng' jaléng' dsea` dsee- dsea` qui' jee~ jalé' dsee- quiá'r-. ²³ Jo juguiá- jia quiá'- jaléng' dsea` i ja` litúng- dsí' cóo'~ jalé' júu^ quié- e.

²⁴ Jo mi~ calí- e fé' Jesús lado, jo cangolíim-tu i dsea` quiá'- i Juan i seáang` dsea` jmíi do, jo Jesús canaaín` sí'r` jaléng' i dsea` i taang` cóo'r` do jalé' juguiá- uii~ quiá'- i Juan do, jo casí'- reiñ' do jo cajíñ'- lala:

—¿E~ caguijðø- 'nú' mi~ canáa-na' e ningí' i Juan i seáang` dsea` jmíi do fí' guóo'~ uó- quié? ¿já' leáa'~?, ja' caguijðøng~ 'nú' jaang` dsea` i uaang~ júu^ quiá'- i jmóo' lí' doñi' ee' ta~ quiá' dsea` jiéng' i líng' la lí' cóo' cuiñi' e dsée' cataang` lí' doñi' jié' fí' lí' í' guí, ²⁵ o'gui caguijðøng~ na' jaang` dseañu' i jlo' sí' i seeng` juguiá-, co' niñib^ 'nú' e i dsea` la'í' neáaiñ' quiá'- dseata~ dsea` féng'. ²⁶ Jo ¿i' í' óo'na' i caguijðøng~ na'? Jo e já'-, 'nú' caguijðøng~ na' jaang` dsea` i laniing-gui laco'gui i dsea` caguiaang- i café' cuaiñ~ quiá'- Fidié~ malii~gui eáang'. ²⁷ Jo nab nicaliti~ laco' fé' Fidié~ fí' ni~ jì quiá'r- cuaiñ~ quiá'- i Juan i seáang` dsea` jmíi do mi~ cajíñ'- lala:

Nisín^n jaang` dsea` i niguiá- júu^ quié- e nú' gui e niguó' fí' jmigüí' e laco' niguiár- guiá- fí' lí' ningí'.

Jo lanab fé' fí' ni~ jì quiá'- Fidié~ uii~ quiá'- i Juan do.

²⁸ Jo casí'- gui Jesús jaléng' i dsea` do jo cajíñ'- lala:

—Lajee~ lajaléng' dsea` i nicalafé' cuaiñ~ quiá'- Fidié~, ja' mí' caliséng` jaang` i niing-gui ta~ quiá'- laco' i Juan i seáang` dsea` jmíi do. Jo dsu' i dsea` i ja' niing- fí' jmigüí' la, dsu' Fidié~ bing' i quie' nifi' quiá'r-, joba' í' bing' i niing-gui laco' i Juan do.

²⁹ Jo jaléng' dsea` i canúu- júu^ quiá'- i Juan do ie~ jo cajgáam-bre jmíi, jogui lajob cajmée` cajo jiguí jaléng' nodsicuu- i jmóo' ta~ quiá'- dseata~ quiá'- Roma, co' calilí'r^ e Fidié~ bing' i ée' røø laco' catíng-. ³⁰ Dsu' jaléng' i dsea` Israel i líng' dsea` fariseo cóo'~ jaléng' i tifa' quiá'- júu^ quiá' ta~ quiá'- dsea` Israel ja' cali'iiñ~ fa' cajgáaiñ~ jmíi mi~ cajá- i Juan do, co' ja' cali'iiñ~ lajii' e lami~ sí'iiñ^ ni'iiñ' quiá'- Fidié~.

³¹ Jo cajíng'- gui Jesús:

—¿I~ nifá' a i líng' la líng' jaléng' i dsea` i seeng` lana? ³² Co' jaléng' í' líiñ' la líng' jiuung~ i taang~ tacóo' fí' 'móo'~, jo mi~ nití'áng' rúiiñ' jo fé'r` lala: “Jnea' cajiiu^naa' lúu', dsu' ja' cadseeng~ na'; jo ca'ó'naa' jalé' e ø' dsea` lí' ráang` 'lí', dsu' ja' caquí'~na'.” ³³ Co' lalab cafée~ 'nú' mi~ cajá- i Juan i seáang` dsea` jmíi do, co' ca'eeng~ na'r e jée' i 'ling' quiá'r- dsu' uii~ e ja' leáang- gø'r jogui jíi' capí'~ jmí' mí' huíng` jó' ja' í'r'. ³⁴ Jogui cagá- jnea~ fí' jmigüí' la e lín'n jaang` dsea` jmigüí' e gø'baa jii' laco' gø' dsea', jo dsu' jaléng' 'nú' ca'eeng~ na' jnea~ e lín'n jaang` dsea` cúng` i gø' contøøng-, jogui e lín'n jaang` dsea` íng' i ngí' cóo'~ jaléng' dsea` i sea` júu^ e dsíng'- røøiñ` dsee-, osi cóo'~ jaléng' 'ná' nodsicuu- é i jmóo' ta~ mí' cuu- e catíng- dseata~ quiá'- Roma é. ³⁵ Jo dsu' cóo'~ jalé' e jmóo' Fidié~, jmijnéeiñ` jial tí' tiiñ` ngáiiñ'.

Mi~ cagó' Jesús fí' quiá'- jaang` dsea` fariseo i sii` Simón.

³⁶⁻³⁷ Jo mi~ cangí jo, jaang` dsea` fariseo i sii` Simón catø'r- Jesús fí' quiá'r- e cagø'r` í' e jmíi jo. Jo e fí' góo' i Simón do niseeng` jaang` dseamí i nijmóo' ta~ 'núng` 'nia'. Jo mi~ nicaliñi' i dseamí do e nidsé- Jesús fí' quiá'- i dsea` fariseo do, jo cangó-bre cajo. Jo lajee~ guíng` Jesús e gø'r cóo'~ jaléng' i dsea` do, calí- i dseamí do fí' lí' guíng` Jesús jo quier` cóo' sí' e a~ jmíi jmeafii' e 'mo' eáang'. ³⁸ Jo mi~ caguié- i dseamí do tí' lí' guíng` Jesús, jo casí'r` uó- jnir~, jo canaaín` qui'r'. Jo laco' qui'r', jalé' jmíi e í' jminir~ do tí' fí' tíi- Jesús, jo cóo'~ e jmíi jo canaaín` ru'r` tíi- dsea` do, jogui cajmiquíu'r` tíi- dsea` do cóo'~ jñuguir~. Jo mi~

calíˉ lajo, jo cachuˉr tiiˉ dseaˉ do, jo casúurˉ e jmiˉ jmeafiiˉ e quierˉ do fiˉ tiiˉ dseaˉ do. ³⁹ Jo miˉ cangáˉ i dseaˉ fariseo do i catóˉˉ Jesús fiˉ quiáˉrˉ do jaléˉ e cajméeˉ i dseamíˉ do quiáˉˉ Jesús, jobaˉ canaaíñˉ i dsírˉ: “Facóˉˉ jáˉ i féˉ cuaiñˉ quiáˉˉ Fidiéˉ i dseañuˉ la, jobaˉ nilíˉ bre jóng e jaléˉ dseeˉ røøngˉ i dseamíˉ i güiˉ tiiˉ na.” ⁴⁰ Jobaˉ Jesús casíˉrˉ i dseaˉ do jo cajíñˉˉ:

—Simón, seaˉ cooˉ e néˉ nifíˉ i nuˉ.

Jobaˉ cañíˉ i dseaˉ fariseo i siiˉ Simón do jo cajíñˉˉ:

—¿Eˉ nifoˉ, Tifaˉ?

⁴¹ Jobaˉ cajíngˉˉ Jesús casíˉˉ reiñˉˉ:

—Cooˉ néˉ caliséngˉ gángˉ dseaˉ i røøngˉ cuuˉ quiáˉˉ jaangˉ dseañuˉ i jmóoˉ taˉ jmiˉ cooˉ cuuˉ. Jo jaaiñˉˉ do røøiñˉˉ ñiáˉ ciento cuteeˉ, jo jaangˉ guiñˉˉ do røøiñˉˉ jíˉˉ cincuenta cuteeˉ. ⁴² Jo miˉ camíˉ i dseaˉ do cuuˉ quiáˉrˉ, jíˉˉ jaangˉ i dseaˉ do jaˉ eeˉ seaˉ quírˉ quiáiñˉˉ. Jobaˉ joˉ eeˉ camíˉ i dseaˉ fiˉ cuuˉ do cuuˉ quiáˉrˉ, jo caláamˉ i dseaˉ do, jo joˉ eeˉ caquíˉrˉ jíˉˉ cooˉ ñiáˉ. Féˉˉ duˉ nuˉ neˉ duˉ: ¿Iˉ lajeeˉ lajiˉ huángˉ i dseaˉ do eáangˉ guiˉ neáangˉ i dseaˉ cacuøˉ cuuˉ do?

⁴³ Jobaˉ cañíˉ i Simón do jo cajíñˉˉ:

—Jneaˉ línˉ e i dseaˉ i carøøngˉ jmiguiˉ guiˉ do.

Jobaˉ cañíˉ Jesús quiáiñˉˉ do jo cajíñˉˉ:

—E uiiˉ, jábˉ quiíˉˉ, lajob líˉ.

⁴⁴ Jobaˉ cajøøngˉˉ Jesús i dseamíˉ i guingˉ uiiˉ tiiˉ do, jo casíˉrˉ Simón jo cajíñˉˉ:

—¿Jøøngˉ i dseamíˉ la? Miˉ caˉúuˉ sinúuˉ quiíˉˉ, jaˉ cacuøøˉˉ jneaˉ jmiˉ faˉ e carúuˉˉ uˉ tiiˉ lacoˉ títngˉ jneaaˉ aaˉ fiˉ la; dsuˉ i dseamíˉ la, dseaˉ i coˉ jáabˉ la, nicaruˉˉ bre tiiˉ cóoˉˉ jmiˉ íˉ jminirˉ joguiˉ nicajmiquiuˉrˉ cóoˉˉ jñuˉguirˉ. ⁴⁵ Joguiˉ jaˉ cachuˉˉ nuˉ niiˉ lacoˉ títngˉ jneaaˉ aaˉ fiˉ la miˉ neengˉ rúˉ naaˉ; dsuˉ i dseamíˉ la jaˉ míˉ caquiuiñˉˉ e chuˉrˉ tiiˉ lacoˉ miˉ caˉúuˉ sinúuˉ quiíˉˉ. ⁴⁶ Joguiˉ jaˉ casúuˉˉ jmiˉ jmeafiiˉ moguiiˉ lacoˉ títngˉ jneaaˉ aaˉ fiˉ la; dsuˉ i dseamíˉ la cagüeiñˉˉ quierˉ cooˉ síˉ e aˉ jmiˉ jmeafiiˉ e moˉ eáangˉ, jo nicasúurˉ tiiˉ. ⁴⁷ Dsuˉ jneaˉ nifíˉ i nuˉ e jáˉ i dseamíˉ la dsíngˉˉ nicarøøiñˉˉ dseeˉ, dsuˉ jneaˉ nicaˉímˉ baa jaléˉ e dseeˉ jo quiáˉrˉ, jobaˉ dsíngˉˉ jmiˉ neáaiñˉˉ jneaˉ lana; dsuˉ jaléngˉˉ guiˉ i dseaˉ i língˉ e jaˉ gaˉ líˉ dseeˉ røøiñˉˉ e lacoˉ jneaˉ niˉínˉˉ jaléˉ e jo, jobaˉ jaˉ gaˉ líˉ jmiˉ neáaiñˉˉ jneaˉ jóng.

⁴⁸ Jobaˉ cajíngˉˉ Jesús casíˉrˉ i dseamíˉ do:

—Nicaˉímˉ baa jaléˉ dseeˉ quiíˉˉ.

⁴⁹ Jo jaléngˉˉ i dseaˉ i neáangˉ guiˉ do cóoˉˉ Jesús canaaíñˉˉ sñiñˉˉ lajeeˉ yaaiñˉˉ:

—¿Iˉ i dseañuˉ la e íiñˉˉ dseeˉ quiáˉˉ jaléngˉˉ dseaˉ?

⁵⁰ Dsuˉ Jesús casíˉˉ guirˉ i dseamíˉ do jo cajíñˉˉ:

—Jneaˉ nicaˉínˉˉ jaléˉ dseeˉ quiíˉˉ dsucoˉˉ jábˉ calínˉˉ jaléˉ júuˉ quiéˉ e; jobaˉ lana guøngˉˉ cóoˉˉ e guiáˉ fiˉ quiíˉˉ.

8

Jaléngˉˉ dseamíˉ i cajmicóoˉˉ quiáˉˉ Jesús

¹ Jo miˉ cangíˉ jo, cangóˉˉ Jesús lacoˉˉ fiˉ e cóoˉˉ cóoˉˉ jaléˉ fiˉ e píˉ quiáˉˉ e guiarˉ jaléˉ júuˉ quiáˉˉ Fidiéˉ e quiáˉˉ jial quieˉ dseaˉ do nifíˉ quiáˉˉ jaléngˉˉ dseaˉ. ²⁻³ Jo cóoˉˉ bre jaléngˉˉ i dseaˉ guitúungˉ do quiáˉrˉ, joguiˉ ngolíimˉ biˉ cajoˉ jaléngˉˉ dseamíˉ i nicajmiˉ leáangˉˉ Jesús líˉ doñíˉ eeˉ jmohuíˉ líiñˉˉ, faˉ jaléngˉˉ i jeeˉ i língˉˉ quiáˉˉ lamíˉ jéengˉ guiˉ. Jo jeeˉ jo quieéngˉ jaangˉ dseamíˉ i siiˉ Yáˉ i seengˉ fiˉ Magdala i caˉuøøngˉ guiángˉ i língˉˉ quiáˉˉ; jo jaangˉ guiˉ dseamíˉ i siiˉ Sihuooˉ i língˉ ooˉ jaangˉ dseañuˉ i siiˉ Chuza i jmóoˉ taˉ laniingˉ quiáˉˉ dseataˉ Herodes; jo jaangˉ guiˉ i siiˉ Susana, jo fíimˉ biˉ jaléngˉˉ dseamíˉ i jiéngˉ guiˉ i ngolíngˉ ieˉ jo, jo jmicóoˉˉ Jesús cóoˉˉ jaléˉ e seaˉ capíˉˉ quiáˉrˉ.

Mi ca'e Jesús coo júu já' e lafa' júu cuento quía' mi bí dsea mijú'
(Mt. 13:1-9; Mr. 4:1-9)

⁴ Jo coo jmí' ie jo, mi caliñ' jaléng' dsea' jie' fí lí táang' Jesús, jo ca'uøøiñ' cango'néeiñ' dsea' do; jo dsíng' fíng' dsea' caseáiñ' ie jo, joba' ca'e' Jesús jaléng' i dsea' do coo júu já' e lafa' júu cuento jo casí'r dsea' do lala:

⁵ —Jaang' dseañu' cangór cangobíir mijú' quía'r fí lí nicajír. Jo mi cabír e mijú' do, sea e cajiú' lí ngúng' fí. Jo mi cangúng' jaléng' dsea', caso'øm'bre jalé' e mijú' do, jo e líng' gui cagó' ta' cajo. ⁶ Dsu' sea'bi e cajiú' ni' cuu lí ja' leáang' guóo' née'; joba' mi ca'íang', dsifib' caliquiú' co' ja' sea' lí nisó' jmó' quía' lí gúí', joba' ca'ím' cajo. ⁷ Jogui sea'bi e mijú' do e cajiú' jee' mijú' 'matóo'; jo mi ca'íang' e mijú' do, jéeng' gui e mijú' 'matóo' do cacuáng' jo ca'ím' e mijú' e cabí i dsea' do jee' e mijú' 'matóo' do. ⁸ Dsu' seab' e mijú' do e cajiú' lí jlo' uó'; jo mi cacuáng' jo jlob' cacuó'; sea e cacuó' laji' cien mí' lacamí' mijú'.

Jo mi calí' fé' Jesús jalé' e júu' na, jo casí' guir jaléng' i dsea' do, jo café'r laco' ninú' i dsea' do røø jo cajíñ':

—Í' 'nú' sea' loguá'na', núu'na' jalé' júu' quíe' e.

E uing' e ca'e Jesús jalé' júu já' e lafa' júu cuento
(Mt. 13:10-17; Mr. 4:10-12)

⁹ Jo mi cang' jo, jo cajmingí' i dsea' guitúung' do cajmingí'r Jesús e guóng' e júu' e ca'er' do. ¹⁰ Joba' cajíng' Jesús casí'r i dsea' guitúung' do:

—Quía' Fidié' nicangúng' 'nú' e ngáng'na' jalé' e ja' mí' ní' dsea' jéeng' gui, e dsea' í' iñ' cár' ní' quía' lajaang' lajaang' dsea' jmigüí'. Dsu' jnea' ée' e jaléng' i dsea' na cóo' júu já' e lafa' júu cuento e laco' mi' ninír', nijér' lafa' ja' ee' cangá'bre, jogui mi' ninúr', nijér' lafa' ja' ee' canúu'bre cajo.

Mi cajmé' Jesús júu e guóng' e júu quía' i dsea' bí mijú' do
(Mt. 13:18-23; Mr. 4:13-20)

¹¹ Joba' cajíng' Jesús casí'r i dsea' guitúung' do:

—Lalab guóng' e júu' e ca'ée' na 'micú': E mijú' do lí' lafa' júu' quía' Fidié'. ¹² Jo e cajiú' lí ngúng' fí do lí' lafa' i dsea' i núu' e júu' do, jo dsu' lajmináb' güéeng' fí i 'líng', jo dsifí' lajob jmóor' e ja' já' líng' i dsea' do e júu' jo, jo lajoba' ja' nileáiñ' do jee' jalé' dsee' quía'r. ¹³ Jogui e mijú' e cajiú' fí ni' cuu' do lí' lafa' jaléng' dsea' i íang' dsí' íng' jalé' e júu' jo, jo dsu' ja' huóø' ee' e já' líñ', co' mi' huíng' dsijéé' quía'r uí' e já' líñ' júu' quía' Fidié', joba' dsifí' lajob tá'tur e júu' jo, jo i dsea' í'bing' i líng' la lí' e mijú' e ja' 'leáang' jmó' sea' do. ¹⁴ Jo e mijú' e cajiú' jee' mijú' 'matóo' do lí' lafa' jaléng' dsea' i núu' júu' quía' Fidié' jo ca'ím'bre e júu' jo, jo dsu' laco' ngóo' jmíng', eáang' gui guíng' dsí' jalé' fí'í' dsí' sea' quía'r jogui quía' jalé' ta' lí' cuu' jogui cajo e quía' jial nijmi'íang' dsí' cóo' jalé' e sea' fí' jmigüí'. Jo co' lajob líñ', joba' ja' cuø' fí' quía'r fa' e nidsicuáng' gui e júu' quía' Fidié' e já' líñ' do. ¹⁵ Jogui e mijú' e cajiú' lí jlo' uó' do lí' lafa' jaléng' dsea' i dsíng' íang' dsí' íñ' júu' quía' Fidié', jogui eám' jmóor' núu'r jalé' júu' quía' dsea' do, co' ja' lítúng' dsí' jalé' e jo. Jo i dsea' í'bing' i teáang' teá' cóo' júu' quía' Dsea' Jmáang', jogui eám' dsicuáng' e júu' jo quía'r.

Coo júu já' e lafa' júu cuento quía' jial mi' jmijneá' dsea' j'
(Mr. 4:21-25)

¹⁶ Jo mi calí' e fé' Jesús júu' quía' mi bí dsea' mijú', jo cajíng' guir casí'r jaléng' i dsea' do:

—Jí' jaang' dsea' ja' 'gui'r' cajlí' quí' e mi' nicoo' jo nijlír' o'gui nisí'r coo' lí' cóøng', co' iñ' e jneá' fí' la'úng' sínúu' quía'bre. Co' 'né' niquidsir'

e quíi do cōq̄ lĩ nĩí e laco' jneá' mi~ dsitáaiñ'~, jō lajōba' jné' jaléng' dsea' i dsitáng' e sinúu' do. ¹⁷ Jō lajōb lĩ' cōq̄' júu' quié' e: Ja' sea' jalé' júu' quié' e fa' e si'ma' e ja' niní' dsea', o'gui sea' jalé' júu' quié' e fa' e ja' tōq̄' jm̄i' niliñí' dsea' jaléiñ'. ¹⁸ Jōba' fii' jnea' 'nú', náu' na' júu' quié' e; cō' jaléng' dsea' i ninúu' júu' quié' e, jmigui'gui' niñiñ' e ngáiñ', jō dsu' jaléng' dsea' i ja' náu' júu' quié' e, jōba' ni'lim' lajii' e ni'í' dsíir' e ngáiñ' do.

Mi~ cajá' niquiá' Jesús cōq̄' jaléng' rúíñ'

(Mt. 12:46-50; Mr. 3:31-35)

¹⁹ Jō lajee' táang' Jesús e e'r' jaléng' i dsea' do, caguié' niquiá'r' cōq̄' jaléng' rúíñ' e 'náiñ' dsea' do. Jō cō' ja' cuōōng'gui fa' e nidsiquiéiñ' do tí' quiá' lĩ' sing' dsea' do, cō' dsíng' fíng' dsea', ²⁰ jōba' jaang' i dsea' do cajmea'r' Jesús júu' jō casí'r' dsea' do jō cajíñ' lala:

—Na nicagüéng' niquíi' cōq̄'gui jaléng' rún' e 'náiñ' 'nu', jō nab teáaiñ' caluu' lana.

²¹ Dsu' Jesús cañiir' jō casí'r' i dsea' do jō cajíñ':

—Jaléng' dsea' i núu' júu' quiá' Fidié' jō jmitir' e júu' jō, jaléng' i dsea' í'bing' líng' niquié' e jogui rún'n.

Mi~ cajmé' Jesús e ca'uáang' e í' guí' jogui ca'uáang' e róq̄' jm̄i'

(Mt. 8:23-27; Mr. 4:35-41)

²² Jō mi' cangf' jō, lajee' e táang' Jesús fí' Galilea, jō cōq̄' jm̄i' ca'ír' fí' dsíi' cōq̄' móo' cōq̄' i dsea' guitúung' quiá'r' do jō casí' reiñ':

—Má' aa' lí' 'ngóo' cataang' e guié' la.

Jō dsifí' ladob cangolíñ' fí' lĩ' e' Jesús. ²³ Jō lajee' ngolíñ' ni' jm̄i' jō caquiam' Jesús. Jō lajee' güüing' dsea' do, jō dsíng' canaang' í' guí', jō mifíng' canaang' dsi'a' jm̄i' dsíi' e móo' do, jō cafóm' i dsea' guitúung' do, cō' fō' nidsi'am' e móo' lĩ' teáaiñ' do. ²⁴ Jōba' cangoñiñ' Jesús jō cajíñ' casí'r' dsea' do:

—iTifa'! iTifa', nicanaang' dsi'am' baa'!

Jō caróq̄' Jesús, jō caquiur' ta' e guí' do cōq̄' e jm̄i' do. Jō dsifí' ladob cahuíng' e í' guí' jō cahuím' e róq̄' jm̄i' cajo, jō tiib' ca'f'. ²⁵ Jō casí' Jesús i dsea' do jō cajíñ' lala:

—¿Jna' gui e fóna' e já' líng'na' júu' quié' e?

Dsu' i dsea' guitúung' do dsíng' cafóñ' jō cangogá' dsíir' jō cajmingi' rúíñ':

—¿I' i dseañu' la e quiur' ta' jō núu' jalé' guí' cōq̄' jalé' jm̄i' júu' quiá'r'?

Jaang' dseañu' i seeng' fí' Gadara i nijé' i 'ling' quiá'

(Mt. 8:28-34; Mr. 5:1-20)

²⁶ Jō mi' caguié' Jesús cōq̄' dsea' quiá'r' fí' lí' 'ngóo' cataang' e guié' do, jō caguiliñ' fí' cōq̄' fii' lĩ' sii' Gadara. ²⁷ Jō mi' cajgáñ' e móo' do, jō cangoquiéeng' jaang' dseañu' i niseeng' e fii' do i nijé' i fíng' i 'ling' quiá' lajii' maliib' jia eáang'. Jō ja' e'e' si'r' qui'r', o'gui guiñ' fí' quiá'r', jō jii' fí' lĩ' áang' 'liib' güüiñ'. ²⁸ Jō mi' cangáng' i dsea' do Jesús, jō cangoquiéiñ' fí' quini' dsea' do jō casí'r' uō' jnir', jō canaaiñ' fé'r' teá' jō sí'r' dsea' do lala:

—iJesús, Jóq̄' dsea' guing' ñiff', ja' jmiguín' jnea'! iJō mí'i' 'nu' jmi'ee' fa' nijié' o' e ja' nijmeáan' jnea' ga'!

²⁹ Jō i 'ling' i jé' quiá' i dsea' do café'r' lado, cō' Jesús nicanaaiñ' quiur' ta' i 'ling' do e nitiúuiñ' do i dsea' do. Cō' lamí' jéeng'gui, eáang' jmigui' né' nicajmé' i 'ling' i jé' quiá' i dseañu' do e ga' eáang'; jō nañi' fa' jaléng' dsea' nicasaiñ' i dseañu' do, jō nicañu'r' guoó' tñiñ' cōq̄' ní' cadena e laco' jō nijméiñ' ga', dsu' dsifí' ladob fiiñ' do jalé' ní' cadena, jō jmóo' i

'ling' do e dsée' i dseañu' do fi' li' ja' ii' dseañ' seeng'. ³⁰ Jo lalab cajíng' Jesús cajmingi'-reñ':

—¿Jial sii'?

Joba' cañí' i 'ling' i jée' quía' i dseañu' do:

—Legióm sii' naa'.

Jo cajíng' i 'ling' do lado, co' dsíng' fíiñ' jéer' quía' i dseañu' do. ³¹ Jo jaléng' i 'ling' do camir' Jesús e ja' niquiá' dseañu' do ta' e nidsilíiñ' do fi' li' 'li'. ³² Jo co' dsíng' fíing' cú' nitaang' ne' gø're' nuu' fi' dse' co' mó' quía' li' táang' Jesús, joba' camir' i 'ling' do jmi'ee' camir' dseañu' do e nicuór' fi' e nidsitáaiñ' do dsí' jaléng' i cú' do. Joba' cacuø' Jesús jaléng' i 'ling' do fi' lajo. ³³ Jo dsifí' ladob catiúung' jaléng' i 'ling' do i dseañu' do, jo cangotáaiñ' dsí' jaléng' i cú' do. Jo mi' cangotáang' i 'ling' do fi' dsí' jaléng' i jó' do, jo dsifí' ladob cacuí're', jo cabíing' yaang' ne' fi' 'ni' jiáa', jo cajiúng' ne' fi' dsí' jmí, jo cajgó'bre' jmí jóng.

³⁴ Jo mi' cangá' jaléng' i dseañu' i jmóo' í' i cú' do lajii' e calí' do, dsifí' ladob cacuí'r' cangoliiñ' fi' fii', jo caguiar' júu' lajii' e calí' cóo' i cú' do, jogui cajmea'r' júu' jaléng' dseañu' i cajíñ' guiá' fi' cóo' fi' jee' mó' laco' ngoliiñ'.

³⁵ Jo mi' caliñí' jaléng' i dseañu' seeng' fi' jo jalé' e calí' e jmí jo, jo dsifí' ladob cangoliiñ' fi' li' táang' Jesús. Jo mi' caguiliiñ' fi' li' táang' dseañu' do, jo cangár' e dob niguiing' i dseañu' i lamir' jée' i 'ling' quía' do colíing' cóo' Jesús, jo niqui'bre' si'r', jo jo' ee' líiñ' jii' coo'. Jo dsíng' caføng' jaléng' i dseañu' i caguilíng' do. ³⁶ Jo jaléng' dseañu' i cangá' jial ca'láang' i dseañu' i lamir' jée' i 'ling' quía' do, dsifí' ladob caguiar' júu' jial calí'. ³⁷ Jo mi' calí' lado, jaléng' i dseañu' i seeng' fi' Gadara do camir' jmi'ee' Jesús e nigü'áb' dseañu' do e fi' li' táaiñ' do, co' dsíng' 'gó' jaléng' i dseañu' do. Jo mi' cajíng' i dseañu' do lado, jo dsifí' ladob ca'í-tu Jesús dsí' e móo' do, jo ca'ír' fi' e nidsém'-tur' fi' Galilea. ³⁸ Jo i dseañu' i lamir' jée' i 'ling' quía' do camir' Jesús jmi'ee' e nidsér' cóo' dseañu' do, dsu' ja' cacuø' Jesús fi' lajo. Jo caquiur' ta' i dseañu' do e cangáaiñ' do fi' quía'r', jo casí'-reñ' jo cajíñ':

³⁹ —Guøng' fi' quí', jo güigua' júu' jalé' e guiá' e nicajmée' Fidiée' cóo' 'nu'.

Jo cangám' i dseañu' do, jo cajmiti-bre jalé' ta' e caquiur' Jesús, jo caguia-bre júu' jalé' e guiá' e cajmée' dseañu' do cóo'r'.

Mi' cajmi'leáang' Jesús joo' Jairo

(Mt. 9:18-26; Mr. 5:21-43)

⁴⁰ Jo mi' caguiéng' tu Jesús fi' Galilea, jo dsíng' fíing' dseañu' i niteáang' güijée' quía'r'. Jo dsíng' iáang' dsí' jaléng' i dseañu' do dsu' caguiéng' tu Jesús fi' do. ⁴¹ Jo lajee' jo, caguié' jaang' dseañu' i sii' Jairo i líng' fii' féng' quía' guá' quía' dseañu' Israel. Jo mi' caguié' fi' quini' Jesús, jo casí'r' uø' jni' fi' quini' dseañu' do jo camir' jmi'ee' fa' e nidsé' dseañu' do fi' quía'r', co' seeng' camíng' simí' jiuung' quía'r' i ningóo' guitu' jii' jo niráaiñ' do dséer' eáang' e dseáng' tí' li' nijúum-bre. ⁴² Jo lajee' ngóo' Jesús fi' quía' Jairo, dsíng' fíing' dseañu' ngoliiñ', jo dsíng' sicúung' Jesús jee' jaléng' i dseañu' do.

⁴³ Jo jee' jaléng' i dseañu' i jée' quía' Jesús ningóo' jaang' dseamí' i nilíing' jmohuí' e tuuiñ' lajii' ningóo' mi' guitu' jii'. Jo lamir' jéeng' dsíng' nica'liñ' cuu' quía'r' cóo' jaléng' timí', jo jii' jaang' ja' ii' mi' cali' fa' i nicajmi'leáang' ír'. ⁴⁴ Jo guidseaam' calí' i dseamí' do cangáaiñ' jee' jaléng' i dseañu' do, jo cangoquiéeiñ' fi' lí' caluu' Jesús jo catíiñ' capí' 'ni' sí' dseañu' do, jo dsifí' ladob ca'láaiñ', jo jii' capí' jmi' jo' e tuuiñ' jóng. ⁴⁵ Jo Jesús dsifí' ladob cajmingi'r' jaléng' i dseañu' i cóo'r' do jo cajíñ':

—¿I' i catíing' capí' sí'?

Jō cō' jaléngⁿ i dseá do cañír^e e jíi[~] jaang^e ja^e iⁱ cajmée^e lajō, jōba' cañíi^e Tú[^] Simón:

—Tifa', ¿jiali' jmingí[~] i[~] catíng⁻ capí[~] sí[~]? Cō' jalémⁿ dseá 'leng' rúinⁿ fí' la fí' na.

⁴⁶ Jōba' cañíi^e tu Jesús jō cajíiⁿ':

—Lím[~]bing' iⁱ cagüi' sí[~]i, cō' 'ñiá[~]'a calilí[~]'i e lím[~]bing' i nicajmi[']leáanⁿ cóo[~]' e 'gønⁿ.

⁴⁷ Jō i dseam[~] do, mi[~] canúur⁻ e calilí[~]' Jesús e líng[~] iⁱ catíng⁻ sí[~]r[^], jōba' dsíng[~] cafóin[~] jō dsíng[~] jléeiñ[~] cangór⁻ fí' quini[~] Jesús, jō casí[~]r[^] uø⁻ jnir[~] fí' quini[~] dseá do. Jōba' cajmée^r júu[^] fí' quini[~] jaléngⁿ i dseá do jiali' cagüi[~]r[^] sí[~]' Jesús, jō jial ca'láaiñ⁻ ladsifí' lado e jmohuí[~] e lamí[~] líiñ[~].

⁴⁸ Jōba' cajíng[~] Jesús casí[~]r[^] i dseam[~] do:

—Jóo^o, uí[~] e jáb[~]' calín[~]' júu[^] quié[~]'e, jōba' nica'láam⁻ba' lajíi[~] jmohuí[~] e lamí[~] lin[~]'. Jōba' lana guóng[~] cóo[~]' e guiá[~]' fí' quíi[~]'.

⁴⁹ Jō laco' gui[']nam['] bi síng[~] Jesús cóo[~]' i dseam[~] do, mi[~] caguié⁻ jaang^e dseá sinúu[^] quiá[~]' Jairo e quier[~] júu[^] cuaiñ[~] quiá[~]' i simí[~] do, jō lalab casí[~]r[^] dseá do:

—Jō[~] taan[~]' i tifa' na e dsér⁻ fí' quíi[~]', cō' nicajúm⁻ simí[~] jiuung[~] quíi[~]'.

⁵⁰ Dsu['] mi[~] canúu⁻ Jesús lado, dsifí['] ladob casí[~]r[^] Jairo:

—Ja[~] fòøn[~] jíi[~] cóo[~], lico['] 'né⁻ e jáb[~]' nilín[~]' e quíi[~]'baa jmí[~] nijmee[~] e e ni[']leáng⁻ i simí[~] jiuung[~] quíi[~]', jō lajōb nilí[~].

Jō mi[~] cajíng[~] Jesús lado, dsifí['] cangór⁻ fí' quiá[~]' Jairo.

⁵¹ Jō mi[~] caguié⁻ Jesús fí' quiá[~]' dseá do, jō ja[~] cacuør['] fí' fa' e cangotáang[~] dseá[~] jiéng[']gui, jíi[~] Tú[^] Simón cóo[~]' Tiá[~] cóo[~]' Juan cóo[~]' sejmii[~] i simí[~] jiuung[~] do, jíi[~] í[~]bing['] i cangíng['] fí' e cangotáang[~] fí' dsí[~] sinúu[^] e lí[~] ráang['] i 'líi[~] do. ⁵² Jō jaléngⁿ i dseá sinúu[^] quiá[~]' Jairo dsíng[~] qui[~]r[^] jogui dsíng[~] jiuung[~] dsí[~]r[^] dsu['] e nicajúng⁻ i jiuung[~] simí[~] do. Jōba' cajíng[~] Jesús casí[~]r[^] jaléngⁿ i dseá do:

—Ja[~] qui[']na', cō' ja[~] sijúung[^] i jiuung[~] na cō' lico['] güim[~]bre.

⁵³ Dsu['] jaléngⁿ i dseá do lí[~] cangíim[~]bre Jesús mi[~] cajíng[~] dseá do lado, cō' ñi[~]bre e nicajúm⁻ i jiuung[~] do. ⁵⁴ Jō lajee[~] e jmóo[~] i dseá do lajō, jō Jesús catíiñ⁻ guoo[~] i jiuung[~] do, jō cató['] reiñ['] la'úung[~] jō casí[~]'reiñ['] lala:

—iRáan[~]' na, Mí[~]!

⁵⁵ Jō mi[~] cajíng[~] Jesús lado, dsifí['] ladob cají[']tu i simí[~] do jō caróo⁻bre. Jō dsifí['] caquiú['] Jesús ta[~] e cangíiñ[~] do e cagó[']r[^]. ⁵⁶ Jō mi[~] cangá⁻ sejmii[~] i jiuung[~] do e cají[~]b[']tuiñ['] do, jōba' dsíng[~] cangogá[~] dsíiñ[']; dsu['] Jesús caquiú[']r[^] ta[~] sejmii[~] i simí[~] do e ja[~] iⁱ nisíiñ[~] do jíi[~] jaang^e lajíi[~] e cajmée^r e sinúu[^] do ie[~] jmí[~] jō.

9

Mí[~] casíng['] Jesús dseá guitúung['] quiá[~]r[^] e niguiáíñ[~] do júu[^] quiá[~]' Fidiée[~] (Mt. 10:5-15; Mr. 6:7-13)

¹⁻² Jō mi[~] cangí[~] jō, caseángⁿ Jesús jaléngⁿ dseá guitúung['] quiá[~]r[^], jō caquiú[']reiñ['] ta[~] e nidsiguiáaiñ[~] do júu[^] quiá[~]' jial iing[~] Fidiée[~] e nicár[~] nifí['] quiá[~]' dseá, jogui cacuør[']reiñ['] do bí[~] e quíiñ[~] do jmí[~] e ni[']uóñ[~] jaléngⁿ i 'líng[~] i jée['] quiá[~]' dseá, jogui e nijmi[']leáaiñ⁻ do jaléngⁿ dseá dsée[~] i líng['] doñí[~] ee[~] jmohuí[~]. ³ Jō lalab casí[~]' Jesús i dseá guitúung['] do quiá[~]r[^] jō cajíiⁿ':

—Nigüilíng⁻na' jō ja[~] ee['] 'né⁻ cá[~]'na' jíi[~] cóo[~] quiá[~]' guiá[~]' fí': ja[~] 'né⁻ cá[~]'na' 'ma[~]'u' o'gui nosúu' o'gui í['] o'gui ñinée⁻. Jogui jíi[~] sí[~]'na' e quíi[~]'ba' nicá[~]'na', cō' ja[~] 'né⁻ fa' cá[~]'na' tú⁻ neáang['] sí[~]'na'. ⁴ Jō mi[~] nigüilíng⁻na' fí' cóo[~] fíi[~], jō 'né⁻ ni[']no[~]'na' cóo[~] 'núu' lí[~] nijá[~]'na' carta[~] taang[~]na' e fíi[~] jō, jō ja[~] jmí[~]síng[~]na' lí[~] já[~]'na'. ⁵ Jō jíé[~]gō fíi[~] lí[~] nigüilíng⁻na' lí[~] ja[~] ni[']íng['] dseá 'nú[~]', jōba' uøng[~]na' e

fii' jo, jo mi~ niteáang~na' 'ni' e fii' do, bó'na' 'lee' e toq~ tii'na' laco' cuø' li' e ja' ca'ée' i dsea' do guiá' cóo' 'nú'.

Jo jalé' e ta~ na caquiá' Jesús quiá' jaléng' i dsea' guitúung' do.

⁶ Jo ca'uøøm' i dsea' guitúung' do mi~ cangoyúung' e ca'iñ' jalé' ta~ nijmér~, jo cangolímbre fí' jalé' fii' e guiar' jalé' júu' quiá' Fidié' quiá' jial laang' dsea' jee~ jalé' dsee~ quiá'r~, jogui jmi'leáam~bir cajo jaléng' dsea' i líng' doñí' ee' jmohuí'.

Mi~ cangogá' dsí' Herodes jial fé' dsea' uii' quiá' Jesús

(Mt. 14:1-12; Mr. 6:14-29)

⁷⁻⁸ Jo ie~ jo nicanúu~ dseata~ Herodes jalé' e s'ing' dsea' quiá' jalé' e guiá' e jmóo' Jesús, jo jii' ja' ñí' i dseata~ do e~ nijmér~, co' seeng' dsea' dsicóor' júu' e nicají'tu jaang' lajee~ lajaléng' dsea' i café' cuaiñ~ quiá' Fidié' malii'gui eáang', jogui seeng' dsea' fé'r' e nicajném~tu Líi', jaang' dsea' i café' cuaiñ~ quiá' Fidié' malii'gui eáang' cajo, dsu' seem'bi dsea' i fé' e Juan i seáang' dsea' jmi'bing' i nicají'tu calé' catú'. ⁹ Jo mi~ canúu~ i dseata~ do e fé' dsea' e nicajíb'tu i Juan i seáang' dsea' jmi' do, joba' eáam' cangogá' dsí'r' jo cajíñ'~:

—Jneab~ dsea' caquiá'~u ta~ e cahuí' moluu~ i Juan do. Jo ¿i~ i éeng' jaléng' dsea' i ngí' jmóo' jalé' e guiá' jogui quiá'r~ jmi' e jmóor' lí' doñí' ee'?

Joba' lajii'~ ie~ job cajmi'úung' dseata~ Herodes e 'nó'r' jial niníñ' Jesús.

Mi~ cahéng' Jesús 'ñiá' mil dseañu'

(Mt. 14:13-21; Mr. 6:30-44; Jn. 6:1-14)

¹⁰ Jo mi~ calicóng'gui lajo, caguilím'tu i dsea' guitúung' do e cangocóor' júu' fí' quini' Jesús jalé' e guiá' e cajméer' lacoq' fii' li' cangolíñ'. Jo mi~ calí' féng' rúíñ', jo cajéem' Jesús i dsea' guitúung' do fí' coq' li' ja' ii' 'ga' lí' dsea' ngí', quiá' cóo' fii' li' sii' Betsaida. ¹¹ Jo mi~ caliñí' jaléng' i dsea' i seeng' e fii' jo jie~ fí' li' nitáang' Jesús, joba' fíim' dsea' cangolíñ' fí' li' táang' dsea' do. Jo Jesús ca'ím'bre jaléng' i dsea' do mi~ caguilíñ', jo canaaiñ' e'r' júu' quiá' jial iing' Fidié' nicár' nifí' quiá' jaléng' dsea', jogui cajmi'leáam~bir jaléng' dsea' dsée' i quiéeng' jee~ i dsea' do cajo.

¹² Jo mi~ ningóo' ca'lóo~ e jmi' jo, cangoquiéeng' i dsea' guitúung' do fí' lí' sing' Jesús jo casí'r~ dsea' do jo cajíñ'~:

—I' júu' jogui síi' jaléng' i dsea' na güiguilíñ' jo güiguijméer~ quií' lí' nijér~ cóo'gui jalé' e nidó'r~ jié' fí' lí' lí'r' e téé' 'núú', co' fí' lí' taang'naa' la ja' ee' sea' e niquiee~naa' cóo'r~.

¹³ Joba' cañí' Jesús casí'r~ i dsea' guitúung' do:

—'Náb' 'né' cuø'na' e nidó'r~ jaléng' i dsea' la.

Jo cañí'tu i dsea' guitúung' do:

—¿Jial nilí'gui jo? Co' jii' 'ñiá' iñí'ba' sea' cóo'gui gáng' 'ñu', jo fíng' ja' 'né' dsé'baa' e dsileá'naa' e nidó'r~ jaléng' i dsea' na.

¹⁴ Co' dsíng' fíng' jaléng' i dsea' do; tí'bre la 'ñiá' mil jii' dseañu' jo ja' íng' jaléng' dseam' o'gui jaléng' jiuung' cajo.

Dsu' Jesús casí'r~ jaléng' i dsea' quiá'r~ do:

—Síi'na' jaléng' dsea' güigüear' tá' có' nibøø~ tá' cincuenta dsea'.

¹⁵ Jo lajob cajmée' i dsea' guitúung' do, jo caguáb' i dsea' do laco' ta~ caquiá' Jesús. ¹⁶ Jo mi~ calí' caguá' jaléng' i dsea' do tá' có' nibøø~ lacúng' lajíng' lí' sing' Jesús, joba' catíng' dsea' do laji' 'ñiá' e iñí' do cóo'gui laji' huáang' i 'ñu' do, jo cajóor~ fí' yá' jmi'güi, jo lajoba' cacuø'r' gui'máang' Fidié' quiá' e do. Jo mi~ calí' jo, cajméer' jmá'~jiu e do jee~ jaléng' i dsea' guitúung' do, joba' í'guib cajmée' guiéé' jee~ lajaléng' i dsea' fíng' do. ¹⁷ Jo jalém' i dsea' do cagó'r'

car` calitaaĩ~ guiá~. Jo mi~ calí~ gó'r` lajiiĩn` do, caseám~bi guitu' 'matá^gui e røøng` téé' 'ná' iĩn' cõo'~gui 'náng' i 'ñu` do.

Mi~ cajing'~ Tú^ Simón e Jesús líiĩ' Dsea` Jmáang~
(Mt. 16:13-19; Mr. 8:27-29)

¹⁸ Jo mi~ cangí jo, coo` jmi~ taang~ Jesús e féiĩ' Fidiée~, jo cõo'~bre i dsea` guitúung` quiá'r~ do. Jo lajee~ jo cajmingí'~ Jesús jaléng' i dsea` quiá'r~ do jo cajíĩ'~:

—¿i~ jnea~ fé' jaléng' dsea'?

¹⁹ Joba' cañi' jaléng' i dsea` guitúung` do:

—Seeng` dsea` dsicueáaiĩ'~ 'nu` cõo'~ i Juan i seáng` dsea` jmi~ do, jo seeng`gui dsea` dsicueáaiĩ'~ 'nu` cõo'~ Líi' i café' cuaiĩ~ quiá'~ Fidiée~ maliĩ~ gui eáang', jogui seem`bi dsea` dsicueáaiĩ'~ 'nu` e lin' jaang`gui i nicafé' cuaiĩ~ quiá'~ Fidiée~ jogui e nicají'tur lana.

²⁰ Joba' cajmingí'tu Jesús i dsea` guitúung` do jo cajíĩ'~:

—Jogui 'nú', ¿i~ fó'na' e lín'n?

Joba' cañi' Tú^ Simón quiá'~ Jesús:

—'Nub` dsea` i líng' Dsea` Jmáang~ i casíng` Fidiée~ dsea` guing~ ñiff'~ cuaiĩ~ quiá'r~.

²¹ Dsu' Jesús ca'fir~ 'goo` quiá'~ jaléng' i dsea` guitúung` do e ja` iĩ` nisfiĩn` do jii'~ jaang` e íbre líiĩn` Dsea` Jmáang~.

Mi~ cajmée` Jesús júu^ e tí` nijngáng'~ dsea` ír`
(Mt. 16:20-28; Mr. 8:30-9:1)

²² Jo mi~ calí~ cajíĩ'~ lado, jo casí'~ guir i dsea` guitúung` do lala:

—E jáb' e jnea~ lín'n i dsea` i cajá'~ fí' ñiff' e lín'n jaang` dsea` jmiigüi'. Jo dsíng'~ 'né~ nimoo~o iihuí' e eáang', co' jaléng' dsea` cõøng'~ quiá'~ dsea` góo` dsea` Israel nilí' 'ní' ním~bre jnea~, jogui lajob nijmé~ jaléng' dsea` quie' nifí' quiá'~ jaléng' jmidsea` quí'~ii' cõo'~gui jaléng' tifa' quiá'~ júu^ quiu' ta~ quí'~ii'. Jo jaléng' íbing' i nijngáng'~ jnea~; jo dsu' mi~ nití' 'ni' jmi~ lajo, nijib'túu calé' catú'.

²³ Jo mi~ calí~ jo, cangób~tur cõo'~ i dsea` guitúung` do fí' lí' teáng` jaléng' i dsea` fiing` do jo casí'~ reiĩ':

—Song iĩ` dsea` iing~ ni'uíng~ dsea` quie~e, joba' güitár` jalé' e lí' dsíir' 'ñia'r', jogui lacoo` jmi~ güiseaiĩ' lafa' crúu^ quiá'r~ e laco' cuø' lí' e guia' dsíir' e nidsingüiĩn~ jalé' e huíng' uíi' e líiĩn' dsea` quie~e, jo lajoguiba' ningír~ cõo'~ jnea~ jóng. ²⁴ Co' iĩ` dsea` i í' dsí' e lí'bre nileáng~ 'ñia'r' jee~ jalé' dsee~ quiá'r~, joba' i dsea` í' conguiab' nibiĩn' fí' lí' 'lí'~; jo dsu' iĩ` dsea` nijúuiĩn~ uíi' e líiĩn' dsea` quie~e osi uíi' e ni'r' júu^ quiá'~ jial niliseeng` dsea` cõøng` cõo'~ Fidiée~, joba' i dsea` í' nitím'~bre fí' quini' Fidiée~ jóng. ²⁵ Jo ja` ee` ta~ íng` quiá'~ jaang` dsea` e silíi'r' jalé' e sea' fí' jmiigüi' song ja`gui cuiĩn' jnea~, co' fí' lí' 'lib' nidséiĩn' mi~ nití' í' e nijúuiĩn~, jo doguib lí' ninír' iihuí' lata~. ²⁶ Jogui song iĩ` i 'gó' nifé' e líiĩn' dsea` quie~e, osi í' líiĩn~ e nifé'r' e já' líiĩn' júu^ quie~e e, joba' lajob nijmee~ jnea~ cõo'~ i dsea` í' cajo, jnea~ dsea` gáa'a fí' ñiff' e lín'n jaang` dsea` jmiigüi'; co' lajob nijmee~ e mi~ nigáa'túu fí' jmiigüi' e niniing~ 'gøiĩn' quiá'~ Tiquié' e Fidiée~ jogui cõo'~ jaléng' ángeles i güeang'~ cajo. ²⁷ E já' e fí' i 'nú' e i líng~ lajee~ i dsea` i teáng~ la ja` mí' júuiĩn~ cartí' ninír' jial lí' mi~ nicá' Fidiée~ nifí' quiá'~ lajaang` lajaang` dsea` jmiigüi'.

Jo jalé' e júu^ na cajing'~ Jesús casí'r~ jaléng' i dsea` do ie~ jo.

Mi~ calisíng~ jial jnéng~ Jesús
(Mt. 17:1-8; Mr. 9:2-8)

28 Jo mi~ cangî jñiá~ jmii~ e cajíng'~ Jesús lajo, jo cajgóor~ fi' coo` yá^ mó^ e cangoféiñ'~ Fidiée~, jo cóo~bre Tú^ Simón cóo~ Tiáa~ jogui Juan. 29 Jo lajee~ táang` Jesús e féiñ' Fidiée~, tá~ jiu ladob jnéeng^ calisíng~ jial jnéeng~ nir~ jogui calisíng~ si'r^ cajo, jo cajnéng~ e tee` jlo^ lafa' joo, jogui calijíñ'~ laco' jing' iee. 30-31 Jo lajee~ jo cajnéng~ gáng~ dseañu^ i síng` cóo'r~, jo ni~ Moib~ do cóo~gui ni~ Líi^, jo laji huáaiñ'~ do líiñ' dsea i café^ cuaiñ~ quiá~ Fidiée~ malii~gui eéang', jo jlob^ jing' i dseañu^ do cajo, jo síiñ~ quiá~ jalé^ iihuí^ e nicá^ Jesús fi' Jerusalén mi~ nití^ í^ e nijngáng'~ dsea ír'. 32 Jo dsu^ laji gaang` i dsea` quiá~ Jesús i jeeiñ' do dsíng'~ cajá~ e jaligüiñ' dsu^ caje bre e sijnee` dsíir', joba' cangár~ e jlo^ jing' Jesús jo la quie`gui i dsea` gáng~ do jiiñ' cajo. 33 Jo mi~ cangá~ Tú^ Simón e catang'^ fi' i dsea` gáng~ i teáng~ cóo~ Jesús do, joba' dsifi' lala casí'r~ Jesús jo cajíñ'~:

—Tifa', jdsíng'~ juguiá~ dsu^ taang~naa' cóo~ i dsea` na fi' la! Fa' na nijmée~naa' 'ni' 'núu` jiu cóo~ má^ 'ma~, coo` quiá~ jogui coo` quiá~ Moi~ jogui coo` quiá~ Líi^ cajo.

Dsu^ jii~ ja` calilí^ Tú^ Simón e café'r` lado. 34 Jo lajee~ gui'nang'~ fé^bir mi~ cajgó~ cabøø~ jnií, jo caquiñ'~ lajee~ teáaiñ~ fi' e yá^ mó^ do, jo dsíng'~ cafóng' Tú^ Simón cóo~ Tiáa~ cóo~gui Juan. 35 Jo lajee~ teáaiñ~ jee~ e jnií do, guicaná^ coo` luu~ dsea` fi' yá^ jmigüi' jo guicajíng'~:

—I lab jóo`o i camíng'~ i 'neáan` eéang'. Jmee~na' núu~na' jalé^ ta~ quiu'r'.

36 Jo mi~ cangoyúung'~ e caná^ e luu~ dsea` do, cangá~ i dsea` gaang` do e jo jnéeng~gui Moi~ o`gui Líi^ fi' do, jo ñiab' Jesús sing'gui. Jo mi~ cangî jo, jii~ jaang` dsea` ja` ii~ cajmea'r' júu^ jalé^ e cangár~ e fi' yá^ mó^ do ie~ jmii~ jo.

Mi~ cajmi'leáang~ Jesús jaang` siming' i iuung~ i 'ling'^ dsí'
(Mt. 17:14-21; Mr. 9:14-29)

37 Jo mi~ cajneá~ coo`gui jmii~, jo cajgám~bre e fi' yá^ mó^ do. Jo dsíng'~ fíng' dsea` cajíñ' i ngolíng~ ngo'née'~ quiá'r~. 38 Jo jaang` dseañu^ lajee~ lajaléng' i dsea` fíng' do cató'r~ Jesús e teá eéang' jo cajíñ'~:

—Tifa', ¿já~ jmée^ uí^ diée~ fa' ñijmee'~ mí^ quiá~ jóo`o? co' camíng'~ siming' labing' i seeng` quié~ e; 39 jo jaang` i 'ling'^ jée' quiá'r~, jo yejib~ jmóoiñ' do e dsea` joñiñ~, jo óor` teá jogui iéng' jalé^ ja' fi' mo'oor~ lajee~ jo, jo dsíng'~ jmihuíng`neiñ', jo ja` iin~ do nitúur~. 40 Jo nicamá~baa jmi'ee' dsea` quiá~ fa' e nijmihuíñ~ i 'ling'^ do, dsu^ ja` mí calí'r'.

41 Joba' lalab casí'~ Jesús jaléng' i dsea` do jo cajíñ'~:

—iDsíng'~ ja` já~ lling`na' jnea~, jo jmang'~ fi' gab` iing~na' cá^na!! ¿Jial nité^ lí^i e niliseen~ cóo~ 'nú'? Ñijéng` i siming` quiá~ do fi' la.

Jo dsifi' ladob cangojéeng` i dseañu^ do i dsea` dsée'~ quiá'r~ do.

42 Jo mi~ cangoquiéeng` i dsea` dsée'~ do quiá~ lí~ sing' Jesús, dsifi' ladob cabí~ i 'ling'^ do cabíñ~ i siming' do fi' ni~ uó^, jo cajmээр` e cadseá~tu joñiñ' do. Jo dsifi' ladob ca'gaang` Jesús cajíñ~ i 'ling'^ do, jo ngohuím~biñ' do quiá~ i siming' do, jo ca'láam~biñ' do. Jo ngí joguiba' cajáng' Jesús i siming' do cóo~ tiquiá'r^'. 43 Jo dsíng'~ cangogá` dsíi' jaléng' dsea` i cangá~ e jo ie~ jo, co' dsíng'~ 'gøng' Jesús laco' 'gøng' Tiquiá'r^ dsea` guing~ ñiff~.

Mi~ cajmée`tu Jesús júu^ e nijnga'~ dsea` quiá'r~
(Mt. 17:22-23; Mr. 9:30-32)

Jo lajee~ teáng~ jaléng' i dsea` do e dsigá` dsíir' quiá~ jalé^ e cajmée` Jesús cóo~ i siming' do, jo lajee~ jo cajíng'~ Jesús casí'r~ jaléng' dsea` quiá'r~:

44—Núu~na' røø` jalé^ e nifá^a la lana, jo ja` güi'ling^ óo^na' lata~ taang~na' fi' jmigüi'; co' lana tí lí~ niguiéé` jmii~ e nisáng' dsea` jnea~, dsea` gáa^a fi' ñiff~ e lán`n jaang` dsea` jmigüi'.

⁴⁵ Dsu' mi~ canúu~ jaléng' i dsea` guitúung` do jalé' e cajíng' Jesús, jíi~ jaaiñ' do ja` cangáin' jíi~ camí'^ júu^ jiali' cajíng' dsea` do lado, co' ja` mí cangáin' fa' nicacuø' Fidiée` e ningáin' e júu^ jo, jogui ja` teá` dsír' fa' e nijmingúir` jiali' cajíng' dsea` do lado.

¿I~ i niing~gui fi' quini' Fidiée'?

(Mt. 18:1-5; Mr. 9:33-37)

⁴⁶ Jo mi~ cangí jo, coo` jmi~ canaang` i dsea` guitúung` do e guíng' rúin' i~ i niing~gui lajee` lajaléin' do. ⁴⁷ Jo dsu' calilí' Jesús jalé' e síng` dsea` quiá'r~, joba' dsifí ladob catø'r~ jaang` jiuung` jo casíng' neiñ' cáain', ⁴⁸ jo casí'r~ jaléng' i dsea` quiá'r~ do jo cajín'~:

—Doñi' i~ i ing' dsea` i líng' laco' líng' i jiuung` la la'eáang' cóo'~ jnea~, joba' güiliñir' jóng e jneab~ iñ'; jo i~ dsea` i ing' jnea~ güiliñir' e ím'bre Fidiée` dsea` guing` ñifí~, dsea` casíin' jnea~ fi' jmigüi' la. Jogui doñi' i~ i ja` jmiféng' 'ña' jee~ jaléng' dsea` rúng', íbing' i niing~gui lajee` lajaléng'.

Doñi' i~ dsea` i ja` fé' ga` uii' qui' i~, joba' uii' qui' baa' siñ'

(Mr. 9:38-40)

⁴⁹ Joba' cajíng' Juan casí'r~ Jesús:

—Tifa', jnea' nicanem~baa' jaang` dseañu' i jmóo` ta~ uøøng` jaléng' i líng'^ la'eáang' cóo'~ 'nu, jo co' ja` ngí'guir colíing` cóo'~ jneaa~aa', joba' nicajním'baa' quiá'r~ e nijmér~ lajo.

⁵⁰ Joba' lalab cañi' Jesús quiá'~ i dsea` quiá'r~ do:

—Ja` jning'~na' quiá'~ i dsea` do, co' ja` seeng` jíi~ jaang` dsea` i nijmé~ coo` e lí' e dsigá` dsíi' dsea` la'eáang' cóo'~ jnea~, jo mi~ nilicøøng'gui lajo, nifé'r' ga` uii' quié~e. Co' i dsea` i ja` fé' ga` uii' qui'~ii', joba' uii' qui' baa' siñ'.

Mi~ ca'gaang` Jesús quiá'~ Tiáa~ cóo'~gui quiá'~ Juan

⁵¹ Jo mi~ cangí jo, nijaquíéng' jmi~ e nidséng'~tu Jesús fi' ñifí~, jo teáb` née' dsír' cangór~ fi' Jerusalén, co' niñi'bre e fi' job nijngáng' dsea` ír'. ⁵² Jo nifib' casíin' dsea` quiá'r~ i cangojmée^ quijí~ lí~ nijér~ lajee` uøø. Jo cangolíng' i dsea` do fi' coo` fi' pí' e née' fi' lí' se' Samaria. ⁵³ Jo mi~ caguilíng~ i dsea` quiá'~ Jesús do fi' jo, ja` ca'íng' neiñ' do o'gui cacuør' lí~ nijéin'~ do, co' calilí'r' e iuung~ Jesús fi' e ngóor' fi' Jerusalén. ⁵⁴ Jo mi~ canúu~ Tiáa~ cóo'~gui Juan e ja` lí~ cangáin' do lí~ nijér~ fi' jo, joba' casí'r~ Jesús:

—Tifa', ¿su iin' e niquiá'~naa' ta~ e nijíá' j' fi' yá'^ jmigüi' jo nicáng` jaléng' i dsea` do laco'gui cajmée` Líi' mali~gui eáang'?

⁵⁵ Jo mi~ canúu~ Jesús e cajíng'~ i dsea` quiá'r~ do lado, dsifí ladob cajíng' 'ña'r' jo ca'gaain' quiáin'~ do jo casí'~reiñ':

—¿I~ júu^ quiá'~ jmití' 'nú'? ⁵⁶ Co' ja` cagá~ jnea~ fi' jmigüi' la e lín'n jaang` dsea` jmigüi' fa' e nijngán'^n jaléng' dsea` jmigüi', co' jnea~ cagá~a e lí'^ laco' nilaan~re jee~ jalé' dsee~ quiá'~bre.

Jo mi~ calí~ cajíng'~ Jesús lado, jo fi' lí~ jiéb' cangolíin' e ngojmée^ quijí~ lí~ cajér' e uøø` jo.

Jaléng' dsea` i iing~ nidsilíng~ cóo' Jesús

(Mt. 8:19-22)

⁵⁷ Jo lajee` iuung~ Jesús fi' cóo' dsea` quiá'r~ e ngóor' fi' Jerusalén, jaang` dseañu' cangoquíéin' fi' lí~ ngóo' dsea` do, jo casí'~reiñ' lala jo cajín'~:

—Tifa', iim~ jnea~ nii~i cóo'~ 'nu' doñi' jié' fi' lí~ guó'.

⁵⁸ Joba' cañi' Jesús quiá'~ i dseañu' do jo casí'~reiñ':

—Jaléng' güí' seab` too` lí~ güing'ne!, jogui jaléng' ta' seab` si~re!, jo dsu' jnea~, dsea` gáa'a fi' ñifí~ e lín'n jaang` dsea` jmigüi', jíi~ lí~ quiee~e moguii' ja` sea`.

59 Jo mali~guijiu lajo cajíng' Jesús e sí'r' jaang'gui dsea` lala:

—Nea` cóo'~ jnea` lana.

Jo dsu' i dsea` do cañír` quiá' Jesús jo cajíñ' lala:

—Fí'i, cuøø'~ jnea` fí' e jang' ni'áan`n tiquié`e, jo mi~ ningf' jo, joguiba' ninii`i cóo'~ 'nu`.

60 Jo dsu' Jesús cañír` quiá' i dsea` do jo casí'~reñ':

—Lí'` 'nu` gua` lajminá` güiguia` júu` quiá' jial iing` Fidié` nicár` nifí' quiá' dsea`, jo cuøø' fí' e jaléng' i dsea` i líng' lafa' 'líng' ni'áañ` tiquí'` mi` nití' oor` quiá'r`.

61 Jo ngf' jo jaang'gui dsea` casí'r` dsea` do jo cajíñ'~:

—Fí'i, iim` jnea` ninii`i cóo'~ 'nu`, dsu' lifa' la'uii` cuøø'~ jnea` fí' e jang' ni'í'`i júu` jaléng' dsea` sínúu` quié`e.

62 Joba' cañír' Jesús quiá' i dsea` do jo casí'~reñ':

—Jo i dsea` i já'~ nicalíng` júu` quiá' Fidié`, jo dsu' mí' 'noo`bi guing` dsír' jalé' e sea` fí' jmigüí', joba' i dsea` í ja` ta` íng` e nicá' Fidié` nifí' quiá'r`. Jo e la lí' lafa' mi` jñ' dsea` cóo'~ güitá`, co' ja` cuøøng` fa' e nijøør` fí' lí' caluu` lajee` e jír`.

10

Mi~ casíng` Jesús setenta dsea` quiá'r` i cangogua` júu` quiá' Fidié`

1 Jo mi~ cangf' jo, caguíng' Jesús setenta dsea` lajee` lajaléng' dsea` i ngí' cóo'r~, jo caquiur' ta` e cangolíñ' do tá' gáñ` nifí'gui laco' ngóor' 'ñia'r' e cangoguaiñ' do júu` e nijaquíem`ba' e ningí' dsea` do lacoø` lacoø` fí'. 2 Jo mi~ cató' e caguíng' Jesús jaléng' i dsea` do jo cajíñ' casí'~reñ':

—E já' e dsíng' fíng' jaléng' dsea` i iing` nijmicuíng` jnea`, dsu' ja` ii` 'ga' lí' dsea` seeng` i niguiá` jalé' júu` quié`e. Joba' 'né` nimí'~ 'nú' Fidié` e nicuøng` guir dsea` i niguiá` jalé' júu` quié`e. Co' lí' la lí' fa' mi~ caroo` jalé' e cajní jaang` dsea`, jo jo` ii` 'ga' lí' dsea` seeng` i nijmicóo' e nisitíng', joba' 'né` nimíñ` i fíng'gui dsea` i nijmicóo' quiá'r` e ni` ta` do. 3 Jo lana nigüíling`na', jo quie`na' cuente e nisín`n 'nú' lafa' sín`n jaang`jo'se' jee` jaléng' ie'dsinúu`.

4 Jo ja` 'né` cá`na' jalé' nosúu` o'gui ñiné` o'gui 'né` cá`na' tú` neáng` lomí`na', jogui jíi' sí'na' e quí'ba' cá`na'. Jogui ja` jmi'íng` yaang`na' e sñng`na' cóo'~ doñí' ii` dsea` i nijíng'na' guiá' fí'. 5 Jo mi~ nigüíling`na' quiá' dsea` lacoø` fí' lí' nisín`n 'nú', joba' síi`na're ladsifí' lala: "Güiliseem`ba' juguiá` júu` røø`."

6 Jo song guíab` ni'íng' i dsea` lí' nigüíling`na' do 'nú', joba' juguiáb` niliseeíñ; jo dsu' song ja` ni'íñ' 'nú' cóo'~ juguiá`, joba' lajob ja` juguiá` niliseeíñ` yaaiñ` cajo. 7 Jo mi~ nigüíling`na' lí' nicuø` dsea` 'núu', jo job nijá`na' carta` taang`na' e fí' jo, jogui jalé' e í' gø' i dsea` do e joba' ni'u` nicø`na' cajo; dsuco' lafa' jaang` dsea` i jmoo` ta` ngím`bre e 'léieñ`, jo lajobi 'nú' cajo. Jo ja` 'né` ngí`na' la guí` 'núu'.

8 Jo mi~ nigüíling`na' coø` fí' lí' iing` dsea` 'nú', quié`na' doñí' ee`go cacuø' i dsea` do 'nú'. 9 Jogui jmi'leáng`na' jaléng' dsea` dsée' i seeng' fí' jo, jo síi`na' jaléng' i dsea` do lala: "Lana nijaquíeng` e nicá' Fidié` nifí' quiá' lajaang` lajaang` 'nú'."

10 Dsu' fíng caguíling`na' coø` fí' lí' ja` íng' dsea` 'nú', dsifí' uøøng`na' e fí' do, jo lajee` jo nifí'na' jaléng' dsea` i nijíng'na' e jee` fí' do: 11 "Lana nicabó'naa' lee` quiá' jee` fí' góo`na' e nicaséng' lomí`naa'. Jo latí' lana nilíng` jaléng' dsea` i seeng` e fí' la e ja` íñ' jalé' júu` quiá' Fidié`, dsu' güilíñ'na' guíá` e nijaquíem`ba' e nicá' Fidié` nifí' quiá' lajaang` lajaang` dsea` jmigüí'." 12 Jo lana fí' guí' 'nú' e mi~ nijáa' jmí` e nicá' dsea` iihuí' uii` quiá' jalé' dsee` quiá'r`, eáang`gui iihuí' nicá' i dsea` seeng` e fí' lí' ja` ca'íñ' 'nú' laco'gui iihuí' e cacá` jaléng' dsea` i caliséng' fí' Sodoma mali'gui eáang'.

*Dsea`i ja`já` calíng` júu` quiá`- Dsea` Jmáang`
(Mt. 11:20-24)*

¹³ Jo mi` calí` jo, jo canaang` Jesús e jiiñ` jaléng` dsea` i seeng` fi` fi` li` seeng` jaléng` dsea` i ja`já` calíng` jalé` júu` quiá`r` jo cajíñ`:

—i`Fi` jaléng` 'nú', dsea` seeng`na` fi` Corazín cóo` jaléng` 'nú' dsea` seeng`na` fi` Betsaida! Cofa` mi` cajmé` e cóo` jaléng` dsea` seeng` fi` Tiro cóo` gui` fi` Sidón lajalé` e guiá` e quí` i` jmi` e nicajmé` e cóo` 'nú', joba` dsif` lajob caquí` jing` yaaiñ` fi` quini` Fidié` faco` mi` lajo, jo catíng` e nineaíñ` fi` eáang` uii` quiá` jalé` dsee` e nicarøoiñ`. ¹⁴ Joba` fi` 'nú', dsea` seeng`na` fi` Corazín cóo` gui` fi` Betsaida, ie` mi` nití` í` e niquidsí` Fidié` í` quiá` lajaang` lajaang` dsea` jmigüf, eáang` gui` nicuø`r` 'nú' iihuí` laco`gui` e iihuí` e ni`ing` dsea` i seeng` fi` Tiro cóo` gui` fi` Sidón. ¹⁵ Jogui` jaléng` 'nú', dsea` seeng`na` fi` Capernaum, ¿su líng`na` e 'nú`bing` i` nisáng` cartí` yá`gui` jee` jaléng` dsea`? U~, o` lajo, co` 'nú`bing` i` nijgiáang` tí` lí` 'li` mi` nití` e í` jo. Cofa` mi` fi` fi` Sodoma calí` lajalé` e quí` jmi` laco`gui` jii` e nicajmé` e jee` 'nú', joba` ja` calíng` e fi` jo, jo siji`bi` jaléng` i` dsea` do latí` lana.

Jo cóo` júu` lanab cajíng` Jesús jaléng` dsea` i ja`já` calíng` júu` quiá`r`.

Jo mi` calí` jo, jo casí`guir` jaléng` i` dsea` setenta do lajee` ná` gui` e ni`uøiñ` do e nidsiliñ` e nidsiguiar` júu` quiá` Fidié` jo cajíñ`:

¹⁶ —Ii` dsea` i ja` canúu` júu` qui`na`, jáb` ninúr` júu` quié` jnea` cajo; jogui` jaléng` dsea` i ja` íng` 'nú', ja` iñ` jnea` cajo colíng` cóo` Fidié` dsea` guing` ñifí`, dsea` i casíng` jnea` fi` jmigüf` la.

Jo mi` calí` e cajíng` Jesús lajo, jo cangolíng` jaléng` i` dsea` setenta do laco` ta` cahuí` ie` jo.

Mi` caguilíng` tu` jaléng` i` dsea` setenta do

¹⁷ Jo mi` li` cóng`gui` lajo, caguilíng` tu` i` dsea` setenta do fi` li` táang` Jesús, jo dsíng` íáang` dsíur` mi` caguilíñ`, jo casí`r` dsea` do jo cajíñ`:

—Tifa`, dsíng` íáang` dsí`naa` jó`naa` lana, co` jiguí` jaléng` i` 'ling` i` jee` quiá` dsea` calinúur` jalé` júu` qui`naa` mi` casí`naa`r` e ngóona` lafa` guóo` 'nú`.

¹⁸ Joba` cañi` Jesús casí`r` i` dsea` setenta do jo cajíñ`:

—Lajob líi, jo camób` jnea` mi` catóng` fi` i` 'ling` fi` li` lamí` guiiñ` fi` ñifí`, jo catóñ` lafa` mi` casí` coo` jii` güi`ñiá`. ¹⁹ Jogui` jnea` nicacuøø` 'nú' e niqui`na` jmi` jogui` e nilí`ba` jaléng` i` 'ling` mi` jmáñ` jaléng` dsea` jmigüf, jogui` ja` e` nilíng`na` nañi` fa` nicúng` jaléng` mi` guíng` 'nú' osi` ni`ing` jaléng` tacú` 'nú' é. ²⁰ Jo dsu` ja` güili`íáang` óo`na` e lico` nilí`na` uøøng`na` i` 'ling` i` jee` quiá` dsea`, co` güili`íáang`gui` óo`na` e niteáang`na` fi` ni` jii` quiá` Fidié` fi` li` niteáang` jaléng` dsea` quiá`r` i` nidsilíng` fi` ñifí`.

Mi` cali`íáang` dsí` Jesús

(Mt. 11:25-27; 13:16-17)

²¹ Jo ie` jo, dsíng` cali`íáang` dsí` Jesús la`eáang` cóo` Jmiguí` quiá` Fidié`, jo cajíñ` casí`r` Tiquiá`r` dsea` guíng` ñifí`:

—Tea~, lana jmifén`n` 'nú', dsea` Fii` guóo` uø` jmigüf` la, dsuco` lana nicajmee` e ngám` jaléng` dsea` dsee` dsea` qui` jalé` júu` quií`, jogui` cajmee`ba` e ja` cangáng` júu` quií` jaléng` dsea` i` tíng` eáang` i` jmicøøng` yaang` fi` jee` jaléng` dsea` rúng`. Jo lajob líi, Tea~, co` lajob cali`íáang` o` e nilí`.

²² Jo mi` calí` cajíng` Jesús jalé` e júu` na, jo cajíng`guir` casí`r` jaléng` dsea` i` teáang` cóo`r` do ie` jo:

—Nicacuø` Tiquié` e jnea` e née` nii` jalé` e sea` fi` la`úng` fi` jmigüf. Jo jii` jaang` dsea` dseáng` mi` cuiñ` jnea~, dsea` lín`n` Jóo` Fidié` camíng`, co`

lajji~ Tiquié^baa dsea` cuiñ` jnea~; jogui jji~ jaang` dsea` dseáng~ mí cuiñ` Tiquié^e dsea` guing~ ñifi~, co' lajji~ jneab~ dsea` cuiñ`nre cóo~ gui lajaléng` dsea` i nisi'ling^ quié~e e nilicuiñ` dsea` do.

²³ Jo mi~ calí~ cajíng~ Jesús lana, jo cajóøiñ~ lajji~ dsea` quiá'r~ jo casí~ reiñ':
—Juguiá~ jiu quií~ 'nú', dsea` máang`na' jnea~ jogui calicuíng`na' jnea~, co' cangúng`na' e ngám`jiu' júu^ quié~e. ²⁴ Dsuco' dsíng~ calí'ing~ jaléng` dsea` i café' cuaiñ~ quiá~ Fidiéé` malíi~ gui eáang` cóo~ jaléng` dseata~ dsea` cóøng~ fa' mi~ cangár~ jalé' e móo~ 'nú' jmi~ ná, dsu' ja` cangár~; jogui eámam` calí'iñ~ fa' mi~ canúur~ jalé' júu^ quié~e, dsu' ja` canúur~.

Mi~ ca'e' Jesús jial nijmi'neáang` dsea` rúñ'

²⁵ Jo mi~ calí~ caféng` Jesús jaléng` dsea` quiá'r~, jo cangoquiéeng` fí lí siñ' jaang` tifa' quiá~ júu^ quiu' ta~ quiá~ dsea` góor` dsea` Israel, co' iñ~ do e niguié'r` jial ni'naiñ~ dsea` do cóo~ lajji~ júu^ e eiñ', jo cajming`r~ dsea` do jo cajíñ':

—Tifa', ¿e~ 'né~ nijmee~e e laco' niñín`n e niliseen~ cøøng` cóo~ Fidiéé` lata~?

²⁶ Joba' cañíi` Jesús quiá~ i tifa' do jo casí~ reiñ':

—¿E~ jalé' e fé' fí ní jì quiá~ Fidiéé` jo jial ngán'?

²⁷ Joba' cañíi` i tifa' do jo casí~ Jesús:

—“Né~ jmi'neáang`naa' Fidiéé` qui~ii' car` ngocáng` dsí'baa' jogui cóo~ jalé' bí seeng` jmiguí` qui~naa' jogui cóo~ jalé' bí see~naa' jogui cóo~ jalé' e í dsí'naa'; jogui 'né~ jmi'neáang`naa' jaléng` dsea` rú'naa' lí^ laco'gui jmi'neáang` yee~naa'.”

²⁸ Joba' cañíi` Jesús quiá~ i dsea` do jo cajíñ':

—Lajob lí laco' fó' na. Jo song nicajmití^ jalé' e jo, joba' niñín` e niliseen` cøøng` cóo~ Fidiéé` lata~.

²⁹ Jo dsu' i tifa' do iñ~ e niní jaléng` i dsea` do e íbre tíng`guir laco' Jesús, joba' casí~r~ dsea` do jo cajíñ':

—¿I~ dsea` i 'né~ nijmi'neáan`n jóng, Tifa'?

³⁰ Joba' cañíi` Jesús quiá~ i dsea` do jo casí~ reiñ':

—Coo` née~ jaang` dsea` Israel cagüi'fir` fí Jerusalén jo cangór~ fí Jericó. Jo lajee` ngóor` guiá^ fí, catóo~ i quiá'r~ i ca'uø' jalé' e quier', jo jiguí si^ i dsea` do ca'uø'r', jo caquiéng`neiñ' jo jiu` ja` cajngam`bre i dsea` do. Jo mi~ calí~ jo, jo cangolím`bre, jo dob caseáaiñ` i dsea` sihuíng` do 'ni' fí. ³¹ Jo co'ná~ lajob cangotíng` cangúng` jaang` jmidsea` quiá~ dsea` Israel fí lí ráang` i dsea` sihuíng` do. Jo mi~ caguiér~ fí lí ráaiñ' do, cajméer` lafa' ja` cangám~breiñ', jo cangúmbre; ja` ee` cajmicóo'r~ i dsea` sihuíng` do. ³² Jo mi'míng~guijiu lajo cangúng` jaang` dsea` levita. Jo mi~ caguiér~ lí ráang` i dsea` sihuíng` do, cajméer` lafa' ja` cangám~breiñ' do cajo, jo cangúmbre; ja` ee` cajmicóo'r~ i dsea` do cajo. ³³ Jo dsu' mi'míng~guijiu lajo caguié~ jaang` dseañu' i seeng` fí Samaria i la'ó' 'ní' níng~ rúng` cóo~ dsea` Israel. Jo mi~ cangáaiñ~ i dsea` sihuíng` do, dsíng~ calí~ fí lí líng~neiñ'. ³⁴ Jo cangoquiéeiñ' fí lí ráaiñ' do. Jo mi~ cangár~ e sihuím` i dsea` do, jo dsifí lajob cajméer` mí quiáíñ', jo cañú'r` lacaang` lí sihuíng` quiáíñ' do. Jo mi~ calí~ e cajméer` mí quiá~ i dsea` do, jo caseáang`neiñ' fí mocóo~ bú^ quiá'r~, jo cató~ reiñ' fí lí seeng` dsea` fí lí cajméer` í i dsea` do, jo job cajer' cóoiñ~ do ie~ canuu` e jmi~ jo. ³⁵ Jo mi~ cajneá~ e jmi~ jo, mi~ caguiá' i dsea` seeng` fí Samaria do guiá~ e nidséiñ', caguir' cuu~ quiá'r~ jo caquir' quiá~ i dsea` lí cajer' do quiá~ e nito' fíiñ' do i dsea` sihuíng` do. Jo casí~r~ i dsea` fii' 'núu' do jo cajíñ': “Jmee~ í i dseañu' la, jo song ca'ling`gui' cuu~ quií~ cóo~ jalé' mí quiá'r~, jneab~ niqúi' quií~ mi~ nigüéeng~ túu calé' catú~.”

³⁶ Jo mi~ calí~ e cajíng' Jesús lajo, jo cajmingí'r~ i tifa' do jo cajíñ'~:
—¿I~ lajee~ laji~ gaang` i dsea` do i lín'~ i cajmi'neáang` i dsea` sihuúng` do?

³⁷ Joba' cañíi` i tifa' do jo casí'r~ Jesús:

—I dsea` i calí~ fi' líng` ír', í'bing' cajmi'née` quiá'r~.

Joba' cañíi` Jesús jo casí'r~ i dsea` do:

—Guóng' jo güijmi'neáang` jaléng' dsea` laco' cajmée` i dsea` seeng` fi' Samaria do cóo'~ i dsea` sihuúng` do.

Mi~ caguié` Jesús fi' quiá'~ Marta cóo'~ guí Yá^

³⁸ Jo mi~ cangí jo, jo cangób~ tu Jesús laco' iuuiñ~ fi' e ngóor' fi' Jerusalén. Jo lajee~ ngolíñ~ fi' jo, caguilíñ~ fi' cóo' fi' lí niseeng` jaang` dseamí i sii` Marta cóo'~ jaang` rúíñ' dsea` ngáang'~ cóo'r~ i sii` Yá^ . Jo mi~ caliñí' i dseamí do e caguilíng` Jesús cóo'~ dsea` quiá'r~ fi' jo, dsifí' lajob cató'r~ dsea` do fi' quiá'r~.

³⁹ Jo mi~ caguié` Jesús fi' jo, dob caguá Yá^ quiá'~ lí guing~ Jesús e núur` jalé' júu^ e e' dsea` do. ⁴⁰ Jo lajee~ jo iuung~ Marta e ja` dsiñíñ' e guiar' guiá~ jalé' e nidó'~ Jesús cóo'~ jaléng' dsea` quiá'r~. Joba' cangoquiéiñ' lí guing~ Jesús, jo casí'r~ dsea` do jo cajíñ'~:

—Tifa', ¿su ja` cuó' fi' í uó' e nijngáng'^ 'ñiá'a e ni~ ta~ la? Co' nab guing~ i rún'n na ja` ee` jmijír~ fa' e nijmicóo'r~ jnea~ cóo'~ jalé' e jmóo`o la. Jiéé` o' síi'~ gor güijmicóo'r~ jnea~ lana.

⁴¹ Joba' cañíi` Jesús casí'r~ i dseamí do jo cajíñ'~:

—Marta, Marta, dsíng'~ guing~ o' dsuco' ja` nidsiñín' e nijmée'^ jalé' e lí' quií' . ⁴² Dsu' sea` cóo' e niing~ guí eáang` e 'né~ ninúu'^, jo Yá^ rún' nicagui'bre e~ e niing~ guí e 'né~ jmér~, jo jíi'~ jaang` jo` ií~ cuóong` lí jníng~ quiá'r~.

Jo lanab cajíng' Jesús casí'r~ i dseamí gáng~ do ie~ jo.

11

Mi~ ca'e' Jesús jial nisí~naa' cóo'~ Fidiéé`

(Mt. 6:9-15; 7:7-11)

¹ Jo cóo' jmií~, mi~ cangí e caféng' Jesús Fidiéé~, cangoquiéeng` jaang` dsea` quiá'r~ fi' lí siñ' jo casí'r~ dsea` do jo cajíñ'~:

—Tifa', mi~ cateáang` i Juan i caseáang` dsea` jmií` do fi' jmigüí la, ca'e'r' jaléng' dsea` quiá'r~ jial nisíñ~ cóo'~ Fidiéé`. Jo ¿su ja` é'^ 'nu` jnea'^ cajo?

² Joba' cajíng' Jesús casí'r~ jaléng' i dsea` do:

—Mi~ iing`na' siing`na' cóo'~ Fidiéé~, lalab 'né~ naang`na' fo'^na':

Tiquí'ii', dsea` guiní~ ñifí~,

güijmifém' jaléng' dsea` jmigüí 'nu', co' 'nub` dsea` fén' fi' la'úng~ fi' jmigüí.

Joguí güijáng' yaang~ dsea` fi' quini'^ e laco' niquiá'^ ta~ quiá'r~ lajaang` lajaaiñ`.

Joguí güijmitib~ jaléng' dsea` jmigüí jalé' e iing~ 'nu' fi' jmigüí la

lí'^ laco'gui líti~ fi' ñifí~ quií'~.

³ Joguí cuóó'~ jnea'^ jalé' e 'né~ niquiee~naa' e jmií~ lana.

⁴ Joguí íng' dsee~ uii~ qui'naa' quiá'~ jalé' e ja` dseeng` e nicajmó^naa',

lí'^ laco'gui jnea'^ íng'naa' dsee~ quiá'~ jaléng' dsea` rú'naa' dsea` jmigüí mi~ ee`go nica'léer' qui'naa'.

Joguí jmee~ í^ jnea'^ lacaang` lí~ ngí'naa' e laco' ja` nijjá'naa' fi' ni~ dsee~,

joguí jmee~ í^ jnea'^ cajo e laco' ja` nijmeáng' jaléng' i 'ling'^ jnea'^.

Jo lanab ca'e' Jesús ie~ jo jial féeng'~naa' Fidiéé`.

⁵ Jo mi~ calí~ jo, Jesús casí'~ guir jaléng' i dsea` do jo cajíñ'~:

—Majmó^naa' cuente e jaang` 'nú' seeng` jaang` cabóo~ quií~na', jo i cabóo~ do niguiéer' e tó'r' 'nú' fi' quií~na' e guiáang' uóó' guienáá jo nijíñ'~: “Cabóo~, ¿su ja` jiéé` o' fa' jmi'óón' jnea~ 'ní' íí, ⁶ co' dob nicaguié~ i cabóo~ quié~e do

fí quié-e i iuung- fí jang' fí lí huí^h eáang', jo ja ee` sea` cuóø`øre e nidó'r-?"
 7 Jogui jii^h jaang` 'nú' ja` ningü-na' quía^h i cabóo` quií-na' do jo nifi^h na'r:
 "Ja` ñijmiguí^h, cabóo`, co' uóøb` eáang', jogui lanabi guiáang^h güing` jaléng'
 jiuung` quié-e, jo dsing^h fin^h n niráan` n nicuóø`ø 'nu` jalé' e fó' na." 8 Dsu'
 jnea` fii` i 'nú' e doñi' fa' ja` ráang-na' uí^h e líng' i dsea` do cabóo` quií-na',
 dsu' niráam-ba' nicuóø^h na'r e mi'r` 'nú' do e laco' jo` siñ' jmiguíiñ` 'nú'. 9 Jo
 lajob` fii` i 'nú': Mii^h na' Fidiéé` jalé' e 'né-na' jo` nicuóø` bre; jogui mi` 'nó-na' e
 'né-na', niguié'ba' jalé' e 'nó-na' do; jogui mi` tó'na' fí o'nú', joba' nineab` e
 'núu' do. 10 Dsuco' ii` dsea` i mi' Fidiéé` jalé' e 'né', ngümb're; jogui ii` dsea` i
 'nó', niguié'bre e 'nó'r' do; jogui ii` dsea` i tó' fí o'nú', nineab` e 'núu' do.

11 Jo ja` lí^h dsii` e seeng` jaang` 'nú', dsea` aang-na' jaléng' jiuung~, e mi`
 nimí'r- 'nú' ir~, jo nicuóø^h na'r cuu~, o'si mi` mi'r` 'nú' capi^h ngúu` ñü, jo
 nicuóøng^h na'r mi', 12 o'si nicuóøng^h na'r jaang` tacú^h mi` nimí'r- 'nú' coo` motu`.
 13 Jo co' 'nú', dsea` si'ling^h na' fí quini` Fidiéé`, tii^h ba' cuóø^h na' jaléng' jóo'na'
 jalé' e guiá, jo dsu' eáang'gui jlo^h nicuóø` Tiquí^h ii' dsea` guing` ñifi` mi`
 nimí^h na'r, co' nicuóø`-bre 'nú' Jmiguí quía'r-.

Mi` cacuø` dsea` dsee` Jesús e jmóor` ta` la'eáang` cóo` i 'ling'
 (Mt. 12:22-30; Mr. 3:19-27)

14 Jo mi` cangí jo, coo` jmi^h caguíng` Jesús jaang` i 'ling'^h i jée' quía'- jaang`
 dseañu', jo i 'ling'^h do ninicajméer` e ja` lí fé' i dseañu' do jii^h camí^h júu^h. Dsu'
 mi` caguíng` Jesús i 'ling'^h i jée' quía'- i dsea` do, dsifi' ladob canaang` fé'tuiñ'
 do. Jo dsing^h cangogá` dsii' jaléng' i dsea` i teáang` do mi` calí` lado, 15 dsu' i
 liing` i dsea` do cajíñ^h ca'éeiñ` Jesús:

—La'eáang` cóo^h bí quía'- Beelzebú i líng' fi` jaléng' i 'ling'^h, la'eáang`
 íbing' tiiing` i dseañu' na e uóøiñ` i 'ling'^h i teáang^h dsii' dsea`.

16 Jogui i liing`gui i dsea` do e laco' niguié'r` jial ni'niñ` Jesús fí quini`
 dseata`, joba' camí'r` dsea` do e fa' nijméiñ^h coo` e lí e quí^h r` jmí^h, jo lajoba'
 nicuóø` lí e Fidiéeb` dsea` casí` quía'r-. 17 Jo dsifi' ladob calilí^h Jesús jalé' e í
 dsii' i dsea` do, joba' cajíñ^h casí^h reiñ`.

—Niñib^h 'nú' jialco' lí coo` fii` lí ja` sñing` dsea` røø, co' seeng` jmaquíng`
 dsea` i quí^h ta` quía'r-, jo ja ee` juguiá` seeng` jaléng' i dsea` do. Jogui niñi^h bí'
 cajo jialco' lí quía'- dsea` i seeng` coo` sinúu^h i teáang^h ta` jñing`, ja ee` juguiá`
 seeiñ, co' ja røø` sñiñ. 18 Jo song lajob` lí cóo^h fi` i 'ling'^h i sií Satanás e quí^h r`
 ta` condseá'- dsea` quía'r- e nijmeáiñ^h dsea` ga, jogui condseá'-gui dsea` do
 e nijmicóo'r` dsea, joba' ja` e ta` íng` quía'r- song cajméer` lajo, co' ni'ím-
 lajè tú- e ta` do, jo jo ee` bí seeiñ` jii^h coo` jóng. Joba' nicafii` i 'nú' jalé' e na,
 co' fñing` 'nú' fó'na' e la'eáang` fi` i 'lim'^h ba' e tiiñ` uøøñ` jaléng' i 'ling'^h i jée'
 quía'- dsea'; 19 dsu' fa'jiu e jmicóo^h fi` i 'ling'^h quié-e laco' fó'na' na, joba' çí
 i líng-na' i jmicóo^h quía'- jaléng' dsea` góo'na' i nica'uóøng` jaléng' i 'ling'^h i
 jée' quía'- dsea? Co' i dsea` í e'r` 'nú' e o' lajo e í óo'na'. 20 Dsu' song jnea` tiiñ`
 uøøñ` jaléng' i 'ling'^h i jée' quía'- dsea` la'eáang` cóo^h güea^h quía'- Fidiéé` dsea`
 guing` ñifi', joba' nicatib` í` jóng e nijáang^h yaang` na' fí quini` Fidiéé` e laco'
 nicár` nifi' quií-na' lajaang` lajaang`na'.

Jo mi` calí` e cajíng^h Jesús lana, jo casí^h guir jaléng' i dsea` do jo cajíñ^h:-

21 —Jo mi` seeng` jaang` dseañu' i 'gøng' jogui óor` jalé' e cóo^h nijmi'óøng`
 ñia'r` mi` jmi'ó'r` jalé' e sea` quía'r-, jo líiñ` e jo` ii` quí^h jmí^h nicó' quía'r-.
 22 Jo dsu' fíng` caguíé` jaang`gui dsea` i 'gøng'gui eáang', jo nilí^h bre tíñ` cóo^h i
 dsea` jaang`gui do, joba' ni'uóø`-bre jalé' e sea` quíaíñ^h do.

23 Joba' fii` i 'nú' e ii` i ja` sing' uii` quié-e, joba' ní^h níim`-bre jnea` jóng, jogui
 ii` i ja` jmicóo^h jnea` e laco' nilicuíng` dsea` jnea`, joba' ja` siñ' uii` quié-e cajo.

Jial lá' mi' dsitáng' tu i 'ling' fi' dsí' dsea'
(Mt. 12:43-45)

²⁴ Jo mi' calí' cajíng' Jesús lana, jo casí' guir jaléng' i dsea' do jo cajíñ':
—Mi' güi' h' jaang' i 'ling' i iuung' dsí' jaang' dsea', ngir' fi' li' qui' e 'nó'r' fi' li' nijmi'ñ'. Jo mi' ngir' e ja' niguié'r' li' nijmi'ñ', joba' i' dsír': "Ním' túu' fi' dsí' dsea' e li' cajú' u do, co' ja' li' sea' li' nijmi'ñ'n." ²⁵ Jo mi' niguieng' tur' dsí' i dsea' do, niguiéñ' lafa' coo' sinúu' li' siquiáng' guiá' jo silí' jlo'. ²⁶ Jo mi' ninír' e dsíng' jlo' dsí' i dsea' do li' ni'í' tur, jo nidsér' nidsitéer' guiáng' i 'ling' gui laco' ír' e nidsitáañ' dsí' i dsea' do. Joba' ga' guib nilíng' i dsea' do jóng laco' gui lamí' iuung' jaang' i 'ling' do fi' dsír'.

Jial lá' mi' dseáng' e já' e íáng' dsí' dsea'

²⁷ Jo lajee' gui' nang' e fé' bi Jesús e júu' na mi' tí' li' guicafé' jaang' dseam' e teá' eáang' jee' jaléng' i dsea' do jo guicajíñ':

—Juguiá' o' quiá' niquí', dsea' cangoquieeñ' 'nu' jogui cajmicuáañ' 'nu' cajo!

²⁸ Jo dsu' Jesús cañír' quiá' i dseam' do jogui casí'r' jaléng' i dsea' do jo cajíñ':

—Jo dsu' juguiá' gui quiá' jaléng' i dsea' i núu' jalé' júu' quiá' Fidié' jogui jmitir' jalé' e jo cajo!

Mi' camí' dsea' Jesús e nijmé' dsea' do li' e já' ba' e tñiñ'
(Mt. 12:38-42; Mr. 8:12)

²⁹ Jo lajee' jo, dsíng' gui caguilíng' dsea' fi' li' táang' Jesús, joba' canaang' tu dsea' do e e' guireiñ' jo cajíñ':

—Jaléng' dsea' i seeng' jmí' na dsíng' nirøøiñ' dsee', joba' mi'r' jnea' e nijmee' e li' e já' ba' e tiñ', dsu' nicaliseáb' jalé' e lajo lamí' jéeng' gui. Téé' óo' na' mi' cajá' Jonás, jaang' dsea' i café' cuaiñ' quiá' Fidié' malí' gui eáang'.

³⁰ Jo laco' Fidié' casíñ' i Jonás do e niguiáñ' do júu' quiá' dsea' do jee' jaléng' dsea' i caliséng' fi' Nínive, jo lajob cajo casíng' Fidié' jnea', dsea' i cajá' fi' ñifí' e lín' n jaang' dsea' jmigüí', e niguiáa' júu' quiá'r' jee' jaléng' 'nú'. ³¹ Jo malí' gui eáang' cajo caliséng' jaang' dseam' i ca'ée' coo' ta' fé' fi' lí' huí' eáang'. Jo ie' jo seeng' jaang' dseata' dsea' féng' fi' Israel i calisí' Salomón i tiñg' eáang'. Jo i dseam' do cangór' cangonúur' e júu' quiá' i dseata' Salomón do. Jo dsu' mi' niguiéé' jmí' e niquidsí' Fidié' í' quiá' jaléng' dsea' uí' jalé' dsee' quiá'r', joba' i dseam' do nicuó'r' 'nú' dsee', co' ja' núu' na' jalé' júu' quié' e.

³² Dsaco' mi' cajá' i Jonás do e caguiar' júu' quiá' Fidié' fi' Nínive, lajalém' i dsea' seeng' e fi' jo dsifí' lajob caquí' jíng' yaaiñ' fi' quini' Fidié', joba' i dsea' í'bing' nijmé' gui dsee' qui' na' mi' niguiéé' jmí' e niquidsí' Fidié' í' quiá' jaléng' dsea' jmigüí'. Jo dsu' jnea' niing' gui laco' i Jonás do.

Mi' ca' e' Jesús jial lá' mi' jmijneá' dsea' ji'
(Mt. 5:15; 6:22-23)

³³ Jo mi' calí' jo, jo canaang' Jesús coo' 'lé' gui júu' quiá'r' jo cajíñ':

—Mi' jmijneá' jaang' dsea' coo' candí' quiá'r', 'né' nisí'r' coo' li' ñí', joba' nijneá' fi' la'úng' sinúu' quiá'r'. Jo ja' jmijneár' e jì' do e laco' nisí'r' fi' coo' dsí' caja o'gui e ni'meár' fi' coo' li' ja' jnéng', co' iñ' e jnéb' jaléng' dsea' i dsitáng' fi' dsí' sinúu' quiá'r'. ³⁴ Jo jalé' jmini' dsea' íng' ta' e jné'r' laco' gui ta' íng' e candí' do e jneá' mi' canúu'. Jogui jaléng' dsea' i guiá' jmini', jlo' gui jné'r' lacaang' fi' li' ngir' laco' gui jaang' dsea' i jo 'ga' lí' dseeng' jmini', co' i dsea' í' jo 'ga' lí' røø' jné'r' lacaang' fi' li' ngir'. ³⁵ Jo lajob lí' cóo' 'nú' mi' já' líng' na' jalé' júu' quié' e quiá' jial laang' Fidié' dsea' jee' jalé' dsee' quiá'r', co' e jo lí' lafa' mi' jneá' coo' jì' dsí' coo' sinúu' e núu'. ³⁶ Joba' 'né' ñiing' óo' 'nú'

jie~ mi' jmee~na' e ja`já' líng`na' e júu^ quié~ e do, co' e jo lí' lafa' mi~ ja`jneá' jí' dsí' coq` sinúu^ e nuu` eáang'.

Mi~ cajíng~ Jesús jaléng` dsea` fariseo cóo~ jaléng` tifa' quiá' júu^ quiu' ta` quiá' dsea` Israel

(Mt. 23:1-36; Mr. 12:38-40; Lc. 20:45-47)

³⁷ Jo mi~ cangí e cajíng' Jesús lado, jaang` dsea` Israel i líng' dsea` fariseo cató'r Jesús fí' quiá'r~ e nidó'r~. Jo mi~ caguié~ dsea` do fí' quiá'~ i dsea` fariseo do, jo cangim`bre dsí' sinúu^ jo cangúin` caguár` lí~ nidó'r~. ³⁸ Jo i dsea` fariseo do dsíng'~ cangogá` dsír' mi~ cangár~ e ja` cajmiti~ Jesús fa' caru'r` guóor` laco' tíng` jaléng' dsea` Israel. ³⁹ Joba' cajíng' Jesús casí'r~ i dsea` fariseo do:

—Jaléng'`nú', dsea` fariseo, rúu'~na' jalé' cuéé'~ huí' quií~na' jíi~ lí' caluu~, jo dsu' eám'`lí' lí' dsí'. Jo lajob líng'`nú' yaang~na' cajo, co' guiáb~ tíng`na' rúu'~na' ní'na' jee~ jaléng' dsea` mi~ ja` lí' dsea` jial tí' jmoo`na' íi` quiá'r~ jo ee`gui jalé'`lí' rúng`na' jmoo`na' cóo~ jaléng' dsea`. ⁴⁰ ¡Dsinóo'`nú'! ¿E~ ta` íng` quií~na' e jmoo`na' lajo? Co' fí' quini` Fidiéé'`né~ e tee`laji` tú~ taam`. ⁴¹ Jo mi~ líng~ e cuø'na' jaléng' dsea` i ja` sea` e`né~ quiá', joba'`né~ jmee~na' lajo e ngocáng` óo`ba', jo lajoba' ni`uíng~ guiú~ quií~na' fí' quini` Fidiéé'.

⁴² ¡E ngi~ fíib~`nú', jaléng' dsea` fariseo! Co' dsíng'~ guíng~ óo`na' e nicuø'na' Fidiéé' dseáng'~ ca'íng'~ lajee` guí' íng'~ lajalé' oo` quiá'~ jmiñi' e ro'na', jo dsu' ja` e guíng~ óo`na' fa' e ni`há'na' i' røø` quiá'~ jaléng' dsea` rúng`na' o'gui e jmi'neáang`na' Fidiéé'. Co' lajalé' e joba'`né~ nijmití'na' cóo'~gui jalé' e caguié~gui do cajo.

⁴³ ¡E ngi~ fíib~`nú', jaléng' dsea` fariseo! Co' iing~na' ní'na' jíi'~`masii~ e jlo' quiá'~ dsea` laniing~ mi~ nití' fí' guá'~, jogui jmoo`na' e`nú'`bing' i niing~gui mi~ nití' fí' jo cajo. Jogui lajobi mi~ jíng`na' jaléng' dsea` guiá' fí', jmoo`na' e jmi'féiñ'`nú' lafa' jíi'~`nú'`bing' i cóøng'~gui fí' la'úng~ jmi'gúí'.

⁴⁴ ¡E ngi~ fíib~`nú', jaléng'na' dsea` fariseo! Co' dsíng'~ jmi'gøøng`na' jaléng' dsea` cóo'~ jalé' e jmoo`na'. Co'`nú' líng`na' la lí' lí' sí'aang'`líi~, co' dsíng'~ jlo'`jíng` tee` lí' lí' ni~, jo dsu' lí' lí' dsí' jolíng~ téé'~ ngúu' jmé' e teáang'`jóo'~.

⁴⁵ Jo mi~ canúu~ i tifa' quiá'~ júu^ quiu' ta` quiá'~ dsea` Israel e cajíng' Jesús lado, joba' dsifí' ladob`ní' catúin` júu^ quiá'~ dsea` do, jo cañír' quiá'~ Jesús jo cajíñ'~:

—Tifa', mi~ fó'` lana la quié~ jneab'` jminean'` cajo.

⁴⁶ Joba' cañí' Jesús quiá'~ i dsea` do jo cajíñ'~ casí'~reiñ':

—¡E ngi~ fíib~`nú' cajo, jaléng' tifa' quiá'~ júu^ quiu' ta` quiá'~ dsea` Israel! Co' cuø'na' lee~ laguidseaang` jaléng' dsea` jíéng' e jíi'~`jaang` ja` íi` quíi'~ jmiñ' niró', jogui jíi'~`yaang~na' ja` iing~na' fa' taang~na' guóo`na' e niróo~ e lee` do.

⁴⁷ ¡E ngi~ fíib~`nú' jaléng'na', co' jmo'na' jlo'`lí' sí'aang' jaléng' dsea` i café' cuaiñ' quiá'~ Fidiéé', jo jaléng' dsea` íb` i cajngang'`líi~ dsea` cóøng'~ quií~na' ie~ malí'gui do! ⁴⁸ Dsu' jalé' e jmoo`na' do guøng' e lafa' røøb` síng~na' cóo'~ jaléng'`líi~ dsea` cóøng'~ quií~na' jo e lafa'`núb' cajngang'na' jaléng' i dsea` do cajo.

⁴⁹ Jo co' lajob lí' joba' Fidiéé' dsea` eáang' tiiñ` cajíñ'~ lala: “Nisíin`n jaléng' dsea` i fé' cuaiñ' quié~ e cóo'~gui jaléng' dsea` apóo^ i sí'íng` e ni' júu^ quié~ e jee~`nú', jo dsu'`nú', seem`biñ' do i nijmeáang'na' la tí' e ja` óo`na', jogui seem`biñ' do cajo i nijiúng' fí' jaguóo`na' cartí' nijngám'`ba'r.” ⁵⁰ Jo dsu' Fidiéé' nijmér~ e niquí~ jaléng' dsea` seeng` jmiñ' na jalé' e cangongíng~ jaléng' dsea` i café' cuaiñ' quiá'r~ i nicaliséng` lajíi'~ mi~ catiroo' jmi'gúí' jo latí' lana ⁵¹ jo latí' mi~ cajnga' dsea` quiá'~ Abel jogui cartí' mi~ cajnga' dsea` quiá'~ Zacarías fí' jeeng` lí' guíá' jaléng' dsea` jalé' e cuø'r' Fidiéé'. Joba' fíi' i`nú' e nijméb~ Fidiéé' e niquí~ jaléng' dsea` seeng` jmiñ' na jalé' e cangongíng~ i dsea` do.

⁵² 'iE ngi' fii'b 'nú', jaléng' tifa' quiá' júu^ quiu' ta' quiá' dsea` Israel! Co' 'núb' dsea` quié'na' jalé' jì lí' to_ jalé' júu^ quiá' Fidiéé', jo dsu' ja' iing' 'nú' jmiti'na' laco' fé' e fí' ni' jì' do, o'gui cuø'na' fí' e nijmiti' jaléng' dsea` i' iing' jmé' lajo.

⁵³ Jo mi' cató' e cajiing' Jesús jaléng' i' dsea` fariseo cóo' jaléng' i' tifa' do, jo jaléng' i' dsea` do canaañ` jmiqum' dsír' cóo' jalé' júu^ e cajiing' Jesús, jo jmiguiab' jalé' e canaañ` jmingi' laco' e nijmiguíñ` dsea` do; ⁵⁴ co' jaléng' i' dsea` fariseo do cóo' jaléng' i' tifa' do 'nó'r' jial ni'níñ` Jesús fí' quini' jaléng' dseata' quiá'r' cóo' jalé' e fé' dsea` do.

12

Mi' ca'e' Jesús e ja' dseeng' jmiyløng' yee'naa' jee' jaléng' dsea'

¹ Jo lajee' e fé' Jesús jalé' e júu^ na, caseáng' lí' lí' tú' 'ní' mil dsea`. Jo laco' ngóo' seáng' jaléng' i' dsea` do, dsíng' ninaañ` 'leng' rúñ', co' lajalém'bre iñ` ninúr' jalé' júu^ e e' Jesús. Jo lajee' jo canaang' Jesús féñ' jaléng' dsea` guitúung' quiá'r' jo casí' reiñ':

—Ñiing' óo'na' cóo' jalé' e fé' jaléng' dsea` Israel i' líng' dsea` fariseo, co' jii' yaañ` ja' já' líñ` jalé' e fé'r', jo jalé' e jo íng' ta' quiá'r' e lico' jmiyløng' yaam'bre fí' quini' jaléng' dsea` fii'. ² Dsuco' ja' sea' cóo' e sii' jneaa'aa' e iing' e ja' tóo' jmiñ` niliñ' jaléng' dsea', o'gui cóo' e si'má'^naa' e ja' tóo' jmiñ` niní' jaléng' dsea' cajo. ³ Joba' jalé' e nicaféé' 'nú' e iing', niliñib' jaléng' dsea'; jogui lajobi jalé' e nicaféé'na' fí' sináa' qui'na', niliseab' júu^ latøøng' fii' cajo.

I' i' catiing' e 'gøng'naa'

(Mt. 10:28-31)

⁴ Jo lala fii' i' jaléng' 'nú', dsea` rú'naa'; ja' føøng'na' jaléng' i' iing' jngáng' 'nú', co' jii' e joba' tñiñ` jmér'. ⁵ Dsu' lana nijmée' e 'nú' júu^ i' i' catiing' i' niféng'na': güiféng'na' i' dsea' i' niquiá' ta' lí' nijúung'na' jogui quí'r' jmiñ` e guieñ' dsea' fí' lí' 'lí'. Joba' fii' i' 'nú' i' güiféng'na' i' dsea' í'!

⁶ Jo niñib' 'nú' e 'nñm' dsea' tá' la' ñíng' tá' cóo' tú' 'ní' í' cuu'. Dsu' e ja'ba' e jii' camíng' i' ta' do ni'íng' dsí' Fidiéé' laco'gui ja' ni'íng' dsír' jii' jaang' 'nú' cajo. ⁷ Jo jiguí jalé' jñguí' 'nú' si'í' Fidiéé' tá' camí'. Joba' fii' i' 'nú' e ja' føøng'na' mi' iing' dsea' nijngáñ' 'nú', co' eáang'gui quíng' 'nú' laco'gui fíng' ta'.

Jaléng' dsea' i' ja' i' líng' e cuíñ` Dsea' Jmáang'

(Mt. 10:32-33; 12:32; 10:19-20)

⁸ Jogui jaléng' 'nú', dsea' i' ja' i' líng'na' e nijmée'na' dsea' júu^ e cuíng'na' jnea' fí' jmigüí' la, joba' jnea', dsea' cagá'a fí' ñifí' e lín'n jaang' dsea' jmigüí', lajob nijmee' e cajo fí' quini' jaléng' ángeles quiá' Fidiéé' mi' niguilíng' 'nú' fí' jo. ⁹ Dsu' jaléng' dsea' i' nijíng' e ja' cuíñ` jnea' jee' jaléng' dsea' jmigüí', joba' lajob nifá'a fí' quini' jaléng' ángeles quiá' Fidiéé' e ja' cuín'nre cajo.

¹⁰ Jogui doñí' i' i' 'ní' níng' jnea', dsea' gáa'a fí' ñifí' e lín'n jaang' dsea' jmigüí', ni'ím' Fidiéé' dsee' quiá'r'; jo dsu' i' i' café' ga' uii' quiá' Jmiguí' quiá' Fidiéé', joba' jo' quí' jmiñ' fa' e ni'íng'gui Fidiéé' dsee' quiá'r'.

¹¹ Jo jaléng' 'nú', song cajiúng'na' fí' jaguó' dseata' quiá' guá' quí'naa' osi fí' jaguó' dsea' i' quidsí' í' osi dseata'bi' é, joba' ja' føøng'na' fa' e ja' ñí'na' jial nijmi'øng' yaang'na' o'gui jial ningi'na' quiá'r' mi' nijmingí'r' 'nú'. ¹² Co' mi' niteáang'na' fí' quini' jaléng' i' dseata' do, dsifí' lajob nijmé' Jmiguí' quiá' Fidiéé' jial ningi'na' quiá'r' mi' nijmingí'r' 'nú'.

Eám' dseáng' mi' óo' dsea' cuu' eáang'

13 Jo mi~ cangî e cajíng' Jesús jalé' e júu^ na, jo jee~ jaléng' i dsea` i teáang` núu` jalé' e júu^ jo guicató` jaang` dseañu' jo guicajíñ' casí'r- Jesús:

—Tifa', síi~go rún'n dsea` ngáang' cóo`o güicuø'r- jnea~ guié^ quié~ e jalé' e caséé' líi~ tiquié^ e mi~ cajúíñ'.

14 Jôba' cañíi' Jesús quiá'- i dseañu' do jo casí'-reiñ':

—Ja` casíng` Fidiéé` jnea~ jee~ 'nú' fa' e líin'n dseata~ i cajajmée^ jmá' jia jalé' e sea` quií'-na'.

15 Jogui casí'-guir jaléng' i dsea` teáang` do jo cajíñ'-:

—Ñiing` óo'na' jo ja` jmee~na' e dsináang'na' jalé' cuu` o'gui doñí' ee` e sea` fí' jmigüi, co' jii~ jaang` dsea` ja` quí'~ jmii~ e niquír~ quiá'- e niteáang` guir huøø` fí' jmigüi la fa' jialgui la sea` quiá'r'.

16 Jôba' ca'e' Jesús jaléng' i dsea` do coo` júu^ já'- e lafa' júu^ cuento e fé' lala jo cajíñ'-:

—Coo` née' caliséng` jaang` dseañu' i sea` cuu` eáang` jo oor` uø` e jlo^ eáang` cajo, jo catáíñ' dsea` léeng' quiá'r- i cajmée` ta~ e uø` do. Jo mi~ caroo` jalé' e cajnír` do, dsíng'- jlo^ cacuø` e uø` do, jo dsu' jo lí~ sea`gui e ni'meá~ i dsea` sea` cuu` do jalé' e caro'r'. 17 Jôba' canaaiñ' í' dsíir': “¿E~ nijmee~ e cóo` jalé' e caró'o e jii` lana? Co' ja` sea` lí~ ni'meaa~ jalé' e jo.” 18 Jo coob` mi~ ca'øng' dsíir' jial nijmér~, jôba' cajíñ'-: “Níca'óm' dsii` jial nijmee~ e. Nijiéem`baa 'núu' quiá'- cuí' quié~ e e téé~ lana, jo nijmées~ e e cóo`gui eáang`, jo job ni'meaa~ jalé' e caró'o do cóo` lajì e sea` quié~ e. 19 Jo mi~ ni'iénge` e 'nuu~ do jogui mi~ nitée' líng' jalé' e sea` quié~ e, dsíng'- juguiá~ niliseen` jo jii~ coo` fí'í' jo ee` nijáa' quié~ e jóng. Joguiba' nijmi'ín'teáa tú~ 'ní' jiiing`, jo lajee` jo nidúu~ nidøø`-ø` jalé' e sea` quié~ e jo dsíng'- nijmi'íáang` dsii~ lajee` jo.” 20 Jo dsu' uøø` job cajíng'- Fidiéé` casí'r- i dseañu' do: “Dsea` tuung~, náb nití' í' e nijúun'-, jo ¿e~ ta` íng^ quií'~ jalé' e oo'- lana mi~ niguøng' fí' jmigüi coo`?” 21 Jo lanab dsíngíng` jaléng' dsea` i silíi'li cuu~, co' o' cóo` e jo nitíiñ' fí' quini` Fidiéé` mi~ nití' oor~ quiá'r'.

To' fñm` Fidiéé` jaléng' dsea` quiá'r-

(Mt. 6:25-34)

22 Jo mi~ cangî jo, jo caféng'gui Jesús jaléng' dsea` guitúung` quiá'r- jo casí'-reiñ':

—Lala fñi` 'nú': ja` jmee~na' fí'í' quiá'- jalé' e nicø'^na' o'gui jmee~na' fí'í' quiá'- jalé' sí'na'. 23 Co' eáang`gui laniing` 'né~ e jmíta~ óo'na' e nigüilím'ba' fí' lí~ guiá~ mi~ nití' fñi` coo` e laco'gui e nijmee~na' fí'í' quiá'- jalé' e nicø'^na' cóo`gui quiá'- jalé' sí'na'. 24 Jo quie`na' cuente quiá'- jaléng' quiee; ja` jié' jii're' o'gui jié' téé' jalé' e gø're' o'gui 'mea're' jalé' e nidø'-re', dsu' Fidiéé` ñi'bre e` héiñ' jaléng' i jó' do quiá'r-. Jo eáang`gui quíng' 'nú' fí' quini` Fidiéé` laco'gui lajee` fíng' tá' i seeng` fí' jmigüi! 25 Jo ¿i~ jaang` 'nú' niquí'~ jmii~ nijmee~na' e nicuáng`guina' ca'ná'^ metro laco'gui jii~ tí'na' lana? 26 Jo song ja` quí'~na' jmii~ jmee~na' e capí'^ lajo, jôba' ¿jiali' guíng` óo'na' jalé' e líi` seeng'na'?

27 Jo quie`na' cuente jial jlo^ jalé' lí' e sea` fí' jmigüi, jogui ja` ee` ta~ jmóo` o'gui quié' fí'í' jial ni'uíng` e jlo^'. Jo dsu' car` jii~ dseata~ Salomón cóo` jalé' e jlo^ e caliseá' quiá'r- ja` casíng' 'ñia'r' e jlo^ lí' laco'gui la jnéeng` coo` lí'. 28 Cofa' jlob'^ cajmées` Fidiéé` e jnéeng` jalé' lí' e ja` huøø` té', dsu' jaléng'gui 'nú', dsea` i ja` mí' teáang` teá' cóo` júu^ quié~ e, jmiguiá'gui niñíng'na' quiá'- Fidiéé` jalé' e 'né'-na'. 29-30 Jôba' fñi` 'nú' lana, ja` jmées^na' fí'í' quiá'- jalé' e ni'u'^ nicø'^na', dsuco' lajob jmóo` jaléng' dsea` jmigüi i ja` cuíng` Fidiéé`. Jo dsu' 'nú' seem` jaang` Tiquíi'na' dsea` guíng` ñifí' i ñiñí' jalé' e 'né'-na' lacoo`

jm̃i~ lacoḡ jm̃i~. ³¹ Jḡ f̃i~gũĩ 'ná' lana e 'né~ nijmi'úung'na' e Fidiée' dsea' nicá' nifí' quí~na', jḡ lajḡba' niñíng'na' jalé' e 'né~na' lacoḡ jm̃i~.

Jalé' e cat̃ng~ dsea' quíá'~ Fidiée' fí' jm̃igüü' cḡḡ'
(Mt. 6:19-21)

³² Jḡ ja' jmee~ 'ná' fí'í', dsea' i ja' f̃iing' mí' cuíng' jnea~, cḡ' Tiquí'na' dsea' guíng~ ñifí' i quíe' nifí' quí~na' nica'f̃ dsíir' e nicuḡ'r~ 'ná' laj̃i'~ e cat̃ng~na' e iáang' dsíir'. ³³ Jḡba' 'né~ e 'ñi'na' jalé' e sea' quí~na' jḡ nijmicḡḡ'na' jaléng' dsea' i li' 'né~ quíá'~ lajḡ; cḡ' ja' ee' ta' íng' quí~na' f̃iing' tá' ca'meá' lí' cuu~ cḡḡ'~ jalé' e sea' fí' jm̃igüü' la, cḡ' dsíng'~ fḡ' nicá' jaléng'~ i jalé' e sea' quí~na' osi nidḡ'~ jaléng'~ guisf' i 'léé' é. Cḡ' guíá'~guib e nijmee~na' e nilisea' quí~na' fí' ñifí'~ jalé' e jlo'~, dsucḡ' fí' jḡ jḡ' seeng'~ i' o'gui fa' dseáang'~ e ni'lé'~gui guisf'. ³⁴ Cḡ' lí' sea' jalé' e lí' a' do, e jḡbi' guíng~ a' jóng.

Dseáang'~ 'né~ e siñiing' dsi'naa'

³⁵⁻³⁶ Jḡba' f̃i~i ná' e 'né~ neáang'na' laco' guíng~ jaang' dsea' 'léeng'~ i guíng~ fí' quíá'~ fii' e güjeeeñ' e nineár~ 'nú' mí' niguieng' fii' i ngí' fí' lí' cung' guoḡ dsea, jḡ 'né~ sijeeng' i dsea' 'léeng'~ do e jnea' jib' guíñ~, jḡba' dsifib' nineár~ 'nú' mí' niguieng' fii' e nitḡr'. ³⁷ Jḡ juguíá'~jiu quíá'~ jaléng' dsea' 'léeng'~ i sijnéé' dsí' mí' niguieng' fii'~. Cḡ' jnea' jmitaa' ó'na' e dsíng'~ nili'íáang' dsí' i fii'~ do jḡ nitḡr' jaléng'~ i dsea' 'léeng'~ i sijnéé' dsí' do e nidḡ'r~ col̃ing~ cḡḡiñ'~ do e uḡḡ' jḡ. ³⁸ Jḡ juguíá'~jiu quíá'~ jaléng'~ i dsea' 'léeng'~ i sijnéé' dsí' do mí' niguieng' fii'~, nañí' fa' niguieñ' do guienú' osi téé' ogóó' é. ³⁹ Jḡgui cajo fa' jaang' dsea' niñir' e oor~ niguiéé' jaang'~ i fí' quíá'r~, nijé' bre e jḡ nigüñ' e uḡḡ' jḡ, jḡ lajḡba' ja' nicuḡ'r~ fí' e ni'uḡ'~ i i' do jalé' e sea' quíá'r~. ⁴⁰ Jḡba' lajḡb' 'né~ neáang' 'ná' e siñiing' ó'ba'; cḡ' jnea~, dsea' i cajá' fí' ñifí' e l̃i'n' jaang' dsea' jm̃igüü', nigáa'túu calé' catú' fí' jm̃igüü' la lajee' e ja' ñiing' ó'na'.

Jaang' dsea' 'léeng'~ i guíung~ cḡḡ'~ jaang'gui dsea' 'léeng'~ i soo' dsí'
(Mt. 24:45-51)

⁴¹ Jḡ dsifí' mí' cató' e ca'e' Jesús jalé' e júu' na, jḡ dsifí' lajḡb' cajming̃i' Tú' Simón cajming̃i'r' Jesús jḡ cajíñ'~:

—Tifa', jalé' e júu' e nica'é' na, ¿su ca'éé'~ j̃i'~ jnea' dsea' guitúung'naa' ofa' quíá'~ laj̃im' dsea' é?

⁴² Jḡ lalab cañí' Jesús:

—Lalab lí' quíá'~ jaang' dsea' i neé' ni~ jaléng' dsea' 'léeng'~ i núu'~gui jalé' ta' quíu' fii'~, jḡ guíung~guir cḡḡ'~ jaléng' dsea' 'léeng'~, jḡgui nicuḡ' reiñ' do e nidḡiñ'~ mí' nití' oor~ e gḡ' dsea. Jḡ mí' cagüi'~i' i fii'~ do e nidsér' fí' lí' jíé', caséer' jalé' ta' quíá'r~ jḡ caguiar' ni~ i dsea' i neé' ni~ jaléng' dsea' 'léeng'~ do, jḡ jḡguiba' cangór~ jóng. ⁴³ Jḡ mí' niguieng'~tu i fii'~ do, juguíá'~ o' quíá'~ i dsea' i neé' ni~ dsea' 'léeng'~ do song nicató' jalé' ta' e caséé' fii'~ mí' cagüi'~ir' cangór~. ⁴⁴ Jḡ já'~ba' f̃i~i 'ná' e dsíng'~ nili'íáang' dsí' i fii'~ do, cḡ' calitib' jalé' ta' e caséer' cḡḡ'~ i dsea' neé' ni~ jaléng' dsea' 'léeng'~ quíá'r~ do, jḡ jḡguiba' nicuḡ'~reiñ' do e nine'~ niñ'~ do jalé' e sea' quíá'r~. ⁴⁵ Jḡ dsu' f̃iing' song ja' cajmiti' i dsea' neé' ni~ i dsea' 'léeng'~ do laj̃i'~ ta' caqui' fii'~, cḡ' ca'f̃ dsíir' e ja' mí' niguieng' fii'~ lajminá', jḡ lajee' jḡ cajméer' soo' dsíir' cḡḡ'~ jaléng' dsea' 'léeng'~ i neé' nir~, jḡgui canáñ' i' gḡ'r' jalé' e sea', jḡgui cajméer' ta' i' méé'; ⁴⁶ jḡ dsu' lajee' jmóo' i dsea' neé' ni~ i dsea' 'léeng'~ do jalé' e jḡ, lajee' jḡb' caguiéng'~ fii'~, jḡ dsíng'~ nicaligüiñ'~ do, jḡ iihu'~ nicuḡ'~reiñ' do lí' laco' cat̃ng~ e niñíng' jaang' dsea' i ja' núu'~ jalé' júu' quíá'~ fii'~.

⁴⁷ Jḡ i dsea' 'léeng'~ i ní' jial lí' jalé' e iing~ fii'~ e nilí' jḡ dsu' ja' caguiar' guíá'~ o'gui calinúu'r~ e nijmér' jalé' ta' caqui' fii'~, jḡba' dsíng'~ niñíñ' iihu'~ jóng.

48 Jo dsu' i dsea`'léeng' i ja` ñi' jalé' e nijmér- jo eáam' ca'léer' quíá' fíir~, joba' i dsea` i ja`gui niñiñ` iihu' laco'gui i jaang` do. Jo i dsea` i cangúng` jmguiú', jmguiú'gui catúng- niguiéer- cuente mi` nití- í' lajo; jogui i dsea` i ée' guiá- cóo' laji' ta` e cangúñ` e néé' nir~, joba' eáang'gui guiá- 'né- guiér- cuente mi` nití- í' lajo.

*Nijíng- dsea` lajee` la'ó' rúñ` uí' Jesús
(Mt. 10:34-36)*

49 Jo mi` calí- e cajíng'- Jesús jalé' e júu` na, jo casí'- guir jaléng' i dsea` do jo cajíñ'-:

—Jnea` cagá- a lafa' e caga'uun- jì fí' jmgüi' la; jo dsíng'- lí dsii- fa' jia` nicoo` lana! 50 Co' ná- bi nicaa- iihu' e eáang', jo dsíng'- lijjuung- dsii- cartí' niliti- lajalé' e jo! 51 Jo dsu' jaléng' 'nú' í' óo' na' e cagá- a fí' jmgüi' la e gajmée' e liseeng' na' juguiá- júu` røø, dsu' o' lajo; co' uí' jnea` ná- bi nijmé- dsea` mii' cóo' dsea` rúñ'. 52 Co' latí' lana gaang` dsea` nijíñ- cóo' gáng- dsea` la'ó' dsea` sinúu` quíá'r-. 53 Co' tiquiá'^ dsea` nijíñ- cóo' jóor' dseañu', jo jaléng' jóo' dsea` dseañu' nijíñ- cóo' tiquiá'r'; jogui niquiá'^ dsea` nijíñ- cóo' jóor' dseamí, jo jaléng' jóo' dsea` dseamí nijíñ- cóo' niquiá'r'; jogui iemisé^ dsea` nijíñ- cóo' dsea` miloo` quíá'r-, jogui jaléng' dsea` miloo` quíá' dsea` nijíñ- cóo' iemisé^, co' ja` nisíñ- røø uii' quíe- jnea` cóo' jalé' júu` quíe- e.

*'Né- óng' dsí' dsea` e jalé' dsijée' jmü` na
(Mt. 16:1-4; Mr. 8:11-13)*

54 Jo casí'- gui Jesús jaléng' i dsea` do jo cajíñ'-:

—Mi` móo- 'nú' e ta' jni' nuu` fí' yá^ jmgüi', joba' dsifí' lajob fó' na' e nitú' jmí', jo lajob dsitíng` jóng. 55 Jogui mi` móo- 'nú' e í' guí' quiuú, dsifí' lajob fó' na' e ja` nitú' jmí', jo lajob dsitíng` cajo. 56 i jmicang` 'nú'! Co' ní' ba' jalé' e dsijée' fí' yá^ jmgüi' jogui fí' guoo' uó'; joba' ¿jiali' ja` ní' na' e` uing` quíá'- jalé' e dsijée' jee' 'nú' lana?

*Jmí'úung' na' e niliseeng' na' juguiá- cóo' jaléng' dsea` i 'ní' níng- 'nú'
(Mt. 5:25-26)*

57 Jo mi` cangí' jo, cajíng'- gui Jesús e júu` la:

—Jo ¿jiali' ja` lí' na' guí' na' jnang` e guiá- jogui jnang` e ja` dseeng` e dsijée' quí- na'? 58 Co' song i' dsea` i 'ní' níng- 'nú' cangojéeiñ` 'nú' fí' quini` dseata~, joba' jmí'úung' na' e nisíng` tu' røø cóo'r- lajee` ná- gui e niguilíng- na' fí' quini` i dseata` do. Dsüco' song caguilíng- na' fí' lí' guiiñ~, joba' niquiá'r- ta` jaléng' í' quíá'r- e nisáñ' 'nú' jo nitáñ' 'nú' dsí' 'nuñí^ jóng. 59 Joba' í' 'nú' e ja` nijúu' na' e fí' dsí' 'nuñí^ do cartí' niquí' na' jalé' cuu- e nimír-, co' lajob lí' fíng catí' fí' quini` dseata`.

13

Dsíng'- 'né- e niquí'- jíng' yaang` dsea` fí' quini` Fidiée`

1 Jo ie~ jo caguilíng- cóo' tú- míng' dsea` fí' lí' táang` Jesús i jmóo` júu` jalé' e ga' e cajmée` dseata` Pilato cóo' dsea` Israel, co' caquiúr' ta` e cajúng- cóo' tú- míng' dsea` Israel i seeng` fí' Galilea, jo e jmi'øøng- i dsea` Israel i cajngaiñ' do cacáñ' cóo' jmi` jó' i cajngaiñ' fí' nife' quíá'- guá'- e si' fí' Jerusalén do.

2 Joba' cañí' Jesús casí'r- jaléng' i dsea` do jo cajíñ'-:

—Ja` í' óo' na' e calíng- jaléng' i dsea` do jalé' e fó' na' na dsu' uí' e røøng` guir dsee- lajee` lajaléng' dsea` jmgüi', 3 co' o' lajo; jo song 'nú' ja` niquí' jíng' yaang` na' fí' quini` Fidiée`, joba' fí' lí' 'lib' nigüilíng' na' dsifí' mi` nijúung- na'. 4 Jo ¿su ja` tóo' óo' na' mi` cajíng- guijíng' dsea` cóo' 'nú' e ní' eáang` quíá'- ojmí' Siloé e si' fí' dsí' í' Jerusalén? Ja` í' óo' na' e cajúng- jaléng' i dsea` do dsu'

uí' e røong`guir dsee` eáang` lajee` lajaléng` dsea` seeng` fí Jerusalén, ⁵ co' o' lajo. Jo 'nú', song ja` niquí' jíng` yaang`na' fí quini` Fidié, joba' fí lí` 'lib' nigüilíng`na' dsifí mĩ` nití` oor` quí`na'.

Mĩ` ca'e` Jesús quía'` 'ma` güiñí' e ja` ee` cuø`

⁶ Jo casí'` gui Jesús jaléng` i dsea` do coo` júu` já' e lafa' júu` cuento jo cajíñ'`:
—Coo` née'` jaang` dseañu'` nicajnr` coo` 'ma` güiñí'` fí uø` quía'r` . Jo mĩ` catí` í' e líiñ` e ni'í, jo cangojøø`bre su ni'íi` ofi` quía'` e 'ma` güiñí'` do. ⁷ Jo mĩ` caguiér`, jo casí'r` i dsea` née` ni` e uø` quía'r` do jo cajíñ'`: “Lajee` 'ní` jii` ningóo` e gaa` coo` née'` lacoo` jii` e gajøø`ø` fa' ni'í ofi` quía'` e 'ma` la, dsu'` jii'` coo` ja` mí` cadsé'e. Joba' fii`-i` nu` e ni`né` nihuí'b', co' ja` tá'` jmóo` jii` quía'` e ni` uø` la.” ⁸ Jo dsu'` i dsea` i jmóo` í' e uø` do cajíñ'` casí'r` fiir` : “Fíi`i, güigui`gui cateá` lajee` jii` lana, jo lajee` jo niylén`n i' jo nitá`a o'` . ⁹ Jo ne`duu'` fíng lajogu`ni'í` ofi` quía'` ; jo song ja` ee` lí` ni'í` , joguiba' nihuí` jóng.”

Mĩ` cajmi`leáang` Jesús jaang` dseamí` i tu` coguí`

¹⁰ Jo mĩ` cangí` jo, coo` jmii` lajee` e jmi'íng'` dsea` Israel, ca'e'` Jesús jaléng` dsea` do júu` quía'r` fí dsíi` coo` guá'` quía'` dsea` góor` dsea` Israel. ¹¹ Jo jee` jaléng` i dsea` i teáang` fí guá'` do niquiéng` jaang` dseamí` i nijée'` i 'líng'` quía'` , jo ningóo` mí` guijñia` jii` e nicajmée` i 'líng'` do e calitú'` coguí` i dseamí` do, jo jii'` capí'` ja` e lí` niñ'` do. ¹² Jo mĩ` cangáng` Jesús i dseamí` do, dsifí ladob catø'` reiñ'` fí lí` siñ'` jo casí'` reiñ'`:

—Dseamí` rú'`uu', jmii` na ni'leáan'` lajii'` jmohuí` e quie'` na.

¹³ Jo caquidsir` guóor` fí moguí` i dseamí` do, jo dsifí ladob cangoहुíng` i 'líng'` do, jo canim'` i dseamí` do, jo canaaiñ` jmiféiñ'` Fidié` jóng. ¹⁴ Jo dsu'` dsíng'` caligúíng` i dsea` i née` ni` e guá'` do dsu'` e cajmi'leáang` Jesús i dseamí` do lajee` jmii` e jmi'íng'` jaléng` dsea` góor` dsea` Israel. Joba' casí'` i dsea` i née` ni` guá'` do jaléng` dsea` i teáang` do ie` jo, jo cajíñ'`:

—Lacoo` semaan` sea` jñuu` jmii` e jmóo` dsea` ta` , jo lajee` joba' e catíng` e ñilíng`na' e nilí` mí` quí`na', jo dsu'` ja` ñilíng`na' mĩ` jmii` e jmi'íng'`naa'.

¹⁵ Jo mĩ` cajíng'` i dsea` née` ni` guá'` do lado, joba' dsifí lajob cañíi` Jesús casí'` reiñ'` jo cajíñ'`:

—i` jmicaang` 'nú'! ¿Su ja` güilíng`na' e güi'íng`na' güitá` quí`na' jmii` osi bú'` quí`na' é lacoo` jmii` mĩ` catíng` e jmi'íng'`naa'? ¹⁶ Dsu'` i dseamí` la líiñ` siju` Abraham, jo ningóo` guijñia` jii` e cajmée` Satanás e calidsée'r` jo cajer` tuiñ'`. Jo lacó'` güijéeng` 'nú'` jó'` quí`na' e dsíi'`re'` jmii` mĩ` jmii` e jmi'íng'`naa', lajob catíng` e nilaang` jnea` i dseamí` la fí jaguó` Satanás mĩ` jmii` e jmi'íng'`naa' cajo.

¹⁷ Jo mĩ` cajíng'` Jesús lado, dsíng'` calí` i'` líng` jaléng` i dsea` i 'ní'` ní` quía'r` do. Jo dsu'` lajaléng` i dsea` caguiang`gui do dsíng'` cali'íáang` dsíir` dsu'` e cangár` jalé'` e jlo'` e cajmée` Jesús ie` jmii` jo.

*Mĩ` ca'e` Jesús quía'` coo` mijú'` 'ma` e sii` mostáa`
(Mt. 13:31-32; Mr. 4:30-32)*

¹⁸ Jo mĩ` calí` jo, jo cajíng'` Jesús:

—¿Jial líng`na' e líi` mĩ` quie'` Fidié` nífi` quía'` jaang` dsea? Jogui` ¿e` cóo'` cuøong` nicøong`naa'? ¹⁹ Co'` e jo líi` la líi` camí'` mijú'` 'ma` e sii` mostáa` ; jo e mijú'` quía'` e 'ma` do pí'`gui lajee` lajalé'` mijú'` 'ma` e sea` fí` jmigüi. Jo dsu'` mĩ` nijni` dsea` e mijú'` do, féb'` cuaang` lafa' coo` 'ma', jo fí` yá'` e 'ma` do dsilíng` jaléng` ta'` e jmo're'` sii`re'`.

*Mĩ` ca'e` Jesús quía'` quie'` iñí'`
(Mt. 13:33)*

²⁰ Jogui` cajíng'` gui Jesús casí'r` jaléng` i dsea` do:

—Jo ¿e~ cóo~ cuóøng` lí cøøng`naa' mi~ quie' Fidié~ nifi' quía'- jaang` dsea? 21 Co' e jo líí la líí capí'^ quie'^ iñí'^ e cáng' dsea' jee~ fi~ iñí'^ quía'r~ e laco' niróo~ jalé" e ca~ iñí'^ do, jo jíí~ ja` ñí' dsea' jialí' calí~ lajo. Jo dseáng'- lajob líí cajo mi~ Fidié~ quier' nifi' quía'- dsea`.

*Coo`o'nú^ e dsuu`
(Mt. 7:13-14, 21-23)*

22 Jo mi~ cangí jo, lajee~ iuung~ Jesús fí e ngóor' fí Jerusalén, ja`bre e e'r' jaléng' dsea' jalé' júu^ quía'r~ mi~ ngúíñ' jalé' fíí pí'^ osi jalé' fíí cóo'~ é. 23 Jo cóo' fíí lí~ caguiér~, cangoquíeng' jaang` dsea' fí lí~ cajer', jo cajmíngí' i dsea` do ír` jo cajíñ'-:

—Fíí'i, ¿su jíí~ tú~ 'ní' mím' tíí dsea` i laang` jee~ jalé' dsee~ quía'-?

Joba' cañí' Jesús quía'- i dsea` do jo casí'- reiñ':

24 —Jmí'úung`na' e nigütáang`na' fí o'nú^ e dsuu, dsuco' dsíng'- fíng' dsea` nijmér~ quijí~ e nidsitáañ' fí jo, dsu' jíí~ tú~ 'ní' mím' bing' i nilí'. 25 Co' mi~ nití' oor~ e nijní~ i dsea' fí~ do e o'nú^ do, jaléng' 'nú', dsea' nijá'na' fí caluu~, nitó'^na'r jo nifi'^na'r lala: “Janú", Éé, jmee~ uí^ dié~ nea~go e o'nú^ la.” Jo dsu' lalab niñí~ i dsea' fí~ e o'nú^ do jo nijíñ'-: “Ja` cuín'n 'nú'.” 26 Jo mi~ ninúu^na' e nijíñ'- lajo, jo ninaan~ 'nú' nifi'^na'r: “Colim~ nica'ie^ee' e nica'nee'^ caquiee~ee', jogui 'nub' dsea' nica'é^ fí jee~ fíí góo'naa'.” 27 Joba' niñí~ i dsea' fí~ e o'nú^ do calé' catú~: “Nícafá'-baa e ja` cuín'n 'nú'. iDo güilíng`na' lí' do jaléng' 'nú', dsea' i sitíng' 'léé'!” 28 Jo job mi~ niquí'^ 'nú' jo dsíng'- nilijiuung~ óo'na' jogui nitú^na' majá'na' mi~ nimáang`na' Abraham cóo' Isáa' cóo' Jacóo' cóo' jaléng' dsea' i café' cuaiñ~ quía'- Fidié~ malíí~ gui eáang'; co' jaléng' i dsea' la nineáañ' colíng~ cóo' Fidié~ fí ñíí' lana, jo dsu' 'nú' fí caluub~ ni'øøng`na'. 29 Jo nijalíng' jaléng' dsea' quía'- Dsea' Jmáang~ fí la'úng~ fí jmígüí e nigüear' e nidó'r~ ir~ colíng~ cóo' Fidié~ fí ñíí'. 30 Jo i líng~ dsea' i líng~ e niñí~ eáang' fí jmígüí la, dsu' íbing' i jíí~ capí'^ ja` ee` niing~ mi~ nití' í' jo. Jo dsu' i líng~ dsea' i líng~ e ja` ee` niñí~ jíí~ capí'^ fí jmígüí la, jo íbing' i eáang'gui nilíniing~ mi~ nití' e í' jo.

*Mí caqui' Jesús uii~ quía'- dsea' i seeng' fí Jerusalén
(Mt. 23:37-39)*

31 Jo e jmí~ jo caguilíng~ cóo' tú~ míng' dsea' Israel i líng' dsea' fariseo fí lí~ táang' Jesús jo casí'r~ dsea` do lala jo cajíñ'-:

—'Né~ niguó'^ fí lí~ jié', co' lana niguiá' dseata~ Herodes guiá~ e nijngáiñ'- 'nu`.

32 Joba' cañí' Jesús quía'- i dsea` do jo casí'- reiñ':

—Güilíng`na' güisí'na' i 'ná'^ dsinóo' í: “Lajee~ jmí~ e sea`gui la 'né~ nijmité'e lajíí~ ta~ cagá~ a fí jmígüí la e nijmi'leáan^n jaléng' dsea' dsée' jogui nijmihuín^n jaléng' i 'líng'^ i jée' quía'- dsea'.” 33 Dsu' lajee~ jo 'né~ niguiéé' lajíí~ lí~ iuun~ fí ngóo'o, co' ja` catíng~ jaang` i fé' cuaiñ~ quía'- Fidié~ e nijúuiñ' fí caluu' fíí Jerusalén.

34 'Jo dsíng'- fíí lín~n jaléng' 'nú', dsea' seeng`na' fí Jerusalén, co' 'núb' dsea' nicajngang`na' jaléng' dsea' i café' cuaiñ~ quía'- Fidié~ jogui nicasi'lóo'na' cuu~ jaléng' i cajmicóo' quía'- jaléng' i dsea' í cajo. Jo jnea~, ja` ñíí~ jó'gui néé~ cali'ín~n e nito' fíí'n'n 'nú' laco' to' fíng' jaang` tui'íee' jaléng' tuyuu' quíaa~re' fí ná' cuéé're', jo dsu' ja` cali'íng`na' lajo. 35 Jo lana tí lí~ ni'nám`baa jee~ 'nú', jo jo`nimáang`gui' jnea~ cartí niguiéé' oor~ e nifo'^na' lala: “iJguiá~ o' quía'- i dsea' i casíng' Fidié~ fí jmígüí la cuaiñ~ quía'r'!”

14

Mi~ cajmi'leáng- Jesús jaang` dseañu` i yaang`

¹ Jo mi~ cangî jo, coo` jmi~ lajee` e jmi'ing' dsea` Israel, cató- jaang` fii` quiá- jaléng' dsea` Israel i líng' dsea` fariseo cató'r- Jesús e nidó- dsea` do íi' fí quiá'r-. Jo lajee` jo, dob teáng- jaléng' dsea` Israel i líng' dsea` fariseo i caguaang- do cóo- tifa' quiá- júu^ quiu' ta~ quiá'r- e téeiñ` Jesús lajee` jo. ² Jo jee~ jaléng' i dsea` teáng- do niquiéng' jaang` dseañu` i nilíng' jmohuí e yaaiñ`. ³ Jo mi~ cangáng- Jesús i dsea` dsée- do, dsifí lajob cajmingi'r' jaléng' i dsea` neáng` do jo casí- reiñ`:

—¿Su cuóong` e nijmi'leán`n jaang` dsea` dsée- lajee` jmi~ e jmi'ing'naa' ofa' ja` cuóong` é?

⁴ Dsu' tiib- cajé jaléng' i dsea` do, jíi~ camí^ júu^ ja` ee` cañír-. Jo dsifí lajob catíng- Jesús i dsea` dsée- do, jo ca'láam- biñ` do lajíi~ e jmohuí e lamí líiñ'. Joba' caqui~ Jesús ta~ e cangám- biñ` do. ⁵ Jogui dsifí ladob casí- Jesús jaléng' i dsea` i teáng- do jo cajíñ`-:

—¿Já` já'? jíi~ jaang` 'nú` ja` niseáang`na' jóo`na' osi jó` núu^ qui- na' song calíng`na' e catóin` osi catóng`ne' fí coo` dsíi' jíi~ lajee` jmi~ e jmi'ing'naa'.

⁶ Dsu' caléb`tu jíi~ jaang` i dsea` do ja` ee` cañír jíi~ camí^ júu^ quiá- Jesús.

Jaléng' dsea` máng` quiá- dsea` cung' guó`

⁷ Jo lajee` jo cajíng'- i dsea` fii~ jaléng' dsea` Israel i líng' dsea` fariseo do e nigüea` dsea` e nidó'r-, jo jalém' i dsea` do cagui'r' lí~ niing-gui nigüear-. Jo mi~ cangá- Jesús e cajmee` jaléng' i dsea` do lado, joba' ca'e`reiñ` e júu^ la jo cajíñ`-:

⁸ —Mi~ jaang` dsea` i cung' guó` tó'r` 'nu` fí quiá'r-, jo mi~ niguie' quiá- i dsea` í, ja` jmee'- fa' ningün` e niní^ lí~ niing-gui, co' jialfa' caguié- jaang` dsea` máng` i niing-gui laco' 'nu` fí quiá- i dsea` do. ⁹ Jo song 'nu` niguiin` lí~ niing-gui, joba' i dsea` cató- 'nu` do 'né- nisí'r` 'nu` e nijéen` lí~ niguiin` do, jo nigüea` i dsea` jaang` do, jo job lí~ nicá` 'nu` fí'i' mi~ nijéen` e lí~ niguiin` do, jo nigüiní` cartí cøong`gui fí lí~ neáng` dsea` i ja` niing-. ¹⁰ Dsu' mi~ tó' i dsea` do 'nu` fí lí~ née` júu^, 'né- niní^ cartí cøong`gui lí~ neáng` dsea` i ja` niing- mi~ niguie' quiá- i dsea` í. Joba' mi~ niníñ` 'nu`, nitó'r` 'nu` jo nijíñ`-: “Fí la ngüing~, co' fí lab lí~ gua` dsea` i niing-gui.” Joba' niní^ lí~ niing-gui jee~ jaléng' dsea` i máng` i neáng` quiá'r- do. ¹¹ Dsaco' jaléng' dsea` i jmicøong` yaang` jee~ jaléng' dsea` rúng', í'bing' i nicá` fí'i', jo jaléng' dsea` i ja` jmicøong` yaang` jíi~ capí^, í'bing' i niing-gui lajee` lajaléng' dsea` jmiçüi.

¹² Jogui casí- Jesús i dsea` i cató- quiá'r- do jo cajíñ`-:

—Mi~ jmoo` 'nu` jmi~ jo iin` nihéen` jaléng' dsea`, ja` 'né- nitó^ jaléng' i cuín' o'gui jaléng' rún' o'gui jaléng' i sea` cuu-. Dsaco' song cajmee'- lajo, joba' lajob nitó`tu jaléng' i dsea` do 'nu` mi~ nijmér- jmi~ lajaang` lajaaiñ` fí quiá'r-. ¹³ Co' guiá-gui e mi~ nijmée^ 'nu` jmi~, nitó^ jaléng' dsea` i ja` cuín' jogui jaléng' dsea` tiñíng- cóo- jaléng' dsea` i ja` lí ngí- cóo- jaléng' dsea` bøong` jogui jaléng' dsea` tiuung-. ¹⁴ Jo joguiba' dsíng'- nilí'iaang` o' jóng dsaco' ja` lí niquí^ jaléng' i dsea` do táa` quií- fa' nicuó'r- 'nu` laco' cacuóø`re. Jo dsu' Fidiéé` dsea` guíng` ñiff-, íb` dsea` i nicuó- 'nu` mi~ niguiéé` oor~ e nijí`tu calé` catú- jaléng' dsea` i nisiguiúng` fí quini` Fidiéé`.

Mi~ jaang` dsea` cahéiñ` fíng` dsea` fí quiá'r-

¹⁵ Jo mi~ canúu- jaléng' i dsea` do jalé` júu^ quiá- Jesús, jaang` i dsea` la'ó' neaaiñ` gø'r` do cajíñ`- casí'r- Jesús:

—Juguíá- o' quiá- jaléng' i nitíng- nidó- colíng- cóo- Fidiéé` fí ñiff- mi` nití- oor~ quiá'r-.

16 Jɔba' casí' gui Jesús jaléng' i dsea` do jɔ cajíñ' :

—Cɔɔ` née' cagua' jaang` dseañu' guíá' e nidó' fíng' dsea` i máng' fí quiá'r. 17 Jɔ mi` catí oor` e nidó'r, jɔ casíñ' jaléng' dsea` léeng' quiá'r e cangotéer` jaléng' i dsea` nisimáng' do. Jɔ mi` caguié` i dsea` léeng' do fí quiá' lajaang` lajaang` i dsea` nisimáng' do, jɔ casí'-reíñ': “Güiling` na' lajminá`, cɔ' dob nigüijee` fí'i e nicó' na' colíng` cóo'r.” 18 Jɔ dsu' jii` jaang` i dsea` do jɔ cali'iiñ` fa' cangolíñ`. Jɔ i la'uii` do cajíñ': “Sí' go fí' güijmée` gor féng' dsír' e ja` nilí` nii`i, cɔ' nabi nicalá` a cɔɔ` jmáang' uó', jɔ jobi` né` nijóó` lajminá`.” 19 Jɔ jaang`gui cajíng': “Sí' go fí' güijmée` gor féng' dsír' e ja` nilí` nii`i, cɔ' nabi nicalón` n` ñiá` jmáang` güitá` quié` e, jɔ íbi` né` nimoo` o jial` jre'.” 20 Jɔgui jaang`gui cajíng': “Güisí' go fí' e ja` nilí` nii`i, cɔ' la güeam`-bí e ngocúun` n` guóo', jɔ güijmée` gor féng' dsír' uii` quié` e.” 21 Jɔ mi` caguiéng' i dsea` léeng' do fí` lí` guíng` fiir` e cangocóor` júu` e jii` jaang` i dsea` do ja` nilí` guilíñ`, jɔba' dsíng' caligüing` i fiir` do mi` canúur` lajɔ, jɔ caquiur` ta` i dsea` léeng' do quiá'r jɔ casí'-reíñ': “Gua` güingí` lajminá` lacaang` jee` 'núu', jɔ güite' jaléng' dsea` tiñíng` cóo` jaléng' dsea` i ja` lí` ngí` cóo` jaléng' dsea` tiuung` cóo` jaléng' dsea` bóong`, jɔ güijalíñ` e nidó'r` fí` quié` e.” 22 Jɔ cangób` i dsea` léeng' do cangojméer` laco' ta` caquiur` fiir`. Jɔ malí`gui lajɔ caguiém`-tur fí` lí` guíng` fiir` jɔ casí'-reíñ' do lala: “Nicanotéer` baa jaléng' i dsea` i café' do 'mí', jɔ nab` nineaáiñ` lana, dsu' joo'bi` lí` nigüéá'gui dsea`.” 23 Jɔba' cajíng' i fiir` do jɔ casí'-reíñ': “Gua` güingí`gui la'úng` lacaang` lí` ja` mí` caguiéer`, jɔ güite'gui jaléng' dsea`, jɔ güijalíñ` líng` güiróong` sinúu` quié` e. 24 Dsɔco' jii` jaang` i dsea` i catóó` la'uii` do jɔ nidó'r` jii` capi' fí` quié` e.”

'Né` í` dsí' dsea` røø` song` iñ` nijmicuíñ` Dsea` Jmáang`

25 Jɔ mi` cangí` jɔ, dsíng' fíng' jaléng' dsea` ngolíñ` fí` lí` ngóo' Jesús. Jɔba' cajér` jɔ casí'r` jaléng' i dsea` do jɔ cajíñ' :

26 —Song` iñ` iing` ni'uíng` dsea` quié` e, 'né` nilí`iing`guir` jnea` laco'gui tiquiá'r` osi` niquiá'r` osi` jaléng' rúñ` osi` dseamí` quiá'r` osi` dseañu' quiá'r` é` osi` jaléng' joor`, jogui` né` nilí`iing`guir` jnea` laco'gui` ñia'r` cajo. 27 Jɔ song` iñ` dsea` i ja` niseáng' lafa' crúu` quiá'r` e laco' cuó' lí` e guía` dsír' e nidsingíñ` e huáng` uí' e líñ` dsea` quié` e jogui` ja` ningír` cóo` jnea`, jɔba' i dsea` í` ja` quí' jmí` e nilíñ` dsea` quié` e. 28 Fa' jaang` 'nú' iing` na' nijmée` na' cɔɔ` 'núu', 'né` nijmée` na' cuante quí` na' su seab` cuu` quiá' e ninaang` na' e nijmée` na' e 'núu` do car` nité'. 29 Dsɔco' fa' lí' canaang` e lí' e 'núu` do lajɔ e ja` mí` calí` cuante røø` jial` tí' cuu` nilí` né`, jɔ jialfa' ja` cató', jɔ dsíng' ningíng` dsea` i dsea` fí' e 'núu` e gui` ná' lí' do 30 jɔ nijíñ': “I` dseañu' do nicajmicaiñ` e cajme'r` 'nær` ofa' nisea` cuu` e nijmité'r` car` ca'ieeng’.” 31 Osi` jaang` dseata` iñ` nijmér` mí' cóo` jaang`gui dseata` i jéng', jɔba' 'né` ní' dsír' su niquí' jmí` e nitíñ` cóo` i dseata` do song` i dseata` í` jéiñ` tú` 'lé'gui dsea` laco'gui` ñia'r'. 32 Jɔ song` calilí' i dseata` do e ja` niquí' dsea` quiá'r` jmí` e nitíñ` cóo` i fíng`gui do, jɔba' 'né` nisíñ` dsea` quiá'r` e nidsimiñ` do jmi` ee` e jɔ nitíñ` cóo` i dseata` i jaang`gui do. 33 Jɔ lajɔb` lí', doñí` iñ` 'nú' i ja` ni'náng` ca' lajalé' e lí` dsír' e sea` fí` jmígüí` la, jɔba' ja` quí' jmí` jóng` e nilíñ` dsea` quié` e.

Jial` mi` jɔ` dseeng` ñi`

(Mt. 5:13; Mr. 9:50)

34-35 Jɔ cajíng' gui Jesús casí'r` jaléng' i dsea` do lala:

—Dsíng' íng^ ta~ jalé' ñi~, jò dsu' song ca'íng- lajii~ e ñii~ do, jòba' jò' ee` ta~ íng^ jíi~ coo` jóng, jò lico' nibí` dsea, dsuco' ja` m'í' sea` quiá'- fa' e niliñi~ tu. Jòba' fñi~ i` 'nú' e ii` 'nú' sea` loguá^na', náu~na' jalé' júu^ quié` e.

15

*Mi~ ca'e' Jesús júu^ quiá'- jaang` jo'se' i si'íng`
(Mt. 18:10-14)*

¹ Jò ie~ jò dsíng' fñing` jaléng` nodsicuu~ quiá'- Roma cóo'~ gui jaléng' dsea` i sea` júu^ e dsíng' røøiñ` dsee~ ngoliñ~ fí li~ sing' Jesús e núur` jalé' júu^ quiá'- dsea` do. ² Jò mi~ cangá~ jaléng' dsea` Israel i líng' dsea` fariseo cóo'~ gui jaléng' tifa' quiá'- júu^ quiu' ta~ quiá'r~ e ngolíng~ jaléng' i dsea` do fí li~ sing' Jesús, jòba' canaañ' do éeiñ` Jesús jò fé'r':

—I dseañu' na colim~ ngir' jogui gø'r cóo'~ jaléng' dsea` sea` júu^ e dsíng' røøiñ` dsee~.

³ Jò mi~ canúu~ Jesús e fé' jaléng' i dsea` do lado, jòba' ca'e' reiñ' júu^ já' e lafa' júu^ cuento jò cajíñ'':

⁴ —Faco' jaang` 'nú' aang~na' cien jo'se', jò calingíng~na' cango'íng' jaang` lajee` taang~na' e móo~na're', 'né` nitiúung~tea' i caguaang~gui do lajee` nigüi'néng'na' i cango'íng' do cartí` niguiéng'na're'. ⁵ Jò mi~ niguiéng'na're', dsíng' nili'íang` óo'na' jò nitøø~na're' e dsíng~ne' yú^ 'ná^na'. ⁶ Jò mi~ niguilíng'na' fí` quí~na', niseáang~na' jaléng' dsea` cúing'na' jò nifí^na'r: “Lana nijmi'íang` dsi'naa', co' cadsém'baa jaang` jo'se' quié` e i calingín~n cango'íng'.” ⁷ Jò laco' li'íang` óo' 'nú' mi~ dséng'na' jaang` jo'se' i dsí'íng' quí~na', jòba' lajòb li'íang` dsí' Fidié~ colíng~ cóo'~ jaléng' i neáang` fí` ñifí~ quiá'r~ mi~ caquí'~ jíng' 'ñia' jaang` dsea` i calilí^ e líiñ` dsea` dsee~ dsea` quí` fí` quinir~ laco'gui noventa y nueve dsea` i líng~ e ja` líiñ` lajò fí` quini` Fidié~.

Mi~ ca'e' Jesús júu^ quiá'- coo` cuu~ e si'íng`

⁸ Jòba' cajíng'~gui Jesús casí'r~ jaléng' i dsea` do:

—Fa' jaang` dseamí` i óo' guí~ cunéé~, jò calingíiñ~ e cango'íng' coo` e cuu~ do fí` dsí' sinúu^ quiá'r~. Jòba' dsifib` nijmijneár` coo` jì jò ni'ír` niquiáañ~ røø` la'úng~ e sinúu^ do, jò ni'nó'r` e cuu~ do car` niguié'r'. ⁹ Jò mi~ niguié'r' e cuu~ do, jò nitøø'r` jaléng' dsea` i cuiñ` jò nisí'reiñ': “Lana nijmi'íang` dsi'naa', co' cadsé'baa coo` cunéé~ quié` e e calingín~n cango'íng'.” ¹⁰ Jò laco' li'íang` dsí' jaang` dsea` i dsé' cuu~ quiá', jòba' lajòb li'íang` dsí' jaléng' ángeles quiá'- Fidié~ mi~ caquí'~ jíng' 'ñia' jaang` dsea` i calilí^ e líiñ` dsea` dsee~ dsea` quí` fí` quini` Fidié~.

Mi~ ca'e' Jesús quiá'- jaang` dseañu' i ca'íng~ dsee~ quiá'- jaang` jóor`

¹¹ Jò mi~ calí~ jò, jò ca'e' gui Jesús jaléng' i dsea` do coo'gui júu^ já' e lafa' júu^ cuento jò cajíñ'':

—Coo` néé'~ caliséng` jaang` dseañu', jò caliséng` gáng~ jóor` dseañu'. ¹² Jò i jiuung~gui do coo` néé'~ casí'r~ tiquiá'r^ jò cajíñ'': “Teaa~, mi~ nijúung~ 'nu, 'né` nilí` jmá'~ jiu røø` jalé' e sea` quí'~ lana. Jòba' fñi~ i` 'nu' fa' jmée^ba' jmá'~ jiu jalé' e jò na la seeng'gui.” Jò dsifí` lajòb cacuø` i tiquiá'r^ do lajii~ e catíiñ~ do. ¹³ Jò mi~ cangí` tú~ 'ni` jmí~ lajò, ca'ní` i siming' do jalé' e nicangíiñ` cacuø` tiquiá'r^, jò cóo'~ jalé' e cuu~ e calí'r~ do cagüi'í` bre góor` jò cangór~ fí li` huíi^ eáang', jò fí` jòb ca'íiñ~ jalé' e cuu~ quiá'r~ do, jò cajmirøng` dsee~ 'ñia'r` cóo'~ jalé' e 'li^ e sea` fí` jmigüi. ¹⁴ Jò dsu' mi~ cangí` e cadseá'r~ jalé' e cuu~ quiá'r~ do, lajee` jòb cali'øøng` jalé' e gø' dsea` e fí li~ táaiñ' do, jò coo` mi~ cangir' e jò' ee` sea` dø'r~. ¹⁵ Jò joguiba' cajméer` quijí~ ta~ nijmér~ cóo'~ jaang` dseañu' i seeng` e fí li~ táaiñ` do, jò cangíiñ` coo` ta~ e jmóor` í^ cú^ . ¹⁶ Jò dsíng' l' dsíir'

fa' nidó' bjiur jalé' e gø' i cú do laco' jmi~, co' ja ee' 'ga' lí ngiñ e nidó'r-
'ñia'r'. ¹⁷ Jo lajee' jo dsing'- cajo'- dsír' quiá'- jalé' e cajméer' lami' jéeng' gui
do jo ca'f dsír': "ja' ñí' jøng' gui dsea' jmóo' ta~ quiá'- tiquié' e jo seab' e gø'r
lalíng' lana, jo dsu' jnea~ lab táan' nijúun- n oo'! ¹⁸ Joba' ním'^túu' fí' góo' o
jo ni'ném'^túu' tiquié' e jo nifí' ire: Teaa~, dsing'- nicajmirøøng' dsee- 'ñiá' a fí'
quini' Fidié' jogui fí' quini'^ cajo. ¹⁹ Jo lana gán' n e iin' n nijmé' e ta~ lafa'
jaang' dsea' 'léeng' qui' ba', jo jo' jmé' e cuente e jóo' jnea~." ²⁰ Jo mi~ cangf e
ca'f dsír' lado, dsifí' lajob cangáng'- tur fí' góor', jo cango' néeng' tur tiquiá'r^.

'Jo jaquiém' niguieñ' quiá'r- mi~ tí' lí' cangá- tiquiá'r^ e ningaiñ'. Jo
dsing'- calí' fí' líng- i dseañu' do i jóor' do, jo e cuí' bre cangojmijíng' neiñ'
jo carøøng' rúñ'. ²¹ Joba' cajíng'- i siming' do casí'r- tiquiá'r': "Teaa~, dsing'-
nica'lee' e fí' quini' Fidié' jogui nica'lee' baa fí' quini'^ cajo, jo jo' jmé' e
e jóo' jnea~." ²² Dsu' i tiquiá'r^ do dsifí' lajob caquiur' ta~ dsea' 'léeng' i néé'
ni~ sinúu' quiá'r- jo casí'- reiñ': "Güiquie' du' 'mi' e jlo' gui lajee' lajalé' e sea'
jo niquí' i jóo' la, jogui güiquie' na' coo' ñí' iu~ niguoo' jo ñicuøø' na'r, jogui
cuøø' na'r caneáng' miloo' e 'mí' e ni'ó'r'. ²³ Jogui güitee' na' jaang' güitá'
jiuung~ i ni'úung' gui lajee' lajaléng' ne', jo nijngáng' na're' jo nilíng- ne'
jmiñi'. ¡Ná nijmó' oo' coo' jmi~ jo ni' né' niquiee' naa' lajalé' naa'! ²⁴ Dsuco'
i jóo' la huí' b- eéang' nicangór- jogui huøøb- eéang' nicango' iñ'; jo lajee' jo
ca'f dsii' e nicajúm- bre, jo lana lín- n e lafa' nicají' tur e nisiñ' la." Jo lajalém'
i dsea' do canaaiñ' guiar' guiá- e cajmeáñ' jmi~ i siming' i caguiéng'- do.

²⁵ 'Jo lajee' jo dob nitáang' i rúñ' dsea' féng' do fí' lí' jmóor' ta~ quiá'-
tiquiá'r^'. Jo mi~ cangoquiéñ' fí' quiá'r- mi~ tí' lí' canuu', jo canúur- e ií-
lúu' jo ninaang' e néé' tadséeng' fí' quiá'r-. ²⁶ Jo mi~ caguiéñ' quiá'- o'nú'
quiá'r-, job sing' jaang' dsea' 'léeng', jo cajmingí'r- i dsea' do jo casí'- reiñ':
"¿E' gui' jmoo' na' teáng' na' na?" ²⁷ Joba' cañi' i dsea' 'léeng' do jo cajíñ':
"Mí' cagüeang'- i siming' rún' i tá'- cangongi' do. Joba' dsing'- cali' íang'
dsí' tiquiá', jo caquiur' ta~ e cajúng- jaang' güitá' jiuung~ i niguang' gui
lajee' lajaléng' i seeng' quí', joba' jmóor' jmi~ lana." ²⁸ Jo dsu' mi~ canúu-
i siming' do lado sóong' caliguiñ-, jo jo' cali' iñ' fa' ca'í' guir e sinúu' lí' néé'
jmi~ do. Jo mi~ calilí' tiquiá'r^ e táang' i jóor' do caluu', dsifí' lajob cagüí' r'
jo caguitee' reiñ'. ²⁹ Joba' cajíng'- i siming' do casí'r- tiquiá'r': "Contøøm-
nicajmé- e ta~ quí' jo jii' coo' néé' ja' mí' cajmé- e fa' e ja' núu' u jalé' ta~
quiá', dsu' jii' coo' néé' ja' mí' cajmeáan' jnea~ jmi~, o'gui' mí' cacuøøñ'
jnea~ fa' jaam' jo' chí' qui' e laco' nijmeéang' 'ñiá' a jmi~ coo' jaléng' dsea'
cuí' n. ³⁰ Jo dsu' lanagui e nicagüeang'- tu' i rún' n na, dsea' nica' iñ- jalé' cuu-
quí' coo' jalé' e 'lí' e sea' fí' jmigüí', jo 'nu' nicajngang' jaang' güitá' jiuung~
i niguoo' gui lajee' lajaléng' i seeng' quí' ii'."

³¹ 'Joba' cañi' tiquiá'r^ jo casí'- reiñ': "Yuu' quí' ii', contøøm- guing' 'nu'
coo' jnea~, jo jalé' e sea' quie' e e quí' ba' cajo. ³² Jo dsu' lana e nicagüeang'-
i rún' na dsí' í' e nijmeéang' naa' r jmi~ jo nijmi' íang' dsí' naa' jalé' naa'. Co'
huøøb- nicango' iñ', jo lajee' jo nica'f dsí' naa' e nicajúm- bre; jo dsu' lanagui e
nicagüeang'- tur, lí' e lafa' nicajíb' tur."

16

Mí' ca' e' Jesús quiá'- jaang' dsea' 'léeng' i ja' cajmé' ta~ røø' quiá'- fir~

¹ Jo mi~ cangf jo, jo ca' e' gui Jesús jaléng' dsea' i núu' jalé' júu' quiá'r- coo' gui
júu' já'- e lafa' júu' cuento jo casí'- reiñ':

—Coo' néé' caliséng' jaang' dseañu' i sea' cuu-, jo seeng' jaang' dseañu' i
jmóo' ta~ contøøng- quiá'r- i néé' ni' jalé' e sea' quiá'r-. Jo coo' jmi~ caguií'
dsee- quiá'- i dsea' 'léeng' do e lí' nicadseá'r- nica' iñ- lajo jalé' e sea' quiá'-

fuir. ² Jo dsifí lajob cató̄r̄ i dsea` sea` cuu` do cató̄r̄ i dsea` 'léeng' quiá'r̄ do jo casí'̄-reiñ': "¿Su jáb' jalé' dsee` e nicajmée` jaléng' dsea` uui` quiá'̄? Lana nijáa' jnea` cuente quiá'̄ jalé' e sea` quié`-e, co' latí lanab jo` nijmée' ta` cóo'̄ jnea` co' jo` 'neán`-n` 'nua'." ³ Jo mi` cangí jo, mi` caguiéng' i dsea` 'léeng' do fí quiá'r̄, jo canaaiñ` í dsír': "¿E`gui nijmee` e náng? Ná la catúun` e jo` ee` ta` cuø' dsea` jnea`. Dsíng' fñ' n` nijmee` e ta` jenuu`, jogui dsíng' i` lín` n` nimíi` cuu` fí jee` 'núu'." ⁴ Dsu' nica'óm' dsii` e` nijmee` e laco' niliseeng` dsea` i niliguiúng` cóo'̄ jnea` mi` níng' e jo` ta` sea` jmee` e." ⁵ Joba' canaaiñ` tó'r' lajaang` lajaang` i nirøng` quiá'̄ fuir. Jo mi` caguié` la'uui` i dsea` i nirøng` do jo cajmingí'̄-reiñ': "¿Jial tí' røng` 'nua` quiá'̄ fíi'?" ⁶ Joba' cañí' i dsea` do: "Cien sñ' e a` aceite røon` quiá'r̄." Jo dsifí lajob cajíng' i dsea` 'léeng' do casí'̄ i dsea` do: "Lab røo' jì li` táan' e røon'. Téé' lana e røon' jii' cincuenta sñ'." ⁷ Jo mi` cangí lajo, cajmingí'̄ jaang`gui i dsea` i røng` do jo casí'̄-reiñ': "Jogui 'nua` ¿jial tí' røon'?" Joba' cañí' i dsea` do: "Cien cué' micui'iee'." Joba' casí'̄ i dsea` do jo cajíñ': "Lab røo' jì li` táan' e røon', jo téé' e røon' jii' ochenta." ⁸ Joba' calilí' i fii` quiá'̄ i dsea` 'léeng' do e ja` ca'éeiñ' do røø` cóo'̄ ta` quiá'r̄, jo lifa' eáam`bre lí'r` cóo'̄ jalé' e cajmée'r` do. Jo lajob lí' cajo cóo'̄ jaléng' i dsea` i ja` cúing` Fidiéé', eáang`gui lí'r` jmóor` jalé' e jmigøoiñ` dsea` rúñ' laco'gui i dsea` i nilíng` dsea` quiá'̄ Fidiéé'.

⁹ Joba' liúun` n` 'nú' e jméaang` na' ta` jalé' e sea` e fí jmigüi` li` seeng` dsea` dsee` dsea` quié' e laco' nilí' na' jaléng' dsea` i niliseeng` guiá` cóo'̄ 'nú'. Jo lajoba' mi` niguiá' jalé' e sea` quié' na' fí jmigüi`, niliseem`bing' i nilíng' 'nú' mi` nití' fí fñ' coo' jóng.

¹⁰ Jo ii' i ca'ée` jmang' e guiá` cóo'̄ capí' e sea` quiá'r̄, joba' lajob ni'é'r` mi` nisea` jmiguiá' quiá'r̄ cajo. Jo ii' i ja` jmóo' e guiá` cóo'̄ capí' e sea` quiá'r̄, joba' lajob ja` jmér` e guiá` fa' jialgui la jmiguiá' e sea` quiá'r̄. ¹¹ Jo song ja` jmoo` na' e guiá` cóo'̄ jalé' e sea` quié' na' fí jmigüi` li` seeng` dsea` dsee` dsea` quié', joba' lajob ja` nicuø' Fidiéé' 'nú' lajii' e catíng` na', dsea` líng` na' dsea` quiá'r̄. ¹² Jo song ja` ee` na' røø` cóo'̄ jalé' e sea` quiá'̄ dsea` jiéng', joba' ¿i' i nicuø' 'nú' jalé' e catíng` na' do jóng?

¹³ Jo cajíng' gui Jesús e júu` la:

—Jii' jaang` dsea` 'léeng' ja` quié' jmíi` fa' nijmér` ta` fí quini` gáng` fuir` colíng`, dsuco' song cajmée'r` lajo, joba' nilí' 'ní' níim`bre jaang` jogui nijmití`bre ta` e niquiá' i jaang`gui do. Jo co' lajob lí', joba' ja` quié' jmíi` fa' e nijmití' na' jalé' ta` quiá' Fidiéé' jogui e nijmití' na' cajo jalé' ta` seáng' jmiguiá' cuu` fí jmigüi'.

¹⁴ Jo mi` canúu` jaléng' dsea` Israel i líng' dsea` fariseo e cajíng' Jesús jalé' e júu` na, joba' dsifí lajob canaaiñ` e lóoiñ` dsea` do, co' eáam` lí' dsíñ' jalé' cuu` quiá'r̄. ¹⁵ Jo lalab cajíng' Jesús casí'̄ jaléng' i dsea` do:

—'Nua'bing' i tí' dsí' i ngí' jmíjlong' yaang` e ee` na' røø` fí quini` jaléng' dsea` jmigüi', jo dsu' Fidiéé' dsea` guiing` ñifí` ñiñi`bre guiá` jial líng` na' lajaang` lajaang` na'. Jo jalé' e jmí'gó' dsea` eáang` fí jmigüi` la, dseáng' 'ní' níim` Fidiéé' jalé' e jo.

Eáam` níng` jalé' júu` quiá' ta` quiá' Moí`

¹⁶ Jo mi` cangí e cajíng' Jesús lajo, jo casí'̄ guir jaléng' i dsea` do jo cajíñ':

—Mi` cajá` Juan i seáang` dsea` jmíi', lajii' júu` quiá' ta` quiá' Moí` ba' mi` sea` cóo'̄ gui jalé' júu` e café' i dsea` i café' cuaiñ` quiá' Fidiéé' malí`gui eáang'. Jo latí' ie` job` jáa' e guiá' dsea` júu` quiá' Fidiéé' quiá' jial líng` dsea` do dsee` quiá' dsea` jmigüi` jogui jial iñ` nicár` nifí' quiá' lajaang` lajaang` dsea`. Jo latí' ie` job` cuø' bí' yaang` dsea` e nitíñ' fí quini` Fidiéé'.

17 'Jō eáang'gui ja` huíng' e ni'íng' guóo' uó' jmiǵüî e laco'gui ja` niliti~ fa' camí' júu^ quiá' ta~ quiá'~ Moi~.

Mi~ ca'e' Jesús e ja' cuóong' e nitiúung' rúng' dsea' i nisicúng' guó'
(Mt. 19:1-12; Mr. 10:1-12)

18 Jō mi~ cangî e cajíng' Jesús lajō, jō casí'~ guir jaléng' i dsea` do jō cajíñ'~ lala:

—Song jaang` dseañu` catiúuiñ~ dseamî quiá'r~ jō nicúng'tur guóor` cōo'~ jaang'gui dseamî i jíéng', jōba' 'lée'bre jóng' fí' quini~ Fidiée~, cō' dseeb~ éer'. Jōgui i dseañu` i cúng' guoo' cōo'~ jaang` dseamî i catiúung' dseañu` quiá', jōba' 'lée'bre cajo, cō' dseeb~ éer' fí' quini~ Fidiée~.

Jaang` dseañu` i sea` cuu~ cōo'~ jaang` dseañu` i tiñíng'

19 Jō mi~ cangî e cajíng' Jesús jalé' e júu^ na, jō casí'~ guir jaléng' i dsea` do jō cajíñ'~:

—Cōo' nées' caliséng' jaang` dseañu` i sea` cuu~ eáang', jō dsíng' jlo'^ jalé' sî'r^ e quier', jōgui lacoō' jmiñ~ jmáng' jmiñ' 'ñia'r'. 20 Jōgui cajo seeng' jaang` dseañu` dsea` dsées' i siî Lázaro i tiñíng' eáang' i líng' 'mi' latøng'. Jō lacoō' jmiñ~ gua i dsea` dsées' do fí' o'ná^ quiá'~ i dsea` sea` cuu~ do 21 e güijer' fa' niñiñ' nidó'r~ jalé' e sojiú' 'ni' mes~ quiá'~ i dsea` sea` cuu~ do lajee~ guiiñ' e gø'r'; jō jî'gui jaléng' dsii dsilíng'~ne' e 'lu're' lacaang' lí' lí' 'mi' quiá'~ i dsea` dsées' do. 22 Jō cōo' mi~ caguié~ jmiñ~ e cajúm~ i dsea` dsées' do, jō casíng' Fidiée~ jaléng' ángeles quiá'r~ jō cató' reiñ' do fí' lí' guing' Abraham fí' ñiff'. Jō jō huóø~ ngó~ mi~ cajúng' Lázaro jō cajúm~ i dsea` sea` cuu~ do cajo. Jō jaléng' dsea` rúñ' cangojéeng'neiñ' do fí' codsiî' jō ca'áam~breiñ' do.

23 'Jō mi~ cajné~ dsí' i dsea` sea` cuu~ do fí' jmiǵüî cōo', jōba' fí' lí' 'lib'^ ni'iuuiñ~ jóng, jō nicár~ jalé' iihuí'. Jō lajee~ jō caséer' nir~ fí' yá'^ jō cangáiñ~ Abraham cōo' Lázaro e neáaiñ' do colíng' fí' ñiff'. 24 Jōba' canaang' i dsea` sea` cuu~ do áíñ' i dsea` do jō casí'~reiñ': "Tea~ Abraham, fí' güilín' jnea~ jō síng'go Lázaro fa' nicuó'r~ jnea~ capí'^ jmiñ, cō' nili'lea' nisi'i, cō' dsíng'~ quiee~ iihuí' e fí' ni' jî' la." 25 Jōba' cañí' Abraham quiá'~ i dsea` sea` cuu~ do jō casí'~reiñ': "Jóo'o, téé' o', eám' juguiá~ cateaang' 'nu' fí' jmiǵüî, jōgui Lázaro eám' cangár~ iihuí' lajee~ jō. Jō lanaguiba' niní' Lázaro juguiá~, dsu' 'nu' nabî nicatî' i' e nimó'^ jalé' iihuí'. 26 Jōgui jíi'~ jaang' jneaa'aa' ja' cuóong' ngíng'~naa' lacataang' cataang', cō' cōo' 'ni' e a' eám' lí' jee~ laco' teáang'~na' jōgui laco' néé' jnea'^, jō ja' cuóong' fa' i dsea` neáang' la ningíñ' fí' na o'gui i dsea` teáang'~na cuóong' jalíñ' fí' la."

27-28 'Jōba' cañí' i dsea` sea` cuu~ do quiá'~ Abraham jō casí'~reiñ': "Su ja' jjeé' o', Tea~ Abraham, fa' niguiéen' Lázaro fí' jmiǵüî fí' lí' neáang' 'ñíng' rún' n dsea` ngáang'~ cōo'~o e nidsijmées'~reiñ' júu^ jial niteáíñ' fí' jmiǵüî, jō lajōba' nitíñ'~ fí' lí' guíá' mi~ nijúuiñ~, jō ja' nijalíñ' fí' lí' iuun~ lana e quiee~ jalé' iihuí'." 29 Jōba' cañí' Abraham quiá'~ i dsea` sea` cuu~ do jō casí'~reiñ': "Dob sea` jalé' jî' lí' fé' jalé' júu^ quiá'~ Moi~ cōo'~gui jalé' júu^ quiá'~ jaléng' dsea' i café' cuaiñ' quiá'~ Fidiée~ mali~gui eáang', jō güijmitir~ jalé' e jō." 30 Jō cañí'tu i dsea` sea` cuu~ do jō casí'r~ Abraham: "Lajōb lí', Tea~ Abraham. Dsu' eáang'gui ja' huíng' niquí'~ nijíng' yaaiñ' fí' quini~ Fidiée~ fíng song caguiéng'~ jaang' 'lí' jō niguiár~ júu^ e~ jalé' iihuí' e cá' dsea' fí' la." 31 Jōba' cañí'tu Abraham quiá'~ i dsea` sea` cuu~ do jō casí'~reiñ': "Song ja' jíi'r' o'gui já'~ líiñ' jalé' júu^ quiá'~ Moi~ cōo'~gui jalé' júu^ quiá'~ jaléng' dsea' i café' cuaiñ' quiá'~ Fidiée~ mali'gui eáang', jōba' lajōb ja' nilijí'r' o'gui já'~ nilíñ' cajo nañí' fa' jaang' 'lí' nijí'r' jō niguieng'tur fí' jmiǵüî calé' catú'."

17

Jial dseáang' e nijiúng' dsea' fí' ni' dsee-
(Mt. 18:6-7, 21-22; Mr. 9:42)

¹ Coo` née'~ cajíng'~ Jesús casí'r~ jaléng' dsea` quiá'r~:

—Contøøm~ nilisea` jalé' e sea` fí' jmi'güi' e nijmé~ e nijiúng' dsea` fí' ni' dsee~, jo dsu' e ngi' fíi~ i dsea` i nijmé~ e niténg' jaang'gui dsea` rúíñ' fí' ni' dsee~. ² Jo i dsea` i nijmé~ lajo, guiá~gui ni'uúing~ quiá'r~ e ni'ñú' dsea` fí' moluur' coo` cuu` fé' jo nidsibíñ~ fí' é' jmi'ñí' e laco'gui e nijmér~ e niténg' fí' ni' dsee~ jaang' dsea` i ja` mí' ngóo' eáang' já' líng' júu^ quié~e. ³ Joba' dsíng'~ 'né~ ñiing~ óo'na' cóo'~ jalé' e jmoo'na'. Jo song jaang' dsea` rúng'na' ca'ée'r dsee~, joba' síi'na'r e ja` dseeng' e jmér~ lajo. Jogui song caquí'~ jíng' 'ñia'r fí' quini' Fidiée' uíi' e dsee~ do, joba' íng'na' dsee~ uii' quiá'r~ jóng. ⁴ Jo doñí' fa' ca'lée'r quií'na' guié~ née'~ lajee' coo` jmi'~, jogui guié~ née'~ cajár~ cajasíi'r~ 'nu': “Íng' dsee~ uii' quié~e quiá'~ jalé' e nicajmeáan'~ n'nu', dsu' lana jo` nijmee~guí'”, joba' 'nú' 'né~ íim'ba' dsee~ uii' quiá'r~ lacoo` née'~ e jár~ jamíi'r~ 'nú' jmi'ee'.

Jial 'gøng' mi' já' líng' dsea' jalé' júu^ quiá'~ Fidiée'

⁵ Jo mi' cangí' jo, cajíng'~ i dsea` guitúung' do casí'r~ Jesús:

—Jmee~ e já'~ nilíng'guí' jalé' júu^ quií'~.

⁶ Joba' cañí' Jesús casí'r~ i dsea` quiá'r~ do:

—U~, fa' cóo'~ capí'ba' e já'~ líng'na' júu^ quié~e, joba' cuøøm' nifi'na' e 'ma' fé' si' la e niráang~ 'ñia' catí' jmó^ jo nidsisíng' 'ñia' fí' ni' jmi'ñí', jo dsifí' lajob niliti' jalé' e ta' e niquíú'na' do.

E~ jalé' e catíng' e nijmé~ jaang' dsea' 'léeng'

⁷ Jo mi' cangí' jo, jo cajíng'~ gui Jesús e júu^ la:

—Fa' 'nú' seeng' jaang' dsea' 'léeng' quií'na' i jmóo' jalé' ta' caluu' cóo'~ jalé' ta' sínúu^ quií'na', jo lacoo' jmi'~ mi' niniúíñ' ta' jii' osi ta' ní' güitá' é, ja' nitøø'na'r e ni'í' nidó'r~ cóo'~ 'nú', ⁸ co' niquíú'na're ta' jo nifi'na'r: “Guiá~ guiá~ e nidóø'ø jo ningán'~ fí' quini' jalé' e jo. Jo mi' níngí' joguiba' ni'u^ nicø'^ 'nu' uø'.” ⁹ Jo mi' cató' e jmóor' jalé' e jo, ja' ngíiñ' gui'máang'~ quiá'~ fiir~, co' jíi'~ do ta' quiá'~bre. ¹⁰ Jo lajob catíng'~ nijméé' 'nú' cajo mi' níngí' e jmití'na' jalé' ta' quiá' Fidiée', co' 'né' fo'na': “Jíi'~ dsea' 'léeng' lí' jnea'^, co' ja' caquí'~naa' jmi'~ e nijmó'naa' lí'gui, co' lico' nicajmó'naa' jíi'~ laco' catíim'baa'.”

Mi' cajmi'leáang' Jesús guíng' dsea' i líng' jmohu' 'li'

¹¹ Jo mi' cangí' jo, lajee' iuung~ Jesús fí' e ngóor' fí' Jerusalén, cangíiñ' jee' uø' lí' iáng' Samaria cóo'~ Galilea. ¹² Jo mi' cangíiñ' coo' 'ni' fíi', job ca'uøøng' guíng' dsea' dsée'~ i líng' jmohu' 'li' fí' ngúu' táang'. Jo mi' cangáiñ' Jesús, huíib~ cajer' e áiñ' dsea' do ¹³ jo casí'r~:

—iTifa' Jesús, fíi' güilín' jnea'^ e lí'naa' lala!

¹⁴ Jo mi' canúu~ Jesús e tó' i dsea' do, dsifí' ladob casí'~ reiñ':

—Güilíng'na' güjjeaang~ yaang'na' fí' quini' jmidsea' lí'^ laco' ta' quiá' fí' ní' jì quiá'~ Moi'.

Jo dsifí' ladob caquíng'~ laji' guíng' i dsea' dsée'~ do e nijmitir~ lajii'~ ta' caquíu' Jesús. Jo lajee' teáaiñ'~ fí', ladob ca'láaiñ'~ lajii'~ jmohu' e líiñ' do. ¹⁵ Jo dsifí' mi' calilí' jaang' i dsea' dsée'~ do e ca'láaiñ'~, dsifí' lajob caquíng'~ tuj' fí' lí' síng' Jesús jo canaaiñ'~ jmiféiñ' Fidiée' e ngocáng' dsíir'. ¹⁶ Jogui casí'r~ uø' jnir~ fí' quini' Jesús, jo catúuiñ' car' cajnúu~ nir~ tí' ni' uø~, jo lajob cacuø'r' gui'máang'~ dsea' do e cajmi'leáang'~neiñ'. Jo i dseañu' do seeiñ' fí' Samaria,

dsea`i`n1` níng` rúng` cóo`~ dsea` Israel. ¹⁷ Joba` cajíng`- Jesús casí`r`- i` dseañu` do:

—¿Su o` guíng`- 'nú` tí`na` dsea` ca`láang`-na` lajii`~ jmohuí` e lamí` líng`na`? Jo` ¿jnan`g`gui` i` ñúng`-gui` do? ¹⁸ ¿Su jii`~ 'nub` dsea` seen` fí` Samaria dsea` cañijmiféng` Fidiéé` dsea` guíng`~ ñifí`?

¹⁹ Joba` cajíng`- Jesús casí`r`- guir` i` dsea` do:

—Ráan`- jo` guóng` fí` quí`- , co` nica`láam`-ba` lajii`~ jmohuí` e lamí` lin` , co` jáb`- calín`- lajii`~ júu` quíé`-e.

*Jial mi` nijáa`tu` Dsea` Jmáang` fí` jmigüü` la
(Mt. 24:23-28, 36-41)*

²⁰ Jo` cajmingüü`tu` dsea` Israel i` líng` dsea` fariseo cajmingüü`r`- Jesús jo` cajíñ`-:

—¿Lí` nináng` e nicá` Fidiéé` nifí` quíá`- jaléng` dsea` jmigüü`?

Joba` cañí` Jesús quíá`- i` dsea` do jo` casí`-reiñ`:

—Mí` nináng` e jo` jee` jaléng` dsea` jmigüü` , ja` lí` la lí` coo` e cuóøng` lí` jóø`na` ; ²¹ o`gui` cuóøng` nijíng`- dsea` : “Lab canaang” , osi “Dob canaang` é” ; co` latí` lanab` ninaang` e quíé` Fidiéé` nifí` jee`- 'nú` .

²² Jogui` canaang` Jesús sá`r` jaléng` i` dsea` quíá`r`- do jo` cajíñ`-:

—Niguiéé` jmü` mi` nili`iing`na` e nimáang`gui` jnea` , dsea` i` jáa` fí` ñifí` e lín`n` jaang` dsea` jmigüü` , jo` dsu` jo` quí`- jmü` fa` e nimáang`gui` jnea` , co` jo` seen` fí` jmigüü` la ie` jo` . ²³ Jogui` fíng` dsea` nijmigóor` jo` nijíñ`- : “Fí` lab táaiñ`” , osi : “Fí` dob táaiñ` é” , dsu` ja` já`- güilíng`na` , o`gui` güilíng`na` fí` lí` nitó`r`- 'nú` . ²⁴ Dsüco` la jnéeng` fí` yá`^ jmigüü` mi` jmijneá` güi`ñiá`^ jire` , lajob` nilí` mi` nigáa`túu` fí` jmigüü` la , jnea` dsea` lín`n` jaang` dsea` jmigüü` i` jáa` fí` ñifí` . ²⁵ Jo` dsu` ná`-gui` e nidsijéé` jalé` e jo` , 'né` nicaa`- jalé` iihuú` , jo` fíim` dsea` jmigüü` nilí` 'n1` níñ`- jnea` . ²⁶ Jo` laco` calí`- mi` cateáng` Noé fí` jmigüü` la malí`gui` eáang` , lajob` nijmé`- dsea` jmigüü` cajo` lajee` ná`-gui` e nigáa` jnea` calé` catú`- fí` jmigüü` , jnea` dsea` lín`n` jaang` dsea` jmigüü` i` jáa` fí` ñifí` . ²⁷ Co` ie` jo` cajmée` dsea` e jo` e guíng`- dsíir` e jie` , co` lico` guíng`- dsíir` quíá`- jii`~ e ni`í`- nidó`-bre jogui` quíá`- e nicúng`- guó` jóor` ; jo` lajob` cajmээр` cartí` mi` caquiú` Fidiéé` ta` quíá`- Noé e ni`ír` cóo`~ dsea` sinúu` quíá`r`- fí` dsíi` e móo` e nicajme`r` do . Jo` lajee` jo` catí` í` e tuu` jmá` jo` ca`á` jmü` la`úng`- fí` jmigüü` , jo` jalém` dsea` jmigüü` cajúñ`- ie` jo` . Jo` dseáng`- jii`~ Noé cóo`~ dsea` sinúu` quíá`-bre caláaiñ`- ie` jo` . ²⁸ Jo` lajob` cajmée` dsea` cajo` mi` cateáng` jaang` i` calisí` Lot fí` jmigüü` la ; jo` ee` guíng`- dsíir` e jie` , co` lico` guíng`- dsíir` jii`~ e ni`í`- nidó`-bre cajo` , jogui` e teaaiñ`- ta` 'nii` jogui` ta` láa` jalé` e sea` fí` jmigüü` , jogui` jmóor` ta` jni` jalé` e sea` jogui` ta` jmo` jalé` 'núu` e jlo`^ cajo` . ²⁹ Jo` coob` mi` caquiú` Fidiéé` ta` e cagüi`fí` Lot fí` fii` Sodoma , jo` jmü` job` cajmээр` e cajíá` jii` e quíéng` azufre fí` yá`^ jmigüü` , jo` lajoba` ca`ím`- conguaí` lajaléng` i` dsea` i` neáang` fí` fii` Sodoma ie` jo` . ³⁰ Jo` laco` cajmée` dsea` ie` jo` , lajob` nijmé`-tu` dsea` jmigüü` mi` tí` lí`- nijaquíéeng` e nigáa`túu` fí` jmigüü` la , jnea` dsea` lín`n` jaang` dsea` jmigüü` i` jáa` fí` ñifí` .

³¹ 'Jo` mi` niguiéé` e jmü` jo` , ii` dsea` i` taang` fí` caluu` osi fí` yá`^ 'núu` é , óøng`-gui` quíá`r`- güicuüi`-bre jo` ja` güi`fí` dsíir` fa` e niquüñ` e nidsi`uóør`- jalé` e sea` quíá`r`- . Jogui` ii` dsea` i` táang` fí` lí` jmóor` ta` quíá`r`- , óøng`-gui` quíá`r`- güicuüi`-bre jo` ja` güi`fí` dsíir` fa` e nidséng`-guir` fí` quíá`r`- . ³² Jo` téé` óo`na` jial` cangongíng`-dseamí` quíá`- Lot mi` cajóør`- jial` sojiú` jii` jee` fii` Sodoma . ³³ Jo` jaléng` dsea` i` líng`- e quíi`-bre jmü` e nileáng`- yaaiñ` , joba` í`bing` i` nijúung`- mi` nití` í` lajo` . Jogui` jaléng` dsea` i` lí` e ja` quí`r`- jmü` e nileáng`- yaaiñ` , joba` í`bing` nitíng`- fí` quini` Fidiéé` mi` nití` í` lajo` .

³⁴ 'Joba` fii` i` 'nú` lana , mi` niguiéé` e oor` jo` , gáng`- dsea` teiñ` jmi`íñ` fí` ni` co`ma` ; jo` jaaiñ` do nijér`- , jogui` jaang`guir` nidséiñ`- cóo`~ jnea` fí` ñifí` .

³⁵ Jo gáng- dseamí i teáng- dsí colíng-; jaaiñ- do nijér-, jogui i jaang`gui do nidséiñ- cóo- jnea-. ³⁶ Jo gáng- dseañu- taaiñ- colíng- e jmóor- ta- quiá-r-; jaaiñ- do nijér-, jogui i jaang`gui do nidséiñ- cóo- jnea-.

³⁷ Jo mi- canúu- jaléng- i dsea- do e cajíng- Jesús lado, joba- cajmingi-r- dsea- do lala:

—Fíi, ¿jie- fi- li- nidsijée- jalé- e jo, faa-aa'?

Joba- cañi- Jesús quiá- jaléng- i dsea- do jo cajíñ-:

—Jié- li- róo- nguú- jmé-, fi- job- li- niseáng- jaléng- tujlí-.

18

Mi- ca'e- Jesús quiá- jaang`dseamí i 'nñ-

¹ Jo mi- cangí- jo, canaang- Jesús e-r- jaléng- i dsea- do cóo- júu- ja- e lafa- júu- cuento, jo ca'e-reiñ- e 'né- féiñ- Fidiée- contøng- e ngocáng- dsír-, ² jo lalab- casí-r-:

—Coo- née- caliséng- jaang- dsea- i quidsí- í- fi- cóo- fi-, jo i dsea- do ja- ee- jmiféiñ- Fidiée- jí- capí- o'-gui jmi'gór- jaléng- dsea- rúíñ-. ³ Jo fi- job- niseeng- jaang- dseamí i 'nñ-, jo ninicajméer- mñ- cóo- jaang- dsea- góor-. Joba- i dseamí do contøm- dséer- fi- quiá- i dsea- i quidsí- í- do e dsimñ-reiñ- fa- e niquidsiñ- do í- lají- e lí- seeiñ-. ⁴ Jo huøø- jiu- cangoca- ja- ee- jmijí- i dsea- i quidsí- í- do lají- júu- quiá- i dseamí do, jo dsu- cóo- mi- ca-í- dsír-: “Ja- iing- jnea- jmifén- n Fidiée- o'-gui jmi'goo- jí- jaang- dsea- jmigüí-, ⁵ dsu- ná- gui e niguiá- féng- dsii- cóo- i dseamí 'nñ- la, nijmi'øm- baar e laco- jo- ningí- guir- ta- jmiguíng- jnea- laco- jmi-.”

⁶ Jo mi- calí- e cajíng- Jesús e júu- na, jo casí-r- jaléng- i dsea- do jo cajíñ-:

—Lanab- jí- lí- e cajíng- i dsea- i ja- quidsí- í- laco- catíng- do. ⁷ Jo dsu- eáang- gui jmi'øng- Fidiée- jaléng- dsea- quiá-r- i féng- í- uøø- jmñ-. ⁸ Co- fi- i 'nú- e ja- nijmi'ññ- lají- jmi-ee- e nilimí-r-. Dsu- mi- nigáa-tu- jnea- calé- catú-, jnea- dsea- lín- n jaang- dsea- jmigüí- i jáa- fi- ñif-, ne- duu- su niguiéng- guí- cóo- tú- mñng- dsea- i ja- líng- júu- quié- e.

Mi- ca'e- Jesús júu- quiá- jaang`dsea- fariseo cóo- jaang`nodsicuu-

⁹ Jo mi- cangí- jo, ca'e- gui Jesús cóo- gui júu- e catíng- jaléng- i dsea- i jmóo- ta- jmicøng- yaang- jogui e gøøm- níiñ- dsea- caguaang-, jo lalab- casí-r- i dsea- í-:

¹⁰ —Coo- née- cangolíng- gáng- dseañu- e cangoféiñ- Fidiée- fi- guá-: jo jaaiñ- do líiñ- dsea- Israel i líng- dsea- fariseo, jo i jaang- do jmóor- ta- mí- cuu- e catíng- dseata- seeng- fi- Roma. ¹¹ Jo laco- sim- i dsea- Israel i líng- dsea- fariseo do mi- canaaiñ- fé-r- fa- quiá-r- jo cajíñ- lala: “Fidiée- qui-ii-, gui-máam- ba- leáang- co- ja- líng- jnea- laco- líng- dsea- caguaang-; co- seeng- dsea- i jmóo- ñ- jogui seeng- dsea- i soo- dsí- jogui seeng- dsea- i ngí- léé- e güññ- cóo- dseañu- osi dseamí i o- quiá-r-. Jogui ja- lín- n jí- capí- laco- líng- 'ná- nodsicuu- i sing- do. ¹² Co- jnea- jmóo- o- ayuno tú- née- laco- seaman-, jogui cuøø- baa- 'nú- lají- e sea- jiu- quié- e laco- gui- ta- huí- fi- ni- jí- quiá- Moí-.” ¹³ Jo lajee- fé- i dsea- Israel i líng- dsea- fariseo do lado, huím- jiu- cajé- i nodsicuu- do, jo ja- cateá- dsír- fa- caséer- nir- fi- yá-, jo lico- catú- gui- bre- jo canaaiñ- quiá-r- nidsír- jo lajee- jo fé-r-: “iFíi Fidiée- dsea- guin- ñif-, íng- dsee- uii- quié- e, co- dsea- dsee- dsea- quib- lín- n!”

¹⁴ Jo lalab- cajíng- gui Jesús:

—Lala- fi- i 'nú- e íaam- dsí- i nodsicuu- do mi- cangáñ- fi- quiá-r-, co- nica- íim- Fidiée- dsee- quiá-r-, jo dsu- ja- ca- líng- re-r- dsee- quiá- i dsea- fariseo do. Jo lajob- nidsingíng- jaléng- dsea- i jmicøng- yaang-, co- í- bing-

i nicá' fi'í', jo dsu' jaléng' dsea' i ja' jmicóong' yaang' jii' capí', í'bing' i niliniing' gui fi' quini' Fidié' mi' nití' í' lajo.

Mi' cajmigüeang' Jesús jaléng' jiuung'
(Mt. 19:13-15; Mr. 10:13-16)

¹⁵ Jo mi' cangá' jo, fíing' dsea' caguiliñ' e jéiñ' jaléng' jiuung' quiá'r' fi' lí' táang' Jesús e iñ' e nijmigüeang' dsea' do jaléng' i jiuung' do. Jo mi' cangá' i dsea' guitúung' do e jmóo' dsea' lajo, joba' canaaiñ' 'gaam'bre quiá' jaléng' i sejmii' i jiuung' do. ¹⁶ Jo dsu' dsifí' ladob cató' Jesús jaléng' i dsea' quiá'r' do jo casí' reiñ':

—Cuóø' na' fi' jaléng' i jiuung' na güijaliñ' fi' la, jo ja' jniing' na' quiá'r'. Dsuo' jaléng' dsea' i líng' laco' la líng' i jiuung' na, í'bing' i catúng' e Fidié' quie' nifí' quiá'r'. ¹⁷ Jo jnea' jmitaa' óo' na' e dseáng' ii' i ja' iing' ni'íng' e Fidié' nicár' nifí' quiá'r' laco' gui íng' jaang' jiuung', joba' ja' toø' jmii' e ni'íng' Fidié' dsea' do cajo.

Mi' casíng' Jesús cóo' jaang' dseañ' i sea' cuu'
(Mt. 19:16-30; Mr. 10:17-31)

¹⁸ Jo mi' cangá' jo, cangoquíeng' fi' lí' táang' Jesús jaang' dseañ' i líng' jaang' fi' quiá' jaléng' dsea' i néé' ni' guá' quiá' dsea' Israel, jo cajming' r' dsea' do jo cajíñ':

—Tifa' i guiá' dsí', ¿e' 'né' nijmee' e laco' nilí' i e niliseen' cóo' Fidié' car' ngong' jmii'?

¹⁹ Joba' cañí' Jesús quiá' i dseañ' do jo casí' reiñ':

—¿Jialí' fi' jnea' e guiá' dsii'? Co' jii' Fidiéeb' dsea' guing' ñifí'bing' i líng' lajo. ²⁰ Jo niñib' 'na' jalé' júu' quiá' ta' quiá' Fidié' e fé' lala: "Ja' lee' e güín' cóo' dseam' osi dseañ' i o' quí'"; ja' jngán' dsea' rún'; ja' jmée' ii'; ja' cá' júu' e o' já'"; jogui' jmí'goo' tiquí' cóo' niquí'."

²¹ Jo dsifí' ladob cañí' i dseañ' do quiá' Jesús jo casí' r' dsea' do:

—Lajaléb' e jo nicajmé' e ná'u' u' lati' jii' mi' simim' baa.

²² Jo mi' canúu' Jesús e cajíng' i dseañ' do lado, jo dsifí' ladob cañí' t'ur quiá'ñ' do jo casí' reiñ':

—Coo' gui 'né' e nijmití': guóng' fi' quí' jo güi'niñ' lajalé' e sea' quí', jo e nilí' quiá' e jo güijmee' guié' jee' jaléng' dsea' tiñíng', jo joguiba' nilisea' juguiá' quí' mi' nití' fi' jmigüí' cóo'. Jo mi' calí' e nijmé' lajo, joguiba' niñí' jo dsé' ee' cóo' jnea' jóng.

²³ Dsu' mi' canúu' i dseañ' do e cajíng' Jesús lado, dsíng' calí' jiuung' dsíur', co' dsíng' sea' cuu' quiá'r'. ²⁴ Jo mi' cangá' Jesús e calí' jiuung' dsí' i dseañ' do dsu' canúur' lado, joba' dsifí' ladob casí' r' jaléng' i dsea' i teáng' do jo cajíñ':

—Dsíng' huíng' lí' quiá' jaléng' dsea' sea' cuu' e nijáng' yaaiñ' fi' jaguó' Fidié' e laco' dsea' do nicá' nifí' quiá'r'! ²⁵ Jo eáang' gui ja' huíng' e jaang' jó' camello ningíng' ne' fi' dsí' too' jmini' mocuu' e laco' gui jaang' dsea' sea' cuu' nijáng' 'ña' r' fi' jaguó' Fidié' e laco' dsea' do nicá' nifí' quiá'r'.

²⁶ Jo mi' canúu' jaléng' i dsea' i teáng' do e cajíng' Jesús lado, dsifí' ladob cajming' r' dsea' do jo cajíñ':

—Jo ¿i' jaléng' i nitíng' fi' quini' Fidié' jóng song lajobi' nilí'?

²⁷ Joba' cañí' Jesús quiá' jaléng' i dsea' do jo casí' reiñ':

—Jalé' e ja' quí' dsea' jmigüí' jmii' nijmér', lajib' cuóøng' lí' jmé' Fidié' dsea' guing' ñifí'.

²⁸ Jo mi' canúu' i Tú' Simón do e cajíng' Jesús lado, jo dsifí' ladob casí' r' dsea' do jo cajíñ':

—Fí'i, jnea^, dsea` ngí'naa' contøøng` cõo~ 'nù, nìcatá^baa' lajalé` e sea` quí~naa', cõo` ii~naa' e ngí'naa' cõo~ 'nù` latab`.

²⁹ Jõba' cañí` Jesús quiá^- ì Tú^ Simón do jõ casí^- reiñ':

—E já^- e fíi` 'nú', doñí` ìi` 'nú' catúuna' 'nú'na', õsi ca'naang`na' quiá^- tiquí^na' õsi niquí^na' õsi jaléng` rúng`na' õsi dseamí` quíi`na' õsi jaléng` jõõ`na' é dsu' uíi~ e nicajáang`~ yaang`na' fí` jaguó` Fidiéé` e laco' quier` nifí` quíi`na', jõ ìi` dsea` ì nijmé` lajõ, ³⁰ f'bing` ì niñíing` jalé` e 'nér` fí` jmigü` la; jõ mi~ nití` fí` jmigü` cõo, niñíiñ` e niliseeiñ` cøøng` cõo~ dsea` do lata`.

*Mi~ cajméé`tu Jesús júu^ e nijngáng`^- dsea` ír`
(Mt. 20:17-19; Mr. 10:32-34)*

³¹ Jõ mi~ cangí` jõ, lajee` iuung` Jesús fí` e ngóor` fí` Jerusalén cõo~ jaléng` dsea` ì ngolíng` cõo`r~, jõ lajee` jõ cõo' cató^- bre ì dsea` guitúung` quiá`r^- do jõ casí^- reiñ':

—Lana ningóo`o fí` Jerusalén fí` lí` niliti~ jalé` júu^ e cajíng`^- uii~ quié`e jaléng` ì dsea` ì café` cuaiñ` quiá^- Fidiéé` malí`gui eáang`, jnea~ dsea` gáa`a fí` ñifí` e lín`n jaang` dsea` jmigü`. ³² Jõ fí` jõb lí` nijáng` jaléng` dsea` góo`naa' jnea~ fí` jaguó` jaléng` dsea` ì ja` cuíng` Fidiéé`. Jõ jaléng` ì dsea` í` nilõõiñ` jnea~ jõguí` nijmineaiñ`^ jnea~ jõguí` ni`ñíiñ` jnea~ ³³ jõ nijmihuñiñ` jnea~ la tíi` e já` dsíir` cartí` nijngáiñ`^- jnea~; jõ dsu' mi~ nití` 'ní` jmíi~ lajõ e nijngáng`^- dsea` do jnea~, jõba' nijíb`^túu` calé` catú`.

³⁴ Jõ mi~ canúu^- ì dsea` guitúung` do e cajíng`^- Jesús lado, jüi~ camí`^ júu^ ja` cangáiñ`^ o`gui ñir` e~ uuing` quiá^- e café` dsea` do lado.

*Mi~ cajmí`leáang`^- Jesús jaang` dsea` tiuung`^- fí` Jericó
(Mt. 20:29-34; Mr. 10:46-52)*

³⁵ Jõ mi~ cangí` e casíng`^- Jesús cõo~ ì dsea` guitúung` do, catam`-tur fí` teáiñ`~ jõ caguiliñ`^- quiá^- cõo` fíi` lí` sii` Jericó. Jõ 'ni` fí` niguiing`~ jaang` dsea` tiuung`^- e mir` jalé` e 'nér` cõo~ jaléng` dsea` ì ngíng` e fí` lí` guiiñ` do. ³⁶ Jõ mi~ canúu^- ì dsea` tiuung`^- do e dsíng`^- fíng` dsea` guijalíng`^- fí` lí` guiiñ`, jõ cajmíng`í`r^- ì dsea` ì ngíng` quiá^- do e`guí` calí` e jalíng`^- fíng` dsea`. ³⁷ Jõba' cajme` dsea` júu^ ì dsea` tiuung`^- do e Jesús dsea` seeng` fí` Nazaret gui`ná`^ ngíiñ` fí` do cõo~ dsea` quiá`r~. ³⁸ Jõ mi~ canúu^- ì dsea` tiuung`^- do lado, jõ canaaiñ` áiñ` Jesús jõ casí`r^- dsea` do:

—¡Jesús, siju` dseata~ Daví`^, fíi` güilín` jnea~!

³⁹ Jõ dsu' mi~ canúu^- ì dsea` ngolíng`^- nifí` do e canaang` ì dsea` tiuung`^- do e áiñ` Jesús, jõba' canaaiñ` 'gaam`bre quiáiñ`^- do e laco' jõ` nifé`guiiñ` lajõ. Jõ dsu' ì dsea` tiuung`^- do lí` lí` teá`gui canaaiñ` am`bre dsea` do jõ fé`tur lala:

—¡Jesús, siju` dseata~ Daví`^, fíi` güilín` jnea~!

⁴⁰ Jõ dsifí` mi~ canúu^- Jesús e tó` ì dsea` tiuung`^- do, dsifí` ladob cajer`, jõ caquiur` ta~ e cangotéé` dsea` ì dsea` tiuung`^- do jõ cangojéeng`neiñ` tí` quiá^- lí` sing` Jesús. Jõ mi~ caguiéiñ`^- do quiá^- , jõ cajmíng`í`reiñ':

⁴¹ —¿E~ iin` e nijmee` e quií`?

Jõba' cañí` ì dsea` tiuung`^- do jõ casí`r^- Jesús:

—Fí'i, iin`n e nijméé`^ e nilijné`baa.

⁴² Jõba' cañí` Jesús casí`r^- ì dsea` tiuung`^- do:

—¡Güilijné` jõ! Jõ nica`láam`ba, cõo' jáb`^- nicalín`^- júu^ quié`e.

⁴³ Jõ dsifí` lajõb calijné` ì dsea` tiuung`^- do, jõ canaaiñ` jmiféiñ` Fidiéé` lajee` e ngóor` cõo~ Jesús. Jõ jaléng` dsea` ì cangá` e cajméé` Jesús ie~ jõ, cajmifém`bre Fidiéé` cajo.

19

Jesús cóo' jaang' nodsicuu' i sii' Zaqueo

¹Jō mi~ cangf̄ jō, caguiéb̄ Jesús fí Jericó. Jō mi~ cangf̄iĩñ' jee~ fiĩ, dsíng' f̄iĩng' dseá caseáiñ'. ²Jō e fí jō niseeng' jaang' fii' jaléng' nodsicuu' i sii' Zaqueo i sea' cuu' eáang', ³jōgui eáam' iĩñ' do nijmicuíñ' Jesús, dsu' ja' lí'r' niníĩñ' dseá do cō' dsíng' f̄iĩng' dseá caseáiñ' ie~ jō, jōgui Zaqueo líiĩñ' jaang' dseañu' i ja' 'ga' lí' féng'. ⁴Jō mi~ calilí'r' e ja' tíĩñ' fa' niníĩñ' Jesús, jō cangojéem' bre quiá' jaléng' i dseá do, jō cajgóor' fí cō' yá' 'ma' e sii' sicómoro, cō' calilí'r' e fí jōb cuøøng' niníĩñ' dseá do. ⁵Jō jō huøø' lí'ĩñ' cangf̄iĩng' Jesús uii~ e 'ma' lí' dsíng' Zaqueo do, jō cajøøng' neiñ' do lí' dsíĩñ' jō casí' reiñ':

—Jminá' güĩng' lí' dsíĩñ' na, Zaqueo, cō' lana 'né' nijaa' fí quiá'.

⁶Jō mi~ canúu' Zaqueo lajō, guiáb̄ jmóor', jō dsifí ladob cajgáiñ' e cango'fiiñ' Jesús, jō colíim' cangáiñ' cóo' dseá do fí quiá'r'. ⁷Jō mi~ cangá' jaléng' dseá e cangó' Jesús fí quiá' i nodsicuu' i sii' Zaqueo do, dsifí lajō canaaiñ' éeiñ' Jesús, jō fé'r' e dseá do cangojer' fí quiá' jaang' dseá i røøng' dsee' eáang'. ⁸Jō mi~ nineáaiñ' fí quiá' Zaqueo, lalab cajíñ' do casí'r' Fí'naa' Jesús:

—Janú', Fí'i, lana nicuøø' jaléng' dseá tíĩng' condseá' jalé' e sea' quié' e, jō quiá' lajaang' lajaang' dseá i nicajmé' e ð' quiá', lana nijáa' are quiá' 'lé'gui laco' jí' e nicacá' a quiá'r' do.

⁹Jō mi~ canúu' Jesús lajō, lalab casí'r' dseá do:

—Jmii' na niseeng' dseá e fí dsí' sinúu' la i nicaláang' jee~ jalé' dsee' quiá', cō' i dseañu' na nicajmilir' e líim' bre sijū' lí' yúu' Abraham cajo. ¹⁰Cō' jnea~, dseá i jáa' fí ñifí' e líin' jaang' dseá jmigüf̄, cagá' a e lí' laco' caga'nén' n jōgui e cagaleaan' jaléng' dseá i røøng' dsee' fí quini' Fidié'.

Mi' ca'e' Jesús e ta' e cajmée' dseá cóo' cuu' quiá' dseata'

¹¹Jō mi~ cangf̄ jō, lajee' iuung' Jesús fí e ngóor' cóo' dseá quiá'r' fí Jerusalén, jō ca'e'r' jaléng' dseá do cō' júu' já' e lafa' júu' cuento, dsucō' nijaquiéem' e niguilíĩñ' fí Jerusalén, jō fí jōb í' dsí' jaléng' dseá e Jesús niquiá'r' ta~ jee~ jaléng' dseá góor' dseá Israel lí' laco'gui la jmóo' jaang' dseata' dseá féng' i seeng' fí jmigüf̄ la. ¹²Jō lalab casí'r' jaléng' i dseá do:

—Cō' née' caliséng' jaang' dseá 'goo', jō cali'ĩĩñ' e nilíĩñ' dseata' dseá féng' fí cō' fiĩ lí' huú'. Jō mi~ ca'ĩĩñ' e ta~ do, 'né' niquim' tur fí góor', cō' fí jōb lí' nilíĩñ' dseata' dseá féng'. ¹³Dsu' ná' gui e nigüi'fir' lí' nidsi'fiiñ' e ta~ do, catø'r' guíng' dseá 'léeng' quiá'r', jō cacuø'reiñ' do jmá' cō' cuu' e 'mo' eáang' lajaang' lajaaĩñ' jō cajíñ' casí' reiñ': "Jmee' na' ta~ cóo' e cuu' la lajee' ninii' i jō cartí nigüeáng' túu." ¹⁴Jō dsu' jaléng' dseá góo' i dseata' dseá féng' do ja' iĩñ' e nilíĩñ' do e ta~ jō, cō' dsíng' 'ní' níng' neiñ', jōba' casíĩñ' do nifí'gui tú' 'ní' mĩng' dseá i caguijmée' júu' i dseá nija' ta~ do e ja' jí'r' i dseá góor' do fa' e i do nilíng' dseata' dseá féng' quiá'r'.

¹⁵Jō dsu' ja' lí' cacøng', cō' calím' i dseá do dseata' dseá féng' lajii' laco' ta' cahuí'. Jō mi~ cangoyúung' jō, cangám' tur fí góor'. Jō mi~ caguiéiñ' fí quiá'r', jō caquiá'r' ta~ e calité' i dseá guíng' i cacuø'r' cuu' do lamí' ná' gui e nigüi'fir' nidsér', cō' cali'ĩĩñ' e calidseáang' dsíir' jial tí' cuu' nicalíĩñ' do lajaang' lajaaĩñ'. ¹⁶Jō mi~ caguié' i la'uii' do, jōba' cajíñ' casí'r' i dseata' dseá féng' do: "Fí'i, cajmé' baa ta~ cóo' e cuu' e casee' cóo' jnea' do, jō nicalí' baa guí' 'lé'gui e laco' jí' e casee' do." ¹⁷Jōba' cajíng' i dseata' dseá féng' do casí'r' i dseá 'léeng' quiá'r' do: "Eáam' guiá' lajō, 'nub' jaang' dseá 'léeng' i guiúng', cō' tím'ba' jmé' ta~ cóo' capí' cuu', jō lana nicuøø' 'nub' e nilíĩñ' jaang' dseata' quiá' guí' fiĩ." ¹⁸Jō mi~ cangf̄ jō, caguié' jaang'gui i

dsea`'léeng' do, jō casí'r- i dseata` dsea` féng' do jō cajíñ'-: "Fí'i, cajmé-baa ta` cóo' e cuu- e casee' cóo' jnea` do, jō lana nicalí'- i 'ñiá' 'lé'gui lajō." 19 Jōba' cañi' i dseata` dsea` féng' do quiá'- i dsea` 'léeng' quiá'- do jō casí'- reiñ': "Nicuóø`baa 'na` e nilíin'- dseata` quiá'- 'ñiá' fi' cajo." 20 Jō mi` cangí jō, caguié- jaang`gui i dsea` 'léeng' do, jō casí'r- i dseata` dsea` féng' do jō cajíñ'-: "Fí'i, lab quiee` e cuu- qui' e casee' cóo' jnea` do. Ca'meá'baa laco' mi` ca'íin'- n do, 21 co' 'góm'baa 'na`, co' lí' t' o' e sitíng' jalé' ta` jmóo` dsea` jiém'." 22 Jōba' cañi' i dseata` dsea` féng' do quiá'- i dsea` 'léeng' quiá'- do jō casí'- reiñ': "'Nub` jaang` dsea` 'léeng' i fi' i soo` dsí', jō lana nijmiti`baa lajii` e nicafé' na. 23 Song niñ'bi' e sitíin`n cuu- quiá'- jalé' ta` jmóo` jaléng' dsea` jiéng', jōba' 'jiali' ja` caguite' e cuu- quie` e do fi' banco e laco' sea`ba' e dsí' mi` cagüean'- n?" 24 Jōba' caquiá' i dseata` dsea` féng' do ta` quiá'- jaléng' i dsea` i teáng- do jō casí'- reiñ': "Gui`na' cuu- e quier' na, jō cuóø`na' i dsea` i quie` jmiguiá'gui na." 25 Jō mi` canúu- jaléng' i dsea` do e cajíng'- i dseata` dsea` féng' do lado, jō cañiir`lajaléiñ` do jō cajíñ'-: "Fí'naa', jiali' e i na niñiñ', co' gui`gui cuu- niquier'." 26 Jōba' cañi' i dseata` dsea` féng' do quiá'- i dsea` do jō casí'- reiñ': "Niñi`b' 'na` e jaléng' dsea` i sea` quiá'-, jmiguiá'gui nilisea` quiá'-; dsu' jaléng' dsea` i ja` sea` quiá'-, conguiab' ni'íing- e capí' e sea` quiá'-." 27 Jō lana niñiéng`du' jaléng' dsea` i ja` cali'íing- e nilíin`n dseata` dsea` féng', jō nijngáng'na'r fi' quini- la lana."

Mi` ca'í- Jesús fi' jee` fi' Jerusalén

(Mt. 21:1-11; Mr. 11:1-11; Jn. 12:12-19)

28 Jō mi` cangí e ca'e' Jesús jaléng' i dsea` do e júu` na, jōba' ca'íib`tur fi' iuuiñ- e ngóor' fi' Jerusalén. 29 Jō mi` nijaquíéng' e niguiéer' fi' quiá'- cóo' fi' e si' Betania cóo' cóo'gui fi' e si' Betfagé, fi' e née' tñ- mó' e si' Olivos quiá'- fi' Jerusalén, jō fi' jōb casíñ` gáng- i dsea` guitúung` quiá'- do 30 jō cajíñ'- casí'- reiñ':

—Güilíng`du' e fi' e née' quiá'-gui na, jō mi` niguilíng`na' fi' jō, jō nimáang`na' jaang` bú' i sing' 'ñúung` i ja` ii` mi' caguá' jii` jaang`. Jō síng`na're' jō niñiéng`na're' fi' la. 31 Jō song ii` jmíng' 'na' jiali' síng`na're', jōba' nifi`na'r: "E Fí'baa' 'neáng`tear i bú' la lana."

32 Jō mi` cangoyúung' e canúu- i dsea` gáng- do lado, jō cangolíim`bre jóng. Jō mi` caguilíñ- e fi' do, jōb caliti` jii` laco' cajíng'- Jesús lamí` jéng`gui do. 33 Jō lajee` e taaiñ` e si'r lí` 'ñúu' quiá'- i bú' do, dob caguilíng` dsea` fi' i jó' do, jō casí'r- i dsea` gáng- do jō cajíñ'-:

—'Jiali' síng`na' bú' qui'naa'?

34 Jōba' cañi' i dsea` gáng- do quiá'- i dsea` fi' bú' do jō casí'- reiñ':

—Co' lana 'neáng`tea Fí'naa' i bú' la, jōba' síng`na're'.

35 Jō catób- i dsea` gáng- do i jó' do, jō casífir` tú- 'ni' si'r` fi' mocóoiñ` do. Jō mi` caguilíñ` fi' lí` táang` Jesús, mifíng` caguiém`bre dsea` do. 36 Jō laco' iuung- Jesús fi' e ngóor' fi' Jerusalén, lajaléng' dsea` i ngolíng` cóo'r` do canaaiñ` ni'r` jalé' si'r` guiá' fi' fi' lí` níngíng` dsea` do. 37 Jō mi` canaang` jgáang` lajaléng' i dsea` do fi' dse' mó' Olivos, canaaiñ` ti'áiñ` Fidié` e iáang` dsíir` jogui` jmiféiñ' dsea` do quiá'- jalé' e quí'` jmí` e nicajmé` dsea` do e dsigá` dsí' dsea`. 38 Jō jalém' i dsea` do canaaiñ` fé'r jō cajíñ'-:

—iMajmiféng'naa' i dseata` dsea` féng' i güeang' i jáa' cuaiñ` quiá'- Fidié`! jō lana juguiá' jia` quiá'- dsea` fi' ñifí', jō güijmi'goo`baa' Fidié` dsea` guing` fi' jō!

39 Jō mi` canúu- jaléng' dsea` Israel i líng' dsea` fariseo i ngolíng- do e fé' jaléng' i dsea` do lado, jōba' casí'r- Jesús lala jō cajíñ'-:

—Tifa', jíng' jaléng' dsea` quiá'- laco' jō güijmiféng' lir 'na`.

⁴⁰ Dsu' Jesús cañíir` quiá'- i dsea` Israel i líng' dsea` fariseo do jò casí'- reiñ' jò cajíñ'-:

—Lí' jii' laba' líí', co' fíng song jò jmiféng' jaléng' i dsea` la jnea~, jòba' jalé' cuub~ niróo~ jóng jò nifé' e jmiféng' jnea~.

⁴¹ Jò malii~ guijiua lajò, mi~ caguiliñ~ quiá'- Jerusalén fí' lí' nijnéeng~ e fiñ' jò, jò canaang` Jesús qui'bre uii~ quiá'- jaléng' dsea` i neáng' fí' jò ⁴² jò cajíñ'-:

—iFa'jiua e já'- líng' 'nú', dsea` neáng'na' fí' na, jalé' júu^ quié'-e, jòba' latí' lanab jóng niliseeng'na' juguiá~ júu^ røø` cóo~ Fidiéé'! Jò dsu' lana ja' quí'- jmii~ ningáng'na' jalé' júu^ quié'-e, co' ja' iing~na' núu^na'. ⁴³ Jò dsu' niguiéeb' jmii~ mi~ nidsingíng~na' iihuí' mi~ tí' lí' nirí~ jaléng' dsea` i 'ní' níng~ 'nú' lacúng' lajíng' e fiñ' la, jò nijmér~ mii~ cóo~ 'nú', ⁴⁴ jò nijngáñ'- jaléng' 'nú'. Jò lí' jò, niquí'r' jalé' 'nú'na' catí' tí' fiñ', jò jii' coo` cuu~ jò nisér~ fa' e sífíng' gui e quié'gui eáang^ 'nú'na', dsuco' ja' calicuíng'na' jnea~ e lín'n Dsea` Jmáang~ mi~ cataan~n jee~ 'nú' fí' jmigüí' la.

*Mi~ ca'uøøng` Jesús jaléng' dsea` i jmóo` ta~ 'nú' fí' dsí' guá'-
(Mt. 21:12-17; Mr. 11:15-19; Jn. 2:13-22)*

⁴⁵ Jò mi~ cangí' jò, mi~ caguié~ Jesús fí' Jerusalén, dsifí' ladob ca'ír~ fí' dsí' sinúu^ guá'- quiá'- dsea` góor` dsea` Israel. Jò mi~ cangáñ~ jaléng' dsea` i teáng'~ ta~ jmóo` 'móo~ cóo~ jalé' e 'nú'r', jò dsifí' ladob ca'øøng'neiñ' ⁴⁶ jò cajíñ'- casí'-reiñ':

—Lalab fé' fí' ní' jì quiá'- Fidiéé': “E fí' dsí' sinúu^ guá'- quié'-e la íng^ ta~ e jmiféng' dsea` jneab~”; jò dsu' 'nú' nicajmee~na' lí' cúng' seáng' jaléng' i~ cóo~ jalé' e jmoo'na' lana.

⁴⁷ Jò mi~ cangí' jò, lacoo` jmii~ dsée' Jesús e dsi'éer~ jaléng' dsea` jalé' júu^ quiá'- Fidiéé' e fí' guá'- do. Jò lajee~ jò jaléng' fii~ jmidsea` cóo~gui jaléng' tífa' quiá'- júu^ quiu' ta~ quiá'- dsea` Israel cóo~gui jaléng' dseata~ i seeng' fí' Jerusalén jmóor` quijí~ quiá'- jial nijngáñ'- dsea` do, ⁴⁸ jò dsu' ja' líng~ niguié'r' jial nijmér~ lajò, co' jalém' i dsea` teáng'~ núu` do tib' dsí' e núur' jalé' júu^ e e' dsea` do.

20

*I~ quiu' ta~ quiá'- Jesús e jmóor` jalé' e jmóor`
(Mt. 21:23-27; Mr. 11:27-33)*

¹ Jò cóo` jmii~ mi~ cangí' e jò, lajee~ e táang` Jesús fí' guá'- e er' jogui guiar' júu^ quiá'- Fidiéé' jee~ jaléng' dsea` quiá'- jial nileáng` dsea` jee~ jalé' dsee~ quiá'r~, jò lajee~ jòb caguilíng~ jaléng' fii~ jmidsea` cóo~gui jaléng' tífa' quiá'- júu^ quiu' ta~ quiá'- dsea` góor` dsea` Israel cóo~gui jaléng' yuu' dsea` cóøng' quiá'- e guá'- do, ² jò casí'r~ Jesús lala jò cajíñ'-:

—Jmee~ júu^ i~ quiu' ta~ quií' e jmoo' jalé' e jmoo' na. Jò ¿i~ cacuø' 'nú' e ta~ na?

³ Jòba' cañí' Jesús quiá'- jaléng' i dsea` do jò casí'-reiñ':

—Sea'bi coo` e 'né~ nijmingí' jnea~ 'nú' cajo. Nii~na' quié'-e lana. ⁴ ¿I~ i caquiua' ta~ quiá'- i Juan e caseáañ' dsea` jmii'? ¿Su Fidiéé' ofa' dsea` jmigüíb' é?

⁵ Jò mi~ canúu~ jaléng' i dsea` do e cajíng' Jesús lado, jò lajee~ yaam~bre canaaiñ' sñiñ' jò sí' rúñ':

—¿Jial nisí'naa'r, faa~aa'? Song casí'naa'r e Fidiéeb' casíng' dsea` do, jòba' nijíñ'- nisí'r' jneaa~aa' jóng: “¿Jialí' ja' já'- calíng~na' jalé' júu^ quiá'r~?”

⁶ Jò song nisí'naa'r e dsea` jmigüíb' caquiua' ta~ quiá'- i Juan do, jòba' jaléng' i dsea` la fø' nijngám'bre jneaa~aa' jóng cóo~ jmang' cuu~, co' ñí'bre guiá~ e cajá~ i Juan do e fé'r' cuaiñ~ quiá'- Fidiéé'.

7 Jo jíi~ jaang` i dsea` do ja` cateá- dsír' fa' ee` cañír` quiá'- Jesús cuaiñ` quiá'- i Juan do, jo lí^ casí'r- dsea` do e ja` ñi'bre. 8 Joba' cañí' Jesús quiá'- i dsea` do jo casí'- reiñ':

—O'gui jnea~ nijméel~ 'nú' júu^ cajo i~ i quiu' ta~ quié~ e e jmóo'o jalé' e jmóo'o la lana.

Júu^ quiá'- dsea` 'léeng' i soo` dsí'
(Mt. 21:33-44; Mr. 12:1-11)

9 Jo dsifí' mi~ cangí jo, jo canaang` Jesús e e'r' jaléng' i dsea` do coo` júu^ já'- e lafa' júu^ cuento, jo casí'- reiñ' do lala jo cajíñ'-:

—Coo` néel~ nicaliséng` jaang` dseañu' jo nicajnr` jmanj' huíng` jó'^ latøng- fí ni~ uó- quiá'r-. Jo mi~ cató' e caguiar' guiá- lajalé' e do, jo catáñ' dsea` 'léeng' i cane'- ni~ latøng- e uó- do i nijmé- ta~ jmá'- jia. Jo mi~ calí- jo, jo cagüi'ñ'bre jo cangór- fí lí huíi^'. 10 Jo mi~ catí í' e caroo' e mí^ huíng` jó'^ do, jo caguiéñ' jaang` dsea` quiá'r- e tí lí táaiñ' do i cangomñ' lajii~ guiéé^ quiá'r- e catíñ- quiá'- e ta~ jmá'- jia e jmóo` i dsea` do fí ni~ guóo' uó- quiá'r-. Jo dsu' mi~ caguiéng' i dsea` quiá'r- do e lí taang~ i dsea` jmóo` ta~ e uó- do, caquié' biñ' do quiá'r- e lafa' e nicuó'- reiñ' do lajii~ guiéé^ quiá'- i dsea` fii~ uó- do, jo caguiém' breiñ' do calé' catú- fí lí cajar-, jo ja` ee` cacuø' reiñ' do jii~ coo`. 11 Jo mi~ caliñí' i dsea` fii~ uó- do e calí- lado, dsifí' ladob caguiéñ' jaang` gui dsea` quiá'r- i cangomñ' guiéé^ quiá'r- quiá'- lajii~ ta~ jmóo` uó- quiá'r-. Jo dsu' mi~ caguiéng' i dsea` quiá'r- do fí lí taang~ i dsea` jmóo` ta~ do, cacøøm~ bre cajo lí^ laco'gui cangongíng- i dsea` la'uii- do, jo jii~ coo` ja` ee` cacuø' reiñ' do cajo. 12 Jo mi~ caliñí' tu i dsea` fii~ do e calí- lado, jo caguiém' bre jaang` gui dsea` quiá'r-. Jo dsu' gab` cajmée' i dsea` jmóo` ta~ do cóo' i dsea` do cajo, co' caquiém' breiñ' jogui cacuing' neiñ', jo ja` ee` cacuø' reiñ' do jii~ coo` cajo, jo ca'øøm' breiñ' do.

13 'Jo mi~ cangí jo, jo ca'í dsí' i dsea` fii~ uó- do: “¿E~ nijmee~ e náng? Jo seem` camíng' jóo`o i 'neáan` eáang', jo íb` niguiéen` n lana, jo jangám- í guib i nijmí' gó'.” 14 Jo dsu' mi~ caguiéng' i siming' do lí taang~ i dsea` jmóo` ta~ do, jo dsifí' ladob canaaiñ' do sñiñ' lajee` yaaiñ': “Jii~ i nabing' i seeng` i nilíng- fii~ e uó- la mi~ nijúung- tiquiá'r^'. Joba' majngáang' naa'r lana, ná la cagüéñ- fí la, jo jnea'^ dsea` nilí-ii' fii~ latøng- e uó- la.” 15 Jo mi~ cangoyúung' e casíng- i dsea` do røø lado, jo caguiém' bre i siming' do jee~ e uó- e lí sijnea~ e huíi huíng` jó'^ do jo fí job cajngang' neiñ'.

Jo mi~ cató' e jmóo` Jesús e júu^ na, jo cajmingi'r' lajaléng' i dsea` i teáang- do jo casí'- reiñ' lala jo cajíñ'-:

—¿E~ líng-na' e nijmé- i dsea` fii~ e uó- do mi~ niliñir' e nicajngam' jaléng' i dsea` 'léeng' do jóor'? 16 Co' nidsém'-bre, jo mi~ niguiéñ' nijngám'-bre lajaléng' i dsea` 'léeng' do, jo i jiém' nitáñ' i nijmé- ta~ e uó- quiá'r- do.

Jo mi~ canúu- jaléng' i dsea` i teáang- do e cajíng'- Jesús lado, lajalém' bre cañír jo cajíñ'-:

—Ja` güli'iing~ dsí' Fidiéé` e nilí lajo.

17 Jo mi~ canúu- Jesús e cajíng'- jaléng' i dsea` do lado, jo lí^ cajøøm- breiñ' do, jo lí- jo casí'- reiñ' do lala jo cajíñ'-:

—¿E~ e líng-na' e guóng' e tóo' fí ni~ jì quiá'- Fidiéé` lí fé' lala?:

E cuu~ e ja` calijíi' i dsea` i jmo' 'núu',

lana nilí' coo` cuu~ e niing- gui quiá'- tñ- fii'.

18 Jo doñí' ii' i catitaang' e fí ni~ e cuu~ do, joba' cuib'^ niliñ- jóng. Jogui fíng song e cuu~ do cató' jo cajlíng- jaang` dsea`, joba' congua' táub' niliñ- jóng.

Mi~ cajmingí' dsea` Jesús cuaiñ~ quiá' e catíng~ dseata~
(Mt. 21:45-46, 22:15-22; Mr. 12:13-17)

¹⁹ Jo mi~ canúu~ jaléng' fii~ jmidsea` cóo'~ jaléng' tifa' quiá' júu^ quiu' ta' quiá' dsea` Israel e cajíng' Jesús lado, joba' lajmináb~ lamí~ iin~ nisáin' dsea` do, có' calilí'r^ e uii~ quiá' bre café' dsea` do. Jo dsu' jii'~ cóo' ja` ee` cateá~ dsíir' fa' ee` cajmeáiñ' dsea` do, có' 'góm' bre jaléng' dsea` fii' i tí' dsí' núu' jalé' júu^ quiá' Jesús.

²⁰ Jo mi~ cangí jo, jaléng' i tifa' do cóo'~ gui jaléng' jmidsea` casíin~ lajee` la'ó' yaaiñ~ e casíin~ cóo' tú~ máng'~ dsea` i nijmé~ lafa' dsea` guiá~ dsí' cóo'~ Jesús, jo cajméer' lajo quiá' e nijméin~ do quiijí~ jial nífé' dsea` do júu^ guíi~, có' i' dsíir' e fa' lajo nilí'r^ e nitising'~ dsea` do fí' quini~ dseata~. ²¹ Joba' mi~ caguilíin~ do fí' lí~ táang' Jesús, jo cajmingí'r dsea` do lala jo cajíin~:

—Tifa', nineb~ jnea'^ røø e jmang' júu^ jáb' jalé' e e' 'nu', jogui ja` jøø~ 'nu' cajo jial líng' dsea` lí^ caluu', jogui 'nu' e' jnea'^ jial dseáng' laco' iing~ Fidiée~ e see~naa'. ²² Joba' cajajmingí' naa' 'nu': ¿Su 'né^ níquí'naa' cuu~ e catíng~ dseata~ dsea` féng' i guíng~ fí' Roma osi ja` 'né~ qui'naa' é?

²³ Jo dsu' dsifí' ladob calilí' Jesús e iing~ i dsea` do nijmigøøng'neiñ', joba' cajíin~ casí'~reiñ':

²⁴—Ée'~na' jnea~ cóo' cuu~. Joba' ne`duu' jial lí', jo ¿i~ dsea` i táang' fí' ni~ la jogui jial siir'?

Joba' cañí' i dsea` do casí'r~ Jesús jo cajíin~:

—Dseata~ dsea` féng' i guíng~ fí' Romab táang' fí' na.

²⁵ Joba' cañí' tu Jesús jo casí'r~ i dsea` do:

—Lajii' e catíng~ dseata~ dsea` féng', cuøø'~na' dseata~ dsea` féng'; jogui lajii' e catíng~ Fidiée~, cuøø'~na' Fidiée~ cajo.

²⁶ Jo dsíng'~ cangogá' dsí' i dsea` i téeng' Jesús do mi~ cañí' dsea` do lado fí' quini~ jaléng' i dsea` i teáng~ do, có' lí^ lí' cango'gó'gui dsí'bre lajii' e cañí' dsea` do, jo tiib~ cajer' lajiiin' do.

Mi~ cajmingí' dsea` jial lí' mi~ nijí' tu dsea` calé' catú~
(Mt. 22:23-33; Mr. 12:18-27)

²⁷ Jo mi~ cangí jo, caguilíng~ cóo' tú~ máng'~ dsea` Israel i líng' dsea` saduceo fí' lí~ táang' Jesús. Jo jaléng' i dsea` saduceo do ja` já' líiin' e nijí' tu jaléng' 'lí'. Joba' cangojmingí'r~ dsea` do jo cajíin~:

²⁸—Tifa', Moi~ cajme'r fí' ni~ jì quiá'r~ e song cajúng~ jaang' dseañu' jo ja` jóor' caliséng' cóo'~ dseamí quiá'r~, joba' 'né~ nicúng'~ guó' i dseamí 'nii~ do cóo'~ rúng' dsea` ngáang'~ cóo'~ i 'lí' do. Jo i yuu' la'uii~ i niliseeng' quiá'r~ cóo'~ i dseañu' do, 'né~ nijmér~ e lafa' jóob' i dseañu' quiá'r~ lamí~ uii' do, có' lanab fé' fí' ni~ jì quiá'~ Moi~. ²⁹ Joba' sí'~na' 'nu' e júu^ la: Cóo' ya' caliséng' guiáng~ dseañu' la'ó' rúin', jo i dsea` nífi' do cacúm' guóor', jo ja` e huøø~ cateáiñ' fí' jmigüi' la có' cajúm~bre, jo jii' jaang' jóor' ja` ii' caliséng'.

³⁰ Jo mi~ cangí e cajúng~ i dseañu' do, jo cacúm' guoo' i dseamí 'nii~ do cóo'~ rúng' i 'lí' dseañu' quiá'r~ i catí' gáng~ do. Jo dsu' lajob cangongíin~ cajo, có' cajúm~bre, jo jii' jaang' jóor' ja` ii' caliséng'. ³¹ Jo mi~ cangí jo, cacúm' tu guoo' i dseamí do cóo'~ i rúng' i 'lí' dseañu' quiá'r~ i catí' gaang' do, jo ja` huøø~ cangó~ jo cajúm~bre cajo, jo jii' jaang' jóor' ja` ii' caliséng'. Jo lajob cangongíin~ lajaléin' do. Jo cóob' mi~ cató' júuin~ lajì guiáin~ do, jo jii' jaang' jóor' ja` ii' caliséng'. ³² Jo dsu' jo huøø~ ngó~ mi~ cangí jo, jo cajúm~ i dseamí do cajo. ³³ Joba' jmingí'~naa' 'nu' lana jial lí' mi~ nití' fii' cóo'. ¿i~ dseáng'~ dseamí quiá'~ nilíng~ i dseamí do lajee~ lajì guiáng~ i dseañu' do? Có' lajì guiám~bre cacúng'~ guóor' cóo'~ i dseamí do fí' jmigüi' la.

³⁴ Joba' cañí' Jesús quiá' i dsea` saduceo do jo cajíin~ casí'~reiñ':

—Cum' guoo` jaléng' dseañu` dseamî fî jmigüü' la. ³⁵ Jo dsu' jaléng' dseañu` i niñing` e nijí'tur calé' catú' jee` jaléng' 'lii' fî jmigüü' coo' jo` nicúng'-gui guoor` fî jo, ³⁶ jogui ja` qui' jmi' fa' e nijúung'-guir, co' lajob líng' jaléng' ángeles quiá'- Fidiée' fî ñiff-, ja` cúng' guoor` o'gui júuiñ-; jogui jóo' Fidiée' nilíng'-jaléng' i dsea` do uí' e nicají'tur calé' catú'. ³⁷ Jo jî'gui Moí' cajme'r fî ni` jî' quiá'- Fidiée' e nijíb'tu 'lii', co' ie` lamí' cangár- e gui` coo' 'matóo' e gui` jî, jo jee` e jî` do café' Fí'naa' jo cajméer` júu^ e íbre líiñ' Fidiée' quiá'- Abraham cóo'-gui Isáa' jogui Jacóo'. ³⁸ Dsuo' Fidiée' líiñ' Fidiée' quiá'- jaléng' dsea` jí', jo ja` líiñ' Fidiée' quiá'- jaléng' 'lii', co' jmang' dsea` jí'bing' i seeng` cøng` cóo'- Fidiée'.

³⁹ Jo mi` canúu- i líing` tifa' quiá'- júu^ quiu' ta` quiá'- dsea` Israel do e cajíng'- Jesús lado, joba' dsifí' ladob cañír' quiá'- Jesús jo casí'r- dsea` do lala jo cajíñ'-:

—Eáam' guiú- laco' café'e~ na, Tifa'.

⁴⁰ Jo mi` cangí jo, jíi' jaaiñ' do jo` ee` cateá'-gui dsír' fa' ee` cajmingi'guir Jesús.

¿I' dsea` siju` líng' Dsea` Jmáang`?

(Mt. 22:41-46; Mr. 12:35-37)

⁴¹ Jo mi` cangí jo, jo cajmingi' Jesús jaléng' i dsea` do jo cajíñ'- casí'-reiñ':

—¿Jialí' fé' dsea` e siju` dseata` Davíb'^ líng' Dsea` Jmáang`? ⁴² Co' lalab cajíng'- dseata` Daví'^ fî ni` jî' quiá'- Fidiée':

Lalab cajíng'- Fidiée' casí'r- Fí'i:

“Ní lí' lí' dsée' laco' guiin` n

⁴³ cartí mi` nijmee` e e jaléng' dsea` i 'ní' níng- 'nu` nisí'r- uo` jnir` fî quini'^ e laco' nijmi'gór- 'nu`.”

⁴⁴ Joba' jmingi' jnea` e song 'ñia'bi dseata` Daví'^ sí'r' Dsea` Jmáang` Fí'i, joba' ¿jial cuøng` e Dsea` Jmáang` líiñ' dsea` siju` dseata` Daví'^ jóng?

Jalé' e ga' e jmóo' jaléng' tifa' quiá'- júu^ quiu' ta` quiá'- dsea` Israel

(Mt. 23:1-36; Mr. 12:38-40; Lc. 11:37-54)

⁴⁵ Jo lajee` jo, fíim' dsea` teáaiñ' e núur' jalé' júu^ quiá'- Jesús, jo cajíng'- dsea` do casí'r- jaléng' dsea` i ngí cóo'r- do lala:

⁴⁶—Ñiing` óo'na' cóo'- jaléng' tifa' quiá'- júu^ quiu' ta` quiá'- dsea` góo'naa' dsea` Israel, co' jaléng' í' tí dsír' e ngír' quiér' jalé' sí'^ dsea` 'goo', jogui dsíng'- iñ' e nijmiféng' dsea` ír' mi` jie' jíñ' dsea` lacaang` fî jee` 'núu', jo mir' 'masii` e niing'-gui mi` dsilíiñ' fî sinúu^ guá', jogui mi` tí jmi' e ngíiñ' e gø'r', mir' lali` lí' jlo'gui e nigüear`, jo lajoba' e jlo'gui jnéeiñ' fî quini' jaléng' dsea` rúíñ'. ⁴⁷ Jogui uo'r' jalé' e sea` quiá'- jaléng' dseamî i 'nii', jogui jmicaaiñ' e fé'r' fa' e cuee' eáang' fî quini' dsea`. Jo co' dseáng'- lajob líiñ', joba' íbing' i eáang'gui ni'íng' iihuí' mi` nití' í' lajo.

21

Mi` cacuo' jaang` dseamî i 'nii' cuu- quiá'r- fî guá'-

(Mr. 12:41-44)

¹ Jo mi` cangí jo, lajee` táang` Jesús fî sinúu^ guá', jo cangár- e dsitea' dsea` sea` cuu- jmingi' cuu- quiá'r- fî dsí' guoo' quiá'- guá'. ² Jo dsu' lajee` job mi` cangaiñ- jaang` dseamî i 'nii' i tiñíng- eáang' i catá'- dsí' e guoo' do tú- cuu- e jiáang' eáang' e quíng' coo' ñinée-. ³ Jo mi` cangá- Jesús e calí- lado, jo casí'r- jaléng' i dsea` i teáang- do jo cajíñ'-:

—Dseáng' e já'- e fí-i 'nú' e i dseamî 'nii- nabíng' i nicacuo' jmingi'gui cuu- lajee` lajaléng' i dsea` sea` cuu- i níngíng' na. ⁴ Co' jaléng' i dsea` sea`

cuuˉ na nicacuør' jaléˉ e niseángˉ quiáˉ-bre, jo dsuˉ i dseamˉ 'nı̄ na nicacuør' jaléˉ e sea' quiáˉ-r jo cóoˉ e naba' sı́ı́ nilárˉ capı́ˉ e niı́ı́ nidøˉrˉ.

Mı̄ cajı́ngˉ Jesús e ni'tımˉ guáˉ-féˉ e sı́ fı́ Jerusalén
(Mt. 24:1-2; Mr. 13:1-2)

⁵ Jo mı̄ cangı́ jo, fı̄m' dsea' i la'ó' ngı́ cóoˉ Jesús teáaiñˉ sı̄iñˉ cuaiñˉ quiáˉ e guáˉ-féˉ e sı́ fı́ Jerusalén jogui dsigá' dsı́r' e dsı́ngˉ jlo' e guáˉ do, co' dsı́ngˉ niguo' jalé' cuuˉ cóoˉ e sı́ieeng' e guáˉ do, jogui sı̄m' bı́r cajo quiáˉ jalé' e jlo' e nicacuø' dsea' quiáˉ e sı́ı́ e guáˉ do. Jo mı̄ canúuˉ Jesús e sı́ng' jaléng' i dsea' do lado, joba' cajı́ñˉ cası́-reiñˉ:

⁶—Niguiéeb' jmı̄ mı̄ niquı́ jalé' e móo' 'nú' e téēˉ na, jo jíı̄ cóo' cuuˉ jo nijéˉ fa' e sı́ı́ng' gui rúng' lí' laco' jlo' jnéengˉ e na lana.

Jial nilı́ mı̄ nı́jaquiéeng' e tí lí' ni'tı́ngˉ jmı́güı́
(Mt. 24:3-28; Mr. 13:3-23)

⁷ Jo mı̄ canúuˉ jaléng' i dsea' do e cajı́ngˉ Jesús lado, jo cajmı́ngı́'r dsea' do jo cajı́ñˉ:

—Tı́fa', ¿ı́ mı̄ nilı́ jalé' e fó' na? ¿jial nilı́ mı̄ nı́jaquiéeng' e nı́dsı́jéé' jalé' e jo?

⁸ Joba' cañı́ Jesús quiáˉ i dsea' do jo cajı́ñˉ cası́-reiñˉ:

—Dsı́ngˉ 'néˉ ñı́ng' óo' 'nú' jo ja' güı́ligøøng'na', co' fı̄m' dsea' nijalı́ngˉ jo nijı́ñˉ: “Jneabˉ Dsea' Jmáangˉ”, jogui nijı́ng' guı́r: “Lanab' nicaguiéˉ oor' e ni'tı́ngˉ jmı́güı́.” Jo dsuˉ ja' jmı́jı́ng'na'r jíı̄ cóo', jo jieˉ mı̄ ligøøng'na'. ⁹ Jogui mı̄ ninúuˉna' e nijáa' mı̄ jo ninéé' ta' tı́ng', ja' fı̄øøng'na' jíı̄ cóo', co' jalé' e jo 'néˉ nilı́tibˉ lajeeˉ 'nú' gui e ni'tı́ngˉ jmı́güı́.

¹⁰ Jogui cajı́ngˉ gui Jesús cası́rˉ jaléng' i dsea' do:

—Jaléng' dsea' i neáang' cóo' fı̄ nitı́ñˉ cóoˉ cóo' gui fı̄, jogui cóo' 'lé' dsea' nitı́ñˉ cóoˉ cóo' gui 'lé' dsea' cajo. ¹¹ Jogui eáang' teá' nijó' uøˉ fı́ la fı́ na, jogui nijáa' ooˉ, jogui nilı́sea' jmı́guiı́'ı́ng' jmohuı́' la'úngˉ fı́ jmı́güı́, jogui jmı́guiı́'ı́m' jalé' e nijnéng' fı́ yá' jmı́güı́, jo dsı́ngˉ nı́féng' jaléng' dsea' mı̄ ninı́r' jalé' e jo.

¹² Jo dsuˉ 'nú' gui e nı́dsı́jéé' jalé' e nı́fá' na, fı́ng' dsea' nilı́'nı́' nı́ñˉ 'nú', dsea' cuı́ng'na' jneaˉ, jo dsı́ngˉ ga' nijmeáı́ñˉ 'nú' uı́' jneaˉ. Jo nı́dsı́jéeiñˉ 'nú' fı́ sı́núu' guáˉ e laco' ni'nı́ñˉ 'nú' fı́ quini' jaléng' dsea', jogui nitáı́ñˉ 'nú' fı́ dsı́' 'nı́ñˉ, jo lí' jo nı́dsı́jéeiñˉ 'nú' fı́ quini' jaléng' dseataˉ dsea' cóøøng' uı́' e líng'na' dsea' quiéˉ e. ¹³ Jo mı̄ nı́dsı́ngı́ngˉna' jalé' e na, job mı̄ nilı́'na' nı́fóøng'na' jaléng' i dsea' do jial ca'uíngˉna' dsea' quiéˉ e. ¹⁴ Jo ja' jmeeˉna' fı́ı́ fa' e ja' ñı́na' jial ningı́na' quiáˉ jaléng' i dsea' do mı̄ nijmı́ngı́'r 'nú' quiáˉ jalé' dseeˉ e niñı́ng'na'. ¹⁵ Co' jneabˉ nijmeeˉ e e nilı́ñı́na' jial ningı́na' quiáˉrˉ, jogui nijmeeˉ e e tı́ng'na' eáang', jo jíı̄ jaang' i dsea' i 'nı́' nı́ngˉ 'nú' do ja' nı́quı́rˉ jmı̄ fa' e niñı́rˉ quı́na'. ¹⁶ Jo dsı́ngˉ nilı́seeng' i 'nı́' nı́ngˉ 'nú', co' jı́gui jaléng' tı́quí'na' jogui nı́quí'na' jogui jaléng' rúng'na' jogui jaléng' i cuı́ng' 'nú' nijmérˉ lajo cóo' 'nú' jo jı́gui cartı́ nijngáı́ñˉ i líng' 'nú'. ¹⁷ Jo lajalém' dsea' jmı́güı́ nilı́'nı́' nı́ñˉ 'nú' uı́' e líng'na' dsea' quiéˉ e. ¹⁸ Jo dsuˉ jíı̄ camı́' jñı́guı́na' ja' nı́dsı́ı́ng'. ¹⁹ Jo jieˉ mı̄ litúngˉ áa'na' e fı́ nı́teáangˉna' cóoˉ jneaˉ, co' lajoba' e cuøøng' e nitı́ng'na' fı́ quini' Fı́dı́e' mı̄ nitı́' i' lajo.

²⁰ Jo mı̄ nimó'na' e nijalı́ngˉ jaléng' 'léēˉ e nı́rı́rˉ latøøngˉ fı̄ Jerusalén, joba' güı́lı́ñı́na' jóng e jo huøøˉ róo' e fı̄ jo, co' fı́ lí' ni'tı́mˉ. ²¹ Jo co' lajob nilı́, joba' dsı́ fı́ lajob 'néˉ uøøng' jaléng' dsea' i neáang' jeeˉ fı̄ Jerusalén e nicuı́rˉ fı́ jeeˉ mó' 'nú' gui e nı́rı́ jaléng' 'léēˉ lacúng' lajíng' e fı̄ jo. Jo jaléng' dsea' i taang' jmóo' ta' fı́ caluu' fı̄ jo güı́' dsı́r' fa' e nı́quı́ng' guı́r fı́ jeeˉ fı̄, co' lí' güı́cuı́bre cajo. Jogui jaléng' dsea' i neáang' latøøngˉ lí' se' Judea

'né- nicuǐ- bre cajo e laco' cuóøng` nijmi'óng` yaaiñ. ²² Co' ie~ job mi~ ni'íng` dsea` iihuǐ, jo lajoguǐb e niliti~ jǐi~ laco' fé' fí' ni~ jì' quiá'- Fidiée~. ²³ Jo dsu' dsíng'- fǐi~ jaléng` dseamǐ i ngí' quiéeng` yuu` osi i ngí' jéeng` yuu` cu' tá' ie~ jo! Co' dsíng'- nicá' dsea` iihuǐ' la'úng- fí' jmigüí, jo dsu' eáang`guǐb nicá' i dsea` i seeng` fí' Jerusalén la iihuǐ' lajee~ lajaléng` dsea` jmigüí. ²⁴ Jo fǐim' dsea` nijúuiñ- fí' jee~ má'~, jogui fǐim' dsea` niteiñ'^ jo nidsiliñ` 'nuñi^ fí' fǐi' lí' jíé'; jo jaléng` dsea` i jalíng- fí' lí' huǐ^ i ja` cuíng` Fidiée~ nijaso'óøm'^ bre fǐi' Jerusalén cartí' mi~ nidsíng- e í' e nisi'í^ quiá'-.

Jial mi~ nijáa'tu Dsea` Jmáang-

(Mt. 24:29-35, 42-44; Mr. 13:24-37)

²⁵ Jo dsíng'- nilisíng- jial jnéeng- iee` cóo'~ gui si' cóo'~ gui jaléng` núu'. Jogui dsíng'- nidsigá' dsí' dsea` jogui niféiñ' cajo uí' e ga` niróo- jmiñi^ jogui ga` nitá'- má'~. ²⁶ Jo dsíng'- niféng' dsea` jo fǐim' dsea` ni'íng- dsíir' cóo'~ jalé' e fø' do mi~ ni'í- dsíir' jalé' e nilí' ie~ jo, co' jǐi' gui jalé' e sea` fí' yá'^ jmigüí' nijø' lafa' mi~ jø' uó-. ²⁷ Jo joguiba' mi~ nimáang~na' jnea~, dsea` lǐn'n jaang` dsea` jmigüí i jáa' fí' ñifí-, e nigáa'a niquíin~n jee~ cabøø~ jní' cóo'~ e niing- jǐ' e 'gøng' quiá'- Fidiée~. ²⁸ Jo mi~ nináng` e nidsijéé' jalé' e nicafá'-a na, joba' cuóø' bǐ' yaang~na' jóng, jogui jøø-na' yejí- fí' yá'^ jmigüí, co' nijaquíem'ba' e nileáng'na' congua' jee~ jalé' dsee- quií-na'.

²⁹ Jo lí- jo casí- Jesús jaléng' i dsea` do cóo'gui júu^ jo cajíñ'- casí'-reiñ':

—Quié'na' cuente jial lí' jalé' 'ma' güñi^ osi lí' doñí' ee' 'ma' é. ³⁰ Jo mi~ móo- 'nú' e ninaang` iée' jalé' má'^ e sí' quiá'-, 'nú' niñi^na' e jǐi' jmǐb' nijaquíéeng' jóng. ³¹ Jo mi~ canaang` liti~ jalé' e nicafá'-a na, joba' güñiñi^na' guiá- e nijaquíem'ba' e nicá' Fidiée~ nifí' quiá'- lajaang` lajaang` dsea` jmigüí.

³² Jo e já'- e fǐi' i 'nú' e jalé' e na 'né- nilitib~ nú'- gui e nijúung- jaléng' dsea` i seeng` jmiñ- na. ³³ Jo ni'íim- la'úng- jmigüí la cóo'~ gui la'úng- yá'^ jmigüí, jo dsu' jalé' júu^ quié- e ja` tóo' jmiñ- fa' e ja` niliti~ lajalé' e jo.

³⁴⁻³⁵ Jo co' lajob nilí, joba' fǐi' i 'nú' e dsíng'- 'né- ñiing~ óo'na' jo ja` cuó'^ fí' yaang~na' jǐi' capí'^ e nirøng'na' dsee- cóo'~ jalé' e 'lí'^ e sea` fí' jmigüí. Jo ja` jmoo'na' ta~ í' mée' o'gui ngí'na' e eáang`gui guiing~ óo'na' jial niliseeng'na' fí' jmigüí la, jo lajoba' ja` nidsingíng-na' la dsingíng- jaang` nóo' i guiéé' lí' róo' cóo' leá'. Co' jaléb' e jo nilí' mi~ niguiéé' e jmiñ- jo jee~ jaléng' dsea` i seeng` fí' la'úng- fí' jmigüí. ³⁶ Joba' liúun~n 'nú' e dseáng'- la guíim'ba' 'né- e neáang'na' e neé' guiá- quií-na' contøøng-, jo contøøng- 'né- má'~na' jmi'ee' Fidiée~ uii~ quií-na' e laco' ja` güitíng'na' jalé' e nilí' ie~ jo jogui e laco' cuóøng` nigüiquiéeng'na' fí' quinií-, jnea~ dsea` lǐn'n jaang` dsea` jmigüí i jáa' fí' ñifí-.

Jo jalé' e júu^ na ca'e' Jesús ca'e'r' jaléng' i dsea` do ie~ jmiñ- jo.

³⁷ Jo mi~ cangí jo, lacoo' jmiñ- dsí'éé' Jesús jaléng' dsea` jalé' júu^ quiá'- Fidiée~ fí' guá'- fé' e si' fí' Jerusalén. Jo lacoo' 'lloo- dséer' dsijer- fí' cóo' yá'^ cuo' e sií' Olivos e fí' 'ni' fǐi' Jerusalén do. ³⁸ Jo lajalém' dsea` dsiliñ- e fí' guá'- do laca'ee' e dsinúur- jalé' júu^ e guía' Jesús.

22

Mi~ casíng- jaléng' dsea` jial e nisáñ' Jesús

(Mt. 26:1-5, 14-16; Mr. 14:1-2, 10-11; Jn. 11 :45-53)

¹ Jo ie~ jo nijaquíéeng' cóo' jmiñ- e sií' Pascua quiá'- jaléng' dsea` Israel, jo ie~ jmiñ- jo gø'r' iñi^ e ja` quie'^ quiéeng'. ² Jo lajee~ jo canaang` jaléng' fǐi~ jmidsea` cóo'~ gui jaléng' tifa' quiá'- júu^ quiá' ta~ quiá'- dsea` Israel e síiñ` jial niguié'r' e nijngáñ'- Jesús, jo dsu' ja` teá' dsíir' e nijmér- jalé' e 'lí' e í' dsíir' do, co' dsíng'- 'gøiñ' jaléng' dsea` i seáng' fí' Jerusalén lajee~ e jmiñ- jo.

³ Jo lajee˘ jo ca'í- fii˘ i 'ling˘ i sii˘ Satanás fí dsí˘ Judas Iscariote, jaang˘ lajee˘ dsea˘ guitúung˘ quiá- Jesús. ⁴ Jo dsifí˘ lajob cangór- cangosiin˘ cóo˘ jaléng˘ fii˘ jmidsea˘ cóo˘ gui jaléng˘ dseata˘ quiá- guá- quiá- dsea˘ Israel quiá- jial nilí˘ nisáin˘ Jesús e laco˘ nijáin˘ dsea˘ do fí quini˘ i dsea˘ í. ⁵ Jo dsing˘ cali'iaang˘ dsí˘ jaléng˘ i dsea˘ do mi˘ canúur- e júu˘ jo, jogui cacuø˘ júu˘ quiá˘ e nicuø˘ Judas Iscariote cuu- e 'léein˘ do e quiá- e nijáin˘ Jesús. ⁶ Jo ca'íb- dsí˘ quiá- rúin˘ e nijmér- lajo, jo mifíng˘ canaang˘ Judas e 'nó˘ jial e nijáin˘ Jesús fí jaguó˘ jaléng˘ i dsea˘ do.

Mi˘ cagó˘ Jesús í˘ canuu˘ cóo˘ dsea˘ guitúung˘ quiá˘
(Mt. 26:17-29; Mr. 14:12-25; Jn. 13 :21-30; 1 Co. 11 :23-26)

⁷ Jo mi˘ cangí˘ jo, 'ña˘ ie˘ jmii˘ e gø˘ jaléng˘ dsea˘ Israel iñí˘ e ja˘ quiéeng˘ quie˘, jogui ie˘ job cajo 'né- e nijngáin˘ jaang˘ jo'se˘ jiuung˘ lacoo˘ sinúu˘ quiá˘ e nijmér- e jmii˘ Pascua do, ⁸ jo 'ña˘ ie˘ jmii˘ jo caquiá˘ Jesús ta˘ quiá- Tú˘ Simón cóo˘ gui Juan jo cajín˘ casí˘ reiñ˘:

—Güilíng˘ na˘ jo güigua˘ na˘ guiá- lí˘ nijmó˘ naa˘ jmii˘ Pascua, jo fí job niquiee˘ naa˘ colíng˘ canuu˘ na.

⁹ Joba˘ cajmingí˘ i dsea˘ gáng- do Jesús jo casí˘ dsea˘ do:

—¿Jie˘ fí lí˘ iing˘ 'nú˘ e nidsiguiá˘ naa˘ guiá- jalé˘ e jo?

¹⁰ Joba˘ cañí˘ Jesús quiá- i dsea˘ do jo casí˘ reiñ˘:

—Mi˘ nigüitáang˘ na˘ jee˘ fii˘ Jerusalén, job nimáang˘ na˘ jaang˘ dseañu˘ i ngang˘ quiee˘ coo˘ dsuu˘ e a˘ jmii˘, jo nigüilím˘ ba˘ laco˘ ngáin˘, jo e 'núu˘ lí˘ ni'ír˘ do, job nigüitáang˘ na˘ cajo. ¹¹ Jo nifí˘ na˘ i dsea˘ fii˘ e 'núu˘ do: “Lalab jing˘ tifa˘ quí-ii˘: ¿Jie˘ sinúu˘ lí˘ nijmee˘ e jmii˘ Pascua cóo˘ jaléng˘ dsea˘ guitúung˘ quie˘ e?” ¹² Jo ni'é˘ r˘ 'nú˘ coo˘ 'núu˘ yá˘ lí˘ nisilíng˘ guiá-, jo fí job niguiá˘ na˘ guiá- quiá- e niquiee˘ naa˘ do.

¹³ Jo cangolíim˘ i dsea˘ gáng- do mi˘ cangoyúung˘ e cajíng˘ Jesús lajo, jo cadsém˘ bre i dsea˘ do, jo calitib˘ laco˘ cajíng˘ Jesús jéeng˘ gui do. Jo fí job caguiar˘ guiá- e nidø˘ ie˘ canuu˘ jo.

¹⁴ Jo mi˘ nijaquiéeng˘ oor- e nidø˘, jo cangolíim˘ Jesús cóo˘ i dsea˘ guitúung˘ do fí lí˘ niné˘ guiá- e nidø˘. Jo mi˘ caguilíin˘ jo caguá˘ bre mes˘ lajaléin˘ do, ¹⁵ jo canaang˘ Jesús sí˘ reiñ˘ do lala:

—iDsíng˘ cali'iin˘ e nijmee˘ e e jmii˘ Pascua la cóo˘ 'nú˘ ná˘ gui e nijúun˘ n!
¹⁶ Co˘ jo˘ nijmee˘ e e jmii˘ jo cóo˘ 'nú˘ cartí˘ mi˘ nití˘ í˘ e nijí˘ tu rú˘ naa˘ fí ñifí˘ quie˘ e.

¹⁷ Jo lí- jo catíin˘ coo˘ cóo˘ e a˘ jmí˘ mí˘ huíng˘ jó˘ jo cacuø˘ r˘ gui'máang˘ Fidié˘, jo lí- jo casí˘ jaléng˘ i dsea˘ quiá˘ do jo cajín˘:

—Jó˘-ø e cóo˘ la, jo jmee˘ na˘ jmá˘-jiá e a˘ dsí˘ lajee˘ lajaléng˘ na˘ na.
¹⁸ Dsaco˘ jo˘ nidúu˘ u e jmí˘ mí˘ huíng˘ jó˘ la cartí˘ nijí˘ tu rú˘ naa˘ fí ñifí˘ quie˘ e.

¹⁹ Jo mi˘ cangí˘ jo, jo casá˘ r˘ coo˘ iñí˘ jo cacuø˘ r˘ gui'máang˘ Fidié˘. Jo mi˘ cangoyúung˘ jo, jo cajmér˘ jmá˘-jiá e iñí˘ do lajee˘ lajaléng˘ i dsea˘ guitúung˘ do. Jo lí- jo casí˘ reiñ˘ jo cajín˘:

—Quié˘ na˘ e iñí˘ la, co˘ e la lí˘ e ngúu˘ táan˘ la, dsea˘ nijúun˘ uii˘ quiá˘ jaléng˘ dsea˘ jmigüí. Jo jalé˘ e la 'né- nijmee˘ na˘ e laco˘ niguiéng˘ óo˘ na˘ jnea˘.

²⁰ Jo mi˘ cangoyúung˘ e cagø˘ r˘ e iñí˘ do, jo catíng˘ tur e cóo˘ e lí˘ a˘ jmí˘ mí˘ huíng˘ jó˘ do jo cajín˘:

—E a˘ dsí˘ e cóo˘ la lí˘ coo˘ júu˘ 'mii˘ e jmirø˘ Fidié˘ cóo˘ dsea˘ jmigüí. Jo e júu˘ jo nilití˘ mi˘ nití˘ jmiøø˘ uí˘ dsee˘ quiá˘ jaléng˘ dsea˘ jmigüí. ²¹ Jo dsu˘ lana, lab guíng˘ i dsea˘ i ni'níng˘ jnea˘ fí quini˘ jaléng˘ dsea˘ i 'ní˘ ní˘ quie˘ e. ²² Dsaco˘ lana jnea˘, dsea˘ lín˘ na˘ jaang˘ dsea˘ jmigüí i jaa˘ fí ñifí˘, 'né-

nidsingín-n lí[^] laco' la fé' fí ni~ jì quiá'- Fidié'. Jò dsu' e ngi~ fíi~ i dsea' i ni'níng- jnea~ fí quini~ jaléng' i dsea' í!

²³ Jò mi~ canúu~ i dsea' guitúung' do e cajíng'- Jesús lado, jò canaaiñ` jmingi' rúíñ':

—¿I~ jaang` jneaa~aa', faa~aa', dsea' née'ee' la i ni'níng~naa' Fí'naa' Jesús?

I~ i niing-gui

²⁴ Jò mi~ cangoyúung'~ e cagó'r', jò canaang' i dsea' guitúung' do jmiquí'm'- dsíir' quiá'- uíi~ e súiñ' quiá'- i~ i niing-gui lajee' la'ó' ír'.

²⁵ Jòba' cañíi' Jesús quiáíñ'- do jò casí'- reiñ':

—Jaléng' dseata~ i quiu' ta~ quiá'- jaléng' dsea' i ja` cúing' Fidié' jmóor' laguidseang' e jmiti~ dsea' jalé' ta~ e quiu'r'. Jò jalém' i dsea' do 'né- fé'r' e eám' guiú- jogui e eám' jlo[^] laco' ta~ quiu' dseata~ quiá'r'. ²⁶ Jò dsu' 'nú', dsea' líng'na' dsea' quié-e, ja` cuøøng' fa' e líng'na' lajò. Co' ií' 'nú' i iing~ i nilíniing-gui, 'né- nijmee-na' laco' jmóo` jaang' dsea' i ja` niing~; jogui ií' 'nú' iing~ i niquiá'- ta~, 'né- nijmee-na' lajii~ ta~ e iing~ dsea' rúm'ba'. ²⁷ Co' e já'- e í' dsíi' dsea' e eáng'gui niing- i dsea' i guíing~ gø' laco'gui i dsea' i caguié' e jmiñi' do. Dsu' jnea~ sín'n la jee' 'nú' lí[^] laco' jaang' dsea' i jmóo` lajii~ e iing~ dsea' rúng'.

²⁸ Jò co' nicangí'ba' cóo'~ jnea~ contøøng- lajee' nicangóngín-n jalé' iihuí' fí jmiçúí' la, ²⁹ jò uíi~ e lajòb' nicajmee-na', jòba' nicuøø' 'nú' e niquiá'-na' ta~ colíng~ cóo'~ jnea~ fí ñífi' lí[^] laco'gui la nicangíng' jnea~ quiá'- Tiquié' e Fidié' dsea' guíing~ ñífi' e niquiá'-u ta~ cajo. ³⁰ Jò colíim~ ni'né' niquíee-naa' cóo'~ jnea~ fí jò, jogui røøb' niquidsi'naa' í' cajo quiá'- lajì' guitu' 'lé' dsea' Israel.

Mi~ cajméé' Jesús júu^ e nijíng'- Tú^ Simón e ja` cutiñ` dsea' do (Mt. 26:31-35; Mr. 14:27-31; Jn. 13 :36-38)

³¹ Jò mi~ calí' jò, cajíng'- gui Jesús casí'r- Tú^ Simón:

—Simón, Simón, lana nicamíng' Satanás 'nú' e niguia' jì'r' 'nú' lafa' mi~ jì' dsea' qui' cui'íee'. ³² Jò dsu' jnea~ nicamí~i Tiquié' e dsea' guíing~ ñífi' uíi~ quií'- e laco' ja` güilín'^ e nilítúng- a' júu^ quié-e. Jò 'nu', mi~ nifo'^tu' calé' catú- e lin' dsea' quié-e, jòba' jmicóo'~ jóng' jaléng' dsea' rún' e laco' teá'gui nisíñ'- cóo'~ júu^ quié-e.

³³ Jòba' cañíi' Tú^ Simón jò casí'r- Jesús jò cajíñ'-:

—Fí'i, teáb' dsí' jnea~ e ninii~i cóo'~ 'nu' fí' 'nuñí' fíng song casáng' dsea' 'nu', jogui colíim~ nijúu~naa' fíng cali'né- lajò.

³⁴ Jòba' cañíi' Jesús quiá'- Tú^ Simón jò casí'- reiñ':

—Tú^ Simón, e laba' fíi~i 'nu', e dsa'ó' góo' na, nú'-gui e niquí'- tuidséé', 'nu' nifo'^ 'ní' née' e ja` cuín' jnea~.

Mi~ nijaquíéeng' oor~ e nidsingíng- Jesús jalé' iihuí'

³⁵ Jò lí' jò, cajmingí'- Jesús jaléng' i dsea' quiá'r- do jò cajíñ'- casí'-reiñ':

—Mi~ casín-n 'nú' e ja` quié'na' nosúu' quií-na' o'gui cuu-, jogui jii~ lomíi-na' e ø'ba', jòba' jii~ cóo' ja` ee' cali'né-gui, ¿já^ leáa'~?

Jòba' cañíi' i dsea' do jò casí'r- Jesús:

—Dseáng'- lajòb' líí, Fí'ii'.

³⁶ Jòba' cajíng'- tu Jesús casí'r- jaléng' i dsea' do:

—Jò dsu' lana fíi~i 'nú', jaléng' 'nú' i sea' nosúu' quiá'- cóo'~gui lí~ téé' cuu- quií-na', jòba' quié'na' jalé' e jò; jogui ií' 'nú' i ja` sea' ñisú' quiá'-, jòba' 'ni~na' cóo' 'mi'guiéé- quií-na' jò leáa'na' cóo' e ñí' jò. ³⁷ Dsacó' lana tí' niliti~ jalé' e fé' fí' ni~ jì' quiá'- Fidié' lí' fé' lala uíi~ quié-e: “Jò jee~ jaléng' dsea' i soo' dsíi'

calí'íñ'". Dsaco' lajalé' e fé' fí' ni~ jì' quiá'- Fidié' uii~ quié'-e, dseáng'- 'né' nilitib~ e jo.

³⁸ Joba' cañí' i dsea` do quiá'- Jesús jo cajíñ'-:

—Fí'i, lab sea` tú~ ñisú'.

Joba' cañí' tu Jesús jo cajíñ'-:

—Nitéb' jí' lana.

Mi~ casíng- Jesús cóo'- Fidié' fí' mó' Olivos

(Mt. 26:36-46; Mr. 14:32-42)

³⁹ Jo mi~ cangí' e cajíng'- Jesús e júu^ jo, dsifí' ladob cagüi'íur' jo cangó'-tur fí' mó' Olivos lí' laco'gui jí' e quí' t'íiñ' e jmóor'. Jo cangolíim~ jaléng' i dsea` quiá'r- do cajo t'leáaiñ' laco' cangó'- dsea` do. ⁴⁰ Jo mi~ caguiliñ' e fí' mó' jo, job cajíng'- Jesús casí'r- i dsea` quiá'r- do:

—Féeng'-na' Fidié', jo lajoba' ja` dseáng'- e nijíung'-na' fí' ni~ dsee-.

⁴¹ Jo lí- jo, dob catiúung'-tear i dsea` quiá'r- do, jo 'ña'bre cangór- t'í' doguijiu lí' laco' í' e t'í' cóo' cuu~ e bí' dsea` cóo'- guóor'. Jo casí'r- uó'- jnir~ jo canaaiñ' féiñ' Fidié' jo cajíñ'-:

⁴² —Tea~, song iin~ joba' cuóom' lí' laan~ jnea~ jee~ jalé' iihuá' e t'í' lí' nidsingán-n; jo dsu' ja' güilí' laco' iing~ jnea~, co' güilitib~ jial dseáng'- jí' iing~ 'nu' e nilití'.

⁴³ Jo mi~ cajíng'- Jesús lajo, jo dsifí' lajob cajnéng'- jaang` ángel i casíng' Fidié', jo cacuó'r' dsea` do bí' e quiá'- e nitér' cóo'- jalé' iihuá' e t'í' lí' nidsingíiñ'. ⁴⁴ Jo lajee~ jo eáang'gui canaang' Jesús jmiféiñ' Tiquiá'r^, jo canaang' sojiúíñ' jmiguiee' e lí' la lí' jmí'óoiñ' cartí' ni~ uó'.

⁴⁵ Jo mi~ calí' e féiñ' Tiquiá'r^, jo cangám'-tur fí' lí' caseáaiñ' i dsea` quiá'r- do, jo cadséng'neiñ' do e güim'biñ' do lajaléiñ', co' dsíng'- nicalijiuung~ dsír'.

⁴⁶ Joba' cató'- Jesús i dsea` do jo casí'-reiñ' lala jo cajíñ'-:

—¿Jialí' güiing' 'ná'? Jminá- ráang'-na' jo féeng'-na' Fidié' dsea` guing~ ñiff~ uii~ quií'na' yaang'-na', jo lajoba' ja` dseáng'- e nijíung'-na' fí' ni~ dsee-.

Mi~ casang'- dsea` Jesús

(Mt. 26:47-56; Mr. 14:43-50; Jn. 18:2-11)

⁴⁷ Jo laco' gui'nang' e fé'bi Jesús e júu^ na, mi~ canaang' guilíng'- fíng' dsea`. Jo jaang' lajee~ lajaléng' i dsea` guitúung' do i sii' Judas Iscariote, í'bing' i quie' nifí' quiá'- i dsea` do. Jo cangoquiéeiñ' fí' lí' sing' Jesús jo cachu'r- ni~ dsea` do.

⁴⁸ Jo dsu' lalab cañí' Jesús quiáíñ'- do:

—Judas, ¿su cóo' e chu' ni~baa e nijáan~ jnea~ fí' jaguó' jaléng' i 'ní' níng~ jnea~, dsea` i jáa' fí' ñiff~ i líng' jaang' dsea` jmigüi'?

⁴⁹ Jo mi~ cangá- dsea` guitúung' quiá'- Jesús e calí- lado, jo cajmíngí'r' Jesús jo cajíñ'-:

—Fí'naa', ¿su nitíi~naa' cóo' ñisú'?

⁵⁰ Jo jaang' i dsea` guitúung' do caguir' ní' quiá'r-, jo caquiur' logua~ dsée' quiá'- jaang' dsea` i jmóo' ta~ quiá'- i jmidsea` i laniing- do. ⁵¹ Jo dsifí' lajob cajíng'- Jesús casí'r- i dsea` quiá'r- do:

—Jo' e cang'-na'r jí' cóo'; nilíb' jí' lana.

Jo dsifí' lajob cagüi' Jesús e lí' 'ná' quiá'- i dsea` sicuíng' do, jo ladsifí' lanab ca'lóo- loguaiñ~ do. ⁵² Jo lí- jo, casí'- Jesús jaléng' fí' jmidsea` cóo'- jaléng' i néé' ni~ guá'- cóo'-gui jaléng' dsea` cóong'- quiá'- guá'- quiá'- dsea` góor' dsea` Israel, co' lajalém' i dsea` í' caguiliñ' e nitóor' Jesús, jo cajíñ'- casí'r- i dsea` do:

—Lana cagüilíng- 'ná' e quié'na' jalé' ñisú' cóo'-gui jalé' 'ma' e nijmang'-na' jnea~ lafa' jaang' í'. ⁵³ Jo laco' jmí~ laco' jmí~ ca'ée- e 'ná' júu^ quiá'- Fidié' fí' guá'- quií'naa', jo dsu' ja' cateá- óo'na' fa' e caséng'-na' jnea~

lajee˘ jo; jo dsu˘ lanagui cagüea˘ oor˘ e güijé˘ 'nú˘', co˘ Fidiéeb˘ dsea˘ nicacuør˘ fí˘ lajo e i˘ 'lim˘' niquiá˘r˘ ta˘ e uóø˘ lana.

Mi˘ cajíng˘ Tú˘ Simón e ja˘ cuiñ˘ Jesús

(Mt. 26:57-58, 69-75; Mr. 14:53-54, 66-72; Jn. 18 :12-18, 25-27)

⁵⁴ Jo dsifí˘ lajob casaiñ˘ Jesús, jo cató˘r˘ dsea˘ do fí˘ quiá˘ i˘ jmidsea˘ laniing˘ quiá˘ dsea˘ Israel. Jo huíim˘ ngang˘ Tú˘ Simón e ti˘ leáaiñ˘ laco˘ ngolíng˘ i˘ dsea˘ do e téer˘ Jesús. ⁵⁵ Jo mi˘ caguilíñ˘ fí˘ jo, jo canaang˘ i˘ dsea˘ i˘ casó˘ quiá˘ Jesús do e jír˘ jì˘ fí˘ guiá˘˘ jóo˘ siguí˘, jo caguár˘ lacúng˘ lajíng˘ e jì˘ do mi˘ cacóo˘. Jo dob caguá˘ Tú˘ Simón cajo jee˘ jaléng˘ i˘ dsea˘ do. ⁵⁶ Jo mi˘ cangá˘ jaang˘ dseamí˘ i˘ jmóo˘ ta˘ quiá˘ i˘ jmidsea˘ do e dob guing˘ Tú˘ Simón jee˘ jaléng˘ i˘ dsea˘ i˘ neáang˘ do, jo canaiñ˘ jmicuíng˘ neiñ˘ jo casí˘ reiñ˘:

—Jaa˘, cangib˘ i˘ dseañu˘ la cóo˘ Jesús cajo.

⁵⁷ Jo mi˘ canúu˘ Tú˘ Simón lado, jo dsifí˘ lajob cajíñ˘ casí˘r˘ i˘ dseamí˘ do:

—Ja˘ cuiñg˘ jneaiñ˘ do, dseamí˘.

⁵⁸ Jo mi˘ máng˘ guijiu˘ lajo, jíéng˘ gui˘ calicuí˘ quiá˘r˘ jo cajíñ˘:

—Dsea˘ quiá˘ Jesús líng˘ gui˘ 'nu˘ cajo.

Jo mi˘ canúu˘ tu˘ Tú˘ Simón lado, jo dsifí˘ ladob cañí˘ tur jo cajíñ˘:

—Ja˘ jee˘ i˘ do quíng˘ jnea˘, dseañu˘.

⁵⁹ Jo mi˘ cangí˘ cóo˘ oor˘ lajo, jíéng˘ gui˘ jaang˘ dsea˘ cajíñ˘:

—E já˘ ba˘ líng˘ i˘ dseañu˘ la dsea˘ quiá˘ Jesús, co˘ i˘ seeng˘ fí˘ Galileab la cajo.

⁶⁰ Joba˘ cañí˘ tu˘ Tú˘ Simón jo casí˘r˘ i˘ dsea˘ do jo cajíñ˘:

—Ja˘ ñii˘ ee˘ e fío˘ na, dseañu˘.

Jo ja˘ mí˘ cató˘ bi e fé˘ i˘ Tú˘ Simón do lajo mi˘ tí˘ lí˘ caqui˘ jaang˘ tuidsee˘.

⁶¹ Jo job mi˘ cají˘ Jesús nir˘ jo cajóøiñ˘ Tú˘ Simón tí˘ lí˘ siñ˘, jo dsifí˘ lajob cadseñg˘ dsí˘ i˘ Tú˘ Simón do e cajíng˘ Jesús lami˘ neáaiñ˘ gø˘r˘ do: “Dsa˘ ó˘ góo˘ na, nú˘ gui˘ e niquí˘ tuidsee˘, 'nu˘ nifo˘ 'ní˘ nee˘ e ja˘ cuiñ˘ jnea˘.” ⁶² Jo mi˘ cadseñg˘ dsí˘ i˘ Tú˘ Simón do e cajíng˘ Jesús lajo, jo dsíng˘ calijiuung˘ dsíir˘, jo dsifí˘ lajob cagüi˘ hir˘ jo dsíng˘ canaiñ˘ qui˘r˘ jóng.

Mi˘ cajmeáng˘ dsea˘ Jesús

(Mt. 26:67-68; Mr. 14:65)

⁶³ Jo mi˘ cangí˘ jo, jaléng˘ i˘ dsea˘ i˘ jee˘ quiá˘ Jesús canaiñ˘ lóøiñ˘ dsea˘ do jogui˘ bóøng˘ neiñ˘, ⁶⁴ jo cajníir˘ jmini˘ dsea˘ do jo cabár˘ moniñ˘ jo cajmingí˘ reiñ˘ lala jo cajíñ˘:

—¿I˘ i˘ cabóøng˘ 'nu˘? j mee˘ júu˘, ne˘ ee˘!

⁶⁵ Jo jmigui˘ bi jalé˘ e fé˘r˘ e jmineaiñ˘ dsea˘ do lajee˘ jo.

Mi˘ cangojéiñ˘ Jesús fí˘ lí˘ siseáng˘ jaléng˘ dsea˘ cóøng˘ quiá˘ guá˘

(Mt. 26:59-66; Mr. 14:55-64; Jn. 18 :19-24)

⁶⁶ Jo mi˘ cajneá˘ e jmí˘ jo, jo caseáng˘ jaléng˘ dsea˘ cóøng˘ quiá˘ dsea˘ Israel cóo˘ jaléng˘ fí˘ jmidsea˘ cóo˘ gui˘ jaléng˘ tifa˘ quiá˘r˘, jo cató˘r˘ Jesús fí˘ lí˘ nisiseáiñ˘ do, jo cajmingí˘r˘ dsea˘ do lala jo cajíñ˘:

⁶⁷ —J mee˘ júu˘, ne˘ ee˘, ¿su˘ 'nub˘ Dsea˘ J máang˘?

Joba˘ cañí˘ Jesús quiá˘ jaléng˘ i˘ dsea˘ do jo cajíñ˘:

—Song nijmee˘ jnea˘ júu˘ røø˘, ja˘ já˘ nilíng˘ 'nú˘ júu˘ quié˘ e jóng. ⁶⁸ Jogui˘ song ee˘ nijmingí˘ 'nú˘, ja˘ e ñí˘ na˘ ningí˘ na˘ quié˘ e cajo. ⁶⁹ Jo dsu˘ latí˘ lana jnea˘, dsea˘ cagá˘ a fí˘ ñiff˘ e lín˘ n jaang˘ dsea˘ jmígüi˘, níni˘ í˘ lí˘ dsée˘ laco˘ guing˘ Fidiéeb˘ dsea˘ guing˘ ñiff˘, dsea˘ i˘ 'gøng˘ eáang˘ laúng˘ fí˘ jmígüi˘.

⁷⁰ Jo mi˘ canúu˘ jaléng˘ i˘ dsea˘ do e cajíng˘ Jesús lado, jo lajalém˘ bre cajmingí˘r˘ dsea˘ do jo cajíñ˘:

—Jo ¿su˘ 'nub˘ Jóo˘ Fidiéeb˘ dsea˘ guing˘ ñiff˘ liya?

Joba˘ cañí˘ tu˘ Jesús quiá˘ jaléng˘ i˘ dsea˘ do jo cajíñ˘:

—Dseáng' la job lí' lí' laco' la nicafé' na na.

⁷¹ Jo mi canúu jaléng' i dsea do e cajíng' Jesús lajo, jo casíiñ lajee lajaléiñ do jo cajíiñ':

—¿E'gui ta' e 'neáng' guí' jaléng' dsea i tí' ni'? Co' yee' baa' nicaná' náng jial laco' lí' júu' quiá'r'.

23

Mi caguiéng' Jesús fi' quini dseata dsea féng' i sii Pilato
(Mt. 27:1-2, 11-14; Mr. 15:1-5; Jn. 18:28-38)

¹ Jo mi cangá jo, lajalém' i dsea do cangojéiñ Jesús fi' quini jaang' dseata dsea féng' i sii Pilato. ² Jo mi caguiiñ' do fi' do, jo canaiñ' jmóor' dsee' quiá' dsea do jo cajíiñ':

—I dseañu' la ngir' lacaang' jee' 'nú' ta' jmiguíng' jaléng' dsea i seeng' fi' lí' quiá' 'nu' ta'. Jogui ngir' fé'r' e ja' 'né' niquí'naa' cuu' quiá' i dseata dsea féng' i guing' fi' Roma, jogui fé'bir cajo e íbre líiñ' Dsea Jmáang' i nisíng' Fidié' i nicá' nifi' quiá' jaléng' dsea góo'naa' dsea Israel.

³ Jo mi canúu' i dseata Pilato do lado, jo cajmingi'r' Jesús jo cajíiñ':

—¿Su 'nub' dsea i quie' nifi' quiá' dsea Israel?

Joba' cañi' Jesús jo cajíiñ':

—Dseáng' la job lí' lí' laco' la nicafé' 'nu' na.

⁴ Jo mi canúu' Pilato e cajíng' Jesús lajo, jo casí'r' jaléng' i fii' jmidsea do cóo' gui jaléng' i dsea i teáng' do jo cajíiñ':

—Ja' niguié' jnea' jii' cóo' dsee' e sea' quiá' i dseañu' la.

⁵ Jo mi canúu' jaléng' i dsea do lado, jo eáng' gui canaiñ' jmóor' dsee' quiá' Jesús jo cajíiñ':

—I dseañu' na eáng' ngir' ta' jmiguíng' dsea cóo' jalé' e er'. Jo canaiñ' jmóor' lajo cati' lí' se' Galilea carti' cagüeiñ' fi' la, fi' lí' se' Judea, e jmóor' lajo.

Mi cangojéiñ Jesús fi' quini jaang' dseata i sii Herodes

⁶ Jo mi canúu' Pilato e café' dsea lajo, jo cajmingi'r' su fi' lí' se' Galileab seeng' Jesús. ⁷ Jo mi cajíng' dsea e fi' job seeiñ', joba' casíiñ' dsea do cóo' jaang' dseata i sii Herodes i líng' dseata dsea féng' quiá' Galilea, co' ie jo dob nitáang' i dseata do fi' Jerusalén. ⁸ Jo mi cangá Herodes e cangáiñ' Jesús, dsíng' cali'íang' dsíir', co' líib' nicajá' e iñ' e niníiñ' dsea do, co' fíim' dsea dsicóor' júu' quiá' jalé' e guiá' e nicajmée' dsea do, jogui güjjer' fa' ee' nijmé' dsea do e lí'. ⁹ Jo jmiguiub' jalé' e cajmingi'r' dsea do, dsu' jii' camí' júu' ja' ee' cañi' Jesús quiáiñ' do. ¹⁰ Jo lajee jo, dob teáng' jaléng' fii' jmidsea quiá' dsea Israel cóo' jaléng' tifa' quiá'r', jo dseáng' eám' teáiñ' do jmóor' dsee' quiá' Jesús. ¹¹ Jo mi cangá Herodes e ja' ee' ngí' Jesús, joba' cajmicóo' rúíñ' cóo' jaléng' léé' quiá'r' e canaiñ' lóoiñ' dsea do, jo caquiñ' dsea do caneáng' si' dseata dsea féng'. Jo lí' jo, i dseata do caguiéng' tur Jesús fi' lí' guing' dseata Pilato calé' catú'. ¹² Jo ie' jmí' jo røøb' casíng' tu dseata Herodes cóo' dseata Pilato, co' lami' jééng' gui 'nib' nicangáng' rúíñ'.

Mi cahu' ta' e nijúung' Jesús

(Mt. 27:15-26; Mr. 15:6-15; Jn. 18:39-19:16)

¹³ Jo mi caguiéng' tu Jesús fi' lí' guing' dseata Pilato, jo caquiñ' do ta' e caseáng' jaléng' fii' jmidsea cóo' gui jaléng' dseata jogui cóo' jaléng' dsea fii'. ¹⁴ Jo mi caseáng' jaléng' i dsea í, jo lalab cajíiñ' casí' reiñ':

—'Nú' cañijéeng' na' i dseañu' la fi' la e jmoo'na' dsee' quiá'r' e ngir' jmiguiñ' jaléng' dsea fii'; jo jnea' nicajmingi'r' jalé' e júu' jo fi' quini'

'nú' lajaléng'na' na, jo dsu' jii' coo' dsee- ja' mí' cadsé'e e røøiñ' lí' laco' jii' e 'níng'na're. ¹⁵ Jogui nicasím-búr' fí' lí' guing' dseata~ Herodes, dsu' o'gui i dseata~ í' líng' ee' dsee- cadsé'r' quíá'- dseá' la, joba' fí' lab nicaguiéng'tureiñ'. Jo níñ'ba' e jii' coo' ja' ee' mí' cajméer' fa' cuóøng' e nijngáang'naa'r, ¹⁶ jo dsu' nicuóø'baar iihuí', jo lí' jo nilaam-tur calé' catú'.

¹⁷ Jo lajee' e jmii' jo tíng' dseata~ Pilato e jmi'iaaiñ' dsí' jaléng' dseá' fii' jo láaiñ' camíng' dseá' i iuung' fí' dsí' 'núñí'. ¹⁸ Jo dsu' jaléng' i dseá' fii' do canaañ' oor' teá' jo fé'r' e éeiñ' Jesús:

—Ja' laan' i dseañu' ná! ¡Leaang- Barrabás!

¹⁹ Jo i Barrabás do nica'ír' 'núñí' dsu' uí' e 'ní' níñ' jaléng' dseata~ jogui e nicaingaiñ' dseá' cajo. ²⁰ Jo dsu' dseata~ Pilato eáang'gui iñ' e nileaiñ' Jesús laco'gui i Barrabás do, joba' casí'-tur dseá' fii' calé' catú'. ²¹ Jo dsu' jéeng'gui i dseá' fii' do canaañ' fé'r' cóo' júu' teá'gui jo cajíñ' e éeiñ' Jesús:

—Fí' dse' crúu' teáaiñ' na! ¡Fí' dse' crúu' teáaiñ' na!

²² Jo lí' jo, catí' 'ní' née' cajíng' tu dseata~ Pilato casí'r' jaléng' dseá' fii':

—Jo ¿e'gui dseáng' e ga' nicajméer'? Ja'gui ee' dsee- niguié' jnea~ e røøiñ' fa' e cuóøng' e nijúuiñ'. Dsu' lífa' nicuóø'baar iihuí', jo lí' jo, nilaam-tur calé' catú'.

²³ Jo dsu' jaléng' dseá' fii' cóo'gui jaléng' fii' jmidsea' eáang'gui canaañ' ta'r' má' e mí'tur e nitáng' Jesús fí' dse' crúu', jo lajob cajméer' cartí' calí'r' lajii' e mí'r' do. ²⁴ Jo lajob cajméer' dseata~ Pilato lí' laco' jii' e mí' i dseá' i teáang' do, ²⁵ jo caleáam'bre i Barrabás do, dseá' i 'ní' níng' jaléng' dseata~ jogui nicaingaiñ' dseá', co' uing' quíá'- e joba' e iuuiñ' 'núñí', jo cajám'bre Jesús fí' jaguó' jaléng' dseá' i 'ní' níng' dseá' do; jo cajméer' lajo cóo' jaléng' dseá' fii', co' lajob calí'íiñ' do.

Mí' catáng' Jesús fí' dse' crúu'

(Mt. 27:32-44; Mr. 15:21-32; Jn. 19:17-27)

²⁶ Jo mí' cangí' jo, jo cangojéem'bre Jesús fí' lí' nitáñ' fí' dse' crúu'. Jo lajee' teáaiñ' do fí' e ngoliñ', cajíñ' jaang' dseañu' i laco' nijang' jee' ta' quíá'- i sii' Simón i seeng' fí' cóo' fii' e sii' Cirene, jo caquiur' ta' e cajéeng' i dseañu' do crúu' quíá'- Jesús laguidseaang'; jo cangór' caluu' laco' ngóo' dseá' do.

²⁷ Jo fii'm' dseá' i ngolíng' laco' ngóo' Jesús, jogui dsíng' fíng' dseamí' i ngolíng' quí' jo tí'oor' e lijjuung' dsí'r' uii' quíá'- Jesús. ²⁸ Dsu' Jesús cají' nir' cajóøiñ' jaléng' i dseamí' do jo cajíñ' casí'-reiñ':

—Dseamí' i seeng' fí' Jerusalén, ja' quí'na' uii' jnea~, dsu' quí'na' uii' quí'na' yaang'na' jogui uii' quíá'- jóo'na'. ²⁹ Co' niguiéeb' jmii' mí' nífé' jaléng' dseá': “Juguiá' jii' quíá'- jaléng' dseamí' i ja' cuóøng' nidsiquieeng' yuu', jo ja' ii' caliséng' quíá'r' i cacuó'r' tú'.” ³⁰ Jo ie' job mí' nináng' jaléng' dseá' e ní'mí'r' jalé' mó' jo nijíñ': “Líng' güjii' sii' lí' née'naa'”; jogui nisí'r' jalé' mó': “Meeng' jnea' lajminá'.” ³¹ Co' song lanab cuó'na' jnea~ iihuí', dseá' ja' dsee- røøñ-, joba' jial tí'gui nidsingíng' 'nú', dseá' røøng'na' dsee-.

³² Jo jaléng' i dseá' i ngolíng' do jéeiñ' gáng' í' i nidsijngáaiñ' colíng' cóo' Jesús. ³³ Jo mí' caguilíñ' coo' cuo' lí' sii' Cuo' Mogui' 'Lii', jo fí' job cateáaiñ' Jesús fí' dse' crúu' cóo' laji' gáng' i í' do, jmá'- jáng' crúu' lajaañ' do; jo jmá'- jáng' i í' do catañ' lacataang' cáang' Jesús, jaang' lí' lí' dséé' jogui jaang' lí' lí' tuung'. ³⁴ Jo lajee' gui'ná' e táang' Jesús fí' dse' crúu' cajíñ':

—Teaa~, íng' dsee- uii' quíá'- jaléng' i dseá' na, co' e ja' lí'biñ' na jalé' e jmóor'.

Jo mí' calí' e cateáaiñ' dseá' do fí' dse' crúu', jaléng' i 'léé' do canaañ' cóor' quíá'- i' nilí' lajee' lajaléiñ' do i nicóo' sí' Jesús fí' quíá'r'. ³⁵ Jo lajalém' dseá'

teáaiñ⁻ e jøør⁻ jalé[^] e calí⁻, jø jaléng[^] i dseata[~] do canaaiñ[^] løøiñ⁻ Jesús jø sír[^] dsea[^] do lala jø fé[^]r[^]:

—Caleáam[^] bre jaléng[^] dsea[^] jiéng[^], jøba[^] güileáang[^] 'ñia[^]r[^] náng, song dseáng[^] já[^]- e íbre líiñ[^] Dsea[^] Jmáang⁻, dsea[^] i casíng[^] Fidié[^] fí jmi[^]güí[^] la.

³⁶ Jø jaléng[^] i 'léé⁻ do løøm⁻ bre dsea[^] do cajo, jø dsiquiéeiñ[^] quiá[^]- lí[~] táang[^] dsea[^] do fí dse[^] crúu[^], jø cuø[^]r[^] dsea[^] do jmí[^] mí[^] huíng[^] jø[^] e tí[^]. ³⁷ Jøgui sír[^] dsea[^] do lala jø fé[^]r[^]:

—Leaang⁻ uø[^] náng song dseáng[^] já[^]- e 'nø[^] lín[^] i dsea[^] i quie[^] nifí[^] quiá[^]- dsea[^] Israel.

³⁸ Jøgui tóo[^] cøø[^] 'majmá[^] yá[^] gui[~] crúu[^] lí[~] táaiñ[^] lí[~] silí[^] cóo[^] jalé[^] jmí[^] griego cóo[^] gui[~] jmí[^] latín jøgui cóo[^] jmí[^] hebreo, jø lalab guøng[^]: “Í lab i dsea[^] i quie[^] nifí[^] quiá[^]- dsea[^] Israel.”

³⁹ Jø jaang[^] i ð[^] i taang[^] fí dse[^] crúu[^] do gab[^] fé[^]r[^] uii[~] quiá[^]- Jesús cajo, jø sír[^] dsea[^] do lala:

—Song dseáng[^] já[^]- e 'nø[^] lín[^] Dsea[^] Jmáang⁻, jøba[^] leaang⁻ uø[^] jóng jøgui leaang⁻ jnea[^].

⁴⁰ Jø dsu[^] i ð[^] i jaang[^] gui do ca'gaam[^] bre quiá[^]- i ð[^] rúíñ[^] do jø cajíñ[^] casí[^]- reiñ[^]:

—¿Su ja[^] jáa[^] quí[^]- fa[^] e 'gøng[^] Fidié[^] dsea[^] guíng[^] ñifí[^], 'nø[^] dsea[^] táan[^] fí dse[^] crúu[^] la cajo? ⁴¹ E líng[^] uim[^] ba[^] e taang[^] jnea[^] la, cø[^] laguí[^] b qui[^] naa[^] quiá[^]- jalé[^] e nica[^] lee[^] naa[^], dsu[^] i dseañu[^] la jí[^] cøø[^] ja[^] ee[^] mí[^] ca[^] léer[^].

⁴² Jøba[^] cajíñ[^] casí[^]- Jesús:

—Jesús, güigüiéng[^] o[^] jnea[^] mí[~] ninaan[^] niquí[^] ta[^] la'úng⁻ fí jmi[^]güí[^].

⁴³ Jøba[^] cañí[^] Jesús quiá[^]- i dseañu[^] í jø cajíñ[^] casí[^]- reiñ[^]:

—E já[^]- e fí[^] i 'nø[^], dseañu[^], e náb nidsi[^] lé[^] ee[^] cóo[^] jnea[^] fí ñifí[^] lí[~] guíng[^] Tiquié[^] e.

Mí[~] cajúng⁻ Jesús

(Mt. 27:45-56; Mr. 15:33-41; Jn. 19:28-30)

⁴⁴ Jø lajee[^] táang[^] Jesús fí dse[^] crúu[^] mí[~] catí[^] guieñí[^] joo[^], jøb mí[~] ca[^] lí[^] núu[^] fí guoo[^] uø[^] jø, jø cateá[^]- cartí[^] la ð[^] 'ní[^] e ca[^] lóo[^]. ⁴⁵ Jø cajlíng⁻ iee[^], jø lajee[^] jø casíng⁻ tú[^] dseá[^]- joo[^] e 'mí[^] e í[^] guí[^] á[^] joo[^] guá[^]- e sí[^] fí Jerusalén. ⁴⁶ Jøb mí[~] ca[^] lóo[^] Jesús jø cajíñ[^]:

—Tea[^], fí jaguoo[^] ba[^] nisée[^] e jmi[^]guí[^] quie[^] e náng.

Jø dsifí[^] mí[~] cajíñ[^] lajø, jø cajúm⁻ bre.

⁴⁷ Jø mí[~] cangá⁻ fí[^] 'léé⁻ quiá[^]- dsea[^] romano e calí⁻ lado, jøguí[^] ba[^] ca[^] jmiféiñ[^] Fidié[^] jø cajíñ[^]:

—Dseáng[^] já[^]- ba[^] e ja[^] dsee⁻ nirøøng[^] i dseañu[^] na.

⁴⁸ Jø jaléng[^] i dsea[^] i teáang⁻ do cangá⁻ bre jalé[^] e calí⁻ do, jø mí[~] caquiñ[^] e ngolíñ[^], jøba[^] canaaiñ[^] bár[^] fí nidsí[^]r[^], cø[^] fí[^] íb[^] eáang[^] calíñ[^]. ⁴⁹ Dsu[^] jaléng[^] dsea[^] i cangí[^] cóo[^] Jesús cóo[^] gui jaléng[^] dseamí[^] i cajalíng⁻ cóo[^] dsea[^] do catí[^] lí[~] se[^] Galilea, huí[^] b cajer[^] jøør⁻ jalé[^] e calí⁻ do ie[~] jø.

Mí[~] ca'áng⁻ Jesús

(Mt. 27:57-61; Mr. 15:42-47; Jn. 19:38-42)

⁵⁰ Jø ie[~] jø seeng[^] jaang[^] dseañu[^] i guíung⁻ eáang[^] i sii[^] Sé[^] i caliséng[^] fí cøø[^] fí[^] lí[~] sii[^] Arimatea fí lí[~] se[^] Judea. Jø líiñ[^] do jaang[^] dsea[^] féng[^] i quiu[^] ta[^] quiá[^]- dsea[^] Israel. ⁵¹ Jø i dseañu[^] do güije[^] bre e nicá[^] Fidié[^] nifí[^] quiá[^]- lajaang[^] lajaang[^] dsea[^] jmi[^]güí[^], jøgui ja[^] calí[^] jí[^] r[^] cajo dsu[^] e cahuí[^] ta[^] e nijúung⁻ Jesús lí[^] laco[^] gui casíng⁻ i dseata[~] caguiaang⁻ rúíñ[^] do. ⁵² Jøba[^] mí[~] cajúng⁻ Jesús, cangó⁻ i Sé[^] do fí quini[^] dseata[~] Pilato, jø camír[^] fí e ni'áaiñ[^] Jesús, jø cacuø[^] bi i dseata[~] í[^] fí e nijmé⁻ Sé[^] lajø. ⁵³ Jø dsifí[^] lajøb cangó⁻ fí lí[~] táang[^] Jesús fí dse[^] crúu[^], jø cajgiáaiñ[^] dsea[^] do, jø caquiñ[^] cøø[^] 'mí[^] té[^] e niguo[^], jø cangojéeiñ[^]

dsea` do e ca'áiñ` fí` dsí' cōo` too` jiáa', cō' lajōb quí'` t̄ing` jaléng` dsea` Israel e áaiñ` 'lii~` quiá'r`. Jo e fí' jo j̄i'` jaang` 'lii~` ja` mí' ca'áang` lamí` jéeng`gui. ⁵⁴ Jo ie~` jm̄i~` jo nilí' e guatí'ló~` jm̄i~` e jmi'ing` jaléng` dsea` Israel.

⁵⁵ Jo jaléng` i dseamf i cajalíng` cōo` Jesús catí' lí' se` Galilea cangolíim` bre cajo, jōba' cangá` bre jie` lí' ca'áng` Jesús jogui jial caquiee` dsea` do dsí' e too` do. ⁵⁶ Jo mi~` calita` dsí' i dseamf do jie` lí' ca'áng` Jesús, jōba' cangolíim` bre jóng fí' lí' neáaiñ` fí' Jerusalén, jo cangoguiar` guiá` jalé' jm̄i~` jmeafíi` cōo` gui jalé' noo~` jmeafíi` e nidsisuiñ` dsea` do mi~` ningf` jm̄i~` e jmi'ing` jaléng` dsea` Israel, cō' lajōb quí'` t̄ing` jaléng` dsea` ie~` jo cōo` jaléng` 'lii~` quiá'r`. Jo cajmi'ím' i dseamf do mi~` catí' í' lajō lí' laco'gui ta~` quiá' fí' ní' jì` quiá'` Fidié`.

24

Mi~` cají'tu Jesús

(Mt. 28:1-10; Mr. 16:1-8; Jn. 20:1-10)

¹ Jo mi~` cangf e jm̄i~` e jmi'ing` jaléng` dsea` Israel, jo jm̄i~` la'uii~` quiá'` seamaan` la'ee` eáang` jaléng` i dseamf i cajalíng` cōo` Jesús catí' Galilea do caleáb` catú` cangolíiñ` fí' lí' si'aang` Jesús, jo quier` jalé' jm̄i~` jmeafíi` cōo` gui jalé' noo~` jmeafíi` e nicaguiar` guiá` lamí` jéeng`gui do quiá'` e si'f` nisúuiñ` dsea` do. ² Jo mi~` caguilíiñ` e too` jiáa' lí' ca'áng` Jesús, jo cangár` e nisínab` e oo` ée` do, jo cab' niroo` e cuu` e cajní` mi~` ca'áng` dsea` do. ³ Jo cangotáam` bre fí' dsí' e ée` do, dsu' jo` cadséiñ` Jesús fí' dsí' jo. ⁴ Jo mi~` cangá` i dseamf do lajō, jo dsíng` cafóíiñ` j̄i'` jo` ñir` e~` nijmér`. Jo lajee` jo cōo` cangá` bre e cajnéng` gáng` dseañu` quiá'` laco' teáaiñ`, jo i dseañu` do qui'r` 'mí' té' e jì' jlo'. ⁵ Jo dsíng` cafóng` i dseamf do mi~` tí' lí' cangáiñ` i dseañu` do, jo catúuiñ` cartí' ní' uó` dsu' e cafóíiñ` dsea` do. Joguiba' café' i dseañu` do e caféiñ` i dseamf do jo cajíiñ`:

—¿Jialí' ngi'na' 'náng`na' jee` jaléng` 'lii~` i dsea` i jí'` lana? ⁶ Cō' nicajíb` tur calé' catú`, jōba' jo` i seeng` fí' la. Téé' óóna' jial cajíiñ` lamí` cateáaiñ` cōo` 'nú' fí' Galilea, ⁷ mi~` cajíiñ` e ír', dsea` cagüéiñ` fí' jm̄igüi' e jáar' fí' ñifí' e líiñ` jaang` dsea` jm̄igüi', dseáng` 'néb` e nijáng` dsea` ír' fí' jaguó` jaléng` dsea` dsee` dsea` qui' cartí' nijnga` dsea` do quiá'r` fí' dse' crúu', jo dsu' mi~` nidsíng` 'ní' jm̄i~` lajō, nijíb` tur calé' catú`.

⁸ Jo mi~` canúu` i dseamf do e júu` na, joguiba' cadseng` dsíir' jalé' júu` quiá'` Jesús. ⁹ Jo dsifí' lajōb caquing` tur, jo cangojmée'r` júu` i dsea` guijáng` quiá'` Jesús cōo` gui jaléng` i dsea` caguiaang` gui do. ¹⁰ Jo jaléng` i dseamf i caguicōo` júu` do siir` Yá` i seeng` fí' Magdala, jaang`gui i sii` Sihuoo~, jaang`gui i sii` Yá` niquiá'` Tiáa~, jogui quíim` bi dseamf i caguiaang` gui cajo. ¹¹ Jo mi~` canúu` i dsea` guijáng` do lado, ca'f` dsíir' e ngaam` i dseamf do, jo ja` ee` já' calíiñ` laj̄i' júu` e quiéeiñ` do.

¹² Jo dsu' Tú` Simón dsifib` cangór` güi'í' e cangojór` e fí' too` ée` do. Jo mi~` caguiér` fí' jo, jo catúuiñ` cajóor` jo cangár` e j̄i'` e 'mí' e caquing` dsea` doba' née'gui. Jo dsifí' ladob cangáng` tur, jo dsíng` cangogá` dsíir' quiá'` jalé' e cangár` do.

Mi~` cangolíng` gáng` dsea` quiá'` Jesús fí' Emaús

(Mr. 16:12-13)

¹³ Jo e jm̄i~` jo, gáng` lajee` la'ó' i dsea` i cangí' cōo` Jesús do cataiñ` fí' e cangolíiñ` fí' cōo` fíi` lí' sii` Emaús e née' guicō` kilómetro lí' lí' caluu` fíi` Jerusalén. ¹⁴ Jo lajee` teáng` i dsea` do fí', jo ngolíiñ` s̄iñ` quiá'` jalé' e nicalí' fí' Jerusalén lajee` e jm̄i~` jo. ¹⁵ Jo lajee` ngolíiñ`, cangoquiéeng` Jesús, jo canaaiñ` ngir' colíng` cōoiñ` do. ¹⁶ Jo jóm` i dsea` gáng` do Jesús, dsu' ja`

cangáin̄ fa' e calicuín̄ dsea` do ladsifí lado. ¹⁷ Jo cajmingí' Jesús i dsea` gáng` do jo casí' reiñ' jo cajín'`:

—¿E` jalé' e siing` 'nú' lajee` teáng` na' fí? ¿Jialí' líng` na' fí'í'?

¹⁸ Jo jaang` i dseañu` do i nisiñ Cleofas cañir` quiá'` Jesús, jo casí'r` dsea` do jo cajín'`:

—Lajim` dsea` niñir` jalé' e nicalí' fí Jerusalén lajee` e jmiñ` e cangíng` na. Jo ¿su jí'` 'nub` dsea` guin` fí Jerusalén e ja` ní'` jalé' e nicalí' fí jo?

¹⁹ Joba' cajmingí'tu Jesús quiá'` i dsea` do jo cajín'` casí'` reiñ':

—¿E` jalé' e nicalí' fí jo?

Joba' cañí' i dsea` gáng` do jo cajín'`:

—Mó'` jaa'naa' siñ`naa' jalé' e calíng` Jesús i seeng` fí Nazaret, jaang` dsea` 'gøng' i café' cuaiñ` quiá'` Fidié`, jo cajméer` jalé' e quí'r` jmiñ` e dsigá` dsí' dsea`, jogui eáng` 'gøng' jalé' júu` e café'r` cajo; ²⁰ jogui siñ`naa' jial cajméé` jaléng` fí jmidsea` cóo'` gui jaléng` dseata` qui`ii' mi` cajáin̄` dsea` do fí jaguó` jaléng` dsea` fi` e laco' niteáin̄` dsea` do fí dse` crúu` cartí` nijngáng`-neiñ'. ²¹ Jo jnea` nisita` dsí'naa' e íbre dsea` i nileáng` jnea`, dsea` lí'naa' dsea` góor` dsea` Israel. Jo dsu' lana ningóo'` ní' jmiñ` e cangojéé` jalé' e jo. ²² Jo cóo` tú` máng` i dseamf` i quíng` jee` jnea` nicaguilíin̄` 'ma'ee` e fóiñ' jnea`, co' nicangolíin̄` e ja` mí jneá` røø` fí lí` ca'áng` dsea` do, ²³ jo dsu' jo seeng` i 'liñ` do e too` lí` ca'ír` do mi` caguilíin̄`. Joba' mi` caquing`-tur, quiéer` júu` e cangáin̄` ángeles quiá'` Fidié` i cajíng` e nicajíb'tu Jesús calé'` catú'. ²⁴ Jo lí` jo, cangolíng` fí jo cóo` tú` máng` dsea` i la'ó'` ngí cóo'`naa' e fí do, jo cangá`-bre cajo dseáng`-jí'` laco' júu` e quiéé` i dseamf` do, jo dsu' ja` cangáin̄` Jesús.

²⁵ Joba' cajíng` Jesús casí'r` i dsea` gáng` do:

—¿Sóong` ja` iing` 'nú' e ningáng`na' jalé' ee` lí', jogui dsíng`- jmiñing`na' e já'` nilíng`na' jalé' júu` e caguia' jaléng` dsea` i café' cuaiñ` quiá'` Fidié` malí'gui eáng`! ²⁶ Co' dseáng`- 'né`-ba' e cangongíng` Dsea` Jmáang` jalé' e jo nú'`gui e nidséng`-tur calé'` catú' fí níñ'` quiá'r`.

²⁷ Jo dsifí ladob canaang` Jesús e sí'r` i dsea` gáng` do jalé' júu` e fé'` uii` quiá'r` fí ni` jì` quiá'` Fidié`, jo canaain̄` catí` júu` quiá'` Moi` cóo'`gui jalé'` júu` caguiee`-gui e cajme'` i dsea` i café' cuaiñ` quiá'` Fidié`.

²⁸ Jo malí`gui lajo, mi` caguilíng` i dsea` gáng` do e fi` lí` ngolíin̄` do, jo cajméé` Jesús e lafa' e ngóo'bir tí lí` huí'`gui, ²⁹ dsu' i dsea` gáng` do cajméer` e cajeb' Jesús e fi` do jo casí'` reiñ' do:

—La je` cóo'` jnea`, co' nica'lóob` eáng` jo tí lí` ní'` núub`.

Jo mi` cajíng` i dsea` do lado, jo cajeb' Jesús fí lí` cajé` i dsea` gáng` do. ³⁰ Jo mi` tí lí` caguár` e nidó'r` ir` e canuu`, jo catíng` Jesús cóo` iñí'` jo cacuø'r` gui'máang` Fidié`, jo lí` jo cañíin̄` e iñí'` do jo cacuø'r` i dsea` gáng` do. ³¹ Jo mi` cajméé` Jesús lado, job mi` calilí'` i dsea` gáng` do e ni` dseáng`- Jesús i dsea` do. Jo dsu' dsifí ladob cango'íng` dsea` do e laco' gui'ná'` jóøm`-bir. ³² Jo dsifí ladob canaang` i dsea` gáng` do sí'` rúin̄':

—Lado 'mí`, lajee` téé'naa' fí, dsíng` cali'íang` dsí'naa' mi` cajmea'r` jneaa`aa' júu` jalé' e fé' fí ni` jì` quiá'` Fidié` uii` quiá'r`, dsea` líin̄` Dsea` Jmáang`, ¿já` já'`?

³³ Jo jo` cajmiñing` yaang` i dsea` gáng` do, co' dsifí ladob caquing`-tur cangolíin̄` fí Jerusalén fí lí` caseáng`-tur cóo'` jaléng` i dsea` guíang` do cóo'`gui dsea` caguiaang` i ngí cóo'r` do. ³⁴ Jo dsifí mi` cangáng`- rúin̄', jo lalab cajíng` i dsea` fíng` do jo casí'` reiñ':

—E já'`-ba' e nicají'tu Fí'naa', co' Tú` Simón nicangá` quiá'r`.

³⁵ Jo joguiba' cajmée` i dsea` gáng` do júu` jalé` e calíñ` guiá` fí, jo jial calicuíñ` Jesús mi` tí lí` caffing` dsea` do iñí` e nidó`r`.

*Mi` cajmijnéng` 'ñia` Jesús fí` quini` dsea` quiá`r`
(Mt. 28:16-20; Mr. 16:14-18; Jn. 20 :19-23)*

³⁶ Jo lajee` gui'ná` sím`bi i dsea` do jalé` e júu` na, coo` cajném` Jesús jo casíng` 'ñia`r` jee` jaléng` i dsea` do jo casí`-reiñ` do lala:

—Güiliseem` 'nú` juguíá` júu` røø`.

³⁷ Jo mi` cangáng` i dsea` do Jesús, dsíng`- cafóñ` jo canaaiñ` í dsír` e jóøiñ` jaang` dsea` guí`.

³⁸ Joba' cajíng`- Jesús casí`r` jaléng` i dsea` do:

—¿Jialí` 'gó`na'? Jo ¿jialí` jmoo`na' e ja` já`- líng`na' e jnea`? ³⁹ Fing na jóø`-du' guóo`o cóo`-gui tíi, co' dseáng`- jneab` la. Güing`na' jnea` jogui jóøng`na' jnea`, co' jaang` dsea` guí` ja` teáaiñ`- móo` o'gui sea` loo` táaiñ` laco' móo` 'nú` e sea` quié` e lana.

⁴⁰ Jo mi` cajíng`- Jesús lado, jo ca'e`r` jaléng` i dsea` do laji` tú` guoor` cóo`-gui tíi. ⁴¹ Jo dsu` i dsea` do ja` já`- calím`-bir uíi` e dsíng`- dsigá` dsír` jogui e iáang` dsír` cajo. Joba' cajíng`- Jesús casí`r` jaléng` i dsea` do:

—¿Su ja` ee` sea` cuó`-jia` dóø`-ø` lana?

⁴² Joba' i dsea` do cacuo`r` Jesús ca'náang`- 'ñu` i cúing` cóo`-gui ca'ná` mi' e a` ta'. ⁴³ Jo ca'ím` Jesús e do, jo cagó`bre do fí` quini` jaléng` i dsea` do. ⁴⁴ Jo mi` cangoyúung` e cagó`r`, jo casí`r` jaléng` i dsea` do jo cajíñ`-:

—Lajalé` e nicalín`-n, e job e cafí`-i 'nú` lamí` cangí`naa' colíng` e dseáng`- 'né` e nilitib` jalé` e fé` uii` quié` e fí` ní` jì` quiá`- Fidié` e cajme' Moi` jogui fí` ní` jì` e cajme' dsea` i café` cuaiñ` quiá`- Fidié` jogui e fé` fí` ní` jì` e sií` salmos.

⁴⁵ Jo lí` jo, cajmée` Jesús e cangáng` jaléng` i dsea` do jalé` e fé` fí` ní` jì` jo uii` quiá`r`. Jo lí` jo casí`-reiñ` lala jo cajíñ`-:

⁴⁶ —Lajob too` fí` ní` jì` quiá`- Fidié` e dseáng`- nisi`í`ba' e cajún`-n, jnea` dsea` lín`n Dsea` Jmáang` i casíng` Fidié` fí` jmigüi` la, jo mi` catí` 'ni` jmí` lajo, cajíb`-túu` calé` catú`-; ⁴⁷ jogui 'né` e nini`- dsea` júu` quié` e laco` fí` fí` la'úng` fí` jmigüi`, jo 'né` nináng` e jo catí` Jerusalén e laco' niquí`- jíng` yaang` dsea` fí` quini` Fidié`, jo lajoguiba' quí`- jmí` e ni'íng` dsee` quiá`r`. ⁴⁸ Jo 'náb` nicañí`-na' jalé` e nicalín`-n. ⁴⁹ Jo jnea` nicuóø`-ø` 'nú` e cajíng`- Tiquié` e lamí` jéeng`gui e nicuó`r` 'nú`, dsu` fí` Jerusalén labi 'né`- já`na' cartí` ni'íng`na' e Jmiguí` 'gøng` quiá`- Fidié` e jáa` fí` ñifí`, jo e job e nijmicóo`- 'nú` lata`.

*Mi` cangáng`- Jesús fí` ñifí`
(Mr. 16:19-20)*

⁵⁰ Jo mi` cangí` jo, cajéeng` Jesús i dsea` quiá`r` do fí` caluu` fí` Jerusalén, jo cangolíñ` fí` cóo` lí` sií` Betania. Jo mi` caguillíñ` fí` jo, jo casée` Jesús guoor` fí` yá` jo lajob cataiñ`- güea` i dsea` quiá`r` do. ⁵¹ Jo lajee` gui'ná`-bi táaiñ` güea` i dsea` quiá`r` do, mi` canaaiñ` soor` fí` yá` e cangáñ`- fí` ñifí`. ⁵² Jo dsu` lajaléng` i dsea` guijáng` do caquim`-tur fí` Jerusalén mi` cangoyúung` e cajmiféiñ` dsea` do, jo dsíng`- iáang` dsír` cangolíñ`. ⁵³ Jo mi` cangí` jo, sojiéb` niteáaiñ` fí` dsí` sinúu` guá`- e jmiféiñ` Fidié`.

Jo lajob nilí`.

Jo lanab` júi` lí` júu` e cajme' Lucas.

E lab júu^ quiá'- Dsea` Jmáang- e cajme' JUAN

Lajíi~ mi~ ná'-gui e nitiroo`jmigüi'ba' e niseeng`Dsea`Jmáang-

¹ Jo jíi~ latí' mi~ uiim~ nisea' e sii' Júu^ do, jo e jo líng' Joo' Fidié'; jo cøøm` seeng` cóo' Fidié', co' íb` dseáng'- Fidié' cajo. ² Jo colim~ seeng` e Júu^ do cóo' Fidié' lajii~ latí' mi~ uing~. ³ Jo la'eáang' cóo' e Júu^ dob cajméé` Fidié' lajalé' e sea' fí' jmigüi'; joba' lajalé' e sea' fí' jmigüi' cajméé` Fidié' colim~ cóo' e Júu^ do. ⁴ Jo la'eáang' cóo' e Júu^ daba' cuø' e see~naa' fí' jmigüi', jogui íb` cajo i líng' i Jíng' quiá'- Fidié' i cuø' e tñing` ngáng' jaléng' dsea' jmigüi'. ⁵ Jo i Jíng' quiá'- Fidié' do jmoo' e lijneá' lacaang` lí' nuu` só', jogui e nuu` só' do ja' mi' caquá'~ jmii' fa' nijmé- e niyúng` i Jíng' quiá'- Fidié' do.

⁶⁻⁷ Jo malii~gui caliséng` jaang` dseañu' i calisi' Juan i seáang` dsea' jmii'; jo Fidié' cagüing` ír` jogui casíng`nein' e laco' dsea' do nini'r- júu^ quiá'- i Jíng' quiá'- Fidié' do, jogui e laco' ninú- jogui e já'- nilíng` jaléng' dsea' lajii~ júu^ e niguiá- dsea' do. ⁸ Jo dsu' i Juan i seáang` dsea' jmii' do ja' líiin' dseáng'- i Jíng' quiá'- Fidié' do, co' líiin' jaang` dsea' i casíng` Fidié' e laco' nini'r- júu^ quiá'- i Jíng' do jee~ jaléng' dsea' góor` dsea' Israel. ⁹ Jo cagüéng- i dseáng'- já'- Jíng' quiá'- Fidié' do fí' jee~ dsea' jmigüi' e laco' nijmér- jial e niliseeng` dsea' fí' lí' jneá' jí'.

¹⁰ Jo i dsea' i líng' Júu^ quiá'- Fidié' do niseem`bre lajii~ latí' mi~ uing~; jo nañí' fa' la'eáang' cóo' íbre cajméé` Fidié' lajalé' e sea' fí' jmigüi', jo dsu' jaléng' dsea' jmigüi' ja' já'- calíin- júu^ quiá'- dsea' do. ¹¹ Jogui dseáng'- fí' góo`bre cagüéin- cajo, dsu' ja' calíng' dsea' góor` ír'. ¹² Jo dsu' jaléng' i dsea' i calíng' ír` jogui i já'- calíng- júu^ quiá'r-, joba' cacuø'rein' fí' e ca'uíin- do jóo' Fidié'. ¹³ Jogui líiin' do jóo' Fidié' dsu' o' uii~ e caliséin' fí' jmigüi' la, o'gui fa' líing- i quiá' ta' quiá'r- e ca'uíin- lajo, dsuco' líiin' do lajo uii~ e ñiab' Fidié' cajméer` e ca'uíin- do jóor'.

¹⁴ Jo e Júu^ do ca'uíng- dseáng'- jaang` dsea' jmigüi', jo caliséng` jee~ jneaa~aa' fí' jmigüi' la, jogui dsíng'- jmi'neáang` jneaa~aa', jogui jmang'- júu^ já'- quie'. Jo mi~ calicuíng`naa' e Júu^ do i líng' Joo' Fidié' i camíng'- do, joba' caline`baa' jóng` jial dseáng'- jlo'` níin-, jo dsu' e jo catíin- jíi~ dseáng'- 'ñia'bre e cacuø' Tiquiá'r^ ír', co' dseáng'- eám' 'néé` dsea' do quiá'r-. ¹⁵ Jo lalab cajíng'- Juan i seáang` dsea' jmii' do cuaiñ~ quiá'- dsea' do mi~ cajíñ'- lala:

—Jo i lab i dsea' i éeng` jnea~ do ie~ lami~ café'-a lala: “Jo i dsea' i nijáa' cøøng`guijiiu laco'gui cagüéng- jnea~ fí' jmigüi' la niing`guir eáang' laco' jnea~, dsuco' lajii~ mi~ ná'-gui eáang' e niliseeng` jnea~ba' e niseein'.”

¹⁶ Jo co' eám' guiúng- dsea' do cóo' jneaa~aa', joba' cuø'r' jneaa~aa' jalé' güea'^ quiá'r- cóo'gui jalé'gui e 'né- qui-ii' dseáng'- lalíng' e jíi~ ja' catíi~naa' lajo. ¹⁷ Jo la'eáang' cóo' Moi' cacuø' Fidié' jneaa~aa' júu^ quiá' ta' quiá'r-; jo dsu' la'eáang' cóo' Dsea' Jmáam~ba' e nicaline`naa' jial tíi' 'neáang' Fidié' jneaa~aa' jogui la'eáang' cóo' íb` cajo e líti- júu^ quiá'- Fidié'. ¹⁸ Jo jíi~ jaang` dsea' jmigüi' ja' mi' cangáaiñ` dseáng'- 'ñia' Fidié', dsu' jíi~ i jóor' camíng'- do i líng' Fidié' cajo, jíi~ íbing' i nicajmijnéng` jial líng' Tiquiá'r^ Fidié' uii~ e dseáng'- cøøm` seein' cóo' dsea' do.

Mi~ café' Juan i seáang` dsea' jmii' cuaiñ~ quiá'- Dsea' Jmáang-
(Mt. 3:11-12; Mr. 1:7-8; Lc. 3:15-17)

19 Jo cōo`jmii~ jaléng' i dsea` i quie' nifi' quia'- jaléng' dsea` Israel i seeng` fi' Jerusalén casiiñ` cōo` tú- m'ing'~ jmidsea` quia'r- cōo`~gui jaang` gáng- dsea` levita fi' lí- táang` i Juan i seáng` dsea` jmii` do e cangojmingí'r~ dsea` do lala:

—¿I~ dsea` lin'?

20 Joba' cañi' i Juan do dseáng'- la lí' jo casí'- reiñ' do lala:

—O' jnea~ i Dsea` Jmáang- i í' áa'na' i nisíng- Fidié~ i nicá' nifi' quíi'-na'.

21 Jo cajmingí'- tu i dsea` do i Juan do calé' catú- jo cajíñ'-:

—Jo ¿i~ dseáng'- líng' 'nua` jóng? ¿Su Lí' i café' cuaiñ~ quia'- Fidié~ mali'gui eáang'?

Joba' cañi' tu i Juan do jo cajíñ'-:

—U~, o' í' jnea~.

Joba' calé' catú- cajmingí' tu i dsea` do jo cajíñ'- lala:

—¿Osi 'nua` bi i dsea` i caguíng' Fidié~ i nifé' cuaiñ~ quia'r- i sijeeng'naa' fi' jmigüi' la?

Joba' cañi' tu i Juan do quiaíñ'- do jo cajíñ'-:

—U~, o' í' jnea~ cajo.

22 Joba' i dsea` do calé' catú- cajmingí'r- i Juan do jo cajíñ'-:

—Jo song o' lajogui, joba' ¿i~gui dseáng'- líng' 'nua` jóng? Jo cō' dseáng'- la guim' 'né- lé'naa' júu^ i~ dseáng'- líng' 'nua` quia'- i dsea` i casíng' jnea^ do, joba' ¿e~ fó' 'nua` uø' e lin'?

23 Joba' cañi' tu i Juan do quiaíñ'- do:

—Jnea~ lán'n jaang` i fé' i cagüéng- fi' ni~ guóo'~ uø^ quie~, jo quiee- júu^ quia'- Fidié~ e catíng- 'nú' e fé' lala: “Nea~na' condsee' cōo` fi', cō' tí lí~ nijáab' Fii'naa'” —lí' laco' cajíng'- Fidié~ fi' ni~ jì' quia'r- e cajme' Saíi', jaang` dsea` i café' cuaiñ~ quia'- Fidié~ ie~ mali'gui eáang'.

24 Joba' i dsea` i casíng' dsea` fariseo fi' lí- táang` i Juan i seáng` dsea` jmii` do cangosiiñ` cōo`~ dsea` do 25 jo cajmingí'- tureiñ':

—Jo song ja` líng'gui' i Dsea` Jmáang- i nisíng- Fidié~ fi' la i nicá' nifi' quíi'naa' o'gui Lí' o'gui i dsea` i fé' cuaiñ~ quia'- Fidié~, joba' ¿jali' jmoó' ta~ seáng` dsea` jmii` jóng?

26 Joba' cañi' tu i Juan do quiaíñ'- do jo cajíñ'-:

—Jnea~ seáan'n dsea` jmii` jíi'~ cōo`~ layaang~ jmii'; jo dsu' jee~ 'nú' niseem` jaang` ja` mí' cúing'na'. 27 Jo lana tí lí~ nilicuíim'ba' i dsea` í', cō' tí lí~ ninám'bre ta~ quia'r-. Jo jnea~ fi' quini' í' ja` ee` quín'n, cō' jì'gui cō' nisíi'~ ní' 'ñúu' lomii'r- ja` quín'n.

28 Jo jalé' e la cangojee' fi' cōo` fii' lí~ sii' Betania e née' lí' lí' 'ngóo'~ gua` Jordán, cō' fi' job lí~ táang` i Juan i seáng` dsea` jmii` do ie~ jo.

Jesús líiñ' i Jo'se' Jiuung~ quia'- Fidié~

29 Jo mí' cajnea~ cōo`gui jmii~ lajo, i Juan do cangár- e nijaquíéeng' Jesús fi' lí~ siñ'. Joba' café'r uii~ quia'- dsea` do, jo casí'r- jaléng' i dsea` i teáng- cōo'r do lala:

—Fíng na jøø-na', dob nijáa` i líng' i Jo'se' Jiuung~ quia'- Fidié~ i líng- jalé' dsee- e røøng` dsea` jmigüi'. 30 Jo i dsea` lab i éeng' jnea~ do ie~ lamí~ cafá'- a lala: “Mí~ nisóong- jnea~, nijáa` jaang` i niing- gui eáang' laco' jnea~, dsuco' i dsea` í' lajii'~ mí~ ná^gui eáang' e niliseeng` jnea`ba' e niseeiñ'.” 31 Jo jíi'~ jnea~ ja` mí' caliñi' bii' i dseáng'- dsea` do, jo dsu' cagá- a fi' jmigüi' la e gaseáan'n dsea` jmii` e laco' jaléng' dsea` góo'o dsea` Israel nilicuíiñ` dsea` do.

32 Jo cajíng'- gui i Juan do lala cajo:

—Cōo` jmii~ camó- jnea~ Jmiguí' quia'- Fidié~ e cajgó- fi' ñiff- jo caje' fi' yá' gui Jesús e líng~ jaang` mee'. 33 Jo lajee' e ná'- gui lajo ja` mí' ñi' jnea~ i líng' dsea` do, jo dsu' Fidié~ i casí' quie' e e cagaseáan'n dsea` jmii` casí'r- jnea~ lala:

“I dsea` i nimáan` i nijgié` Jmiguí` quié` e fí yá` gui, i dsea` í`bing` i niseáng` dsea` jmíi` cóo` Jmiguí` quié` e.” ³⁴ Jo camób` jnea` mi` cangojéé` jalé` e jo, joba` dseáng` lajam` nita` dsii` e Jesús líiñ` dseáng` i Jóo` Fidiéé` camíng` do.

La`uii` dsea` i ca`uíng` dsea` quiá` Jesús

³⁵ Jo mi` cajneá` cóo` gui jmíi` lajo, i Juan i seáng` dsea` jmíi` do táaiñ` colíng` cóo` gáng` dseañu` i nilíng` dsea` quiá`r`. ³⁶ Jo lajee` job` cangár` e cangíng` Jesús, joba` cajíñ` casí`r` i dsea` quiá`r` do e fé`r` uii` quiá` dsea` i cangíng` do jo cajíñ`:

—Fing na jóo`-na, i dsea` ngóo` dob i líng` i Jo`se` Jiuung` quiá`- Fidiéé` i líng` jalé` dsee` e røøng` dsea` jmigüi`.

³⁷ Jo dsifí` mi` canúu` i dsea` gáng` do lajii` e cajíng` i Juan do, joba` lajmináb` cangolíñ` t`leáaiñ` laco` ngóo` Jesús. ³⁸ Jo mi` calilí` Jesús e líng` ii` ngolíng` caluur`, joba` dsifib` cají`r` nir` e cajóøiñ` i dsea` do jo cajmíngi`-reiñ`:

—¿I` nilíng`-na` 'náng`-na`?

Joba` caíi` i dsea` do quiá`- Jesús jo cajíñ`-:

—Tifa`, ¿jie` fí` quií`-?

³⁹ Joba` caíi` Jesús quiá`- i dsea` do jo casí`-reiñ`:

—Má`-aa` cóo` jnea` , jo lajob` niliñí`-na`.

Jo colíim` cangolíñ` cangojmiñir` jie` quiá`- Jesús, jo fí` job` cajer` colíng` lata` e jmíi` jo, có` la ii` quiú` e ca`lóob` níngóo` ie` jo.

⁴⁰ Jo jaang` lajee` i dsea` gáng` i canúu` júu` quiá`- Juan i seáng` dsea` jmíi` do siir` Dí` i nilíng` dsea` ngáang` cóo` jaang`gui dseañu` i sii` Simón, jo íb` i cangotáang` cóo` Jesús do. ⁴¹ Jo dsifí` lajob` cangó` Dí` e cango`néeiñ` i rúíñ` i sii` Simón do, jo mi` cadséng`neiñ` do lalab casí`r`:

—Janú`, Simón, lana nicalicuim`baa i dsea` i cajíng`- Fidiéé` i nisíñ` fí` jmigüi` la i sii` Dsea` Jmáang` i nicá` nifí` qui`-ii` do.

⁴² Jo dsifí` lajob` i Dí` do cangojéeiñ` i rúíñ` i sii` Simón do fí` lí` guíng` Jesús; jo mi` tí` lí` cangá` dsea` do quiá`- Simón lalab cajíñ`- casí`-reiñ`:

—Jo `nub` i sii` Simón, jo lin` jóo` jaang`gui i sii` Juan, jo dsu` lati` lana nilisii` Cefas osi Tú` cóo` jmíi` griego é.

Mi` cató`- Jesús Lii` cóo` Natanael

⁴³ Jo mi` cajneá` cóo` gui jmíi` lajo, ca`í` dsíi` Jesús e cangó`-tur fí` lí` se` Galilea, jo fí` job` cajíng` rúíñ` cóo` jaang` dseañu` i sii` Lii`, jo lalab casí`-reiñ` do:

—Má`-aa` cóo` jnea`.

⁴⁴ Jo i Lii` do niseeiñ` fí` cóo` fíi` e sii` Betsaida, jo dsea` góo`bre nilíng` i Dí` do cóo`gui Tú` Simón, có` cóob` fíi` lí` seeiñ`. ⁴⁵ Jo dsifí` lajob` cangó` Lii` e cango`néeiñ` jaang`gui dseañu` i sii` Natanael, jo mi` cajíng`neiñ` do, lala casí`-reiñ`:

—Lanab nicalicuíng`naa` i dsea` i ca`éeng` Moi` fí` ni` jì` quiá`r` malíi`gui eáang`, jogui cajo i ca`éeng` jaléng` dsea` i café` cuaiñ` quiá`- Fidiéé` lí` laco`gui cajme`r` fí` ni` jì` malíi`gui eáang`. Jo i dsea` íb` i sii` Jesús i seeng` fí` Nazaret i líng` jóo` Sé`.

⁴⁶ Jo mi` canúu` Natanael e júu` jo, joba` cajíñ`- lala:

—Ja` lí` dsii` e fí` Nazaret nigüi`íi` jaang` i ni`é` guiá` cóo` dsea` rúng`.

Joba` caíi` Lii` quiá`- i dsea` do jo cajíñ`-:

—Má`-aa` fí` lí` guíiñ`, jo lajoba` nilicuín` dsea` do.

⁴⁷ Jo mi` cangá` Jesús e nijaquíéeng` dsea` do fí` lí` siñ`, joba` cajíñ`- lala e café`r` uii` quiá`- Natanael:

—I nab dseáng'ˉ lajang'ˉ jaang` dsea` góo`naa' dsea` Israel i ja` quie' júu` ta` júu`.

⁴⁸ Jo mi~ canúuˉ Natanael e jo, joba' cañíir` quiá'ˉ Jesús jo cajmingí'rˉ dsea` do lala:

—Jo ¿jial nicuín'ˉ jnea~ jial lín'n?

Joba' cañíi` Jesús quiáíñ'ˉ do jo cajíñ'ˉ:

—Co' lajji'ˉ ná'ˉ gui e nitó'ˉ Lii` 'nua, jéem'ˉ nicamángˉ jnea~ 'nua e guiin'ˉ uii'ˉ 'ma` güiñí'ˉ.

⁴⁹ Joba' cañíi` tu Natanael quiá'ˉ Jesús jo casí'rˉ dsea` do lala:

—Tifa', 'nab` dseáng'ˉ i línig'ˉ Jóo'ˉ Fidiée˘, jogui 'nab` cajo dsea` lin'ˉ dseata` dsea` féng'ˉ quiá'ˉ jaléng'ˉ jneaa~aa', dsea` líi'hi' dsea` Israel.

⁵⁰ Joba' cañíi` tu Jesús quiá'ˉ i dsea` do calé'ˉ catúˉ jo casí'ˉ reiñ'ˉ:

—¿Su já'ˉ lín'ˉ lana dsu'ˉ uii'ˉ e fá'a e camánˉ n'ˉ nua e guiin'ˉ uii'ˉ 'ma` güiñí'ˉ? Jo dsu'ˉ jnea~ fii'ˉ i 'nua e nábi nimó'ˉ jalé'ˉ e niingˉ gui eáang'ˉ e tünˉ jmee˘e.

⁵¹ Jo lalab cajíng'ˉ gui Jesús cajo e casí'rˉ lajaléiñ'ˉ do:

—Jo lalab jmitaa` óo`na' cajo e nimó`ba' jial jnéengˉ fi'ˉ ñiffˉ fi'ˉ li` guiingˉ Fidiée˘, jogui jial soo` jogui jgáang` jaléng'ˉ ángeles quiá'ˉ Fidiée˘ fi'ˉ li` sín'n, jnea~ dsea` gáa'a fi'ˉ ñiffˉ e lín'n jaang` dsea` jmigüi'.

2

Mi~ cajmée` Jesús la'uii~ e quí'r~ jmii~

¹ Jo mi~ cangí'ˉ ní'ˉ jmii~ lajo, jo ie~ jo caliseá` coo` jmii~ e cung'ˉ guó` dsea` fi'ˉ coo` fii'ˉ jiiu e sii` Caná e née'ˉ li` se'ˉ Galilea. Jo ie~ jo dob táang` Yá`ˉ, niquiá'ˉ Jesús, ² jo Jesús cóo'ˉ gui i dsea` quiá'rˉ do líiñ'ˉ dsea` i simíng˘ quiá'ˉ e jmii~ e tí do, joba' fi'ˉ dob quiijgeáaiñ'ˉ cajo. ³ Jo lajee˘ e teáaiñ'ˉ e jmii~ do, coob'ˉ mi~ cadseáˉ e jmí'ˉ mí'ˉ huíng` jó'ˉ e jmáíñ'ˉ ta` do, joba' niquiá'ˉ Jesús cajíñ'ˉ casí'rˉ dsea` do lala:

—Ngóo` cadseábˉ e jmí'ˉ mí'ˉ huíng` jó'ˉ e jmáang` ta` do.

⁴ Joba' cañíi` Jesús quiá'ˉ i niquiá'rˉ do jo cajíñ'ˉ casí'rˉ dsea` do lala:

—Neaa~, ¿jiali'ˉ fi'ˉ jnea~ lana? Co' lana ja` mí'ˉ catí'bi'ˉ i'ˉ e nijmee˘ e lajji'ˉ ta` e sí'lin`n do.

⁵ Joba' cajíng'ˉ tu niquiá'ˉ Jesús e sí'rˉ i dsea` i jmóo` ta` jmicoo'ˉ e sínúu` do:

—Jmeeˉ na' lajaléb'ˉ ta` quiu'ˉ i Jesús na.

⁶ Jo ie~ jo nitéeˉ jñúuˉ tu'ˉ cóo'ˉ e lí'ˉ cóo'ˉ layaang˘ cuu˘, jo e jo íng` ta` e a` jmii~ e jmáng'ˉ dsea` Israel ta` e laco'ˉ jmiguiúngˉ yaaiñ'ˉ fi'ˉ quini` Fidiée˘, co'ˉ lajob quí'ˉ tñiñ'ˉ e jmóor'. Jo lacoo` e dsí'ˉ tu'ˉ cuu˘ do ab`jiu la cincuenta si la setenta litro jmii~. ⁷ Jogui Jesús casí'rˉ jaléng'ˉ i dsea` i jmóo` ta` e sínúu` do lala:

—Jmiróøng`na' jmii` lacoo` lacoo` e tu'ˉ na.

Joba' dsifí'ˉ lajob cajmiróøng` i dsea` do dseáng'ˉ la có'ˉ e tu'ˉ do. ⁸ Jo mi~ cangí'ˉ jo, cajíng'ˉ tu Jesús casí'ˉ reiñ'ˉ:

—Lana fii'ˉ i 'ná'ˉ güiseáang'ˉ jiiu'ˉ e nicaguiée'ˉ na' dsí'ˉ e tu'ˉ do, jo güica`na' quiá'ˉ i dsea` née'ˉ ni~ e jmii~ la.

Joba' lajob cajméeiñ'ˉ do.

⁹ Jo i dsea` i quie'ˉ nifí'ˉ quiá'ˉ e jmii~ do ca'í'ˉ bre capí'ˉ e do, jo dsu'ˉ jmí'ˉ mí'ˉ huíng` jó'ˉ nica'uíng'ˉ do, jo jii'ˉ ja` ñir'ˉ jial ca'uíng'ˉ do lajo. Jo jii'ˉ i dsea` jmóo` ta` sínúu` dobing'ˉ i ní'ˉ jial ca'uíngˉ jmí'ˉ mí'ˉ huíng` jó'ˉ e jmii~ do, dsuco'ˉ yaamˉ bre cajmiróøiñ'ˉ jmii~ e dsí'ˉ tu'ˉ do. Jo mi~ ca'í'ˉ i dsea` quie'ˉ nifí'ˉ e jmii~ e ca'uíngˉ jmí'ˉ mí'ˉ huíng` jó'ˉ do, joba' dsifí'ˉ lanab cató'rˉ i simíng'ˉ i cacúng'ˉ guó` do ¹⁰ jo casí'ˉ reiñ'ˉ:

—Lajim` dsea` cuør'ˉ la'uii~ e jmí'ˉ mí'ˉ huíng` jó'ˉ e jlo'ˉ gui, joba' mi~ tí li` nica'í'ˉ i dsea` simíng˘ do jmiguiúung` jiiu e jmí'ˉ e jlo'ˉ do, joguiba' e niguié'rˉ

e jmi' m' huing` j' e uong`gui do quia' i dsea` siming` do. Jo dsu' 'nu' nica'mea'ba' e jmi' m' huing` j' e jlo'gui do quia' ti li` ningoo` dseng` jmi`.

¹¹ Jo e la cajmee` Jesus fi' e fi' e sii` Cana e nee' li` se' Galilea. Jo e lab la'uii` e quii'r` jmi` e dsiga` dsii' dsea` e cajmeer` fi' jmigui' la, jo lajoba' cajmijneein` jial ti' 'goin'`. Jo jaleng` dsea` quia'r` jab' caliin` juu` quia' dsea` do.

¹² Jo mi` cangfi jo, Jesus cangor` fi' coo` fi' e sii` Capernaum coling` coo` niquia'r` coo`gui jaleng` ruin` jogui coo` jaleng` dsea` quia'r` cajo; jo fi' job cajer` coo` tu` jmi` lajo.

*Mi' ca'uøong` Jesus jaleng` dsea` i jmo`ta` 'ni' fi' gua`
(Mt. 21:12-13; Mr. 11:15-18; Lc. 19:45-46)*

¹³ Jo mi` cangfi gui lajo, co' nijaquiem`bi e jmi` quia' dsea` Israel e sii` Pascua, joba' Jesus cagui'fi' Capernaum jo cangor` fi' Jerusalen. ¹⁴ Jo mi` ti' li` caguiér` fi' jo, dsifib' cangor` fi' gua' fé' e si' fi' jo, jo fi' sigui' job cadsiin` jaleng` dsea` i teang` ta` 'ning` jaleng` gutá^ coo`gui jaleng` jo'se` jogui jaleng` mee`. Jogui cangaiin` cajo jaleng` i neang` ta` jmising` cuu` e 'ne` jaleng` dsea` i dsitaang` fi' e gua' fé' do. ¹⁵ Joba' mi` ti' li` cangang` Jesus jaleng` i dsea` i, dsifi' lalab casa'r` coo` tu` 'nii` jo cataiin` 'maang` jo coo` e job ca'uøoin` i dsea` do coling` coo` i jo' nuu` i jeein` do e 'niin`. Jogui cajim` Jesus jalé` mes` quia' jaleng` i dsea` i neang` ta` jmising` cuu` do, jo caguiab' e cuu` do fi' ni` uo`. ¹⁶ Jogui lalab cas' Jesus jaleng` i dsea` i jmo`ta` 'ning` jaleng` mee` do jo cajin`:

—iUøong`na' jaleng` i mee` na, jo ja` jmo`na' 'mo` fi' gua' li` jmifeng` dsea` Tiquié`e Fidié`!

¹⁷ Jo dsifi' lajob cadseng` dsii' i dsea` quia'r` do lajii` e too` fi' ni` ji' quia' Fidié` li` fé' lala: “Liguim` jnea` mi` ja` jmi'gó` dsea` gua' li` jmifeng` dsea` Tiquié`e.”

¹⁸ Joba' i dsea` Israel i quie' nifi' do cañir` quia' Jesus jo cas' rein` do lala: —¿E` quii` jmi` nijmee` e laco' nilita` dsinaa' e cangin` fi' e cajmee` lajalé` e ná?

¹⁹ Joba' cañi`tu Jesus quia' i dsea` do:

—Íng`na' e gua' fé' e si' la, jo jnea`gui quii`baa jmi` e nijmiling` tuu` coo` ni' jmi`.

²⁰ Joba' cañi`tu i dsea` Israel do quia' Jesus:

—Jial li' e lajo, co' tuló` dsii' jñuu` jii' cali' jnea' e cali' e gua' fé' na, jogui 'nu' fó' lana e coo` ni' jmiib` li' nijmiling` tu'.

²¹ Jo dsu' café` Jesus lajo e éeng` ñia'r` coo` ngúu` táam`bre mi` cajin` cuaiin` quia' e gua' fé' do. ²² Jo dsu' carti' mi` cangfi e cajit`tu Jesus, jo lajoguiba' e cadseng` dsii' i dsea` quia'r` do lajii` juu` e cajing` dsea` do ie` jo, ie` lamii` cajin` e coo` ni' jmiib` nili'r` e nijmiling` tur e gua' fé' do. Jo joguiba' dseang` ja' caling` i dsea` quia' Jesus do lajii` juu` e silii' fi' ni` ji' quia' Fidié` coo`gui jalé` juu` e cajing` dsea` do lajee` cateaiin` fi' jmigui' la.

Niñib` Jesus jial ling` dsea` lajiiin`

²³ Jo lajee` táam`bi Jesus fi' Jerusalen, lajee` jmi` e quii' tting` dsea` Israel e jmoor` jmi` e sii` Pascua do, jo lajee` jo jmiguiab' jalé` e quii` Jesus jmi` cajmeer` fi' quini` jaleng` i dsea` i siseang` do ie` jo, joba' i fii'm` i dsea` i ja' caling` juu` quia' dsea` do. ²⁴ Jo dsu' Jesus ja` ta` dsii' coo` i dsea` do co' nicuim`brein` do guii` jial liin` do lajiiin`. ²⁵ Jo co' niñi`bre ñia'r` guii` jial ling` dsea` jmigui', joba' ja` neaiin` dsea` jién` i nijmea' juu` ir` jial i dsii' dsea` jmigui'.

3

Mi casang Nicodemo cóo Jesús

¹ Jo mi cangfjiu lajo, lajee e táam'bi Jesús fi Jerusalén, jo ie jo nitáang' fi jo jaang' dsea' Israel i sii Nicodemo i nilíng' dsea' fariseo, jo i dsea' í líiñ' jaang' dsea' i laniing' jee' jaléng' dsea' góor' dsea' Israel. ² Jo cóo' lajee e uóo' cangór' e cango'eer' Jesús, jo mi caguiér' fi jo lalab casí'r' dsea' do:

—Tifa', nineb' jnea' røø' e Fidiéeb' dsea' casíñ' 'nu' fi jmigüi' la e cañi'ée' jnea', dsuco' jii' jaang' dsea' jmigüi' ja' quí'r' jmii' fa' líng' ee' li' nijmér' e dsigá' dsí' dsea' jii' laco' quí' 'nu' jmii' e jmoo' fíng song ja' jmicóo' Fidié' quiá'r'.

³ Joba' cañi' Jesús quiáñ' do jo cajíñ':

—E laba' jmitaa' o', e doñi' ii' dsea' i ja' niníng' tu calé' catú' e ni'uíñ' jaang' dsea' i 'míng' la'eáang' cóo' Fidié', joba' ja' quí' jmii' jóng fa' e dsea' do nicá' nifi' quiá'r'.

⁴ Joba' cajmíng' tu Nicodemo e cajmíng' Jesús jo cajíñ':

—¿Jial quí' jmii' e jaang' dsea' yúu' niquíng' tur fi dsí' tu' niquiá'r' jo niníng' tur calé' catú'?

⁵ Joba' cañi' tu Jesús quiá' Nicodemo jo cajíñ' casí' reiñ':

—E laba' jmita' guí' o' cajo, e doñi' ii' dsea' i ja' ngáang' la'eáang' cóo' jmii' jogui cóo' Jmiguí' quiá' Fidié', joba' ja' quí' jmii' fa' e nilí'r' e Fidié' nicá' nifi' quiá'r'. ⁶ Co' doñi' ii' dsea' i níng' quiá' tiquiá' niquiá', joba' jii' dsea' jmigüi' líiñ'; jo dsu' jaléng' i dsea' i liseeng' la'eáang' cóo' Jmiguí' quiá' Fidié', joba' Jmiguí' job' jée' quiá'r'. ⁷ Jo ja' güidsigá' o' dsu' uí' e fí' 'nu' na, e lajím' dsea' 'né' e niliseeng' tur e laco' ni'uíñ' dsea' 'míng' la'eáang' cóo' Fidié'. ⁸ Cofa' guí' fi la' nab í', jo lico' nuu' baa' e ii' dsu' ja' jnéeng' e jøø' naa' jie' fi ngóo' osi' jie' fi jáa' é. Jo dseáng' lajob' lí' cajo cóo' i dsea' i uíng' dsea' 'míng' la'eáang' cóo' Jmiguí' quiá' Fidié', co' ja' lí' dsea' jøø'r' jial mi' uíng' dsea' lajo.

⁹ Joba' cajmíng' tu Nicodemo cajmíng' Jesús calé' catú' jo casí'r' dsea' do:

—¿Jial cuøøng' e nilí' e fó' na, Tifa'?

¹⁰ Joba' cañi' tu Jesús quiá' dsea' do jo cajíñ' casí' reiñ':

—¿Jaang' tifab' líng' 'nu' quiá' dsea' Israel, jo ja' ngám' bi' jalé' e fá' a la?

¹¹ Jo jnea' jmitaa' o' e lajii' e neb' jnea', jii' joba' fé' naa', jogui lajii' e nuu' naa' jogui ne' naa', lajii' e job' júu' e guí' naa' jee' 'nú'; jo dsu' 'nú' ja' já' líng' na' lajii' júu' e fé' naa' do. ¹² Jo song 'nú' ja' já' líng' na' mi' fá' a júu' cuaiñ' quiá' fi jmigüi' la, joba' ¿jial já' nilíng' na' jóng mi' fá' a cuaiñ' quiá' fi ñifi'?

¹³ Jo jii' jaang' dsea' ja' mi' cajgóor' fi ñifi', co' dseáng' lajii' 'ñiá' baa' dsea' gáa' a fi jo; jo cagüén' n' fi jmigüi' la e lín' n' jaang' dsea' jmigüi'. ¹⁴ Jo lí' laco' cajmée' Moi' ie' lamí' cajmeáiñ' jaang' mi' cóo' layaang' ñi' jo cateáiñ' fi yá' cóo' 'ma', jogui dseáng' lajob' 'né' nidsingíng' jnea' cajo, jnea' dsea' gáa' a fi ñifi' e lín' n' jaang' dsea' jmigüi', co' niteáng' dsea' jnea' fi cóo' dse' 'ma' cajo ¹⁵ e laco' doñi' ii' dsea' i já' nilíng' júu' quié' e quí' jmii' e niliseeiñ' cøøng' cóo' Fidié' lata'.

Dsíng' 'neáang' Fidié' jaléng' dsea' jmigüi'

¹⁶ Jo co' eám' 'neáang' Fidié' jaléng' dsea' jmigüi', joba' cacuøøiñ' i jóor' camíng' do e laco' cajúng' dsea' do cuaiñ' quiá' jaléng' dsea' jmigüi'; jo lajoba' jaléng' dsea' i jáng' yaang' fi jaguó' dsea' do ja' quí' jmii' fa' e ni' náñ' quiá' Fidié', co' cøøm' niliseeiñ' cóo' dsea' do lata'. ¹⁷ Dsuco' Fidié' ja'

casíin̄ ñ jÓor' do fí jmígüi' la e laco' ni'í' dsea' do í' e nidsilíng' dsea' fí lí' 'lí'ⁿ, co' casíin̄ dsea' do fí la e lí'ⁿ laco' nileáin̄ dsea' jee' jalé' dsee' quíá' biñ'.

¹⁸ Jo doñí' ñ dsea' ñ jáng' 'ñia' fí jaguó' ñ jÓo' Fidié' do, joba' ñ dsea' í' ja' ni'ín' iihu'í' uii' quíá' jalé' dsee' quíá'r' mi' nití' í' lajo; jo dsu' ñ dsea' ñ ja' jáng' 'ñia' fí jaguó' ñ jÓo' Fidié' do, joba' ñ dsea' í' ni'ím' bre iihu'í' uii' quíá' jalé' dsee' quíá'r', co' ja' mi' cajáng' 'ñia'r' fí jaguó' ñ jÓo' Fidié' camíng' do. ¹⁹ Joba' lajaléng' dsea' ñ ja' jáng' yaang' fí jaguó' Fidié', nibíin̄ fí lí' 'lí' uii' e eáang' gui catí' dsíir' e cajméer' jalé' e ja' dseeng'; co' ie' mi' cagüéng' fí jmígüi' la ñ jing' quíá' Fidié' do, ja' calijí' jaléng' dsea' ñ dsea' í', co' e lí' nua' s'ⁿ do' cajmeáang' gui quíá'r' e laco' gui ñ jing' quíá' Fidié' do é. ²⁰ Jo jaléng' dsea' ñ jmóo' jmang' e 'lí' 'ní' ním' bre ñ jing' quíá' Fidié' do, jo jí' capí' ja' iin̄ nidsiquiéin̄ fí cáang' dsea' do, co' ja' iin̄ e nilí' dsea' jmígüi' jalé' e 'lí' e jmóor' do. ²¹ Jogui dsu' jaléng' ñ dsea' ñ seeng' cøøng' cóo' júu' quíá' Fidié' laco' catíng', joba' tib' dsíir' e dsiquiéin̄ fí quini' ñ jing' quíá' Fidié' do e laco' cuø' lí' quíá'r' e jalé' e jmóor' do cøøm' røø' laco' gui jí' e iing' Fidié' e nilí'.

Mi' café' tu Juan ñ seáang' dsea' jmí' do cuaiñ' quíá' Jesús

²² Jo mi' cangí' guijia' lajo, cangób' tu Jesús colíng' cóo' jaléng' dsea' quíá'r' fí lí' se' Judea, jo fí job' cajer' huøøm' jia' e seáaiñ' jmí' jaléng' dsea' ñ guilíng' fí do. ²³ Jo ie' job' cajo ñ Juan do táaiñ' ta' seáang' dsea' jmí' fí quíá' coo' fí lí' sií' Enón ca' lí' néé' coo' fí e sií' Salim, co' fí job' lí' sea' jmí' jmguiúung', jogui fíim' dsea' dsilíin̄ fí jo e sáaiñ' jmí'. ²⁴ Jo jalé' e la calí' lajee' nú' gui e nitáin̄' ñ Juan do fí dsí' 'nuñí'.

²⁵ Jo ñ líng' ñ dsea' ñ ngí' cóo' ñ Juan do canaiñ' jáiñ' cóo' jaang' gui dsea' Israel cuaiñ' quíá' jalé' e quí' táiñ' jmóor' e laco' liguíúin̄ fí quini' Fidié'.

²⁶ Joba' cangolíim' bre e cangosí'r' ñ Juan do, jo lalab casí'r' dsea' do:

—Tifa', ñ dsea' ñ lamí' táang' cóo' 'nu' lí' lí' 'ngóo' gua' Jordán do ñ ca'eeng' 'nu' do jogui ñ nicafé' uii' quíá' do, lana dsea' í' do' nitáaiñ' seáaiñ' dsea' jmí', jo fíng' gui dsea' nidsiquí'r' ír' laco' gui 'nu'.

²⁷ Joba' lalab cañí' Juan quíá' ñ dsea' do:

—Lajím' dsea' lí'r' jalé' e sea' quíá'r' dsu' uii' e Fidié' bing' ñ jmicóo' quíá'r' e lí'r' jalé' e jo. ²⁸ Jo 'núb' dsea' nicanúu' na' røø' mi' café' a e o' jnea' Dsea' Jmáang', co' jnea' lín' n' jaang' ñ casíng' Fidié' ñ cagüéng' jéeng' gui laco' dsea' do e laco' cagaguaa' guíá' fí quíá' dsea' do. ²⁹ Cofa' coo' lí' cung' guó' dsea', jo ñ simíng' do í'bing' ñ jée' quíá' ñ simí' ñ cacúng' guó' cóo'r' do, jogui ñ dsea' ñ ngóo' caluu' ñ simíng' do eáam' lí' í'áang' dsíir' mi' núur' e sáiñ' do. Jogui dseáng' lajob' lí' quíé' jnea' lana, co' dseáng' eáam' í'áang' dsii' mi' núu' lajo. ³⁰ Jo dsea' do eáang' gui ngóo' líníin̄, jo dsu' jnea' lí' lí' ngóo' lí' uøng' guí.

Dsea' ñ jaa' fí ñifí'

³¹ Jo lalab cajíng' gui Juan:

—Jo ñ dsea' ñ jaa' fí ñifí' ñ níng' guir jee' jaléng' dsea' jmígüi'; jogui ñ dsea' ñ líng' dsea' jmígüi', jmang' júu' quíá' fí jmígüi' ba' quier'. Jo ñ dsea' ñ jaa' fí ñifí' do, níng' guir jee' jaléng' dsea' jmígüi'. ³² Jo íb' dsea' ñ fé' quíá' lají' e nicangár' jogui lají' e nicanúur' fí lí' guíng' Tiquíá'r' fí ñifí', jo dsu' jí' jaang' dsea' ja' jí'r' lají' júu' e fé' dsea' do. ³³ Jo dsu' doñí' ñ dsea' ñ já' líng' júu' quíá' dsea' do, joba' tí' nir' e jmang' júu' já' ba' fé' Fidié'. ³⁴ Jo ñ dsea' ñ nicasíng' Fidié' fí jmígüi' la, jmang' júu' quíá' dsea' í' ba' fé'r', dsuco' Fidié' bing' ñ cuø' dsea' do lalíng' Jmígüi' quíá'r'. ³⁵ Jo Fidié' eáam' 'neáaiñ' ñ jÓor' camíng' do, jogui cacuø'r' dsea' do e óoiñ' ta' e níneé' niñ' lajalé' e sea' fí jmígüi'. ³⁶ Jo doñí' ñ dsea' ñ jáng' yaang' fí jaguó' ñ jÓo' Fidié' do, joba'

niliseeiñ` cøøng` cóo'~ dsea` do lata~; jo dsu' i dsea` i ja` iing` jáng` yaang` fí jaguó` i jóo' Fidié` do, joba' ja` quí'~ jmí` fa' e niliseeiñ` cøøng` cóo'~ Fidié` lata~, co' lí' lí' latab~ niñiñ` iihuí' eáang` e cuø' Fidié` jaléng' i dsea` la'í.

4

Mí` cangíng` Jesús fí lí' se' Samaria

¹ Jo mí` cangíngui lajo, lajee` e táam`bi Jesús fí lí' se' Judea, calilí' jaléng' dsea` Israel i líng' dsea` fariseo e fíng'gui dsea` nidsiquí'` quiá'~ Jesús e sáaiñ` jmí` laco'gui i dsea` i dsiquí'` Juan i seáang` dsea` jmí` do. ² Jo dsu' e já'~, o' dseáng'~ Jesús dsea` i seáang` dsea` jmí` do, co' dsea` quiá'~ bre i jmóo` ta` lajo e júu` sinú'r` quiá'~ dsea` do. ³ Joba' mí` caliñí' Jesús lajii'~ e í' dsí' i dsea` Israel i líng' dsea` fariseo do uii` quiá'r~, joba' cagüi'í' bre colíng` cóo'~ dsea` quiá'r` fí lí' se' Judea, jo cangolíng` tur fí lí' se' Galilea.

⁴ Jo dseáng'~ la guím` 'né` ngüñ` fí lí' se' Samaria lajee` e teáaiñ` fí e ngolíñ` fí lí' se' Galilea. ⁵ Jo lajob` caguiliñ` fí coo` fí' e née` dsí' lí' se' Samaria lí' sii` Sicar, fí' quiá'~ lí' røo` guóo'~ uø` quiá'~ 'lí' yúu'~ Jacóo` e cangüñ` fí jaguó` i jóor' i sii` Sé` do lajii'~ malí'. ⁶ Jo fí' job lí' lí' coo` too` e a' eáang` lí' níng'~ jmí`, jo fí' job lí' calí` ojmi' quiá'~ 'lí' yúu'~ Jacóo`. Jo nijaquiéeng` guieñí'~ mí' caguié` Jesús colíng` cóo'~ dsea` quiá'r` e fí' ojmi' do, jo fí' job cajmi'íng' dsea` do co' eáam` nifiñ' e ngir', jo dob caguár` cáang` e too` a` jmí` do. ⁷⁻⁸ Jo lajee` jo i dsea` quiá'r` do cangolíñ` e cangoleáar` jalé' e nidó'r` e fí' fí' Sicar do. Jo e fí' ojmi'` dob caje` Jesús 'ñia'r' lajee` jo, jo co'ná'` lajob` caguié` jaang` dseamí` i seeng` fí lí' se' Samaria e fí' ojmi' do, joba' lalab casí'` Jesús i dseamí` do:

—¿Já` cuø'` jiu' jnea` jmí` dúu'~u?

⁹ Jo co' jaléng' dsea` Israel dseáng'~ ja` røø` seem`bre cóo'~ jaléng' dsea` i seeng` fí lí' se' Samaria, joba' i dseamí` do cañí'r` quiá'~ Jesús lala:

—¿Jial cuøøng` fo'` lajo? Co' jaang` dsea` Israel líng'` 'nu`, jo ja` litíng` 'nú' fa' líng` ee` mñ'` na' jnea'`, dsea` lí'naa' dsea` Samaria.

¹⁰ Joba' cañí'tu Jesús quiá'~ i dseamí` do:

—Facó' jiu` ñí'` 'nu` jalé' e guíá'~ e iing` Fidié` e cuø'r` 'nu`, jogui facó' ñí'` cajo i jnea` dsea` i mñ'` i 'nu` jmí`, joba' facó' lajo, 'nu` dsea` catíñ'~ e nimí'~ jnea` jmí` jóng, joba' jneab` nicuøø` 'nu` e jmí` cóo'~ e cuø' e seeng` dsea` lata~.

¹¹ Joba' cañí' i dseamí` do quiá'~ Jesús jo casí'r` dsea` do lala:

—Fí'i, jii' coo` ja` quié` 'nu` cóo'~ e nigui'` jmí` fí' dsí' e too` la, jo dsíng'~ a'. Joba' ¿e` cóo'~ niquíñ'~ e jmí` e fó' e nicuø'` jnea` do? ¹² Jo 'lí' yúu'~ quí'ii' Jacóo` caséer` e ojmi' la quí'ii', co' fí' lab lí' cacár` jmí` e jmáíñ' ta` cajo, jogui lajobi jaléng' jóor' cóo'~ gui jaléng' jó' núa` i ca'eáaiñ`, fí' lab lí' ca'uø'r` jmí` e calíng' neiñ' do. Jo ¿su` 'nu` í' o' e niing`~ gui' laco' i dsea` í'?

¹³ Joba' cañí'tu Jesús quiá'~ i dseamí` do jo cajíñ'~:

—Jaléng' dsea` i í'` jmí` e uøø` dsí' e too` la niguiáb`tu jmíjmíñ` calé' catú`~; ¹⁴ jo dsu' i dsea'gui i ni'í' e jmí` e nicuøø`re do, joba' jo` tóo` jmí` fa' e niguiá'gui jmíjmíñ`. Dsuco' e jmí` jo lí' lafa' e contøøm` sea` jmí` fí' dsí' tu'r` cóo'~ e cuø' e seeiñ`, jo e jo lí' e contøøm` seeiñ` cøøng` cóo'~ Fidié` lata~.

¹⁵ Joba' cañí'tu i dseamí` do quiá'~ Jesús jo casí'r` dsea` do lala:

—Fí'i, iim`baa nicuø'` jnea` e jmí` e fó' na e laco' jo` niguiá'gui jmíjmíñ` o'gui 'né`~gui fa' e gáa'a tí' la e gaquiee` jmí`.

¹⁶ Joba' cajíng'~ Jesús casí'r` i dseamí` do:

—Guøng' cateá` jo güitee` dseañu'` quí'~ jo ñilíng`~tu' fí la.

¹⁷ Joba' cañí' i dseamí` do quiá'~ Jesús:

—Ja` cóo'~ o' dseáng'~ dseañu'` quié` e.

Joba' cañí'tu Jesús quiá'- dsea` do:

—Jáb'- laco' café'e na, dseamf, e o' dseáng'- dseañu' quí'- i cóo' lana; 18 dsuco' lamí' jéeng'gui 'ñíng'gui dseañu' i nicacúng'- guóo' cóo', joba' i dseañu' i cóo' na lana ja' líiñ' dseáng'- dseañu' quí'-.

19 Jo mi' tí' lí' canúu- i dseamf do e cajíng'- Jesús e júu^ jo, joba' cañír` quiá'- dsea` do lala:

—Fí'i, lanab calilí'^i e 'nu' lin' jaang` dsea` i fé' cuaiñ~ quiá'- Fidiée'. 20 Jo jaléng' 'lí' yúu~ quí'ii', dsea` Samaria, quí'~ tñiñ` e jmiféiñ' Fidiée' fí' nî e mó' la, jo dsu' jaléng'gui 'nú', dsea` Israel, fó'na' e jíi'~ fí' Jerusalén lí' 'né- e nijmiféng'naa' Fidiée'.

21 Joba' cañí'tu Jesús quiá'- i dseamf do jo casí'-reiñ':

—Já'- güilín' júu^ quíe~e, dseamf, e nijaquíem' e nití' í' e 'nú' nililí'^na' e ja' 'né- nigüilíng'-na' fí' e yá' mó' na e güijmiféng'na' Tiquí'ii' Fidiée', o'gui 'né- fa' e nigüilíng'-na' cartí' Jerusalén cajo e laco' güijmiféng'na' dsea` do. 22 Co' 'nú', jaléng' dsea` Samaria, jíi'~ ja' cuíng'na' i~ i jmiféng'na' do; jo dsu' jaléng' jnea'^, dsea` lí'naa' dsea` Israel, nicuím'baa' i~ i 'né- jmiféng'naa' do, co' jee~ jnea'^, dsea` lí'ñi' dsea` Israel, job lí' caguíng' Fidiée' jaang` i nileáng- dsea` jee~ jalé' dsee- quiá'r-. 23 Jo catíb' e í' jo, jo dseáng'- lanab líy, e jaléng' dsea` i dseáng'- lajang'- júu^ i jmiféng' Tiquí'ii' Fidiée' 'né- nijmér- dseáng'- laco' sí'í^ la'eáang' cóo' Jmiguí' quiá'- dsea` do, dsuco' dseáng'- lajob iing~ Tiquí'ii' Fidiée' e nijmé- jaléng' dsea` i jmiféng' ír'. 24 Dsuco' Fidiée' líiñ' Jmiguí', joba' jaléng' dsea` i jmiféng' ír', 'né- nijmér- lajo la'eáang' cóo' Jmiguí' quiáb'- dsea` do dseáng'- laco' sí'í^.

25 Joba' cañí'tu i dseamf do quiá'- Jesús jo cajíñ'-:

—Niñib' jnea~ e tí' lí' nijáab' i cajíng'- Fidiée' i nisíñ- do i líng' Dsea` Jmáang- i nicá' nifí' quí'ii', joba' mi' tí' lí' nigüéeng- dsea` do fí' la, íguib dsea` i ní'e' jnea'^ jalé' e jo.

26 Joba' cañí'tu Jesús quiá'ñ'- do jo cajíñ'-:

—Dsea' í'bi jnea~ i sing' sñng' cóo' 'nú' lana.

27 Jo lajee' gui'nang' fé' Jesús e job, mi' caguilíng' i dsea` quiá'r- do i cangolíng' e cangoleáa' e nidó'r-, jo mi' cangáñ- Jesús e táang' dsea` do sñiñ` cóo' jaang' dseamf, joba' eáam' cangogá' dsíir' mi' cangár- lajo. Jo dsu' jíi'~ jaang' dsea` do ja' cateá- dsíir' fa' ee' nijmingí'r- Jesús uii' quiá'- i dseamf i sing' do, osi e~ quiá'- e sñiñ' do é. 28 Jo ngí' jo, jo dob casée' i dseamf do e dsu~ quiá'r- do e lí' sí'í^ niguié'r' jmiñ' do, jo caquim'-tur fí' jee~ fñ; jo mi' caguíeñ'- fí' jo, canaaiñ' guiar' júu^ jee~ jaléng' dsea` góor' jo sí'reiñ' lala:

29 —Má-aa', jo majmicuíng'naa' jaang' dseañu' i nicamán-n i nicajmea' jnea~ júu^ quiá'- jalé'ba' e nicajmé- e jéeng'gui, jo jangám- íb' i dsea` i cajíng'- Fidiée' i nisíñ- fí' jmigüí' la i líng' Dsea` Jmáang- i nicá' nifí' quí'ii'.

30 Jo mi' canúu- i dsea` góor' do e júu^ jo, dsifib' ca'uøøiñ' fí' jee~ fñ colíng' cóo' i dseamf do jo cangolíñ' fí' lí' táang' Jesús. 31 Jo dsu' lajee' nú'-gui e nigüilíñ'- do fí' lí' táang' Jesús, i dsea` quiá' Jesús do casí'r- dsea` do jo cajíñ'-:

—¿Já^ cø'^jiu' í'^, Tifa'?

32 Joba' dsea` do cañír` lala:

—Seab' coo' e jie'gui e 'né- nidóø'ø e jíi'~ 'nú' ja' ní'^na' jial lí'.

33 Jo mi' tí' lí' canúu- i dsea` quiá'r- do e jo, joba' canaaiñ' sñiñ' lajee' la'ó' yaaiñ~ jo jmíngí'- rúñ':

—Jangám- song líng' iñ' nijaca~ e nicagó'r'.

34 Joba' cañí' Jesús quiá'- i dsea` quiá'r- do jo casí'-reiñ':

—'Né- nijmee~ e lajíi' e iing' i dsea` i casíng' jnea~ do, jogui e nijmité' e lajíi' ta~ e cangñn`n quiá'- dsea` do, joba' e job e lí' lafa' mi' gó'ø ii- e litaan`n

guiá. ³⁵ Jo dsu' 'nú' fó'na' lala: “Né-bi quiúung-gui si' e nicuó- lajii' e cangojneá do”; jo dsu' jnea~gui fii' 'nú' e 'né cá'na' cuente e lajii' e sijnea do nicalineáang, joba' nicuó' li' jóng e nicatib' í' e nisitíng. ³⁶ Dsaco' i dsea' i jmóo' ta' e sitíng' lajii' e roo' do, joba' ím'bre lajii' e catíiñ' quía' e ta' e jmóor' do. Co' jalé' e roo' e sitíiñ' do lí' laco' jaléng' dsea' i liseeng' cøong' cóo' Fidié' lata'. Jo co' lajob lí', joba' i dsea' i jni' do cóo' gui i dsea' i sitíng' do, røøb' nili'íáang' dsíir' lajii' tú' iñ' do mi' caroo' e cajnír' do. ³⁷ Co' e jáb' dseáng' lajii' e júu' røo' e fé' lala, “Ijiém' i dsea' i jni' do, jogui i jiém' bi' i nisití' mi' niró.” ³⁸ Jo jneab' dsea' casín' n' 'nú' e caguisitíng' na' lajii' e caroo' do e jii' 'nú' ja' caquie' na' ta' quía' jial cangojneá jalé' e jo, co' i jiém' i dsea' i cajmée' ta' jo, jogui 'núb' dsea' i nical'øøng' lajii' ta' e cajmée' i dsea' í'.

³⁹ Jo i fii' m' dsea' i seeng' e fii' Sicar do jáb' calíiñ' júu' quía' Jesús la'eáang' cóo' júu' e cajmée' i dseam' do ie' mi' cajíiñ' lala: “I dseañu' do nicajmea' bre jnea' júu' quía' jalé' ba' e nicajmé' e jéeng' gui.” ⁴⁰ Jo mi' tí' lí' caguilíng' i dsea' góo' i dseam' samaritana do fí' lí' táang' Jesús, joba' camir' jmi'ee' fa' nijé' bi' dsea' do cóo' ír'. Joba' lajob cajmée' dsea' do, caje' bre cóoiñ' do lajee' tú' jmi', ⁴¹ jo i fii' m' bi' i dsea' í' cajáng' yaaiñ' fí' jaguó' Jesús mi' canúur' lajii' júu' e fé' dsea' do. ⁴² Jo lalab casí' i dsea' do i dseam' dsea' góor' do:

—Jo lana dseáng' lajang' júu' nijá' lí' naa' júu' quía' i dsea' na, co' dseáng' nicanú'baa' yee' naa' jial lí' júu' quía' r', jo o' jii' e júu' e cajmée' 'nu' jnea' do. Joba' nine'baa' jogui nita' bi' dsi' naa' cajo e dsea' íb' i láang' dsea' jmi'gü' jee' jalé' dsee' quía' iñ'.

Mi' cajmi'leáang' Jesús jaang' siming' jiuung'

⁴³ Jo mi' cang' e tú' jmi' e caje' Jesús cóo' i dsea' do, cagü' í' bre e fí' guóo' uó' lí' se' Samaria do jo ca' íb' tur fí' e ngóor' fí' lí' se' Galilea. ⁴⁴ Dsaco' lí' laco' gui jii' júu' e tíng' Jesús, e jii' jaang' dsea' i fé' cuaiñ' quía' Fidié' fa' jmi'gó' dsea' góor' ír'. ⁴⁵ Jo dsu' mi' caguiéng' Jesús fí' góor' fí' lí' se' Galilea, jalém' i dsea' i seeng' fí' jo guiáb' ca' iñ' dsea' do, co' jaléng' i dsea' í' cangolím' bre fí' Jerusalén e catí' jmi' Pascua, jogui cangá' bre jalé' e quí' jmi' e cajmée' Jesús ie' jo.

⁴⁶ Jo lajee' jo caquim' tu Jesús fí' e fii' e sii' Caná do e née' lí' se' Galilea e fí' lí' cajmée' e ca'uíng' jmi' m' huíng' jø' e jmi' do. Jo fí' job niseeng' jaang' dsea' nu' luu' quía' jaang' dseata' dsea' féng', jo dsea' í' niseeng' jaang' siming' jiuung' quía' r' i niráang' dsée' fí' e fii' e sii' Capernaum. ⁴⁷ Joba' mi' tí' lí' calíiñ' dsea' do e nitáang' Jesús e fí' fii' jo e jaiñ' fí' lí' se' Judea, joba' cangó' bre fí' lí' táang' dsea' do, jo camir' dsea' do jmi'ee' fa' e nidséiñ' do fí' quía' r' e nidsijmi'leáaiñ' i siming' jiuung' quía' r' do, co' ráaiñ' do e tí' lí' nijúum' bre. ⁴⁸ Joba' cañi' Jesús quía' i dsea' do jo cajíiñ':

—'Nú' ja' já' nilíim' bi' fíng' song ja' nimó' na' jalé' lí' e quí' i jmi' jmóo' o.

⁴⁹ Joba' cañi' tu i dsea' nu' luu' do quía' Jesús jo casí' r' dsea' do:

—Fí' i, fa' jgiée' o' e guó' ba' lajminá' fí' quie' e ná' gui e nijúung' i jiuung' quie' e do.

⁵⁰ Joba' lalab cañi' Jesús quía' i dseañu' do jo casí' reiñ':

—Quíng' tu fí' quí' , co' nica' láam' jóo'.

Joba' lajob cajmée' i dseañu' do, caquim' tur fí' quía' r', co' jáb' calíiñ' lajii' júu' e casí' Jesús ír'. ⁵¹ Jo lajee' iuuiñ' fí' e ngaiñ' fí' quía' bre mi' cajíiñ' guía' fí' i dsea' 'léeng' quía' r' i jalíng' fí' jo, jo lalab cajíng' dsea' do mi' cajíiñ':

—Nica' láam' jóo'.

⁵² Jo mi' canúu' i dsea' do e júu' jo, joba' cajming' reiñ' do e í' dseáng' e ca' láang' i jóor' do.

Joba' lalab cañíi` i dsea` 'léeng'~ do quiá'r`:

—Lado guiéé` la ii` coo` e ca'lóob` caguá` iá~ guíiñ` jo ca'láam` bre.

⁵³ Jo mi` canúu` i tiquiá` i jiuung` do e júu` jo, joba' dseáng` calilí'r` e dseáng` e í` job mi` casí` Jesús ír` e nica'láam` jóor`. Joba' i dsea` do colíing` cóo` jaléng` dsea` sinúu` quiá'r` cajám` yaaiñ` fí` jaguó` Jesús ie` jo.

⁵⁴ Jo cóo` e nab catí` tú` e lí` e quíi` Jesús jmíi` e cajméer` ie` mi` caquing` tur fí` lí` se` Galilea e jaiñ` fí` lí` se` Judea.

5

Mí` cajmi'leáng` Jesús jaang` dsea` i caang` tñ`

¹ Jo mi` cangí` gui lajo, mi` catí` tu í` e jmóo` dsea` Israel jmíi` fí` Jerusalén, joba' fí` job caquing` tu Jesús e ngotíiñ` e jmíi` jo. ² Jo ie` jo, e fí` dsíi` iá` cuu` e si' lacúng` Jerusalén do, quiéeng` coo` o'nú` fí` lí` ngíng` jaléng` jo` se` jiuung` i tíng` dsea` Israel jngaiñ` mi` tí` jmíi`. Jo quiá` e o'nú` do silí` coo` lí` a` jmíi` e fe` eáang` e sií` Betzata cóo` jmíi` hebreo. Jo e fí` 'ni` e lí` a` jmíi` do quiéeng` 'niá` ni'núu` jiu, ³ jo fí` job seeng` fíng` dsea` dsée` e lí` doñi` ee` jmohuí` líiñ`; do i tiuung`, dogui` i jlúu`, dogui` i caang` tñ` i teng` ni` uó`. Jo jaléng` í` sijeeiñ` e nijó` e jmíi` do. ⁴ Co' fé` dsea` e seab` mi` jgáang` jaang` ángel fí` dsíi` e jmíi` do, joba' nijób` e jmíi` do mi` nijgiáang` í`; jo mi` calí` jo, i dsea` la'uii` i ni'í` fí` dsíi` e jmíi` do, joba' ni'leáam` bre jóng` lí` doñi` ee` jmohuí` líiñ`. ⁵ Jo jee` jaléng` i dsea` dsée` do niquiéeng` jaang` dseañu` i nidsée` lajii` nīngóo` guigui` dsí` jñiá` jii. ⁶ Jo mi` caguié` Jesús fí` jo, cangaiñ` i dseañu` i dsée` do e dob ráaiñ` jogui` caliñir` e lajii` lí` ba' nidsée` i dsea` do, joba' cajmingí` reiñ` do jo casí` reiñ`:

—¿lin` e ni'leáan` lajii` jmohuí` lin`?

⁷ Joba' cañíi` i dsea` dsée` do quiá` Jesús lala:

—Fíi`, ja` ii` seeng` fa' ii` nijmicóo` jnea` e ni'ú` u fí` dsíi` e jmíi` do mi` cangí` e nijó`, jo co' laco` ya' mi` iin` n ni'ú` u fí` jo, dsea` jiem` dsijéeng` quié` e.

⁸ Joba' cañíi` Jesús quiá` i dsea` do:

—Ráan`, jo see` e 'ma` lí` dsíin` na jo guóng`.

⁹ Jo dsifí` lanab ca'láang` i dseañu` do, jo cacó` bre e 'ma` lí` dsíiñ` do, jo canaiñ` ngí` bre jóng. Jo ie` jo dseáng` cangotíng` jmíi` e jmi'ing` dsea` Israel. ¹⁰ Joba' mi` cangá` i dsea` quié` nifí` quiá` dsea` Israel e niquiéé` i dsea` ca'láang` do e 'ma` lí` dsíiñ` do, joba' lalab casí` dsea` do:

—Jmíi` e jmi'im` dsea` lana, joba' ja` cuøng` fa' e co' e 'ma` na.

¹¹ Jo dsu' lalab cañíi` i dsea` i lamí` dsée` do quiá` i dsea` góor` dsea` Israel i casí` ír` lajo:

—Jo i dsea` i cajmi'lee` quié` e do casí` r` jnea` lala: “Ráan`, jo see` e 'ma` lí` dsíin` na jo guóng`.”

¹² Joba' cajmingí` tu i dsea` Israel do i dseañu` do jo cajíiñ`:

—¿I` gui` i dsea` i casí` 'nu` e nicó` e 'ma` lí` dsíin` do jogui` e niguón`?

¹³ Jo dsu' i dseañu` do jii` ja` ñir` i` i cajmi'leáng` ír` do, co' ladsifib` cango'íng` tu Jesús jee` i dsea` fíng` i siseáng` do ie` jo. ¹⁴ Jo mi` cangí` jo, dob cadséng` tu Jesús i dsea` i cajmi'leáiñ` do fí` dsíi` sinúu` guá` fé` e si' fí` Jerusalén jo lalab casí` reiñ` do:

—Janú`, lana nica'láam` ba' lajii` jmohuí` e lamí` lin`, jo jie` mí` ee` tu' dsee` calé` catú`, dsuco' fíng` song` cajmee` tu' lajo, joba' huíng` guib` nidsijéé` quíi` jóng.

¹⁵ Jo ngí` jo, cangób` i dseañu` i lamí` dsée` do e cangojmea'r` júu` jaléng` i dsea` i quié` nifí` quiá` dsea` Israel e Jesús sií` i dsea` i cajmi'leáng` ír` do.

¹⁶ Joba' jaléng` i dsea` Israel do nīngir` 'naiñ` Jesús e laco' nijmeaiñ` dsea` do

ga` uíi~ e cajmée` dsea` do e jo` 'ñia' ie~ jmii~ e jmi'ing' jaléng' dsea` góor` dsea` Israel. 17 Jo` dsu' Jesús lalab casí'r~ jaléng' i` dsea` do:

—Tiquié`e ja` mí` catár` jii~ cateá` ta~ quiá'r~, jogui lajob` jmóo` jnea~ cajo.

18 Jo` mi~ canúu~ jaléng' i` dsea` i` quie` nifí` quiá'~ dsea` Israel do e cajíng'~ Jesús lajo, joba' eáang`guib` caí` dsíir' e nijngáin'~ dsea` do, co' o' jii~ e cajmi'leáaiñ~ i` dsea` dsée'~ do` 'ñia' ie~ jmii~ e jmi'ing' dsea` góor` dsea` Israel, co' lajob` cajo` fé'r` e røøb` láin'` cóo'~ Fidiée` mi~ fé'r` e Fidiéeb` dsea` líng' Tiquiá'r`.

Ja` jmóo` i` Jóo' Fidiée` i` camíng'~ do la tiiñ` 'ñia'r`

19 Jo` co' niñib` Jesús jial` í` dsíi' i` dsea` do, joba' lalab casí'r~ dsea` do:

—E laba' jmitaa` óo`na', e jii~ coo` cuøøng` lí` jmee~ jnea~ la tiiñ` 'ñia'a, jnea~ dsea` lín'n` i` Jóo' Fidiée` camíng'~, co' dseáng'~ lajii~ e móo`o e jmóo` Tiquí'ii', lajii~ e joba' e jmóo`o cajo. Co' jalé' e móo` jnea~ e jmóo` Tiquí'ii', joba' e job` jmóo`o cajo. 20 Co' Tiquí'ii' eámam` 'neáaiñ` jnea~, jogui e'bre jnea~ jalé' e jmóor`; jogui ni'é'~bir jnea~ cajo jalé' e niing`~gui e laco' nidsi'gó` óo` 'ná' eáang`gui. 21 Co' lí'` laco' jmóo` Tiquí'ii' e jmi'it'ur jaléng'` 'lii~ jogui e cuør` e niliseeng`tuiñ', joba' lajobi` jnea~, dsea` lín'n` Jóor', lajob` jmóo`o cóo'~ jaléng' dsea` i` iin`n` jmee~ cóo'~ lajo. 22 Jo` Tiquí'ii' ja` quidsir' í'` quiá'~ jii~ jaang` dsea` uíi~ dsee~ quiáin'~, co' jneab` dsea` nicang`n`n` quiá'r~ e ta~ jo e catíin`n` nijmee~ e lajo. 23 Jo` cajmée` Tiquí'ii' lajo e lí'` laco' lajiiñg` dsea` nijmi'gór` jnea~ lí'` laco'gui` jmi'gó` dsea` ír`. Dsuco' i` dsea` i` ja` jmi'gó` jnea~, dsea` lín'n` Jóo' Fidiée~, joba' lajob` cajo ja` jmi'gór` Tiquí'ii', dsea` i` casíng` jnea~ fí` jmigüf` la.

24 Jo` e laba' jmitaa` óo`na', e doñi` iñ` dsea` i` já'~ líng` júu` quie` e jogui náur` júu` quiá'~ i` dsea` i` casíng` jnea~ fí` jmigüf` la, joba' jaléng'` dsea` í` niñim`bre e seeiñ` cøøng` cóo'~ Fidiée` lata~ jo` ja` nidsilíin'` fí` lí` 'lí'`; co' lí'` lafa' lamí` sijúum`bre, jo` dsu' lana lí'` lafa' nicají'tur la'eáang` cóo'~ Fidiée`. 25 Jogui dseáng'~ jmita`baa` óo`na' e tí` lí` nití'b` í'` jo` dseáng'~ lanab`liy e jaléng'` dsea` i` lafa' 'líng`~ uíi~ jalé' dsee~ quiá'r~ ninúr` júu` quie` e, dsea` lín'n` Jóo' Fidiée`; jogui jaléng'` dsea` i` ni'ing'` e júu` jo, niliseem`bre la'eáang` cóo'~ jnea~. 26 Jo` lí'` laco' Tiquí'ii' Fidiée` 'ñia'bre dsea` cuør` e seeng` dsea`, joba' lajob` cajo dsea` í'bing' i` nicacuø` jnea~, dsea` lín'n` Jóor', e laco' 'ñia'baa` dsea` cuøøø` dsea` e seeiñ`. 27 Jogui nicacuø`bir jnea~ e oo` ta~ e niquidsii` í'` quiá'~ jaléng'` dsea` jmigüf` uii~ quiá'~ jalé' dsee~ quiáin'~, co' jneab` dsea` cagá`a fí` ñiff` e lín'n` jaang` dsea` jmigüf`. 28 Jo` ja` güidsigá` óo`na' quiá'~ jalé' e fíi` i` 'ná' la, co' niguiéeb` jmi~ mi~ jaléng'` dsea` i` ni'líng`~ ninúr` júu` quie` e 29 jo` ni'uóñiñ` fí` dsíi' ée` quiá'r~. Jo` ie~ jo` jaléng'` i` dsea` i` ca'ée` jmang'~ e guiá~ nijí'tur e laco' niliseeiñ` cøøng` cóo'~ Fidiée~, jo` dsu' jaléng'` i` dsea` i` cajmée` jalé' e ja` dseeng` nijí'tur e lí'` laco' ni'íñ'` iihuí'.

Jie` fí` lí'` jáa' fí` quiá'~ Jesús cóo'~ jalé' e jmóor`

30 Jo` fíi` túu` 'ná' e jii~ cóo'~ cuøøng` lí'` jmee~ jnea~ la ñii` 'ñia'a. Co' jnea~ mi~ quidsii` í'` quiá'~ jaléng'` dsea`, e jo` jmóo`o laco' ta~ quiá' Tiquí'ii' Fidiéeb`, jogui dseáng'~ røøb` jalé' e jmóo`o do cajo. Jo` ja` jmóo`o la tiiñ` 'ñia'a jalé' e jo, co' lajii~ e iing` Tiquí'baa' e jmóo`o, co' dsea` íb` i` casíng` jnea~ fí` jmigüf` la. 31 Jo` faco' jnea~ fá'a juguiá~ cuaiñ` quie` e 'ñia'a, joba' ja` e quíng` jii~ coo` e júu` do fí` quiní'` 'ná' jóng. 32 Jo` dsu' seem` jaang`gui` i` fé'` guiá~ uii~ quie` e, jogui tab` dsii` e jalé' e júu` do quíim' fí` quiní'` 'ná'. 33 Jo` 'ná'b` dsea` casíng`na' dsea` i` cangojming` i` Juan i` seáang` dsea` jmi~ do i` dseáng'~ jnea~, jo` tab` dsii` e jmang'~ júu` jáb'~ dseáng'~ fé' i` Juan do. 34 Jo` dsu' jnea~ ja` 'neán`n` dsea` jiéng' i` nijmé~ júu` uii~ quie` e i` dsea` líng' jnea~; jo` fá'a e júu` la e lí'` laco' 'ná' nilí'na' leáng`na' jee~ jalé' dsee~ quí'na'.

³⁵ 'Jo jalé' júu^ e cagua' i Juan do lí' laco' cajlí'~ quí' e coo' e laco' e' dsea' fí'; jo 'nú' lajee' cateá'ba' cajmi'iaang' óo'na' cōo'~ jalé' e júu^ e cagua' i Juan do. ³⁶ Jogui jalé' e jmóo' jnea~ do eáang'gui cuø' lí' i~ jnea~, jo eáang'gui b niing- laco' e júu^ e cajíng'~ i Juan do uii~ quie~e; cō' lajii'~ e jmóo' jnea~, ta~ job e cacuø' Tiquí'ii' Fidiéé' jnea~ e nijmee~e. Jo jalé' e jmóo'o do cuø' lí' e Tiquí'ii' Fidiéé' dsea' casíiñ' jnea~ fí' jmigü' la. ³⁷ Jo i Tiquí'ii' do, dsea' íb' i fé' juguiá' uii~ quie~e. Jo dsu' 'nú' ja' mí' caná'u-na' júu^ quia'r- o'gui mí' cañíng'na're cajo, ³⁸ o'gui seeng'na' e jmití'na' júu^ quia'r- dsea' do, cō' ja' mí' ca'ling'na' jnea~ dsea' casíiñ' fí' jmigü' la. ³⁹ Jogui 'nú' dseáng'~ tá'~ camí' júub^ jmitíng'na' e fé' fí' ni~ jì' quia'r- Fidiéé', cō' sijeeng'na' e fa' lajob niliñ'na' jial cuøøng' e seeng'na' cøøng' cōo'~ dsea' do lata'; jo dsu' jalé' e júu^ do lajii'~ uii~ quie~baa e fé'. ⁴⁰ Jo dsu' 'nú' ja' iing'na' fa' nijáang'~ yaang'na' fí' jaguóo' e laco' niliseeng'na' cøøng' cōo'~ Fidiéé'.

⁴¹ 'Jo fí' guí' 'nú', ja' e lí' quie~ jnea~ jial lí' jalé' e fé' dsea' jmigü' uii~ quie~e, ⁴² dsu' nicuíim' jnea~ 'nú' guíá' jial líng'na', jo niñi'baa guíá' e ja' 'neáang'na' Fidiéé'. ⁴³ Jo jnea~ cagá'a fí' jmigü' la cuaiñ' quia'r- Tiquié'e, jo dsu' 'nú' ja' íng'na' jnea~. Jogui faco' jaang'gui dsea' i nijáa' i ja' i' seeng' i sá' quia'r-, jo dsu' ni'ím'ba' i dsea' í. ⁴⁴ Jo ¿jial já'~ nilíng' 'nú' júu^ quie~e fíng song líco' jmiféng' rúng'na' lajee' la'ó' yaang'na' jo dsu' ja' jmi'goo'na' 'ñia' Fidiéé' dsea' fé'r' guíá' uii~ quie~na'? ⁴⁵ Jo ja' í' óo'na' e jnea~ ni'nñn'n 'nú' fí' quini' Tiquié'e, cō' 'lí' yá'u~ quie~na' i sii' Moi~ dsea' ca'nñiñ' 'nú' cōo'~ júu^ quia'r' ta~ e cajme'r' do, jo íb' i sijeeng' 'nú' i nijmicōo'~ quie~na'. ⁴⁶ Cofa' 'nú' já'~ calíng'na' lajii'~ júu^ e cajme' i Moi~ do fí' ni~ jì' quia'r-, joba' lajob já'~ líng'na' jnea~ cajo, cō' e fí' ni~ júu^ jo cuaiñ' quie~baa e fé'. ⁴⁷ Jo song 'nú' ja' já'~ líng'na' e júu^ e cajme' í, joba' ¿jial cuøøng' e já'~ nilíng'na' lajii'~ júu^ e fí' i 'nú' jóng'?

Jo lanab jii'~ lí' júu^ quia'r- Jesús e casí'r- dsea' i quie' nifi' quia'r- dsea' Israel ie~ jo.

6

Mi cahéng' Jesús 'ñiá' mil dseañu'

(Mt. 14:13-21; Mr. 6:30-44; Lc. 9:10-17)

¹ Jo mi~ cang' jo, cōo' jmii~ cangó' Jesús lí' lí' 'ngóo'~ e guieé' e sii' Galilea do, jogui sii'bi cajo Tiberias. ² Jo fíim' dsea' ngolíiñ' fí' lí' 'ngóo' dsea' do, dsuco' jéeng'gui nicangár- jalé' e lí' e quí'~ dsea' do jmii~ e jmóor' mi~ jmi'leáaiñ- jaléng' dsea' dsée'~. ³ Jo mi~ caguie~ Jesús colíng' cōo'~ dsea' quia'r- fí' lí' lí' 'ngóo'~ e guieé' do, jo cangolíiñ' fí' cōo' yá'~ mó', jo mi~ caguilíiñ' fí' jo, dob caguár' colíng' cōo'iñ' do. ⁴ Jo nijaquieéng' jmii~ Pascua ie~ jo e quí'~ tíng' dsea' Israel e jmóor' fí' Jerusalén.

⁵ Jo lajee' guing' Jesús e fí' yá'~ mó' do, cangár- e i fíng' dsea' nijalíng' fí' lí' guiiñ~, joba' lalab casí'r- jaang' lajee' i dsea' quia'r- do i sii' Lii' jo cajíiñ' :
—¿Jie' fí' nidsileá'aa' jalé' e nidø' i dsea' 'leáang' i nicagü'líng' la lana?

⁶ Dsu' cajíng' Jesús e jo e lí' laco' niliñir' e~ nijíng' i Lii' do cuaiñ' quia'r- e jo, cō' niñi'bre guíá' 'ñia'r' quia'r- jial nijmér- cuaiñ' quia'r- e do. ⁷ Jo lalab cañi' Lii' e casí'r- Jesús:

—Nañi' fa' nili'lee'~ cabøø~ iñi'~ e nidsé~ laji' cuu- e 'léeng'~ dsea' lajee' guíang' sí', dsu' ja' nilíim'bi quia'r- lajíng' i dsea' na e nitíiñ' jmá'~ capi'~ lajaang' lajaaiñ'.

⁸ Jo mi~ canúu- e júu^ jo i dsea' jaang'gui quia'r- Jesús i sii' Dí', i líng' rúng' Tú' Simón, joba' lalab casí'r- Jesús:

9 —Lab sing' jaang` jiuung` i quie' 'ñiá' iñí' e lí' cóo' m' cebada cóo' gui gáng` 'ñu` i nicuñing`, jo dsu' e la ja` jie' li` nidsibó' jee` i dsea` fñing` na.

10 Joba' cañi'tu Jesús quiá'- i dsea` quiá'r- do jo cajíñ'-:

—Síi' go' jaléng' i dsea` na güi'né'r' li` nigüear` lajaang` lajaañ`.

Jo e fi' mó' jo ia' sea` nuu` rø', joba' fi' job caguá' jaléng' i dsea` do, jo jee` i dsea` do quíng'` jie' ja` 'ñiá' mil dseañu'. 11 Jo mi` cangí' jo, ca'ím' Jesús e iñí' e se' i jiuung` do jo cacuø'r' gui'máang' Fidié'; jo mi` cangí' jo, canaañ` jmóor` guiéé' jee` jaléng' i dsea` i caseáng' do ie` jo. Jo lajob cajo cajméer` cóo' i 'ñu` do, cajmée`bre guiéé' jee` jaléng' i dsea` do car` jie' jii' iñí' do. 12 Joba' mi' tí' li` calitaang` i dsea` do guiá', lalab cajíng' Jesús casí'r- i dsea` quiá'r- do:

—Sití' na' jalé' 'ná' e caseáng` gui na, jo tea' na' líng', co' jii' ca' ná' ja` 'né' nidsitøng'.

13 Joba' lajob cajmée` i dsea` do, casitím`bre jalé' e 'ná' e caseáng` gui do quiá'- laji' 'ñiá' e iñí' cebada do, jo guitu' 'matá' gui carøng` cóo' e 'ná' e caseáng` do. 14 Jo mi' tí' li` cangá' i dsea` fñing` do e li` e quí' Jesús jmí` e cajméer` do, joba' canaañ` síiñ` lajee` yaañ` jo fé'r':

—I nab dseáng' dsea` i cajíng' Fidié' i nisíñ` fi' jmíguü' la i nifé' cuaiñ` quiá'r-.

15 Jo niñib' Jesús e i dsea` i fñing` do iñí` nitøø`bre ír' la'úung` e laco' nicár` nifí' quiáñ'- do, joba' cajmi'nám`tu 'ñia'r' jee` i dsea` do, jo cajgóor` calé' catú` cartí' yá' e mó' do e laco' niliung` 'ñia'r'.

Mí' cangí' Jesús fi' ni` jmí`

(Mt. 14:22-27; Mr. 6:45-52)

16 Jo mi' tí' li` jaquíéng` e ni'í' náu` e jmí` do, i dsea` quiá'- Jesús do catisím`bre fi' li` née' e guiéé' do. 17 Jo mi' caguiliñ` fi' 'ni' e guiéé' do, cangotáam`bre fi' dsí' cóo' móo', jo canaañ` cua'bre e guiéé' do e teáañ` fi' ngoliñ` fi' Capernaum. Jo coob` mi' ca'í' náu`, jo dsu' Jesús ja` mí' cajím`bi rúñ' cóo' i dsea` quiá'r- do. 18 Jo lajee` ngolíng` i dsea` quiá'- Jesús do e teáañ` fi' dsí' e móo' do, jo cóo' canaang` e fi' guí' e teá' eáang', joba' canaang` e róo` jmí`.

19 Jo lajee` ningoliñ` e fi' ni` jmí` do tíib`jiu la 'ñiá' osi jñáu` kilómetro, jo cóo' cangám`bre Jesús e nijaquíéng` dsea` do fi' quiá'- e móo' do e nijaiñ` ngir' fi' ni` jmí`. Jo mi' cangáng` i dsea` do Jesús e jang' dsea` do ngir' fi' ni` jmí', joba' cajá' e 'gó'bre. 20 Joba' dsifí' lanab cajíng' Jesús casí'r- i dsea` do lala:

—jneab` la, jo ja` føøng` na!

21 Jo i dsea` quiá'r- do e iáang` dsí'bre ca'íñ' dsea` do fi' dsí' e móo' li` teáañ` do; jo dsu' lajee` job e jii' ja` li` lanab catíñ' lajaléñ' do fi' uø` quiú' e fi' li' sí'í' nitíñ' do.

Mí' canaang` i dsea` fñing` do 'náiñ' Jesús

22 Jo mi' cajneá' e jmí` jo, jaléng' dsea` i sijeeng` Jesús lí' lí' 'ngóo' cataang` e guiéé' do calilí'r` e jaléng' i dsea` quiá'- Jesús do nicangolíim`bre cóo' e móo' cóo' 'ñia' e si' do jéeng`gui, jo dsu' Jesús ja` mí' cangaiñ' cóo' i dsea` quiá'r- do.

23 Jo lajee` job caguiliñ` jéng'gui dsea` i teáang` dsí' móo' i jalíng` fi' cóo' fi' e sii' Tiberias, jo caguiliñ` fi' guóo' uø` quiú' quiá'- fi' li` cagó' i dsea` i fñing` do mi' cangí' e cacuø' Fí'naa' Jesús gui'máang' Fidié'. 24 Joba' mi' tí' li' calilí' i dsea` fñing` do e jo seeng` Jesús fi' do o'gui i dsea` quiá'r- do, joba' cajgóo`bre fi' dsí' cóo' móo', jo cangoliñ` cango'ném`bre dsea` do fi' Capernaum.

Jesús líiñ' laco' e iñí' e cuø' e seeng` dsea` lata`

25 Jo mi' tí' li' caguiliñ` i dsea` fñing` do fi' lí' lí' 'ngóo' cataang` e guiéé' do, joba' fi' job cajíñ' Jesús jo lalab cajmíng'r- dsea` do:

—Tifa', ¿li~ cañing'~ 'na' fí la?

²⁶ Joba' cañíi' Jesús quiá'- jaléng' i dsea` do jo cajíñ'-:

—E laba' jmitaa^ óo'na' e 'nú' 'náng'tu' jnea~ lana, dsuco' lado guiée~ caquié'na' car` caróm-ba', jo dsu' ja` 'náng'na' jnea~ uiing~ quiá'- e nicangáng'na' e~ guóng' jalé' e li~ e quíi'~ i jmií~ e nicajmé~ e do. ²⁷ Joba' fíi'~ i 'nú' ja' jmiquíng'^ li óo'na' cuaiñ~ quiá'- jalé' e gø' dsea' e ja' huóø^ ee~, co' 'ná' lí' lí' né~ e guing~ óo'na' cuaiñ~ quiá'- jalé' e taang~ dsea' e sea` contøøng~, co' e joba' e cuø' e seeng` dsea` cøøng` cóo'~ Fidiée~ lata~. Jo e joba' nicuóø^ jnea~ jaléng' dsea~, jnea~ dsea' gáa'a fí' ñiff~ e lín'n jaang` dsea' jmigüí, co' ta~ joba' casíng' Tiquí'ii' Fidiée~ jnea~ fí' jmigüí la.

²⁸ Joba' cajmingí'~ i dsea` do Jesús, jo casí'r~ dsea` do lala:

—¿E~ 'né~ nijmó^ jnea'^ e laco' nilí'ti~ jalé' e iing~ Fidiée~ e nijmó^oo'?

²⁹ Joba' lalab cañíi' Jesús quiá'- dsea` do:

—E lab e iing~ Fidiée~ e 'né~ nijmee~na', e ni'íng'~na' jnea~, dsea` i casíiñ' fí' jmigüí la.

³⁰ Joba' cañíi'tu i dsea` do quiá'- Jesús, jo casí'r~ dsea` do lala:

—Jogui 'na, ¿e~ li~ e quíi'~ jmií~ cuóøng` lí' jmée'^ quí'naa' la e laco' já'- nilí'naa' júu^ quíi'~?, jogui ¿e~ jalé' jmoo' 'na'? ³¹ Co' lalab júu^ sea` quiá'- 'lií~ dsea' áang' quí'~ii' e cangíiñ' e cagó'r' iñí'^ e sii' maná lajee~ cangir' fí' ni' guóo'~ uø~ quíi' malíi~gui lí'^ laco'gui la fé' fí' ni' jì' quiá'- Fidiée~ lí' fé': “Jo Fidiée~ dsea` cacuø' jaléng' i dsea` do iñí'^ e cagó'r' e jáa' fí' ñiff~.”

³² Joba' lalab cañíi' Jesús quiá'- i dsea` do jo cajíñ'-:

—E laba' iin~n jmitaa^ óo'na', e o' Moi~ i cacuø' i dsea` áang' quí'~na' do e iñí'^ e cajalí' fí' ñiff~ do, dsuco' 'ñiab' Tiquié' e Fidiée~ dsea' cuø' e iñí'^ e já' e jáa' fí' ñiff~ do. ³³ Dsuco' jnea~, dsea' gáa'a fí' ñiff~, lín'n laco' e iñí'^ e cuø' Tiquí'ii' Fidiée~ do e laco' liseeng` dsea' cøøng` cóo'r~ lata~.

³⁴ Joba' i dsea` do camí'r' Jesús lala jo cajíñ'-:

—Fí'i, cuóø'~ jnea'^ contøøng~ e iñí'^ jo.

³⁵ Joba' casí'~ Jesús jaléng' i dsea` do jo cajíñ'-:

—Jneab~ dsea' lín'n e iñí'^ e cuø' e seeng` dsea' lata~; jogui i dsea` i já'- líng' júu^ quíe~ e jogui nicajáng' yaaiñ~ fí' jaguóo'o, joba' jo` tóo` jmií' fa' niguiá'gui jmi'aaíñ~ o'gui jmiijmiíiñ~. ³⁶ Jogui lí'^ laco' jii'~ e nicafíi' 'nú', nañí' fa' nicañíim'ba' jnea~, dsu' ja' já' lím'bi' jnea~. ³⁷ Jo jaléng' dsea` i nicacuøng' Fidiée~ jnea~, joba' jaléng' dsea' í' ím'bre jnea~; jogui jaléng' i dsea' í' ni'íim'baare cajó. ³⁸ Co' jnea~ ja' cagá~a fí' ñiff~ e cagajmée' e lajii'~ e iin~n 'ñiá'a, co' cagá~a e lí'^ laco' cagajmée' e lajii'~ e iing~ Tiquié' e e nijmee~baa, co' íb' dsea` i casíng' jnea~ fí' jmigüí la. ³⁹ Jo i dsea` i casíng' jnea~ fí' jmigüí la iin~ e ja' ni'íng~ jii'~ camíng' i dsea` i nicacuøiñ' jnea` do, co' lí'^ lí' iin~ e nijmee~ e e nijí'tur mi~ tí' lí' jo. ⁴⁰ Co' lajii'~ e iing~ Tiquié' e Fidiée~ e jaléng' dsea` i jáng' yaang~ fí' jaguóo'o jogui já' lín' júu^ quíe~ e, jnea~ dsea' lín'n Jóo' Fidiée~, joba' iing~ Fidiée~ 'ñia'r' e jaléng' i dsea' í' ni'íim'bre e niliseeiñ' cøøng` cóo'r~ lata~; jogui jnea~ nijmee~ e e nijí'tur mi~ tí' lí' nití' í' lajo.

⁴¹ Jo mi~ tí' lí' canúu~ i dsea' Israel do e júu^ quiá'- Jesús do, joba' canaaíñ' éeiñ' dsea` do lajee~ la'ó' yaaiñ~, co' dsea` do fé'r' e íbre dsea' lín' e iñí'^ e cajgó' fí' ñiff~. ⁴² Joba' canaaíñ' sí' rúíñ' lala:

—Jo ¿su o' i Jesús labi i líng' i jóo' Sé^ do? Co' jneaa~aa' cuíim'baa' i~ niquiá'r^ jogui i~ tiquiá'r^, jo ja' ne~naa' jiali' fé'r' e jáar' fí' ñiff~.

⁴³ Jo mi~ canúu~ Jesús e júu^ jo, joba' casí'~ reiñ' do lala:

—Túu'na' e ééng'na' jnea~. ⁴⁴ Jo fíi'~ i 'ná' e jii'~ jaang` dsea' cuóøng` lí' jáng' 'ñia'r' fí' jaguóo'o fíng song Tiquí'ii' Fidiée~ i casíng' jnea~ fí' jmigüí la ja' nijajéeng' i dsea' í' fí' quinií~; jogui jneab~ dsea' nijmée' e e nijí'tu jaléng' i

dsea` í mi` tí li` jo. ⁴⁵ Jo lalab fé` fí` ni` jì` quiá`- Fidiéé` e cajme` í dsea` í café` cuaiñ` quiá`r- mali`gui eáang` ie` lamí` cajíñ`- lala: “Fidiéeb` dsea` ni`ér- lajaang` lajaang` dsea.” Joba` jaléng` dsea` í ninú- júu` quiá`- Tiquí`ii` do jogui nilitíiñ` guiá`- quiá`- dsea` do, joba` cóo`- jneab` nijatáaiñ`- jóng.

⁴⁶ Jo dsu` ofa` fá`a e seeng` dsea` í nicangáng- Tiquí`ii`, co` lajii`- jnea`bing` í nicangáng- dsea` do, jo íb` dsea` í casíng` jnea` fí` jmigüi` la. ⁴⁷ Jo e laba` jmítáa` óo`na` e jaléng` dsea` í já`- líng` júu` quié`e, joba` cøøng` liseeiñ` cóo`- Fidiéé` lata`.

⁴⁸ Jo dseáng`- jneab` lín`n e iñí`^ e cuø` e seeng` dsea` lata`. ⁴⁹ Jo jaléng` `lii` yúu`- quií`- `nú` cagó`bre e iñí`^ e sii` maná do ie` lamí` cangir` fí` ni` guóo`- uø` quiú` do, jo dsu` nañí` fa` cagó`r` e jo co` cajúm`-bre mi` catí` í` quiá`r-; ⁵⁰ jo dsu` jnea`gui fá`a quiá`- e iñí`^ e jáa` fí` ñiff`- do, co` ii` dsea` í ni`íng` e nidø`- e jo, joba` ja` tóo` jmíi` fa` nijúuiñ`. ⁵¹ Jogui co` jneab` dsea` lín`n e iñí`^ e nicajá`- fí` ñiff`- e laco` cuø` e seeng` dsea` lata`, joba` doñí` ii` dsea` í ni`íng` e nidø`- e iñí`^ jo, joba` dseáng`- lata` niliseeiñ` cøøng` cóo`- Fidiéé`. Jo e iñí`^ jo lí` ngúu` táam`baa, co` e joba` nijáa`-a e laco` cøøng` niliseeng` dsea` cóo`- Fidiéé` lata`.

⁵² Jo mi` tí` li` canúu`- í dsea` Israel do e júu` jo, joba` canaaiñ` tíng` júu` quiá`r- lajee` la`o` yaaiñ` uii` quiá`- Jesús, jo jmingí`- rúíñ` lala:

—Jo ¿jial cuøøng` e í dseañu` na nicuør`- ngúu` táaiñ` e lafa` niquiee`naa`?

⁵³ Joba` cañí`tu Jesús quiá`- í dsea` do jo casí`-reiñ`:

—Dseáng`- e laba` jmítáa` óo`na`, e song` `nú` ja` ni`íng`-na` jnea` laco`gui mi` jmítaang` yaang`-na` guiá`- cóo`- e iñí`^ do, o`gui ni`u`na` jmíøøñ`, jnea` dsea` cagá`-a fí` ñiff`- e lín`n jaang` dsea` jmigüi`, joba` ja` quíi`- jmíi` jóng e nilí`na` e niliseeng`na` cøøng` cóo`- Fidiéé` lata`. ⁵⁴ Co` í dsea` í íng` jnea` lí` laco`gui mi` jmítaang` yaaiñ` guiá`- jogui í`r` jmíøøñ`, joba` dsea` íb` í ni`íng` e niliseeiñ` cøøng` cóo`- Fidiéé` lata`; jogui jneab` nijmee` e e nijí`tu jaléng` í mi` nití` í` lajo. ⁵⁵ Dsucó` mi` íng` dsea` jnea`, lí` coo` e gø` dsea` e laniing`- íng` ta` quiá`r-, jogui e jmíøøñ`- do, lí` coo` e í` dsea` e laniim`- cajo. ⁵⁶ Co` í dsea` í íng` jnea` lí` laco`gui mi` jmítaang` yaang` dsea` guiá`- jogui í` jmíøøñ`- do, joba` cøøm` niliseeiñ` cóo`- jnea`, jogui lajobi` jnea` cajo cøøm` niliseen` cóo`- ír`.

⁵⁷ Jo Tiquí`ii` Fidiéé` í casíng` jnea` fí` jmigüi` la contøøm` seeiñ`, jogui la`eáang` íba` seeng` jnea` cajo; jogui lajobi` jaléng` í dsea` í íng` jnea` laco`gui mi` jmítaang` yaaiñ` guiá`-, dseáng`- contøøm` niliseeiñ` la`eáang` cóo`- jnea`.

⁵⁸ Jo fá`a e júu` na cuaiñ` quiá`- e iñí`^ e cajgó`- fí` ñiff`-, co` e iñí`^ la ja` lí` laco` e iñí`^ e sii` maná do e cagó` `lii` yúu`- quií`-na` lajee` cangir` fí` ni` guóo`- uø` quiú`, co` nañí` fa` cagó`bre e jo, jo dsu` cajúm`-bre mi` catí` í` quiá`r-; dsu` jaléng` í dsea` í íng` jnea` laco`gui mi` jmítaang` yaaiñ` guiá`- cóo`- e iñí`^ do, joba` dseáng`- latab` niliseeiñ` cøøng` cóo`- Fidiéé`.

⁵⁹ Jo lanab` jii`- lí` júu` quiá`- Jesús e ca`e`r` jaléng` dsea` í caseáng` e fí` sináuu` guá`- quiá`- dsea` Israel e si` fí` Capernaum.

Seem`dsea` í ja` íng` júu` quiá`- Dsea` Jmáang`

⁶⁰ Joba` mi` tí` li` canúu`- í dsea` do lajii`- e cajíng`- Jesús do, í fíim` jaléng` í dsea` do í lamí` ngí` cóo`r` do cajíñ`- lala:

—Dsíng`- huíng` e ni`íng`-naa` lajii`- e júu` e fé`r` na, jo ja` lí` dsi`naa` e seeng` dsea` í já`- nilíng` lajii`- júu` quiá`r-.

⁶¹ Jo co` niñib` Jesús lajii`- e ée` í dsea` do quiá`r-, joba` cajmingí`r` dsea` do lala:

—¿Su` ní` máam` `nú` e júu` quié`-e la? ⁶² ¿E` ni`í` áa`na` fíng song` nimáang`-na` jnea` e niníng`-túu` fí` lí` lamí` guin`n fí` ñiff`-, jnea` dsea` cagá`-a fí` jo e lín`n jaang` dsea` jmigüi`? ⁶³ Jo e Jmiguí` quiá`- Fidiéeb` e cuø` e seeng` dsea` lata`, jo dsu` ja` quíi`- dsea` jmigüi` jmíi` fa` e nijmér` e niliseeng` dsea` lata`; jogui jalé`

júu^ e nicafíi~ i 'nú^ na líi^ la'eáang' cóo^~ Jmiguí^ quíá^- Fidiéé^, jogui cajo cuø e liseeng^ dsea^ lata~. ⁶⁴ Jo dsu^ seem^ 'nú^ i ja^ mí^ ca'ím^'bi júu^ quíe^- e latí^ lana.

Jo cajíng'^ Jesús lajo co^ ñíbre guiá^- latí^ mí^ uing~ i~ jaléng'^ i dsea^ do i dseáng'^ ja^ ñí'íng'^ ír, jogui i~ i nijáng'^ ír fí^ jaguó^ jaléng'^ dsea^ cøøng'^ e quíá^- e nijúuín^-.

⁶⁵ Jogui lalab cajíng'^ guir:

—Jo uíi^ e lajob líí, joba^ nicafíi~ i 'nú^ e jíi^~ jaang^ dsea^ cuøøng^ lí^ jáng'^ ñia^r^ fí^ jaguóo^o fíng song ja^ nijajéeng^ Tiquí^ií^ Fidiéé^ ír fí^ quinií^-.

⁶⁶ Jo latí^ ie~ job, i fíim^ dsea^ i lamí^ ngí^ cóo^~ Jesús catiúum^-bre dsea^ do, jo caquium^'bre e ngír^ cóo^~ dsea^ do. ⁶⁷ Jo co^ calilíb'^ Jesús e jo, joba^ cajmíng'^r^- i dsea^ guitúung^ quíá'^r^- do jo cajíñ'^-:

—Jo ¿su la quíe^ 'núb^' iing~ na^ nijmí^naang^ yaang~ na^ quíe^- e cajo?

⁶⁸ Joba^ cañíi^ Tú^ Simón quíá^- Jesús jo cajíñ'^-:

—Fíinaa^, dseáng'^ ja^ í^ dsí^baa^ e nidsitáang^naa^ cóo^~ dsea^ jiéng'^, co^ jíi^~ 'núb^ dsea^ cuø^ júu^ quíá^- jial seeng^ dsea^ cøøng^ cóo^~ Fidiéé^ lata~. ⁶⁹ Joba^ jnea^, nicajáang'^ yee~naa^ fí^ jaguóo^, co^ dseáng'^ nitab~ dsí^naa^ e 'núb^ lin^ dsea^ i casíng^ Fidiéé^ fí^ jmigüí^ la e lin^ dsea^ güeang'^ quíá'^r^-.

⁷⁰ Joba^ lalab cañíi^ Jesús quíá^- i dsea^ quíá'^r^- do:

—Jneab~ dsea^ nicaguín^'n 'nú^ e nilíng^na^ dsea^ guitúung^ quíe^- e, jo dsu^ jee~ 'núb^ quiigeáang^ jaang^ i nilíng^ dsea^ quíá^- fíi^ i 'líng'^.

⁷¹ Jo mí^ cajíng'^ Jesús lajo, café^r^ dsu^ e éeiñ^ i Judas i líng^ jóo^ Simón Iscariote, jo ja^ e líi^ e i Judas do quíim^'bir jee~ i dsea^ guitúung^ do, dsu^ dsea^ íbing^ i nijáng^ Jesús fí^ quini^ dsea^ cøøng'^ e quíá^- e nijúuín^-.

7

Jí^gui jaléng'^ rúng'^ Jesús ja^ ja^ líiñ^ júu^ quíá^- dsea^ do

¹ Jo mí^ cangí^gui lajo, dob ngí^ Jesús fí^ jalé^ fíi^ e téé^ lí^ se^ Galilea e jmóor^ lajíi^ ta~ sínar^e. Jo ie~ jo ja^ iíñ~ dsér^- fí^ lí^ se^ Judea, co^ jaléng'^ dsea^ góor^ dsea^ Israel i teáang^- nífi^ i seeng^ fí^ jo 'náíñ^' dsea^ do e iíñ~ nijngám^-breíñ^.

² Dsu^ ie~ jo nijaquíéeng^ jmíi^ quíá^- dsea^ Israel e quí^- tiiñ^ jmo^r^ 'núu^ má^' 'ma~ e laco^ jmiguiéng'^ dsír^ jial mí^ cangír^ fí^ ní^ guóo^~ uø^- quíi^ malíi^ gui eáang^, ³ joba^ lalab cajíng'^ jaléng'^ i rúng'^ Jesús do jo casí^- reiñ^:

—Ja^ guíng^ já^ fí^ la, jo fí^ lí^ se^ Judeab guó^, jo lajoba^ jaléng'^ dsea^ i tí^ dsíi^ núu^ júu^ quíi^- i seeng^ fí^ jo nijóør^- jalé^ e quíi^~ jmíi^ jmoo^'. ⁴ Co^ mí^ jaang^ dsea^ iíñ~ e nilicuíi^gui dsea^ quíá'^r^, joba^ fí^ lí^ jøø^- dseab^ 'né^- jmér^- jalé^ e jmóor^ do. Jo co^ 'nú^ jmoo^' jalé^ e dsigá^ dsíi^ dsea^, joba^ fí^ quini^ dsea^ fíim^ 'né^- jmé^' jalé^ e jo.

⁵ Jo fé^r^ lajo co^ jí^gui jaléng'^ i rúng'^ Jesús do ja^ ja^ líiñ^ júu^ quíá^- dsea^ do.

⁶ Jo lalab cañíi^ Jesús quíá^- i rúíñ^ do jo cajíñ'^-:

—Ja^gui mí^ catí^ í^ quíe^- e e nijmijnéeng^ 'ñiá^'a fí^ quini^ fíng^ dsea^, jo dsu^ quíi^- 'nú^ doñí^ ee^ jmíib~ cuøøng^ lí^ güilíng^-na^ jié^ fí^ lí^ iing~ na^'. ⁷ Jo fíi^- 'nú^ e ja^ ee^ uing~ sea^ quíá^- jaléng'^ dsea^ jiéng'^ e nilí^ 'ní^ níiñ^- 'nú^, jogui dsu^ jnea~gui contøøm^- 'ní^ níng^- dsea^, co^ jnea~ jmóo^o e líñi^ dsea^ røø^ uii^ quíá^- jalé^ e ga^ e jmóor^'. ⁸ Joba^ fíi^- 'nú^ e cuøøm^ lí^ güilíng^-na^ e jmíi^ jo, jo dsu^ ja^ lí^ níi^ jnea~ lajminá^, co^ nabi ja^ mí^ catí^ í^ quíe^- e e nijmee^ e lajo.

⁹ Jo lanab casí^- Jesús i rúíñ^ do, jo dob cajer^ fí^ lí^ se^ Galilea, jo i rúíñ^ do cangolíim^bre fí^ lí^ tí^ jmíi^.

Mí^ cangotíng'^ Jesús jmíi^ quíá^- 'núu^ má^' 'ma~ fí^ Jerusalén

¹⁰ Jo mí^ cangí^ e cangolíng^ i rúng'^ Jesús do fí^ lí^ catí^ jmíi^, joguiba^ cangó^- Jesús fí^ jo, jo ja^ fíng^ dsea^ i ngolíng^- cóo^r^, co^ ja^ iíñ~ dsér^- fí^ jo jee~ dsea^

fíing'. ¹¹ Jo lajee' tí e jmiĩ do, jaléng' dsea' quie' nifi' quia' dsea' Israel ngir' ta' 'náng' Jesús, jo sñiĩ lajee' la'ó' yaaiĩ jo fé'r' lala:

—¿Jie' fí iuung' i dseañu' do?

¹² Jo eáam' sñing' jaléng' i dsea' Israel i siseáng' do cuaiĩ quia' jalé' e jmóo' Jesús. Jo jee' do quieéng' i lñing' dsea' i fé' lala: “Jaang' dseañu' i guiúm' liiñ' do”; jogui jee' dobi quieéng' dsea' i fé' cajo: “I dseañu' i ja' dseeng' éer', jogui lico' ngir' ta' jmiğøøng' jaléng' dseab'.”

¹³ Jo jee' jaléng' i dsea' do jii' jaaiĩ teá' dsír' nifé'r' uii' quia' Jesús, co' 'gó'bre fíng ee' cajmé' i dsea' Israel i quie' nifi' do quia'r' song canúur' jalé' e sñiĩ' do.

¹⁴ Jo ningóo' guiáam' e jmiĩ do mi' caguié' Jesús fí dsí' sinúu' guá' fé' quia' dsea' góor' dsea' Israel e si' fí Jerusalén, jo mifíng' canaiĩ' e'bre dsea' mi' caguié' fí jo. ¹⁵ Jo eáam' dsigá' dsí' i dsea' quie' nifi' quia' dsea' Israel do e núur' jalé' júu' 'goo' e guia' dsea' do, jo lalab sñiĩ lajee' yaaiĩ jo fé'r':

—¿Jial jmóo' i dseañu' na e tñiĩ' ngaiĩ' júu' quia' Fidié', jo ja' ne'ee' fa' jie' lí' nicajmitiĩ'?

¹⁶ Joba' lalab cañi' Jesús quia' i dsea' do:

—O' dseáng' júu' quie' e lajii' e ée' e 'nú' la, co' e júu' la jáa' quia' i dsea' i casíng' jnea' fí jmiğü' lab. ¹⁷ Jo doñi' ii' dsea' i guia' dsí' e nijmitir' laco' la iing' Fidié', joba' dsea' í'bing' i niñi' su jáa' quia' Fidié' jalé' e ee' do osi lí' fá'a e la tñin' 'ñia'baa' é. ¹⁸ Dsuo' i dsea' i fé' la tñing' 'ñia' jmóor' lajo e lí' laco' nijmiféng' dsea' í'bre; jo dsu' i dsea' i jmi'úung' e nijmiféiñ' i dsea' i casí' quia'r' do, joba' i dsea' í' jmang' júu' jáb' quier', jo jii' jaang' ja' ii' cuøøng' lí' cuø' dsee' ír', co' ja' dsee' sea' quia'r'.

¹⁹ Jo cajíng' gui Jesús:

—Jo e já' e Moi'bing' cacuø' 'nú' e júu' quia' ta' quia' Fidié' do, jo dsu' jii' jaang' 'nú' ja' jmiti'na' e júu' jo. Jo ¿jali' e iing' na' nijngáng'na' jnea'?

²⁰ Jo mi' canúu' i dsea' do lajo, joba' cañir' quia' Jesús jo cajíñ':

—i' 'lim' jée' quí' 'nu'! Co' jnea' ja' í' dsi'naa' fa' e nijngáng'naa' 'nu'.

²¹ Joba' cañi' tu Jesús quia' i dsea' do jo casí' reiñ':

—Mí' 'noo' dsigá'bi áa' 'nú' cóo' lajii' e cajmé' e do 'ñia' ie' jmiĩ e jmi'íng'naa', jneaa'aa' dsea' lí' dsea' Israel. ²² Jo ie' malii'gui do Moi' caquiur' ta' e nitó' coo' e lí' fí ngúu' táang' lajii' yuu' siñuu' lí' laco' quí' tñing'naa', jo dsu' e jo o' jii' quia' Moi' jáa', co' jáa' tí quia' 'lí' yuu' quí'ba'; jogui 'nú' tóo'ba' e lí' do fí ngúu' táang' jiuung' siñuu' quí'na' mi' catí' í' quia'r' lajo, jo ja' e lí' quí'na' nañi' fa' 'ñia' ie' jmiĩ e jmi'íng'naa'. ²³ Jogui song 'nú' tóo'na' e lí' do quia' jiuung' siñuu' quí'na' dseáng' 'ñia' ie' mi' jmiĩ e jmi'íng' jneaa'aa', dsea' Israel, co' dseáng' ie' jmiĩ jo catí' í' e nijmé'na', jo jmoo'na' lajo e lí' laco' nijmiti'na' e júu' quia' ta' quia' Moi', joba' lana ja' e uing' sea' quí'na' e jmiğuíng' yaang'na' cóo' jnea' uí' e cajmi'leáan' i dseañu' do 'ñia' ie' jmiĩ e jmi'íng'naa'. ²⁴ Joba' fí' i 'nú', ja' cuø'na' dsee' jaang' dsea' quia' lajii' e í' óo'na' e jmóor', co' 'né' jang' jmitá' óo'na' dseáng' røøb' su dseeng' osi ja' dseeng' é lajii' e jmóo' i dsea' í, jo lajoguiba' cuøøng' e ni'í'na' í' røø'.

Mí' cajíng' Jesús jie' fí dseáng' lí' jáar'

²⁵ Jo mi' canúu' i lñing' dsea' i neáang' fí Jerusalén do júu' quia' Jesús, joba' canaiĩ jming' rúñi' jo jii'ñ':

—Jo ¿su o' i dseañu' nabi' i ngí' dsea' 'náñi' e quia' nijngáng'neiñ'? ²⁶ Jo jii' jaang' dsea' ja' i jnñng' quia'r', co' dobi siñ' guiar' júu' quia' Fidié' jee' dsea'. Jo jangám' í' dsí' jaléng' dsea' i quie' nifi' quí'ii' e dseáng' já'ba' e dsea' dobi i Dsea' Jmáang' i sijeeng'naa' i nicá' nifi' quí'ii'. ²⁷ Jo jneaa'guí' ne'baa' røø'

jie~ fi' li~ jaa' i dseañu' na, jo dsu' mi~ nití' í' e nijaa' i dsea` i sijeeng'naa' do, jii' jaang` dsea` ñir' jie~ fi' li~ nijaa' dsea` do.

²⁸ Jo mi~ tí' li~ canúu~ Jesús lajii' e s'ing` i dsea` do lajee` e iuuiñ~ e'r' dsea` fi' sinúu' guá' fé' e si' fi' Jerusalén, joba' cañir' teá' jo cajiiñ' :

—E já' e nicuímba' jnea~, jogui niñi'bi' jie~ fi' li~ gáa'a. Jo dsu' jnea~ ja` cagá` a fi' la e la ñii' 'ñiá'a, co' cagá` baa dsu' júu` e sinúu' quiá' i lajang` do e jii' 'nú' ja` cuíng`na' í'. ²⁹ Jo dsu' jnea~ cuímbaare guiá~, co' cuaiñ~ quiá' bre e cagá` a fi' jmigüi' la, jogui dsea` íbing' i casíng` jnea~ cajo.

³⁰ Jo mi~ canúu~ jaléng' i dsea` Israel do júu` quiá' Jesús, joba' lamí~ iin~ nisám'bre dsea` do, jo dsu' ja` calí'r` fa' cajméer` lajo, co' ja` mí' catí' í' quiá' dsea` do fa' e nidsing'iiñ~ lajo. ³¹ Jo lajee` jaléng' i dsea` i teáng' núu` júu` quiá' Jesús do, f'ím' i dsea` í' já' calíñ~ júu` quiá' dsea` do ie~ jo, jo lalab s'iiñ' :

—Mi~ nigüéeng` i Dsea` Jmaang` i sijeeng'naa' i nicá' nifi' quí'ii', ja' lí' dsí'naa' e nijmér` jmigui'gui' jalé' e li~ e quí'r` jmí~ laco'gui' la jmóo' i dseañu' la lana.

Mi' cajmé'e dsea` quijí' jial nisaiñ' Jesús

³² Jo mi~ canúu~ dsea` Israel i líng' dsea` fariseo lajii' e s'ing` dsea` uii~ quiá' Jesús, joba' jaléng' i dsea` í' cóo'~ gui' jaléng' fii~ quiá' jmidsea` casiiñ` jaang` gáng` íi' quiá' guá' e laco' nidsiséiñ~ Jesús e fi' li' iuung` dsea` do. ³³ Jo co' niñib' Jesús e' í' dsí' i dsea` do, joba' cajiiñ' casí'r` jaléng' i dsea` teáng' do ie~ jo:

—Ja` huøø` eáang` nitaang` jnea~ cóo'~ 'nú' fi' la, jo mi~ ningí' jo, niním' túu` cóo' i casíng` jnea~ e cagá` a fi' jmigüi' la. ³⁴ Jo ie~ jo, f'ím' 'nú' ni'nang`na' jnea~ jo dsu' jo` niguiéng`na' jnea~, co' ja` quí'~ jmí~ e nigüilíng`na' fi' li' ninín'n.

³⁵ Jo mi~ canúu~ i dsea` i quie' nifi' quiá' dsea` Israel e jo, jo ladsifí' lanab canaiñ` e jmingí' rúiiñ' lala jo fé'r' :

—¿Jie~ fi' li~ nidséng' i dseañu' na e jo' quí'~ jmí~ fa' e niguiéng`naa're? Jo jangám` song nidsér` fi' guóo'~ uó' li' huíi' fi' li' neáang` jaléng' dsea` góo'naa' dsea` Israel e nidsi'ée'r` jaléng' dsea` i ja` líng' dsea` góo'naa' i neáang` fi' jo. ³⁶ Jo ¿e~ guøng' mi~ fé' i dseañu' na e ni'náng' dsea` ír' jo dsu' ja' ii' niguié' quiá'r` , jogui e ja` cuøøng` ii' nidsilíng` fi' li~ niguiéiñ' do?

Jo lanab casíng` i dsea` quie' nifi' quiá' dsea` Israel do ie~ jo.

Jial lí' mi' íng' dsea` Jmiguí' quiá' Fidié'

³⁷ Jo 'ñia' ie~ ngóo' cadséng` jmí~ e jmóo' dsea` Israel ie~ jo, jo dseáng' ie~ jmí~ job e í' dsí'r' e niing`gui' lajee` e jmí~ e jmóor` do. Jo ie~ job casíng' 'ñia' Jesús fi' quini' jaléng' dsea` jo café'r` teá' jo cajiiñ' :

—Song ii' 'nú' lí'na' e jmjming`na', joba' ñilíng`na' fi' li~ sín'n la, jo nilí'ba' jmí~ e u'na'. ³⁸ Jo lí' laco'gui' la fé' Fidié' fi' ni' jii' quiá' li' fé'r' lala: “Jo mi~ já' líng' dsea` júu` quie` e, jo e jo lí' lafa' niníng' jmí~ fi' dsí'r'; jo e jo cuø e liseeiñ` cøøng` cóo'~ Fidié' lata.”

³⁹ Jo cajíng' Jesús lana uí' quiá' Jmiguí' quiá' Fidié' e ni'íng' jaléng' dsea` i nijá' líng' júu` quiá'r` . Jo dsu' e Jmiguí' do ja` mí' cagüeá` jee` ír', co' ja' mí' casám'bi' Jesús e nidséiñ' fi' li~ cajár` fi' ñifi' e ni'uíng`tur dsea` laniing`.

Mi' ca'naang` jaléng' dsea` quí' rúiiñ' uii~ Jesús

⁴⁰ Jo mi~ canúu~ i dsea` do júu` quiá' Jesús, jo i líng` i dsea` í' canaiñ` s'iiñ` lala:

—Dseáng' i dseañu' lab i sijeeng'naa' i nisíng` Fidié' i nifé' cuaiñ~ quiá'r` .

⁴¹ Jogui i líng`gui' i dsea` do fé'r' :

—I lab Dsea` Jmáang` i sijeeng`naa' do i nicá` nifi' quí`ii'.

Jō dsu' i líng`guiñ' do fé'r':

—U~, o' Dsea` Jmáang` i na, co' ja` cuóøng` e dsea` î` nijáar` e líiñ' jaang` dsea` i seeng` fí' lí' se' Galilea. ⁴² Co' lalab fé' Fidié` fí' ni` jì` quiá'r` e dseáng'` 'néb` e Dsea` Jmáang` líiñ' dsea` siju` dseata` Daví`, jogui` 'né` e niníiñ` fí' Belén e fí' lí' calí` góo` dseata` Daví`.

⁴³ Jō lajōb` jaléng'` i dsea` do ca'naam`bre quiá'` rúíñ'` uí'` Jesús. ⁴⁴ Jō lajee` i dsea` î` seem`biñ'` do i lamí` iing` nitøø` Jesús e nijniñ` dsea` do, jō dsu' ja` calí'r` fa' cajméer` lajō.

Jaléng'` dsea` i quie'` nifi'` quiá'`- dsea` Israel ja` iñ'` Jesús

⁴⁵ Jō mi` caguilíng`tu` i í'` quiá'` guá'` i casíng` dsea` Israel i líng` dsea` fariseo do i lamí` sí'` nisáng'` Jesús do, jō i dsea` fariseo do colíng` cóo'` jaléng'` fí' jmidsea` cajmíng'`r` dsea` do jō cajíñ'`:

—¿Jialí'` ja` catee`na're?

⁴⁶ Jōba' cañí'` i í'` do quiá'ñ'` do lala:

—Jí'` jaang` dsea` ja` mí' calicuíng`naa' i fé'` jlo'` laco'` fé'` i dsea` do.

⁴⁷ Jōba' lalab cañí'` i dsea` Israel i líng` dsea` fariseo do quiá'` i í'` do:

—Jō ¿su la quie'` 'núb'` cajo` nicaligóng`na' júu` quiá'r`? ⁴⁸ Co' jí'` jaang` dsea` quie'` nifi'` quí`ii'` o'gui` dsea` Israel i líng` dsea` fariseo caguiaang`gui` fa' já'` nicalíñ` júu` quiá'` i dsea` do. ⁴⁹ Jō dsu' i dsea` i la 'nú'` i ja` cuí'` júu` quiu'` ta` quiá'` dsea` Israel, fí' lí'` 'lib'` catíng`na' quiá'` Fidié`.

⁵⁰ Jō mi` canúu` i Nicodemo do, jaang` dsea` Israel i líng` dsea` fariseo i cangó` cango'ee` Jesús cóo` née'`, jōba' dsea` î` lalab cañí'r` quiá'` dsea` do:

⁵¹ —Lí'` laco'gui` la fé'` fí' ni` jì` quiá'` júu` quiu'` ta` quí`ii', e ja` cuóøng` nicuóø`naa' dsee` jaang` dsea` e jí'` ja` mí' cane`ee'` røø` jalé'` e jmóor` do, su guíá` osi ja` dseeng` é.

⁵² Jōba' lalab cañí'` i dsea` do quiá'` Nicodemo:

—Jō ¿su dsea` Galileab líng` 'nu` cajo? Jō jminá` jmitíng` júu` quiá'` Fidié`, jō lajōba' niliñí'` e jí'` jaang` dsea` i fé'` cuaiñ` quiá'` Fidié` ja` mí' cajáar` fí' lí' se' Galilea.

⁵³ Jō mi` cangí` jō, lajaléng'` i dsea` do caquiñ'` cangolíñ` fí' quiá'r`.

8

Jaang` dseamí` i catáng'` i iuung` ta` 'lée'

¹ Jō mi` cangí` e cangolíng` jaléng'` i dsea` do, ca'íb` Jesús fí' e cangór` fí' cóo` yá'` mó'` e sii` Olivos. ² Jō mi` cajneá` e jmíi` cóo'gui` do, jōba' caquim'`tuy` fí' guá'` fé'` e sí'` fí' Jerusalén, jō mi` caguiéiñ'` fí' jō, fíim'` dsea` i cangoquiéeng` fí' lí'` siñ', jōba' caguár` lana jō mifíng` canaaiñ` e'bre i dsea` do júu` quiá'` Fidié`.

³ Jō lajee` e guíng` Jesús e e'r` i dsea` do, caguilíng` cóo` tú` míng'` dsea` Israel i líng` dsea` fariseo colíng` cóo'` tifa'` quiá'` júu` quiu'` ta` quiá'` dsea` Israel, jō jeeiñ` jaang` dseamí` i nínicatøøiñ'` i iuung` ta` 'lée` cóo'` jaang` dseañu'` i o'` quiá'r`. Jō mi` caguilíñ` fí' jō, dob casíñ'` i dseamí` do jee` i dsea` i teáng` do ie` jō, ⁴ jō lalab casí'r` Jesús:

—Tifa', i dseamí` la nicatøøng`naa're lajee` e guíang'` iuuiñ` ta` 'lée` cóo'` jaang` dseañu'` i o'` quiá'r`. ⁵ Jō fí' ni` júu` quiu'` ta` e cajme'` Moi` fé'` e jaléng'` i dseamí` i jmóo` lajō` 'né` niquíung'` dsea` ír` cūub` cartí` nijúuiñ`. Jogui` 'nu`, ¿jial fó'?

⁶ Jō cajíng'` i dsea` do lana e lí'` laco'` 'nó'r` jial niguié'r` e nicuó'r` Jesús dsee` fí' quini` dseata`. Jō dsu' Jesús dsifí` mi` canúur` e jō lico'` catúum`bre, jō mifíng` canaaiñ` jmo'r` fí' jee` 'lee` cóo'` niguóor`. ⁷ Jō co' ja` quiung'` i dsea`

do e jmingí' b'ir Jesús cuaiñ~ quiá' e jo, j'oba' casíng'tu 'ñia' dsea` do jo cajíñ' casí'r- i dsea` do:

—Doñí' i' 'nú' e lí' áa'na' e ja` ee` dsee- røøng'na' jii' coo', j'oba' teáang'na' i dseamf na la'uii~ cuu~.

⁸ Jo mi~ cangf e cajíñ' lajo, caléb'tu catúuiñ' fí' ni~ uø-, jo canaañ' jmo'tur jee~ 'lee` cóo'~ niguóor. ⁹ Jo dsifí' mi~ canúu- i dsea` do lajii' e cajíng' Jesús, dsifí' lanab canaañ' dsiliiñ' tá' jáiñ, jo la'uii~ canaang` ngolíng` jaléng' i niyúu~ gui, jo cøøng`gui lajo cangolíng` jaléng' i le'eáang`gui, jo laj'ob cajméer` car` cató' uøøiñ` lajiiñ. Jo coob` mi~ calilí' Jesús e 'ñia'bre catúung`guir cóo' i dseamf do, ¹⁰ j'oba' casíng'tu 'ñia'r', jo mifíing` cajmingí'r- i dseamf do jo cajíñ':

—¿Jie` fí' ningotáang' i dsea` i lamí' 'núng` 'nu' do? Jo ¿su jii' jaañ` ja` ee` cajmeáiñ' 'nu'?

¹¹ J'oba' cañí' i dseamf do quiá' Jesús jo cajíñ':

—U~, jii' jaañ` ja` ee` cajmeáiñ' jnea~, Fí'i.

J'oba' cañí'tu Jesús quiá' i dseamf do jo cajíñ':

—O'gui jnea~ ee` nijmeáan'~n 'nu' cajo, jo lana guøng' fí' quí'~, jo jo güibeáang`gui uø' dsee- melé^.

Jesús líiñ' e j' e jnea`jee~ dsea` jmigüi`

¹² Jo mi~ cangf jo, cangób-tu Jesús fí' lí' siseáng' dsea`, jo lalab casí'r- jaléng' dsea` do:

—Jnea~ líin'n e j' e jnea`jee~ dsea` jmigüi'; j'oba' jaléng' dsea` i ngí colíing` cóo'~ jnea~, niliseab` e j' do quiá'r- co' e j'oba' e cuø' e seeng` dsea` lata~, jogui cajo jo` tóo' jmi~ fa' niliseeng`guir fí' lí' nuu` só'.

¹³ Jo mi~ canúu- dsea` Israel i líng' dsea` fariseo e júu^ jo, j'oba' lalab cañí'r` quiá' Jesús:

—'Nu' lico' fól' jii' uui~ quiá' jalé' e guiá- e jmoo' uøø'ba', j'oba' jalé' e fól' do ja` e quíng` jii' coo'.

¹⁴ J'oba' cañí' Jesús quiáiñ'- do jo cajíñ':

—Quím' jalé' e júu^ e fá' jnea~, nañí' fa' 'ñiá'baa fá'a uui~ quié- e 'ñiá'a, co' ñi'baa guiá- jie~ fí' lí' cagá- a jogui jie~ fí' lí' niníng'^túu cajo; jo dsu' 'nú'gui ja` ñí'na' jii' coo' e jo. ¹⁵ Co' 'nú' ñ'na' í' quiá' jaléng' dsea` lí'^ laco'gui la í' óo'na' yaam`ba'. Jo dsu' jnea~gui ja` jmoo'o lajo quiá' jii' jaang` dsea` la ñii- 'ñiá'a.

¹⁶ Jo song jmoo'o lajo dsu' laco' catím- niquidsii- í', jo ja` 'ñiá'a niquidsii- í' cajo, co' Tiquí'ii' i casíng` jnea~ fí' jmigüi' la, íb' i jmicóo'~ jnea~ e quidsii- í' quiá' dsea` laco' catíng-. ¹⁷ Jo fí' ni~ júu^ quiu' ta~ quí' 'nú' fé' e mi~ seeng` gáng- dsea` i tí' ni~ røø' quiá' lajii' e calí- do, j'oba' quím' e júu^ do laco' si'í'.

¹⁸ Jo jnea~ líin'n jaang` i tí' ni~ quiá' jalé' e jmoo'o do, jogui Tiquí'ii' dsea` i casíng` jnea~ fí' la líiñ' jaang`gui dsea` i tí' ni~ quiá' jalé' e jo cajo.

¹⁹ J'oba' cajmingí' i dsea` do Jesús jo cajíñ':

—Jo ¿jnanng`gui Tiquí'ii' jóng?

J'oba' cañí' Jesús quiá' i dsea` do jo casí'- reiñ':

—'Nú' ja` cuíng'na' jnea~, o'gui cuíng'na' Tiquié'e cajo; co' faco' cuíng'na' jnea~, j'oba' cuím'ba' la quie' Tiquié'e cajo.

²⁰ Jo jalé' e júu^ na cajíng' Jesús lajee` e iuiiñ- e'r' dsea` fí' dsí' sinúu^ guá' fé' e si' fí' Jerusalén ca' e fí' lí' téé~ guóo' e ta'r' cuu- quiá' guá'. Jo dsu' jii' jaang` dsea` ja` i cateá- dsí' fa' casaiñ'- dsea` do lajee` jo, co' ja` mí' catf'bi í' e nijmé- dsea` lajo.

“Ja` quí'~ jmi~ nigüilíng'na' fí' lí' niníng'^ jnea~”

²¹ Jo mi~ cangf jo, lalab casí'-tu Jesús i dsea` fíng' do:

—Jnea~, coob` mi~ nití~ í~ e ninín`n, jo 'nú` ni'nam`ba' jnea~, jo dsu' 'nú` nijúum`ba' jee~ jalé` dsee~ quí~na'. Co' 'nú` ja` quí~ jm#~ fa' e nigüiling`na' fí' lí~ niníng`^ jnea~.

²² Jo mi canúu~ i dsea` Israel i teáng~ do ie~ jo e júu^ jo, joba' lalab cajíñ~:

—Jangám~ song í' dsí' i dsea` na e nijngáng~ 'ñia'r, joba' jíñ~ e ja` cuøøng` nidseá`naa' cóo'r~ fí' lí~ nidséiñ~.

²³ Jo mi~ calilí` Jesús e fé' i dsea` do lajo, joba' casí'r~ dsea` do:

—'Nú` jí~ fí' lab jí~ lí~ seeng`na', jo dsu' jnea~ fí' yúb` gáa'a; co' jí~ dsea` jmigüi` lab líng` 'nú', jo dsu' jnea~ ja` lín`n jí~ dsea` jmigüi`. ²⁴ Jo uing~ lajoba' fí~ i 'nú` e nijúum`ba' jee~ jalé` dsee~ quí~na'; co' song ja` já` líng`na' e jneab~ dseáng~ lín`n jí~ laco' fá`a e lín`n, joba' jee~ jalé` dsee~ quí~ba' nijúung`na'.

²⁵ Joba' cañí` i dsea` do jo cajming`r~ Jesús lala:

—Jo, ¿i~ dseáng~ líng` 'nu` jóng?

Joba' cañí` Jesús quiá~ i dsea` do jo casí~ reiñ~:

—Lí` laco'gui nicañi` i 'nú` lamí~ jéeng`gui, íb` jnea~. ²⁶ Jo jmiguiab` jalé` e sea` e fí~ i 'nú` jogui e niquidsii` í` quí~na' cajo. Jo dsu' i dsea` i casíng` jnea~ fí' jmigüi` la jmang~ e jáb~ jalé` júu^ quiá~r~, jo lají~ júu^ e fá` jnea~ jee~ jaléng` dsea` jmigüi` røøb` laco' jí~ júu^ e núu` jnea~ e fé' i dsea` i dseáng~ casíng` jnea~ fí' jmigüi` la.

²⁷ Jo dsu' i dsea` do ja` cangáñ` e Jesús fé'r` uii~ quiá~ Tiquiá'r`. ²⁸ Jo casí~ Jesús i dsea` do lala:

—Jo mi~ nitáang`na' jnea~ fí' yá`, jnea~ dsea` cagá~ a fí' ñifí~ e lín`n jaang` dsea` jmigüi`, joba' nililí`na' jóng e jneab~ dseáng~ lín`n jí~ laco' fá`a e lín`n, jogui jí~ coo` ja` e jmoo`o la ñii` 'ñiá`a, co' lico' fá`a lají~ e nica'e' Tiquí`ii' jneab~. ²⁹ Jo i dsea` i casíng` jnea~ do, seem`bre cóo` jnea~ lana; jo ja` mí` catiúuiñ~ jnea~ 'ñiá`a jí~ cateá`, co' dseáng~ contøøm~ jmoo`o lají~ e iñ~ e nijmee~e.

³⁰ Jo mi~ tí` lí~ cató' e fé' Jesús e júu^ na, joba' fíim` dsea` já~ calíñ~ júu^ quiá~ dsea` do ie~ jo.

Mí` ca'e' Jesús jial líng` dsea` i silaang` jee~ dsee~ quiá~

³¹ Jo mi~ cangá` jo, casí~gui Jesús jaléng` i dsea` Israel i já~ calíng` júu^ quiá~r~ do, jo cajíñ~ casí~reiñ~:

—Song 'nú` nijmití`na' lí` laco' jí~ e nica'ée` e 'nú` e nijmee`na', joba' dseáng~ dsea` quíe`baa ni'uíng`na' jóng; ³² jogui lajob niliñi`na' dseáng~ la'uíng` jalé` júu^ quíe`e, jo lajoba' ni'uíng`na' dsea` i silaang` jee~ jalé` dsee~ quiá`.

³³ Joba' cañí` i dsea` do quiá~ Jesús jo cajíñ~:

—Jnea` lí`naa' dsea` síju` 'lí~ yáa~ Abraham, jo jí~ coo` née~ ja` mí` calí~naa' dsea` 'léeng` quiá~ dsea` jiéng`; joba' ¿jial lí` e fó' 'nu` e ni'uíng`naa' lafa' dsea` silaang`?

³⁴ Joba' lalab casí~ Jesús i dsea` do:

—E laba' jmitaa` oo`na', e jaléng` dsea` i beáng` dsee~ yaang~ líiñ` lafa' dsea` 'léeng`, co' e dsee~ quiá~r~ dob quiu` ta` ír`. ³⁵ Cofa' jaang` dsea` 'léeng` quiá~ dsea` ja` catíñ~ jalé` e sea` quiá~ fíir~, jo dsu' jaang` jóo` dsea` catíim`bre lajalé` e jo. ³⁶ Jo lajob, song jnea~ calaan` 'nú` jee~ jalé` dsee~ e nica'ee`na', joba' dseáng~ lajang` júu`ba' e nileáng` 'nú` jee~ jalé` e dsee~ quí~na' do. ³⁷ Jo niñib` jnea~ guiá~ e dsea` síju` 'lí~ yáa~ Abraham líng` 'nú'; jo dsu' 'nú` iing`na' jngang`na' jnea~, co' ja` iing`na' íng`na' júu^ quíe`e. ³⁸ Jo jnea~ fá`a lají~ e nica'e' Tiquíe` e jneab~, jo dsu' 'nú` jmoo`na' lají~ e fé' tiquí`ba'.

³⁹ Joba' cañí` i dsea` do quiá~ Jesús jo cajíñ~:

—'Lí~ yáa~ Abrahambing` líng` dsea` mí` áang` quí~naa'.

Jō dsu' Jesús cañír` quiá'- i dsea` do jō casí'-reih':

—Facó' já'- e 'nú' líng'na' siju` 'lii` yúu` Abraham, jōba' laco' cajmée` íb` catíng` e nijmee`na' jóng facó' lajō. ⁴⁰ Jō dsu' 'nú' iim`bi' e nijngang`na' jnea~, nañí' fa' jmang`- júu` jáb'- fá' jnea~ lí' laco'gui nica'e' Fidié` jnea~. Jōgui 'lii` yúu` quií`na' Abraham dseáng`- ja` cajmée`bre lajō. ⁴¹ Co' 'nú' dseáng`- laco' jmóo` tiquí`ba' jmoo`na'.

Jōba' cañí' i dsea` do quiá'- Jesús, jō casí'r` dsea` do:

—Ja` lí' jnea` dsea` i ja` ñí' i` tiquíá'; co' jaam` Tiquí`naa' seeng`, jō íb` Fidié`.

⁴² Jōba' cañí' Jesús quiá'- i dsea` do jō cajíñ`-:

—Facó' já'- e Fidié` líng` Tiquí`na', jōba' 'neám` 'nú' jnea~ facó' lajō, co' íb` dsea` i casíng` jnea~ e cagá` a fí' jmigúí` la, jōgui lab sín`n lana. Co' jnea~ ja` cagá` a la ñii` 'ñiá'a, dsuco' dsea` íbing` i casíng` jnea~ fí' la. ⁴³ Jōba' fá' jnea~ e ja` mí' ngáng` 'nú' júu` quié` e lana, dsuco' ja` iing`na' núu`na' e jō. ⁴⁴ Jō fii` i 'lím` líng` tiquí` 'nú'; jōgui co' dsea` quiá'-bre líng'na', jōba' jmoo`na' lajii` e iih`. Jō latí' mi` uiim` e fii` i 'líng` jmóor` ta` jngang` dsea`, jōgui dseáng`- jii` coo` e jmóor` do ja` cōøng` cóo` júu` quiá'- Fidié`, jōgui dseáng`- jmang`- júu` e o' já'-ba' quier`. Jō mi` fé'r` júu` e o' já'-, jōba' dseáng`- fé'r` laco' la líb' jóng, co' jaang` dsea` adseaam` líiñ', jōgui líiñ' tiquíá` jalé` e júu` e o' já'- do. ⁴⁵ Jō jnea~gui jmang`- júu` já'-ba' fá'a, dsu' ja` já'- líng'na' júu` quié` e. ⁴⁶ Jō jii` jaang` 'nú' cuøøng` lí' fo`na' e jnea~ lín`n jaang` dsea` røøng` dsee-, co' jaang` dsea` i quie` jmang`- júu` jáb'- líng` jnea~, jōba' ¿jali' ja` já'- lím`bi' júu` quié` e? ⁴⁷ Jō jaléng` i dsea` i líng` dsea` quiá'- Fidié` núu`bre jalé' júu` quiá'- Fidié`; jō dsu' 'nú'gui ja` líng'na' dsea` quiá'- Fidié`, jōba' ja` iing`na' núu`na' júu` quiá'- dsea` do.

Niseem` Dsea` Jmáang` lajii` nú`gui e niliseeng` 'lii` yúu` Abraham

⁴⁸ Jō mi` canúu` dsea` Israel lajii` e cajíng` Jesús do, jōba' casí'r` dsea` do lala:

—Nijáb'- júu` quií`naa' e fé`naa' uii` quií`, e 'nu` lín' jaang` dsea` samaritano jōgui e iuung` i 'líng` a'.

⁴⁹ Jōba' cañí' Jesús quiá'- i dsea` do jō casí'-reih':

—U~, jii` jaang` i 'líng` ja` i iuung` dsii` la, co' lajii` e jmóo`o e lico' jmi'goo` Tiquié` e Fidiéeb`; jō dsu' 'nú'gui ja` e jmi'goo`na' jnea~ jii` capí`. ⁵⁰ Jō dsu' jnea~ ja` fá'a e iin`n e nijmi'goo`na' jnea~, jō dsu' seem` jaang` i iing` e 'nú' nijmi'goo`na' jnea~, jō dsea` íb` i quidsí' í' laco' catíng`. ⁵¹ Jōba' jmitaa` óo`na' e doñí' ii` i núu` júu` quié` e, jōba' dsea` í' ja` tōo` jmii` fa' e nijúuiñ`.

⁵² Jōba' cañí' dsea` Israel quiá'- dsea` do:

—Lanaguib dseáng`- nicalita` dsí`naa' e i 'lím` iuung` áa' 'nu`. Co' 'lii` yúu` Abraham cóo`gui jaléng` dsea` i café` cuaiñ` quiá'- Fidié` malii`gui eáang` cajúm`bre, jōgui dsu' 'nu` fó' e doñí' ii` dsea` i núu` júu` quií`, jōba' ja` tōo` jmii` fa' e nijúuiñ`. ⁵³ Jōgui 'nu`, ¿su' í' a' e niing`-gui laco'gui i 'lii` yúu` Abraham do? Co' í' nicajúm`bre, jōgui jaléng` dsea` i café` cuaiñ` quiá'- Fidié` malii`gui eáang` cajúm`bre cajō. Jōgui 'nu`, ¿i` í' o' e lín'?

⁵⁴ Jōba' cañí' Jesús quiá'- i dsea` do jō casí'-reih':

—Facó' jnea~ jmi'goo` 'ñiá'a, jōba' ja` e quíng` jii` coo` e jmóo`o do facó' lajō. Jō dsu' Tiquié` e Fidiéeb` dsea` i jmi'gó' jnea~, i dsea` i fó'na' i líng` Fidié` quií`na' cajo. ⁵⁵ Jō dsu' 'nú' ja` cuíng`na' dsea` í', dsu' jnea~gui guiáb` cuín`nre, jōgui facó' jnea~ fá'a e ja` cuín`nre, jōba' dsea` adseaam` lín`n jóng lí' laco'gui la líng` 'nú' facó' lajō. Jō dsu' jnea~gui guiáb` cuín`n dsea` do jōgui jmiti`baa júu` quiá'r`. ⁵⁶ Jō i 'lii` yúu` quií`na' Abraham do, eám` cali`iáang` dsíir` mi`

caliñir' jalé' e nidsingúng- jnea~, jo co' dseáng'- cangá-bre e jo, joba' eám' cali'laang` dsír'.

⁵⁷ Jo mi~ canúu- i dsea` Israel do jalé' e casí'- Jesús ír', joba' cañír` quiá'- dsea` do:

—'Nu' ja` mí' guóo'bi' cincuenta jii, jo fó' e cañím'ba' 'lii' yúu'~ Abraham.

⁵⁸ Joba' cañí'tu Jesús quiá'- i dsea` do jo casí'-reñ':

—E laba' iin~n jmitaa^ óo'na' e niseem` jnea~ lajii'~ mi~ nú'-gui e niliseeng` 'lii' yúu'~ Abraham do.

⁵⁹ Jo mi~ canúu- i dsea` do e júu^ jo, joba' dsifí' lajob casitíiñ' cuu~ cóo'~ e sí'í' nijingáiñ'- Jesús; jo dsu' dsea` do ladsifib' ca'méiñ', jo cagüi'~bre e fí' dsí' sínúu^ guá'- fé' do e sí' fí' Jerusalén.

9

Mi~ cajmé'e Jesús e calijné' jaang` dseañu' i tiuung-

¹ Jo mi~ cangí'gui lajo, coo` née'~ cangúng' Jesús colúng' cóo'~ i dsea` quiá'r- do fí' quiá'- li' guing~ jaang` dsea` i tiuung- latí' mi~ cangáang'. ² Joba' i dsea` quiá'- Jesús do cajmingí'-reñ' lala jo cajíñ':

—Tifa', ¿jialí' cangáang'~ i dsea` na e tiuuiñ-? ¿Su caliñ- lana uí'~ dsee- quiá'r- ofa' uí'~ dsee- quiá'- sejmii'bre é?

³ Joba' cañí' Jesús quiá'- i dsea` quiá'r- do jo casí'-reñ':

—Ja` lí' lajo e uí'~ dsee- quiá'r- caliñ- lana, o'gui uí'~ dsee- e óo' sejmii'r. Co' caliñ- lana e lí' laco' cuo' li~ e lajib` quí'~ Fidié'~ jmii' lí' jmér-. ⁴ Jo lajee~ e jneá', 'né- jmó'baa' ta~ lí' laco'gui jii'~ júu^ e sínú'~naa' quiá'- dsea` i casíng' jnea~ fí' jmigüi' la; dsuco' coob` mi~ niná', joba' jii'~ jaang` dsea` jo` quí'~ jmii' fa' nijmé- guir ta~. ⁵ Jo lajee~ e táam'bi' fí' jmigüi' la, joba' jneab~ lín'n e jì e cuo' e jné' dsea` jmigüi'.

⁶ Jo mi~ cangí' e café' Jesús e júu^ na, jo ca'ñír' fí' ni~ uó^, jo cóo'~ e jme'e'r' do cacáiñ' jee~ 'lee, jo cajméer' capí'^ jii, jo cóo'~ e job casúur- jminii' i dsea` tiuung- do. ⁷ Jo mi~ cangí' jo, lalab casí'-reñ' do jo cajíñ':

—Gua~ jo güirúu'~ jminí' fí' dsí' guiéé' siláng~ e sii' Siloé —jo e Siloé do guóng' Jaang' i Casíng' Dsea`.

Joba' lajob cajmé'e i dsea` tiuung- do, cangó-bre e cangorúu'r' jminir', jo nijné'bre mi~ tí' lí' caquiñ'- fí' jo. ⁸ Jo jaléng' dsea` i neáng' jing- laco' lí' guiiñ' do cóo'~gui jaléng' dsea` jéng' i ní' quiá'r- lamí~ jéeng'gui e guiiñ' mir' cuu-, joba' jaléng' i dsea` í' jmíngí'- rúñ' jo fé'r':

—¿Su o' i dseañu' nabi i lamí~ gua' ta~ mí' cuu- do?

⁹ Jo i líng~ i dsea` do jíñ':

—Dsea` í'bi na.

Jogui i líng~gui fé':

—U~, o' í' na, lí' lajojiu jnéem-bre.

Jo mi~ calilí'^ i dsea` tiuung- do e síng' dsea` uii~ quiá'r-, joba' cañír' jo cajíñ':

—Jnea~bi dsea` í'.

¹⁰ Joba' cajmingí'- i dsea` do i dsea` lamí~ tiuung- do jo casí'-reñ':

—Jo ¿jial cajmee'- e calijné'tu'?

¹¹ Joba' cañí' i dsea` lamí~ tiuung- do quiá'- i dsea` do jo casí'-reñ':

—I dseañu' i sii' Jesús dob cajmi'leáaiñ- jnea~ e lico' cajméer' capí'^ jii` cóo'~ jme'e'r', jo cóo'~ e job casúur- jminii-, jogui caquiur' ta~ jnea~ e ninii' i nirúu'~u jminii- e fí' guiéé' siláng~ e sii' Siloé do, joba' lajob cajmé'e. Jo dsifí' mi~ calí- rúu'~u jminii-, ladsifí' lanab calijné'e.

¹² Jo mi~ cangí' jo, cajmingí'-tu i dsea` do i dsea` lamí~ tiuung- do jo cajíñ':

—Jo ¿jnang~gui i dseañu' í lana?

Joba' cañí' i dsea`lami~ tiuung- do jo casí'-reñ':

—Ja` ñii- jnaaiñ`.

Mi~ cajíng'- i dsea` tiuung- do i~ i cajmi'leáang- ír`

13-14 Jo 'ñia' ie~ jmi~ e cajmée` Jesús e jíi` do cóo'~ e calijné` i dsea` i lami~ tiuung- do, ie~ jo dseáng'- cangotíng` jmi~ e quí'- títng` dsea` Israel e jmi'íñ'. Joba' jaléng' dsea` i cuí' quía'- i dsea` tiuung- do cató'-bre i dsea` í jo cangojeáang` neiñ' fí' quini~ dsea` Israel i líng' dsea` fariseo. 15 Joba' mi~ caguiéiñ'- do fí' jo, i dsea` Israel i líng' dsea` fariseo do cajmingí'- reñ' jial calí- e calijnéiñ'. Jo dsea` do cañíir` quía'- i dsea` Israel do jo casí'-reñ':

—Mó'^, jíib` casúu- dsea` do jminii-, jo mi~ cangí' jo, cangorúu'~u, jo lajoba' calijné'e.

16 Jo mi~ canúu- i dsea` Israel i líng' dsea` fariseo e júu^ jo, joba' i líiñ'~ do cajíñ'-:

—I dsea` i cajmée` e jo ja` lí'^ dsi'naa' líiñ' dsea` quía'- Fidiée~, co' ja` jmi'gór` e jmi~ e jmi'íng' jneaa~aa', dsea` líi' dsea` Israel.

Dsu' caguiaang- gui i dsea` Israel i líng' dsea` fariseo do fé'r` jo jíñ'-:

—Jo ¿jial quíi'~ i dseañu' do jmi~ nijmér- jalé' e jo song jaang` dsea` dsee- dsea` quib' líiñ'?

Jo e jo ca'uíng- e lajee` la'ó' íbre canaaiñ` e jo` súiñ` røø. 17 Jo mi~ cangí' jo, cajmingí'-tur i dsea` i lami~ tiuung- do jo casí'-reñ':

—Jo laco' fó' na e ca'láam-ba'. Jo ¿e~ fó' uii~ quía'- i dsea` i cajmi'leáang- 'nu' do?

Joba' cañí' dsea` do quía'- i dsea` Israel i líng' dsea` fariseo do jo casí'-reñ':

—Jnea` lín- n e dsea` í líiñ' jaang` dsea` i fé' cuaiñ~ quía'- Fidiée`.

18 Jo dsu' jaléng' i dsea` Israel i líng' dsea` fariseo do ja` iñ~ fa' já'- calíñ- e lami~ tiuung- i dsea` i nijné' lana joba' cató'r- sejmi i dsea` do. 19 Jo mi~ caguiliñ'- do, joba' cajmingí'-reñ' do jo cajíñ'-:

—¿Su jóo'ba' líng' i dseañu' la? Jo jmée'~na' jnea'^ júu^ røø, ¿su dseáng'- tiuuiñ- calisémbre? jo song lajo, ¿jial calí- e lana nijné'r'?

20 Joba' lalab cañí' sejmi i dsea` i lami~ tiuung- do jo cajíñ'-:

—Cuím' jnea'^ guíu- jóo'naa', jogui ne~baa' røø e tiuum- bre caliséiñ'; 21 jo dsu' ja` ne~naa' jial e calijné'r', o'gui ne~naa' i~ i cajmée` e calijné'r' cajo; jo nab cuøøng` nijmingí'~na're` ñia'r` co' nifém'bre, jo 'ñia'bre cuøøng` lí jmeá'r- 'ná' júu^ dseáng'- laco' calí-.

22 Jo cajíng'- i sejmiir` do lajo, co' 'gó'bre fíng ee` cajmeáng` dsea` Israel i líng' dsea` fariseo ír`. Co' i dsea` í, røøb` nicasíiñ- e song seeng` dsea` i jmicuíng` Jesús e líiñ' do Dsea` Jmáang- i sijeeng` dsea` Israel i nicá` nifí' quía'r-, joba' jaléng' i dsea` i jmóo` lajo, jo` sea` fí' quía'r- fa' e níquíng' guir jee~ dsea` Israel o'gui cuøøng` fa' e nidsilíng- guir fí' guá'- quía'- dsea` do cajo.

23 Jo uíng- lajoba' cajíng'- sejmi i dsea` i ca'láang- do e yaang~ i dsea` Israel i líng' dsea` fariseo do 'né- nijmingí'r- i jóoiñ' do co' nifém'biñ' do.

24 Jo i dsea` Israel do calé' catú- cató'r- i dsea` i lami~ tiuung- do jo lalab casí'-reñ':

—Fée'~ júu^ já' fí' quini~ Fidiée~, co' nineb~ jnea'^ røø e i Jesús do líiñ' jaang` dsea` dsee- dsea` quib'.

25 Joba' lalab cañí' i dsea` lami~ tiuung- do quía'- dsea` do jo cajíñ'-:

—Ja` ñi jnea~ su líiñ' dsea` røøng` dsee- osi o' lajo é, lajíi'~ e ñii- quía'r- e jnea~ lami~ tiuum-baa, jogui lana nicajméer` e nicalijné'baa.

26 Joba' i dsea` do cajmingí'-tur i dsea` i ca'láang- do jo cajíñ'-:

—¿E~ jíi'~ e cajmée` i dsea` do quíi' e calijné'?

27 J_oba' cañiñ' do quiá' i dsea` do j_o casí' reiñ':

—Nicañi' baa 'nú' lajii' e cajmээр` quié` e do, j_o dsu' 'nú' ja` ja' líng'na'. J_oba' ¿jiali' iing`na' e nifá'túu calé' catú` e j_o? Ofa' iim`ba' é e ni'uíng`na' dsea` quiá'r` cajo.

28 J_o mi' canúu` i dsea` Israel i líng' dsea` fariseo do lado, j_oba' canaaiñ` sí'r` i dsea` i ca'láang` do júu` 'ní' j_o sí' reiñ':

—'Nu' lin' jaang` dsea` quiá' i dsea` í, j_o dsu' jnea`gui dsea` quiá' 'li' yúu' Moí' lí'naa'. 29 Co' jnea` ne`baa' røø` e Fidiéeb` dsea` casiiñ` cóo' Moí'; j_o dsu' i Jesús do júi' ja` ne`naa' jie` fí' lí' jáar'.

30 J_oba' lalab cañi'tu i dseañu' i ca'láang` do quiá' i dsea` do:

—Ee'bi júu` j_o, e ja` ní'na' jie` fí' lí' jáar', dsu' jnea`gui, dsea` í'bing' nicacuø' jnea` e calijné'e. 31 J_o ne`baa' røø` e ja` núu` Fidiéé` júu` quiá' jaléng' dsea` røøng` dsee`; co' lajii' dsea` i jmiféng' íbre j_ogui i jmóo' lajii' e iñ~, júi' dsea` í'bing' i núur` júu` quiá'. 32 J_o ja` jie' lí' mí' canú' júu` e seeng` dsea` i quí' jmi' e nijmér` e nilijné' jaang` dsea` i tiuung` lati' mí' caliséng'. 33 Cofa' i dsea` la ja` jáar' e casí' Fidiéé` quiá'r`, j_oba' jii' cóo' ja' e quí' jmi' lí' jmér` jóng' faco' laj_o.

34 J_o mi' canúu` i dsea` Israel i líng' dsea` fariseo e júu` quiá' i dsea` i ca'láang` do, j_oba' cajíñ' casí' reiñ' lala:

—'Nu', dsea` cangáan' e eáang` silí' dsee` 'nu', j_ogui lana, ¿jiali' 'nu' ni'in' e ni'é' jnea` jial' né' jmó'o'?

J_oba' i dsea` Israel i líng' dsea` fariseo do caguíñ` i dsea` i lami' tiuung` do congua' e fí' dsí' sinúu` guá' quiá'r` do.

Lafa' tiuum` dsea` mi' røøiñ` dsee`

35 J_o mi' cang'gui laj_o, caliñi' Jesús e caguím` dsea` Israel i líng' dsea` fariseo do fí' sinúu` guá' quiá'r` i dsea` i lami' tiuung` do, j_o dseáng' j_o íng'neiñ' do. J_o mi' cajíng'tu rúng' Jesús cóo' i dsea` i lami' tiuung` do, j_oba' cajming'r` i dsea` do j_o casí' reiñ':

—¿Su ja' líng' 'nu' júu` quiá' i dsea` i ja' fí' ñiff' e líiñ' jaang` dsea` jmigüi'?

36 J_oba' cañi' i dsea` do quiá' Jesús j_o cajíñ':

—Jméé' jnea` júu` i i dsea` í, j_o laj_oba' ja' nilín'n` júu` quiá'r`.

37 J_oba' cañi' Jesús quiáñ' do j_o casí' reiñ':

—Nicañim'bi' dsea` í, jneab` í cóo' i sin' sñin' lana.

38 J_oba' i dseañu' i ca'láang` do casí'r` uø` jnir` fí' quini' Jesús j_o casí'r` dsea` do:

—Jáb' lín'n` júu` quiá', Fí'i.

39 J_o mi' cang' j_o, cajíng'tu Jesús casí' reiñ' j_o cajíñ':

—Jnea` cagá'a fí' jmigüi' la e lí' laco' niquidsii' í' quiá' jalé' dsee` quiá' dsea` jmigüi', j_o laj_oba' jaléng' dsea` i lafa' tiuung` uí' dsee` quiá'r` ni'uíñ` dsea` i lafa' i jné'tu calé' catú`, j_ogui i dsea` i í' dsí' e jné'r', j_oba' ni'uíñ` dsea` i lafa' tiuung`.

40 J_o mi' tí' lí' canúu` e j_o cóo' tú` míng' dsea` Israel i líng' dsea` fariseo i niteáang` cóo' Jesús ie` j_o, j_oba' cajming'r` dsea` do j_o cajíñ':

—J_o, ¿su jnea` lí'naa' lafa' dsea` tiuum` jóng'?

41 J_oba' cañi' Jesús quiáñ' do calé' catú` j_o casí' reiñ':

—Faco' 'nú' líng'na' lafa' dsea` tiuung`, j_oba' ja' e dsee` oo`na' quiá' lajii' dsee` quiá'na' jóng. J_ogui dsuco' 'nú' í' óo'na' e lafa' jné'ba', j_oba' seab` dsee` quiá'na'.

10

Jaang` dsea` i jmóo` í' guíá' jo'se` quiá'

1 Jo mi~ cangf̄ jo, casí~gui Jesús jaléngⁿ i dsea i caseáng^r do jo cajíñ~:

—E laba' iin~n jmitaa^ óo'na', e doñí' i dsea i iing~ nicuá~ iá' fí' lí' sijñing^g jo'seⁿ quié~ e jo ja' 'nó'r' e ningíñ~ fí' o'ia' quiá~ e iá' do, joba' i dsea i líññ' jaang^g i lée'. 2 Jo dsu' i dsea'gui i í' fí' o'ia' quiá~ e iá' do, joba' dsea i líññ' jaang^g i jmóo' í' røø' jo'seⁿ quiá~. 3 Jogui i dsea i jmóo' í' jñí' e lí' teáng^r i jo'seⁿ do, náa'bre o'ia' e laco' ningíng~ i dsea i jmóo' í' guiá~ i jo'seⁿ do. Jo i dsea i jmóo' í' guiá~ i jo'seⁿ do nitó'r' lajaang^g lajaang^g i jo'seⁿ do quiá'r~ lí' laco' la siiiñ' do, jo jaléng^r i jo'seⁿ do nicuí'bre' luu~ i fi~re' do. Jo i fi~re' do uøøm'bre i jo'seⁿ do e laco' dsijéeng'neiñ' fí' jee~ mó'. 4 Jo mi~ cató' e uøøiñ' do lajaléng'ne', joba' 'ñiab' i dsea do quier' nifí' quiá~ i jó' quiá'r~ do, jo lajob nidsilíng~ i jo'seⁿ do laco' ngóo' fi~re', co' guiáb~ nicuíim'bre' luu~ dsea do. 5 Jo dsu' jaléng^r i jo'seⁿ do ja' dsiqui're' dsea i ja' cuíng'ne', co' lí' lí' cuí'bre' mi~ níng~ne' i dsea la'í, co' ja' cuí're' luu~ i dsea la'í.

6 Jo Jesús casí'r~ i dsea do cóo~ júu^ lana, jo dsu' i dsea do ja' cangáñ' e guøng' e júu^ e casí' Jesús i dsea do ie~ jo.

Jesús líññ' jaang^g dsea i jmóo' í' guiá~ jo'seⁿ quiá~

7 Jo lalab casí' gui Jesús i dsea do jo cajíñ~:

—E laba' jmitaa^ óo'na': Jnea~ lín'n e jñí' quiá~ e iá' e lí' dsitáng^r i jo'seⁿ do. 8 Jo jaléng^r i dsea i jmigóo' i nicajalíng~ lajii~ ná' gui e nigáa' jnea~ do, jaléng^r i dsea i líññ' i lée', jo dsu' jaléng^r i dsea i líng' lafa' jo'seⁿ quié~ e ja' calijí'r~ júu^ quiá~ dsea do. 9 Jo jnea~ fá'túu e lín'n e jñí' do, joba' jaléng^r dsea i íng' jnea~ jogui ningíñ~ fí' e jñí' quié~ e do, joba' dsea i íbing' i nilí' nileáng' jee~ jalé' dsee~ quiá~. Co' jaléng^r i dsea do líññ' lafa' jo'seⁿ quié~ e i cuøøng' lí' dsitáng^r jogui uøøng' jogui dsé'bre' e gø're'.

10 'Dsu' lajii~ ta~ quiá~ jaléng^r i i dsea do lico' jmóor' ta~ uøøng' jaléng^r jo'seⁿ quié~ e jogui jmóor' ta~ íng~neiñ' jogui jngang'neiñ' cajo; jo dsu' jnea~ gui cagüén~n fí' jmigüi' la e lí' laco' niliseeng' dsea cøøng' cóo~ Fidié~ lata~ dseáng^r lí' laco' sí'í. 11 Jo jnea~ lín'n jaang^g dsea i jmóo' í' guiá~ jo'seⁿ quiá~, jo cartí' jáam~ 'ñiá'a e laco' ja' ni'íng~ jii~ jaang^g i jo'seⁿ quié~ e do. 12 Jo dsu' i dsea'gui i ja' jii~ e ta~ jo, jo lico' lí' dsíir' jii~ e 'léem~bre, joba' fíng' cagüé~ jaang^g ie'dsinúu^ lajee~ e nír' i jo'seⁿ do jo cuí'bre' jóng, jo dob' tiúuiñ' i jo'seⁿ do. Jo lajob jmóor', co' ja' líññ' dseáng^r i dsea i ní' guiá~ jo'seⁿ jogui co' o' jo'seⁿ quiá~ guir' cajo. Joba' cuø'bre' fí' i ie'dsinúu^ do e nijmeáng'ne' jogui nicúng'ne' i jo'seⁿ do jogui e nisojøng~ i caguiaang~gui do fí' la fí' na. 13 Jo tiúum~ i dsea do i jo'seⁿ do, co' lico' lí' dsíir' cuub~, jo ja' ee' fí'í' óor' quiá~ i jó' i jéeiñ' do.

14-15 'Jo fíi~túu 'nú' e jnea~ lín'n jaang^g dsea i jmóo' í' guiá~ jo'seⁿ quiá~. Jo lí' laco' Tiquié~ e guiáb~ cuíñ' jnea~, joba' lajob jnea~ cajo guiáb~ cuín'nre; jogui lajobi cajo guiáb~ cuíng' jnea~ jaléng^r i líng' lafa' jo'seⁿ quié~ e, joba' lajob cajo jaléng^r í' guiáb~ cuíng're' jnea~. Jogui jnea~, cartí' jáam~ 'ñiá'a e nijúun~n uíi~ jaléng^r í' e laco' ja' ni'íng~ne'. 16 Jo dsu' seem'bi dsea i nabi nilíng~ lafa' jo'seⁿ quié~ e i ngí' fí' caluu'bi lana. Jo co' ja' mí' líññ' dsea quié~ e, joba' 'né~ nitóø'baar cajo. Jo jaléng^r i dsea i nilíng' lafa' jo'seⁿ quié~ e do nilínúu~bre' júu^ quié~ e, joba' coøb' 'lé' ni'uúñ~ lajee~ lajiiñ~, jo jii~ jneab~ dsea nijmee~ e í' ír'.

17 'Jo Tiquí'ii' eáam' 'neáaiñ' jnea~ co' nijáng^r 'ñiá'a e nijúun~n e laco' nijí'túu calé' catú'. 18 Jo jii~ jaang^g dsea sea' fí' quiá'r~ e nijngáñ~ jnea~, co' 'ñiá'a'baa dsea cuøø~ø fí' 'ñiá'a e nilín~n lajo, co' seab' fí' quié~ e e nijáng^r 'ñiá'a e nijúun~n jogui e nijmee~ e e nijí'túu cajo, co' lajob ta~ caqui' Tiquié~ e.

19 Jo mi~ tí lí~ canúu~ dsea` Israel lajii~ júu^ quiá~ Jesús, caléb~ catú~ canaaín~ e jo` sáín~ røø` uí~ e júu^ e canúur~ do. 20 Jøba' f#m~bre lajee~ la'ó' ír` canaaín~ sáín~ jo` sí' rúín~ lala:

—¿Jialí' já~ nuu`na' júu^ quiá~ i Jesús na? Co' i`'lim^ iuung~ dsíín~ na. ¡Jaang` dsea` ngaam` láiín~ na!

21 Jo dsu' i líng~gui i dsea` do fé'r` jo` jíín~:

—Jii~ jaang` dsea` lí'r` fé'r` dseáng~ laco' fé' i dseañu` na laco' já~ e iuung~ i`'ling^ dsír'. Co' jii~ jaang` dsea` i iuung~ i`'ling^ dsí' lí'r` jmér~ e nilijné~ jaang` dsea` tiuung~ laco'gui cajméé~ i dseañu` na.

Ja` jíi~ dsea` Israel júu^ quiá~ Jesús

22 Jo coo` née~ mi~ cang~gui lajo, coo` e jii` güi~ lajee~ e jmóo` dsea` Israel jmii~ e jmiguiéng~ dsír' e caligüeang~tu` calé' catú~ e guá~ fé' quiá'r~ e si' fí' Jerusalén, co' lami~ jéeng~gui gab` cajméé~ dsea` fí' dsí' jo; 23 jo ie~ jo, dob táang` Jesús fí' coo` ni'núu' quiá~ e guá~ fé' do, jo` tá~ coo` íng~ ngír' e fí' coo` ni'núu' quiá~ e guá~ do, fí' lí~ sii` ni'núu' quiá~ 'lí~ yúu~ Salomón. 24 Jo lajee~ ngí' Jesús dob mi~ caríi` dsea` Israel fí' lí~ siín', jo` cajming~r~ dsea` do lala:

—Jo` çlí~ catí' nijméé~ júu^ røø` e su` nu` dsea` i casíng` Fidiéé~ fí' la e lin' Dsea` Jmáang~ i sijeeng~ jnea~ do i nicá~ nifí' qui~ii'? Jo` lana jmee~ du júu^, ¿su` nu` í'?

25 Jøba' cañíi` Jesús quiá~ i dsea` Israel do jo` casí~ reiñ':

—Nicañi~ b#i` 'nú' e íb` jnea~, jo` dsu' 'nú' ja` já~ calíng~na' júu^ quié~e. Co' jaléb~ e nicañíi~ 'nú' e nicajmé~e, jmóo`o la'eáang` cóo~ ta~ huí' quiá~ Tiquié~e, jo` lajalé' e jo` cuø' lí~ e íb` dseáng~ lín'n; 26 jo` dsu' 'nú' ja` já~ líng~na' e íb` jnea~, co' ja` líng~na' lafa' jo'se' quié~e. 27 Co' i dsea` i líng` lafa' jo'se' quié~e do nicuíi`bre lúu`u, jogui jnea~ nicuíim`baare' cajo, jøba' dsea` í jneab~ dsiquí're'. 28 Co' jnea~ cuøø`baa jaléng~ i dsea` í e seeiñ` cøøng` cóo~ Fidiéé~ lata~, jo` ja` tóo` jmii~ fa' ni'náin~ quiá~ Fidiéé~ o'gui fa' qui~ jmii~ e ii` nijéng~tu' jaléng~ i dsea` í fí' jaguóo`o. 29 Jo lajii~ e nicang~n` e nicacuø' Tiquié~e jnea~, e jo` líi' e niing~gui eáang` lajee~ lajalé', jo` jii~ jaang` dsea` quí'r~ jmii~ fa' e niguí~guir e jo. 30 Jo jnea~ cóo~gui Tiquié~e jaam` dsea` lí'naa'.

31 Jo mi~ canúu~ dsea` Israel lajii~ e cajíng~ Jesús, jøba' casitír' cuu~ calé' catú~ e lamí~ iin~ niquiúin~ dsea` do cartí' nijngáng~ neiñ'. 32 Jo lalab cajíng~ Jesús quiá~ i dsea` Israel do jo` casí~ reiñ':

—Jmiguiab` jalé' e quíi~ i jmii~ e nicajmé~e jee~ 'nú' la'eáang` cóo~ güea~ quiá~ Tiquié~e. Jo lajee~ lajalé' e jo, çjngang~ e catíng~ e nijngáng~na' jnea~ cóo~ layaang~ cuu~?

33 Jøba' lalab cañíi` dsea` Israel quiá~ Jesús jo` cajíín~:

—Ja` í dsí` jnea~ e nijngáng~naa' 'nu` uí~ jalé' e guiá~ e nicajmee~ do, co' nijmé~naa' lajo uíi~ e gab` líi' e júu^ e fó' na fí' quini` Fidiéé~. Co' nu` jii~ dsea` jmigüib` lin', jogui iin~ jmeé~ e røøb` cøø'n` cóo~ Fidiéé~.

34 Jøba' lalab cañíi` Jesús quiá~ i dsea` do jo` casí~ reiñ':

—Jo lalab fé' Fidiéé~ fí' ni` júu^ quiá~ ta~ quiá'r~: “Jnea~ fá'a e 'nú' líng~na' laco' diéé~.” 35 Jo nine`baa' røø` lajii~ e fé' e fí' ni` jii` quiá~ Fidiéé~ do e ja` cuøøng` fé'naa' e o' já~; jo` e fí' ni~ e júu^ do quiá~ Fidiéé~ fé' e jaléng~ dsea` cóo~ i casíng` Fidiéé~ júu^ quiá'r~ láiín~ laco' diéé~. 36 Jo co' Fidiééeb~ dsea` caguiñ' jnea~ jogui casíin~ jnea~ fí' jmigüi` la, jøba', çjial cuøøng` fo' 'nú' e jnea~ fá'a júu^ e ga' fí' quini` Fidiéé~ mi~ fá'a e Joo' dsea` íb` lín'n? 37 Jo ja` já~ güilíng~na' jnea~ song jnea~ ja` jmóo`o dseáng~ laco' la jmóo` Tiquié~e. 38 Jogui dsu' song jmóo`b#i` e quíi~ i jmii~ do e nañí' fa' ja` já~ líng~na' jnea~, jøba' líi` já~ güilíng~na' cóo~ jalé' e quíi~ jmii~ do e laco' niliñi`na' e jaam` dsea` líng` jnea~ cóo~ Tiquié~e, jogui lajòbi` ír` cóo~ jnea~ cajo.

³⁹ Jō mi~ canúu~ dsea` Israel lajii~ e cajíng~ Jesús do, joba' caléb' catú~ lamí~ iin~ e nisaiñ' dsea` do, jō dsu' dsea` do dsifib' caleáng` ñia'r'.

⁴⁰ Jō mi~ cangf jō, caquim~ tu Jesús fí lí' lí' ngóo~ gua` Jordán, jō fí dob cajer' e fí lí' caseáng` Juan jmii~ jaléng` dsea` lamí~ jéeng'gui. ⁴¹ Jō lajee~ táang` Jesús fí jō, i fím' dsea` cangolíng` e iin~ ninúr~ júu^ quiá'- dsea` do, jō lalab fé' i dsea` í:

—E jáb'- e i Juan do ja` cajméer` jii~ coo` e lí' e quí'r~ jmii~ lajee~ cateáaiñ' fí jmigü' la, jō dsu' lajaléb' e cajíñ'- uii~ quiá'- i dseañu' la, dseáng'- jáb'-.

⁴² Joba' ie~ jō i fím' dsea` i já'- calíng~ júu^ quiá'- Jesús e fí jō.

11

Mi~ cajúng~ jaang` dseañu' i sii` Lázaro

¹ Jō mi~ cangf gui lajō, lajee~ e táam`bi Jesús fí jō, jō ie~ jō niseeng` jaang` dseañu' i sii` Lázaro cóo'~ gui gáng~ gui dseamf rúin', jaang` i sii` Yá^ jogui jaang` i sii` Marta, jō laj' gaaiñ' do seeiñ' fí coo` fi' lí' sii` Betania. Jō ie~ jō guiáng'~ ráang` Lázaro e dsée'r'. ² Jō i dseamf i sii` Yá^ i rúng' Lázaro, íb' i ca'ée~ jmii~ jmeafii' tii~ Jesús jogui cajmiquiúr~ cóo'~ jñuguir~ tii~ dsea` do lamí~ jéeng'gui. ³ Jō co' eám' dsée'~ gui Lázaro, joba' i dseamf rúin' i gáng~ do casíñ' júu^ fí lí' táang` Jesús, jō lalab júu^ quie' i dsea` do quiá'- Jesús:

—E lab júu^ quiee~, e i dsea` i seeng` røø` cóo'~ do i eám' 'neáan' do i sii` Lázaro eám' líiñ' lana.

⁴ Jō dsifí mi~ canúu~ Jesús e jō, joba' lalab cañír' quiá'- i dsea` do:

—Jō e jmohuí' e líiñ'- do ja` nijéng~ ír' fí ni~ 'mó~, co' e jō nilí'ling` ta~ e lí' lacō' niliñ' dsea` jial tí' 'gøng' Fidiée~, jogui lacō' niliñ' dsea` cajō jial tí' 'gøng' jnea~, dsea` lín'n Jóo' dsea` do.

⁵ Jō doñí' fa' eám' 'neáang` Jesús i dseamf i sii` Marta do jogui i sii` Yá^ jogui i dseañu' i sii` Lázaro do, ⁶ dsu' ja` cangór~ dsifí fí quiáin' do mi~ caliñír' e niráang` i Lázaro do dsée'r~, jō cajmí'ím~bi 'ñia'r' tú~ jmii~gui e fí lí' táaiñ' do.

⁷ Jō mi~ cangf e tú~ jmii~ do, joba' lalab casí'- Jesús i dsea` quiá'r~ do:

—Má~ túu' fí lí' se' Judea.

⁸ Joba' cañí' i dsea` í quiá'- Jesús, jō casí'r~ dsea` do:

—Tífa', ja` mí' ngóo'bi eáang' e jaléng' dsea` Israel i seeng' fí jō lamí~ iin~ nijngaiñ'- 'nu' cóo'~ layaang~ cuu~, jō 'nu' caléb' catú~ iin' guó^ fí jō.

⁹ Joba' cañí' Jesús quiá'- i dsea` quiá'r~ do jō casí'-reiñ':

—E jáb'- e sea` guitu' oor~ lajee~ e jmii'; cofa' jaang` dsea` ngír' lajee~ e jmii' do, joba' ja` dseáng'~ niquiúin', co' jneáb' lí' ngír'; ¹⁰ jō dsu' song jaang` dsea` ngír' fí coo` lí' nuu', joba' quiung' guiáam`bre ngír', co' ja` sea` jì cóo'~ e cuø' e jneá' lí' ngír'.

¹¹ Jō mi~ cangf e café'r' e júu^ na, jō cajíng'~ guir casí'r~ i dsea` quiá'r~ do:

—I dsea` rú'uu' i sii` Lázaro do nicaquiam'-bre, jō dsu' lana nini'i e nijmijnée`túu dsí'bre.

¹² Joba' cañí' i dsea` quiá'- Jesús do, jō cajíñ'- casí'r~ dsea` do:

—Fí'naa', jō lacō' fó' na e nicaquiam'- i dseañu' í, joba' e jō cuø' lí' e nitíim~tur.

¹³ Jō dsu' cajíng'~ Jesús lado co' e nicajúm~ i Lázaro do, jogui i dsea` quiá'r~ do í dsír' e já'ba' e lí' güim` Lázaro lí' lacō'gui jii~ e nicajíng'~ dsea` do.

¹⁴ Joba' cajíng'~ Jesús casí'r~ i dsea` quiá'r~ do dseáng'~ lajang'~ jō casí'-reiñ':

—Lana niráang` Lázaro 'lím~bre. ¹⁵ Jō guiú~gui quí' 'ná' e ja` mí' ngóo' fí do latí' lana, co' lajoba' e já'-gui nilíng`na' júu^ quie~e, joba' eám' iáang` dsii~. Jō lanaguiba' dsé'ee' fí quiá'r~.

¹⁶Jo i dsea` quiá'- Jesús i sií Tomás i lineang` dsea` suung~ mi~ canúur- lajii` i júu` jo, joba' casí'r- i dsea` rúin` i caguiaang` gui do lala:

—Má`aa' jneaa`aa' cóo'r~ cajo, jo song cajnga' dsea` quiá'r-, joba' la quie' jneaa`aab' nijúu`naa' cóo'r~ cajo.

Jesús i cuø' e jí'tu dsea` mi~ ningí' e júuiñ-

¹⁷Jo mi~ caguié- Jesús coling~ cóo'~ dsea` quiá'r- e fí Betania e fí lí cajúng- i Lázaro do, jo ningóo' quiú' jmiñb~ e nica'áng- dsea` do mi~ caguilíñ- fí jo.

¹⁸Jo e fiñ e sií Betania do ja' huí- neé laco'gui Jerusalén, co' túb'jiu jii` la 'ní kilómetro, ¹⁹joba' fíim' dsea` Israel i neáang' fí jo cangolíñ e cango'eer` i Marta do cóo'gui Yá^ e laco' ja' liñ' do fí' uii~ quiá'- e cajúng- i rúin` i sií Lázaro do. ²⁰Jo mi~ caliñí Marta e ningóo' Jesús fí do, joba' cagüi'fir' e cangojmijíñ' dsea` do; jogui i Yá^ rúin` do, dob cajer' fí sinúu` lajee` jo. ²¹Joba' mi~ cajíng' i Marta do Jesús, lalab casí'r- dsea` do jo cajíñ'-:

—Fa' jiu`gui mi~ cagüén'- jéeng'guijiu fí la, joba' ja' cajúng- i rún'n do jóng faco' lajo. ²²Jo dsu' tab~ dsii- e quib'- jmiñ e nijmicóo'~ Fidié` jnea` song nimí'ire lajo, co' doñí ee' e mii' 'nu' dsea` do, dseáng'- ngim'ba'.

²³Joba' cañí' Jesús quiá'- i dseamí do jo casí'- reiñ':

—Nijíb'tu i rún' do.

²⁴Joba' cañí' i dseamí do quiá'- Jesús jo cajíñ'-:

—Jáb'-, niñ'baa e jo e nijíb'tu i rún'n do mi~ nití- í' e nijí'tu jaléng' 'lii~ mi~ tí lí jo.

²⁵Jo mi~ cangí jo, lalab cañí'tu Jesús quiá'- i dseamí do jo casí'- reiñ':

—Jneab~ dsea` i cuø' e jí' dsea`, jogui e nijí'tur mi~ ningí' e nijúuiñ-. Joba' jaléng' i dsea` i já'- líng' júu` quié-e, jo nañí fa' júung- jii` ngúu' táaiñ, dsu' ja' tóo' jmiñ fa' ni'náiñ e seeiñ` cøong` cóo'~ Fidié`; ²⁶jogui jaléng' dsea` i já'- líng' júu` quié-e e jogui e seem'bir mi~ tí lí jo, joba' ja' tóo' jmiñ fa' ni'náiñ e seeiñ` cøong` cóo'~ Fidié` cajo. Joba' ¿su já'- lín' jalé' e júu` e fiñ i 'nu' la?

²⁷Joba' cañí' i dseamí do quiá'- Jesús jo casí'r- dsea` do lala:

—Lajob lí, Fí'i, dseáng'- jáb'- líng' jnea` e 'nub' lín' i Jóo' Fidié` camíng' i sijeeng' jnea' i nijáa' fí jmiñ' la i nicá' nifí quí-ii'.

Mi~ caqui' Jesús tñ- ée' quiá'- Lázaro

²⁸Jo mi~ cangí e síng' Marta cóo' Jesús, caquim'-bre e cangotéer' i rúin` i sií Yá^ do. Jo mi~ caguiéiñ- fí quiá'r-, lalab casí'r- i rúin` do lí ja' núu' dsea` jo cajíñ'-:

—Dob guing~ i tifa' do, jo 'nub` tó'r` lana.

²⁹Joba' dsifí mi~ canúu- Yá^ e júu` jo, ladsifí lanab cagüi'fir' jo cangór- fí lí tó' Jesús ír. ³⁰Jo Jesús ja' mí ca'í'-bir e fí jee~ fiñ do, co' dobi guiiñ e fí lí cajíng' rúin` cóo'~ i Marta do. ³¹Jo mi~ tí lí calilí' i dsea` Israel i caguilíng- cango'ee` ír e laco' ja' liñ' do fí' í, jo mi~ cangár- e cagüi'fir' i Yá^ do lajminá- e fí dsí' sinúu` quiá'r- do, joba' cangolíim-bre ti'leáiñ' cajo laco' ngóo' i dseamí do, co' í dsí' e ngóin'- do ngoquíim-bre e fí lí ca'áng- i 'lii~ rúin` do.

³²Jo mi~ tí lí caguié- i Yá^ do fí lí sing' Jesús, ladsifí lanab casí'r- uø- jnir` fí quini` dsea` do jo casí'r- dsea` do lala jo cajíñ'-:

—Faco' mi~ 'nu' cagüén'- jéeng'guijiu fí la, joba' ja' cajúng- i 'lii~ rún'n do jóng faco' lajo.

³³Jo mi~ tí lí cangá- Jesús e qui' i Yá^ do cóo'gui jaléng' i dsea` Israel i caguilíng- cóo'r~ do, joba' eám' calicu' dsí' i dsea` do, jogui eám'bi calijiuung~ dsí' cajo, ³⁴joba' cajmíngí'r- jaléng' i dsea` do jo casí'-reiñ':

—¿Jie~ fí lí ca'áang-na' i dsea` do?

Joba' cajíng'- jaléng' i dsea` do casí'r- Jesús:

—Má'aa' jō madsijóø^naa' fí' jō.

³⁵Jō canaang` Jesús qui'bre cajo. ³⁶Jō mi~ calilí' i dsea` Israel do e qui' Jesús, jōba' lalab cajíñ'~:

—¡Eáam' ni'neáang` i dseañu' na i 'lii~ na!

³⁷Jō dsu' jee~ i dsea` Israel do seem`bing' i fé' lala:

—I nabi i dseañu' i cajmée` e calijné` i dsea` i lami~ tiuung` do, jō ja` i ñi' jiali' ja` cajméer` fa' e ja` cajúng` i dseañu' i nica'áng` na.

Mi~ cají'tu Lázaro

³⁸Jō fí' dsí' tó` cuub~ ca'áaiñ` i 'lii~ Lázaro do, jō o'nú` e ée` do cajnír' cóo`~ coo` 'loo` e fe`. Jō eáam' lijiuung~ dsí' Jesús cangoquiéeiñ` e fí' lí' ca'áng` i 'lii~ do. ³⁹Jō lalab cajíñ'~ casí'r` jaléng' i dsea` i teáang` do ie~ jō:

—Je'na' e 'loo` e sijní' e o'nú` e ée` na.

Jō dsu' mi~ canúu` i dseam` i siñ` Marta do i rúng' i 'lii~ do e cajíng'~ Jesús lado, jōba' lalab casí'r` dsea` do:

—Fí'naa', quiú` jmii~ ñingóo` e ca'áng` i rún'n na, jō lana nisi'léb'` ngúu` táaiñ`, faa~aa'.

⁴⁰Jō lalab cañí' Jesús quiá'~ i dseam` do:

—¿Já' mí' cafí' i 'nu` e song dseáng'~ já' lín'` júu` quié`e, jōba' nimó`ba' jóng jial tí' laniing` 'gøng' Fidié`?

⁴¹Jō mi~ cangí' jō, cajéb'` i dsea` do e cuu~ e sijní' fí' o'nú` ée` quiá'~ i Lázaro do, jōgui Jesús dsifí' lanab cajóø` fí' yú`^ jmigüi' jō cajíñ'~:

—Tea~, lana cuóø`ø` 'nu` gui'máang'~, co' jáb'~ canúu'~ júu` quié`e. ⁴²Jōgui ñi'bí' guiá'~ cajo e contøøm` já'~ nuu` 'nu` júu` quié`e, jō dsu' fí' i 'nu` lana e lí' lacó' jaléng' i dsea` i teáang` la jmii~ na nijá'~ líiñ` e 'nu` dsea` casín'` jnea` fí' jmigüi' la.

⁴³Jō mi~ cangí' e cajíng'~ Jesús e júu` na, jō café'r` teá' jō cajíñ'~:

—¡Júu' fí' lí' iuun'~ na, Lázaro!

⁴⁴Jō mi~ calí' e café' Jesús lajō, jōba' dsifí' lanab cagüi'ñ` i dsea` i lami~ 'liing` do, jō lacó' sibé'bi' 'mi' guotiir~, jōgui nir~ sibé' coo` jmáang'~ 'mi'. Jō mi~ cangí' jō, lalab cajíng'~ Jesús casí'r` i dsea` i teáang` do ie~ jō:

—Síi'na' e 'mi' e sibeáng' i dsea` i cají'tu na, jō lajōba' cuóøng` e ngír`.

Mi~ casíng` dsea` i quié' nifí' quiá'~ dsea` Israel e nisáíñ' Jesús

(Mt. 26:1-5; Mr. 14:1-2; Lc. 22:1-2)

⁴⁵Jō mi~ cangí' gui lajō, i fíim` dsea` Israel i cangolíng` cóo`~ Yá` do já'~ calíñ` júu` quiá'~ Jesús, co' cangá`bre jalé' e quí'~ dsea` do jmii~ ie~ mi~ cajméer` e cají'tu i Lázaro do. ⁴⁶Jō dsu' i liing`~gui i dsea` Israel i cangá` e cajmée` Jesús do cangocóor` júu` fí' quini` jaléng' dsea` góor` i líng` dsea` fariseo jalé' e cangár` do. ⁴⁷Jō mi~ calíñ' i dsea` fariseo do e jō, jōba' casíñ'~ cóo`~ jaléng' fii~ jmidsea` e lacó' niseáng' i dseata` i quié' nifí' quiá'~ dsea` Israel e lacó' nisiñ` e~ nijmér` cóo`~ Jesús. Jō lalab jmíng'í'~ rúñ'~:

—¿E~ nijmó`oo' cóo`~ i dseañu' do? Co' eáam' jmiguiú' jalé' e quí'r~ jmii~ jmóor` e dsigá` dsí' dsea`. ⁴⁸Jō song ja` nijñing`naa' quiá'r~, jōba' fíim` dsea` nidsitáaiñ` cóo`~ dsea` do, jō dseáam'~ e dseata` i neáang' fí' Roma nija'íñ` guá'~ quí`ii' osi lajaléng'naa' dsea` lí'naa' dsea` Israel fíng song calíñir' jalé' e jō.

⁴⁹Jō jaang` lajee` i fii~ jmidsea` do nisiir` Caifás, jō líiñ' fii~ quiá'~ jaléng' jmidsea` ie~ jō, jōba' lalab cajíñ'~ casí'r` jaléng' i dsea` rúñ'` caguiaang`~gui do jō café'r`:

—¡Dseáng' jii' coo' ja' ee' ñí' 'nú'! 50 Jo ja' í' ó'na' e guiá' gui' quí' ii' e nijúung' jaang' dsea' góo' naa' cuaiñ' quí' ii' lajalé' naa' e laco' gui' e ni' íng' naa' lajaléng' naa' dsea' lí' naa' dsea' Israel.

51 Jo i' Caifás do ja' cajíñ' lajo uí' e la tiiñ' 'ña'r', dsu' fii' jmidseab' líiñ' ie' jo, joba' Fidiéeb' cacuø' ír' e cajíñ' lajo e Jesús nijúuiñ' cuaiñ' quí' jaléng' dsea' góor' dsea' Israel; 52 jo o' jii' e nijúung' dsea' do uii' quí' jaléng' dsea' góor', co' lajob' cajo nijúuiñ' e laco' nitø'r' jaléng' dsea' quí' Fidiéeb' i' siguiáng' fí' la'úng' fí' jmigüi' e laco' ni' uiiñ' do coob' 'lé' lajee' lajaléiñ'. 53 Joba' latí' ie' job' canaang' jaléng' i' dseata' quí' dsea' Israel do e 'nó'r' jial e nijngáiñ' Jesús.

54 Jo uing' lajoba' jo' 'ga' lí' jmijnéeng' gui' 'ña'r' Jesús jee' jaléng' dsea' góor' dsea' Israel, jo cagüi' h'bre e fí' lamí' táaiñ' do e lí' se' Judea, jo fí' dob' cangór' fí' coo' fii' e sii' Efraín e née' quí' fí' guóo' uó' quí', jo fí' job' cajer' coo' jaléng' dsea' quí'r'.

55 Jo mí' cang' gui' lajo, lajee' e nijaquíéeng' jmii' e quí' t'íng' dsea' Israel e jmóor' laco' jii' e sii' Pascua, joba' quí' t'íiñ' e dsilíiñ' fí' Jerusalén nú' gui' e jmii' jo e laco' jmiguiúng' yaaiñ' fí' quini' Fidiéeb' jo dsiguiar' guiá' lajii' e quí' t'íiñ' jmóor' do. 56 Jo mí' caguilíng' i' dsea' Israel do fí' Jerusalén, jo seem' biñ' do ngír' ta' 'náng' Jesús ie' jo, jogui' jmíng' rúíñ' lajaang' lajaaíñ' lajee' e teáaiñ' fí' dsí' sinúu' guá' fé' e si' fí' jo, jo s'íiñ':

—Jo ¿e' fó' 'nú'? ¿Su nijáa' gui' i' dsea' í' fí' la lajee' jmii' osi' ja' nijáar' é?

57 Jo jaléng' dsea' Israel i' líng' dsea' fariseo coo' gui' jaléng' fii' jmidsea' quí'r' nicang' hiiñ' júu' quí' jaléng' i' dsea' i' caguilíng' e jmii' do e song' jaang' lajee' ír' nija'r' júu' jie' fí' táang' Jesús, jo e güijmée' bre júu' ladsifí', jo lajoba' e niteng' dsea' do.

12

*Mí' ca'éé' jaang' dseam' jmii' jmeafii' tii' Jesús
(Mt. 26:6-13; Mr. 14:3-9)*

1 Jo mí' cang' gui' lajo, jñúu' jmii' b' jmóo' gui' e nití' e jmii' Pascua quí' dsea' Israel do, jo cangób' tu' Jesús fí' Betania e cango' ee' tur Lázaro i' cajmээр' e cají' tu' ie' lamí' jéeng' gui' do. 2 Jo mí' t'í' lí' caguiér' fí' quí' dsea' do, i' dsea' seeng' fí' sinúu' do cajmээр' coo' jmii' e jmí' góor' Jesús, joba' cagø'r' colíng' ie' canúu' e jmii' jo; jo dob' guing' Lázaro e gø'r' colíng' coo' i' dsea' do cajo, jogui' i' rúíñ' i' sii' Marta do, íb' i' jmóo' ta' ngíng' jmiñi' quí' jaléng' i' dsea' i' neáang' gø' do ie' jo. 3 Jo lajee' guing' Jesús gø'r', coo' caguiéb' Yá' i' rúng' Lázaro fí' lí' guing' dsea' do, jo quier' coo' dsuu' niguó' e a' trescientos gramos jmii' jmeafii' e lí' coo' layaang' nardo e 'mo' eáang', jo coo' e job' ca'éer' fí' tii' Jesús lajee' e guing' dsea' do gø'r'; jo mí' cang' jo, cajmiquiá'r' coo' jñu' guir'. Jo latøom' e fí' dsí' sinúu' do cajo' jmeá' quí' e jmii' jmeafii' do ie' jo. 4 Jo mí' cangoyúung' e jo, jaang' lajee' dsea' guitúung' quí' Jesús i' sii' Judas Iscariote i' nisi' í' i' ni' náng' dsea' do, lalab' cajíng' í' ie' jo:

5 —¿Jialí' ja' mí' cango' nii' e jmii' jmeafii' la coo' 'ní' ciento' cutee' e laco' nilisea' cuu' e nilicoo' jaléng' dsea' tiñíng'?

6 Jo cajíng' Judas Iscariote e jo dsu' o' j' dseáng' e fii' líiñ' jaléng' dsea' tiñíng', co' jaang' íb' líiñ' do, co' ie' jo íbre dsea' née' nir' taloo' té' cuu' e lí' quí' Jesús colíng' gui' coo' i' dsea' guitúung' quí'r' do; joba' i' Judas Iscariote do gui' bre e cuu' do mí' iñ' 'ña'r'. 7 Joba' lalab' cañí' Jesús quí' i' dsea' í':

—Ja' e fí' jii' coo' i' dseam' na, co' lajii' e nicajmээр' na e nicaguiar' guiá' quí' e mí' nití' í' e quí' ni' ám' baa. 8 Jo contøom' cuøng' lí' jmícoo' 'nú'

jaléng' dsea` tiñling-, jo dsu' jnea`gui ja` contøng- táan`n cóo'` 'nú' fí jmigü' la.

Mi` ca'f' dsí' dsea` e nijngáiñ' i Lázaro do

⁹ Jo mi` cang'gui jia lajo, i fím' dsea` Israel caliñir' e dobi táang` Jesús e fí Betania do. Joba' cangolíñ' cangojóø`bre fí jo, jo dsu' o' jii' Jesús dseáng' i ngir' 'náin' do, co' lajob 'náin' Lázaro cajo i cajmée` Jesús e cají' tu calé` catú-.
¹⁰ Joba' i fii` jmidsea` do casíin- røø` e la quie' tí Lázaro nijngáiñ', ¹¹ co' fé' i dsea` Israel i quie' nifí do e uí' íb` fíng' i dsea` góor` do ninaang` 'naaiñ` cóo' i dsea` rúin' caguiaang`gui do, jo cóo' Jesús ninaaiñ` dsitáaiñ-.

Mi` ca'í' Jesús fí jee` fí Jerusalén

(Mt. 21:1-11; Mr. 11:1-11; Lc. 19:28-40)

¹² Jo lajee` nú'-gui jmi` Pascua e tí fí Jerusalén do, fím' dsea` cangolíñ' fí jo e cangotíñ' e jmi` do; jo mi` cajneá` coo'gui jmi`, job caliñir' dsea` e tí niguiéé` Jesús fí Jerusalén e quíá'- e jmi` do. ¹³ Jo mi` caliñir' i dsea` do e jo, joba' cangoquiúur' moo` quiee-, jo cangolíñ' cango'íñ' Jesús catí` caluu` fí e quíá'- nijmiféin' dsea` do. Jo mi` ca'íñ' dsea` do, lalab fé'r` teá e iáang` dsíir':
—iMajmifém'baa' i dsea` na! iJogui juguíá` jia quíá'- i dsea` na i casíng` Fidiéé` fí jmigü' la cuaiñ` quíá'r-! iJogui majmifém'baa'r cajo i dsea` na i líng` dsea` güeang' i quie' nifí quíá'- jaléng' dsea` góo`naa' dsea` Israel!

¹⁴ Jo lajee` iuung` Jesús fí, lado cadseíñ' jaang` bú', jo íb` caguár` lí' laco'gui la fé' fí ni` jì` quíá'- Fidiéé` e cajme' dsea` maliñ`gui eáang` lí' fé' lala:

¹⁵ Ja` føøng'-na' jaléng' 'nú' i seeng` fí fí Sión;
jo jóø-na', lab nijáa' i dseata` dsea` féng' quí-na' e guíin` fí mocóo' jaang` bú' jiuung`.

¹⁶ Jo dsu' la'uii` ja` calilí`bi i dsea` guitúung` quíá'r- do e guóng` jalé' e do; lí' mi` cang'gui lajo, mi` cang' e cangáng'-tu Jesús fí ñifí-, joguib calilí` i dsea` do e jalé' e cajmée` Jesús do ninitøob` fí ni` jì` quíá'- Fidiéé` e cajme' dsea` lajii` maliñ`gui eáang` lí' fé' uii` quíá'- Jesús.

¹⁷ Jo ie` jo, jaléng' i dsea` i cangá` mi` cató' Jesús i Lázaro do e nigü'íñ' do fí dsí' éé` quíá'r- co' cajíb'tur, joba' jaléng' i dsea` íb` i cani' e júu` jo jee` jaléng' i dsea` caguiaang`gui do. ¹⁸ Jo lajob i fím' dsea` cangolíñ' e cangojmijíñ' Jesús, co' caliñir'bre jalé' e quí' dsea` do jmi` e cajméer' e fí do ie` jo. ¹⁹ Jo i dsea` Israel i líng' dsea` fariseo do lalab síin' la'ó' yaaiñ`:

—Nab nimóo` 'nú', jii' coo' ja` e quí'naa' jmi` nijmóo' lana, co' jnéeng` ne'baa' e jia` ja` lajím` dsea` nisitáaiñ` cóo' i Jesús na lana.

Mi` ca'nang` dsea` griego Jesús

²⁰ Jo jee` jaléng' i dsea` i cangolíng` fí Jerusalén e cangojmiféin' Fidiéé` lajee` e jmi` jo, jee` i dsea` íb` niquiéeng` coo` tú` míng' dsea` griego. ²¹ Jo i dsea` griego do cangoquiééin' fí lí' sing' jaang` dsea` guitúung` quíá'- Jesús i sií` Lii-, jo í seein' fí Betsaida e néé` lí' se' Galilea, jogui i dsea` griego do camí'r` jmi'ee` i Lii` do jo casí` reiñ`:

—Dsíng' ii` jnea' e nilicuíng`naa' Jesús.

²² Joba' dsifí` mi` canúu` Lii` e jo, cangó`bre cangosí'r` Df' i líng' jaang`gui dsea` guitúung` rúin' cajo, joba' laji` huám`bre cangolíñ' e cangojmée'r` júu` Jesús lajii' e jíng'- i dsea` griego do. ²³ Joba' lalab cañí` Jesús quíáin' do:

—Lana tí nití` í' quie` e e ninín'`túu` fí ñifí` fí lí' cagá`a mi` cagüén`n fí la e lán`n jaang` dsea` jmigü'. ²⁴ Jogui jnea` jmitaa` óo'na' e fa' camí' micui'iee` e ja` mí` cató' fí ni` uó` jo o'gui ní' cajo, joba' lamí` líb' lí' e camí'b` e mijú` do; jo dsu' song camí'gui e micui'iee` do catób' fí ni` uó` jogui caní'b-, joba' jmiguiab' ni'uíng'- do mi` niró'. ²⁵ Cofa' i dsea` i eáang`gui guíing` dsí' jalé' e

dsijée' fí' jmigüü' la, joba' ni'íim- quíá'- i dsea' í' mi' tí' lí' jo; jo dsu' i dsea' i ja' guing' dsí' jalé' e dsijée' fí' jmigüü' la, joba' i dsea' í' guiáb- ni'uúing- quíá'r- mi' tí' lí' jo, co' cøøm' niliseeíñ' cóo'~ Fidiée' lata'. ²⁶ Jogui song jaang' dsea' iíñ' e nilíñ- jaang' dsea' i jmóo' lajii'~ e iin- n, joba' 'né- ngír- colim~ cóo'~ jneab~; jogui lacaang' jié' fí' lí' seen-, joba' fí' job' 'né- seeíñ' cóo'~ jnea' cajo. Jo song seeng' dsea' i jmóo' lajii'~ e iin- n, joba' Tiquié' e dsea' guing' ñiff- nijmi'gó' bre i dsea' í' cajo.

Mi' cajíng'-tu Jesús e nijngáng'- dsea' í'

²⁷ Jo fá'guá' lana e dseáng'- dsíng'- nijáá' fí'í' quíé'-e; jo ¿e~ nijmee~e? ¿Su ní'fá'a: "Tea~, leaang- jnea~ jee~ jalé' iihuú' e nidsingún- n do"? U~, o' lajo, co' jnea~ cagá- a fí' jmigüü' la e lí' laco' nidsingún- n jalé' e jo. ²⁸ Joba' fí' i' 'nua', Tea~, jmee- e laco' nijmi'gó' dsea' 'nua'.

Jo dsifí' mi' cangí' e cajíng'- Jesús lajo, joba' guicaná' coo' luu' fí' yá' jmigüü', jo guicajíng'- lala:

—Nicajmé- baa lajo, jo dsu' tí' lí' nijmee- baa calé' catú-.

²⁹ Jo jaléng' i dsea' i teáng- núu' do ie~ jo cajíñ'- e líng' ee' guicangoo' fí' yá' jmigüü'; dsu' i líng' gui i dsea' do fé'r':

—Jaang' ángel i niguicafé' na.

³⁰ Jo mi' cangí' jo, jo cañí' Jesús quíá'- i dsea' do jo cajíñ'-:

—Ja' catíng- jnea~ e guicajíng'- e luu' do, co' 'náb' dsea' catíng- na' e jo.

³¹ Jo lanab catí' í' e Fidiée' niquidsir' í' quíá'- jaléng' dsea' jmigüü' uii~ quíá'- jalé' dsee- quíá'r-, jogui lanab cajo catí' í' e ni'íing- bí' quíá'- fí' i' 'líng' i quíá' ta' fí' jmigüü' la. ³² Jo dsu' mi' ningí' e niteáng- dsea' jnea~ fí' dse' crúu' e laco' nijúun- n, jo lajoba' nitóøø' jaléng' dsea' e laco' ni'uúíñ- dsea' quíé'-e.

³³ Jo cajíng'- Jesús lana co' niñí' bre guíá- jial nijnga'- dsea' quíá'r-. ³⁴ Jo mi' tí' lí' canúu' jaléng' dsea' i teáng- do ie~ jo e júu' quíá'- Jesús do, joba' lalab cañír' quíá'- dsea' do:

—Nineb~ jnea' røø' e tóo' fí' ni' jì' quíá'- Fidiée' e latab~ niliseeng' Dsea' Jmáng-, joba' ¿jialí' fó' 'nua' e i dsea' i jáá' fí' ñiff- e líñ' jaang' dsea' jmigüü' 'né- nisáíñ' fí' yá' mi' nijnga'- dsea' quíá'r'? Jogui ¿i' i dsea' i julí' na?

³⁵ Joba' lalab cañír' Jesús quíá'- i dsea' do:

—Jnea~ bí' e jì' e jneá' jee' 'nú' lajee' lana, jo dsu' jo' huøø- e líng' guí' lajo jee' 'nú' fí' la. Joba' jmi'úum' ba' e seem' ba' guíá- lajee' e seem- bí' jee' 'nú' fí' la e laco' ja' nilí' e lí' nuu' do 'nú'. Dsuo' jaléng' dsea' i seeng' e fí' lí' nuu', joba' jii'~ ja' ñír' jie' fí' lí' seeíñ'. ³⁶ Joba' jáang' yaang~ na' e fí' lí' jneá' jì' do lajee' e seem- bí' jee' 'nú' e laco' quíá'- jmi' e niliseeng' na' contøøng- fí' lí' jneá' jì'.

Jo mi' tí' lí' cangí' e cajíng'- Jesús jalé' e júu' na, joba' cangó- bre, jo ca'náam- 'ñia'r' jee' i dsea' do.

Jialí' ja' já'- líng' dsea' Israel júu' quíá'- Jesús

³⁷ Jo ie~ jo, ja' e lí' e Jesús cajméer' jalé' e lí' laniing- e quí'r~ jmi' fí' quini' jaléng' dsea' góor' dsea' Israel, jo dsu' ja' já'- lím' bí' i dsea' do júu' quíá'- Jesús;

³⁸ jo lajoba' e caliti~ e cajme' Saí', jaang' dsea' i café' cuaiñ~ quíá'- Fidiée' malí~ gui eáang' ie~ lamí~ cajíñ'- lala:

Fí'naa', ¿i' i já'- nicalíng- júu' quíá'- e guí'naa'?

Jogui ¿i' i nicalíñ' jial tí' 'gø'n', Fí'naa' Fidiée'?

³⁹ Jo lajob' jaléng' dsea' do jii'~ ja' lí'r' ningáíñ', co' lalab cajme' gui Saí' cajo fí' ni' jì' quíá'- Fidiée' lí' fé' lala:

Jnea~ Fidiée' jo fá' a e júu' la:

⁴⁰ Nicajní' baa jminir~ jogui nicajní' baa moguir~ cajo e laco' ja' cuøøng' nilíñir' júu' quíé'-e

o'gui cuøøng` e ningáin` jial lí' cajo;
 jo lajoba' ja` niquí'` jing` yaaiñ` fí' quinií` ,
 jogui lajobi jnea` ja` nijmi'leáan` nre cajo.

⁴¹ Jo cajíng'` Saí' lana, co' nicangá` bre jial tí' laniing` 'gøng' Jesús, joba' fé'r` uii` quiá'` dsea` do.

⁴² Jo nañí' fa' cajím'` i` yúu` Saí' do e júu` jo, dsu' fíim' dsea` Israel já'` calíin` júu` quiá'` Jesús ie` jo, jogui fíim' dseata` dsea` Israel i` laniing` já'` calíin` júu` quiá'` dsea` do ie` jo cajo. Jo dsu' ja` fé'r` lajo fí' quini` jaléng'` dsea` jiéng'`, co' 'góm'` bre jaléng'` dsea` Israel i` líng'` dsea` fariseo e ni'uøng` neiñ' fí' dsí' sináuu` guá'` quiá'r` , ⁴³ co' eáang'gui iin` e dsea` jmigü'bing'` nijmi'gó'` ír' laco'gui e nijmé` 'ñia'` Fidiéé` lajo cóo'r`.

Jial dseáng'` 'né` nijmi'gó` dsea` júu` quiá'` Jesús

⁴⁴ Jo mi` cangígui lajo, lalab cajíng'` Jesús cóo'` júu` teá':

—Jaléng'` dsea` i` já'` líng'` júu` quié` e, joba' i` dsea` í' o'` jíi` júu` quié` e já'` líiin` , co' lajob já'` líiin` júu` quiá'` Tiquí'ii' Fidiéé` cajo, dsea` i` casíng` jnea` fí' jmigü'` la. ⁴⁵ Jo doñí'` ií` dsea` i` níng` jnea` , joba' níim` bre cajo i` dsea` i` casíng` jnea` fí' jmigü'` la. ⁴⁶ Jo jneab` dsea` lín` n e jì` do, jo cagá` a fí' jmigü'` la e lí'` laco'` jaléng'` dsea` i` já'` líng'` júu` quié` e ja` niliseeñ` fí' lí` nuu` . ⁴⁷ Jo i` dsea` i` lico'` núu` jalé` júu` quié` e jo dsu' ja` jmóor` náu'r` jalé` e jo, joba' o'` jnea` dsea` niquidsii` í'` quiá'` i` dsea` í' . Co' ja` cagá` jnea` fí' jmigü'` la e laco'` niquidsii` í'` quiá'` jaléng'` dsea` , co' jnea` cagá` a e lí'` laco'` nilaan` re jee` jalé` dsee` quiá'` bre. ⁴⁸ Jo jaléng'` i` dsea` i` ja` jíi` jnea` o'gui já'` líiin` júu` quié` e, joba' i` dsea` í' niseem`bing'` i` ni'í'` í'` quiá'r` quiá'` jalé` e dsee` e nica'éer` do; co' cóo'` jalé` e júu` e nica'fá'` a na, cóo'` jíi` job nitidsí'` í'` quiá'r` mi` tí' lí' jo. ⁴⁹ Co' jnea` ja` fá'` a la ñii` 'ñiá'` a, dsuco'` Tiquí'ii' i` casíng` jnea` fí' jmigü'` la, íb` i` nicaquiú'` ta` quié` e lajíi'` e 'né` e nifá'` a. ⁵⁰ Jo lajob niñi` jnea` , e jaléb'` ta` e quiú'` Tiquié` e do cuø` e liseeng` dsea` cuøøng` cóo'` Fidiéé` lata` . Joba' lajob lí' , jaléb'` e fá'` jnea` dseáng'` fá'` a jíi'` laco'` ta` ca'lin'` n quiá'` Tiquí'ii'.

13

Mi` caru'` Jesús tí` dsea` guitúung` quiá'r`

¹ Jo mi` cangígui lajo, lajee` e guati'ló` jmii` Pascua e quí'` tíng` dsea` Israel jmóor` fí' Jerusalén, jo ie` jo niñib'` Jesús e nicatíb` í'` quiá'r` e nitúr` fí' jmigü'` la jo nidséin'` nidsigüeá'tur cóo'` Tiquí'ii' fí' ñifí` . Jo lajee` cateáaiñ` fí' jmigü'` la, eáam` cajmi'neáaiñ` jaléng'` dsea` i` ca'uíng` dsea` quiá'r` , jo lajob cajméer` cartí` cangáng'` tur fí' ñifí` . ²⁻³ Jo ie` jo, tí' lí'` ni'í'b` fii` i` 'ling'` fí' dsí' Judas, jóo'` jaang` dseañu'` i` sii` Simón Iscariote, jo i` fii` i` 'ling'` do cajméer` e ca'í` dsí' i` Judas do e ni'náin` Jesús fí' quini` jaléng'` dsea` i` quie` nifí' quiá'` dsea` Israel. Jo Jesús niñi`bre guiá` e fí' lí'` guing` Fidiéé` jáar` mi` cagüéin` fí' jmigü'` la, jogui e fí' job nidséng'` tur mi` nití` í'` quiá'r` . Jo i` Tiquí'ii'` dob i` nicacuø'` ír' fí' e néé` nir` lajalé'` . ⁴ Jo ie` job cagó'` Jesús í'` canuu` cóo'` dsea` guitúung` quiá'r` , jo lajee` e neáaiñ` gø'r` dob mi` caráaiñ` e fí' lí'` guiiñ` do jo caguir` e sí'r` e quier` lí'` lí'` ni` , jogui ca'ñú'r` coo'` jmáang'` 'mi'` fí' 'ñúin'` . ⁵ Jo mi` cangí` jo, caguié'r` jmii` fí' dsí' coo'` úu` e ja` a'` eáang' , jo cóo'` e job canaaiñ` ru'r` tí` lajaang` lajaang` i` dsea` guitúung` quiá'r` do, jo mi` calí` jo, cajmiquiú'r` cóo'` e 'mi'` e ca'ñú'r` tu'r` do.

⁶ Jo mi` tí' lí'` catíng` Tú` Simón e nijgí` tír` e nirú'` Jesús, joba' lalab cañír` quiá'` dsea` do:

—Fí'i, ja` catíng` 'nu` e nirúu'` tí'i.

⁷ Jo lalab cañíi` Jesús quiá'` dsea` do:

—Ja` mí` ngáng` 'nu` lana e` guóng` lajii` e` jmóo`o la, jo` dsu` lajee` lab` ningán`.

⁸ Jo` cañiitu` Tú` Simón` quiá`- Jesús` jo` casí`r- dsea` do:

—iDseáng`- ja` cuø`baa` fí` e` 'nu` nirúu`~ tii`!

Joba` lalab` cañiitu` Jesús` quiá`- dsea` do:

—Lí`^` jii`~ e` laba` lí`^, e` song` ja` nirúu`~ u` tii`~ , joba` ja` qui`- jmii` jóng` e` líng`gui` dsea` quié`-e.

⁹ Joba` cañiitu` Tú` Simón` quiá`- dsea` do` jo` cajíñ`-:

—Jo` song` lajob` nilí` Fíi`i, joba` guiá`-gui` e` nirúu`~ba` la` quie` guóo`o` cóo`~gui` moguii`- cajo.

¹⁰ Jo` dsu` lalab` cañiitu` Jesús` quiá`- Tú` Simón` jo` cajíñ`-:

—Doñi` ii` dsea` i` lalí`- calá`-, joba` ja` 'né`- lá`-tur` ladsifí` lado, jo` jii`~ tii`-bre` 'né`- nirúu`~tur` có` sijním`^bre` latøoiñ`-. Jogui` 'nú`- lím`ba` dsea` sijgíng`^, nañi` fa` ja` lajaléng`na` líng`na` lajo.

¹¹ Jo` cajíng`- Jesús` lana` e` ja` lajíng`- i` dsea` do` líiñ` dsea` sijgíng`^, có` niñi`bre` guiá`- i` i` dsea` i` ni`ning`- ír` fí` quini` dsea` i` quie` nifi` quiá`- dsea` Israel.

¹² Jo` mi` tí` lí` cató` e` ru` Jesús` tii`- jaléng` i` dsea` guitúung` do` quiá`r-, joba` caquib`-tur` e` si`r`^ do, jogui` caguáb`-tur` e` fí` lí` guiiñ`- gø`r` do, jo` mifíng` cajíñ`- lala:

—¿Su` ñi`^` 'nú`- e` guóng` jalé` e` nicajmé`- e` qui`-na` na? ¹³ Có` 'nú`- ca`líng`~na` jnea` e` línn` Fíi`na` jogui` e` línn` Tifa` qui`-na`, jo` e` jáb`-, lajob` lí`^, có` lajob` dseáng`- línn`. ¹⁴ Jo` có` jnea`~, dsea` línn` Tifa` jogui` Fii` qui`-na`, nicarúu`~baa` tii`na` lajaang` lajaang`na`, joba` lajob` cajo` 'né`- jmée`^ 'nú`^, 'né`- rúu`~ba` tii`- dsea` rúng`na`. ¹⁵ Jo` jnea`~ nica`ée`-baa` 'nú`^ jial` 'né`- nijmee`-na` e` laco` 'nú`^ nijmee`-na` røøb` laco`gui` jii`~ e` nicajmé`- jnea`~. ¹⁶ Jo` e` laba` jmitaa`^ óo`na`, e` jii`~ jaang` dsea` 'léeng`~ niing`-guir` laco` fiir`~, jogui` e` jii`~ jaang` dsea` i` ngi` ta` quie` júu`^ niing`-guir` laco`gui` i` dsea` i` casíng`- ír` do. ¹⁷ Jo` song` ngám`ba` jalé` e` júu` na` jogui` jmiti`^bi` e` íaang`^ óo`na` cajo, joba` juguiáb`- niliseeng`na` jóng.

¹⁸ Jo` dsu` e` fá`a na` ja` catíng`- 'nú` lajíng`na`; có` ñi`baa` guiá`- i` jaléng` i` nicaguín`~n. Dsu` dseáng`- 'né`- litib` jii`~ laco` fé` fí` ni` jii` quiá`- Fidié` e` cajme` dsea` malii`gui` eáang` lí` fé`^ lala: “Jaang` lajee` dsea` i` gø`^ colíng` cóo`~baa` lana, ni`ni`^ níim`-bre` jnea`~.” ¹⁹ Jo` fii`-i` 'nú` e` júu` na` lana` e` lí`^ laco` niñi`ba` jéeng` mi` tí` lí` nidsijéé` jalé` e` jo. Jo` mi` tí` lí` nilí` lajo, joba` jáb`- nilíng`na` jóng` e` jneab` dseáng`- línn` jii`~ laco` fá`a e` línn`. ²⁰ Jogui` e` laba` jmitaa`^ óo`na`, e` doñi` ii` dsea` i` ni`íng` i` dsea` i` sánn`-n do, joba` ím`bre` jnea`~ cajo; jogui` doñi` ii` dsea` i` íng` jnea`~, joba` ím`bre` i` dsea` i` casíng` jnea`~ fí` jmigüi` la` cajo.

Mi` cajíng`- Jesús e` Judas Iscariotebing` i` ni`ning`- ír`

(Mt. 26:20-25; Mr. 14:17-21; Lc. 22:21-23)

²¹ Jo` mi` cangí` e` cajíng`- Jesús` lajo, joba` dseáng`- eáam` fí`í` calíñ`-, jo` cajíng`- casí`r- i` dsea` guitúung` quiá`r- do` jo` casí`- reiñ`:

—E` laba` jmitaa`^ óo`na`, e` jaang` lajee` la`ó` 'nú`bing` i` ni`ning`- jnea`~ fí` quini` i` dsea` quie` nifi` quiá`- dsea` góo`naa` dsea` Israel.

²² Jo` mi` canúu`- i` dsea` guitúung` do` e` júu` jo, jo` lico` cajøøng`- rúm`bre, jo` dsu` ja` calilí`r` i` dseáng`- i` éeng` Jesús` do. ²³ Jo` jaang` lajee` i` dsea` guitúung` i` iing` Jesús` eáang` do` dseáng`- cáam` dsea` do` guiiñ`-, jo` lajoba` cuøøm` sáññ` cóo`~ dsea` do` lajee` e` neáaiñ` gø`r`. ²⁴ Jo` có` huim`bigui` guíng`- Tú` Simón, joba` cajméer` lí` cóo`~ guóor` quiá`- i` dsea` i` guíng`- cáang` Jesús` do` e` laco` dsea` í` nijming`r`- dsea` do` i` lajee` ír` i` éeng` Jesús` do. ²⁵ Jo` i` dsea` i` guíng`- cáang` Jesús` do` cangoquiéiñ` quiá`-gui` laco` guíng`- dsea` do, jo` lalab` cajming`r`- dsea` do:

—Fíi`i, ¿i` i` dsea` i` julí` na?

26 J_oba' lalab cañí' Jesús quiá' dsea` do:

—Lana nijmi'leaa` c_oo` 'ná' j_iu` iñí'^, j_o j_i i dsea` i nicu^oø` e j_o, íb` i fá` a na. J_o dsifí' mi~ café' Jesús e júu` j_o, j_oba' cajmi'leá'bre e iñí'^ do, j_o i Judas i líng' j_oo` Simón Iscariote, íb` i cacu^or' e j_o. 27 J_o dsifí' mi~ ca'íng' i Judas do e iñí'^ do, j_oba' dsifí' laj_ob ca'í' fíi` i 'líng' i sii` Satanás fí' dsíir'. J_oba' lalab casí' Jesús ír`:

—Lajíi~ e nicalí' o' e nijmée'^, j_oba' jmeeb` lajmi'ná`.

28 J_o mi~ canúu` i dsea` i caguaiaang`gui do lajíi~ e cajíng' Jesús do, ja` cangáin' jiali' cajíng' dsea` do laj_o. 29 J_o c_o i e~ j_o i Judas Iscariote do líiñ' dsea` i sí'má'^ cuu` quiá' Jesús c_oo`gui quiá' i dsea` guitúung' quiá'r~, j_oba' i líng' i dsea` do ca'í' dsíir' e Jesús sí'r' i Judas do e líng' ee` nidsileáa' dsea` do quiá' e ni'nér` laj_iiñ' lajee` jmíi~ osi quiá' e nicu^or' jaléng' dsea` tiñíng` é.

30 J_o dsifí' mi~ ca'íng' Judas Iscariote e iñí'^ do, j_oba' cagüi'í'bre e fí' lí' neáaiñ' do. J_o nicanuub`.

Júu` laniing` quiá' Dsea` Jmáang`

31 J_o mi~ tí' lí' cangí' e cagüi'í' i Judas Iscariote do, j_oba' lalab casí' Jesús i dsea` quiá'r` i cajé'gui do:

—J_o lanab nicalilí' 'nú' jial tí' niguó'^ líng' Fidiée` mi~ calilí' jial tí' niguó'^ líng' jnea~, dsea` cagá'a fí' ñifí' j_o cagüén` n fí' jmigüi' la e lín'n jaang` dsea` jmigüi'. 32 J_o song laj_ob líi', e jnea~ dsea` cagüén` n fí' jmigüi' la lín'n jaang` dsea` jmigüi' e ni'éé'e 'nú' jial tí' niguó'^ líng' Fidiée`, j_oba' Fidiée` laj_ob nijmér` c_oo` jnea~ cajo, j_o lajee` tab~ nijmér` laj_o. 33 J_ogui 'nú', dsea` líng'na' j_oo`o, e laba' fíi' i 'nú' e j_o hu^oø` táang'guí' c_oo` 'nú' fí' la. J_ogui 'nú' ni'nam'^ba' jnea~ j_o dsu' j_o niguiéng'na' jnea~; c_o lí'^ laco'gui jíi~ e nicalíi` i dsea` Israel caguaiaang`gui ie~ lamí' jéeng'gui do, j_o laj_ob fíi' i 'nú' lana cajo e ja` cu^oøng` nigüilíng'na' fí' lí' niníng'^ jnea~. 34 J_o uing` e j_oba' e nicu^oø` 'nú' e júu` laniing` la e ja` mí' cafíi' i 'nú' lamí' jéeng'gui, j_o e lab e j_o: jmi'neáang'na' dsea` rúng'na'. J_o lí'^ laco' la 'neáang` jnea~ 'nú', laj_ob dseáng' 'né' jmi'neáang'na' dsea` rúng'na' cajo. 35 J_o song laj_ob jmoo'na' e dseáng' jmi'neáang'na' dsea` rúng'na', j_oba' laj_im` dsea` nililí'r` jóng e dseáng' dsea` quié`baa líng'na' song jmoo'ba' laj_o.

Mi~ cajmée` Jesús júu` e nijíng' T^u Simón e ja` cutiñ` dsea` do (Mt. 26:31-35; Mr. 14:27-31; Lc. 22:31-34)

36 J_o mi~ canúu` T^u Simón lajíi~ e cajíng' Jesús do, j_oba' cajmingí'r` dsea` do lala j_o cajíi`:

—Fíi', ¿jie` fí' lí' niguó'^?

J_oba' cañí' Jesús quiá' dsea` do j_o casí' reiñ':

—Ja` cu^oøng` niguøng'^ 'nu` lana e fí' lí' ninín'^n, j_o dsu' mi~ nilicøøng`guij_iu laj_o, j_oguiba' e nicu^oøng` guøñ'^ jóng.

37 J_oba' lalab cañí' T^u Simón quiá' Jesús j_o casí'r` dsea` do:

—Fíi', ¿jiali' ja` cu^oøng` e ninín'^n c_oo` 'nu` lana? iC_o' guiab' dsii` e nijáang' 'ñiá'a e nijúun` n e laco' nijmic_oo` 'nu'!

38 J_oba' lalab cañí' Jesús quiá' i T^u Simón do j_o casí' reiñ':

—¿Su dseáng' já' e nijmée'^ e laco' fó' na, T^u Simón? C_o' lana jmitaa` o' e lajee` e ná' gui e niquí' jaang` tuidsée', 'nu` nifo' 'ní' ya' e ja` cuín' jnea~.

14

Jesús líiñ' e fí' c_oo` e guilíng` dsea` fí' lí' guing` Tiquiá'r`

1 J_o mi~ cangí' e casíng` Jesús c_oo` i T^u Simón do, j_oba' lalab casí' guir i dsea` quiá'r` do:

—Ja`jmáang`~ yaang`na' fi'í 'nú', dsea`já' nicalíng`na' júu`quíá' Fidiéé', jogui ja`jmitúng` óó'na' cóo' júu`quíé`e, co' 'né` e jáb' nilíng`na' cajo. ² Co' fi' li` guíng` Tiquié`e fi' ñifí', féb' joo` e quíá' nigüéá` jaléng' dsea`quíá'r; cofa' ja` lí' lajo, joba' ja` mí` cafí' i 'nú' jóng e tí` li` ninín`n e niguiaa` guíá' fi' li` nigüiní`na' cóo' jnea` fi' li` guíng` Tiquié`e faco' lajo. ³ Jo mi` tí` li` cangí` e niguiaa` guíá' e fi' li` nigüiní`na' do, joba' nigáab`túu` calé' catú' fi' la e laco' nitøø` 'nú' e nigüilíng`na' cóo' jnea~, jo fi' job` nidsi'íé`ee' colíng` cóo' jnea~. ⁴ Co' niñib` 'nú' jie` fi' li` ninín`n jogui nicuú'bi' cajo e fi' e dsijéé' fi' jo.

⁵ Jo mi` cangí` e cajíng` Jesús e júu` jo, joba' jaang` lajee` i dsea`quíá'r` do i sii` Tomás lalab cañír` quíá' dsea` do:

—Fí'i, ja` ne` jnea` jie` fi' li` niguøng` 'nu, joba' zjal lí` e nilicuú'naa' jnang` e fi' jo?

⁶ Joba' lalab cañír` Jesús quíá' dsea` do:

—Jneab` dsea` lín`n e fi' e laco' cuøøng` nigüilíng` dsea` fi' ñifí', jogui jneab` dseáng` cuøøø` 'nú' e liñí`na' jalé` júu`quíá' Fidiéé', jogui jíi` jnea`bi` cuøøø` 'nú' cajo e seeng`na' cøøng` cóo' Fidiéé` lata`. Jo jíi` la'eéang` cóo' jneab` cuøøng` e nigüilíng` dsea` fi' quini` Tiquí`ii' Fidiéé'. ⁷ Jo song` nicuúim` 'nú' guíá' jnea` lana, joba' nilicuúim`ba' Tiquié`e cajo; jo dsu' latí` lanab` ninaang` cúing`na' dsea` do, co' nicañím`ba're.

⁸ Jo mi` calí` fé' Jesús e júu` na, joba' lalab cañír` jaang`gui dsea`quíá'r` i sii` Lii` do jo casí'r` dsea` do:

—Fí'i, cuøø` jnea` fi' e nineeng`naa' Tiquí`ii' dsea` guíng` ñifí', jo jíi` joba' mii`naa' 'nu.

⁹ Joba' lalab cañír` Jesús quíá' i Lii` do jo cajíñ`:

—Lii~, ningóob` eéang` e seen` jee` 'nú', jo zsu ja` mí` calicuúim`bi' jnea`? Dsaco' jaléng` dsea` i níng` jnea~, joba' i dsea` í` níim`bre Tiquié`e cajo; joba' zjalí' mii` jnea` fi' e laco' nimáang`na' Tiquí`ii'? ¹⁰ Jo zsu ja` já' lín` 'nu e jnea` cøøm` seeng` cóo' Tiquí`ii' jogui e Tiquí`ii' cøøm` seeñ` cóo' jnea` cajo? Co' jalé' e fi' i 'nú' na ja` fá'a e la tiñ` 'ñiá'a, co' Tiquí`ii' i seeng` cøøng` cóo' jnea` do, dsea` íb` i jmoo` lajii` ta` quíá'. ¹¹ Jo 'né` liñí`ba' e jnea` cøøm` seen` cóo' Tiquí`ii', jogui lajobi` ír` seeñ` cøøng` cóo' jnea` cajo, jo song` ja` já' líng`na' e júu` jo, joba' lico' já' güilíng`na' júu`quíé`e mi` móo`na' jalé' e jmoo`. ¹² Jogui e laba' jmitaa` óó'na' cajo, e doñí` ii` i já' líng` júu`quíé`e, joba' nijmé`bre jalé' e quíi` jmii` lí' laco'gui jíi` la nicajmé` jnea` cajo; jo dsu' sea`ba' do e nijmér` e niguø`gui eéang`, co' jnea` ninín`n e nijaa` cóo' Tiquí`ii' dsea` guíng` ñifí'. ¹³ Jo jalé' e nimii`na' Fidiéé' la'eéang` cóo' jnea~, joba' jneab` nijmee` e jalé' e jo quí`na', jo lajoba' nijmiféng` dsea` Tiquié`e Fidiéé' la'eéang` cóo' jalé' e jmoo` jnea` do. ¹⁴ Jo doñí' eeb` cuøøng` lí` jmee` jnea` song` camii`na' Fidiéé' lajo la'eéang` cóo' jnea~.

Mí` cacuø` Jesús júu` e nisíng` Fidiéé` Jmiguí` quíá'r`

¹⁵ Jo fi`guí` 'nú' e song` dseáng` lajang` júu` 'neéang`na' jnea~, joba' nijmées`ba' núu`na' júu`quíé`e jóng. ¹⁶⁻¹⁷ Joba' jnea` nimii` i Tiquí`ii' dsea` guíiñ` ñifí' e nisíñ` Jaang` i nijmicóo' 'nú', jo e job` lí' Jmiguí` quíá' Fidiéé' cóo' e cuø' 'nú' e liñí`na' jalé' júu`quíá' Fidiéé'. Jo e Jmiguí` do contøøm` niliseeng` cóo' 'nú'. Jo jaléng` dsea` i ja` mí` calíng` jnea~, joba' ja` quí' jmii` fa' e ni'íñ' e Jmiguí` do, co' ja` mí` cangár` o'gui cuíir` cajo; jo dsu' 'nú'gui nicuú'ba' e Jmiguí` do, co' niseem` cóo' 'nú' lana, jogui tí` li` nití` í' e niliseem` fi' áa`na' cajo.

¹⁸ Jo fi`guí` 'nú' e ja` quí' jmii` fa' niseéan`n 'nú' e lafa' 'núng`na', co' nigáab`túu` calé' catú' jo niliseem`túu` cóo' 'nú'. ¹⁹ Jo lajee` lab, jaléng` dsea` i ja` cúing` jnea` jo` niníng`guir` jnea~; jo dsu' 'nú' nimáam`tu' jnea~

jogui contøøm̄ niliseeng`na' cóo'~ jnea~ cajo, có' seem` jnea~ cóo'~ 'nú' lata~. ²⁰ Jo ie~ job nililí`na' e jnea~ cøøm̄ seen~ cóo'~ Tiquié`e, jogui 'nú' cøøm̄ seeng`na' cóo'~ jnea~, jogui jnea~ cøøm̄ seen~ cóo'~ 'nú' cajo. ²¹ Jogui i dsea` i íng` júu` quié`e jogui jmóor` núu`r~ jalé` e júu` jo, joba' i dsea` í cuø' lí e dseáng`~ lajam`ba' e 'neáaiñ` jnea~, jo lajob Tiquié`e nijmi'neáam`bre i dsea` i jmi'neáang` jnea~ do, jogui jnea~ nijmi'neáam`baa i dsea` í cajo, jogui ni'éé`baare jial dseáng`~ lín`n.

²² Joba' cañí` jaang`gui dsea` guitúung` quiá'- Dsea` Jmáang` i sii Judas, dsu' o' i Iscariote do, jo casí`r~ dsea` do lala:

—Fíi'i, ¿jialí' e ni'éeng` uø' fí' quini` jnea` jo o' fí' quini` jaléng` dsea` i ja` líng` dsea` góo`naa'?

²³ Joba' cañí` Jesús quiá'- i Judas do jo cajín`-:

—Jaléng` dsea` i jmi'neáang` jnea~, joba' jmóo`bre núu`r~ jalé` júu` quié`e; jo Tiquié`e Fidiéé` nijmi'neáam`bre i dsea` í cajo, jo lajob Tiquié`e colíng`gui cóo'~ jnea~ cøøm̄ nilisee`naa' cóo'~ i dsea` í. ²⁴ Jogui i dsea` i ja` 'neáang` jnea~, joba' ja` jmóor` núu`r~ jalé` júu` quié`e. Jo jalé`b' e júu` e fá' jnea~ la, o' dseáng`~ júu` quié`e e 'ñiá'a có' e quiá'- Tiquí`baa', jo íb` dsea` i casíng` jnea~ fí' jmigüi` la.

²⁵ Jo fíi` i 'nú' jalé` e júu` la lajee` e táam`bí cóo'~ 'nú' fí' jmigüi` la; ²⁶ jo dsu' mi~ ninín`n fí' ñifí` fí' lí` guing` Tiquié`e, joba' dsea` íb` i nisíng` Jmiguí` quiá'r~ cuaiñ` quié`e e laco' nijmicóo'~ 'nú', jo lajoba' niguiéng` áa`na' jalé` e júu` e nicafíi` i 'nú' lajee` e nicataang`naa' colíng`~, jogui ni'é' 'nú' jalé` e 'né` ní`na' cajo.

²⁷ Jo mi~ tí' lí` nití` í' e ninín`n, joba' niséé` e cóo'~ 'nú' e niliseem`ba' juguiá` cóo'~ Fidiéé`. Jogui nicuøø`baa 'nú' laco'gui la seeng` jnea~ juguiá` cóo'~ dsea` do, jo dsu' ja` nicuøø` e jo laco'gui la cuø' dsea` i ja` cúing` Fidiéé`. Joba' fíi` guí` 'nú' e ja` jmeáang` yaang`na' fí' í' uii` quiá'- jalé` e nidsing`ing`na', o'gui føøng`na' cajo uii` quiá'- jalé` e jo. ²⁸ Jo nicanúu`ba' e nicafíi` i 'nú' lami` jéeng`gui e ninín`n fí' lí` guing` Tiquí`ii', jo dsu' nigáab`túu jo niliseem`túu cóo'~ 'nú' calé` catú`. Jo faco' dseáng`~ já'- e 'nú' 'neáang`na' jnea~, joba' cali`íáam` óo`na' jóng mi~ caliñí`na' e ninín`n fí' lí` guing` Tiquí`ii' faco' lajo, có' í`bre dsea` níng`guir laco'gui jnea~. ²⁹ Jo uing` e joba' e fíi` i 'nú' jalé` e la e lí' laco' mi~ nití` í' e nidsijéé` jalé` e jo, jo lajoguiba' e já'- nilíng`na' jalé` e júu` quié`e do.

³⁰ Jo lana jo` 'ga' lí` siing`guí` cóo'~ 'nú', có' nijaquiéem` i fii` i 'líng` i quiu' ta~ fí' jmigüi` la, jo dsu' nañí` fa' ja` bí` óo` i fii` i 'líng` do e niquiá'r~ jnea~ ta~, ³¹ dsu' lajob dseáng`~ nisí`í' e nidsijéé` e laco' niliñí` jaléng` dsea` jmigüi` e 'neáam`baa Tiquí`ii' jogui e jmóo`o lajúi` ta~ e nicaquiur` quié`baa.

Jo mi~ cató' e fé' Jesús jalé` e júu` na, joba' cajín`- casí`r~ i dsea` guijáng` quiá'r~ do lala:

—Ráang`na' na, jo ma'uøø`duu' la.

15

Jesús líiñ` e huñg` jø` e jlo` siní`

¹ Jo mi~ cangf`gui lajo, lalab cajíng`-gui Jesús casí`r~ i dsea` guijáng` quiá'r~ do:

—Jnea~ lín`n e huñg` jø` e jlo` siní`, jogui Tiquié`e líiñ` laco' i dsea` jmáng` í` guiá` e huñg` jø` do. ² Jo song cóo` guo` e huñg` jø` quié`e do ja` cuø' mí` huñg` jø`, joba' niquiáb`- Fidiéé` e guo' jo; jo dsu' song guiá`-bí cuø' mí` huñg` jø`, joba' Fidiéé` ni`iá`-bre jogui nisám`-bre guo' quiá'- e laco' ní'f` jmiguiá`gui. ³ Jogui 'nú' lana nisiguiúm`ba' la'eáang` e nica`líng`na' lajúi`

júu[^] e nicafíi⁻ i 'nú'. ⁴ Jo güiliseem^{bi} cøong[`] colíing[~] cóo^l jnea[~] lí[^] laco[']gui la seeng[`] jnea[~] cøong[`] colíing[~] cóo^l 'nú'. Cofa['] coo['] guáng['] quiá⁻ mⁱ[^] huíing[`] jó[^] ja['] qui^l⁻ jmíi[~] níⁱ⁻ 'ñia['] song si[']naam[`] e guáng['] do quiá⁻ e huíing[`] quiá⁻; jo lajob lí[']gui cóo^l 'nú' cajo, ja['] qui^l⁻ jmíi[~] nijmee⁻na' e guiá⁻ song ja['] seeng[']na' cøong[`] colíing[~] cóo^l jnea[~].

⁵ Jo fíi⁻ túu['] 'nú' e jneab[~] líⁿ['] e huíing[`] jó[^] do, jogui 'nú' líng[']na' guáng['] quiá⁻ e huíing[`] do. Jo doñí['] íi['] dsea['] i seeng[`] cøong[`] cóo^l jnea[~], joba['] jnea[~] seem⁻baa cøong[`] cóo^l ír['] cajo, joba['] eáam['] íing[^] ta[~] jalé['] e jmóor[']; cofa['] ja['] seeíñ['] cøong[`] cóo^l jnea[~], joba['] jíi['] coo['] e guiá⁻ ja['] ee['] qui^l^r jmíi[~] jmér[^] jóng. ⁶ Co['] i dsea[']gui i litúng⁻ dsíi['] e seeíñ['] cøong[`] cóo^l jnea[~], joba['] i dsea['] í['] ní[']nam[']bre cóo^l jnea[~], joba['] ní[']im⁻ quiá^r⁻ lí[^] laco[']gui mⁱ[~] liquií^{uu} e guáng['] e si[']naang[`] quiá⁻ e huíing[`] jó[^] do, jo sitím['] jalé['] e jo, jo niné⁻ fí['] lí[~] nicób['] jóng.

⁷ Jogui song 'nú' ja['] tú[']na' e seem⁻ba' cøong[`] colíing[~] cóo^l jnea[~] jogui e teáb['] teáng[']na' cóo^l júu[^] quié⁻ e cajo, jo song lajob jmoo[']na', joba['] mí[']na' jnea[~] ee['] íing[~]na' jo lajob ní[']. ⁸ Jogui mⁱ⁻ 'nú' eáam['] íing[^] ta[~] jalé['] e jmoo[']na', jo e joba['] cuø['] lí[~] e líng[']na' dseáng['] lajang['] dsea['] quié⁻ e, joba['] nijmiféng['] dsea['] Tiquié[^] e Fidié[^] dsea['] guíing[~] ñíí⁻. ⁹ Jo jnea[~] eáam['] 'neáan['] 'nú' lí[^] laco[']gui la 'neáang['] Tiquí[']ii' jnea[~]; joba['] fíi⁻ i 'nú' e güiliseem^{bi} e ñí[']na' jial tí['] e 'neáan['] 'nú'. ¹⁰ Jo song 'nú' núu[']ba' jalé['] júu[^] quié⁻ e, joba['] seem⁻ba' e 'neáam[']bí['] 'nú' jóng lí[^] laco[']gui la jmoo['] jnea[~] núu[']ba' lajíi['] júu[^] quiá⁻ Tiquié[^] e, joba['] seem⁻baa e jmi[']neáang['] Tiquié[^] e jnea[~].

¹¹ Jo fón[']n 'nú' lana e lí[^] laco['] nilí[']íáang['] áa[']na' laco[']gui e íáang['] dsi['] jnea[~], jogui e dseáng['] la iéb['] nilí[']íáang['] óo[']na' cajo lí[^] laco['] catíng⁻ e líng['] dsea['] quié⁻ e. ¹² Jogui fíi⁻ túu['] 'nú' e júu[^] quié⁻ e e 'né⁻ lí^{ti}[~] do, jo e lab e júu[^] jo: 'né⁻ nijmi[']neáam[']ba' dsea['] rúng[']na' lí[^] laco[']gui jnea[~] jmi[']neáan['] 'nú' lajaang['] lajaang[']na'. ¹³ Jo e jmi[']neáang['] dsea['] rúíñ['] e laniing⁻gui eáang['] lí['] mⁱ[~] jáng['] 'ñia[']r['] e laco['] nijmicóo[']r['] dsea['] seeng['] røø['] cóo[']r['] nañí['] song cajúíñ['] dsu['] uí['] e cajméer['] lajo. ¹⁴ Jo song núu[']ba' jalé['] júu[^] quié⁻ e e nicafíi⁻ i 'nú' e 'né⁻ jmee⁻na', joba['] dsea['] seeng['] røø['] cóo^l jneab[~] líng[']na' jóng. ¹⁵ Jo lana jo líng[']na' dsea['] i líco['] jmoo['] ta[~] quié⁻ e, dsu[']co['] i dsea['] la['] jíi['] ja['] ñí['] e[~] uíing[~] e ta[~] e jmóor['] quiá⁻ i fíir[~] do. Dsu['] lana nilíng[']na' dsea['] seeng['] røø['] cóo^l baa, co['] nicacuøø⁻baa 'nú' e nicalíñí[']na' jalé['] e júu[^] e ca[']íin['] quiá⁻ Tiquié[^] e. ¹⁶ Jogui o['] 'nú' dsea['] caguíng[']na' jnea[~] e quíe⁻ ní[']fí['] quí[']na', dsu[']co['] jneab[~] dsea['] nicaguín['] 'nú' e laco['] ní[']uíng⁻na' dsea['] quié⁻ e, jogui nicacuøø⁻ 'nú' ta[~] e nigüíling⁻na' nigüijmee⁻na' jmang['] e nilí[']íing[^] ta[~] quí[']na' lata[~]. Jo lajoba['] Tiquí[']ii' Fidié[^] nicuø[']bre 'nú' jalé['] e nimí[']na[']re la'eáang['] cóo^l jnea[~]. ¹⁷ Jo e lab e fíi⁻ túu['] 'nú' do calé['] catú⁻ e 'né⁻ nijmee⁻na': nijmi[']neáang[']na' dsea['] rúng[']na'.

'Ní' níng⁻ dsea['] Jesús cóo^l gui jaléng['] dsea['] quiá^r

¹⁸ Jo fíi⁻ guí['] 'nú', dsea['] quié⁻ e, e ja['] güidsigá['] óo[']na' e 'ní' níng⁻ jaléng['] dsea['] jmíguí['] 'nú', dsu['] güilíñí[']na' guiá⁻ e jnea[~]bing['] la'uíi[~] i calí['] 'ní' níng⁻ jaléng['] dsea['] do. ¹⁹ Co['] faco['] 'nú' líng[']na' dsea['] jmíguí['] i ja['] cuíng['] jnea[~], joba['] nijmi[']neáam['] jaléng['] i dsea['] í['] 'nú' jóng lí[^] laco[']gui la jmi[']neáang['] rúíñ['] la'ó['] yaaiñ[']. Jo dsu[']co['] jneab[~] dsea['] caguín['] 'nú' jee[~] jaléng['] dsea['] jmíguí['] i ja['] cuíng['] jnea[~] e laco['] ní[']uíng⁻na' dsea['] quié⁻ e, jo uí['] e lajoba['] e jaléng['] i dsea['] í['] ní['] níñ['] 'nú', co['] 'nú' jo líng[']na' laco['] ír[']. ²⁰ Jo téé['] áa[']na' lajíi['] e nicafíi⁻ i 'nú' do: "Jíi['] jaang['] dsea['] jmoo['] ta[~] níing⁻guir laco['] fíir[~]." Jo quíe⁻na' cuente e gab['] nijmeáng['] dsea['] jnea[~], joba['] lajob['] nijmeáng['] dsea['] 'nú' cajo; jogui song ja['] mí['] calínúu[']r['] júu[^] quié⁻ e, joba['] lajob['] ja['] nilínúu[']r['] júu[^] quí[']na' cajo. ²¹ Jo jalé['] e ga['] na nijmeáíñ['] 'nú' uí['] e líng[']na' dsea['] quié⁻ e, jo nijmér⁻ lajo co['] ja['] cuíñ['] i dsea['] i casíng['] jnea[~] fí['] jmíguí['] la.

22 'Jo faco' mi~ jnea~ ja` cagüén~n fí jmigüü` la e caga'ée~ e dsea` jmigüü` júu` quiá'- Fidiée~, joba' ja` calilí'r` jóng e líiñ` dsea` røøng` dsee~ faco' lajo; jo dsu'co' lanagui nicagüém~ baa fí' la e quíe~ júu` quiá'- Fidiée~, joba' jo` cuøøng` lí fé'r` náng e ja` dsee~ røøiñ, co' dseáng'~ lajob líiñ'. 23 Jo jaléng' dsea` i` 'ní' níng~ jnea~, joba' la quíe' Tiquié` e dsea` guíng~ ñiff~ 'ní' níñ~ cajo. 24 Jo ja` dsee~ røøng` dsea` jmigüü` faco' mi~ jnea~ ja` cajmé~ e jee~ ír` jalé' e quí'~ i` jmí~ e cajmé~ e e jíi~ jaang` dsea` jiénng' ja` quí'r` jmí~ mi~ cajméer'. Jo ja` ee` lí' e nicangáb~ jaléng' i` dsea` i` jalé' e quí'~ i` jmí~ do, jo dsu' mí' 'noo'bi` 'ní' níñ~ jnea~ jogui` 'ní' níñ~ Tiquié` e cajo. 25 Jo dsijéé' jalé' e na, co' dseáng'~ 'néb~ líti` lajíi~ laco' tóo' fí' ni` ji` quiá'- Fidiée~ e cajme' dsea` malí~ gui eáang' lí' fé' lala: "Eáang' calí~ 'ní' níng~ dsea` jnea~ e jíi~ ja` uíng~ sea`."

26 'Jo dsu' mi~ niguiéng'~ túu` fí' ñiff~, joba' nisín~ n e Jmiguü` quiá'- Tiquí'ii' Fidiée~ e sáñ' e laco' nijmicóo'~ 'nú'; jo e Jmiguü` dob cajo e ni'é'~ 'nú' jalé' e ja' jogui e nífé' uii~ quíe~ e jalé' e ní' e jmóo'o. 27 Jogui` 'nú' cajo dsea` catíng~na' e nifo^na' uii~ quíe~ e fí' quini~ dsea` jmigüü', co' conrøøb` nicalisé'naa' jíi~ ie~ latí' mi~ calicuíng' rú'naa' do.

16

1 'Jo fíi~ i` 'nú' jalé' e júu` la e lí' laco' ja` nilitúng~ óo'na' e ja' líng'na' júu` quíe~ e. 2 Co' jaléng' dsea` góo'naa' dsea` Israel ni'uóñ'~ 'nú' fí' dsí' guá'~ quí'naa', jo jí'gui niguiéé' jmí~ e doñí' ií' dsea` i` nijngáng'~ 'nú' ní'~ dsíir' e lajoba' e jmitir~ ta~ fí' quini~ Fidiée~ fíng song cajméer' lajo. 3 Jo nijmér~ jalé' e na uíi~ e ja` mí' calicuíim`bir jnea~ o'gui mí' calicuíiñ` Tiquí'ii' dsea` guíng~ ñiff~ cajo. 4 Jo fíi~ i` 'nú' lana e lí' laco' mi~ nití' í' e nidsijéé' jalé' e jo, joba' niguiéng' áa'na' e nicafíi~ baa 'nú' jéeng'gui e nilí' lajo.

Lajíi~ ta` óo' Jmiguü` quiá'- Fidiée~

'Jo ja` mí' cafíi~ i` 'nú' jalé' e na latí' mi~ uíng~, co' lajee~ jo táam` jnea~ cóo'~ 'nú'. 5 Jo dsu' lanagui ngóo' catí' í' quíe~ e e ninín'~ túu` fí' ñiff~ e nijaa` cóo' i` dsea` i` casíng` jnea~ fí' jmigüü` la, jo jíi~ jaang` 'nú' ja` mí' cajmingíi'na' jnea~ jie~ fí' lí' ninín'~n. 6 Jogui` 'nú' lí' lí' jmoo'na' fí' íb^ dsu' fíi~ i` 'nú' jalé' e júu` na. 7 Jo dsu' dseáng'~ jáb~ júu` e fíi~ i` 'nú' la, e guíá~ gui ni'uíng~ quí'na' e niním'~baa. Co' fíng song ja` ninín'~n, joba' ja` quí'~ jmí~ jóng e nigüéeng~ i` nijmicóo'~ 'nú' fí' jmigüü` la, jo dsu' mi~ niguién'~n fí' ñiff~, joba' jneab~ dsea` nisín'~n i` nijmicóo'~ 'nú' fí' jmigüü` la. 8 Jo mi~ nigüéeng~ í', joguib nijmitar~ dsí' dsea` jmigüü` jalé' dsee~ quíaiñ'~ joguib jial lí' e seeng' dsea` e ja` éer' dsee~, jogui cajo jial í' Fidiée~ í' laco' catíng~. 9 Jogui e Jmiguü` do nijmita~ dsí' dsea` e líng' dsea` i` røøng` dsee~ uíi~ e ja` ja' líiñ` júu` quíe~ e; 10 jogui e Jmiguü` do cajo nijmita~ dsí' dsea` e jnea~ ja` røøn~ dsee~ co' niníng'~ túu` cóo'~ Tiquí'ii' Fidiée~ jo jo` nimáang~ gui' jnea~ fí' jmigüü` la. 11 Jogui cajo e Jmiguü` quiá'- Fidiée~ doba' nijmita~ dsí' dsea` jmigüü` e nica'íi~ b~ Fidiée~ í' laco' catíng~ quiá'- fí' i` 'líng' i` quí' ta~ fí' jmigüü` la, co' dseáng'~ latab~ ni'íñ' iihuí'.

12 'Jo jmiguiá'bi` jalé' e sea` nífi~ i` 'nú', dsu' ja` nífi~ i` 'nú' jalé' e jo dseáng'~ lana e lí' laco' ja` ni'uíng~ jmiguiá' quí'na'. 13 Jo dsu' mi~ tí' lí' nigüéeng~ e Jmiguü` quiá'- Fidiée~ do jee~ 'nú', joba' e job e nicá' jmang'~ júu` ja' quí'na', jogui e job cajo e ni'é'~ gui' 'nú' jalé' e ja` mí' cafíi~ i` 'nú' lana; co' ja` nífé' jíi~ laco' í' dsí' 'ñia' e Jmiguü` do, co' lajíi~ júu` e ni'íng' quiá'- Fidiée~, jíi~ joba' e nífé'; jogui cajo ni'é'~ 'nú' e~ jalé' e nidsijéé' fí' jmigüü` lajee~ lí' dsé'gui. 14 Jo e Jmiguü` do nífé' guíá~ uii~ quíe~ e, co' nicuó'~ 'nú' lajíi~ e ni'íng' quíe~ baa e laco' nilíñ'na' jalé' e jo. 15 Jo lajib` jalé' e sea` quiá'- Tiquí'ii' e quíe~ baa lí' cajo, jo uíi~ e lajoba' e fá'a e lajalé' e júu` e ni'íng' e Jmiguü` do jáa' fí' quíe~ baa, jo jaléb' e jo nicuó'~ 'nú' e níngáng'na'.

16 'Jo fíi~guíi 'nú' cajo e jo` huóø- táang`guíi jee~ 'nú', joba' jo` nimáang`gui' jnea~; jo dsu' mi~ ningí`guijiu lajo, joba' nimáam`tu' jnea~ calé' catú-.

Cateá'ba' e calíng`dsea`guijáng`quíá'- Jesús fí'í'

17 Jo mi~ canúu- i dsea`guijáng` do lajii~ júu^ e cajíng'- Jesús do, joba' canaaíñ`jmingí'- rúíñ' la'ó' yaaíñ` jo sáíñ`:

—¿E~gui guóng' e fé' i Fíi'naa' na mi~ jíñ'- e jo` huóø- dsé- e táang`guir fí' jee~ jneaa`aa', joba' jo` nineeng`guí're, jo dsu' mi~ ningí`guijiu lajo, joba' nineem`túu're calé' catú-? jogui ¿e~gui guóng' e jíñ'- e nidséíñ'- fí' lí' guíing` Tiquíá'r' fí' ñíff'-? 18 Jogui cajo, ¿e~gui guóng' e jíñ'- e jo` huóø- dsé- e táang`guir jee~ jneaa`aa'? Jo lana dseáng'- jíi~ capí^ ja`ngáng'naa' e` guóng' jalé' e fé'r' na.

19 Jo dsifib' calilí^ Jesús e i dsea`quíá'r- do líim~ ee`iíñ` nijmingí'r- dsea`do, joba' lalab cañíir`quíá'- i dsea`quíá'r- do jo cajíñ'-:

—Jnea~ nicafíi- i 'nú' e jo` huóø- dsé- e máang`gui' jnea~ fí' jmigüí' la, jo dsu' mi~ ningí`guijiu lajo, nimáam`tu' jnea~ calé' catú-. Jo ¿su e nab e iing`na' e ñí'na' do e` guóng'? 20 Jo dsu' jnea~ jmitaa`óó'na' e mi~ tí' lí' nití- e í' jo, joba' eáam' fí'í' nilíng`na' jóng'co' j`gui cartí' niquí^'ba', jogui ie~ jo jaléng' dsea`i ja`cuíng` jnea~ eáam' nijmi'íáang`dsíir'. Jo dsu' 'nú'gui cateá'ba' nilíng`na' fí'í' ie~ jo, co' cóo~ e joba' nijmé- e nilí'íáang`tu' óó'na'. 21 Co' e la lí' laco'gui mi~ jaang`dseam' íñ' iihuí' lajee`dsea`jmohuí'quíá'r- e liseeng`jiuung`quíá'r-; jo dsu' dsifí' mi~ caliséng`i yuu do quiá'r-, joba' íim- dsíir' lajii~ e iihuí' e ca'íñ' do, co' eáam' jmi'íáang`dsíir' dsu' uíi~ e nicaliséng`i yuu do quiá'r-. 22 Jo lajob líng' 'nú' fí'í' lana, jo dsu' mi~ nimáang`tu' jnea~ calé' catú-, joguiba' nilí'íáang`áa'na' dseáng'- laco' sí'í^, jo e jo jíi~ jaang`cuóøng` lí' jé'gui quíi'na' e íáang`óó'na' do.

23 Jo ie~ jmíi~ jo, jo` e nijmingíi~gui' jnea~ jíi~ coo; co' e já'-ba' e fíi- i 'nú' e ie~ jo Tiquí'ii' nicuó'-bre 'nú' jalé' e nimíi~na're la'eáang`cóo~ jnea~. 24 Jo dsu' latí' lana, jíi~ coo' ja` ee' mí' camíi~na're la'eáang`cóo~ jnea~; jo dsu' míi~na're joba' niñíim`ba', jo lajoba' nilí'íáang`óó'na' dseáng'- laco' sí'í^.

Jial laniing`'gøng`Dsea`Jmáang`

25 'Jo nicafíi- i 'nú' jalé' júu^ e huíng`jiu ngáng'na', jo dsu' tí' lí' nitíi- í' e jo` nífong`guíi 'nú' cóo~ jalé' e júu^ jo, co' ie~ jo dseáng'- condséeb' nífíi' i 'nú' cuaiñ`quíá'- Tiquí'ii' dsea`guiing`ñíff-. 26 Jo mi~ nití- e í' jo, 'nú' nimíi~na're e nijmicóo'r- 'nú' la'eáang`cóo~ jnea~; jo ja` fá' jnea~ e nimíi~i Tiquí'ii' uíi~ 'nú', 27 co' ñíab' Tiquí'ii' 'neáaiñ` 'nú' cajo uíi~ e 'neáam`ba' jnea~ jogui e já'- nilíng`na' e Fidié` dsea`casíiñ` jnea~ fí' jmigüí' la cuaiñ`quíá'r-. 28 Co' fí' lí' guíing` Tiquí'baa' cajú- u mi~ caguén`n fí' jmigüí' la, jo dsu' lanagui nitá'baa fí' la e laco' niníng`túu fí' lí' guíiñ` fí' ñíff-.

29 Jo mi~ cangí e cajíng'- Jesús lajo, joba' lalab cajíng'- i dsea`guijáng`quíá'r- do jo casí'r- dsea`do:

—Jo lanaguiba' fó' 'nu' condsée' dseáng'- laco' la ngáng'naa' náng. 30 Jogui lana nine~baa' cajo e lajib` ní' 'nu', joba' jo` 'né- fa' ii' nijmingí'-gui 'nu', co' cóo~ jíi~ e júu^ nab nijáb'- líi'naa' e Fidiéeb` dsea`casíiñ` 'nu' fí' jmigüí' la cuaiñ`quíá'r-.

31 Joba' cañíi` Jesús quiá'- i dsea`quíá'r- do jo casí'-reiñ':

—Jo ¿su lanaguiba' já'- nilíng`na' lajii~ júu^ e fíi- i 'nú'? 32 Jo dsu' lana dseáng'- ngóo' catíi- í' e nináng`sojóng`na' lajaang`lajaang`na' fí' la fí' na, joba' 'ñíá'baa nitiúung`guíi. Jo dsu' e já'- e ja` 'ñíá'a seen`cajo, co' seem` Tiquí'ii' colíng`cóo~ jnea~ contøøng-. 33 Jo fíi- i 'nú' jalé' e júu^ la e lí^ laco' niliseeng`na' juguíi- júu^ røø' la'eáang` e seeng`na' cøøng`cóo~ jnea~; jo 'nú'

fí jmiǵüü la ni'ling'na' iihuí, jo dsu' ja` jmitúng^ ó'na' uí~ e jo, co' jnea~ nicalí'baa fii~ i 'ling' i ngí ta~ jmiǵóøng` dsea` fí jmiǵüü la.

17

Mi~ camí Jesús uii~ quiá~ dsea` quiá'r~

¹ Jo mi~ cangí e café' Jesús jalé' e júu^ jo fí quini~ dsea` guiáng` quiá'r~, joba' caséer` nir~ fí yá'^ jmiǵüü jo cajíñ' lala:

—Teaa~, lanab catí í' quié~e, joba' jmi'goo' jnea~ e lí^ laco'gui jnea~ nijmi'goo~ 'nu. ² Co' 'nu nicacuóø~ jnea~ e oo~ ta~ jee~ jaléng' dsea` jmiǵüü e laco' jaléng' dsea` quií~ i nicacuóø~ jnea~, nicuóø^øre e niliseeiñ` cøøng` cóo' 'nu` lata~. ³ Jo niñíñ` e seeiñ` cøøng` cóo' 'nu` lata~ fing song calicuíñ` 'nu` jogui caliñir' e jíí~ 'nu` dsea` lin' Fidié~ i já~, jogui fing song calicuíñ` jnea~ cajo e lín'n Dsea` Jmaang~ i casíng` 'nu` fí jmiǵüü la.

⁴ Jo jnea~ nicajmi'goo~baa 'nu` jee~ jaléng' dsea` jmiǵüü, co' lana nicalám'baa lajíí~ ta~ quié~e e casín' jnea~ e cagajmée' e fí jmiǵüü la. ⁵ Joba' fón'n 'nu` lana, Teaa~, e nijmi'gooo' jnea~ mi~ niguién' túu fí cáan' na lí^ laco'gui la jmi'goo' 'nu` jnea~ fí ñiff~ quií~ lajíí~ ie~ mi~ ná~gui e catiroo~ jmiǵüü.

⁶ Jo jaléng' dsea` i caguíng' 'nu` jee~ jaléng' dsea` jmiǵüü e laco' ca'uíñ` dsea` quié~e, joba' nicajmé~baa e nicalíñir' i~ dseáng' líng' 'nu. Jo lajíing` dsea` i cacuóø~ jnea~ do, dsea` quií~ba' líñíñ, jogui lana nicalím'bre jalé' júu^ quií~. ⁷ Joba' lana jaléng' i dsea` quié~e do niñir' e jalé' e nicalíng' jnea~, 'nu` dsea` nicacuóø~ jnea~ e jo, ⁸ co' nicaní~baa jee~ jaléng' i dsea` quié~e la jalé' júu^ e ca'ín' quií~, jo nicalím'bre jalé' e júu^ jo. Jo dsea` do nicalíí~bre e dseáng' 'nu` dsea` casín' jnea~ fí jmiǵüü la, jogui dseáng' jáb~ líñíñ cajo e gáa' jnea~ fí lí guíng' 'nu` fí ñiff~.

⁹ Jogui lana mii' i 'nu` uii~ quiá~ jaléng' i dsea` í; jo dsu' ja` mii' i 'nu` uii~ quiá~ jaléng' dsea` jmiǵüü i ja` líng' dsea` quií~, dsu' jíí~ dsea` i cacuóø~ jnea~ dobing' i mii~ uii~ quiá~, co' jíí~ íbing' i líng' dsea` quií~. ¹⁰ Jo e quií~ 'nu` lajalé' e sea` quié~e jogui e quiéb~ jnea~ lajalé' e sea` quií~, jogui la'eáang' i dsea` la nijnéng` jial tí' niguó' lín'n.

¹¹ Joba' fii~guí 'nu`, Teaa~, jo nija'gui jnea~ fí jmiǵüü la, dsu' jaléng'gui i dsea` quié~e la nijé~bir fí jmiǵüü la lajee~ e niníng'^ jnea~ e nijaa^ cóo' 'nu. Jo co' 'nu` dsea` güean'^, joba' mii' i 'nu` e nijmée'^ í i dsea` quié~e la la'eáang' cóo' e 'gøñ' do lí^ laco'gui e nicacuóø~ jnea~ e 'gøñ'n cajo, jo lajoba' niliseeng' i dsea` quié~e la cøøng` cóo' jneaa~aa' lí^ laco'gui la seeng' 'nu` cóo' jnea~ dseáng'~ conrøø. ¹² Jo lajee~ e nicataan~n fí jmiǵüü la cóo' jaléng' i dsea` quié~e la, nicaneb'~ nii~re jogui nicajmé~baare í la'eáang' cóo' e 'gøng' quií~ lí^ laco'gui e nicuóø~ jnea~ e lín'n. Jo jíí~ jaang' i dsea` quié~e la ja` mí ca'naaiñ` cóo' jnea~, dsu' dseáng' jíí~ i jaang' i nijáng' jnea~ fí jaguó' jaléng' dsea` i 'ní' níng~ jnea~, jíí~ íbing' i nica'naang' conguaí, jo dsu' nicalí~ lajo e lí^ laco' niliti~ lajíí~ e tóo' fí ni~ jí quií~ii' e cajme' dsea` malí~gui eáang'.

¹³ Jo lanagui catí í' e ninín'n fí lí guíin'; jo dsu' jalé' e júu^ e fá'a la, fá'a lajee~ e táam`bí fí jmiǵüü la e lí^ laco' jaléng' i dsea` quié~e la nili'iaang' dsíir' dseáng' laco' sí' lí^ laco'gui la íaang' dsii~ 'ñiá'a cajo. ¹⁴ Jo jnea~ nicaní~baa júu^ quií~ jee~ i dsea` quié~e la, jo dsu' jaléng' dsea` jmiǵüü i ja` cuíng' 'nu` 'ní' níim~bre jaléng' dsea` quié~e la, co' jaléñ' la ja` jíí~ jalé' e 'lí' e sea` fí jmiǵüü la o'gui jnea~ jíí~ i jalé' e jo cajo. ¹⁵ Jo dsu' ja` mii' i 'nu` e laco' ni'uøøñ~ i dsea` quié~e e fí jmiǵüü la, co' lajíí~ e mii' i 'nu` e nijmée'^ í íbre e laco' ja` nijmiǵóøng' i 'ling' ír. ¹⁶ Jo lí^ laco'gui jnea~ ja` jíí~ i jalé' e 'lí' e sea` fí jmiǵüü la, joba' lajob líng' i dsea` quié~e la cajo, co' ja` jíí~ jalé' e jo. ¹⁷ Jo mii' guí 'nu` e

nijmigüeang' i dsea` quié` e la e laco' nijmér` lajii` ta` e niquiá'` quiá'` bre la'eáang` e nica'íñ'` jalé'` júu` quií'`. 18 Jo lí'` laco'gui` 'nu` casín'` jnea` jee` jaléng'` dsea` i ja` cuíng'` 'nu` fí'` jmigüi` la, joba'` lajob` jnea` cajo` nisín` n` i dsea` quié` e la jee` jaléng'` dsea` i ja` cuíng'` 'nu`. 19 Jo nijáang'` 'ñiá'` a e nijmee` e lajii` e iing` 'nu` e lí'` laco' i dsea` quié` e na nijáng'` yaaiñ` e nijmér` lajii` e iing` 'nu`. Jo nilí'` lajo` la'eáang` cóo'` e já'` líng'` i dsea` quié` e la jalé'` júu` quií'`.

20 Jo ja` mii'` i 'nu` dseáng'` jii` uii` quiá'` i dsea` quié` e la, co'` lajob` cajo` mii'` i 'nu` uii` quiá'` jaléng'` i ná` gui` i nijá'` líng'` júu` quié` e mi` tí'` lí'` ninúr` e júu` e ni'` i dsea` quié` e la. 21 Jo mii'` i 'nu` e jaléng'` i dsea` í` niliseeiñ` dseáng'` cøøng` lajee` la'ó'` rúíñ'` e laco'` ni'` uiiñ` lafa'` jaang` dsea` la'eáang` e seeiñ` cøøng` cóo'` jneaa` aa', Teaa~, lí'` laco'gui` seeng` 'nu` cøøng` cóo'` jnea` jogui` jnea` seen` cøøng` cóo'` 'nu`. Jo mii'` i 'nu` e güiliseem` bre cøøng` lajo` la'ó'` ír` lí'` dseáng'` laco'` si'í', jo lajoba'` nilijá'` líng'` jaléng'` dsea` jmigüi` e 'nu` b` dsea` casín'` jnea` fí'` jmigüi` la. 22 Jogui` nicacuøø` baa` jaléng'` i dsea` quié` e la e niligüeiñ` lí'` laco'gui` 'nu` nicacuøø` jnea` e nicaligüean` n, jo lajoba'` i dsea` quié` e la ni'` uiiñ` lafa'` jaam` dsea` lí'` laco'gui` la líng'` jnea` cóo'` 'nu` e jaam` dsea` lí'` i: 23 jogui` niliseeng` jnea` cøøng` cóo'` ír` jogui` 'nu` cøøng` cóo'` jnea~, jo lajoba'` ni'` uíng` lajiiñ` do dseáng'` lafa'` jaam` dsea, jo lajoba'` nilí'` jaléng'` dsea` jmigüi` e 'nu` b` dsea` casín'` jnea` fí'` jmigüi` la, jogui` e eáam` 'neáan` re cajo` lí'` laco'gui` la 'neáang` 'nu` jnea`.

24 Jo mii'` guí'` 'nu`, Teaa~, co'` 'nu` b` dsea` cacuøøñ` jnea` jaléng'` i dsea` quié` e la, joba'` iing` jnea` e seem` bre cøøng` cóo'` jnea` fí'` lí'` niní'`, jo lajoba'` ninír` jial` tí'` niguol` lí'` n` n, jo e job` e cacuøø` 'nu` jnea` do. Co'` lajii` lí'` ba'` e 'neáan` 'nu` jnea~, co'` lajii` latí'` mi` ná'` gui` e catiroo` jmigüi` ba'` e jmoo'` lajo` cóo'` jnea`. 25 Teaa~, dseáng'` e eáam` guiúng` 'nu`, jo fíim` dsea` i seeng` fí'` jmigüi` la ja` cuíñ` 'nu`; jo dsu'` jnea` dseáng'` lajam'` cuín` n` 'nu`, jogui` niñi` bi` jaléng'` i dsea` quié` e la e 'nu` b` dsea` casín'` jnea` fí'` jmigüi` la. 26 Jogui` nicacuøø` baar e caliñir` i` dseáng'` líng'` 'nu`, jogui` mi'` 'noo` bi` nifí'` ire lajo` cajo` e laco'` nijmi'` neáang` rúíñ'` lí'` laco'gui` la 'neáang` 'nu` jnea~; jogui` lajoba'` niliseeng` jnea` cøøng` cóo'` ír` cajo.

18

Mi` casang'` dsea` Jesús

(Mt. 26:47-56; Mr. 14:43-50; Lc. 22:47-53)

1 Jo mi` cangí` e casíng` Jesús cóo'` Tiquiá'r`, joba'` cagüi'` i` bre colíng` cóo'` i dsea` guiáng` quiá'r` do e fí'` dsí'` 'nu` tú` fíng` do, jo cangoliiñ` lí'` lí'` ngóo'` lí'` iu` coo` í'` e sii` Cedrón. Jo mi` catáñ` lí'` lí'` ngóo'` e í'` do, jo caguiliiñ` fí'` coo` dsí'` íá, jo fí'` job` calí'` Jesús colíng` cóo'` i dsea` quiá'r` do. 2 Jogui` i Judas Iscariote i nicanaang` 'níng` Jesús do, guiáb` cuír` e fí'` dsí'` íá` jo, co'` lamí` jéeng` gui` jmigui` b` yá'` caseáng` Jesús cóo'` i dsea` quiá'r` do e fí'` jo. 3 Jo fí'` job` caguié` Judas Iscariote ie` jo, jo nijéiñ` i fíng` 'léé` quiá'` dsea` romano cóo'` gui` coo'` tú` míng'` dsea` i néé` ni` guá'` quiá'` dsea` Israel i casíng` fí'` jmidsea` quiá'` dsea` do colíng` cóo'` i dsea` góor` i líng'` dsea` fariseo cajo. Jo jaléng'` i dsea` do quier` jalé'` ñisú'` cóo'` gui` jalé'` quí'` e coo` e laco'` cuo'` j'` e jné'r`. 4 Jo co'` niñi` bi` Jesús jalé'` e tí'` lí'` nidsingíiñ` do, joba'` mi` calilí'r` e caguilíng` i dsea` do fí'` jo, joba'` casíng'` 'ñia'r` tí'` quini` gui` laco'` la teáang` i dsea` quiá'r` do, jo lalab` cajmingí'r` i dsea` i caguilíng` do jo cajíñ`:

—¿Í'` ñilíng` na'` 'náng'` na'` fí'` la?

5 Joba'` cañi'` i dsea` do quiá'` Jesús jo cajíñ`:

—Jesús i seeng` fí'` Nazaret 'néng'` naa'.

Joba'` cañi'` Jesús quiá'ñ` do jo casí'r` dsea` do:

—Jnea~bi dsea`î.

Jõ ie~jõ dob quíng~ Judas Iscariote jee~i dsea`i caguilíng~ tóø` Jesús do. ⁶ Jõ mi~ tí lí~ cajíng~ Jesús e íbre siir` lajõ, jõba' lajím` i dsea` i caguilíng~ do cató~ yaaiñ~ ladsifí lana cartí caneáíñ~ uó~. ⁷ Jõ mi~ cangí jõ, Jesús cajmingí~ tur i dsea` do jõ casí~ reiñ`:

—¿Íi` dseáng~ i 'náng`na' fó`na'?

Jõba' caíi`tu i dsea` do quiá~ Jesús jõ cajíñ`~:

—Jesús i seeng` fí Nazaret 'néng`naa'.

⁸ Jõba' Jesús caíi`tur quiáíñ`~ do calé` catú~ jõ casí~ reiñ`:

—Jõ nicafí~baa 'nú` e jneab~ dsea`î, jõ song jneab~ dsea` 'náng`na', jõba' cuóø`ba' fí i dsea` quíe~ e la e nidsilíñ`.

⁹ Jõ café` Jesús e júu` na e lí` laco' caliti~ lajii~ júu` quiá~r~ e café`r` lamí~ jéeng`gui mi~ cajíñ`~ lala: “Tea~, jaléng` i dsea` quíi` i cacuóø`n~ jnea~ do, jíi` jaang` ja` ii` ca`naang` cóo~ jnea~.” ¹⁰ Jõ dsifí lanab cagui` Tú` Simón ñisú` e quier` ie~ jõ, jõ caquiú`r` cataang` logua~ dsée` quiá~ jaang` dseañú` i sii` Malco i nilíng` dsea` 'léeng` quiá~ i jmidsea` i laniing~ ie~ jõ. ¹¹ Jõ mi~ cangá~ Jesús quiá~ lajii~ e calí~ do, jõba' lalab casí~r~ Tú` Simón jõ cajíñ`~:

—Tú`, te`tu` ñisú` quií~ eáang` quiá~, co` Tiquié`baa i cuó` jnea~ e iihuá` la, jõba' 'né` ni`ím`baa jíi` laco' e nicuó~r~.

Mi~ cangojgeáaiñ` Jesús fí` quini` jaang` jmidsea` i sii` Anás

(Mt. 26:57-58; Mr. 14:53-54; Lc. 22:54)

¹² Jõ mi~ cangí jõ, jaléng` i 'lée~ do cóo~gui i fi~ quiá~r~ do colíng~gui cóo~ i dsea` Israel i néé` ni~ guá~ quiá~r~, casam~bre Jesús jõ ca`ñú`r` guoo` dsea` do. ¹³ Jõ la`uii~ cangojgeáaiñ` dsea` do fí quiá~ jaang` jmidsea` i sii` Anás, co` í nilíiñ` ngoo~ quiá~ i jmidsea` i sii` Caifás ie~ jõ, jõ i Caifás do líiñ` jmidsea` laniing~ quiá~ dsea` Israel ie~ jíi` jõ. ¹⁴ Jõ i jmidsea` Caifás lab cajo, lamí~ jéeng`gui casí~r~ dsea` i quíe` nifí quiá~ dsea` Israel e guiá~gui ni`uíng~ quiá~ jaléng` i dsea` í e nijúung~ jaang` dseañú` cuaiñ~ quiá~ góor` laco`gui e nijúung~ i fíng` i dsea` góor` do.

Mi~ cajíng` Tú` Simón e ja` cuiñ` Jesús

(Mt. 26:69-70; Mr. 14:66-68; Lc. 22:55-57)

¹⁵ Jõ mi~ cató~r~ Jesús fí quiá~ i jmidsea` Anás do, jõ tí`leám` gáng~ dsea` quiá~ Jesús laco' cangáng~ dsea` do, jaaiñ` do siir` Tú` Simón, jogui i jaang`gui do cuíim`rúíñ` cóo~ i jmidsea` laniing~ do, jõba' calí~biñ` do e fí dsíi` lí~ cató~r~ Jesús, ¹⁶ dsú` i Tú` Simón do fí caluu` o`nú` cajer`. Jõ mi~ calilí` i dsea` quiá~ Jesús i cúing` rúng` cóo~ i jmidsea` laniing~ do e caluub` cajé` Tú` Simón, jõba' cagüi`híbre fí caluu` jõ casíiñ` cóo~ i dseam` i sing` jmóo` í e jní` do e laco' nicuóíñ` do fí e ningíng~ Tú` Simón fí dsíi` sigui` quiá~ e 'núú` do, jõba' cacuó`biñ` do fí lajõ. ¹⁷ Jogui i dseam` i jmóo` í e jní` do, lalab cajmingí~r~ Tú` Simón jõ cajíñ`~:

—¿Su o` dsea` quiá~ i dseañú` i ni`í~ nabi`nu`?

Jõba' caíi` Tú` Simón quiá~ i dseam` do jõ casí~ reiñ`:

—U~, o` í jnea~.

¹⁸ Jõ co` ie~ jõ eám` güíi~, jõba' jaléng` dsea` 'léeng` i jmóo` ta~ sinúú` quiá~ i jmidsea` Caifás do cóo~gui jaléng` i néé` ni~ guá~ quiá~ dsea` Israel nínicaji`r` jí e sigui` do, jõ fí dob neáaiñ` jmiguiáíñ` ca' jí. Jõ fí dob cajé` Tú` Simón e jmiguiáíñ` cóoiñ` do cajo.

Mi~ caguiéng` Jesús fí` quini` fi~ jmidsea`

(Mt. 26:59-66; Mr. 14:55-64; Lc. 22:66-71)

19 Jo lajee˘ e teáang˘ i dsea˘ i jminguíang' e fí sigui˘ do, joba' dob iuung˘ Jesús cóo'˘ gui i fii˘ jmidsea˘ do e fí dsíí sinúu˘ do. Jo lajee˘ jo i fii˘ jmidsea˘ do canaaiñ˘ jmingí'r˘ Jesús uii˘ quíá'˘ dsea˘ quíaiñ'˘ do cóo'˘ gui jalé' e nica'e'r˘ jaléng' i dsea˘ í cajo.

20 Joba' lalab cañíi˘ Jesús quíá'˘ i dsea˘ do jo casí'˘ reiñ':

—Jnea˘ nica'ée˘ e jaléng' dsea˘ fí jee˘ dsea˘ fíim'; jogui contøøm˘ nica'ée˘ ere fí dsíí sinúu˘ guá'˘ jiu osi fí guá'˘ fé' quíá'˘ dsea˘ góo'˘ naa' dsea˘ Israel e si' fí Jerusalén e fí lí seáiñ' e laco' jmfíeiñ' Fidiée˘; jo ja˘ mí caguiá'a jalé' e júu˘ jo fa' cóo' lí ja˘ lí nú˘ dsea˘. 21 Joba', ¿jiali' jnea˘ jmingíi' e jo? Co' cuøøm˘ güijmingíi' jaléng' i dsea˘ i nicanúu˘ jalé' júu˘ quíe˘ e e nicaguiá'a do, joba' íbing' i nijmeá'˘ 'nú' júu˘ e˘ jalé' e nicafíi' ire do. Co' niñib' jaléng' i dsea˘ í jalé' e júu˘ e nicafá'˘ a do.

22 Jo mi˘ tí lí cañíi˘ Jesús quíá'˘ i fii˘ jmidsea˘ do e júu˘ jo, joba' jaang˘ i dsea˘ i néé ni˘ guá'˘ quíá'˘ dsea˘ Israel do cajnéer˘ moni˘ Jesús, jo mífíng˘ casí'r˘ dsea˘ do jo cajíiñ'˘:

—¿Su lanab ngíi'˘ quíá'˘ i fii˘ jmidsea˘ na?

23 Joba' cañíi˘ tu Jesús quíá'˘ i dsea˘ do jo casí'˘ reiñ':

—Song gab˘ lí e júu˘ e nicafá'˘ a na, joba' iin˘ n jmée'˘ júu˘ jiali' e lí lajo e nicafá'˘ a na; jogui song guiáb˘ lajii˘ e júu˘ e nicafá'˘ a na, joba' ¿jiali' caba' monii'?

24 Jo mi˘ cangí jo, i fii˘ jmidsea˘ Anás do caguiéiñ' Jesús e 'núung'˘ dsea˘ do fí quini˘ i fii˘ jmidsea˘ rúñ'˘ i sii˘ Caifás do.

Mi˘ cajíng'˘ tu Tú˘ Simón e ja˘ cuiñ'˘ Jesús

(Mt. 26:71-75; Mr. 14:69-72; Lc. 22:58-62)

25 Jo lajee˘ jo, dobi sing' Tú˘ Simón e jminguíaiñ' fí 'ni'˘ ji e fí sigui˘ do, jo cóo'˘ cajmingí'˘ i dsea˘ teáang˘ do ír˘ jo cajíiñ'˘:

—¿Su o' quíim'˘ bi 'nu˘ jee˘ dsea˘ quíá'˘ i dseañu'˘ i iuung˘ do?

Joba' cañíi˘ Tú˘ Simón quíaiñ'˘ do jo casí'˘ reiñ':

—U˘, o' í jnea˘.

26 Jo mi˘ cangí jo, jaang˘ gui dsea˘ 'léeng'˘ quíá'˘ i jmidsea˘ laniing˘ do i líng' ee˘ i dseañu'˘ i caqui'˘ Tú˘ Simón logua˘ do, jo dsea˘ í cajmingí'r˘ Tú˘ Simón lala jo cajíiñ'˘:

—¿Su o' 'nu˘ bi i camán˘ n mi˘ cangoséng'˘ naa' i Jesús na e fí dsíí íá' do?

27 Jogui calé' catú˘ cajíng'˘ Tú˘ Simón e o' dsea˘ í líiñ'˘, joba' dsifí mi˘ cangí lajo mífíng˘ caqui'˘ jaang˘ tuidsee˘ jóng.

Mi˘ cangojgeáaiñ'˘ Jesús fí quini˘ dseata˘ Pilato

(Mt. 27:1-2, 11-14; Mr. 15:1-5; Lc. 23:1-5)

28 Jo mi˘ cangí jo, caguíim'bre Jesús fí quíá'˘ i jmidsea˘ Caifás do, jo cangojgeáaiñ'˘ dsea˘ do fí quini˘ jaang˘ dseata˘ romano i sii˘ Pilato. Jo dsuco'˘ ie˘ jo nijaquíeeng˘ nijneáb˘, jogui guati'˘ ló˘ jmiib˘ cajo, joba' ja˘ cangotáang'˘ i dsea˘ Israel do fí dsíí e 'nu'˘ do, co' faco' mi˘ cajméer˘ lajo, joba' ja˘ jmitir˘ jóng lajii˘ júu˘ quíu' ta˘ quíá'r˘ quíá'˘ lajii˘ e quí'˘ tñiñ' e jmóor˘ mi˘ tí jmi˘ Pascua; jo co' ja˘ cangotáang'˘ guir fí dsíí jo, joba' cuøøm˘ dó'r˘ e jmiñi˘ e silíng˘ e gø'r˘ ie˘ jmi˘ jo. 29 Jo mi˘ tí lí cangá˘ dseata˘ Pilato e nitée˘ dsea˘ Jesús, joba' cagüi'ir˘ jo casí'r˘ jaléng' i dsea˘ do lala:

—¿E˘ dsee˘ e cuø'˘ na' i dseañu'˘ na?

30 Joba' cañíi˘ dsea˘ Israel quíá'˘ i dseata˘ Pilato do jo casí'˘ reiñ':

—Fa' jiu˘ gui i dseañu'˘ la ja˘ jmóor˘ ta˘ 'léé jee˘ jaléng' dsea˘, joba' ja˘ jáang'˘ naa're jóng fí quini'˘ faco' lajo.

31 Joba' lalab cañíi˘ dseata˘ Pilato quíá'˘ i dsea˘ Israel do jo cajíiñ'˘:

—Tee` 'nú` yaang`na` i` dseañu` góo`na` na` jo` quidsi`na` í` quiá`r` yaang`na` lí` laco`gui` la` qui` t`ng`na` cóo` júu` quiu` ta` qui`na`, 'nú` dsea` líng`na` dsea` Israel.

Jo` mi` canúu` i` dsea` Israel` do` e` júu` jo,` joba` lalab` cajíñ`:

—Dsu` jnea`, dsea` lí`naa` dsea` Israel, ja` sea` fí` qui`naa` quiá` dsea` romano` e` nicuó`naa` iihu` lí` doñi` i` dsea` carti` nijúuiñ`.

³² Jo` job` caliti` lajii` júu` e` cajíng` Jesús` lamí` jéeng`gui` quiá` jial` lí` 'mó` e` nitíñ`. ³³ Jo` mi` cangí` jo, ca`ib` tu` dseata` Pilato` fí` dsí` 'nu` quiá`r`, jo` cató`r` Jesús` fí` lí` quidsir` í`, jo` cajmingi`r` dsea` do` jo` cajíñ`:

—¿Su` 'nub` i` líng` dseata` dsea` féng` i` quié` nifí` quiá` dsea` Israel?

³⁴ Joba` cañi` Jesús` quiáñ` do` jo` casí`r` dsea` do:

—¿Su` uó`ba` iin` ní` e` jmingi` jnea` na, ofa` lí` canúu` e` fé` dsea` jiém` é?

³⁵ Joba` lalab` cañi` dseata` Pilato` quiá` Jesús` jo` casí`r` dsea` do:

—Ja` dsea` Israel` líng` jnea` la. Co` jaléng` dsea` góo` dsea` Israel` colíng`gui` cóo` jaléng` fii` jmidsea` qui`na`, dsea` í`bing` i` nicajáng` 'nu` fí` quini` la` lana. Jogui` 'nu`, ¿e` dsee` sea` qui` quiá` e` 'níng` dsea` 'nu`?

³⁶ Joba` lalab` cañi` tu` Jesús` quiá` i` dseata` do` jo` cajíñ`:

—Ja` sí`líng` jnea` e` niquiá` ta` laco`gui` quiu` ta` jaang` dsea` jmigü` fí` la, co` faco`lajo, joba` seem` dsea` quié` e` i` nijmeán`n` ta` e` laco` ja` nijáng` dsea` jnea` fí` quini` dsea` góo` dsea` Israel` faco`lajo. Co` lí` laco` fá`a` na, e` ja` sí`ín`n` e` niquiá` ta` laco` jaang` dsea` jmigü`.

³⁷ Joba` cañi` tu` dseata` Pilato` quiá` Jesús` jo` casí`r` dsea` do:

—Jo` 'nub` dsea` lin` dseata` dsea` féng` i` quié` nifí` quiá` dsea` Israel` liya.

Joba` cañi` tu` Jesús` quiá` i` dseata` do` jo` casí`reiñ`:

—Lajob` lí` lí` laco`gui` nicafé` na, e` jneab` i` dseata` dsea` féng` í`. Co` jnea` cagá`a` fí` jmigü` la` mi` cangáan`n` e` laco` niguiaa` jalé` júu` já`. Jo` jaléng` dsea` i` já` líng` e` júu` jo, joba` dsea` quié`baa` líñ, co` núu`bre` jalé` júu` quié`e`.

³⁸ Jo` mi` canúu` dseata` Pilato` lajii` júu` quiá` Jesús, joba` cajmingi`r` dsea` do` lala` jo` cajíñ`:

—Jo` ¿jnan` e` júu` já` do?

Mi` cahu` ta` e` nijúung` Jesús

(Mt. 27:15-31; Mr. 15:6-20; Lc. 23:13-25)

Jo` mi` cangí` e` cajmingi` dseata` Pilato` e` júu` jo, joba` cagü`ib`tur` calé` catú` fí` lí` teáng` i` dsea` Israel` do` e` laco` nisíng`tur` cóoiñ` do` calé` catú`, joba` lalab` casí`r` i` dsea` do:

—Jii` cóo` dsee` ja` niguié` jnea` e` nica`ée` i` dseañu` la. ³⁹ Jo` co` 'nú` qui` t`ng`na` e` laan` jaang` dsea` góo`na` i` sijníng` lajee` mi` tí` jmi` qui`na` e` catí` lana` e` sii` Pascua, joba` jmingi` 'nú` lana, ¿su` iing`na` e` nilaan` i` dseata` dsea` féng` qui`na` i` sing` la?

⁴⁰ Jo` mi` canúu` jaléng` dsea` Israel` i` teáng` do` ie` jo` e` júu` quiá` i` dseata` Pilato` do, joba` lajim`bre` canaaiñ` ta`r` mii` jo` fé`r`:

—Ja` laan` i` dsea` na! Jo` leaang` Barrabás!

Jo` i` Barrabás` i` éeiñ` do` sijñiñ` do` dsu` uí` e` jmóor` ta` 'ní` níng` dseata`.

19

¹ Jo` mi` canúu` dseata` Pilato` lajii` júu` e` casí`r` dsea` ír` do, joba` caquiur` ta` e` nisám` i` 'léé` quiá`r` do` Jesús` e` laco` nibóong`neiñ` do` cóo` loo` jó` e` lí` 'nií`. ² Jo` mi` cangí` jo, i` 'léé` do` cajméer` cóo` lí` corona` cóo` layaang` tóo, jo` e` job` catá`r` fí` mogui` Jesús, jogui` cajliñ` dsea` do` cóo` cóo` 'mi` niung` e` lí`

laco' e quie' dsea` niing` i quiu' ta. ³ Jo mi~ cangf jo, cangoquieeiñ' fi' quiá'- li~ sing' dsea` do, jo lalab canaañ` lóøiñ` dsea` do jo sí'r lala:

—iGüiliseem` huøø^, dseata~ dsea` féng' quiá'- dsea` Israel!

Jo lajee` jo jnóor' fi' moni~ dsea` do.

⁴ Jo mi~ tí li~ cagüi'ñ' tu dseata~ Pilato e fi' li~ teáang` i dsea` Israel do, joba' lalab casí'- reiñ' do jo cajíñ'-:

—E laba' fii` i 'nú', e lab nisín'^n i dseañu' la fi' quini'^na' e laco' niliñi'^na' e jii'~ coo` dsee` ja` mí cadse'e quiá'r~, co' lajib` nicajmingí'~ire.

⁵ Jo lajee` job cagüi'ñ' Jesús e ni'iu~ e lí^ corona e líí cóo'~ yaang` tóo' do fi' moguir~, jogui jliñ` e 'mi' e niung' huñg` do. Jo lajee` nising' Jesús fi' quini` i dsea` do, lalab cajíng'- dseata~ Pilato e sí'r jaléng' i dsea` teáang` do ie` jo:

—iLab nising' i dseañu' la fi' quini'^na' náng!

⁶ Jo mi~ tí li~ cangá` jaléng' fii~ jmidsea` quiá'- dsea` Israel cóo'~ gui jaléng' dsea` i néé` ni` guá'- quiá'r` e nising' Jesús do, joba' lalab canaañ` áñ` i dseata~ do jo fé'r`:

—iFí dse` crúu^ teáang` i dsea` na!

Joba' cañi` dseata~ Pilato quiá'- i dsea` teáang` do ie` jo, jo casí'- reiñ':

—Tee`ba're, jo yaam`ba' güiteáang`na're fi' dse` crúu^, co' jnea` ja` mí cadse'e jii'~ coo` dsee` quiá'r` quiá'- lajii'~ e nicajmingí'~ire.

⁷ Jo dsu' lalab cañi` i dsea` Israel i teáang` do ie` jo quiá'- dseata~ Pilato jo casí'r` dsea` do:

—Seab` coo` júu^ quiu' ta~ quí` jnea^, dsea` líí' dsea` Israel, jo lalab líí': Song jaang` dsea` fé'r` e røøb` cóøiñ` cóo'~ Fidié~, joba' né` nijúum` bre jóng. Jo lajob líí' cóo'~ i dsea` na, joba' dseáng'- 'né` nijúum` bre.

⁸ Joba' mi~ tí li~ canúu` dseata~ Pilato e júu^ jo, eáang` gui cafóñ' jóng. ⁹ Jo ca'ib` tur e fi' li~ quiu'r` ta` do colíing` cóo'~ Jesús, jo fi' job cajmingí'r` dsea` do jo cajíñ'-:

—¿Jie` fi' li~ ñí' 'nu`?

Jo dsu' Jesús jii'~ coo` ja` e cañi'r` quiá'- dsea` do. ¹⁰ Joba' cañi` tu dseata~ Pilato jo casí'r` Jesús jo cajíñ'-:

—¿Su ja` iin'` ngüi'~ jii'~ coo` quie` e jóng? ¿Su ja` ñí' 'nu` e cuøøm` nifí'i dsea` quie` e e niteáñ` 'nu` fi' dse` crúu^, jogui cuøøm` bi cajo e nifí'~ire e nileáñ` 'nu` faco' lajo?

¹¹ Joba' lalab cañi` Jesús quiá'- i dseata~ do jo casí'r` dsea` do:

—Jii'~ coo` bí ja` sea` quí'~ e niquiá' ta` quie` e faco' ja` Fidié` nicacuø'r' 'nu` e catín'- lajo; joba' i dsea` i cajáng' jnea` fi' jaguóo', eáang` guib røøiñ` dsee` laco' gui 'nu`.

¹² Jo job mi~ canaang` dseata~ Pilato e 'nó'r` jial nileáñ` Jesús, jo dsu' mi` calilí^ i dsea` Israel do e jo, joba' canaañ` ta' guir mii'~ jo sí'r` dsea` do lala:

—Song nilaan' i dsea` na, joba' líí' lafa' 'ní' máam`ba' jóng i dseata~ dsea` féng' i guíing` fi' Roma, co' lí^ doñí` i dsea` i jíng'- e líiñ` jaang` dseata~ dsea` féng', joba' líí' lafa' e 'ní' níim` bre i dseata~ i guíing` fi' Roma do.

¹³ Jo mi~ tí li~ canúu` dseata~ Pilato e cajíng'- i dsea` Israel do lajo, joba' caquiur' ta` e niguím` biñ' do Jesús jo nidsijeeñ` dsea` do dseáng'- li` quidsí' dseata~ Pilato í' quiá'- dsea` fi' coo` lí` sii` Gabata, jo cóo'~ jmí' hebreo guóng' Guíá' fi' lí` Siníi' Cuu`. ¹⁴ Jo ie` jo dseáng'- guati'ló` jmí' Pascua quiá'- dsea` Israel, jo ná' guieñí'b'` níngóo' mi~ cajíng'- dseata~ Pilato e casí'r` i dsea` Israel do:

—iLab sing' i dseata~ dsea` féng' i quie' nifí' quí'~na'!

¹⁵ Jo dsu' jaléng' i dsea` do canaañ` ta' tur mii'~ jo fé'r`:

—iGüijúung` i dseañu' na fi' dse` crúu^!

Joba' cajmingí' dseata~ Pilato jaléng' i dsea` do jo casí' reiñ':

—¿Su jneab~ catín~n nijngán'^n jaang` dseata~ dsea` féng' i quie' nifí' quí'na'?

Joba' cañi' jaléng' fii~ jmidsea` i teáng~ do ie~ jo, jo casí'r~ i dseata~ do lala:

—iDseáng' jii' dseata~ dsea` féng' i guing~ fí' Roma, jii' dseata~ íbing' i seeng` quí'naa'!

¹⁶ Joba' dseata~ Pilato cajám'^bre Jesús fí' quini' jaléng' i dsea` do ie~ jo, jo i dsea` do cangojém'^bre Jesús fí' li~ nitáng~ dsea` do fí' dse'^ crúu^.

Mi~ catáng~ Jesús fí' dse'^ crúu^

(Mt. 27:32-44; Mr. 15:21-32; Lc. 23:26-43)

¹⁷ Joba' ca'uøøm` i dsea` do jéeiñ' Jesús, jo 'ñiab' dsea` do dsíiñ' crúu^ quiá'r~ cangór~ fí' cõõ' li~ sii' Cuõ' Mogui~ 'Li~ e sii'bi Gólgota cõõ'~ jmí' hebreo e fé' dsea` Israel. ¹⁸ Jo mi~ caguiliñ' fí' jo, joba' fí' job cateáiñ` dsea` do fí' dse'^ crúu^, jo jaang`gui dsea` taang~ la cataang` cáaiñ` fí' dse'^ crúu^ cajo. ¹⁹ Jo ie~ jo i dseata~ Pilato do caquiá'r' ta~ e nitõ~ fí' yá'^ gui~ crúu^ quiá'~ Jesús e júu^ la: “Jesús i seeng` fí' Nazaret, dseata~ dsea` féng' quiá'~ dsea` Israel.” ²⁰ Jo e jo catõ~ cõõ'~ 'ni' íing'~ jmí', jmí' latín cõõ'~ jmí' hebreo jogui jmí' griego. Jo fíim' dsea` Israel ca'í'r' e júu^ jo ie~ jo, cõ' e fí' li~ catáng~ Jesús do ja' huí' eáang' laco' la neé' fí' Jerusalén. ²¹ Jo dsu' mi~ cangá~ fii~ jmidsea` quiá'~ dsea` Israel lajii' júu^ e toõ~ fí' yá'^ crúu^ quiá'~ Jesús, joba' lalab casí'r~ i dseata~ Pilato do jo cajíñ'~:

—Guiá~gui ja' nitõ~ e júu^ na, jo güitõ~ lala: “Lab i jmigõõ' e líiñ' dseata~ dsea` féng' quiá'~ dsea` Israel.”

²² Jo mi~ canúu~ dseata~ Pilato e júu^ jo, joba' lalab cañi'r' quiá'~ i dsea` do jo casí' reiñ':

—Lajii' e júu^ e nicaquiá'~u ta~ e nicatõ~ na, dseáng'~ lanab nijé~.

²³ Jo mi~ tí' li~ cangí' e cateáng~ i 'lée~ do Jesús fí' dse'^ crúu^, joba' casitíiñ' sí'^ dsea` do jo cajméer` guiéé^ lajee~ quiúuiñ' la'ó' líiñ' 'lée~, jmacõ' e 'mi' do quiá'r~ lajaang' lajaañ'. Jo dsu' e sí'^ Jesús e cõõ'gui do, 'mi' contøøm~ lí' jo ja' sí'mi' cajo. ²⁴ Jo lajee~ jo i 'lée~ do canaañ' sáañ' la'ó' yaaiñ~ lala:

—Ja' guing~ nisiing~naa' e 'mi' na, jo macó'oo' ne~duu' i~ nilí' nicõõ'.

Jo cõõ' e nab caliti~ jii' laco' la fé' fí' ni~ jì' quiá'~ Fidiéé' e cajme' dsea` malii~gui eáang' li~ fé' lala: “Cajméeb` dsea` guiéé^ jalé' sí' i, jogui cacóor` quiá'~ i~ nilí' e sí' i e contøøng~ do.” Jo lajob dseáng'~ cajméé' i 'lée~ do cõõ' sí' Jesús.

²⁵ Jo lajee~ e táang` Jesús fí' dse'^ crúu^, dob teáng~ quiúung~ dseamí' e tíi~ laco' sí' e crúu^ do; jo jaañ' do líng' niquiá'^ Jesús, jogui jaang`gui rúng' dsea` ngáang'~ cõõ' niquiá'r^, jogui jaang`gui i sii' Yá^ i líng' dseamí' quiá'~ jaang` dseañu' i sii' Cleofas, jo jaang`gui i sii' Yá^ i seeng` fí' Magdala. ²⁶ Jo lajee~ job cangáng~ Jesús niquiá'r^, jo cáang` i niquiá'r^ do sing' jaang` dsea` quiá'~ Jesús i eáang' 'neáañ', jo lajee~ jo lalab casí'~ Jesús i niquiá'r^ do e éeiñ' i dsea` quiá'r~ i iñ~ eáang' do jo cajíñ'~:

—Janú', dseamí', nab sing' i líng' laco' jóõ' do.

²⁷ Jo mi~ cangí' e jíñ' e jo, joba' casí'r~ i dsea` i iñ~ eáang' do lala:

—Nab sing' i líng' laco' niquí'^.

Joba' mi~ cajíng'~ Jesús lajo, i dsea` i iñ~ eáang' do ca'ím'^bre niquiá'^ dsea` do e líiñ' do laco' dsea` sinúu^ quiá'r~.

Mi~ cajúng~ Jesús

(Mt. 27:45-56; Mr. 15:33-41; Lc. 23:44-49)

28 Jo mi'máing-guijiu lajo, jo co' niñib' Jesús e nicatób' jalé' ta~ quiá'r-, jogui e laco' niliti' jii' laco' fé' fi' ni' jì' quiá'- Fidiée' e cajme' dsea' malii' gui eáang', joba' cajíñ'- lala:

—Dsíng'- jmi'jmiin-.

29 Jo ie~ jo nisi' coo' dsuu- e røøng` a~ jmi'^ mi'^ huíng` jø'^ e nijj', joba' cayé' dsea' e jmi'^ mi'^ huíng` jø'^ do cóo'~ coo' joo', jo casiguír' fi' coo' yú'^ sñ-, jo cóo'~ e job ca'úuiñ' fi' mo'oo- Jesús. 30 Jo cayub' Jesús e jmi'^ mi'^ huíng` jø'^ jì' do. Jo mi~ cangf jo, joba' cajíñ'-:

—Nab nicató' lajii' ta~ cagá-a.

Jo co' cató' e café'r' e júu^ jo, jo cajgiéer- moguir~ jo mifíng` cajúm-bre jóng.

Mi~ ca'ia' jaang` léé- ñisui' fi' mo'uóø' Jesús

31 Jo ñia' ie~ jmi~ e cajúng- Jesús do, líi' e guati'ló- jmi~ Pascua quiá'- dsea' Israel, jo co' ja' quí' tíng` i dsea' í fa' e seáang- 'lii~ quiá'r- fi' dse' crúu^ lajee' e jmi~ jo, co' dseáng'- jmi~ e laniim- quiá'r- ie~ jo, joba' camí' dsea' Israel fi' i dseata~ Pilato do e nicuóñ'- do fi' e nijér- tii- i dsea' taang~ dse' crúu^ do e laco' nijúuiñ'- do jminá-gui, jo lajoba' cuóøng` e nijgiáaiñ' do e fi' lí' taaiñ'- do. 32 Joba' cangim` i 'léé- do fi' e nidsilíñ- e nijér- tii- i dsea' gaang` i taang~ dse' crúu^ do; jogui lajob cajméer', cajée'bre tii- i dsea' la'uii~ i táang` dse' crúu^ cáang` Jesús do; jo mi~ cangf jo, lajob cajméer' quiá'- i dsea' jaang`gui do i táang` dse' crúu^ cajo ca' dse' crúu^ lí' táang` Jesús. 33 Jo mi~ caguilíng- i 'léé- do fi' lí' táang` Jesús fi' dse' crúu^, joba' calilí'r' e ni'liim~ dsea' do, joba' jo' e cajmeáiñ' dsea' do fa' cajée'guir tiiñ'-.

34 Jo nañí fa' e calilí' i 'léé- do e ni'liim~ Jesús, dsu' jaang` lajee' la'ó' ír' ca'iar' ñisui' fi' dse' mo'uóø' dsea' do, jo ladsifi' lanab catuu' jmi~ cóo'~ gui jmi'øøiñ'-.

35 Jo i dsea' i fé' e júu^ la, dseáng'- e já'-ba' e cangár- laco' calí-, joba' dseáng'- jáb'- júu^ e fé'r' do e laco' jaléng' 'nú' jáb'- nilíng'na' dseáng'- laco' calí-. 36 Jo cangojée' jalé' e la e lí' laco' caliti' lajii' júu^ quiá'- Fidiée' e fé' fi' ni' jì' quiá'r- e cajme' dsea' malii' gui eáang' lí' fé' lala: "Jii' coo' móo' teáaiñ' ja' nijé'." 37 Jogui fé'bigui cajo lala e fi' ni' jì' jo: "Nimáam~baa' i dsea' i líng` eé' ca'ia' dsea' quiá'-."

Mi~ ca'áng- Jesús

(Mt. 27:57-61; Mr. 15:42-47; Lc. 23:50-56)

38 Jo mi~ cangf e caléng- Jesús ñisui', joba' ie~ jo cangó- jaang` dseañu' i sii' Sé^ i niseeng` fi' coo' fi' e sii' Arimatea, jo cangór- cangomii'r' dseata~ Pilato fi' e nidsijgiáaiñ' Jesús fi' lí' táang` dsea' do fi' dse' crúu^ jo nidsijéeng'neiñ' fi' lí' ni'áiñ-. Jo i Sé^ do nilíiñ' jaang` dsea' quiá'- Jesús, dsu' jii' la ñir' ñia'bre, co' 'góm'bre jaléng' dsea' Israel fíng song caliñiñ' do e nilíiñ' lajo. Jo cacuøb' dseata~ Pilato fi' lajo, jo cangób- Sé^ e cangojgiáaiñ' Jesús fi' lí' táang` dsea' do fi' dse' crúu^, jo mifíng` cangojéiñ' dsea' do fi' lí' ca'am-biñ'. 39 Jo jaang`gui i sii' Nicodemo cangór- cajo colíng` cóo'~ i Sé^ do fi' lí' sing' crúu^ fi' lí' táang` Jesús. Jo i Nicodemo do quier' jié' ja' guiguí kiil~ e jmeafii' jlo'^ e sicáng' cóo'~ tú- íng'~ mii', coo' e sii' mirra jogui cóo'~ gui e sii' áloe. Jo i Nicodemo la, íb' i cangó- cangosiing` cóo'~ Jesús coo' née' e canuu-. 40 Jo lajob i Sé^ do cóo'~ gui Nicodemo cajgiáam-bre Jesús fi' dse' crúu^, jo mifíng` canaaiñ' súuiñ- dsea' do jalé' e jmeafii' do jo caquíng'neiñ' cóo'~ coo' 'mi' té' e siyá'^ e jmi~ jmeafii' do, co' lajob quí' tíng` jaléng' dsea' Israel e jmóor` cóo'~ jaléng' 'lii~ quiá'r- mi~ ni'áang- neiñ'. 41 Jo e fi' lí' cateáaiñ- Jesús fi' dse' crúu^, fi' job nilíi' coo' dsí' íá, jo e fi' jo nisea' coo' too' ée' e 'mii- lí' jii' jaang` ja' ii' mi' ca'áng-. 42 Jo e fi' dsí' e too' ée' do cangojéiñ' Jesús e ni'áiñ-, dsuco' quiáb'- lí' nilíi' e too' ée' do, jogui co' nijaquíem' cajo e jmi~ e jmi'íng' dsea' Israel.

20

*Mi cají'tu Jesús**(Mt. 28:1-10; Mr. 16:1-8; Lc. 24:1-12)*

¹ Jo la'uii~ jmi~ quiá~ e seamaan~ mi~ cangî e jmi~ do, e ee'bi eáang' lajee~ ná~gui e nijneá~, cangó~ Yá^ i seeng' fí Magdala fí li~ ca'áng~ Jesús; jo mi~ caguiér~ fí jo, joba' cangár~ e nisijéb'^ e cuu~ e cajlii~ e fí oo~ too' e li~ ca'áng~ dsea' do. ² Jo mi~ tí li~ calilí'r^ e jo seeng' Jesús e fí dsí' tó' ée' do, joba' caquim~tur güi'í' e fí li~ guing~ Tú^ Simón colüing~gui cóo~ i dsea' quiá~ Jesús i 'neáaiñ` eáang' do. Joba' lalab cajíng' i Yá^ i seeng' fí Magdala do mi~ caguiéiñ' jo casí~reiñ':

—Ninicaguim` dsea' Fí'naa' e fí li~ ca'áiñ~ do, jo ja` ne~naa' jie' fí li~ nicangojéeiñ`.

³ Jo mi~ canúu~ Tú^ Simón cóo~gui i dsea' rúíñ' i jaang'gui do lajii~ júu^ e quiee' i Yá^ i seeng' fí Magdala, joba' dsifib' ca'uøøiñ` e cangoliñ` lajminá~ e fí li~ ca'áng~ Jesús do. ⁴ Jo laji~ huáam~bre ngoliñ` cuüir~, lifa' i jaang'gui do jminá~gui cangór~ laco' Tú^ Simón, joba' jéeng'guibre caguiér~ e fí li~ ca'áng~ Jesús do. ⁵ Jo mi~ caguiér~ fí jo, dsifib' catúuiñ' jo cajøør~ fí dsí' e too' ée' do, jo cangár~ e 'mi' e cabeang'~ dsea' do e laco' milíib' néé, jo lifa' ja' ca'ír~ e fí dsí' too' ée' do. ⁶ Jo jiaub~ cøøng' lajo caguié~ Tú^ Simón, jo condséeb' ca'ír~ e fí dsí' tó' ée' do mi~ caguiér~, joba' cangá~bre e 'mi' e cabeang'~ dsea' do cajo e laco' milíib' néé; ⁷ jogui cangá~bir cajo e dob róo' e 'mi' e cali'íing^ ta~ e quiá~ cabé' mogui~ dsea' do, jo cangár~ e ja' róo' ca' laco' róo' e 'mi' e cabeang'~ dsea' do, jo tí doguijiaub róo' e sibéeng' ca' laco' róo' e jo. ⁸ Jo mi~ cangî jo, ca'í~ i dsea' i jaang'gui do i caguié~ la'uii~ e fí too' ée' do, joba' cangá~bre jalé' e calí~ e fí dsí' tó' ée' do, jo dseáng'~ jáb'~ calíñ~. ⁹ Jo dsu' i dsea' gáng~ do dseáng'~ ja' mí' cangám'bir laco' la fé' fí ni~ jì quiá~ Fidiéé' e cajme' dsea' malü~gui eáang' li~ fé' e dseáng'~ sí'í'ba' e nijí'tu Jesús. ¹⁰ Jo mi~ cangî jo, caquim~tu i dsea' quiá~ Jesús i gáng~ do fí quiá'r~.

*Mi cajmijnéeng' 'ñia' Jesús fí quini' Yá^ i seeng' fí Magdala**(Mr. 16:9-11)*

¹¹ Jo mi~ caguié~tu Yá^ e fí li~ ca'áng~ Jesús, joba' dob cajer' qui'r' fí caluu~ e too' ée' do. Jo lajee~ siñ' qui'r' dob catúuiñ' e laco' nijøør~ e fí dsí' tó' ée' do, ¹² joba' cangár~ e neáang' gáng~ ángeles i qui' 'mi' té' e fí dsí' tó' ée' do, jo jaaiñ' do guiiñ~ li~ catiroo~ mogui~ Jesús jogui jaaiñ' do guiiñ~ fí li~ cané~ tii~ dsea' do. ¹³ Jo i ángeles do cajming'í'r~ i dseamî do jo casí~reiñ':

—Janú', dseamî, ¿jiali' sin' qui'?

Joba' cañí' i dseamî do quiá~ i ángeles do jo casí~reiñ':

—Qui'í' dsuco' ja' ñii~ iñ` ninicaguíng' Fí'í' i ca'áang~ dsea' e fí dsí' tó' na, jo ja' ñii~ jie~ nicangojéeiñ` lana.

¹⁴ Jo jobi lico' nicató' e jíñ' e jo mi~ tí li~ cajíng' 'ñia'r', jo cangáiñ~ Jesús e dob nisíng' dsea' do cáaiñ, jo dsu' jii~ ja' ñir' e íb` dsea' do. ¹⁵ Joba' cajíng' Jesús casí'r~ i dseamî do lala:

—Janú', dseamî, ¿jiali' sin' qui'?' ¿i~ sin' 'nán' lana?

Dsu' i dseamî do í' dsí'r' e i dsea' i jmóo' í' e dsí' íá' dob i síng' sáing' cóo'r~ do, joba' lalab casí'r~ dsea' do:

—Janú', ée', song 'nab` nicaguíin' i Fí'í' do, joba' iin~n jmée' jnea~ júu^ jie~ fí li~ nicaguíjéen're, joba' fí job ni'nén'nre.

¹⁶ Joba' cañí' Jesús quiá~ i dseamî do lala jo casí~reiñ':

—iYá^!

Joba' cajíng' 'ñia' i Yá^ do jo cajíñ' cóo~ jmí' hebreo lala:

—iRabuni! —e guøng' tifa'.

17 J_oba' cañi'tu Jesús quiá'- i dseam' do j_o casí'-reiñ':

—Ja' g_ün' jnea~, co' nabi ja' mí cají'tu rú'naa' cóo' Tiquié'e. J_oba' fí'i 'nu' lana e niguø'n^ g_üijmé'e' júu^ jaléng' dseá' i nilíng' laco' rún'n e nijmijíng'tu rú'naa' cóo' i líng' Tiquié'e jogui í'bi i líng' Tiquí'na' cajo, j_o íb' Fidié'e quié' e jogui íb' Fidié'e quií'-na' cajo.

18 J_o mi~ cangí j_o, cangám'- i Yá^ i seeng' fí' Magdala do j_o cangojmeáa'-bre júu^ jaléng' i dseá' quiá'- Jesús do e nicangám'-bre dseá' do jogui casí'-bireiñ' cajo jalé' e júu^ e ca'íñ' quiá'- dseá' do.

Mi~ cajmijnéeng' 'ñia' Jesús fí' quini~ dseá' quiá'r-

(Mt. 28:16-20; Mr. 16:14-18; Lc. 24:36-49)

19 J_o mi~ ca'í' nuu' 'ñia' ie~ jmí~ j_o, e jmí~ la'uii~ quiá'- semaan~ do, j_o ie~ j_o ninicasítíng' rúng' i dseá' quiá'- Jesús do fí' coo' dsí' 'núu' lí' jn' røø', co' 'góm' bre jaléng' dseá' góor' dseá' Israel fíng song calilí' í' e niseáng'tu rúng' i dseá' do calé' catú'. J_o lajee~ neáang' i dseá' do, j_oba' mi~ tí' lí' ca'í' Jesús fí' j_o, j_o casing' 'ñia'r' guiá' j_o e lí' neáang' i dseá' quiá'r- do, j_o lalab caféng' neiñ' do j_o casí'-reiñ':

—iGüiliseem'ba' juguiá' júu^ røø'!

20 J_o mi~ cangí e cajíng' Jesús e júu^ na, j_oba' canaiñ' e'r' i dseá' quiá'r- do fí' lí' cacuí' guotíir- cóo' gui mo'uøø'. J_oba' i dseá' quiá'r- do eám' cali'íang' dsíir' mi~ cangáng' tur' i Fíir- do. 21 J_o mi~ cangí j_o, lalab cajíng' tu Jesús casí'r- i dseá' quiá'r- do:

—iGüiliseem'ba' juguiá' júu^ røø'! J_o lí' laco'gui Tiquí'í' casíñ' jnea~ fí' jmigüí' la, j_oba' laj_oba' j_oba' jnea~ nisín^n 'nú' fí' jmigüí' la.

22 J_o mi~ cangí j_o, cajíur- fí' lí' neáang' i dseá' quiá'r- do j_o casí'-reiñ':

—Íng'na' Jmiguí' quiá'- Fidié'e. 23 Jogui doñí' i dseá' i ni'íng'na' dsee- quiá'-, j_oba' ni'ím- dsee- quiá'- i dseá' í'; jogui doñí' i dseá' i ja' ni'íng'na' dsee- quiá'-, j_oba' ja' ni'íng- dsee- quiá'- i dseá' í' cajo.

Mi~ já'- calíng- Mó' e cají'tu Jesús

24 J_o jaang' dseá' guitúung' quiá'- Jesús i sií' Mó^ dseá' suung~, íb' i ja' seeng' ie~ lamí~ cajmijnéeng' 'ñia' Jesús jee~ i dseá' quiá'r- do. 25 J_o mi~ cangí j_o, lalab casí'- i dseá' caguaang- do Mó^ j_o cajíñ'-:

—Nícanee~baa' Fí'naa'!

J_o dsu' Mó^ lalab cañíir' quiá'- i dseá' rúíñ' do j_o casí'-reiñ':

—Ja' já'- nilín'n e fó'na' na song ja' nimoo' o guóor' lí' ca'íá- mí' clavo, jogui song ja' nijnúu^ u niguóo' o lacaang' lí' sicuí' quiá'r-, jogui song ja' nigüí' i mo'uøø' e lí' ca'íá- nisü'.

26 J_o mi~ cangí jñiá' jmí~ laj_o, caseáng'tu rúng' i dseá' quiá'- Jesús do calé' catú' fí' coo' sinúu^ lí' sijní' røø', j_o ie~ j_o quíim' Mó^ cóo' i dseá' rúíñ' caguaang-gui do. J_o lajee~ j_oba' ca'í'-tu Jesús fí' dsí' sinúu^ e lí' neáiñ' do j_o casing'tu 'ñia'r' guiá' j_o, j_o lalab caféng'tu reiñ' do j_o cajíñ'-:

—iGüiliseem'ba' juguiá' júu^ røø'!

27 J_o mi~ cangí j_o, lalab casí'- Jesús i Mó^ do j_o cajíñ'-:

—Jøø' guóo' o, jogui jnúu- niguóo' lí' sicuí' quié' e la, jogui jnúu- niguóo' e lí' sicuí' mo'uøø' la cajo. Ja' jmoo' e ja' já'- lín' j_o já'- güilín' lana. iJnea~bi la!

28 J_o mi~ canúu- Mó^ e j_o, j_oba' cañíir' quiá'- Jesús j_o cajíñ'-:

—iDseáng'- e já'- e 'nub' Fí'i jogui 'nub' Fidié'e quié' e cajo!

29 J_oba' cañí'tu Jesús quiá'- Mó^ j_o casí'r- dseá' do j_o cajíñ'-:

—¿Su car' cañin' jnea~, joguiba' já'- calín'- e nicajíb'túu? Dsu' juguiá'-gui quiá'- i dseá' i já'- calíng- e nicajíb'túu e júi' ja' mí' cangám'bir jnea~.

E uiing~ e cajme' Juan e ji' la

³⁰ Jo lajee~ cateáng~ Jesús fí jmgüi' la, jmguiab' jalé' e li~ e quí'r~ jmí~ cajméer' fí quini' jaléng' dsea' guitúung' quiá'r~, jo dsu' jmguiab' jalé' e jo ja' silí' e fí ni' ji' la. ³¹ Jo dsu' lajii'~ e silí' e fí ni' ji' la nicalí' e lí' laco' já'~ nilíng' jaléng' dsea' e dseáng'~ Jesús líiñ' i Dsea' Jmáang~ i nicá' nifí' quiá'~ dsea' Israel jogui' líng' i Joo' Fidié' i camíng'~ do, jo lajoba' jaléng' dsea' i já'~ nilíng' júu' quiá'~ dsea' do qui'~ jmí~ e niliseeíñ' cøøng' cøø'~ Fidié' lata'.

21

Mí~ cajmijnéeng' 'ñia' Jesús fí lí' se' Galilea

¹ Jo mí~ cangí' gui lajo, cajmijnéem' 'ñia' Jesús calé' catú' fí quini' guiáng~ i dsea' i la'ó' quíng'~ jee~ dsea' guitúung' quiá'r~ e fí 'ni' cøø' guiéé' lí' sií' Tiberias e née' lí' se' Galilea. ² Jo i lab jaléng' i dsea' i taang~ do ie~ jo: jaaiñ' do siir' Tú' Simón, jo jaang'gui' i sií' Mó' i sií' b' Dsea' Suung~ cajo, jo jaang'gui' i sií' Natanael i seeng' fí cøø' fí e sií' Caná e née' lí' se' Galilea, jogui' gáng~ gui' i líng' joo' jaang' dseañu' i sií' Zebedeo, jogui' gáng~ gui' dsea' jiéng' i quíng'~ jee~ dsea' quiá'~ Jesús. ³ Jo lajee~ job cajíng'~ Tú' Simón e sí'r' i dsea' ruiñ' i siseáng' e fí 'ni' guiéé' do ie~ jo, jo cajíñ'~:

—Nii~ teáa ta~ sáng' 'ñu'.

Joba' cañí' i dsea' do quiá'~ Tú' Simón jo casí'~ reiñ':

—Ii~ baa' dsé'ee' cøø'~ 'nu' cajo.

Joba' lajob cajméer', jo cangotáam'~ bre fí cøø' dsí' móo' jo cangolíñ' fí lí' ni'a' gui quiá'~ e jmí~ do; jo fí job canaiñ' b' 'máa' quiá'r~ e nisaiñ' 'ñu', jo dsu' e uøø' jo dseáng'~ jii'~ camíng'~ 'ñu' ja' ii' calí'r~. ⁴ Jo mí~ ningóo' nijneá' e uøø' jo, jo cajmijnéeng' 'ñia' Jesús fí quiá'~ e guiéé' do, jo dsu' mí~ cangáng~ i dsea' quiá'r~ do ír', jii'~ ja' calicuíñ' dsea' do lajminá'. ⁵ Joba' cajmíng'~ Jesús i dsea' do jo cajíñ'~:

—Janú' simíng', ja' mí' lí'na' 'ñu', ¿já' já'~?

Joba' cañí' i dsea' quiá'r~ do jo cajíñ'~ casí'r~ dsea' do:

—U~, jii'~ jaang' ja' ii' mí' calí'naa'.

⁶ Joba' cañí' tu Jesús quiá'~ i dsea' quiá'r~ do jo cajíñ'~:

—Bí'na' 'máa' quí'na' fí é'~ jmí~ lí' lí' dséé' laco' ngóo' e móo' quí'na' na, jo mó' du' fa' ja' lí'na' 'ñu'.

Joba' lajob cajméé' i dsea' do, cabí'bre e 'máa' quiá'r~ do fí dsí' jmí; jo mí~ cangí' jo, i 'leáam' 'ñu' calí'r~ e jii'~ o' ró'r' fa' ni' óng'~ guir e 'máa' do dsu' e ni'ii' teáng'~ 'ñu'. ⁷ Joba' i dsea' quiá'~ Jesús i iñ' eáang' do lalab casí'r~ Tú' Simón jo cajíñ'~:

—iFí'baa' i sing' dóo'!

Jo dsifí' mí~ calí'~ Tú' Simón e Fii'bre i sing' do, joba' lajmináb'~ caquí'r' sí'r' e ca'uø'r' lajee~ jmóor' ta~, jo ngí' jo canaiñ' b'ar' jmí~ e nidsér' fí lí' sing' dsea' do, joba' lajob cajméer'. ⁸ Jo i dsea' caguiaang~ gui' i cøø'~ Tú' Simón do caguilím'bre e fí 'ni' jmí~ do e teáaiñ'~ dsí' móo' e øøiñ' e 'máa' do, cø' sirøøm' teáng'~ 'ñu', jo huíim'~ jiu' lí' cangobíir' e 'máa' do laco'gui' ni' guiéé', cø' tíib'~ jiu' la cien metros. ⁹ Jo mí~ tí' lí' caquíng'~ tur' fí uø'~ quié', joba' cangár'~ cøø' lí' n'nicají' dsea' j', jo e fí ni' jito' quiá'~ e j' do niráang' jaang' 'ñu' cøø'~ gui' iñí'.

¹⁰ Jo lalab cajíng'~ Jesús casí'r~ i dsea' quiá'r~ do:

—Cuøøng'~ na' jaang' gáng' 'ñu' i nicalí'na' na.

¹¹ Jo mí~ cajíng'~ Jesús lajo, joba' cajgóo'~ Tú' Simón fí yá' e móo' do quiá'r~, jo ca'øøiñ' e 'máa' do dseáng'~ catí' ni' tóo'~ 'ni' jmí~. Jo dseáng'~ eám' ii' do, cø' ciento cincuenta y tres 'ñu' calí'r~ ie~ jo, jo jmang'~ i cøøm'~ cajo; jo dsu'

cateáb' e 'máa' do e ja' ca'guii' nañí' fa' fíim' i 'ñu' do calí'r'. ¹² Jo mi' calí' e jo, lalab cajíng' Jesús casí'r' i dsea' quiá'r' do:

—Ñilíng' na' ñiquié' na' í' ta'é.

Jo jíi' jaang' i dsea' quiá'r' do ja' teá' dsíir' fa' ee' nijmíng'í'r' dsea' do i' dseáng' líng' dsea' do, co' ñí'bre e dsea' dob líng' Fíir'. ¹³ Jo mi' cangí' jo, cangoquíéeng' Jesús fí' quini' i dsea' quiá'r' do jo casá'r' e íñí' do jogui casaiñ' i 'ñu' do cajo, jo canaiñ' jmóor' guíee' jee' i dsea' quiá'r' do. Jo jalém'bre cagó'r' ie' jo.

¹⁴ Jo cóo' e lab catí' ní' ya' e cajmijnéeng' 'ña' Jesús fí' jee' dsea' quiá'r' ie' mi' cangí' e cají'tur calé' catú'.

Mi' casíng' Jesús cóo' Tú' Simón

¹⁵ Jo mi' tí' lí' cangí' e cagó'r' e í' ta'é' do, lalab cajmíng'í' Jesús i Tú' Simón do jo casí'r' dsea' do lala:

—Tú' Simón, jóo' jaang' dseañu' i sií' Juan, ¿su eáang'gui 'neáan' jnea' laco'gui i dsea' quié' e i caguaiang'gui la?

Joba' cañí' Tú' Simón quiá' Jesús jo casí'r' dsea' do lala:

—Lajob lí' Fíi', co' ñí'ba' guiá' e 'neáam'baa 'nu'.

Joba' cañí'tu Jesús quiá' Tú' Simón jo cajíñ':

—Te' fíng' røø' jaléng' dsea' i líng' lafa' jo'se' jiuung' quié' e.

¹⁶ Jo mi' cangí' jo, caléb'tu cajmíng'í' Jesús i Tú' Simón do jo casí'tur dsea' do:

—Tú' Simón, jóo' jaang' dseañu' i sií' Juan, ¿su 'neáan' jnea'?

Joba' cañí'tu Tú' Simón quiá' Jesús jo cajíñ':

—Lajob lí' Fíi', co' ñí'ba' guiá' e 'neáam'baa 'nu'.

Jo ngí' jo, caléb'tu cajíng'í' Jesús casí'r' dsea' do lala:

—Jmee' í' jaléng' dsea' i líng' lafa' jo'se' quié' e.

¹⁷ Jo cóo' e la catí' ní' ya' e jmíng'í' Jesús i Tú' Simón do jo cajíng'tur calé' catú':

—Tú' Simón, jóo' jaang' dseañu' i sií' Juan, ¿su 'neáan' jnea'?

Jo mi' canúu' Tú' e júu' jo calé' catú', joba' fí'ba' calíñ', co' cóo' e la catí' ní' yab' e jmíng'í' Jesús ír' su 'neáang' dsea' do ír'.

Joba' cañí'tu Tú' Simón quiá' dsea' do jo cajíñ':

—Fíi', guiáb' dseáng' ní' 'nu' lajalé', joba' ñí'ba' e 'neáam'baa 'nu'.

Jo ngí' jo, calé' catú' cañí' Jesús quiá' Tú' Simón jo casí'r' dsea' do lala:

—Jmee' í' jaléng' dsea' i líng' lafa' jo'se' quié' e. ¹⁸ Jo e laba' jmitaa' o', e ie' lamí' bí'bi' a', guí'ba' guiá' quí' e guo' jíé' fí' lí' iin'; jo dsu' mi' tí' lí' nidséaan', niní' cué' jo dsea' jíém' niguíá' guiá' quí', jogui nijéiñ' 'nu' jíé' fí' lí' ja' iin' guó'.

¹⁹ Jo casí' Jesús i Tú' Simón do lana e lí' laco' jmóor' júu' jial nijúung' dsea' do mi' nití' í' lajo, jogui nidsing'íñ' do lajo e lí' laco' nijmí'gó' dsea' Fidié' cóo' e 'mó' quiá'r' do. Jo mi' cangí' jo, cajíng'í' gui Jesús casí'r' Tú' Simón:

—Ja' güihuín' cóo' jnea'!

I dsea' quiá' Jesús i iñ' eáang' do

²⁰ Jo mi' cangí' e cajíng'í' Jesús e júu' na, joba' cají'tu Tú' Simón nir' jo mífíng' cangáñ' i dsea' quiá' Jesús i eáang' 'neáañ' do e jáañ' do caluur', jo i dsea' íb' cajo i caguá' cáang' Jesús ie' mi' cagó'r' í' canu', jo cajmíng'í'r' dsea' do e i' dseáng' lajee' la'ó' ír' i ni'ning' ír'. ²¹ Jo mi' tí' lí' cangáng'tu Tú' Simón i dsea' do, joba' lalab cajmíng'í'r' Jesús jo cajíñ':

—Fíi', jo i dseañu' i sing' la, ¿e' nidsing'íñ'?

²² Joba' cañí'tu Jesús calé' catú' quiá' i dsea' do jo casí' reiñ':

—Jo song jnea~ iin~n e seem`bi i dseañu` la cartí mĩ nigüéeng` túu fí jmigüi` la calé` catú`, joba' ¿e~ cuaiñ~ quií` 'nu` uii~ quiá'` i dseañu` la? Lí` 'nu, ja` güihuín'` cóo'~ jnea~.

²³ Jo job mĩ canaang` e ngí` júu^ jee~ jaléng'` dsea` quiá'` Dsea` Jmáang` e i dsea` i iing~ Jesús eáang' do ja` nijúuiñ`. Jo dsu' ja` cajíng'` Jesús fa' dseáng'` e ja` nijúung` i dsea` do, co' lalaba' cajíñ'`: “Song jnea~ iin~n e seeiñ` cartí mĩ nigüéeng` túu fí jmigüi` la calé` catú`, joba' ¿e~ cuaiñ~ quií` 'nu` faco' lajo?”

²⁴ Jo i dsea` i iing~ Jesús eáang' dob cajo, íbing' i tí' ni~ jalé` e cangojée' do jogui jmo'r' jalé` e júu^ la. Jogui ne~baa' røø` e jmang'` júu^ já'`ba' fé'r`.

²⁵ Jo jmigui`bi jalé` e cajmée` Jesús jíi'~ laco' e silí` e fí ni~ jí` la, jogui faco' nilí` fí ni~ jí` dseáng'` lajalé` e cajméer` do, joba' jíi'~ fí jmigüi` ja` ni'í` jalé` e jí` jo faco' lajo.

Jo lanab cadséng` jalé` júu^ quiá'` Dsea` Jmáang` e cajme' Juan.

Jo lajob nilí`.

Jalé' e cajmée' dsea' i óo' ta' quiá'- Fidié'

Mi' cacuø' Dsea' Jmáang' júu' quiá'- e ni'ing' dsea' Jmiguí' quiá'- Fidié'

¹ Jnea' Lucas nicajmée' e la'uii' cōo' jì' e catíng' 'nū', Teófilo, li' fé' jalé' e cajmée' Jesús jogui jalé' e ca'er' latí' mi' canaaiñ' jmóor' ta' quiá'- ² cartí' mi' caguié' jmii' e cangáañ' fí' ñifí'. Dsu' lajee' ná'-gui e nidséiñ' do, caseáañ' jaléng' i dsea' quiá'- i caguiñ' i cangí' cóo'r' do, jo la'eáang' cóo' Jmiguí' quiá'- Fidié' casí'-reiñ' jalé' e 'né' nijméiñ' do fí' quini' jaléng' dsea'. ³ Jo dsu' lana nijmée' e e jì' la quiá'- mi' cangí'ba' e cajúng' Dsea' Jmáang' jogui cajíb'tur calé' catú' jo cajmijnéng' 'ñia'r' jee' jaléng' i dsea' apóo' i óo' ta' quiá'- Fidié' do e laco' niliñi' dsea' do e lajam'ba' e nicajíb'tur. Jo mi' cangí' jo, cateáang'guir jíi' tuló' jmii' fí' jmigü' la, jo lajee' jo éeng' 'ñia'r' jee' jaléng' i dsea' do e dseáng' nicajíb'tur, jogui lajee' jo ca'e'r' jaléng' i dsea' í' jial iing' Fidié' cár' nifí' quiá'- dsea' jmigüi'.

⁴ Jo lajee' e táam'bi Jesús cóo' jaléng' i dsea' quiá'- do, jo casí'r' jaléng' í' e ja' mí' uoiñ' do lajminá' fí' Jerusalén, jogui casí'-guir dsea' do cajo jo cajíñ' :

—Nijøøm'ba' fí' Jerusalén la cartí' niliti' lajii' e júu' e nicacuø' Tiquié' e 'nú' lamí' jéeng'gui, lí' laco'gui jíi' e nicafí' i 'nú' jéeng'gui cajo. ⁵ Dsu' e já'ba' e i Juan do caseáañ' dsea' jmii' cóo' jmii', dsu' lajee' lajminá' jnea' nicuøø' 'nú' e niñing'na' Jmiguí' quiá'- Fidié'.

Mi' cangáng' Jesús fí' ñifí'

⁶ Jo mi' cangí' jo, i dsea' quiá'- Jesús i teáang' cóo'r' do fí' mó' Olivos ie' jo cajmingí'r' dsea' do lala:

—Fí'ii', ¿su lana nicatí' í' e nijmée'tu' e ni'neeng'naa' dseata' qui'naa' yee'naa' fí' góo'naa'?

⁷ Joba' cañi' Jesús quiá'- i dsea' do jo cajíñ' :

—Ja' 'né' ñi'na' e' jmii' o'gui e' jii' nijmé' Tiquié' e Fidié' jalé' e nijmér', co' jíi' 'ñia'bre ñir' jogui sea' fí' quiá'- e nijmér' e jo. ⁸ Dsu' mi' niñing'na' Jmiguí' quiá'- Fidié' lajaang' lajaang'na', job nilisea' bí' qui'na' e laco' nigüiguiá'na' júu' quié' e fí' la'úng' jee' fí' Jerusalén cóo'gui latøøng' lí' se' Judea, jogui lajobi cajo fí' lí' se' Samaria, jogui fí' la'úng' fí' jmigüi'.

⁹ Jo mi' lí' casí'r' lajo, lajee' teáang' i dsea' quiá'- do jøøm'breiñ', canaang' Jesús soor' fí' yá' jmigüi' cartí' caquiiñ' jee' cabøø' jnií', jo jo' cangáng'guir dsea' do.

¹⁰ Jo lajee' teáang' i dsea' do jøør' fí' lí' cangáng' Jesús, cóo' cajném' gáng' dseañu' i qui' 'mi' té' fí' lí' teáang' i dsea' do ¹¹ jo cajíñ' casí'-reiñ' :

—Dsea' Israel i seeng' fí' Galilea, ¿jali' teáang'na' jøø'na' fí' yá'? Co' Fidié' nicató'r' fí' ñifí' i Jesús i cangí' cóo' 'nú' do, jo laco' cañi'na' jial cajgóor' fí' yá' do, lajob nijáat'ur fí' jmigüi' la calé' catú' mi' nití' í' lajo.

Mi' caguiñ' Matí' e ni'ír' cuaiñ' quiá'- Judas Iscariote

¹² Jo mi' cangí' jo, caquim' i dsea' cangí' cóo' Jesús e fí' mó' Olivos do, jo cangolím'tur fí' Jerusalén, co' quiáb' néé' e fí' jo, jogui jíi' jo cuøøng'ngí' dsea' Israel mi' jmii' e jmi'íñ'. ¹³ Jo mi' caguiliñ' fí' jo, cangotáañ' fí' cóo' dsí' sinúu' e tú' fíng', co' fí' job lí' nineáañ'. Jo i dsea' i caseáng' fí' jo siir' Tú' Simón jogui Jacóo' jogui Juan jogui Dí' jogui Lii' jogui Mó' jogui Bartolomé jogui Mateo jogui jaang'gui i sii' Jacóo' joo' Alfeo, cóo'gui jaang'gui i sii' Simón i líng' dsea' celote, jo cóo' jaang'gui cajo i sii' Judas rúng' Jacóo'. ¹⁴ Jo jalém' i dsea' na

seáin' contøng e féin' Fidiéé coling cóo jaléng' rúng' Jesús cóo' gui Yá, niquiá' dsea do, cóo' gui jaléng' dseam' caguaang' gui.

¹⁵ Jo jaléng' dsea i caseáng' fí jo tí bre ciento veinte. Jo nineáaiñ' lajim bre mi caráng' i Tú Simón do jo café'r' júu quiá'r' jo casí'r' dsea do:

¹⁶ —Dsea rú'uu', ne'baa' e calitib jalé' e cajíng' Jmiguí quiá' Fidiéé la'eáng' cóo' i dsea áang' quí'ii' i sii Daví' i caliséng' mali' eáng', jo catéer' fí ni' jì quiá' Fidiéé li' fé' uii' quiá' i Judas Iscariote do i cacá' nifi' quiá' i dsea i 'ní' cangáng' Jesús mi casaiñ' dsea do. ¹⁷ Jo i Judas Iscariote do líiñ' jaang' dsea i lami' quíng' jee' jnea', dsea líiñ' dsea quiá' Jesús, jo seab' guiéé quiá'r' cóo' jalé' ta' e jmoo'naa'. ¹⁸ Dsu' mi cang' e ca'níiñ' dsea do, jo cóo' e cuu' e calí'r' quiá' lajii' e 'li' e cajméer' do, calár' coo' uó', jo fí job calíng' 'ñia'r' jo cajngang' 'ñia'r', jo e fí ni' uó' dob catóin' jo cajná' moguir' jogui tu'r' ca'guib' jo cajúm bre. ¹⁹ Jo mi caliñí jaléng' dsea seeng' fí Jerusalén e calí' lado, joba' catéer' e nilisii' Acéldama e uó' do e guóng' cóo' jmi' quiá'r' Uó' li' Catuu' Jmi'øng'.

²⁰ Jo cajíng' gui i Tú Simón do uii' quiá' Judas Iscariote:

—Jo tóo' coo' fí ni' jì quiá' Fidiéé e sii salmos lala:

'Né' e jøb' nijé' ée' quiá'r';

jo jii' jaang' ja' ii' nigüea'.

Jogui tóo' gui cajo:

'Né' e jaang' gui i nijmé' ta' cuaiñ' quiá'r'.

Jo lajob tóo' fí ni' jì quiá' Fidiéé.

²¹⁻²² 'Joba' 'né' niguíng' naa' jaang' gui i ningí' cóo' jneaa'aa' i ni'ling' cuaiñ' quiá' i Judas Iscariote do, jogui røøb' niguiá'naa' júu' jial mi' cají' tu Jesús mi cang' e cajúñ'. Dsu' 'né' e líiñ' jaang' i cangí' cóo' jneaa'aa' lata' catí' mi' casé' Juan jmi' quiá' Jesús jogui cartí' mi' cangáin' fí ñifi'.

Jo lanab cajíng' Tú Simón casí'r' jaléng' i dsea do ie' jo.

²³ Joba' cagúng' jaléng' i dsea do gáng' dseañ': jaang' i sii Sé' Barsabás jogui sii' bir Justo cajo, cóo' jaang' gui i sii' Matí'.

²⁴⁻²⁵ Jo mi' cang' jo, jaléng' i dsea do camí'r' Fidiéé lala jo cajíñ':

—Fí'naa', 'nub' dsea' nicuú' dsí' dsea' lajaang' lajaañ'. Mí'naa' 'nu' e nifi' jnea' i lajee' laj' huáng' i dsea' la nicaguín' e ningí' cóo' jnea', dsea' guiáng'naa', dsea' ca'uíng'naa' dsea' quí', e ni'íiñ' cuaiñ' quiá' i Judas Iscariote do, dsea' nicangáin' fí li' catíiñ' uii' e dsee' e ca'éer' do.

²⁶ Jo mi' cang' jo, cacóor' e quiá' ii' nilí' lajee' laj' huáiñ' do; joba' Matí'bing' calí', jo íb' calíng' cuaiñ' quiá' i Judas do, jo colim' canaañ' ngír' cóo' i dsea' apóo' guiáng' do ladsifí' lado.

2

Mí' calíng' dsea' quiá' Dsea' Jmáang' Jmiguí quiá' Fidiéé

¹ Jo mi' cang' jo, jo cagüea' coo' jmi' quiá' dsea' Israel e sii' Pentecostés quiá' mi' catí' cincuenta jmi' e canaang' roo' jalé' e jnir'. Jo ie' jo, dob nisiseáng' jaléng' dsea' quiá' Dsea' Jmáang' e fí li' tíiñ' e seáin' do.

² Jo lajee' teáaiñ' e fí dsí' sinúu' jo, coo' canúu' bre e ii' fí yú' jmigü' laco'gui ii' mi' í' guí' e teá' eáng', jo coob' mi' canaang' ii' fí la'úng' e fí dsí' sinúu' li' neáaiñ' do, ³ jo cajnéng' coo' e lí'jiu' la lí' mi' sòng' jì fí yú' gui' lajaang' lajaang' i dsea' do. Jo caje' coo' e jo quiá' lajaang' lajaañ' do. ⁴ Jo lajob calíñ' Jmiguí quiá' Fidiéé, jo lajaang' lajaam' bre canaañ' fé'r' jmi' e jié' e ja' mí' cuír' jéeng' gui lí' laco'gui ta' jmóo' e Jmiguí do jee' ír'.

⁵ Jo ie' jo teáng' fíng' dsea' Israel fí Jerusalén i jalíng' fí la'úng' fí jmigü' e laco' nijmitir' lajii' e tíng' dsea' do fí jo e jmiféin' Fidiéé. ⁶ Jo mi' canúur'

e *ii* do lafa' e *í* guí, jo casítung' rúin' jōgui caseáng' rúin' ladsifí lado fí jo, fí lí~ neáng' dsea` quiá'- Dsea` Jmáang-. Jo mi~ caseáin' lajiiñ' do e fí jo, ja` ñir' jiali' nūur' e nifé' i dsea` do jmi' quiá'r- lajaang' lajaañ`.

⁷ Jo dsíng'- cangogá` dsí' jaléng' i dsea` i caseáng' do ie~ jo, cō' ja` í dsír' e ninír' jalé' e jo, jo canaañ` sñiñ` lajee` yaaiñ` lala:

—iDsea` góo`naa' dsea` Israel i seeng' fí Galileabi lajiing' i fé' na! ⁸ Jo zjiali' nūu`naa' e fé'r' jmi' quí'naa'? ⁹ Jo jmaquíim'bi lí~ seē`naa' lajaang' lajaang'naa', cō' lab néeng'naa' lana dsea` góo`naa' dsea` Israel i seeng' fí Partia, jōgui i seeng' fí Media, jōgui dsea` Elam, cōo'~gui dsea` Mesopotamia, jōgui cōo'~ dsea` i seeng' fí Judea, jōgui i seeng' fí Capodocia, cōo'~gui dsea` seeng' fí Ponto, cōo'~gui dsea` seeng' fí Frigia cōo'~gui fí Panfilia lí~ se' Asia, ¹⁰ jōgui cajo dsea` seeng' fí Egipto, cōo'~gui dsea` seeng' fí lí~ se' Libia quiá'- laco' Cirene jōgui quieem'bi dsea` cajo i jalíng- fí Roma ¹¹ i líng' dsea` Israel lati' mi~ cangáang'~, jōgui i líng'~gui jōbi nica'uíñ- laco'gui jneaa`aa', dsea` Israel. Jōgui quíim'~bi dsea` i jalíng- fí lí~ se' Creta cajo cōo'~gui fí lí~ se' Arabia. Jo lajaang' lajaam`baa' nūu`naa' e fé'r' jmi' quí'ii' e quiá'- jial laniing- 'gøng' Fidiéé` cōo'~ jalé' e jmóor` do jee` dsea`.

¹² Jo dsíng'- dsigá` dsír' lajiiñ`, cō' ja` ñir' jiali' calí- la do, jo sñiñ` lajee` yaaiñ`:

—¿E~ uing~ e calí- jalé' e lala, faa`aa'?

¹³ Dsu' i líng'~gui i dsea` i caseáng' do jmineam'`breiñ' do jo fé'r':

—iMéeb' nica'íiñ'- na! ¡E ni'ím'biñ' na! Jōba' fé'r` lajo.

Jalé' e casí- Tù` Simón dsea` i teáng'~ do ie~ jo

¹⁴ Jo mi~ canúu- Tú` Simón e fé' i dsea` do lado, jōba' caráañ- café'r' uii~ quiá'- lajiiñ' la'ó' calíñ- dsea` ngí cōo'~ Jesús, jo lalab casí- reiñ' do cōo'~ júu` teá':

—Dsea` rú'uu' dsea` Israel cōo'~gui jaléng' dsea` jíéng' i nineáng' fí Jerusalén la, nūu`na' júu` e nifá'`a la jōgui quie`na' cuente røø. ¹⁵ Cō' jnea` ja` íng'naa' laco'gui la í óo`na', cō' ee`bi, nábi nití- la *ii*- ñú- la'ee. ¹⁶ Jo ja` lí' laco' la í óo`na', cō' lanaguí niliti~ laco'gui cajíng'- Joel i café' cuaiñ~ quiá'- Fidiéé` mali~gui mi~ cajíñ'- lala:

¹⁷ Lalab nidsijéé` mi~ nijaquíéeng' e ni'íing- jmigüí,

cō' lalab cajíng'- Fidiéé` mali~gui:

Nicuøø`ø` Jmigüí quie` e laca'íing'~ dsea` jmigüí;

jōgui jaléng' jōo`na' dseañu` dseamí niguiár- júu` e fé'r' cuaiñ~ quie`e,

jōgui jaléng' siming' ninír' laco'gui mi~ quir' jalé' e nijmee`e,

jōgui jaléng' dsea` yúu'~ niquír- jalé' e nidsijéé` cøøng'gui.

¹⁸ Jōgui nicuøø`ø` jaléng' dseañu` dseamí i jmóo` lajii' e iing~ jnea~ Jmigüí quie`e,

jo lajōb niguiár- júu` cuaiñ~ quie`e mi~ nití- í' lajo.

¹⁹ Jōgui fí yá'` jmigüí nijmee`e jalé' e quí'~i jmi~ e dsigá` dsí' dsea`,

jōgui fí guóo'~ uó- la niní dsea` jmi'øøng- cōo'~gui jì e coo` jōgui nirōo` jmiñi` e 'ñu`.

²⁰ Jo jo` nijneá'gui jì iee`,

jōgui si' yúum`bre nijnéiñ' laco'gui la lí' jmi'øøng-.

Jo nidsijéé` jalé' e jo nú'`gui e jmi~ laniing- 'gøng' do

mi~ nijáa`tu Dsea` Jmáang- fí jmigüí la e niquidsir' í' quiá'- dsea` jmigüí.

²¹ Jo jaléng' dsea` i mi'` jnea` e nijmicōo'~ore,

dsea` íb' i nileáng' e ja` ni'íñ' iihu'í mi~ nití- í' lajo.

Jo lanab lí' júu` quiá'- Fidiéé` e ca'íng' Joel mali'`gui eáang'.

²² Jo lalab cajíng'-gui Tú` Simón casí'r- dsea` góor` dsea` Israel ie~ jo:

—Náú-gui jalé' e júu^ e nifíi' 'nú' la. Lajii~baa' nine~naa' guiá~ jalé' e quíi' Jesús i seeng' fi' Nazaret jmii~ jmóor', jo dsigá' dsíi' dsea' cóo'~ jalé' li' e quíi'r~ jmii~ jmóor' la'eáang' cóo'~ Fidiéé'. Joba' caline~naa' e dsea' íb' casíiñ' dsea' do fi' la. ²³ Jogui cajáng' dsea' Jesús fi' jaguóona' lí' lacó' nisi'í' quiá'~ Fidiéé' lami~ jéeng'gui, co' lajob nisi'íiñ' quiá'~ dsea' do. Jogui 'nú' caséng'na're cartí' cajngang'na're e cateáang'na'r fi' dse' crúu^ la'eáang' cóo'~ jaléng' dsea' soo' dsíi' rúng'na'. ²⁴ Dsu' Fidiéé' cajméer' e cajíb'tu dsea' do, jogui caleáam~bre dsea' do ni' 'mó', dsuco' ja' cuóøng' e Jesús nijé~guir e 'líiñ'. ²⁵ Dsuco' lalab cajíng'~ dseata~ quí~ii' Daví' malii~gui eáang' e fé'r' cuaiñ' quiá'~ Jesús mi' cajíñ' lala:

Contøom~ ñii' e Fíi' Fidiéé' quier' nifí' quié' e lacaang' fi' li' ngii',
jogui íbi i to' fíing' jnea~ jié' fi' li' seen',
joba' dseáng'~ ja' e fi'í' quié' e jii'~ coo'.

²⁶ Jo dseáng'~ eáam' íaang' dsii' cartí' øø' quiá'~ e íaang' dsii' do,
jo contøom~ seen' e ta' dsii' e jéem' Fíi' jnea'.

²⁷ Co' ja' nicuø' Fidiéé' fi' e nija' jnea~ fi' dsíi' tó' éé',
o'gui nicuør'~ fi' fa' lí' nijgié' lajo ngúu' táan'n, dsea' güeán'^n i jmóo' lajii'~ ta'
e iing' ír'.

²⁸ Co' dsea' íb' dsea' ca'e' jnea~ jial lacó' niliseen' fi' jmigüi' cóo'r',
jo lajoba' eáam' nili'íaang' dsii', co' colim~ niliseen' cóo'r'.
Jo lanab jii'~ lí' júu^ quiá'~ dseata~ quí~ii' Daví' e café'r' cuaiñ' quiá'~ Jesús.

²⁹ Jo fii'guíi' 'nú', dsea' rú'naa', cuóø'tea' jnea~ fi' e nifón'^n 'nú' car' ngocáng' dsii' e i quí~ii' dseata~ Daví' do ja' fé'r' uii' quiá'r' 'ñia'r', co' e já'ba' cajúm~bre jogui ca'am~bre cajo, jo e éé' quiá'r' do sijí'bi latí' lana jee~ jneaa'aa'. ³⁰ Dsu' i Daví' do calíiñ' jaang' dsea' i café' cuaiñ' quiá'~ Fidiéé' malii~gui eáang', jogui ñi'bre guiá' e Fidiéé' cacuør' dseáng'~ júu^ já' quiá'r' e nicuøiñ' jaang' lajee' i dsea' sijur' do i nilíng' dseata~ dsea' féng' qui'~ii', dsea' líi' dsea' Israel. ³¹ Jo e lafa' nijøøb' i dseata~ Daví' do jo café'r' uii' quiá'~ Dsea' Jmáang', i dsea' i casíng' Fidiéé' fi' jmigüi' la e quiá'~ nijíb'tu dsea' do mi' ningí' e nijúuiñ' ie' mi' cajíñ' e ja' nijé' i dsea' na' fi' dsíi' tó' éé' quiá'r', o'gui nijgié' jalé' ngúu' táaiñ' fi' dsíi' e too' éé' do. ³² Jo lajob líi', co' Fidiéé' cajméer' e cají'tu Jesús mi' cangí' e cajúñ', jo lajaléb' e calí' do neb' jneaa'aa' lajii~naa'. ³³ Jogui mi' cangí' e cají'tur do, cangáiñ' fi' li' guing' Fidiéé' fi' ñifí' e ngogüear' lí' lí' dsée' lacó' guing' dsea' do. Jo fi' job ca'íng' dsea' do e Jmiguí' e cacuø' Tiquiá'r' Fidiéé' e lacó' nicuør' jaléng' dsea' quiá'r' lí' lacó'gui júu^ e nicacuør' lami~ jéeng'gui. Jo e lab lajii'~ e nicañi' 'nú' jogui e nicanáa'na' lajee' lana. ³⁴ Dsuco' o' i 'líi' dseata~ Daví' i cangáng'~ fi' ñifí' la quie' ngúu' táaiñ' do lacó'gui cangáng'~ Jesús, dsuco' 'ñiab' i Daví' do cajíñ' lala ie' jo:

'Ñia' Fidiéé' casí'r' Fí'naa' jo cajíñ'~:

“Fí' lab niní' lí' lí' dsée' lacó' guin~n la

³⁵ cartí' nijmee~ jnea~ e nilinúu'~ jaléng' dsea' júu^ quí'~, jaléng' i 'ní' níng'~ 'nu.’”

³⁶ Jo güiline~baa' guiá~ jaléng' jneaa'aa', dsea' líi' dsea' Israel, e i Jesús i cateáang' 'nú' fi' dse' crúu^ do, íbing' cacuøøng' Fidiéé' e líiñ' Fii' quiá'~ jaléng' dsea' jmigüi', jogui caleáiñ' jneaa'aa' jee~ dsee' quí~ii' cajo.

³⁷ Jo mi' canúu~ jaléng' i dsea' i siseáng' do e júu^ quiá'~ i Tú' Simón do, dsíng'~ calíiñ' fi'í'. Joba' cajming'~ i Tú' Simón do cóo'~gui i dsea' apóo' caguiaang'~gui do jo cajíñ'~ casí'~reiñ':

—Dsea' rú'uu', ¿e' mii' sea' uii' quiá'~ jalé' dsee' e nica'ee~naa'?

³⁸ Jo cañi' Tú' Simón quiá'~ jaléng' i dsea' do jo cajíñ'~:

—'Né quí' jíing' yaang~na' fí quini' Fidiéé, jogui nisáng~na' jmíi' lajaang' lajaang~na' laco' cuø' lí' e nilíng~na' dsea` quiá' Dsea` Jmáang~, jo lajoba' ni'íing' Fidiéé jalé' dsee- quiá'na', jogui nicuø'r' 'nú' Jmiguí quiá'r' cajo. ³⁹ Jo e Jmiguí e ni'íing~na' do quiá'r' catím~ba' cóo'~gui jaléng' joo'na' cajo cóo'~gui lajüing' jaléng' dsea' lí' doñi' jíe' fí seeñ, lí' lajaléng' i' nisi'íing' quiá' Fidiéé i' ni'uíng' dsea` quiá'r'.

⁴⁰ Jo cóo' e júu' lab jogui cóo' e jíe'gui cajo e caliúng' Tú' Simón jaléng' i' dsea' i' caseáin' fí Jerusalén ie~ jo, jo lalab casí'~reñ':

—Jáang' yaang~na' fí jaguó' Fidiéé e laco' ja` nigüilíng~na' fí lí' 'lí' lí' laco'gui dsilíng' jaléng' dsea` dsee- dsea` qui'!

⁴¹ Jo lajob jüi' lí' júu' quiá' Tú' Simón e casí'r' i' dsea` do. Jo lajob lí', jaléng' i' dsea' i' já' calíng' lajüi' júu' quiá' i' Tú' Simón do, cajgáam~bre jmíi' e laco' cuø' lí' e ca'uíng' dsea` do dsea` quiá' Dsea` Jmáang~. Jo ie~ jo 'ní' milgui dsea' i' ca'uíng' dsea` quiá' Dsea` Jmáang~, jo caquim'~bre cóo' jaléng' i' dsea` quiá' Dsea` Jmáang~ caguiaang~gui do ie~ jmíi' jo. ⁴² Jogui lajüim' i' dsea` do dseáng' ja` jmitúng' dsíir' lajüi' e júu' e guía' jaléng' i' dsea` apóo' do, jogui røøb' jmóor' jmá' jüa cóo' jalé' e sea` quiá'r'. Jogui lajobi cajo e féñ' Fidiéé jogui seáng' rúñ' lajüiñ' do e gø'r' ir~ colíng' e laco' jmiguiéng' dsíir' Dsea` Jmáang~.

Jalé' e guiá' e ca'éé' la'uii' dsea' i' já' calíng' júu' quiá' Dsea` Jmáang~

⁴³ Jo ie~ jo lajalém' dsea` dsigá' dsíir' jalé' e lí' e quí' jmíi' e jmóo' jaléng' i' dsea` apóo' do. ⁴⁴ Jo lajaléng' i' dsea' i' nijá' calíng' júu' quiá' Dsea` Jmáang~, eáam' guiá' conrøø' seeñ, jogui jmóor' jmá'~jüa lajüi' e sea` quiá'r' lajaang' lajaain'; ⁴⁵ co' 'nú' bre jalé' e sea` quiá'r', jo e cuu' e lí'r' do jmóor' jmá'~jüa lí' jialco' lí' 'né' quiá'r' lajaang' lajaain'. ⁴⁶ Jo laco' jmíi' seáng' rúñ' fí sinúu' guá', jo fí quiá' la'ó' rúñ' eáam' íaang' dsíir' gø'r' ir~ colíng' e ja` jmijløng' yaaiñ, ⁴⁷ jogui jmiféñ' Fidiéé. Jo jaléng' dsea` eáam' guiá' fé'r' uii' quiáin', jogui laco' jmíi' laco' jmíi' jmóo' Fidiéé e fíing'gui dsea` ca'uíñ' dsea` quiá' Dsea` Jmáang~.

3

Mí' ca'láang' jaang' dsea' jlúung'

¹ Jo cóo' jmíi' i' Tú' Simón do cóo'~gui Juan cangolín' fí guá' fé' quiá' dsea` góor' dsea` Israel e sí' fí Jerusalén la jü' 'ní' e ca'lóo', co' e oor~ jo tång' dsea` Israel e dsifééñ' Fidiéé. ² Jo e fí guá' jo dsigüeá' jaang' dsea' i' jlúung' latí' mí' cangáang'. Jo fí job dsijéng' dsea' i' dseañ' jlúung' do laco' jmíi', jo dsigüieéñ' fí cóo' o'nú' quiá' e guá' do e sií' Lí' Niguo' e laco' mí'r' jaléng' dsea' i' dsitáang' fí jo jalé' e 'né'r'.

³ Dsü' mí' cangáng' i' dsea' jlúung' do Tú' Simón cóo'~gui Juan e tí' lí' nidsitáain' fí dsí' e sinúu' guá' do, joba' cajíng' i' dsea' jlúung' do casí'r' i' dsea` gáng' do:

—¿Já' cuø' jnea~ lajüi' e íaang' o'?

⁴ Jo lico' cajøøm' Tú' Simón cóo'~gui Juan i' dsea' jlúung' do, jo cajíng' Tú' Simón casí'~reñ':

—Jøøng' jnea'.

⁵ Joba' tiib' cajein' do lí' eáam' cango'gó' dsíir', co' líiñ' e líng' ee' nicuøb' i' dsea` do ír'.

⁶ Joba' casí' Tú' Simón i' dsea' jlúung' do jo cajíñ':

—Ja' oo' cutee' o'gui cunée' fa' e nicuøø'ø' 'nú', dsü' lajüi' e cuøøng' cuøø' nicuø'baa: la'eáang' cóo' 'ñia' júu' quiá' Dsea` Jmáang~, dsea` seeñ' fí Nazaret, ráan' jo ngí'.

⁷ Jo mi~ calí~ fé~ Tú^ Simón lajo, catíiñ~ guoo` dsée` quiá~ i dsea` jlúung~ do jo caseang` neiñ~; jo dsifí` lajob catíng~ bí` tí~ i dsea` jlúung~ do cóo~` gui lutíir^.
⁸ Jo lico` ca`ím~ i dsea` jlúung~ do, jo dsifí` lajob casíñ~`, jo canaiñ` ngí` bre jóng. Jo mi~ cangí` jo, ca`í~ bre cóo~` i dsea` gáng~ do fí` dsí` sínúú^ guá~ e níngrí`, jo cangáiñ~` íiñ` fí` dsí` jo e jmiféiñ` Fidiée`.

⁹ Jo mi~ cangá~ jaléng~ i dsea` do e cangí` i dsea` jlúung~ do jogui e jmiféiñ` Fidiée`, ¹⁰ joba` eáam` cango`gó` dsí` i dsea` do, jogui cafóm` bir cajo mi~ cangár~ e ca`láam~ i dsea` jlúung~ do, co` niñib` i dsea` do e i dsea` jlúung~ do i lamí` gua` e fí` o`nú^ guá~` lí~ sii` Lí~ Niguo` do e mir` jalé` e `nér~.

Mí` café` Tú^ Simón júu^ güi~ quiá`r~

¹¹ Jo mi~ cangí` jo, i dsea` jlúung~ i ca`láang~ do dseáng~` jo` tíuum~ bre Tú^ Simón cóo~` gui Juan. Jogui lajím~ i dsea` teáng~` fí` do ie~ jo eáam` cango`gó` dsíir`, jogui canaiñ` e dsilíiñ~` e fí` siguí` quiá~` guá~` fé` do fí` lí~ sii` Ní`núú` quiá~` dseata~ Salomón, co` fí` job taang~ i dsea` gaang~ do. ¹² Jo mi~ cangá~` Tú^ Simón e guilíng~` jaléng~` i dsea` do fí` do, joba` casí~` reiñ` jo cajíñ~`:

—¿Jialí` dsi`gó` óo` `nú`, dsea` rú`naa` dsea` Israel, uí~` e ca`láang~` i dseañu` la? ¿Jialí` jøøng`na` jnea`^ gó`naa`? Co` o` jnea`^ dsea` cajmi`leáang`naa` i dseañu` la fa` cóo~` la`eáang` e `gøøng`naa` o`gui la`eáang` e dsíng~` jmiféng`naa` Fidiée`. ¹³ Dsu` Fidiée` i cajmiféng` `lí~` yúu~` quí~`ii` i sii` Abraham jogui Isáa` jogui Jacóo` cóo~` jaléng`gui dsea` áang` quí~`naa`, íb` Fidiée` i caguiéng~` yú`gui i Fíi`naa` Jesús i jmóo` lajii~` e iing~` dsea` do. Dsu` `nú` cajáang`na`r fí` quini~` jaléng` dseata~, jogui caguijeaang`na`r fí` quini~` dseata~ dsea` féng` i sii` Pilato. Jo i dseata~ í` lamí~` iñ~` e nileám~` bre Jesús, dsu` `nú` ja` cacuó`na` fí` lajo fa` e caleáaiñ` dsea` do. ¹⁴ Jogui lafa` e nilaang~`na`re dsea` líiñ` jaang` dsea` güeang` jogui éer` røø, dsu` lí~` ríqub` cajmee`na`. Co` `nú` camí`na` e caláang~` jaang` dsea` i `léé` i nicajngang` dsea` rúng` lafa` e nilaang~`na` ír`, ¹⁵ jogui lajobi camí` `nú` e cajnga` dsea` quiá~` i dsea` i cuø` jneaa`aa` e see`naa` cøøng` cóo~` Fidiée` lata~. Dsu` Fidiée` cajméer` e cají`tu dsea` do calé` catú~` jee~` jaléng` `lí~`, jo ne`baa` guiú~` lajii~`naa`, dsea` líiñ` dsea` apóo^, jalé` e jo. ¹⁶ Dsuco` e la`eáang` e jáb~` calíng~` i dsea` jlúung~` i jøøng~` máang`na` la e quíib~` Jesús jmí~` e cajmi`leáaiñ~` dsea` do, joba` nicalibíim~`tur jogui nica`láam~`bre lana lí` laco`gui nicañí~`na` na.

¹⁷ Jo niñi`baa` guiú~, dsea` rú`naa` dsea` Israel, e ja` ñíb^ `nú` o`gui dsea` i quie` nifí` quí~`ii` ñír` jalé` e cajmee`na` mi~` cajngang`na` Jesús. ¹⁸ Dsu` mi~` cajngang`na`re, job dseáng~` cajmiti~` Fidiée` lajii~` júu^ e cacuør` lamí~` jéeng`gui e caguia` jaléng` dsea` i café` cuaiñ~` quiá`r~` mi~` cajíñ~` lala, e dseáng~` nisí`í`ba` e nijnga~` dsea` quiá~` i dsea` i sijeeng`naa` fí` jmigüi` la i nisíng~` Fidiée` i nileáng~` jneaa`aa` jee~` dsee~` quí~`ii`.

¹⁹ Joba` fíi~`i `nú` e quí~` jíng` yaang`na` fí` quini~` Fidiée` jogui jáang~` yaang`na` fí` jaguór`, jo lajoba` ni`íiñ~` dsee~` quí~`na`. Jo jangám~` Fíi`naa` Dsea` Jmáang~` nijmér~` e nilí`iáang` óo`na` jogui e niliseeng`na` juguiú~` júu^ røø` cóo~`r~. ²⁰ Jo Fidiée` nisíng~`tur Jesús fí` jmigüi` la, jo dsea` íb` cajo i caguíng` dsea` do latí` mi~` uiing~` e laco` niliñ~` dsea` quie` nifí` quí~`ii`, dsea` líiñ` dsea` Israel, lí` laco`gui nicajíñ~` lamí~` jéeng`gui. ²¹ Dsu` lajee` lana, fí` ñifí~`bi` `né` seeiñ` cartí` mi~` niguiá~`tu Fidiée` guiú~` lajalé` e sea` fí` jmigüi` laco`gui toø` fí` ni~` jì` quiá~`r~ jogui laco`gui casí~`r~ dsea` quiá~`r~ i café` cuaiñ~` quiá~`r~ malí~`gui eáang`, ²² lí` laco` cajíng~` Moí~` ie~` jo ie~` mi~` casí~`r~ jaléng` `lí~` dsea` cøøng~` quí~`naa` lala: “Fíi`naa` Fidiéeb~` niguíng` jaang` dsea` lajee` dsea` góo`naa` i nifé` cuaiñ~` quiá~`r~ lí` laco`gui caguiñ` jnea~` e fá`a cuaiñ~` quiá~`r~. Jogui `né` jmee`na` núu`ba` jalé` júu^ quiá~`r~. ²³ Dsuco` jaléng` dsea` i ja` nilíjii~` jalé`

júu^ quiá'- dseá do, ni'ím-bre jō ni'nám-bre congua' jee~ jneaa~aa', dseá lí'í' dseá quiá'- Fidié'."

Jō lanab cajíng'- Moi' ie~ jō.

²⁴ Jō lajím dseá i café' cuaiñ~ quiá'- Fidié' mali~gui eáang', canaang' lati' cóo'~ Samuel cartí' lana, røøb' júu^ caguiar' quiá'- jalé' e dsijéé' lajee' lana. ²⁵ Jogui 'nú'bi cajo catíng-na' lajii' júu^ e cacuo' Fidié' lami~ jéeng'gui la'eáang' cóo'~ dseá i cagua' júu^ quiá'r-. Jogui nicatím-bi 'nú' cajo júu^ e nisilí' quiá'- Fidié' cóo'~ jaléng' lí' dseá cóøng' quí-ii'. Dsuo' Fidié' casí'r- Abraham ie~ mali~ do mi~ cajíñ'- lala: "Ni'ee'e guiá- cóo'~ lajíng' dseá seeng' fí' la'úng- fí' jmigü' la'eáang' cóo'~ jaang' dseá sijú' i nijáa' mi~ nití' í' lajo." Jō lajōb cajíng'- Fidié' casí'r- Abraham ie~ jō. ²⁶ Jō mi~ cangí' e cajmijí'tu Fidié' i jōor' Dseá Jmáang- do, la'uii~ casíñ' dseá do jee~ jneaa~aa', dseá lí'í' dseá Israel, e laco' niñíng'naa' e ni'náng'naa' jee~ jalé' e lí' e jmoo-naa' lajaang' lajaang'naa'.

Jō lanab lí' jalé' júu^ e cagua' Tú' Simón ie~ jō.

4

Mi~ caguiéng'- Tú' Simón cóo'~gui Juan fí' quini~ dseata

¹ Jō lagui'ná'bi fé' Tú' Simón cóo'~gui Juan júu^ quiá'r- fí' quini~ jaléng' dseá e fí' guá'- fé' quiá'- dseá góor' dseá Israel do, mi~ caguilíng- jmidsea' cóo'~gui i fii~ quiá'- dseá jmóo' í' guá'- do jogui cóo'~bir dseá Israel i líng' dseá saduceo cajo. ² Jō jaléng' i dseá í' eáam' liguíñ- dsu' e Tú' Simón cóo'~gui Juan ngír' ta~ e' dseá e quiá'- jí'tu jaléng' dseá mi~ ningí' e júuiñ'- lí' laco'gui calí- cóo'~ Jesús. ³ Jō casam'-bre i dseá gáng- do dsifí' lado uíi~ e jō, jō catáng'neiñ' 'nuñí' e laco' niquidsir' í' quiáñ'- do mi~ nijneá', co' nica'lóob- mi~ casang'-neiñ' do. ⁴ Dsu' fíim' jaléng' dseá i nicanúu- e júu^ e guia' dseá do nicajám' yaaiñ' fí' jaguó' Jesús, jō lajii' dseañu'bi cadsíñ- jiu~ ja' 'niá' mil la'ó' ca'uíñ- dseá quiá'- Dseá Jmáang- ie~ jō.

⁵ Jō mi~ cajneá' e jmii~ jō, caseáng' jaléng' dseá quie' nifí' quiá'- dseá Israel fí' do fí' Jerusalén cóo'~gui jaléng' dseá cóøng' quiá'r- jogui jaléng' tífa' quiá'- júu^ quia' ta~ quiá'- dseá Israel. ⁶ Jō jee~ jōb quiéeng' Anás i líng' dseá mogui~ quiá'- jaléng' fii~ jmidsea' quiá'- dseá Israel, jogui jmidsea' Caifás, jogui Juan, jogui Jaang-, lí' lajaléng' dseá sinúu' caguiaang-gui quiá'- i dseá mogui~ quiá'- jaléng' fii~ jmidsea' do. ⁷ Jō jaléng' i dseá í' caquiur' ta~ e nitøør' Tú' Simón cóo'~gui Juan fí' jee~ lí' teáaiñ', jō fí' jee~ jōb casíñ'- dseá do, jō lalab cajmíngí'r- dseá do ie~ jō, jō cajíñ'-:

—¿I~ nicacuø' 'nú' fí' e cajmi'leáang'na' i dseá na?, osi ¿i~ júu^ quiá'- é?

⁸ Jō co' Tú' Simón eáang' jmico' Jmiguí' quiá'- Fidié' quiá'r-, jōba' cañíir' quiá'- i dseá góor' do jō cajíñ'- casí'-reiñ':

—E laba' fí' i 'nú', jaléng' dseá teáang-na' nifí' quí-ii', cóo'~gui jaléng' 'nú', dseá cóøng' quí-ii', ⁹ co' 'nú' jmíngü'na' quiá'- jalé' e guiá- e nicajmó'naa' cóo'~ i dseá lami~ jlúung' na e laco' niliñí'na' jial calí- e ca'láaiñ-. ¹⁰ Jōba' nijmób^ jnea' júu^ fí' quini~ 'nú' e laco' nilíne'naa' cóo'~gui dseá Israel caguiaang-gui e i dseañu' i sing' quini'naa' lajii-naa' la'ó' tee-naa' la ca'láaiñ- la'eáang' cóo'~ Dseá Jmáang- i seeng' fí' Nazaret, i dseá i cateáang' 'nú' fí' dse' crúu' do, jogui i cajmijí'tu Fidié' calé' catú-. ¹¹ Jō 'nú' í' óo'na' e i Jesús do líiñ' lafa' coo' cuu~ e ja' ta' íng' quiá'- tí' fí', dsu' o' já'- e lajo, dsuo' dseá do lanagui nilíiñ' lafa' e cuu~ e níng-gui lajee' lajalé'. ¹² Jō jíi' i Jesús dob dseá cuøøng' nileáiñ- jneaa~aa' jee~ jalé' dsee- quí-naa', co' jō i seeng' i jíéng'gui fí' la'úng- fí' jmigü' fa' e nicacuøøng' Fidié' i nileáang- jneaa~aa' jee~ dsee- quí-ii'.

¹³ Dsu' mi' cangá- jaléng' dsea' i teáng- nifi' quíá- dsea' Israel do e eáang' ja' 'gó' Tú^ Simón cóo'~gui Juan e fé'r' jalé' júu^ quíá- Dsea' Jmáang-, joba' eáam' cangogá' dsí' i dsea' do mi' canúur- jial tting' Tú^ Simón fé'r', co' niñi'bre e ja' 'ga' lí' mí' jmitíng' dsea' do, joba' calilí'r' e dsea' cangi' cóo'~ Jesús liñ' do laji' huáaiñ-. ¹⁴ Jo jii'~ ja' e bí' sea' quíá- i dsea' do fa' e nijmér- dsee- quíaiñ- do, co' jee~ dob sing' i dsea' i nica'láang- do. ¹⁵ Joba' caquiá' i dsea' quie' nifi' do ta' e ca'uøøm' Tú^ Simón cóo'~gui Juan fi' caluu' lajee' cateá' fi' quini' i dsea' fíng' i siseáng' do. Jo mi' cangá' jo, jo canaang' i dsea' i siseáng' do siiiñ' lajee' yaaiñ~ jo sí' rúiiñ':

¹⁶ —¿E' nijmó'oo' cóo'~ i dseañu' gáng- na? Co' lajim' dsea' seeng' fi' Jerusalén ñir' e nicajméeeiñ' li' lajii'~ e cangíiñ' e tiiiñ', jo ja' cuøøng' fé'naa' e o' já- e jo. ¹⁷ Jo e laco' jo' nini'~gui lajii'~ júu^ e guiar' do jee~ jaléng' dsea', joba' nité'baa' fø' quíá'r- e laco' jo' ningí' guir guiar' júu^ cuaiñ~ quíá- i Jesús do.

¹⁸ Jo lajob cajméer'; catób'-tureiñ' do e fi' lí' siseáng' i dsea' fíng' do, jo caquiá'r' ta' quíaiñ- do e jo' ee' nifé'guiiñ' o'gui ni'é'guiiñ' do jii'~ cóo' júu^ cuaiñ~ quíá- Jesús. ¹⁹ Dsu' i Tú^ Simón do cóo'~gui Juan cañiir' quíá- i dseata' quíá'r- do jo casí'-reiñ':

—Íi' óo' 'nú' yaang~na' jial e guiá'-gui, ¿su guiá'-gui e nijmití'naa' lajii'~ ta' quíá' 'nú' laco'gui e nijmití'naa' la'uii~ ta' quíu' Fidié'~? ²⁰ Co' ja' cuøøng' e nitú' jnea'^ e nifé'naa' lajii'~ e nicané'naa' jogui lajii'~ e nicaná'naa' quíá- Jesús.

²¹ Jo mi' canúu- jaléng' i dsea' i quie' nifi' do jalé' e júu^ jo, caleáb'tu casí' reiñ' do e lling' ee' nijmeáng' neiñ'; dsu' ja' cateá- dsí'r' fa' cajméer' lajo, jo catiúum-breiñ' do, co' ja' cadsé'r' jial uuing~ e nijmér- lajo, co' lajim' dsea' i teáng- do ie~ jo jmféiñ' Fidié' quíá- lajii'~ e calí- do ie~ jmii~ jo. ²² Jo i dseañu' i ca'láang- la'eáang' cóo'~ güea'^ quíá- Fidié' do ningóor' lí'gui tuló' jii'.

Mi' camí' dsea' quíá- Dsea' Jmáang- Fidié' e nijmicóo'~ í' quíá'r-

²³ Jo mi' ca'uøøng' Tú^ Simón cóo'~gui Juan e fi' lí' siseáng' dsea' do co' nisilaam-bre, joba' caseáng'tu rúiiñ' cóo'~ jaléng' i apóo' rúiiñ' caguiaang-gui do, jo cajmea'reiñ' júu^ jalé' e cajíng'- jaléng' fii' jmidsea' quíá- dsea' góor' dsea' Israel cóo'~gui jaléng' dsea' cøøng' quíá'r-. ²⁴ Jo mi' cató' jma' rúiiñ' e júu^ do, jo caféiñ' Fidié' congua' lajiiñ' do jo cajíñ':

—Fí'ii', 'nab' dsea' cajmee' yá' jmi'güi' cóo'~gui guóo' uó' jogui jalé' jmi' lí' lajalé' e sea' quíá- laca'íng'~ laca'íng'-. ²⁵ Jo lalab casí'~ 'nu' i dseata' Daví' i cajmée' lajii'~ e iing'~ 'nu' do, jo la'eáang' cóo'~ Jmiguí' quí'~ cajme'r' lala:

Ja' dseeng' e niliguíng- jaléng' dsea' jmi'güi' quíá- Fidié'.

Ja' e ta' íng' e nijmé- dsea' Israel e ni'í- dsí'r' jalé' e ja' ta' íng'.

²⁶ Co' lajaléng' dseata' dsea' féng' i quíu' ta' fi' jmi'güi' la jmicøøng'~ yaaiñ~ fi' quini' Fidié',

jo colíim~ cóo'~ i dsea' quie' nifi' quí-ii' 'ní' níiñ- 'nu', Fí'naa',

colíng'~gui cóo'~ Dsea' Jmáang- i nicaguíin'~ 'nu' do.

Jo lanab cajme' i dseata' Daví'^ do.

²⁷ Jo sí'naa' 'nu', Fí'naa', e lajob calí- mi' dseata' Herodes cóo'~gui dseata' Poncio Pilato caseáng' rúiiñ' fi' la fi' Jerusalén cóo'~ jaléng' dsea' i ja' líng' dsea' Israel cóo'~gui jaléng' dsea' góo'naa' dsea' Israel, e cajméer' 'ní' níiñ- Jóo' Jesús i güeang' i jmóo' lajii'~ e iing'~ 'nu' do i caguíin' do. ²⁸ Jo jaléng' i dsea' do nicajméer' jalé' e na, co' lajob sí'í' quí'~ 'nu' e nidsijéé' jalé' e na, jo nicalitib~ lana. ²⁹ Jogui lana, Fí'ii', 'nu' bi' dsea' ninuu' jalé' e ga' e fé' i dsea' do

uui~ qui~ii!, joba' mii~naa' 'nu' e nicuó'ba' bí jaléng' jnea^, dsea` jmoo~naa' lajii~ e iin~, e niguiá'guí' júu^ quií' e ja' 'gó'naa'. ³⁰ Jogui jmicóo' jnea^ cóo' güea^ quií' cajo e quí'naa' jmii~ nijmi'leáang^naa' jaléng' dsea` dsée' jogui e nijmó'naa' jalé' e li~ jogui jalé' e quí'naa' jmii~ la'eáang' cóo' Jóo' Jesús i güeang'^ do.

Jø jii~ lanab líí júu^ quiá' i dsea` apóo^ do e caféiñ' Fidiée' ie~ jø.

³¹ Jø mi~ cató' féng' i dsea` apóo^ do Fidiée', dsifí ladob cajlé' fí lí siseáng' lajiiñ' do. Jø Jmiguí quiá' Fidiée' eám' jmicóo' quiá'r- lajiiñ' e laco' guiar' júu^ quiá' Fidiée' fí ni~ fii' e ja' 'gó'r' jii~ capí'.

Jalé' e sea` quiá'- dsea` quiá'- Dsea` Jmáang- lí' e røøb` quiá'r- lajiiñ`

³² Jø eám' fíing' jaléng' dsea` quiá'- Dsea` Jmáang-, jogui røøb` dseáng'- síiñ' jogui røøb` éer' lajaléiñ' do. Jø jii~ jaaiñ' do ja` jmóor' e lajii~ e sea` quiá'r- lí' quiá'r- yaaiñ~, co' jalé' e jø røøb` quiá'r- lajiiñ'. ³³ Jogui i dsea` apóo^ do eáang'gui nisea` bí quiá'r- e guiar' júu^ quiá'- jial mi~ cají'tu Fii'naa' Dsea` Jmáang- mi~ cangí e cajúñ'; jogui Fidiée' eám' jmicóo'r~ lajiiñ' i dsea` do cóo' güea^ quiá'r-. ³⁴ Jø lajii~ i dsea` do sea'ba' e 'né'r-, co' jaléng' i óo' uó' osi 'nur' é, joba' 'nii'bre e jø, jø e cuu- e lí'r' do fí jaguó' i dsea` apóo^ dob ngiiñ'. ³⁵ Jø íguib nijmé- jmá'-jiu lajee' lajiiñ' do lí' jialco' lí lí' quiá'r- lajaang' lajaam'bre. ³⁶ Jø lajòb cajo cajmée' jaang' dsea` Israel i líng' dsea` levita i sii' Sé^ i niseeng' fí coo' lí sii' Chipre. Jø i dsea` í calisí' quiá'- i dsea` apóo^ do Bernabé, e guóng' dsea` i jmicóo' jaléng' dsea` rúng'; ³⁷ jø i dseañu' la ni'óo'bre coo' uó-, jø ca'nii'bre' do, jø e cuu- e calí'r- quiá'- e uó- e ca'nii'r- do, fí jaguó' i dsea` apóo^ dob caguiar' laji~.

5

Dsee- e ca'éé' Ananías cóo' Safira

¹ Jø mi~ cangígui lajò, ca'nii'b` jaang' dseañu' i sii' Ananías cóliing~ cóo' dseamí quiá'r- i sii' Safira coo' uó-. ² Jø røøb` casíng- i dseañu' do cóo' dseamí quiá'r- e cajé'bre cóo' condseá'- e cuu- e calí'r- do, jø dsu' jii~ condseá'-ba' cacuó'r' i dsea` apóo^ do. ³ Joba' lalab casí'- Tú^ Simón i Ananías do jø cajíñ'-:

—Ananías, ¿jiali' cacuóø' fí uó' e calí- fii~ i 'líng'^ i sii' Satanás fí o' e cajmee'- adseaan' quiá'- Jmiguí quiá'- Fidiée', jogui cajé' cóo' condseá'- e cuu- e calí- quiá'- uó- e ca'nii~ do? ⁴ ¿Su o' quií' e uó- do? Jogui mi~ cangí e ca'nii~, ¿su o' quií' e cuu- e calí- do? ¿jiali' calí' o' e cajmee'- lajò? Jø o' jii~ cóo' jnea^, dsea` apóo^, nicajmee'- adseaan', co' cóo' Fidiéeb' dsea` nicajmee'- lajò.

⁵⁻⁶ Jø mi~ calí- núu- Ananías e júu^ jø, dsifí lajòb caquíñ'- jø cajúm-bre. Jø mi~ cangí jø, caguilíng- tú- 'ní máng' siming', jø caquíñ' 'mi' i 'lí~ Ananías do jø cangojéeng'neiñ' fí lí ca'áam-breiñ' do. Jø jaléng' dsea` i caliñ' lajii~ e calí- do ie~ jø dsíng'- cafóñ'.

⁷ Jø mi~ cangí 'ní oor~ lajò, caguiléng'- dseamí quiá'- Ananías fí jø, jø jii~ ja' ñir' jalé' e nicalí- do. ⁸ Jø cajmíng'- Tú^ Simón i dseamí quiá'- 'lí~ Ananías do jø cajíñ'-:

—Jméé' jnea~ júu^, ¿su ca'nii~ba' e uó- do cóo' jii~ 'móo' e nicafée'na' do? Jø cañí' i dseamí do:

—E já'-, lajòb calí-, co' ca'nii~baa' cóo' jii~ e 'móo' jø.

⁹ Joba' casí'- Tú^ Simón i dseamí do:

—¿Jialí' casiing~na' røø` cóo'~ dseañu' quí' e cajmee~na' adseang~na' quía' Jmiguí quía' Fidiée? Lana dob nijalíng` i siming' i cango'áang` dseañu' quí' do, jogui 'nu'gui nijéiñ` e nidsi'áaiñ` lana.

¹⁰ Jo dsifí lajob caquing~ i Safira do uii~ tii~ Tú^ Simón e ni'liim~bre. Jo mi~ caguilíng~ i siming~ do, ni'liim~ i dseamí do. Jo cangojéem~breiñ' do fí' lí' ca'áaiñ' jo cataiñ' cáang` e lí' ca'áng~ i 'lii~ dseañu' quía'r~ do. ¹¹ Jo lajiing` dsea` quía' Dsea` Jmáang~ i teáng~ do ie~ jo cóo'~ gui jaléng` dsea` i caliñí' jalé' e calí' do, eáam' cafóiiñ'.

Jalé' e lí' e quí'~ dsea` apóo` jmí e cajméer`

¹² Jo mi~ cangí jo, jmiguiab' jalé' lí' e quí'~ jmí cajméé` i dsea` apóo` do jee~ jaléng` dsea`. Jo lajim~ i dsea` quía' Dsea` Jmáang~ do seáiñ' fí' guá' fé' quía' dsea` Israel lí' sii' Ni'núu' quía' dseata~ Salomón. ¹³ Dsu' jii'~ jaang` dsea` jiéng` ja` teá dsír' e nidsitáaiñ` cóo'~ i dsea` do doñí' fa' eáam' jmi'góreiñ' do. ¹⁴ Jo lajee~ jo ngóo' lí'fím' jaléng` dsea` i jáng` yaang~ fí' jaguó` Dsea` Jmáang~, do dseañu' jogui dseamí. ¹⁵ Jo jaléng` dsea` uóøiñ` jaléng` dsea` dsée'~ quía'r~ e dsíiñ` ni~ 'ma, jo dsijeeiñ` fí' jee~ 'núu' e laco' mi~ ningíng~ Tú^ Simón fí' jo, fa' jii'~ capi' i'~ quía'~bre nití' lí' teng' jaang` gáng~ i dsea` dsée'~ do, jo lajob ni'leáaiñ' do. ¹⁶ Jogui fím' dsea` i seeng` fí' jalé' fii' e tée'~ quía' Jerusalén dsilíiñ` fí' jo e jeeiñ` jaléng` dsea` dsée'~ quía'r~ cóo'~ gui jaléng` dsea` i jee' i 'ling`~ quía'. Jo lajaléng` i dsea` do 'láam~bre.

Mi~ cangotáang` tu i dsea` apóo` do fí' dsí' 'nuñí'

¹⁷ Jo i dsea` mogui~ quía' jaléng` fii~ jmidsea` quía' dsea` Israel cóo'~ gui jaléng` dsea` Israel i líng` saduceo eáang` calí' dsihuñí' quía' i dsea` apóo` do cóo'~ jalé' e jmóoiñ' do. ¹⁸ Joba' casam~bre i dsea` apóo` do, jo catáng` neiñ' fí' dsí' 'nuñí' quía' fí. ¹⁹ Dsu' lajee~ teáaiñ' e dsí' 'nuñí' dob, casíng` Fidiée~ jaang` ángel quía'r~, jo íb` i caneáa' jní' quía' e 'nuñí' do lajee~ uóø, jo ca'uóøm~bre i dsea` apóo` do, jo mifíng` casí'~reiñ' do lala:

²⁰ —Güilíng~tu' fí' dsí' guá' fé' do quí'~na', jo güisí'~tu' jaléng` dsea` fí' jo jial laco' niliseeiñ` cøøng` cóo'~ Fidiée~ lata~.

²¹ Joba' mi~ cajneá~ e jmí~ cóo'~ gui do, ee'gui cangolíng` i dsea` apóo` do fí' lí' sí' e guá' fé' do quía'r~, jo cangotáaiñ' dsí', jo canaaiñ` e'r' jaléng` i dsea` i caseáng' fí' jo lí' laco'gui ta~ caqui' i ángel do.

Jo lajee~ jo, i dsea` mogui~ quía' jaléng` fii~ jmidsea` do cóo'~ gui jaléng` dsea` quía'r~ i teáng~ gui do, cató'r~ jaléng` dseata~ i quie' nifí' quía' dsea` Israel. Jo mi~ nisiseáiñ' lajaléiñ' do, cahuí' ta~ e nidsitée' i néé' ni~ guá' do i apóo` i teáng'~ dsí' 'nuñí' do, jo nidsijgeáang~neiñ' e fí' lí' siseáng' dsea` do. ²² Dsu' mi~ caguilíng~ i dsea` néé' ni~ guá' i sí'í' ngotée' i dsea` apóo` i teáng'~ fí' dsí' 'nuñí' do, jo mi~ caguilíiñ` fí' jo, jo` ii' cadséiñ' jii'~ jaang`. Jo caquim'~bre e quieer` e júu` do fí' quini~ i dsea` siseáng' do jo lalab casí'~reiñ':

²³ —Mi~ caguié~naa', dseáng'~ jní' guiáb~ jní' quía' e 'nuñí' do, jogui i 'lée~ i jmóo' í' do, dob teáaiñ` fí' quini~ jní'; dsu' mi~ caneá'naa', jii'~ jaang` jo` ii' seeng` fí' dsí' jo.

²⁴ Jo mi~ canúu~ i fii~ jmidsea` do cóo'~ gui dsea` mogui~ i fii~ i néé' ni~ guá' fé' do e júu` jo, joba' canaaiñ` siiiñ` e~ nidsijée' quía'r~ cóo'~ i dsea` góor` do.

²⁵ Jo lajee~ jo, cóo' caguieb~ jaang` dsea` i quie' júu` e fí' lí' siseáng' dsea` do, jo lalab casí'r~ dsea` í':

—I dsea` i cateáng' 'nú' 'nuñí' do, dob niteáaiñ' fí' dsí' sinúu` guá' fé' quí'~na' lana e e'tur.

²⁶ Joba' cangolíng` i fii~ néé' ni~ guá' do cóo'~ gui jaléng` dsea` quía'r~ e cango'néem'~breiñ' do. Jo mi~ cadséng' neiñ' do, ja' ee' cajmeáiñ' jii'~ cóo',

co' 'gó'bre fing casi'ló' i dsea` i teáng' do cuu` ír. ²⁷ Jo cató'breiñ' do fí lí' siseáng' i dseata` i quie' nifí' quía'- dsea` Israel. Jo mi` caguiliñ' fí' jo, lalab casi' jaléng' i dsea` mogui` quía'- jaléng' fií' jmidsea` do ír:

²⁸ —Jnea'^ nicaté'baa' fò' quí-na' jééng'gui e jo` ni'é'na' jaléng' dsea` cuaiñ` quía'- i dsea` góo'naa' i sii` Jesús do, jo jòø-na' lana e fí' latøøm` fií' Jerusalén nicaguiá'na' e júu` jo, jogui la quie'gui jnea'^ iing~na' cuó'na' dsee` cuaiñ` quía'- e cajnga' dsea` quía'- i Jesús do.

²⁹ Joba' cañí' Tú` Simón cóo' i apóo` caguiaang`gui do, jo cajíñ'- casí'r- i dsea` góor` i siseáng' do:

—Laniing`gui eáng' 'né- e jmití'naa' jalé' ta` quíu' Fidié` laco'gui e nijmití'naa' ta` quíu' jaléng' dsea` jmigüí. ³⁰ Co' i Fidié` i jmiféng' 'lí' dsea` cøøng' quí-naa' do, dsea` íbing' cajmée` e cají'tu Jesús, i dsea` góo'naa' i cajngang'na' fí' dse' crúu` do. ³¹ Jogui Fidié` nicaseáng'neiñ' do, jogui nicaguiéiñ' lí' lí' dsée' laco' guíñ' 'ñia'r', jogui nicacuø'reiñ' do ta` e nicár` nifí' quía'- dsea` jmigüí, jogui e leaiñ` dsea` jee` jalé' dsee` quíaiñ'. Jogui cajmée` Fidié` lajo e laco' níquí' jíng' yee'naa' fí' quinir, jneaa'aa' dsea` lí' dsea` Israel, jo lajoba' ni'íñ` dsee` quí-ii'. ³² Jo neb` jnea'^ guíá' la'uiing` e júu` jo lí' laco'gui la ñí' Jmiguí quía'- Fidié` cajo, jo e Jmiguí jo e nicacuø' Fidié` jaléng' dsea` i náu` júu` quía'r-.

³³ Jo mi` canúu` i dsea` Israel i siseáng' do lajii` júu` quía'- i dsea` góor` Tú` Simón do, dsifí' ladob caliguiñ` jo cartí' mi` iíñ` nijngám'-breiñ' do. ³⁴ Dsu' jee` i dseata` i siseáng' do níquiéeng` jaang` dsea` Israel i líng' dsea` fariseo i sii` Gamaliel, jo líiñ` jaang` tifa' quía'- júu` quíu' ta` quía'- dsea` góor', jo eám' jmi'gó' jaléng' dsea` i tifa' do. Jo i tifa' do caróor` lí' guíñ` jo caquiur' ta` e ca'uøøng`tea i dsea` apóo` do e lí' siseáiñ' do. ³⁵ Jo mi` cangí' jo, i tifa' fariseo do casí'r- jaléng' i dsea` i siseáng' do ie` jo, jo cajíñ'-:

—Dsea` góo'naa' dsea` Israel, ñiing` óo'na' cóo' jalé' e í' óo'na' nijmee-na' cóo' i dsea` góo'naa' na. ³⁶ Téé' óo'na' ie` níngóo'jiu do caseáng` i dseañu' i sii` Teudas do teá' 'ñia'r' e jíñ' e líiñ` jaang` dsea` laniing-, jo fíim' dsea` caligóíñ' lí' lí' quíu' ciento dsea`bing' cangotáang` cóo'r- ie` jo. Dsu' cajngam' dsea` i Teudas do mi` cangí' jo, jogui jaléng' dsea` quía'r- casojóm-bing' do, jo jíi` jo cadséng` quía'r-. ³⁷ Jo mi` cangí'gui lajo, coo` jmíi` e calí'íng` dsea`, caróo` jaang` dseañu' i sii` Judas i seeng' fí' Galilea i cajíng'- e líiñ` jaang` dsea` laniing-; jo fíim' dsea` calí'r- i caligøng` ie` jo. Dsu' mi` cangí'gui lajo, dseab` cajnga' quía'r- cajo, jogui jaléng' i dsea` quía'r- do casojóm-biñ' do cajo. ³⁸ Joba' fií` jnea` 'nú' e tiúung'na' jaléng' i dsea` na, jo ja` quíng'na' jíi` coo` cóo'r-. Co' faco' e júu` la quía'- lajii` yaang` dsea` jmigüí, cuøøm`bi níngíng-. ³⁹ Dsu' song e júu` la e quía'- Fidié`, joba' ja` quí' jmíi` nilí' 'nú' e ní'íng'na'. Joba' fií` i 'nú' e ñiim` óo'na', jo jie' mi` jmee-na' e teáng-na' ga` uii` quía'- Fidié`.

Jo mi` calí' e fé' i tifa' Gamaliel do e júu` jo, ca'ím- i dsea` do júu`. ⁴⁰ Jo catób'-tur i dsea` apóo` do calé' catú- fí' lí' siseáng' i dsea` fíing' do; jo mi` niteáiñ' do, jo cabøøng`neiñ' jogui ca'í-tur 'goo` quíaiñ'- do e jo` níguíá`guíñ' do júu` quía'- i Jesús do. Jo mi` cangí' jo, joguiba' caleáng'neiñ' do. ⁴¹ Jo ca'uøøm` i dsea` apóo` do e fí' jo e íáng` dsíir, co' Fidié`bing' i nicacuø' ír e laco' nidsingíiñ` iihu' uí' Jesús. ⁴² Jo canaang`tu i dsea` apóo` do e e'r' jaléng' dsea` júu` quía'- Jesús lacoo` jmíi`, jogui guiar' jalé' e júu` do fí' dsí' sinúu` guá'- fé' quía'- dsea` Israel e sí' fí' Jerusalén jogui lajobi lacaang` fí' sinúu` quía'- dsea` cajo.

6

Mi ca'náaiñ guiáng dsea i nijmicóo~ quía~ e nilí guié~ jalé~ e 'né~

¹ Jo ie~ jo, eáam' ngofing' dsea i jáng' yaang' fi' jaguó' Dsea Jmáang~; joba' i dsea i fé' jmí' griego canaaiñ' jmiquím' dsír' quía' i dsea Israel i fé' jmí' hebreo, jo fé'r' e jaléng' dseam' griego i 'nái~ ja' íñ' røø' lajii' e ngíiñ' e 'né~ lacoo' jmíi~. ² Joba' caseáng' i dsea' guitúung' do lajaléng' dsea i nilíng' dsea' quía' Dsea Jmáang~ jo casí' reiñ' do jo cajíiñ'~:

—Ja' dseeng' e jnea' nitú'naa' e guia'naa' júu' quía' Fidié~ e laco' nijmó'naa' guié~ lajii' e sí'í' niñíng'na'. ³ Joba' fíi' i 'nú', dsea' rú'naa' dsea' quía' Dsea Jmáang~, 'néeng' rúng'na' lajee' la'ó' yaang'na' guiáng' dseañu' i la'ó' nicuíng' rúng'na' røø' cóo'~ jogui ningáng'na' quía' rúng'na' jogui i la'ó' nijmicóo'~ Jmiguí' quía' Fidié~ quí'na'. Joba' dsea' íbing' niguiá'na' ni~ e ta~ jmóo' guié~ na. ⁴ Jo jnea' nijmó'bhí' ta~ féng' Fidié~ jogui ta~ guia' júu' quía' Dsea Jmáang~ lajee' jo cajo.

⁵ Jo lajiiim' i dsea' do casíiñ' røø' ie~ jo. Joba' ca'náaiñ' Tée~, jaang' dseañu' Israel i já' líng' júu' quía' Dsea Jmáang~ car' ngocáng' dsír' jogui i jée' Jmiguí' quía' Fidié~ quía'~, cóo'~ gui Lii' cóo'~ gui Prócoro cóo'~ gui Nicanor cóo'~ gui Timón, jogui Pármenes jogui cóo'~ Nicolás, jaang' i niseeng' fi' Antioquía, jo i dsea' í nicaquí' jíng' 'ñia'r' e laco' nica'uúíiñ' dsea' Israel. ⁶ Jo mi~ cangí' jo, cangosíng' yaaiñ' fi' lí' teáng' dsea' apóo', jo ígui'bing' camí' Fidié~ uii' quía'iñ'~ do, jogui mifíng' caquidsir' guóor' moguiñ'~ lajaang' lajaaíiñ' e laco' cuø' lí' e ca'íiñ' e ta~ do.

⁷ Jo lajob' ngóo' ni' júu' quía' Fidié~, jogui ngóo' dsifíim'bi i dsea' i jáng' yaang' fi' jaguó' dsea' do fi' Jerusalén. Jo jii'gui i fíim' jmidsea' Israel íñ' júu' quía' Dsea Jmáang~ ie~ jo.

Mi casaiñ' Tée~

⁸ Jo co' eáam' 'gøng' i Tée~ do la'eáang' cóo'~ güea' 'gøng' quía' Fidié~, joba' jmóo'bre jalé' e quí'~ jmíi' jogui jalé' e lí' fi' jee' dsea' seeng' fi' jo. ⁹ Jo cóo' jmíi' fíim' dsea' Israel dsea' góo' i Tée~ do canaang' jmiquíng' dsír' cóo'iñ'~ do, jo i dsea' Israel i fíing' do quíéng' i líng' dsea' i teáng'~ jee' 'lé' e sii' Liberto colíing' cóo'~ dsea' i seeng' fi' Cirene cóo'~ gui fi' Alejandría, jogui jaléng' dsea' seeng' lí' se' Cilicia cóo'~ gui lí' se' Asia cajo. ¹⁰ Jo jaléng' dsea' íbing' canaang' jmiquíng' dsí' cóo'~ i Tée~ do, dsu' ja' lí' guir fa' e røø' nicøng' júu' quía'r' cóo'~ i Tée~ do, co' eáam' tiiñ' do la'eáang' cóo'~ Jmiguí' quía' Fidié~. ¹¹ Joba' i dsea' í ca'náaiñ' dsea' 'léeng' i nijmé' dsee' uii' quía'iñ'~ do e laco' nicuó'r' dsee' i Tée~ do e féiñ' do jmang' júu' ga' uii' quía'~ Moi' jogui uii' quía' Fidié~ cajo. ¹² Jo lajob' calí~, júu' job' teá' casá'~ jaléng' dsea' Israel i seeng' fi' do colíing' cóo'~ jaléng' dsea' cóøng'~ quía'r' cóo'~ gui jaléng' tifa' quía' júu' quíu' ta~ quía'r'~ jo jmang' i calí' 'ní' níim' i Tée~ do. Jogui jaléng' i dsea' Israel do casam'~bre Tée~ jo caguíjeáaiñ' fi' quini' jaléng' dseata~ i quíe' nífi' quía'r'~. ¹³ Jo mi~ caguíiñ' fi' jo, dob' niteáang' dsea' i nisi'neaang' i nífé' ga' uii' quía'~ Tée~, ¹⁴ jo lalab' cajíng' i dsea' do:

—Nicanú'naa' e fé' i Tée~ do cuaiñ' quía' Jesús i seeng' fi' Nazaret e ní'ím'~bre guá' fé' quí'naa' e sí' fi' Jerusalén, jogui e nijmisíiñ' jalé' e quí'~ tii'naa' jmoo'naa' e casée' Moi' do e 'né' jmití'naa'.

¹⁵ Jo i dseata' Israel do cóo'~ gui i dsea' i neáang' do ie~ jo, mi~ cajóøiñ' Tée~, jo cangáng' neiñ' do e lí' niñ'~ laco' lí' ni~ jaang' ángel i casíng' Fidié~.

7

Mi cajmí'øng' 'ñia' Tée' cóo'~ layaang' júu'

¹ Jo mi~ cangf jo, i dsea` mogui` quiá~ jaléng' fii~ jmidsea` quiá~ dsea` Israel do cajming' r~ i dsea` góor` Téé~ do song e jáb'~ lajii' júu^ e nicanúur~ fé' dsea` uii~ quiáin'~ do. ² Joba' cañi' Téé~ quiá~ i dsea` mogui` fii~ jmidsea` do jo casí'~ reiñ' lala:

—Núu~na' júu^ quié~e, dsea` cóong'~ qui~ii' jogui dsea` rú'naa' dsea` lí'ii' dsea` Israel. Cajmijnéem` 'ñia' Fidiéé~ qui~ii' i laniing~ 'gøng' do fí' quini' 'lii~ yúu~ qui~ii' Abraham malii~gui eáang' lajee~ e cateáang` 'lii~ yúu~ do fí' Mesopotamia lajee~ e nú'~gui nidsér~ e nidsigüear' fí' Harán. ³ Jo lalab casí'~ Fidiéé~ dsea` í ie~ jo: “Túu' góo' cóo'~gui jaléng' dsea` sijú'^, jo niguó'^ fí' guóo'~ uó' li~ ni'éé^e 'nu.”

⁴ Jo lajob cajmée` 'lii~ yúu~ qui~ii' Abraham, cagüi'fi'bre e fí' Caldea do jo fí' dob cangogüear' fí' Harán. Jo mi~ cangf jo, cajúm~ tiquiár^'. Jo Fidiéeb' cató'~ quiá~ i Abraham do fí' Canaán fí' li~ née' jneaa~aa' lana. ⁵ Dsu' ja' cacuø' Fidiéé~ dsea` í jii'~ coo' uó' ie~ jo. Jo Fidiéé~ casí' r~ 'lii~ yúu~ Abraham e nicuø'~bre dsea` sijú' dsea` do e uó' do, nañi' fa' jii'~ jaang' jóo' 'lii~ yúu~ Abraham ja' mí' seeng' ie~ jo. ⁶ Jogui casí'~bi Fidiéé~ i Abraham do e jaléng' dsea` Israel i líng' dsea` áang' qui~naa' nidsiliiñ~ e nigüear' e líiiñ' dsea` fi' jié' fí' coo' ni~ guóo'~ uó' e née' huíi'. Jo fí' job nijméiñ'~ do ta~ laco' dsea` si'nüing' jogui gab' nidsingüiñ'~ do lajee~ quiü' ciento jii'. ⁷ Jo casí'~bigui Fidiéé~ i Abraham do jo cajíñ'~: “Jnea~ nicuøø' iihuü' jaléng' dsea` i nijmeáng' ta~ jaléng' dsea` quié~ e e líiñ' do dsea` si'nüing'. Jo mi~ ningf jo, ni'uóm' jaléng' i dsea` quié~ e do fí' jo, jo jaléng' í nijmér~ lajii'~ e iim~baa e fí' guóo'~ uó' na.” Jo lanab casí'~ Fidiéé~ i Abraham do ie~ jo.

⁸ Jo Fidiéé~ cacuø' r' júu^ 'lii~ yúu~ Abraham, jo catigua' júu^ e tóo' li' fí' ngúu' táang' lajii'~ yuu' siñuu^ e laco' cuø' li' e Fidiéeb' líng' Diéé~ quiá' r~, jo lajob ta~ caquiü' Fidiéé~ quiá~ 'lii~ yúu~ Abraham e nijmiti~bre e jo. Joba' mi~ tí' li~ caliséng' jaang' jiuung~ siñuu^ quiá' r~ i calisi' Isáa', jo catéé'bre li' fí' ngúu' táaiñ' do mi~ cadsíñ~ jñiá~ jmiñ' lí' laco' ta~ cahui' quiá' r~. Jogui lajob cajmée` i Isáa' do mi~ caliséng' jaang' jóor' siñuu^ i calisi' Jacóo', jogui lajob cajmée` Jacóo' cajo cóo'~ laji' guitúung' jóor' siñuu^ i caliséng' quiá' r~. Jo i guitúung' dseañu' íb' lí' tiquiá' laji' guitu' lé' dsea` Israel i líng' dsea` áang' qui~ii' do.

⁹ Jo co' jaléng' i jóo' Jacóo' i líng' dsea` áang' qui~ii' do cali' dsihuü'm'bre quiá~ i rúiiñ' i sii' Sé^ do, joba' ca'nü'm'breiñ' do cóo'~ dsea` i seeng' fí' Egipto, jo i dsea` í fí' job cajéeng' neiñ'. Jo dsu' eáam' cajmicóo'~ Fidiéé~ quiá~ i Sé^ do, ¹⁰ jo caleáam'breiñ' do jee~ jalé' iihuü' e si'í' e nidsingüiñ'~ do, jogui cacuø' reiñ' do e tii'm'biñ' eáang', jogui cajméeer' e guiáb~ ca'éé' i dseata~ dsea` féng' quiá~ Egipto cóo' r~, jogui cacuø' reiñ' coo' ta~ e líiñ' do dsea` nu'luu~ quiá~ dseata~ dsea` féng' e fí' Egipto do, jogui e née' niñ'~ do fí' 'nu~ i dseata~ féng' do cóo'~ gui jaléng' i dsea` i jmóo' ta~ fí' jo.

¹¹ Jo mi~ cangf jo, cajá~ jii' oo' fí' latøøng~ Egipto cóo'~gui fí' Canaán, jo eáam' iihuü' cangongüing~ dsea` cóong'~ qui~naa' co' jo` sea' e nidó' r~. ¹² Dsu' mi~ caliñi' i Jacóo' do e seab' micui'iee' fí' Egipto, joba' fí' job casiiñ' jaléng' jóor' i líng' dsea` áang' qui~ii' do. Jo e job la'uii' ya' e cangolíiñ'^ do fí' Egipto.

¹³ Jo mi~ cangolíng~ tu i jóo' Jacóo' fí' Egipto e cati' tú~ ya', jogui ba' cajmée` Sé^ júu^ cóo'~ jaléng' i dsea` í e rúiiñ' dsea` ngáang'~ cóo'~bre líiñ' do. Jo lajob caliñi' i dseata~ Egipto do e dsea` Israel líng' Sé^ laco'gui jneaa~aa'. ¹⁴ Jo mi~ cangf jo, caquiü' Sé^ ta~ e nidsé~ tiquiár^ Jacóo' colüing~ cóo'~ jaléng' dsea` sinúu^ quiá' r~ fí' li' guing~ dsea` do fí' Egipto. Jo lí' lajee~ lajiiñ' la'ó' cangolíiñ' fí' jo tí'bre setenta y cinco.

¹⁵ Jo lajob cajmée` Jacóo', cangogüear'bre fí' Egipto cóo'~ jaléng' dsea` sinúu^ quiá' r~. Jo fí' job cajúiiñ~, jo fí' jobi cajo cajúng~ jaléng' dsea` áang' qui~naa'.

16 Jo jaléⁿ móo^o teáang^l i Jacóo^o do cangocóor^o fí Siquem lí^o se^o Canaán, jo ca'óor^o fí dsíí^o tó^o ée^o lí^o calá^o 'lí^o yúu^o Abraham quiá^o jaang^o i calisí Hamor e fí Siquem do.

17 Jo mí^o nijaquíéeng^o e nijmiti^o Fidiée^o lajii^o júu^o e cacuø^o 'lí^o yúu^o qui^o-ii' Abraham lamí^o jéeng^o gui eáang^o, jo eáam^o nicangofíng^o dsea^o áang^o qui^o-ii' dsea^o Israel e fí Egipto do. 18 Jo ie^o jo mí^o caguá^o jaang^o gui dseata^o dsea^o féng^o i caquiú^o ta^o e fí Egipto do, jo i dseata^o í^o jo calicuíñ^o Sé^o. 19 Jo i dseata^o í^o, eáam^o ga^o ca'éer^o cóo^o jaléng^o dsea^o góo^o naa^o dsea^o Israel, jogui caquiú^o i dseata^o do ta^o e 'né^o nitiúuñ^o do jaléng^o yuu^o siñuu^o quiá^o r^o e laco^o nijúuñ^o do.

20 Jo ie^o job cajo cangáang^o i yuu^o siñuu^o Moí^o do, jo eáam^o iáang^o dsíí^o Fidiée^o cóo^o i yuu^o do. Jo sejmii^o biñ^o do cajmicuóo^o quiá^o r^o lajee^o gaang^o sí^o. 21 Jo coob^o mí^o catí^o í^o e 'né^o nitiúuñ^o i yuu^o do quiá^o r^o, joba^o cangotiúum^o bre. Jo jaang^o simí^o quiá^o r^o i dseata^o dsea^o féng^o Egipto do, íb^o cadséng^o i yuu^o do, jo cató^o bre fí quiá^o r^o, jo cajmicuáang^o neiñ^o do lafa^o jóo^o bre. 22 Jo mí^o cacuaiñ^o do, calitím^o bre lajii^o e tíng^o dsea^o egipcio, jogui eáam^o bi^o gøiñ^o cajo e tíñ^o jalé^o júu^o cóo^o gui jalé^o e jmóo^o dsea^o do cajo.

23 Jo mí^o cadsí^o i Moí^o i líng^o dsea^o áang^o qui^o-ii' do tuló^o jii^o, ca'í^o dsíí^o e nidsi^o eer^o dsea^o góor^o dsea^o Israel i taam^o bi^o fí Egipto do. 24 Jo mí^o caguiér^o fí jo, cangáñ^o jaang^o dsea^o egipcio i táang^o jmáng^o jaang^o dsea^o góor^o dsea^o Israel. Jo cajmi'óm^o Moí^o i dsea^o góor^o do, jogui cajngam^o bre i dsea^o egipcio do.

25 Jo í^o dsíí^o i Moí^o do e nililí^o jaléng^o i dsea^o góor^o dsea^o Israel do e la'eáang^o cóo^o í^o bre nileáng^o Fidiée^o jaléñ^o do, jo dsu^o ja^o calilí^o i dsea^o góor^o do jalé^o e jo. 26 Jo mí^o cajneá^o lajo, ngó^o tu Moí^o calé^o catú^o e cango'eer^o dsea^o góor^o dsea^o Israel. Jo mí^o caguiér^o fí jo, cangáñ^o gáng^o la'ó^o dsea^o góor^o i taang^o ta^o tíng^o, joba^o cali'iiñ^o e nisíng^o tuiñ^o do røø^o jo casí^o reiñ^o: “¿Jialí^o taang^o 'nú^o ta^o tíng^o la'ó^o rúng^o na?”

27 Joba^o i dsea^o i jmáng^o i jaang^o gui do caliguím^o bre quiá^o r^o Moí^o, jo ca'lem^o breñ^o do jo casí^o reiñ^o lala: “¿I^o caguíng^o 'nú^o e lán^o jaang^o fií^o qui^o-ii' i quidsi^o í^o jee^o jnea^o? 28 ¿Su^o í^o o^o e nijngan^o jnea^o laco^o gui cajngan^o i dsea^o egipcio do lado guiée^o?”

29 Jo mí^o canúu^o Moí^o e júu^o jo, cagüi'í^o bre fí Egipto jo cangór^o cangogüear^o fí cóo^o guóo^o uø^o e néé^o huí^o e sií^o Madián. Jo fí job caguár^o laco^o jaang^o dsea^o i jáa^o fí lí^o huí^o. Jo fí job caliséng^o gáng^o jóor^o siñuu^o.

30 Jo mí^o cangí^o tuló^o jii^o lajo, cóo^o jmii^o lajee^o e ngí^o Moí^o fí cóo^o guóo^o uø^o lí^o ja^o ii^o 'ga^o lí^o dsea^o seeng^o fí quiá^o r^o cóo^o mó^o e sií^o Sinaí, jo fí job cangár^o cóo^o 'matóo^o e gui^o ia^o jii^o dsu^o ja^o e coo^o. Jo lajee^o job cajmijnéeng^o 'ñia^o jaang^o ángel quiá^o r^o Fidiée^o e fí jee^o jii^o quiá^o r^o e 'ma^o e gui^o e ia^o jii^o do. 31 Jo eáam^o cango'gó^o dsíí^o Moí^o mí^o cangár^o e jo. Jogui mí^o cangoquíeeiñ^o cartí^o quiá^o r^o gui e laco^o nijøor^o guiú^o e jo, jo canúur^o luu^o Fidiée^o e guicajíng^o lala: 32 “Jneab^o Fidiée^o i jmiféng^o jaléng^o 'lí^o dsea^o cóong^o qui^o-na^o i calisí Abraham cóo^o gui Isáa^o jogui Jacóo^o.”

Jo mí^o canúu^o Moí^o e júu^o jo, eáam^o cafóñ^o car^o cajlém^o bre, jo jii^o jo niteá^o dsíí^o fa^o nijøø^o guir e lí^o gui^o 'matóo^o e ia^o jii^o do. 33 Jo guicañí^o tu Fidiée^o quiá^o r^o Moí^o jo casí^o reiñ^o do lala: “Uøø^o lomii^o, Moí^o, dsu^o güeam^o e ní^o guóo^o uø^o lí^o sí^o na lana, co^o quiáb^o sín^o n. 34 Jo nicamó^o baa guiú^o jial tí^o iihuí^o e íng^o dsea^o quié^o e, dsea^o Israel, i taang^o fí Egipto, jogui nicanú^o bí^o jalé^o dsee^o e jmóo^o dsea^o egipcio quiá^o r^o. Joba^o cagüén^o n 'ñiá^o a e laco^o nijmicóo^o baare e nileáiñ^o. Jo fii^o i 'nú^o e lana nisín^o 'nú^o fí Egipto e laco^o nigüileaan^o jaléng^o dsea^o quié^o e.”

35 Jo casí^o gui Téé^o i dsea^o do e júu^o la:

—Jo nañí^o fa^o ja^o cali'íing^o dsea^o Israel e i Moí^o do nicár^o nifí^o quiá^o r^o jogui casí^o biguir lala cajo: “¿I^o caguíng^o 'nú^o e lán^o jaang^o fií^o qui^o-ii' i quidsi^o í^o jee^o

jnea'?" jo dsu' Fidiée' casíñ' i Moi' do jee' jaléng' dsea' quiá'r- e niquiá'r- ta' jaléng' dsea' góor' dsea' áang' qui'-ii', jogui e nileáng- neiñ' jee' iihuá' e íñ' fí' Egipto. Jo ca'ín' e ta' jo la'eáang' cóo' i ángel i cajnéng- fí' e lí' gui' 'matóo' e ia' jì' do jo dsu' ja' coo'. ³⁶ Jo i Moi' dobing' ca'uóøng' jaléng' dsea' áang' qui'-ii' dsea' Israel fí' Egipto, jo í'bing' lajee' tuló' jii' cajméer' jalé' e lí' jogui jalé' e quiá'r- jmii' la'eáang' cóo' güea' quiá'- Fidiée' lajee' jéeiñ' dsea' áang' qui'-ii' mi' cacuo'r' fí' mar Rojo jogui mi' cangir' fí' jee' uó' quiú'. ³⁷ Jogui i Moi' dobi' cajo i casí'- jaléng' dsea' góor' dsea' Israel cóo' e júu' la: "Fidiée' nijmér- e fí' jee' 'nú' nigüi'í' jaang' dsea' i nifé' cuaiñ' quiá'- dsea' do laco'gui la jmóo' jnea'." ³⁸ Jogui Moi' bi' cajo i ca'íng' júu' quiá'- i ángel do fí' yá' mó' Sinaí; jo lí' jo cangüiñ' quiá'- 'lí' dsea' áang' qui'-ii' dsea' Israel lajee' e siseáiñ' do fí' ni' guóo' uó' quiú'. Jo Moi' bi' cajo i ca'íng' e júu' quiá'- Fidiée' cóo' e cuó' e seé-naa' cøøng' cóo' Fidiée' lata~, jo í'bi' cajo dsea' cangüiñ' fí' jaguóo'naa' e júu' jo, dsea' lí'naa' dsea' góor' dsea' Israel.

³⁹ Dsu' ja' cali'iing' jaléng' 'lí' dsea' áang' qui'-naa' fa' calináur' júu' quiá'- dsea' do o'gui calijí'r' júu' quiá'iñ'- do cajo, co' cali'iñ' e niquim'- tur calé' catú'- fí' Egipto. ⁴⁰ Jo i dsea' Israel do casí'r- Aarón, jaang' rúng' dsea' ngáang' cóo' Moi' do, jo casí'-reiñ' lala: "Jmiiñg' diée' qui'-ii' i ni'é'- jneaa'aa' fí'. Co' ja' ne'naa' e' cali' cóo' i Moi' do i ca'uóøng' jneaa'aa' fí' Egipto, co' ja' mí' cagüeam'bir e fí' yá' mó' lí' cangór- do". ⁴¹ Joba' cajmeáang' i dsea' Israel dsea' áang' qui'-ii' do jaang' diée' i líng' la líng' güitá' jiuung' cóo' layaang' cunée'. Jo mi' cangí' e cajmiiñ' i diée' do, jo canaaiñ' jmifém'breiñ' do, jo jngaiñ' jaléng' jó' e cuøiñ' i diée' do, jogui jmóor' jmii' e jmiféiñ' i diée' í' cajo i cajmeáaiñ' cóo' layaang' guóor' do.

⁴² Jo uí' joba' ca'náam- 'ña' Fidiée' cóo' jaléng' dsea' quiá'r- dsea' Israel dsea' áang' qui'-ii', jo ja' cajnir' fí' quiá'iñ'- do e nijmiféiñ' jaléng' núu' i sitóng'- yá' jmigüi'; co' lajob' toq' fí' ni' jì' quiá'- Fidiée' e cajme' i dsea' i café' cuaiñ' quiá'r- malii'gui eáang' mi' cajíñ'- lala:

Dsea' Israel:

'Nú', lajee' tuló' jii' e cangí'na' fí' ni' guóo' uó' quiú', ja' cajmi'goo'na' jnea' fa' cajngang'na' jó' i cacuøng'na' jnea'.

⁴³ Co' 'nú' ie' jo cajméel'na' 'núu' lí' cajmiféng'na' i diée' i sii' Moloc cóo'gui núu' quiá'- i diée' i sii' Refán.

Jo laji' huáng- i diée' í' yaam' 'nú' cajmeaang'na're.

Jo uí' joba' nisín'n 'nú' cartí' coo' guóo' uó' lí' huí' tí' dogui laco' lí' se' Babilonia.

Lanab toq' e fí' ni' jì' do.

⁴⁴ Jo café' bi' Tée' júu' quiá'r- jo casí'-reiñ' jo cajíñ'-:

—Jo lajee' ngí' jaléng' 'lí' dsea' cøøng' qui'-naa' fí' jee' guóo' uó' quiú', quier' coo' 'núu' e lí' cóo' layaang' 'mi', jo fí' dsí' job jmiguiéng' dsíir' jalé' júu' e cacuø' Fidiée' ír' lamí' jéeng'gui. Jo e 'núu' do cali' dseáng'- laco' ta' caquiá' Fidiée' quiá'- Moi' lí' laco'gui jii' í' e ca'íng' dsea' do quiá'- Fidiée' mi' cangár- jalé' e jo. ⁴⁵ Jo mi' cangí' jo, jaléng' dsea' áang' qui'-naa' ca'ím'bre e 'núu' 'mi' do. Jo mi' cagüilíñ' cóo' Josué e fí' guóo' uó' la, quíe'bre e 'núu' 'mi' do, jo quíe'bre cajo mi' calí'r- jalé' uó' quiá'- jalé' fii' e caguíe'gui e cacuø' Fidiée' jaléng' i dsea' í'. Jo lajobi' jmóor' latí' mi' catí' í' e caquiá' dseata' Daví' ta'. ⁴⁶ Jo eáam' cali'íáang' dsí' Fidiée' cóo' i dseata' Daví' do, jogui Daví' cali'íiñ' cajme'r' coo' 'núu' fí' lí' nijmiféng' dsea' i Fidiée' qui'-ii' jogui i líng' Fidiée' quiá'- 'lí' yúu' Jacóo' cajo. ⁴⁷ Jo dsu' i jóo' Daví' i sii' Salomón, í'bing' i cajme' e 'nú' Fidiée' do. ⁴⁸ Jo dsu' Fidiée' dsea' féng' dsea' níng' ja'

seeiñ' fí' dsí' 'nú' e jmo' dsea` jmi'gü' yaaiñ' lí' laco'gui cajíng' i dsea` áang' quí' i' i café' cuaiñ' quiá' Fidié' malí' gui eáang' i calisí' Saí' mi' cajíñ' lala:

⁴⁹ Jnea` Fidié', jo fí' ñifí' l' guiin' n quiá' u ta',
jogui fí' guó' uó' la lí' jmi'íng' tí'.

Jogui 'nú', dsea` Israel, ¿e' íng' 'nú' e nijmé' 'nú' quié' e?,
jogui, ¿jie' fí' lí' nijmi'ín' n cajo?

⁵⁰ Dsaco' 'ñiáb' jnea` cajmé' e lajalé' e sea' fí' la'úng' fí' jmi'gü'.

Jo lanab' jii' lí' júu' quiá' Fidié' e cajme' Saí' fí' ní' jì' quiá' r' malí' gui eáang'.

⁵¹ Jo café' bi Tée' júu' quiá' r' jo cajíñ' -:

—Dsu' 'nú' quié' na' logua` dsea` i ja` cúing' Fidié' jogui dsí' dsea` i ja` cúing' dsea` do cajo, co' saam' áa' na' jmoo' na'. Jogui røøb' líng' 'nú' cóo' jaléng' 'lí' dsea` áang' quí' naa', co' contøøm' 'ní' máang' na' Jmiguí' quiá' Fidié'. ⁵² Co' jaléng' i dsea' í'bing' eáam' ga' cajmeáiñ' jaléng' dsea` i café' cuaiñ' quiá' Fidié' malí' gui jo cajngam' bre jaléng' dsea` i mi' caféiñ' cuaiñ' quiá' i dsea` i ja' røøng' dsee' i tí' lí' nijáa' do. Jogui lanagui nicagüém' fí' jmi'gü' la i dsea` i ja' røøng' dsee' do, jo dsu' 'nú' 'ní' cañíng' na' re cartí' canjngam' ba' re. ⁵³ Jo nañí' fa' e nica' líng' na' júu' quiá' ta' quiá' Fidié' la' eáang' cóo' jaléng' ángeles quiá' r', jo dsu' ja' cajmee' na' nú' na' e jo.

Mí' cajnga' dsea` quiá' - Tée' cóo' layaang' cuu'

⁵⁴ Jo mi' canúu' jaléng' i dsea` quié' ní' quiá' dsea` Israel e júu' quiá' Tée' do, dsíng' caliguiñ' quiá' dsea` do carjì' tur' majar'. ⁵⁵ Dsu' i Tée' do eáam' jée' Jmiguí' quiá' Fidié' quiá' r', jo caséer' nir' fí' yá' jmi'gü' jo cangár' cateá' fí' lí' laniing' 'gøng' quiá' Fidié', jogui cangáiñ' Jesús e sing' dsea` do lí' lí' dsée' cáang' Tiquiá' r' Fidié'.

⁵⁶ Jo casí' Tée' i dsea` siseáng' do:

—jøø' na'! Lana móo' o fí' ñifí', jo dob máan' n i dsea` i cajá' fí' ñifí' e líiñ' jaang' dsea` jmi'gü'; jo máan' nre e siñ' fí' lí' lí' dsée' laco' guíng' Fidié'.

⁵⁷ Jo dsu' i dsea` i teáang' do i 'níng' Tée' cajni' bre loguar' jo canaaiñ' guiar' 'goo' lajiiñ' do e nisaiñ' Tée' jo casam' bre. ⁵⁸ Jo caguíng' neiñ' do fí' caluu' e fi' jo, jo canaaiñ' táang' neiñ' cuu'; jo jaléng' i dsea` i 'ní' ní' quiá' r' do caséer' sí' r' cóo' jaang' siming' i si' Saulo lajee' e táang' neiñ' do cuu'.

⁵⁹ Jo lajee' jo canaang' Tée' e féiñ' Fidié' jo cajíñ' -:

—Fí' i Jesús, íin' jmi'gü' quié' e jmi' na.

⁶⁰ Jo mi' cangí' e café' r' e jo, casí' r' uó' jnir' jo canaaiñ' fé' r' teá':

—Fí' i, ja' jmé' e' cuente e dsee' e ca' ée' i dsea' la.

Jo mi' calí' café' r' e júu' na, jo cajúm' bre.

8

Mí' cajmeáng' Saulo ga' jaléng' dsea` quiá' - Dsea` Jmáang'

¹ Jo røøb' casíng' i Saulo do cóo' jaléng' i dsea` i cajnga' quiá' i Tée' do.

Jo 'ñia' ie' jmi' jo canaang' jaléng' i dsea` do jmáiñ' jaléng' dsea` quiá' Dsea` Jmáang' i neáang' fí' Jerusalén. Joba' casojøm' jaléng' i dsea` í, jo cangolíñ' fí' guó' uó' lí' se' Judea cóo' gui lí' se' Samaria; jo jii' i dsea` apóo' dobing' cajé' gui fí' jo. ² Jo cóo' tú' máng' dsea` i jmi'gó' Fidié', íb' ca' áang' i 'lí' Tée' do, jo eáam' calijiuung' dsí' r' uii' quiáiñ' do cajo. ³ Jo lajee' jo i Saulo do ngír' laco' sinúu' quiá' jaléng' dsea` i cúing' Dsea` Jmáang' e jmáiñ' ga' jaléng' dsea` do jogui tøø' laguidseaang' jaléng' í jo dsijeáiñ' fí' dsí' 'nú' í; jo do quiéng' jaléng' dseañ' jogui jaléng' dseamí'.

Mí' caguia' dsea` júu' quiá' - Dsea` Jmáang' fí' lí' se' Samaria

⁴ Jo lajee˘ jo, jaléng˘ dsea˘ quiá˘ Dsea˘ Jmáang˘ i ca'uøøng˘ fí Jerusalén do naaiñ˘ guiar˘ júu˘ quiá˘ Dsea˘ Jmáang˘ laco˘ fí lí˘ guiliñ˘ quiá˘ jial nileáng˘ jaléng˘ dsea˘ jee˘ jalé˘ dsee˘ quiá˘r˘. ⁵ Jo jee˘ i dsea˘ í˘ quiéeng˘ jaang˘ i sii˘ Lii˘, jo í˘ cangór˘ fí cõ˘ fí˘ laniing˘ lí˘ se˘ Samaria, jo fí˘ job canaaiñ˘ e˘r˘ jaléng˘ dsea˘ júu˘ quiá˘ Dsea˘ Jmáang˘. ⁶ Jo fíim˘ dsea˘ seáiñ˘ e˘ fí lí˘ táang˘ i Lii˘ do, jo lajiiñ˘ do eáam˘ ngocáng˘ dsíir˘ núur˘ júu˘ quiá˘ Dsea˘ Jmáang˘ e guia˘ dsea˘ do, jogui níbir cajo jalé˘ lí˘ e quí˘ jmí˘ e jmóo˘ dsea˘ do. ⁷ Jo ie˘ jo i fíim˘ dsea˘ i jée˘ i 'ling˘ quiá˘ cajmi˘leáng˘ i Lii˘ do, jo jaléng˘ i 'ling˘ do dsíng˘ óor˘ mí˘ uóíñ˘ lí˘ teáaiñ˘ dsíi˘ jaléng˘ i dsea˘ do. Jogui ca˘láam˘ bi jaléng˘ dsea˘ i caang˘ tíi˘ cõ˘ gui jaléng˘ dsea˘ i ja˘ lí˘ ngí˘ jíi˘ capi˘. ⁸ Jo jaléng˘ i dsea˘ i seeng˘ fí jo eáam˘ cali˘iáang˘ dsíir˘ cõ˘ jalé˘ e cajmée˘ i Lii˘ do ie˘ jo.

⁹ Dsu˘ e fí fíi˘ jo niseeng˘ jaang˘ dseañu˘ i sii˘ Simón, jo nijmóor˘ ta˘ dsea˘ láang˘ lati˘ malíib˘; jo nínicajár˘ ta˘ jmigøøng˘ jaléng˘ dsea˘ i seeng˘ e fí lí˘ se˘ Samaria do, jo fé˘r˘ e jíi˘ íbre líiñ˘ jaang˘ dsea˘ i niing˘ gui lajee˘ lajing˘. ¹⁰ Jo jaléng˘ dsea˘ dseáng˘ cõ˘ gui˘náb˘ núur˘ e ngocáng˘ dsíir˘ lajii˘ júu˘ e guia˘ i Simón do, jo lalab fé˘r˘ cuaiñ˘ quiáiñ˘ do:

—I nab dseañu˘ i sii˘ i 'gøng˘ eáang˘ quiá˘ Fidiée˘.

¹¹ Jo lajalém˘ i dsea˘ do já˘ líiñ˘ júu˘ quiá˘ i Simón do, cõ˘ la'eáang˘ cõ˘ e láaiñ˘ do nicalí˘ bre nicaajmígøøiñ˘ dsea˘ lajii˘ malíib˘ eáang˘. ¹² Jo dsu˘ mí˘ já˘ calíng˘ jaléng˘ i dsea˘ í˘ jalé˘ júu˘ e guia˘ i Lii˘ do quiá˘ jial iing˘ Fidiée˘ cár˘ nífi˘ quiá˘ lajaang˘ lajaang˘ dsea˘ jmígüi˘, jogui cuaiñ˘ quiá˘ Jesús i líng˘ Dsea˘ Jmáang˘ i sijeeng˘ dsea˘ Israel, joba˘ dseañu˘ dseamíib˘ jáng˘ yaaiñ˘ fí jaguó˘ Fidiée˘ mí˘ núur˘ jalé˘ júu˘ e guia˘ i Lii˘ do, jo mífíng˘ casaam˘ bre jmíi˘ e laco˘ cuø˘ lí˘ e nilíiñ˘ dsea˘ quiá˘ Dsea˘ Jmáang˘. ¹³ Jo jígui˘ i Simón do já˘ calíiñ˘ jalé˘ júu˘ e caguia˘ i Lii˘ do, jo cajgáam˘ bre jmíi˘ cajo, jo canaaiñ˘ ngír˘ cõ˘ i Lii˘ do doñí˘ jíe˘ fí lí˘ ngíiñ˘ do, jo sóong˘ dsigá˘ dsíir˘ ní˘ jalé˘ e lí˘ e quíiñ˘ do jmíi˘ jmóor˘.

¹⁴ Jo mí˘ caliñí˘ jaléng˘ i dsea˘ apóo˘ i neáang˘ fí Jerusalén do e ca˘íng˘ jaléng˘ dsea˘ i seeng˘ fí lí˘ se˘ Samaria jalé˘ júu˘ quiá˘ Fidiée˘, joba˘ casíiñ˘ Tú˘ Simón fí jo cõ˘ gui Juan. ¹⁵ Jo mí˘ caguiliñ˘ do fí jo, canaaiñ˘ mí˘r˘ Fidiée˘ uii˘ quiá˘ jaléng˘ dsea˘ quiá˘ Dsea˘ Jmáang˘ i seeng˘ fí Samaria do e laco˘ níiñ˘ do Jmíguí˘ quiá˘ Fidiée˘, ¹⁶ cõ˘ lamí˘ jéeng˘ gui jíi˘ jaang˘ ja˘ ii˘ mí˘ ca˘íng˘ Jmíguí˘ quiá˘ dsea˘ do, cõ˘ lico˘ nicaajgáaiñ˘ jmíi˘ bi e laco˘ cuø˘ lí˘ e nilíiñ˘ dsea˘ quiá˘ Dsea˘ Jmáang˘. ¹⁷ Jo Tú˘ Simón cõ˘ gui Juan caquidsir˘ guóor˘ fí moguí˘ lajaang˘ lajaang˘ i dsea˘ quiá˘ Dsea˘ Jmáang˘ do, jo lajob ca˘íñ˘ do Jmíguí˘ quiá˘ Fidiée˘ lajaang˘ lajaaiñ˘.

¹⁸ Jo mí˘ calilí˘ i Simón do e ím˘ jaléng˘ i dsea˘ do Jmíguí˘ quiá˘ Fidiée˘ e lico˘ quidsí˘ i dsea˘ apóo˘ do guóor˘ fí moguíñ˘, joba˘ dsifí˘ lajob casí˘r˘ i dsea˘ do jo cajíñ˘:

¹⁹ —Nicuøø˘ baa˘ 'nú˘ cuu˘ e nijmee˘ na˘ e nilíib˘ jnea˘ cajo e nicuøø˘ jaléng˘ dsea˘ Jmíguí˘ quiá˘ Fidiée˘ e lico˘ niquidsii˘ guóo˘ moguir˘ laco˘ gui la jmoo˘ 'nú˘ na.

²⁰ Joba˘ cañí˘ Tú˘ Simón quiá˘ i Simón do jo casí˘ reiñ˘:

—iNe˘duu˘ e˘ 'lí˘ nilíin˘ cõ˘ cuu˘ quíi˘, cõ˘ ca˘í˘ o˘ e cõ˘ cuu˘ quíi˘ ba˘ nilí˘ lajii˘ e ngíng˘ dsea˘ cuø˘ Fidiée˘! ²¹ Ja˘ ee˘ catíng˘ 'nu˘ jíi˘ capi˘ e ta˘ la, dsuco˘ ja˘ í˘ o˘ laco˘ catíng˘ fí quini˘ Fidiée˘. ²² Túu˘ lajii˘ e 'lí˘ e í˘ o˘ na, jo míi˘ Fidiée˘ e nííng˘ guir dsee˘ quíi˘ quiá˘ lajii˘ e ca˘í˘ o˘, jo ne˘duu˘ su cuøøng˘ gui lajo quiá˘r˘. ²³ Cõ˘ nilí˘ baa˘ e dsíng˘ dsihuín˘ laco˘ sin˘ na, jogui dsee˘ quíi˘ jéeng˘ 'nu˘ lafa˘ 'núum˘ ba˘.

²⁴ Jo cañí˘ i Simón do quiá˘ Tú˘ Simón jo casí˘ reiñ˘:

—Féeng^l na^l Fí^lnaa^l Fidié^e uii[~] quié⁻ e e laco^l ja^l güiguié^e güilín[^]n jalé^l e nicafé^e na^l na.

²⁵ Jo mi[~] cang^l jo, mi[~] cangoyúung^l e cajmée^e i dsea^l apó^o do júu[^] quiá^l jalé^l e guiá⁻ e nicajmée^e Fidié^e cóo^r jogui caguiar^l júu[^] quiá^l Fí^lnaa^l Jesús fí^l jo, jo lajee^e e niteáaiñ^l fí^l e ngolíñ^l fí^l Jerusalén canaaiñ^l guiar^l júu[^] quiá^l Fí^lnaa^l Jesús fí^l jmiguiab^l jalé^l fi^l pí[^] e té^e li[~] se^l Samaria cartí^l caguilíng^l tur fí^l Jerusalén.

Lii cóo^l jaang^l dseañ^u i seeng^l fí^l Etiopía

²⁶ Jo mi[~] cang^l jo, casíng^l Fidié^e jaang^l ángel i cajmijnéeng^l 'ñia^l fí^l quini^l i Lii^l do, jo lalab cajíñ^l casí^l reiñ^l:

—Gua^l guiá⁻ quí^l, jo gua^l fí^l lí⁻ lí^l uó^o laco^l ngó^o fí^l Jerusalén e guié^e cartí^l fi^l Gaza; jo e fí^l jo ngíng^l la tó^o ni[~] guó^o uó⁻ quiá^l.

²⁷ Jo lajob cajmée^e Lii^l, caguiéem^l guiá⁻ 'ñia^l r^l, jo cangó⁻ bre fí^l lí[~] caqui^u i ángel do ta^l. Jo guiá[^] fib^l cajíng^l rúíñ^l cóo^l jaang^l dseañ^u i niseeng^l fí^l Etiopía i nilíng^l jaang^l dseata^l dsea^l féng^l i jmó^o ta^l 'mea^l cuu⁻ quiá^l reina Candace e fí^l góor^l do. Jo i dseañ^u do nicangór⁻ fí^l Jerusalén e cangojmiféiñ^l Fidié^e,
²⁸ jo e ni^l uuiñ⁻ fí^l e ngang^l tur fí^l góor^l e guíñ^l fí^l cóo^l ni[~] bó^o e jñ^u cuea^l. Jo lajee^e jo, ngaiñ^l ir^l cóo^l jì^l e cajme^l Saí[^], jaang^l dsea^l i café^l cuaiñ^l quiá^l Fidié^e mal^l gui eáang^l.
²⁹ Jo cajíng^l Jmiguí^l quiá^l Fidié^e casí^l r⁻ i Lii^l do:

—Gua^l jo güiquiéeng^l laco^l ngo^l e bó^o do.

³⁰ Jo mi[~] cangoquiéeng^l Lii^l fí^l jo, joba^l canúur⁻ e í^l i dseañ^u do e jì^l e cajme^l i Saí[^] do, joba^l cajmíngi^l reiñ^l do jo cajíñ^l:

—¿Su ngám^l ba^l e í^l na?

³¹ Jo cañí^l i dseañ^u do quiá^l Lii^l jo cajíñ^l:

—U^l, ja^l ngán^l n, co^l jii^l jaang^l ja^l i seeng^l nijmeá^l jnea^l júu[^] e guóng^l jalé^l e tó^o la.

Jogui i dseañ^u etiope do cató^r Lii^l e caguaiñ^l do ni[~] e bó^o do colíng^l cóo^l.

³² Jo lalab fé^l e fí^l ni[~] jì^l lí[~] gui^l ná[^] ir^l do:

Cangojéeng^l dsea^l í^l fí^l lí[~] nijúuñ⁻

laco^l gui la jéeng^l dsea^l jaang^l jo^l se^l i dsijngáaiñ^l;

jo jii^l capí[^] ja^l ee^l ca^l óor^l laco^l gui ja^l óo^l jaang^l jo^l se^l mi[~] sitíng^l dsea^l jñ^u re^l.

³³ Jo gab^l cajmeáng^l dsea^l í^l, jo jii^l jaang^l ja^l seeng^l i quidsí^l í^l quiá^l r⁻ rø^o.

Jo jii^l jaang^l jo^l i quí^l jmi^l nijmé^l júu[^] cuaiñ^l quiá^l jaléng^l dsea^l sijur^l co^l cajnga^l dsea^l quiá^l r⁻,

joba^l congua^l cango^l iñ^l fí^l jmigü^l la.

Jo lanab lí^l júu[^] e í^l i dseata^l etiope do.

³⁴ Jo mi[~] calí⁻ ir^l e jì^l do, jo cajmíngi^l i dseata^l do cajmíngi^l r^l Lii^l jo cajíñ^l:

—Jmee⁻ uii[~] dié^e, jmé^e jnea^l júu[^] i cuaiñ^l quiá^l fé^l i Saí[^] do e fí^l ni[~] jì^l la. ¿Su quiá^l r⁻ 'ñia^l r^l ofa^l quiá^l i jiem^l é?

³⁵ Joba^l canaang^l Lii^l jma^l r^l júu[^] i dseañ^u do e cuaiñ^l quiá^l Jesús guóng^l e fé^l e fí^l ni[~] jì^l lí[~] iñ^l do; jo ngí^l jo casí^l reiñ^l quiá^l jial láang^l Jesús jaléng^l dsea^l jee^l jalé^l dsee⁻ quiá^l iñ^l.
³⁶ Jo lajee^e teáaiñ^l fí^l la do, cóo^l caguilím⁻ bre lí[~] sea^l jmi^l, joba^l lalab cajíng^l i dseata^l etiope do casí^l r⁻ Lii^l:

—Lab sea^l jmi^l e la. ¿Já[^] cuó^ong^l nisán^l jmi^l, faa^l aa^l?

³⁷ Joba^l cañí^l Lii^l quiá^l i dseañ^u do jo casí^l reiñ^l:

—Song^l já⁻ lín^l e ngocáng^l o^l júu[^] quiá^l Jesús, cuó^om^l nisán^l jmi^l.

Joba^l cañí^l i dseata^l do:

—Jáb^l lín^l e i Jesús do lí^l i Jó^o Fidié^e camíng^l do.

³⁸ Jo dsifí^l ladob caqui^u i dseata^l do ta^l e caje^l e bó^o lí[~] dsíñ^l do; jo cagáiñ⁻ e fí^l lí[~] sea^l jmi^l do, jo fí^l job caseáng^l Lii^l jmi^l i dseata^l do e laco^l

cuø li~ e ca'uiiñ~ do dsea` quiá~ Dsea` Jmáang~. ³⁹ Jo mi~ calí~ uøøiñ~ fí dsí' jmí, jo Jmiguí quiá~ Fidiéeb~ cacó~ quiá~ Lii~, jo jo` cangáng~ gui i dseata~ do ír; jo ca'ib~ tuiñ~ do fí iuuiñ~, jo dsíng~ iáang~ dsí' cangáiñ~ fí góor. ⁴⁰ Jo catí coo` fií e sii` Azoto nicaguié~ Lii~, jo fí job canaiñ~ ngír fí lacoo` lacoo` fií e guiar' júu^ quiá~ Dsea` Jmáang~ cartí caguiér~ fí coo` fií li~ sii` Cesarea.

9

Mi~ cajáng~ 'ñia' Saulo fí jaguó` Dsea` Jmáang~
(Hch. 22:6-16; 26:12-18)

¹⁻² Jo co' ie~ jo ja` mi~ caquiá~ bi dsí' Saulo e í dsír' e nijngáiñ~ jaléng~ dsea` quiá~ Dsea` Jmáang~, joba' cangór~ fí quini~ dsea` mogui~ quiá~ jaléng~ fií jmidsea` quiá~ dsea` Israel ie~ jo e cangomir~ fí e nidsér~ fí lacoo` guá~ quiá~ dsea` góor` dsea` Israel e téé~ fí fií Damasco e nidsisiñ~ jaléng~ dseañu' dseamí i já~ líng~ júu^ quiá~ Dsea` Jmáang~, jo nitøøreiñ~ do e 'ñúuiñ~ fí dsí' 'nuñí' e téé~ fí Jerusalén. ³ Jo cangám~ Saulo fí e nijmér~ lajo, joba' fí Damasco cangór~. Jo dsu' mi~ nijaquíém' e niguiéer' e fí jo, coo` cajneáb~ coo` jì e teá eáang' lacúng' lajíng' e li~ ngóor' do, jo e jì do jnéng~ jáa' catí yá^ jmigüí. ⁴ Jo dsifí lajob caquíng~ Saulo fí ni~ uó~, jo mifíng~ canúur~ e líng~ ií guicafé' fí yá^ jmigüí jo guicajíñ~ sí'r Saulo:

—Saulo, Saulo, ¿jiali' jmáan~ ga` jnea~?

⁵ Joba' cañí Saulo quiá~ i guicafé' do jo cajíñ~:

—¿I' 'nu', Fí'í?

Jo cañí tu i guicafé' do jo cajíñ~:

—Jneab~ Jesús i ngí 'nu' jmáan~ ga` lana, jo ja` ta~ íng^ quí' e jmoo' lajo, co' lí^ lí eáang' gui jmáang~ uøø'ba' e jmoo' lajo.

⁶ Jo dsíng~ cafóng' Saulo mi~ canúur~ lado, joba' cañír jo cajíñ~:

—Fí'í, ¿e~ iin~ e nijmee~e?

Joba' cañí tu i guicafé' do jo cajíñ~:

—Ráan~, jo gua~ fí Damasco, jo fí job nihuí' ta~ e~ 'né~ nijmée^.

⁷ Jo jaléng~ dsea` i ngolíng~ gui cóo' Saulo ie~ jo dsíng~ cafóñ~, co' canúu~bre e luu~ e guicafé' do, dsu' jíí~ jaang~ ja` ií cangáiñ~. ⁸ Jo mi~ caróo~ Saulo e li~ caquíñ~ do, jo mi~ néé' júu^ e cajóor~ dsu' jo` nijneá~ jminir~ jíí~ capí^ co' nituum~bre. Jo i dsea` i ngolíng~ cóo'r~ dob ca'méeng~ ír` cartí caguiér~ cartí Damasco. ⁹ Jo fí job cajer' 'ní jmí~ tøøng~ e ja` jné'r~ jíí~ capí^ o'gui í' gø'r cajo.

¹⁰ Jo e fí Damasco do niseeng~ jaang~ dseañu' i líng~ dsea` quiá~ Dsea` Jmáang~ i nisii` Ananías. Jo coo` jmí~ cajmijnéeng~ 'ñia' Dsea` Jmáang~ fí quini~ i dsea` í lafa' mi~ quir', jo casí'r~ dsea` do lala:

—¡Ananías!

Joba' cañí Ananías quiá~ dsea` do jo cajíñ~:

—Lab sín'n, Fí'í.

¹¹ Jo cajíng~ Fí'naa' Dsea` Jmáang~ casí'r~ i Ananías do:

—Ráan~, jo gua~ fí coo` jee~ 'núu' li~ sii` Derecha. Jo mi~ niguie' quiá~ jaang~ dsea` i sii` Judas, jo nijmingín~ jaang~ dseañu' i sii` Saulo i seeng~ fí Tarso, co' lana guiiñ~ féiñ' jnea~. ¹² Jo jnea~ nicajmé~ e e nicangáng~ Saulo 'nu' lafa' mi~ quir' e guie' fí li~ guiiñ~, jo niquidsi' guóo' fí moguir~, jo lajob nilijné' tur calé' catú~.

¹³ Jo mi~ canúu~ Ananías e jo, lalab cañír jo cajíñ~:

—Fí'í, fíim' dsea` nicajmea'r' jnea~ júu^ uii~ quiá~ i dseañu' í quiá~ jalé' e ga` e nicajmeáiñ~ dsea` quí' fí Jerusalén. ¹⁴ Jogui lana nijáar' fí la e niquier'

júu[^] quiá[^] jaléng[^] fii[~] jmidsea[^] e nisáin[^] jaléng[^] dsea[^] quiá[^] jō nidsiteáng[^] neiñ[^] fí[^] dsí[^] 'nuñí[^].

¹⁵ Jōba[^] cañí[^] Fí[^]naa[^] Dsea[^] Jmáang[^] quiá[^] Ananías jō cajíñ[^]:

—Gua[~], jō güjmiti[~] lajii[~] ta[~] quiá[^] u, co[^] jnea[~] nica[^]naán[~] n i dseañu[^] do e niguiár[~] jalé[^] júu[^] quié[~] e jee[~] jaléng[^] dsea[^] i ja[^] líng[^] dsea[^] Israel cóo[^] gui jaléng[^] dseata[~] dsea[^] cóong[^] quiá[^] r jōgui fí[^] quini[^] jaléng[^] dsea[^] Israel cajo.

¹⁶ Jō jnea[~] bi[~] ni[^]é[^] e Saulo jial tí[^] iihu[^] 'né[~] nidsingíñ[~] uii[~] quié[~] e.

¹⁷ Jō dsifí[^] ladob cangó[^] Ananías fí[^] lí[~] niguiing[~] i Saulo do. Jō mi[~] caguiér[~] fí[^] jō, ca[^]í[~] bre fí[^] dsí[^] siná[^] lí[~] guiiñ[~] do, jō caquidsir[^] guóor[^] moguiñ[~] do, jō cajíñ[^] casí[^] reiñ[^]:

—Saulo, rú[^] uu[^], i Fí[^]naa[^] Jesús i cajmijnéeng[^] 'ñia[^] lajee[~] iuun[^] fí[^] e ñi[^] fí[^] la casíñ[^] jnea[~] lana e nijmee[~] e e nilijné[^] tu[^] calé[^] catú[^] jōgui e niñin[^] Jmigu[^] quiá[^] Fidié[^].

¹⁸ Jōba[^] caquidsí[^] Ananías guóor[^] fí[^] yá[^] mogui[~] Saulo, jō dsifí[^] lajōb casojiá[^] e lí[^] la lí[^] hui[^] 'ñu[^] jmini[^] dsea[^] do, jō dsifí[^] ladob calijné[^] r. Lí[^] jō caróor[~] jō mifíng[^] cajgáaiñ[~] jmí[^] e laco[^] cuø[^] lí[~] e ca[^]uiñ[~] dsea[^] quiá[^] Dsea[^] Jmáang[^]. ¹⁹ Jō mi[~] cangí[^] jō, cagó[^] r ir[~] jō catim[^] tur bí[^] quiá[^] r. Jō caje[^] bir cóo[^] tú[^] jmí[^] mi[~] cangí[^] jō cóo[^] jaléng[^] dsea[^] quiá[^] Dsea[^] Jmáang[^] i neáng[^] fí[^] Damasco.

Mí[~] caguia[^] Saulo júu[^] quiá[^] Dsea[^] Jmáang[^] fí[^] Damasco

²⁰ Jō lajee[~] jōb canaang[^] Saulo guiar[^] júu[^] quiá[^] Dsea[^] Jmáang[^] laco[^] guá[^] quiá[^] dsea[^] góor[^] dsea[^] Israel e té[^] fí[^] Damasco, jō sí[^] r jaléng[^] dsea[^] e i dsea[^] góor[^] Jesús do líng[^] i Jóo[^] Fidié[^] camíng[^] do. ²¹ Jō jaléng[^] dsea[^] i núu[^] e júu[^] quiá[^] r do, sóong[^] dsigá[^] dsí[^] r jō fé[^] r:

—¿Su o[^] i nabi[^] i dseañu[^] i ngí[^] jmáng[^] ga[^] jaléng[^] dsea[^] quiá[^] Dsea[^] Jmáang[^] i neáng[^] fí[^] Jerusalén? Jō ¿su o[^] i nabi[^] cajo i cagüéng[^] fí[^] Damasco la e nitóor[^] e 'ñúung[^] jaléng[^] dsea[^] quiá[^] Dsea[^] Jmáang[^] fí[^] quini[^] jaléng[^] fii[~] jmidsea[^] quiá[^] dsea[^] Israel fí[^] Jerusalén?

²² Jō dsu[^] lajee[~] jō, eáng[^] gui cuø[^] bí[^] 'ñia[^] Saulo e guiar[^] e júu[^] do. Jō jalém[^] i dsea[^] Israel i seeng[^] fí[^] Damasco do caje[^] r jii[^] ja[^] ñir[^] e[~] dseáng[^] niñir[^], co[^] i Saulo do guiar[^] júu[^] e dseáng[^] jáb[^] e Jesús líñ[^] Dsea[^] Jmáang[^] i sijeeng[^] dsea[^] Israel.

Mí[~] caláang[^] Saulo fí[^] jaguó[^] dsea[^] góor[^] dsea[^] Israel

²³ Jō mi[~] cangí[^] gui lajō, jaléng[^] dsea[^] Israel i seeng[^] fí[^] Damasco do canaaiñ[^] sñiñ[^] røø[^] jial nijngáin[^] i Saulo i líng[^] dsea[^] góor[^] do. ²⁴ Jō dsu[^] ca[^] òm[^] Saulo júu[^] lajii[^] e í[^] dsí[^] i dsea[^] do e nijmeáng[^] neiñ[^]. Jō uøø[^] jmí[^] b neáng[^] i dsea[^] i siteeng[^] í[^] do fí[^] oo[^] iá[^] cuu[^] e ñí[^] eáng[^] lí[~] güí[^] íng[^] jee[~] fí[^] Damasco e quiá[^] siteeiñ[^] e nijngáng[^] neiñ[^]. ²⁵ Dsu[^] cóo[^] uøø[^] jaléng[^] i dsea[^] quiá[^] Dsea[^] Jmáang[^] i neáng[^] fí[^] Damasco do cataiñ[^] Saulo fí[^] dsí[^] cóo[^] 'matá[^] e fe[^], jō cajgiáng[^] neiñ[^] do fí[^] dse[^] e iá[^] cuu[^] e sí[^] lacúng[^] fí[^] do, jō lajōb caleáaiñ[^] dsea[^] do.

Mí[~] caguiéng[^] tu[^] Saulo fí[^] Jerusalén

²⁶ Jō mi[~] cangí[^] jō, caguiém[^] tu[^] Saulo fí[^] Jerusalén, jō cali[^] iñ[~] e niseáiñ[^] colíng[^] cóo[^] jaléng[^] dsea[^] quiá[^] Dsea[^] Jmáang[^] i neáng[^] fí[^] jō; dsu[^] lajím[^] i dsea[^] do góm[^] breiñ[^], co[^] ja[^] já[^] líñ[^] e nilíng[^] Saulo dsea[^] quiá[^] Dsea[^] Jmáang[^]. ²⁷ Jō dsu[^] jaang[^] dseañu[^] i sii[^] Bernabé caguijéeiñ[^] Saulo fí[^] quini[^] jaléng[^] dsea[^] apóo[^] i neáng[^] fí[^] Jerusalén, jō cajmea[^] reiñ[^] júu[^] jial cangáng[^] Saulo Fí[^]naa[^] Dsea[^] Jmáang[^] lajee[~] iuiñ[~] fí[^] e ngóor[^] fí[^] Damasco, jōgui jalé[^] e caféng[^] Fí[^]naa[^] Dsea[^] Jmáang[^] í[^] r, jōgui jial teá[^] dsí[^] r guiar[^] júu[^] quiá[^] Jesús e fí[^] Damasco do. ²⁸ Jō lajōb mi[~] caje[^] Saulo fí[^] Jerusalén, jō colím[^] canaaiñ[^] ngí[^] r cóo[^] dsea[^] quiá[^] Dsea[^] Jmáang[^] i neáng[^] fí[^] jō. ²⁹ Jō dseáng[^] ngocáng[^] dsí[^] bre guiar[^] jōgui sñiñ[^] júu[^] quiá[^] Dsea[^] Jmáang[^] jee[~] jaléng[^] dsea[^] Israel i fé[^] jmí[^] griego.

Jō dsu' lajaléng' i dsea' í jmóor' úung' e nijngám' bre Saulo. ³⁰ Jō mi' calilí' i dsea' quiá' Dsea' Jmáang' i caguiaang' do e í dsí' i dsea' do lado, jōba' caguim' bre Saulo fí fii' Jerusalén, jō cangojéeng' neiñ' do fí' Cesarea; jō mi' cangí' jō, caguiéng' neiñ' do fí' góor' lí' sii' Tarso.

³¹ Jō jaléng' dsea' quiá' Dsea' Jmáang' i seeng' fí' lacaang' lí' se' Judea cóo' lí' se' Galilea cóo' gui lí' se' Samaria juguiá' júu' røøb' niseeiñ', jōgui eáang' gui ngóo' lijá' líiñ' jalé' júu' quiá' Dsea' Jmáang' car' ngocáng' dsí' r'. Jō lajalém' bre jmóor' úung' e jmifeiñ' Fí'naa' Dsea' Jmáang', jō lajōb' ngóo' lifíng' dsea' i jáng' yaang' fí' jaguó' Dsea' Jmáang' lacōō' jmí' lacōō' jmí' la'eáang' cóo' Jmiguí' quiá' Fidié'.

Mí' cajmi'leáang' Tú' Simón jaang' dseañu' i caang' tñ'

³² Jō lajee' jō ngí' i Tú' Simón do e dsí' eer' jaléng' dsea' quiá' Dsea' Jmáang', jō lajee' jō cangór' fí' cōō' fii' lí' sii' Lida e cango' eer' jaléng' dsea' íb' cajo i neáang' fí' jō. ³³ Jō mi' caguiér' fí' jō, cadséiñ' jaang' dseañu' i caang' tñ' i sii' Eneas, jō ningóo' mí' jñiá' jii' e niráaiñ' do cōō' lí' ráaiñ'. ³⁴ Jō lalab casí' Tú' Simón i dseañu' í' jō cajíñ':

—Eneas, Dsea' Jmáang' nijmi'leáaiñ' 'nu' jmí' ná. Ráan', jō sée' lí' ráan'.

Jō dsifí' lajōb' carōō' Eneas e lí' ráaiñ' do. ³⁵ Jō lajalém' dsea' seeng' fí' Lida cóo' gui fí' Sarón cangár' e carōōb' i Eneas do, jōba' cajám' yaaiñ' fí' jaguó' Dsea' Jmáang' ie' jō.

Mí' cajmijí' tu Tú' Simón jaang' dseamí' i sii' Dorcas

³⁶ Jō ie' jō niseeng' jaang' dseamí' i líng' dsea' quiá' Dsea' Jmáang' fí' cōō' fii' lí' sii' Jope. Jō i dseamí' do nisiir' Tabita, e guóng' Dorcas cóo' jmí' griego. Jō i dseamí' í' contøøm' jmóor' jalé' e guiá' jōgui jmicóo'r' jaléng' dsea' i ja' sea' e 'né'. ³⁷ Jō ie' jō nicalidséeb' i Dorcas do, jō cajúm' bre. Jō jaléng' dsea' i seeng' cóo'r' do ie' jō caláng' neiñ', jō caquiáang' neiñ' fí' dsí' sinúu' 'núu' yú'. ³⁸ Jō e fii' Jope do quiáb' néé' lacō' gui néé' e fii' Lida e fí' lí' táang' i Tú' Simón do. Jō cō' caliñib' jaléng' dsea' quiá' Dsea' Jmáang' i neáang' fí' Jope e fí' Lidab táang' Tú' Simón, jōba' dsifib' casíiñ' gáng' dseañu' fí' do; jō mi' caguiliñ' fí' jō caguisí' reiñ' do lala:

—Tú' Simón, má' aa' fí' Jope lajminá'.

³⁹ Jō cangób' Tú' Simón cóo' i dsea' do fí' Jope. Jō mi' caguiér' fí' jō, jō caguijéeng' neiñ' do fí' lí' ráang' i dseamí' 'lí' do. Jō jaléng' dseamí' 'ní' i niteáang' lí' ráang' i 'lí' do dsíng' qui'r' caríir' lacúng' lajíng' lí' sing' Tú' Simón mi' caguié' dsea' do fí' do; jō ca'e' reiñ' jalé' mi'ñúung' cóo' gui jalé' 'mí' e jíe' e nica'mí' i Dorcas do jōgui e nicangíiñ' cuø' dsea' do lamí' seeiñ'. ⁴⁰ Jō ngí' jō, caquiú' Tú' Simón ta' e ca'uøøm' jaléng' i dsea' i teáang' e sinúu' do fí' caluu'. Jō lí' jō, casí'r' uø' jnir' jō canaaiñ' féiñ' Fidié', jō lí' jō, mifíng' cajøøiñ' i 'lí' do jō cajíñ' casí' reiñ':

—i Tabita, ráan'!

Jō dsifí' ladob caneáa' i dseamí' do jminir', jō mi' cangaiñ' Tú' Simón, carōō' bre jō caguár'. ⁴¹ Jō Tú' Simón catíiñ' guoo' i dseamí' do jō casíng' neiñ'. Jō lí' jō, catø' tur jaléng' dsea' quiá' Dsea' Jmáang' i ca'uøøiñ' e fí' sinúu' do cóo' gui jaléng' dseamí' 'ní' i teáang' do, jō ca'e'iñ' jaléng' i dsea' do i dseamí' do e nicají' biñ' do. ⁴² Jō jalém' dsea' seeng' fí' Jope caliñir' jalé' e calí' do ie' jō, jō fíim' dsea' cajáng' yaaiñ' fí' jaguó' Dsea' Jmáang' ie' jō. ⁴³ Jō mi' cangí' jō, huøøm' bi cajé' Tú' Simón e fí' fii' jō fí' quiá' jaang' dseañu' i sii' Simón i nijmóo' ta' jmí' ua' loo' jó'.

10

Tú Simón cóo jaang fii léé i sii Cornelio

¹ Jo ie~ jo niseeng jaang dseañu~ i sii Cornelio fí coo fí lí sii Cesarea i nilíng' fí quiá' coo 'lé' e sii italiano. ² Jo i Cornelio do colíng' cóo~ jaléng' dsea sinúu^ quiá'r~, røøb eám' jmiféiñ' Fidiéé jogui eám' núu'r~ jalé' júu^ quiá' dsea do, jogui jmicóo~ bir cóo~ cuu~ jaléng' dsea Israel i ja' sea' e 'né~, jogui contøøm~ féiñ' Fidiéé cajo. ³ Jo coo jmiñ~ ngóo'jiu la ii~ 'ní' e ca'lóo~ i Cornelio do líng' ee' cangár~ lafa' mi~ quir', jo dseáng' røøb cangáiñ~ jaang' ángel i líng' guotiñ~ Fidiéé i ca'í' fí lí guiiñ~ jo cajíng' dsea do lala:

—iCornelio!

⁴ Jo dob cajé i Cornelio do jóøiñ~ i ángel do, jo eám' 'gó'r' cajmingí'r~ dsea do lala:

—¿E~ 'né~ jmee~e, Fíi'?

Jo cañí i ángel do quiá' Cornelio jo cajíñ'~:

—Nínúub~ Fidiéé jalé' júu^ quiá' mi~ fón're, jogui níbre jalé' e guiá~ e jmoo' e jmicóo~ jaléng' dsea i 'né~ licóo~. ⁵ Jo lana nisín^ dsea quiá' fí Jope jo nidsite'r' Simón i sii Tú cajo e nijaiñ' fí la. ⁶ Jo lana dob guiiñ~ fí quiá' jaang'gui i sii Simón cajo, jaang' dseañu~ i guing' fí 'ní' jmiñí^ i jmoo' ta~ jmi'ua~ loo~ jó~.

⁷ Jo mi~ cangoyúung' e cangáng' i ángel i café' quiá'r~ do, dsifí lanab cató' i Cornelio do gáng~ dsea 'léng' quiá'r~ cóo~ gui jaang' 'léé~ i nicuíñ' guiá~ jogui i eám' jmi'gó' Fidiéé cajo. ⁸ Jo mi~ calí jma'reiñ' do júu^ jalé' e cangár~ do cóo~ gui e cajíng' i ángel do, jo casím breiñ' do fí fi Jope.

⁹ Jo mi~ cajneá~ e jmiñ~ jo, lajee~ gui' nang' teáiñ' do fí jo nijaquíém' niguíñ~ fí Jope, jo níngóo' guieñí' ie~ jo, jo lajee~ job cajgóo~ i Tú Simón do fí yú^ 'núu' e lí guiiñ~ do fí Jope e cangoféiñ' Fidiéé. ¹⁰ Jo sóong~ nijmi'aañ~ lajee~ jo, jo ní'iñ~ dør~ i bre. Jo lajee~ guiiñ~ dob, lajee~ e née' guiá~ e nidør~, canaang' nír' jalé' e cacuø' Fidiéé e sí'iñ~ e nínr' lafa' mi~ quiá' dsea. ¹¹ Jo cangár~ e cana' fí yú^ jmi'güi, jo jnéeng~ cajgóo~ coo' e lí' laco' coo' 'mi' e fe', jo jnéeng~ 'ñúu~ laji quiú' quiúung'. ¹² Jo e dsíi' 'mi' do jnéeng~ teáng' langíng' íng' jó' nuu i dsi~ tú~ guoo' jogui tú~ tí~, jo quiéeng' gui cajo jaléng' mi' cóo~ jaléng' quiá' jogui langíng' íng' ta'. ¹³ Jo canúur~ e cajíng' jaang' i guicafé' jo guicajíñ' do:

—Ráan', Tú Simón, jngang' i jó' na jo quié'.

¹⁴ Jo Tú Simón cañír' jo cajíñ'~:

—U~, Fíi', jii' cóo~ née' ja' mí cacún' n jaléng' i jó' na, co' lajo ta~ huí' fí ní júu^ quiá' ta~ qui'naa', jnea' dsea lí'naa' dsea Israel.

¹⁵ Joba' guicajíng' tu i guicafé' do:

—Jalé' e jíng' Fidiéé e cuøøm' lí' cø', ja' e ta~ e fo' 'nu' e ja' cuøøng'.

¹⁶ Jo mi~ catí 'ní' née' e guicafé' i dsea do e júu^ jo, cangób' tu e 'mi' do fí yú^ jmi'güi. ¹⁷ Jo cajé Tú Simón í dsír' e guóng' jalé' e cangár~ do. Jo lajee~ jo caguilím~ i dsea quiá' Cornelio do fí quiá' i Simón do e níng' cangir' jmingír'. Jo mi~ caguilíñ~ fí lí guing' i Tú Simón do, ¹⁸ jo cajmingír' cóo~ júu^ teá su dob lí guing' jaang' dseañu~ i sii Simón i sii bi Tú cajo.

¹⁹ Jo lajee~ jo, do bi sing' Tú Simón e í dsír' quiá' jalé' e cangár~ do mi~ tí lí café' jmi'guí quiá' Fidiéé jo casí' ír' lala:

—Janú', Tú Simón, nab teáng~ gaang' dseañu~ i 'náng' 'nu'. ²⁰ Ráan' jo guó' cóo'r~, jo ja' ee' í o' jii' coo', co' jneab~ dsea casín~ n i dsea na fí la.

²¹ Jo cajgám~ i Tú Simón do lí dsíiñ~, jo cango'íiñ~ i dsea quiá' Cornelio do jo cajíñ' casí' reiñ':

—Jneab~ i ngi'na' 'náng'na'. ¿E~ júu^ quié'na'?

22 Jo cañí i dseañu' gaang` do jo cajíñ':

—Jáa'naa' ta~ quiá' jaang` fii' lée' qui'naa' i sii' Cornelio, jaang` dseañu' i guiúng` eáang` jogui contøøm` jmiféiñ' Fidiée'. Jo jaléng` dsea` góo' dsea` Israel eáam` jmi'gór` dsea` do jogui 'neáaiñ` cajo. Jo jaang` ángel quiá' Fidiée' casí' ír` e nitó'r' 'nu' fí quiá'r` jo ninúr` lajii' júu' quií' e 'né' nifí're.

23 Jo catób' Tú' Simón i dseañu' gaang` do fí sinúu' lí' guiiñ~, jo dob cajer` colüing` e uøø` jo. Jo mi~ cajneá' lajo, cangób' Tú' Simón cóo' i dsea` do fí Cesarea, jogui cangolím` bi cóo'r` cóo` tú` máng' dsea` quiá' Dsea` Jmáang` i neáang` fí Jope.

24 Jo mi~ cajneá' cóo'gui jmü~ lajo, joguiba' caguiliñ` cartí Cesarea fí lí' niguiing` i Cornelio do sijeeng` ír` colüing` cóo' jaléng` dsea` sinúu' quiá'r` cóo' gui jaléng` dsea` i cuiñ` eáang` i cató'r` fí quiá'r` e laco' ni'íñ' i Tú' Simón do. 25 Jo mi~ caguié' i Tú' Simón do fí jo, dob nising' i Cornelio do o'nú' e nigüijeeng` neiñ'. Jo mi~ cangáng` rúñ', dsifí ladob casí' Cornelio uø` jnir` fí quini' i Tú' Simón do e laco' nijmiféng` neiñ'. 26 Dsu' Tú' Simón dsifí ladob caseang` neiñ' jo casí' reiñ':

—Ráan', Cornelio, có' jnea` lín'n jaang` dsea` jmigüi' laco' 'nu'.

27 Jo lajee` gui'ná' sáññ` ladob, ca'í' Tú' Simón fí dsí' sinúu', jo fíim' dsea` nisiseáng' fí jo mi~ cangotáaiñ'. 28 Jo lalab casí' Tú' Simón i dsea` do:

—Niñib' 'nú' e jnea', dsea` lí'naa' dsea` Israel, ja` cuøøng` e dsitoo'naa' dsí' sinúu' quiá' dsea` la 'nú' i ja` líng` dsea` Israel, o'gui cuøøng` siing`naa' cóo' dsea` la 'nú' cajo. Dsu' lana Fidiée' nica'e'r' jnea` e jo` cuøøng` e nifá'a e dsea` la 'nú' i ja` líng` dsea` Israel fa' e uóng`na'. 29 Joba' mi~ caguiling` dsea` quií' e tó'r' jnea~, dsifib' cagá'a cóo'r~, jo jii' cóo' ja` ee` dsee` casée'e. Joba' iin`n dseáng` dsii' e` ta` cate'na' jnea`.

30 Joba' cañí Cornelio quiá' Tú' Simón jo cajíñ':

—Ningóo' quié' jmü~ lana, jo e í' laco' ngóo' lana, lab guiin`n fí sinúu' la e jmifén'n Fidiée' la ii' 'ní' e ca'lóo`. Jo lajee` jo, cóo' cajném` jaang` dseañu' i qui' cóo' 'mi' e ji' eáang', 31 jo cajíñ' casí'r` jnea~: "Cornelio, nicanúub` Fidiée' jalé' júu' quií', jogui nicalíñi'bre jalé' e guiú' e nicajmee' cóo' jaléng` dsea` i ja` sea` jalé' e 'né'. 32 Quiúu' ta~ dsea` quií' jo güiguiliñ` fí Jope, jo güiguite'r' jaang` dseañu' i sii' Simón, sii'bir Tú' cajo, i táang` fí quiá' jaang`gui dseañu' i sii' Simón i guing` 'ni' jmiñí' i jmóo' ta` jmi'ua` loo` jó'." 33 Joba' dsifí lajob casín`n dsea` quié` e e caguitéer` 'nu', jo eáam` guiú' la nicajmee' e nicañi'ba'. Jogui lana lab nisee'naa' lajii'naa' fí quini' Fidiée', jo eáam` ii'naa' nú'naa' jalé' júu' e ca'íng' 'nu' quiá' Dsea` Jmáang` e catí'naa' e ninú'naa'.

Jalé' júu' quiá' Tú' Simón e café'r' fí quiá' Cornelio

34 Jo mi~ cató' fé' i Cornelio do, jo canaang` Tú' Simón fé'r' júu' quiá'r` jee` jaléng` i dsea` i siseáng' fí quiá' i Cornelio do jo cajíñ':

—Ná' guiba' ningán`n røø` e doñí' iib` dsea` íng' Fidiée' ja` e lí' ii' dsea', 35 có' ím' Fidiée' dsea` i jmi'gór` ír` jogui i jmóo' e guiú' cóo'r` doñí' jié' fí lí' seeiñ'. 36 Jo Fidiée' cangüiñ` júu' quiá'r` la'eáang` cóo' jaléng` jnea', dsea` lí'naa' dsea` Israel, quiá' jial niliseeng` dsea` juguiú' júu' røø` la'eáang` cóo' Dsea` Jmáang`, có' íb' Fii' jaléng` dsea` jmigüi'. 37 Jo guiúb` ñí' 'nú' jalé' e calí' ie` ja` mí' ngóo' eáang` fí guóo' uø` qui'naa', jnea' dsea` lí'naa' dsea` Israel, jo canaang` jalé' e jo catí Galilea mi~ cangí e caguia' Juan júu' quiá'r` e 'né' nisáng` dsea` jmü` e laco' cuø` lí' e quí' jíng' yaaiñ` fí quini' Fidiée'. 38 Jo niñib' 'nú' cajo jial cacuø' Fidiée' Jmiguí' quiá'r` Jesús i cacuáng` fí Nazaret, jo cóo' e bí jo cajmée' Jesús jman' e guiú', jogui cajmi'leáaiñ` jaléng` i íng' iihu' uí' e fii' i 'líng' quiu' ta~ quiá'r`; jo jalé' e jo calí'r` cajméer', có' seem`

Fidiéé contøøng còo' ír. ³⁹ Jo caneb~ jnea' jalé' e guiá' e cajmée' Jesús ie~ jo fí Jerusalén, lí' latøøng li~ se' Judea. Jo mi~ li~ cøøng lajo, cateáng' dsea' ír fí dse' crúu' jo fí job cajúñ. ⁴⁰ Dsua' Fidiéé cajmээр' e cajíb'tu dsea' do mi~ cadsíng' 'ní jmi~ lajo, jogui cajmээр' e cajnéng' dsea' do jee~ jnea'. ⁴¹ Dsua' ja' cajmijnéeng' 'ñia'r' jee~ lí' doñí' iì dsea', cò' lajii' jee~ jneab' cajmijnéeng' 'ñia'r', dsea' i nìcaguíng' Fidiéé lajii' lamí' jééng'gui quiá' e nijmó'naa' júu' røø' jalé' e calí' còo' Jesús. Jo jneab' dsea' ca'ne' caquiee'naa' còo'r' mi~ cangí' e cají'tur calé' catú'. ⁴² Jogui Jesús casíñ' jnea' e niguiá'naa' júu' quiá'r' jee~ jaléng' dsea', jogui e nijmó'naa' júu' røø' e Fidiéeb' dsea' casíñ' dsea' do e niquidsir' í' jee~ jaléng' dsea' jmigüí' i jí'gui còo'gui jaléng' i ni'liing' mi~ catí' í' lajo. ⁴³ Jo jaléng' dsea' i nìcafé' cuaiñ' quiá' Fidiéé lajii' mali' eáam' café'r' cuaiñ' quiá' Jesús, jogui cajím' bir cajo e doñí' iì dsea' i jáng' yaang' fí jaguó' Jesús ni'ím' dsee' quiá'r' la'eáang' còo' dsea' do.

Mi' ca'íng' jaléng' dsea' i ja' líng' dsea' Israel Jmiguí' quiá' Fidiéé'

⁴⁴ Jo laco' gui'nang' sim' bi Tú' Simón e fé'r' jalé' júu' quiá' Dsea' Jmáang' fí jee~ i dsea' i siseáng' do, mi~ tí' lí' cangíng' jaléng' i dsea' do Jmiguí' quiá' Fidiéé'. ⁴⁵ Jo jaléng' i dsea' Israel i nilíng' dsea' quiá' Dsea' Jmáang' i caguilíng' còo' Tú' Simón fí' quiá' i Cornelio do, eáam' cangogá' dsír' mi~ calilí'r' e cangím' jaléng' dsea' i ja' líng' dsea' Israel Jmiguí' quiá' Fidiéé' cajo, ⁴⁶ cò' núur' sñng' i dsea' do còo' jmí' e jíé'gui laco' jmí' quiá'r' jogui jmiféiñ' Fidiéé' cajo. ⁴⁷ Joba' cajíng' i Tú' Simón do casí'r' i dsea' do ladsifí' lado:

—Jii' jaang' ja' iì cuøøng' jníng' e nisáng' i dsea' la jmi' e laco' cuø' lí' e nilíiñ' dsea' quiá' Dsea' Jmáang', cò' nica'ím' bre Jmiguí' quiá' Fidiéé' laco'gui nica'íng' jnea' cajo.

⁴⁸ Jo caquiua' Tú' Simón ta~ e cajgáam' i dsea' do jmi' e laco' cuø' lí' e nilíiñ' dsea' quiá' Dsea' Jmáang'. Jo mi~ cangí' jo, jaléng' i dsea' do camí'r' Tú' Simón e fa' nijé' bi dsea' do còo' tú' jmi' còo'r' fí' jo.

11

E~ uiing' e caguiar' júu' quiá' Dsea' Jmáang' fí' jee' dsea' i ja' líng' dsea' Israel

¹ Jo mi~ cangí' jo, jaléng' dsea' apóo' còo'gui jaléng' dsea' quiá' Fidiéé' caguiaang'gui i neáang' lacaang' li~ se' Judea, caliñir' júu' e jaléng' dsea' i ja' líng' dsea' Israel nica'ím' bre cajo júu' quiá' Dsea' Jmáang'. ² Jo mi~ caguíéng' tu' i Tú' Simón do fí' Jerusalén, i líng' dsea' Israel i líng' dsea' quiá' Dsea' Jmáang' canaiñ' cuø'reiñ' dsee' ³ jo sí'reiñ':

—¿Jialí' caguíé' lacaang' quiá' jaléng' dsea' i ja' líng' dsea' Israel jo caguíquié' còo'r'?

⁴ Jo canaang' Tú' Simón jma'reiñ' júu' latí' uiing' quiá' jalé' e calí' do jo cajíñ':

⁵ —Lajee' táan'n fí' Jope, jo lajee' guiáang' e fón'n Fidiéé', camó'o líng' ee' camó'o lafa' mi~ qui' dsea'; jo camó'o cajgó' fí' yá' jmigüí' còo' 'mi' e fe' eáang', jo 'ñíu' lajì quiú' quiúung', jo catisí' fí' lí' sín'n. ⁶ Jo mi~ cajóøø røø' dsí' e 'mi' do, jo camó'o e teáang' langíng' íng' j' nuu' i dsí' tú' guoo' jogui tú' tí' còo'gui jaléng' mi' jogui jaléng' qui' còo' langíng' íng' ta'. ⁷ Jo canú'u e líng' iì guicafé' jo guicajíñ': “Ráan' na, Tú' Simón, jngan' i j' na jo cun're'.” ⁸ Jo cafá'a: “U~, Fí'i, jii' còo' née' ja' mi' cacún' n jaléng' i j' na, cò' lajo ta~ huí' fí' ni' júu' quiu' ta~ qui'naa', jnea' dsea' lí'naa' dsea' Israel.” ⁹ Joba' canú'túu' e luu' e guicafé' fí' guiá' güí' do jo casí' jnea' lala: “Jalé' e jíng' Fidiéé' e cuøøng' lí' cø', ja' ta~ e fo' 'na' e ja' cuøøng' jme' lajo.” ¹⁰ Jo 'ní' née' catí' e jgóo' e 'mi' do; jo mi~ cangoyúung',

jo cajgóob tu fi yú[^] jmigüü. ¹¹ Jo lajee[^] guiáang[^] e móo^o jalé[^] e jo, caguiliñ[^] gaang[^] dseañu[^] i 'náng[^] jnea[^] i jalíng[^] tí Cesarea caguiliñ[^] fi lí[^] guiin[^] n do. ¹² Jo caquiñ[^] Jmiguí[^] quiá[^]- Fidié[^] ta[^] jnea[^] e cangó^o cóo[^] i dsea[^] do e ja[^] casé[^] e jíí[^] cóo[^] ta[^] uii[^] e ja[^] líng[^] dsea[^] do dsea[^] Israel. Jo cóo[^] baa[^] jñúung[^] gui i dsea[^] quiá[^]- Dsea[^] Jmáang[^] la cangó^o. Jo mi[^] caguié[^] e fi[^] Cesarea, lajalé[^] baa[^] cangotóo[^] naa[^] fi[^] quiá[^]- jaang[^] dseañu[^] i sii[^] Cornelio. ¹³ Jo fi[^] jo cajmea[^] r' jnea[^] júu[^] jial cangáin[^] jaang[^] ángel[^] i líng[^] guoti[^] Fidié[^] fi[^] quiá[^] r[^]; jo cajíng[^] i ángel do casí[^] reiñ[^] do lala: "Síng[^] dsea[^] quíi[^] fi[^] Jope, jo güiguite[^] r' jaang[^] dseañu[^] i sii[^] Simón, i sii[^] bí[^] Tú[^] cajo. ¹⁴ Jo í[^] bing[^] nijíng[^] jial cuøng[^] nileáng[^] na[^] jee[^] dsee[^] quíi[^] na[^] colíng[^] cóo[^] jaléng[^] i seeng[^] quíi[^] na[^]." ¹⁵ Jo mi[^] canaang[^] e fón[^] nre, job[^] mi[^] cangáin[^] Jmiguí[^] quiá[^]- Fidié[^] lajaléiñ[^] do lí[^] laco[^] gui cangíng[^] jnea[^], dsea[^] lí[^] naa[^] dsea[^] Israel, latí[^] mi[^] uing[^]. ¹⁶ Jo joguib[^] cadseng[^] dsii[^] lajíí[^] e cajíng[^] Fíi[^] naa[^] Dsea[^] Jmáang[^] lamí[^] cateáiñ[^] cóo[^] jnea[^] fi[^] jmigüü[^] la mi[^] cajíñ[^] lala: "E já[^]-ba[^] e Juan caseáiñ[^] dsea[^] jmí[^], dsu[^] 'ná[^] nisáng[^] na[^] jmí[^] cóo[^] Jmiguí[^] quiá[^]- Fidié[^]." ¹⁷ Jo song[^] Fidié[^] cacuø[^] r' i dsea[^] i ja[^] líng[^] dsea[^] Israel Jmiguí[^] quiá[^] r' laco[^] gui cacuø[^] r' jnea[^], dsea[^] lí[^] naa[^] lajo[^] mi[^] calíng[^] naa[^] júu[^] quiá[^]- Fíi[^] naa[^] Dsea[^] Jmáang[^], joba[^] çí[^] jnea[^] e nijññ[^] n lajíí[^] ta[^] quiá[^]- Fidié[^]?

¹⁸ Jo mi[^] canúu[^] jaléng[^] i dsea[^] Israel i líng[^] dsea[^] quiá[^]- Dsea[^] Jmáang[^] jalé[^] júu[^] quiá[^]- Tú[^] Simón, dsifi[^] lajob[^] jo[^] e cañír[^] jíí[^] cóo[^] quíaiñ[^] do, jo canaaiñ[^] jmiféiñ[^] Fidié[^] jo fé[^] r:

—E jáb[^]- e nicacuø[^] Fidié[^] jaléng[^] dsea[^] i ja[^] líng[^] dsea[^] Israel e niquí[^] nijíng[^] yaaiñ[^] fi[^] quinir[^] laco[^] cacuø[^] r' jnea[^], jo lajoba[^] ni[^] uíiñ[^] dsea[^] i catíng[^] seeng[^] cøng[^] cóo[^] Fidié[^] lata[^].

Jaléng[^] dsea[^] quiá[^]- Dsea[^] Jmáang[^] i seeng[^] fi[^] Antioquía

¹⁹ Jo ie[^] do, mi[^] cangí[^] e cajnga[^] dsea[^] quiá[^]- i Téé[^] do, mi[^] canaang[^] jmáng[^] dsea[^] ga[^] jaléng[^] dsea[^] quiá[^]- Dsea[^] Jmáang[^], joba[^] i líng[^] i dsea[^] í[^] cangoliñ[^] cartí[^] lí[^] se[^] Fenicia jogui[^] lí[^] se[^] Chipre cóo[^] Antioquía lí[^] se[^] Siria. Jo mi[^] caguiliñ[^] fi[^] jo, canaaiñ[^] e[^] r' jaléng[^] dsea[^] Israel júu[^] quiá[^]- Fíi[^] naa[^] Jesús, dsu[^] jíí[^] dsea[^] í[^] bing[^] ca[^] e[^] r' jo ja[^] ca[^] e[^] r' dsea[^] jéng[^] gui. ²⁰ Jo nañí[^] fa[^] e lajob[^] cajmér[^], dsu[^] cóo[^] tú[^] máng[^] dsea[^] i niseeng[^] fi[^] lí[^] se[^] Chipre cóo[^] gui fi[^] Cirene i nica[^] íng[^] Dsea[^] Jmáang[^] ie[^] do caguiliñ[^] fi[^] Antioquía, jo caguia[^] bre júu[^] quiá[^]- Fíi[^] naa[^] Jesús jee[^] jaléng[^] dsea[^] i ja[^] líng[^] dsea[^] Israel. ²¹ Jo eám[^] cajmicóo[^] Jmiguí[^] quiá[^]- Fidié[^] quiá[^]- i dsea[^] do, joba[^] fím[^] dsea[^] i ja[^] líng[^] dsea[^] Israel caquí[^] cajíng[^] yaaiñ[^] fi[^] quini[^] Fidié[^] ie[^] jo; jogui[^] catú[^] bre jalé[^] e lamí[^] tíiñ[^] jmóor[^] jéeng[^] gui jogui[^] ca[^] uíiñ[^] dsea[^] quiá[^]- Dsea[^] Jmáang[^].

²² Jo mi[^] caliñí[^] i dsea[^] quiá[^]- Dsea[^] Jmáang[^] i neáng[^] fi[^] Jerusalén do jalé[^] e calí[^] fi[^] Antioquía, joba[^] casíiñ[^] i Bernabé do fi[^] jo. ²³ Jo mi[^] caguié[^] í[^] fi[^] jo, cangár[^] e dseáng[^] já[^]-ba[^] e nica[^] uíng[^] dsea[^] quiá[^]- Dsea[^] Jmáang[^] jaléng[^] i dsea[^] i ja[^] líng[^] dsea[^] Israel i seeng[^] fi[^] jo. Jo eám[^] cali[^] íaang[^] dsíi[^] i Bernabé do ie[^] jo, jogui[^] casí[^] r' jaléng[^] i dsea[^] do e ja[^] nitiúuiñ[^] do Dsea[^] Jmáang[^], jogui[^] e nijmití[^] bí[^] e ngocáng[^] dsíi[^] jalé[^] júu[^] quiá[^]- dsea[^] do cajo. ²⁴ Jo i Bernabé do líiñ[^] jaang[^] dseañu[^] i guiúng[^] eáng[^], jo contø[^] m[^] jée[^] Jmiguí[^] quiá[^]- Fidié[^] quiá[^] r' cóo[^] jalé[^] e jmóor[^] do, jogui[^] jáb[^]- líiñ[^] júu[^] quiá[^]- Dsea[^] Jmáang[^] car[^] ngocáng[^] dsíi[^]; jo lajob[^] fím[^] dsea[^] ca[^] uíiñ[^] dsea[^] quiá[^]- Dsea[^] Jmáang[^] ie[^] jo.

²⁵⁻²⁶ Jo mi[^] cangí[^] jo, jo cangó[^] Bernabé fi[^] Tarso e cango[^] néeiñ[^] Saulo. Jo mi[^] cadséiñ[^] dsea[^] do, cajéem[^] breiñ[^] do fi[^] Antioquía. Jo fi[^] job[^] cajer[^] laji[^] huáiñ[^] do lajee[^] cóo[^] jíí[^] tøng[^] e e[^] r' fíng[^] dsea[^] júu[^] quiá[^]- Dsea[^] Jmáang[^]. Jo e fi[^] Antioquía dob[^] lí[^] la[^] uii[^] calisí[^] dsea[^] quiá[^]- Dsea[^] Jmáang[^] jaléng[^] i dsea[^] i cajáng[^] yaang[^] fi[^] jaguó[^] Jesús.

27 Jo ie~ jo, coo` tú~ máng'~ dsea` i jmóo` ta~ e fé'r` cuaiñ~ quiá'- Fidiéé` ca'uøøiñ` fí' Jerusalén jo cangoliñ` fí' Antioquía. 28 Jo mi~ caguiliñ` fí' jo, jaaiñ` do i sii` Agabo casíng'` 'ñia'r' fí' quini` gui, jo cajíñ'- la'eáang' cóo'~ Jmiguí' quiá'- Fidiéé` e tí' nijáa' jii` oo~ fí' jo. Jo jalé' e jo cangojéé' lajee` jii` quiá'- jaang` dseata` dsea` féng' i calisí Claudio. 29 Joba' jaléng' dsea` quiá'- Dsea` Jmáang` i neáang' fí' Antioquía ca'f` dsíir' e nisíñ` jalé' e nijmicóo'r` i dsea` quiá'- Dsea` Jmáang` i neáang' fí' lí' se' Judea, lí'` jie' jii` lí' quí'r` jmí~, 30 jo lajob cajméer'. Jo la'eáang' Bernabé jogui Saulo cangolí jalé' e do quiá'- jaléng' dsea` cóøng' i neáang' fí' lí' se' Judea.

12

Mí~ cajnga' dsea` quiá'- Jacóo`

1-3 Jo lajee` jo, lajee` jmóo` dsea` Israel jmí~ quiá'r` e gø'r` iñí' e ja` quie'` quiéeng', jo ie~ jo canaang` Herodes Agripa, jaang` dseata` dsea` féng' i quiá' ta~ fí' Jerusalén, jo canaañ` jmáañ` ga` i líng` dsea` quiá'- Dsea` Jmáang` i neáang' fí' jo. Jo lajee` jo, caquiur' ta~ e cajnga' dsea` quiá'- i Jacóo` cóo'` ñisú', jaang` dsea` i óo` ta~ quiá'- Fidiéé'; jo i dsea` í` líiñ' jaang` dsea` ngáang' cóo' i Juan do. Jo mi~ calilí' i dseata` Herodes do e catíb` dsíí' jaléng' dsea` Israel e cajnga' dsea` quiá'- i Jacóo` do, joba' caquiur' ta~ e catám' i Tú` Simón do cajo. 4 Jo mi~ catáañ' dsea` do jo caquiur' ta~ e dsíí' 'nñí' ca'íñ'- do ladsifí' lado. Jogui mifíng' caquiur' ta` guijñúung` 'léé` quiá'r` i nidsijméé` í` i Tú` Simón do, jogui e nijmér` dsiguiéng' tá'- la quiúung` dsea` e laco' ja` sitúung'; jo í' dsíir' e mi~ ningí' e jmí~ doba' nisíñ' dsea` do fí' quini` jaléng' dsea` fí'. 5 Jo e eáam'ba' jée' 'léé` quiá'- i Tú` Simón do lí' iuuiñ` e laco' ja` dseáang' niliúng` 'ñia'r'. Jo lajee` jo, lajalém' dsea` quiá'- Dsea` Jmáang` féiñ' Fidiéé` uii` quiá'- dsea` do e ngocáng` dsíir'.

Mí~ caguíng` jaang` ángel quiá'- Fidiéé` Tú` Simón fí' dsíí' 'nñí'

6 Jo mi~ nijneá' e uøø` joba', sí'í' e nidsijéng' i dseata` Herodes do Tú` Simón fí' quini` jaléng' dsea` fí' e niquidsir' í' quiáñ'- do. Dsú' 'ñia' e uøø` jo, dob ráang` Tú` Simón güiñ` fí' dsíí' e 'nñí' do, jo 'ñúu' guoor` cóo'` ñí' cadena, jogui teáang` jmá'- jáng` 'léé` i jmóo` í' ír` lacataang` cáañ', jogui jíéng' gui 'léé` i teáang` jmóo` í' e o'nú' 'nñí' do. 7 Jo lajee` jo, coo` cajném` jaang` ángel i casíng' Fidiéé` fí' lí' ráang` i Tú` Simón do fí' dsíí' 'nñí', jo jlo'` cajneá' fí' latøøng` e dsíí' jo. Jo i ángel do cangoquiéiñ' lí' ráang` Tú` Simón jo cagüi'r' mo'uøø` dsea` do; jo dsifí'bi cajné` dsíiñ' do lí' ráaiñ` güiñ', jo lalab casí' i ángel do ír`:

—Jminá` ráan'- na, Tú` Simón.

Jo dsifí' lajob casojiú' e ñí' cadena e 'ñúu' guoo` Tú` Simón do. 8 Jo cajíng' i ángel do calé' catú` casí'r` dsea` do:

—Quí' sí' lajminá` jogui øø' lomí~.

Joba' lajob cajméé` Tú` Simón ladsifí' lado. Jo cajíng' gui i ángel do casí'r` dsea` do lala:

—Te'` mijñú' iu` lúu' jo má`aa' cóo'` jnea`.

9 Jo dsifí' lajob cango'leáang' i Tú` Simón do laco' cagüi'fí' i ángel do, jo jii' ja` ñir' si já' si ja` já'- lajii' e jíng' i ángel do, co' ní' e do lafa' mi~ quí'bre. 10 Jo cangúmbre lí' teáang' i 'léé` do la'uii~, jo lí' jo, cangüiñ' lí' teáang` coo'` 'lé' gui. Jo mi~ tí' lí' ningóo' uóñ` fí' coo' o'nú' lí' lí' layaang` ñí' e mifíng' ni'uóñ` cartí' caluu', 'ñiab' e jní' do cana', jo ca'uøøm'bre. Jo cueeb'jiu capí' lí' cangolíñ' e ngir' colíng` lado. Jo mi~ cangoyúung' jo, catáub` i ángel do quiá'- i Tú` Simón do, jo 'ñia' biñ' do cangáng' gui.

11 Jo mi~ calilí' i Tú' Simón do e dseáng' jáb' jalé' e cangongáiiñ' do joba' cajíñ':

—Nab nicamó'o e dseáng' já'ba' nicasíng' Fidié' i ángel do quiá'r e cajaleaaiñ' jnea' fí' jaguó' i dseata' Herodes do e laco' ja' calí'r cajmicóo' rúiiñ' cóo' dsea' góo' dsea' Israel fa' ee' cajmeaiñ' jnea'.

12 Jo mi~ cangí' e calilí'r e jo, condseéb' cangáiiñ' fí' quiá' jaang' dseamí' i sii' Yá', niquíá' jaang' dseañu' i sii' Juan, sii'bir Marcos cajo. Jo fíim' dsea' quiá' Dsea' Jmáang' siseáng' fí' jo e féiñ' Fidié' lajee' jo. 13 Jo mi~ caguiéng' i Tú' Simón do fí' jo, dsifí' lajob cabár' jní' o'nú' e tór' i dsea' teáng' dsí' do e laco' nineaiñ' do 'nú'. Joba' cangó' jaang' simí' i jmóo' ta' i sii' Rode e ngoñír' i i bá' e jní' do. 14 Jo dsifí' mi' calicuír' luu' i Tú' Simón do, sóong' cali'íáang' dsíir', jo lafa' e nineár' e 'nú' do e ningíng' Tú' Simón, dsifí' lajob caquing' tur cangojmée'r' i teáng' dsí' do júu' e Tú' Simómbing' sing' bá' e jní' do. 15 Jo cajúng' i dsea' teáng' do casí'r' i simí' do:

—iNgaam' 'nu', simí'!

Dsu' i simí' do jíñ' e já'ba' e Tú' Simómbing' guisíng' e tór' o'nú'.

Dsu' i dsea' caguiaang' do cañír':

—O' Tú' Simón do. Jangám' i ángel i jmóo' í' quiá' bre do.

16 Jo lajee' sáing' i dsea' do lado, dob sing' Tú' Simón e bá'bir jní' fí' caluu'. Jo lí' mi~ caneáar' e jní' do, joguib' calilí'r e Tú' Simómbing' nising', jo sóong' cafóiiñ' mi~ cangáiiñ' dsea' do. 17 Dsu' i Tú' Simón do cajméer' lí' cóo' guóor' e laco' jo' ta' lí' i dsea' do míi'. Jo mi~ ni'uuuñ' dsí' sinúu', joguiba' cajmea'r' i dsea' do júu' la'uiing' laná' jial cajmicóo' Fidié' quiá'r e cagü'íir' dsí' e 'nuñí' do jo cajíñ' casí' reiñ':

—Jmée'na' júu' Jacóo' cóo' gui dsea' quiá' Dsea' Jmáang' i caguiaang' gui do jalé' e guiá' e cajmée' Fidié' cóo' jnea' fí' dsí' 'nuñí'.

Jo mi~ calí' siiiñ' lado, jo cagü'íir' bre jo fí' lí' jiéb' cangór'.

18 Jo mi~ cajneá' cóo'gui jmi~, mi~ cangá' jaléng' i 'lée' do e jo' Tú' Simón seeng' fí' dsí' 'nuñí', sóong' cangogá' dsíir' lajaléiñ' do, co' jii' ja' ñir' e calí' cóoiiñ' do. 19 Jo mi~ caliñí' i dseata' Herodes do e jo' Tú' Simón seeng' fí' dsí' 'nuñí', joba' caquiur' ta' e cali'ném' biñ' do, dsu' jo' lí' cadséng' neiñ'; joba' catór' lajñng' 'lée' i si'í' cajmée' í' quiá' Tú' Simón do, jo caquiur' ta' e cajúm' biñ' do lajiiñ' dsifí' lado uii' e caláang' i Tú' Simón do. Jo mi~ lí' cøøng'gui lajo, cagü'íir' dseata' Herodes lí' guiiñ' lí' se' Judea, jo cangór' cangogüear' fí' Cesarea.

Mi~ cajúng' i dseata' Herodes Agripa do

20 Dsu' ie' jo, sóong' nisiguíng' i dseata' Herodes do quiá' jaléng' dsea' i niseeng' fí' Tiro cóo' Sidón, dsu' i Herodes do i 'né' nicuó' fí' e nilisea' jalé' e nidó' i dsea' seeng' fí' Tiro cóo' gui i dsea' i seeng' fí' Sidón; joba' i dsea' seeng' fí' laj' tú' fii' jo dseáng' 'néb' e niliseeiñ' røø' cóo' i dseata' do e laco' nilisea' jalé' e gøiñ' do. Jo calí' bre jaang' dseañu' i líng' jaang' dsea' nu'luu' quiá' i dseata' Herodes do i sii' Blasto, jo cacuø'reiñ' do cuu' e laco' niféiñ' do uii' quiá'ñ'. Jo lajoguiba' calí'r e siiiñ' cóo' i dseata' Herodes do. 21 Jo catéeiñ' do cóo' jmi~ lí' e iiiiñ' nisíiñ' cóo' jaléng' i dsea' do. Jo e jmi~ jo, dsea' seeng' fí' Tiro cóo' gui fí' Sidón caguiliñ' fí' lí' guing' i dseata' Herodes do. Jo ie' jo i dseata' Herodes do caquí'r' si'r' lali' e jlo'gui e sea' quiá'r', jo caguár' ni' 'masii' quiá'r' lí' guár' mi~ quidsir' í', jo canaaiñ' bír' güí' quiá'r' jee' jaléng' i dsea' fii' do. 22 Jo mi~ canúu' jaléng' i dsea' do jalé' júu' quiá' i dseata' Herodes do jo canaaiñ' fé'r' teá' lala:

—Jaang' dié' i fé' na lana, o' dsea' jmigüi' na!

²³ Jo dsifí lajɔb jaang` ángel quiá'- Fidiéé` cajméer` e catóm` i dseata` Herodes do e dsée'r` ladsifí lado, co' cacuør' fí e cajmiféng' dsea` ír` laco' Fidiéé` 'ñia'r'. Jo cajúm` i dseata` Herodes do cóo' jmoहुई e cacuør' i ángel do e cagó' jóo' ír'.

²⁴ Dsu' lajee` jo, eáang`gui ngóo' ni' júu` quiá'- Fidiéé` jogui doñi' jiéb' ninúu` dsea` e júu` jo.

²⁵ Jo mi` tí lí cató' ta` quiá'- i Bernabé cóo'gui Saulo fí Jerusalén, jo cangolím`tur fí Antioquía, jo téebre Juan i siibí Marcos cajo.

13

Mi` canaang` Bernabé cóo' Saulo e guiar' júu` quiá'- Fí'naa' Jesús lacaang` fí' lí' jié'

¹ Jo mi` caguiliñ` fí Antioquía caseáñ' cóo' jaléng' dsea` quiá'- Dsea` Jmáang` i nineáang` fí jo, jo jee` jo niquiéng` jaléng' dsea` i fé' cuaiñ` quiá'- Fidiéé` cóo'gui jaléng' tifa' quiá'- júu` quiá'- dsea` do; jaaiñ` do nisiir` Simón i sií Simón Le', jaang`gui i sií Lucio i caliséng` fí Cirene, jaang`gui i sií Manaén i cacuáng` colíing` cóo' i dseata` Herodes do i calíng` dseata` dsea` féng' quiá'- Galilea, jogui Bernabé cóo'gui Saulo do. ² Jo cóo' jmiñ` lajee` guiáang` teáang` i dsea` do e jmiféñ' Fí'naa' Fidiéé` jogui jmóor` ayuno e ja` gø'r` ir` lajee` jo, casí' Jmiguí quiá'- Fidiéé` ír` lala jo cajíñ' :

—Cuóøng`na' jnea` i Bernabé na cóo'gui Saulo quiá'- e nináñ` jmér` lajii` ta` e nicatøø`øre na.

³⁻⁴ Jo mi` cangoyúung` e féñ' Fidiéé` jogui cajméer` ayuno, dsifí lajɔb caquidsí i dsea` do guóor` fí mogui` Bernabé cóo'gui Saulo e laco' cuø' lí' quiá'- lajii` ta` nidsiliñ` do. Jo mi` calí` jo, ca'f`breiñ' do júu`, jo cangolím`biñ' do, jo cóo'bre i Juan Marcos do i jmicóo' quiá'r`.

Mi` caguia' gáang` i dsea` óo' ta` quiá'- Fidiéé` júu` quiá'- Dsea` Jmáang` fí' Chipre

⁵ Jo Jmiguí quiá'- Fidiéeb` casí' quiá'- i Bernabé do cóo'gui Saulo fí cóo' oo` jmiñ` e sií Seleucia e née' 'ni' jmiñí'. Jo mi` caguiliñ` fí jo, cangotáaiñ` fí cóo' dsí' móo' jo cangoliiñ` fí cóo' oo` jmiñ` lí' sií Salamina e née' fí lí' se' Chipre. Jo mi` caguiliñ` fí jo, jo cajgám`bre e móo' do, jo dsifí lajɔb cangoliiñ` fí lí' téé` guá' quiá'- dsea` góor` dsea` Israel jo canaañ` guiar' júu` quiá'- Fidiéé` fí jo.

⁶ Jo mi` cangí` jo, cangíñ` la'úm` e ni` uó` e née' ni` jmiñí' do cartí caguiliñ` fí oo` jmiñ` e sií Pafos. Jo fí jɔb cajíñ` jaang` dsea` Israel i sií Barjesús, jo cóo' jmi' griego siir` Elimas. Jo i dseañu` do nilíñ` jaang` dsea` láang` i ngí ta` jmigøøng` jaléng' dsea`, co' jíñ' e líñ` jaang` i fé' cuaiñ` quiá'- Fidiéé`, dsu' o' já' e lajo. ⁷ Jo i dsea` láang` do nilíñ` jaang` i jmóo' lajii` e iing` dseata` dsea` féng' i sií Sergio Paulo, jaang` dseañu` i tíng` eáang`. Jo mi` caliñí` i dseata` dsea` féng' do e fí góo'bre nitáang` Bernabé cóo'gui Saulo, jɔba' cató' reiñ' co' iñ` ninúr` júu` quiá'- Fidiéé` e guaiñ' do. ⁸ Dsu' i dsea` láang` do cajníim`bre quiá'- i dseata` dsea` féng' do e laco' ja` já' nilíñ` do júu` quiá'- Fidiéé` e guia' i Saulo do. ⁹ Jo eám' jéeng` Jmiguí quiá'- Fidiéé` i Saulo do i siibí Paa` cajo, jɔba' cajøøñ` i Elimas do la'úung` ¹⁰ jo casí'r` dsea` do:

—'Nu' lin' jaang` adsee` féng' jogui jóo' fi` i 'ling'`; co' jni' fí quiá'- jaléng' dsea` i iing` jmé` e guia`. ¿Jialí' jnin' fí quiá'- jaléng' dsea` i iing` nisíng' yaang` fí guia` cóo' Dsea` Jmáang`? ¹¹ Lana Fí'naa' Fidiéé` nicuør' 'nu' cóo' iihuí, jo nijá' e jo lí' jøø' jí' capí' cartí mi` niquiá'- Fidiéé` ta` e nilijné'tu' calé' catú`.

Jo dsifí lajɔb calíná` jmini` i Elimas do, jo canaañ` jmóor` quijí` i` dsea` i nisó' 'ma'u` quiá'r` co' jo lí' jøør` jí' capí'. ¹² Jo mi` cangá' i dseata` dsea`

féng' do e calí- lado, dsifí lajob já- calíñ- júu^ quiá- Dsea` Jmáang- co' eám' dsigá dsír' jalé' júu^ quiá- dsea` do e e' i dsea` apoo^ do.

Mi~ cangolíng^ Paa- cóo' Bernabé fí Antioquía li~ se' Pisidia

¹³ Jo mi~ calí- ta~ quiá- i Paa- do cóo'~ gui Bernabé cóo'~ gui Juan Marcos e fí Pafos do, joba' ca'uøøm`bre fí jo e teáaiñ~ fí dsí' móo', jo cangolíñ^ fí Perge e née' fí lí' lí' 'ngóo'~ jmiñí^ lí' se' Panfilia. Dsu' i Juan Marcos do jo` cangó- guir cóoiñ~ do, jo caquim'- tur fí Jerusalén. ¹⁴ Jo mi~ cangí jo, ca'uøøm` i Paa- do cóo'~ gui Bernabé fí Perge, jo cangolíñ^ fí cóo'~ gui fí lí' sií Antioquía e née' lí' se' Pisidia. Jo mi~ caguilíñ- fí jo, cóo' jmiñ- lajee~ e tñng` dsea` góor` dsea` Israel e jmi'íñ', cangotáaiñ~ fí guá- quiá- dsea` do, jo fí job caguár` jee~ jaléng' dsea` i teáang~ do ie~ jo. ¹⁵ Jo mi~ cangoyúung~ e ca'f i dsea` do e júu^ quiu' ta~ quiá- Fidié~ cóo'~ gui e júu^ quiá- jaléng' dsea` i café' cuaiñ~ quiá- Fidié~ do malí~ gui eáang', jo mi~ cangí jo, i dsea` i née' ni~ e guá- do casí'r- i dsea` gáng- do jo cajíñ' :

—Rú'uu', song sea` júu^ e iing~ na' føng'^ na' jaléng' dsea` góo' na' la e laco' nijmicóo'~ quiá'r-, cuøøm` føng'^ na' lana.

¹⁶ Jo dsifí lajob caróo- i Paa- do lí' guiiñ~, jo cajméer` lí' cóo'~ guóor` e laco' ninú- i dsea` do júu^ quiá'r-, jo lalab cajíñ'- casí'r- i dsea` do:

—Núu- na' júu^ quié- e jaléng' 'nú', dsea` góo'oo' dsea` Israel, jogui jaléng' 'nú' dsea` ja` líng' na' dsea` Israel i jmi'goo' na' Fidié~ qui- jnea^: ¹⁷ Lajúi~ malí' eáang' Fidié~ caguíñ' 'líi~ dsea` cóøng'~ qui-ii', jo lajee~ e neáaiñ' fí Egipto, cajmée' Fidié~ e eám' cangofíiñ', doñí' fa' líiñ' dsea` seeng' fí fí lí' o' góor`. Jo mi~ cangí jo, ca'uøøm`bre i dsea` do fí Egipto la'eáang' cóo'~ e' góoiñ' do.

¹⁸ Jo lajee~ tuló- jii~ e cangiñ' do fí ni~ guóo'~ uó- quiú, cajméeb' Fidié~ féng' dsír' uii~ quiáiñ' do. ¹⁹ Jo mi~ caguilíng' i dsea` cóøng'~ qui-ii' dsea` Israel do fí lí' se' Canaán, ca'ím- Fidié~ jaléng' dsea` i neáang' fí jo; guié- fí ca'íiñ- ie~ jo e laco' caliseá uó- e cacuø'r' 'líi~ dsea` cóøng'~ qui-ii' e fí lí' se' Canaán do. ²⁰ Jo mi~ cangí cuatrocientos cincuenta jii~ e caguá' dsea` cóøng'~ qui-ii' dsea` Israel fí Egipto, joguib cacuøøng' Fidié~ lajiiñg' dsea` i dsea` i cacá- nifí quiá- dsea` góor` i líng' dsea` cóøng'~ qui-ii' do. Jo dsea` góo'oo' i sií Samuel i fé' cuaiñ~ quiá- Fidié~, íbing' cacá- nifí quiá- dsea` áang' qui-ii' do cartí lí' cadséng-.

²¹ Jo mi~ cangí joguiba' dsea` góo'oo' camiiñ' Fidié~ jaang' dseata~ dsea` féng' i niquiú- ta~ quiá'r- jee~ la'ó' dsea` góo'oo' do. Joba' Fidié~ cacuøøiñ' jaang' dseata~ dsea` féng' i calisí Saúl, jóo' jaang' dseañu' i calisí Cis, siju~ Míng~, jaang' lajee~ guitúung' 'lé' dsea` áang' qui-ii' do; jo i Saúl dob caquiú' ta~ quiá- dsea` áang' qui-ii' lajee~ tuló- jii~.

²² Jo mi~ cangí jo, caguím' Fidié~ i dseata~ Saúl do e líiñ' ta~, jo caguíeiñ' jaang' dseañu' i sií Daví' i nilíng- dseata~ dsea` féng' quiá- dsea` Israel, jóo' jaang' dseañu' i sií Isái. Jo lalab cajíng'- Fidié~ e éeiñ' i dseata~ Daví' do ie~ jo: “Eám' iáang' dsii- cóo'~ Daví' i líng' jóo' Isái, co' nijmiti~ bre lajúi~ e iin~ n.”

²³ Jo jaang' lajee~ dsea` siju~ i dseata~ Daví' do, íb' dsea` góo'oo' Jesús i cajíng'- Fidié~ lajúi~ lamali' gui do i nisíñ- fí jmi'güi' la e nileáiñ- jneaa~ aa' jee~ dsee- qui-ii', dsea` lí'í' dsea` Israel, lí' laco' gui jii~ júu^ e nicacuø'r' jéeng' gui. ²⁴ Dsu' nú- gui e caguéng- Jesús fí jmi'güi' la, cangí jaang' dsea` góo'oo' i sií Juan e ni'r' júu^ jee~ jnea^ dsea` Israel quiá- jial 'né- niquí' jíng' yaang~ dsea` fí quini' Fidié~ jo lajoguiba' cuøøng' nisáiñ' jmiñ'. ²⁵ Jo mi~ nijaquíem' ba' e nité' ta~ quiá- i Juan i seáang' dsea` jmiñ' do, cajíñ'- casí'r- jaléng' dsea` lala: “Ja' í' óo' na' e jnea~ i dsea` i sijeeng' na' do i jíng'- Fidié~ i nisíñ- fí jmi'güi' la, co' nabi nijáa' dsea` í' cóøng' guijiú na, jo fí quini' í' ja' quíng' jnea~ co' sá' i capí' ní' 'núu' lomíir-.”

²⁶ Dsea` rú'uu', jaléng' jnea^ dsea` Israel dsea` siju~ 'líi~ yúu~ qui-ii' Abraham lí' naa', jogui jaléng' 'nú', dsea` ja` líng' na' dsea` Israel i jmi'gó' Fidié~,

catim̄baa' lajalé'naa' e juguiá̄ e guiaā la quiá' jial nileáng'naa' jeē dseē qui'naa'. 27 Dsuo' jaléng' jnea' dseā Israel i seeng' fí Jerusalén cóo' lajaléng' dseā quiē nifí qui'ii' ja' calilí'r^ ī dseáng' Jesús i cajíng' Fidié̄ i nisíñ fí jmigüí la e laco' nileáiñ jneaa'aa' jeē dseē qui'ii', o'gui cangáiñ' jalé' júu^ quiá' Fidié̄ e cajme' i dseā i fé' cuaiñ quiá' dseā do e í dseā fí laco' fí dsí' guá' qui'ii' mī jmí̄ e jmi'íng'naa'. Dsu' mī cateáiñ i Jesús do fí dse' crúu^, e jíi' yaaiñ ja' calilí'r^ e joguib calitī jalé' e cajme' i dseā i café' cuaiñ quiá' Fidié̄ fí nī jì quiá'r- malí̄ gui eáang'. 28 Jo nañí fa' jíi' cóo' dseē ja' cadsé' dseā góo'oo' dseā Israel quiá' dseā góo'naa' Jesús e quiá' nijngáiñ' dseā do, dsu' cangomí̄ bre fí dseatā Pilato e quiá' niquiá' dseā do tā e nijngáiñ' Jesús. 29 Jo mī cangoyúum' e calitī jalé' e fé' fí nī jì quiá' Fidié̄ uii' quiá' Dseā Jmáang' latí jíi' malí', jo cajgiáam' bre dseā do fí dse' crúu^ lí cajúíñ', jo cango'áiñ' fí dsí' cóo' too' jiáa' laco' litíng' dseā góo'oo'. 30 Jo dsu' Fidié̄ cajméer' e cajíb'tu dseā do mī cadsí' 'ní jmí̄ lajo. 31 Jo lajeē jmguiá̄ jmí̄ cajmijnéeng' 'ñia'r' jeē jaléng' dseā i cangi cóo'r~, tí lí se' Galilea jo cartí Jerusalén. Jo jaléng' dseā íb i ninaang' guia' júu^ quiá' Fí'naa' Jesús jeē jaléng' dseā jmgüí lana colíng' cóo' jnea'.

32-33 'Jo jnea' cuø̄naa' 'nú' lana e juguiá̄ e cacuo' Fidié̄ dseā cóong' qui'ii' lajíi' malí', co' nicajmitī bre e júu^ jo qui'naa', dseā lí'naa' dseā sijur', mī casíñ Joor' fí jmgüí la lí' laco'gui la fé' fí nī jì salmo e catí tú' do lí fé' lala: "Nub' Joo'o, jo jmí̄ na nijmée'e e nilíñí dseā e jneab' lín'n Tiquiá'." 34-35 Jo Fidié̄ cajméer' e cajíb'tu Jesús mī cangí e cajúíñ', jogui jo' nijúung' tur o'gui nijgié' ngúu' táaiñ; co' lalab café' Fidié̄ fí nī jì quiá'r-: "Nijmitībaa' la'eáang' cóo' 'nu' jalé' júu^ jlo' niguó' joguijá' e cafíi' dseatā Daví'". Jogui lalab café' guir cajo: "Ja' cuø̄ fí e lí' nijgié' lajo ngúu' táang' 'nu', dseā güeang' quié e i jmóo' lajíi' e iing' jnea'." 36 Jo o' quiá' Daví' fé' e júu^ la, co' mī cajmitī i Daví' do lajíi' e iing' Fidié̄ e nijmér', joguiba' cajúíñ', jo fí dob ca'áiñ' fí cáang' lí si'aang' 'lí̄ tiquiá'r^, jo ngúu' táaiñ cajgob' fí nú' uø̄. 37 Dsu' ngúu' táang' Jesús i cajmijí' Fidié̄ quiá' do ja' cajgo' lajo.

38 'Dseā rú'naa', dseáng' 'né' ñíb' 'nú' e jíi' la'eáang' cóo' Jesúsba' e iing' Fidié̄ jalé' dseē qui'ii'. 39 Jogui doñí i' i' ja' líng' jalé' júu^ quiá' dseā do, nileám'bre jeē jalé' dseē quiá'r- fí quini' Fidié̄; co' jíi' jaang' dseā jmgüí caláaiñ' jeē dseē quiá'r- la'eáang' e jmitir' júu^ quiá' tā e cajme' Moi' do. 40 Ñiing' óo'na' jaléng' 'nú', dseā rú'naa', e ja' cuø' fí yaang'na' e güitíng'na' laco' cajíng' jaang' dseā i café' cuaiñ quiá' Fidié̄ malí'gui eáang' mī cajme'r' lala:

41 Quié'na' cuente jaléng' 'nú' i ja' jíi' júu^ quié' e o'gui já' líng'na' e júu^ jo.

Jo güidsigá' óo'na' jogui nijúum'ba',

co' jmguiá̄ jalé' e nijmee' jnea' jee' 'nú'

jo jíi' capí' ja' já' nilíng'na', fa' jialgui la jalíng' dseā e jma'r' 'nú' júu^ rø̄ quiá' jalé' e jo.

Jo lanab cajíng' Fidié̄ fí nī jì quiá'r-.

42 Jo mī calí' fé' i Paa' do jalé' júu^ güí quiá'r-, jo ca'uøom'bre dsí' e guá' do. Jo fíim' dseā i ja' líng' dseā Israel cangolíñ' e cangomí'r' Paa' e niguiá̄ gui dseā do júu^ mī nití' cóo'gui jmí̄ e jmi'íng' dseā Israel. 43 Jo lajeē ngolíñ' do, fíim' dseā Israel cóo' jaléng' dseā jíéng' i nica'uíng' dseā Israel ngolíñ' colíng' cóo' Paa' cóo'gui Bernabé. Jo casí'r- jaléng' i dseā do e ja' nijmitúng' dsíñ' cóo' Fidié̄, jogui e güí'íb' dsíir' rø̄ jalé' e guiā e cajmée' Fidié̄ cóo'r~ e cangíñ' e cacuo' dseā do e íaang' dsíir'.

⁴⁴ Jo mi~ cati~ coo~gui semaan~ do, coo~jmi~ e jmi'ing' dsea` Israel, fiing' dsea` i seeng` e fi~ do caguiliin~ e fi' guá'- quia'- dsea` Israel do e caguinuar^ júu^ quia'- Fii'naa' Fidiée~ e guia' i Paa- do, jia` ja` latøong~ fiib` caguiling~ ie~ jo. ⁴⁵ Dsu' mi~ cangá- dsea` Israel i ja` ja'- ling' júu^ e guia' i Paa- do jial tíi' fiing' jaléng' dsea` i caseáng' fi' dsii' sinuu^ guá'- quia'r- do, sóong^ cali- dsihuuiin~ quia'- dsea` do, jo canaaiñ` fé'r` e jmang' júu^ e o' ja'-ba' guia' i Paa- do, jogui jmineam~bre dsea` do cajo. ⁴⁶ Joba' i Paa- do cóo~gui Bernabé jii~ capi' ja` 'gó'r' casí'r- jaléng' i dsea` góor` dsea` Israel do, jo cajiiñ` casí'-reiñ`:

—E catiib~ jnea'^ e 'né' guiá'naa' júu^ quia'- Fidiée~ la'uii~ jee~ 'nú'. Jo dsuco' 'nú' ja` iing~na' íng'na' e júu^ do, jo lajoba' ja` catíng~na' e niliseeng'na' cøong` cóo~ Fidiée~ lata~, joba' jnea'^ fi' jee~ dsea` i ja` ling' dsea` góo'oo' dsea` Israel canaang~naa' guiá'naa' júu^ quia'- Fidiée~ lana. ⁴⁷ Co' lajob ta~ caquiua' Fii'naa' Fidiée~ fi' ni~ jii' quia'r- malii~gui mi~ cajiiñ` lala: Jnea~ nisiiñ`n 'nu' fi' jee~ laca'ing' dsea` i seeng' fi' jmigüi' e lin' lafa' jii' quie~e, jogui niguiá'^ jalé' júu^ quia'- jial nileáng` dsea` jee~ jalé' dsee~ quia'r-.

⁴⁸ Jo mi~ canúu~ jaléng' i dsea` i ja` ling' dsea` Israel júu^ quia'- i Paa- do, sóong^ cali'iaang` dsii'r', jo canaaiñ` fé'r` e eáam' guiá' júu^ quia'- Fii'naa' Fidiée~ e guia' dsea` do, jo dsifi' lajob ja'- calíng~ e júu^ jo lajii~ dsea` i nisi'ling' i niliseeng` cøong` cóo~ Fidiée~ lata~. ⁴⁹ Jo lajob cani'- júu^ quia'- Fii'naa' Dsea` Jmáang~ fi' la'ung~ e guóo~ uó^ do. ⁵⁰ Jo dsu' i dsea` Israel do caguiféeiñ~ coo~ tú~ máng' dseam' dsea` Israel i jmi'gó' Fidiée~ jogui i si'gøng' e fi' jee~ fi~ do, colíng~ cóo~ jaléng' dsea` quie' nifi' quia'- e fi~ do cajo, jo casiiñ` røø` e cajmeaiñ` gab' Paa- cóo~gui Bernabé cartí' ca'uøøm~bre dsea` do cartí' caluu' li~ se' e fi~ do. ⁵¹ Joba' dsifi' lajob ca'uøøm` i Paa- do cóo~gui Bernabé cóo~gui jaléng' dsea` i jmicóo~ quia'r-. Jo mi~ caguiliin` 'ni' e fi~ do, job cabó'r' 'lee' toq~ lomii~r- laco' cuø' li~ e ja` íng' dsea` ír` e fi' fi~ e li~ ca'uøøiñ` do. Jo dsifi' lajob cangoliñ` fi' coo~gui fi~ li~ sii' Iconio. ⁵² Jo jaléng' dsea` i nilíng' dsea` quia'- Dsea` Jmáang~ i seeng' fi' Antioquia, eáam' íaang` dsii'r' cajer', jogui eáam' jee' Jmiguí' quia'- Fidiée~ quia'r- cajo.

14

Lajee~ taang~ Paa- cóo~gui Bernabé fi' Iconio

¹ Jo mi~ caguiling~ i Paa- do cóo~gui Bernabé fi' Iconio, cangotáaiñ~ colíng~ fi' dsii' guá'- quia'- dsea` góor` dsea` Israel e si' fi' jo lí' laco'gui quí'- tiiñ`. Jo co' guiar' jalé' júu^ quia'- Dsea` Jmáang~ la'eáang' cóo~ e 'gøng' quia'- Jmiguí' quia'- Fidiée~, joba' fiim' dsea` Israel cóo~gui dsea` i ja` ling' dsea` Israel ja'- caliiñ` jalé' e júu^ do ie~ jo. ² Jo dsu' jaléng' dsea` Israel i ja` ja'- ling' e júu^ e guia' i dsea` góor` i sii' Paa- do cóo~gui Bernabé, canaaiñ` jmigøøm~bre i dsea` i ja` ling' dsea` Israel e laco' dsea` i nijmér- e 'ní' níiñ` jaléng' i dsea` quia'- Dsea` Jmáang~ do. ³ Joba' mi~ canaang' cali- lado, huøø-bi cajé' i Paa- do cóo~gui Bernabé fi' jo e guiar' júu^ quia'- Dsea` Jmáang~ e ja` 'gó'r' jii~ coo~, co' ta~ dsii'r' e eáam' jmicóo~ Fii'naa' Fidiée~ quia'r-. Jo i Paa- do cóo~gui Bernabé cangiiñ` quia'- Fidiée~ e nijmér- jalé' e li~ e quii~ jmi~. Jo cóo~ jalé' e jo jmili~ Fidiée~ e ja'- e júu^ e guia' i dsea` do quia'- jial 'neáang` Fidiée~ dsea` jmigüi'. ⁴ Jo jaléng' dsea` i seeng' e fi~ Iconio do tú- 'lé' ca'uiñ~; coo~ 'lé' casíng'- uii~ quia'- jaléng' dsea` Israel i ja` ca'íng' júu^ e caguia' dsea` do, jogui coo~ 'lé'gui casíng'- uii~ quia'- i dsea` apóo^ do. ⁵ Jo jaléng' dsea` Israel i ja` ca'íng' e júu^ do cóo~gui jaléng' dsea` i ja` ling' dsea` Israel casiiñ` røø` cóo~ jaléng' dseata~ e quia'- nijmeaiñ` ga' i dsea` apóo^ do, jogui nijmihuúng'neiñ` cóo~ layaang~ cuu~. ⁶ Jo dsu' mi~ caliñi' Paa- cóo~gui Bernabé lajii' e í' dsii' i dsea` do e gab` nijmeáng'neiñ', joba' cangoliñ` e si'í' jmi'øng' yaaiñ` fi' Listra cóo~gui

fí Derbe, cōo` fii e nēe` li` se` Licaonia, ⁷ jo fí job caguiar` júu` quíá` Dsea` Jmáang`.

Mĩ` casí`lól` dsea` cuu` i Paa` do fí` Listra

⁸ Jo mi` caguiliñ` fí` Listra, fí` jo niseeng` jaang` dseañu` i nicaang` tii` latí` mi` cangáaiñ` , jo ja` lí` ngír` jii` capí` . ⁹ Jo dob guiiñ` e núur` júu` e guía` i Paa` do. Jo mi` cangáng` i Paa` do dsea` do, dsifí` lajob calilí`r` e i dsea` do jáb` líiñ` e quíib` Fidiée` jmiñ` e nijmi`leáang` ír` . ¹⁰ Jo dsifí` lajob cajíng` i Paa` do casí`r` i dsea` jlúung` do e fé`r` teá` jo cajíñ` :

—iRáan` , jo jmee` sín` røø` !

Jo dsifí` lajob ca`ling` i dseañu` do, jo lajob casíng` ñia`r` jo canaaiñ` ngí`bre.

¹¹ Jo mi` cangá` jaléng` dsea` i teáang` do ie` jo lajii` e cajmēe` Paa` cóo` i dsea` jlúung` do, dsifí` lajob canaaiñ` fé`r` teá` cóo` jmi` quíá`r` e éeiñ` i Paa` do cóo` gui Bernabé jo jii` :

—Gáng` diée` nicagüiling` jee` jnea`aa` i líng` la líng` dsea` jmi`güi` .

¹² Jo lajalém`bre fé`r` e i Bernabé do líiñ` jaang` diée` quíá`r` i sii` Zeus jogui i Paa` do líiñ` jaang`gui diée` quíá`r` i sii` Hermes, co` í`bre dsea` quier` nifí` e guiar` e júu` do jee` jaléng` dsea` do. ¹³ Jo e guá` fí` li` jmiféng` dsea` i diée` Zeus do, dob nisi` dseáng` lí` í` jee` fii` do, jo i jmidsea` i jmóo` ta` e fí` guá` jo caguijéiñ` jaléng` güitá` jogui caguicar` jalé` lí` fí` li` neáang` i dsea` gáng` do, co` í` dsír` e nijmifém`breiñ` do colíng` cóo` jaléng` dsea` i teáang` do ie` jo lafa` jaang` diée` quíá`bre; jogui lami` í` dsír` e nijngáiñ` i güitá` do fí` quini` i dsea` gáng` do e laco` nijmiféng`neiñ` . ¹⁴ Dsu` mi` calilí` i Paa` do cóo` gui i Bernabé do lajii` e lí` dsír` i jmidsea` do cóo` gui jaléng` dsea` e nijmér` cóo`iñ` do, dsifí` lajob ca`guír` si`r` jo cangotáaiñ` jee` jaléng` i dsea` do, jo canaaiñ` sí`reiñ` cóo` júu` e teá` :

¹⁵ —¿Jialí` jmoo`na` lana? Co` o` diée` jnea` , jnea` lí`naa` dsea` jmi`güi` laco`gui la líng` 'nú` . Jo cajá`naa` fí` la uing` job cajo e cajasí`naa` 'nú` e 'né` nitú`ba` lajii` e tíng`na` jmoo`na` lí` laco`gui iing`na` jmee`na` lana cóo` jnea` , co` ja` ee` ta` íng` quí`na` jii` capí` e jo, jo quí` jíng` yaang`na` fí` quini` Fidiée` i dseáng` já` do, co` íb` dsea` cajméer` jmi`güi` cóo`gui guóo` uø` cóo`gui jmiñí` , lí` lajalé` e sea` la`úng` fí` jmi`güi` . ¹⁶ Jo nañí` fa` lami` jéeng`gui ja` cajníng` Fidiée` quíá` jaléng` dsea` e cajméeb` dsea` lí` doñí` ee` já` dsír` , ¹⁷ jo dsu` contøøm` nicajméer` lí` e seem`bre jee` jaléng` dsea` jmi`güi` cóo` jalé` e guíá` e jmóor` , co` í`bre dsea` jmóor` e sea` jalé` jmi` , jogui e jlob` cuø` jalé` e dsijnea` fí` ni` guóo` uø` , jogui e sea` lalíng` jalé` e quiee`naa` , jogui í`bre cuø` e íaang` dsí`naa` cajo .

¹⁸ Dsu` mi` cangí` e caféng` i Paa` do jaléng` i dsea` do, guidseaam` calí`r` cajniñ` e ja` cajngang` i dsea` do jaléng` i jó` i sí` í` nijngáiñ` e nicuó`iñ` i dsea` gáng` do e nijmiféng`neiñ` lafa` diée` .

¹⁹ Jo mi` cangí` jo, caguiling` cōo` tú` máng` dsea` Israel i jalíng` fí` Antioquía cóo`gui fí` Iconio. Jo i dsea` í` cajméer` e calí` 'ní` níim` dsea` Listra i Paa` do, jogui casíiñ` røø` e cuub` nisi`lól`r` dsea` do, jo lajob cajméer` . Jo mi` cangí` e casí`lól`reiñ` do cuu` , jo cajñúung`neiñ` fí` caluu` fii` co` líiñ` e cajngam`breiñ` do. ²⁰ Dsu` mi` cangí` jo, caguiling` jaléng` dsea` quíá` Dsea` Jmáang` fí` lacúng` lí` ráang` i Paa` do fí` caluu` e fii` do, jo dsifí` lajob caróo`túñ` do, jo ca`íb` túr` e fí` jee` fii` do. Jo mi` cajneá` e jmiñ` jo, ca`uøøm` i Paa` do cóo`gui Bernabé e fí` jo, jo cangoliiñ` fí` cōo` fii` lí` sii` Derbe.

²¹ Jo mi` caguiliñ` fí` Derbe, fí` job canaaiñ` guiar` júu` quíá` Dsea` Jmáang` , jo fí` jo fii` dsea` i já` calíng` júu` e guía` dsea` do ie` jo, jo dsea` quíá` Dsea` Jmáam` ca`uíñ` . Jo mi` cangí` jo, caquim` tú` i Paa` do cóo`gui Bernabé fí` Listra cóo`gui Iconio jogui Antioquía. ²² Jo jalé` e fii` na` cangíng` túr` calé`

catú, jo caféiñ' jaléng' dsea` quiá'- Dsea` Jmáang- i seeng' fí jo e ja` nitiúuiñ'- do lajii' fí guiá- li` niteáaiñ- cóo' Dsea` Jmáang- ; jogui castí- guireiñ' do cajo e jaléng' dsea` i iing- e Fidiéé` nicá` nifí quiá'r- 'né- nidsingíiñ- jalé' iihuí'.²³ Jogui ca'náam- bir fí lacoo` fií do cóo` tú- máng' dsea` cóong' i nicá` nifí quiá'- jaléng' dsea` quiá'- Dsea` Jmáang- i seeng' lacoo` lacoo` e fií do; jo mi` calí- jo, cajméer` ayuno e laco' jøøng- guir caféiñ' Fidiéé` uii` quiá'- i dsea` cóong' do. Jogui caseáang`neiñ' do lajaléiñ' do fí jaguó` Fí'naa' Fidiéé`, có' jáb'- calíng- dsea` do júu` quiá'- dsea` í.

Mi` cangolíng`tu Paa- cóo' Bernabé fí Antioquía li` se' Siria

²⁴ Jo mi` cangí e cataiñ'- fí, jo cangíiñ' fí guóo' uó- li` se' Pisidia; jo mi` cangí jo, caguilíng`tur fí Perge li` se' Panfilia, ²⁵ jo fí job caguiar' júu` quiá'- Dsea` Jmáang-. Jo mi` cangí jo, cangolíng`tur fí cóo'gui fií li` sii` Atalia. ²⁶ Jo fí job cangotáaiñ'- fí cóo` dsí' móo' jo cangolíiñ` la dsí` ni` jmiñí'^ car` caguilíng`tur calé' catú- fí Antioquía li` se' Siria fí li` cajáng' dsea` i Paa- do cóo'gui Bernabé fí jaguó` Fidiéé` quiá'- e cangoguiar' júu` quiá'- Dsea` Jmáang- fí jalé' e fií do. Jo có' catób' e ta` do quiá'r-, joba' caquim'-tur. ²⁷ Jo dsifí mi` caguilíng`tu Paa- cóo' Bernabé e fí Antioquía do, dsifí lajob caseáaiñ' jaléng' dsea` quiá'- Dsea` Jmáang- i neáang' e fí jo, jo cajmea'reiñ' júu` lajalé' e guiá- e cajméé` Fidiéé` cóo'r- lacaang' li` cangolíiñ- do, jogui jial cacuø` Fidiéé` e ni'íng' jaléng' dsea` i ja` líng' dsea` Israel júu` quiá'- Dsea` Jmáang-. ²⁸ Jo mi` cangí jo, huøø-bi caje' Paa- cóo'gui Bernabé fí Antioquía li` se' Siria colíng- cóo' dsea` quiá'- Dsea` Jmáang- i neáang' fí jo.

15

Mi` caseáang`rúng' jaléng' dsea` i quie' nifí quiá'- dsea` quiá'- Dsea` Jmáang- fí Jerusalén

¹ Jo ie` jo ca'uøøng` cóo` tú- máng' dsea` Israel fí Judea jo cangolíiñ` fí Antioquía li` se' Siria. Jo mi` caguilíiñ- fí jo, canaaiñ` e'r' jaléng' dsea` quiá'- Dsea` Jmáang- i neáang' fí jo e quiá'- ja` nileáaiñ' do jee` jalé' dsee- quiá'r- fíng song ja` jmitir` jalé' júu` quiá' ta` quiá'- Fidiéé` e cajme' Moi` e nitó- li` fí ngúu` táang` jiuung` siñ` quiá'r- lí' laco' la litíng' dsea` Israel. ² Jo mi` caliñí' Paa- cóo'gui Bernabé quiá'- jalé' e ni'e' i dsea` do, joba' eáam' lahuíng' casíng- i Paa- do cóo' i dsea` í. Joba' Paa- cóo' Bernabé cali'íiñ` cóo' cóo` tú- máng'gui dsea` quiá'- Dsea` Jmáang- i jiéng' quiá'- e nidsisiñ- e júu` do fí Jerusalén.

³ Jo dsea` quiá'- Dsea` Jmáang- i neáang' fí Antioquíabing' caguié' quiá'r-. Jo mi` cangíiñ' fí li` se' Fenicia cóo'gui Samaria, cajmea'r' júu` jaléng' dsea` quiá'- Dsea` Jmáang- i neáang' fí jo jial nicatú jaléng' dsea` i ja` líng' dsea` Israel e lamí` qui' tiiñ` e jmfíeiñ' diéé` e laco' niteáaiñ- teá' fí guiá- cóo' Fidiéé`. Jo jalém' i dsea` quiá'- Dsea` Jmáang- do cali'iaang' dsíir' mi` canúur- e júu` do.

⁴ Jo mi` caguíeng'- Paa- cóo' Bernabé fí Jerusalén colíng- cóo' i dsea` caguiaang-gui do, joba' i dsea` quiá'- Dsea` Jmáang- i neáang' fí do cóo'gui jaléng' dsea` cóong' quiá'r- cóo'gui jaléng' dsea` apóo' ca'íiñ' i Paa- do cóo'gui Bernabé cóo'gui i dsea` caguiaang- do fí jo. Jo Paa- cóo'gui dsea` caguiaang-gui do cajmea'r' júu` jaléng' i dsea` í jial cajmicóo' Fidiéé` quiá'r- quiá'- lajii' ta` e cangolíiñ- do. ⁵ Dsa' cóo` tú- máng' dsea` Israel i líng' dsea` fariseo i nijá'- calíng- júu` quiá'- Dsea` Jmáang- caróor- jo café'r' júu` quiá'r- jo cajíiñ'-:

—La guíim 'né e jaléng' dsea i ja líng' dsea Israel i líng' dsea quiá' Dsea Jmáang nitó li fí ngúú táang jaléng' jiuung siñuu quiá'r lí' laco litíng' jnea, dsea Israel. Jogui la guíim 'né e nihuí' ta quiá'r e nijmiti bre jalé' júu caguiee gui e quiu' ta quiá' Fidié e cajme' Moi.

⁶ Jo caseám yaang jaléng' i dsea apóo do cóo' gui jaléng' dsea cóong' quiá' dsea quiá' Dsea Jmáang i neáang fí Jerusalén. Jo caseáin' do e laco' casáin' la'uiing laná' quiá' e júu do. ⁷ Jo mi cangoyúung' e nicasáin' lahuing, joba caróo Tú Simón jo café'r júu quiá'r jo cajín':

—Dsea rú'uu, dsea quiá' Dsea Jmáang, niñib' 'nú' e ningóob eáang ca'náang Fidié jnea jee 'nú' quiá' e niguiaa jalé' juguiá quiá'r jee jaléng' dsea i ja líng' dsea Israel e quiá' jial nileáin' jee dsee quiá'r, jo lajob dsea í ni'uíin' dsea quiá' Dsea Jmáang. ⁸ Jo Fidié dsea cuír' dsí' lajaang lajaang dsea jmigüí, jo cajméer li e im'bre i dsea i ja líng' dsea góo'oo' dsea Israel do, có' cacuø'rein' Jmiguí quiá'r laco'gui nicacuø'r' jnea~aa, dsea líi' dsea Israel, lajii' i ja líng' júu quiá'r. ⁹ Jo jii' cóo' ja ee' cagui' Fidié fa' jnea~aa, dsea Israel, lí'naa' jmaquíng cóo' jaléng' dsea i ja líng' dsea Israel, có' ca'lim bre dsee quiáin' do laco'gui ca'liin' dsee qui' jnea~aa la'eáang e ja lí'naa' jalé' júu quiá'r e ngocáng' dsinaa'. ¹⁰ Jo lana, zjiali' ja ja líng' na lajii' e nicajméé Fidié quiá' jial laang dsea jee dsee quiá'r? 'Nú' iing na' cuø'na' i dsea i ja líng' dsea Israel i ja líng' júu quiá' Dsea Jmáang cóo' lee e jii' jnea~aa, dsea Israel, o'gui líi' dsea cóong' qui'ii' caqui'naa' jmii' caséee' quiá' e niliti jalé' e júu quiu' ta do. ¹¹ Jo nine'baa' e røøb' nicaláang naa' jee jalé' dsee qui'ii' uí' e eáam' guiúng Fí'naa' Jesús e jii' ja catí'naa' lajo, jo ja e lí' su líi' dsea Israel o'í' lajo é.

¹² Jo dsifí mi cangoyúung' e café' i Tú Simón do jalé' júu quiá'r, tiib' caguá jaléng' i dsea do; jii' cóo' jo ee' cañir'. Jo lajee jo cajméé i Paa do cóo' gui Bernabé júu quiá' jalé' e guiá jogui jalé' li e qui' jmii' cajméer jee jaléng' dsea i ja líng' dsea Israel lajee cangir' lacaang fí lí' jié'. ¹³ Jo dsifí mi cató' fé' i Paa do cóo' gui Bernabé jalé' júu quiá'r, dsifí lajob caróo Tiáa, jo café'r júu quiá'r cajo jo cajín':

—Núu na' jalé' júu quié' e, jaléng' 'nú', dsea rú'naa' dsea quiá' Dsea Jmáang. ¹⁴ Nab nicajmea' i Tú Simón na jnea~aa júu jial mi canaang Fidié e 'neáaiñ' jaléng' dsea i ja líng' dsea Israel, jogui nicaguín' jee jaléng' dsea í e laco' ni'uíin' dsea quiá'r. ¹⁵ Jo lajaléb' e nicajíng' i Tú Simón na lana, røøb' dseáng' lí' cóo' jalé' e cajme' jaléng' i dsea i café' cuaiñ' quiá' Fidié lajii' lamali' gui eáang li fé' lala:

¹⁶ Jo mi ning' e la, jnea Fidié nigáab'túu calé' catú' jogui nijméé'túu e 'nu Daví' e nicaquí';

jogui nijméé'túu røø jalé' cuí' fíing' quiá',

jogui nijmi'ieeng'tu røø.

¹⁷ Jo nijmé' e jalé' e jo e laco' lajalém' dsea i ja líng' dsea Israel nijmicuíin' jnea fí la'úng' fí jmigüí.

¹⁸ Jo jneab' Fidié i nicajmijnéeng' jalé' e na lajii' lamali' eáang, jo nicacuø'baa júu quié' e e jmeé' e jalé' e jo.

Jo lanab cajíng' Fidié fí ni' jii' quiá'r.

¹⁹ Joba fá' jnea e ja 'né' nijmiguíng'naa' jaléng' dsea i ja líng' dsea Israel i nicatú jalé' e qui' tiiñ' lami' jéeng' gui e jmiféin' lí' doñí' ee', jogui lana nijmiféin' i Fidié i ja do. ²⁰ Jo masíng'naa' cóo' jii' quiá'r li niféeng'naa'r e jo cuøng' e jmeáin' ta jalé' e cacuø' dsea jíeng' i dié' i o' ja' i jmiféin' do, có' na 'lib' jalé' e jo, jogui e niquiúm' bre e éer' dsee e güiñ' cóo' dseañ'

osi dseamí i o' quiá'r-, jogui e jo` nidó'-guir jmi'øøng- jó' o'gui ngu~ jó' 'lii~ i siyáang' jmi'øøng-. ²¹ Co' jaléb' e júu^ quiu' ta~ na quiá'- Fidiée' e cajme' Moí nica'ib' jaléng' dsea` quie' nifi' quiá'- guá'- quiá'- dsea` góo'oo' dsea` Israel fi' lacaang` sinúu^ guá'- qui-ii' e tee- fi' la'úng- jee~ fií lacoo` jmi~ mi~ tí' e jmi'íng'naa'.

²² Jo dsifí mi~ cató' e café' i Tiáa~ do júu^ quiá'r-, lajalém' i dsea` apóo^ do cóo'~gui jaléng' dsea` cóøng' quiá'- dsea` quiá'- Dsea` Jmáang-, lí' lajaléng' dsea` quiá'- Dsea` Jmáang-, casíiñ- røø e ca'náaiñ- coo` tú- múngr~ dsea` i nidsilíng- fi' Antioquía cóo'~ Paa- cóo'~gui Bernabé e nidsicar' e jì lí tōo~ júu^ e casíiñ- do. Jo caguíñ' jaang` dseañu' i sii' Judas Barsabás jogui jaang` i sii' Silas, gáng- dseañu' i niing- eáang' jee~ jaléng' dsea` quiá'- Dsea` Jmáang-. ²³ Jo lalab fé' e jì e quie' i dsea` do mi~ cangolíiñ':

“Lajalé' jnea', dsea` apóo^, cóo'~gui jaléng' dsea` cóøng' quiá'- jaléng' dsea` quiá'- Dsea` Jmáang- i neáang' fi' Jerusalén la, guicóo'~baa' jaléng' 'nú', dsea` rú'naa' dsea` quiá'- Dsea` Jmáang-, dsea` ja` lángr'na' dsea` Israel jogui seeng'na' fi' Antioquía cóo'~gui lacoo` fií lí se' Siria cóo'~gui lí se' Cilicia. ²⁴ Nicalineb~ jnea' e nica'uøøng` coo` tú- múngr~ dsea` i seeng' fi' la latíiñ` yaaiñ~, jo nicangolíiñ^ e nicangojmiguíiñ` 'nú' fi' na cóo'~ júu^ quiá'r-. Jogui nicajmigóøiñ` 'nú' e dseáng' 'né- e catim-ba' e nitó'na' lí fi' ngúu' táang'na' lí' lacó' litíng' dsea` góo'oo' dsea` Israel cóo'~ jiuung~ siñuú quiá', jo dsu' ja' 'né- jmee-na' lajo; jogui nicajmigóøiñ` 'nú' cajo e 'né- jmití'na' jalé' júu^ quiu' ta~ caguiee-gui e cajme' Moí. ²⁵⁻²⁶ Joba' nicasii~naa' røø lajalé'naa' la e nica'neáang^naa' jaang` gáng- dsea` lajee' la'ó' jnea' e nidsilíiñ- nidsi'eer~ 'nú' fi' na. Jo nijalíiñ- colíng` cóo' i dsea` rú'naa' i 'neáang'naa' eáang' i sii' Paa- cóo'~gui i sii' Bernabé, gáng- dsea` rú'naa' i jiu~ ja' mí cajnga' dsea` quiá'r- uí' e guiar' júu^ quiá'- Fí'naa' Dsea` Jmáang-. ²⁷ Jo nisíng'naa' fi' na cajo i Judas Barsabás cóo'~gui Silas la, jo íb' nijmeá'- 'nú' júu^ quiá'- jalé' e la cartí quini'na' na. ²⁸ Co' lajii' e iing~ Jmiguí quiá'- Fidiée' jogui jnea' cajo e nimí'naa' 'nú' e jo` nijmée^gui' lajii' e ta~ huí' e jié' do: ²⁹ Lico' 'né- e nitú'ba' e cø'na' ngu~ jó' i nicacuøng' dsea` jaléng' i diée~ i o' já'- i ja' quíi~ jmi~ jmé- jii' coo`, jo jo' cø'na' jmi'øøng- jó' o'gui ngu~ jó' 'lii~ i siyáang' jmi'øøng-, jogui jo' ee'na' dsee- e güiing'na' cóo'~ dseañu' osi dseamí i o' quií'na'. Jo song náu'ba' jalé' e júu^ la, joba' guiúb- ni'ee'na'. Jo lanab jii' lí' júu^ qui-ii'. Jo güiliseem'ba' cóo'~ e guiá-.”

³⁰ Jo dsifí mi~ cali'íng^ i dsea` quiúung- do, cangolíim-bre cóo'~ i Paa- do cóo'~gui Bernabé fi' Antioquía, jo quie'bre e jì e casíng' i dsea` neáang' fi' Jerusalén do. Jo dsifí mi~ caguilíiñ- fi' jo, dsifí lajob caseáiñ' jaléng' dsea` quiá'- Dsea` Jmáang- i seeng' fi' jo, jo caja'bre i dsea` do e jì do. ³¹ Jo mi~ ca'í jaléng' dsea` quiá'- Dsea` Jmáang- e jì do, dsíng'- cali'íáang' dsír', co' jmang'- juguiúb- fé' e fi' ní jì do. ³² Jo co' i Judas Barsabás cóo'~ Silas do cangíiñ` quiá'- Fidiée' quiá'r- e eáam' tiiñ` guiar' júu^ quiá'- dsea` do jee~ jaléng' dsea`, joba' mi~ café'r` júu^ quiá'r-, cacuø'guireiñ' bí e lacó' já'- gui nilíiñ' júu^ quiá'- Dsea` Jmáang-. ³³ Jo mi~ cangí jo, jaléng' dsea` quiá'- Dsea` Jmáang- juguiú- ca'í'r` júu^ i dsea` gáng- do, dsu' jii' i Judas Barsabás do cangáng'-túr fi' Jerusalén, jo íb' quiee' juguiú- quiá'- jaléng' dsea` quiá'- Dsea` Jmáang- i neáang' fi' Antioquía i caguie'ng' ír' do. ³⁴⁻³⁵ Dsu' Silas cóo'~ Paa- cóo'~ Bernabé do bi cajer' fi' Antioquía; jo fíim'bi dsea` quiá'- Dsea` Jmáang- i jiéng' caje' cóo'r' e guia'guir júu^ quiá'- Dsea` Jmáang- jee~ jaléng' dsea` i seeng' fi' jo.

Mi~ catí tú- né' e cangí Paa- ta~ guía' júu^ quiá'- Dsea` Jmáang-

³⁶ Jo mi~ lí cøøng'gui lajo, coo` jmi~ cajíng'- Paa- lala casí'r- Bernabé:

—Má-túu' calé' catú-, madsiee'naa' jaléng' dsea' rú'naa' dsea' quiá'-
Dsea' Jmáang- i neáng' fí' lajalé' fí' lí' nicaná'naa' e e'naa' jalé' júu' quiá'-
Dsea' Jmáang- lamí' jéeng'gui, jo dsine' duu' jial seeiñ' lana.

³⁷ Jo Bernabé lamí' iñ' nijéiñ- calé' catú- i Juan Marcos do. ³⁸ Jo dsu' Paa-
jo cali'iñ' fa' cajéeng'neiñ' do, co' catú' biñ' do quiá'r- lamí' jéeng'gui lamí'
caguiliñ- fí' coo' guóo' uó' lí' se' Panfilia, jo jo' ee' cajmicóo' i Juan Marcos
do quiá'- Paa- ni' e ta' do ie' jo. ³⁹ Jo lahuim'jiu eáang' casíng- i Paa- do
cáo' Bernabé uii' quiá'- i Juan Marcos do. Jo e jo cajmée' e casojom-bre
quiá'- rú'iñ', jo Bernabé cajéiñ' i Juan Marcos do, jo cangotáaiñ' dsí' coo'
móo', jo cangolím-tur la tóo' ni' jmiñí' cartí' lí' se' Chipre. ⁴⁰ Jogui i Paa-
do cató'r- i Silas do i cangó' cóo'r-; jo mi' cangoyúung' jo jaléng' dsea' quiá'-
Dsea' Jmáang- caguiar' fí' jaguó' Fidié' lajii' e ta' e nidsiliñ'- do, jo dsifí' lajob
cataiñ'- fí'. ⁴¹ Jo cangolíng-tur lacoo' fí' lí' se' Siria cóo' gui lí' se' Cilicia e
cuø'r' bí' jaléng' dsea' quiá'- Dsea' Jmáang- i neáng' fí' jo e lacoo' ja' nijmitúng-
dsiñ' lajii' fí' guiá' lí' niteáaiñ- cóo' Dsea' Jmáang-.

16

Mí' cajmicóo' Timoteo i Paa- do cóo' gui Silas

¹ Jo cagüi'ñ' Paa- cóo' Silas fí' Antioquia, jo caguiliñ- la'uii' fí' Derbe. Jo
mi' cangí' jo, caguiliñ- fí' coo' gui fí' e siñ' Listra; jo fí' job calicuiñ' jaang' dsea' i
níng' dsea' quiá'- Dsea' Jmáang- i siñ' Timoteo, joo' jaang' dseam' dsea' Israel
i líng' dsea' quiá'- Dsea' Jmáam- cajo, jogui tiquiá' do dsea' griegob níñiñ'.

² Jo jaléng' dsea' quiá'- Dsea' Jmáang- i seeng' fí' Listra cóo' gui fí' Iconio,
guiáb' fé'r' uii' quiá'- i Timoteo do. ³ Jo cali'iñ' Paa- e nijéiñ- Timoteo fí'
lí' dsiguiar' júu' quiá'- Dsea' Jmáang-, dsu' nú' gui lajo cajmitib- i Timoteo do
lajii' e tíng' dsea' Israel e tóor' lí' fí' ngúu' táang' lajii' dseañu', jo cajmээр' lajo
e lacoo' ní'm' dsea' Israel laji' gaang' dsea' do cóo' júu' røø' fí' lí' niguiliñ-, co'
jalém' dsea' seeng' fí' jo ñir' e dsea' griegob líng' tiquiá' i Timoteo do.

⁴ Jo mi' cangí' jo, catam'-bre fí', jo lacoo' fí' e ngüiñ', sí'r' jaléng' dsea'
quiá'- Dsea' Jmáang- lajii' júu' e quier' quiá'- dsea' apóo' cóo' gui jaléng'
dsea' cóong' quiá'- dsea' quiá'- Dsea' Jmáang- i neáng' fí' Jerusalén. ⁵ Jo
lajob eáang' gui já'- calíng- i dsea' do júu' quiá'- Dsea' Jmáang-, jo lacoo' jmiñb-
naang' dsifíñ'.

Mí' cangáng- Paa- jaang' dseañu' i seeng' fí' Macedonia lafa' mi' quir'

⁶ Jo mi' cangí' jo, Paa- cóo' i dsea' gáng' gui do cangüim-bre fí' lí' se' Frigia
cóo' gui lí' se' Galacia, co' Jmiguí' quiá'- Fidié' ja' cacuø' fí' ír' fa' e niguiár-
júu' quiá'- Dsea' Jmáang- fí' lí' se' Asia. ⁷ Jo caguiliñ- fí' 'ni' lí' iáng' cóo'
Misia, co' fí' job í' dsí' e ningüiñ- fí' lí' se' Bitinia, dsu' calé' catú- Jmiguí'
quiá'- Fidié' ja' cacuø' fí' ír' e ningüiñ- fí' jo. ⁸ Jo lajob cangüiñ' lacuee' lí'
se' Misia cartí' caguiliñ- fí' coo' oo' jmiñ' lí' siñ' Troas. ⁹ Jo fí' job, coo' uøø' i
Paa- do cangáñ- jaang' dseañu' i seeng' lí' se' Macedonia e lafa' mi' quir', jo
i dseañu' do siñ' fí' quini' Paa- e mir' jmi'ee' jo jíñ': "Ngüing' fí' Macedonia
la, jo jmicóo' jnea'." ¹⁰ Jo mi' cangí' e cangá- Paa- e jo lafa' mi' quir', dsifí'
lajob caguiá'-naa' guiá- qui'-naa', jnea' Lucas cóo' gui Silas cóo' gui Paa-, jo
cangó'-naa' fí' Macedonia, co' calítab- dsí'naa' e Fidié' bing' i cató' qui'-naa'
do e nidsiguia'-naa' júu' quiá'- Dsea' Jmáang- fí' jo.

Mí' cangolíng' Paa- cóo' Silas fí' Filipos

¹¹ Jo dsifí' lajob ca'uøø'-naa' fí' Troas e téel'-naa' dsí' móo', jo ngó'-baa'
condsée' fí' coo' guóo' uó' lí' se' Samotracia e née' guiá' joo' jmiñí'. Jo
mi' cajneá- lajo, caguié'-naa' fí' coo' oo' jmiñ' lí' siñ' Neápolis. ¹² Jo fí' job

ca'uøø̄-naa' dsí' móo' cangó-naa' fí Filipos, coo' fii' li' quiu' dsea` Roma ta~, jogui lí' coo' fii' e laniing- quíá'- li' se' Macedonia cajo. Jo fí job cajá-naa' tú- 'ni' jmī.

¹³ Jo lajee~ taang-naa' fí do, coo' jmī lajee~ e tuing` dsea` góo-naa' dsea` Israel e jmi'íñ', ca'uøø̄-naa' cangó-naa' fí 'ni' fii' do quíá'- li' iu' coo' gua, co' fí job í dsí-naa' e seáng' dsea` góo-naa' e féiñ' Fidié~. Jo mi~ caguié-naa' fí jo, dob ca'ie-naa', jo canaang-naa' é-naa' júu^ quíá'- Dsea` Jmáang- jaléng' dseamf̄ i caseáng' fí do ie~ jo. ¹⁴ Jo jaang' lajee~ i dseamf̄ caseáng' do ie~ jo nisiir' Lidia i niseeng' fí coo' fii' li' sii' Tiatira, jo jmóor' ta~ 'ni' 'mi' e jlo' eáang'. Jo i dseamf̄ í eáang' jmiféiñ' Fidié~, dsu' lajee~ núur' júu^ e guia' Paa-, Fidié~ cacuø' r' i dseamf̄ do e cana' moguiñ~ e laco' ni'íñ' lajii' e júu^ e guia' i Paa- do. ¹⁵ Jo mi~ ca'ing' i dseamf̄ do júu^ quíá'- Dsea` Jmáang-, jo cajgáam-bre jmī cóo' gui jaléng' dsea` sinúu^ quíá'r- e laco' cuø' li' e ca'uiñ- dsea` quíá'- Dsea` Jmáang-. Jo mi~ cangf̄ jo, cajing'- i dseamf̄ do sí'r' jnea':

—Song 'nú' dseáng'- já'- líng'na' e jnea' lín'n dsea` quíá'- Fí'naa' Dsea` Jmáang-, ñilíng-na' fí quíé- e jo fí job nijá-na'.

Jo camí'r' jnea' jmi'ee~ e cajé'baa' fí quíá'r-.

Mi~ cajning- Paa- cóo' Silas fí dsí' 'nuñí'

¹⁶ Jo coo' ya', lajee~ ngóo-naa' fí li' seáng' dsea` góo-naa' e féiñ' Fidié~, jo lajee~ ngóo-naa' fí jo cajing'naa' jaang' simí' i jmóo' ta~ quíá'- fir~ e ja' e 'léeiñ' jii' coo'; jo i 'lim' nijéé' quíá'- i simí' do, jo la'eáang' cóo' i 'ling' dob jmóor' jalé' e jmóor'. Jo jmóo' i 'ling' do e lí' i simí' do gui'r' e~ jalé' nilí dsa'ó' iée'. Jo cóo' e job lí' fii' i simí' do jmiguiú' cuu-. ¹⁷ Jo i simí' í canaaiñ' ti'leáam-bre caluu-naa' jo fé'r' teá' jo jiiñ':

—Jaléng' i dseañu' la líiñ' dsea` i jmóo' lajii' e iing~ Fidié~ dsea` féng' dsea` ñíng', jogui guiar' júu^ sí'r' jaléng' 'nú' jial nileáng' dsea' jee~ jalé' dsee- quíá'r-.

¹⁸ Jo yejib- dseáng'- fé' i simí' do lajo, jogui lajee~ jmiguiú' jmī cajo cartí' mi~ ningóo' guia' 'ni' dsí' Paa-, joba' cajíñ'- casí'r- i 'ling' i jée' quíá'- i simí' do jo cajíñ':

—La'eáang' cóo' júu^ quíá'- Dsea` Jmáang- quíá'u ta~ e júu' li' iuun'- na.

Jo dsifí lajob catáú- i 'ling' do quíá'- i simí' do.

¹⁹ Jo dsu' mi~ cangá- i fii' i simí' do e jo li' nilí' guir' cuu- la'eáang' cóoiñ~ do, joba' casam'-bre Paa- cóo' gui Silas, jo cangojeáang' neiñ' fí quini' dseata~ dseáng'- guiá' jóo' e fii' do. ²⁰ Jo i dseata~ í guib cangojéeng' neiñ' fí quini' i dseata~ i quidsí' í', jo lalab cajing'- i fii' i simí' do casí'r- i dseata~ quidsí' í' do:

—I dsea` Israel la ngir' jmóor' ga' jee~ fii', ²¹ jogui er' jalé' e ja' cuøøng' ni'ling'-naa' o'gui nijmití-naa', jneaa-aa' dsea' lí' dsea` romano.

²² Jo canaang' dsea' fii' e iñ~ nijmeám' breiñ' do, jogui i dseata~ quidsí' í' do caquiú'r' ta~ e ni'uóíñ'- do sí' i dsea' do jogui nibøøng' neiñ' do cóo' sii-. ²³ Jo mi~ cangf̄ e cabøøng' neiñ' do eáang', jo fí dsí' 'nuñí' catáíñ' dsea' do, jogui caquiú'r' ta~ i dsea' i jmóo' í' 'nuñí' e nijméiñ'- í' dseáng'- røøb' i dsea' sijñing' do. ²⁴ Jo mi~ ca'ing' i dsea' i jmóo' í' e 'nuñí' do e júu^ jo, joba' catáíñ' i dsea' do cartí' a' gui dsí' e 'nuñí' do, jogui tiiñ'- do cacúíñ' cóo' tú- 'ma' e dsí' too'.

²⁵ Jo ie~ uøø' guienúu' job, lajee~ e Paa- cóo' gui Silas féiñ' Fidié~ jogui ø' e quíá'- jmiféiñ' Fidié~ cajo, jo i dsea' caguiang- gui i sijñing' do lico' núu-bre, ²⁶ jo lajee~ job, coo' cajóob' uø- e teá' eáang' jo canaang' sojá- tii- fii' quíá'- e 'nuñí' do. Jo dsifí lajob cana' jalé' jní' quíá'-, jogui casojiú' jalé' ní' cadena e 'núung' jaléng' i dsea' sijñing' do. ²⁷ Jo mi~ cajné- dsí' i dsea' i jmóo' í' 'nuñí' do jogui cangár- e ni'óob' jalé' jní' quíá'- e 'nuñí' do, joba' dsifí lajob

caguir' ñisui' quiá'r- e si'í' nijngáng'- ñia'r', co' í' dsíir' e nicaláam- jaléng' i dsea` sijning' do. ²⁸ Dsui' dsifí' lajob guicafé' Paa- e teá' eáang' jo guicajíñ' :

—Ja' e jmaang' uo' jii' coo', co' lab téé' naa' lajii' naa'!

²⁹ Joba' i dsea` jmoo' í' 'ñañí' do camir' coo' ji, jo ca'ír- güi'í' fí' dsí' e 'ñañí' do e jléeiñ' dsui' e 'gó'r', jo mi' caguiér- li' teáang' dsea` do jo catúuiñ' uii' tii' i Paa- do cóo' gui Silas. ³⁰ Jo mi' cangí' jo, ca'uøøm'breiñ' do fí' caluu' jo cajmingí' reiñ' :

—¿E' 'né' jmee' e laco' nileáan' n jee' jalé' dsee- quié- e?

³¹ Joba' cañí' i dsea` do:

—Já' güilíin' júu' quiá'- Fí'naa' Jesús jo ni'ím- dsee- quií'- cóo' gui dsee- quiá'- jaléng' dsea` sinúu' quií'.

³² Jo canaaiñ' sí' guir dsea` do cóo' gui dsea` sinúu' quiáiñ'- júu' quiá'- Fidié'. ³³ Jo 'ña' ie' uøø' jo, i dsea` jmoo' í' e 'ñañí' do cajméer' mii' li' sicuí' quiá'- i Paa- do cóo' gui Silas. Jo lí- jo, cajgáang- i dsea` jmoo' í' 'ñañí' do jmi' colíing' cóo' dsea` sinúu' quiá'r- e laco' cuø' li' e ca'uíing- jaléng' dsea` do dsea` quiá'- Dsea` Jmaang-. ³⁴ Jo mi' cangí' jo, catø'r- i dsea` gáng- do fí' quiá'r- jo cacuø'reiñ' e cagø'r'. Jo i dsea` í' colíing' cóo' dsea` sinúu' quiá'r- dsíng'- cali'iaang' dsíir', co' jáb'- caliñ- júu' quiá'- Fidié'.

³⁵ Jo mi' cajneá- lajo, i dseata- i quidsí' í' do casíiñ' tú- 'ní' máng'- í' quiá'r- i quié' júu' quiá'- i dsea` jmoo' í' 'ñañí' do e nileáiñ- Paa- cóo' gui Silas. ³⁶ Jo lalab casí'- i dsea` jmoo' í' 'ñañí' do Paa- :

—I dseata- i quidsí' í' do nicasíiñ' júu' quié- e e nilaam- ba' 'nú'. Jo nicuøøm' güilíing' na' juguiá-.

³⁷ Joba' cañí' Paa- quiá'- i í' i quié' júu' do:

—Caquiú' i dseata- do ta- e cabøøng- dsea` jnea', dsea` calisé'naa' fí' li' quiú' dsea` Roma ta-, fí' jee- dsea` fi' e jii' ja' mí' caquidsir' í' qui- naa', jogui catáiñ' jnea' 'ñañí'; jogui lana iñ- leáiñ- jnea' e ñng', dsui' ja' uø'naa' cartí' güilíiñ- yaaiñ- e ni'uøiñ- jnea' song lajo.

³⁸ Jo cangocoo' i í' do júu' fí' li' neáang' dseata- i quidsí' í' do. Jo mi' canúur- júu' e quié' i í' do, cafóm'bre co' e canúur- júu' e dsea` i caliséng' fí' li' quiú' dsea` Roma tab- líng' i dsea` gáng- do. ³⁹ Jo cangolíng' i dseata- quidsí' í' do e ngomir' jmi'ee' fí' quini' Paa- cóo' Silas e nijméiñ'- do féng' dsíir' quiá'- jalé' e calí- do. Jo mi' cangí' jo, ca'uøøm'bre jo camir' jmi'ee' dsea` do e ni'uøm'biñ' e fí' jee- fi' do. ⁴⁰ Jo mi' cangí' e ca'uøøng' i Paa- do cóo' gui Silas fí' dsí' 'ñañí', cangolíim- tui' fí' quiá'- Lidia. Jo fí' job cajíng' tu' rúíñ' cóo' jaléng' dsea` quiá'- Dsea` Jmaang-, jogui cacuø' guir bí' dsea` do cajo. Jo ngí' jo, ca'uøøm'bre e fí' do, jo fí' li' jiéb' cangolíiñ'.

17

Mi' cateáang' Paa- fí' Tesalónica

¹ Jo lajee' gui' nang' e teáang' Paa- fí' cóo' gui Silas, cangíiñ' fí' coo' fi' e sii' Anfípolis cóo' gui Apolonia. Jo mi' cangí' jo, caguilíiñ- fí' coo' fi' e sii' Tesalónica, jo fí' job si' coo' guá'- quiá'- dsea` Israel li' féiñ' Fidié'. ² Jo co' lajii' e tñng' Paa- e dséer' fí' guá'- quiá'- dsea` góor' dsea` Israel laco' néé' mi' tí' jmi' e jmi'íng' jaléng' dsea` í', jo lajee' 'ní' semaan- casíiñ- cóo' jaléng' i dsea` i caseáng' do cuaiñ- quiá'- jalé' e fé' fí' ni' jii' quiá'- Fidié' e cajme' dsea` mali' gui eáang', jo sí'r' dsea` do ³ e dseáng'- 'né- ba' e cajúng- i Dsea` Jmaang- do; jo mi' cangí' e cajúíñ-, dseáng'- 'né- e cajíb' tui'. Jo casí'- guir i dsea` do cajo jo cajíñ' :

—I Jesús nabí' líng' Dsea` Jmaang-, i dsea` i laang' jneaa- aa' jee- dsee- quií- ii', jo júu' quiá'- i nab e ngí' jnea- guiaa- jee- 'nú'.

⁴Jo ì líng` dsea` Israel jáb` calíñ` júu` e guia' ì Paa` do cóo`~gui Silas, jo røøb` canaaíñ` ngír` cóo` dsea` do. Jogui fíim`bì dsea` griego ì eáang` jmi'gó` Fidiée` cóo`~gui fíing` dseamf` ì laniing` quia' e fii` do, jáb` calíñ` e júu` jo cajo.

⁵Dsu' uíi` e jo ca'uíng` e jaléng` dsea` Israel ì ja` já` líng` e júu` do, eáam` calí` dsihuíiñ` jogui caliguiiñ` quia' jaléng` ì dsea` ì calí` já` líng` e júu` jo. Joba' caseáiñ` tú` 'ní` míng` 'ná` fí' ì tá` teáang` jee` 'núu` e laco' ì dsea` í` nitá'r` mii` jogui nijmiguíiñ` jaléng` dsea` ì neáang` fí' fii` jo. Jogui lajobi` caguilíiñ` fí' quia' Jasón e 'náíiñ` Paa` cóo`~gui Silas e laco' ni'uóng`-neíiñ` do jo nitóø`reíiñ` fí' quini` dsea` fii`. ⁶Jo co' ja` cadséng` guir` ì dsea` ì sí'í` 'náíiñ` do, joba' cató'r` Jasón laguidseaang` cóo`~gui coo` tú` míng`~gui dsea` quia' Dsea` Jmáang` ì nineáang` fí' jo ie` jo, jo cató`-reíiñ` do fí' quini` dseata` e ta'r` mii` jo fé'r` lala:

—Í dseañu` do nica'lee`bre la'úng` fí' jmi'gúu` cóo`~júu` e guiar` do, jogui fí' lab` nicagüíliiñ` lana e iíiñ` jmér` lajo. ⁷Jo ì Jasón na nica'íng`-neíiñ` fí' sinúu` quia'r`, jo lajím`bre ja` jmi'gór` lajii` ta` quíu` dseata` dsea` féng` romano, co' fé'r` e seem` jaang`gui dseata` dsea` féng` ì sii` Jesús.

⁸Jo mi` canúu` jaléng` dsea` fii` e júu` do cóo`~gui jaléng` dsea` quie` nifí' quia' e fii` do, eáang`gui cató'r` mii`. ⁹Jo cuub` caguia' ì Jasón do cóo`~gui ì dsea` caguiaang` do fí' quini` dseata` e laco' calí'r` catúu`-tu` ì dsea` do quia'r`.

Mi` caguilíng`-gui Paa` cóo`~Silas fí' Berea

¹⁰Jo mi` canuu` ie` jmi` jo, jaléng` dsea` quia' Dsea` Jmáang` casíiñ` Paa` cóo`~gui Silas lajminá` fí' Berea. Jo dsifí' mi` caguilíiñ` fí' jo, cangolíiñ` fí' guá' quia' dsea` góor` dsea` Israel lí` laco'gui la litíiñ` jmóor`. ¹¹Jo jaléng` ì dsea` Israel ì seeng` fí' Berea eáang`gui iíiñ` ninúr` júu` guia' dsea` do laco'gui dsea` seeng` fí' Tesalónica, jo lajmináb` calíñ` e júu` jo, jogui lacoo` jmiib` cuør` bí e jmitíiñ` jalé` e júu` too` fí' ni` jì quia' Fidiée` e guir` su e jáb` e júu` e caguia' Paa` do. ¹²Jo lajee` ì dsea` í, fíim`bre já` calíñ` e júu` jo, jogui lajobi` fíim` dseañu` dseamf` griego ì niing` ì seeng` fí' jo jáb` calíñ` do júu` quia' Dsea` Jmáang` e guia' ì Paa` do cóo`~gui Silas. ¹³Dsu' mi` caliñi` jaléng` dsea` Israel ì seeng` fí' Tesalónica e nitáang` Paa` e guiar` júu` quia' Fidiée` fí' Berea, joba' fí' job` cangolíiñ` cangojméer` ga` cóo`~jaléng` dsea` ì seeng` fí' jo. ¹⁴Joba' dsea` quia' Dsea` Jmáang` ì seeng` fí' Berea cajméer` e lajmináb` cagüi'fí' Paa` fí' jo, jo cangór` condsée` fí' 'ni` jmiñi`, dsu' fí' Bereab caje` Silas cóo`~gui Timoteo lajee` jo. ¹⁵Jo jaléng` dsea` quia' Dsea` Jmáang` ì cóo`~Paa` cangolíim`bre cóoiñ` do cartí coo` fii` e sii` Atenas. Jo mi` cangí jo, caquim`-tur fí' Berea jo niquiéer` júu` quia' Paa` e Silas cóo`~gui Timoteo nidsilíiñ` fí' lí` táang` Paa` lajminá`.

Lajee` táang` ì Paa` do fí' Atenas

¹⁶Jo lajee` táang` ì Paa` do fí' Atenas e sijeeiñ` Silas cóo`~Timoteo, fí' íb` eáang` calíñ`, co' ì dsea` seeng` fí' Atenas do jie` ja` latøøng` fii`b` jmiféiñ` jaléng` diée` ì o' já` ì ja` quíi` jmi` jmé` jii` coo`. ¹⁷Joba' eáam` tíng` júu` quia'r` cóo` ì dsea` góor` dsea` Israel cóo`~gui jaléng` dsea` caguiaang`-gui ì jmi'gó` Fidiée` fí' dsí' guá' quia' dsea` Israel. Jo dseáng` lacoo` jmi` lacoo` jmiib` síiñ` e júu` do cajo cóo`~jaléng` dsea` ì seáng` fí' guia' joo` fii` quia' fii` Atenas. ¹⁸Jogui lajobi` ì líng` dsea` ì jmitíng` júu` quia' Epicuro cóo`~gui dsea` estoico ì jmitíng` júu` quia' Zenón, canaaíñ` sí' rúíiñ` cóo`~Paa` cajo, jo ì líng` ì dsea` do fé'r` jo sí' rúíiñ` lajee` yaaiñ` e éeiñ` Paa` jo fé'r`:

—¿E` e fé' ì dsea` cuee` mi'mf` na?

Jogui fé'gui ì caguiaang`-gui do:

—Lí' dsea` seeng` lí' jíeb` i na, jogui iin` nijmigóøiñ` dsea` cóo` jalé` e fé'r na e quiá' jaléng` dié` i 'míng`.

Jó fé'r e jó có' uí' e guí' Paa` júu` quiá' Jesús, jogui jial mi` cajmée` Fidié` e cají'tu dsea` do jee` jaléng` 'lí'. ¹⁹ Joba' cajéiñ` Paa` fí cóo` yá' cuo` lí' sii` Areópago fí lí' títng` jaléng` dsea` Atenas e seáiñ` e síiñ` jalé` júu` quiá'r. Jó mi` caguié` Paa` fí jó, jó cajmingí' i dsea` do ír`:

—¿Já` cuóøng` line`naa' e jalé` júu` 'míng` e quié` 'nua` e e' jnea'? ²⁰ Có' fól` 'nua` jmang` júu` jíeb`'jia, joba' ii`naa' e nilinee` e` guóng` e júu` jó.

²¹ Jó lajñing` i dsea` seeng` fí Atenas do cóo` gui jaléng` dsea` i jalíng` fí lí' jíe' i neáng` fí do, contøom` tí dsír' núur` jogui síiñ` lajii` júu` 'mí` e quié` lí' doñí` ii`.

²² Joba' caróo` Paa` jee` jaléng` i dsea` i neáng` do e fí lí' sii` Areópago, jó cajíñ` casí'r` jaléng` i dsea` do:

—Lalab fí` i 'nú', dsea` seeng`na' fí la fí Atenas, e jalé` e móo`o quí`na' e líng`na' dsea` i eáng` jmiféng` fíng` dié`. ²³ Có' cangoyé` e fí lí' seáng` 'nú' e jmiféng`na' jaléng` dié` quí`na', jó fí job cadsé` e cóo` nife` lí' too` júu` e fé` lala: “Dié` i ja` mí` cuíng` dsea.” E jáb` e fól` 'nú' quiá' jaang` Dié` i ja` cuíng`na', quiá' íb` e nífi`gui jnea` 'nú' lana.

²⁴ Jó dsea` íb` i cajmée` la'úng` jmigüi` cóo` gui jalé` e sea` fí jó. Jogui íb` i líng` fíi` jaléng` i neáng` fí yá' jogui cóo` jaléng` i seeng` fí jmigüi` la, jogui ja` guiiñ` lí' doñí` jíe' sinúa` guá' e cajme` dsea` jmigüi`, ²⁵ o'gui 'né` e dsea` jmigüi` nito` fíng` ír` osi` i nijmicóo` ír` é, có' íbre cuø'r` jaléng` dsea` e jí'r` jogui guí` e cá` dsea` cóo` gui lajalé`gui e jíe'.

²⁶ Có' cóo` jaang` dseañu` cajmeáiñ` lajñing` dsea` i seeng` la'úng` fí jmigüi` e laco' nigüear` fí lacaang` guóo` uó`; jogui quiá'r` ta` jie` jii` seeng` dsea` fí jmigüi`, jogui jie` fí lí' catíng` nigüear`. ²⁷ Jó cajmeáng` Fidié` lajñing` jnea`aa' e laco' ni`néeng`naa' dsea` do, jó niguiém`baa're song` ni`néng`na're. Dsuco' e jáb` e ja` huí` seeng` Fidié` cóo` lajaang` lajaang` jnea`aa'. ²⁸ Có' la'eáng` Fidié`ba' se`naa' jí`naa' jogui ngi`naa' lí' laco'gui cajíng` i líng` dsea` góo`na' malí` i jmo' júu` ie` mí` cajíñ` lala: “I siju` Fidiéeb` jnea`.”

²⁹ Jó có' e já` e lí`na' dsea` siju` Fidié`, joba' ja` cuóøng` e í` óo`na' e Fidié` líiñ` laco' jaléng` dié` i jmáang` dsea` cóo` cuné` osi` cóo` cutee` osi` dsea` cuu` é, jó jmáang` dsea` jialco' iim`bre jaléng` í. ³⁰ Jó Fidié` nicajmée`bre féng` dsír' malí`gui eáng` cóo` jalé` e laang` dsea` cóo`r`, dsu' lana níquiá'r` ta` lajñing` dsea` i seeng` fí la'úng` jmigüi` e níqui` jíng` yaaiñ` fí quinir`, jó nitúr` e jmóor` jalé` e ja` dseeng`, jó lajoba' ní'íng` Fidié` dsee` quiá'r. ³¹ Có' Fidié` nicaté`bre cóo` jmí` e níquidsir` í` laco' sí'í` quiá' jaléng` dsea` jmigüi` la'eáng` cóo` i dseañu` i caguiñ` 'ñaia'r` do; jó Fidié` nica'e'r` jaléng` dsea` e jó mi` cajméer` e cají'tu Dsea` Jmáang` jee` jaléng` 'lí`.

³² Jó mi` canúu` i dsea` seeng` fí Atenas do e fé` Paa` cuaiñ` quiá' e jíb'tu dsea` jee` jaléng` 'lí', i líng` i dsea` do lí' caløom`bre Paa` jogui i líng`gui fé`:

—Cuóøm` lí` nú`naa' e fól` na cóo`gui jmí`.

³³ Jó lí` e jó, güi`íb' Paa` fí do. ³⁴ Dsu' i líng`gui i dsea` do jáb` calíñ` júu` e guí' i Paa` do. Jó jee` í` quiéng` jaang` dseañu` i sii` Dionisio i líng` jaang` dseata` quiá' Areópago, jogui jaang` dseamí` i sii` Dámaris, jogui dsea` i jíéng`gui cajo.

18

Lajee` táang` Paa` fí Corinto

¹ Jo mi~ cangí jalé' e jo, cagüi'ñib' Paa~ fi' Atenas, jo cangór~ fi' coo' fii' e sii' Corinto. ² Jo job calicuiñ' jaang' dseañu' i líng' dsea' Israel i sii' Aquila i niseeng' fi' coo' fii' li' se' Ponto. Jo ie~ jo ja' mí ngóo' eáang' e nicagüilíng' i Aquila do cóo' gui dseam' quiá'r~ i sii' Priscila e jaliñ' fi' Italia. Jo ca'uøøiñ' fi' jo có' i dseata~ quiá'~ Roma do i nisii' Claudio caquiur' ta~ e 'né~ uóm' jaléng' dsea' Israel fi' Roma li' se' Italia. Jo coo' jmii~ cangó~ Paa~ e cango'eer~ i Aquila do cóo' gui Priscila, ³ có' røøb' ta~ óor' cóoiñ' do e jmo'r' 'núu'jiu cóo'~ layaang~ loo~ jó' e laco' li'r' e 'né~. Jo job cajé' Paa~ cóo'~ i dsea' do e laco' nijmér~ ta~ colíng~. ⁴ Jo lacoo' jmii~ mi' tí' e jmi'íng' dsea' góor' dsea' Israel, dsée' Paa~ fi' guá'~jiu li' seáng' i dsea' í' e féiñ' Fidiéé'. Jo fi' job féiñ' jaléng' dsea' Israel cóo'~ gui jaléng' dsea' i ja' líng' dsea' Israel e laco' já'~ nilíng' dsea' do júu' quiá'~ Dsea' Jmáang~ e guiar'.

⁵ Jo mi~ caguilíng' Silas cóo'~ Timoteo fi' Corinto fi' li' guing~ Paa~ cóo'~ Bernabé e jaliñ' fi' Macedonia, jo i Paa~ do catúbre e ta~ jmóor' do, jo canaaiñ' e guiar' júu' quiá'~ Dsea' Jmáang~ lacoo' jmii~ lacoo' jmii~, jogui sí'r' jaléng' dsea' góor' dsea' Israel e dseáng' já'~ba' e Jesús líiñ' i dsea' i cajíng'~ Fidiéé' i nisíñ' fi' jmigüi' la lajii'~ mali'. ⁶ Dsu' i dsea' Israel do 'nib' cangáñ' Paa~, jo canaaiñ' sí'reiñ' jmang'~ júu' ga'. Joba' Paa~ cabó'r' 'lee' too~ sí'r' e laco' cuø' li' e ja' jíi'~ dsea' ír', jo casí'r' i dsea' i ja' jíi'~ ír' do lala:

—Dsee~ quíi'~na' yaam~ba' e nigüilíng'~na' fi' li' 'li'^, dsuco' jo' e cuaiñ' quíe~e. Latí lanab ni' i cóo'~ dsea' i ja' líng' dsea' góo' dsea' Israel e ni'ée^ere júu' quiá'~ Dsea' Jmáang~.

⁷ Jo mi~ cangí jo, cagüi'ñib' Paa~ fi' dsí' e guá'~jiu do, jo cangór~ fi' quiá'~ jaang' dseañu' i sii' Ticio Justo i jmiféng' Fidiéé' contøøng~, jo cáang' e guá'~ dob lí' quiá'r~. ⁸ Jo jaang' fi' i néé' ni' e guá'~jiu do i sii' Crispo cóo'~ lajaléng' dsea' sinúu' quiá'r~ jáb'~ calíñ'~ júu' quiá'~ Fíi'naa' Dsea' Jmáang~. Jogui lajobi fíim' dsea' i neáang' fi' Corinto, mi~ canúur~ júu' quiá'~ Dsea' Jmáang~, jáb'~ calíñ'~ joba' cajgáam~bre jmii' e laco' cacuø' li' e ca'uíñ' dsea' quiá'~ Dsea' Jmáang~.

⁹ Jo coo' uøø' cajmijnéeng' 'ñia' Dsea' Jmáang~ fi' quini' Paa~, jo e jo cangár~ lafa' mi~ quir', jo cajíng'~ Dsea' Jmáang~ casí'r~ dsea' do:

—Ja' jmoo' 'gó' jii'~ capí'^, jo guia~gui júu' quíe~e jee~ jaléng' dsea' jo ja' quiun'^ e jmoo' lajo. ¹⁰ Co' jnea~ seem~baa colíng' cóo'~ 'nu', joba' jii'~ jaang' dsea' ja' ii' lí' nijmeáng' 'nu' ga'. Co' fíim'bi dsea' niseeng' e fi' fii' la i ni'uíng' dsea' quíe~e.

¹¹ Jo fi' Corintob cajé' Paa~ coo' jii' dsí' ca'ná'^ e e'r' i dsea' seeng' fi' jo jalé' júu' quiá'~ Fidiéé'.

¹² Jo coo' néé'~ lajee' jii' e calíng' jaang' dseañu' i sii' Galión dseata~ dsea' féng' quiá'~ li' se' Acaya, jaléng' dsea' Israel i neáang' fi' do ie~ jo casíiñ' røø' e nijmér~ dsee~ quiá'~ Paa~. Joba' casang'~ neiñ' jo cangojeáaiñ' fi' li' neáang' dseata~ dsea' quidsí' í'. ¹³ Jo mi~ caguilíñ' fi' jo, lalab casí'r~ i dseata~ do jo cajíñ'~:

—I dseañu' dsea' góo'naa' la ngir' ta~ jmigøøng' jaléng' dsea' quiá'~ jial e 'né~ níféng' dsea' Fidiéé', dsu' ja' núu'r~ lajii'~ júu' quiu' ta~ quí~ii'.

¹⁴ Jo sí'í' niñi' Paa~ e nisí'r' dseata~ Galión lajii'~ e 'náng' i dsea' do ír', dsu' jéeng'gui Galión cañír' quiá'~ i dsea' Israel do jo cajíñ'~:

—Song dseáng'~ lahuíng' nica'ée' i dsea' na osi líng'~ ii' nicaingaiñ' é, joba' catíng' e niquidsii' í' fa' lajo. ¹⁵ Dsu' e na lí' lajii'~ júu' e catíng'~na' yaam~ba' na quiá'~ lajii'~ júu' quiu' ta~ quíi'~na', joba' yaam~ba' catíng'~na' niguíi'~na' e na, co' jnea~ ja' iin~n niquín'^n e júu' na.

16 Jo caquiá' i dseata do ta e cagüi'ñb' Paa cóo' jaléng' i dsea caguiaang-gui e fi' li' quidsi' i dseata do í'. 17 Jo lajüing' i dsea i jmóo' dsee' quia' Paa do casaiñ' jaang'gui dseañu' i sii' Sóstenes i lüing' fii' quia' guá' jiu quia' dsea Israel e si' fi' do, jo job cabóøiñ' i dsea do fi' quini' li' neáng' i dseata dsea quidsi' í' do, dsu' ja e jing' dseata Galión jüi' cóo' quia' jalé' e jmóo' i dsea do.

Mi' caquing'-tu Paa' fi' Antioquia

18 Jo mi' cangí jo, huóø-bi cajé Paa' fi' Corinto. Jo mi' cangí gui lajo, ca'í' bre júu' jaléng' dsea quia' Dsea Jmáang' i neáng' fi' do, jo cangoliñ' fi' cóo' oo' jmü' e sii' Cencrea. Jo lajee' e taam' bir fi' jo, catu'r' cuo' moguir' laco' täng' dsea góor' dsea Israel e laco' niliti' lajüi' júu' nicacuø'r' Fidié' lamí' jéeng' gui. Jo mi' cangí jo, cangotáaiñ' fi' dsí' móo' colüing' cóo' Aquila cóo' gui dseamí' quia' í' i sii' Priscila jo colüim' cangoliñ' fi' li' se' Siria.

19 Jo mi' caguiling'tur e oo' jmü' li' sii' Éfeso do, job caseáng' Paa' i Aquila do cóo' gui dseamí' quia' i sii' Priscila, jo cangó-bre 'ña'r' fi' li' si' guá' jiu quia' dsea góor' dsea Israel. Jo fi' job casíiñ' cóo' jaléng' dsea í' i caseáng' fi' do ie' jo. 20 Jo i dsea i siseáng' fi' guá' jiu do casí'r' Paa' e fa' nijé' bir huóø' cóo'iñ' do, dsu' Paa' jo cali'iiñ'. 21 Jo ca'í' bre júu' i dsea do jo casí'r':

—'Né' e seem' baa fi' Jerusalén e nití' jmü' e nijaquíéeng' fi' jo. Jo lí' jial ta' niquia' Fidié' quie' baa e nigáa'túu e ga'ee' e 'ná' fi' la calé' catú'.

Jo mi' cangí jo, cagüi'ñb' Paa' e fi' Éfeso do e iuuiñ' fi' dsí' móo', 22 jo cangó-bre tur fi' Cesarea, jo fi' job cajer' e laco' nicuø'r' guicóo' jaléng' dsea quia' Dsea Jmáang' i neáng' fi' jo. Jo mi' cangí jo, cangám' tur fi' Antioquia, jo fi' job cajer' huóøb' jiu.

23 Jo mi' li' cøøng' gui lajo, cagüi'ñb' tur calé' catú', jo cangí tur laco' laco' fii' e née' fi' li' se' Galacia cóo' gui li' se' Frigia e cuø' guir' bí' jaléng' dsea quia' Dsea Jmáang' e laco' ja' nilitüng' dsíiñ' lajüi' fi' niteáaiñ' cóo' Dsea Jmáang'.

Mi' caguia' Apolos júu' quia' Dsea Jmáang' fi' Éfeso

24 Jo ie' jo caguie' jaang' dseañu' dsea Israel i sii' Apolos fi' Éfeso. Jo i dseañu' í' niseeiñ' fi' cóo' fii' e sii' Alejandría e née' li' se' Egipto. Jo dsea do eám' jlo' tiiñ' guiar' júu' jogui eám' cuir' jalé' e fé' fi' ni' jii' quia' Fidié' e cajme' dsea malü' gui eáng'. 25 Jogui eám' nicajmitüiñ' júu' quia' Fii'naa' Fidié' e cajme' dsea í', jogui dseáng' e iáng' dsí' bre fé'r', jogui dseáng' røøb' er' e júu' quia' Jesús do, doñi' fa' jüi' e ñir' do e ca'e Juan e quia' jial seáaiñ' dsea jmü' lajee' cateáaiñ' fi' jmigüi' la, dsu' ja' ñir' e Jesús ca'er' e 'né' sáaiñ' dsea jmü' e laco' cuø' li' e lüiñ' dsea quia'r'. 26 Jo i Apolos do canaaiñ' guiar' júu' quia' Dsea Jmáang' dseáng' fi' dsí' guá' quia' dsea Israel e jüi' ja' jaa' quia'r' fa' 'gó'r'. Dsu' mi' canúu' i dseañu' Aquila cóo' gui dseamí' quia'r' i sii' Priscila júu' e guia' i Apolos do, joba' cajéem' breiñ' fi' li' jie' jo casí' reiñ' dseáng' laco' la lí' e fi' e 'né' cá' dsea e laco' niliseeiñ' cøøng' cóo' Fidié'.

27 Jo mi' cangí jo, cali'ing' Apolos e ningüiñ' fi' li' se' Acaya. Joba' jaléng' dsea quia' Dsea Jmáang' i seeng' fi' Éfeso do eám' cajmicóo' reiñ', jogui casíiñ' cóo' jii' quia' jaléng' dsea quia' Dsea Jmáang' i seeng' fi' Acaya do e laco' ni'ing' neiñ' cóo' júu' røø' juguiá'. Jo mi' cangí jo, cangó-bre fi' jo.

Jo mi' caguie' Apolos fi' Acaya, eáng' cajmicóo'r' jaléng' dsea i calicüing' Dsea Jmáang' uii' e eáng' guiüng' Fidié' cóo' dsea do. 28 Co' fi' quini' jaléng' i dsea i neáng' do sí'r' jaléng' i dsea Israel e ja' í' dsíiñ' dseáng' laco' catüing', jogui se'r' teá' lajüi' e fé' fi' ni' jii' quia' Fidié' e dseáng' ja' ba' e

Jesús líiñ` i dsea` i casíng` Fidiéé` fí` jmíguü` la e laco` nileáng` dsea` jee` dsee` quiá`r`.

19

Mi` caguiéng` tu Paa` fí` Éfeso

¹ Jo lajee` táang` i Apolos do fí` Corinto lí` se` Acaya, jo i Paa` do cangíiñ` fí` lí` lí` jee` mó`, jo caguié` tur fí` Éfeso. Jo fí` job cajíñ` i fíing` dsea` quiá` Dsea` Jmáang`, ² jo lalab cajmingí` Paa` i dsea` quiá` Dsea` Jmáang` do jo cajíñ`:

—¿Su calíng` 'nú` Jmíguí` quiá` Fidiéé` mi` já` calíng` na` júu` quiá` Dsea` Jmáang`?

Joba` cañí` i dsea` do jo cajíñ`:

—Ja` mí` nú` jnea` jii` coo` ya` quiá` e jo. ¿E`gui e jo?

³ Jo cajmingí` tu Paa` i dsea` do jo casí` reiñ`:

—¿E` uíing` qui` na` mi` cajgáang` na` jmí` jóng?

Joba` cañí` tu i dsea` do quiá` Paa` jo casí` reiñ`:

—Jnea` cajgáang` naa` jmí` e casé` Juan e laco` cuo` lí` e caquí` jíng` yee` naa` fí` quini` Fidiéé`.

⁴ Joba` casí` tu Paa` i dsea` do:

—Lajob líí, co` i Juan do caseáiñ` dsea` jmí` lajii` i caquí` jíng` yaang` fí` quini` Fidiéé`; jogui casí` bir jaléng` dsea` í` cajo e 'né` níím` biñ` do i dsea` i nijáa` coong`gui do mi` nisóong` ír; jo dsea` íb` Jesús lana.

⁵ Jo mi` canúu` jaléng` i dsea` i teáng` do lajo, dsifí` ladob cajgáaiñ` jmí` e laco` cuo` lí` e ca`uíiñ` dsea` quiá` Dsea` Jmáang`. ⁶ Jogui mi` caquidsí` Paa` guoor` fí` mogui` i dsea` do, dsifí` ladob calíng` i dsea` do Jmíguí` quiá` Fidiéé`, jo canaaiñ` fé`r` jmí` e jíe`gui laco` jmí` quiá`r`, jogui síiñ` jalé` júu` e íñ` e jáa` quiá` Fidiéé`. ⁷ Jo lajee` lajüing` i dsea` do tíir` guitúuiñ` yaang` dseañu`.

⁸ Jo mi` cangí` jo, lajee` gaang` sí`, dsée` i Paa` do fí` guá` quiá` dsea` góor` dsea` Israel, jo fí` job guiar` júu` quiá` Dsea` Jmáang` e ja` 'gór` jii` capí`, jo sí`r` jaléng` i dsea` do jogui 'nó`r` jial laco` já` nilíng` dsea` do e iing` Fidiéé` quier` nifí` quiá` jaléng` dsea`.

⁹ Dsu` i líing` i dsea` do ja` jí`r` e júu` do o`gui iñ` já` nilíiñ` cajo. Jo canaaiñ` fé`r` fí` quini` jaléng` dsea` jíéng` e gab` jalé` e júu` do quiá` jial cúing` dsea` Dsea` Jmáang`. Joba` Paa` cajmihuim` 'ñia`r` jee` i dsea` góor` do, jogui cajéem`bre jaléng` dsea` quiá` Dsea` Jmáang` i caguiang` do, jo cangojéeng`neiñ` fí` coo` escueel` quiá` jaang` dseañu` i síi` Tirano, jo fí` job féiñ` i dsea` do júu` quiá` Dsea` Jmáang` lacoo` jmí` lacoo` jmí`. ¹⁰ Jo lajob cajméer` lajee` tú` jüing`, joba` jaléng` dsea` Israel cóo`gui jaléng` dsea` i ja` líing` dsea` Israel i neáng` fí` jalé` fí` e tée` lí` se` Asia canúur` júu` quiá` Fí`naa` Dsea` Jmáang` e caguiá` i Paa` do.

¹¹ Jo lajee` jo i Paa` do jmóor` jalé` e quí`r` jmí` la'eéang` cóo` güea` e cangíiñ` e cacuo` Fidiéé`. ¹² Jo seem` dsea` quier` jalé` paay` quiá`r` osi jalé` sí`r` fí` quini` Paa` e fa` jii` capí`b` nijnúng` dsea` do e 'mi` do, joba` i dsea` do nicóor` fí` quiá`r` fí` lí` seeng` i dsea` dsée` do, jo cóo` e jo ni`leéam` i dsea` dsée` do lajii` jmohuí` e líiñ`. Jogui lajobi jaléng` dsea` i jée` i 'ling` quiá` dsihuim` jaléng` í` quiá`r` jo 'láam`bre.

¹³ Jo ie` jo, i líing` dsea` Israel i ngí` lacoo` fí` e jmícaaiñ` e iñ` uóíñ` i 'ling` i jée` quiá` dsea`, jo iñ` nijóor` su e já` e uoong` i 'ling` i jée` quiá` dsea` la'eéang` cóo` júu` quiá` Fí`naa` Jesús. Jo lalab canaaiñ` sí`r` jaléng` i 'ling` i jée` quiá` i dsea` do:

—iLa'eéang` cóo` júu` quiá` Jesús e guia` i Paa` do quiá` ta` e uoong`na` lí` teáng`na` na!

¹⁴ Jo e jo cajmée` laji` guiáng` jóo` jaang` dseañu` Israel i sii` Esceva i nilíng` jaang` fi` jmidsea` quiá'- dsea` Israel. ¹⁵ Dsu' coo` née` lajee` ngir` ta` jmóo` lajo, jo i 'ling` i jée` quiá'- i dsea` do cañír` quiáin` do jo cajín`:-

—Cuim` jnea` Jesús, jogui ñi`bí i` i` sii` Paa` do, dsu' ja` ñii` i` 'nú`.

¹⁶ Jo dsifí` ladob i dsea` i jée` i 'ling` quiá'- do canaiñ` quiém`bre lahuim` jaléng` i jóo` Esceva do, jo dseáng`- lajim`biñ` do calí`r` caquiéin` co' dsíng`- bíñ`. Jo cangolím` i dsea` sihuíng` do fí` quiá'r` mi` cangí` jo, dsu' ringúum`bre cangoliñ`.

¹⁷ Jo lajínng` i dsea` Israel i neáng` fí` Éfeso cóo`~gui jaléng` dsea` i ja` líng` dsea` Israel i neáng` fí` job cajo, caliñi`bre jalé` e calí` do ie` jo, joba' eáam` cafóin`. Jo lajob ngóo` li`gøng` júu` quiá'- Fí`naa' Jesús jee` jaléng` dsea`.

¹⁸ Jogui fím`bi jaléng` dsea` i já` calíng` júu` quiá'- Dsea` Jmáang` ie` jo caguiliñ` e røøin` dsee` quiá'r` fí` quini` jaléng` dsea` quiá'- jalé` e ga` e nicajmээр` lami` jéeng`gui. ¹⁹ Jogui fím`bi jaléng` dsea` i nicajmée` ta` dsea` láang` lami` jéeng`gui cajo caguiliñ` quier` jì` quiá'r` li` too` jalé` e 'li` e jmitíin`, jo cajír` fí` quini` jaléng` dsea` i teáng` do ie` jo. Jo mi` caguo`- júu` jial tí` 'móo`~ téé` e jì` do, jmiguiab` eáang` cagüi`íng`, lí` lí` cincuenta mil cuteeb`. ²⁰ Jo lajob naang` ni`gui júu` quiá'- Fí`naa' Dsea` Jmáang` fí` la fí` na, jogui jmóo` e liñi` dsea` cajo jial tí` 'gøng` Fidiée`.

²¹ Jo mi` cangí` e cangojée` jalé` e jo, joba' ca'f` dsíi` i Paa` do e nidsé`-tur e nidsi`eer` jaléng` dsea` quiá'- Dsea` Jmáang` i neáng` fí` li` se` Macedonia cóo`~gui fí` li` se` Acaya, jo e mi` ningí` jo, ningíin` tí` Jerusalén. Jogui fé`bir cajo e mi` ningí` e dsér` fí` Jerusalén, dseáng`- 'né`-ba' e dsér` tí` Roma.

²² Jo casíin` gáng` dsea` quiá'r` fí` li` se` Macedonia, i do i sii` Timoteo jo jaang`gui i sii` Erasto, jo laji` huaiñ` do jmóor` ta` jmicóo`~ Paa`. Jo Paa` fí` dobi cajer` 'ñia`r` lajee` jo fí` li` se` Asia.

Mi` caliseá` mii` fí` Éfeso

²³ Jo ie` jo, eáam` cató` dsea` mii` fí` Éfeso uii` quiá'- e fím` dsea` ca`uíng` dsea` quiá'- Dsea` Jmáang`. ²⁴ Jo e mii` jo ca`uíng` uii` jaang` dseañu` i sii` Demetrio i nijmóo` ta` cóo`~ layaang`~ cutee`. Jo i dsea` í` nijmóor` ta` jmíing` guá`-jiu e lí` cóo`~ cutee`, jo e job guá`- quiá'- i dié` i sii` Artemisa. Jo i Demetrio do jmiguiab` quíir` e 'léeng`- jaléng` i dsea` i jmóo` ta` cóo`r` do. ²⁵ Jo coo` née` caseáin` dsea` i jmóo` ta` cóo`r` colíng`~gui cóo`~ jaléng` dsea` i jmóo` ta` e røøb`jiu cóo`~ e ta` jmóo` ír` do cajo, jo lalab casí`r` jaléng` i dsea` do:

—Dsea` rú`'uu', niñib` 'nú` guiá` e la'eáang` e ta` lab joba' guiáb` sea` jalé` e 'né`-quí`-ii'. ²⁶ Dsu' laco`gui la júu` sea` jogui ne`naa' cajo e i Paa` do ngir` fé`r` e jaléng` i dié` i jmáang` dsea` cóo`~ guóor` ja` líiñ` dseáng`- dié`-já`-; jo lajob nicalí`r` e nicaligøng` jaléng` dsea` i seeng` fí` Éfeso la cóo`~gui jaléng` dsea` i seeng` jie` ja` latøøm` li` se` Asia. ²⁷ Jo lajii` e júu` e ngí` i Paa` do fé`r`, dseáam`-quí`-ii' fíng` ca'íng`- lajii` ta`-quí`-ii' e sea`, jogui la quie`gui guá`- quiá'- i dié` i sii` Artemisa do nitáb` dsea` e jmicuír`, jogui nitáb` dsea` e jmí`gór` lajii` e 'gøng` i dié` í, dsuco` latøøng` li` se` Asia jmiféng` dsea` ír`, jo jie` ja` latøøng`- jmigüib` cajo.

²⁸ Jo mi` canúu` jaléng` i dsea` i caseáng` fí` do jalé` e jo, eáam` caliguiñ`, jo canaiñ` óor` teá` jo fé`r`:

—iEáang` 'gøng` dié` Artemisa quí`-ii' i jmiféng` jnea`, dsea` Éfeso!

²⁹ Jo eáam` cangogáang` dsea` cóo`~ jalé` e júu` jo, jogui canaang` catá`r` mii` latøøng` e fii` jo. Jo lajee` jo, lajim`bre casam`- i dseañu` i sii` Gayo cóo`~ Aristarco, gáng` dseañu` i seeng` fí` Macedonia i nicóo`~ Paa`. Jo

cajñúung`neiñ' do cartí' caguiliñ' fí' lí' t́ing` dsea` e seáin' coling` mi` ee`go jmóor`.

³⁰ Jo i Paa` do cali'iiñ` e ni'ír` e nifeiñ' i dsea` f́ing` do, dsu' jaléng' dsea` quiá'- Dsea` Jmáang` ja` cacuør' fí' lajo. ³¹ Jo jee` i dseata` dsea` féng' quiá'- lí' se' Asia do niquiéeng` coo` tú` ḿing` dsea` i niseeng` røø` cóo' Paa`, jo casiiñ` júu` e sí' reiñ' e guiá`-gui e ja` ni'í' dsea` do e lí' teáng' i dsea` f́ing` do.

³² Jo lajee` jo, jee` i dsea` f́i` do, i líing` dsea` fé'r` coo` júu` jogui i líing`-gui e jié'`gui, jo dsing'`- téé'` ḿi'; jo f́im` i dsea` do jii'` ja` ñir` e` uing` e caseáin'`.

³³ Dsu' i líing` i dsea` do casí'r`- jaang` dseañu' i sii` Jaang` jalé` e calí`- ie` jo, jo í'bing'` casíng` dsea` Israel fí' quini` i dsea` f́ing` do laguidseaang`. Jo mi` caguiér`- fí' quini` i dsea` f́ing` do, jo cajméer`- lí' cóo'` guóor` e laco'` nifé'r` uii` quiá'- jaléng'` dsea` Israel fí' quini` jaléng'` i dsea` f́ing` do. ³⁴ Dsu' mi` calilí` i dsea` f́ing` do e i Jaang` do líiñ` dsea` Israel, dsing'`- caliguiñ`- jo canaaiñ` óor` teá' lajee` tú`- oor` jo fé'r`:

—iEáang` 'gøng'` diéé` Artemisa qui`-ii` i jmiféng'` jnea`, dsea` Éfeso!

³⁵ Jo mi` casóong`-jiu e ta' dsea` ḿi'` do, i tiji` quiá'- e fí' Éfeso do canaaiñ` féiñ'` jaléng'` i dsea` do jo cajíñ`-:

—Dsea` rú'`naa' i seeng` fí' Éfeso, jalém'` dsea` seeng` fí' jmigüü` ñir` e i dsea` seeng` fí' la néé` nír` guá'` quiá'- i diéé` 'gøng'` i sii` Artemisa la, jogui fí' yá'` jmigüü'b` lí' catóin'` e líiñ` dsea` cuu` jo catisiiñ'` fí' la. ³⁶ Jo jii'` jaang` dsea` ja` cuøøng` lí' jiiñ'` e o' lajo e na, joba'` catii`-na' jo ja` e jmoo'`na' jii'` coo` e ja` mí' calí` óo'`na' røø'. ³⁷ Co' laji` gáng` i dseañu' i nicajéeng` 'nú'` fí' la ja` e mí' cajmeáiñ'` jii'` coo` guá'`- qui`-ii', o'gui mí' café'r` e ga` uii` quiá'- i sengfí`- qui`-ii' do cajo. ³⁸ Jogui songi Demetrio do cóo'`-gui jaléng'` dsea` i jmoo'`-ta` cóo'r` do nicadsé'r` dsee`- quiá'- i dsea` na, dob neáang` jaléng'` dsea` i quidsí'` í' cóo'`-gui lí' 'niiñ` dsea` f́ing` ee`go dsee`- røøng` dsea`; jo fí' job` lí' catíng`- e nijmér`- dsee`- fí' quini` i dseata` í', jogui job` lí' catíng`- e nijmi'`øng'` yaaiñ`- lajaang`- lajaañ`. ³⁹ Jogui song` sea`gui júu` quié`-na' e jié'`, dob cuøøng` lí' jmee`-na' fí' ni` f́i` mi` seáng'` dsea` f́iñ'. ⁴⁰ Jogui cóo'`- jalé'` e nicalí`- na, eáam` dseáang`- qui`-ii' f́ing` i cajmée` dsee`- qui`-ii' quiá'- jalé'` e nicajmó'`oo', co' ja` e uing`- sea` jii'` coo` e nijmi'`øng'` yee`-naa' f́ing` calingii`- e` uing`- quiá'- e nicató'` dsea` ḿi'`.

⁴¹ Jo mi` calí`- fé'` i tiji` do e júu` na, jo ca'í'`-bre júu` quiá'- jaléng'` i dsea` siseáng'` do jo cagüi'`í'`bre.

20

Mi` cangó-tu Paa` fí' Macedonia cóo'` Grecia

¹ Jo mi` casóong`- e ta' dsea` ḿi'` do, cató'`- i Paa` do jaléng'` dsea` quiá'- Dsea` Jmáang`- e laco'` líing`- ee` niféng'`-neiñ'` do. Jo mi` cangí` jo, ca'í'`-bre júu` i dsea` í' jo cangób`-tur fí' lí' se' Macedonia. ² Jo lacoo`- lacoo` f́i` e téé'` fí' jo cangóor`- e dsi'eer`- jaléng'` dsea` quiá'- Dsea` Jmáang`- i neáang` fí' jo, jo eáang`- jmicoo'`-reiñ'` cóo'`- jalé'` júu` quiá'- Dsea` Jmáang`. Jo mi` cangí` jo caguiéb`-tur fí' lí' se' Grecia, ³ jo fí' job` cajer'` gaang`- sí'.

Jo mi` cangí` jo, dseáng'`- ni'iuuiñ`- fí' e nisó'r`- móo'` e nidsé`-tur fí' lí' se' Siria mi` caliñir` e jaléng'` i dsea` góor` dsea` Israel do nicasiiñ`- røø` e líing`- ee` nijmeáiñ'` i Paa` do. Joba'` ca'í'` dsí' Paa` e caquim'`-tur fí' guóo'`- uó'` jo cangíng`-tur calé'` catú`- fí' Macedonia. ⁴ Jo cóo'`-bre jaléng'` i dsea` la: jaang` i sii` Sópater dsea` i seeng` fí' Berea, jóo'` jaang` dsea` i sii` Pirro; jogui Aristarco, cóo'`- jaang`-gui i sii` Segundo i seeng` fí' Tesalónica; jogui jaang`-gui i sii` Gayo i seeng` fí' Derbe; jogui Timoteo, jogui lajobi Tíquico cóo'`- Trófimo, dsea` i seeng` fí' lí' se' Asia. ⁵ Jo jaléng'` i dsea` quiá'- Dsea` Jmáang`- la jéem'`bre cangoliiñ`^,

jo doguib cajéiñ` jnea` cartí oo` jmíi` lí` sií Troas. ⁶ Jogui jnea~, Lucas, cají`- rú`naa' cóo` Paa`- fí Filipos, jo fí job ca'uøø`-naa' cangó`-naa' e tée`-naa' dsíi' móo' mĩ` cangí` jmíi` e gø' dsea` iñi' e ja` quie` quiéng`. Jo lajee` ñiá' jmíi` guiba' caguié`-naa' cartí Troas, jo fí job cataang`-naa' guié` jmíi`; jogui fí job cajo cají`- rú`naa' cóo` i dsea` caguiaang` do.

Mĩ` cateáng` Paa`- fí Troas

⁷ Jo e jmíi` la`uii` quiá`- semaan` caseáng` rú`naa' jaléng` dsea` quiá`- Dsea` Jmáang` e quiá`- niquiee`-naa' i`naa' colíng` e laco' jmiguiéng` dsí`naa' Dsea` Jmáang`. Jo lajee` jo café` Paa`- güí` quiá`-r` fí quini` dsea` i caseáng` e uøø` do. Jo co' iuung` Paa`- fí e nigüi` ñi` bre mĩ` nijneá` e uøø` jo, joba' cueeb` júu` quiá`-r` cajméer` cartí uøø` guienáub'. ⁸ Jo fí job tée`-naa' lajii`-naa' fí coo` 'núu` yá', jo fí job sea` jmiguiú` jì e jneá'. ⁹ Jo jee` jaléng` i dsea` do quiéng` jaang` siming` i sií Eutico, jo i siming` í` dob guiiñ` otoo` e núur` júu` guía` Paa`. Jo co' eám` cuee` júu` quiá`- Paa` e café`-r', joba' cajá` jaligüing` i siming` do lajee` guiiñ` do, jo caquiam`-bre e eáang`. Jo lajee` guiiing` i siming` do e güiñ` lanab, coo` catóm`-bre cartí ni` uø`. Jo e otoo` tí` lí` catóin` do gui` tí` lí` catí` 'ní` fíng` e 'núu` do. Jo mĩ` cangoseáang`-neiñ` do ni`liim`-biñ` do. ¹⁰ Joba' cajgáng` Paa` e lí` iuuiñ`-guiar` güí` do, jo cangoseáaiñ` i siming` do, jo carøøng`-neiñ` do jo cajíñ`-casí`-r` i dsea` quiá`- Dsea` Jmáang`-caguiaang` do:

—Ja` føøng`-na', dsea` rú`naa'! Co' jib`-tu` i siming` la.

¹¹ Jo mĩ` cangí` e caseang` Paa`- i siming` do, cajgóob`-tur fí lí` iuuiñ`-guiar` júu` fí lí` catí` 'ní` fíng` e 'núu` do. Jo fí job cafiñ` iñi', jo caquiee`-naa' colíng`. Jo mĩ` calí` e jo, canaam`-tur fé`-r` júu` quiá`-r` cartí cajneá` e uøø` jo. Jo mĩ` calí` e jo, jo ngí` joguiba' calí`-r` fí cangór`. ¹² Jo mĩ` cató`-dsea` sinúu` quiá`- i siming` do fí quiá`-r` e nicajib`-tuiñ', joba' eám` calí`-iáang` dsíi' jaléng` i dsea` do.

Mĩ` cagüi` Paa`- fí Troas jo cangór`- fí Mileto

¹³ Jo mĩ` cangí` jo, jnea` cóo` i dsea` caguiaang`-gui do cangojéem`-baa' quiá`- Paa` e tée`-naa' dsíi' móo' cartí caguié`-naa' tí` coo` fii` e sií Aso. Jo fí joguib` síi' e dsitee`-naa' Paa`- laco' nicasi`-naa' røø` jéeng`-gui, co' ñia`-r` calí`-iñ` e cangór` e ngir` la tóo` ni` guóo`- uø`. ¹⁴ Jo mĩ` cají`- rú`naa' cóo`-r` fí Aso, jo calí`-bre dsíi' móo' lí` tée`-naa', jo cangó`-baa' fí fii` lí` sií Mitilene.

¹⁵ Jo mĩ` cangí` jo, ca'uøø`-baa' fí Mitilene, jo mĩ` cajneá` e jmíi` coo`-gui do, cangüing`-naa' fí quini` e fii` e sií Quío. Jo mĩ` catí` tú`-jmíi` lajo, cangüing`-naa' coo` ni` guóo`- uø`-jia e née` ni` jmíi' e sií Samos. Jo coo`-gui jmíi` cali`-ñ`-naa' e tée`-naa' fí, joguiba' caguié`-naa' fí Mileto.

¹⁶ Jo cajmó`-naa' lajo, co' i Paa` do ja` cali`-iñ`-ngór` fí Éfeso ie` do lí` laco' ja` niquiiñ` eáang` e dsér` fí lí` se' Asia, dsuco' iñ` e niguiéiñ` lajmináb` fí Jerusalén e nidsitiñ`-jmíi` Pentecostés e tí` fí jo.

Júu` güí` e cacuø` Paa`- fí quini` dsea` cóøng` i seeng` fí Éfeso

¹⁷ Jo lajee` táang` Paa`- fí Mileto, cató`-r` jaléng` dsea` cóøng`- quiá`- dsea` quiá`- Dsea` Jmáang` i neáang` fí Éfeso e nidsiliiñ` do fí lí` táaiñ` fí Mileto. ¹⁸ Jo mĩ` caguiliing`-jaléng` i dsea` cóøng` do, jo casí`-reiñ` jo cajíñ`:

—Ñib`-nú`-guiá`-jial`-guiá`-nica`-ee`-cóo`-jaléng`-nú`-latí`-mĩ`-cagüén`-n`-fí`-la`-fí`-lí`-se' Asia. ¹⁹ Jogui contøøm`-nicangí`-jee`-nú` e jmóo`-o`-lajii` e iing` Fíi`-naa' Dsea` Jmáang`, jogui e ja` jmiféng` ñiá`-a, jogui e jiuung`-dsi`-baa` cóo`-jalé` e lamí` iing`-dsea`-góo`-o`-dsea` Israel nijmeáin` jnea`-uí` e guiaa`-júu`-quiá`- Dsea` Jmáang`. ²⁰ Dsu' ja` catú` e guiaa`-jalé` e júu`-na, co' jmang`-jalé`-júu` e guiá`-quí`-ba' e nica`-ée`-e`-nú`-lacaang`-jee`-dsea`-jogui`-cajo`-lacaang`-sinúu`

quí-na'. ²¹ Jo eáang' nicañi i jaléng' 'nú', dsea' líng' na' dsea' góo' dsea' Israel, cóo' gui dsea' i ja' líng' dsea' Israel, e niquí' jíng' yaang' na' fí quini' Fidié' jogui e ja' nilíng' na' júu' quíá' Fí'naa' Dsea' Jmáang'. ²² Jogui lanagui nii' i fí Jerusalén laco' ta' quíá' Jmiguí quíá' Fidié' e jii' ja' ñii' ee' nisijé' quíe' e jogui ee' nidsing' n' fí jo. ²³ Jo lajii' e ñii' e laco' fii' lí' ní'i, jmab' jnea' júu' Jmiguí quíá' Fidié' e nisijé' 'nañ' quíe' e osi jalé' iihu' e jie' gui é. ²⁴ Dsu' ja' e lí' quíe' e seen' tá' e júun' n' dsu' lifa' e jmiti' baa jalé' e ta' na' e iáang' dsii', lajii' ta' e ca'lin' n' quíá' Fí'naa' Jesús e nijmiti' baa car' cató' cóo' jalé' ta' guíá' júu' e Fidié' b' dsea' nijmi' nea' ñi' jneaa' aa' nañ' fa' ja' catá' naa' e jo.

²⁵ Jogui lana ñii' baa e jii' jaang' 'nú' jo' nimáang' gui' jnea' calé' catú' fí jmigü' la, dsu' lajee' táan' cóo' 'nú' nicaná' na' júu' e guíaa' quíá' jial iing' Fidié' quier' nifí quíá' jaléng' dsea' jmigü'. ²⁶ Joba' iin' n' fii' 'nú' lana, jaléng' dsea' cóong', e song seeng' 'nú' i ja' cajmicuíng' Dsea' Jmáang', joba' o' dsee' quíe' e song lajo. ²⁷ Dsucó' lajib' júu' quíá' Dsea' Jmáang' e si'í' guíaa' jee' 'nú' nicañi' baa, jo jii' cóo' fa' cajmé' e e ja' cajmitii'. ²⁸ Jo lajob eáang' 'né' ñiing' óo' na', jogui jmee' í' yaang' na' cóo' gui lajaléng' dsea' i líng' dsea' quíá' Dsea' Jmáang' lí' laco' gui ta' nicañi' quí-na' Jmiguí quíá' Fidié' e nilíng' na' laco' dsea' jmóo' í' guíá' jo' se' quíá'. Jo lajob 'né' nijmee' na' í' jaléng' dsea' quíá' Dsea' Jmáang', có' la'eáang' cóo' jmi' ðoiñ' 'ña' r' dob e ca'uíng' na' dsea' quíá' r'. ²⁹ Jo ñii' b' jnea' e mi' ning' e ninín' n' do, nijalíng' dsea' jiéng' gui i iing' nijmigóong' 'nú', jo i dsea' í' líiñ' laco' ie' dsinú' i ni' oo' i iing' nijmiguiéeng' quíá' jaléng' dsea' e laco' nitiúung' dsea' Dsea' Jmáang'. ³⁰ Jo lajee' yaam' bi' nigüéang' i líng' 'nú' i ni'é' júu' e o' ja' e laco' nijmigóong' na' dsea' quíá' Dsea' Jmáang' e nijmitir' e júu' e o' ja' do. ³¹ Joba' 'né' e si'niim' áa' na' contóong'; jogui téé' óo' na' e lajee' 'ni' jii' e calisén' n' cóo' 'nú', dseáng' ja' catá' e fón' n' 'nú' jalé' juguiá' júu' røø' cartí quí' baa uii' quí-na' na.

³² Jogui lana, dsea' rú' naa', nijáan' n' 'nú' fí jaguó' Fidié' jogui cóo' jalé' júu' e iáang' dsii' quíá' r'. Có' jii' íb' dsea' lí' r' e jmicóo' r' 'nú' e laco' nilicuíng' gui' Dsea' Jmáang', jogui nicuó' r' 'nú' jalé' e si'í' nicuó' r' 'nú', dsea' líng' na' dsea' güeang' quíá' r', lí' laco' gui jii' júu' e nicañi' jéeng' gui. ³³ Dsu' ja' e mi' camí' i 'nú' jii' cóo', o' gui cuu' o' gui 'mi'. ³⁴ Jo ja' cajmé' e lajo, có' ñii' b' 'nú' guíá' e cajmé' e ta' cóo' layaang' guóo' baa e laco' sea' ba' jalé' e 'né' quíe' e cóo' gui jaléng' dsea' i ngi' cóo' o' cajo. ³⁵ Jo contóom' nica' ée' e 'nú' e lajob 'né' nijmee' na' ta', jogui e jmicóo' na' jaléng' dsea' 'né' quíá' lajo, jo lajee' jo jmicuíng' óo' na' lajii' júu' e cajíng' Fí'naa' Jesús lajee' táaiñ' fí jmigü' la mi' cajíñ' lala: "Juguiá' gui quíá' i dsea' i líng' ee' go cuó' r' dsea' rúíñ' laco' gui i dsea' i líng' ee' go íng' quíá' dsea' rúíñ'."

³⁶ Jo mi' cang' e cajíng' Paa' jalé' e júu' na, jo casí' r' uó' jnir', jo caféiñ' Fidié' cóo' jaléng' i dsea' caguíaa'ng' do. ³⁷ Jo lajii' i dsea' do calijiuung' dsii' jogui canaaiñ' røøiñ' Paa' jogui casá' r' guoo' dsea' do, ³⁸ jogui eáam' bi' fí'í' calíñ' cajo, có' e cajíng' Paa' e jo' niníng' gui rúíñ' cóoiñ' do. Jo mi' cang' jo, cangojeáam' i dsea' do Paa' cartí lí' ca'í' dsea' do fí' dsii' móo'.

21

Mi' cangáng' tu Paa' fí' Jerusalén

¹ Jo ie' jo, dob ca'í' naa' júu' jaléng' dsea' quíá' Dsea' Jmáang' i seeng' fí' jo, jogui jnea' ^ cangó' baa' condsee' fí' cóo' guoo' uó' jia' e nee' ni' jmiñ' í' e sii' Cos e téé' naa' fí' dsii' móo'. Jo mi' cajneá' lajo, caguíe' naa' fí' Rodas. Jo fí' job ca' uøø' naa' e cangó' naa' fí' Pátara. ² Jo fí' job cajíng' naa' cóo' móo' e ia' fí' ngóo' fí' lí' se' Fenicia, joba' cóo' e job cangó' naa'. ³ Jo lajee' ngóo' naa'

ladob cane'naa' Chipre e nee' ni' jmiñí', jo caje' lí' lí' guóo'naa' tuung' mi' cangüing'naa' fi' jo. Jo cangó'baa' cartí' lí' se' Siria. Jo co' e móo' do ngóo' ngoca' lee' fi' coo' oo' jmiñí' lí' sií' Tiro e nee' lí' se' Fenicia, joba' cóo' e móo' job cangó'naa'.

⁴ Jo e fi' job cajíng' rú'naa' cóo' jaléng' dsea' quía' Dsea' Jmáang' i neáang' fi' jo, jo cóo' íb' cajé'naa' lajee' guié' jmiñí'. Jo Jmiguí' quía' Fidié' nínicasí' i dsea' í' e laco' nijmeáñ' do júu' Paa' e ja' nidsé' dsea' do fi' Jerusalén co' dseáam' quía'r'.

⁵ Jo mi' casúung' e guié' jmiñí' do, ca'uøø'baa' colíng' cóo' jaléng' dsea' quía' Dsea' Jmáang' i neáang' fi' jo, jo jéiñ' latøøng' sinúu' quía' bre cango-jeaáñ' jnea' fi' 'ni' jmiñí', dseañu' cóo' jaléng' dseam' quía'r' jogui jaléng' jiuung' quía'r', jo colíim' ca'uøø'naa' catí' 'ni' fi' do. Jo mi' caguié'naa' fi' 'ni' jmiñí', lajalé'naa' do casí'naa' uø' jni'naa', jo caféeng'naa' Fidié'. ⁶ Jo lí' jo, ca'íi' júu' rú'naa', jo mifíng' casó'baa' dsí' móo', jogui i dsea' do caquim' tur cangolíñ' fi' quía'r'.

⁷ Jo mi' ca'uøø'naa' fi' Tiro, jo caguié'naa' fi' Tolemaida. Jo fi' job cató' e ngí'naa' cóo' móo'. Jo fi' job cajo caféeng'naa' jaléng' dsea' quía' Dsea' Jmáang' i neáang' fi' jo, jo cajé'baa' cóo'r' coo' jmiñí'.

⁸ Jo mi' cajneá' lajo, ca'uøø'baa' fi' Tolemaida, jo caguié'naa' fi' Cesarea. Jo mi' caguié'naa' fi' jo, cangó'naa' fi' quía' i Lii' do, dsea' i guía' júu' quía' Dsea' Jmáang' i quíng' jee' dsea' guiáng' i jmicóo' dsea' i oo' ta' quía' Fidié', jo fi' job cajé'naa' cóo'r'. ⁹ Jo i Lii' do niseeng' quiúung' jóor' simí' i nicangüng' e jmóor' ta' fé' cuaiñ' quía' Fidié'.

¹⁰ Jo ningóob' jiu jmiñí' e taang'naa' fi' do mi' caguié' jaang' dsea' Israel i jaa' fi' Judea i nisii' Agabo; jo i dseañu' í' ni'óor' ta' e fé'r' cuaiñ' quía' Fidié'. ¹¹ Jo mi' cangoquiéeng' i dsea' do fi' quini'naa', jo catíñ' e 'mi' e 'ñúu' tu' Paa', jo cóo' e job ca'ñú'r' guóor' cóo' tír' jo cajíñ' :

—Lalab nicajíng' Jmiguí' quía' Fidié' e ni'ñúng' dsea' góo'oo' dsea' Israel i fi' quía' e 'mi' 'ñúu' tu' la, jogui nijáiñ' dsea' do jaguó' jaléng' dsea' i ja' líng' dsea' Israel.

¹² Jo mi' canú'naa' e júu' na, jnea' colíng' cóo' jaléng' dsea' quía' Dsea' Jmáang' i neáang' fi' Cesarea, jo camí'naa' Paa' jmi'ee' e laco' ja' ni'ír' fi' e nidsér' fi' Jerusalén.

¹³ Dsu' Paa' cañír' jo cajíñ' :

—¿Jialí' jiuung' oo' 'nú' uii' quie' jnea', jogui jmaang'na' jnea' e lín' n fi' í? Co' ja' e lí' quie' jnea' e ni'ñúng' dsea' jnea', co' ja' 'gó'o e cartí' jngám' bre jnea' fi' Jerusalén song lajo uí' e jmóo' ta' guía' júu' quía' Fí'naa' Jesús.

¹⁴ Jo co' ja' calí' guí' e calí' júung' Paa' fa' e ja' nidsér' fi' Jerusalén, jo jii' e laba' casí' guí'r' :

—Güilíb' lajii' e iing' Fidié' cóo' 'nú'.

¹⁵ Jo mi' cangí' e jo, caguiá'baa' guiá' quí'naa', jo cangó'baa' colíng' cóo' Paa' fi' Jerusalén. ¹⁶ Jo cangolíim' bi cóo' jnea' coo' tú' máng' dsea' quía' Dsea' Jmáang' i neáang' fi' Cesarea.

Jo mi' caguié'naa' fi' Jerusalén, jo cangojé'naa' fi' quía' jaang' dseañu' i nilíng' dsea' quía' Dsea' Jmáang' lajii' lí', jo siir' Mnasón, jaang' dsea' i seeng' fi' lí' se' Chipre.

Mi' cango'ee' Paa' i Tiáa' do

¹⁷ Jo mi' caguié'naa' fi' Jerusalén, jaléng' dsea' quía' Dsea' Jmáang' i neáang' fi' jo ca'íñ' jnea' e iáang' dsí'r'.

¹⁸ Jo mi' cajneá' lajo, cangób' Paa' cóo' jnea' e cango'ee'naa' i Tiáa' i quie' nifí' quía' dsea' quía' Dsea' Jmáang' fi' Jerusalén. Jogui ie' jo, fi' job siseáng'

jaléng' dsea` còong' quiá'- Dsea` Jmáang- cajo. 19 Jo mi~ caguié-naa' quiá'- i dsea` do, cacuø' Paa- guicóo' jaléng' i dsea` siseáng' do. Jo mi~ cangí jo, casí-reiñ' la'uiing- laná'- jalé' e cajmée Fidiée` cóo'~ ír' lajee` e caguiar' júu` quiá'- Dsea` Jmáang- jee~ jaléng' dsea` i ja` líng' dsea` Israel. 20 Jo mi~ canúu- Tiáa~ cóo'~ jaléng' dsea` còong' do jalé' e guiú- e cajmée Paa- la'eáang' cóo'~ güea'^ quiá'- Fidiée` jo canaañ' jmifeiñ' Fidiée`. Joba' casí'r- Paa- jo cajíñ'-:

—Lajoblí', ruu'. Niñíb' 'na' e lajee` dsea` góo'oo' dsea` Israel, i lí' lí' milbing' i nijá'- calíng- júu` quiá'- Dsea` Jmáang-, jo lajím' i dsea` í jmo'r' 'goo' jo fé'r e dseáng'- guíim'ba' 'né- e nijmití'b# jalé' júu` quiu' ta~ e casée' Moi'. 21 Jogui nicajméeb' i dsea` na júu` e 'na' nica'ée~ jaléng' dsea` Israel i seeng' jee` dsea` i ja` líng' dsea` Israel e jo` 'né- nijmitir~ lajii' júu` quiu' ta~ quiá'- Fidiée` e cajme' Moi~, jogui nicasí'~re e ja` 'né- tér- lí' fí' ngúu' táang' jiuung~ siñuú` quiá'r- lí' laco' litíng' jaléng' jnea', dsea` lí' dsea` Israel, o'gui 'né- jmitir~ jalé' e tñ'naa', dsea` lí'naa' dsea` Israel cajo. 22 Jo ¿e`gui' nijmó'oo' jóng? Co' niliñib' jaléng' dsea` góo'naa' la e nicagüen' fí' la. 23 Jo jii' mii' laba' sea` e 'né- jmée' lala: Lana seeng' quiúung- dseañu' jee~ jneaa~aa' e iññ' nijmitir~ lajii' júu` e cacuø'r' Fidiée` lamí~ jéeng'gui. 24 Joba' gua~ cóo' i dsea` í jo güijmee- jalé' e tñng' dsea` na laco' niliguiún'- fí' quini` Fidiée` colíng~ cóo'r'. Jogui qui~ quiá'- jalé' e 'né- i dsea` quiúung- do e laco' niliti~ lajii' e si'í' fí' quini` Fidiée`, jo lajoba' cuøong' e nihuí' guir~ e laco' cuø' lí' e cajmitir~ e júu` do fí' quini` Fidiée`; jo lajob niliñir' lajiiñ' e o' já'- jalé' e nicajíng'- dsea` góo'oo' dsea` Israel uii~ qui' do, co' nicaliñí'bre e 'na' náu'ba' lajii' júu` quiu' ta~ quiá'- Fidiée` e cajme' Moi~ do. 25 Jogui nicasiing~naa' júu` e nicasii~naa' røø' jalé'naa', dsea` téé-naa' nifí' quiá'- dsea` quiá'- Dsea` Jmáang-, jo caguiéng'-naa' júu` quiá'- jaléng' dsea` i ja` líng' dsea` Israel i nijá'- calíng- júu` quiá'- Dsea` Jmáang- e fé' lala: Ja` cuøong' cø'na' ngúu' quiá'- jaléng' jó' i nicajíng' dsea` jíeng' fí' quini` diée~ quiá'r-, o'gui cuøong' cø'na' jmi'øøng- jaléng' jó', o'gui ngu~ jaléng' jó' i nisiyáang' jmi'øøng-, o'gui cuøong' 'léer' e güing' dseañu' osi dseamf cóo' dsea` i o' quiá'r-.

Mi~ casó'-tu dsea` quiá'- Paa- fí' dsí' guá'- fé' e si' fí' Jerusalén

26 Jo lajob cajmée Paa-, cangó-bre cóo'~ i dsea` quiúung- do mi~ cajneá- lajo, jo cajméer` jalé' e caquiú' Moi~ ta~ laco' cuøong' e niliguiúng- dsea` fí' quini` Fidiée`. Jo mi~ cangí jo, ca'í-bre e dsí' sinúu` guá'- fé' e si' fí' Jerusalén do quiá'- e nijmér- júu` cóo'~ i dsea` quie' nifí' quiá'- guá'- do lí' jmii' e i dsea` quiúung- do nijmité'r' jalé' e ta~ caquiú' Moi~ do e laco' cuøong' nidsicar' jalé' e si'í' e nicuø'r' Fidiée` lajaang' lajaañ'.

27 Jo mi~ nijaquiéem'ba' e nidsíng- e jmii~ guié- do mi~ cangá- i líng' dsea` Israel i seeng' fí' lí' se' Asia e iuung- Paa- fí' dsí' sinúu` guá'- do. Jo dsifí' lajob canaañ' ta'r' mii~ jee~ jaléng' i dsea` i teáang- do, jo casaiñ'- dsea` do, jo canaañ' fé'r' teá' jo cajíñ'-:

28 —Jaléng' dsea` rú'uu' dsea` Israel ñilíng-na' ñijmicóo'na' jnea' fí' la, co' lab sing' i dseañu' dsea` góo'oo' i ngí' ta~ guiá' júu` e ja` còong' røø' cóo' lajii' e tñ' fí' góo'naa', o'gui còong' røø' cóo' júu` quiu' ta~ quiá'- Fidiée` e cajme' Moi~ cóo'~ gui' guá'- qui-ii' cajo. Jo ja' mí' cajmi'gór' guá'- güeang' qui-ii', co' cajajéiñ' fí' dsí' sinúu` guá'- qui-ii' dsea` i ja` líng' dsea` góo'oo' dsea` Israel.

29 Jo café' i dsea` do lajo, co' cangár- lamí~ jéeng'gui e ngí' jaang' dseañu' i ja` líng' dsea` Israel i seeng' fí' Éfeso i sii' Trófimo cóo'~ Paa- fí' Jerusalén, jo líiñ- e caguiéeng' i Paa- do i Trófimo do fí' dsí' sinúu` guá'-, dsu' o' já'- e cajméer' lajo.

³⁰ Jo mi~ canúu~ jaléng' dsea` i caseáng' ie~ jo jalé' e fé' i do uii~ quiá' Paa~, jo sóong^ canaaiñ` ta'r mii~. Jo dsifí' lajob caguilíng~ dsea` cuíir` fí' lí' sing' Paa~ dsu' núur` e téé' mii~, jo caseáng' latøng~ fii' fí' lí' taang~ i Paa~ do. Jo jaléng' i dsea` do casam' bre Paa~ jo cajñúuiñ` dsea` do cartí' caluu` e guá' do, jogui cajní' bre jni^ quiá' e sinúu^ guá' do cajo. ³¹ Jo sí' í' e tí' nijngám' bre i Paa~ do mi~ caguié~ júu^ fí' quini~ fii~ féng' quiá' 'lée~ romano e sóong^ ta' jaléng' i dsea` i seeng' fí' Jerusalén do mii~. ³² Jo dsifí' lajob cangoliiñ` cuíir` cóo' i 'lée~ quiá'r~ cóo' gui i quiu' ta~ jee~ ír' fí' lí' ta' i dsea` do mii~. Dsu' mi~ cangá~ jaléng' i dsea` i siseáng' fí' lí' sing' Paa~ do e ngolíng~ i 'lée~ romano do cóo' gui fiir~, jo caquium' bre e bõøiñ~ i Paa~ do dsifí' lado. ³³ Jo i fii~ féng' quiá' i 'lée~ do cangoquiéeiñ' fí' lí' sing' Paa~ jo casang' neiñ', jo caquiur' ta~ e niñúuiñ' Paa~ cóo' tú~ ñí^ cadena. Jo mi~ calí~ e ca'ñúuiñ' i Paa~ do, jo canaaiñ` jmingí'r~ i dsea` siseáng' do jo cajñ'~:

—¿I~gui i dsea` ná? ¿E~gui e nicajméer'?

³⁴ Jo teá'gui eáang' café' jaléng' i dsea` do. Jo i líng~ fé' e jié', jogui e jié'gui fé' i líng~, jo ja' calí' i fii~ 'lée~ do fa' caliñir' e~ uiing~ e ta' i dsea` do mii~. Jo lí' caquiur' ta~ e cangáng' i Paa~ do fí' 'núu' quiá' jaléng' i 'lée~ do. ³⁵ Jo mi~ caguilíng' i 'lée~ i téé' Paa~ do fí' lí' téé' jóo~ lí' soo' dsea` e nidsitáaiñ` e fí' dsí' sinúu^ quiá' jaléng' i 'lée~ do, jo cadsím' bre i Paa~ do fí' yú' 'nar~, co' dsíng' ga' jmóo' jaléng' i dsea` i teáang~ do e iñ~ nijmeáiñ' ga' Paa~. ³⁶ Jo lajím' i dsea` do ngoliiñ` tí' leáaiñ' laco' ngang' i Paa~ do e jée' i 'lée~ do, jo ta'r mii~ jo fé'r':

—i'ngang' na' i dseañu' ná!

Mi~ cajmí' òng' Paa~ 'ñia'r' fí' quini~ jaléng' dsea' fii'

³⁷ Jo tí' lí' nitám' i 'lée~ do Paa~ fí' dsí' sinúu^ quiá' jaléng' 'lée~ mi~ caféng' Paa~ i fii~ 'lée~ do cóo' jmí' griego jo casí'r~:

—¿Su cuøøng` nisiing~ teáa cóo' 'nu' cateá'?

Joba' cañí' i fii~ 'lée~ do quiá' Paa~:

—¿Su tíim' ba' fo' jmí' griego? ³⁸ ¿Su o' 'nub' i dsea` egipto i 'ní' níng~ jaléng' dseata~ cóo' jaléng' dsea` ie~ ja' mí' ngóo' na i calí' caseáng' quiu' mil dseañu' fí' jee~ mó', jo cangir' ta~ jngang' dsea'?

³⁹ Jo cañí' i Paa~ quiá' i fii~ 'lée~ do:

—U~, o' í' jnea~. Jnea~ lín'n jaang' dsea` Israel, jo calisén'n fí' cóo' fii' niing~ e sii' Tarso e néé' lí' se' Cilicia. Jo car` uii~ diée~ cuøø' tea' jnea~ fí' e nifón'n jaléng' dsea` fii' lana.

⁴⁰ Jo cacuøb' i fii~ 'lée~ do fí' e nifé' i Paa~ do. Jogui dob nisiñ' cartí' yú' jóo~ lí' teáang~ dsea' fíing' do, jo cóo' guóo' bre cajméer' lí' e caquiung' i dsea` do e ta'r mii~. Jo mi~ ca'ñi~ tii~, joguiba' canaang' Paa~ e féiñ' jaléng' i dsea` do cóo' jmí' hebreo jo cajñ' casí' reiñ':

22

1—Dsea` rú' uu', dsea` góo' o dsea` Israel, cóo' gui jaléng' dsea` i líng' dsea` mogui~ quí' ii', núu~ na' júu^ quié~ e e nifá' a quiá' jalé' e nicajmé~ e e laco' ningáng' na' e o' já' jalé' dsee~ e cuøø' na' jnea~.

² Jo mi~ canúu~ jaléng' i dsea` Israel i teáang~ do e fé' Paa~ cóo' jmí' quiáiñ' do, eáang' gui tii~ cajer'. Jo café' gui Paa~:

³—Jnea~ lín'n dsea` Israel laco' 'nú', jogui calisén'n fí' cóo' fii' e sii' Tarso lí' se' Cilicia. Dsu' fí' Jerusalén lab lí' cacuán~n, jogui cajmitín'n cóo' jaang' tífa' i niing~ quí' ii' i sii' Gamaliel. Jo fí' job cajmitín'n jalé' e tíng' dsea` góo' naa' e jmóor' lajii' tí' malii~ jogui latí' lana. Jogui contøøm~ nicajmí' úun' e nicajmitii~ jalé' júu^ quiu' ta~ quiá' Fidié' car' ngocáng' dsii~ laco' gui la jmoo' 'nú' lana cajo. ⁴ Jo lamí~ jéeng' gui gab' cajmeáan' n jaléng' dsea` teáang~

fí guíá- cóo- Dsea`Jmáang-, jogui ca`ñún`nre, jogui catán`nre dsíi`'nuñí` coo` guí`náb`, dseañu` dseamib`, jo seem` i` lüing` dsea` do cartí cajúm-bre. ⁵ Jogui jaléng` i` dsea` mogui` quiá-` fi` jmidsea` qui`-ii` cóo-`gui jaléng` dsea` cóong-` qui` naa` ñi`bre guíá-` dseáng-` e` jáb-` lajob cajmé-e. Dsüco` í`bing` i` cacuø` jnea` jalé` jì` e` quíee-` quiá-` dseata` i` neáng` fí` Damasco e laco` nicuø`r-` jnea` fí` e` nijmán`n dsea` quiá-` Dsea` Jmáang-` i` seeng` fí` jo, jo nitø`-re fí` Jerusalén, jogui nijmihuñ`nre fí` jo cajo.

*Mi` cajíng-` Paa-` jial calicuíñ` Dsea` Jmáang-`
(Hch. 9:1-19; 26:12-18)*

⁶ Dsü` ie` jo, lajee` e` iuun-` fí` ngóo`o fí` Damasco, jo mi` catí` í` e` guieñí-` jóo`, jo lajee` e` nijaquíeeiñ` niguiéé` e` fí` Damasco, coo` cajném-` coo` jì` e` jì` eáng` e` jáa` fí` yá-` jmigüi, jo dsíng-` cajneá-` lacúng` lajíng` lí` ngóo`naa`. ⁷ Jo dsifí` lajob caquín-` n` fí` ni` uø-, jo canú-`u e` lüing` i` guicafé-` fí` yá-` jmigüi jo guicajíñ-` sír-` jnea~: “Saulo, Saulo, ¿jialí` ngí` jmáan-` jnea` ga?” ⁸ Joba` cangü-` quiá-` i` guicafé-` do jo cafá-`a: “¿I-`'nu, Fíi?” Joba` cañi`tu i` guicafé-` do jo guicajíñ-`: “Jneab` Jesús i` caliséng` fí` Nazaret i` ngí` 'nu` jmáan-` ga` lana.” ⁹ Jogui jaléng` dsea` i` ngolíng-` cóo-` jnea` ie` jo cangá-bre e` jì` do joba` eám` cafóin`, dsü` ja` canúur-` luu` i` guicafé-` do i` catø-` jnea` do, jüi-` jneab` dsea` canú-`u. ¹⁰ Jo cangü-` jnea` quiá-` i` guicafé-` do jo cafá-`a: “¿E-`'né-` nijmee`e, Fíi?” Jo cañi`tu i` guicafé-` do jo guicajíñ-`: “Ráan-` jo gua` fí` iuun-` fí` Damasco, jo fí` job nilijmeá-` júu` jalé` e` 'né-` nijmee-`.” ¹¹ Jogui dsüco` tiuum-`baa cajá`a uí-` e` jì` e` jì` e` cajnéng-` do, joba` i` dsea` i` ngolíng-` cóo-`o do, í`bing` i` cajéng` jnea` cartí` caguié-` e` tí` Damasco.

¹² Jo e` fí` jo niseeng` jaang` dseañu` i` nisii` Ananías i` eáng` jmí`gó` Fidiéé` jogui eám` núur-` júu` quiu` ta` quiá-` Fidiéé` e` cajme-` Moi-. Jo jaléng` dsea` góo`oo` i` seeng` e` fí` Damasco do guíab-` fé`r` uii-` quiá-` i` Ananías do. ¹³ Jo i` Ananías do cangór-` fí` lí` cajá`a. Jo mi` caguiér-` fí` jo, jo casí`r-` jnea~: “Saulo ruu-`, güilijnéb`tu` calé-` catú-`.” Jo dsifí` lajob calijné`túu, jo nicuøom` jøøø` calé-` catú-`. ¹⁴ Jo cajíng-` gui` i` Ananías do casí`r-` jnea~: “Tiquí`ii` Fidiéé` nica`náaiñ-` 'nu` e` laco` niliñí-` jalé-` e` iing` Fidiéé` e` nijmee-`, jogui ca`náaiñ-` 'nu` cajo e` laco` nimáan-` Dsea` Jmáang-` i` lüing` Fidiéé` i` ja` dsee-` oo` jüi-` coo` jogui ninúu-` jalé-` e` fé`r` dseáng-` 'ñia`r-`. ¹⁵ Co-` 'nab` dsea` ni`uín-` dsea` quiá-`r-, jogui nijmee-` dsea` júu` la`úng-` fí` jmigüi lajalé-` e` niñí-` jogui lajalé-` e` ninúu-` cajo cuaiñ-` quiá-` Dsea` Jmáang-. ¹⁶ Jogui lana, ¿e-` e` sijeeng`guí? Sí-` jo nisán-` jmü` e` laco` cuø` lí-` e` ca`uín-` dsea` quiá-` Dsea` Jmáang-, jogui mí-` dsea` do e` ni`íñ-` dsee-` quí-`.”

Mi` cajméé-` Paa-` júu` jial mi` cango`eer` dsea` i` ja` lüing` dsea` Israel

¹⁷ Jo mi` caquín-`n e` cagüean-`n fí` la fí` Jerusalén, jo cangó-o` fí` guá-` fé-` e` cangofón-`n Fidiéé-`. Jo lajee` jo camó-o` lüing` ee` camó-o` lafa` mi` qui` dsea-. ¹⁸ Jo camán-`n Fíi`naa` Dsea` Jmáang-` e` jíñ-` sír-` jnea` lala: “Jmí`úung` qui-`, jo júu` lajminá-` fí` na fí` Jerusalén co-` ja` nijmijí-` jaléng` i` dsea` i` seeng` fí` na lajüi-` júu` e` guia-` quíe-`.” ¹⁹ Joba` jnea` lalab cangü-` quiá-` dsea` na jo cafí-`ire: “Fíi, ñib` i` dsea` do guíá-` e` jnea` ngü-` lacoø` lacoø` lí` téé-` guá-` quiá-` dsea` góo`oo` e` jmán-`n jaléng` dsea` i` cúing` 'nu, jogui tøø`-re fí` 'nuñí` jogui jmihuñ`nre cajo. ²⁰ Jogui ie-` do mi` cajngang-` dsea` i` Téé-` do, jaang` dsea` i` cajméé-` lajüi-` e` iing` 'nu` jogui caguiar` júu` quí-` cajo, dob síng` jnea` ie-` jo e` cuøø-` júu` quíe-` e` cajnga-` dsea` quiá-` i` Téé-` do. Jogui jnea` bi` cajo dsea` cajmé-` e` í` sí-` i` dsea` i` cajnga-` quiá-` i` dsea` do lajee` e` cajngang-` neiñ-`.” ²¹ Jo dsü-` cajíng-` Fíi` Dsea` Jmáang-` casí`r-` jnea~: “Teáng-` fí` uø-`, dsüco` lana nisñ-`n 'nu` fí` fí-` lí-` huí-` lí-` seeng` dsea` i` ja` lüing` dsea` góo-` dsea` Israel.”

Mi casang Paa cóo jaang fii léé

²² Jo jii job jii caquiuiñ' núur júu quiá' Paa, có' mi canúur e nidsé dsea do e niguiár júu quiá' Dsea Jmaang jee jaléng' dsea i ja líng' dsea Israel, joba canaaiñ' óotur jo fé'r: "ja 'né e seeng i dsea na f' jmgü' la! jngang'naiñ' na!" ²³ Jogui ta'biguir má' jogui bó'r 'lee' too' s'r, jogui bí'r 'lee' f' yá' cóo jaguór có' dsing' guíñ'.

²⁴ Joba i fii 'léé do caquiur' ta e nitaiñ' Paa f' dsí' 'nu jaléng' i 'léé do. Jogui caquiur' ta cajo e nibøng dsea do cóo' loo e laco' dsea do nijmér júu jiali' e ta' jaléng' dsea má' uii quiá'r. ²⁵ Dsu lajee e niñúum' Paa røø e lico' dsí' líng' gui e nibøm breiñ' do, lajee job cajming' Paa i dsea nu'luu quiá' fii 'léé i sí' níjmeáng' ga ír do jo cajíñ' casí' reiñ':

—¿Su seab f' quí' 'nú' e nijmihuñg' na jaang dsea i caliséng' f' lí quiu' dsea romano ta e jii ja' mí calita' bí dsí' su dseáng' óor dsee?

²⁶ Jo mi canúu i dsea nu'luu quiá' i fii 'léé do e cajíng' i Paa do lajo, joba dsifí ladob cangáiñ' e cangojmé'r júu i fii 'léé do quiá'r jo casí' reiñ':

—¿E nijméé 'nu cóo' i dseañu' do, có' dsea caliséng' f' lí quiu' dsea romano tab jiiñ' e líiñ'?

²⁷ Jo dsifib' cangoquiéng' i fii 'léé do f' lí sing' Paa, jo cajming' reiñ' do jo cajíñ':

—¿Su jáb' e dsea romanob líng' 'nu?

Jo cañi' Paa quiá' i fii 'léé do jo cajíñ':

—E jáb', íb' jnea.

²⁸ Jo cañi' tu i fii 'léé do quiá' Paa jo cajíñ':

—Jial jnea eám' cacáng' cuu quié e e ca'uín n dsea romano.

Jo cañi' tu Paa casí'r i fii 'léé do:

—Dsu jnea lín n dsea romano latí mi cangáam' baa.

²⁹ Jo jaléng' i dsea i sí' níjmihuñg' i Paa do, caliúum yaaiñ' f' quini dsea do. Jo j'gui i fii 'léé do caliúum 'ñia'r cajo mi caliñir e dsea romanob líng' i Paa do; jogui ca'íb' fø' quiá'r dsu e nica'ñúng' neiñ' jéeng' gui.

Mi cangojéiñ Paa f' quini dsea quie nifí quiá' dsea Israel

³⁰ Jo mi cajneá e jmi jo, có' eám' iing' i fii 'léé do e niliñir røø e uing' e dsee e jmoo dsea Israel quiá' i Paa do, jo cajé bre e ñí' cadena e 'núung' dsea do, jo caquiur' ta e niseáng' jaléng' fii jmidsea cóo' gui jaléng' dseata i quie nifí quiá' dsea Israel e niseaiñ' do coling' e quiá' nisíñ uii quiá' i Paa do. Jo mi niseáng' jaléng' i dsea do, jo caquiur' ta e cagü' íb' i Paa do f' dsí' 'nuñí', jo cangojéng' neiñ' f' quini jaléng' i dsea i caseáng' do.

23

¹ Joba cajøng Paa jaléng' i dsea i quie nifí quiá' dsea Israel i caseáng' do jo casí' reiñ':

—Dsea rú'uu', eám' guiá nica'ee jnea f' quini Fidié latí lana, có' ñi'baa e jmang' e guiá ba' nicajmé e f' quini dsea do.

² Jo dsifí lajob i dsea mogui quiá' jaléng' fii jmidsea i sii Ananías caquiur' ta quiá' i dsea i teáng' quiá' laco' sing' Paa e nijneiñ' do moni Paa.

³ Dsu i Paa do cañir dsifí lado, jo casí'r i jmidsea Ananías do jo cajíñ':

—i Fidiéeb' nibá quí' 'nu cajo, dsea jløng'! Song 'nu guin' na lana quiá' niquidsi' í' lajii laco' júu quiu' ta quiá' Fidié e laco' sí' íb', jo jiali' e 'nu quiu' ta e nibøng dsea jnea? Có' fé' f' ní júu quiu' ta quiá' Fidié e ja' cuøng' jmé dsea lajo.

4 Jōba' cañíi' i dsea` i teáng- do quiá'- Paa- jō casí'-reih':

—¿Su lanab fí' dsea` mogui~ quiá'- jaléng' fii~ jmidsea` quiá'- Fidié'?

5 Jōba' cañíi'tu Paa- quiá'- i dsea` do jō cajíñ'- casí'-reih':

—Dsea` rú'uu', ja` ñi` jnea~ e i dsea` na líiñ' dsea` mogui~ quiá'- jaléng' fii~ jmidsea`, jōba' cafá'-a lajō, dsu' faco' ñi` jnea~ e lajō, ja` cafá'-a lajō jóng. Co' fí' ni~ jì quiá'- Fidié' e cajme' dsea` malii~ lalab fé': “Ja` fo' ga` quiá'- dsea` i quia' ta~ fí' góo'.”

6 Jō mi~ calilí' Paa- e i lüing~ i dseata~ quiá'- dsea` Israel i caseáng' do líiñ' dsea` saduceo, jogui i lüing~guiñ' do quiñ' jee~ dsea` Israel i lüing' dsea` fariseo, jōba' cajíng'- Paa- casí'r- i dsea` do cóo' júu^ teá jō cajíñ'-:

—Dsea` rú'uu', dsea` fariseob lüing' jnea~ cajo, jogui dsea` siju~ dsea` íb` jnea~ cajo. Jogui i dsea` na 'niiñ` jnea~ co' e já'- lüin`n e jí'tu dsea` mi~ ningí e júuiñ`.

7 Dsu' mi~ cató' fé' Paa- e jō, jaléng' i dsea` i lüing' fariseo do cóo'~gui jaléng' dsea` i lüing' saduceo canaaiñ` e jmiquíim'- dsí' rúñ' lajee` yaaiñ~, jō ca'uíng- tú- 'lé' i dsea` i caseáng' do ie~ jō. 8 Co' jaléng' i dsea` i lüing' saduceo do fé'r' e jō jí'tu dsea` mi~ ningí e nijúuiñ~, jogui fé'r' e ja` seeng` jaléng' ángeles o'gui sea` jalé' jmiquí quiá'- dsea`; dsu' jaléng'gui i dsea` i lüing' fariseo do jáb'- líiñ` jalé' e júu^ jō. 9 Jō lajüim` i dsea` do cató'r' mii~ calé' catú-, jogui i lüing~gui i tifa' quiá'- júu^ quia' ta~ quiá'- dsea` Israel i quíng' jee~ dsea` i lüing' fariseo, íb` dsea` caróor- jō casíng' yaaiñ~ jō cajíñ'-:

—I dseañu' la jíi~ coo' e ga` ja` e mi' cajméer; lí' jangám- song nicasíiñ` cóo'~ jaang` dsea` guí osi cóo'~ jaang` ángel é.

10 Dsu' eáang'gui ta' jaléng' i dsea` do mii~ lacoo` ya'. Jō i fii~ 'lé- do cafóm'bre fíng cajmé- i dsea` do cui'^ Paa-. Jōba' cató'r- tú- 'ni' máng' 'lé- quiá'r- e laco' niguíng- neiñ' lí- iuuiñ~, jō nidsijeáang- neiñ' fí 'nu~ jaléng' i 'lé- do calé' catú-.

11 Jō mi~ canuu` coo'gui jmi~ lajō, cajmijnéeng` 'ñia' Fii'naa' Dsea` Jmáang- fí quini~ Paa- jō casí'-reih' jō cajíñ'-:

—Cuóø' bí uø', Paa-, co' laco' nicaguiá'^ júu^ quié- e fí Jerusalén la, lajōb 'né- guiá'^ júu^ quié- e cajo fí Roma.

Mi~ casíng- dsea` jial nijngáiñ'- Paa-

12 Jō mi~ cajneá- e jmi~ jō, i lüing~ i dsea` Israel do casíiñ` røø` e nijngáiñ'- i Paa- do, jogui cacuo' júu^ rúñ' lajee` yaaiñ~ do e dseáng'- ja` nidó'r- o'gui ni'í'r jíi~ coo' cartí nilí'r e nijngáiñ'- Paa-. 13 Jō jaléng' i dseañu' dsea` Israel i casíng- lajō tíir' lí'gui lí- tuláñ-. 14 Jō cangolíñ' fí quini~ fii~ jmidsea` quiá'- dsea` góor' dsea` Israel cóo'~gui fí quini~ dsea` cóøng' quiá'r- jō casí'-reih' lala:

—Jnea'^ nicacuó'naa' júu^ quí-naa' lajee` yee~naa' e ja` ni'né' niquiee~naa' jíi~ coo' cartí nilí'naa' nijngáng'^naa' Paa-. 15 Jogui 'nú' lana cóo'~gui i dseata~ i quie' nifí quí-ii' caguaang- gui na, nifí'^na' fii~ 'lé- e nijajeáaiñ- i Paa- do dsa'ó' fí quini'^na', jogui nijmee-na' e niligøøiñ' lico' nifí'^na'r e nijmíngí'^na'r jalé' e dsee- e sea` quiá'r- la'uíng~ laná'-. Jogui jnea'^, dsea` tuláng-naa', nijmeáang~ guiá- yee~naa' e nijngáang~naa'r guiá' fí ná'-gui e nigüeáiñ' catí la.

16 Dsu' jaang` siming', jóo' i dseamí rúng' Paa- do, nicaliñi'bre lajii~ e guiá' guiá- i dsea` do quiá'- e nijngáiñ'- i Paa- do. Jōba' cangór- dsifí lado fí 'nu~ jaléng' i 'lé- do fí lí- iuung- Paa- e cangojmé- reiñ' júu^.

17 Jō mi~ ca'íng' Paa- e júu^ do, dsifí lajōb cató'r- jaang` dsea` nu'luu~ quiá'- fii~ 'lé- jō casí'-reih' jō cajíñ'-:

—Jéeng' i siming' la fí quini~ fii~ quí'-, co' lüing~ ee` júu^ quie'bre e catíng' í.

18 Joba' i dsea` nu'luu~ quiá'- i fii~ 'lée- do cajéiñ` i siming` do fi' quini` fii` quiá'r-, jo lalab casí'r- i fii~ quiá'r- do:

—I dsea` sijníng` i sii` Paa- do cató'r- jnea~, jo camí'r' jnea~ e cagajéen- n i siming` la fi' quini`, co' líng` ee` júu^ quier' qui-ba' jíñ'-.

19 Jo i fii~ 'lée- do catíñ- guoo` i siming` do, jo cajéeng`neiñ' fi' coo` lí- ja` ii` dsea` núu, jo cajmingí'- reiñ' jo cajíñ'-:

—¿E~ júu^ quié` quié`-e, siming`?

20 Joba' cañí' i siming` do jo cajíñ'- casí'- reiñ':

—Fím' dsea` góo'o dsea` Israel nicasíñ- røø` e nimí'r- 'nu` fi' e dsa'ó` niguiéen~ Paa- calé` catú- fi' quini` jaléng` dseata~ i quie' nifi' quí-ii', dsea` lí'í' dsea` Israel. Jo i dsea` í` niguiar' guiá- e nijmigóøiñ` 'nu` e laco' nisíng- gui røø` cuaiñ~ quiá'- dsee- e sea` quiá'- i Paa- do. Dsu' e jo nijmér- e lí' laco' 'nu` niguiém'-ba' dsea` do, jo lajob nilí'r- nijngáng'- neiñ'. 21 Dsu' ja` já'- güilín', co' lí'gui tuláng- dsea` góo'o dsea` Israel nisijeeiñ` Paa- e íng` guiá' fi' e iin~ nijngáng'- neiñ'. Jogui nicacuø' júu^ rúíñ' lajee` yaaiñ` e ja` ni'í' nidó'r- júi~ coo` lajee` e ná'-gui e nilí'r- nijngáiñ'- Paa-. Jogui lana, guiáb- nineáaiñ` e líco' sijé`guir e niqiuá'^ 'nu` ta~ lajob e niguiéng`-na' i Paa- na fi' quini` i dsea` quidsí' í' do.

22 Joba' i fii~ 'lée- do casí'r- i siming` do e ja` ii` nisíñ` do júi~ jaang` lajúi~ júu^ e casíñ- do. Jo mí~ cangí` jo, ca'í'bre júu^ i siming` do.

Mí~ caguiéiñ` Paa- fi' quini` dseata~ dsea` féng' i sii` Félix

23 Jo dsifí lajob i fii~ 'lée- do cató'r- gáng- dsea` nu'luu~ quiá'r- jo casí'- reiñ' jo cajíñ'-:

—Guieeng-na' guiá- tú- ciento 'lée- i ngí` tí-, jogui setenta i nigüea` cuea~, jogui tú- cientogui i nicá` ñisú', jo nidsé`ee' fi' Cesarea la ii` ñú- e uøø` na.

24 Jogui caquiá'gui i fii~ 'lée- do ta~ quiá'- i dsea` nu'luu~ quiá'r- do e niguiéiñ'- do guiá- cuea~ i nigüea` i Paa- do. Jogui jaléng` i 'lée- do nisíná'r` júu^ e nijáiñ' Paa- e guiúm-biñ' fi' quini` i dseata~ dsea` féng' i sii` Félix i guing~ líng` ta~ fi' Cesarea.

25 Jo i fii~ 'lée- do casíñ` coo` jí` cóo~ dsea` quiá'r- e catíng- i dseata~ dsea` féng' do jo lalab fé' e jí` do:

26 “Jnea~ Claudio Lisias, fii~ 'lée- quiá'- dsea` Jerusalén. Jo nisín`n e jí` la e tíng- 'nu, Félix, dseata~ dsea` féng' i jmi'gó` dsea` eáang` lí~ quiá' ta~ fi' na fi' Cesarea. Guicóo'ba'. 27 E laba' iin`n fí'í' 'nu, e jaléng` dsea` Israel i seeng` fi' la nicasaiñ'- i dseañu' la i sii` Paa-, jo sí'í' e nijngám'-breiñ'. Dsu' dsifí mí~ caliñi` jnea~ e dsea` romanob líiñ', dsifí ladob cangó-o cóo~ 'lée- quié`-e jo calaam-baare. 28 Jo co' jnea~ iin`n e calidseáang` dsii- e~ uing` e 'niiñ` i dsea` do, joba' cajøø`nre fi' quini` dseata~ i quie' nifi' quiá'- dsea` Israel. 29 Jo job caguo'- júu^ e ni'niiñ` dsea` do uí' e ja` jmiti~ Paa- lajúi~ júu^ quiá' ta~ quiá'- Fidié` e laco' tíng` i dsea` góor` dsea` Israel do e jmóor`. Dsu' ja` e dsee- sea` quiáiñ'- e eáang` fa' dsí' í' e nijngáng'- neiñ' o'gui e nitáng'neiñ' fi' dsí' 'nuñí'.

30 Dsu' mí~ caliñii- e i dsea` Israel do niguiar' guiá- e nijngám'-bre Paa-, joba' fi' nab niguiéen`n dsea` do cóo~ 'nu. Jogui nicafí- bí jaléng` i dsea` i 'níng` ír` do e nab nijmér- júu^ cóo~ 'nu e~ uing` e jmóor` dsee- quiá'- dsea` do. Jo lanab júi~ lí' júu^ quié`-e, dseata~ Félix. Guicóo'ba'.”

31 Jo 'ñia' e uøø` jo jaléng` i 'lée- do cajéem`bre Paa- fi' e fí' lí' sii` Antípatris lí' laco' ta~ caquiá' i fii~ quiá'r- do. 32 Jo mí~ cajneá- e jmi~ coo`gui do, jaléng` i 'lée- i cangolíng` e ngí` do caquiñ'- túr fi' Jerusalén fi' lí' sí' 'nur` do. Jogui jaléng` i 'lée- i dsing` cuea~ do cangolíñ- bre cóo~ Paa- cartí Cesarea.

33 Jo mí~ caguilíng- i 'lée- i jéeng` Paa- do cartí Cesarea, jo cajú'bre e jí` do i dseata~ dsea` féng' i guing~ quiá' ta~ fi' jo, jogui cajám`bir Paa- cajo.

³⁴ Jo mi~ calí~ f̄ i dseata~ Félix do e jì do, jòba' cajming'f'r~ i Paa~ do jie~ fi~ li~ seeiñ'. Jo mi~ caliñir' e fi' li~ se' Ciliciab seeng' i Paa~ do, jòba' casí~ reiñ' do jo cajíñ'~:

³⁵—Mi~ nigüiling~ jaléng' i dsea i jmóo` dsee~ quíi'~ do, joguib nisi~ naa' e uiing~ e 'náiñ' 'nu`.

Jo mi~ cangf̄ jo, caquiur' ta~ e jéeb' dsea` quíá'~ i Paa~ do, jo fi' dob cajméereñ' í' fi' dsí' 'núu' li~ caquiur' dseata~ Herodes ta~.

24

Mi~ cajmi'óng' 'ñia' Paa~ fi' quini` dseata~ dsea` féng' i sii` Félix

¹ Jo mi~ cangf̄ 'ñiá` jmi~ lajo, caguié~ i dsea` mogui~ quíá'~ jaléng' fi~ jmidsea i sii` Ananías do fi' Cesarea coling~ cóo'~ cóo' tú~ ming~ dsea` cóong'~ quíá'~ dsea` Israel cóo'~ gui jaang` dseañu' i tting` féeng'~ dsea` eáang' i sii` Tértulo. Jo jaléng' i dsea` la caguiliñ~ fi' Cesarea do, jo caguijméer^ dsee~ quíá'~ Paa~ fi' quini` i dseata~ dsea` féng' i guing~ fi' jo.

² Jo mi~ cahuí' ta~ e caguijéiñ` Paa~ fi' quini` i dseata~ do e quíá'~ e nisíng~ e júu^ do, jòba' canaang' i Tértulo do e 'náiñ' Paa~ fi' quini` i dseata~ Félix do jo lalab cajíñ'~:

—'Máam' 'nu`, dseata~ dsea` féng' quí-ii', e la'eáang' 'nu'ba' e see~naa' juguiá~ júu^ røø. Jøgui la'eáang' e eáam' tñn' cajo, jmiguiab' jalé' e guiá~ nica'uíng~ latøøng~ góo'naa'. ³ Jo jaléb' e jo eáam' íaang' dsí' jnea^, dseata~ quí-ii' Félix; jo gui'máam'ba' quíá'~ jalé' e jo. ⁴ Jo ja` iin~n e jmi'ing'guí' 'nu' eáang', fa' nijíeb' o' e ninúu^ lajii~ júu^ quí-naa' cateá' lajo. ⁵ Jo lana nicadsé'naa' jalé' e ga' e jmóo' i dseañu' na fi' latøøng~ fi' jmigüi' e 'nóor' mí'~ quíá'~ jaléng' dsea` Israel e laco' ni'náng' dsea` quíá'~ rúñ'. Jøgui lám'bir cajo dsea` mogui~ quíá'~ cóo' 'lé' dsea` Israel i sii` nazareno. ⁶ Jøgui ja' jmi'gór' lajii~ e tñnaa' fi' guá'~ fé' quí-ii' fi' Jerusalén; có' iñ~ nidsijéiñ` dsea` i ja` líng' dsea` Israel fi' dsí' sinúu^ guá'~ quí-ii' do, jo uiing~ e jòba' e caséeng'~naa're. ⁷ Jo lamí~ ii~naa' ni'f^naa' í' quíá'r~ jii~ laco' fé' júu^ quiu' ta~ quí-ii', dsu' dsifí' lajob i fii' 'lé~ i sii' Lisias do caguiñ` dsea` do laguidseaang~ fi' jaguóo'naa'. ⁸ Jo cajíñ'~ e lajaléng' jnea^ dsea` cuøø~naa' dsee~ catíng~ e nija'níng'naa'r fi' quini'.

⁹ Jøgui mi~ calí~ fé' Tértulo e jo, jøgui café'gui jaléng' dsea` Israel i teáang~ gui cóo'r~ do, jo jíñ'~ e dseáng'~ já'ba' jalé' e jmóo' i Paa~ do, jo røøb' dseáng'~ sñiñ` cóo'~ i Tértulo do e jmóor` dsee~ quíá'~ Paa~.

¹⁰ Jo mi~ cangf̄ jo, i dseata~ Félix do cajméer' li~ cóo'~ guóor` e sí'r' Paa~ e cuøøm` nifé' dsea` do júu^ quíá'r~. Jòba' caróo~ Paa~ jo cajíñ'~:

—Eáam' íaang' dsii~ e nijmi'óng' 'ñiá'a quini' 'nu`, dseata~ quí-ii', cuaiñ` quíá'~ jalé' dsee~ e jmóo' i dsea` na quíe~e. Có' ñi'baa guiá~ e 'nub` dsea` i quidsí' í' røø quíá'~ dsea` góo'naa' dsea` Israel lajii~ níngóob' eáang'. ¹¹ Jo cuøøm` nilidseaang'~ o' e nabi ngóo' guitu' jmi~ e caguié~ e fi' Jerusalén e jmifén'n Fidié'. ¹² Jo ja' cadsé' jaléng' dsea` na jii~ cóo' dsee~ e laco' ni'náiñ~ jnea~, fa' e sín'n jñn~n cóo'~ dsea', o'gui tá'a mí'~ jee~ jaléng' dsea` fi' sinúu^ guá'~ fé' quíá'~ dsea` góo'o e si' fi' jo, o'gui fi' dsí' sinúu^ guá'~ jii quíá'~ dsea` góo'o cajo, o'gui lacaang' li~ jié' fi' jee~ fi'. ¹³ Jo jaléng' i dsea` 'níng' jnea~ i teáang~ la ja' niguié'r' jii~ cóo' dsee~ quíe~e e jmóor', có' ja' e røøñ~ jii~ cóo' laco'gui la fé'r'.

¹⁴ Dsu' e já'~ e jmóo'o lajii~ e iing~ Fidié' i jmiféng' 'li~ dsea` cóong'~ quíe~e, dsea` Israel, laco' cóong' røø cóo'~ fi' guiá~ quíá'~ Dsea` Jmáang~. Jo fé' i dsea` góo'o na e jnea~ ja' jmitii~ lajii~ júu^ quiu' ta~ quíá'~ Fidié' e cajme' Moí'; dsu' o' já'~ e lajo, có' jnea~ gui jáb'~ lñn'n jalé' e júu^ jo cóo'~ gui jalé' e júu^ e

cajme' dsea` i café' cuaiñ~ quiá'- Fidié' malii~gui eáang'. ¹⁵ Jogui jáb'- lán'n røøb` laco'gui i dsea` í e jí'tu jaléng'` líi~ la'eáang' cóo'~ Fidié' nañí' fa' líiñ' dsea` guiúng` osi i sitíng` e 'lée' é. ¹⁶ Joba' cuøø`-bi dsii` e ee'e guiá' fí' quini` Fidié' jogui fí' quini` dsea` rún'n dsea` jmigüi' cajo.

¹⁷ Dsu' mi~ cangí' tú` 'ní' jii` e ngii` fí' lí' jíé', joguiba' caquin'` túu fí' Jerusalén e ngocuøø`-ø cuu` jaléng'` dsea` tiñing` , jogui ngocuøø`-ø Fidié' laco' litíng` dsea` góo`o dsea` Israel e cuø'r` dsea` do. ¹⁸⁻¹⁹ Jo lajee` táan'n jmóo`o jalé' e jo e ningí' e caliguiún` n fí' quini` Fidié' laco'gui la fé' dsea` góo`o dsea` Israel, jo ie` jo ja` 'ga' lí' siseáng'` dsea` e jøør` quiá'` lajii'~ e lí' quié`-e, o'gui míi'~ téé'~ jii'~ capí'` cajo. Jo job mi~ caguilíng` coo` tú` m'ing'` dsea` Israel i jalíng` fí' lí' se' Asia, jo cadséiñ'` jnea` fí' dsí' guá'` fé' e si' fí' Jerusalén do. Jo i dsea` íb` i catíng` e nigüilíng` fí' la e 'niiñ` jnea` faco' sea` dsee` quié`-e quini'~. ²⁰ Jogui co' ja` dsee` caliseá' quié`-e, joba' i dsea` i teáang` la lana cuøøm` nijmér` júu` song cadsér'` dsee` quié`-e e líng` ee` cajmé`-e mi~ cajéiñ'` jnea` fí' quini` dseata` i quié' nifí' quí'` jnea', dsea` líi' dsea` Israel. ²¹ Co' lajii'~ e tóo` dsii` e cafá'` a cóo'` júu` teá' lajee` sín'n fí' quini` i dsea` quidsí' í' do jo cafá'` a: "Lana 'ná' cuø'na' jnea` dsee` dsaco' e já'` lán'n e jí'tu jaléng'` líi~ mi~ ningí' e júuiñ`."

²² Jo co' niñib` i dseata` Félix do guiá'` jial jalé'` júu` quiá'` Dsea` Jmáang`, joba' mi~ canúur` jalé'` júu` e cajíng'` Paa` do, caje'bi quiá'` e niquidsir'` í' lajminá'` quiá'` dsea` do jo casí'` reiñ':

—Mi~ nigüéeng` i fii' 'lée` Lisias, í'guibing'` nijmé'` júu` røø` jnea` cuaiñ` quiá'` e dsee` e sea` quí'` e 'níng` jaléng'` dsea` 'nu`.

²³ Joba' casí'` i dseata` Félix do i dsea` nu'luu` quiá'` i fii' 'lée` do e gü'iuum`-bi Paa` sijñiñ'` lajee` jo, lifa' cuøøm` e jaléng'` dsea` i cuíng` dsea` do nijmicóo'` reiñ' lajee` iuiiñ'` do.

²⁴ Jo mi~ cangí'gui tú` 'ní' jmi~ lajo, caguiéb`-tu i dseata` Félix colíng` cóo'~ dseamí' quiá'r` i sii' Drusila i líng' dsea` Israel, jo caguilíñ` fí' lí' tidsí' í' quiá'` dsea`. Jo dsifí' lajob caguíu'` i dseata` do ta` e nilité'` Paa` e fí' lí' quidsir'` í' do. Jo mi~ caguíé` Paa` fí' jo, jo canaaiñ'` guiar'` júu` quiá'` Dsea` Jmáang` jial laco' nijáng'` yaang` dsea` fí' jaguó` dsea` do. Jo canúub` i dseata` do jalé'` e júu` quiá'` Paa` do. ²⁵ Dsu' mi~ canaang` Paa` e fé'r` jalé'` júu` quiá'` jial nisíng'` yaang` dsea` fí' guiá', jogui jial ja` nibeáng'` dsea` dsee` yaaiñ~, jogui jial mi~ nití'` í' e niquidsí' Fidié'` í' quiá'` lajaang` lajaang` dsea` jmigüi', joba' mi~ canúu` i dseata` Félix do jalé'` e júu` quiá'` Paa` do, jo cafóm'`bre jo cajíñ'` casí'r` Paa`:

—Guøm'`tu' fí' lí' iuun'` do lana. Nab nijmee` e júu` lí' e jøøn`, joguiba' nitøø`-túu` 'nu` fí' la.

²⁶ Jogui cajo i dseata` Félix do cuub` íng' dsí' e nicuø'` Paa` ír` e laco' e nileáiñ` dsea` do. Jo uing` joba' e tór'` Paa` sojié' e síiñ` cóoiñ'. ²⁷ Jo tú` jí' cangoca' e jmóor` lajo. Dsu' mi~ cangí' jo, cagüi'` i Félix do e líiñ' dseata` dsea` féng', jo ca'í' jaang'gui dsea` cuaiñ` quiá'r` i sii' Porcio Festo. Jo co' i dseata` Félix do iñ` e guiáb` nijér` cóo'~ dsea` Israel, joba' caseám'bre Paa` lado la sijñm`-biñ'.

25

Mi~ caguíé` Paa` fí' quini` dseata` dsea` féng'` i sii' Festo

¹ Jo coob` mi~ catí'` í' e nilíng` Festo dseata` dsea` féng', jo mi~ cangí' 'ní' jmi~ lajo cagüi'`bre fí' Cesarea jo cangór` fí' Jerusalén. ² Jo mi~ caguíé'` fí' jo, dsifí' lajob jaléng'` fii' jmidsea` cóo'`gui jaléng'` dsea` Israel i laniing` i neáang' fí' Jerusalén ie` jo caguilíñ` e jmóor` dsee` quiá'` Paa` fí' quini` i dseata` Festo

do. ³ Jo jaléng' i dsea`jmóo`dsee` quíá'- Paa` do camí'r' jmi'ee` i dseata` do e laco' niquíá'- dsea` do ta` i Paa` do e nidséng'- tur fí Jerusalén e quíá'- nitidsí' í' quíá'r- fí jo, dsu' iin` jmér- lajo e lí' laco' nilí'r' e nijngáng'- neiñ' guíá' fí e tu'íb'- . ⁴ Joba' cañí' i dseata` Festo do quíá'- i dsea` jmóo` dsee` quíá'- Paa` do jo casí'- reiñ' jo cajíñ'- :

—Fí dob iuung` Paa` sijníñ' fí Cesarea, jo 'ñiá'baa í dsii` ninín'^n fí do e jo jmi'ing` 'ñiá'a. ⁵ Jo jaléng' dseata` quí'na' 'né` nidsiliñ` cóo` jnea` fí Cesarea, jo song sea` dsee` e nica'éé` i dseañu' do, joba' fí job cuøng` jmee` na' dsee` quíá'r- .

⁶ Jo caje'bi dseata` Festo fí Jerusalén jñiá` si guí` jmi`gui. Jo mi` cangí` jo, joguiba' caquiñ'- fí Cesarea. Jo mi` cajneá` e jmi` jo, jo cangó`bre fí lí` nigüear` e niquidsir' í'. Jo caquiur' ta` e calité'^ Paa` fí jo. ⁷ Jo mi` tí lí` ca'í' Paa` fí jo, dob niteáng` jaléng' dsea` Israel i jalíng` tí Jerusalén i jmóo` dsee` quíá'r- do, jo cangoquíéiñ' fí quini` i dseata` do jo canaaiñ` jmóor` dsee` quíá'- Paa` , jo iib` eáang` e dsee` e cuø'reiñ' do, dsu' jii` cóo` ja` e cadsé'r' fa' dseáng' e já' lajii` e dsee` e jmóor` quíá'- dsea` do.

⁸ Joba' cañí' i Paa` do fí quini` i dseata` do cóo` júu` e jmi'øng' 'ñia'r' jo cajíñ'- :

—Jii` cóo` e ga` ja` mí cajmé` jnea` , o'gui fa' nica'fá'-a ga` uii` quíá'- jalé' júu` quiu' ta` quíá'- dsea` góo` dsea` Israel, o'gui fa' nica'fá'-a ga` uii` quíá'- guá' fé' quíá'- dsea` í cajo, o'gui quíá'- dseata` dsea` féng' i guing` quiu' ta` fí Roma.

⁹ Jogui có' i dseata` Festo do iin` e jér` guiáb` cóo` jaléng' dsea` Israel, joba' cajmingí'r- Paa` jo cajíñ'- casí'-reiñ' lala:

—¿In' e guó' fí Jerusalén, jo fí job niquidsi` jnea` í' quí' lajii` e 'ning` dsea` 'nu`?

¹⁰ Joba' cañí' Paa` quíá'- i dseata` Festo do jo cajíñ'- :

—Fí lab iuun` fí lí` quidsi` dseata` dsea` féng' dsea` guing` fí Roma í', joba' fí lab lí` catíng` e nitidsí' í' quíé` e. Jogui guiáb` ñí' 'nu` cajo, dseata` quí`ii', e jii` cóo` e ga` ja` mí cajmé` e quíá'- jaléng' dsea` góo`o. ¹¹ Jogui song nica'ee` dsee` e lahuíng` e dsí' í' e nijngáng'na' jnea` , cuøm` lí` jmee` na' lajo, jo ja` e fá'a jii` cóo` . Dsu' song ja`gui sea` jii` cóo` dsee` quíé` e laco' jii` e 'ning` dsea` jnea` , jii` jaang` dsea` sea` fí quíá'r- e nijáñ' jnea` fí quini` dsea` i 'ní' ní` quíé` e. Joba' mi` e 'ñiab' i dseata` dsea` féng' i quiu' ta` fí Roma niquidsir' í' quíé` e.

¹² Jo mi` cangí` jo, i dseata` Festo do casíñ` cóo` jaléng' i dseata` ruiñ' caguiaang` guí do. Jo lí` jo cajíñ'- casí'r- Paa` :

—Lí' laco' nicamí' 'nu` uø' e i dseata` dsea` féng' dsea` quiu' ta` fí Roma do, íbing' niquidsí' í' quí' , jo cóo' íb` niguó' lana.

Mí casíng` dseata` Festo cóo` jaang` dseata` dsea` féng' i sii` Agripa

¹³ Jo mi` cangí` tú` 'ní` jmi` lajo, i dseata` dsea` féng' i sii` Agripa do colíng` cóo' i dseamí` ruiñ' i sii` Berenice cangoliñ` fí Cesarea e cango'eer` i dseata` Festo do. ¹⁴ Jo huøb` jiu` cajer' cóoiñ' do fí Cesarea. Joba' lajee` jo, i dseata` Festo do casí'r- i dseata` dsea` féng' Agripa do lajii` e lí' quíá'- i dsea` i sii` Paa` do, jo cajíñ'- casí'-reiñ' :

—Lana lab iuung` jaang` dseañu' i sijníng` i caseáng` dseata` Félix mí cagüi'íir'. ¹⁵ Jogui mi` cataan`n cateá' fí Jerusalén, jaléng' fii` jmidsea` quíá'- dsea` Israel cóo' guí jaléng' dsea` cóøng' quíá'r- caguiliñ` 'ñiñ` i dseañu' i sii` Paa` do fí quini` , jogui camí'r' jnea` e fa' niquíá' ta` e nijúum` dsea` do. ¹⁶ Joba' cangí` quíá'- jaléng' i dsea` i jmóo` dsee` quíá'- Paa` do e ja` lajo tíng` dseata` dsea` féng' i guing` fí Roma fa' e quiu'r' ta` e dseáng' nijúung`

dsea` lajee` ná'`gui e niquidsir' í'` quiá'` i dsea` røøng` dsee` do jogui e nisíiñ` cóo'` i dsea` i` 'nning` ír` cajo e laco'` nijmi'`øng` yaaiñ` cóo'` jalé'` e dsee` e 'nning` dsea` ír` do. ¹⁷ Joba'` mi` cagüilíng` i dsea` i` jmóo` dsee` quiá'` Paa` do fí'` la, jo` e cajmi'`üing` 'ñiá'`a, co'` dsifí'` mi` cajneá` e jmi` coo`gui do cangó`baa fí'` li` niquidsii` í'`, jo caquiá'`-u ta` e calitéb'` i Paa` do fí'` li` iuuiñ` . ¹⁸ Dsu'` jaléng'` i dsea` i` caseáng'` i` 'nning` ír` do ja` canú`-u fa'` e fé'r` uii` quiá'` i Paa` do laco'` jii'` e lamí` í` dsi'` jnea` . ¹⁹ Co'` lajii'` dsee` e jmóor` quiáiñ'` e quiá'` lajii'` júu` e já'` líiñ` quiá'` Fidiée` quiá'r` , jogui quiá'` jaang` dseañu'` i sií` Jesús i nicajúng` do jogui fé'r` e jí'`biñ` do. ²⁰ Jo co'` jo` ñi` jnea` ee` nijmee` e cóo'r` quiá'` jalé'` e dsee` e jmóo` dsea` quiá'r` do, joba'` cajmingí'`ire e song` iñ` e nidsér` fí'` Jerusalén e nitidsí'` í'` quiá'r` fí'` jo. ²¹ Dsu'` 'ñia'r` cajíñ'` e ja` iñ` dsér` , jogui nicamír` e i dseata` dsea` féng'` i` guing` fí'` Romabing'` i` niquidsí'` í'` quiá'r` . Joba'` caquiá'`-u ta` quiá'r` e lamí` iuum`bir sijñiñ` cartí'` niguiéen'`nre fí'` quini` i dseata` dsea` féng'` do.

²² Joba'` cañi'` i dseata` Agripa do quiá'` dseata` Festo jo cajíñ'`:

—Im`bi` jnea` nuu`-u júu` quiá'` i dseañu'` do cajo.

Joba'` cañi'` dseata` Festo quiá'` i dseata` dsea` féng'` do jo casí'`-reiñ':

—Dsa'`ób` ninúu'` lajii'` júu` quiá'r` .

Mi` caguié` Paa` fí'` quini` dseata` dsea` féng'` Agripa

²³ Jo mi` cajneá` coo`gui jmi` lajo, i dseata` dsea` féng'` Agripa do cóo'`gui i Berenice do caguiliñ` cangotáaiñ` laco'` dsea` 'goo` fí'` sinúu` li` tidsi'` í'` quiá'` jaléng'` dsea` jo jée'` jaléng'` fii` 'lée` quiá'r` cóo'`gui jaléng'` dsea` niing` i jalíng` cóo'r` . Jo mi` caseáng'` jaléng'` i dsea` do fí'` do, i dseata` Festo do caquiá'r` ta` e cangotée` 'lée` i Paa` do jo cangojéng`neñ'` fí'` li` nisiseáng'` dsea` do. ²⁴ Jo mi` caguiér` fí'` jo, lalab cajíng'` i dseata` Festo do:

—Dseata` dsea` féng'` Agripa cóo'`gui lajüing` dsea` i siseáng'` la lana cóo'` jneaa`aa', nab nising'` i dseañu'` do lana. Jo lajim` dsea` Israel nicajacóor` dsee` quiá'` i dseañu'` na lajee` cataan`n fí'` Jerusalén jogui fí'` la fí'` Cesarea cajo, jogui dsíng'` ta'r` mii` e mi'r` jnea` fa'` e niquiá'`-u ta` e nijúum`biñ` na. ²⁵ Dsu'` jnea`gui lín`-n e ja` e mí'` 'léer` jii'` coo` fa'` e dsi` í'` e nijúuiñ` . Jo 'ñia'`guir nicamír` e i dseata` dsea` féng'` dsea` guing` fí'` Romabing'` i` niquidsí'` í'` quiá'r` , joba'` nica'`í` dsii` e fí'` job` niguiéen'`nre. ²⁶ Jo co'` ja` ñi'`guí` e` dseáng'` e nifí'`i i dseata` dsea` féng'` do cuaiñ` quiá'` i dseañu'` na, joba'` catóø`øre la'`uii` fí'` quini'` 'nu', dseata` dsea` féng'` Agripa, e laco'` niquidsi'` í'` quiá'r` . Jo lajoba'` sea` e nitóo` jnea` fí'` ni` ji` e niguiéen'`n quiá'` dseata` dsea` féng'` i` guing` fí'` Roma. ²⁷ Co'` gab`jiu` lí'` lín`-n e niguiéen'`n jaang` dsea` i` sijníng` jogui ja` ñii` e` nitóo`o` fí'` ni` ji` quiá'` lajii'` e 'nning` dsea` ír` do.

26

Mi` café'` Paa` fí'` quini` dseata` dsea` féng'` Agripa

¹ Jo mi` cangí` e café'` dseata` Festo júu` quiá'r` , joba'` casí'` dseata` dsea` féng'` Agripa i Paa` do jo cajíñ'`:

—Cuóøm` fo'` júu` quí'`-lana.

Jo dsifí'` ladob cajmée` Paa` li` cóo'` guóor` e quiá'` nifé'r` jo lalab canaaiñ` fé'r`:

²—Dseata` Agripa, eáam'` íaang` dsii` e nifá'`a júu` quié`-e fí'` quini'` 'nu` lana e nijmi'`øng'` 'ñiá'`a quiá'` jalé'` dsee` e nicajaca` dsea` góo`oo'` dsea` Israel quié`-e. ³ Jo co'` cuíib` 'nu` jalé'` e tñng` jnea`^, dsea` lí'`i'` dsea` Israel, cóo'`gui jalé'` júu` quí'`-ii` e sñ`naa', joba'` mii` jmi'`ee` quini'`^ lana e ninúu'` jalé'` júu` quié`-e e nifí'`i 'nu` car` niteám'`baa.

Jial seeng`Paa`nú`gui e calicutiñ`Dsea`Jmáang`

⁴ 'Lajim` dsea` góo'oo' dsea` Israel ñir` jial calisen`n jee` ír` fí` góo'oo' jogui fí` Jerusalén latí` jii` le'eáam`baa. ⁵ Jogui ñi`bi guiá` jaléng` i` dsea` í` e dsea` fariseob líng` jnea` latí` jii` mali~, jogui cuøøm` nijíñ`- lajo song iin`. Jogui lajee` jaléng` jnea`, dsea` lí`hi` dsea` Israel, dsea` fariseo i` lajang`-gui jmiti` lajii`- júu` quiu` ta` qui`-ii' quiá`- jial 'né`- nijmiféng` dsea` Fidié`. ⁶ Jogui lanagui nicajéiñ` jnea` fí` la e quiá`- nitidsi` í` quié`-e, dsuco` e jnea` jáb`- lín`n lajii`- júu` quiá`- Fidié` e casé` 'li~ dsea` áang` qui`-ii' e jí`tu jaléng` dsea` mi` ningí` e júuiñ`. ⁷ Jo e lab júu` e cacuø` Fidié` 'li~ dsea` áang` qui`-ii' do, jo laji` guitu` 'lé` dsea` góo'oo' dsea` Israel sijeem`bre i` dsea` i` cajíng`- Fidié` i` nisíñ` fí` jmigüi` la. Joba` uøø` jmii` ja` tá` dsea` góo'oo' e jmiféiñ` Fidié` jogui e jmóor` lajii` e iing` dsea` do. Jo uii` e já`- lín`n e nicagüéng` i` dsea` i` sijeeng`naa' do, joba` cuø` dsea` góo'oo' dsea` Israel jnea` dsee` lana, dseata` qui`-ii' Agripa. ⁸ Joba` çjali` ja` iing` 'nú`, dsea` góo'oo' dsea` Israel, já`- líng`na' e Fidié` cajméer` e cají`tu Jesús jee` jaléng` 'li~ mi` cangí` e cajúñ`?

Mi` cajíng`- Paa` jial cajmeáñ` ga` jaléng` dsea` quiá`- Dsea` Jmáang`

⁹ 'Dsu` e já`-ba' e ca'f` dsii`- ie` lami` jéeng`gui do e cajmeáan`n ga` jaléng` dsea` quiá`- Jesús i` seeng` fí` Nazaret. ¹⁰ Jo lajob cajmé` e fí` jee` fii` Jerusalén, e cangomii` júu` fí` quini` jaléng` fii` jmidsea` e catán`n fíng` dsea` quiá`- Dsea` Jmáang` fí` dsii` 'nuñí`. Jogui mi` huí` ta` e júung` jaléng` i` dsea` í`, dob sín`n e cuøø` júu` quié`-e cajo. ¹¹ Jogui jmiguiúung` née`-bi cajmeáan`nre e laco` nitár` lajii`- júu` e já`- líiñ` quiá`- Dsea` Jmáang` do. Jo jalé` e na cajmé`-e fí` lacoø` sínúu` guá`- qui`-ii', dsea` lí`hi` dsea` Israel. Jogui dseáng`- eáam` 'ní` camán`nre lajaléiñ` do, co` j`gui ngii` e jmáan`nre ga` cartí` doñi` jié` fí` seem`bre. Lajob cajmé`-e lajee` nú`-gui e calicutiñ`n Dsea` Jmáang`.

*Mi` cajíng`-gui Paa` júu` quiá`- mi` calicutiñ` Dsea` Jmáang`
(Hch. 9:1-19; 22:6-16)*

¹² 'Jo coø` ya', lajee` e iuun` fí` ngóo' fí` Damasco cuaiñ` quiá`- e jmáan`n ga` jaléng` dsea` quiá`- Dsea` Jmáang` i` seeng` fí` do, jo ie` jo ningóo'oo` quiee` ta` cóo`-gui júu` quiá`- jaléng` fii` jmidsea` quiá`- dsea` góo'oo' dsea` Israel e nijmeáan`n ga` jaléng` dsea` cúing` Dsea` Jmáang`. ¹³ Jo lajob fii`-guí` 'nu`, dseata` Agripa, e lajee` gui`ná` iuun` fí` e ngóo' fí` Damascob, í` e ngóo` guieñi`- jóob` camó`-o coø` j` e j` jlo` e eáang`gui jíng` j` laco`gui j` iee`. Jo e j` do jáa` fí` yú`^ jmigüi`, jo cajneá` fí` lacúng` lajíng` lí` ngóo'naa' do lajee` e téé`-naa' fí` ngóo'naa' fí` Damasco. ¹⁴ Jo dsifí` mi` cangí` e cajneá` e j` do, lajii`-baa' la'ó` ngóo'naa' do caquíng`-naa' fí` ni` uø`. Jo canú`- jnea` e líng` i` guicafé` cóo`- jmii` hebreo e tó`r` jnea` jo guicajíñ`- lala: "Saulo, Saulo, çjali` jmáan` jnea` ga? Co' jalé` e jmoo` na e jmáang` uøø`ba' na, laco`gui dsing`ng`- jaang` güitá` mi` iá` fii`re' sii`- su` mo`uøø`re' song ja` núu`re'."

¹⁵ 'Jo cangii` quiá`- i` guicafé` do jo cafá`-a: "çi` 'nu', Fii`i?" Jo cañi`tu i` guicafé` do jo guicajíñ`-: "Jneab` Jesús i` ngi` 'nu` jmáan` ga` lana. ¹⁶ Jo lana, ráan`- jo jmee` sín`-, dsuco` lana cajmijnéeng` 'ñiá`a fí` quini`^ e laco` nijme` lajii` e iin`n jogui niguiá` júu` quié`-e fí` quini` jaléng` dsea` quiá`- jalé` e nicañi`- la lana jogui cóo`- jalé` e nabi niliñi`^ quié`-e cajo. ¹⁷ Jogui lana nilaam`baa 'nu` jee` jaléng` dsea` góo` dsea` Israel i` 'ní` níng`- 'nu` cóo`-gui jee` dsea` i` ja` líng` dsea` Israel cajo. Jogui jneab` nisín`n 'nu` jee` jaléng` dsea` i` ja` líng` dsea` Israel. ¹⁸ Jo ta` lajoba' nisín`n 'nu` e laco` güi`éé`- dsea` jial laco` ninea` moguir~, jogui e jo` niliseeng`guir e dsee` quiá`r`- quiu` ta` ír`, co` lí` lí` 'né`- e niqui`- jíng` yaaiñ` fí` quini`-baa, jo lajoba' jo` niliseeiñ` e quiu`gui fii` i` 'ling` i` sii` Satanás ta` quiá`r`-, jo ninaiñ` e jnea` dsea` nicaa`- nifí` quiá`r`-.

Jō nis#n^ñ 'nu` jee~ jaléng' dsea` i ja` líng' dsea` Israel lajō e laco' já'~ nilíng' i dsea` í lajii'~ júu` quíe` e, joba' niñiñ` e ni'ling` jalé' dsee` quíá'r~, jogui ni'íñ' lajii'~ e catíng` e cuóø`-ø jaléng' dsea` quíe` e, dsea` i caguíng' Fidiée` e laco' ni'uíng` dsea` güeang'^ quíá'r~.”

Mi~ cajmé'e` Paa` núu'r~ quíá'~ lajii'~ e cangár` do

19 'Jō lajōb lí', dseata` Agripa, cajmé`-baa núu'~u lajii'~ e camó`-o jogui canú`-u e jáa' fí' yú'` jmigüí'. 20 Jō la'uii~ canaan` e jmóo`-o ta` guía' júu` quíá'~ Dsea` Jmáang` fí' jee~ jaléng' dsea` seeng` fí' Damasco, jogui mi~ cangf' jō fí' jee~ jaléng' dsea` seeng` fí' Jerusalén, lí'` latøøng` lí' se' Judea. Jogui lajōbi fí' jee~ dsea` góo`oo' dsea` Israel e fii`-ire e nijáng' yaaiñ` fí' jaguó` Dsea` Jmáang` jogui e niqú'~ nijíng' yaaiñ` fí' quini` Fidiée`, jogui e 'né` ni'ér` jmang' e guiáb` e laco' cuó` lí' e nicaquí'~ jím' yaaiñ` fí' quini` Fidiée`. 21 Jō uíi'~ jalé' e júu` e guíaa` dob, casang'~ jaléng' dsea` góo`oo' dsea` Israel jnea` fí' siguí' quíá'~ guá'~ quí`-ii', jō j'gui lamí~ iíñ` e nijngám'~bre jnea`. 22 Dsu' Fidiée` eám' jmicóo'r~ jnea~, joba' guiáb` seen` latí' lana. Jogui dseáng'~ ja` jmitúng` dsii` e guía`bii júu` quíá'~ Dsea` Jmáang` fí' jee~ lajiiing` dsea`, jiuuiñ` tá' e cóøiñ`. Jogui ja` fá'`a jii'~ coo` júu` e ja` cóøng` røø` cóo'~ jalé' e café' i dsea` i café' cuaiñ` quíá'~ Fidiée` malii`gui eáang', fa' la Moí` e caséer' júu` e la guím` 'né` niliti` fa' la e fé'` lala 23 e dseáng'~ nisi'í'ba' e nijúung` Dsea` Jmáang`, dsu' mi~ ningf' e nijúuiñ` do, íbre dsea` la'uii~ nijí'tur jee~ jaléng'` líi`. Jogui íbre dsea` niguiár` júu` jee~ jaléng' dsea` góo`oo' dsea` Israel jial nileáng` jaléng' dsea` í jee~ dsee` quíá'r~ jogui cajo jial nileáng` jaléng' dsea` i ja` líng' dsea` Israel jee~ dsee` quíá'r~. Jō e júu` e niguiá` Dsea` Jmáang` do lí' la lí' coo` jì' e jnea` e jmicóo'~ jaléng' i dsea` í.

Mi~ caféng' Paa` dseata` Agripa jial ni'uíng` dsea` do dsea` quíá'~ Dsea` Jmáang`

24 Jō mi~ calí` fé'` Paa` e júu` jō e jmi'øng'` 'ñia'r', jō dsifí' lajōb café' i dseata` Festo do cóo'~ júu` teá' jō cajíñ'~:

—iNgaam` 'nu`, Paa~, nica'léeb' quíi'~ e nica'jmitín' eáang', jō cóo'~ e jō nica'uíng` e nicalicaam`ba'!

25 Jōba' cañí' i Paa` do quíá'~ dseata` Festo jō cajíñ'~ casí'~ reiñ':

—Ja` ngaang` jnea~, dseata` quí`-ii' Festo, dsu' 'nu` í o' lí'~ rijím`, co' lajalé' e fá' jnea` la jmang'~ júu` guiáb` jogui jmang'~ júu` jáb'~ cajo. 26 Nab guíing` dseata` dsea` féng' Agripa, jō ñi'bre la'uiing` jalé' e júu` na. Jō ja` 'gó'`o e fá'`a fí' quini'~, co' ñi'baa røø` e ñi'bre la'uiing` laná'~ cajo jalé' e guíá' e cajmé'e` Jesús fí' jmigüí' la, dsuco' jalé' e jō o' e calí` lí' ja` ii` jøø` osi lí' ja` jnéeng` é. 27 Jogui 'nu`, dseata` dsea` féng' Agripa, niñib` jnea` e jáb'~ líng' 'nu` jalé' júu` e caguía' i dsea` i café' cuaiñ` quíá'~ Fidiée` malii`gui eáang'.

28 Jōba' cañí' i dseata` Agripa do quíá'~ Paa` jō cajíñ'~:

—Jiiu`ba' ja` mí' cali' jnea` e ni'uín`-n dsea` quíá'~ Dsea` Jmáang`.

29 Jōba' cañí'tu Paa` quíá'~ dseata` Agripa jō casí'~ reiñ':

—Nañí' si jiu` osi jmiguii`bi é ja` mí' cali' i 'nu`, dsu' iing` Fidiée` e lajiiim` 'nu' ni'uíng`-na' dsea` quíá'~ Dsea` Jmáang` laco'gui la líng' jnea`; jō dsu' o' laco' jnea` lana e 'ñúun`-n cóo'~ ñí' cadena.

30 Jō mi~ cangf' e cajíng'~ Paa` e júu` jō, jō caróob` i dseata` dsea` féng' Agripa do cóo'~ gui i dseata` Festo do colíng` cóo'~ i rúin` dsea` ngáang'~ cóo'r` i sii` Berenice lí'` lajiiing` i dsea` i neáang` do ie` jō. 31 Jō mi~ cangf' jō, ca'uøøm`bre e cangosiiñ` e júu` do lajee` yaaiñ` fí' lí' jíé'. Jō lalab sñiñ` lajee` yaaiñ` jō fé'r':

—I dseañu' la ja` e mí' ca'léer' jii'~ coo` fa' dsi` í' e nijúuiñ` o'gui e sijñíng`guir fí' dsí' 'nuñí'.

³² Jogui cañíi` i dseata` dsea` féng' Agripa do quiá'- dseata` Festo jo casi'- reiñ':

—Cuóøm` nileáng` i dseañu` la lana faco' mi` ja` mi' camir' 'ña'r' jéeng'gui e niquidsi` i dseata` dsea` féng' i guing` fi' Roma do í' quiá'r- lajii` e lí' quiá'r-.

27

Mi` casíiñ` Paa` fi' Roma

¹ Jo mi` catigua` júu` quiá'r- e niguiéiñ' jaléng' jnea` fi' Roma li` se' Italia, joba' Paa` cóo' i dsea` sijnáng` caguaang`-gui do cangolíiñ` e jée' jaang` fi' 'léé- i sii' Julio; jo i dsea` í' iuuiñ` jee` cóo` íng' 'léé- quiá'- dseata` dsea` féng' i guing` fi' Roma.

² Jo jnea` Lucas cangó`-oo' colíing` cóo' Paa`. Jo cangó`-naa' e téé'-naa' fi' dsíi' cóo` móo' e jáa' fi' cóo' fi' e sii' Adramitio e nisi' tí' li` nigüi'fi' e nidsé- fi' lacaang` oo- jmiñ` quiá'- li` se' Asia. Jogui ngóo'bi colíing` cóo' jnea` jaang` dseañu` i sii' Aristarco i seeng` fi' Tesalónica, cóo' fi' li` se' Macedonia.

³ Jo mi` cajneá- e jmiñ` jo, caguié'-naa' fi' cóo'gui oo- jmiñ` e sii' Sidón. Jo fi' job i fi' 'léé- i sii' Julio i jmóo' í' Paa` do cacuø'r' fi' Paa` e nidsi'eeiñ` jaléng' dsea` cuiñ`, jo lajob i dsea` í' nijmicóo'r- dsea` do cóo' jalé' e 'né- quiáiñ`-.

⁴ Jo mi` cangí jo, ca'uøø'-naa' fi' oo- jmiñ` e sii' Sidón do e quíng'-naa' guí, joba' cangíing`-naa' fi' lí' lí' ca' fi' cóo' guóo' uø- e néé' ni` jmiñí' e sii' Chipre fi' lí' ja` 'ga' lí' bá' e guí do, dsuco' eáang' jna' laco' ngóo'naa'. ⁵ Jo cangíing`-naa' fi' 'ni' jmiñí' la tóo' li` se' Cilicia cóo'gui li` se' Panfilia cartí' caguié'-naa' fi' cóo' fi' e sii' Mira, cóo' fi' li` se' Licia.

⁶ Jo fi' job i fi' 'léé- i sii' Julio do cangár- cóo' móo' quiá'- fi' e sii' Alejandría, jo iá' fi' ngóo' fi' li` se' Italia. Jo fi' dsíi' móo' job cangotóo'-naa' e quiá'- cangó'-naa' fi' li` si'í' ngóo'naa'. ⁷ Jo jmiguiub' jmiñ` ngoca' e ngí'naa' tá'-jiu lado. Jo e quie' ta' eáam' caguié'-naa' fi' cóo' fi' li' sii' Gnido. Jo eáam'bi í' e guí do laco' ngóo'naa', joba' cayee'-naa' fi' quini' cóo' fi' e sii' Salmón, jo cangíing`-naa' lí' lí' 'ni' e uø- e sii' Creta e néé' ni` jmiñí'. ⁸ Jo cangíim`baa' guidseang` lado lacuee' 'ni' jmiñí' cartí' caguié'-naa' cóo' li' sii' Buenos Puertos, e néé' quiá'- cóo' fi' li' sii' Lasea.

⁹ Jo jmiguiub' jmiñ` nicangoca' e téé'-naa' fi' lado la tóo' ni` jmiñí', jogui níngoo' lidseáam` cajo e téé'-naa' dsíi' móo', có' ie` jo nijaquíéng' jii' güiib-, joba' eáam' nidseáang`. Joba' cajíng' Paa` casi'r- i dsea` i ngolíng` dsíi' e móo' do ie` jo, jo cajíiñ':

¹⁰—Dsea` rú'uu', móo' jnea` e eáam' nidseáang` quí'-ii' laco' ngóo'naa' la. Jo dseáang` ni'íng- quí'-naa' e móo' la cóo'gui jalé' lee` e quie', jogui la quie' tí' jneaa`aab' dseáang` quí'-ii' e ni'íng'-naa' cajo.

¹¹ Jo dsu' i fi' 'léé- do, eáang'gui cajmi'gór' dsea` fi' e móo' do cóo'gui fi' i quie' e móo' do laco'gui e cajmi'gór' Paa`. ¹² Jo có' e oo- jmiñ` e sii' Buenos Puertos do ja` 'goo' fa' e fi' jo níngíiñ` lajee` jii' güií-, joba' lajiiñ` la'ó' ngolíiñ` do ca'í' dsíir' e guíá'-gui e ni'uøm`bre e fi' oo- jmiñ` jo, jo nijmér- quijí- jial niguilíiñ` fi' cóo'gui oo- jmiñ` li' sii' Fenice, cóo' oo- jmiñ` e néé' li' se' Creta e jøøng- lí' lí' guieé' cóo'gui lí' lí' éé' guóo' uø-. Joba' ja' dseáang` fa' mi' cajer' fi' jo lajee` jii' güií-, có' fi' job lamí' í' dsíir' nijér- lajee` jii' jo.

Mi` caróo- jmiñí' e eáang'

¹³ Jo mi` canaang` e uáam`-jiu e guí e jáa' fi' lí' lí' huøø- do, joba' ca'í' dsíir' e nitam`-túr' fi'. Jo ca'uøøm`bre e fi' oo- jmiñ` do e teáaiñ` dsíi' móo', jo cangíiñ` quiáb'- e 'ni' Creta do. ¹⁴ Dsu' jo` huøø- cali'fi' ca'í' guí e teá' eáang' e jáa' lí' lí' níi' laco' ngóo' e móo' do, jo fi' li' jieb' canaang` cá' e móo' do. ¹⁵ Jo canaang` øøng' fi' lí' jieb' fi' li' í' guí. Jo dsuco' jo' lí'naa' fa' e nidsé'-gui røø' e móo'

do laco' í' guí, joba' lí' ngó-naa' jié' fí ta~ quíu' guí. 16 Jo cangíng-naa' lí' caluu' coo' guóo' uó-jíu e sii Cauda e née' ní jmiñí', co' fí job ja'gui í' guí e teá eáang. Jogui eáam' cacá-jaléng' i dsea' i quíe' e móo' do ta~ e casí'fí' e móo'jíu e ngí' fí caluu' móo' fé' quíá'r- e laco' nileáang-naa' fíng lí' cali'né-lajo. 17 Jo mi~ cangí e caséer' e la fí' ní móo' quíá'r-, jo cajmeáíñ' ta~ 'nii' e mi~ quíá'- e ni'ñá'r' e móo' fé' do laco' nicuó' bí quíá'. Jogui dsuco' 'gó'bir fíng cacung' móo' quíá'r- jee' cuu' too' fí lí' sii Sirte, joba' cabír' fí' ní jmiñí' coo' 'majii' e ii' eáang jogui neaang~ rúng' coo' móo' laco' ja' níngí' jminá-. Jo cangolíim-bre laco' jii' ta~ quíu' guí. 18 Joba' mi~ cajneá' e jmiñ' jo, eáang'gui huíng' ní'í' guí jogui eáang'gui níróo- jmiñ' cajo, joba' canaaiñ' uó'r' e lee' e téé' dsí' e móo' do jo cabír' fí' é' jmiñí'. 19 Jo mi~ catí' 'ní' jmiñ' lajo, canaaiñ' uó'bre coo' layaang~ guóor' jalé' 'nii' e guíquing' 'mi' quíá'- e móo' do. 20 Jo jmiguiab' jmiñ' cangocá' e jii' iee' ja' jnéeng- o'gui jnéeng- jaléng' núu' mi~ canuu' cajo. Jo co' ja' níquiúm'-bi e í' guí coo' gui e róo- jmiñ', joba' dseáang'- ní'í' dsí'naa' e jo' nití'baa'.

21 Jogui co' jmiguiab' jmiñ' níngoo' e ja' quíee-naa' i'naa', joba' caróo- Paa- jee' jaléng' i dsea' do jo cajíñ'- casí'-reiñ':

—Dsea' rú'uu', guíá-guib ca'uíng- quí-ii' fa' mi~ cajmee-na' núu'-na' lajii' júu' quíe- e ja' ca'uóo-naa' fí' oo- jmiñ' Buenos Puertos fí' lí' se' Creta, jo ja' cangongí-naa' e lana, o'gui ca'íng- jii' coo' quí-ii' faco' mi~ canuu'-na' júu' quíe- e. 22 Jogui lana fí' 'nú' e ja' jmitúng' óo'na' jii' coo', co' jii' jaang' 'nú' ja' nijúung-na'; jii' móo'ba' e ní'íng-. 23 Co' dsi'lóo'bi cajnéng- jaang' ángel quíá'- Fidié' quíe- e i jmóo' lajii' ta~ quíu' dsea' do, 24 jo cajíñ'- casí'r- jnea' lala: “Ja' fóon~, Paa-, co' dseáang'- néb- e níguie' fí' quini' dseata~ dsea' féng' i guíing~ fí' Roma. Jo la'eáang' coo' 'nab' cajo Fidié' nileáíñ- lajii'ng' dsea' i teáang' coo'na' fí' dsí' móo' na.” 25 Jo lajob lí', dsea' rú'naa', cuóo' bí yaang-na', co' jalé'ba' e jíng'- Fidié' dseáang'- jmiti-bre, jogui nitab~ dsii- e dseáang'- nilitib~ laco' jii' e cajíng'- i ángel do casí'r- jnea-. 26 Joba' fí' coo' ní' guóo' uó- e née' ní' jmiñí', fí' job' né- nidsitíng'naa', co' ní'íim- móo' jéeng'gui.

27 Jo coo' uóo', mi~ cangí tú- semaan~ e téé-naa' fí' lado, jo caguié-naa' fí' jmiñí' lí' sii Adriático; jo dseáang'- lamí' róo-bi jmiñ', joba' fí' la fí' nab dséé' móo' lí' téé-naa' coo' e guí e í' do. Jo uóo' guienúu' quíá'- e jmiñ' jo mi~ calilí' i dsea' quíe' e móo' do e níjaquíém' níting'naa' uó- quíu'. 28 Joba' caguiar' í' jial tí' a'gui e jmiñ' do, jo calilí'r' e ní'a'gui jii' guigui' dsí' jnúu- metros. Jo mi~ caguiíñ- tí' doguijíu, jo caguiatúr' í' calé' catú-, jo calilí'r' e a'gui jii' guieguié' metros. 29 Jo co' 'gó'bre fíng casicóong- e móo' do coo' cuu' 'loo', joba' cabír' quíu' 'lo' ní' lí' caluu' e móo' do e laco' jo' níngí'gui e móo' do. Jo lajee' jo féíñ' Fidié' e jo' güilí'í'gui e níjneá'.

30 Jo dsu' i dsea' i quíe' e móo' do ca'í' dsí' e nícuí-bre jo nitú-bre e móo' do. Joba' canaaiñ' jié-bre e móo' pí' e téé' dsí' móo' fé' do e laco' níjmi'óng' yaaiñ~ ní' jmiñ'. Jo jmóor' lafa' e níbir' 'lo' ní' e sea' fí' quini' e móo' do. 31 Jo dsifí' mi~ calilí' Paa- e jmóo' i dsea' do lado, joba' casí'r- i fii' 'léé- do coo' gui jaléng' 'léé- quíá'r- jo casí'-reiñ' jo cajíñ'-:

—Song ja' níjé- jaléng' i dsea' na dsí' e móo' la, ja' lí' 'nú' leáang-na' cajo.

32 Joba' i 'léé- i ngolíng- dsí' e móo' do caquiá'r' 'nii' e 'núu' e móo' pí' do, jo cató' fí' ní' jmiñí'.

33 Jo lajee' e nú'-gui e níjneá' ie~ jo, Paa- caquiá'r' ta~ quíá'- jaléng' i dsea' i ngolíng- do e níóo'r- capí'jíu jo casí'-reiñ':

—Lana níngoo' tú- semaan~ e í' dsí'naa' e ne~duu' e~ nidsijéé' quí-ii', jo jii' i'naa' ja' mí' caquíee-naa' laco' jii' e quí' tii'naa'. 34 Joba' fí' 'nú' lana e 'né-ba' cøb'jíu' í'na', co' la guíim' 'né- quí-na' lajo, co' coo' e joba' cuó' bí

quí-na' e seeng-na'; jo jneaa~aa' jíi~ coo` ja` e nilí-ii', jíi~ camí^ jñu` gui'naa' ja` ni'ling~.

³⁵ Jo mi~ cangí e fé^ Paa~ lajo, jo catíiñ~ coo` iñi^ jo cacuø'r' gui'máang^ Fidié~ fí quini~ jaléng^ i dsea` do. Jo lí~ jo cafiñ~ e iñi^ do jo canaaiñ` gø`bre. ³⁶ Jo lajii~ i dsea` do cangotáaiñ~ e cagø`bre cajo. ³⁷ Jo lajii~naa' la'ó^ ngóona' dsíi' e móo' do tíi'baa' tú~ ciento dsí setenta y seis dsea`. ³⁸ Jo mi~ cangí caquiee~naa' guiá~ lajii~naa' do, cabíb` i dsea` do e micui'iee` e tée^ dsíi' e móo' do e lacó' jo`gui ií` e móo' do.

Mi~ cango'ang' móo'

³⁹ Jo mi~ cajneá~ e uøø` jo, jaléng^ i dsea` i quie` e móo' do ja` ñir` jial sií e uø~ quiú` e tí lí` tíiñ~ do, dsu' cangá~bre coo` lí~ cuøøng` e nijé~ e móo' do lí` ja` tée^ cuu~ eáang`, joba' fí job ca'í dsíir' e nitíiñ` cóo` e móo' do. ⁴⁰ Jo caquiá'r' e 'nií` e guineaang` lo^ ñi^ do, jo dob cajiá'r' fí é^ jmií. Jogui cajléiñ` e 'ma` e líng^ ta~ e quiú` ta~ quiá^- fí e móo' do. Jo mi~ cangí jo, caséer` fí yá^ e 'mi' e í' fí quini~ e móo' do, jo cacá~ guí e lacó' cuøøng` ngí~ jminá~gui e móo' do. Jo lajoguib canaang` dsiquiéeng` e móo' do fí 'ni' lí~ nilíi' guóo~ uø~. ⁴¹ Dsu' ná~gui e nitíng` uø~ quiú` e móo' do, fí jee~ cuu~ toob~ ná~ jmiñi^ ca'í, jo fí job cacú~. Jo latøøm~ fí quini~ quiá^- cacú~ fí jee~ cuu~ too^ e jíi~ jo` cuøøng` lí` jø`. Jogui lí^ lí` caluu~ e móo' do canaang` licuíb` cóo~ bí` quiá^- e jmií e róo~ do.

⁴² Jo jaléng^ i 'lée~ i teáang~ dsíi' e móo' do cali'iiñ~ e nijngám~bre jaléng^ i dsea` i téer` 'ñúung~ do e lacó' ja` nileáng~ yaaiñ~ do e nicuír` fí 'ni' jmií mi~ nináiñ` e nitér~ jmií. ⁴³ Dsu' i fii~ quiá^- i 'lée~ do ja` cacuø'r' fí lajo fa' e i 'lée~ do cajméer` lajo, co' la guíim` 'né~ nijáiñ` jaléng^ i dsea` i téer` 'ñúung~ do fí quini~ dseata~. Jo lí^ caquiá'r' ta~ quiá^- jaléng^ i dsea` do e ií` jaléng^ i tíing` té~ jmií güidsitáam~bre dsifí lado, jo nitíiñ` jminá~gui fí lí~ nilíi' guóo~ uø~. ⁴⁴ Jogui jaléng^ i caguiaang~gui do nitér~ jmií cóo~ 'majji~ osi ni~ cuíi~ 'majmá` quiá^- e móo' do é. Jo lajob cati'naa' cóo~ e guiá~ fí lí~ nilíi' guóo~ uø~ lajalé'naa' do.

28

Mi~ caguié~ Paa~ cóo~ gui i dsea` caguiaang~gui do fí Malta

¹ Jo mi~ nicaláang~naa' lajii~naa' do fí ni~ jmiñi^, joguiba' caline~naa' e nisií Malta fí ni~ guóo~ uø~ lí~ cati'naa' do. ² Jo i dsea` i seeng` fí do eám' guiá~ ca'éer` cóo~ jnea^ lajii~naa' do. Jo co' jmií b` tuu` ie~ jo, jogui dsíng~ güi~ cajo, joba' i dsea` seeng` fí do caji'r' jí e fe` jo cató'r~ jnea^ e nidsiquiéeng~naa' e fí ca' jí do. ³ Jo ie~ jo i Paa~ do cangoquier` coo` seang` cuíi~ quiúu` jo cató'r' fí ni~ jí; dsu' lajee~ job cagüi'íi' jaang` mi' i guíng~ fí jee~ e cuíi~ do mi~ calilí're' e guíi~ jí, jo cacu'`re' luguoo` Paa~. ⁴ Jo mi~ cangá~ i dsea` i seeng` fí do e cacu' i mi' do luguoo` Paa~, joba' canaang` sí^ rúíiñ` lajee~ la'ó^ teáaiñ~ do jo jíiñ^-:

—Líi' fíng o' jaang` dsea` 'mób~ i dseañu' na, co' caláam~bre fí ni~ jmiñi^, dsu' cóo~ e caliñ~ nagui jo` cuøøng` ií` nileáng~ ír, co' jo` catíng~ e seeiñ` quiá^- Fidié~.

⁵ Jo dsu' Paa~ dsifí ladob cabó'r` guóor` fí ni~ jí, jo catóm^ i mi' do, jo jíi~ coo` ja` e caliñ~. ⁶ Jo lajii~ i dsea` i seeng` fí do sije~ fa' e niliyee` lí~ cacu' i mi' do guoo` Paa~ osi e nijúum~bir lajee~ jo é. Jo ngoca`bijiá e sije~ i dsea` do su líng~ ee` nilíng~ Paa~, dsu' ja` e calíng~ dsea` do jíi~ coo`. Joba' dsifib` cajmisíng~ i dsea` do e í dsíir', jo canaaiñ` fé'r' e i Paa~ do líiñ` jaang` dié~.

⁷ Jo quiá^- e fí lí~ tée~naa' ca' jí do nisea` tú~ 'ní jmáang~ uø~ quiá^- jaang` dseata~ dsea` féng^ i niseeng` fí Malta i sii` Publio. Jo í eám' guiá~ ca'íñ` jnea^ jogui cajmicóo'r~ jnea^ lajee~ 'ní jmií e cajé^naa' fí do. ⁸ Jo ie~ jo` tiquiá^

ī Publio do niráaiñ` dsée'r~ e líiñ' jmoñuñ' e iu~ guíiñ^ jogui e eáang' siuiñ'. Joba' cangó- Paa- e cango'eer~ dsea` do. Jo mi~ caguiér- fí jo, camir' Fidiée~ uii~ quía'- dsea` do. Jo lí- jo, caquidsir' guóor' fí mogui~ dsea` do, jo lajob cajmi'leáaiñ- dsea` do. ⁹ Jo mi~ caliñí jaléng'gui dsea` dsée~ i niseeng` e fí do e ca'láang- i tiquía'^ Publio do, jo cangolíim-bre fí lí- táang` i Paa- do e laco' dsea` do nijmi'leáang-neiñ' lajii~ jmoñuñ' e líiñ'. Jo lajalém'biñ' do ca'láaiñ- ie~ jo. ¹⁰ Jo lajiiñg` i dsea` do eáam' cali'iaang` dsíir' cóo~ jnea^, jogui cajmicóo~r~ jnea^ cajo lajee~ gaang` si' e cataang`naa' fí Malta do. Jo mi~ cangí jo, mi~ cangotóo~túu' fí calé' catú-, cajmicóo~bre jnea^ cajo cóo~ jalé' e 'né- quí-naa' guía'^ fí lajee~ e téé~naa' fí ngóo'naa' fí Roma.

Mi~ caguié- Paa- fí Roma

¹¹ Jo mi~ cangó-naa' fí jo, téé~naa' fí cóo` móo' e jíé' e nicajé' fí Malta lajee~ jii` guíi- ; jo e móo' do nijáa' fí cóo` oo- jmiñ' e sii` Alejandría. Jo jéeng` gáang` diée~ dsea` suung~ i líi~, jaang` i sii` Cástor jogui jaang`gui i sii` Pólux. ¹² Jo ca'uøø-baa' fí Malta, jo cato'-túu' fí e ngóo'naa' fí Roma. Jo mi~ cangí jo, caguié-naa' fí cóo` fii' lí- sii` Siracusa, jo fí job cajá-naa' 'ni' jmiñ'. ¹³ Jo fí job ca'uøø-túu' e téé~naa' dsíi' móo', jo cangó-naa' la tóo` 'ni' jmiñí'^ cartí caguié-naa' fí cóo` fii' e sii` Regio. Jo mi~ cajneá- e jmiñ jo, có' lí' lí' uøøb- jó' guí, jo mi~ cajneá- cóo'gui jmiñ lajob caguié-naa' cóo'gui oo- jmiñ lí- sii` Puteoli. ¹⁴ Jo fí job cají'- rú-naa' cóo~ jaang` gáang` dsea` quía'- Dsea` Jmáang-. Jo íb` cató'- jnea^ e cajé-naa' cóo~r~ fí jo lajee~ cóo` seaman~. Jo tá'-jiu lajob caguié-naa' cartí Roma. ¹⁵ Jo jaléng' dsea` quía'- Dsea` Jmáang- i neáang' fí Roma niñi'bre júu^ quí-naa' e téé~naa' fí. Joba' cangolíiñ^ e cangojmiñí' jnea^ cartí cóo` fii' lí- sii` Foro de Apio jogui fí cóo'gui lí- sii` Las Tres Tabernas. Jo mi~ caneeng~ rú-naa', dsifí ladob cacuø' Paa- guí'máang~ Fidiée~, jogui eáam' cali'iaang` dsíir' cajo. ¹⁶ Jo mi~ caguié-naa' fí Roma, cacuøb` i 'lée- do fí e nigüea` Paa- quía'- dsea` jíéng', jogui e jaam` 'lée- i nijmé-gui í' ír`.

Lajee~ táang` Paa- fí Roma

¹⁷ Jo mi~ cangí 'ni' jmiñ lajo e caguié- Paa- fí Roma, joba' camir' fí e calité'^ jaléng' dsea` quie' nifí quía'- dsea` Israel i neáang' fí Roma do. Jo mi~ tí lí- caseáng' í lajiiñ' fí jo, joba' lalab casí'- Paa- jaléng' í:

—Dsea` góo'naa', ja` e mí jmé- jnea~ jii~ cóo` e ga` uii~ quía'- dsea` góo'oo' dsea` Israel o'gui cóo~ jalé' e títng` jaléng' 'líi~ yúu' quí-ii'. Dsu' fí Jerusalén cajáng' dsea` góo'oo' dsea` Israel jnea~ fí jaguó` dsea` romano, ¹⁸ jo mi~ cangí e cajmingí'- i dsea` romano do jnea~ jalé' e 'náng` dsea` góo'oo' jnea~, cali'iiñ' fa' mi~ caleáam`bre jnea~ có' ja` e uiing~ sea` quie' e fa' dsí' í' e nijmeáiñ' jnea~ cartí nijúun-n. ¹⁹ Jo có' dsea` góo'oo' ja` cali'iiñ' fa' e caleáang`tu i dsea` romano do jnea~ e júu^ røø, joba' cali'iing~ jnea~ 'ñiá'a e i dseata~ dsea` féng' i guing~ fí Romabing' i niquidsí' í' quie'-e, nañí fa' ja` e dsee- sea're' quie'-e jii~ cóo~, o'gui sea` jii~ cóo` dsee- fa' e ni'náng~ jnea~ dsea` góo'oo' cajo cuaiñ~ quía'- jalé' e júu^ jo. ²⁰ Jo uiing~ e joba' e catøø-ø 'nú' fí la e laco' niliñí'na' jogui nisii'naa' coliiñg~ e~ uiing~ e 'ñúun~n la lana, có' uiing~ e já'- lán'n e nicagüéng- i sii` Dsea` Jmáang- do fí jmiñgüí la, jo íb` dsea` i sijeeng~ jaléng' dsea` góo'oo'.

²¹ Jo cañí i dsea` do quía'- Paa- jo cajíñ'- casí'-reiñ':

—Jii~ cóo` jì ja` mí calíng'- jnea^ e jáa' fí Judea fa' e fé' uii~ quíi-, o'gui jii~ jaang` dsea` rú-naa' dsea` Israel i nigüilíng- fí la fa' nicajíñ'- júu^ ga` uii~ quíi'- cajo. ²² Dsu' ii~naa' nú-naa' júu^ quíi'- lana quía'- jalé' e í' o', có' ne~baa' guíá- doñí' jieb' fé' dsea` ga` quía'- jaléng' 'nú', dsea` cúing`na' Dsea` Jmáang-.

²³ Jo lajob cajméer, catéer- cóo` jmiñ lí- niseáng' jaléng' dsea` Israel e fí lí- guing~ Paa-. Jo mi~ tí lí- nisiseáng' lajiiñg` dsea` fí do, joba' canaang` Paa- e

guiar' júu^ fí jee~ i dsea` do quiá'- jial iing~ Fidiéé' nicár` nifí' quiá'- lajaang` lajaang` dsea` jmigüí. Jo guía' Paa- e júu^ do tí la'eeb` jo cartí ca'lóo-. Jo sír` i dsea` do e laco' já'- nilíñ` júu^ quiá'- Jesús la'eéang' cóo' júu^ quiá' ta~ quiá'- dsea` Israel e cajme' Moí~ cóo'~gui jalé' e fé' fí' ni~ jì' quiá'- i dsea` i café' cuaiñ~ quiá'- Fidiéé' malí~gui eéang'. ²⁴ Jo i lüing~ i dsea` do jáb'- calíñ` e júu^ e guía' Paa- do, jogui calisémbi cajo i ja` calijí'~ e júu^ jo. ²⁵ Jo co' ja` røø` síng` i dsea` do laca'ling' ca'íñ'~ quiá'- lajüí'~ e júu^ e guía' Paa- do, joba' canaañ` dsilím`bre. Jo lalab casí'- Paa- i dsea` do:

—Lanab dseéang'- cajíng'- Jmiguí' quiá'- Fidiéé' casí'r- 'lí~ dsea` cóøng'~ qui' naa' la'eéang' cóo'~ jaang` dsea` féng' i café' cuaiñ~ quiá'- Fidiéé' malí~gui eéang' i sií' Saií^ mi~ cajíñ'- lala:

²⁶ Gua~ jo güisí'~ jaléng' dsea` Israel e nañí' fa' jialgui e ninúr- dsu' ja' iñ~ ningáñ' jüí'~ coo`;
jogui nañí' fa' jialgui e nijøør-, dsu' ja' iñ~ ninír' jüí'~ coo`.

²⁷ Co' dsíng'- ja' iing~ jmitíng' jaléng' i dsea` í`
jogui ja' lí'r' í' dsír' røø`
jogui jnir' loguar~ cóo'~gui jminir' cajo e laco' ja' lí'r' núur` o'gui jøør- o'gui lí'r' ningáñ' cajo.

Jo lajob ja' lí'r' niquí'- jíng' yaaiñ~ fí' quinií-
e laco' jnea~ quí'- jmí~ nijmi'leáan`nre jóng.

Jo lanab lí' júu^ quiá'- Saií^ e cajme'r' malí~gui eéang'. ²⁸ Jogui güilíñ' b` 'ná' guíá- e latí lanab ninaan- niguiaa- júu^ quiá'- Dsea` Jmáang- jee~ jaléng' dsea` i ja` lüing' dsea` góo'oo' dsea` Israel quiá'- jial nileéang- Fidiéé' ír' jee~ jalé' dsee- quiá'r-, jo i dsea` í' iim~bre núr- e júu^ jo.

²⁹ Jo mi~ cangí e cajíng'- Paa- e júu^ jo, gui'nang'~ uøøm`bi i dsea` Israel do e jmigüíng- rúíñ' lajee~ yaaiñ~, co' ja' røø` síñ`.

³⁰ Jo mi~ cangí jo, caje'bi Paa- tú- jíng'gui e fí' 'núu' lí' quí'r' do e sí' fí' Roma. Jo fí' job íñ' jaléng' dsea` i dsilíng- i dsí'ee' ír'. ³¹ Jo dseéang'- eám' ja' 'gó'r' guiar' e júu^ do quiá'- jial iing~ Fidiéé' nicár` nifí' quiá'- lajaang` lajaang` dsea` jmigüí. Jogui e'guir jaléng' i dsea` i guilíng- do cajo jalé' júu^ quiá'- Fí'naa' Dsea` Jmáang-. Jo jüí'~ jaang` dsea` ja' ií' jnáng' quiá'r- fa' ja' cuøøng' jmér- lajo.
Jo lanab jüí'~ lí' júu^ e cajme' Lucas e catíng- Teófilo.

Júu[^] e tōo[~] fí[˘] ní[˘] jí[˘] quiá[']- Paa⁻ e catíng⁻ dsea[`] seeng[`] fí[˘] ROMA

¹ Jnea[~] Paa⁻ lín^{'n} jaang[`] dsea[`] i jmóo[`] lajii['] e iing[~] Dsea[`] Jmáang⁻. Jo Fidiée[˘]bing['] i cató^{'^} jnea[~] e laco['] ca'uín⁻ⁿ jaang[`] dsea[`] apóo[^] i óo[`] ta[~] quiá^{'r}- jogui caguíñ['] jnea[~] e laco['] niguiaa⁻ júu[^] quiá[']- Dsea[`] Jmáang⁻ quiá[']- jiallaang[`] dsea[`] jee[~] jalé['] dsee⁻ quiá^{'r}-.

² Jo nicajméeb['] Fidiée[˘] júu[^] quiá[']- jalé['] e júu[^] quiá[']- Dsea[`] Jmáang⁻ na lamí[˘] jéeng[']gui la'eáang['] cóo^{'~} jalé['] jí['] e cajme['] jaléng['] dsea[`] i nicafé['] cuaiñ[~] quiá^{'r}- malí[˘]gui eáang[']. ³⁻⁴ Jo e júu[^] jo fé['] cuaiñ[~] quiá[']- Fí[']naa['] Dsea[`] Jmáang⁻ i líng['] Jóo['] Fidiée[˘]. Jo dsea[`] do cajar⁻ fí['] jmigüí['] la e líiñ['] jaang[`] dsea[`] jmigüí['], dsaco['] líiñ['] dsea[`] siju[˘] dseata[˘] Daví^{'^}. Dsa['] cajmijnéeng['] Fidiée[˘] e la'eáang['] cóo^{'~} Jmiguí['] quiá^{'r}- 'ñia[']bre e Fí[']naa['] Dsea[`] Jmáam⁻bing['] líng['] i Jóor['] camíng['] i dsíng[']- 'gøng['] do. Jo cajmijnéiñ['] lajo ie[~] lamí[˘] cajmijí[']tur i Jóor['] do jee[~] jaléng['] 'lí[˘].

⁵ Jo la'eáang['] cóo^{'~} Dsea[`] Jmáang⁻, jogui uí['] e eáang['] guiúng⁻ Fidiée[˘], joba['] cacuø^{'r} jnea[~] e ta[~] laniing⁻ la e ca'uín⁻ⁿ jaang[`] dsea[`] apóo[^] quiá^{'r}- Jo lín^{'n} lajo e laco['] niguiaa⁻ júu[^] quiá^{'r}- jee[~] jaléng['] dsea[`] jmigüí['], jo lajoba['] nijá[']- líng['] dsea[`] jogui nijmér⁻ núu^{'r} e júu[^] quiá[']- dsea[`] do. ⁶ Jo jee[~] jaléng['] i dsea[`] í['] quíim['] 'nú['] cajo, dsea[`] i cató^{'^} Fidiée[˘] e laco['] ca'uíng⁻na['] dsea[`] quiá^{'r}- . ⁷ Jo e jí['] la catíng⁻ 'nú['], dsea[`] rú[']naa['] dsea[`] quiá[']- Dsea[`] Jmáang⁻ i seeng[`] fí['] na fí['] Roma. Jo eám['] 'neáang['] Fidiée[˘] 'nú['] jogui nicaguíñ['] 'nú['] e ni'uíng⁻na['] dseáng[']- dsea[`] quiá^{'r}- . Jo mii['] i Tiquí[']ií['] Fidiée[˘] cóo^{'~}gui Fí[']naa['] Dsea[`] Jmáang⁻ e ni'ír⁻ güea^{'^} quiá^{'r}- jee[~] jaléng['] 'nú['], jogui e nicuø^{'r}- 'nú['] e seeng[']na['] juguíá⁻ júu[^] røø['].

Lajee[˘] e iing[~] Paa⁻ dsí[']eer[~] dsea[`] quiá[']- Dsea[`] Jmáang⁻ i seeng[`] fí['] Roma

⁸ Jo la'uii[~] júu[^] quié['] e e fí[']-guí['] 'nú['], dsea[`] rú[']naa['] dsea[`] quiá[']- Dsea[`] Jmáang⁻, quiá[']- e cuøøø['] gui'máang['] Fí[']i Fidiée[˘] uii[~] quí[']-na['] lajüng[']na['] la'eáang['] cóo^{'~} Fí[']naa['] Dsea[`] Jmáang⁻, dsaco['] fí['] la fí['] na fé['] dsea[`] jial e já[']- líng[']na['] júu[^] quiá[']- Dsea[`] Jmáang⁻ e car['] ngocáng['] óo[']na[']. ⁹ Jo guiáb⁻ niñí['] Fidiée[˘] e laco['] ya['] mí['] fón[']nre, mii['] ire uii[~] quí[']-na[']. Jo jnea[~] jmóo^{'o} dseáng[']- e ngocáng['] dsii[']- lajii['] e iing[~] dsea[`] do e guiaa⁻ e júu[^] quiá[']- i Jóor['] Dsea[`] Jmáang⁻ do. ¹⁰ Jogui mii[']-bí['] yejí['] Fidiée[˘] cajo e song e íáang['] dsír['] e nicuø^{'r}- jnea[~] fí['], joba['] ninií['] e ni'ee['] e 'nú['] jóng. ¹¹ Jo eám['] iin[~] e nijmee[~] e lajo e laco['] cuøøng['] e nijmicóo^{'~} 'nú['] cóo^{'~} jalé['] e guiá['] e ngíng[']naa['] e cuø['] Fidiée[˘] jneaa[']aa['] la'eáang['] cóo^{'~} Jmiguí['] quiá^{'r}- . Jo la'eáang['] cóo^{'~} jalé['] e joba['] e nisíng[']-gui['] teá['] fí['] guiá['] cóo^{'~} Dsea[`] Jmáang⁻; ¹² jo laco['] cuøøng['] fá[']a e nijmicóo^{'~}gui rú[']naa['] la'eáang['] e já[']- lí[']naa['] júu[^] quiá[']- Dsea[`] Jmáang⁻.

¹³ Jo eám['] iin[~] e ní[']na['], dsea[`] rú[']naa['] dsea[`] quiá[']- Dsea[`] Jmáang⁻, e jmiguiáb['] ya['] nicalí['] dsii['] e ninií['] i fí['] na e ni'ee['] e 'nú['], dsa['] cartí['] lana jmiguiáb['] e nicajníng['] quíé['] e, joba['] ja['] mí['] calí['] fa['] e nicagá[']-a fí['] na. Jo uing[~] quiá[']- e ninií['] i fí['] na e laco['] nijmicóo^{'~} jaléng['] i dsea[`] na e laco['] ni'uíñ['] dsea[`] quiá[']- Dsea[`] Jmáang⁻ lí['] laco['] jí['] e nicalí['] fí['] góo['] dsea[`] lí['] jíé[']. ¹⁴ Co['] 'né['] e niguiaa⁻baa júu[^] quiá[']- Dsea[`] Jmáang⁻ jee[~] jaléng['] dsea[`] i neáang['] fí['] góo['] dsea[`] cóo^{'~}gui jaléng['] dsea[`] i neáang['] fí['] jee[~] mó['] lí['] huí['], jogui jee[~] jaléng['] dsea[`] i tíng['] jí['] cóo^{'~}gui jee[~] dsea[`] i ja['] líng['] lajo; ¹⁵ joba['] dsíng[']- iin[~] e ninií['] i fí['] na fí['] Roma e laco['] niguiaa⁻ júu[^] quiá[']- Dsea[`] Jmáang⁻ jee[~] jaléng['] 'nú['], dsea[`] neáang[']na['] fí['] na.

Jial 'gøng['] júu[^] quiá[']- Dsea[`] Jmáang⁻

16 Jo fii~guíi 'nú', dsea` rú'naa' dsea` quiá'- Dsea` Jmáang-, jnea~ dseáng'- eáam' nita~ dsii- cóo'~ júu^ quiá'- Dsea` Jmáang-, co' la'eáang' cóo'~ e júu^ 'gøng' do niqúíi~ Fidiée~ jmíi~ e nileáiñ- jaléng' dsea` jee~ jalé' dsee- quiáiñ'. Jo la'uii~ catíng- lajo jaléng' dsea` Israel, jogui lajobi cajo jaléng' dsea` i ja` líng' lajo. 17 Jo e júu^ quiá'- Dsea` Jmáang- na e' jneaa~aa' e nica'íng' Fidiée~ jneaa~aa' e lí'naa' dsea` i ja` røøng` dsee- fí' quinir' la'eáang' e já'- lí'naa' júu^ quiá'r-, jo jo` ee` 'né- jmó'guíi' e jié'gui, co' lalab fé' fí' ni~ jì' quiá'r-: "Jo la'eáang' e já'- líng' jaang' dsea` júu^ quiá'- Fidiée~, joba' Fidiée~ íñ' i dsea` í e líiñ' jaang' dsea` i ja` røøng` dsee- fí' quinir'."

Jalém' dsea` jmigüí' óor` dsee-

18 Jo nínee~ jøø'baa' e Fidiée~ i guíng~ fí' ñiff-, íb` i guíng- quiá'- jalé' e ja` dseeng' cóo'~ gui jalé' e 'lí' e jmóo` dsea', dsuco' cóo'~ jalé' e 'lí' e jmóo` jaléng' i dsea` í, jñíiñ' quiá'- jaléng' dsea` rúíñ' i íng~ nilicuíi' júu^ sea` contøøng- quiá'- Fidiée~. 19 Co' lajalé' e cuøøng` niliñí' dsea` quiá'- Fidiée~, guiáb- niñí' jaléng' i dsea` í, co' 'ñiab' Fidiée~ nicajméer` e nicaliñí' jaléng' dsea` jmigüí' lajalé' e jo. 20 Co' lajii'~ lati' mi~ canaang' uuiñ~ jmigüí', lajii'~ e líng' Fidiée~ e ja` quíi'~ dsea` jmíi~ niliñir', fa' la e 'gøíñ' e sea` lata` jogui e dseáng'~ jii'~ íbre líiñ' Fidiée~, jo lajalé' e jo cuøøng` niliñí' dsea` la'eáang' cóo'~ jalé' e nicajméer` fí' la'úng- fí' jmigüí'. Joba' jaléng' i dsea` í ja` cuøøng` fa' e nífé'r e ja` caliñir' e seeng' Fidiée~. 21 Jo nañí' fa' niñí'bre e seeng' Fidiée~, dsu' ja` cajmi'gór` dsea` do laco' catíng-, o'gui cacuø'r` dsea` do gui'máang'~ cóo'~ jalé' e guiá' e nicajmée` dsea` do. Dsu' o' lajo, co' lí' lí' í' dsíir' jmang'~ júu^ e ja` uíng~ seab, jogui nicajnáb- moguir~ fa' e ni'í- dsíir' jalé' e guiá'. 22 Co' fé'r` yaaiñ~ e líiñ' dsea` i tíng` eáang', dsu' o' já'- lajo, co' íib` líiñ'. 23 Dsuco' jo` jmiféiñ' Fidiée~ i 'gøng' i seeng' car` ngongíi' jmíi~, jo nicanaiñ` cajmeáiñ` diée~ quiá'r- cóo'~ guóor` i líng~ la líng' dsea` jmigüí' osi i líng~ la líng' ta' é, osi i líng~ la líng' jó' quiú' tí- é, osi i líng~ la líng' jaléng' jó' i dsijñúung` uø- é; jo lajaléng' íb` i cajmiféiñ' e lafa' e nijmiféiñ' Fidiée~.

24 Jo uíi'~ e jmóo` i dsea` do jalé' e 'lí' do, joba' Fidiée~ nicaúúum- bre jaléng' í e laco' nijméiñ'- do jalé' e 'lí' jo e lí' dsíir', co' eáam' ga` beáng' dsee- yaaiñ~ lajee~ la'ó' yaaiñ~. 25 Dsu' lafa' e nijmitir~ lajii'~ e júu^ quiá'- Fidiée~ e sea` contøøng-, jo lico' jmitir~ lajii'~ júu^ e o' jáb'-, jogui jmi'gór` jogui jmiféiñ' lajii'~ e sea` fí' jmigüí' e cajmée' Fidiée~ e lafa' e nijmiféiñ' 'ñaia' Fidiée~ i cajmée' jalé' e jo. Co' jii'~ dsea` íb` i catíng- i nijmiféng' dsea` car` ngongíi' jmíi~. Jo lajob` né' lí'.

26 Jo uíi'~ e jmóo` jaléng' i dsea` do lajo, joba' Fidiée~ nicaúúum- breiñ' do e laco' nijméiñ'- jalé' e 'lí' e lí' dsíiñ' do e quí'~ tíiñ' jmóor`. Dsuco' la quie' cartí' jaléng' dseamí' nicaúúum- bre lajii'~ e catíng- jmóor` cóo'~ jaléng' dseañu', jo nicanaiñ` jmóor` lajo lajee~ la'ó' dseamíiñ-. 27 Jogui lajobi cajo cajmée' jaléng' dseañu', nicaúúum- bre lajii'~ e catíng- jmóor` cóo'~ jaléng' dseamí, jo nicanaiñ` e jo` téeiñ- yaaiñ~, co' nijmóor` lajii'~ e ja` catíng- nijmér- lajee~ la'ó' dseañuiñ'. Jo la'ó' dseañu' bre nijmóor` lajii'~ e 'lí' rúíñ', joba' fí' ngúú' táam' jaléng' i dsea` la'í' íñ' iihuí' e jáa' quiá'- Fidiée~ uíi'~ e jmóor` jalé' e 'lí' lajo.

28 Jo co' jo` íng~ gui dsea` fa' e nijmicuíiñ' Fidiée~, joba' Fidiée~ nicaúúum- bre jaléng' í, jo jo` jñíiñ' quiáiñ'- do e ni'í- dsíiñ' jalé' e 'lí' e já- dsíiñ', jo cóo'~ jalé' e í' dsíiñ' do canaang' jmóor` jalé' e ja` dseeng' e ja` catíng- nijmér-. 29 Jo jaléng' i dsea` í jmóor` laji' íng'~ e ja` dseeng' e sea` fí' jmigüí', jogui jmóor` laji' íng'~ e lí' dsíi' ngúú' táaiñ~, jogui eáam' jmáiñ' ga' jaléng' dsea` rúíñ', jogui eáam' dsihuíiñ' quiá'- jaléng' dsea` rúíñ', jogui jmóor` ta~ jngang' jaléng' dsea` rúíñ', jogui jmóor` ta~ tíng', jogui jmigóøiñ' dsea` rúíñ', jogui contøøm- í' dsíir'

e ga` quiá^- dsea` rúin^, jogui jmóor` ta~ quié` adsee, ³⁰ jogui fé'r` júu^ ga` quiá^- jaléng` dsea` rúin^, jogui 'ní' ním-bre Fidiéé, jogui ja` i^ líin^- cóo^` jalé^ e ga` e jmóor, jogui fé'r` júu^ róo^- uii~ quiá'r^- yaaiñ, jogui eám' jmi:løng^ yaaiñ jee~ jaléng^ dsea` rúin^, jogui 'nó'r' jial nijmi'uíin^- jalé^ e ja` dseeng, jogui ja` jmóor` náu'r~ lajii~ ta~ quiu^ dsea` cøng^ quiá'r^, ³¹ jogui ja` iin~ e ningáin^ lí^ doñi' ee` e guiá~, o'gui jmitir~ jalé^ júu^ e fé'r, jogui ja` 'neáaiñ` jaléng^ dsea` rúin^, jogui ja` tiiñ` iin^- dsee^- quiá^- jaléng^ dsea` rúin^ o'gui fi^ líin^- jii~ jaang^ dsea` rúin^ cajo. ³² Jo jaléng^ i dsea` la'í niñi'bre guiá~ e Fidiéé` nicacuør` júu^ quiá'r^- e doñi' iin^- dsea` i jmóo` lajo, dseáng^` -né^- e nijúum-bre. Dsu' ja` ee` lí^ e niñir' lajo, dsu' mi' 'noo'bi jmóor` jalé^ e ja` dseeng` lajo, jo jiguí cartí` iáang` dsí'bre mi~ jmóo` jaléng^ dsea` jiéng^ e ga` lajo.

2

Fidiéé`bing' i quidsi' í' laco' catíng^- quiá^- lajaléng^ dsea` jmigüi'

¹ Joba' fi-guú` 'nú', dsea` rú'naa', iin^- 'nú' cuø'na' dsee^- dsea` rúng'na', ja` e lí^ iin^- líng'na', dsu' mi~ jmoo'na' lajo, yaam~ba' cuø'na' dsee^- yaang~na' jóng, dsuco' 'nú' jmoo'na' ga` lí^ laco' la jmóo` i dsea` íb` cajo. ² Jo nine~baa' røø` e laco' catíng^- quidsi' Fidiéé` í' quiá^- lajaléng^ dsea` i jmóo` e ga` lajo. ³ Dsu' 'nú', dsea` cuø'na' dsee^- jaléng^ dsea` rúng'na', ja` güi'f` óo'na' fa' e ja` niquidsi' Fidiéé` í' quiá^- na' laco' catíng^, co' 'nú', røøb` jmoo'na' cajo laco' jmóo` jaléng^ i dsea` i jmóo` e ga` lajo. ⁴ Jo eám' guiúng^- Fidiéé` cóo^` 'nú', jogui eám' féng^ dsíir' cajo. Jo uii~ e eám' guiúin^- do, joba' nisijeeiñ` 'nú' cartí` niquí^- jíng^ yaang~na' fi' quinir~. Dsu' 'nú', ja` iing~na' jmée'na' cuente jial tí' guiúin^- cóo^` 'nú'. ⁵ Jo co' jaléng^ 'nú' eám' ue' óo'na' jogui ja` iing~na' fa' e niquí^- jíng^ yaang~na' fi' quini^- Fidiéé~, joba' eám' nijmi'míng^na' jalé^ iihuú' e catíng^-na' mi~ nití^- í^ e niquidsi' Fidiéé` í' laco' catíng^- quiá^- lajaang` lajaang` dsea` jmigüi'. ⁶ Co' ie~ jmii~ job mi~ niquir^- quiá^- lajaang` lajaang` dsea` lí^ jialco' jii~ e nica'éé` dsea` lajee` e seeiñ` fi' jmigüi' la. ⁷ Jo jaléng^ dsea` i 'nó' jial e nifé' Fidiéé` guiá^- uii~ quiá'r^- jogui jial e niñiñ` quiá^- dsea` do jalé^ e jlo^ e catíin^- jogui jial e niliseeiñ` lata~ uii~ e cuø' dsíir' e jmóor` jalé^ e guiá~, joba' lajaléng^ dsea` i jmóo` lajo, Fidiéé` nicuø'r^-bre jaléng^ í^ e niliseeiñ` cøng` cóo'r~ lata~. ⁸ Jo dsu' lajaléng^ dsea` i jmóo` lajii~ e lí^ dsíir' yaaiñ` jogui ja` náu'r~ jalé^ ta~ huí', co' lí^ lí^ tiguí dsíir' e jmóor` jalé^ e ja` dseeng, jo uii~ joba' Fidiéé` eám' nisiguiñ` quiá^- jaléng^ í^, jo iihuú' e eám' nicuø'r^- reiñ!. ⁹ Joba' jaléng^ i dsea` i jmóo` jalé^ e ga` lajo, eám' fi'í^ niliñ^- cóo^` jalé^ iihuú' e ni'íñ` e jáa' quiá^- Fidiéé~, jo jee~ jo quiéeng` jaléng^ dsea` i líng^ dsea` Israel jogui dsu' lajobi cajo jaléng^ dsea` i ja` líng^ dsea` Israel. ¹⁰ Dsu' jaléng^ i dsea` i jmóo` jmang^- jalé^ e guiá~, 'ñiab' Fidiéeb^- nicuø'r^- jaléng^ í^ jalé^ e jlo^ e catíin^, jogui nifé'r` guiá^- uii~ quiáin^, jogui nicuø'r^- e niliseeiñ` juguiá^- contøng^- cajo. Jo jee~ jo quiéeng` jaléng^ dsea` Israel, jogui dsu' lajobi cajo jaléng^ dsea` i ja` líng^ dsea` Israel. ¹¹ Co' Fidiéé` ja` cár` cuente jial líng^ dsea`, co' røøb` lí'naa' lajii~naa' fi' quinir~.

¹² Jo jaléng^ dsea` i ee` dsee^- e ja` mi' calicuír` e júu^ quiu^ ta~ quiá^- Moi~, joba' mi~ nití^- í^ e júuin^- ja` ni'íñ` í^ quiá'r^- la'eáang` cóo^` e júu^ quiu^ ta~ do; jo dsu' jaléng^ dsea` i ee` dsee^- nañi' fa' nicuú'bre jial fé^ e júu^ quiu^ ta~ do, joba' mi~ nití^- í^ e júuin^, cóo^` e júu^ quiu^ ta~ dob ni'íñ` í^ quiá'r^- laco' catíng^-. ¹³ Co' ja` ni'íng^ Fidiéé` jaléng^ i dsea` i lico' núu` e júu^ quiu^ ta~ do e líiñ` dsea` i ja` røøng` dsee^- fi' quinir~, dsuco' lajii~ dsea` i jmóo` náu~ laco' fé^ e júu^ jo, jii~ í'bing^ i ni'íng^ Fidiéé` e líiñ` dsea` i ja` røøng` dsee^- fi' quinir~. ¹⁴ Jo jaléng^ dsea` i ja` líng^ dsea` Israel ja` sea` quiá'r^- e júu^ quiu^ ta~ do; dsu' mi~ jmóor` laco' fé^ e júu^ quiu^ ta~ do, jmóor` jii~ laco' í^ dsíir' yaam~bre, joba' lafa' yaam~bre sea`

júu[^] quiu' ta~ quiá'r- jóng. ¹⁵ Dsuo' cóo'~ lajalé' e jmóor` do cuø li~ quiá'r- e dseáng'- fí dsí'bre sea` jalé' e júu[^] quiu' ta~ do. Co' cóo'~ jíi' e í dsír' yaaiñ` do nija' júu[^] quiá'- jalé' e jo, jogui cajo cóo'~ jalé' e í dsír' do ni'níng- ír` osi nijmi'øng' ír` é. ¹⁶ Jo nidsijé' lajalé' e jo lí' laco' cafá'- a na mi~ niguiéé' jmi~ e Fidiéé' ni'ír- í' lí' jialco' ca'f dsí' dsea` jogui jialco' cajméer` lí' ja` ní dsea` jiéng'. Jo nijmér- lajo la'eáang' cóo'~ Fí'naa' Dsea` Jmáang' lí' laco' jíi' lí' e júu[^] e guia' jnea~.

Jial seeng` dsea` Israel cóo' e júu[^] quiu' ta~ quiá'r- e cajme' Moi~

¹⁷ Jo fíi-guú jaléng' 'nú', dsea` fó'na' e líng'na' dsea` Israel jogui e teá' teáang'na' cóo'~ júu[^] quiu' ta~ quiá'- Moi~ jogui e jmiyløng' yaang~na' dsu' uí' e líng'na' dsea` siguáng' quiá'- Fidiéé'; ¹⁸ jogui fó'na' cajo e niñí'bi' lajíi' e iing~ Fidiéé' e nijmée'na', jogui e júu[^] quiu' ta~ do jmicóo'~ 'nú' e niguí'na' jnang~ e guiá- e nijmée'na', ¹⁹ jogui e dseáng'- nitab~ óo'na' e nilí'ba' nijmicóo'na' jaléng' dsea` i lafa' tiuung- uí' e ja` já'- líiñ' e seeng` jaang` Fidiéé', jogui fó'bi' cajo e lí'bi' nijmicóo'na' jaléng' dsea` i seeng' fí lí' nuu` sò' uí' e eáang' beáng' dsee- yaaiñ~; ²⁰ jogui fó'na' cajo e nitab~ óo'na' e lí'ba' é'na' jaléng' dsea` i ja` lí' gui' jnang' jalé' e guiá- e nijmér-, jogui e tiiim'ba' jmée'na' lajo cajo cóo'~ i dsea` i tá' caliñí' e júu[^] quiu' ta~ quií'na' do, dsuo' e fí ni~ júu[^] quiu' ta~ do í óo'na' e fí job lí' sea` uiing~ e laco' tíing'na' ngáng'na' jogui e laco' líi'na' jalé' júu[^] já'- . ²¹ Joba' fíi- i jaléng' 'nú' e 'núb' e'na' jaléng' dsea` jiéng', jo dsu' eáang'gui' né- e nijmitíng'na' yaang~na'; jogui 'nú' guia'na' júu[^] jee~ jaléng' dsea` e ja` dseeng' e jmóo' dsea` íi, jo dsu' cuøøng' 'nú'bi' jmoo'na' íi quiá'- dsea` rúng'na'; ²² jogui fí'na' dsea` e ja` dseeng' e 'léé' dsea` e güiñ` cóo'~ i o' quiá'r-, jo dsu' cuøøng' 'nú'bi' jmoo'na' jalé' e ja` dseeng' lajo; jogui 'ní' máang'na' jaléng' diéé~ i jmáang' dsea` cóo'~ guóor', dsu' cuøøng' 'nú'bi' jmoo'na' íi jalé' e sea` fí sinúu' guá'- quiá'- jaléng' i diéé~ do; ²³ jogui eáang' jmiyløng'^ yaang~na' quiá'- e júu[^] quiu' ta~ quiá'- Moi~ do, jo dsu' ja` jmi'goo'na' 'ñia' Fidiéé', co' ja` jmoo'na' núu'na' jalé' e júu[^] quiu' ta~ do. ²⁴ Co' e jáb'- e líng~ uiim~ba' e fé' fí ni~ jì quiá'- Fidiéé' lala: "Jaléng' dsea` i ja` líng' dsea` Israel gab' fé'r' uii~ quiá'- Fidiéé' uí' cóo'~ jalé' e ga' e jmoo' 'nú', dsea` líng'na' dsea` Israel."

²⁵ Dsuo' e jáb'-, doñí' íi 'nú' i núu' e júu[^] quiu' ta~ quiá'- Moi~ do, seab' lí' íing^ ta~ quií'na' e tóo' lí' fí ngúu' táang'na' lí' laco' la líting'naa', dsea' lí'naa' dsea` Israel. Jo dsu' song ja` núu'na' e júu[^] quiu' ta~ do, joba' ja` e ta~ íing^ quií'na' jóng e tóo' lí' fí ngúu' táang'na' do. ²⁶ Jo song íi 'nú' ja` mí' cató- lí' fí ngúu' táang' jo dsu' jmití'ba' lajíi' e júu[^] quiu' ta~ do, joba' Fidiéé' ím'bre 'nú' jóng lafa' jaang' dsea` i nicató- lí' fí ngúu' táang', nañí' fa' ja` mí' calí're lajo. ²⁷ Jo i dsea` i ja` tóo' lí' fí ngúu' táang' dsu' jmiti~bre e júu[^] quiu' ta~ do, joba' cóo'~ i dsea` í cuø lí' e jaléng' 'nú', dsea` líng'na' dsea` Israel, oo~ba' dsee- fí quini' Fidiéé'. Co' nañí' fa' nicatób- e lí' do fí ngúu' táang'na' jogui e seab' quií'na' e júu[^] quiu' ta~ do, dsu' ja` jmití'na' laco' fé' e júu[^] jo.

²⁸ Dsuo' e jáb'-, lajob lí', jíi' jaang' dsea` líiñ' dseáng'- dsea` Israel dsu' uí' e jmóor' jíi' e qui' tíing' dsea` áang' quiá'r- fa' e tóor' lí' fí ngúu' táaiñ`. ²⁹ Dsuo' i dsea` i dseáng'- já'- líng' dsea` Israel, fí dsí'bre lí' líiñ' lajo, jogui e qui' tíiñ' e jmóor' lí' fí ngúu' táaiñ' do, o' fí jo lí' né- jmér- lajo, co' lafa' fí dsí'bre lí' nitóo' e lí' do lana, co' dsea` quiá'- Dsea` Jmáang- nilíiñ', jo Jmiguí' quiá'- Fidiéé' dsea` jmóo' lajo, jo o' júu[^] quiu' ta~ quiá'- Moi~ e jmóo' lajo. Jo i dsea` i líng' lajo, Fidiéé'bing' i fé' guiá- uii~ quiá'r- jo o' dsea` jmi'güi' i fé' lajo.

3

¹ Joba' ¿su guiú-gui e lí'naa' dsea` Israel, jogui su e quíng'gui quí-ii' e tóo' lí' fí' ngúu' táang'naa' lí' laco' quí'- tñ'naa'? ² E jáb'-, lajob lí', co' jmiguiab' uiing~ sea' e guiú- e lí'naa' dsea` Israel, jo e laba' e niing~gui e jnea~bing' i nicangúng` júu^ quiá'- Fidiéé. ³ Jo dsu' e jáb'-, i líng~ la'ó' dsea` góo'naa' dsea` Israel nicatúbre e já'- líiñ` júu^ quiá'- Fidiéé. Dsu' Fidiéé contøøm- jmitir~ júu^ quiá'r- nañí' fa' i líng~ dsea` góo'naa' ja' cajméer` já'- líiñ` e júu^ jo. ⁴ Co' e jáb'-, contøøm- fé' Fidiéé júu^ já'-, nañí' fa' dsea` jmiçüi contøøm- quier' júu^ ta` júu^ . Co' lalab fé' fí' ni` jì quiá'- Fidiéé lí' fé' cuaiñ` quiá'r-: Jo mi~ núu` dsea` júu^ quiá'-

conguiab' líñir' e jmang'- júu^ já'-ba' fó' 'nu',
jo contøøm- lí' mi~ cuø' dsea` 'nu` dsee- .
Jo lanab fé' fí' ni` jì quiá'- Fidiéé.

⁵ Jo dsu' song jalé' e ga' e jmoo- naa' íng` ta` e laco' eáang'gui nililí' dsea` jialco' jmóo` Fidiéé jmang'- jalé' e guiú-, joba' ¿e~ nife`ee' jóng? ¿Su e gab` jmóo` Fidiéé mi~ cuø' iihuú' uí'~ jalé' e ga' e jmoo- naa' do? (Dsu' fá'-a e júu^ la lí' laco' la fé' doñí' ii` dsea` jmiçüi.) ⁶ Dsu' Fidiéé jii'~ coø' e ga' jmóor`. Co' faco' ja' cuø' iihuú' mi~ jmóo` dsea` e ga', joba' ¿jial lí'r' e ni'ír- í' røø` quiá'- lajaléng' dsea` jmiçüi? ⁷ Jo seem` dsea` i fé' e cóo'~ jalé' júu^ e o' já'- e fé'r', eáang'gui nililí' dsea` jial fé' Fidiéé jmang'- júu^ já'-, jo lajoba' nijmi'gò` dsea` ír. Jo song lajob lí', joba' ¿jiali'` ngúng` i dsea` í dsee- e líiñ` jaang` dsea` dsee- dsea` qui'? ⁸ Jo song lajob lí' cajo, joba' cuøøng` fe`ee' jóng, ¿jiali'` ja' jmóo'oo' e ga' e laco' ni'uíng- jmang'- e guiú-? Jo lanab fé' i líng~ dsea` e cuø'r' jnea~ dsee-, co' fé'r' e e júu^ lanaba' ée- jnea~ dsea` rún'n, jo dsu' dseáng'- o' lajo. Jo jaléng' i dsea` i fé' ga' lajo lí' catíiñ- e ni'íñ' lajii'~ iihuú' quiá'- jalé' e ga' e jmóor` do.

Jalém' dsea` røøiñ` dsee-

⁹ Joba' ¿su jnea~aa', dsea` lí'naa' dsea` Israel, guiúng- guí' fí' quini` Fidiéé laco'gui i dsea` i ja' líng' lajo? ¡U~, dseáng'- o' lajo! Dsaco' nicafíi`-baa' 'nú' e lajalém' dsea` i líng' dsea` Israel jogui lajalém' dsea` i ja' líng' lajo dseáng'- røøb` líiñ', co' jalé' dsee- quiá'-bre silii'` ír. ¹⁰ Co' lalab fé' fí' ni` jì quiá'- Fidiéé:

¡Ja` seeng` jii'~ jaang` dsea` fa' e éer` røø` contøøng-!
¡Co' dseáng'- jii'~ jaang` dseáng'- ja` ii` seeng` i jmóo` lajo!

¹¹ Jogui ja' seeng` dsea` i quí'~ jmi~ ningáng',
o'gui i iing~ ni'náng' Fidiéé cajo.

¹² Co' lajiiim` dsea` nicacár- fí' ga',
jogui lajiiim` cajo ja' ee' uiing~ sea` quiá'r- jii'~ coø'.

¡Co' ja' seeng` jaang` dsea` fa' i ée` røø`!
¡Co' dseáng'- jii'~ jaang` dseáng'- ja` ii` seeng` i jmóo` lajo!

¹³ Jo jalé' júu^ e fé'r', jmang'- júu^ 'lib' lí'.
Jo eáam' jmiçøøiñ` dsea` rúñ' cóo'~ jalé' e fé'r'.

Jo jalé' e júu^ jo eáam' 'léé,
lí' laco' lí' e nó` quiá'- jaang` mi' i guíng-.

¹⁴ Jo lajalé' e fé'r' do jmang'- júu^ guíib-,
jo cóo'~ jalé' e jo eáam' bíñ- jaléng' dsea` rúñ'.

¹⁵ Jo contøøng- guíng- dsíir' e nijngáñ'- dsea` rúñ'.

¹⁶ Jo lajii'~ fí' teáaiñ'~ dseáng'- jmang'- lajii'~ e 'lé-bre dseáng'- .
Jo cuø' iihuú' jaléng' dsea` rúñ'.

¹⁷ Jo dseáng'- jii'~ capí' ja' ñir' jial dseáng'- e seeiñ` juguiá- cóo'~ Fidiéé.

¹⁸ Jogui dseáng'- jii'~ capí' ja' ñir' e 'né- e nijmi'gór` Fidiéé.

Jø lanab lí' júu^ quiá' Fidié'.

¹⁹ Jø nine~baa' røø' e lajalé' e júu^ quiá' ta~ e cajme' Moi~ jaléng' dsea' Israelbing' catúng~ nijmiti~, jø lajoba' jii'~ jaang' dsea' jmigüi' cuøøng' fa' nijíñ' e ja' røøiñ' dsee~ fí' quini' Fidié', cø' dsea' í'bing' i' í' laco' catúng~ quiá' lajaléng' dsea' jmigüi'. ²⁰ Cø' Fidié' ja' ni'íñ' jii'~ jaang' dsea' e liiñ' jaang' dsea' i' ja' røøng' dsee~ fí' quinir' dsu' uí' e jmitir~ e júu^ quiá' ta~ do. Dsøco' jii'~ lí' íng' ta~ e júu^ quiá' ta~ do e lico' line~naa' e lí'naa' dsea' røøng' dseeb~.

Jial íng' Fidié' jneaa~aa' la'eáang' e já' lí'naa' júu^ quiá'r'

²¹ Jø dsu' lana Fidié' nicacuø'r' jneaa~aa' e nine~naa' jial e íñ' jneaa~aa' e lí'naa' dsea' i' ja' røøng' dsee~ fí' quinir'. Jø jmóor' lajò dsu' o' uí' e jmití'naa' júu^ quiá' ta~ e cajme' Moi~. Jø røøb' cøøng' e júu^ na laco'gui e fé' e fí' ni' e júu^ quiá' ta~ do jogui laco' e café' jaléng' dsea' i' café' cuaiñ~ quiá' Fidié' malí'gui eáang'. ²² Jø røøb' íng' Fidié' lajaléng' dsea' jmigüi' e liiñ' dsea' i' ja' røøng' dsee~ fí' quinir' la'eáang' e já' lí'naa' júu^ quiá' Dsea' Jmáang~. ²³ Cø' lajiiim' dsea' jmigüi' nica'éer' dsee~, jø uí' e jøba' ja' catíiñ~ e nitíiñ' e niliseeiñ' cø' Fidié' fí' lí' niing' 'gøng' dsea' do. ²⁴ Dsu' uí' e Fidié' eám' 'neáaiñ' jneaa~aa' e jii'~ ja' catí'naa' lajò, jøba' ca'íñ' jneaa~aa' e lí'naa' dsea' i' ja' røøng' dsee~ fí' quinir'. Jø cajméer' lajò la'eáang' e nicaléang' Dsea' Jmáang~ jneaa~aa' jee~ jalé' dsee~ qui'ii' ie~ lamí~ cajúíñ' fí' dse' crúu'. ²⁵ Jø Fidié' cacuøøiñ' Dsea' Jmáang~ e laco' cajúng~ dsea' do fí' dse' crúu'. Jø la'eáang' cø' e jmi'øøng~ Dsea' Jmáang~ e catuu' fí' jø, ca'íiñ~ dsee~ quiá' dsea'. Jø Fidié' cacuøøiñ' dsea' do e laco' cuø' lí' e contøøm~ jmóor' jmang' e guiá' jogui e eám' féng' dsíir' cajo, dsøco' ja' iu~ dsíir' jalé' dsee~ e ca'éé' dsea' lamí~ jéeng'gui. ²⁶ Jø cajméer' lajò e laco' niliñ' dsea' jmí' na e ím'bre dsea' e líiñ' dsea' i' ja' røøng' dsee~ fí' quinir'. Jø e na cuø' lí' e jii'~ íb' dsea' i' jmóo' jmang' jalé' e guiá', jogui jii'~ íb' cajo i' íng' doñi' ii' dsea' i' já' líng' júu^ quiá' Dsea' Jmáang~ e liiñ' dsea' i' ja' røøng' dsee~ fí' quinir'.

²⁷ Jø lana jii'~ cø' fa' e nijmijløng' yee~naa' fí' quini' Fidié' e í' dsí'naa' e ni'íñ' jneaa~aa' dsu' uí' e jmití'naa' e júu^ quiá' ta~ do, cø' ni'ím'bre jneaa~aa' dsu' uí' e já' lí'naa' júu^ quiá' Dsea' Jmáang~. ²⁸ Jø lanaba' nicalíne~naa' røø' e Fidié' ni'ím'bre dsea' e liiñ' dsea' i' ja' røøng' dsee~ fí' quinir' dsu' uí' e já' líiñ' júu^ quiá' Dsea' Jmáang~, dsu' o' uí' e jmitir~ e júu^ quiá' ta~ do. ²⁹ Dsu' Fidié' ja' liiñ' jii'~ Fidié' quiá' dsea' Israel, cø' líim'bre cajo Fidié' quiá' lajaléng' dsea' jmigüi'. ³⁰ Cø' dseáng' jaam' Fidié' dseáng' i' seeng', jø jii'~ í'bing' i' íng' dsea' i' já' líng' júu^ quiá' Dsea' Jmáang~ e liiñ' dsea' ja' røøng' dsee~ fí' quinir', nañi' su liiñ' do dsea' Israel osi ja' liiñ' lajò é. ³¹ Jø dsu' uí' e já' lí'naa' júu^ quiá' Dsea' Jmáang~, jøba' dseáng' ja' cuøøng' fa' e ni'náng' ca' lajii'~ e fé' e fí' ni' júu^ quiá' ta~ do. Cø' lí' lí' jmí'goo~bí' jial tí' niing~ e fé' e júu^ jø.

4

Jø lí' laco' cajméé' lí' yúu' Abraham, lajòb' né' jmó'oo'

¹ Jø lana, dsea' rú'naa', nisí'naa' capi' cuaiñ~ quiá' e calí' cø' lí' yúu' qui'ii' Abraham. ² Cø'fa' mí' ca'íng' Fidié' lí' yúu' Abraham e liiñ' do jaang' dsea' i' ja' røøng' dsee~ fí' quinir' dsu' uí' jalé' e guiá' e ca'éeiñ', jøba' seab' cuøøng' lí' jmijløng' í' ñia'r' jóng, dsu' o' fí' quini' Fidié' facø' lajò. ³ Dsøco' lalab fé' fí' ni' jii' quiá' Fidié': "Jø lí' yúu' Abraham jáb' calíiñ~ júu^ quiá' Fidié', jøba' Fidié' ca'íñ' dsea' do e liiñ' do jaang' dsea' i' ja' røøng' dsee~ fí' quinir'."

4 Jo lajɔb líí, fa' jaang` dsea` jmóor` ta~, jɔba' e 'léeiñ~ do ja` ngúíñ lí^ ta` ngúíñ, cɔ' quiá'- lajii~ ta~ e jmóo`bre quiá'- e jɔba' ngúíñ. 5 Jo dsu' fa' jaang` dsea` já'- lííñ júu^ quiá'- Fidiée~, jɔba' Fidiée` ím`bre dsea` do e lííñ' do jaang` dsea` i ja` røøng` dsee- fí quinir~ nañi' fa' ja` mí cajméeiñ' do jii~ cɔɔ` e guiá~. 6 Cɔ' caféb` dseata~ dsea` féng' Daví^ ie~ malii~gui do quiá'- jial tíí juguiá~ quiá'- lí^ doñi' ii dsea` mi~ jo` iu~ dsíí Fidiée` cɔɔ~ lajalé` e nicajméer` lamí jéeng`gui, jogui e nica'íng`neiñ' e lííñ' do jaang` dsea` i ja` røøng` dsee- fí quinir~. 7 Jo lalab cajíng'- i dseata~ do ie~ malii~gui do:

iɔ eáam' juguiá~ quiá'- jaléng` dsea`
mi~ Fidiée~ nica'ííñ- dsee- quiá'- lajalé` e ga` e nicajméeiñ`,
jogui e nica'eáang`neiñ' jee~ jalé` dsee- quiáíñ'!

8 Jo eáam' juguiá~ quiá'- jaléng` dsea`
i jo` iu~ dsíí Fíí'naa' Fidiée~ jalé` dsee- e nica'éeiñ`.

Jo lanab jii~ líí júu^ quiá'- dseata~ dsea` féng' Daví^.

9 Jo e juguiá~ na ja` catíng- jii~ dsea` Israel i quí'- tíng` tóo' lí fí ngúu' táang`, cɔ' catíim- cajo jaléng` dsea` i ja` líng` dsea` Israel dsea` i ja` quí'- tíng` lajo. Cɔ' lí^ laco' la nicasií'naa' 'nú' e Fidiée~ ca'ím`bre 'líí yúu~ Abraham e lííñ' do jaang` dsea` i ja` røøng` dsee- fí quinir~ dsu' uíí~ e já'- calíng- dsea` do júu^ quiá'- Fidiée~, 10 jo çlí ca'íng` Fidiée~ i 'líí yúu~ Abraham do e lííñ' do lajo? çSu nú'-gui e cató- lí fí ngúu' táaiñ` osi mi~ cangí jɔ é? Mó^ nú'-gui e cató- lí fí ngúu' táam`bre ca'íng` Fidiée~ ír e lííñ' do jaang` dsea` i ja` røøng` dsee- fí quinir~. 11 Jo mi~ cangí e ca'íng` Fidiée~ i 'líí yúu~ do, joguiba' cató- lí fí ngúu' táaiñ` do e laco' cuø lí e nica'ím` Fidiée~ ír e lííñ' jaang` dsea` i ja` røøng` dsee- fí quinir~ dsu' uíí~ e já'- calíñ'- do júu^ quiá'- Fidiée~. Jo uíí~ e jɔba' i 'líí yúu~ Abraham do ca'uííñ- lafa' tiquiá'^ jaléng` dsea` i já'- líng` júu^ quiá'- Fidiée~. Cɔ' Fidiée~bing' i íng` dsea` i já'- líng` júu^ quiá'r- e laco' nilííñ'- do dsea` i ja` røøng` dsee- fí quinir~, jo ja` ee` líí fa' ja` mí cató- lí fí ngúu' táaiñ` do. 12 Jogui i 'líí yúu~ Abraham do líim`bre cajo lafa' tiquiá'^ jaléng` dsea` Israel i nicató- lí fí ngúu' táang`. Jo i 'líí yúu~ do lííñ' lafa' tiquiá'^ jaléng` í dsu' o' uíí~ e nicató- lí fí ngúu' táaiñ` do; cɔ' 'né- e nijmiti~biñ' do cajo lí^ laco' cajmée i 'líí yúu~ Abraham do ie~ lamí já'- calíñ- júu^ quiá'- Fidiée~ lajee~ e nú'-gui e cató- lí fí ngúu' táaiñ`.

Mí cacuø' Fidiée~ júu^ quiá'r- 'líí yúu~ Abraham

13 Jo ie~ malii~gui do Fidiée~ cacuø'r' júu^ 'líí yúu~ Abraham cɔo~gui jaléng` dsea` sijur~ e niñíim`biñ' do lajalé` e sea` fí jmígüí. Jo e júu^ la caliti~ dsu' o' uíí~ e 'líí yúu~ Abraham cajméer` núur~ e júu^ quiu' ta~ e cajme' Moí~. Cɔ' calí- lajo la'eáang` e jáb'- calíng- i 'líí yúu~ do júu^ quiá'- Fidiée~, jo uíí~ e jɔba' e ca'íng` dsea` do ír e lííñ' jaang` dsea` i ja` dsee- røøng` fí quinir~. 14 Jo song lajii~ dsea` i jmiti~ e júu^ quiu' ta~ do ni'íñ' lajalé` e sea` fí jmígüí, jɔba' cuøøng` fe`ee' jóng e ja` ee` ta~ íng` e já'- líng` dsea` júu^ quiá'- Fidiée~, jogui e júu^ e cacuø' Fidiée~ lamí jéeng`gui do ja` ee` quíng` cajo. 15 Cɔ' song ja` jmiti~ dsea` dseáng'- røø e júu^ quiu' ta~ do, jɔba' iihuúb' íñ' quiá'- Fidiée~ jóng. Jo dsu' lí ja` sea` e júu^ quiu' ta~ do, jɔba' ja` ee` cuøøng` lí 'lé- dsea` cɔo~ e jo.

16 Jo Fidiée~ cacuø'r' 'líí yúu~ Abraham júu^ quiá'r- uíí~ e já'- calíng- i 'líí yúu~ do júu^ quiá'- dsea` do. Jo cajmée` Fidiée~ lajo e laco' jaléng` dsea` i líng` siju~ 'líí yúu~ Abraham nita~ dsíir e dseáng'- nijmitib~ Fidiée~ e júu^ jo la'eáang` e eáang` 'neáaiñ` jaléng` i dsea` í e jii~ ja` catííñ'- do lajo. Jo lí^ laco' cuøøng` fe`ee' e júu^ na, e jalé` e jíng'- Fidiée~ e nicuø'r- jaléng` dsea`, dsu' o' jii~ dsea` i catíng- e júu^ quiu' ta~ do i nicuø'r- jalé` e jo, cɔ' nicuø'-bre cajo jaléng` i dsea` i já'- líng` júu^ quiá'r- lí^ laco' cajmée i 'líí yúu~ Abraham do. Jo lajɔba' i 'líí yúu~ do ca'uííñ- lafa' tiquiá'^ jaléng` jneaa`aa', dsea` i já'-

lí'naa' júu^ quiá'- Fidiée'. 17 Jo lí'^ laco' la fé' Fidiée' fí' ni' jì' quiá'r- lí' fé'r' lala cuaiñ~ quiá'- 'lí' yúu~ Abraham: "Nícajmé- e e nilín'- lafa' tiquiá'^ i fíng' 'lé' dsea' jmgüí'." Jo lanab fé' Fidiée' fí' ni' jì' quiá'r-. Jo e júu^ la calitib~, co' 'ñiab' Fidiée' dsea' cacuø'. Jogui jáb'- calíng- Abraham e júu^ e cangíiñ' quiá'- dsea' do. Jo jíí' Fidiée'bing' i quí' jmi~ e nijmijí'r' jaléng' 'lí' jogui e nijmér- e nilisea' doñí' ee' e ja' mí' sea' fí' jmgüí'.

18 Jo lajee' e nidseáam- eáang' i 'lí' yúu~ Abraham do, jogui jo' quí'r~ jmi~ fa' e niliseeng' jóor' co' eáam' níyúu'r~, jo dsu' jáb'- calíñ'- do júu^ quiá'- Fidiée' e quiá'- niliseem' jóor' nañí' fa' ja' quí'r~ jmi~ lajo. Jo dsu' lajob calí-, jo "ca'uíñ- lafa' tiquiá'^ i fíng' 'lé' dsea' jmgüí'" lí'^ laco'gui la nícasí'- Fidiée' ír' lami~ jéeng'gui ie~ lami~ cajíng'- dsea' do lala: "Lanab niliseeng' fíng' dsea' sijú'." 19 Jo dseáng'- ja' calitúm- dsíí' 'lí' yúu~ Abraham e já'- líiñ' júu^ quiá'- Fidiée', nañí' fa' ie~ jo níngóor' jie~ ja' cien jíí', jogui nilí'bre cóo~ dseamí' quiá'r- i síi' Sara do e tí' lí' níjúum-bre. Jo laji' gám-bre ie~ jo eáam' nidseáaiñ-, joba' jo' quí'guir jmi~ fa' e niliseeng' jóor'. 20 Jo i 'lí' yúu~ Abraham do dseáng'- jáb'- calíñ- jogui dseáng'- calitab' dsíir' e dseáng'- nijmitib~ Fidiée' lajíí' júu^ e cacuø'r' dsea' do, jo eáang'gui já'- calíñ- jogui cajmíta'gui dsíir' e dseáng'- nijmitib~ Fidiée' lajíí' e nícajiñ'- lami~ jéeng'gui do. Jo uíí' joba' eáam' cajmiféiñ' Fidiée', 21 co' dseáng'- nitab' dsíir' e dseáng'- quí'b~ dsea' do jmi~ e nijmitir~ lajíí' júu^ e nícacuø'r' lami~ jéeng'gui. 22 Jo uíí' e já'- calíñ'- do e júu^ jo, joba' ca'íng' Fidiée' ír' e líiñ' do jaang' dsea' i ja' røøng' dsee- fí' quinir'. 23 Jo e ca'íng' Fidiée' i 'lí' yúu~ Abraham do e líiñ' do jaang' dsea' i ja' røøng' dsee- fí' quinir' o' jíí' quiá'- 'lí' yúu~ í' dseáng'- fé' e júu^ na, 24 dsuco' catím- jneaa~aa' e júu^ na cajo. Co' ím' Fidiée' jneaa~aa' e líí'naa' dsea' i ja' røøng' dsee- fí' quinir' dsu' uíí' e já'- líí'naa' júu^ quiá'r-. Jo jáb'- líí'naa' cajo e Fidiée'bing' i cajmijí'tu Fíí'naa' Dsea' Jmáang- 25 mí' cangí' e cacuøøiñ' dsea' do e cajúíñ'- fí' dse' crúu^ uíí' jalé' dsee- quí'-ii'. Jo mí' cangí' jo, cajmijí'tur Dsea' Jmáang- e laco' la'eáang' í' cajmér' cóo~ jneaa~aa' e nilíí'naa' dsea' i ja' røøng' dsee- fí' quinir'.

5

Jial íng' Fidiée' dsea' e líiñ' dsea' i ja' røøng' dsee- fí' quinir'

1 Jo lana Fidiée' níca'íñ' jneaa~aa' e líí'naa' dsea' i ja' røøng' dsee- fí' quinir' dsu' uíí' e nijá'- líí'naa' júu^ quiá'r-. Jo co' lajob nilíí'naa', joba' juguíá- júu^ røø' nísee~naa' lana cóo~ Fidiée' la'eáang' cóo~ jalé' e nícajmée' Fíí'naa' Dsea' Jmáang- cóo~ jneaa~aa'. 2 Jo la'eáang' cóo~ Dsea' Jmáam-ba' e nísee~naa' lajo cóo~ Fidiée'. Jo nícaingíng'naa' e jo uíí' e já'- líí'naa' júu^ quiá'r-. Jo lajob nísee~naa' lana, jogui eáam' íaang' dsí'naa', co' nitab' dsí'naa' e dseáng'- niliseem~baa' cøøng' cóo~ Fidiée' fí' lí' níng- 'gøiñ' mí' nití- e í' jo. 3 Jogui o' quiá'- jíí' e na e jmi'íaang' dsí'naa', co' lajob cajo jmi'íaam' dsí'naa' cóo~ jalé' e huíng' e dsijée' quí'-ii'. Co' níne~baa' guíá- e mí' níngí' e dsingíng'naa' jalé' e jo, joba' eáang'guib niliféng' dsí'naa' cóo~ doñí' ee' e nidsijée' quí'-ii' jóng. 4 Jo mí' jmoo~naa' e féng' dsí'naa' cóo~ jalé' e dsingíng'naa' do, joba' guíáb- fé' Fidiée' uíí' quí'-ii' jóng. Jo mí' jmoo' Fidiée' lajo cóo~ jneaa~aa', joba' eáang'gui líta~ dsí'naa' e niliseem~baa' cøøng' cóo~ Fidiée' fí' lí' níng- 'gøiñ'. 5 Jo e níta~ dsí'naa' na dseáng'- nilitib~, co' la'eáang' cóo~ Jmiguí' quiá'r- e nícacuø'r' jneaa~aa' e nícaline~naa' jial tíí' e ja' cóøng' cóo~ e 'neáaiñ' jneaa~aa' do.

6 Jo dsu' lajee' e ja' quí'guí' jmi~ fa' e nilaang- yee~naa' jee~ jalé' dsee- quí'-ii', jo dsu' lajee' job mí' catí' í' e cagüéng- Dsea' Jmáang- fí' jmgüí' la e laco' cajáng' 'ñia'r' e cajúíñ- cuaiñ- quí'-ii', dsea' líí'naa' dsea' dsee- dsea' quí'. 7 Dsu' huím' eáang' nícuøng- 'ñia' jaang' dsea' e níjúuíñ- uíí' quiá'- jaang' dsea' i ée'

røø, jø dsu' cõõ` jangám` seeng` jaang` dsea` i nicuõng` 'ñia' e nijúuĩn` cuaiñ` quiá'` jaang`gui dsea` i dseáng'` lajang'` guiúng`. ⁸ Jø dsu' lajee` e lí'naa' dsea` dsee` dsea` qui', Fidié` ca'e'r' jneaa`aa' jial tí' ja` cõõng` cõõ'` e 'neáaiñ` jneaa`aa', cõ' casíñ` Dsea` Jmáang` e laco' dsea` do cajúñ` uí'` dsee` qui`ii'. ⁹ Jø lana nica'ím' Fidié` jneaa`aa' e nilí'naa' dsea` i ja` røøng` dsee` fí' quinir` la'eáang` cõõ'` e jmi'øøng` Fí'naa' Dsea` Jmáang`. Jø cõ' lajõb cajméer` cõõ'` jneaa`aa', jõba' lana eáang`guib nita` dsi'naa' e Dsea` Jmáam`bing' i nileáng` jneaa`aa' jee` jalé'` iihuí' e nilisea` mi` tí' lí'` ni'í' Fidié` í'` quiá'` lajaléng` dsea` jmigüí'. ¹⁰ Jø lajee` e ja` see`naa' røø` cõõ'` Fidié` jõgui e 'ní' máang`naa're, jø lajee` jõb cajméer` e caliséng`naa' juguiú` júu` røø` cõõ'r` la'eáang` e cajúng` Jõor` Dsea` Jmáang` fí' dse'` crúu`. Jø cõ' lajõb cajméer` cõõ'` jneaa`aa', jõba' lana eáang`guib nita` dsi'naa' e dseáng'` nileám`baa' jee` jalé'` dsee` qui`ii' la'eáang` e cají'`tu Dsea` Jmáang` mi` cangí' e cajúñ`. ¹¹ Jø o' jii'` quiá'` e na e jmi'íang` dsi'naa', cõ' lajõb jmi'íang` dsi'naa' cajo cõõ'` lajalé'` e nicajméé` Fidié` cõõ'` jneaa`aa' la'eáang` cõõ'` Fí'naa' Dsea` Jmáang`; dsucõ' la'eáang` dsea` dob e nisee`naa' lana juguiú` júu` røø` cõõng` cõõ'` Fidié`.

Mi` canaang` e sea` dsee` fí' jmigüí`

¹² Jø lajõb lí', dsea` rú'naa'; jø la'uii`, mi` canaang` e caliseá` dsee` fí' jmigüí` la, calí` lajõ uí'` jaang` dseañu'` i calisí' Adán. Jø dsifí' mi` cangí' e ca'éer` dsee`, jõb mi` canaang` e caliseá` 'mó'; jø cõ' lajõb cajmééiñ'` do lamí` uii`, jõba' lajím` dsea` latí' lana sea` 'mó` quiá'r` uí'` jalé'` e dsee` e éer'. ¹³ Jø dsea` dsee` dsea` quib` nilíng` dsea` lajii'` ie` ná'`gui e niñing` Moi` e júu` quiu'` ta` quiá'` Fidié`. Jø dsu' mi` ja` sea` júu` quiu'` ta`, jõba' ja` cuõøng` lí' ñíng` dsea` dsee` e ja` mi` cajmitir` e júu` jø. ¹⁴ Jø lajõb lí', lajaléng` dsea` i caliséng` jii'` ie` lamí` cajá` Adán jø ie` cartí' cajá` Moi` caliseáb` 'mó` quiá'r`, jõba' cajúm`bre. Jø calíñ'` lajõ uí'` jalé'` dsee` e ca'éer', lifa' ja` ca'éer` dsee` e laco' dsee` e ca'éé` Adán, cõ' i dsea` do ja` cajméer` náu'r` cõõ' ta` caquiú' Fidié`. Jø i Adán labing' i líng` cõõ' e lí' quiá'` jaang` i niing` i nijáa` cõøng`gui. ¹⁵ Jø ja` cuõøng` cõøng`naa' røø` e dsee` e ca'éé` Adán jõgui e cacuø' Fidié` jneaa`aa' e íang` dsiir'. Dsucõ' uí'` e dsee` e ca'éé` i Adán do ie` jø, jõba' caliseá` 'mó` fí' jmigüí` la, jø mi` calí` lajõ, jõba' lajím` dsea` júuñ` jõng. Jõgui e cangíng`naa' quiá'` Fidié` uí'` e 'neáaiñ` jneaa`aa' do cajmilir` lajõ cõõ'` jii'` 'ñia'` Dsea` Jmáang`. Cõ' e cajméé` Dsea` Jmáang` do dseáng'` ja` sea` e cuõøng` lí' cõng` cõõ'` e jø, cõ' la'eáang` jii'` cõõ'` íb` fím` dsea` jmigüí` tíñ'` fí' quini` Fidié`. ¹⁶ Jø e cangíng`naa' quiá'` Fidié` uí'` e eáang` 'neáaiñ` jneaa`aa' do ja` cuõøng` lí' cõøng`naa' cõõ'` e dsee` e ca'éé` i Adán do. Cõ' mi` ca'ééiñ` do dsee`, jõba' canaang` e caliseá` 'mó` fí' jmigüí`, jø uí'` jõba' ca'naam` dsea` jõng e seeiñ` cõøng` cõõ'` Fidié`. Jø dsu' e cangíng`naa' quiá'` Fidié` do jmóo` e íñ'` jneaa`aa' e nilí'naa' dsea` i ja` røøng` dsee` fí' quinir`. Jø e jø jmóo` Fidié` cõõ'` jneaa`aa' la'eáang` cõõ'` Dsea` Jmáang`, cõ' í'bing' i nica'íng` lajalé'` dsee` quiá'` dsea` jmigüí'. ¹⁷ Jø dsu' e jáb', mi` ca'éé` i Adán do la'uii` dsee`, jõba' canaang` e caliseá` bí' quiá'` 'mó', cõ' dseáng'` lajím` dsea` jmigüí` tíñ'` e jø. Jø dsu' eáang`guib sea` bí' quiá'` lajii'` e cuø' Fidié` i fíng` dsea` jmigüí` e íng`neiñ' e líiñ' dsea` i ja` røøng` dsee` fí' quinir`. Jø jmóo` Fidié` lajõ la'eáang` cõõ'` jii'` 'ñia'` Dsea` Jmáang` uí'` e eáang` guiúñ` cõõ'` dsea` jmigüí'. Jø cõ' lajõb lí', jõba' røøb` ni'íñ'` í'` cõõ'` Dsea` Jmáang` mi` nití' í' lajõ.

¹⁸ Jø cõ' la'eáang` cõõ'` e cõõ' dsee` e ca'éé` i Adán do, jõb mi` ca'naang` dsea` e seeiñ` cõøng` cõõ'` Fidié`. Jø dsu' la'eáang` cõõ'` e cõõ' e guiú` e cajméé` Dsea` Jmáang` fí' dse'` crúu`, jõba' lana niseab` fí' e lajaléng` dsea` nilíiñ' dsea` i ja` røøng` dsee` fí' quini` Fidié`. ¹⁹ Jø cõ' ja` cajméé`gui i Adán do náu'r` lajii'` ta` caquiú' Fidié`, jõba' lajalém' dsea` jmigüí` ca'uiñ` dsea` dsee` dsea` qui'.

Jogui lajobi cajo, la'eáang' e cajmée` Dsea` Jmáang- núu'r~, joba' íng' Fidiée` i fíim' dsea` jmigüi' e liiñ' do dsea` i ja` røøng` dsee- fí` quinir`.

²⁰ Jo mi~ caliseá' e júu^ quiu' ta~ e cajme' Moi~ do, joba' eáang'guib calilí' dsea` e røøiñ` dsee- jóng. Jo dsu' mi~ calimíng'~ eáang' dsee- quiá'- dsea`, joba' Fidiée` eáang'guib caliguiúñ- cóo'~ jaléng' dsea` nañi' fa' ja` catíiñ' lajo. ²¹ Jo dsu' e jáb'- e dsee- e ée` dsea` jmigüi' seab` bí` quiá'-, co' fí' 'mób- sí'. Jo dsu' e eáang' guiúng- Fidiée` cóo'~ jneaa~aa' do eáang'guib sea` bí` quiá'-, co' nica'ím'bre jneaa~aa' e líi'naa' dsea` i ja` røøng` dsee- fí` quinir`. Jo cajmée` lajo cóo'~ jneaa~aa' e laco' nilisee- naa' car` ngongí` jmí~ la'eáang' cóo'~ Fíi'naa' Dsea` Jmáang-.

6

Lafa' dsea' 'míng- nilí'naa' la'eáang' cóo'~ Dsea' Jmáang-

¹ Jo fíi- guí' 'nú', dsea` rú'naa', e ja` cuøøng` e ni'í'gui dsí'naa' e nibeáang'~ gui dsee- yee~naa' e laco' eáang'gui niliguiúng- Fidiée` cóo'~ jneaa~aa'. ² iCo' dseáng'- o' lajo! Dsuo' jneaa~aa' lafa' nicajúm- baa' uíi'~ e nica'náng'naa' jee~ jalé' dsee- e lami~ quie' nifí' quí-ii'. Jo co' lajob nilí'naa', joba' jo` cuøøng` fa' e nibeáang'~ gui dsee- yee~naa'. ³ Dsuo' nine~baa' guiú- e ie~ mi~ cajgáang- naa' jmí~ uíi'~ e nilí'naa' dsea` quiá'- Dsea` Jmáang-, joba' lafa' e cajúm- baa' jóng cóo'~ dsea` do fí' dse' crúu^ . ⁴ Co' ie~ mi~ cajgáang- naa' jmí~ do líi' lafa' e røøb` ca'áng- naa' cóo'~ Dsea` Jmáang- mi~ cangí' e cajúñ-. Jogui mi~ cají'tu Dsea` Jmáang- la'eáang' cóo'~ e güea^ 'gøng' quiá'- Tiquiá'r^ Fidiée`, joba' lafa' cajíb'tu jneaa~aa' cajo e laco' nilisee- naa' e nilí'naa' lafa' dsea' 'míng-.

⁵ Jo co' lafa' cajúm- baa' ie~ lami~ cajúng- Dsea` Jmáang-, joba' lana lafa' jaam` dsea` nilí'na' cóo'r~. Jo co' cajíb'tu Dsea` Jmáang- mi~ cangí' jo, joba' jneaa~aa' cajo nijíb'túu' ie~ jo e laco' nilisee- naa' cøøng` cóo'r~. ⁶ Jo nine~baa' guiú- e ie~ mi~ catáng- Dsea` Jmáang- fí' dse' crúu^, cacó-bre lajalé' e ja` dseeng` e lami~ jmoo- naa' do, jo lajoba' ca'ím- e si' fí' quí-ii' e ni'ee- naa' dsee- do. Jo co' lajob calí-, joba' lana jo` quiu'gui ta~ jneaa~aa' jalé' dsee-. ⁷ Dsuo' fa' mi~ júung- jaang` dsea`, joba' jo` cuøøng` fa' e nijmirøng`gui 'ñia'r` dsee-.

⁸ Jogui co' jneaa~aa' lafa' nicajúm- baa' røø` cóo'~ Dsea` Jmáang-, joba' nitab` dsí'naa' e dseáng'- nilisee- baa' cøøng` cóo'r~ car` ngongí` jmí~. ⁹ Jo co' cajíb'tu Dsea` Jmáang- mi~ cangí' e cajúñ-, joba' guiúb- nine~naa' e jo` cuøøng`gui fa' e nijúung- tur calé' catú-, co' jo` sea` bí` quiá'- 'mó- fa' e niquiú'-gui ta` ír~.

¹⁰ Jo cóo' ya'ba' cajúng- Dsea` Jmáang- fí' dse' crúu^ uíi'~ jalé' dsee- quí-ii', jo lajoba' ca'iñ- car` ngongí` jmí~ e bí` quiá'- jalé' e dsee- jo. Jo mi~ cangí' jo, cají'tu tur calé' catú- e laco' lana niseeiñ` cøøng` cóo'~ Fidiée` car` ngongí` jmí~.

¹¹ Jo lajob jaléng' 'nú' cajo 'né- í` óó'na' e lafa' nicajúm- ba' uíi'~ e jo` quiu'gui ta` 'nú' jalé' dsee- quí-na'. Co' lanagui 'né- í` óó'na' e seeng`na' cøøng` cóo'~ Fidiée` la'eáang' e nilíng'na' jaang` dsea` cóo'~ Dsea` Jmáang-.

¹² Jo co' lajob líi', dsea` rú'naa' dsea` quiá'- Dsea` Jmáang-, joba' fíi- guí' 'nú' e ja` cuøø'gui fí' yaang~na' fa' e dsee- quí-na' quiá'-gui ta` 'nú' e laco' nijmití'na' lajii'~ e lí' óó'na' yaang~na'. ¹³ Jo ja` jáang'~ yaang~na' fí' ni~ dsee- e laco' nilisea` fí' quí-na' e nijmée^na' jalé' e ja` dseeng` e lí' óó'na' yaang~na', dsuo' o' lajo e 'né- jmée^na' lana; co' lí' lí' 'né- jmée^na' e nijjáang'~ yaang~na' fí' jaguó' Fidiée`, co' lana nilíng'na' dsea` i lafa' nicajúng- jogui i lafa' nicají'tu calé' catú-. Jo co' lajob nilíng'na', joba' 'né- jmée^na' e nijjáang'~ yaang~na' fí' jaguó' Fidiée` e laco' dsea` do nijmér- cóo'~ 'nú' jialco' iñ~ e nijmée^na' jmang'- jalé' e guiú-. ¹⁴ Jo jo` 'né-gui fa' e quiu'gui ta` 'nú' jalé' dsee- quí-na', co' lana niseeng`na' uíi'~ e eáang' 'neáang' Fidiée` 'nú', jo jo` seeng`na' fa' e quiu'gui ta` quí-na' e júu^ quiu' ta~ e cajme' Moi~ do.

Jial laang`dsea`e seeñ`e jo`quiũ` ta` dsee` ír`

¹⁵ Jo co' lana nisee`naa' uí~ e eáang` 'neáang` Fidiée` jneaa`aa' jogui e jo` quiũ`gui ta` quí`ii' e júu` quiũ` ta` do, joba' ja`dseeng` fa' e nibeáang`gui dsee` yee`naa'. ¹⁶ Jo guiáb` niñí` 'nú` e song nijáang` yaang`na' e nijmée`na' ta` quiá` jaang`dsea, joba' 'né` jmití`ba' jóng jalé` ta` e niquíú` i dsea` do, co' lafa' dsea` si`nám` nilíng`na' quiá` i dsea` i líng` fí`na' do. Jo lajob lí' e la, song 'nú` jmití`na' lajii` ta` quiũ` dsee` quí`na', joba' lafa' dsea` i nisijúum` líng`na' jóng, co' nisi`naam`ba' cóo` Fidiée`. Jo dsu' song 'nú`gui jmoo`na' náú`na' júu` quiá` Fidiée`, joba' ni`ím`bre 'nú` jóng e líng`na' dsea` i ja` røong` dsee` fí` quinir`. ¹⁷ Dsu' lana gui`máam` Fidiée` uii` quí`na', co' ie` lamí` jéeng`gui do dsee` quí`ba' silí` 'nú`, jo dsu' lanagui nicajmití`ba' e ngocáng` óo`na' lajii` e júu` quiá` Fidiée` e nica`ling`na' do. ¹⁸ Jo co' jo` silí`gui 'nú` jalé` dsee` quí`na' lana, joba' nicajáang` yaang`na' e nijmée`na' jmang` lajii` e guiá`. ¹⁹ Jo nifá`a e júu` la cóo` júu` e fé` doñí` ii` dsea` jmigüi` e laco' ningáng`na' røø` e júu` la, co' fíng ja` nijmee` e lajo, huím`jiu lí' quí`na' e ningáng`na'. Co' 'nú`, ie` lamí` jéeng`gui do, dseáng` cajáang` yaang`na' e cajmee`na' jmang` jalé` e 'li` e ja` dseeng`; jo dsu' lajob lana cajo`né` e nijáang` yaang`na' fí` jaguó` Fidiée` e laco' nijmée`na' jmang` lajii` e guiá` e iing` dsea` do e nijmée`na'.

²⁰ Jo lajee` e silí` 'nú` jalé` dsee` quí`na', ja` cajáang` yaang`na' fa' e cajmée`na' lajii` e iing` Fidiée`. ²¹ Jo jii` coo` e guiá` cadsé`na' quiá` jalé` e ja` dseeng` e cajmée`na' ie` lamí` jéeng`gui do, co' lanagui ni`i` lím`ba' cuaiñ` quiá` jalé` e jo. Co' mi` jmoo`dsea` jalé` e jo, jii` fí` 'mób` si'. ²² Dsu' lanagui jo` silí`gui quí`na' jalé` dsee`, co' lanagui nicajáang` yaang`na' fí` jaguó` Fidiée`. Jo co' lajob nicajmee`na', joba' lana dseáng` jmang` lajii` e guiá` e iing` Fidiée` nijmoo`na' jogui e niliseeng`na' cøøng` cóo` dsea` do car` ngongh` jmii`. ²³ Jo lajob lí', dseáng` jii` 'mó`ba' íng` dsea` mi` éer` dsee`. Jo dsu' la'eáang` e eáang` 'neáang` Fidiée` jneaa`aa', joba' cacuør` e iáang` dsíir` e nilisee`naa' cøøng` cóo` Fí`naa' Dsea` Jmáang` car` ngongh` jmii`.

7

Júu` quiũ` ta` quiá` dsea` sicúng` guó`

¹ Jo jaléng` 'nú`, dsea` rú`naa' dsea` quiá` Dsea` Jmáang`, nicuí`ba' røø` jial lí' jalé` júu` quiũ` ta` quiá` Fidiée`, jogui niñí`bi' cajo` e e júu` quiũ` ta` do quiũ` ta` dsea` jii` lajee` e seeng` dsea` fí` jmigüi`. ² Co' faco' jaang`dseam` cacúng` guór`, joba' dseáng` ja` cuøøng` fa' e nitiúuiñ` i dseañu` quiá`r` do lajee` e seeñ` do fí` jmigüi, co' lajob fé` e fí` ni` e júu` quiũ` ta` do. Jogui fíng song cajúng` i dseañu` do, joba' i dseam` do jo` catíng` fa' e nijmiti`guir laco' fé` e fí` ni` júu` quiũ` ta` do cuaiñ` quiá` dsea` sicúng` guó`. ³ Jo song i dseam` do 'léer` e güiñ` cóo` dseañu` i jéng` lajee` e seem`bi` i dseañu` quiá`r` do, joba' dseeb` éer` jóng fí` quini` Fidiée`. Jogui song cajúng` i dseañu` quiá`r` do, joba' jo` catíng`guir fa' e nijmitir` laco' fé` e fí` ni` júu` quiũ` ta` do cuaiñ` quiá` dsea` i sicúng` guó`. Joba' ja` dsee` ni`ér` fí` quini` Fidiée` song nicúñ` guóor` cóo` i dseañu` i jéng` do.

⁴ Jo lajob lí' cóo` jaléng` 'nú', dsea` rú`naa' dsea` quiá` Dsea` Jmáang`, co' la'eáang` cóo` e cajúng` Dsea` Jmáang` fí` dse` crúu` do, lí' lafa' e cajúm` 'nú` cajo. Jo lana jo` quiũ`gui ta` 'nú` e júu` quiũ` ta` quiá` Fidiée` do. Jo calí` lajo` e laco' nilíng`na' dsea` quiá` Dsea` Jmáang`. Jo co' dsea` quiá` i dsea` i cají`tu` calé` catú` nilíng`na', joba' lajii` e iing` Fidiée` nijmoo`na' lana. ⁵ Jo ie` lamí` jmití`naa' jalé` e ja` dseeng` e lí` dsíi` ngúu` táang`naa', e júu` quiũ` ta` do cali`íng` ta` e laco' eáang`gui lí` dsí`naa' e nijmó`naa' jalé` e ja` dseeng`

do. Jø jaléⁿ e jø dseáng^l- jii^l~ fi' 'mób⁻ si'. 6 Jø dsu^l lana jø` quie^ggui nifi^q quí⁻ii^l lajii^l~ e fé^l e júu[^] quiu^l ta~ do, co^l nilíng^{naa} lafa^l dsea^l i sijúum⁻, co^l jø silí^l~gui jneaa^{aa} jaléⁿ dsee⁻ quí⁻ii^l. Jø co^l lajob nilí^l, joba^l lana fi' 'máb⁻ nitée⁻naa^l e nijmoo⁻naa^l la'eáang^l cóo^l~ Jmiguí^l quia^l- Fidiée[~] lajii^l~ e iing⁻ Fidiée[~] e nijmó^{oo}!, jø o^l la'eáang^l cóo^l~ e júu[^] yúu^l~ quiu^l ta~ do.

Lajii^l~ dsee⁻ e sea` quie⁻e

7 Jø e laba^l iin⁻n fii^l i 'nú^l', dsea^l rú^l'naa^l dsea^l quia^l- Dsea^l Jmáang⁻, e o^l dsee⁻ e júu[^] quiu^l ta~ do. iCo^l dseáng^l- o^l lajo! Dsuo^l faco^l mi[~] ja^l mi^l sea^l e júu[^] quiu^l ta~ do, joba^l ja^l tóo^l jmi^h caliñiⁿ jnea[~] jóng e ee^e dsee⁻. Co^l mi[~] cajme^l jnea[~] júu[^] e júu[^] quiu^l ta~ do mi[~] fé^l lala: "Ja^l jmoo^l e lí^o jaléⁿ e sea^l fi' jmigüí^l", joba^l la'eáang^l cóo^l~ e júu[^] jø caliñiⁿ jnea[~] e lí^o dsii⁻ jaléⁿ e sea^l fi' jmigüí^l. 8 Jø la'eáang^l cóo^l~ e júu[^] quiu^l ta~ do cali^líng[^] ta~ e laco^l jnea[~] caliñii⁻ e eám^{ee} dsee⁻ fi' jmigüí^l la uí^l~ e eáang^l lí^o dsii⁻ jaléⁿ e sea^l fi' jø. Dsu^l mi[~] ja^l sea^l júu[^] quiu^l ta~, joba^l ja^l lí[^] dsea^l e eer^l dsee⁻ jóng. 9 Jø nú^l-gui e ningán^l lajii^l~ ta~ huí^l quia^l- e júu[^] quiu^l ta~ do, lín⁻n e seen⁻ juguiá^l júu[^] røøb^l. Jø dsu^l mi[~] cangán^l røø^l lajii^l~ e júu[^] jø, joba^l eáang^l gui casi^l fi' quie⁻ e jóng e iin⁻n ni^{ee} e dsee⁻, jogui e jii^l~ 'mób⁻ nisijée^l quie⁻ e uí^l~ e jmóo^o jaléⁿ e jø. 10 Jø lajob cali⁻, co^l e júu[^] quiu^l ta~ do e lamí⁻ lín⁻n e si^l~ e nijmicóo^l~ jnea[~] e laco^l jial niliseen⁻ juguiá^l júu[^] røø^l, dsu^l ja^l cali⁻ lajo, co^l ca^lléeb^l quie⁻ e e lafa^l cajúm⁻baa uí^l~ jaléⁿ dsee⁻ e ca^lee^e do. 11 Dsuo^l la'eáang^l cóo^l~ e júu[^] quiu^l ta~ do cali^líng[^] ta~ e laco^l jnea[~] caliñii⁻ e jmigóob^l jaléⁿ dsee⁻, co^l dseáng^l- jii^l~ fi' 'mób⁻ si'.

12 Joba^l fii^l i 'nú^l', dsea^l rú^l'naa^l, e güeam^l jaléⁿ e júu[^] quiu^l ta~ do, jogui lajob lí^l cajo laco^o e júu[^] ta~ huí^l do, jogui røøb^l quiu^l ta~ quia^l- dsea^l, jogui guiá⁻bi cajo. 13 Co^l e laba^l lí^l e lí[^] laco^l calili[~] e dseáng^l- lajam^l'ba^l lí^l dsee⁻ jaléⁿ dsee⁻ quie⁻e. Jø e dsee⁻ quie⁻e do cajmeáng^l ta~ e júu[^] ta~ huí^l quia^l- Fidiée[~] do e laco^l casíng^l jnea[~] fi' 'mó⁻. Jø lajoba^l la'eáang^l cóo^l~ e júu[^] ta~ huí^l do cajo júu[^] e dseáng^l- lajam^l'ba^l lí^l jaléⁿ dsee⁻ quia^l- dsea^l.

14 Jø nine[~]baa^l røø^l e Fidiée[~]bing^l cacuø^l e júu[^] quiu^l ta~ do, jø dsu^l jnea[~]gui línⁿ jii^l~ dsea^l jmigüí^b, jogui jaang^l i jmiti^l lajii^l~ ta~ quiu^l dsee⁻ quia^l- . 15 Jø jii^l~ 'ñiá^l'a ja^l ngán^l ee^l jaléⁿ e jmóo^o, dsuo^l ja^l jmóo^o jaléⁿ e iin⁻n 'ñiá^l'a, co^l jaléⁿ e 'ní^l máam^{baa}, e joba^l jmóo^o. 16 Jøgui song jmóo^o jaléⁿ e ja^l iin⁻n jmee[~] e do, joba^l cóo^l~ e jø cuøø⁻ lí[~] e eám^l guiá⁻ e júu[^] quiu^l ta~ do. 17 Jø lajob lí^l, dsuo^l o^l 'ñiá^l'a dsea^l jmóo^o jaléⁿ e ja^l dseeng^l do, dsuo^l dsee⁻ quie⁻baa e quiu^l ta~ e jmóo^o jaléⁿ e jø. 18 Co^l nicuí^l 'ñiá^l'a e dsea^l dsee⁻ dsea^l quib^l línⁿ, joba^l jii^l~ cóo^l e guiá⁻ lí^l i jmee⁻ nañí^l fa^l eám^l iin⁻n e nijmee[~] e jaléⁿ e guiá⁻, lífa^l dseáng^l- ja^l lí^l i e nijmee[~] e jaléⁿ e jø. 19 Dsu^l ja^l jmóo^o jaléⁿ e guiá⁻ e iin⁻n jmee[~] e, co^l jmang^l- jaléⁿ e ga^l e ja^l iin⁻n jmee[~]baa, dseáng^l- e joba^l jmóo^o. 20 Jø song jmóo^o jaléⁿ e ja^l iin⁻n jmee[~] e do, joba^l o^l 'ñiá^l'a dsea^l jmóo^o jaléⁿ e jø, dsuo^l dsee⁻ quie⁻baa quiu^l ta~ jnea[~] e jmóo^o jaléⁿ e lajo.

21 Joba^l nicalilí^l i e nañí^l fa^l iim[~]baa jmee[~] e jaléⁿ e guiá⁻, dsu^l jmang^l- jaléⁿ e ga^lba^l lí^l i jmóo^o. 22 Dsuo^l eám^l iin⁻n e nijmitii^l jaléⁿ júu[^] quiu^l ta~ e cajme^l Moi[~]; 23 lífa^l e dsee⁻ quie⁻e do eám^l quiu^l ta~ jnea[~] jogui eám^l silí^l~ jnea[~] cajo, co^l 'ní^l níim⁻ rúng^l cóo^l~ lajii^l~ e í dsii⁻ e iin⁻n nijmee[~] e.

24 iE ngí^l fii^b jnea^l! iI^l i nileáng⁻ jnea[~] jee[~] jaléⁿ dsee⁻ quie⁻e e laco^l ja^l nijúun⁻ uí^l~ e jø? 25 Jø dsu^l jnea[~] í dsii⁻ e nijmitii⁻ e júu[^] quiu^l ta~ do, dsu^l jnea[~], dsea^l dsee⁻ dsea^l quib^l línⁿ, joba^l ja^l lí^l i nijmee[~] e lajo, co^l dsee⁻ quie⁻baa quie^l nifi^l quie⁻e. Jø lajob lí^l, lífa^l gui^l máang^l Fidiée[~] e nicaléaiñ^l jnea[~] jee[~] jaléⁿ e jø la'eáang^l cóo^l~ Fí^l'naa^l Dsea^l Jmáang⁻.

8

Jial seeng`dsea`e Jmiguí` quiá'- Fidié` quie` nifí` quiá'r`

¹ Jōba' fī-guú' 'nú', dseá` rú'naa' dseá` quiá'- Dseá` Jmáang-, e lajaléng' jneaa~aa', dseá` lí'naa' dseá` i seeng` cōng` cóo'~ dseá` do, jō` quí'- jmī~ fa' e cuó'-gui dseá` dsee- jneaa~aa'. ² Jō lajōb` nílí'naa', cō' e bí` 'gōng' quiá'- Jmiguí` quiá'- Fidié` cóo'~ e cuó' e seē- naa' cōng` cóo'~ Dseá` Jmáang-, e jōba' e nicaleáng` jneaa~aa' jee~ bí` quiá'- dsee- jōgui jee~ bí` quiá'- 'mó- cajo. ³ Jō e júu^` quiú' ta~ do ja` caquú'~ jmī~ fa' e caleáng` jneaa~aa' jee~ bí` quiá'- dsee- quí'-ii'. Cō' e júu^` jō ja` sea` bí` quiá'- fa' e cajmée` lajō uí'~ e quiú' ta~ quiá'- dseá` i líng' dseá` dsee- dseá` quí'. Jō dsu' lana Fidié` nicajmée` bre jalé' e ja` caquú'~ jmī~ cajmée` e júu^` do. Cō' nicasíñ` i Jōr' camíng'~ do e líñ' do jaang` dseá` jmīgú' i sea` ngúu' táang` la jneaa~aa'. Jō cajmée` Fidié` lajō e laco' cajáñ' i Jōr' do e cajúñ'- do fí` dse` crúu^, jō lajōba' ca'íñ- congua' e bí` quiá'- jalé' dsee- quiá'- dseá` jmīgú'. ⁴ Jō cajmée` Fidié` lajō e laco' jneaa~aa' quí'~naa' jmī~ e nijmití'naa' laco' catíng- e júu^` quiú' ta~ do. Cō' jō seē- naa' fí` jmīgú' la e jmoo- guí' jalé' e lí` dsí' ngúu' táang`naa', dsu' lana niseē- naa' e nijmoo- naa' lí^ laco' la iing~ Jmiguí` quiá'- Fidié` e nijmó'naa'.

⁵ Jō jaléng' dseá` i seeng` e guing~ dsír' lajii'~ e lí` dsí' ngúu' táaiñ` lico' seeiñ` e jmitir~ dseáng'- lajii'~ e jōb` dseáng'- . Jō dsu' jaléng' gui dseá` i seeng` lí^ laco' la iing~ Jmiguí` quiá'- Fidié` e seeiñ, jōba' dseáng'- jii'~ e iing~ e Jmiguí` do guing~ dsír' e jmóor'. ⁶ Jō dseáng'- jii'~ fí' 'mób- dseáng'- si' quiá'- jaléng' dseá` i jmóo' lajii'~ e lí` dsí' ngúu' táaiñ`. Jō dsu' jaléng' gui i jmóo' lajii'~ lí^ laco' la iing~ Jmiguí` quiá'- Fidié`, jōba' jaléng' í` juguiá- júu^` rōb` niliseeiñ` lata~ cóo'~ Fidié`. ⁷ Jō jaléng' dseá` i guing~ dsí' e iñ~ jmér- lajii'~ e lí` dsí' ngúu' táaiñ, jōba' i dseá` í` 'ní' níim- bre Fidié`, dsuco' ja` iñ~ o'gui quí'r~ jmī~ fa' e nijmér- náur~ lajii'~ júu^` quiú' ta~ quiá'- dseá` do. ⁸ Cō' jaléng' dseá` i jmiti~ lajii'~ ta~ quiú' e lí` dsír' yaaiñ` ja` quí'r~ jmī~ fa' e nilí'íang` dsí' Fidié` cóo'r`.

⁹ Jō dsu' 'nú'gui, dseá` nílíng'na' dseá` quiá'- Dseá` Jmáang-, jō` seeng`na' fa' e jmití'gui' lajii'~ e lí` ó'na' yaang~na', cō' lana niseeng`na' e nijmoo`na' lajii'~ e iing~ Jmiguí` quiá'- Fidié` e nijmée`na'. Jō lí' lajō, cō' seeng` Jmiguí` quiá'- Fidié` cóo'~ 'nú'. Jō i dseá` i seeng` e ja` seeng` Jmiguí` quiá'- Dseá` Jmáang- cóo'r~, jōba' i dseá` í` ja` líñ' dseá` quiá'- dseá` do jóng. ¹⁰ Jō ja` ee` lí' e nisi'íng^ e ní'íng- ngúu' táang`na' mī~ nití- í' e nijúung`na' uí'~ e líng`na' dseá` dsee- dseá` quí', dsuco' seem` Dseá` Jmáang- cóo'~ 'nú', jōgui seem` jmiguí` quí'-na' cajo. Jō lí' lajō uí'~ e nica'ím' Fidié` 'nú' e nílíng`na' dseá` i ja` rōng` dsee- fí` quinir'. ¹¹ Jō la'eáang` cóo'~ Jmiguí` quiá'b'- Fidié` cajmээр` e cají'tu` Jesús mī~ cangí` e cajúñ-. Jō e Jmiguí` jōb` cajo seeng` cóo'~ 'nú' lana, jōba' 'ñiab' Fidié` nijmér- e nijí'tu` 'nú' calé' catú- mī~ nití- í' lajō. Jō nijmér- lajō cóo'~ 'nú' la'eáang` cóo'~ Jmiguí` quiá'r- e seeng` cóo'~na' lana.

¹² Jō lajōb` lí', dseá` rú'naa' dseá` quiá'- Dseá` Jmáang-, dseáng'- lajam'^ba' 'né- e seē- naa' e jmoo- naa' lajii'~ e iing~ Jmiguí` quiá'- Fidié` e nijmó'oo', jō dseáng'- ja` catíng- naa' e nijmó'guí' lajii'~ e lí` dsí'naa' yee~naa'. ¹³ Jō dsu' song` mī` 'noo'bi' seeng` 'nú' e jmoo`na' lajii'~ e lí` ó'na' yaang~na', jōba' dseáng'- congua' jóng` ní'náng`na' cóo'~ Fidié`. Jōgui dsu' song` la'eáang` cóo'~ Jmiguí` quiá'- Fidié` niquiung`na' congua' e jmoo`na' jalé' e jō, jōba' latab~ niliseeng`na' cóo'~ Fidié` jóng.

¹⁴ Jō jaléng' dseá` i seeng` e Jmiguí` quiá'- Fidié` quie` nifí` quiá'r-, jōba' í'bing' dseáng'- i líng' jōo' Fidié`. ¹⁵ Dsuco' Fidié` nicacuó'r' 'nú' Jmiguí` quiá'r- e laco' ní'uíng- na' jōr' jō o' laco' e nisilí' tu` 'nú' cóo'~ jalé' e 'gó'na' contōng-. Dsuco' la'eáang` cóo'~ e Jmiguí` quiá'- Fidié` do seē- naa' e cuó'ng` lí` sí'naa' cóo'r- jōgui e sí'naa'r` lala: "¡Teaa~!" ¹⁶ Jō e Jmiguí` quiá'- Fidié`

do røøb` s̄ing` cōo` j̄miguí qui`ii' e laco' nita` dsi`naa' e dseáng`- já`-ba' e nilí`naa' jōo' Fidiée`. 17 Jo uí` e dseáng`- nilí`naa' jōo' Fidiée`, jōba' ni'ím`-baa' jalé` e catí`-naa' e si'í` nicuø'r` jaléng' jōor' lí` laco' jii` júu` e nicacuø'r` lamí` jéeng`gui. Jo jalé` e jo conrøøb` qui`ii' cōo` Dsea` Jmáang` song dseáng`- lajang`^ ni'íing`-naa' jalé` iihuí' uí` e lí`naa' dsea` quiá'r`. Jo song nijmé`naa' lajo, jōba' conrøøb` nilisee`-naa' cōo'r` fí` lí` niing` 'gøiñ' mi` nití` í` lajo.

Eáam' jlo` jalé` e niñing`na' quiá'- Fidiée`

18 Jo fí`-guí` 'nú', dsea` rú`naa' dsea` quiá'- Dsea` Jmáang`, dseáng`- nitab` dsii` e lajalé` iihuí' e dsing`ng`-naa' lajee` lana fí` j̄migüí` la ja` ee` tí' song nicøøng`naa' cōo` mi` tí` lí` nilisee`-naa' cøøng` cōo` Fidiée` fí` ñifí` quiá'r`. 19 Jo lajalé` e cajmée` Fidiée` dseáng`- eáam' nisijeeng` e jmí` e nijmijnéeng` Fidiée` jaléng` dsea` quiá'r` i` líng` jōor'. 20-21 Jo ni'ím`- lajalé` e sea` fí` j̄migüí`, co' jmang`- e cuøøng` ni'ím`-ba' sea`. Jo lí` lajo dsu` ofa' e lajo iing` e lí', co' lí' lajo uí` e lajo cali'ing` Fidiéeb`. Jo ja` ee` lí' lí' lajo, co' nitab` dsí' e jmang`- jalé` e 'mí` e jlo` niing`- nilisea` ie` jo lí` laco'gui` nilíng`- jaléng` dsea` quiá'- Dsea` Jmáang`. 22 Jo guiáb`- nine`ee' e cartí` lanab lajalé` e cajmée` Fidiée` e sea` fí` j̄migüí` eáam' quié` iihuí' jogui` dsíng`- seáang` dsí' cajo dsu` uí` e nisijeeng` e nileáang` jee` jalé` iihuí' lí` laco' lí' cōo` jaang` dseamí` i` tí` lí` niliseeng` jiuung` quiá'- . 23 Jogui` o' jii` e sea` fí` j̄migüí` dsing`ng`- lajo, co' lajōb` dsing`ng`- jneaa`aa' cajo, dsea` nicang`ng`naa' Jmiguí` quiá'- Fidiée` jéeng`gui e laco' cuø` lí` quiá'- jalé` e niñing`naa' cøøng`gui. Jo dseáng`- eáam' nisijeeng`naa' ie` jmí` mi` dseáng`- ni'íng` Fidiée` jneaa`aa' e lí`naa' dseáng`- jōor'. Jo ie` jo nileáiñ`- jneaa`aa' conguaí', co' nijmisím`-bre jialco' lí' ngúu` táang`naa'. 24 Jo co' nicalaam`-baa' jee` jalé` dsee`- qui`ii', jōba' nitab` dsi`naa' e ni'ím`-baa' lajii` e nisijeeng`naa' do e catí`-naa' quiá'- Fidiée`. Jo song nijøø`-baa' lajii` e nisijeeng`naa' do, jōba' jo` ee` ta`gui` jóng e sijeeng`guí' e jo. Co' doñí` ee` e niní` dsea`, jo` 'né`-gui` fa' e nijéng`-guir e ni'íñ` e jo. 25 Jo co' ja` mí` jōø`-guí' lajii` e nisijeeng`naa' e ni'íng`-naa' quiá'- Fidiée` do, jōba' 'né` e dseáng`- ja` nilitúng`- dsi`naa' e sijeeng`naa' e jo.

26 Jogui` e Jmiguí` quiá'- Fidiée` e nicang`ng`-naa' do, e jōba' e jmicōo` jneaa`aa' uí` e ja` quí`-naa' jmí` jmé`naa' yee`naa'. Co' faco' mí` ii`naa' s̄ing`naa' cōo` Fidiée`, ja` quí`-naa' jmí` jmé`naa' laco' si'í`. Jōba' e Jmiguí` quiá'- Fidiée` e seeng` cōo` jneaa`aa' do, e jōba' e mí` uí` qui`ii' laco' si'í' fí` quini` Fidiée`. Jo jmóo` lajo dseáng`- e jii` ja` sea` júu` jial nifé` e mí` uí` qui`ii' e Jmiguí` do. 27 Jo Fidiée`bing' dseáng`- i` niñí` jialco' jii` í` dsí' lajaang`- lajaang` dsea`, jogui` niñí`bre guiá`- cajo e` jmí`ee` mí' e Jmiguí` quiá'r` do. Co' e Jmiguí` do mí' jmí`ee` uii` quiá'- lajaléng` dsea` quiá'- Fidiée` lí` jialco' la iing` dsea` do 'ñia'r` e nilí`.

Dseáng`- lí`-baa' jee` jalé` iihuí`

28 Jo guiáb`- nine`naa' e lajaléb` e dsing`ng`-naa' fí` j̄migüí` la, jmóo` Fidiée` lajo e laco' ni'uíng`- guiá`- qui`naa', dsea` lí`naa' dsea` quiá'r` i` 'neáang` ír`. Co' dsea` do nicaguíñ` jaléng` jneaa`aa' e laco' nijmó`-naa' jialco' iin` 'ñia'r` e ni'uíng`. 29 Jo lajii` latí` mi` uing` niñí` Fidiée` i` jaléng` i` nilíng`- dsea` quiá'r`. Jo lajii` latí` ie` jo cajo cali'íñ` e lajaléng` í` ni'uíñ` dseáng`- laco' líng` i` jōor` Dsea` Jmáang` do, jo lajōba' i` jōor` camúng`- do ni'uíñ`- jaang` i` niing`-gui` jee` lajaléng` i` rúíñ` do. 30 Jo jaléng` dsea` i` nisi'íng` quiá'- Fidiée` jii` latí` mi` uing` do, nicatø`-bre jaléng` í` e laco' ni'uíñ`- do dsea` quiá'r`. Jo jaléng` dsea` i` nicatø'r` do nica'íng`-neiñ' e nilíñ` dsea` i` ja` røøiñ` dsee` fí`

quinir. Jogui jaléng' í nicangúin' quiá' dsea` do e nicuøng` e niliseeñ` cóo' dsea` do fí ñifí` quiá'r` fí lí` niing` 'gøñ'.

³¹ Jo co' lajob lí', joba' ¿e` cuøng` lí` fé`gui jóng? Jo co' Fidié`bing' i sing' uii` quí`ii', joba' jii'` jaang` jo` ii` quí'`gui jmi` nijme'` guiáa' jneaa`aa'. ³² Jo Fidié` ja` ca'áaiñ` í', co' cacuøm`bre i jóor' Dsea` Jmáang` do e laco' cajáin' e cajúin'` do fí` dse'` crúu` uii'` quí`ii', dsea` lí'naa' dsea` quiá'r`. Jo co' lajob cajméer', joba' lana cuøng` lí` fé`ee' e nicuø`bre cajo e iáang` dsír' lajalé' e 'né`naa'. ³³ Jo jaléng' jneaa`aa', dsea` i nicaguíng' Fidié`, jii'` jaang` cuøng` lí` cuø'`gui jneaa`aa' dsee` fí` quinir. Co' ñiab' Fidié` dsea` nica'ín' jneaa`aa' e laco' lana nilí'naa' dsea` i ja` røong` dsee` fí` quinir. ³⁴ Jo uii'` e nilí'naa' lajo, joba' jo` ii` quí'`gui jmi` fa' i nijmi'náng`gui jneaa`aa' cóo' Fidié`. Co' Dsea` Jmáam`bing' i cajúng` fí` dse'` crúu` uii'` dsee` quí`ii', jogui dsea` íb` cajo i cají'`tu calé'` catú` mi` cangf` jo; jo dsu'`lana dob niguiñ` fí` ñifí` lí'` lí` dséé' laco' guing` Tiquiá'r` Fidié` e mir' uii` quí`ii', dsea` lí'naa' dsea` quiá'r`. ³⁵ Joba' lana dseáng'` nitab` dsi'naa' e jii'` jaang` o'gui jii'` cóo` cuøng` lí` jning` quí`ii' e 'neáang` Dsea` Jmáang` jneaa`aa' nañí' fa' e íng'`naa' iihu'` osi e huíng` dsijéé' quí`ii' é, osi e jmáng'` dsea` jneaa`aa' ga` dsu'` uii'` e lí'naa' dsea` quiá'` Dsea` Jmáang` é, osi e ja` 'ga' lí' sea` e quiee`naa' é, osi e nijngám'`bi dsea` jneaa`aa' é. Jo lajalé' e na jii'` cóo` cuøng` lí` jning` e 'neáang` Dsea` Jmáang` jneaa`aa'. ³⁶ Jo dseáng'` lajob lí' lí' laco' fé' fí` ní` jì quiá'` Fidié` lí' fé' lala: Jo uii'` e lí'naa' dsea` quiá'`

joba' contøom` dseáng'` see`naa',
co' gab` jmáng'` dsea` jneaa`aa'

lí' laco' la dsingíng` jaang` jo'se'` i tí' lí' nijngáng'` dsea`.
Jo lanab fé'` júu` quiá'` Fidié`.

³⁷ Jo lajaléb'` e dsingí`naa' lajee` see`naa' fí` jmigüí' la ja` jmóo` guiáa' jneaa`aa', co' Dsea` Jmáam`bing' i jmicóo'` jneaa`aa' uii'` e eáang'` 'neáaiñ` jneaa`aa'. ³⁸⁻³⁹ Joba' fii'` i 'nú', dsea` rú'naa', e dseáng'` lajam'` nita` dsii` e jii'` cóo` quí'` jmi` e nijmi'náng` jneaa`aa' e eáang'` 'neáang' Fidié` jneaa`aa'; co' ja` quí'` jmi` jmé` lajo 'mó', o'gui jalé'` e dsingíng`naa' lajee` see`naa', o'gui jaléng'` ángeles quiá'` Fidié`, o'gui jalé'` guí' e í' fí` guiá'` güí, o'gui jalé'` e dsingí`naa' lajee` lana osi lí` dsé`gui é, o'gui jalé'` e sea` fí` yú'` jmigüí, o'gui jalé'` e sea` fí` nú'` uø`, o'gui lí'` doñí' ee' e cajméé' Fidié` e sea` fí` jmigüí. Co' jii'` cóo` ja` cuøng` fa' e nijmé` e ni'náng`naa' e eáang'` 'neáang' Fidié` jneaa`aa'. Jo e jo nicajmitar` dsi'naa' la'eáang' cóo' Fí'naa' Dsea` Jmáang`.

9

Mí` caguíng' Fidié` dsea` Israel e ni'uíñ'` dsea` quiá'r`

¹ Jo fii`guí' 'nú', dsea` rú'naa', e dseáng'` júu` jáb'` fá'` jnea` la, co' dsea` quiá'` Dsea` Jmáam` lín'n. Jogui e Jmiguí' quiá'` Fidié` e quie` nifí' quiá'` jalé' e í` dsii`, e joba' tí' ní` e dseáng'` ja` fá'`baa júu` ta` júu`. ² Jo dseáng'` eáam'` lijjuung` dsii` jogui dseáng'` contøong` e cu'` dsii` jaléng'` dsea` góo'o dsea` Israel. ³ Co' jnea` j`gui cartí' iin`n e s'ilín'`n fí` quini` Fidié` e laco' si'naan` cóo'` Dsea` Jmáang` e faco' lajogui e nilí'`i e nijmicóo'`o jaléng'` i dsea` góo'o do e laco' ja` ni'ín'` iihu'` uii'` jalé'` dsee` quiá'r`. ⁴ Jo dsea` siju` dsea` Israel líng'` jaléng'` í` lí' laco'gui la líng'` jnea` cajo. Jo Fidié`bing' i nicaguíng'` jaléng'` jnea'` e laco' nica'uíng`naa' dseáng'` jóor'. Jo contøong` caliséng' Fidié` fí` jee` jaléng'` dsea` áang'` quí`ii' e jmijnéiñ` jial tí' jlo'` líiñ` cóo'` jalé' e quí'r` jmi` jmóor`. Jogui cajmirør` júu` cóo'` jaléng'` i dsea` í, jogui cacuø'`bir cajo júu` quiu'` ta` quiá'r`. Jogui cajím'`bir jial 'né` e nijmiféiñ'` do í' laco' catíng`, jogui cajím'`bir cajo ie` jo e nicuø'`breiñ'` do lajee` ngóo'guijia jalé' e catíñ`

lí' laco' júu^ e nicacuø' reiñ' lami~ jéeng'gui. ⁵ Jo jaléng' i dsea' í, dsea' siju' 'lii~ dsea' cøøng'~ quié~baa líiñ'. Jo Dsea' Jmaang' fí' jee~ job cagüi'fir' cajo ie~ lami~ cajar' fí' jmigüi' la e líiñ' jaang' dsea' jmigüi'. Jogui Dsea' Jmaang' Fidiéeb' líiñ' cajo i quie' nifi' quiá'~ lajalé' e sea' fí' la'úng' fí' jmigüi'. Jo co' lajob líiñ', joba' contøø'm' 'né' e nijmiféng'naa're. Jo lajob 'né' lí.

⁶ Dsu' ofa' caje' e ja' cajmiti~ Fidié' lajii' júu^ quiá'r' e cacuø'r' dsea' Israel; co' cajmiti~bre jalé' e júu^ jo, lifa' e ja' lajüng' dsea' siju' dsea' Israel dseáng'~ já'~ líiñ' dsea' quiá'~ Fidié'. ⁷ Jogui o' lajüng' dsea' siju' 'lii~ yúu'~ Abraham líiñ' dseáng'~ jóo' dsea' do, dsuco' lami~ jéeng'gui lalab casí'~ Fidié' i 'lii~ yúu'~ Abraham do: "Jaléng' dsea' i dseáng'~ já'~ i nilíng' siju'~ niliseeiñ' la'eáang' cøø'~ jóo' i sii' Isáa'." ⁸ Jo uí'~ e júu^ na, joba' lana cuøøng' fe'ee' e o' lajaléng' dsea' siju' 'lii~ yúu'~ Abraham dseáng'~ já'~ líiñ' jóo' Fidié', co' dseáng'~ o' lajo. Dsuco' lajii' dsea' i seeng' i já'~ líng' lajii' júu^ e cacuø' Fidié' i 'lii~ yúu'~ Abraham do lami~ jéeng'gui, lajii' í'bing' i dseáng'~ já'~ líng' jóo' Fidié'. ⁹ Dsuco' e lab júu^ e cacuø' Fidié' i 'lii~ yúu'~ Abraham do lami~ casí'r' lala: "Cøø' lajee' lana, lajee' jii' ni'í, nigáa'túu, jo i dseam' qui'~ i sii' Sara niliseeng' jaang' yúu' siñuú' quiá'r'."

¹⁰ Dsu' o' jii' e jo, co' lajob cajméer' cajo cøø' i dseam' i sii' Rebeca do i caliséng' jiuung' suung' quiá'. Jo i tiquiá' i jiuung' í, íb' i líng' 'lii~ yúu'~ qui'~ ii' i sii' Isáa'. ¹¹⁻¹³ Jo ná'~ gui e niliseeng' i jiuung' dsea' suung' do, lajee' e ná'~ gui e ja' mí' cajméeiñ' do jii' cøø' e guiá'~ osi e ja' dseeng' é, jo lajii'~ latí' ie~ job cajíng'~ Fidié' lala e casí'r' i Rebeca do: "I jiuung' dsea' suung' i niliseeng' qui'~ nifi', í'bing' i nijmé' ta~ quiá'~ i jiuung' i niliseeng' cøøng'guijii' do." Jo røøb' cøøng' e júu^ na lí' laco' la fé' Fidié' fí' ni' jì' quiá'r' lí' fé' lala: "Jo eáang' cajmi'neáang' jnea~ i Jacóo' do, dsu' ja' cajmé'e lajo cøø' i Esáu do." Jo cøø' e júu^ na jmíta~ dsí'naa' e 'ñiab' Fidié' sea' fí' quiá'r' e niguíñ' dsea' i iñ' i ni'uúing' dsea' quiá'r' lí' laco' iñ' e nijméiñ' do, jo ja' e lí' su nicajméer' e guiá'~ osi e ja' mí' cajméer' lajo é.

¹⁴ Jo uí'~ jalé' e na ja' cuøøng' lí' fe'ee' fa' e Fidié' ja' fir' í' røø' laco' catíng'~, jco' dseáng'~ o' lajo! ¹⁵ Co' lalab cajíng'~ Fidié' ie~ malii'gui do, ie~ lami~ casí'r'~ Moí' lala: "Guiúm'~baa nijmee' e cøø'~ lajaléng' dsea' i iin'~n nijmee' e cøø'~ lajo, jogui nilí' fí' lán'~n cajo cøø'~ jaléng' i iin'~n i nijmee' e cøø'~ lajo." ¹⁶ Jo lajob líi', co' 'ñiab' Fidié' i fí' líng' dsea' lí' jialco' iñ' e nijmér' cøø'~ lajaang' lajaang' dsea'. Co' ja' jmóor' jialco' iing' dsea' o'gui jialco' bí' cuø' yaang' dsea' cajo. ¹⁷ Jo lanab lí' e júu^ na lí' laco' la fé' fí' ni' jì' quiá'~ Fidié' lí' sí'r' i dseata~ dsea' féng' quiá'~ Egipto ie~ malii'gui do, ie~ lami~ cajíñ'~ lala: "Cacuøø'~ø' 'nu' e lin' dseata~ dsea' féng' e laco' niliñ' dsea' fí' la'úng' fí' jmigüi' jial tí' e 'gøng' jnea~, jogui e niliñ' dsea' cajo e jii'~ jneab' lán'~n Fidié' quiá'~ lajaléng' dsea' i seeng' fí' jmigüi'." ¹⁸ Jo lajob líi', co' Fidié' fí' lám'~bre jaléng' dsea' i iñ'~nijmér' cøø'~ lajo, jogui jmóo'~bir cajo e ue' dsí' jaléng' i dsea' i ja' iing'~ ninú' júu^ quiá'r'.

¹⁹ Jo uí'~ e júu^ na, joba' cuøø'm' sea' lí' jming'í'~ 'nu' jnea~ lala: "Jialí' cuø' Fidié' jneaa'~aa' dsee' cøø'~ jalé' dsee' e ee'~naa'? Co' jii'~ jaang' cuøøng' lí' jníng'~ jalé' e iing' dsea' do e nijmér'." ²⁰ Jo dsu' jnea~ fí' i 'nu', dsea' lin' jii'~ dsea' jmigüi', e ja' sea' fí' quiá'~ fa' e nifi'~ Fidié' e uing' sea' quiá'~ jalé' e jmóor'. Cofa' cøø' tu' ja' fí' sea' quiá'~ fa' e nisí' i dsea' i cajmé'e do: "Jialí' cajmeaan'~ jnea~ lala?" ²¹ Co' i dsea' i jmóo' tu' do seab' fí' quiá'r' e nijmér' doñí' ee' iñ' cøø' e guóo' e jmáiñ' ta~ do. Co' cøø' e guóo' job cuøøng' lí' jmér' cøø' tu' e nijmeáiñ' ta~ jii'~ mí' jmí'~ niing'~ osi e nijmér' cøø'gui e nijmeáiñ' ta~ lacoø'~ jmí'~ lacoø'~ jmí'~ é.

22 Jo Fidiée˘ calí'iiñ˘ e nijmijnéeiñ˘ jial tí' 'gøiñ' jogui jial e nicuø'r˘ iihuı' jaléng' dsea` uı' quiá' jalé' dsee˘ quiá'ıñ' ; jo dsu' ja` mí cajméer˘ lajo uı' e eáang' jmóor˘ té'r˘ e féng' dsír' cóo' jaléng' i dsea` i catıng˘ ni'ıng' e iihuı' jo jogui i catıng˘ ni'ıng˘ conguiá' fı lí' 'lı'. 23 Jo Fidiée˘ iiñ˘ e jmili˘bre cajo cóo' jneaa˘aa' jial tí' jlo'˘ niing˘ 'gøiñ' cóo' jalé' e quı'r˘ jmı̃ jmóor˘, có' calı' fı' líıñ˘ jneaa˘aa', joba' latı' mı̃ uiim˘ caguiéeiñ˘ jneaa˘aa' guiá' e laco' nilisee˘naa' cóo'r˘ fı lí' niing˘ 'gøiñ'. 24 Jo nicatø' Fidiée˘ jneaa˘aa', dsea` i eáang' 'neáaiñ, e laco' nica'uíng˘ naa' dsea` quiá'r˘, jo ja` ee' lí' si lí'naa' dsea` Israel osi ja` lí'naa' lajo é. 25 Jo lajob lí' lí' laco' la fé' Fidiée˘ fı ni˘ jı' e cajme' Oseas ie˘ malı̃gui do ie˘ lamı̃ café' Fidiée˘ lala:

Jaléng' dsea` i ja` mí calıng' dsea` quié'e,
 dsu' lana nıfı̃ıre e dsea` quié'baa nilııñ;
 jogui jaléng' dsea` i ja` mí cajmi'neáan˘ lamı̃ jéeng'gui,
 dsu' lanagui nijmi'neáam˘baa jaléng' í.

26 Jo fı ni˘ e jı' job cajo fé'gui Fidiée˘ lala:
 Cartı' lana ja` líng'na' dsea` quié'e,
 jo dsu' lanagui jóo'baa nilıng'na' quié' jnea˘, dsea` lın'na' Fidiée˘ i seeng˘
 car˘ ngongı̃ jmı̃.
 Jo lanab lí' júu˘ quiá' Fidiée˘ e cajme' Oseas.

27 Jo lalab fé' Saı' fı ni˘ jı' quiá' Fidiée˘ cuaiñ˘ quiá' jaléng' dsea` Israel:
 Nañı' fa' jialgui la fıng' jaléng' dsea` Israel
 lí' laco'gui la jmıguı̃a' tóo' e néé' fı 'ni' jmıñı'˘,
 jo dsu' jíı' tú' 'ni' mım'bing' i nilı' nıleáng' jee˘ jalé' iihuı' e nıjaquiéeng'.

28 Có' jo huøø˘ nıdsé'gui e dseáng'˘ nijmiti˘ Fidiée˘ laco' sı'ı' e 'goo' e nıca'ıır˘
 lamı̃ jéeng'gui quiá' lajaang˘ lajaang˘ dsea` jmıgüı'.

29 Jo lalab café'gui Saı' ie˘ malı̃gui do cajo:
 Jo faco' Fidiée˘ i quı' jmı̃ jmé' doñı' ee˘
 ja` caseáaiñ tú' 'ni' mıng' dsea` sıju˘naa', dsea` Israel,
 joba' dseáng'˘ conguiab' nıca'ııñ˘ jnea' jóng
 lí' laco'gui cajméer˘ cóo' jaléng' dsea` i calıséng' fı Sodoma cóo'gui fı
 Gomorra.
 Jo lanab fé' Saı' fı ni˘ jı' quiá' Fidiée˘ e cajme'r˘ ie˘ malı̃gui do.

Catı̃m˘ dsea` Israel júu˘ quiá' Dsea` Jmáang˘ cajo

30 Jo uı' quiá' jalé' e júu˘ na, joba' nicuøøng˘ lí fe'ee' lana e nıca'ım' Fidiée˘ jaléng' dsea` i ja` líng' dsea` Israel e nilıñ' do dsea` i ja` røøng˘ dsee˘ fı quinir˘ dsu' uı' e já' calıñ' do júu˘ quiá' dsea` do, nañı' fa' ja` cajméeiñ' do quijí˘ jial e ni'ıng' Fidiée˘ ír. 31 Jo dsu' jaléng' dsea` i líng' dsea` Israel i eáang' cuø' bı yaang˘ e jmitir˘ la'uiing˘ jalé' júu˘ quiı' ta˘ e laco' ni'ıng' Fidiée˘ ír e líıñ' dsea` i ja` røøng˘ dsee˘ fı quinir˘, jo dsu' ja` calı'r˘ lajo. 32 Jo dsu' ja` calı'r˘ lajo uı' e cacuø' bı yaaiñ˘ e jmitir˘ laco' catıng˘ e júu˘ quiı' ta˘ do e laco' lajo ni'ıng' Fidiée˘ ír e líıñ' dsea` i ja` røøng˘ dsee˘ fı quinir˘. Jo có' lajob cajméé˘ dsea` Israel, joba' cangongı̃m˘ bre e caquiuiñ' cóo' e cuu˘ e quiung' dsea`. 33 Có' lalab fé' fı ni˘ jı' quiá' Fidiée˘ fı fé' dsea` do lala cuaiñ˘ quiá' Dsea` Jmáang˘:

Nıquıee˘ e cóo' cuu˘ fı Sión,
 jo cóo' e cuu˘ jo seem˘ dsea` i nıquiung'˘.
 Jo dsu' jaléng' dsea` i já' líng' júu˘ quiá' Fı'naa' Dsea` Jmáang˘,
 joba' ja` nilıgøøıñ˘ cóo' e jo,
 có' Dsea` Jmáam˘bing' líng' lafa' e cuu˘ do.

10

¹ Dsea` rú`naa' dsea` quiá'- Dsea` Jmáang-, e laba' iin~n car`ngocáng` dsii` jogui` má' i Fidiéé, e jaléng' dsea` góo'o dsea` Israel nileáiñ` jee` jalé' dsee` quiá'r-. ² Jo jnea` fá'a uí' quiá'r- e eáam` iin~n nijmér- lajii' e iing` Fidiéé, lifa' ja` jmóor` dseáng'- laco' iing` 'ña' Fidiéé e nijmé- jaléng' dsea` quiá'r-. ³ Dsuo' i dsea` í ja` iin~n ningáiñ` jial e íng' Fidiéé dsea` e liiñ' do dsea` i ja` røong` dsee- fí` quinir. Jo co' lajob` líiñ', joba' yaam~bre 'nó'r' jial e ni'íng' dsea` do ír` la'eáang` cóo' jalé' e la` tiiñ` yaaiñ~, jo cab' 'náaiñ` jalé' e nicaguaí` Fidiéé uing~ e nilí' dsea` lajo. ⁴ Jo Dsea` Jmáam`bing' i ca'íng- bí` quiá'- e júu` quiá' ta` do e laco' doñí` ii` dsea` i ja` líng' júu` quiá'r- nilí'r` e ni'íng' Fidiéé ír` e líiñ` jaang` dsea` i ja` røong` dsee- fí` quinir.

⁵ Jo lalab` cajme' Moi` ie` malii`gui do cuaiñ` quiá'- e íng' Fidiéé dsea` e líng' dsea` i ja` røong` dsee- fí` quinir` la'eáang` e jmitir` e júu` quiá' ta` do, jo lalab` fé' e júu` jo: "Jaléng' dsea` i jmitir` dseáng'- røø` contøong- e júu` quiá' ta` quiá'- Fidiéé, joba' la'eáang` cóo' e job` niliseeiñ` cajo." ⁶ Jo dsu' lalab` fé'gui` cajo fí` ni` jì` quiá'- Fidiéé` cuaiñ` quiá'- jial ni'íng' Fidiéé` dsea` e líng' dsea` i ja` røong` dsee- fí` quinir` uí' e nijá'- calíñ- júu` quiá'- dsea` do, jo lalab` fé' e júu` jo: "Jie` mí` í` o' e júu` la: ¿I` seeng` i cuøong` nidséng'- fí` ñifí'?" —co' fíng` song` í` o' lajo, joba' nijmoo'` jóng e lafa' nijgiáam` Dsea` Jmáang- fí` lí` guiiñ-. ⁷ Osi` í` bi` o' é: "¿I` seeng` i cuøong` nijgiáang` fí` lí` neáang` jaléng' 'lii'?" —co' fíng` song` í` o' lajo, joba' nijmoo'` jóng e lafa' nijíb' tu` Dsea` Jmáang- calé` catú-. ⁸ Co' lalab` fé'gui` fí` ni` jì` quiá'- Fidiéé: "Jo quiáb'- seeng` cóo' 'nú' e júu` quiá'- Fidiéé` lí' laco' la fól'na' jogui` lí' laco' í` óo'na'." Jo e júu` nab e guia`naa' jee` 'nú' e quiá'- jial ja` líng' dsea` júu` quiá'- Dsea` Jmáang-. ⁹ Jo e júu` job` e la, e song` fól' fí` quini` dsea` e Jesús` líiñ` Fii'` jogui` ja` lín' car`ngocáng` o' e Fidiéé` cajmijí'r` dsea` do mí` cangf` e cajúñ', joba' nileám- Fidiéé` 'nú` jóng` jee` jalé' dsee- quiá'- . ¹⁰ Co' la'eáang` e ja`- lí'naa' e car`ngocáng` dsi'naa' e júu` jo, joba' nilí'baa' e ni'íng' Fidiéé` jnea`aa' e lí'naa' dsea` i ja` røong` dsee- fí` quinir, jogui` nileám- Fidiéé` jnea`aa' cajo jee` jalé' dsee- quiá'- naa' la'eáang` e fé'naa' fí` quini` dsea` e Dsea` Jmáam`bing' i líng' Fii'naa'.

¹¹ Jo lalab` fé'gui` fí` ni` jì` quiá'- Fidiéé: "Jo dsu' jaléng' dsea` i ja` líng' júu` quiá'- Dsea` Jmáang-, joba' ja` quiá'- jmii` fa' e nilitúng- dsíir` e ja`- calíñ- e júu` jo." ¹² Jo røøb` lí'naa' fí` quini` Fidiéé, ja` ee` lí' su` lí'naa' dsea` Israel` osi` ja` lí'naa' lajo é, co' jaam` Fii'naa' Fidiéé` seeng` quiá'- naa' lajii`naa', jo jlob`^ cuø' dsea` do mí` ee'go` mí' dsea` ír-. ¹³ Co' lalab` fé'gui` fí` ni` jì` quiá'- Fidiéé` cajo: "Jo jaléng' dsea` i mí' Fidiéé` e nileáng- neiñ' jee` jalé' dsee- quiá'r-, joba' lajob` nijmé- dsea` do." ¹⁴ Dsu' ja` cuøong` lí` mí' dsea` Fidiéé` song` ja` mí` ja`- líiñ` júu` quiá'- dsea` do; jogui` ja` cuøong` fa' e nijá'- líng' dsea` júu` quiá'- Fidiéé` song` ja` mí` canú-` guir` e júu` jo; jogui` cajo` ja` cuøong` lí` núr- e júu` quiá'- Fidiéé` do song` ja` guí` ii` seeng` fa' i nini'- e júu` quiá'- dsea` do; ¹⁵ jogui` ja` cuøong` e nini'- e júu` quiá'- dsea` do song` ja` ii` seeng` guí` fa' i nisíng- dsea` e nijmér- lajo. Jo lalab` fé' fí` ni` jì` quiá'- Fidiéé` cuaiñ` quiá'- e júu` na: "Dsíng'- ia' mí` güilíng- jaléng' dsea` i quié' júu` quiá'- Fidiéé'." ¹⁶ Jo dsu'` jii'` tú- 'ní` máam~ dsea` Israel` i ja`- líng' e júu` jo` lí' laco' la fé' Saií` fí` ni` jì` quiá'- Fidiéé` lí` fé'r` lala: "Fii', jii'` tú- 'ní` máng'~ dsea` i ja`- nicalíng- júu` quiá'- e guia` jnea'." ¹⁷ Jo cuøong` fe`ee' lana e la'eáang` e guia` dsea` júu` cuaiñ` quiá'- Dsea` Jmáang-, joba' núu` dsea` e júu` jo; jogui` la'eáang` e núu` dsea` e júu` jo, joba' ja`- líiñ` e jo. ¹⁸ Jo uí'` joba'` jmingii`- jnea` lala: ¿Su` ja` mí` canúu-` dsea` Israel` e júu` cuaiñ` quiá'- Dsea` Jmáang- do? Mó' dseáng'- nicanúu`- biñ'. Jo e jáb'- e jo, co' dseáng'- lajob` nicalí- lí' laco'gui` la fé' fí` ni` jì` quiá'- Fidiéé` lí` fé' lala:

Jō fí latøng⁻ jmigüüb⁻ nicanúu⁻ dsea⁻ júu[^] quiá⁻ i dsea⁻ i guia⁻ júu[^] quiá⁻ Fidiée[~],

jogui fí dseáng⁻ tí lí[~] huí[^] eáang⁻ fí ní[~] guóo[~] uó⁻ nicanú⁻ júu[^] quiá⁻ r⁻ cajo.

¹⁹ Jō caléb⁻ catú⁻ jmingüi⁻ jnea[~]: ¿Su ja⁻ mí cangám⁻ bi dsea⁻ Israel jalé⁻ e júu[^] jō? Mó[^] dseáng⁻ nicangám⁻ bre, cō⁻ lalab cajme⁻ Moí[~] ie[~] malü[~] gui do e fé⁻ Fidiée[~]:

Jnea⁻ Fidiée[~] nijmee[~] e e jaléng⁻ dsea⁻ i ja⁻ lüing⁻ dsea⁻ Israel ni'uíñ⁻ dsea⁻ quié⁻ e,

jō lajōba⁻ nilí⁻ dsihuüing⁻ jaléng⁻ dsea⁻ Israel quiá⁻ jaléng⁻ i dsea⁻ í.

Jōgui nijmee[~] e cajo e niligüing⁻ dsea⁻ Israel quiá⁻ jaléng⁻ i dsea⁻ í i ja⁻ 'goo⁻ ngáng⁻ do.

²⁰ Jō eám⁻ lahuüing⁻ fé⁻ Saí[^] e júu[^] la lí[~] fé⁻ Fidiée[~] lala:

Jō jaléng⁻ dsea⁻ i ja⁻ ca'nang⁻ jnea[~], cadsém⁻ bre jnea[~].

Jōgui jaléng⁻ dsea⁻ i ja⁻ cajmingüing⁻ jnea[~],

cajmijnéem⁻ 'ñiá⁻ a jee⁻ jaléng⁻ í.

²¹ Jō dsu⁻ lalab cajme⁻ gui Saí[^] e fé⁻ Fidiée[~] cuaiñ[~] quiá⁻ jaléng⁻ dsea⁻ Israel: “Contø⁻ m⁻ caní⁻ i guóo⁻ e jmico⁻ o⁻ 'nú⁻’, dsea⁻ saang⁻ óo⁻ na⁻ cō⁻ jnea⁻ jogui dsea⁻ i ja⁻ iing⁻ jmé⁻ núu⁻ júu[^] quié⁻ e.”

11

Mí[~] cagüing⁻ Fidiée[~] jaléng⁻ dsea⁻ Israel

¹ Jō cō⁻ lajōb lí⁻, jōba⁻ lana jmingüi⁻ jnea[~] lala: ¿Su Fidiée[~] nicatiúum⁻ bre jaléng⁻ dsea⁻ quiá⁻ r⁻ dsea⁻ Israel? ¡Ü⁻, dseáng⁻ o⁻ lajō! Cō⁻ téé⁻ óo⁻ na⁻ e dsea⁻ Israel lüing⁻ jnea[~] cajo, jō dsea⁻ siju⁻ 'lí[~] yáü⁻ Abraham lín⁻ n, jogui jee⁻ 'lé⁻ quiá⁻ Mim[~] iuun⁻ cajo. ² Jō Fidiée[~], lajüí⁻ latí⁻ mí⁻ uiim⁻, cagüíñ⁻ jaléng⁻ dsea⁻ Israel e laco⁻ ni'uíñ⁻ do dsea⁻ quiá⁻ r⁻, jogui cartí⁻ lana jüí⁻ cō⁻ yá⁻ ja⁻ mí catiúung⁻ neiñ⁻ do cajo. Cō⁻ lí⁻ dsii⁻ e guiáb⁻ ñí⁻ 'nú⁻ lajüí⁻ e cajíng⁻ Lí[^], jaang⁻ i café⁻ cuaiñ[~] quiá⁻ Fidiée[~] ie[~] malü[~] gui do, ie[~] lamí⁻ caféiñ⁻ Fidiée[~] e ca'nüiñ⁻ jaléng⁻ dsea⁻ Israel lala: ³ “Fí⁻ i, nicajngam⁻ dsea⁻ jaléng⁻ i dsea⁻ i fé⁻ cuaiñ[~] quí⁻, jogui nicajgiéem⁻ bre jalé⁻ nife⁻ quí⁻ lí[~] jmiféng⁻ dsea⁻ 'nú⁻; jō lajüí⁻ jneab⁻ dsea⁻ quí⁻ i ja⁻ mí cajngang⁻ dsea⁻, jō dsu⁻ lajōb iñ[~] nijmér⁻ cō⁻ jnea⁻ cajo.” ⁴ Jō dsu⁻ lalab cañí⁻ Fidiée[~] quiá⁻ i Lí[^] do jō casí⁻ reiñ⁻ do lala: “Lí[^], dsu⁻ o⁻ jüí⁻ 'nú⁻ dsea⁻ quié⁻ e i seeng⁻ gui lana, cō⁻ seem⁻ bi guié⁻ milgui dsea⁻ quié⁻ e i ja⁻ mí casí⁻ uó⁻ jni⁻ e jmiféiñ⁻ i dié⁻ dseacu⁻ i sií⁻ Baal.” ⁵ Jō lajōb lí⁻ lana cajo, cō⁻ seem⁻ bi tú⁻ 'ní⁻ müing⁻ dsea⁻ Israel i nicagüing⁻ Fidiée[~] e laco⁻ nilíñ⁻ do dsea⁻ quiá⁻ r⁻. Jō nicalí⁻ lajō uí⁻ e eáang⁻ 'neáang⁻ Fidiée[~] jaléng⁻ i dsea⁻ í. ⁶ Jō Fidiée[~] nicagüing⁻ neiñ⁻ do uí⁻ e eáang⁻ 'neáam⁻ breiñ⁻ jō o⁻ uí⁻ cō⁻ jalé⁻ e nicajméiñ⁻ do. Cō⁻ facō⁻ nicagüing⁻ Fidiée[~] jaléng⁻ i dsea⁻ do la'eáang⁻ cō⁻ jalé⁻ e nicajméiñ⁻ do, jōba⁻ cuøng⁻ fe⁻ ee⁻ jóng e e eáang⁻ 'neáang⁻ Fidiée[~] jnea⁻ aa⁻ do jō cuø⁻ guir lí⁻ tá⁻ cuør⁻ e iáang⁻ dsíir⁻ jóng.

⁷ Jō lalab lí⁻, ja⁻ calí⁻ dsea⁻ Israel e ni'uíñ⁻ dsea⁻ quiá⁻ Fidiée[~] lí⁻ laco⁻ gui jüí⁻ e 'nó⁻ r. Jō dsu⁻ i dsea⁻ i cagüing⁻ Fidiée[~] 'ñia⁻ r do, calí⁻ í e ca'uíñ⁻ dsea⁻ quiá⁻ dsea⁻ do. Jō dsu⁻ jaléng⁻ i dsea⁻ cagüiaang⁻ gui do cali'ueb⁻ moguir⁻, cō⁻ ja⁻ iñ[~] fa⁻ canúur⁻ júu[^] quiá⁻ Fidiée[~]. ⁸ Jō calí⁻ lajō lí⁻ laco⁻ la fé⁻ fí⁻ ní[~] jüí⁻ quiá⁻ Fidiée[~] lí⁻ fé⁻ lala: “Jō Fidiée[~] cajméer⁻ cō⁻ jaléng⁻ dsea⁻ Israel e ue⁻ moguiñ⁻ e laco⁻ ja⁻ ningáiñ⁻ laco⁻ catíng⁻, jogui cajméé⁻ bre jminiñ⁻ cajo e lafa⁻ ja⁻ cuøng⁻ nijóñ⁻ jogui loguaiñ⁻ cajo e lafa⁻ ja⁻ cuøng⁻ ninúñ⁻.” Jō lanab lüing⁻ i dsea⁻ í cartí⁻ lana. ⁹ Cō⁻ lalab fé⁻ gui fí⁻ ní[~] jüí⁻ quiá⁻ Fidiée[~] e cajíng⁻ dseata⁻ dsea⁻ féng⁻ Daví⁻:

Mí[~] i 'nú⁻, Fidiée[~], e lajee[~] e seáng⁻ rüing⁻ dsea⁻ góo⁻ dsea⁻ Israel e gø⁻ r ir⁻ colüing⁻ jüí⁻ laco⁻ quí⁻ tüiñ⁻,

jō lajee˘ jō, lajee˘ jii˘ e ja` lí˘bre,
 mi˘ e ni'uíng˘ ga` quiá˘r˘ e laco' nitéiñ' fí ni˘ dsee˘,
 jō lajōba' ni'íñ' iihuú' laco' catíng˘.

¹⁰ Jōgui mi˘i˘ i'nu˘ cajo, Fidié˘, e lafa' güijnú˘b˘ jminir˘ e laco' ja` cuóøng˘ nijóø˘r˘
 jōgui e lafa' nijúm'˘ mocóo'r˘ congua'.

Mi˘ caleáng˘ Fidié˘ jaléng˘ dsea` i ja` líng˘ dsea` Israel jee˘ jalé˘ dsee˘ quiáíñ'˘

¹¹ Jō lana nijmingi˘ túu calé˘ catú˘: Jō mi˘ caquiung˘^ dsea` Israel, ¿su dseáng˘˘ conguiab˘ ca'naaiñ˘ quiá˘r˘ Fidié˘? Ú˘, dseáng˘˘ o' lajō. Jō dsu' mi˘ cajmée˘ dsea` Israel saang˘ dsír˘ cóo˘ Fidié˘, jō e jō cali'íng˘ ta˘ e laco' jaléng˘ dsea` i ja` líng˘ dsea` Israel nitéiñ˘ e nileáng˘ Fidié˘ ír˘ jee˘ jalé˘ dsee˘ quiáíñ'˘. Jō lajōba' eáam˘ nilí˘ dsihuúng˘ jaléng˘ dsea` Israel quiá˘r˘ jaléng˘ i dsea` í uí˘ e lajō nicajmée˘ Fidié˘ cóoíñ'˘ do. ¹² Jō co' saam˘ dsíí˘ jaléng˘ dsea` Israel cajméer˘ cóo˘ Fidié˘, jōba' dseeb˘ ca'éer˘. Jō dsu' e jō eáam˘ cali'íng˘ ta˘ e laco' ca'uíng˘ guiú˘ quiá˘r˘ jaléng˘ dsea` jmigüí˘. Jō nañí˘ fa' ja` calí˘ dsea` Israel e calíng˘ Fidié˘ ír˘, dsu' eáam˘ guiú˘ nica'uíng˘ quiá˘r˘ jaléng˘ dsea` i ja` líng˘ dsea` Israel. Jō co' lajōb líí, jōba' cuóøng˘ lí fe'ee' jóng e eáang˘ gui guiú˘ ni'uíng˘ quiá˘r˘ jaléng˘ dsea` i ja` líng˘ dsea` Israel ie˘ lamí˘ nijá˘ líng˘ jaléng˘ dsea` Israel júu˘ quiá˘r˘ Fidié˘.

¹³ Jō dsu' sea`bi júu˘ e 'né˘ fíi˘ i'nú˘, dsea` ja` líng˘ na' dsea` Israel. Jō Fidié˘ bing˘ i nicasíng˘ jnea˘ e laco' niguiaa˘ júu˘ quiá˘r˘ jee˘ jaléng˘ 'nú˘. Jō jnea˘ eáam˘ jmí'goo˘ e ta˘ e nicangín˘ n quiá˘r˘ dsea` do. ¹⁴ Jō uí˘ e jmóo˘ o lajō cóo˘ ta˘ quié˘ e, jōba' jnea˘ iin˘ n e faco' lajōgui nilí˘ i e ni'íng˘ jaléng˘ dsea` góo˘ o dsea` Israel e nileáiñ˘ jee˘ jalé˘ dsee˘ quiá˘r˘. ¹⁵ Jō uí˘ e nica'náam˘ 'ñia' Fidié˘ e seeiñ˘ cøøng˘ cóo˘ dsea` Israel, jōba' jaléng˘ dsea` i caguiaang˘ gui nicalí˘ bre e niseeiñ˘ juguiú˘ júu˘ røø˘ cóo˘ Fidié˘. Jō dsu' mi˘ ni'íng˘ tu Fidié˘ jaléng˘ dsea` Israel, e jō líí lafa' mi˘ jí˘ tu jaang˘ 'líí. ¹⁶ Jō lajōb líí e júu˘ na lí˘ laco'gui la líí mi˘ jmóo˘ dsea` iñí˘; co' song la'uii˘ e iñí˘ e nijmé˘ dsea` do quiá˘r˘ e nicuóø˘r˘ Fidié˘, jōba' lajaléb˘ e ca˘ caguiee˘ gui do güeam˘^ cajo. Jōgui song jmó˘ quiá˘r˘ cóo˘ 'ma˘ catíng˘ Fidié˘, jōba' güeam˘^ cajo e guo˘ quiá˘r˘ e 'ma˘ do.

¹⁷ Jō cuóøng˘ fe'ee' e i líng˘ dsea` Israel líiñ˘ lafa' guo˘ 'ma˘ ofi˘ e cajní˘ dsea` jō dsu' cahuú˘b˘ e guo˘ jō. Jō eáang˘ quiá˘r˘ e guo˘ e cahuú˘ do, fí jōb cajé˘ e guo˘ 'ma˘ ofi˘ e íaang˘ 'ñia' fí jee˘ mó˘. Jō jaléng˘ 'nú˘, dsea` ja` líng˘ na' dsea` Israel, 'nú˘ bing˘ i líng˘ lafa' e guo˘ e 'ma˘ ofi˘ jō. ¹⁸ Jō co' lajōb líng˘ na', jōba' fíi˘ guú˘ 'nú˘ jie˘ mí˘ í óo˘ na' e niing˘ gui laco'gui e guo˘ 'ma˘ e nicahuú˘ do, co' song í óo˘ na' lajō, jōba' 'né˘ e jmiguiéng˘ óo˘ na' e o' 'nú˘ i se˘ e jmó˘ quiá˘r˘ e 'ma˘ do, co' la'eáang˘ e jmó˘ doba' e jí˘ 'nú˘, dsea` líng˘ na' lafa' guo˘ 'ma˘ ofi˘ e calíang˘ 'ñia' fí jee˘ mó˘.

¹⁹ Jō dsu' jangám˘ ni'í˘ o' jō nifo˘ lala: “Cahuú˘b˘ e guo˘ quiá˘r˘ e 'ma˘ do e laco' nija˘ jnea˘ ée˘ quiá˘r˘ e lí cahuú˘ do.” ²⁰ Jō e jáb˘, lajōb calí˘, dsu' cahuú˘b˘ jalé˘ e guo˘ jō uí˘ e ja` já˘ calíng˘ júu˘ quiá˘r˘ Fidié˘. Jō dsu' 'nu˘, dsea` ja` líñ' dsea` Israel, lafa' casém˘ ba' e fí dse˘ e 'ma˘ jō uí˘ e já˘ calín˘ júu˘ quiá˘r˘ Fidié˘. Jō co' lajōb calín˘, jōba' ja` 'né˘ e jmijløng˘^ uø˘ uí˘ quiá˘r˘ e jō, co' lí˘ lí 'né˘ e ñiing˘ o'. ²¹ Jō co' ja` cajmée˘ Fidié˘ féng˘ dsír˘ cóo˘ e guo˘ 'ma˘ e guita˘ cajní˘ dsea` jōba' caquiú˘ bre, jō co' lajōb cajmée˘ guir cóo˘ e guo˘ jō, jōba' dseáam˘ e nijmér˘ lajō cóo˘ 'nu˘ cajo. ²² Jō co' lajōb líí, jōba' ne˘ naa' jial tíí e guiúng˘ Fidié˘ lifa' í bre í laco' catíng˘ mi˘ ee˘ go jmóo˘ dsea` e ja` dseeng˘. Jō co' lajōb líiñ˘, jōba' iihuú˘b˘ cacuø˘r˘ jaléng˘ i dsea` i cajmée˘ saang˘ dsíí˘ cóo˘r˘. Jō dsu' eáam˘ guiúúñ˘ cóo˘ 'nú˘, dsea` ja` líng˘ na' dsea` Israel, lifa' 'né˘ e seeng˘ na' e contøøng˘ já˘ líng˘ na' júu˘ quiá˘r˘ bre. Jō dsu' song ja` jmoo˘ na' lajō, jōba' dseáam˘ jóng e lafa' nihuíng˘ na' e fí dse˘ e 'ma˘ jō. ²³ Jō

song já'~ nilíng` jaléng` dsea` Israel júu` quiá'~ Fidié` jogui e niquí'~ jíng`tu yaaiñ` fí` quini` dsea` do, joba' caléb` catú~ ni'uúing`-tur lafa' guo` quiá'~ e 'ma` e lí` cahuíñ` do. Co' quíñb` Fidié` jmí~ e nijmé`-tur e niséng`-tur e guo` quiá'~ e 'ma` e caquiá'r` do. ²⁴ Jo co' 'nú', dsea` ja` líng`na' dsea` Israel, lafa' cahuíng`na' fí` coo` 'ma` ofí` e ca'iaang` 'ñia' fí` jee` mó', jo lafa' caséng`-na' fí` coo` 'ma` ofí` e guita` cajní dsea` nañí` fa' ja` jmóo`re dsea` lajo, dsu' lajob calí` cóo`~ 'nú'; jo co' lajob calí` cóo`~ 'nú', joba' eáang`guib ja` huíng` e lafa' niséng`tu Fidié` e guo` e nicaquiá'r` do quiá'~ e 'ma` e guita` cajní dsea`. Jo jalé` e guo` jo, íb` lafa' jaléng` dsea` Israel, jo ie` mí` nilí` lajo, joba' nisém`tu calé` catú~ e guo` quiá'~ dseáang`- e 'ma` e guita` cajní dsea`.

Nileám` jaléng` dsea` Israel jee` jalé` dsee` quiá'r`- mí` nití` e í` jo

²⁵ Dsea` rú`naa' dsea` quiá'~ Dsea` Jmáang~, iim`baa e ñí`na' e júu` la quiá'~ Fidié` e ja` mí` cajmijnéeiñ` lamí` jééng`gui e laco' lajo ja` nijmíjlong`la yaang`na' e tíng`na' eáang`. Jo e lab e júu` jo, e í` líng` dsea` Israel eáam` nicajméer` laaiñ` cóo`~ júu` quiá'~ Fidié`, jo dsu' calí` lajo e lí` laco' ni'ié` jíe' jíí` sí'í` 'né` tí` í` dsea` í` ja` líng` dsea` Israel í` nijá'~ líng` júu` quiá'~ Fidié`. ²⁶ Jo mí` níng` e nidsijéé` jalé` e jo cóo`~ jaléng` dsea` í` ja` líng` dsea` Israel, joguiba' nileáang` jaléng` dsea` Israel jee` jalé` dsee` quiá'r`. Jo e na` lí` lí` laco' la fé` fí` ní` jí` quiá'~ Fidié` lí` fé'r` lala:

Jo fí` Sión lí` nijáa` í` dsea` í` nileáang` dsea` jee` jalé` dsee` quiá'ñ`.

Jo íb` í` nijé` jalé` e ja` dseéng` jee` jaléng` dsea` siju` 'lí` yáa` Jacóo`.

²⁷ Jo e nab e júu` e nijmirøø` cóo`~ jaléng` í` mí` nití` í` e ni'íin`n jalé` dsee` quiá'r`.

Jo lanab jíí` lí` júu` quiá'~ Fidié`.

²⁸ Jo latí` jmí` na, í` fíim` dsea` Israel 'ní` níim`bre Fidié`, co' ja` mí` ca'íñ` júu` quiá'~ dsea` do e quiá'~ jial laang` dsea` jee` jalé` dsee` quiá'r`. Jo lí` lajo e lí` laco' cuøøng` nijá'~ líng`na' júu` quiá'~ Fidié`, 'nú' dsea` ja` líng`na' dsea` Israel. Jo dsu' mí` 'noo`bi` 'neáang` Fidié` jaléng` dsea` Israel dsu' uí'~ e caguíñ` jaléng` dsea` áang` quiá'ñ` do jogui e cajméer` júu` tigua` cóo`ñ` do cajo. ²⁹ Co' jalé` e cuø` Fidié` lí` doñí` íi` dsea` jo` quí'~ jmí` fa' e níguí`-tur calé` catú~, o'gui fa' e nitiúung`-tur jaléng` í` dsea` í` nicató'r` í` nilíng` dsea` quiá'r`. ³⁰ Jo lamí` jééng`gui jaléng` 'nú', dsea` ja` líng`na' dsea` Israel, eáam` cajmee`na' e saang` óo`na' cóo`~ Fidié`. Jo dsu' lanagui, uí'~ e lajob nicajméé` cajo jaléng` dsea` Israel, joba' Fidié` lana nífi` líiñ` 'nú'. ³¹ Jo lajob nicajméé` dsea` Israel cóo`~ Fidié` lana, jo dsu' calí` lajo cajo e lí` laco' lana nilí` fí` líng` Fidié` 'nú', dsea` ja` líng`na' dsea` Israel, jogui calí` lajo cajo e lí` laco' lajo nilí` fí` líng` Fidié` jaléng` í` dsea` Israel do. ³² Jo lajim` dsea` jmigüí` nicajméer` saang` dsíir` cóo`~ júu` quiá'~ Fidié`, co' lajob sí'í` quiá'~ dsea` do. Jo calí` lajo e lí` laco' mí` nilicøøng`gui, nilí` fí` líng` Fidié` lajaléng` í` dsea` í`.

³³ Jo dseáang`- ja` cøøng` cóo`~ jial tí' e guíung` Fidié` cóo`~ lajaléng` dsea` jmigüí`,

jogui lajob cajo ja` cøøng` cóo`~ jial tí' e tíiñ` ngáiñ`.

Jo jíí` jaang` dsea` jmigüí` quí'r` jmí` fa' e níngáiñ` jial laco' jíí` e í` dsí' dsea` do cóo`~ jalé` e nijmér`, jogui jial e nijmér` lajalé` e jo.

³⁴ Co' lalab fé` Fidié` fí` ní` jí` quiá'r`:

Jíí` jaang` dsea` jmigüí` quí'r` jmí` fa' e nilíñir` jialco' í` dsí' Fidié` o'gui cajo fa' e nijíñ`- e` jalé` e 'né` nijmé` dsea` do.

³⁵ Jogui jíí` jaang` dsea` jmigüí` ja` ee` mí` cacuø'r` Fidié` jééng`gui e laco' dsea` do nijmér` qui'` táa` cóo`~ dsea` jmigüí`.

Jo lanab lí` júu` quiá'~ Fidié` e tóo` fí` ní` jí` quiá'r`.

³⁶ Dsũco' lajaléb' e sea` fí jmigüi` Fidiée`bing' i cajmée, jogui la'eáang' íbre e sea` jalé' e jo, jogui e quiá'-bir lí' lajalé' e jo cajo. jJoba' car` ngongí' jmiib` 'né' e nijmiféng'naa' Fidiée`!

Jo lajob 'né` niliti`.

12

Jáang` yaang`na' fí jaguó` Fidiée` lafa' coo` feá'-

¹ Dsea` rú'naa' dsea` quiá'- Dsea` Jmáang-, uíi` e eáang' fí' líng- Fidiée` jneaa`aa', joba' mii`i 'nú' jmi'ee` e nijáang` yaang`na' fí jaguór` e líng`na' lafa' coo` feá'- e jí', jogui e güeang`na' e líng`na' dseáng'- jíi` e quiá'-bre, jogui e jlo` nití- dsír' cajo; co' e nab feá'- e 'né- nijíi`na' fí quini` Fidiée` e laco' nijmiféng'naa're. ² Jogui jie` mí síng` yaang`na' e fí ja` dseeng` lí` ngí dsea` jmigüi` i seeng` jmi` na, co' ja` 'né- jmée`na' lajo. Co' lí' lí' 'né- e nicuó'- fí yaang`na' e nilisíng- jialco' í' óo'na', jo lajoba' nilisíng- jialco' ee`na' fí jmigüi` la, jogui cajo e quíi`na' jmi` e niliñí`na' e` e iing` Fidiée` e nijmée`na' lí' lajalé' e guiá- jogui e jlo` e tí dsír' dsea` do jogui cajo e røø` e ja` cøøng` cóo'-.

³ Jo Fidiée` nicacuø'r' jnea` coo` ta` uíi` e lajo cali'íang` dsír' cajmée`r' cóo` jnea`. Jo co' lajob cajmée`guir, joba' fíi` 'nú', dsea` rú'naa' dsea` quiá'- Dsea` Jmáang-, e jíi` jaang` 'nú' 'né- ni'í' áa'na' e niing`gui eáang' laco' jíi` e catíng- ni'í' áa'na' cuaiñ` quíi`na'. Co' 'né- e ni'í' áa'na' jíi` laco' catíng- lí' laco' jíi` tíi' e cangíng`na' quiá'- Fidiée` e já- líng`na' júu` quiá'r-. ⁴ Dsũco' lajaang` lajaang` jneaa`aa' seab` jmini`naa' cóo`gui loguá'naa' jogui e jíe'gui cajo, jo lacoo` e jo quí-i' jmaquíim' ta` íng` lacoo`. ⁵ Jo lajob lí' jneaa`aa' cajo, dsea` líi`naa' dsea` quiá'- Dsea` Jmáang-, co' nañí' fa' fíim`baa' eáang', dsu' lafa' jaam` dsea` líi`naa' i já- líng` júu` quiá'- Dsea` Jmáang-. Jo ja` ee` lí' lí' líi`naa' jmaquíing` lajaang` lajaang`naa', dsu' lafa' jaam` dsea` líi`naa' lajaléng'naa'.

⁶ Jo e cuø' Fidiée` jneaa`aa' e íang` dsír' jmaquíim' nicangíng`naa' lajaang` lajaang`naa'. Joba' song nicacuø'r' jneaa`aa' e tíi`naa' guia`naa' júu` quiá'r- fí quini` dsea` jíéng', joba' lajob 'né- jmó'oo' lí' laco' jíi` tíi' e nicangíng`na' e já- líi`naa' júu` quiá'r-. ⁷ Jogui song nicacuø'r' jneaa`aa' e nijmé`naa' ta` e nijmicóo`naa' dsea` rú'naa', joba' lajob 'né- jmó'oo'. Jogui song nicangíng`naa' quiá'r- e tíi`naa' e ni'é`naa' dsea` rú'naa' júu` quiá'- Dsea` Jmáang-, joba' lajob 'né- jmó'oo' jóng. ⁸ Jogui song nicangíng`naa' quiá'r- e tíi`naa' e nicuó`naa' bí dsea` rú'naa', joba' lajob 'né- jmó'oo'. Jogui song nicangíng`naa' quiá'r- e nijmicóo`naa' dsea` rú'naa' cóo` jalé' e sea` quíi`naa', joba' lajob 'né- jmó'oo' e ngocáng` dsi'naa'. Jogui song nicangíng`naa' quiá'r- e oo`naa' coo` ta`, joba' eám' 'né- e ñiing` dsi'naa' e nijmó`naa' e ta` jo. Jogui song nicangíng`naa' quiá'- Fidiée` e nijmicóo`naa' jaléng' dsea` rú'naa' i lí' 'né- quiá'- lajo, joba' lajob 'né- jmó'oo' e íang` dsi'naa'.

Jial` 'né- seeng` dsea` quiá'- Dsea` Jmáang-

⁹ Jo fíi`guíi` 'nú', dsea` rú'naa' dsea` quiá'- Dsea` Jmáang-, dseáng'- e ngocáng` óo'ba' 'né- nijmi'neáang`na' dsea` rúng`na', jo o' lí' júu` e fó'na' e jmoo`na' lajo. Jogui 'né- e ní' máam`ba' jalé' e ja` dseeng`, co' lí' lí' dseáng'- jíi` e guiá`ba' 'né- nijmée`na'. ¹⁰ Jogui jmi'neáang`na' dsea` rúng`na' lí' laco'gui catíng- e jmóo` dsea` quiá'- Dsea` Jmáang-, jogui nijmi'goo` rúng`na' cajo.

¹¹ Jo ja` 'né- jmée`na' fíng`na', co' lí' lí' 'né- e nicuó` bí yaang`na' e nijmée`na' jalé' ta` e nicangíng`na' quiá'- Fidiée`.

¹² Jo e íang` óo'ba' 'né- seeng`na' la'eáang' e dseáng'- nitab` óo'na' e niliseem`ba' cøøng` cóo'- Fidiée` fí ñífi` quiá'r- mi` nití- e í' jo. Jogui 'né-

e jmée^na' féng' ó'ba' cóo'~ jalé' fi'í' dsíí' e dsingúng-na', jogui cajo ja` 'né` tú^na' e fõng'na' Fidiéé`.

¹³ Jo jaléng' dsea` rúng'na' dsea` quiá'- Dsea` Jmáang- i li` sea`go fi'í' dsíí' quiá'-, joba' 'né- e nijmicóo'~baa're jóng. Jogui íng'na' cóo'~ júu^ røø` jaléng' dsea` i guilíng- fi' quií-na'.

¹⁴ Jogui mii'na' Fidiéé` coo` e guiá- uí'~ quiá'- jaléng' dsea` i jmáng' 'nú' ga, jo dseáng'- lajob` 'né- jmée^na' cóo'r~ jogui jie~ mi~ fó'na' júu^ 'lí'^ uí'~ quiá'r-.

¹⁵ Jo jmi'íáang` ó'na' cóo'~ jaléng' dsea` rúng'na' dsea` quiá'- Dsea` Jmáang- i íáang` dsíí', jogui jmee-na' fi'í' fíng seeng` i líng' lajo.

¹⁶ Jo røøb` 'né- seeng'na' jee~ la'ó' 'nú', dsea` líng'na' dsea` quiá'- Dsea` Jmáang-. Jo ja` 'né- e jmi'jløng'^ yaang~na', co' lí'^ lí' 'né- e seeng'na' e røøb` líng'na' laco'gui líng' i dsea` i ja` jmi'jløng'^ yaang` jee~ jaléng' 'nú'. Jogui ja` gü'í' ó'na' e dseáng'- líng'na' dsea` i tíng` ngáng'. ¹⁷ Jo ja` jmoo'na' qui' táa' cóo'~ dsea` rúng'na' song ee`go ca'lée' quií-na', co' 'nú' 'né- nijmi'úung'na' e nijmée^na' dseáng'- jmang' e guiáb- cóo'~ doñí' i dsea` rúng'na'. ¹⁸ Jo jie' jii'~ cartí' lí' quí'~na' jmi'~ jmee-na' e niliseeng'na' juguiá- júu^ røø` cóo'~ lajaléng' dsea` rúng'na'. ¹⁹ Jo e laba' iin~n fii-guú' 'nú', dsea` rú'naa' dsea` quiá'- Dsea` Jmáang- i 'neáan`n eáang', e mi~ ee`go ca'lée' dsea` quií-na', ja` 'né- fa' e nicó^na' quií-na', co' ja` dseeng' e jmée^na' lajo; co' lí'^ lí' 'né- e nisée~na' fi' jaguó' Fidiéé` e júu^ jo, co' í'bing' i ni'í' í' laco' catíng-; co' lalab fé'r' fi' ni' jì quiá'r-: "Jneab~ Fidiéé` dsea` catíng-n e ni'í' í' laco' catíng-, jo jneab'bing' i niquí'^ táa' dseáng'- laco' sí'í'." Jo lanab jii'~ lí' júu^ e jíng'- Fii'naa' Fidiéé` fi' ni' jì quiá'r-. ²⁰ Jo lalab fé'gui cajo fi' ni' jì quiá'r-: "Jo song jaang` dsea` i 'ní' níng- 'nu' mi'r' 'nu' e nidó'r- osi e ni'í'r' é, joba' 'né- cuø'ba're lajii'~ e mi'r' 'nu' do. Jo mi' nijme'^ lajo, lajoba' nilí' i' líng- i 'ní' níng- 'nu' do cóo'~ lajii'~ e jmóor` cóo'~ 'nu' do." ²¹ Jo jie~ mi~ cuøøng` uø' fa' e jalé' e ja` dseeng` nilí' 'nu', co' la'eáang` e jmoo' jalé' e guiá-, lajoba' nilí' jalé' e ja` dseeng` do.

13

¹ Jo e laba' iin~n fii-guú' 'nú', dsea` rú'naa' dsea` quiá'- Dsea` Jmáang-, e lajii'm` 'nú' 'né- jmée^na' núu'~na' jalé' ta~ quiá' dseata~ i seeng`. Dsaco' Fidiéé'bing' i nicacuø' e ta~ jo quiá'- jaléng' dseata~, jogui cajo 'ñiab' Fidiéé` dsea` nicaguiar' uing~ e seeng` jaléng' í'. ² Jo co' lajob` líí', joba' jaléng' dsea` i jmóo` laang` cóo'~ lajii'~ ta~ quiá' dseata~, joba' ja` jmóor` náu'r~ jóng lajii'~ ta~ e nicaquiá' Fidiéé`. Jo jaléng' dsea` i jmóo` lajo, joba' yaam~bre 'nó'r' e nidsijée' huíng' quiá'r-, co' iihuú'b` ni'í'í'. ³ Dsaco' jaléng' dseata~ ja` seeí'na' fa' e niféí'na' jaléng' dsea` i jmóo` jalé' e guiá-, dsaco' jaléng' dsea` i jmóo` ga'bing' i nijmeái'na' lajo. Jo song 'nu' iin~ e niliseen' e ja` 'gón' dseata~, joba' 'né- e ni'ee'- e guiáb- jóng, jo lajoba' nifé' dseata~ guiá- uii~ quií'- . ⁴ Co' Fidiéé'bing' i caguíng' jaléng' dseata~ e laco' nijmicóo'r~ 'nu'. Jo dsu' song jmoo' jalé' e ja` dseeng', joba' 'né- jme'^ 'gó'ba' cóo'r~ jóng; co' e líng~ ta~ba' e quie' dseata~ 'ma'u' quiá'r-, co' cóo'~ e joba' e cuø' lí' ee' ta~ óor, co' 'ñiab' Fidiéé` dsea` cacuø'r' dseata~ e óoi'na' do ta~ e laco' nicuø'r- iihuú' jaléng' dsea` i jmóo` laang` lajii'~ ta~ quiá'r'. ⁵ Jo uí'~ e lajob` líí', joba' dseáng'- laguíim` 'né- e nijmée'^ náu'~ jalé' ta~ quiá' dseata~, dsu' o' fa' e laco' ja` ni'í'na' iihuú', co' uøø'ba' 'né- e ni'í' o' e dseáng'- e guiá-ba' e nijmée'^ lajo. ⁶ Jo uing~ e lajob` cajo, joba' quí' 'nu' cuu- e mí' dseata~; dsaco' Fidiéé'bing' i caguíng' jaléng' dseata~, joba' jii'~ jo ta~ quiá'-bre e quiá'- e quiá'r' ta~.

⁷ Joba' fii-guú' 'nú', dsea` rú'naa' dsea` quiá'- Dsea` Jmáang-, jmití'na' lajii'~ e catíng-na'; joba' cuøø'na' jaléng' i dsea` i óo'go ta~ lajii'~ e catí'na' e ni'í'í'na', fa' jaléng' i catíng- e ni'íng' jalé' cuu- e soo' fii, joba' quií-na' e jo; jogui jalé' e

cuu- e quiá- ee'go ta~ jmoo'na' osi ee'go sea` quí-na', joba' qui-na' e jo cajo. Jogui jmi'goo'na' jaléng' dsea` i oo'go ta~, co' lajob catíng- e nijmée'na', jogui jmiféng'na' lajaléng' dseata~ laco' catíng- cajo.

⁸ Jo ja` jmirøøng` yaang~na' cóo'~ jíi~ jaang` dsea`, co' lí' lí' 'né- e nijmi'neáang~na' dsea` rúng'na'; dsuco' i dsea` i jmi'neáang` dsea` rúng' nicajmiti~bre røø`lajíi~ júu` quiu' ta~ e cajme' Moi'. ⁹ Jo lalab fé' e júu` quiu' ta~ do: "Ja` 'lee~ e nigüín' cóo'~ dseamf` osi dseañu' i o' quií-, jogui jie` mí jngán' dsea` rún', jogui ja` jmoo'` h, jogui ja` fón' júu` ta~ júu` e laco' ni'lee~ quiá- dsea` rún', o'gui jmoo'` dsihuín' quiá- jaléng' dsea` rún' cajo." Jo jalé' e júu` quiu' ta~ na cóo'~gui jalé'gui e júu` quiu' ta~ e caguiee~gui do dseáng'- lalab jíi~ lí' cóo'~ e júu` quiu' ta~ e fé' lala: "Jmi'neáang` jaléng' dsea` rún' lí' laco'gui jmi'neáan' uø'." ¹⁰ Dsuco' i dsea` i jmi'neáang` jaléng' dsea` rúng', jmag' jalé' e guiáb- jmóor` cóo'~ jaléng' i dsea` í. Co' mi~ jmi'neáang` dsea` rúñ' dseáng'- laco' sí'í, joba' jmiti~bre laco' fé' jalé' júu` quiu' ta~ e cajme' Moi'.

¹¹ Jo sea`bi uing~ quiá- e nijmé'naa' lajo, co' dseáng'- 'né- e ñí'baa' guiá- jialco' nilí' e see~naa' jmi~ na, jogui cajo 'né- e ñí'baa' e nicatí' í' e nijmijnée` dsi'naa' contøøng-. Co' dseáng'- nijaquiéem' e jmi~ e nijáa'tu Fí'naa' Dsea` Jmáang- fí' jmi'güi' la e laco' nitøør` jneaa~aa', dsea` i nicaleáaiñ` jee~ jalé' dsee~ quiá-. Dsuco' lana dseáng'- ni'quiá'-gui e jmi~ jo laco'gui ie~ lami~ já'- calí-naa' júu` quiá'r-. ¹² Co' lana nilí' lafa' e tí' lí' nijneá, co' nijaquiéem' e jmi~ jo; joba' 'né- e nitá'baa' jalé' e ja` dseeng` e lami~ jmoo~naa' e qui' tíng` dsea` jmóor` fí' lí' nua, co' ja` 'né- jmó'oo' lajo. Co' lí' lí' 'né- e nijmó'oo' jalé' e qui' tíng` dsea` jmóor` fí' lí' jneá, e jmáang~naa' ta~ jalé' e nicacuø' Fidié~ jneaa~aa' e laco' nijmi'øng' yee~naa' lí' laco'gui jalé' e jmáang~ ta~ jaang` 'lée- mi~ dséer' fí' jee~ 'nií'. ¹³ Jo contøøm- 'né- ee~naa' røø` laco' catíng- lí' laco'gui la jmóo` dsea` i seeng` fí' lí' jneá; co' ja` 'né- e jmó'oo' fa' e seáng~ rú'naa' e nidsi'ne'naa' méé' osi e nidsé'ee' lí' tí' jmi~ e ta' dsea` mí' e eáng, osi e güi'naa' cóo'~ dseañu' osi dseamf` i o' quií-naa', osi lí' doñí' ee' e 'lí' e jié'gui é, o'gui e jmoo~naa' ta~ jíng` osi ta~ dsihuíng' quiá- dsea` rú'naa' é. ¹⁴ Co' o' lajo e 'né- jmée' 'nú', co' lí' lí' 'né- e teá'gui nisíng'-na' cóo'~ júu` quiá- Fí'naa' Dsea` Jmáang- e jmáang~na' ta~ jalé' e jmi'øng' yaang~na' e nicacuø'r' 'nú' lí' laco'gui jalé' e jmi'øng' 'ñia' jaang` 'lée-. Jogui ja` 'nó'na' jial e nijmi'íang` óo'na' cóo'~ jalé' e ga' e lí' óo'na' e sea` fí' jmi'güi' la.

14

Ja'en' dsea` rún' dsea` quiá- Dsea` Jmáang-

¹ Jo fíi-guá' 'nú', dsea` rú'naa' dsea` quiá- Dsea` Jmáang-, íng'na' røø` jaléng' dsea` quiá- Dsea` Jmáang- i ja` mí' 'goo' teáng- teá' cóo'~ júu` quiá- dsea` do, jo ja` jmoo'na' ta~ jíng` cóo'r~ uí' quiá- jalé' e í' óo'na'. ² Co' seem` dsea` quiá- Dsea` Jmáang- i í' dsí' e cuøøm` lí' dør- lí' doñí' ee' jmiñí, jogui dsu' seem'bi cajo i jia~bi mí' teá' sing' cóo'~ júu` quiá- Dsea` Jmáang- jo í' dsíir' e jíi~ ja'ba' cuøøng` lí' dør-. ³ Jo co' lajob líí, joba' i dsea` quiá- Dsea` Jmáang- i í' dsí' e cuøøm` lí' dør- lí' doñí' ee' jmiñí, joba' ja` cuøøng` fa' e jmi'jlong' 'ñia'r' uí' quiá- i dsea` rúñ' i gø' layaang~ ja' do; jogui i dsea` i í' dsí' e cuøøm` lí' dør- layaang~ ja', joba' ja` cuøøng` e ni'éiñ- i dsea` rúñ' i í' dsí' e cuøøm` lí' dør- lí' doñí' ee' jmiñí. Jo dsu' quiá- Fidié~ ja` ee' lí' e gø' dsea` lajalé', co' nica'im~bre i dsea` i líng' lajo.

⁴ Jo ja` dseeng` fa' e ni'éen' jaang` dsea` i jmóo` ta~ quiá- jaang'gui dsea`. Dsuco' cuaiñ~ quiá- i fi~ quiu' ta~ quiá'r- dob song ca'uíng- guiá- lajíi~ ta~

jmóor` osi ca'uíng` ga` é. Jo dsu' guiáb` ni'uíng` quiá'r`, co' eáam' 'gøng' Fí'naa' Dsea` Jmáang`, jo í'bing' i nijmicóo` e ni'uíng` guiá` quiá` i dsea` do.

⁵ Jogui cajo: Seem` dsea` quiá`- Dsea` Jmáang` i í' dsí' e niing`gui e liing` jmií~, jogui seem`bi cajo i í' dsí' e røøb` lí' lajalé` jmií~ jo ja` sea` jmií~ fa' e niing`gui. Jo dsu' lajaang` lajaam` dsea` 'né` e ta` dsíir' røø` cóo`~ lajii` e í' dsíir' do. ⁶ Jo co' i dsea` quiá`- Dsea` Jmáang` i í' dsí' e niing`gui e liing` jmií~ jo jmóor` lajo e laco' nijmi'gór` Fí'naa' Fidiéé`. Jogui i dsea` quiá`- Dsea` Jmáang` i í' dsí' e cuøøm` lí' dør` lí' doñi` ee` jmiñi` jo jmóor` lajo e laco' nijmi'gór` Fí'naa' Fidiéeb` cajo, jogui cuø`bre gui'máang` dsea` do. Jogui i dsea` quiá`- Dsea` Jmáang` i í' dsí' e lajii` ja`ba' cuøøng` lí' dør` jo jmóor` lajo e laco' jmi'gór` Fí'naa' Fidiéé` jogui cuø`bre gui'máang` dsea` do cajo.

⁷ Jo jii` jaang` jneaa`aa', dsea` lí'naa' dsea` quiá`- Dsea` Jmáang`, see`naa' la ne`naa' yee`naa' o'gui júung`naa' la ne`naa' yee`naa' cajo. ⁸ Co' song see`naa' fí' jmiigüi` la, lí' lajo e laco' e jmi'goo`naa' Fí'naa' Dsea` Jmáang`; jogui song catí` í' e nijúu`naa', lí' lajo e laco' e nijmi'goo`naa' Fí'naa' Dsea` Jmáam` cajo. Jo ja` e lí' song see`naa' fí' jmiigüi` la osi nijúu`naa' é, co' dsea` quiá`- Dsea` Jmáam` lí'naa'. ⁹ Jo cajúng` Dsea` Jmáang`, jo mi` cangí` jo, caji`tur calé` catú`; jo calí` lajo e laco' nilíiñ` Fii` qui`naa', dsea` see`naa' fí' jmiigüi` la, jogui lajob líiñ` Fii` cajo quiá`- jaléng` dsea` quiá'r` i nicajúng`.

¹⁰ Jo co' lajob lí', joba' ja` fí' sea` quií`- fa' e ni'éen` dsea` rún` dsea` quiá`- Dsea` Jmáang`, o'gui fa' e nijøøn`re e uøng`gui cajo. Co' téé` óó'na' e lajaang` lajaam` jneaa`aa' 'né` ngiing`naa' fí' quini` Dsea` Jmáang` mi` tí` lí` nití` í' lajo e laco' dsea` do niquidsir' í' qui`ii' laco' si'í'. ¹¹ Co' lalab fé` Fí'naa' Fidiéé` fí' ni` jì` quiá'r`:

Jnea` Fidiéé` fá`-a e dseáng` e já`ba' e seen`,
jogui fí' quini`baa` lí` nisi` lajiiing` dsea` uø` jnir` e laco' nijmiféiñ` jnea`,
jogui nijíñ` e jii` jneab` Fidiéé`.
Jo lanab fé` Fidiéé` fí' ni` jì` quiá'r`.

¹² Jo co' lajob nilí, joba' lajaang` lajaam` jneaa`aa' 'né` e niguiéé`naa' júu` fí' quini` Fidiéé` mi` tí` lí` nití` í' e niquidsir' í' qui`ii'.

Ja`jmoo` e niténg` dsea` rún` fí' ni` dsee`

¹³ Jo co' lajob lí', dsea` rún`na' dsea` quiá`- Dsea` Jmáang`, joba' ja` 'né` e éeng`naa' jaléng` dsea` rún`naa'. Co' lí' lí' 'né` e nijmi'úung`na' e ja` nijmée`na' jii` coo` e ga` e dseáng` e niténg` dsea` rún`na' fí' ni` dsee` osi e nitúr` e já` líiñ` júu` quiá`- Dsea` Jmáang` é. ¹⁴ Jogui jnea`, la'eáang` e lín`n jaang` dsea` i jmóo`o lajii` e iing` Fí'naa' Dsea` Jmáang`, joba' eáam` nita` dsii` e lajaléb` e quiee`naa' e sea` fí' jmiigüi` la jmang` e guiáb` lí'. Jo dsu' seem` dsea` i í' dsí' e seab` e ja` dseeng`, joba' lajob lí' dsu' lajii` quiá`- i dsea` íb`. ¹⁵ Jogui song cóo` jalé` e cø`na' seem` dsea` rún`na' dsea` quiá`- Dsea` Jmáang` i ja` tí' dsí' jalé` e jmoo`na' do, jo song lajob lí', joba' lafa' ja` jmi'neáam`ba' i dsea` rún`na' do jóng. Jo uíi` e lajob lí', joba' fíi`-i`nú` e ja` cuøøng` e cóo` jalé` e cø`na' nijmé` e niténg` dsea` rún`na' fí' ni` dsee`, co' uíi` i dsea` í'bing' e cajúng` Dsea` Jmáang` fí' dse` crúu`. ¹⁶ Joba' fíi`-i`nú`, ja` jmoo`na' jii` coo` e laco' dseáng` e nifé` dsea` ga` uii` quiá`- jalé` e í' óó'na' e guiá`. ¹⁷ Jo mi` Fidiéé` quier` nifí` qui`naa', jo` quiu`gui ta` qui`ii' fa' jalé` e quiee`naa' osi jalé` e 'né`naa' é, co' e laba' e eáang`gui 'né` nijmó`oo' la'eáang` cóo` Jmiguí` quiá`- Fidiéé`, e see`naa' e jmoo`naa' laco' iing` Fidiéé`, jogui e see`naa' juguiú` júu` røø, jogui e íaang` dsi`naa' cajo. ¹⁸ Jo i dsea` i jmóo` lana cóo` lajii` e ta` e cangíiñ` quiá`- Dsea` Jmáang`, joba' i dsea` í' jmi'íáam`bre dsí' Fidiéé` jogui guiáb` fé` jaléng` dsea` rúñ` uíi` quiá'r` cajo.

19 Jo lana fñ-i 'nú', dsea` rú'naa', e contøøm- 'né- e nijmi'úung`naa' e nijmó`oo' jalé' e laco' nilisee- naa' juguiá- júu` røø` cóo'~ jaléng' dsea` rú'naa', jogui cajo e nijmicóo'~ rú'naa' e laco' nilí'naa' e teá'gui nisíng'-naa' cóo'~ júu` quiá'- Dsea` Jmáang-. 20 Jo uí'~ cóo'~ jalé' e cø'na' ja` jmoo`na' e laco' dseáang'~ ni'íing- lajii'~ e jmoo` Fidiée` cóo'~ lajaang` lajaang` dsea` quiá'r-. Jo dseáang'- e jáb'-, guiáb- lajalé' e gø' dsea, dsu' e doba' ja` dseeng` e song cóo'~ jalé' e cø'na' do nijmé- e niténg' dsea` rúng'na' dsea` quiá'- Dsea` Jmáang- fí' ni` dsee-. 21 Joba' guiá- gui e ja` cø'na' ngúu' o'gui u'na' jmi'` mí'` huíng` jø'` o'gui jmée`na' jii'~ cóo' e laco' dseáang'~ e niténg' dsea` rúng'naa' dsea` quiá'- Dsea` Jmáang- fí' ni` dsee-. 22 Joba' fñ-i 'nú' e jii'~ yaam`ba' 'né- ñí'na' fí' quini` Fidiée` jial tí' já'- líng'na' cuaiñ` quiá'- e jo. Jo eáam' juguiá- quiá'- i dsea` i ta` dsí' e guiáb- jalé' e jmóor, co' ja` cuø' dsee- ñia'r' lajee` e jmóor` lajo. 23 Jogui dsu' song sea` cóo' jmiñi` e ta` dsí' i dsea` í e ja` cuøøng` lí` dør- jo song cagø'r` e jo, joba' dseeb- ca'éer` jóng fí' quini` Fidiée`, co' dseáang'- ja` tab` dsí'r` e cajméer` e guiá- mi` cajméer` e jo.

15

O' jii'~ uø'` 'né- jmi'íang` o', co' lajob` 'né- jme'` cóo'~ dsea` rún'

1 Jo fñ-guá' 'nú', dsea` rú'naa' dsea` quiá'- Dsea` Jmáang-, e jaléng' jneaa`aa', dsea` eáang'gui teá' nitée- naa' cóo'~ júu` quiá'- dsea` do, 'né- e nijmicóo'~ baa' jaléng' dsea` rú'naa' i ja`gui teáang- teá' cóo'~ e júu` jo. Co' ja` 'né- jmó`oo' dseáang'- lajii'~ e guiá- qui- naa' yee`naa'. 2 Jo lajaang` lajaang` jneaa`aa' 'né- see- naa' e jmi'íang`naa' dsí' jaléng' dsea` rú'naa' e laco' ni'uíng- guiá- quiá'r-, jo lajoba' cuøøng` e teá'gui nisíñ'- cóo'~ júu` quiá'- Dsea` Jmáang-. 3 Co' j'gui Dsea` Jmáang- ja` ca'no'r- jial laco' nijmi'íang` dsír' ñia'r', co' lí' lí' cangong`ñiñ- jii'~ laco' fé' fí' ni` jì' quiá'- Fidiée` lí' fé' lala: "Jalé' e ga' e café' dsea` uii` quií', jneab` cangong`ng- jalé' e jo." 4 Jo lajalé' júu` e fé' fí' ni` jì' quiá'- Fidiée` e cajme' dsea` lamali`gui eáang' calí- lajo e lí' laco' e' jneaa`aa' jialco' nijmó`naa' té'ee' cóo'~ jalé' e huíng' e dsijée' qui-ii', jogui cuø' jneaa`aa' bí' cajo; jo lajoba' dseáang'- nita` dsí'naa' e nilisee- baa' cøøng` cóo'~ Fidiée` fí' ñí' quiá'r- mi` nití- e í' jo. 5 Jo Fidiéeb` dsea` i cuø' jneaa`aa' e jmoo`naa' té'naa' cóo'~ jalé' e dsing`ng- naa' do jogui e cuø'r' jneaa`aa' bí' cajo. Jo uí'~ e lajob` lí', joba' mii'~ i dsea` do e güijmicóo'~ bre 'nú' e laco' røøb` niliseeng`na' lajee` la'ó' 'nú' lí' laco'gui ca'éé' Fí'naa' Dsea` Jmáang-. 6 Jo lajoba' nijmiféng'naa' Fidiée`, Tiquiá'` Fí'naa' Dsea` Jmáang-, colíng` lajii- naa'.

Mi` canúu- dsea` i ja` líng' dsea` Israel júu` quiá'- Dsea` Jmáang-

7 Jo lajob` fñ-guá' 'nú', dsea` rú'naa' dsea` quiá'- Dsea` Jmáang-, e íng'~ rúng'na' e íang` óo'na' lí' laco'gui calíng' Dsea` Jmáang- 'nú', jo lajoba' e nijmiféng' dsea` Fidiée`. 8 Jo jnea` fñ-i 'nú' e Dsea` Jmáang- cagüéiñ- fí' jmi'güí' la e laco' nijmicóo'r- dsea` Israel. Jo calí- lajo e lí' laco' cuø' lí' e dseáang'- jmitib` Fidiée` júu` quiá'r- lí' laco' júu` e cacuø'r' 'lí' dsea` áang' qui-ii', dsea` Israel, ie` malí`gui do. 9 Jogui cajá- bi Dsea` Jmáang- cajo e laco' jaléng' dsea` i ja` líng' dsea` Israel nijmiféiñ' Fidiée` uí'~ e eáang' fí' líng- dsea` do jaléng' i dsea` í lí' laco'gui la fé' fí' ni` jì' quiá'- Fidiée` lí' fé' lala:

Jo nijmifén' n 'nu' jee` jaléng' dsea` i ja` líng' dsea` Israel, jogui nijmifén' n 'nu' cóo'~ jalé' e øø-.

10 Jo lalab fé'gui cajo fí' ni` jì' quiá'- Fidiée`:

jmi'íang` óo'na', dsea` quiá'- Fidiée` i ja` líng' dsea` Israel, colíng` cóo'~ jaléng' dsea` i líng' dsea` Israel!

11 Jo lalab fé'gui fi' ni~ ji` quiá'- Fidiée~ cajo:
 Jmiféng'na' Fii'naa' Fidiée~ jaléng' 'nú', dsea` i ja` líng' dsea` Israel,
 i seeng` jalé' fi'jiu jogui jalé' fi' cóo'.

12 Jo lalab fé'gui fi' ni~ ji` quiá'- Fidiée~ e cajme' Saí':
 Nabí nijáa' jaang` dsea` siju` Isaí,
 jo íb` i niquíá'- ta~ quiá'- jaléng' dsea` i ja` líng' dsea` Israel.
 Co' cóo' i dsea` i nijáa' do,
 íb` i nicuó' e ta~ dsí' jaléng' i dsea` í.

Jo lanab fé' fi' ni~ ji` quiá'- Fidiée~.

13 Joba' má' i Fidiée~ i cuó' e ta~ dsí'naa' do e güicuó' bre 'nú', dsea` já'-
 líng'na' júu` quiá'r-, e seeng'na' e iáang` óo'na' jogui e seeng'na' juguíá- júu`
 røø; jo lajoba', la'eáang` cóo' bí e 'gøng' quiá'- Jmiguí quiá'r-, dseáng'-
 eáang'gui güjmitar~ óo'na' e niliseeng'na' cóo'r- fi' ñífi- quiá'r- mí nití- e í'
 jo.

14 Dsea` rú'naa' dsea` quiá'- Dsea` Jmáang-, dseáng'- eáam` nita~ dsii- e 'nú'
 eáam` guiúng- na' cóo' jaléng' dsea` rúng'na', jogui e guiáb- niñí'na' jial` né-
 seeng'na', jogui cajo eáam` quí'na' jmí~ e cuó'na' bí rúng'na'. 15 Dsú' e fi'
 ni~ ji` la nicateá- dsii- e nicajmé- e quí'na' tú- 'ní' mí' júu` e teáb'jiu; jo dsú'
 cajmé- e lajo e lí' laco' nijmiguíén'n áa'na' jalé' e jo. Jo lajob cajmé- e uí' e
 ta~ e nicangün`n quiá'- Fidiée~, co' dseáng'- eáam` guiúng- dsea` do cóo' jnea~
 e jí' ja` catín`n lajo. 16 Jo cajméer` lajo cóo' jnea~ e lí' laco' nijmee~ e lají'~
 e iing` Dsea` Jmáang- fi' jee~ jaléng' dsea` i ja` líng' dsea` Israel. Jo cangün`n
 coo' ta~ quiá'- Fidiée~ e lí' laco' niní' i júu` quiá'- jial` láang` dsea` do jaléng'
 dsea` jee~ jalé' dsee- quiáin'. Jo jmóo'o lajo e lí' laco' cuóøng` nijøø'n`n fi'
 quinir` jaléng' i dsea` í e liñ' do lafa' coo' feá'- e jlo' jmeafi' e nití- dsíir` jogui
 e nicaligüeang' la'eáang` cóo' Jmiguí quiá'r-.

17 Jo dsea` quiá'- Dsea` Jmáang- líng' jnea~, joba' seab` uing~ quié- e eáang'
 jmi'iaang` dsii- uí' jalé' e ta~ e nicangün`n e jmóo'o quiá'- Fidiée~. 18 Dsúco'
 ja` teá dsii- e nifá'a jí' coo' júu` e jíe'gui jí' laco' e nicajmé- Dsea` Jmáang-
 cóo' jnea~ e quiá'- e nicaguiáa- júu` jee~ jaléng' dsea` i ja` líng' dsea` Israel
 e laco' nijméin' do núur` lají' ta~ quí' Fidiée~. Jo lajob nicajméin' do
 la'eáang` cóo' jalé' júu` e nicaguiáa- cóo'gui jial` nica'ee- jee~ jaléng' i dsea`
 í, 19 jogui cóo' jalé' e lí' e quí' Fidiée~ jmí~ e jmóor` cóo' e güea' e 'gøng'
 quiá'- Jmiguí quiá'r-. Jo lanaba' guiáb- nicatán'n e ta~ do quié- e e quiá'- e
 ní' i júu` quiá'- Dsea` Jmáang- quiá'- jial` laang` dsea` jee~ jalé' dsee- quiá'r-,
 jo e jo canaan- fi' Jerusalén cartí caguié- e fi' lí' se' Iliria. 20 Jo nicajmé- e úung`
 e niní' i júu` e quiá'- jial` laang` dsea` jee~ jalé' dsee- quiá'r- dseáng'- e fi' lí'
 ja` mí canúu- dsea` júu` quiá'- Dsea` Jmáang- jí' coo' ya' lamí jéeng'gui. Jo
 calí- lajo uí' e jnea~ ja` iin`n fa' e niní' i e júu` jo fi' lí' nicajmé- dsea` lajo.

21 Co' cajmé- e lajo lí' laco' calí' laco' la fé' fi' ni~ ji` quiá'- Fidiée~ lí' fé' lala:
 Jaléng' dsea` i dseáng'- jí' coo' ya' ja` mí canúu- júu` quiá'- Dsea` Jmáang-,
 dseáng'- ninú- bre e júu` jo;
 jogui dseáng'- ningám' e júu` jo jaléng' dsea` i ja` mí canúu- e júu` jo cajo.
 Jo lanab fé' fi' ni~ ji` quiá'- Fidiée~.

Mí ca'í dsí' Paa- e nidsér- fi' Roma

22 Jo uí' e ngü- ta~ guía' júu` quiá'- Dsea` Jmáang-, joba' ja` mí cacuó' fi'
 quié- e fa' e niní' i e ni'ee' e 'nú', dsea` rú'naa' dsea` quiá'- Dsea` Jmáang- i
 neáang' fi' na fi' Roma, nañí' fa' jmiguíab' ya' nica'í dsii- e nijmee~ e lajo, dsú'
 ja` mí calí- quié- e lajo. 23 Dsú' lanagui nicatób' ta~ jmóo'o e fi' guóo' uó- la; jo
 co' ningóob'jiu eáang' e í dsii- e ni'ee' e 'nú', 24 joba' sijeer` e lajob nilí lajee' e
 iuun- fi' e ngóo'o fi' guóo' uó- lí' sií España. Jo mí ningí e nineeng- rú'naa'

fí na, joba' iin~n e jaléng' 'nú' nijmicóo'~na' jnea~ cóo'~ jalé' e 'né' e lajee~ e ngóo'ó fí España. ²⁵ Jo dsu' nú'~gui e ngóo'ó fí na fí Roma, jang'~ níng'~teáa fí Jerusalén e nicoo'~o capí'~ jalé' e 'né' dsea' quiá'~ Dsea' Jmáang~ i tiñling~ i seeng' fí jo. ²⁶ Dsaco' jaléng' dsea' quiá'~ Dsea' Jmáang~ i seeng' fí Macedonia cóo'~gui i seeng' fí Acaya ca'f' dsíir' yaaiñ~ e liing~ e caseáiñ'~ capí'~ jogui e nisiñ~ quiá'~ dsea' rú'naa' dsea' quiá'~ Dsea' Jmáang~ i tiñling~ i seeng' fí Jerusalén. ²⁷ Jo guiáb~ cajmée' i dsea' í uíi'~ e ca'f' dsíir' e nijmicóo'~r~ i dsea' rú'naa' do lajo. Dsaco' jaléng' dsea' quiá'~ Dsea' Jmáang~ i líng' dsea' Israel eáam' nicajmicóo'~r~ jaléng' dsea' quiá'~ Dsea' Jmáang~ i ja líng' dsea' Israel e laco' teá'gui casíñ'~ yaaiñ~ fí guiá'~ cóo'~ Dsea' Jmáang~. Jo uíi'~ e lajob lí', joba' jaléng' dsea' quiá'~ Dsea' Jmáang~ i ja líng' dsea' Israel dseáng'~ 'né'~ba' líng'~ ee'go jmicóo'~r~ jíe' jii'~ quí'~r~ jmí'~ cóo'~ jaléng' i dsea' Israel do. ²⁸ Joba' dsifí' mí' nité' e ta~ e nijmee' e do e quiá'~ nijáa'~a dsea' quiá'~ Dsea' Jmáang~ i neáang' fí Jerusalén jalé' e caseáng' do, joguiba' nijúu'~u e ninii'~i fí España jóng, jo lajee~ e iuun~ fí e ngóo'ó fí jo, joba' í dsii' e ningiin~n cateá' fí na fí Roma. ²⁹ Jo eáam' nita~ dsii' e mí' niguié'e e ni'ee'e 'nú' fí na, eáam' guiá'~ nijmé' Dsea' Jmáang~ cóo'~ jneaa'~aa'.

³⁰ Dsea' rú'naa' dsea' quiá'~ Dsea' Jmáang~, la'eáang' cóo'~ Fí'naa' Dsea' Jmáang~ jogui la'eáang' cóo'~ e Jmiguí' quiá'~ Fidié' e cuø'~ jneaa'~aa' e eáam' 'neáang' rú'naa' do, joba' lana mí'~i 'nú' jmí'ee' e nijmicóo'~ rú'naa' colíng' e nimí'~na' Fidié' uii'~ quié'~e. ³¹ Jo mí'~na' dsea' do e nijmér' í jnea~ jee~ jaléng' dsea' i ja já'~ líng' júu'~ quiá'~ Fidié' i neáang' fí lí' se' Judea. Jogui mí'~na'~r cajo e eáang' nilí'íng' ta~ quiá'~ jaléng' dsea' rú'naa' dsea' quiá'~ Dsea' Jmáang~ i neáang' fí Jerusalén lajii'~ e quíe'~ quiá'~r~. ³² Jo ngí' jo, song nicuø'~ Fidié' fí, joba' niguié'~baa fí na jóng cóo'~ juguiá'~ e ni'ee'e 'nú', jo lajoba' cuøng' lí' jmi'ín'~n lajee' see'~naa' colíng'~. ³³ Jo mí'~i Fidié' i cuø' e seeng' dsea' juguiá'~ júu' røø' e güiliseem'bre cóo'~ jaléng' 'nú' lata~.

Jo lajob nilí'.

16

Júu' guicóo'~ quiá'~ Paa' e catíng'~ dsea' seeng' fí Roma

¹ Dsea' rú'naa' dsea' quiá'~ Dsea' Jmáang~ i seeng' fí na fí Roma, lana fí'~i 'nú' cuaiñ~ quiá'~ jaang' dseam' i sii' Febe i jmóo' ta~ jmicóo'~ jaléng' dsea' quiá'~ Dsea' Jmáang~ i seeng' fí Cencrea. ² Jo i dseam' la dsea' quiá'~ Dsea' Jmáam~ líiñ', joba' íim'~ba're cóo'~ e guiá' lí'~ laco'gui catíng' e íng' dsea' i dsea' la'f'. Jogui jmicóo'~na're cóo'~ lí'~ doñí' ee' e 'né'~, dsaco' eáam' nicajmicóo'~r~ jaléng' dsea' rú'naa' lí'~ laco'gui la nicajméer' cóo'~ jnea~.

³ Jogui guiéen'~n júu' guicóo'~ quiá'~ Prisca cóo'~gui i dseañu'~ quiá'~r~ i sii' Aquila, co' i dsea' na røøb' nicajmó'~naa' ta~ guiá' júu'~ quiá'~ Dsea' Jmáang~ cóo'~r~. ⁴ Co' laj' gám' i dsea' na jii'~ ja' mí' cajúum'~bre dsu' uíi'~ e nicajmicóo'~r~ jnea~. Jo co' lajob nicajméer' cóo'~ jnea~, joba' cuøø'~øre gui'máang'~; jo dsu' o' jii'~ jnea~ jmóo'~o lajo, co' lajob jmóo'~ cajo jaléng' dsea' quiá'~ Dsea' Jmáang~ i ja líng' dsea' Israel. ⁵ Jogui guiéen'~n júu' guicóo'~ quiá'~ jaléng' dsea' rú'naa' dsea' quiá'~ Dsea' Jmáang~ i seáng' fí na fí quiá'~ Prisca cóo'~gui Aquila. Jogui guiém'~baa júu' guicóo'~ cajo quiá'~ i seen' røø' cóo'~ i 'neáan' eáang' i sii' Epeneto, co' íb' la'uii' dsea' i calíng' dsea' quiá'~ Dsea' Jmáang~ fí la'úng' fí lí' se' Asia. ⁶ Jogui guiém'~baa júu' guicóo'~ quiá'~ Yá' cajo, co' eáam' nicajméer' ta~ jmicóo'~ jee' 'nú'. ⁷ Jogui guiéen'~n júu' guicóo'~ quiá'~ dsea' góo'ó i sii' Andrónico cóo'~gui Junias, dsaco' conrøøb' cajníng'~naa' fí dsíi' 'nuñí' cóo'~r~. Jogui jaléng' dsea' apóo'~ quiá'~ Dsea' Jmáang~ eáam' guiá'~ fé'r' uii'~ quiá'~

lajì gáng̃ ì dseà góó' na, jò ì dseà na jéeng'guib calicuír' júu^ quíá' Dseà Jmáang̃ lac'o'gui jneã.

⁸ Jogui guicóob' ì dseà ì sii` Ampliato, ì dseà quíá' Dseà Jmáang̃ ì eáang' røø' seeñ cóo'~. ⁹ Jogui guicóob' cajo ì dseà ì sii` Urbano ì jmóo' tã coling̃ cóo'~ jneã; jogui guicóob' bi cajo ì dseà ì sii` Estaquis ì eáang' seeñ røø' cóo'~ cajo. ¹⁰ Jogui guicóob' bi cajo ì dseañu' ì sii` Apeles ì nicagüi'fi' guíá' jeẽ jalé' e huíng' e nicangongüiñ̃ uí'~ e teá' siñ' cóo'~ júu^ quíá' Dseà Jmáang̃; jogui guicóob' cajo jaléng' ì dseà sinúu^ quíá' Aristóbulo. ¹¹ Jogui guicóob' cajo ì dseà góó'o ì sii` Herodión cóo'~ gui jaléng' ì dseà sinúu^ quíá' Narciso, co' dseà quíá' Dseà Jmáam̃ líiñ' cajo. ¹² Jogui guicóob' Trifena cóo'~ gui Trifosa, co' lajì gám̃-biñ' na jmóor' lajii'~ tã e nicangüiñ̃ quíá' Dseà Jmáang̃; jogui guicóob' cajo ì dseamf̃ ì sii` Pérsida ì eáang' seeñ røø' cóo'~, co' ì dseamf̃ na eáam' nicajméer' tã e nicangüiñ̃ quíá' Dseà Jmáang̃. ¹³ Jogui guicóob' cajo ì dseañu' ì sii` Rufo, jaang' dseà ì dsing'~ ñí' dseà e cuiñ̃ Dseà Jmáang̃ jogui e eáam' teá' siñ' cóo'~ júu^ quíá' dseà do cajo; jogui guicóob' niquíar' cajo, dsuco' í ling' lafa' niquíé'baa cajo. ¹⁴ Jo guicóob' Asíncrito cóo'~ gui Flegonte cóo'~ gui Ermes cóo'~ gui Patrobas cóo'~ gui Ermas cóo'~ gui jaléng' dseà quíá' Dseà Jmáang̃ ì neáang' cóo'r~ do. ¹⁵ Jogui guicóob' Filólogo cóo'~ gui Julia cóo'~ gui Nereo cóo'~ gui ì dseamf̃ rúñ' do, jogui guicóob' Olimpás cajo cóo'~ gui lajüng' dseà quíá' Dseà Jmáang̃ ì neáang' cóo'~ lajaléng' dseà na.

¹⁶ Jogui jaléng' 'nú', dseà líng'na' dseà quíá' Dseà Jmáang̃, lacoo' ya' mĩ fón' rúng'na' se' guoo' rúng'na'. Jò lajaléng' dseà quíá' Dseà Jmáang̃ ì seeng' fí la guíiñ' júu^ guicóob' quí-na'.

¹⁷ Dseà rú'naa' dseà quíá' Dseà Jmáang̃, iiñ n nimí' i 'nú' lahuíng' e nijmée' í yaang̃ na' cóo'~ jaléng' ì dseà ì ngí' tã jmóo' 'nii' jeẽ jaléng' dseà quíá' Dseà Jmáang̃, jogui jmóor' quíí' jial nitá' dseà fí guíá' lí niteáaiñ̃ cóo'~ Dseà Jmáang̃, dsuco' cóo'~ jalé' e jmóor' do ja' cóøng' røø' cóo'~ júu^ quíá' Dseà Jmáang̃ e nica'íng'~ 'nú'. Jòba' fí' i 'nú' e ni'naam̃ yaang̃ na' jeẽ jaléng' ì dseà í. ¹⁸ Dsuco' jaléng' ì dseà la'í ja' jmóor' tã e nicangüiñ̃ quíá' Fí'naa' Dseà Jmáang̃, co' jmóor' jii'~ lac'o' í dsíir' yaam̃ bre. Jogui fé'r' júu^ jlo' e róo' e lí' lac'o' lí'r' jmigóoiñ̃ dseà ì ja' quí' tñng' jmóo' jalé' e ga', jò lajòba' lí'r' jaléng' í. ¹⁹ Jò lajim̃ dseà quíá' Dseà Jmáang̃ ñir' e eáam' núu'~ 'nú' júu^ quíá' Dseà Jmáang̃. Jò uí'~ e líng'na' lajò, jòba' eáam' íaang' dsii' cóo'~ 'nú' jogui iiñ n e cóo'~ jalé' e niñ'na' do nilí'íng' tã quí-na' quíá' e nijmée'na' jmang' jalé' e guíá' jò o' quíá' e nijmée'na' jalé' e ja' dseeng'. ²⁰ Jò Fidié' ì cuø' e seeng' dseà juguíá' júu^ røø', lajmináb̃ nijgiáaiñ̃ fii' ì 'ling' ì sii` Satanás cartí uii' tñ'na', jò lajòba' jò cuøng' fa' e nilí'guir' 'nú'. Jò mí' i Fí'naa' Dseà Jmáang̃ e ni'ír' güea' quíar' fí jeẽ 'nú' lajüng'na'.

²¹ Jogui Timoteo, jaang' dseà rú'naa' ì jmóo' tã quíá' Dseà Jmáang̃ coling̃ cóo'~ jneã, guíem'bre júu^ guicóob' quí-na' cajo, jogui lajòbi jaléng' ì dseà góó'o ì sii` Lucio cóo'~ gui Jasón jogui Sosípater guíem'bre júu^ guicóob' quí-na' cajo.

²² Jogui jneã Tercio, dseà jmo'o e fí' nĩ jì lajalé' júu^ quíá' Paã, guíem'baa júu^ guicóob' quí-na' cajo, co' dseà quíá' Dseà Jmáang̃ lín'n cajo.

²³ Jogui lajòbi Gayo guíem'bre júu^ guicóob' quí-na' cajo, co' fí' quíá'bre guíng̃ jneã lana, jò fí' jòb cajo lí' seáng' jaléng' dseà quíá' Dseà Jmáang̃ e jmiféiñ̃ Fidié'. Jogui Erasto guíem'bre júu^ guicóob' quí-na' cajo, jò lana líiñ̃ dseà ì 'mea' cuu' quíá' fí; jogui lajòbi jaang' dseà quíá' Dseà Jmáang̃ ì sii` Cuarto guíem'bre júu^ guicóob' quí-na' cajo. ²⁴ Jò güi'fb̃ Fí'naa' Dseà Jmáang̃ güea' quíar' jeẽ jaléng' 'nú'. Jò lajòb nilí'.

Júu^ lí^ cadséng^ quiá^- Paa^- e jmiféiñ^ Fidiée^

²⁵ Jo majmifém^'baa' Fidiée^, co' í'bing' i quíi~ jmíi~i nijmé^- e teá'gui nisíng^- na' cóo~ júu^ quiá^- Dsea` Jmáang^- lí^ laco' la fé'^ e júu^ quiá^- Dsea` Jmáang^- e guiá' jnea~ e quiá^- jial laang` dsea` jee~ jalé'^ dsee^- quiá'r^- . Jo e júu^ nab líi' e júu^ quiá^- Fidiée^ e lamí~ si'maang^~ lajii' ná^- gui e nitiroo^~ jmigüi'. Jo dsu' lanagui nicajmijnéem`bre e jo, jo e júu^ job e guiá' jnea~ na. ²⁶ Dsu' lanagui nicalíiñib' dsea` e júu^ na la'eáang' cóo~ jalé'^ jì e cajme' jaléng'^ i dsea` i café'^ cuaiñ~ quiá^- Fidiée^ malíi~ gui eáang'. Jo calí^- lajo e lí'^ laco' nilíti~ ta~ e caquiá' Fidiée^ i seeng` car` ngongíi~ jmíi~ do. Jo dsu' e júu^ e si'ma^ quiá^- Fidiée^ do, nicajmijnéem`bre lana e lí'^ laco' lajaléng'^ dsea` jmigüi' nijá^- líiñ e jo jogui e nijmér^- náu'r~ cajo.

²⁷ Jo la'eáang' cóo~ Fíi'naa' Dsea` Jmáang^- majmifém^'baa' lata~ jii' Fidiée^, co' jii' íb` i eáang' tíng` ngáng'^. Jo lajob nilí^.

Jo lanab cató'^ e jì e cajme' Paa^- e catíng^- dsea` quiá^- Dsea` Jmáang^- i neáang' fí Roma.

Júu^ e toq̃ fi' ni~ jì la'uii~ quiá'- Paa- e catíng- dsea` seeng` fi' CORINTO

¹ Jnea~ Paa- lín'n jaang` dsea` apóo^ i óo` ta~ quiá'- Dsea` Jmáang-. Jo nicató'- Fidiée~ jnea~ e nijmee~ e e ta~ jo uíi~ e lajo nicalí'iiñ. Jo jnea~, colíng~ cóo~ i dsea` rú'naa' dsea` quiá'- Dsea` Jmáang- i sii` Sóstenes, sáing`naa' e jì la ² e catíng- jaléng' 'nú', dsea` rú'naa' dsea` quiá'- Dsea` Jmáang- i neáng' fi' na fi' Corinto. Jo Fidiée~ nicató'- 'nú' e nilíng-na' dseáng'- jii~ dsea` quiá'- bre la'eáng' cóo~ Fíinaa' Dsea` Jmáang-. Jogui lajób nicajméer` cóo~ jaléng' dsea` i seeng` fi' lí` jié' i jmiféng' Fíinaa' Dsea` Jmáang-, co' íbing' i líng' Fíir` lí' laco'gui la líng' qui- jneaa~aa' cajo. ³ Jo mii~ i Tiquí'ii' Fidiée~ jogui Fíinaa' Dsea` Jmáang- e ní'ir- güea^ quiá'r- jee~ 'nú' jogui e nicuó'r- 'nú' e niliseeng`na' juguiá- júu^ røø`.

Júu^ gui'máang~ quiá'- Paa- e cuø'r' Fidiée~

⁴ Jo ja` mí` catúu e cuøø-ø gui'máang~ Fidiée~ uíi~ quiá'na' uíi~ cóo~ jalé' e guiá- e nicajméer` cóo~ 'nú' la'eáng' cóo~ Fíinaa' Dsea` Jmáang- e jii~ ja` catíng-na' lajo, jo dsu' lajób nicajméer`. ⁵ Dsaco' la'eáng' cóo~ Fíinaa' Dsea` Jmáang- jmigui'ba' nicalíng-na' quiá'- Fidiée~, co' nicangíng-na' e eáng' tíng-na' guiá'na' júu^ quiá'r- jogui e eáng' ngáng'na' e júu^ jo cajo. ⁶ Jo cóo~ jalé' e na cuø lí' e nicalíi~ lajii~ júu^ e nicalí' a cuaiñ quiá'- Dsea` Jmáang-. ⁷ Jo lajób nicalí-, joba' nicangíng-na' lajalé' e cuø' jmigui' quiá'- Fidiée~ lajee~ e sijeeng`na' e jmii~ e nijnéng-tu Fíinaa' Dsea` Jmáang- fi' jmigui' la. ⁸ Jo Dsea` Jmáam-bing' i nicuó'- 'nú' bí' e laco' teám-bi' teá' fi' guiá- lí' niteáng-na' cóo'r-, jo lajoba' jii~ jaang` ja` ii' cuøøng` lí' cuø'- 'nú' dsee- mi~ tí' lí' nití' í' e nijáa'tu Dsea` Jmáang- fi' jmigui' la. ⁹ Jo dseáng'- jmitib~ Fidiée~ jalé' júu^ quiá'r- e cacuø' jéeng'gui, jogui íbi cajo i cató'- jneaa~aa' e nilisee-na' cøøng` cóo~ Jóor' Dsea` Jmáang- i líng' Fíinaa' cajo.

E~ uing~ e ja` sáing` røø` dsea` quiá'- Dsea` Jmáang-

¹⁰ Jo la'eáng' cóo~ júu^ quiá'- Dsea` Jmáang- mii~ i 'nú' e ngocáng` dsii-, dsea` rú'naa', e nisiing-tu' røø, co' ja` 'né' e jmée'na' tá- coo` lé' lajee~ la'ó' 'nú'. Co' 'nú' lí' lí' 'né' e seeng`na' conrøøb' e í' óo'na' jogui e ee-na' guiá- lajüing`na'. ¹¹ Jo uing~ quiá'- e fii~ i 'nú' e júu^ la, dsea` rú'naa', dsaco' dsea` sinúu^ quiá'- Cloé nicajmea'r' jnea~ júu^ e jmoob' 'nú' ta~ jíng' jee~ la'ó' 'nú', dsea` líng'na' dsea` quiá'- Dsea` Jmáang-. ¹² Co' i dsea` í' nicasí'r- jnea~ e i líng' 'nú' fó'na' e líng'na' dsea` quié-e, jogui i líng'gui 'nú' fó'na' e líng'na' dsea` quiá'- Apolos, jogui i jiéng'gui fé' e líiñ dsea` quiá'- Tú^, jogui i líng'gui dsea` í' dsír' e jii~ íbre líiñ dseáng'- jii~ dsea` quiá'- Dsea` Jmáang-. ¹³ Jo ja` 'né' jmée'na' lajo, co' ja` fíng' Dsea` Jmáang- seeng'; jogui o' jnea~ cajo dsea` catáng- fi' dse` crúu^ e laco' nileáng'na' fi' jee~ jalé' dsee- quiá'na', o'gui cajgáang-na' jmii' la'eáng' cóo~ jnea~. iCo' dseáng'- o' lajo! ¹⁴ Jo gui'máang~ Fidiée~ e jii~ jaang` 'nú' ja` mí' caseán-n jmii', co' dseáng'- jii~ Crispo cóo~ gui Gayobing' i nicajmé- e cóo~ lajo. ¹⁵ Jo uíi~ e lajób líi, joba' jii~ jaang` 'nú' cuøøng` lí' fo^na' e cóo~ júu^ quiá'- Paab- cajgáang-na' jmii'. ¹⁶ Jaa-, dsu' cadsém' dsii- cajo e caseám-baa jmii' i dsea` sinúu^ quiá'- Estéfanos, jo dsu' jo` tóo` dsii- fa' ii' caseáng-gui jmii' i jiéng'. ¹⁷ Dsaco' ja` casíng` Dsea` Jmáang- jnea~ fi' jmigui' la fa' e nijmee~ e ta~ seáng` dsea` jmii', co' casím-bre jnea~ dsu' quiá'- e niguiaa- júu^ quiá'- jial laang` dsea` jee~ jalé' dsee- quiá'- bre. Jo mi~ caguiá'a e júu^ jo, ja` cafá'- a cóo~

júu e t̃ing dsea` j̃migüi e laco' ja` nijmi'uón`n jial tí e niing` e cajúng` Dsea` Jmáang` fí dse` crúu`.

Jial 'gøng' Fidié` cõo` jalé` e t̃iĩn`

¹⁸ Jo jaléng` i dsea` i niteáang` fí ngolíng` fí lí` lí` í dsír` e júu` iib` lí e quiá`- e cajúng` Dsea` Jmáang` fí dse` crúu`. Jo dsu' o' lajo lí e júu` jo quí` jneaa`aa', co' e júu` jo lí júu` e 'gøng'. Co' la'eáang` e júu` joba' nicaláang`naa' jee` jalé` dsee` quí`-ii'. ¹⁹ Jo lajob lí lí' laco' fé' Fidié` fí ni` jì quiá`r` lí fé`r` lala: Nijmee` e ni'ím` lajii` e í dsír` dsea` j̃migüi e t̃iĩn`, jo cab' ni'naan` lajii` e í dsír` e ngáiñ`.

Jo lanab fé' Fidié` fí ni` jì quiá`r`. ²⁰ Jo ¿jnan`gui i dsea` i í dsír` e eáang` t̃iĩn` ngáiñ`? Jogui ¿jnan`gui i dsea` i í dsír` e ñir` lajalé'? Jogui cajo ¿jnan`gui i dsea` i t̃ing` júu` quiá`- cõo` jalé` e sea` fí j̃migüi la? Jo dsu' lajalé` e í dsír` dsea` j̃migüi e t̃iĩn` ngáiñ`, Fidié` nicajméer` e jalé` e jo lí júu` iib`. ²¹ Jo la'eáang` e eáang` t̃ing` ngáng` Fidié`, joba' caguiar` uing` e ja` nilicuíng` dsea` ír` la'eáang` cõo` jalé` e í dsír` dsea` e t̃iĩn` ngáiñ` fí j̃migüi la. Co' lí' lí' cali'iĩn` e nileáiñ` dsea` jee` jalé` dsee` quiá`iñ`- la'eáang` e já`- líng` dsea` e júu` cuaiñ` quiá`- e cajúng` Dsea` Jmáang` fí dse` crúu`, nañí fa' e júu` jo lí lafa' júu` iib`.

²² Jo jaléng` dsea` Israel 'náiñ` Fidié` dsu' la'eáang` cõo` jalé` e quí` dsea` do jmi` jmóor` e dsigá` dsír` dsea`. Jogui jaléng` dsea` i ja` líng` dsea` Israel 'náiñ` Fidié` dsu' la'eáang` cõo` e t̃iĩn` ngáiñ` fí j̃migüi la. ²³ Jo dsu' jnea` guía`naa' júu` quiá`- e uing` e cajúng` Dsea` Jmáang` fí dse` crúu`. Jo dsu' e júu` jo lí júu` e 'ní` níng` jaléng` dsea` Israel, jogui jaléng` dsea` i ja` líng` dsea` Israel í dsír` e júu` iib` e jo. ²⁴ Jo lajii` e cangongáng` Dsea` Jmáang` fí dse` crúu` calí` lajo e lí' laco' niliñ` dsea` jial tí 'gøng` Fidié` jogui jial tí t̃iĩn` cõo` jalé` e jmóor`. Jo jalé` e jo catáng` jaléng` dsea` i nicatõ` Fidié` e ni'uúñ` dsea` quiá`r`, nañí su líng` dsea` dsea` Israel osi ja` líñ` lajo é. ²⁵ Jo jaléng` dsea` j̃migüi í dsír` e júu` iib` lí lajalé` e nicaguia` Fidié` uing` e nicajméer`. Jo dsu' o' já`- e lí lajo, co' eáang` guib` t̃ing` ngáng` Fidié` cõo` lajalé` e jmóor` laco'gui jii` e í dsír` dsea` j̃migüi e eáang` t̃iĩn` ngáiñ`. Jogui eáang` guib` 'gøng` Fidié` cõo` e guiar` uing` e jmóor` laco'gui jii` e í dsír` dsea` j̃migüi e eáang` íng` ta`. ²⁶ Jo fí` i 'nú`, dsea` rú`naa' dsea` quiá`- Dsea` Jmáang`, e 'né` e tóob` áa`na' e mi` catõ` Fidié` 'nú` e laco' ni'uúñ`na' dsea` quiá`r` jo jii` tú` 'ní` mán`g` 'nú` líng`na' dsea` i t̃ing` ngáng` jii` laco' í dsír` dsea` j̃migüi, jogui jii` tú` 'ní` mím`ba' líng`na' dsea` i oo` ta` fí j̃migüi la osi líng`na' dsea` sinúu` quiá`- jaléng` dsea` 'goo` é. ²⁷ Jo dsu' Fidié` bing` i caguíng` jaléng` dsea` i í dsír` dsea` j̃migüi i ii`. Jo cajméer` lajo e lí' laco' nicuó`r` fí'í' jaléng` dsea` j̃migüi i í dsír` i t̃ing` ngáng` eáang`. Jogui caguíñ` jaléng` dsea` i í dsír` dsea` j̃migüi i ja` 'ga' lí ta` íng`. Jo cajméer` lajo e lí' laco' nicuó`r` fí'í' jaléng` dsea` j̃migüi i í dsír` e dsíng`- iĩn` ta`. ²⁸ Jogui Fidié` nicaguíñ` jaléng` dsea` i í dsír` dsea` j̃migüi i ja` ta` íng` jii` capi` osi i uóng` osi i ja` sea` uing` quiá`- jii` cõo` fí j̃migüi la é, jo dsu' cajméer` lajo e lí' laco' ni'iĩn` jalé` e í dsír` dsea` j̃migüi e niing` eáang`. ²⁹ Jo co' lajob cajmée` Fidié`, joba' jii` jaang` dsea` cuóong` lí jmér` ráaiñ` fí quini` dsea` do.

³⁰ Jo dsu' 'ñiab` Fidié` nicajméer` e lafa' jaam` dsea` nica'uúñ`na' cõo` Dsea` Jmáang`, jogui nicajméer` cajo e laco', la'eáang` cõo` dsea` do, niline`naa' jial tí t̃iĩn` ngáiñ`; co' la'eáang` cõo` Dsea` Jmáam`ba' nicajméer` e nilí`naa' dsea` i ja` røong` dsee` fí quini` jogui e nilí`naa' dseáng`- jii` dsea` quiá`- bre jogui cajo e nicaláang`naa' jee` jalé` dsee` quí`-ii'. ³¹ Jo co' lajob lí, joba' fé' fí ni` jì quiá`- Fidié` lí fé` lala:

Jogui song seeng` dsea` i iing` j̃miféng` 'ñia`,

joba' guiá~gui e güjmifém'bre Fíi'naa' Fidiée'.
Jo lanab fé' fí' ni~ jì' quiá'- Fidiée'.

2

E~ uiing~ e catáng~ Dsea`Jmáang~ fí' dse'` crúu^

¹ Jo téé' óo'na', dsea` rú'naa', e mi~ cangó~ o fí' na fí' Corinto e cangofíi~ i 'ná' júu^ quiá'- Fidiée' quiá'- e~ uiing~ jalé' e cangojée' cóo'~ Dsea` Jmáang~, jo dsu' ja` cafón'-n 'ná' cóo'~ júu^ e ñí' o'gui cóo'~ júu^ e 'goo' cajo. ² Jo lajee' e cataan~n jee~ 'ná' ja` cafa'~ a júu^ e jié'gui, co' dseáng'- lajii'~ júu^ quiá'- Dsea` Jmáam~ba' ca'f' dsii~ e cafa'~ a jo dseáng'- jii'~ e júu^ quiá'- e~ uiing~ e catáng~ Dsea` Jmáang~ fí' dse'` crúu^ . ³ Jo mi~ caguié' e jee~ 'ná' e quiá'- e niguiaa~ e júu^ jo, í' dsii~ e ja` 'goo' quíi'~ i jmi~ nijmee' e lajo jogui e jléem'bñ cajo uíi'~ e 'gó'o. ⁴ Jo mi~ cafón'-n 'ná' e guiaa~ e júu^ jo, ja` cajmeáan~n ta~ júu^ jlo'^ e laco' ja'~ nilíng'na' júu^ quié'~ e. Co' 'ná' ja'~ calíng~na' e júu^ quiá'- Fidiée' e guiaa~ do la'eáang' cóo'~ jalé' e quíi'~ jmi~ e cajmée' Jmiguí' quiá'- Fidiée' e dsigá' dsíi' dsea'. ⁵ Jo cafón'-n 'ná' lajo e lí' laco' nijá'~ líng'na' júu^ quiá'- Dsea` Jmáang~ la'eáang' cóo'~ güea'^ 'gøng' quiá'- Fidiée' jo o' la'eáang' cóo'~ jalé' e tiing' ngáng' dsea` jmiigüi'.

La'eáang' cóo'~ Jmiguí' quiá'- Fidiée' e licuíng' dsea' ír`

⁶ Jo dsu' jnea~ sñm~baa júu^ jlo'^ cóo'~ i dsea` rú'naa' i dseáng'- lajang'^ niteáang~ teá' cóo'~ júu^ quiá'- Dsea` Jmáang~, lifa' e júu^ jlo'^ e sñ~naa' do e quiá'- jial tíi' tiing' ngáng' Fidiée'. Jo dsu' e júu^ jo o' jii'~ júu^ laco' ngáng' dsea` jmiigüi' o'gui jii'~ laco' júu^ e tiing' fé' jaléng' dsea` quiá' ta~ fí' jmiigüi' la, jo jaléng' i dsea' í' ja` uøø~ eer~ fí' jmiigüi' la. ⁷ Jo dsu' jalé' júu^ e guia'naa' do lí' júu^ jlo'^ e tiing' ngáng' jii'~ 'ñia' Fidiée', jo e júu^ jo ja` cajmijnéeiñ' lamí' jéeng'gui. Co' caguiar' uiing~ lajii'~ mi~ ná'gui e cajmée' latøøng~ jmiigüi' e laco' nilisee~naa' cóo'r~ fí' lí' niing~ 'gøiñ' mi~ nití' e í' jo. ⁸ Jo jaléng' dsea' i quiá' ta~ fí' jmiigüi' la ja` mí' cangám'bir e júu^ jo, cofa' mi~ cangáiñ' lamí' jéeng'gui, joba' ja` cateáaiñ' fí' dse'` crúu^ i Fíi'naa' Dsea` Jmáang~ i jáa' fí' ñíi'f' . ⁹ Jo lí' laco' fé' fí' ni~ jì' quiá'- Fidiée' lí' fé' lala:

Fidiée' nicaguiar' guiá~ e nicuó'r~ i dsea' i 'neáang' ír`
jalé' e ja` mí' canga' jii'~ jaang' dsea` jmiigüi'

o'gui mí' canúur~ cajo,

jo jì'gui jalé' e ja` mí' ca'f' dsíi'.

Jo lanab fé' fí' ni~ jì' quiá'- Fidiée'. ¹⁰ Jo Fidiée' nicajmée' e nicaline~naa' lajalé' e na la'eáang' cóo'~ Jmiguí' quiá'r~. Jo e Jmiguí' quiá'r~ doba' gui' júu^ la'uiing~, jo jì'gui jmóo' lajo cóo'~ e ja` cóøng' cóo'~ e í' dsíi' 'ñia' Fidiée'.

¹¹ Jo lajob lí' cajo, co' jii'~ jaang' dsea` cuøøng' líñir' jial í' dsíi' jaang'gui dsea` rúíi', co' jii'~ jmiigüi' quiá'- i dsea' do cuøøng' lí' jmé~ lajo. Jogui lajobi, dseáng'- lajii'~ Jmiguí' quiáb'- Fidiée' ñí' lajii'~ e í' dsíi' 'ñia' Fidiée'. ¹² Jo jaléng' jneaa~aa', dsea` lí'naa' dsea` quiá'- Dsea` Jmáang~, ja` ca'ling'~naa' jii'~ laco' tiing' ngáng' dsea` jmiigüi', co' lajii'~ Jmiguí' e jáa' quiá'- Fidiée'ba' nica'ling'~naa' e laco' niline~naa' jalé' e cuø' Fidiée' jneaa~aa' uíi'~ e eáang' guiúíiñ~ cóo'~ jneaa~aa'. ¹³ Joba' mi~ guíá' jnea~ jalé' e júu^ na, jmóo'o lajo la'eáang' cóo'~ jalé' e nica'e' Jmiguí' quiá'- Fidiée' jo o' cóo'~ júu^ e nicalitán' n jii'~ laco' tiing' ngáng' dsea` jmiigüi'. Co' la'eáang' cóo'~ Jmiguí' quiá'- Fidiée'ba' guíá'naa' e júu^ na jee~ jaléng' dsea' i seeng' la'eáang' cóo'~ Jmiguí' quiá'- Fidiée'. ¹⁴ Jo i dsea' i ja` seeng' la'eáang' cóo'~ Jmiguí' quiá'- Fidiée' ja` lí'r' ni'íiñ' jalé' e cuø' Jmiguí' quiá'- Fidiée', co' i dsea' í' í' dsíi' e iib' lí' jalé' e júu^ jo. Jogui ja` cuøøng' fa' e ningáiñ' e júu^ jo cajo, co' jii'~ la'eáang' cóo'~ Jmiguí' quiá'-

Fidiéé'ba' quí' dsea` jmi~ e nigui'r- jalé' e jo. ¹⁵ Jogui i dsea` i seeng` la'eáang` cóo' Jmiguí' quiá'- Fidiéé' quí' bre jmi~ e nigui'r- lajalé'. Jo uí' e lajob líiñ', joba' jí' jaang` dsea` jmi~ i ja` seeng` la'eáang` cóo' Jmiguí' quiá'- Fidiéé' quí' jmi~ e ni'níng` neiñ'. ¹⁶ Co' lalab fé' fí' ni~ jì' quiá'- Fidiéé': Jo jí' jaang` dsea` jmi~ cuóøng` líiñ' jialco' í' dsí' Fidiéé'; jo jí' jaang` cajo cuóøng` lí' sí' dsea` do e` jalé' e 'né- nijmér-. Jo lanab jí' lí' júu^ quiá'- Fidiéé'. Jo dsu' jaléng' jneaa`aa', dsea` see`naa' la'eáang` cóo' Jmiguí' quiá'- Fidiéé', røøb' í' dsí'naa' laco'gui' í' dsí' Fí'naa' Dsea` Jmáang`.

3

Jmaquím' ta` ngüing`naa' quiá'- Fidiéé'

¹ Dsea` rú'naa' dsea` quiá'- Dsea` Jmáang`, dseáng'- ja` mí' calí' jnea` fa' e nicafón'-n 'nú' laco'gui' fón'-n dsea` i dseáng'- lajang` seeng` la'eáang` cóo' Jmiguí' quiá'- Fidiéé'. Co' lí' lí' nicafón'-n 'nú' lafa' dsea` i mí' 'noo`bi eáang` lí' dsí' jalé' e sea' fí' jmi~ la, jogui cajo lafa' dsea` i tá`bi já'- calíng` júu^ quiá'- Dsea` Jmáang`. ² Jo uí' e líng`na' lajo, joba' ca'ée- e 'nú' ie~ jo júu^ quiá'- Dsea` Jmáang` cóo' júu^ e ja` huím'. Co' 'nú' líng`na' lí' laco'gui' la líng` jaang` yuú` i cu' tá' i ja` mí' cuóøng` dó' jmiñi'. Jo dseáng'- mí' 'noo`bi líng` 'nú' lajo cartí' jmi~ na. ³ Co' 'nú' dseáng'- mí' 'noo`bi seeng`na' e lí' óo`na' jalé' e sea' fí' jmi~ la. Co' mí' jmoo`na' ta` dsihuíng` quiá'- rúng`na' jogui mí' jmoo`na' ta` jíng`, joba' cuø` lí' jóng e dseáng'- mí' 'noo`bi jmití'na' lají' e lí' óo`na' yaang`na' lí' laco'gui' la jmoo` doñi' jí' dsea` jmi~. ⁴ Co' mí' fó'na' lala: "Jnea` lí'n`n dsea` quiá'- Paa-", jogui i jíéng`gui' jíng`': "Jnea` lí'n`n dsea` quiá'- Apolos", joba' cuø` lí' jóng e dseáng'- lají' e lí' óo`na' yaam`ba' jmití'na'.

⁵ Joba' fí' i 'nú' e jnea` cóo'gui' i Apolos do lí'naa' dsea` i jmoo` lají' ta` e nicangüing`naa' quiá'- Dsea` Jmáang`, jo la'eáang` cóo' jnea`'ba' e já'- nicalíng` 'nú' júu^ quiá'- Dsea` Jmáang`. Co' lajaang` lajaang` jnea` jmoo`naa' jí' laco' ta` e nicacuø' Fidiéé' jnea'. ⁶ Co' jnea` lafa' cajngá'a cóo' mijú', jogui i Apolos do lafa' caguieñ' jmi~ e mijú' do, jo dsu' Fidiéé'bing' i cajmée' e lafa' e cacuáng` e mijú' do. ⁷ Joba' cuóøng` lí' fe`ee' e ja` e níng` i dsea` i cajní' do o'gui' i dsea` i caguieñ' jmi~ do, jo dsu' jí' Fidiéé'bing' i níng`gui, co' í'bing' i cajmée' e cacuáng` e mijú' do. ⁸ Jo i dsea` i jni' e mijú' do jogui i dsea` i guieñ' jmi~ do, røøb` ta` quiá'r-. Jo dsu' 'ñiab' Fidiéé' dsea` nicuø'r- lajaang` lajaañ' do jíé' jí' ta` e nicajméeñ'. ⁹ Dsaco' jnea` cóo' i Apolos do røøb` jmoo`naa' ta` lají' ta` e nicacuø' Fidiéé' jnea'. Jogui jaléng` 'nú' líng`na' lafa' guoo` uø` e jmáng` Fidiéé' ta`. Jogui lím`ba' cajo lafa' 'nur-. ¹⁰ Jo uí' e eáang` guíung` Fidiéé' cóo' jnea~, joba' cacuø'r- jnea` ta` e lí'n`n lafa' jaang` tíjí' i caguía' uíng` tí' fí', jogui dsea` jíém' i nicanaang` se' ie' e fí' ni~ jo. Jo lífa' lajaang` lajaam` dsea` 'né- níng` dsí' jial laco' jmo'r e 'núu' do. ¹¹ Dsaco' ja` quí' jmi~ fa' e nijmé- dsea` cóo'gui' tí' fí' e jíé', co' 'ñiab' Fidiéé' dsea` nicaguíar' uíng` e tí' fí' do, jo íb` Dsea` Jmáang`. ¹² Jo e fí' ni~ tí' fí' e nisea` do cuóøm` lí' jme' dsea` 'núu' e lí' cóo' layaang` cunéé' osi cóo' cutee' osi cóo' cuu` e 'mo' eáang` é osi cóo' 'ma' osi cóo' layaang` nuu` osi cóo' quí' cuiñí' bi' é. ¹³ Jo ie~ jmi~ mí' nigüéeng` tu Fí'naa' Dsea` Jmáang` fí' jmi~ la e quiá'- niquidsir' í' quiá'- lajaang` lajaang` dsea` jmi~, ie~ jmi~ job mí' nilíli` røø' jial lí' jalé' e ta` e nicajmée` dsea`. Dsaco' 'ñia' ie~ jmi~ jo la'eáang` cóo' jì' nilíli' jialco' lí' jalé' e ta` jo e nicajmée` dsea`. ¹⁴ Jo i dsea` i nicajme' 'núu' e ja` dseáng` e nicó' cóo' e jì' do, joba' i dsea` í' ni'ím' bre lají' e catíiñ` do. ¹⁵ Jo dsu' song nicó' jalé' e nicajme'r' do, joba' lajaléb' ni'íng` quiá'r- jóng, lífa' nileám`bre e ja` nicáñ' laco' mí' laang` dsea` cóo' lí' ía` jì'.

16 Jogui 'né- ñí'ba' cajo e 'nú' líng'na' lafa' guá'- quíá'- Fidiéé, jogui fí' job lí seeng` Jmiguí' quíá'- Fidiéé' cóo' 'nú'. 17 Jogui song i líng' 'nú' nijgiéeng`na' e guá'- quíá'- Fidiéé' do, joba' 'ñiab' Fidiéé' ni'íñ' 'nú' cajo. Dsucó' güeam' e guá'- do quíá'r-, jogui 'nú' líng'na' lafa' e guá'- do cajo.

18 Joba' fíi- i 'nú', ja` jmigóøng` yaang`na' lala: e song jaang` 'nú' í' óo'na' e tíng` ngáng'na' jíi'~ laco' tíng` ngáng` dsea` fí' jmigüí' la, joba' 'nú' 'né- jmeáng'~ yaang`na' lafa' dsea` i ja` tíng` ngáng' e lajo, jo lajoba' dseáng'~ lajang'~ ni'uíng`na' dsea` i tíng` ngáng'. 19 Dsucó' lajalé' e í' dsí' dsea` jmigüí' e eáng' tíñ' ngáñ', jmang'~ júu` íib' lí' jalé' e jo fí' quini` Fidiéé'. Co' lalab fé' fí' ni` jì' quíá'- Fidiéé': "Fidiéé' nijmeáñ' ta` jalé' e í' dsí' dsea` e tíñ' ngáñ' e laco' nijmigóøng` yaañ'~." 20 Jogui lalab fé' gui fí' ni` jì' quíá'- Fidiéé' cajo: "Ñib' Fidiéé' e jmang'~ júu` íib' lí' jalé' e í' dsí' dsea` e eáng' tíñ' ngáñ' fí' jmigüí' la." 21 Jo uíi'~ e lajob líi', joba' jíi'~ jaang` 'nú' 'né- e nijmiráang` yaang`na' dsu' uíi'~ e sitáang`na' cóo'~ doñí' íi' dsea` jmigüí'. Dsucó' lajalé' e sea` e quíib' 'nú' lajalé' e jo; 22 dsucó' jnea` jogui Apolos jogui Tú' jogui lajalé' e sea` fí' jmigüí' jogui e seeng`na' osi e nijúung`na' é, jogui lajee` lana osi lí' dsé'gui é dseáng'~ e quíib' 'nú' lajalé' e jo. 23 Jogui lajaléng' 'nú' dsea` quíá'- Dsea` Jmáang` nilíng'na', jogui Dsea` Jmáang` cøøng` seeñ' cóo'~ Fidiéé'.

4

Ta` e jmóo` dsea` apóo` i sãng` Dsea` Jmáang` cuaiñ` quíá'r-

1 Joba' fíi- i 'nú', dsea` rú'naa', e 'nú' 'né- ni'í' óo'na' e jnea' lí'naa' dsea` i jmóo` lajíi'~ ta` e nicacuø' Dsea` Jmáang` jnea', jogui cajo e lí'naa' dsea` i sinú'~ júu` e ní'é'naa' jalé' júu` quíá'- Fidiéé' e ja` mí' cajmijnéñ' lamí' jéeng`gui. 2 Jogui jaléng' dsea` i nisinú'~ júu` e oor` coo' ta~, joba' dseáng'~ 'né- jmiti'bre laco' sí'í' e ta` jo. 3 Jogui jnea~, ja` dsí'gó' dsii- fíng song niquidsi'na' í' quíé- e osi e niquidsí' í' quíé- e é fí' quini` dseata` dsea` jmigüí' i jmóo` lajo. Co' jì'gui 'ñiá'a' ja` í' dsii- fa' e nijmee~ e lajo quíé- e cóo'~ lajalé' e jmóo'o. 4 Jo nañí' fa' í' dsii- e ja` mí' cajmé- e jalé' e ja` dseeng', dsu' o' uíi'~ e jo fa' dseáng'~ e nita` dsii- e lín'n jaang` dsea` i ja` røøng` dsee- fí' quini` Fidiéé'. Dsucó' jíi'~ Fíi'naa' Fidiéé'bing' i quidsí' í' quí- naa' dseáng'~ laco' catíng-. 5 Jo uíi'~ e lajob líi', joba' 'nú' ja` cuøøng` fa' e quidsi'na' í' quíá'- dsea` rúng'na' lajee` ná' gui e nigüéeng` tu Fíi'naa' Fidiéé' fí' jmigüí' la. Dsucó' ie` jo í'bing' i nijmijnéeng` jalé' e cøøng`~ lajee` lana, jogui nijmilir` cajo jial dseáng'~ í' dsí'naa' cóo'~ jalé' e jmoo`naa'. Jo ie` joguiba' nífé' Fidiéé' guíá'- quíá'- jaléng' dsea` i catíng` lajo lí'~ jialco' jíi'~ lí' e nicajméer` lamí' jéeng`gui.

6 Dsea` rú'naa' dsea` quíá'- Dsea` Jmáang`, fíi- i 'nú' lajalé' e júu` na e lí' laco' ni'uíng` guíá'- quíi'na' jogui e laco' nijméé'na' laco'gui la jmóo` jnea` jogui laco'gui la jmóo` Apolos. Jo fíi- i 'nú' lajo e lí' laco' ní'ee'na' jíi'~ laco' fé' júu` quíá'- Fidiéé', jo lajoba' jíi'~ jaang` 'nú' cuøøng` nijmijløng'~ yaang`na' dsu' uíi'~ e sitáang`na' cóo'~ jaang` dsea` rúng'na', co' e jo 'léeb' quíá'- i caguaang`gui do mí' jmoo`na' lajo. 7 Jo jíi'~ jaang` 'nú' cuøøng` lí' fo'na' e niing`gui' laco' dsea` rúng'na' caguaang`gui. Jogui lajalé' e sea` quíi'na', 'ñiab' Fidiéé' dsea` nicacuø'r' 'nú' jalé' e jo. Jo co' lajob líi', joba' ja` 'né- nijmijløng'~ yaang`na' e lafa' cóo'~ bí' quíi'na' yaang`na' nicalí'na' lajalé' e jo.

8 Jo 'nú' jmicaang`na' e í' óo'na' e la'ieb' nisea` quíi'na' e ngúng`na' quíá'- Fidiéé', jogui í' áa'na' e niseab` quíi'na' lajalé' e iing`na', jogui cajo í' áa'na' e nilíng'na' dsea` 'goo' i quíu' ta` e jíi'~ jo 'neáng`na' jnea' fa' e nijmicóo'~ guíi' 'nú'. Jo e`gui guíá'- fa' dseáng'~ já'- e nilíng'na' dsea` 'goo' i quíu' ta~, jo lajoba' jnea'~ cuøøng` lí' dsitáang`naa' cóo'~ 'nú' jee~ e ta` jo. 9 Jo jnea` í' dsii- e Fidiéé' nicajméer` cóo'~ jnea', dsea` i sãng` Dsea` Jmáang` cuaiñ` quíá'r-, e lí'naa'

dsea`i uóng`gui i lafa' ni huí` ta` i` né` nijúung`. Co' jnea` nica`uúing`naa' dsea` i tí dsí' ngím` jaléng` dsea` jmigüi` jogui jaléng` ángeles mi` jóoiñ` jnea`. ¹⁰ Jo uí` e lí'naa' dsea` quiá'- Dsea` Jmáang`, joba' í dsí' dsea` jmigüi` e dsea` iib' lí'naa'; jo dsu' 'nú' í áa'na' e uí` e líng'na' dsea` quiá'- Dsea` Jmáang`, joba' tiing`na'. Jogui jnea` lí'naa' dsea` i ja` quí` jmi~, jo dsu' 'nú' í áa'na' e eáam' quí`na' jmi~. Jogui eáam' góong`jóong` dsea` jnea`, jo dsu' eáam' jmi'gó` dsea` 'nú'. ¹¹ Jogui jnea` latí`lana ngi`bí' e léé'naa' iihuí' e íing`naa' oo` jogui e jmi`míng`naa' jogui e ja` sea` sí'naa' e né`naa', jogui gab`jmáng` dsea` jnea`, jogui cajo ja` sea` 'nú' lí' ni'ié`naa'. ¹² Jogui dseáng` eáam' jmoo`naa' ta` cóo` layaang` guóo`naa'. Jogui mi` fé' dsea` júu` 'lí' uii` quí`naa', joba' mí'naa' Fidié` e ni'ír` güea` quiá'r` quiá'- i dsea` í, jogui jmoo`baa' té`naa' cóo` jaléng` dsea` i jmáng` ga` jnea`, ¹³ jogui cóo` juguiá` ngi`naa' quiá'- i dsea` i jmineang` jnea`. Jogui latí` jmi~ na jmáng` dsea` jmigüi` jnea` e lí'naa' lafa' qui' quiá'-bre, jogui dseáng` e lafa' ja` ta` íing`naa' jii` cóob` quiá'r`.

¹⁴ Jo ja` jmo'o e júu` la quí`na' e lí' laco' nicuóó` 'nú' fi'í', co' jmo'o e júu` la quí`na' e lí' laco' niliúun`n 'nú', co' lafa' jóo`baa líng'na' i neáan` eáang`. ¹⁵ Jo nañí` fa' seeng` lí' lí' guí` mil tifa' quí`na' i e' 'nú' júu` quiá'- Dsea` Jmáang`, dsu' ja` fíng` i lafa' tiquí`na' seeng` i caguiá` júu` quiá'- Dsea` Jmáang`, dsuco' jii` jneab` lín`n lafa' tiquí`na', dsea` líng'na' dsea` quiá'- Dsea` Jmáang`. Co' jneab` dsea` caguiá` júu` jee` jaléng` 'nú' e quiá'- jial nileáng`na' jee` jalé` dsee` quí`na'. ¹⁶ Jo co' lajob` lí', joba' mí'í' 'nú' jmi'ee` e jmée`ba' laco' jii` e jmóo` jnea`.

¹⁷ Jo uíing` e lajoba' e sán`n i Timoteo fí` na i líng` lafa' jóo` i neáan` eáang`, jogui i contóong` sing` teá` cóo` júu` quiá'- Dsea` Jmáang`. Jo íbing` i nijmicóo` 'nú' e nijmiguiéiñ` óo`na' jial ee` jnea` dsu' uí` e lín`n dsea` quiá'- Dsea` Jmáang` lí' laco'gui jii` e ee` jnea` jaléng` dsea` quiá'- Dsea` Jmáang` i neáang` laco` fi' lí' ngi`n`.

¹⁸ Jo i líng` 'nú' nica`jmíjlóng` yaang`na' dsu' uí` e í óo`na' e jo` ninií`i fa' e ni'ée`guí` 'nú' fí` na. ¹⁹ Jogui song` Fí'naa' Fidié` nicuó'r` jnea` fí` lajo, joba' ngóo`baa fí` na e ni'ee` e 'nú' lajmináb`jiu` jóng, jo lajoba' nimoo`o quiá'- jaléng` i dsea` i jmíjlóng` yaang` do jie` jii` quí`r` jmi~ e nijmér` cóo` jalé` e fé'r` do osi lico' eáang` jlo` mo'oor` jii` quiá'- e fé'bre é. ²⁰ Dsuco' o' cóo` la'eáang` e fé' dsea` e cuó' lí' e Fidié` quie' nifí` quiá'r`, co' la'eáang` cóo` bí' 'gøng` quiá'- Fidié`ba' e lí' lajo. ²¹ Joba' fí'í' 'nú': ¿Jnang` e íing`na' e nijmee` e quí`na' mi` niguié` e fí` na? ¿Su e nijíin`n 'nú' cóo` jalé` e ga` e jmoo`na', osi e nifón`n 'nú' cóo` juguiá` uí` e neáan` 'nú' é?

5

Jial tidsi` í` quiá'- dsea` i` léé` cóo` dseamí`

¹ Jo fí'í' 'nú', dsea` rú'naa' dsea` quiá'- Dsea` Jmáang`, e nicaliseá` júu` jee` 'nú' e seeng` jaang` 'nú' e jeeiñ` lafa' dseamí` quiá'r` i dseamí` i catí` gáng` quiá'- tiquí`r`. Jo dseáng` eáam' 'lí' e jo, co' jí`gui jaléng` dsea` i ja` cúing` Dsea` Jmáang` ja` jmóor` lajo. ² Jo dsu' 'nú' mi' 'noo`bi` jmíjlóng` yaang`na', jo dsu' lí' lí' né` e nijmeáang` yaang`na' fi'í`b` uí` e jo. Co' i dseañu` i jmóo` e 'lí' lajo` né` e ni'óom`ba're jee` 'nú', dsea` líng'na' dsea` quiá'- Dsea` Jmáang`. ³ Jo dsu' e já` e ja` seeng` jnea` jee` 'nú' fí` na lajee` lana, jo dsu' lafa' seem`baa cóo` 'nú' fí` na, joba' la'eáang` cóo` Fí'naa' Dsea` Jmáang` nica`í`baa í' laco' catíng` quiá'- i dsea` i jmóo` e 'lí' lajo. ⁴ Joba' mi` seáang` rúng`na' lajaléng`na', dsea` líng'na' dsea` quiá'- Dsea` Jmáang`, lí' e lafa' seem`baa jee` 'nú' jogui cajo niliseem` cóo` 'nú' e güea` 'gøng` quiá'- Fí'naa' Jesús. ⁵ Joba' i dseañu` i ca'ée` dsee` do né` nijáang`na'r fí` jaguó` fii`

ì 'lìng' ì sii` Satanás e laco' ni'ling` ngúu' táaiñ. Joba' mi~ nigüéeng` tu Fí'naa' Dsea` Jmáang` fí' jmigüí' la, jangám` nileáng` jmiguí' quiá'r`.

⁶ Joba' fíi' guíi' 'nú', dsea` rú'naa', ja` 'né` fa' e nijmijlɔng`^ yaang`na' cuaiñ` quiá' e jo. Dsaco' niñí'ba' lajii'~ júu` róo` e fé' lala: "Jo cóo'~ capi'` quieb`^ nijmé` e niróo` laji` ca` iñí'." ⁷ Jo có' lajob lí', joba' fíi`-i' 'nú', dsea` rú'naa' dsea` quiá'` Dsea` Jmáang`, e 'né` cab'` sée`na' jalé' e 'li'` e 'léé' quií`-na' e lí' lafa' quie'` e nisíng'ng', jo lajoba' nilíng`-na' lafa' e iñí'` e lí' cóo'~ ca` e ja` quiéeng` quie'` e gø' dsea` Israel mi` tí' jmíi` Pascua. Jo dseáng'~ lafa' e iñí'` dob líng'` 'nú'. Jo Dsea` Jmáang` ì líng'` ì Jo'se'` Jiuung` quiá'` Fidiéé, í'bing'` ì cacó` jalé'` dsee` quií`-ii' mi~ cajáng'` 'ñia'r' e cajúíiñ` fí' dse'` crúu', ⁸ joba' 'né` e nijmó`naa' jmíi` Pascua e ngocáng` dsí'naa' jogui e guiú` dsí'naa', dsaco' e job e lí' lafa' e iñí'` e ja` quiéeng` quie'`, có' 'né` e nijmó`naa' e jmíi` jo e ja` í' dsí'naa' jalé' e 'li'` o'gui e saang` dsí'naa', có' jalé' e 'li'` lajo lí' lafa' e iñí'` e quiéeng` quie'` e nisíng'ng' do.

⁹ Jo e fí' ni` jì` quié` e e nicajmé'` e quií`-na' lamí` jéeng`gui do fíi`-i' 'nú' e ja` quíng'`na' jee` jaléng'` ì dsea` ì jmóo` ta` 'léé' cóo'~ jalé' e lí' dsí' ngúu' táaiñ. ¹⁰ Jo dsu' e júu` jo ofa' caffíi`-i' 'nú' e ni'naang` yaang`na' conguaí' cóo'~ jaléng'` ì dsea` ì jmóo` jalé' e 'li'` lajo, osi cóo'~ jaléng'` ì eáang' iing` e silíi'` jalé' e sea` fí' jmigüí', osi cóo'~ jaléng'` ì jmóo` íi', osi cóo'~ jaléng'` ì jmiféng'` jaléng'` diéé` ì o'` jál'. Có' song iing`na' e ni'naang` yaang`na' conguaí' e quíng'`na' jee` jaléng'` ì dsea` lana, joba' 'né` e ni'naam` yaang`na' fí' jmigüí' la. ¹¹ Jo e laba' sí'í' e caffíi`-i' 'nú' e dseáng'~ ja` quíng'`na' jee` ì dsea` ì jíng'` e líiíiñ` dsea` quiá'` Dsea` Jmáang` jo dsu' jmóo`bre jalé' e 'li'` e lí' dsí' ngúu' táaiñ, osi e eáang' iíiñ` e silíi'r' jalé' e sea` fí' jmigüí', osi e jmiféiñ' jaléng'` diéé` ì o'` jál', osi e ngír' ta` quie'` jalé'` adsee, osi e jmóor` ta` í'` mée', osi e jmóor` íi'` é. Jo cóo'~ jaléng'` ì dsea` lana jì'gui có' quiá'` có'na' í'na' ja` seáang'~ rúng'na' cóo'r`. ¹²⁻¹³ Jo dsu' jnea` ja` catín`-n e ni'íi`-i' í' quiá'` jaléng'` dsea` ì ja` líng'` dsea` quiá'` Dsea` Jmáang`, có' Fidiéé`bing'` ì niquidsí' í' quiá'` lajaléng'` ì dsea` í'. Jo dsu' 'nú', dsea` líng'na' dsea` quiá'` Dsea` Jmáang`, 'né` ni'íi'ba' í' jee` la'ó'` rúng'na'. Joba' fíi`-i' 'nú' e 'né` ni'óom`ba' jee` 'nú' ì dsea` ì ca'ée` dsee` do.

6

Dsea` quiá'` Dsea` Jmáam`bing'` ì 'né` ni'í' í' jee` la'ó'` rúíiñ'

¹ Joba' fíi` guíi' 'nú', dsea` rú'naa' dsea` quiá'` Dsea` Jmáang`, e mi~ jaang` 'nú' sea` dsee` quií'na' cóo'~ jaang`gui dsea` rúng'na' dsea` quiá'` Dsea` Jmáang`, joba' ja` cuóong` fa' e mii'na' dsea` ì ja` cúing` Fidiéé` e ni'í'`-í' quií`-na', dsaco' guiú`-gui e dsea` quiá'` Dsea` Jmáam`bing'` ì ni'í'`-í' quií`-na'. ² Jogui 'néb`-ñí' 'nú' cajo e jaléng'` dsea` quiá'` Dsea` Jmáam`bing'` ì ni'í'`-í' quiá'` jaléng'` dsea` jmigüí' mi~ nití'` e í'` jo; jo có' lajob nijmée`na', joba' 'né`-ñí'ba' jial ni'íi'na' í' cóo'~ jalé' e ja` 'ga' lí' niing` e dsijéé' jee` 'nú'. ³ Jogui 'né`-ñí'ba' cajo e jì'gui jaléng'` ángeles quiá'` Fidiéé` 'né`-ni'í'naa' í' quiá'r` mi~ nití'` e í'` jo. Jo có' lajob nilí', joba' lajang'` júu`gui 'né`-ni'í'naa' í' mi~ ee`gø` dsijéé' lajee` see`naa' fí' jmigüí' la. ⁴ Joba' song ì líng` lajee` la'ó'` 'nú', dsea` líng'na' dsea` quiá'` Dsea` Jmáang`, jmoo`na' ta` jíng', joba' fíi`-i' 'nú' e ja` dseeng` e nigüilíng`-na' fí' quini` dseata` ì ja` cúing` Fidiéé` e laco' ni'í'`-í' quií`-na', có' jaléng'` ì dsea` í' ja` catíng` e quíiñ'~ jee` la'ó'` 'nú'. ⁵ Jo uing` e fíi`-i' 'nú' lana e lí' laco' nicá'na' fí'í', có' lí' dsii` e dseáng'~ seem` jaang` dsea` ì lajang'` quíi'~ jmíi` ni'í'`-í' jee` la'ó'` 'nú', dsea` líng'na' dsea` quiá'` Dsea` Jmáang`. ⁶ Jo dsu' o'` jii'` lico' jmoo`na' ta` jíng' lajee` la'ó'` 'nú', dsea` líng'na' dsea` quiá'` Dsea` Jmáang`, có' jì'gui güilíng`-na' fí' quini` dseata` ì ja` cúing` Fidiéé` e laco' ni'í'`-í' quií`-na' cuaiñ` quiá'` e ta` jíng' do.

⁷ Jo cóo' jii' e ta' jing' e jmoo'na' do, cóo' jii' e jobi eáam' ni'lee' quí'na', dsuco' guiá'gui e nijmée'na' té'ba' cóo' jalé' e ga' e dsing'ing'na', jogui guiá'gui cajo e nijmée'ba' té'na' mi' jmoo' dsea' rúng'na' i' quí'na'. ⁸ Jo dsu' 'nú' lí' ríqui' jmoo'na', co' lajee' la'ó' yaang'na', dsea' líng'na' dsea' quiá' Dsea' Jmáang', jmoo'na' ga' quiá' rúng'na' jogui jiguí' jmoo'na' i' quiá' rúng'na' cajo.

⁹ Jo 'nú' 'né' ní'ba' e jaléng' dsea' i' 'lee' ja' quí' jmii' fa' e nicá' Fidié' nifí' quiá'r'. Jo uí' e lajob lí', joba' fii' i' 'nú' e ja' güijmigøng' dsea' 'nú', co' jaléng' dsea' i' jmoo' jalé' e 'lí' lala ja' quí' jmii' fa' e nicá' Fidié' nifí' quiá'r'; fa' jaléng' dsea' i' jmoo' jalé' e 'lí' e lí' dsí' ngúu' táaiñ', jogui jaléng' i' jmiféng' jaléng' dié' i' o' já', jogui jaléng' i' güing' cóo' dsea' jiéng' mi' ningí' e cacúng' guór', jogui jaléng' dseañu' i' tí' dsí' jmang' yaang' lafa' dseamí', jogui jaléng' dseañu' i' tí' dsí' güing' cóo' jaléng' dseañu', ¹⁰ jogui jaléng' i' jmoo' i', jogui jaléng' i' eáang' iing' silí' jalé' e sea' fí' jmigúí', jogui jaléng' i' jmoo' ta' i' méé', jogui jaléng' i' jmoo' ta' quí' júu' e o' já', jogui jaléng' i' jmi' i' e sea' quiá' dsea' rúñ' la'eáang' e jmigøng' neiñ'. Jo jaléng' i' dsea' la' ja' quí' jmii' fa' e Fidié' nicá' nifí' quiá'r'.

¹¹ Jo jalé' e 'lí' lanab lamí' jmoo' i' líng' 'nú' lamí' jéeng'gui, jo dsu' lana nica'ím' Fidié' jalé' dsee' quí'na' jogui nicajméer' e dseáng' jii' dsea' quiá' bre nilíng'na'. Jogui la'eáang' cóo' Fí'naa' Dsea' Jmáang' jogui cóo' Jmiguí' quiá' Fidié' 'nú' nilíng'na' lana dsea' i' ja' dsee' røng' fí' quini' Fidié'.

'Né' jmi'gób' dsea' Fidié' cóo' ngúu' táaiñ'

¹² Jo fii' guí' 'nú' e júu' la e seem' dsea' i' fé' lala: "Cuøøm' lí' jmé' e lí' doñí' ee' e iin'n." Jo e jáb' e jo, lifa' ja' laji' íng' ta' quiá'r'. Jo e jáb' e cuøøm' lí' jmé'naa' lí' doñí' ee' i'naa' jmé'naa', lifa' ja' 'né' cuøøm' fí' yee'naa' e niquiá' ta' jneaa'aa' jalé' e lí' dsí' ngúu' táang'naa' do. ¹³ Jogui fé' bi' dsea' e júu' la cajo: "Jo jalé' e quíe'naa' dsitoo' fí' dsí' tú'naa', jogui e tú'naa' do íng' ta' quiá' e güing' jalé' e quíe'naa' do." Jo e jáb' e júu' jo, lifa' Fidié' tóob' jmii' mi' ni'íñ' laji' tú' e jo. Jogui ja' cajmée' Fidié' ngúu' táang' dsea' e lico' íng' ta' e nijmé' dsea' jalé' e ja' dseeng', dsuco' jalé' ngúu' táang' dsea' íng' ta' e nijmé' dsea' lajii' e iing' Fí'naa' Dsea' Jmáang', jogui la'eáang' cóo' Fí'naa' Dsea' Jmáam' bing' cuøng' jmé'naa' lajo. ¹⁴ Jogui lí' laco' cajmiji' Fidié' i' Fí'naa' Dsea' Jmáang' do la'eáang' cóo' güea' 'gøng' quiá'r' mi' cangí' e cajúñ', joba' lajob cajo nijmér' cóo' jneaa'aa' mi' nití' i' lajo.

¹⁵ Jogui 'né' ní'ba' 'nú' cajo e jaléng' 'nú', dsea' líng'na' dsea' quiá' Dsea' Jmáang', líng'na' lafa' jaam' dsea' cóo' dsea' do. Jo co' lajob lí', joba' dseáng' ja' dseeng' e jaang' dsea' nigüñ' cóo' jaang' dseamí' i' jmoo' ta' 'líng' 'ñia'. ¹⁶ Jogui 'né' ní'ba' 'nú' cajo e mi' jaang' dseañu' güññ' cóo' jaang' dseamí' i' jmoo' ta' 'líng' 'ñia', joba' lafa' jaam' dsea' uíñ' lajee' laji' gáñ' do. Dsuco' lalab fé' fí' ni' jii' quiá' Fidié': "Jo mi' güing' dseañu' cóo' dseamí', uíñ' lafa' jaam'bre." ¹⁷ Jo dsu' mi' uíng' dsea' dsea' quiá' Dsea' Jmáang', joba' jaam' dsea' uíñ' cóo' dsea' do la'eáang' cóo' Jmiguí' quiá' Fidié'.

¹⁸ Joba' fii' i' 'nú', dsea' rú'naa', cuíng'na' jalé' e 'lí' lajo e lí' dsí' ngúu' táang' dsea'. Dsuco' lí' doñí' ee' dsee' e jíe' e ée' dsea' ja' 'lee' e jo quiá' ngúu' táaiñ', jo dsu' i' dsea' i' jmoo' e 'lí' lajo, joba' 'lee' bre cóo' ngúu' táaiñ'. ¹⁹ Jogui 'né' ní'ba' 'nú' cajo e ngúu' táang'na' lí' lafa' guá' quiá' Jmiguí' quiá' Fidié' e nicacuør' 'nú', jogui e Jmiguí' doba' seeng' cøng' cóo' 'nú'. Jo co' lajob lí', joba' jo' lí' quí'na' yaang'na' e ngúu' táang'na' do, ²⁰ co' Fidié' bing' i' nicaløng' 'nú' cóo' cóo' 'moo' e ní' eáang'. Jo uí' e lajob lí', joba' contøøm' 'né' e nijmi'goo'na' Fidié' cóo' jalé' e jmoo'na' fí' ngúu' táang'na'.

7

Jalé' e 'né- jmiti' dsea' mi' cúin' guóor'

¹ Jogui lana niquí' i júu' quí' na' lajii' e cajmingí' na' jnea' ie' lamí' jéeng' gui do e fí' ní' jì' quí' na' do. Jo jnea' lalab fí' i 'nú' e guiá' gui quíá' dseañu' e ja' nigüíin' dseamí'; ² jo dsu' uí' e ja' téeng' dsea' yaaiñ' e iin' güíin' cóo' dsea' i o' quíá' r-, joba' lajaang' lajaang' dseañu' 'né' seeng' dseamí' quíá' r-, jogui lajaang' lajaang' dseamí' 'né' seeng' dseañu' quíá' r- cajo. ³ Jo i dseañu' do 'né' nijmiti' bre lajii' e catíin' cóo' i dseamí' quíá' r- do; jogui lajobi i dseamí' quíá' r- do cajo 'né' nijmiti' bre lajii' e catíin' cóo' i dseañu' quíá' r- do. ⁴ Co' i dseamí' quíá' r- i dseañu' do jo' seeng' guir fa' e quíu' guir ta' 'ñia' r' cóo' ngúu' táaiñ', co' quíá' dseañu' quíá' bre níí'. Jogui lajobi cajo i dseañu' quíá' r- do, jo' seeng' guir fa' e quíu' guir ta' 'ñia' r' cóo' ngúu' táaiñ', co' quíá' dseamí' quíá' bre níí'. ⁵ Jo co' lajob líí, joba' fí' i 'nú' e ja' sée' na' 'leáang' e nigüing' na' colíing' cóo' i dsea' i nicacúung' na' guóona' cóo'. Jo dsu' cuóom' cajo e ni' naang' teá' yaang' na' quíá' r- rúng' na' e ja' nigüing' na' colíing' e laco' nijmiféng' na' Fidié', lifa' røøb' 'né' siing' na' e nijmée' na' lajo. Jo mi' ningí' jo, 'néb' e nigüing' tu' colíing', jo lajoba' ja' dseáang' quí' na' e nijmigøøng' fii' i 'líng' i sii' Satanás 'nú' e laco' nijjúung' na' fí' ní' dsee'.

⁶ Jo lajalé' e fí' i 'nú' na lí' júu' tii' baa jo o' dseáng' fa' lana fé' fí' ní' jì' quíá' Fidié' e 'né' nijmiti' dsea'. ⁷ Jo dsu' jnea' iin' e lajalém' dsea' ja' nicúin' guóor' lí' laco' gui la líng' jnea'; jo dsu' ja' lajii' naa' cangíing' naa' røø' quíá' Fidié', co' jmaquíim' cangíing' naa' quíá' dsea' do lajaang' lajaang' naa'.

⁸ Jogui lana fí' i 'nú', dsea' i ja' mí' cacung' guó', cóo' gui jaléng' dseamí' i 'níí', e guiá' gui e ja' nicúng' na' guóona' lí' laco' gui la líng' jnea'. ⁹ Jogui dsu' song ja' té' na' e iing' na' güing' na' cóo' dseañu' osi dseamí' é, joba' 'né' cúum' ba' guóona' jóng, co' guiá' gui quí' na' e nijmée' na' lajo e laco' gui e ngí' na' suung' na' e iing' na' e nigüing' na' cóo' dsea'.

¹⁰ Jogui lana lalab fí' i 'nú', dsea' i nisicúng' guó', jo dsu' o' cóo' júu' quíé' e 'ñia' a e fí' i 'nú' la, dsuco' Fí' naa' Dsea' Jmáam' bing' i quíu' ta' e júu' e fé' lala: "Ja' cuóøng' e jaang' dseamí' nitiúuiñ' dseañu' quíá' r-." ¹¹ Jogui dsu' song i dseamí' do dseáng' catiúum' bre dseañu' quíá' r-, joba' 'né' nijér' e ja' nicúm' guóor' cóo' dseañu' i jiéng' osi e nisíng' tur røø' é cóo' i dseañu' quíá' r- i catiúuiñ' do. Jogui lajob cajo, ja' cuóøng' e jaang' dseañu' nitiúuiñ' dseamí' quíá' r-.

¹² Jo lana níí' guí' 'nú' e júu' la lajii' e í' dsii' 'ñia' a jo o' júu' e sínú' quíá' Fí' naa' Dsea' Jmáang-, e song jaang' dseañu' i líng' dsea' quíá' Dsea' Jmáang- seeng' dseamí' quíá' r- i ja' líng' lajo, jo dsu' song i dseamí' do íaam' dsíir' e seeiñ' cøøng' cóo' i dseañu' quíá' r- do, joba' ja' cuóøng' fa' e i dseañu' i líng' dsea' quíá' Dsea' Jmáang- do nitiúuiñ' i dseamí' quíá' r- do. ¹³ Jogui song jaang' dseamí' i líng' dsea' quíá' Dsea' Jmáang- sicúng' guór' cóo' jaang' dseañu' i ja' líng' lajo, jo dsu' íaam' dsíin' do e seeiñ' cóo' i dseamí' do, joba' ja' cuóøng' e i dseamí' do nitiúuiñ' i dseañu' do. ¹⁴ Co' i dseañu' i ja' líng' dsea' quíá' Dsea' Jmáang- ligüeam' bre fí' quini' Fidié' la'eáang' e sicúng' guór' cóo' jaang' dseamí' i líng' dsea' quíá' Dsea' Jmáang-. Jogui lajob líí' cajo, song jaang' dseamí' i ja' líng' dsea' quíá' Dsea' Jmáang- sicúng' guór' cóo' jaang' dseañu' i líng' dsea' quíá' Dsea' Jmáang-, joba' ligüeam' bre fí' quini' Fidié'. Jo song lajob líí', joba' i jiuung' quíá' r- i seeng' do ligüeam' bre fí' quini' Fidié'. Jo dsu' song ja' líí' lajo, joba' i jiuung' quíá' r- i seeng' do, 'lim' bre fí' quini' Fidié'. ¹⁵ Jogui song i dseañu' osi i dseamí' i ja' líng' dsea' quíá' Dsea' Jmáang- dseáng' jmóor' laguidseaang' e nitiúung' rúin', joba'

güijmée'bre lajo. Jo mi' dsijée' lajo, joba' i dseañu' osi i dseamf i líng' dsea' quiá'- Dsea' Jmáang- do ja' 'né- e jniñ' i dsea' i iing' güi'f' do, dsuco' Fidiée' nicatór- jneaa'aa', dsea' lí'naa' dsea' quiá'r-, e laco' nilisee'naa' juguiá- júu' røø. ¹⁶ Dsuco' ja' ñí' 'nu', dseamf i líng' dsea' quiá'- Dsea' Jmáang-, su nilí' e ni'uíng- i dseañu' quií'- do dsea' quiá'- Dsea' Jmáang-. Jogui lajobi cajo, ja' ñí' 'nu', dseañu' i líng' dsea' quiá'- Dsea' Jmáang-, su nilí' e ni'uíng- i dseamf quií'- do dsea' quiá'- Dsea' Jmáang-.

¹⁷ Joba' fñ- i 'nú' e 'né- niliseeng'na' jii' laco' e cangúng'na' quiá'- Fidiée', jogui lí' laco'gui la líng'na' mi' cató'- Fidiée' 'nú' e ni'uíng-na' dsea' quiá'r-. Jo lanab jii' lí' júu' e quiú' ta' quiá'- lajaléng' dsea' quiá'- Dsea' Jmáang-. ¹⁸ Jogui song Fidiée' nicatór- jaang' dsea' i nicató- lí' fí' ngúu' táang' lí' laco' qui' tting' dsea' Israel, joba' lajob 'né- niteaiñ- fí' jmigü' la; jogui song Fidiée' nicatór- jaang' dsea' i ja' mí' cató- lí' fí' ngúu' táang', joba' ja' 'né- fa' e nijmitir- lajii' e jo. ¹⁹ Co' ja' e lí' song tóo' lí' fí' ngúu' táang' dsea' osi ja' lí' lajo é, co' e laba' e niing- gui eáang' e 'né- nijmiti- dsea' jalé' júu' quiu' ta' quiá'- Fidiée'. ²⁰ Joba' 'né- jé- dsea' jii' laco' líiñ' ie' mi' cató'- Fidiée' ír' e niliñ- dsea' quiá'- dsea' do. ²¹ Jo song dsea' si'nning' i jmóo' ta' quiá'- dsea' líng' 'nu' ie' mi' cató'- Fidiée' 'nu' e ca'uín' dsea' quiá'r-, jo dsu' ja' jmoo' fí' e lín' lajo. Jo dsu' song sea'bi fí' quií'- e ni'náang- uø' e lín' lajo, joba' jmi'o' jóng. ²² Dsuco' i dsea' i líng' dsea' si'nning' i jmóo' ta' quiá'- dsea' ie' lami' cató'- Dsea' Jmáang- ír' e ca'uín' do dsea' quiá'r-, joba' lana niliñ' do jaang' dsea' i nisilaang' i nijmóo' lajii' e iing' Dsea' Jmáang-; jogui lajob lí' cajo cóo' i dsea' i silaang' ie' lami' cató'- Dsea' Jmáang- ír', co' lana niliñ' lafa' dsea' si'nning' i jmóo' lajii' e iing' Dsea' Jmáang-. ²³ Jo co' lana Dsea' Jmáam-bing' nicalóng- 'nú' cóo' coo' 'móo' e ñí', joba' lana jo' cuó' fí' yaang'na' fa' e nijmeáng' tu' dsea' 'nú' lafa' dsea' si'nning'. ²⁴ Joba' fñ- i 'nú', dsea' rú'naa' dsea' quiá'- Dsea' Jmáang-, e lajaang' lajaam' 'nú' 'né- niliseeng'na' fí' quini' Fidiée' lí' jii' laco' la líng'na' ie' lami' cató'- dsea' do 'nú' e calíng-na' dsea' quiá'r-.

²⁵ Jogui lana nifí- i 'nú' cuaiñ- quiá'- jaléng' dsea' i ja' mí' cacung' guoo', jo nifá'a e júu' la jii' laco' i dsii- 'ñiá'baa, jo o' laco' ta' quiu' Dsea' Jmáang-. Co' dsea' do nicatór- jnea' e ni'uín- n dsea' quiá'r- uí' e fí' líiñ- jnea', jo lajoba' cuøøng' e lí' jmita' óo'na' júu' quié- e. ²⁶ Jo uí' e eám' nihuñg' see'naa' jmii' na, joba' jnea' i dsii- e guiá- gui quiá'- jaléng' dseañu' e nijér- jii' laco' líiñ'. ²⁷ Joba' fñ- i jaléng' 'nú', dseañu', e song niseeng' dseamf quií'-na', joba' ja' tiúung'na're; jogui song ja' mí' seeiñ, joba' ja' mí' 'náng' dur lajminá-. ²⁸ Jo ja' dsee- ee-na' song nicúung'na' guoo'na'; jogui lajob cajo ja' ee' dsee- ee' jaang' simí' song nicúñ' guoor'. Jo dsu' jaléng' dsea' i cúng' guoo', huñm' jia nidsijée' quiá'r-, jogui jnea' ja' iin' n e nidsingñiñ' lajo.

²⁹ Dsea' rú'naa' dsea' quiá'- Dsea' Jmáang-, lajii' e laba' iin' n e fñ- i 'nú', dsuco' jo' huøø- e róo'gui jmigüí'. Joba' jaléng' dsea' i nisicúng' guoo' 'né- seeiñ' e lafa' ja' líiñ' lajo; ³⁰ jogui jaléng' dsea' i seeng' fí' lí' lí' 'né- seeiñ' e lafa' teáiñ' jmii'; jogui jaléng' dsea' i lafa' teáang' jmii' 'né- e jmeáng' yaaiñ' e lafa' seeiñ' fí'; jogui jaléng' dsea' i jmóo' ta' láa' lí' doñí' ee', joba' 'né- seeiñ' e lafa' o' quiá'-bre e jo; ³¹ jogui jaléng' dsea' i jmóo' ta' jmi'óo' jalé' e sea' fí' jmigüí' la 'né- niliseeñ' e lafa' ja' jmi'óo'bre e jo. Dsuco' e fí' jmigüí' e lí' see'naa' jmii' na, tóob' jmii' ni'íng-.

³² Jo jnea' iin' n e ja' ningúng'na' jalé' fí' dsí' e sea' fí' jmigüí' la. Jo i dseañu' i ja' mí' cacung' guoo', eáang'gui guing' dsír' e jmóor' jalé' e iing' Dsea' Jmáang- jogui jial e nijmi'iaaiñ' dsí' dsea' do. ³³ Jo dsu' i dseañu' i nisicúng' guoo', eáang'gui guing' dsír' cóo' jalé' e dsijée' fí' jmigüí' jogui jial e nijmi'iaaiñ' dsí' dseamf quiá'r-. ³⁴ Joba' jmaquíim' guing' dsír' e' nijmér- laca'íng'

ca'íiñ~. Jo ì dseamî ì ja` mí sicúng' guó` cóo'~gui ì dseáng' ja` cacúng' guó`, eáang'gui guing~ dsíir' e jmóor` lajii~ e iing~ Dsea` Jmáang` jogui e éer` guiá~ fí` quini` dsea` do cóo'~ jalé' e jmóor` jogui cóo'~ jalé' e í` dsíir'. Jo dsu' ì dseamî ì nisicúng' guó`, eáang'gui guing~ dsíir' cóo'~ jalé' e dsijée' fí` jmigüi` jogui jial e nijmi'iaaiñ` dsíir' dseañu' quiá'r`.

³⁵ Jo fíi~ ì 'nú' e júu` na o' e laco' nijning` quíi` na', co' jnea` fá` a e lí' laco' ni'uíng` guiá~ quíi` na' jogui e laco' niliseeng` na' e ee` na' røø` e jmoo` na' e ngocáng` óo` na' lajii~ e ta~ e nicangúng` na' quiá'~ Dsea` Jmáang`. ³⁶ Jo song jaang` dseañu' í` dsíir' e dseáng'~ ni'néb` e nicúíñ` guóor` cóo'~ ì dseamî ì síng` cóo'r` do, dsuco' tí` lí` ningáng` í` quiá'~ ì dseamî do e nicúíñ` guóor`, jogui song í` dsíir' e joba' dseáng'~ la guíng'gui 'né~, joba' güijmée` bre lajii~ e líiñ` e guiá~ gui do, jo güicúm` bre guóor`, dsuco' ja` e dsee` e jo. ³⁷ Jo dsu' ì dseañu' ì cóo` nica'f` dsíir' jogui ja` lí` dsíir' jalé' e iing~ ngúu` táaiñ`, jogui dseáng'~ nita` dsíir' e dseáng'~ ja` nicúíñ` guóor`, co' lajob dseáng'~ iíñ` nijmér~, joba' guiáb` nijmér~ song cajméer` lajo. ³⁸ Jo ì dseañu' ì nicúng' guó` cóo'~ ì simí` ì ninée` júu` quiá'r` cóo'~ do, joba' cóo` e guiáb` jmóor`; jo dsu' ì dseañu' ì ja` nicúng' guoo`, cóo` e guiá~ gui jmóor`. ³⁹ Jogui jaléng' dseamî ì nisicúng' guó`, dseáng'~ la guíim` 'né` e ja` nitiúuiñ` dseañu' quiá'r` lajee` e seeng` í`; jo song cajúm` bi` ì dseañu' quiá'r` do, joba' cuøøm` nicúng' tur guóor` calé` catú` cóo'~ dseañu' ì jíéng', lifa' ì dseañu' í` 'né` e líiñ` dsea` quiá'~ Dsea` Jmáam`. ⁴⁰ Jo dsu' jnea` gui í` dsii` e nili'iaang`gui dsíir' ì dseamî do fíng song ja` nicúng' tur guóor`. Jo jalé' e júu` na lí' júu` tím` baa. Jo jnea` í` dsii` e seem` Jmiguí` quiá'~ Fidiée` cøong` cóo'~ jnea` cajo.

8

Jalé' jmiñi` e cuø' dsea` diée~ ì o' já'~

¹ Jogui lana nifíi` ì 'nú' cuaiñ` quiá'~ jalé' jmiñi` e lí' feá'~ e cuø' dsea` jaléng' diée~ ì o' já'~. Jo e jáb'~ laco'gui fé' dsea` e lajii` baa' nine` naa' cuaiñ` quiá'~ jalé' e jo; jo dsu' cóo'~ e nine` naa' do jmóo` e í` dsíi` naa' e nilíi` naa' dsea` niing~, jo dsu' e jmi'neáng` rú' naa' e joba' eáang'gui íing` ta~ e nidsicuáng` quí` ii' cóo'~ júu` quiá'~ Dsea` Jmáang`. ² Jogui song jaang` dsea` í` dsíir' e líing` go nitiíiñ`, jo dsu' o' já'~ e jo, co' mí` 'noo` bi` 'né` líñir' e laco' nilitiíiñ` laco' sí' í'. ³ Jo dsu' ì dsea` ì 'neáng` Fidiée~, joba' Fidiée~ nicuíim` bre ì dsea` í'.

⁴ Jogui lana nifíi` ì 'nú' cuaiñ` quiá'~ jalé' jmiñi` e có' na' e lí' feá'~ e cuø' na' jaléng' diée~ ì o' já'~; jo guiáb` nine` naa' e jaléng' ì diée~ la' í` ja` e ta` íiñ` jii~ cóo' fí` jmigüi`, dsuco' dseáng'~ jaam` Fidiée~ ì dseáng'~ já'~ ì seeng`. ⁵ Jo nañi' fa' ì líing` dsea` jmigüi` í` dsíir' e seeng` jaléng' diée~ fí` yá'~ jmigüi` jogui fí` ni` guóo'~ uó~, jo co' lajob í` dsíir', joba' ì fíim` lafa' diée~ quiá'r` seeng` jogui lafa' fiir~. ⁶ Jo dsu' jaléng' jneaa` aa', dsea` lí' naa' dsea` quiá'~ Dsea` Jmáang~, guiáb` nine` naa' e jaam` Fidiée~ ì seeng`, jogui íb` ì líing` Tiquiá'~ jaléng' dsea` jmigüi`, jogui jneaa` aa' see` naa' e laco' nijmó` naa' lajii~ e iíñ`. Jogui cajo jaam` Fíi` naa' seeng`, jo íb` Dsea` Jmáang~; jo la'eáang` íb` e sea` lajalé' e sea` fí' la'úng` fí` jmigüi`, jogui la'eáang` íb` cajo e see` naa' fí` jmigüi` la.

⁷ Jo dsu' ja` lajiiing` dsea` ñir' e júu` na. Dsuco' ì dsea` ì lami` quí'~ tíng` e jmiféiñ` jaléng' diée~ ì o' já'~, mí` 'noo` bi` gø'r` jalé' e jmiñi` e lí' feá'~ e í` dsíir' e nicacuør` jaléng' diée~ quiá'r`. Jo lajee` e gø'r' e jo, líiñ` e jmi'lim'~ yaaiñ` cóo'~ ì diée~ ì o' já'~ do, co' ja` cóo` e í` dsíir'. ⁸ Jo dsu' ja` ee` jmíng'íi` Fidiée~ ee` jalé' e quiee` naa' e laco' ni'íñ` jneaa` aa' fí` quinir~, dsuco' jo` nilíi` guí' dsea` ì guíung` gui dsu' uíi~ e quiee` naa' e jo, jogui o' gui nilíi` naa' dsea` ì ga` gui dsu' uíi~ e ja` quiee` naa' e jo.

⁹ Jo dsu' jie~ mí jmeáang'~na' ta~ e fí sea` quíi~na' do e laco' nijmée^na' e niténg' fí ni~ dsee~ jaléng' i dsea` rúng'na' i ja` mí 'goo` teáang~ teá` cóo'~ júu^ quiá'~ Dsea` Jmáang~. ¹⁰ Jo song i líng'~ 'nú', dsea` niñi^na' guiá~ cuaiñ~ quiá'~ e júu^ jo, jo nigüilíng'na' nigüiquié'na' fí lí~ jmiféng' dsea` jaléng' diée~, jo lajee~ jo jaang` dsea` rúng'na' i ja` 'goo` sing' teá` cóo'~ júu^ quiá'~ Dsea` Jmáang~ cangáiñ'~ 'nú' e jmoo'na' lajo, joba' dseáam'~ e i dsea` î nijmér~ lajo cajo e iñ~ nidó'r~ jalé' e nicacuø' dsea` diée~ i o'já'-. ¹¹ Jo caquié'ba' e jo uíi'~ e niñi^na', jo dsu' mí cajmee~na' lajo, joba' jmoo'na' e nicá' fí ga` i dsea` rúng'na' i ja` mí 'goo` sing' teá` cóo'~ júu^ quiá'~ Dsea` Jmáang~ do. Jo uíi'~ i dsea` íb` cajo e cajúng~ Dsea` Jmáang~ fí dse' crúu^-. ¹² Jo mí~ jmoo'na' e tú~ ni'í~ dsíi' i dsea` rúng'na' i ja` mí 'goo` sing' teá` cóo'~ júu^ quiá'~ Dsea` Jmáang~, joba' dseeb~ ee~ 'nú' cajo fí quini' Dsea` Jmáang~. ¹³ Jo uíi'~ e lajob líí, joba' song cóo'~ jalé' e gó'ø do nijmee~ e e niténg' dsea` rún'n fí ni~ dsee~, joba' guiá~ gui quié~ e e jo' nidóø'~ guí e jmiñi' jo, jo lajoba' ja` dseáang'~ e nijmee~ e e niténg' dsea` rún'n fí ni~ dsee~.

9

Lajíi' e catíng~ i dsea` apóo' i s'íng' Dsea` Jmáang~ cuaiñ~ quiá'r~

¹ Jo fíi' i 'nú', dsea` rú'naa', e ja` 'né' guié~ e júu^ lajii'~ e jmóo'o, có' dseáng'~ lím'baa jaang` dsea` i s'íng' Dsea` Jmáang~ cuaiñ~ quiá'r~. Có' dseáng'~ nicamám~baa Fí'naa' Jesús jogui cajo, lajee' e nicajmé~ e ta' jee~ 'nú' e nicangá'n' quiá'~ Dsea` Jmáang~, joba' 'nú' nica'uíng'na' dsea` quiá'~ dsea` do. ² Jo jangám~ seeng` dsea` i ja` jmicuíng' jnea~ e lín'n jaang` dsea` i s'íng' Dsea` Jmáang~ cuaiñ~ quiá'r~, jo dsu' nijmicuíng'na' jnea~ e lín'n jaang` dsea` la'í. Jo cuø' lí~ e dseáng'~ lajob lín'n uíi'~ e la'eáang' jnea~ba' e nica'uíng' 'nú' dsea` quiá'~ Dsea` Jmáang~.

³ Jo jíi'~ lalab líí júu^ e quíi'~ i quiá'~ jaléng' i dsea` i éeng' jnea~ cuaiñ~ quiá'~ jalé' e jo. ⁴ Jo jnea' dseáng'~ catíi'baa' e ni'íng'~naa' jalé' e ni'né'~ niquiee'naa' cuaiñ~ quiá'~ jalé' ta~ jmoo'naa'. ⁵ Jogui seab' fí quí'naa' cajo e niliseeng` dseam' qui'naa' i líng' dsea` quiá'~ Dsea` Jmáang~ i jeeng'naa' lacaang' fí lí~ ngi'naa' lí' laco'gui la jmóo' i dsea` caguaang~ i s'íng' Dsea` Jmáang~ cuaiñ~ quiá'r~ jogui laco' la jmóo' jaléng' dsea` ngáang'~ cóo'~ Dsea` Jmáang~ cóo'~gui Tú' Simón. ⁶ Jogui ¿su í' óo' 'nú' e jíi'~ Bernabé cóo'~gui jnea~bing' i dseáng'~ 'né' nijmé~ ta~ e laco' sea` jalé' e 'né'naa'? ⁷ Dsaco' jíi'~ jaang' 'lé~ quí' jalé' e 'né' lajee' e jmóor' e ta' jo. Jogui jíi'~ jaang' dsea` i jní' mí' huíng' jó' fa' ja` cu'r' e jo. Jogui cajo jíi'~ jaang' dsea` i jmóo' ta~ ní' jo'se' fa' ja' í'r' fí' quiá'~ i jó' í. ⁸ Jo jie~ mí' í' óo'na' e fíi' i 'nú' jalé' e júu^ la lí' la í' dsíi' dsea` jmigüi, dsaco' lajob fé' cajo fí ni~ jì quiá'~ Fidié~ e cajme' Moi', ⁹ jo lalab fé': "Ja` jni' mo'oo~ jó' núu^ quíi' lajee' e ø're' cui'iee'." Jo fé' Fidié~ jalé' e júu^ na o' fa' í' dsíi' jíi'~ uii' quiá'~ jaléng' jó' núu^, ¹⁰ có' í' dsíi' uíi'~ jneaa'aa' cajo, dsea` lí'naa' dsea` jmóo' ta~ quiá'r~. Jo caséé' Fidié~ e júu^ quiá' ta~ na quiá'r~ e laco' ni'uíng~ guiá~ qui'baa', dsaco' i dsea` i jmóo' ta~ jí' uø' cóo'~gui i dsea` i jmóo' ta~ quiá'~ cui'iee', jmóor' jalé' e jo dsu' uíi'~ e nisijeeiñ' líng'~ ee' nisitím'bre mí' nití' í' lajo uíi'~ e ta~ e cajméer' do. ¹¹ Jo jneab' dsea` lafa' nicajní'naa' jee~ 'nú' uíi'~ e nicaguiá'naa' júu^ quiá'~ Dsea` Jmáang~, joba' í' dsí'naa' e o' 'leáang~ song líng' go e mí'naa' 'nú' e nijmicóo'na' jnea' cóo'~ jalé' e 'né'naa'. ¹² Jogui song dsea` jíéng' seab' fí quiá'r~ e mí'r' 'nú' jalé' e 'né', joba' jnea' eáang'gui catíi'naa' e nijmó'na' lajo cóo'~ 'nú'.

Dsu' jnea' ja` mí camíi'naa' 'nú' lajii'~ e si'í' e catíi'naa' do, có' lí' lí' nica'íng'~naa' iihuí' e nicajmó'naa' ta~ jíé' e laco' sea` jalé' e 'né'naa', jo lajoba' ja' nijñing'naa' quiá'~ e júu^ quiá'~ Dsea` Jmáang~ e guia'naa' do. ¹³ Jo

niñib^ 'nú' e jaléng^ dsea` i jmóo` ta~ fi sinúu^ guá^- cuøøm` lí` jmeáiñ^ ta~ jalé^ e feá^- e dsicá^ dsea` fi jo. Co' jaléng^ i dsea` do i jmóo` ta~ e fi nife^ do e fi lí` jngaiñ^ jaléng^ jó^ i líng^ feá^-, joba' cuøøm` lí` dør^- e ngúu' quiá^- jaléng^ i jó^ i jngaiñ^ fi jo. ¹⁴ Jogui lajobi cajo Fí'naa' Dsea` Jmáam`bing' nicaguiá' uing~ e jaléng^ i dsea` i jmóo` ta~ guia' júu^ quiá'r^- 'né^- seeiñ e iñ^ lajii^ e 'né^- la'eáang^ cóo^ e ta~ e jmóor` do. ¹⁵ Jo dsu' jnea~ dseáng^- ja` mí cajmeáam^`baa ta~ lajii^ e si'í^ e catiñ^-n do, o'gui jmo'o e júu^ la quií^-na' e laco' 'nú^ líng~ e e nicuø^na' jnea~ e 'né^-e. iDsucó^ guia^-gui quié^-e e nijúun^-n e laco'gui i líng~ dsea` nijé^ e iáang^ dsii^- uí^ e nicaguiá'a júu^ quiá^- Dsea` Jmáang^- jee^- 'nú^ do e jii^ cóo^ ja` mí cajmicóo^na' jnea~ cóo^ jalé^ e 'né^-e!

¹⁶ Jo dsu' jnea~ ja` guiaa^- e júu^ quiá^- Dsea` Jmáang^- do e laco' jmijlóng^ 'ñiá'a, dsucó^ e la guim`baa 'né^- nijmee~ e e ta~ jo e cangñ^-n quiá^- Fidiéé^ . iCo' e ngi^ fí^ jnea~ fíng song ja` niguiaa^ e júu^ jo! ¹⁷ Jo song guiaa^- e júu^ jo e iáang^ dsii^- 'ñiá'a, joba' liim~ e e nisea^ quié^-e e ni'ín^-n; jo dsu' song jmóo`o e ta~ jo laguidseang^, dsu' dseáng^- 'né^- jmee~baa, co' lajob ta~ e nicacuø^ Fidiéé^ jnea~. ¹⁸ Jo lajob lí^, co' lajii^ e catiñ^-n e 'léen^-n do, e job e iáang^ dsii^- e guiaa^- júu^ quiá^- Dsea` Jmáang^- e ja` e caa^- jii^ ca'í^, joba' cuøøng^ fe^ee' e ja` jmáan^-n ta~ lajii^ e catiñ^-n e ni'ín^-n do quiá^- e ta~ guia' júu^ quiá^- Dsea` Jmáang^- e jmóo`o.

¹⁹ Jo nañi' fa' ja` lín^-n lafa' dsea` si'níng^ i jmóo` ta~ quiá^- dsea`, jo dsu' jnea~ nicajmeáang^ 'ñiá'a e lafa' jaang^ dsea` lajob lín^-n quiá^- lajaléng^ dsea` e laco' lajo nilí^i fíng^gui dsea` i ni'uíng^- dsea` quiá^- Dsea` Jmáang^-. ²⁰ Co' lajee^ e seen^- jee~ jaléng^ dsea` Israel, jmóo`o laco' la jmóo` jaang^ dsea` la'íb^ e laco' lajo nilí^i e jaléng^ í^ ni'uíñ^- dsea` quiá^- Dsea` Jmáang^-. Jo jnea~ jmáang^ 'ñiá'a e lafa' e júu^ quiu^ ta~ quiá^- Moi~ quiu^ ta~ jnea~, nañi' fa' ja` lí're' lajo. Co' jmóo`o lajo e laco' nilí^-i e jaléng^ i dsea` í^ ni'uíñ^- dsea` quiá^- Dsea` Jmáang^-. ²¹ Jogui e laco' nilí^i i dsea` i ja` seeng^ e quiu^ ta~ quiá'r^- e júu^ quiu^ ta~ quiá^- Moi~ do, joba' jnea~ jmáang^ 'ñiá'a e lafa' jaang^ dsea` la'íb^ lín^-n cajo, nañi' fa' dseáng^ e júu^ quiu^ ta~ quiá^- Fidiéé^ba' e quiu^ ta~ quié^-e, jogui lajob jmóo` cóo^ jnea~ cajo e júu^ quiá^- Dsea` Jmáang^-. ²² Jogui mi~ seen^- jee~ jaléng^ dsea` i ja` mí 'goo^ teáang^- teá cóo^ júu^ quiá^- Dsea` Jmáang^-, joba' lafa' jaang^ dsea` la'íb^ jmáang^ 'ñiá'a cajo e laco' lajo nilí^i e ni'uíng^- i dsea` í^ dsea` quiá^- Dsea` Jmáang^-. Joba' cuøøng^ fe^ee' e nicajmeáang^ 'ñiá'a røøb^ laco' la líng^ lí^ doñi' i dsea` e lí^ laco' lajo cuøøng^ nilí^i tú^- 'ní^ máng^- dsea` i nileáng^ jee~ jalé^ dsee^- quiá^- . ²³ Jo jmóo`o jalé^ e na e laco' niní^i júu^ quiá^- Dsea` Jmáang^- jogui e laco' røøb^ ni'íng^naa' e jlo^ e cuø e júu^ jo.

²⁴ Jo 'nú^ niñi'ba' e mi~ sea^ ta~ cuí^, i fíim^ dsea` cuíir^, jo dsu' lifa' jaam`bing^ i nilí^i i niguieng^ nifí^gui, jo lajoba' niñiñ^- lajii^ e catiñ^-n. Jo co' lajob lí^, joba' fí^-i 'nú^ e cuøø^ bí^ yaang^na' e laco' lajii^ba' nilí^na' lajii^ e catiñ^-n do. ²⁵ Jo jaléng^ dsea` i guia' guia^- quiá^- jéeng^gui e quiá^- e nicuír^, 'né^- e ja` nijmér^- e jié^ e dseáng^ e ni'lé^- quiá'r^-. Jo jmóor` lajo e laco' líng~ e iñ^- e nilí'r^, jo lifa' e nilí'r^ do tóob^ jmí^- ni'íng^-. Jo dsu' jaléng^ jneaa^aa', dsea` lí^naa' dsea` quiá^- Dsea` Jmáang^-, cuø^ bí^ yee~naa' e laco' nilí^naa' e niñíng^naa' lajii^ e catiñ^-naa' do e jo` tóo^ jmí^- fa' e ni'íng^-gui. ²⁶ Jogui dsu' jnea~ ja` cuí^ i e lí^ tá^- cuí^i, o'gui jmóo`o lafa' ta~ tíng^ e bá^a fi guíá^ guí^ . ²⁷ Jo dsu' ja` jmóo`o lajo, co' lí^ lí^ jnea~ quiá^-u ta~ ngúu^ táan^-n e laco' nijmé^- náu^-, jo jmóo`o lajo e laco' ja` dseáng^ e niseáan^-n ca' mí nicang^ e nicaguiá'a júu^ quiá^- Dsea` Jmáang^- jee~ jaléng^ dsea`.

10

Ja` dseeng^ e jmiféng^ dsea` jaléng^ diéé^- i o' já^-

1 Jo fii-guú 'nú', dsea` rú'naa' dsea` quiá'- Dsea` Jmáang-, ja` iin~n fa' e ni'ling^ óo'na' jalé' e cangongúng- 'lii~ yúu~ dsea` áang' qui~naa' ie~ lamí~ ca'uøøiñ' fí Egipto, jo Fidié~ ca'e'reiñ' do fí la'eáang' cóo~ cabøø~ jní', jogui e lajaléiñ' do cangúñ' fí ni~ jmiñí'^ e sií mar Rojo. 2 Jo ie~ jo lajaléng^ i dsea` î ca'uiñ- dsea` i sitáang^ cóo~ Moi~ ie~ lamí~ lafa' cajgáaiñ- jmí~ cóo~ e jní' do jogui ie~ mi~ cangúñ' e fí ni~ jmiñí'^ do. 3 Jogui lajob cajo, lajim` i dsea` do cajmitaang~ yaaiñ~ cóo~ ca'ling~ jmiñí~ e cangúñ' quiá'- Fidié~, 4 jogui cajo cangúñ' quiá'- Fidié~ ca'ling~ jmí~ e ca'léng^ fí dse' cuu~ jiáá'. Jo e jiáá' doba' e jée' quiá'r- lajee~ e ngir' fí ni~ guóo~ uø- quiú. Jo e jiáá' jo cuøøng^ lí fe'ee' e íb' Dsea` Jmáang-. 5 Jo dsu' i fím' i 'lii~ yúu~ dsea` áang' qui~naa' do cajúñ- lajee~ e ngir' fí ni~ guóo~ uø- quiú uí~ e ja` catî dsí' Fidié~ cóo~ jalé' e cajmééiñ' do.

6 Jo lajalé' e na cangojée' cóo~ i 'lii~ yúu~ dsea` áang' do e laco' cuø cóo~ lí qui~ii' e ja` 'né- nijmó^oo' jalé' e ga' e lí dsi'naa' lí^ laco' cajméé i dsea` î. 7 Joba' ja' jmiféng^na' jaléng^ dié~ i o' já'- lí^ laco'gui cajméé i lüing~ i 'lii~ yúu~ dsea` áang' do, lí^ laco' la fé' fí ni~ jì quiá'- Fidié~ lí fé' lala: "Jaléng^ dsea` caguár' ca'í'- cagø'r, jo mi~ cangî jo, caróor- e cataiñ' jmí~." 8 Jogui ja` 'né- e ni'lee~naa' e nigüing^naa' cóo~ dseañu' osi dseamî i o' qui~naa' lí^ laco'gui cajméé i lüing~ i 'lii~ yúu~ dsea` áang' do ie~ jo, co' uí~ e cajméer' lajo, joba' cajúñ- ie~ jo lí^ lí^ guiéé- 'ní mil dsea` lajee~ cóo~ jmí~. 9 Jogui ja` 'né- jmé^naa' e nisí~naa' Dsea` Jmáang- ne~duu jial tí' 'gøiñ' lí^ laco'gui cajméé i lüing~ i 'lii~ yúu~ dsea` áang' do, co' uí~ e cajméer' lajo, joba' cajúñ- e cacu' jaléng^ mi' guíng- quiá'r-. 10 Jogui ja' jmiquíng^ áa'na' cóo~ Fí'naa' Fidié~ lí^ laco'gui cajméé i lüing~ i 'lii~ yúu~ do, co' uí~ e cajméer' lajo, joba' casíng^ Fidié~ dsea` mojí i cajnga' quiá'r-.

11 Jo lajalé' e jo cangongúng- 'lii~ dsea` áang' qui~naa' e lí^ laco' niline~naa' e ja` 'né- jmó^oo' lajo, jogui cató- fí ni~ jì quiá'- Fidié~ cajo e lí^ laco' ni'í- 'goo' qui~naa', jneaa~aa' dsea` see~naa' jmí~ na, mi~ tí lí~ nijaquiéeng' e ni'ling- jmigüí. 12 Jo co' lajob lí, song jaang^ 'nú' í áa'na' e teáb^ sing^na' cóo~ júu^ quiá'- Dsea` Jmáang-, joba' dseáng^ eáam' 'né- e ñiing~ áa'na' e laco' ja' niténg^na' fí ni~ dsee-. 13 Jo jí~ jaang^ 'nú' ja' mí cangongúng-na' e dseáang~ niténg^na' fí ni~ dsee- e ja' mí cangongúng- dsea` rúng^na'. Jo dsu' 'nú' cuøøm^ lí jmita~ óo'na' cóo~ júu^ quiá'- Fidié~, co' dseáng^ jmiti~bre júu^ quiá'r-. Jo ja' nicuør- fí fa' e nidsingúng-na' lajo eáang^gui e jí~ laco' té'na', co' lajee~ e dsingúng-na' lajo, nijmé~bre jial té'na' e ja' niténg^na' fí ni~ dsee-.

14 Jo uí~ e lajob lí, dsea` rú'naa' i 'neáan^ eáang', joba' fii-guú jaléng^ 'nú' e jmi'náng^ yaang~na' e ja' jmiféng^na' jaléng^ dié~ i o' já'-. 15 Jo fii-í 'nú' lana, co' eáam' guiú- moguí'na', jo yaam~ 'nú' cuøøng^ lí fo^na' su já'- osi o' já'- é jalé' e júu^ e fii-í 'nú' na. 16 Jo mi~ cuøønaa' gui'máang^ Fidié~ e 'né- naa' capí^ jmí^ mí^ huíng^ jó^ dsu' uí~ e jmiguiéng^ dsi'naa' e cajúng- Dsea` Jmáang- fí dse' crúu^, jo mi~ jmoo~naa' lajo, joba' guøng^ e jaam^ dsea` uíng~naa' cóo~ dsea` do la'eáang' e jmi'øøiñ- do. Jogui mi~ fíng~naa' iñí^ e quíee~naa' do lajee~ jo, joba' guøng^ cajo e jaam^ dsea` uíng~naa' cóo~ dsea` do la'eáang' cóo~ e ngúu^ táaiñ' do. 17 Jo nañí' fa' fii'baa' la'ó' jneaa~aa' dsea` lí'naa' dsea` quiá'- Dsea` Jmáang-, dsu' lajii~baa' quíee~naa' colüing~ cóo~ iñí^, jo e jo guøng^ e lafa' jaam^ jneaa~aa' lí'naa' lajalé'naa' colüing~ cóo~ Dsea` Jmáang-.

18 Jo quíe'na' cuente e mi~ gø' jaléng^ dsea` Israel jalé' ngu~ jó' e lí' feá'- e nicacuør' Fidié~ fí nife', joba' lí' lafa' cóo~ cøøm^ uíng~ cóo~ Fidié~ fí nife' do. 19 Jo dsu' cóo~ e júu^ la ofa' fii-í 'nú' e íng^ ta~ jaléng^ dié~ i o' já'-, o'gui fa' e íng^ ta~ jalé' e feá'- e cuø' dsea` jaléng^ i dié~ î cajo. 20 Co' lajii~ e júu^

laba' e iin~n e fñi i 'nú', e mi~ jaléng' dsea i ja` cuíng` Fidié~ jmóor` feá'~ ngu~ jó' e cuø'r lí' doñí i~ dié~ quiá'r~, joba' jaléng' i 'lim'^ cuø'r jalé' e jo, jo o' Fidié~ dsea cuø'r'. Jo dsu' jnea~ ja` iin~n e quíng'~na' jee~ jaléng' i 'ling'`. 21 Joba' dseáng'~ ja` cuøng` fa' e ni'u'^na' jalé' e jmiguiéng'` óo'na' Fí'naa' Dsea` Jmáang~ jogui cajo e ni'u'^na' jalé' e cuø' dsea` jaléng' i 'ling'`, o'gui cuøng` fa' e nicø'na' iñí'^ e jmiguiéng'` óo'na' Fí'naa' Dsea` Jmáang~, jogui cajo e nicø'na' jalé' e feá'~ e cuø' dsea` jaléng' i 'ling'`.

22 Jo ja` jmó'naa' lajo e laco' ja` niliguiéng` Fidié~ qui~naa'. Jo ja` güi'f` dsí'naa' e 'gøng'gui jneaa~aa' laco' dsea` í. iCo' dseáng'~ o' lajo!

Jalé' e cuøng` jmóo` dsea` quiá'~ Dsea` Jmáang~

23 Jo dsu' seem` dsea` i fé' lala: "Cuøøm` lí' jmee~ jnea~ lí' doñí ee` iin~n." Jo dsu' e jáb'~ e jo, lifa' ja` lajalé' íng` ta` qui~ii'. Jogui e jáb'~ e cuøøm` lí' jmé~ dsea` lí' doñí ee` iñí~, lifa' ja` lajalé' e jo nijmicóo'~ quiá'r~ e eáang`gui nidsicuáng` quiá'r~ cóo'~ júu` quiá'~ Dsea` Jmáang~. 24 Jo dsu' ja` 'né~ e lico' nijmé'naa' jmang'` e guiá'~ e qui~naa' yee~naa', co' lajob 'né~ jmé~ee' guiá'~ quiá'~ jaléng' dsea` rú'naa' cajo.

25 Joba' fñi-guñi 'nú' e cø'ba' lí' doñí ee` ngúu' e 'nñi` dsea` fí' lí' 'nñr', jo ja` jmingi'na' cuaiñ~ quiá'~ e jo e laco' ja` ni'f' óo'na' jmigui' su cuøng` cø'^na' osi ja` cuøng` é. 26 Dsuo' latøng` jmigüi' jogui lajalé' e sea` fí' jo lí' quiá'~ Fí'naa' Fidié~.

27 Jo song jaang` dsea` i ja` líng' dsea` quiá'~ Dsea` Jmáang~ catø'r~ 'nú' e nigüiquié'na' fí' quiá'r~, jogui 'nú' iim`ba' güilíng`na', joba' güilíng`na' jóng, jogui quié'na' lí' doñí ee` e niguiár` fí' ni~ mes~ e ja` jmingi'na' jii'~ cóo` cuaiñ~ quiá'~ jalé' e nicuø'r~ 'nú' do su cuøng` cø'^na' osi ja` cuøng` é. 28 Jogui dsu' song jaang` dsea` casí'r~ 'nú' lala: "Lajalé' e jmiñi' la nicacuøø'~naa' e lí' feá'~ jaléng' dié~." Jo song lajob lí', joba' ja` cø'na' uí'~ i dsea` i cajíng'~ do, jogui cajo e laco' ja` ni'f' dsíir` jmigui' cuaiñ~ quiá'~ e jo. 29 Jo dsu' cuaiñ~ quiá'~ jial í dsí' i dsea` i cacuø' 'nú' e jmiñi' doba' e fá'~a, jo o' cuaiñ~ qui~na' e jial í óo'na'. Jo dsu' jangám~ nijmingi' 'nú' lala: "Jo jiali' éeng` i dsea` do jnea~ cóo'~ jalé' e gø'ø uí'~ jmigui' jalé' e í dsíir'? 30 Co' song cuøø~baa gui'máang'~ Fidié~ cuaiñ~ quiá'~ lajii'~ e gø'ø do, joba' jiali' éeng` dsea` jnea~ dsu' uí'~ e gø'ø e jo?" 31 Jo song cø'na' osi ú'na' osi jmoo'na' lí' doñí ee` e jié'gui é, joba' jmee'na' lajalé' e jo e laco' nijmiféng'na' Fidié~. 32 Jo jie~ mi~ ee~na' e ga' e laco' dseáng'~ e niténg' fí' ni~ dsee~ si jaléng' dsea` Israel osi jaléng' i ja` líng' lajo, osi jaléng' dsea` quiá'~ Dsea` Jmáang~ caguiaang~gui é. 33 Co' jnea~ jmi'uum`baa e jmóo` e jmi'iaán` dsí' jaléng' dsea` cóo'~ jalé' e jmóo`, jo ja` 'nó'~o jmóo` e lico' ni'uíng` guiá'~ quié~ e 'ñiá'a, co' 'nó'~o jmóo` e jial ni'uíng` guiá'~ quiá'~ dsea` caguiaang~. Jo jmóo` lajo e lí' laco' nilí' i dsea` í e nileáñ` jee~ jalé' dsee~ quiá'r~.

11

1 Jo co' lajob jmóo`, joba' fñi-guñi 'nú', dsea` rú'naa', e 'né~ ee~na' laco' la ee~ jnea~, co' jnea~ ee~ laco' ca'ée` Dsea` Jmáang~.

Jial 'né~ líng' dseamí' mi~ jmiféñ' Fidié~

2 Jogui lana eám` íang` dsii` cóo'~ 'nú', dsuo' contøøm~ jmiguiéng'` áa'na' jnea~ jogui contøøm~ jmití'na' cajo jalé' júu` quiá'~ Dsea` Jmáang~ e nica'ée~ e 'nú' lami~ jéeng`gui.

3 Jo dsu' jnea~ iin~n e ningám'ba' e Dsea` Jmáam~bing' líng' dsea` mogui' quiá'~ lajaléng' dseañu', jogui dseañu'bing' líng' dsea` mogui' quiá'~ dseamí, jogui Fidiéeb` dsea` líiñ' dsea` mogui' quiá'~ Dsea` Jmáang~. 4 Jogui song jaang` dseañu' ja` guir' loguir~ lajee` e féñ' Fidié~ osi mi~ fé'r` júu` quiá'~

dsea` do é, joba' ja` jmi'gór` dsea` mogui~ quiá'r- jóng. ⁵ Jogui song jaang` dseamî ja` quidsir' 'mi' fí moguir~ mi` féiñ' Fidiée` osi mi` fé'r' júu` quiá'- dsea` do é, joba' ja` jmi'gór` i` dsea` mogui~ quiá'r- do. Jo song jmóor` lajo, joba' fi'ib' quiá'r-, co' líí e lafa' cahuí' cuo' moguir~. ⁶ Dsaco' song jaang` dseamî ja` quidsir' 'mi' fí moguir~, joba' guiá-gui quiá'r- e nijmicuó`bre moguir~ conguaí. Jogui song i` dseamî î í' lîm`bre e nihuí' jñuguir~ osi e nilicuo' moguir~ é, joba' guiá-gui quiá'r- e güijlî`bre cóo' coo' 'mi' lajee` e jmiféiñ' Fidiée`. ⁷ Jo jaléng' dseañu` ja` né- iu` loguir~ lajee` e féiñ' Fidiée`, dsaco' la'eáang' dseañu`ba' jmili~ Fidiée` jial líiñ, jogui jmijnéeiñ` cajo jial tíí niing- 'gøiñ'. Jo dsu' jaléng' dseamî jmilir~ jial tíí niing-gui dseañu`. ⁸ Co' ja` cajmeáang` Fidiée` la'uii` dseañu` la'eáang' cóo' dseamî, co' la'eáang' cóo' dseañu`ba' e cajmeáaiñ` la'uii` dseamî. ⁹ Jo o' uíi~ dseamî e ca'uíing- dseañu`, co' uíi~ dseañu`ba' e ca'uíing- dseamî. ¹⁰ Jo uíi~ e lajob líí, jogui uíi~ jaléng' ángeles quiá'- Fidiée`, joba' jaléng' dseamî 'né-ba' e quier' 'mi' dsî fí moguir~ e laco' cuø` lí e jmi'gór` dsea` mogui~ quiá'r-. ¹¹ Jo dsu' jee~ jaléng' dsea` quiá'- Dsea` Jmáang- 'neám- rúng' dseañu` cóo'gui dseamî, co' ja` ee` quíi~ jmi~ jmér` la` tiiñ` yaaiñ. ¹² Jo nañí fa' e jáb'- e la'eáang' dseañu`ba' e ca'uíing- dseamî lamî uiing~, jo dsu' e jáb'- cajo e la'eáang' dseamîba' e liseeng` dseañu`. Jo lajaléb' e jo Fidiée`bing' i` caguia' uing~ e líí lajo.

¹³ Jogui 'nú', ¿jial fó'na'? ¿Su guiá- osi ja` dseeng` é e ja` dsî 'mi' fí mogui~ jaléng' dseamî mi~ jmiféiñ' Fidiée'? ¹⁴ Jo yee`baa' cuøng` lí í' dsi'naa' e fi'ib' líí e jaang` dseañu` séer' guir~ e licuee. ¹⁵ Jogui dsu' quiá'- jaang` dseamî coo' e jlob` líí e séer' guir~ e licuee, dsaco' cangíiñ` quiá'- Fidiée` e cuee` guir~ e laco' jmáiñ` ta~ e jo e lafa' jíí 'mi' fí moguir~. ¹⁶ Jo song seeng` dsea` i` iing~ nidsisíi~ júu` cuaiñ` quiá'- e júu` la, joba' 'né- ñi`bre e o' jíi~ jneaa`aa' o'gui dsea` quiá'- Dsea` Jmáang- caguiaang- gui quíi~ tii`naa' e jmoo`naa' coo' 'lé'gui e jíé' e ja` røø` líí cóo' e júu` la.

Laco' si'í' 'né- jmó'naa' mi~ quiee`naa' i'naa' coling~

¹⁷ Jogui lana, dsea` rú'naa', e júu` e nifíi` 'nú' la ofa' e nifá'a guiá- uii~ quíi`na'. Co' líí e lí' lí' 'léeb' quíi`na' mi~ seáang~ rúng'na' e jmiféng'na' Fidiée` e lafa' e nijmé- e guiá- quíi`na'. ¹⁸ Jo la'uii~ nifíi` 'nú' e nicasí'- dsea` jnea~ e ja` røø` siing~na' mi~ seáang~ rúng'na' e jmiféng'na' Fidiée`. Jo seab` mi` jáb'- líng` jnea~ e júu` jo. ¹⁹ ¿Co' 'nú' í' óo'na' e dseáng'- 'né- e sitáang'na' tá'- coo' 'lé', jo lajoba' niliñi` dsea` i~ dseáng'- lajang` líng' dsea` quiá'- Dsea` Jmáang-! ²⁰ Jo uíi~ e lajob jmoo`na', joba' mi~ seáang~ rúng'na' e có'na' coling~, ja` jmoo`na' fa' dseáng'- e jmiguiéng' áa'na' Fíi'naa' Dsea` Jmáang-. ²¹ Dsaco' mi~ nití- í' e nicø` 'nú' í'na', joba' seem` 'nú' e güijéem`ba' e có'na' í'na'. Jo uíi~ e jmoo`na' lajo, joba' i` líng` 'nú' jo` títng'na' có'na' jíi~ capí', jogui lajee` jo i` líng` 'nú' jíi`gui cartí' dsea` íim`ba'. ²² Jo dsu' 'nú', niseab` 'nú'na' líí cuøng` u' có'na', joba' ¿jialí' jmoo`na' ja` jíi`na' jaléng' dsea` quiá'- Dsea` Jmáang-, jogui jialí' cuø'na' fi'í' jaléng' i` dsea` i` ja` sea` jíi~ capí' quiá'-? Jo uíi~ e lajob jmoo` 'nú', joba' jíi~ ja` ñii- ee` nifá'a uii~ quíi`na'. ¿Co' dseáng'- ja` íaang` dsii- cóo' jalé' e jmoo`na' do!

Mi~ gø' dsea` quiá'- Dsea` Jmáang- coling~ e laco' jmiguiéng' dsír' dsea` do (Mt. 26:26-29; Mr. 14:22-25; Lc. 22:14-20)

²³ Jo lab nifíi`túu` 'nú' e júu` e ca'íng' jnea~ quiá'- Fíi'naa' Dsea` Jmáang- lí' lajii~ e nica'ée- e 'nú' lamî jéeng'gui e fé' lala: 'Ñia' ie~ uøø` e cajáng' dsea` Fíi'naa' Dsea` Jmáang-, dsea` do catíiñ- iñí' ²⁴ jogui cacuø'r' gui'máang' Fidiée`. Jo mi~ cangí jo, caffíñ jo cajíñ- casí'r- dsea` quiá'r- lala: "Jó'o e iñí' la jo quíé'na'. Dsaco' e lab ngúu` táan`n e nijáa' a mi~ nijúun`n uíi~ dsee-

quí-na'. Jo jmee-ba' laco' jíi~ e jmóo'o jmi~ na e laco' nijmigiéng' óo'na' jnea~." 25 Jo mi~ cangí e cagó'r e íí canuu do, jo catíiñ- coo` cóo^ e a~ jmi'^ mí'^ huíng' jó'^ jo cajíiñ-: "E a~ dsíí e cóo^ la guóng' júu^ tigua~ e 'míi~ e nijmé- Fidié~ cóo~ 'nú' la'eáang' cóo~ jmi'øøñ- e nitú mi~ nitán-n fí dse" crúu^ . Joba' lacoo` ya' mi~ ni'u'^na' e jmi'^ e la a~ dsíí e cóo^ la, jmee-ba' lajo e laco' nijmigiéng' óo'na' jnea~." 26 Jo lajob líí, co' lacoo` ya' mi~ có'na' iñí'^ quiá'- Dsea` Jmáang- jogui mi~ ú'na' e a~ dsíí cóo^ quiá'r- do, joba' jmigiéng' óo'na' e cajúíiñ- fí dse" crúu^ . Jo lajob 'né- jméena' cartí mi~ nití- í" e nijáa'tur fí jmi'gúu' la calé" catú- .

Jial 'né- dõ- dsea` e jmigiéng' dsír' Dsea` Jmáang-

27 Jo co' lajob líí, joba' doñí ií dsea` i ja` jmoo` laco' catíng- e jmi'gór` Dsea` Jmáang- mi~ gø'r' iñí'^ quiá'- dsea` do jogui mi~ í'r' e a~ dsíí cóo^ quiá'iñ- , joba' dseeb- éer` cóo~ ngúu' táang` dsea` do jogui cóo~ jmi'øøiñ- . 28 Joba' lajaang` lajaam` dsea` 'né- í- dsír' jial líiñ' nú-gui e nidó'r- e iñí'^ do jogui nú-gui e ni'í'r' e jmi'^ e a~ dsíí e cóo^ do. 29 Dsaco' song gø'r' jogui í'r' e jo e ja` í dsír' e` guóng' e calí- cóo~ ngúu' táang` Dsea` Jmáang- , joba' lico' 'nóor' e nicuó'- Fidié~ ír' iihuí. 30 Jo uíi~ e lajob jmoo' 'nú', joba' fíim' 'nú' lana dsée~na' osi ua~ íí áa'na' osi nicajúm-bi' é. 31 Jo faco' jang'- í- dsí'naa' røø` jial líi'naa' nú-gui e niquiee'naa', joba' ja` ee` uing~ sea` e nicuó'- Fidié~ jneaa'aa' iihuí. 32 Jo nañí fa' cuó'- Fidié~ jneaa'aa' iihuí, dsu' jmóor` lajo e laco' ni'é'r- jneaa'aa' jial 'né- see-naa' fí quinir~, jo lajoba' ja` ni'níiñ- jneaa'aa' ie~ jo colíng~ cóo~ jaléng' dsea` i ja` cúing' ír' .

33 Jo co' lajob líí, dsea` rún'n, joba' mi~ seáang'- rúng'na' e quiá'- e nicó'^na', 'né- jøøm- rúng'na' e laco' nicó'^na' colíng~ lajaléng'na'. 34 Jogui song i líng~ 'nú' eáang' jmi'aang-na', joba' guiá-gui quí-na' e jang'- nicó'^ba' fí quí-na', jo lajoba' ja` nicuó'- Fidié~ 'nú' iihuí uíi~ e ja` røø` jmoo'na' mi~ seáang'- rúng'na' quiá'- e nicó'^na'. Jogui jalé' e júu^ e jíé' e cajmingí-gui 'nú' jnea` do, mi~ niguié'túu fí na e ni'é'e 'nú', joguiba' moo`duu e~ nilí.

12

Jalé' e ngíng` dsea` e cuø` Jmiguí` quiá'- Fidié~

1 Dsea` rú'naa' dsea` quiá'- Dsea` Jmáang- , e laba' iin~n e ñí' 'nú' guiá- cuaiñ~ quiá'- jalé' e ngíng` dsea` e cuø` Jmiguí` quiá'- Fidié~ .

2 Jogui 'nú' ñí'ba' guiá- e ie~ lamí- ja` mí líng'na' dsea` quiá'- Dsea` Jmáang- , joba' cuøb' fí yaang-na' e jmi'goo'na' jaléng' dié~ i ja` fé'. 3 Jo co' lajob lamí líng' 'nú', joba' lana iin~n e ñí'na' e jíi~ jaang` dsea` i fé' la'eáang' cóo~ Jmiguí` quiá'- Fidié~ cuøøng` lí fé'r` jalé' júu^ 'lí' uii~ quiá'- Jesús. Jogui lajobi cajo, jíi~ jaang` dsea` cuøøng` lí fé'r` e Jesús líng' Fíir~ fíng song i dsea` í ja` fé'r` la'eáang' cóo~ e bí e 'gøng' quiá'- Jmiguí` quiá'- Fidié~ .

4 Jogui e laba' fí-guá 'nú', e jmiguiab' íng'~ sea` e cuøøng` lí íng' dsea` e tiiñ, dsu' lífa' jíi~ Jmiguí` quiá'- Fidié~ba' e cuø` jalé' e jo. 5 Jogui jmiguiab' íng'~ ta~ sea` e cuøøng` lí jmé- dsea`, dsu' lífa' jíi~ Fí'naa' Dsea` Jmáam-biñ' i cuø` jalé' e jo. 6 Jogui cajo jmiguiab' íng'~ sea` e tíng` dsea` jmóor~, dsu' lífa' dseáng'- lajíi~ 'ña' Fidié~bing' i jmóo` lajalé' e jo quiá'- lajaléng' dsea`. 7 Jo cuøb' Fidié~ lajaang` lajaang` dsea` líng~ ee~ tiiñ e laco' cuø` lí e seeng` Jmiguí` quiá'- Fidié~ cóo'r~, jo lajoba' ni'uíng- guiá- quiá'- lajaléng' dsea` quiá'- Dsea` Jmáang- . 8 Jo la'eáang' cóo~ Jmiguí` quiá'- Fidié~ i líng~ dsea` ngíiñ e tiiñ` ngáíñ' cóo~ jalé' e fé'r'; jogui i líng~gui cajo, la'eáang' cóo~ e Jmiguí` doba' e ngíiñ e eáang' tiiñ` júu^ quiá'- Fidié~ . 9 Jo i líng~ dsea` ngíiñ e la'eáang' cóo~ e Jmiguí` do e já- líiñ e quíi~ Fidié~ jmi~ jmér- doñí ee'; jogui

ĩ lĩng~ dsea` ngũĩĩn` cajo la'eáang' cóo~ e Jmiguĩ do e jmi'leáaiĩn` jaléng' dsea` dsée~; ¹⁰ jogui ĩ lĩng~gui dsea` ngũĩĩn` e tũĩĩn` e quĩr~ jmĩĩ~ jmér~ jalé' e dsigá dsí' dsea'; jogui ĩ lĩng~gui dsea` ngũĩĩn` e tũĩĩn` guiar' júu^ e ín' quíá' Fidiéẽ; jogui ĩ lĩng~gui dsea` ngũĩĩn` quíá' Fidiéẽ e ñir' su fé' ĩ lĩng~ dsea` la'eáang' cóo~ Jmiguĩ quíá' Fidiéẽ osi la'eáang' cóo~ jmiguĩ quíá' ĩ 'lim'^ é; jogui ĩ lĩng~gui dsea` ngũĩĩn` e tũĩĩn` fé'r' jmí' e ja' ñir' jéeng'gui; jogui ĩ lĩng~gui dsea` cajo ngũĩĩn` e jmóor' júu^ e guóng' e júu^ e nicajíng' ĩ dsea` ĩ nicafé' e jmí' do. ¹¹ Jo júi~ Jmiguĩ quíá' Fidiéẽ ba' e jmóo' lajalé' e na, jogui e Jmiguĩ job cajo e cuø' lajaang' lajaang' dsea` lí'^ jialco' í dsí' e guíá~gui.

Lajalém' dsea` quíá' Dsea` Jmáang~ lĩĩn' lafa' jaam` dsea`

¹² Jo nañí' fa' jmiguiub' guotĩĩ~ dsea` sea, jo dsu' jaam` dsea` lĩĩn' cóo~ jalé' e jo. Jogui lajob lĩng' Dsea` Jmáang~ cajo. ¹³ Jo co' lajob lĩ, joba' lajalém' jneaa'aa' cajgáang~naa' jmĩĩ la'eáang' cóo~ júi~ Jmiguĩ quíá' Fidiéẽ e laco' ni'uíng~naa' lafa' jaam` dsea`, nañí' si lí'naa' dsea` Israel osi ja' lí'naa' lajo, osi lí'naa' dsea` si'nũĩng' ĩ jmóo' ta~ osi ja' lí'naa' lajo é, jo dsu' lajalém'baa' cangũng~naa' e Jmiguĩ quíá' Fidiéẽ do.

¹⁴ Jo dsu' lajaang' lajaang' jneaa'aa' jmiguiub' guotĩĩ~naa' sea, lífa' jaam` dsea` lí'naa'. ¹⁵ Jogui song tĩĩ~ dsea` nijíng'~ lala: "Dsucø' ja' lĩn'n guoo, joba' ja' lĩn'n 'naán'~n quíá'~ guotĩĩ~." Jo dsu' o' uíi~ e ja' lĩng' lajo fa' nijé~ e jo' lí' 'náang'~ guotĩĩ~ dsea'. ¹⁶ Jogui song logua~ dsea` nijíng'~ lala: "Dsucø' ja' lĩn'n jmini~, joba' ja' lĩn'n 'náang'~ quíá'~ guotĩĩ~." Jo dsu' o' uíi~ e ja' lí' lajo fa' e nijé~ e jo' lí' 'náang'~ quíá'~ guotĩĩ~ dsea'. ¹⁷ Jogui fa' júi~ jminib' dsea` sea, joba' ¿jial cuøng' lí' e ninúr~? Jogui fa' dseáng'~ júi~ loguab~ dsea` sea, joba' ¿jial cuøng' e nicár~ jmea'? ¹⁸ Jo dsu' Fidiéẽ nicajméer' lacoø' guotĩĩ~ dsea` jogui nicaséer' e jo lacoø' ée^ quíá'~ jie~ lí' ñir' e guíá~gui nili'líng' ta~ quíá'~ dsea'. ¹⁹ Jo facø' ca'ím'~ guotĩĩ~ dsea` sea, joba' ja' seeĩn' jóng. ²⁰ Jo dseáng'~ e jáb'~ e jmiguiub' guotĩĩ~ dsea` sea, jo dsu' jaam` dsea` lĩĩn' cóo~ lajalé' e jo.

²¹ Jo co' lajob lĩ, joba' jmini~ dsea` ja' cuøng' e nijíng'~ e nisi' guoo: "Ja' 'neán'~n 'nu'", o'gui mogui~ fa' e nijíng'~ e nisi' tĩĩ: "Ja' 'neán'~n 'nu'". ²² Co' dseáng'~ o' lajo, co' jalé' guotĩĩ~ dsea` e í dsíir' e ja'gui niing~, e joba' e eáang'gui 'né~. ²³ Jogui jalé' guotĩĩ~ dsea` e ja' 'ga' lí' jíi'r~, e joba' e eáang'gui quí'r' røø. Jogui jalé' e guotĩĩ~ dsea` e í dsíir' e eáang'gui ga' jnéeng~, e joba' e eáang'gui tĩng' jmáĩn' guíá~, ²⁴ jo dsu' ja' ngĩĩ lí' né~ jmé~ dsea` lajo cóo~ e guotĩĩ~ e guíá~gui jnéeng~. Jo dsu' Fidiéẽ cajméer' e laco' e guotĩĩ~ dsea` e eáang'gui ja' jíi'r~, e joba' e eáang'gui nijmeáĩn' guíá~. ²⁵ Jo lajob 'né~ lí' e laco' ja' si'naang' quíá'~ rúng' jalé' guotĩĩ~ dsea`, co' lí'^ lí' 'né~ e lacoøb' guotĩĩ~ dsea` 'né~ jmé~ í' quíá'~ rúng'. ²⁶ Jo song e lĩng~ guotĩĩ~ dsea` íng' l' iihuí, joba' lajaléb' e caguíee~gui do íng' cajo; jogui song e lĩng~ guotĩĩ~ dsea` eáang'gui jmáng' dsea` guíá~, joba' lajaléb' e caguíee~gui do lí'íáam` dsí' cajo.

²⁷ Jogui lana fá'~a e lajalém' 'nú' lĩng'na' lafa' jaam` dsea` cóo~ Dsea` Jmáang~, jogui lajaang' lajaam'ba' lĩng'na' lafa' jmacø' guotĩĩ~ dsea` do. ²⁸ Jo Fidiéẽ nical'iĩn' e jee~ jaléng' dsea` quíá'r~ seeng' la'uii~ dsea` apoo^ ĩ síng' Dsea` Jmáang~ ĩ nijmé~ ta~ ni' júu^ quíá'r~; jogui lí' catí' tú~ ĩ dsea` ĩ fé' cuaiĩn' quíá'~ Fidiéẽ; jogui lí' catí' 'ní' jaléng' dsea` ĩ tĩng' e júu^ quíá'~ Fidiéẽ; jogui ngí' jo jaléng' ĩ dsea` ĩ quíi~ jmĩĩ~ jmóo' jalé' e dsigá dsí' dsea'; jogui jaléng' ĩ dsea` ĩ jmi'leáang~ jaléng' dsea` dsée~; jogui jaléng' ĩ dsea` ĩ jmicøø~ jaléng' dsea` rúng' cóo~ jalé' e 'néĩn'~; jogui jaléng' ĩ dsea` ĩ quíe' nifi' quíá'~ jaléng' dsea` quíá'~ Dsea` Jmáang~; jogui jaléng' ĩ dsea` ĩ fé' jmí' e ja' ñir' jéeng'gui. ²⁹ Jo dsu' ja' lajaléng' dsea` lĩĩn' dsea` ĩ síng' Dsea` Jmáang~ ĩ nijmé~ ta~ ni' júu^ quíá'r~, o'gui lajaléng' dsea` jmóor' ta~ fé' cuaiĩn' quíá'~ Fidiéẽ, o'gui lajaléng'

dsea` t̃iĩn` er` júu` quiá` Fidiée` , o'gui lajaléng` dsea` quí`r` jmĩ e jmóor` jalé` e dsigá` dsí` dsea` ,³⁰ o'gui lajaléng` dsea` quí`r` jmĩ e jmi`leáaiñ` jaléng` dsea` dsée` , o'gui lajaléng` dsea` lí`r` fé`r` jmí` e ja` ñir` jéeng`gui, o'gui lajaléng` dsea` fa` quí`r` jmĩ e nigui`r` e` guóng` e jmí` do. ³¹ Jo dsu` 'nú` 'né` e jmi`úung`na` e niñíng`na` e lali` e jlo`gui e cuø` Jmiguí` quiá` Fidiée` .

Jogui lana ni`éé` e 'nú` coo` fí` dseáng` e jlo`gui eáang` .

13

Jial lí` mi` 'neáang` dsea` rúíñ`

¹ Jogui song jnea` cangín`n` quiá` Fidiée` e fá`a jalé` jmí` e fé` dsea` jmigüi` e ja` mí` cuí`i` jéeng`gui, jogui jì`gui fá`a e jmí` e fé` jaléng` ángeles quiá` Fidiée` , jo dsu` ja` jmi`neáan`n` jaléng` dsea` rún`n, joba` lín`n` jóng` lafa` mí` iì` ñí` osi` mí` iì` ñí` chii` e ta` mí` eáang` mí` iì` bá` . ² Jogui song jnea` ngín`n` quiá` Fidiée` e fá`a júu` e iin`n` quiá`r` , jogui ñii` jalé` e í` dsír` e nijmér` cøøng`gui, jogui eáang` t̃iñ` ngán`n, jogui dseáng` e lajam`-ba` ja` lín`n` júu` quiá`r` co` quí`baa jmĩ jmee` e nilisíng` eé` quiá` jalé` mó` , jo dsu` ja`gui 'neáan`n` jaléng` dsea` rún`n, joba` ja` ee` quíng` quié` e jii` coo` jalé` e jo. ³ Jogui song jnea` jmóo`baa jmá`-jiu` jee` jaléng` dsea` tiñíng` lajii` e sea` quié`-e, jogui song la quié`gui tí` 'ñiá`baa nijáang` 'ñiá`a fí` ni` jì, jo dsu` ja`gui 'neáan`n` jaléng` dsea` rún`n, joba` e jo ja` ee` ta` íng` quié` e jii` coo` .

⁴ Jo mí` jmi`neáang` dsea` dsea` rúíñ` e jo lí` e jmóo`bre féng` dsír` , jogui e eáam` guiá` dsír` , jogui ja` jmóor` dsihuíñ` , jogui ja` jmi`jlong` 'ñia`r` , jogui ja` jmiráang` 'ñia`r` , ⁵ jogui ja` jmóor` soo` dsír` , jogui o' jii` uii` quiá`r` 'ñia`r` í` dsír` , jogui ja` 'ní` dsír` o'gui iu` dsír` fíng` song ee`go cajmeáng` dsea` ír` , ⁶ jogui ja` jmi`iáang` dsír` coo` jalé` e ga` e jmóo` dsea` , jo dsu` jmi`iáam` dsír` mí` jmóo` dsea` e guiá` . ⁷ Dsuo` mí` 'neáang` dsea` rúíñ` , e jo lí` e ja` ni`r` júu` mí` iì` dsea` rúíñ` jmóo` ga` , jogui ta` dsír` coo` dsea` rúíñ` , jogui jmang` e guiáb` sijeeiñ` quiáíñ` do, jogui jmóo`bre té`r` mí` jmáng` dsea` ga` ír` .

⁸ Jo dsu` e 'neáang` dsea` rúíñ` ja` tóo` jmĩ fa` e ni`íng` . Jo dsu` tóob` jmĩ e nité` e júu` e fé` dsea` e íñ` quiá` Fidiée` , jogui lajob` cajo e t̃iing` fé` dsea` jmí` e ja` ñir` jéeng`gui, jogui cajo jo` nili`né`-gui jalé` e t̃iing` ngáng` dsea` . ⁹ Dsuo` jalé` e t̃iing` ngáng` dsea` jogui jalé` júu` e fé` dsea` e íñ` quiá` Fidiée` ja` ié` jalé` e jo. ¹⁰ Dsu` mí` nití` í` e nijmi`ié` Fidiée` lajalé` , joba` niguiáb` lajalé` e ja` calié` do.

¹¹ Co` jnea` ie` lamí` jiuun`n` do, la fé` jaang` jiuun` fá`a, jogui í` dsii` la í` dsí` jaang` jiuung` jogui lajob` jmóo` cajo. Jo dsu` mí` cacuan`n, cab` casee` e lajalé` e jo e jmóo` jaang` jiuung` . ¹² Jo dsu` lanagui ja` ne`naa' røø` jial lí` lajalé` , co` lí` lafa` mí` jøøng` yee`naa' fí` ni` espejo e ja` 'goo` jnéeng` . Jo dsu` niguiéeb` jmĩ mí` niline`naa' jial dseáng` lí` lajalé` . Co` lana jalé` e t̃iñ` ngán`n ja` mí` ñii` dseáng` la`ié` jial lí` , jo dsu` niguiéeb` jmĩ mí` niliñii` jial dseáng` lí` lajalé` lí` laco` la cuíng` Fidiée` jnea` .

¹³ Jogui dsu` 'ní` íng` jii` sea` e ja` tóo` jmĩ fa` ni`íng` , jo e lab e jo: e ja` lí`naa' júu` quiá` Dsea` Jmáang` , jogui e nita` dsí`naa' coo`r` , jogui e jmi`neáang`naa' rú`naa' . Jo dsu` e jmi`neáang`naa' rú`naa' do, e job` e niing`gui eáang` lajee` lajì` e 'ní` na.

14

Jial mi` ngáng` dsea` e fé`r` jmí` e ja` ñir` jéeng`gui

¹ Joba` fii`-guí` 'nú` , dsea` rú`naa' , jmi`úung`na` e nijmi`neáang`na` rúng`na` , jogui jmee`na` quií` e niñíng`na` jalé` e cuø` Jmiguí` quiá` Fidiée` e t̃iing` dsea` , dsu` lifa` dseáng` la guíng`gui eáang` e niñíng`na` e t̃iing`na` fó`na` júu` e

íing'na' quiá'- Fidiéé. ² Dsaco' i dsea` i cangúng` e fé'r` jmíí' e ja` ñir' jéeng'gui, Fidiéé`bing' i féiñ' jo o' dsea` jmigüi, co' jii' jaang` dsea` jiéng' ngáng' e jmíí' do. Jo i dsea` do fé'r` e jmíí' do la'eáang` cóo'~ Jmiguí` quiá'- Fidiéé, jo jalé' e fé'r` do ja` mí' cajmijnéeng` Fidiéé` lami` jéeng'gui. ³ Jo dsu' i dsea` i cangúng` e tiiñ` fé'r` jalé' e júu` e íñ' quiá'- Fidiéé` jmóor` lajo e laco' jmicóo'r` e teá'gui nisíng'~ dsea` cóo'~ júu` quiá'- Dsea` Jmáang~, jogui e laco' nicuó'-reiñ' bí, jogui cajo e laco' nijmití'r` dsíiñ'. ⁴ Jogui i dsea` i fé' jmíí' e ja` ñir' jéeng'gui, jii' quiá'r` 'ñia`bre jmicóo'~ jalé' e jo e laco' teá'gui nisíñ'~ cóo'~ júu` quiá'- Dsea` Jmáang~. Jo dsu' i dsea` i cangúng` e tiiñ` fé'r` jalé' e júu` e íñ' quiá'- Fidiéé, jmóor` lajo e laco' jmicóo'r` e teá'gui nisíng'~ i dsea` rúíñ' caguiaang`gui cóo'~ júu` quiá'- Dsea` Jmáang~.

⁵ Jo eám' iing` jnea` e lajim` 'nú' tting`na' fó'na' jmíí' e ja` cuí'na' jéeng'gui, dsu' lifa' eáang'gui iing` jnea` e tting`na' fó'na' jalé' júu` e íng'na' quiá'- Fidiéé, co' e joba' eáang'gui niing` laco'gui e fó'na' jmíí' e ja` ñí'na' jéeng'gui. Jo dsu' song seem`bi dsea` i nijmé` júu` e` guóng' e fó'na', jo lajoba' teá'gui nisíng'na' cóo'~ júu` quiá'- Dsea` Jmáang~. ⁶ Jo uí' e lajob líí, dsea` rú'naa' dsea` quiá'- Dsea` Jmáang~, joba' ja` ee` ta` nili'íng` quií'na' jii' coo' e jnea` ngóo'ó ni'ee` e 'nú' jo nifón`n 'nú' cóo'~ jmíí' e ja` ngáng'na'. Jo dsu' eám' nili'íng` ta` quií'na' song nifí` i 'nú' lajii' e nicajmijnéeng` Fidiéé` lafa' mí` quií, osi e ni'ée` e 'nú' jalé' e tñ` ngán'n, osi e nifí` i 'nú' jalé' e júu` e íñ' quiá'r~, osi líing` ee` ni'ée` e 'nú' é.

⁷ Jo lajob líí cajo cóo'~ lí' doñí' ee` lúu' e bó' dsea` osi e jiáur` é, co' song ja` røø` bó'r` osi jiáur` laco` laco`, joba' ja` quií' jmíí' e nilicuí' dsea` e` e bó'r` do. ⁸ Jogui fa' coo' jee` 'nii', co' song ja` røø` nijiiu` dsea` lúu' trompé' e laco' nicuó' lí e nináng` e 'nii' do, joba' jii' jaang` dsea` nililí'r` e ni'né` guiéng` guiá` yaaiñ` e quiá'- nináng` e 'nii' do. ⁹ Jo lajob líí cóo'~ 'nú' cajo, co' song ja` fó'na' júu` e laco' ningáng` dsea` rúng'na', joba' ¿jal ningáñ' lajii' e fó'na' do? ¿Co' mí` jmoo'na' lajo, joba' lafa' fó'na' fí' guiá' güí! ¹⁰ Jo dseáng' e jáb' e jmiguiab' jmíí' fé' dsea` la'úng` fí' jmigüi, lifa' laco` jmíí' e fé' dsea` seab` líing` uing` quiá'. ¹¹ Jogui song jnea` ja` ñii` e` guóng' e júu` e sí' dsea` jnea~, joba' jnea` lñ'n lafa' jaang` dsea` i jáa' fí' lí huíib` quiá'- i dsea` i féng' jnea` do, co' ja` ngán'n jmíí' quiá'r~, jogui lajobi líng` jnea` quiá'- i dsea` í cajo, co' ja` ngáñ' jmíí' quié` e. ¹² Jo co' 'nú' jmoo'na' quií' e oo`na' jalé' e cuø' Jmiguí quiá'- Fidiéé, joba' jmi'úung`na' e niñíng`na' lalíng` jalé' e nili'íng` ta` quiá'- e laco' teá'gui nisíng'na' cóo'~ júu` quiá'- Dsea` Jmáang~.

¹³ Jo jaléng` dsea` i cangúng` e fé'r` jmíí' e ja` ñir' jéeng'gui, joba' 'né` mí'r` Fidiéé` e nijmicóo'~ dsea` do quiá'r` e laco' nisí'r` dsea` rúíñ' e` guóng' e júu` e fé'r` do. ¹⁴ Co' song jnea` fón`n Fidiéé` cóo'~ jmíí' e ja` ñii` jéeng'gui, jo dsu' jmoo`o lajo la'eáang` cóo'~ jmiguí` quié`baa, lifa' jii' 'ñia`baa jaa` e ja` ee` ngán'n lajii' e fá`a do. ¹⁵ Jo co' lajob líí, joba' mí` fón`n Fidiéé, 'né` jméé` e lajo cóo'~ jmiguí` quié`baa, jogui dsu' 'né` ngám'baa cajo lajii' e fá`a do. Jogui mí` øø` e jmifén`n Fidiéé, 'né` øø` cóo'~ jmiguí` quié`baa, jogui dsu' 'né` ngám'baa lajii' e øø` do cajo. ¹⁶ Dsaco' song 'nu` jmifén' Fidiéé` cóo'~ lajii' jmiguí` quií', jo dsu' lajee` jo ninú` jaang`gui dsea` i ja` mí' ngáng' e júu` e fó' do, joba' i dsea` í ja` cuóøng` nisí'r` Fidiéé` e lajob nilí, dsaco' ja` ngáñ' lajii' e júu` e fó' do. ¹⁷ Jo jangám~, eám' jlo` e júu` gui'máang' e cuø' Fidiéé` do, jo dsu' song ja`gui ngáng' i dsea` i núu` do, joba' ja` e jmicóo'~ quiá'r` jii' coo' fa' e nidsicuáng`gui quiá'r` cóo'~ júu` quiá'- Dsea` Jmáang~. ¹⁸ Jo cuøø`ø` gui'máang' Fidiéé, dsaco' eáang'gui tñ` fá`a jmíí' e ja` ñii` jéeng'gui laco'gui lajaléng` 'nú'. ¹⁹ Jo dsu' lacaang` jee` lí` seáng' dsea` quiá'- Dsea` Jmáang~,

eáang'gui iin~n fón'^nre cóo'~ tú~ 'ní mí'^ júu^ e laco' ngáin' e lafa' e nifón'^nre cóo'~ jmiguiá júu^ cóo'~ jmí' e dseáng' ja` ngáin'.

²⁰ Jo fíi~guí 'ná', dsea` rú'naa', e ja` í` áa'na' laco'gui í` dsí' jaang` jiuung~, co' 'né` líng'na' lafa' jaang` jiuung` cóo'~ lajalé' e ja` dseeng`, jo dsu' la í` dsí' jaang` dsea` féng' 'né` í` áa'na'. ²¹ Jo lalab fé' Fidiéé' fí' ní` jì` quiá'r~: "Nifón'^n jaléng' dsea` Israel cóo'~ jmí' e ja` ngáin' jogui nisín'^n dsea` i ja` líng' dsea` Israel e laco' niguiar' júu^ quié' e jee` jaléng' ír', jo dsu' ja` já'~ nilíim'bir jnea~." Jo lanab júi'~ fé' Fíi'naa' Fidiéé' fí' ní` jì` quiá'r~.

²² Jo co' lajob líí, joba' mĩ` fé' dsea` jmí' e ja` ñir' jéeng'gui, e jo cuø' coo' lí` quiá'~ jaléng' dsea` i ja` líng' dsea` quiá'~ Dsea` Jmáang~ jo o' quiá'~ jaléng' i líng' dsea` quiá'~ Dsea` Jmáang~. Jo dsu' mĩ` fé' dsea` jalé' júu^ e íñ' quiá'~ Fidiéé', e jo cuø' coo' lí` quiá'~ jaléng' dsea` quiá'~ Dsea` Jmáang~ jo o' quiá'~ i dsea` i ja` líng' lajo. ²³ Dsuo' faco' lajee' e siseáng' jaléng' 'ná', dsea` quiá'~ Dsea` Jmáang~, e jmiféng'na' Fidiéé', jo teáng'na' fó'na' jmí' e ja` ñí'na' jéeng'gui, jo lajee' jo ní'í' fí' jo jaang` dsea` i ja` mĩ' ñí' e~gui e fó'na' do, osi jaang` i ja` mĩ' já'~ líng' júu^ quiá'~ Dsea` Jmáang~ é, joba' i dsea` í` ní'í' dsír' e ja` røø' lí'ba'. ²⁴ Jogui song lajím' 'ná' fó'na' jalé' júu^ e nica'íng'na' quiá'~ Fidiéé' jo lajee' jo ní'í' jaang` dsea` i ja` mĩ' já'~ líng' júu^ quiá'~ Dsea` Jmáang~ osi jaang` i ja` mĩ' ñí' e~gui e fó'na' do, jo dsu' mĩ' ninú'~ i dsea` do e júu^ jo, joba' dsifí' lajob ní'í' dsír' e røøm'bre dsee~, jogui ñia'bre ní'í' dsír' jial líiñ' mĩ' ninúr~ lajii'~ e fó'na' do. ²⁵ Jo mĩ' ninúr~ jalé' e júu^ do, joguiba' nililí'r^ guiá' jial dseáng' líiñ', jo job mĩ' nisí'r' uø' jnir~ e nijmiféñ' Fidiéé', jo joguiba' nijá'~ líiñ' e dseáng' lajam'ba' seeng' Fidiéé' jee~ lajaléng' 'ná'.

Jmee'na' røø' lajii'~ e catíng'na'

²⁶ Jo co' lajob líí, dsea` rú'naa' dsea` quiá'~ Dsea` Jmáang~, joba' fíi' i 'ná' e júu^ la, e mĩ' seáng'na' e jmiféng'na' Fidiéé', i líng' 'ná' cuøøng' lí' ø'na' e jmiféng'na' Fidiéé', jogui i líng' 'ná' cuøøng' lí' é'na' dsea` júu^ quiá'~ dsea` do, jogui i líng' 'ná' cuøøng' lí' fo'na' jalé' e nica'e' Fidiéé' lafa' mĩ' qui'na', jogui i líng' 'ná' cuøøng' lí' fo'na' jmí' e ja` ñí'na' jéeng'gui, jogui i líng'gui 'ná' cuøøng' lí' fo'na' e~guøng' e jmí' do. Jo dsu' lajalé' e jo 'né' jmeé'na' e laco' nidsicuáng'gui quií'na' cóo'~ júu^ quiá'~ Dsea` Jmáang~. ²⁷ Jo mĩ' fé' dsea` jmí' e ja` ñir' jéeng'gui, cuøøm' lí' fé' gáng~ dsea` osi gaang` dsea` e jmí' do, jo dsu' lífa' 'né' e tá'~ jám' nijmé' lajo; jogui cajo i líng' 'ná' 'né' jmeé'ba' júu^ e~guøng' e jmí' do. ²⁸ Jo song ja` seeng` dsea` i nijmé' júu^ e~guøng' e jmí' do, joba' guiá'gui quií'na' e ja` nifo'ba' e jmí' e ja` ñí'na' jéeng'gui do fí' lí' seáng' rúng'na', jo lí' féeng'na' Fidiéé' la tíng'na' yaang'na' e ja` núu' dsea` jiéng'.

²⁹ Jo lajob cajo, song seeng` dsea` i fé' jalé' júu^ e íñ' quiá'~ Fidiéé', joba' güifé'bre gáin' osi gaaiñ' é, jogui jaléng' dsea` i núu' jalé' e júu^ jo, güi'í'b~ dsír' cuaiñ' quiá'~ e júu^ jo. ³⁰ Jogui song Fidiéé' líng' ee' ca'e'r' jaang'gui dsea` lafa' mĩ' quiíñ' lajee' e fé'bi' i dsea` i ca'íng' e júu^ do, joba' guiá'gui e niquiú'm'~ i dsea` i fé' e júu^ e ca'íñ' quiá'~ Fidiéé'. ³¹ Jo lajoba' lajaang` lajaang` i dsea` i fé' júu^ e íñ' quiá'~ Fidiéé' 'né' jém~bre e nitíiñ' cuaiñ' quiá'r~, jo lajoba' lajím' dsea` ninúr~ e júu^ jo e laco' niliñir' jogui e nicuø'gui bí' yaaiñ~. ³² Co' i dsea` i fé' jalé' júu^ e íñ' quiá'~ Fidiéé' 'né' quíi'bre jmí' e nijéiñ' cartí' nitíiñ' e nifé'r'. ³³ Jo lajob 'né', co' Fidiéé' dsea` cuø'r' e seeng` dsea` juguiá' júu^ røø, jo dsu' ja` iñ' e eáang' ta' dsea' mĩ'~ e júi'~ ja` ñí' dsea' jnang` i fé'.

Jo lí' laco' qui'~ tíng' dsea` quiá'~ Dsea` Jmáang~, ³⁴ e jaléng' dseam' ja` cuøøng' fé'r' fí' quini' dsea` mĩ' tí' í' e seáng' dsea` e jmiféiñ' Fidiéé', dsuo' ja` catíng' fa' e nijmér' lajo. Co' 'né' jmí'gór' dseañu' quiá'~ lí' laco' fé' fí' ní' júu^ quiá' ta' quiá'~ Fidiéé'. ³⁵ Jogui song jaang` dseam' líng' ee' ja` cangáin',

joba' guiá-gui e nijmingí'r- dseañu' quiá'r- fí 'núu, dsuco' ja' catíng- e jaang' dseamí nifé'r- fí quini' dseá lajee' e siseáng' dseá quiá'- Dseá Jmáang- e jmiféiñ' Fidié'.

³⁶ Jogui téé' áa'na' e o' cóo'~ 'nú' canaang' uing~ júu^ quiá'- Dseá Jmáang-, o'gui jíí'~ 'nú' cajo dseá i nica'íng' e júu^ jo. ³⁷ Jogui song i líng~ 'nú' í áa'na' e cangíng'na' e tíng'na' fó'na' cuaiñ~ quiá'- Fidié', osi í áa'na' e cangíng'na' e tíng'na' e jie'gui é e cuø' Jmiguí quiá'- Fidié', joba' 'né- ta' óo'na' e jalé' e júu^ e jmo' jnea~ la lí' júu^ ta' huí' quiá'- Fí'naa' Dseá Jmáang-. ³⁸ Jogui song i dseá í ja' já'- líiñ' e lí' lajo, joba' ja' 'né- já'- líng'na' e líng' ee' cangíiñ' e cuø' Jmiguí quiá'- Fidié'.

³⁹ Jo co' lajob lí', dseá rú'naa' dseá quiá'- Dseá Jmáang-, joba' fíi' i 'nú' e jmi'úung'na' e niñíng'na' e nifo'na' jalé' júu^ e íng'na' quiá'- Fidié', jogui cajo ja' jníng'na' quiá'- dseá rúng'na' e nifé'r' jmií' e ja' ñir' jéeng'gui. ⁴⁰ Jo dsu' lajalé' e jo 'né- jmée'na' røø' lí' lacó' catíng-.

15

Jial mi~ cají'tu Dseá Jmáang-

¹ Jo lanagui, dseá rú'naa' dseá quiá'- Dseá Jmáang-, iin~n e nijmiguíéng' áa'na' cuaiñ~ quiá'- e júu^ e quiá'- jial laang' dseá jee~ jalé' dsee- quiá'r- e nicaguiá'a jee~ 'nú'. Jo e júu^ job e nica'íng'~ 'nú', jogui cajo eáam' teáang'na' teá cóo'~. ² Jogui lajobi cajo, la'eáng' cóo'~ e júu^ job e nicaláang' 'nú' jee~ jalé' dsee- quií'na', jo lajob lí' song ja' níquing'^tu' tucang'na' calé' catú-; dsuco' song cajmee'na' lajo, joba' ja' ee' ta' cali'íng' quií'na' jóng lají'~ e nijá'- calíng'na' do.

³ Jo nica'éé-baa 'nú' lajalé' júu^ e nica'íin'~n, jo e lab e júu^ jo e níng-gui: Dseá Jmáam-bing' i cajúng- uí'~ jalé' dsee- quií'naa' lí' lacó' la fé' fí ni' jì quiá'- Fidié'. ⁴ Jo mi~ cangí' e cajúin~, joba' ca'áiñ-, jo dsu' mi~ catí' 'ní' jmi~ lajo, cajíb'tur calé' catú- lí' lacó' la fé' fí ni' jì quiá'- Fidié' cajo; ⁵ jo la'uii' cajmijnéeng' 'ñia'r' fí quini' Tú' Simón, jo mi~ cangí' jo, cajmijnéeng' 'ñia'r' fí quini' dseá guitúung' quiá'r-. ⁶ Jo mi~ cangí'gui lajo, cajmijnéeng' 'ñia'r' fí quini' i lí'gui lí' lí' 'ñia' ciento dseá quiá'r-, jo i líng' i dseá í nicajúm-bre, jo dsu' i fíim'bi seeng' lana. ⁷ Jo mi~ cangí' jo, cajmijnéeng'gui 'ñia'r' fí quini' Tiáa~, jo mi~ cangí' jo, cajmijnéeng' 'ñia'r' cajo fí quini' jaléng' i dseá caguiaang-gui i síiñ' cuaiñ~ quiá'r-.

⁸ Jo tí lí' dséng-gui cajmijnéeng' 'ñia'r' fí quinií-, jnea~ dseá lín'n lafa' jaang' jiuung~ i caliséng' nú'-gui e catí' í' lajo. ⁹ Jo jnea~ lín'n jaang' dseá i ja' níng- jíí'~ capí'~ jee~ lajaléng' i dseá i síng' Dseá Jmáang- cuaiñ~ quiá'r-, jo dseáng'- ja' catím-baa fa' e nilisii- lajo uí'~ e lamí~ jéeng'gui gab' cajmeáan'~n jaléng' dseá quiá'- Dseá Jmáang-. ¹⁰ Jo oo- e ta' oo- la dsu' uí'~ e eáang' guiúng- Fidié' cóo'~ jnea~. Jo e guiúin~ cóo'~ jnea~ do eáam' nicalí'íng' ta~, co' jnea~ eáang'gui nicacuø' dsii- cóo'~ e ta' e jmóo'o la lí' lacó'gui i dseá caguiaang-gui do. Jo nañí' fa' o' jnea~ re dseá nicajmé- e lajo, co' Fidiéeb' dseá nicajmicóo'~ jnea~ uí'~ e eáang' guiúin~ cóo'~ jnea~. ¹¹ Jo dsu' ja' e lingíi- su nicajmé- jnea~ e ta' jo osi nicajméé' jaléng' i dseá í é, co' conrøøb' guia'naa' e júu^ jo, jogui e júu^ job cajo e já'- nicalíng'na' do.

Mi~ nijí'tu jaléng' 'líi~

¹² Jogui jnea'~ guía'naa' júu^ cuaiñ~ quiá'- e cají'tu Dseá Jmáang- mi~ cangí' e cajúin-. Joba' j'jali' seeng' i líng' 'nú' i fé' e o' já'- e nijí'tu jaléng' 'líi'~? ¹³ Dsuco' facó' ja' jí'tu jaléng' 'líi~, joba' o' já'- e cají'tu Dseá Jmáang-. ¹⁴ Jo co' facó' ja' cají'tu Dseá Jmáang-, joba' e júu^ e guía' jnea'^ jee~ 'nú' ja' ee' quíng'

jíi' coo, jogui cajo ja' ee' quíng' jíi' coo' e ja' nicalíng-na' júu' quiá' dsea' do. ¹⁵ Jogui faco' e ja' ja' e jí'tu jaléng' 'líi', joba' jnea' lico' líi'naa' dsea' i jmigóob'. Co' guía'naa' júu' e Fidiéeb' dsea' cajmijí'tur Dsea' Jmáang-, jogui e o' ja' e cajmijí'tur faco' dseáng' ja' e jo' jí'tu jaléng' 'líi'. ¹⁶ Jogui faco' ja' jí'tu jaléng' 'líi', joba' ja' cají'tu Dsea' Jmáang- cajo. ¹⁷ Jogui faco' ja' cají'tu Dsea' Jmáang-, joba' ja' quíng' jíi' coo' quíi'na' e ja' líng'na' júu' quiá'r', jogui cajo quíim'bi' jee' jalé' dsee' quíi'na' lana. ¹⁸ Jogui faco' lajo líi', joba' jaléng' dsea' quiá' Dsea' Jmáang- i nicajúng- lamí' jééng'gui, fí' lí' lib' nicangolíi' jóng. ¹⁹ Jogui song lico' íng' ta' quíi'naa' jíi' fí' jmi'gü' lab e líi'naa' dsea' quiá' Dsea' Jmáang-, joba' e ngí' fíi' b' jnea'aa' jee' jaléng' dsea'.

²⁰ Jo dsu' dseáng' e jáb' e cají'tu Dsea' Jmáang- mi' cangí' e cajúíi'. Co' í'bing' i cají'tu la'uii' jee' jaléng' dsea' quiá'r' i nijí'tu mi' nití' í' lajo. ²¹ Jo co' uíi' jaang' dseañu' e caliseá' 'mó' fí' jmi'gü' la, jogui lajobi cajo uíi' jaang'gui dseañu' e nijí'tu jaléng' 'líi' mi' nití' e í' jo. ²² Jo lajob líi', dsuco' uíi' e líng' dsea' dsea' siju' Adán, joba' tíi' 'mó' lajaléi'. Jogui lajobi cajo, la'eáang' e nilí'naa' dsea' quiá' Dsea' Jmáang-, joba' nijí'tu' e laco' nilisee'naa' cøøng' cóo' Fidié'. ²³ Jo lajob nilí', lifa' nijí'tu dsea' lí' laco' jíi' e sí'í'; co' Dsea' Jmáam-bi' i la'uii' i cají'tu, jogui mi' nijáat'ur calé' catú' fí' jmi'gü' la, joguiba' nijí'tu jaléng' dsea' quiá'r'. ²⁴ Jo mi' ningí' jo, joguiba' nití' í' e ni'íng' jmi'gü'. Co' ie' jo Fíi'naa' Dsea' Jmáang- ni'íi' bí' quiá' jaléng' dseata' niing' cóo' gui' bí' quiá' jaléng' i líng' i quíi' ta', jo joguiba' nijá'r' fí' jaguó' Tiquí'i' Fidié' lajalé' e néé' nir' lana. ²⁵ Co' dseáng' 'né' e néeb' ni' Dsea' Jmáang- lajalé' cartí' mi' niguiéng' Fidié' fí' uii' tíi' dsea' do lajaléng' i 'ní' ní' quiá'r'. ²⁶ Jo Fidié' ni'íi' 'mó' tí' lí' dséng'gui, co' e job e 'ní' ní' do. ²⁷ Jo lajalé' niguiá' Fidié' fí' uii' tíi' Dsea' Jmáang-. Jo mi' jíng' Fidié' e niné' lajalé' fí' uii' tíi' Dsea' Jmáang- dsu' ofa' ééng' 'ñia'r' cajo, dsuco' 'ñia'bre dsea' nijméer' e ninéé' lajalé' do fí' uii' tíi' dsea' do. ²⁸ Jo mi' nicató' e ninéé' fí' uii' tíi' Dsea' Jmáang- lajalé', joguiba' nijáng' Dsea' Jmáang- 'ñia'r' fí' jaguó' Tiquíi'r' Fidié', co' í'bing' i nicaguia' lajalé' fí' uii' tíi' dsea' do. Jo lajoba' jíi' Fidiéeb' dsea' nicár' nifí' quiá' lajalé'.

²⁹ Jo song í' óo' 'nú' e ja' jí'tu jaléng' 'líi', joba' 'zjialí' i líng' 'nú' cajgáang-na' jmi' cuaii' quiá' jaléng' 'líi'? Jogui e' uiiing' quiá' e jmoona' lajo song í' óo'na' e ja' jí'tu jaléng' 'líi' mi' nití' í' lajo? ³⁰ Jogui faco' ja' jí'tu jaléng' 'líi', joba' 'zjialí' contøøng' dseáng' seeng' jnea' fí' jmi'gü' la? ³¹ Jo lajob líi', dsea' rú'naa' dsea' quiá' Dsea' Jmáang-, co' laco' jmi' b' dseáng' seen' fí' jmi'gü' la. Jo dseáng' e jáb' júu' e fá'a la lí' laco'gui la íáang' dsii' cóo' 'nú' dsu' uíi' e nilíng'na' dsea' quiá' Fíi'naa' Dsea' Jmáang-. ³² Jo song lico' sije'n e ni'íin' jalé' e ngín'n jíi' mi' seen' fí' jmi'gü' la, joba' ja' ee' ta' mí' cali'íng' jíi' coo' quíe' e jalé' e ga' e nicangojéé' quíe' e ie' lamí' catíng' júu' quíe' e cóo' jaléng' dsea' i soo' dsíi' i seeng' fí' Éfeso. Co' faco' o' ja' e nijí'tu jaléng' 'líi', joba' maquiee'naa' jogui ma'né'naa', co' dsa'ó' jo' ní' su see' guíi', lí' laco' júu' róo' e fé' i líng' dsea'.

³³ Jo fíi' guíi' 'nú', dsea' rú'naa', e jie' mi' cuø' fí' yaang'na' e dsea' jiéng' nijmi'gøøi' 'nú', co' íim' lajíi' e guiá' e quí' tíng' dsea' la'eáang' cóo' dsea' rúíi' i ée' ga'. ³⁴ Jo co' lajob líi', joba' fíi' guíi' 'nú' e jmi'jné'e'tu' óo'na' laco' catíng-, jogui jo' ee'na' dsee-, co' i líng' 'nú' dseáng' ja' mí' cuíim'bi' Fidié'. Jo uiiing' quiá' e fíi' i 'nú' jalé' e júu' la e lí' laco' nicá'na' fí'í'.

Jial líng' dsea' mi' cangí' e cají'tur

³⁵ Jo jangám- seeng' dsea' i nijmingí' lala: "Jo 'zjial' nijí'tu jaléng' líi' jogui jial líi' cajo?" ³⁶ Jo júu' íib' líi' e jmingí'na' do, co' ni'íi' 'nú' guiá' e mi' áng'

dsea` mijú` fí` nú`- uó`-, jang`- 'né`- lafa` e nijúum` e mijú` do, joguiba` cuóøng` e nisáng` ní`- quíá`-. ³⁷ Jo ja` cuóøng` e nijní`- dsea` e sú`^ quíá`- mijú`, dsuco` lajii`~ mijú`ba` cuóøng` e nijní`- dsea`, nañí` si mijú` micui`iee` òsi lí`^ doñí` ee` mijú` é. ³⁸ Jo mi` cangf` e cangojneá~ e mijú` do, joba` 'ñiab` Fidiée` dsea` nijmér`- jial iin` e ni`uíng`- e sú`^ quíá`- do lí`^ laco` jmóor` cóo`~ laca`íng`~ mijú`. ³⁹ Jo ja` røø` lí` ngúú` táang` lajaléng` i seeng` fí` jmigüü, co` e jiéb` lí` ngúú` táang` dsea` laco`gui` ngúú` táang` jó` nuu` cóo`~ gui` quíá`- jaléng` ta` cóo`~ gui` quíá`- jaléng` 'ññ. ⁴⁰ Jogui` lajobi` cajo, seab` e sea` fí` yú`^ jmigüü` cóo`~ gui` e sea` fí` ni` guóo`~ uó`-, jo dsu` jmaquíim` ia` e sea` fí` yú`^ jmigüü` laco`gui` e sea` fí` ni` guóo`~ uó`-. ⁴¹ Jogui` e jiéb` jing` iee` laco`gui` e jing` si` òsi jaléng` núu` é, jo jiguí` jee` jaléng` núu` e jiéb` jiiñ` laca`íng` ca`líñ`~.

⁴² Jo lajob` lí` cajo` mi` nijí`tu` jaléng` 'lí`-. Co` nijiéb` ngúú` táang` dsea` mi` ningf` e ni`áiñ` fí` nú`- uó`-, jo dsu` mi` nijí`tur` calé` catú`-, jo` tóo` jmii` fa` e nijié`gui. ⁴³ Jo e ngúú` táang` dsea` e ni`áng`- fí` nú`- uó`- ja` ee` ta` íng` e jo, jo dsu` mi` nijí`tu` calé` catú`-, joba` eáam` niniing`-. Jogui` cajo` ja` ee` bí` óo` e ngúú` táang` dsea` e ni`áng`- fí` nú`- uó`-, jo dsu` mi` nijí`tu` calé` catú`-, eáam` ni`gøng`-. ⁴⁴ Jogui` jii`~ ngúú` táam` dsea` e ni`áng`- fí` nú`- uó`-, jo dsu` mi` nijí`tu` calé` catú`-, nilí` ngúú` táang` dsea` la`eáang` cóo`~ Jmiguü` quíá`- Fidiée`. Dsuco` song` sea` ngúú` táang` dsea` fí` jmigüü` la, joba` seab` cajo` fí` jmigüü` coo` la`eáang` cóo`~ Jmiguü` quíá`- Fidiée`.

⁴⁵ Jo lajob` lí` lí`^ laco` fé` fí` ni` jì` quíá`- Fidiée` lí` fé` lala: "I dseañu` la`uii` i calisí` Adán` caliséiñ` e quier` ngúú` táang` dsea` jmigüü`; jo dsu` i dseañu` i cøøng`gui` do, íb` i cuø` e seeng` dsea` lata`~." ⁴⁶ Jo lajee` e see`-naa` fí` jmigüü` la, dsea` guóob`~ lí`naa`. Jo dsu` la`eáang` cóo`~ Jmiguü` quíá`- Fidiée` nilí` ngúú` táang`naa` mi` nisee`-naa` fí` jmigüü` coo`. ⁴⁷ Jo lajob` lí`, co` i dseañu` la`uii` i calisí` Adán`, cóo`~ guóo`~ba` cajmeáang` Fidiée` ír`, co` fí` guóo`~ uó`- jmigüü` caliséiñ`. Jo dsu` i dseañu` i cøøng`gui` do, fí` ñiffb` lí` jáa` í. ⁴⁸ Jo lajaang` lajaang` dsea` jmigüü` sea` ngúú` táaiñ` lí`^ laco`gui` ngúú` táang` Adán` e cajmée` Fidiée` cóo`~ layaang`~ guóo`~. Jo dsu` ie` jo, røøb` nilíng`- lajaléng` dsea` quíá`- Dsea` Jmáang`- lí`^ laco` la líng` dsea` do` ñia`r, dsea` jáar` fí` ñiff`-.

⁴⁹ Jo lana, lajee` e see`-naa` fí` jmigüü` la, lí`naa` lí`^ laco` la lí` ngúú` táang` Adán` e calí` cóo`~ layaang`~ guóo`~. Jo dsu` ie` jo, nilí`-naa` lí`^ laco` la líng` i dsea` i jáa` fí` ñiff`-.

⁵⁰ Jo e laba` iin` n` fii` i` 'nú`, dsea` rú`-naa` dsea` quíá`- Dsea` Jmáang`-, e jalé` ngúú` táang` dsea` cóo`~gui` móo` teáiñ`~ ja` catíng`- fa` e nilisea` jalé` e jo mi` nití`- í` e dseáng`- jii`~ Fidiée` dsea` nicár` nifi` quíá`- lajalé`. Jogui` jalé` e tóo` jmii` ni`íng`- ja` cøøng` cóo`~ jalé` e ja` tóo` jmii` ni`íng`-. ⁵¹ Jo lana lab` nifi`-duu` 'nú` coo` júu` e ja` mí` ní`na` jéeng`gui, jo e lab` e júu` jo: Ja` lajii`-naa` nijúu`-naa`, jo dsu` lajii`-baa` ni`uíng`-naa` dsea` i` m`íng`- mi` nití`- e í` jo. ⁵² Jo e jo nidsijée` dseáng`- lajee` cateáb` dseáng`-, lafa` mi` báang`-naa` jmini`naa`. Jo mi` ni`ii` fí` yú`^ jmigüü` e lúu` trompé` quíá`- Fidiée` lí` cadséng`-, job` mi` nijí`tu` jaléng` dsea` quíá`- Dsea` Jmáang`- i nicajúng`- lamí` jéeng`gui. Jo dsu` jo` quí`- jmii` fa` e nijúung`-tu` jaléng` í` calé` catú`-. Jogui` lajaléng` jneaa`aa, dsea` lí`naa` dsea` quíá`- Dsea` Jmáang`-, ni`uíng`-naa` dsea` i` m`íng`-. ⁵³ Joba` e ngúú` táang`naa` e jgo` do jo` tóo` jmii` fa` e nijié`gui, co` ni`uíng`- coo` e ja` tóo` jmii` fa` e nijié`gui. Jo ie` jo e ngúú` táang`naa` e sea` 'mó`- quíá`- ni`uíng`- coo` e jo` sea` 'mó`- quíá`-. ⁵⁴ Jo mi` nilisíng`- e ngúú` táang`naa` e jgo` do, ni`uíng`- coo` e jo` tóo` jmii` fa` nijié`gui, jogui` mi` nilisíng`- e ngúú` táang`naa` e sea` 'mó`- quíá`- do jo` ni`uíng`- coo` e jo` sea` 'mó`- quíá`-, joguiba` dseáng`- niliti` jii`~ laco` la fé` fí` ni` jì` quíá`- Fidiée` lí` fé` lala: "Jo` tóo` jmii` fa` nilisea`gui` 'mó`-, co` dseáng`- conguiab` nica`íng`- bí` quíá`-." ⁵⁵ Jo co` lajob` lí`, joba` cuóøng` fe`ee` e jo` sea`gui` bí` quíá`-

'mó-, joba' jo`ee`quá~ jmi~ fa' ee`ni`lé-gui, co' dseáng'- conguiab`nica'íng- bí quiá'- . ⁵⁶ Jo la'eáang' cóo'~ dsee`ba' e sea`bí` quiá'- 'mó-, jogui la'eáang' cóo'~ e júu^` quiá' ta~ quiá'- Fidié~ e cajme' Moi~, cóo'~ e joba' e líl'~ dsea` e røøiñ` dsee-. ⁵⁷ Jo e`gui`gui`máang'~ Fidié~ e jo`silí'~gui`jneaa~aa' bí` quiá'- 'mó-, co' nicalí'~baa' e jo la'eáang' cóo'~ lajalé' e nicajmée' Fí'naa' Dsea` Jmáang- .

⁵⁸ Jo uí'~ e lajob lí', dsea` rú'naa' dsea` quiá'- Dsea` Jmáang- i`neáan`n eáang', joba' fíi`-i`'nú' e teáb`'né- teáang`na' cóo'~ júu^` quiá'- Dsea` Jmáang-, jogui cuø'` óó'na' e jie` mí` lí` túng-`áa'na' fí' lí` niteáang`na'. Jogui cajo contøøng- cuøø'~ bí` yaang`na' e jmée`na' e ngocáng` óó'na' lajii'~ e ta~ e nicangúng`na' quiá'- Fidié~. Co' 'nú'`ní'ba' guiá- e ja` lí'` tá'- jmoo`na' e ta~ e jmoo`na' quiá'- dsea` do.

16

Mi~ caseáng' jalé' e 'né- dsea` quiá'- Dsea` Jmáang-

¹ Jo lana nifíi`-i`'nú', dsea` rú'naa', cuaiñ` quiá'- jalé' e seáang`na' e 'né- dsea` rú'naa' dsea` quiá'- Dsea` Jmáang-. Jo e jo`'né- jmée`na' lí'` laco'`jii'~ e nicafíi`-i` jaléng' dsea` quiá'- Dsea` Jmáang- i` seeng` fí' lí' se' Galacia. ² Jo lacoø` jmi~ domiing~, lajaang` lajaang` 'nú' 'né- nijmiñung`na' capi'` lí'` jial`jii'~ e nicalí'`na' e jmoo`na' ta~. Jo jalé' e jo`'né- 'meá'na' e laco'` mí` niguiéé' e fí' na, jo`'né- fa' e niseáang'gui'. ³ Joba' mi~ niguiéé' e fí' na, nisíin`n fí' Jerusalén jaléng' dsea` i` niguíng'~ 'nú', jogui nicuøø`øre` jì` lí' fé' e tab` óó'na' cóo'r~, jo nicár` jalé' e nicaseáang`na' do quiá'- jaléng' i` dsea` rú'naa' dsea` quiá'- Dsea` Jmáang- i` neáang' fí' jo. ⁴ Jogui song lajam'`ba' 'né- e nini~ jnea` fí' jo, joba' cuøøm` lí' dsilíng- i` dsea` í` cóo'~ jnea` cajo.

Mi~ ca'í` dsíi' Paa- e nidsér- fí' Corinto

⁵ Jo lajee~ e iuun- fí' e ngóó' fí' na, dseáng'- 'né-ba' e ningíin`n fí' lí' se' Macedonia; jo mi~ ningíi` e ningíin`n fí' jo, joguiba' niguiéé' e fí' na fí' Corinto. ⁶ Jo jangám- nijaa- cóo'~ 'nú' fí' na coø` tú- jmi~ lajo, osi jangám-`bi` é`ningíin`n lata` jii` güíi-. Jo song lajobi, joba' 'núb'` cuøøng` lí' jmicóo'`na' jnea` cóo'~ jalé' e 'né- e lajee~ e iuun- fí' e nini~ i` fí' lí' jé'. ⁷ Jo dsu' jnea~, mi~ niguiéé' e fí' na, ja` iin`n e lico'` ningíin`n cateá' lajo cóo'~ 'nú', co' jnea` iin`n e nijaa- huøøb` jii` cóo'~ 'nú' fí' na song nicuø- Fidié~ fí' lajo. ⁸ Jo dsu' jnea` í' dsii- e nija`bá' fí' la fí' Éfeso cartí' e jmi~ e sii` Pentecostés, ⁹ dsuco' lajee~ lana fí' la, dsíng'- sea` fí' quié- e e nijmee~ e lajii'~ e ta~ e nicangíin`n quiá'- Fidié~, jogui ta` dsii- e guiáb- nidsijéé' quié- e, nañí' fa' i` fíim`bre seeng' i` 'ní'` níng- jnea~.

¹⁰ Jogui song niguiéé' Timoteo fí' na, joba' jmi'úung`na' e niliseeiñ` guiá- cóo'~ 'nú', co' í' jmóor` ta~ jii'~ laco'` ta~ jmóo' jnea` cajo lí'` laco'` jii'~ ta~ e nicangúng`naa' quiá'- Fí'naa' Dsea` Jmáang-. ¹¹ Jo co' lajob ta~ jmóor~, joba' ja` 'né- e jøøng`na'r` uø-, co' lí'` lí' 'né- e nijmicóo'`baa're cóo'~ jalé' e 'né- e laco'` iuuiñ- fí' juguiá- lajee~ e jáar' e nija'eer~ jnea` fí' la. Co' dseáng'- nisijeem`baare colíng- cóo'~ jaléng' dsea` quiá'- Dsea` Jmáang- i` caguiaang`gui.

¹² Jogui cuaiñ` quiá'- i` dsea` rú'naa' dsea` quiá'- Dsea` Jmáang- i` sii` Apolos, eáam'`nicamíi`-ire` jmi'ee~ e nidsér- cóo'~ jaléng' dsea` quiá'- Dsea` Jmáang- e nidsi'eer~ 'nú', jo dsu' lajee~ lana ja` mí' caguia' dsíir' fa' e nicangór-. Jo dsu' lajob nijmér- mi~ lí' e nicuø- fí' quiá'r- lajo.

Júu^` guicóo'~ lí'` cadséng- quiá'- Paa-

¹³ Jo e laba' fíi`-guíi` 'nú', dsea` rú'naa' dsea` quiá'- Dsea` Jmáang-, e contøøm- 'né- jmiñiing` áa'na'; jogui teá' síng' yaang`na' cóo'~ e júu^` quiá'- Dsea` Jmáang- e nijá'` calíng`na' do; jogui cajo teá' teáang' óó'na' jogui cuøø'~ bí

yaang~na' e laco' ja` nitú^na' lajii~ e fi' li~ niteáang~na'. ¹⁴ Jogui lajalé' e jmoo'na', jmee~ba' e laco' jmi'neáang~na' dsea` rúng'na'.

¹⁵ Jo niñib^ 'nú', dsea` rú'naa', e jaléng' dsea` sinúu^ quiá'- Estéfanos, í la'uii~ i ja' calíng~ júu^ quiá'- Dsea` Jmáang~ fi' latøng~ fi' li~ se' Acaya, jogui jaléng' íb` cajo i jmoo` ta~ jmicóo'~ jaléng' dsea` quiá'- Dsea` Jmáang~ i li~ 'né~ quiá'- lajo. ¹⁶ Joba' jnea~ iin~n e nijmée^na' núu~ba' júu^ quiá'- i dsea` quiá'- Dsea` Jmáang~ i líng' laco' i dsea` sinúu^ quiá'- Estéfanos, jo lajob 'né~ nijmée^na' cajo cóo'~ jaléng' i dsea` i jmicóo'~ jogui i jmoo` ta~ lajo.

¹⁷ Jogui íaam` dsii~ cajo e nicagüiling~ fi' la i dsea` quiá'- Dsea` Jmáang~ i sii` Estéfanos cóo'~gui Fortunato jogui Acaico, co' lí' lafa' e nicagüiling~ 'nú'ba' e nicagüiling~ í fi' la. ¹⁸ Dsaco' jaléng' i dsea` na nicacuø'bre jnea~ bí e laco' nili'iaang`gui dsii~ lí^ laco' la nicajméer` cóo'~ 'nú'. Joba' catíim~ba' e nijmi'goo'na' i dsea` i líng' laco' i na.

¹⁹ Jogui jaléng' dsea` quiá'- Dsea` Jmáang~ i seeng` fi' li~ se' Asia guiéiñ' júu^ guicóo'~ quí~na'. Jogui Aquila cóo'~gui dseamf` quiá'r~ i sii` Prisca cóo'~gui jaléng' dsea` quiá'- Dsea` Jmáang~ i seáng' fi' quiá'r~ e laco' jmiféiñ' Fidié~, íaam` dsii~ e guiéiñ' júu^ guicóo'~ quí~na' lí^ laco' catíng~ e jmoo` dsea` quiá'- Dsea` Jmáang~. ²⁰ Jogui íng'na' júu^ guicóo'~ quiá'- lajiiing` dsea` quiá'- Dsea` Jmáang~ i seeng` fi' la fi' Éfeso. Jogui mi~ jié' jíng' rúng'na', joba' féeng'~ rúng'na' e sée'~ guoo` rúng'na'.

²¹ Jogui lana, jnea~ Paa~ jmo'o e júu^ guicóo'~ la quí~na' cóo'~ guoo`o 'ñiá'baa.

²² Jogui song seeng` dsea` i ja` 'neáang` Fí'naa' Dsea` Jmáang~, joba' dseáng'~ fi' li~ 'lib' catíiñ~. Jo dseáng'~ e ja'~ba' e tí li~ nijáab`tu Fí'naa' Dsea` Jmáang~ calé' catú~.

²³ Jo mii~i Fí'naa' Dsea` Jmáang~ e nilí~ güea^ quiá'r~ fi' li~ seeng'na'. ²⁴ Jogui eáam` 'neáang` jnea~ 'nú' lajiiing'na', dsaco' lajii~baa' lí'naa' dsea` quiá'- Fí'naa' Jesús.

Jo lajob nilí.

Jo lana cató' e jì la'uii~ quiá'- Paa~ e catíng~ jaléng' dsea` quiá'- Dsea` Jmáang~ i seeng` fi' Corinto.

Júu[^] e to_o fi' ni~ ji` catî tú⁻ quiá⁻ Paa⁻ e catíng⁻ dsea` seeng` fi' CORINTO

¹ Jnea⁻ Paa⁻ lín'n jaang` dsea` apóo[^] i óo` ta⁻ quiá⁻ Dsea` Jmáang⁻, co' laj_o cali'íang` dsíi' Fidié[~] cajméer` cóo[~] jnea⁻. Jo colíng[~] cóo[~] jaang` dsea` rú'naa' dsea` quiá⁻ Dsea` Jmáang⁻ i sii' Timoteo, jmo' o e ji' la e catíng⁻ jaléng' 'nú', dsea` rú'naa' dsea` quiá⁻ Dsea` Jmáang⁻ i neáang' fi' na fi' Corinto. Jogui cajo catím⁻ e ji' la i dsea` rú'naa' dsea` quiá⁻ Dsea` Jmáang⁻ caguaang⁻ i neáang' fi' latøøng⁻ fi' guóo[~] uó[^] fi' li' se' Acaya. ² Jo lana má[~] i Tiquí'ii' Fidié[~] cóo[~] gui Fí'naa' Dsea` Jmáang⁻ e güi'í'bre güea[^] quiá'r⁻ fi' li' seeng'na' jogui e nicuó'r⁻ 'nú' e seeng'na' juguiá⁻ júu[^] røø.

Jalé' iihuí' e ca'íng' Paa⁻

³ Jo contøøm⁻ 'né⁻ jmiféng'naa' Fidié[~] i líng' Tiquiá[^] Fí'naa' Dsea` Jmáang⁻, co' íb' Tiquí'ii' i fi' líng⁻ jneaa[~]aa' jogui íb' Fidié[~] i jmitíi[~] dsí'naa' mi[~] ee'go huíng' dsijéé' quí'ii'. ⁴ Jogui íb' dsea` i jmitíi[~] dsí'naa' jee[~] jalé' iihuí' e dsingíng⁻naa'; jo jmóor' laj_o e laco' jneaa[~]aa' cuøøng' lí' nijmitíi[~]naa' dsí' jaléng' dsea` rú'naa' i dsingíng⁻ laj_o; jo jmoo⁻naa' laj_o cóo[~] dsea` rú'naa' lí[^] laco'gui la nicajméé' Fidié[~] cóo[~] jneaa[~]aa'. ⁵ Jo lí[^] laco' eáang' íng[~]naa' iihuí' dsu' uíi[~] e lí'naa' dsea` quiá⁻ Dsea` Jmáang⁻, j_oba' laj_o cajo, la'eáang' íb', e eáang' litíi[~] dsí'naa' lana. ⁶ Jo jnea[^] dsingíng⁻naa' iihuí' e lí[^] laco' nilitíi[~] óo'na' jogui uíi[~] e guia[~]naa' júu[^] jee[~] 'nú' quiá⁻ jial nileáang'na' jee[~] jalé' dsee⁻ quí⁻na'. Jogui mi[~] jmitíi[~] Fidié[~] dsí'naa', jmóor' laj_o e lí[^] laco' nilitíi[~] óo'na' jogui e laco' té'na' e ja' nilitúng⁻ óo'na' jee[~] jalé' iihuí' e dsingíng⁻na' lí[^] laco' la dsingíng⁻ jnea[^]. ⁷ Jo guiáb⁻ nita[~] dsí'naa' cuaiñ[~] quí⁻na', co' nine[~]baa' e lí[^] laco' íng[~]na' iihuí' colíng[~] cóo[~] jnea[^], jogui laj_o cajo nijmitíi[~] Fidié[~] óo'na' colíng[~] cóo[~] jnea[^].

⁸ Dsea` rú'naa' dsea` quiá⁻ Dsea` Jmáang⁻, ii[~]baa' e nijmiguiéng'naa' áa'na' jalé' e iihuí' e cangongí⁻ jnea[^] fi' li' se' Asia. Jo eám' huíng' jalé' e cangongí⁻naa' do e car' jii[~] jo 'ga' lí' cateá⁻naa', co' j_igui ca'í' dsí'naa' e jo' ni'uó'naa' e fi' jo e jí'naa'. ⁹ Jo ca'í' dsí'naa' e dseáng⁻ nijngám⁻ dsea` jnea[^]. Jo dsu' cangojéé' e jo e lí[^] laco' calilí[^]naa' e ja' quí[~] jmí[~] jmó[^]naa' yee[~]naa', dsuco' 'né⁻ e niseáang[~] yee[~]naa' fi' jaguó' Fidié[~] i j_igui jmijí[~]tu jaléng' 'lí[~].

¹⁰ Jo Fidié[~] dsea` caleáaiñ[~] jnea[^] ie[~] jo e laco' ja' cajiá[~]naa' fi' ni[~] 'mó', jogui íb' cajo i nileáang⁻gui jnea[^] lajee[~] ngóo'guijia. Jogui dseáng⁻ nitab[~] dsí'naa' cajo e dseáng⁻ nileám⁻bir jnea[^] jee[~] 'mó' ¹¹ fíng song jmícoo[~] 'nú' jnea[^] e nimí[~]na' Fidié[~] uii[~] quí⁻naa'. Jogui song fí[~]m'ba' nimí[~]na' Fidié[~] uii[~] quí⁻naa', j_oba' fí[~]m'ba' cajo nicuó[~]na' gui'máang[~] Fidié[~] uíi[~] cóo[~] jalé' e guiá⁻ e jmóor' cóo[~] jnea[^].

Jiali' ja` cangó⁻ Paa⁻ fi' Corinto

¹² Jo seab' coo[~] uíng[~] e íang[~] dsí'naa', jo e jo uíi[~] e nicalilí[^]naa' e dseáng⁻ guiáb⁻ nica'ee⁻naa', jogui lí[^] dsii⁻ e eáang'gui nicajmé[^]naa' laj_o jee[~] 'nú'. Jo laj_o jmoo⁻naa', dsu' o' la'eáang' cóo[~] jalé' e tíng[~]naa' ngáng[~]naa' yee[~]baa', co' lí'naa' laj_o dsu' uíi[~] e laj_o nicajméé' Fidié[~] cóo[~] jnea[^] uíi[~] e eáang' 'neáaiñ' jnea[^]. ¹³ Jogui fi' ni[~] jalé' j_i e nicasiing[~]naa' quí⁻na', ja' mí' cajméé[~]naa' júu[^] e jíé' e laco' huíng' ngáng[~]na' osi e nilí[^]na'. Jo sije[~] e dseáng⁻ ningám⁻ba' røø ¹⁴ lí[^] laco' la nicangám[~]jia' lí' líng[~] e mi[~] nigüéeng⁻tu Fí'naa' Jesús fi' jmigüí[~] la, lajaléng' 'nú' nili'íang' óo'na' cuaiñ[~] quí⁻ jnea[^] lí[^] laco'gui jnea[^] nili'íang' dsí'naa' cuaiñ[~] quí⁻na'.

15 Jo co' lajob nita~ dsii- cóo' 'nú', joba' nica'f dsii- e jang'- nii~baa e ni'ee~e 'nú' fi' na, jo lajoba' cuóøng` e ni'uúing- guiá- quí-na' e niti' tú- ya'. 16 Co' lami~ si'í' í' dsii- e ni'ee~e 'nú' lajee~ e iuun- fi' e ngó'ó' fi' li' se' Macedonia, joguí e ni'ee~túu 'nú' mi~ niqing'-túu fi' jo, jo lajoba' cuóøng` e nijmicóo' 'nú' jnea~ cóo'~ jalé' e 'né- e lajee~ e iuun- fi' e ngó'ó' fi' li' se' Judea. 17 Jo çsu 'nú' í' ó'na' e mi~ ca'f dsii- e nijmee~e lajo, ja' ca'f dsii- dseáng'- laco' catúing-? U~, o' lajo. Co' jnea~ ja' jmó'o e tú- neáang' dsii- mi~ ee'go jmó'o, co' ja' fá'-a e nijmee~e mi~ í' dsii- e ja' nijmee~e. 18 Jo lí' laco' jmiti~ Fidié~ júu^ quiá'r-, lajob jmoo` jnea'^ cajo, co' ja' síi~naa' 'nú' e nijmó^naa' jogui mi~ ngoyúung' jo, ja' nijmó^naa'. 19 Jo jnea~ cóo'~gui Timoteo jogui cóo'~ Silvano guia'naa' jee~ 'nú' e júu^ quiá'- Fíi'naa' Jesús i líing' Jóo' Fidié~. Jo Fíi'naa' Jesús ja' tú- neáang' dsír', co' mi~ jíñ'- ee'go nijmér-, joba' dseáng'- jmó'o`bre. 20 Co' la'eáang' cóo'~ dsea` do e liti~ lajalé' júu^ e cuø' Fidié~. Jo co' lajob líí, joba' mi~ jmiféng'naa' Fidié~, fé'naa' "Lajob nilí" la'eáang' cóo'~ Fíi'naa' Jesús. 21 Jo Fidié~bing' i nicajmé~ e teá' té~naa' fi' guiá- cóo'~ Dsea` Jmáang-, jogui í'bi cajo i nicaguíng' jneaa'aa' e laco' lana nilí'naa' dsea` quiá'r-. 22 Jogui Fidié~bi cajo dsea` nicajmé~ e lí- e nilí'naa' dsea` quiá'r-, jogui nicacuø'r' jneaa'aa' Jmiguí quiá'r- e seeng` cøøng` cóo'~ jneaa'aa'. Co' e Jmiguí do líí 'náng' quiá'- e catúing- ni'íing'naa' mi~ niti' e í' jo.

23 Jo dsu' 'ñiab' Fidié~ dsea` tíi' nir~ e ñir' e~ uuing~ quiá'- e ja' mí' calí- e ninii~i fi' na fi' Corinto lí' laco'gui jíi~ lami~ í' dsii-. Jo nicalí- lajo e lí' laco' ja' lami~ iin~n e nilíing-tu' fi'í' cóo'~ jalé' júu^ e si'í' e nifíi' 'nú'. 24 Co' jnea'^ ja' ii~naa' e niquíá'^naa' 'nú' ta~ e nijá'- líing'na' laguidseaang- jalé' e já'- líí jnea'^, co' 'nú' teáb' teáang-na' fi' guiá- cóo'~ Dsea` Jmáang-. Co' jnea'^ lico' ii~naa' e nijmicóo'naa' 'nú' jial niliseeng'na' e iáang` ó'na'.

2

1 Jo uíi~ e lajob líí, joba' ca'f dsii- e ja' ninii~túu e ni'ee~e 'nú' e laco' ja' nijmijiuung~ ó'na'. 2 Dsaco' fíng song cajmé- e lajo, joba' jo' ii~ seeng'gui i cuóøng` lí' jmi'iaang'gui dsii-, co' jo' cuóøng` lí' jmi'iaang'na' dsii- fíng song nicajmijiuung~ ó'na'. 3 Jo uuing~ e joba', cajmé'-e e jí' la'uii~ do quí-na', dsaco' ja' iin~n nii~i e ni'ee~e 'nú' e laco' nijmijiuung'na' dsii-, co' lí' lí' 'né- e nijmi'iaang'na' dsi'baa. Jo dseáng'- lami~ ta~ dsii- e lajím' 'nú' nili'iaang` ó'na' lajíi~ e iáang` dsi' jnea~. 4 Jo mi~ cajmé'-e e jí' la'uii~ do quí-na', eáam' guíing~ dsii- uii~ quí-na' jogui jmó'o`baa fi'í' cajo, co' jí'gui cartí' quí'-baa. Jo dsu' ja' cajmé'-e e jí' do quí-na' e lí' laco' nijmijiuung~ ó'na', dsaco' cajmé'-e e jí' do e lí' laco' niliñí'na' jial tíi' eáang' neáan'n 'nú'.

Mi~ cajmé~ Paa- féng' dsír' uii~ quiá'- jaang' dsea` i ca'lée'

5 Jo i dsea` i nicacuø' fi'í' dsíi' do, o' jíi~ jnea~ dsea` nicacuø'r' fi'í', co' lajob 'nú' cajo, lifa' jia~ guijia. Jo fá'-a jia~ guijia e lí' laco' ja' nilíing-na' fi'í' e eáang'. 6 Jo e iihuí' e nicacuø' 'nú' i dsea` i ca'lée' do uii~ quiá'- lajíi~ e ga' e cajméer' do, joba' líng- jnea~ e nitéb' jíi~ lajo. 7 Jo lana lí' lí' 'né- íing'na' dsee- quiáb'- i dsea` do, jogui e nijmití'na' dsír' cajo. Jo lajoba' ja' dseáng'- e dseáng'- nitár' congua' lajíi~ fi' guiá- lí' nisiin' uíi~ e eáang' lijiuung~ dsír'. 8 Joba' má'i' 'nú' jmi'ee~ e nijmita~na' dsíi' i dsea` do e 'neám' bí'r lí' laco' lami~ jmoo'na' cóo'r-. 9 Jo lami~ jéeng'gui nicaguíem'baa jí' quiá'-na' cuaiñ~ quiá'- e júu^ la e lí' laco' niliñii~ jogui nilita~ dsii- su dseáng'- lajang' guía' ó'na' e nijmé~na' náu~na' jalé' júu^ e liúun~n 'nú'. 10 Joba' i dsea` i ni'íing'na' dsee- quiá'- do, lajob nijmee~ jnea~ cajo, co' ni'íim~baa dsee- quiá'r- song sea` uuing~ e nijmee~e lajo. Jo nijmee~e lajo uíi' 'nú', jogui Dsea` Jmáam-bing' i tíi' ni~ quiá'- e jo. 11 Jo

jmoo`o lajo e laco' ja` dseáang` e nijmi'oo` jneaa`aa' fii` i` 'ling` i` sii` Satanás, co' nine`baa' guiá- jial lí' ta` quiá'r`.

Ja` iáang` dsí' Paa` mi` caguiér` fí` Troas

¹² Jo e laba' fii` i` 'nú', e ie` mi` caguié` e fí' coo` fii` e sii` Troas e quiá'- e niguiaa` júu` quiá'- Dsea` Jmáang`, joba' eáam' caliseá' fí' quié` e e nijmee` e lajo. ¹³ Jo dsu' mi` caguié` e fí' jo, ja` iáang` dsii` dsu' uíi` e ja` cadsén` n i` dsea` rú`naa' dsea` quiá'- Dsea` Jmáang` i` sii` Tito. Jo uíi` joba', ladsifí' lajob ca'í' i` júu` i` dsea` i` seeng` fí' jo, jo cangó` o fí' lí' se' Macedonia.

Jial lí'naa' la'eáang' cóo' Dsea` Jmáang`

¹⁴ Jo e`gui gui'máang` Fidié`, co' la'eáang' cóo' Dsea` Jmáam`ba' e con-tøong` lí'naa' doñí' ee` dsijéé` quí`ii', jogui la'eáang' cóo' jnea` e ni' Fidié` júu` quiá'r`. Jo e júu` quiá'r` do ni' jee` jaléng` dsea` lafa' coo` e jlo` jmeafii`. ¹⁵ Dsuo' la'eáang' cóo' Dsea` Jmáam`ba' lí'naa' lafa' coo` jmeafii` e jlo` e guilí' fí' quini` Fidié`, jogui e joba' e lafa' ni' jee` jaléng` dsea` i` nisilaang` jee` jalé` dsee` quiá'- jogui jee` jaléng` dsea` i` niteáang` fí' ngolíng` fí' lí' 'lí'. ¹⁶ Jo e jmea` e íi` do lí' lafa' coo` e jmeasi` quiá'- jaléng` i` dsea` i` niteáang` fí' ngolíng` fí' lí' 'lí'. Jo dsu' coo` e jlo` jmeafii` lí' quiá'- jaléng` i` dsea` i` nisilaang` jee` jalé` dsee` quiá'-, co' í'bing' niteáang` fí' ngolíng` fí' lí' niliseeiñ` lata`. Jo ¿i` quíi` jmi` nijmé` e ta` jo? ¹⁷ Jo ja` quíi` jmi` fa' nijmé` lajo i` dsea` i` ngí' guia' júu` quiá'- Dsea` Jmáang` e quiá'- e lí'r` cuu` lí' laco'gui la jmoo` i` fíng` dsea`. Dsu' lifa' jnea` lí' lí' ngí'naa' guia`naa' júu` e coob` í' dsí'naa', jo Fidiéeb` dsea` tíi' nir` e jmoo`naa' lajo, co' í'bre dsea` casíñ` jnea` e jmoo`naa' e ta` jo uíi` e lí'naa' dsea` quiá'- Dsea` Jmáang`.

3

Júu` tigua` e 'mí` e cacuo' Fidié`

¹ Dsea` rú`naa', jo mi` fé' jnea` e júu` na, jie` mí' í' oo`na' e ninaang` túu' calé' catú` e nijmiféng' yee`naa', co' dseáng' o' lajo; jogui cajo ja` 'né` e nicuo'naa' 'nú' osi e nimí`naa' 'nú' mají' lí' fé' e ta` oo`na' cóo' jnea` lí' laco'gui la jmoo` i` líng` dsea`. ² Co' yaam` 'nú' líng`na' lafa' e mají' e 'né` jnea` do, jo e mají' do lafa' nisilí' fí' dsí' jnea`, jo doñí' ii` dsea` cuøong` lí' jøø` jogui cuøong` lí' í' e jo. ³ Joba' guiáb` lí' e lajalém' 'nú' líng`na' lafa' coo` mají' e cajme' Dsea` Jmáang` la'eáang' cóo' jnea`. Jo dsu' e mají' jo ja` calíi` cóo' í' jii` laco' jmáng` dsea` ta` mi` jmo'r', co' e jo calíi` la'eáang' cóo' Jmiguí' quiá'- i` Fidié` i` seeng` car` ngongíi` jmi` do. Jogui cajo ja` calíi` e mají' do fí' dse' cuu` e jmá', co' e jo lafa' calíi` fí' dsíib` dsea`.

⁴ Jo dseáng` nita` dsí'naa' cóo' Fidié` la'eáang' cóo' Dsea` Jmáang` e dseáng` lajob líng` 'nú'. ⁵ Jo dsu' jnea` jii` coo` quíi`naa' jmi` e nijmé`naa' e lafa' e quí`naa' yee`naa' jalé' e jo, co' la'eáang' cóo' Fidié`ba' e quíi`naa' jmi` jmoo`naa' jalé' e jmoo`naa'. ⁶ Co' dsea` dob dsea` nicacuø'r' jnea` e quíi`naa' jmi` jmoo`naa' ta` guia' júu` tigua` e 'mí` quiá'r`. Jo dsu' e júu` tigua` do ja` silíi` cóo' guoo` dsea`, co' e jo silíi` la'eáang' cóo' Jmiguí' quiá'- Fidié`. Co' e júu` quiu' ta` quiá'- Moi` do jii` fí' 'mób` si', jo dsu' la'eáang' cóo' Jmiguí' quiá'- Fidié`ba' cuøong` liseeng` dsea` lata`. ⁷ Jo mi` ca'íng` Moi` e júu` quiu' ta` e cajme' Fidié` fí' ni` e cuu` e jmá', dseáng` eáang' jlo` níng' jí' co' jí'gui jaléng` dsea` Israel ja` cuøong` lí' jøør` fí' ni` Moi` uíi` e eáang' jíng` jí'. Jo dsu' e jlo` jíng` jí' do ja` huøø` ee~, co' nijém`-tu. Jogui song dseáng` eáam' jlo` níng' jí' mi` cacuo' Fidié` e júu` quiu' ta` e si' jii` fí' 'mó', ⁸ joba' dseáng` ja` cuøong` cóo' jial tíi' níng' jlo` lí' mi` cacuo' Fidié` e júu` tigua` e 'mí` do la'eáang' cóo' Jmiguí' quiá'r`. ⁹ Joba' song dseáng` eáam' níng` jlo`

mi~ cacuø' Fidiée~ e júu^ quiu' ta~ quiá'r- e si' jii~ fi' 'mó-, joba' ja' cøøng' cóo~ jial tí' eáang' gui niing- jlo^ mi~ cacuø' e júu^ tigua~ quiá'r- e 'mii- e jmoo' e jo' røøng' dsea' dsee- fi' quinir~. ¹⁰ Jo dseáng'- ja' cøøng' cóo~ jial tí' eáang' niing- jlo^ ie~ mi~ cacuø' Fidiée~ e júu^ tigua~ e 'mii- do laco'gui e ji' ie~ mi~ cacuø' e júu^ quiu' ta~ do. ¹¹ Jogui song dseáng'- eáang' niing- jlo^ mi~ cacuø' Fidiée~ e júu^ quiu' ta~ do e nicasung~, joba' dseáng'- ja' cøøng' cóo~ jial tí' niing- jlo^ gui e júu^ e sea' car' ngongii~ jmii~ do.

¹² Jo co' nitab~ dsinaa' e ja' tóo~ jmii~ ni'ling- jalé' e jo, joba' dseáng'- ja' 'gó'baa' e guia'naa' júu^ quiá'- Dsea' Jmáang-. ¹³ Dsuco' jnea'^ ja' jmoo'naa' laco'gui cajmée' Moi~ ie~ jo e caqui'r' nir~ cóo~ coo' 'mi' e laco' ja' nilili'^ dsea' góor' dsea' Israel e ngo'lim- e jing' ji' nir~ do tá'-jiu. ¹⁴ Jo dsu' i dsea' Israel do ja' cali'iiñ~ cangaiñ', jogui lajobi líiñ' carti' jmii~ na, co' mi~ ir' e júu^ tigua~ e yuu~ do, lí' lafa' sea' coo' 'mi' e jni' fi' moguir~ e laco' ja' ningaiñ' e júu^ jo, co' ja' mi~ cajé'-bi e 'mi' do quiá'r-, co' jii~ la'eáang' cóo~ Fii'naa' Dsea' Jmáam-ba' cuøøng' nijé'- e 'mi' jo. ¹⁵ Jo lati' jmii~ na ja' mi' ngám'bi i dsea' do mi~ ir' jalé' e ji' e cajme' Moi~, co' e 'mi' do bi lafa' sijni' fi' moguir~ e laco' ja' ningaiñ'. ¹⁶ Jo dsu' mi~ jaang' dsea' qui'- jing' 'ña'r' fi' quini' Fidiée~, joba' dsifi' lajob lafa' je' e 'mi' do. ¹⁷ Jo røøb' cøøng' Dsea' Jmáang- cóo~ Jmiguí' quiá'- Fidiée~, joba' e fi' li' seeng' e Jmiguí' quiá'- Fidiée~ do, fi' job sea' fi' e jo' quiu' ta~ quiá'- dsea' e júu^ tigua~ e yuu~ do. ¹⁸ Jo co' jo' ee' sijli'gui fi' ni'naa', joba' lana nilii'naa' lafa' coo' sí' espejo li' jnéeng^ jial tí' niing- jlo^ líng' Fidiée~. Jo lajob ngóo' uing- naa' lí'^ laco' la líng' Fidiée~, co' lacoo~ jmii~ eáang'gui ngóo' lisea' qui'-ii' jial tí' e jlo^ niñ- do. Jo dsu' e jo' 'ñiab' Fidiée~ dsea' jmóor' la'eáang' cóo~ Jmiguí' quiá'r-.

4

¹ Jo co' eám' guiung- Fidiée~, joba' cacuø'r' jnea'^ e jmoo'naa' e ta~ la. Jo co' lajob lí'gui, joba' dseáng'- ja' litung- dsinaa'. ² Jo dseáng'- ca' nica'naang- naa' lajalé' e cuø' fi'i' e qui'- tting' dsea' jmóor' fi' li' cøøng'; jo ja' ngi'naa' lí'^ jmigøøng'naa' dsea' rú'naa', o'gui guia'naa' júu^ e jié' jii~ laco' fé' júu^ quiá'- Fidiée~. Co' jnea'^ lí'^ lí' guia'naa' júu^ dseáng'- laco' lí' júu^ quiá'- Fidiée~, joba' guiáb- niñ' dsea' rú'naa' e dseáng'- lajob jmoo'naa' jogui lajobi tí' ni~ Fidiée~ cajo. ³ Jo e júu^ quiá'- Fidiée~ e guia'naa' quiá'- jial laang' dsea' jee~ jalé' dsee- quiá'r- lí' e ja' 'goo' guøng', dsu' lí' lajo jii~ quiá'- jaléng' i dsea' i niteáang- fi' ngolíng' fi' li' 'lí'. ⁴ Co' fi' i 'ling' i quie' nif' fi' jmiguí' la, í'bing' i jmoo' e sijni' moguir~ jaléng' i dsea' i ja' já'- líng' júu^ quiá'- Fidiée~ e laco' ja' ningaiñ' e júu^ jo jogui e laco' ja' niniiñ' jial jlo^ niing- e júu^ quiá'- jial laang' dsea' jee~ jalé' dsee- quiá'r- li' fé' jial tí' niing- jlo^ líng' Dsea' Jmáang- i líng' Fidiée~ cajo. ⁵ Dsu' jnea'^ ja' ngi'naa' guia'naa' júu^ qui'naa' yee'naa', dsuco' jnea'^ guia'naa' júu^ e Dsea' Jmáam- dsea' líiñ' Fii'naa', jo jnea'^ lico' lí'naa' dsea' i jmoo' ta~ quini'naa' uii' e lí'naa' dsea' quiá'- dsea' do. ⁶ Jo Fidiée~ i caqui' ta~ e caliseá' ji' fi' li' nnu' sò', íb' Fidiée~ i cajmée' cajo e lafa' nicaliseá' ji' fi' dsinaa', jo la'eáang' cóo~ e jo' cuøøng' line'naa' jial tí' jlo^ niing- Fidiée~ e jnéeng- fi' ni' Dsea' Jmáang-.

Jial see'naa' la'eáang' cóo~ júu^ quiá'- Dsea' Jmáang-

⁷ Jo e júu^ jlo^ e quíng' eáang' do, jneab'^ dsea' léé'naa' e jo. Jo dsu' jnea'^ lico' lí'naa' lafa' coo' tu' guoo~ e laco' 'ñiab' Fidiée~ dsea' jmilir~ jial tí' 'gøiñ' cóo~ e júu^ jo, jo o' yee'naa' dsea' jmoo'naa' lajo. ⁸ Jo nañi' fa' eám' dsingíng- jnea'^ jalé' iihuí', dsu' ja' lí' jnea'^ jalé' e jo. Jogui seab' mi~ ee'go' fi' í' dsii' jmoo'naa', jo dsu' ja' litung- dsinaa' cóo~ e jo. ⁹ Jogui seab' mi~ 'ni' níng- dsea' jnea'^, dsu' ja' yee'naa' see'naa'; jogui seab' mi~ gab' jmáng' dsea' jnea'^,

dsu' ja` qu#r~ jmi# fa' ni'fi#~ jnea'^. 10 Jo do#i' j#e' ngi'naa', dseang'~ dseam'~ see~naa', co' dseam'~ e nijngang'~ dsea` jnea'^ li'^ laco' cangong'ng~ Jes#s; jo dsing'ng~naa' lajo e li'^ laco' nilili~ e c#m` seeng` Jes#s coo'~ jnea'^. 11 Jo jal#ng' jnea'^ dseang'~ cont#m~ dseang'~ dseang'~ see~naa' dsu' u#i'~ e li#naa' dsea` quiá'~ Jes#s, jo lajoba' nilili~ e seem`bre coo'~ jnea'^, dsea` li#naa' j#i'~ dsea` jmi#g#i'. 12 Jo co' lajob li#, joba' dseang'~ jee` 'm#~ see~ jnea'^ e laco' 'na' lana niseeng`na' lata` coo'~ Fidi#e'.

13 Jo lalab cajme' jaang` dsea` fi' ni` ji` quiá'~ Fidi#e' ie~ lam#~ caf#r' lala: "La'e#ang` e j#~ cal#n~n j#u' quiá'~ Fidi#e', joba' caf#~a." Jo lajob jmoo` jnea'^ cajo, co' lajob j#~ li#naa', jo u#i'~ e joba' f#naa'. 14 Co' gui#b~ nine~naa' e Fidi#e' dsea` cajm#er` e caj#tu F#naa' Jes#s, jogui nine~baa' cajo e lajob nijm#r~ coo'~ jneaa~aa' li'^ laco' cajm#er` coo'~ dsea` do; jo col#ng` coo'~ 'na' nidsije#ai#~ jneaa~aa' fi' quini` dsea` do. 15 Jo lajal#e' e cangong'ng~naa' do, cangoj#e' e li'^ laco' ni'u#ing~ gui#~ qui~na'. Jo cangoj#e' lajo cajo e li'^ laco' i f#ng'gui ni'ing' j#u' quiá'~ Fidi#e' quiá'~ jial t#i' gui#i#~ , jo lajoba' i f#ng'gui nicu#~ gui'm#ang' Fidi#e' e laco' nili'g#o` dsea` do.

16 Jo u#i'~ e lajob li#, joba' ja` lit#ng~ ds# jnea'^ coo'~ jal#e' e dsing'ng~naa'. Jo na#i' fa' ng#o` dseam~ ng#u' t#ang`naa' laco` jmi#, jo dsu' li'^ li' ds#naa' e#ang`gui ng#o` li' b# ds#i' laco` jmi#. 17 Jo lajal#e' e iihu# e dsing'ng~ jnea'^ fi' jmi#g#i' la, e cate#b` jal#e' e jo, jogui ja` ee` 'ga' li' t#i'; jo dsu' lajal#e' e jo nili'ing` ta` qui~naa' lata` e laco' ni'u#ing~ gui#~ qui~naa' e ja` c#ng` coo'~ fi' #iff~. 18 Jo u#i'~ e lajob li#, joba' lana jo ta` ds#naa' coo'~ jal#e' e jn#eng~ j#o`naa' fi' jmi#g#i' la, co' coo'~ jal#e' e ja` jn#eng~ j#o`baa', coo'~ e joba' e ta` ds#naa'; ds#co' ja` u#o` ee~ lajal#e' e jn#eng~ j#o`naa', jo dsu' lajal#e' e ja` jn#eng~ j#o`naa', dseang'~ latab~ dseang'~ sea` lajal#e' e jo.

5

1 Jo gui#b~ nine~naa', dsea` r#naa', e lajee` see~naa' fi' jmi#g#i' la, li#naa' lafa' coo' 'n#u' m#á' 'ma~ e ja` hu#o` ee~. Jo dsu' nine~b#i' cajo e mi~ ni'ing~ e 'n#u' jo, nicajmeb' Fidi#e' 'nu~naa' e jlo'^ e sea` lata` fi' #iff~ quiá'r~. Jo e 'n#u' jo 'fiab' Fidi#e' dsea` nicajme'r', jo o' dsea` jmi#g#i' i nicajme'. 2 Jo u#i'~ e lajob nisea` qui~ii' fi' #iff~, joba' lana, lajee` e see~naa' fi' jmi#g#i' la, e#am` se#ang` ds#naa' e dseang'~ ni'ii~naa' e 'n#u' 'm#~ e nisea` qui~ii' fi' #iff~. 3 Co' e joba' e niq#ng' jneaa~aa' lafa' coo' 'mi', jo lajoba' jo` nil#ng`naa' lafa' dsea` ring#ung'. 4 Jo lajee` e see~naa' fi' jmi#g#i' la coo'~ e ng#u' t#ang`naa' la, e#am` se#ang` ds#naa' dsu' u#i'~ e lijiuung~ ds#naa' coo'~ jal#e' iihu#. Jo dsu' jneaa~aa' ja` ii~naa' fa' e nij#ung~naa', co' li'^ li' ii~naa' e niq#ng' jneaa~aa' lafa' 'mi' e 'n#u' e sea` fi' #iff~ do, jo lajoba' e ng#u' t#ang`naa' la ni'u#ing~ coo' e sea` car` ngong#i' jmi#. 5 Jo 'fiab' Fidi#e' dsea` nicagui#ei#~ jneaa~aa' gui#~ quiá'~ e nil# lajo, jogui i'bi dsea` nicacu#r' jneaa~aa' Jmi#gu# quiá'r~ e li# 'n#ang'~ quiá'~ e cat#~naa' ni'ing'~naa' mi~ nit#~ í' lajo.

6 Joba' dseang'~ e#am` ta` ds#naa' cont#ng~, jo nine~b#i' cajo e lajee` e see~naa' fi' jmi#g#i' la coo'~ e ng#u' t#ang`naa' la, sihu#im`baa' laco' fi' li' guiing~ F#naa' Dsea` Jm#ang~. 7 Jo lana ja` m# cu#ng` neeng~naa' dsea` do, co' lana see~naa' fi' jmi#g#i' la e j#~ li#naa' j#i'~ j#u' quiá'~bre. 8 Jo f#~t#u cal#e' cat#~ e e#am` nita` ds#naa', jo dseang'~ e#am` ni'ii~naa' e nit#naa' fi' jmi#g#i' la e laco' nilisee~naa' c#ng` coo'~ Fidi#e' fi' #iff~ quiá'r~. 9 Jo u#i'~ e lajob ii~naa', joba' dseang'~ cont#m~ jmoo~naa' quij#~ e nit# ds#i' F#naa' Dsea` Jm#ang~ coo'~ jal#e' e jmoo~naa' na#i' su see~naa' fi' jmi#g#i' la osi e nit#naa' #e. 10 Co' lajal#ng' jneaa~aa' 'n#~ ning#ng~naa' fi' quini` dsea` do fi' li' gui#i#~ #r' í' e laco' lajaang`

lajaang`naa' ni'fiing`naa' lajii~ e cati~naa' li^ laco' jii~ li' e cajmo`oo' lajee~ e cataang`naa' fi' jmigui' la, nañi' su guia~ osi ja` dseeng` e.

11 Jo co' lajob nili, joba' nine`baa' e contøom` 'ne~ nijmi'goo`naa' Fii`naa' Dsea` Jmaang~, jogui jnea^ contøom` jmoo`naa' quiji~ jial e nijá~ líng` dsea` júu^ quia~ dsea` do. Jo guiab~ nicuíng` Fidié~ jnea^ jial línaa', jogui sijeem`baa' e cuim` 'nú' jnea^ jial línaa' cajo. 12 Dsu' ofa' jnea^ nicanaang`túu' e jmiféng' yee`naa', co' jnea^ fé'naa' e júu^ na e li^ laco' 'nú' cuøøng` nifo`na' guia~ uii~ quí`naa', jo lajoba' quí`na' jmi~ e ningi~na' quia~ i dsea` i jmiráang` yaang` li^ caluu` jo o' dseáng' jial líiñ` fi' dsir'. 13 Jogui song lí' jnea^ lafa' dsea` caang~, dsu' jii~ cuaiñ` quí`baa' jogui cóo~ Fidiéeb` e jo; jogui song ja` línaa' lafa' dsea` caang~, joba' guia~ quí`ba' jóng. 14 Jo uii~ e eám' 'neáng` Dsea` Jmaang` jnea^, joba' la guim` 'ne~ jmó`naa' e ta~ e jmoo`naa', dsuco' dseáng' nitab` dsinaa' e íb` dsea` cajúin` fi' dse` crúu^ uii~ jalé` dsee` quí`ii', jo uii~ e lajob calí, joba' lana lajaléng` jnea`aa' lafa' nicajúm`baa' cajo. 15 Jo Dsea` Jmaam` dsea` cajúin` uii~ dsee` quia~ lajaléng` dsea` jmigui' jo lajoba' jaléng` dsea` i nilíng` dsea` quia~ dsea` do jo` 'ne~ seeiñ` e jmóor` lajii~ e iin` yaaiñ`, dsuco' dseáng' lajii~ e iing` dsea` doba' e 'ne~ jmér`. Co' íb` dsea` i cajúng` jogui cají`tur mi~ cangf` lajo uii~ quia~ jalé` dsee` quia~ jaléng` i dsea` do.

16 Jo lajii~ ie~ jmi~ e já~ calí`naa' e lajob líi, joba' jo` í dsí` jnea^ uii~ quia~ jaléng` dsea` laco' jii~ e í dsí` dsea` jmigui'; jo nañi' fa' lami~ jéeng`gui' í dsí` jnea^ e Dsea` Jmaang` líiñ` jii~ dsea` jmigui', jo dsu' lanagui jo` í dsinaa' lajo uii~ quia`r`. 17 Co' lana lajaléng` dsea` i niseeng` cøøng` cóo~ Dsea` Jmaang` nica`uiñ` dsea` 'mim` ; jo cab' nicasé` jalé` e lami~ quí` tñiñ` jmóor`, jo lana nijmóor` jalé` e guia~, co' jaam` dsea` 'míng` nilíiñ`.

18 Jo dsu' 'ñiab' Fidié~ dsea` jmóor` jalé` e jo, co' la'eáng` cóo~ Dsea` Jmaam`ba' e cajméer` e lana nisee`naa' juguiá~ júu^ røø` cóo`r~ jogui cacuø`r` jnea^ ta~ e niguiá`naa' júu^ quia`r` e laco' cuøøng` niliseeng` dsea` juguiá~ júu^ røø` cóo`r~ cajo. 19 Jo li^ laco' cuøøng` fe`ee' e la'eáng` cóo~ Dsea` Jmaang~, Fidié~ nicajméer` e niliseeng` dsea` juguiá~ júu^ røø` cóo`r~, jo ja` mí` cajme`r` cuente lajalé` dsee` e nica`éé` dsea` jmigui'. Jo dsea` dob cajo dsea` nicacuø`r` jnea^ ta~ e laco' niguiá`naa' júu^ e nicajméé` Fidié~ e niliseeng` dsea` juguiá~ júu^ røø` cóo`r~ jee~ jaléng` dsea` jmigui'. 20 Jo jnea^ línaa' dsea` i casíng` Fidié~ cuaiñ` quia~ Dsea` Jmaang~, jo cuøøng` lí fe`ee' e lafa' 'ñiab' Fidié~ mi`r` 'nú' jmi`ee' la'eáng` cóo~ jnea^ . Jo uii~ e lajob líi, joba' la'eáng` Fii`naa' Dsea` Jmaang` mí`i` 'nú' jmi`ee' e nijméé`na' quiji~ jial niliseeng`na' juguiá~ júu^ røø` cóo~ Fidié~. 21 Jo jii~ cóo` dsee` ja` ca`éé` Dsea` Jmaang~, jo dsu' Fidié~ cajméer` e dsea` dobing' i cacó~ lajalé` dsee` quí`ii'. Jo cajméer` lajo e la'eáng` cóo~ dsea` do ni`uíng`naa' dsea` i ja` røøng` dsee` fi' quini`r`.

6

1 Jo lana, uii~ e jnea^ línaa' dsea` i jmóo` ta~ e nicangíng`naa' quia~ Fidié~, joba' liúung`naa' 'nú' e ngocáng` dsinaa' jo síi`naa' 'nú' e ja` li^ jmi`i`na' lajo e guíung` Fidié~ cóo~ 'nú'. 2 Dsuco' lalab fé` Fidié~ fi' ni` jii` quia`r` : "Jo canú`baa` júu^ quí` mi~ catí` í' lajo; jogui cajmicóo~baa` 'na` mi~ catí` í' e caláan` jee~ jalé` dsee` quí`ii'." Jogui lanab catí` í' e ninú` Fidié~ júu^ quí`na'. iJogui lanabi cajo dseáng' catí` í' e nileáng` dsea` jee~ jalé` dsee` quia`r`!

3 Jo jnea^ contøom` ee`naa' guia~ fi' quini` dsea` rú`naa' e laco' ja` nifé` dsea` ga` uii~ quia~ e ta~ e jmoo`naa'. 4 Jo dsu' jnea^ li^ lí` jmoo`naa' lí` e línaa' dsea` i jmoo` lajii~ e iing` Fidié~, co' jnea^ eám' jmoo`naa' té`naa'

e féng' dsi'naa' cóo'~ jalé' iihuú' e dsingúng'naa' jogui cóo'~ jalé' e 'né'naa' jogui cóo'~ jalé' fi'í' dsí' e dsingúng'naa'. ⁵ Jogui jmoo'baa' té'naa' cajo mi' bõong' dsea' jnea'^ cóo'~ sii', jogui mi' táng' dsea' jnea'^ fi' dsí' 'nuñí', jogui mi' táng' dsea' jnea'^ mii', jogui mi' jmoo'naa' ta' ii', jogui mi' ja' 'ga' lí' güü'naa' uóø, jogui cajo mi' ngüing'naa' oo'. ⁶ Jogui jmoo'naa' lí' e lí'naa' dsea' i' jmoo' lajii' e iing' Fidié', co' jnea'^ ja' beáang' dsee' yee'naa', jogui eáam' nine'naa' júu' quiá'- Dsea' Jmáang', jogui eáam' guiúng'naa', jogui eáam' féng' dsi'naa' cóo'~ jaléng' dsea' rú'naa', jogui seem' Jmiguí' quiá'- Fidié' cóo'~ jnea'^, jogui dseáng' lajam'ba' 'neáang'naa' jaléng' dsea' rú'naa', ⁷ jogui dseáng' lajang' guia'naa' júu' quiá'- Dsea' Jmáang', jogui la'eáang' cóo'~ bí' 'gøng' quiá'- Fidié' jmoo'naa' jalé' e quí'naa' jmii'. Jo jmáang'naa' ta' e ee'naa' røø'na e laco' jmi'óng' yee'naa' jee' jalé' e dsingúng'naa' jogui e laco' ningü'naa' quiá'- dsea'. ⁸ Jo dsu' seab' mi' jmi'gó' dsea' jnea'^, jogui sea'bi mi' jmáin' ga' jnea'^, jogui sea'bi mi' fé'r' guia' uii' qui'naa', jogui sea'bi mi' fé'r' e ga' cajo. Jogui jmáin' jnea'^ e lafa' dsea' quie' júu' e o' ja' lí'naa', nañí' fa' júu' ja' ba' e fé' jnea'^; ⁹ jogui jmáin' jnea'^ e lafa' lí'naa' dsea' i' ja' cuim'bre, nañí' fa' guiúb' nicuíng' dsea' jnea'^; jogui lí'naa' lafa' dsea' i' tí' lí' nijúung', dsu' mí' 'noo'bi see'naa'; jogui eáang' cuø'r' jnea'^ iihuú', dsu' ja' mí' cajngaiñ' jnea'^; ¹⁰ jogui lafa' fi'í' lí'naa', dsu' o' ja' lajo, co' contøøm' íaang' dsi'naa'; jogui lafa' dsea' tiñing' lí'naa', dsu' o' ja' lajo, co' i' fím' dsea' eáang'gui nica'íñ' güea'^ quiá'- Fidié' la'eáang' cóo'~ jnea'^; jogui lí'naa' lafa' dsea' i' ja' sea' quiá'- júi' coo, dsu' o' ja' e jo, co' lajaléb' e 'né'naa' seab'.

¹¹ Joba' fii'guí' 'nú', dsea' rú'naa' dsea' quiá'- Dsea' Jmáang' i' seeng' fi' na fi' Corinto, e nicaféeng'naa' 'nú' dseáng' lajii' e í' dsi'baa', jogui nicasí'naa' 'nú' e júu' na uí' e eáang' 'neáang'naa' 'nú'. ¹² Jo ja' sea' júi' coo' qui' jnea'^ e fa' ja' 'neáang'naa' 'nú', dsu' 'núb' dsea' i' ja' 'ga' lí' 'neáang'naa' jnea'^. ¹³ Joba' mii' i' 'nú' jmi'ee' lana lí' laco'gui jmoo' tiquiá' jaang' jiuung' e féiñ' jóor', e jmi'neáang'naa' jnea' lí' laco'gui jmoo' jnea' cóo'~ 'nú'.

Jaléng' dsea' quiá'- Dsea' Jmáang' láin' lafa' guá' lí' seeng' Fidié'

¹⁴ Jogui lana, dsea' rú'naa', e laba' fii' i' 'nú' e ja' quing' yaang'naa' jee' jaléng' i' dsea' i' ja' ja' líng' júu' quiá'- Dsea' Jmáang', co' ja' qui' jmii' e jaléng' i' dsea' i' ee' røø' niliseeíñ' cøøng' cóo'~ jaléng' i' dsea' i' ja' jmoo' lajo; jogui ja' qui' jmii' cajo e nisíng' røø' lí' jnea' jii' cóo'~ gui' fi' lí' nuu'. ¹⁵ Jogui ja' qui' jmii' cajo fa' Dsea' Jmáang' nisíñ' røø' cóo'~ fi' i' líng', o'gui jaang' dsea' quiá'- Dsea' Jmáang' fa' qui' jmii' e nijmér' lajo cóo'~ jaang' dsea' i' ja' ja' líng' júu' quiá'- dsea' do. ¹⁶ Jogui ja' qui' jmii' cajo fa' e røø' lí' e guá' lí' jmiféng' dsea' Fidié' laco'gui e guá' lí' teáang' jaléng' dié' dsea' cuu'. Dsaco' jneaa'aa', dsea' lí'naa' dsea' quiá'- Dsea' Jmáang', lí'naa' lafa' guá' quiá'- Fidié' i' seeng' car' ngongü' jmii' lí' laco'gui cajíñ' 'ña'r' ie' lamí' jéeng'gui do ie' lamí' cajíñ' lala:

Jo contøøm' niliseen' jogui ningü' jee' jaléng' dsea' quie' e.

Jogui jneab' dsea' nilíin' n Fidié' quiá'r'

jogui íb' dsea' nilíng' dsea' quie' e cajo.

¹⁷ Jo uí' e lajob' lí', joba' cajíng'gui Fidié' lala:

Jmi'naang' yaang'naa' jee' jaléng' dsea' i' ja' ja' líng' júu' quie' e,

jogui jmihuíng' yaang'naa' quiá'r'.

Jogui ja' quíng'naa' jee' jalé' e 'lí' e jmoo' jaléng' i' dsea' do, jo lajoba' ni'íin' jnea' 'nú'.

¹⁸ Jogui jneab' dsea' nilíin' n Tiquí'naa',

jogui 'núb' dsea' nilíng'naa' jóo'.

Jo lanab' fé' Fí'naa' Fidié' i' quí'naa' jmii' jmé' lí' doñí' ee'.

7

¹ Joba' fñi' i 'nú', dsea' rú'naa' i 'neáan' eáang', e lanab lí' júu' quiá' Fidié' e nicacuø'r' jneaa'aa' e nijmitir'. Jo uí' e lajob lí' e júu' jo, joba' 'né' 'naam' yee'naa' jee' jalé' e dseáang' ni'lé' fí' ngúu' táang'naa' jogui fí' jmiguí' qui'naa', co' lí' lí' 'né' e nijáang' yee'naa' dseáang' congua' fí' jaguó' Fidié' e laco' nijmó'naa' jmang' e guiá' uí' e jmi'goo'naa' dsea' do.

Mi' já' calíng' dsea' Corinto júu' quiá' Dsea' Jmáang'

² Jo fñi' guí' 'nú' e nijmi'neáang'na' jnea' e ngocáng' óó'na'. Dsüco' cóo' jii' jaang' dsea' fa' nicajmó'naa' e soo' dsi'naa', o'gui mí' ca'lee'naa' quiá' jii' jaang' dsea', o'gui mí' jmigøøng'naa' dsea' cajo. ³ Jo dsu' ofa' éen' 'nú' cóo' e júu' la, co' lí' laco'gui la nicafñi' i 'nú' ie' lami' jéeng'gui do e dseáang' 'neáam'baa' 'nú' nañi' song see'naa' osi nijúu'naa' é. ⁴ Jogui dseáang' lajii' e í' dsi'baa, e joba' fñi' i 'nú', jogui eáam' iáang' dsii' cóo' 'nú'. Jogui jee' jalé' iihu' e dsingñin' fí' la, eáam' jmi'iaang' dsii' jogui cuøø' bí' ñiá'a. ⁵ Jo lajii' ie' lami' cagüé'naa' fí' la fí' lí' se' Macedonia, ja' mí' caliseá' fí' qui'naa' fa' e nicajmi'ing'naa' cateá', dsüco' huíng' eáang' cangojée' qui'naa' lacaang' lí' ngi'naa' uí' e seeng' jaléng' i 'ní' ní' qui'naa' lacúng' lajíng' lí' ngi'naa', jogui e 'gó'baa' cajo. ⁶ Jo dsu' Fidié' i jmitii' dsii' jaléng' dsea' i líng' fí'í', jo íb' dsea' nicajmitii'r' dsi'naa' uí' e nicagüéng' i dsea' rú'naa' dsea' quiá' Dsea' Jmáang' i sii' Tito. ⁷ Jo dsu' o' jii' e cagüéng' Tito fí' la e iáang' dsi'naa', co' lajob lí'naa' cajo uí' e eáam' iáang' dsii' i Tito la dsüco' cajmi'iaang'na' dsii'. Jogui cajim' biguir cajo e eáam' iing' 'nú' e nimáang'tu' jnea', jogui cajim' bir jalé' fí'í' dsii' e jmoo'na' uí' jnea' jogui cajo eáam' guíng' óó'na' jnea'. Jo uí' e lajob jmoo'na', joba' cóo' e jo eáang'gui cali'iaang' dsii'.

⁸ Jo nañi' fa' e jì' e casñin' qui'naa' do lami' jéeng'gui cajmée' e calíng'na' fí'í', jo dsu' ja' jó' dsii' lana uí' e cajmé' e lajo. Jo cajob' dsii' dsu' uí' e huøøm' jiu cajmee'na' fí'í' cóo' jalé' e júu' e fé' e fí' ní' jì' do. ⁹ Jo dsu' lanagui jmi'iaam' dsii', dsu' o' uí' e calíng'na' fí'í', co' jmi'iaang' dsii' e la'eáang' cóo' e calíng'na' e fí'í' dsii' doba' e caqui' jíng' yaang'na' fí' quini' Fidié'. Dsüco' lí' laco' la tí' dsii' Fidié' cajmee'na' e fí'í' dsii' e cangongñing'na' do, joba' jnea' ja' ee' ca'lee'naa' qui'naa' jii' cóo' cóo' e júu' e casii'naa' 'nú' do. ¹⁰ Dsüco' e lijiiuung' dsii' e íng' dsea' laco' la tí' dsii' Fidié' ja' se'r' dsee' mi' dsingñiñ' lajo, dsu' e jo íng' ta' e laco' niquí' jíng' yaaiñ' fí' quini' dsea' do, jo lajoba' nileaiñ' jee' jalé' dsee' quiá'r', jo ja' jó' dsii' jalé' e cangongñiñ' do. Jo dsu' jaléng' dsea' i ja' cúing' Fidié', mi' se'r' dsee' dsu' uí' e íñ' jalé' fí'í' dsii', joba' e jo jmoo' e 'naaiñ' congua' cóo' Fidié'. ¹¹ Jo qui'naa' cuente e eáam' guiá' nica'uíng' qui'naa' cóo' jalé' e fí'í' dsii' e nicangongñing'na' do! Co' nica'íng'na' e jo lí' laco' la tí' dsii' Fidié'. Dsüco' e jo cajmée' e lajang' júu' ca'íi' óó'na' laco' catíng' jogui e cajmi'øng' yaang'na', jogui e cajmi'øng'na' jnea', jogui cajmée' e caligúing'na' uii' qui'naa', jogui cajmée' bi' cajo e ca'í' fø' qui'naa'. Jo mi' cang' jo, cali'ing' 'nú' e nimáang'tu' jnea', jogui ca'í' óó'na' e nicuø'na' iihu' i dsea' i ca'ée' dsee' do. Jo cóo' jalé' e nicajmee'na' do nicajmiliing' yaang'na' e ja' ee' caquíng'na' jii' cóo' jee' jalé' e cangojée' do. ¹² Jo co' lajob lí', joba' mi' cajme'e e jì' e casñin' qui'naa' do, ja' ca'í' dsii' uii' quiá' i dsea' i ca'lee' do o'gui uii' quiá' i dsea' i cangongñing' ga' do, jo dsu' cajme'e e jì' do e lí' laco' nilili' fí' quini' Fidié' jial tí' guíng' óó'na' uí' qui'naa'. ¹³ Jo uí' e lajob jmoo'na', joba' nicalitii' dsi'naa'.

Jogui o' cóo' jii' e jo e nicalitii' dsi'naa', co' eáang'gui nicali'iaang' dsi'naa' dsu' e nicagüéng' Tito fí' la e iáang' dsii' dsu' uí' e nicacuøø'na'r' bí' jogui e nica'ee'na' guiá' cóo'r'. ¹⁴ Jo nicafñi' jnea' Tito lami' jéeng'gui e eáam' iáang' dsii' cóo' 'nú'; joba' ja' lí' cøøng' ta' cañi' ire lajo. Dsüco' dseáang'

júu^ jáb^- jalé^ e nicasí~naa' 'nú^ lí^ laco'gui jíí~ júu^ e nicasí~naa' Tito cajo cuaiñ~ quiá^- e eám' iáang` dsi~naa' uii~ quiá^na'. ¹⁵ Jo lana eáang`gui b iáang` dsí' Tito uii~ quiá^na' dsu' uíí~ e cajmee~na' núu~na' júu^ quiá'r~, jogui e guiá^- óo'ba' ca'ling~na're mi~ caguiér^- fí' na. ¹⁶ Jo jnea~ eám' iáang` dsii^- dsu' uíí~ e dseáng^- tab~ dsii^- cóo^- 'nú^.

8

Mi~ caseáng' cuu^- e licóo~ dsea` quiá^- Dsea` Jmáang^-

¹ Jo lanagui, dsea` rú~naa' dsea` quiá^- Dsea` Jmáang^-, ii~naa' síí~naa' 'nú^ jial tíí' guiúng^- Fidié~ nicajméer` cóo^- jaléng^' dsea` quiá'r^- i neáang` fí' lí se' Macedonia. ² Jo nañí' fa' eáang` nica'ing^' jaléng^' i dsea` do jalé^ iihuáí, dsu' dseáng^- eám' iáang` dsíir'. Jo nañí' fa' tiñíim^-bre eáang`, jo dsu' e iáang` dsíi~bre nicaseáíñ^' jalé^ cuu^- e laco' nijmicóo'r~ dsea` rúíñ^, jo nicacuør^- e jo lafa' eáang` sea` cuu^- quiá'r^-. ³ Jo tíib^-ni~ jnea~ e iáang` dsíib^-i dsea` do caseáíñ^' jalé^ e cuu^- do lí^ jie~ jíí~ e quíí~r~ jmí~, jo car^- jíí~ líí'gui lajo nicaseáíñ^'. ⁴ Jo i dsea` i seeng` fí' lí se' Macedonia do, eám' camí'r^- jnea^ jmí'ee~ e laco' nicuø^naa' fí' e cuøøng` nijmicóo'r~ jaléng^' i dsea` quiá^- Dsea` Jmáang^- i seeng` fí' Jerusalén. ⁵ Jo dsu' líí'gui b cajméer^- jíí~ laco' lamí^- í dsí~naa', co' jí'gui cajáng^' yaaiñ~ la'uii~ e nijmitir^- dseáng^- lajíí~ e iing^- Fidié~, jo mi~ cangí' jo, cajáng^' yaaiñ~ fí' quini~naa' e laco' nijmitir^- lajíí~ e nisíí~naa're e nijmér^- lí^ jialco' la tíí' dsíí' Fidié~. ⁶ Joba' nicamáí~naa' Tito jmí'ee~ e nisítííñ^' lajíí~ e nicaseáang~ 'nú^ e iáang` óo'na' lí^ laco' jíí~ e nicanaaiñ^' sitííñ^' ie~ lamí~ jéeng`gui do. ⁷ Jo jaléng^' 'nú^, la'eáang` cóo^- Jmí'gui quiá^- Fidié~, quíí~na' jmí~ jmé^na' doñí' ee^- uii~ e já^- líng`na' júu^ quiá^- Dsea` Jmáang^-, jogui eáang` tíng`na' fo^na' júu^ quiá^- Fidié~, jogui eáang` tíng` ngáng`na' e júu^ jo, jogui eáang` guíá^- áa'na' e jmicóo~na' jaléng^' dsea` rúng`na', jogui eáang` 'neáang`na' jnea^ lí^ laco' jíí~ e calitíng`na' quí~naa', jo lajoba' 'né^- e eáang`gui nisáng`na' cóo^- jalé^ e seáang`na' do.

⁸ Jo dsu' ofa' quiá^-u ta~ 'nú^ e dseáng^- lajo 'né^- nijmée^na'; dsuco' lico' jnea~ iin~n e nilíííi^- su dseáng^- lajang^' júu^ 'neáang` 'nú^, dsea` rúng`na', e laco' nilííi^- su guíá^- óo'na' e nijmicóo~na' dsea` rúng`na' lí^ laco' jmóo^- i dsea` caguiaang^- do. ⁹ Jo guiáb^- niñí^ 'nú^ e Fíí~naa' Dsea` Jmáang^-, uíí~ e eáang` guiúíñ^- cóo^- jneaa~aa', joba' mi~ cagüéíñ^- fí' jmí'güi^- la ca'uiíñ^- jaang` dsea` tiñíing^- uíí~ jneaa~aa', nañí' fa' jaang` dsea^- i niing^- eám~bre líííñ^- fí' ñííí~. Jo cajméer^- lajo e laco' la'eáang` e ca'uiíñ^- jaang` dsea` tiñíing^-, joba' jneaa~aa' ni'íing~naa' jalé^ e jlo^ e catíí~naa'.

¹⁰ Jo e laco' ni'uíing^- guiá^- quií~na', joba' nííí^-i 'nú^ lajíí~ e í dsii^- cuaiñ~ quiá^- e júu^ la. Co' jíí~ ie~ mi~ cajíí~ba' canaang` 'nú^ e caseáang~na' jalé^ e cuu^- jo, jo dseáng^- e ngocáng^- óo'ba' cajmee~na' lajo. ¹¹ Joba' lana jmíté^na' cóo^- lajíí~ e nicanaang~na' jmoo'na' do lí^ laco' jíí~ jialco' lí~ dsitíng~ quií~na'. Jogui jmee~na' lajo e iáang` áa'na' lí^ laco' líng`na' ie~ lamí~ ca'í^- óo'na' e canaang~na' cajmee~na' e jo. ¹² Dsuco' mi~ jaang` dsea` dseáng^- lajang^- iáang` dsíir^- e líng`gø ee^- iíñ^- cuør^-, joba' ím^ Fidié~ lajíí~ e cuø^- i dsea` do lí^ laco' jíí~ e dsitíng~ quiá'r^-, dsuco' ja' mí' Fidié~ jalé^ e ja' sea` quiá^- dsea^-.

¹³ Jo dsu' ja' ii~naa' e fa' uíí~ e 'nú^ nijmicóo~na' jaléng^' i dsea` rúng`na' do, jo lajee~ jo 'nú^ nimó^na' oo^-. ¹⁴ Co' guiá^-gui e nilísea^- conrøø^- quií~na' lajaang` lajaang`na'. Dsuco' lanagui seab^- quií^- 'nú^ lajíí~ e 'né^- quiá^- i dsea` do. Jo dsu' mi~ cóo^- née^-gui i dsea` íb^- nilísea^- quiá'r^- lajíí~ e 'né^- quií^- 'nú^, jo lajoba' nilísea^- conrøø^- quií~na'. ¹⁵ Jo lí^ laco'gui la fé' fí' ní^- jí' quiá^- Fidié~ lí^- fé' lala: "Jo^- e caseáng^- quiá^- i dsea^- i casitíí^- jmí'gui, o'gui cali'né^-gui quiá^- i dsea^- i casitíí^- capíí^-."

Mi~ cangó~ Tito fi' Corinto

16 Jo cuóø-ø gui'máang'~ Fidié~ uii~ e cajméer' e Tito ca'f dsíir' eáang' uii~ quí-na' lí^ laco' jíi~ e í dsí jnea~ cajo. 17 Jo ca'fb- dsíir' e nijmér- lajii~ e cafí-ire, jogui co' eáam' guing~ dsíir' 'nú', joba' 'ña'bre ca'f dsíir' e nidsér- e nidsi'éer~ 'nú' fi' na.

18 Jo coling~ cóo~ Tito, nisín^n fi' na jaang` dsea` rú'naa' dsea` quiá'- Dsea` Jmáang- i eáang' guiú- fé' jaléng' dsea` quiá'- Dsea` Jmáang- uii~ quiá'- uii~ cóo~ jalé' e guiú- e nicajméer' lajee' e ngir' guiar' júu^ quiá'- jial laang` dsea` jee~ jalé' dsee~ quiá'r-. 19 Jogui cajo jaléng' dsea` quiá'- Dsea` Jmáam-bing' caguíng' i dsea` do e laco' ningír- cóo~ jnea^ jogui e laco' nijmicóo'r~ jnea^ e nidsicá'naa' jalé' e caseáng' do. Jo jalé' e jo jmoo-naa' e laco' jmi'goo-naa' Fí'naa' Fidié~ jogui e laco' ninî dsea` jial tí' e iáang` dsí'naa' e jmicóo~naa' dsea` rú'naa'. 20 Jo ii~naa' e ja nifé' dsea` ga` uii~ quiá'- jial néé' ni'naa' jalé' e cuu- e seáang'naa' la. 21 Joba' jmi'úung'naa' e jmoo-naa' jmang'^ e guiú-, jo o' jíi~ fi' quini~ Fí'naa' Fidié~ jmoo-naa' lajo, co' lajob jmoo-naa' cajo fi' quini~ jaléng' dsea` jmigüî.

22 Jo coling~ cóo~ i dsea` gáng- na, nisín- n fi' na jaang` gui dsea` rú'naa' dsea` quiá'- Dsea` Jmáang- i eáang' nicajmili~ e guia' dsíir' e jmicóo'r~ jaléng' dsea` rúin'. Jo dsu' lana eáang'gui nijmilir~ e líiñ' lajo uii~ e nita` dsíir' cóo~ 'nú'. 23 Jogui cuaiñ~ quiá'- Tito fí-i 'nú' e líiñ' jaang` dsea` rú'naa' i ngí jmoo` ta` coling~ cóo~ jnea~ e laco' nijmicóo~naa' 'nú'. Jogui fí-i 'nú' cuaiñ~ quiá'- i dsea` quiá'- Dsea` Jmáang- i gáng-gui do e líiñ' dsea` i casíng` dsea` quiá'- Dsea` Jmáang- i seeng` fi' la jogui e eáam' jmiféiñ' Dsea` Jmáang-. 24 Joba' fí-i 'nú' e jmi'neáang'na' i dsea` gaang` i síng'naa' la, jo lajoba' nilita~ dsíir' e sea` uing~ e jnea^ eáang' iáang` dsí'naa' uii~ quí-na'. Jo lajoba' niliñ' cajo jaléng' dsea` quiá'- Dsea` Jmáang- caguaiang- gui e dseáng'- lajang'^ júu^ e 'neáang' 'nú' i dsea` gaang` na.

9

Jial caseáng' jalé' e 'né- dsea` quiá'- Dsea` Jmáang-

1 Jo lana, dsea` rú'naa' dsea` quiá'- Dsea` Jmáang-, lín- n e jo` ngíi~ lí fa' 'né- e nisíng`guá' jí quí-na' cuaiñ~ quiá'- jalé' e 'né- seáng' e quiá'- nilicóo~ i dsea` rú'naa' caguaiang- do i neáang' fi' Jerusalén, 2 co' niñi'baa' guiú^ e eáam' iáang` óo'na' e nijmée^na' lajo. Joba' contøong- e iáang` dsii- fí-i jaléng' dsea` seeng` fi' lí se' Macedonia e jíi~ ie~ cajii'ba' e iáang` óo' 'nú', dsea` seeng'na' fi' na fi' lí se' Acaya, e nijmicóo~na' jaléng' dsea` rúng'na' dsea` quiá'- Dsea` Jmáang-. Jo uii~ e lajob iáang` óo'na' e jmoo'na', joba' lajob iing~ nijmé- cajo jaléng' i dsea` seeng` e fi' lí se' Macedonia do. 3 Jo dsu' lanagui lab nisín^n fi' na lajì gaang` i dsea` quiá'- Dsea` Jmáang- la, jo lajoba' nilili~ e dseáng'- já- lajii~ júu^ e nicafá'- a uii~ quí-na' cuaiñ~ quiá'- jalé' e seáang'na' do. Co' jnea~ iin~ n e néeb' guiú- quí-na' lí^ laco' nicafá'- a lami~ jéeng'gui. 4 Jo lajob 'né- jmée^na', co' jial fíng song cangolíng- cóo~ jnea~ fi' na tú- 'ní máng'~ dsea` i seeng` fi' Macedonia, jo ninír' e ja mí' néé' guiú- quí-na'. Jo song lajob lí' quí-na', joba' fi'ib' nicá' jnea~ jóng uii~ e eáang' nicajmita~ dsí'naa' cóo~ 'nú'. Jo fá'- a e júu^ na e laco' ja' nifá'- a e 'náb' dsea` ní'íng'na' e fi'í' do. 5 Jo uing~ e lajob, joba' nica'f dsii- e dseáng'- guím' e jang'- nimí'i i dsea` rú'naa' dsea` quiá'- Dsea` Jmáang- la e jang'- nidsi'eer~ 'nú' la'uii~, jo lajoba' cuøong` e nijmicóo'r~ 'nú' e niseáng' lajii~ e nicacuó^na' júu^ quí-na' lami~ jéeng' e niseáang'na'. Jo lajoba' niné- guiú- lajalé' e nicaseáang'na' do e iáang` óo'na', jo o' e 'mang'^ óo'na'.

⁶ Joba' fñi' i 'nú', dsea' rú'naa', e téé' ó'na' e júu' la: "I dsea' i ja' 'leáang' mijú' jní', joba' ja' 'leáang' nisitñiñ' mi' niró'. Jogui i dsea' i jní' jmigui' mijú', joba' jmigui' nisitñiñ' mi' niró'." ⁷ Joba' lajaang' lajaam' dsea' 'né' cuør' lajii' e nica'f' dsíir' e nicuør', jo ja' 'né' cuør' e jo e lijiuung' dsíir' osi e laguidseaang' é, dsuco' eáam' 'neáang' Fidiée' jaléng' i dsea' i cuø' e iáang' dsíi'. ⁸ Jo quíib' Fidiée' jmi' jmér' e nidsijée' guiá' quií'na' e laco' nilisea' jmigui'gui' jalé' e 'né'na'. Jo lajoba' nilisea' quií'na' lalíng' jalé' e jo, jogui cajo niseáam' bi e laco' cuøøng' nijmicóo'na' jaléng' dsea' rúng'na' i 'né' quiá' lajo. ⁹ Dsuco' lalab fé' fí' ni' jì' quiá' Fidiée':

Jo e iáang' dsíi'bre nicacuør' jaléng' dsea' tiñíng',

jogui jalé' e guiá' e cajméer', dseáng' ja' tóo' jmi' fa' e ni'íng'.

¹⁰ Jo Fidiée' dsea' cuør' jalé' e mijú' e jní' dsea', jo í'bi cajo i cuø' e laco' sea' jalé' e gø' dsea'. Jo íb' dsea' nicuør' 'nú' lajalé' e 'né' quií'na' e laco' nijngá'na', jogui dsea' íb' cajo dsea' nijmér' e nidsicuáng'gui' jalé' e ro'na' e laco' cuøøng' e jmicóo'na' e iáang' ó'na' jaléng' dsea' rúng'na'.

¹¹ Jo lajoba' nilisea' quií'na' langíng' íng' jalé' e 'né'na' e laco' cuøøng' e eáang'gui' nijmicóo'na' dsea' rúng'na' e iáang' ó'na'. Jo mi' nijáa'naa' jaléng' dsea' rú'naa' dsea' quiá' Dsea' Jmáang' jalé' e cuu' e nicaseáang'na' do, joba' eáang' nicuør' gui'máang' Fidiée'. ¹² Dsuco' lajii' e nidsicá'naa' do e nicuøø'naa' i dsea' rú'naa' do o' jii' lico' nijmicóo'naa' r' còo' jalé' e 'né', co' lajob cajo, la'eáang' còo' jalé' e nicuøø'naa' r' do, nijmé' e eáang'gui' nicuør' gui'máang' Fidiée'. ¹³ Jo jaléng' i dsea' i ni'íng' lajii' e nicaseáang'na' do, eáang' nijmiféiñ' Fidiée', co' nililí' e dseáng' jmoo' 'nú' núu'na' e júu' quiá' Dsea' Jmáang' e nijá' calíng'na' do. Jogui lajobi i dsea' do cajo nijmi'gø'bre Fidiée' uí' jalé' e iáang' ó'na' e nicajmee'na' guié' jee' ír' jogui jee' jaléng' i caguaang'gui' cajo. ¹⁴ Jogui i dsea' do nimí'biguir Fidiée' uí' quií'na' car' ngocáng' dsíir' uí' jalé' e eáang'guiá' e nicajmée' Fidiée' còo' 'nú'.

¹⁵ Jo gui'máang' Fidiée' uí' quiá' e nicacuør' jneaa'aa' e ja' cøøng' còo'! Jo dseáng' ja' ne'naa' e còo' júu' nifé'naa' cuaiñ' quiá' e jo!

10

Mi' cajmi'óng' 'ñia' Paa' quiá' jaléng' dsea' i 'núng' ír'

¹ Jnea' Paa', jo lana mii' i 'nú' jmi'ee' la'eáang' còo' Dsea' Jmáang', i dsea' i ja' jmiféng' 'ñia' jogui i eáang'guiúng'. Jo seem' dsea' i fé' e mi' táang' jnea' jee' 'nú', lín'n jaang' dsea' i ja' e júung', jogui mi' táan'n lí' huí', lín'n jaang' dsea' i teáb' dsíi' fé' júu' ii'. ² Joba' mii' i 'nú' jmi'ee' e mi' niguié'e e ni'ee' e 'nú' fí' na, ja' jmée'na' jii' còo' e ja' dseeng' e laco' ja' nijmee' e ii' júu' quié' e còo' jaléng' 'nú' lí' laco' í' dsii' e nijmee' e còo' i líng' 'nú' i 'núng' jnea' e jmoo'naa' jalé' e jmoo'naa' lí' laco' lí' dsí'naa' yee'naa'. ³ Jo e já' e lí'naa' dsea' jmigüí', jo dsu' ja' jmáang'naa' ta' jalé' e tíng' ngáng' dsea' jmigüí' e laco' nilí'naa' jaléng' i 'ní' ní' júu' quiá' Dsea' Jmáang'. ⁴ Co' jnea' ja' jmáang'naa' ta' jalé' e qui' tíng' dsea' jmigüí' jmáiñ' ta' mi' 'ní' níng' rúíñ'. Co' jnea' jmáang'naa' ta' bí' 'gøng' quiá' Fidiée', co' e joba' quí' jmi' ni'íng' jalé' e jníng' quiá' júu' quiá' dsea' do, jogui còo' e bí' 'gøng' doba' ni'íng'naa' jalé' e 'núng' júu' quiá' Fidiée', ⁵ jogui còo' e joba' ni'íng'naa' cajo jalé' júu' røo' e ja' cuø' fí' e niliñ' dsea' júu' quiá' dsea' do. Jogui jalé' e í' dsíi' dsea' jmigüí', fí' jaguó' Dsea' Jmáang' guí'naa' e jo e laco' nijmé' núu' jalé' ta' quiá' dsea' do. ⁶ Jo mi' nijmoo' 'nú' núu'na' laco' sí' júu' quiá' Dsea' Jmáang', jo song lajee' jo seem' bi i líng' 'nú' i ja' jmoo' lajo, joba' dseáng' néeb' guiá' quií'naa' e nicuør'naa' iihuí' jaléng' i dsea' í'.

7 Jo 'nú', mĩ ee'go jòø-na', lico' jòø-na' jiĩ laco' jnéeng-, dsu' ja' ca'na' cuente jial dseáng' líí. Jo song i líing' 'nú' ta' ó'na' e líing'na' dsea' quiá'- Dsea' Jmáang-, joba' 'né' ñi'ba' e dsea' quiá'- Dsea' Jmáam- líing' jnea'^ cajo. 8 Jo nañí' fa' cangii~bijiia e fé'naa' guiá- uiĩ quiá'- e ta' e oo-naa' jee' 'nú', jo dsu' ja' jmó'o i' lín-n uiĩ e nicajmée'e lajo. Dsaco' Dsea' Jmáam-bing' i nicacuø' jnea'^ e ta' e oo-naa' la e laco' nijmó'naa' e 'nú' teá'gui nisíng'-na' cóo'~ júu^ quiá'r-, jo o' laco' e niqing'~tu' tucang'na' fí' lí' niteáang'-na'. 9 Jo ja' iin~n e í' ó'na' e lico' fón'-n 'nú' cóo'~ jalé' e jmo'o fí' ni' jì' quié-e. 10 Jo seem' i fé' e eám' iì' jogui huí' jalé' júu^ e tóo' fí' ni' jì' quié-e, jo dsu' mĩ tán'n jee' 'nú' fí' na, ja' ee' tí'í jiĩ capí'^, jogui ja' 'ga' lí' jmi'gó' dsea' jnea~ mĩ fá'-a. 11 Dsu' jaléng' i dsea' i fé' lajo 'né' e ñi'bre e lí' laco' la líing' jnea'^ cóo'~ jalé' e fé'naa' fí' ni' jì' lajee' see'-naa' huí-, dseáng'- lajob líí'naa' cajo cóo'~ jalé' e jmoo-naa' mĩ niguié'naa' jee' 'nú' fí' na.

12 Jo e jáb'- e ja' teá' dsi'naa' e nicøong' yee'naa' conrøø' cóo'~ jaléng' i dsea' i jmoo' ta' jmicøong'~ yaang-. Co' íb' jmáng' yaang' jaléng' i dsea' i jmoo' ta' lajo mĩ guiéeng' í' la'ó' yaaiñ~ jogui mĩ cøong' rúin' conrøø' quiá'- jial líiñ' lajaang' lajaañ'. 13 Jo dsu' jnea'^ ja' nijmijløng'^ yee'naa' líí'gui jiĩ laco' sí'í' cóo'~ e ta' e oo-naa'. Dsaco' Fidiée'bing' i quiá' ta' qui-naa' jie' jiĩ lí' catí'-naa' e nijmó'naa' ta', jo jee' jo quíng'~ 'nú', dsea' seeng'na' fí' na fí' Corinto. 14 Jo uiĩ e lajob líí', joba' jnea'^ ja' cajmé'-naa' ta' lí' ja' catí'-naa' ie' lamí' calisé'naa' jee' 'nú' lamí' jéeng'gui. Co' jneab~ dsea' la'uiĩ i cangocá~ júu^ quiá'- Dsea' Jmáang- jee' 'nú'. 15 Jo jnea'^ ja' jmiráang' yee'naa' cóo'~ jalé' ta' e nicajmée' dsea' jiéng' e jmoo-naa' ta' lí' ja' catí'-naa'. Co' jnea'^ lí' lí' sijeeng'naa' e eáang'gui nijmó'naa' ta' jee' 'nú' e lí' laco' ngóo' teá'gui síng'-na' cóo'~ júu^ quiá'- Dsea' Jmáang-. Jo dsu' nijmó'naa' lajo jee' 'nú' jie' jiĩ lí' catí'-baa'. 16 Jogui jnea'^ sijeem'baa' cajo e niguiá'guí' júu^ quiá'- jial laang' dsea' jee' dsee' quiá'r- e fí' lí' huí' gui eáang' laco' neáang' 'nú', jo dsu' ja' ií'naa' nijmó'naa' lajo fí' lí' ja' catí'-naa'. Dsaco' jnea'^ ja' ií'naa' fa' nijmiráang- yee'naa' cóo'~ jalé' ta' e nicajmée' dsea' jiéng'.

17 Jogui song seeng' dsea' i iing' jmfíng' 'ñia', joba' guiá'-gui e güijmfém'bre Fí'naa' Fidiée'. 18 Dsaco' i dsea' i fé' Fidiée' guiá- uiĩ quiá'-, i dsea' í'bing' i catíng- nilí'goo', jo o' i dsea' i lico' fé' guiá- uiĩ quiá'r- 'ñia'r'.

11

'Né' ñiing' dsí' dsea' cóo'~ jaléng' dsea' i jmi'góo'

1 Jo lana ne~duu' su nité' 'nú' e féng' áa'na' song líí' júu^ íí' jalé' e nifá'-a la! Jo dseáng'- jmee'-ba' té'na' cóo'~ jnea' jialco' jiĩ e cuøong'. 2 Jo jnea~ í'baa' 'goo' quií'-na' e jie' mĩ jmee'na' jalé' e ga'. Co' 'nú' líing'na' lafa' jaang' simí' i ja' ee' sí'ling', joba' nicacuøø- jnea~ 'nú' júu^ quié-e e nijéen-n 'nú' e lafa' nicúung'na' guó'na' dseáng'- cóo'~ jaam' dseañu', jo i dseañu' í, íb' Dsea' Jmáang-. 3 Jo dsu' jnea~ 'gó'baa e niligøong' 'nú' cóo'~ jalé' e í' ó'na', jo jalé' e jo nijmé- e ni'náng'na' e jmfíng'na' Dsea' Jmáang- e guiá- ó'na' jogui e ngocáng' ó'na' lí' laco' calí'- i mi' do cajmigøong'ne! Eva ie' malí' do. 4 Co' 'nú' jmoo'ba' té'na' e iáang' ó'na' cóo'~ lí' doñí' ií' dsea' i guiéé' fé' júu^ quiá'- i jiéng'gui laco' Jesús lí' laco' e júu^ e nicaguiá' jnea'^ jee' 'nú'; jogui e guiá- ó'ba' íing'na' jmi'guí' e jie' lí' laco' e Jmi'guí' quiá'- Fidiée' e nica'íing'na' do; jogui íing'na' cajo júu^ e jie'gui quiá'- jial laang' dsea' jee' jalé' dsee' quiá'r- lí' laco'gui e nica'íing'na' do. 5 Jo dsu' jnea~ ja' í' dsii- fa' e uóng'-guí' laco' i dsea' i jing'- e líiñ' dsea' cøong' i síng' Dsea' Jmáang- cuaiñ' quiá'r- cóo'~ i güitáang- 'nú' do. 6 Jo nañí' fa' jnea~ ja' tén'n fá'-a júu^ jlo'^ mĩ guiaa- júu^

quia' Fidiée, jo dsu' ja' lín'n lajo cóo' jalé' e tiiñ' ngán'n. Jo 'núb' dsea' nicañí'na' e lajob lí'naa' cóo' jalé' e nicajmé'naa' jee' 'nú'.

7 Jo ja' í' áa'na' e cajmé' e ga' dsu' uí' e ja' cacá'a jí' ca'í' ie' lamí' cagua'jee' 'nú' e júu' quia' jiallaang' dsea' jee' jalé' dsee' quia'r, có' ie' jo, jnea' cajgiaang' 'ñiá'a' fí' quini'na' e laco' 'nú' casáng'na' yá'gui. 8 Co' jnea' nica'ín' cuu' e nicacuø' dsea' quia' Dsea' Jmaang' i seeng' fí' lí' jíe' e laco' sea' e jmaán' ta' lajee' e jmoo' ta' fí' quini'na'. 9 Jo lajee' e cataan' jee' 'nú' líim' ee' cali'né' e, jo dsu' jí' jaang' 'nú' líing' ee' camí'i, có' mí' cagüiling' jaléng' dsea' rú'naa' dsea' quia' Dsea' Jmaang' i seeng' fí' lí' se' Macedonia, í'bing' i cacuø' jnea' jalé' e 'né' e. Dsaco' jnea' cajmé' e úung' e ja' ee' camí'i 'nú' e 'né' e, jogui dseáng' lajob nijmee' guí' cajo e jí' cóo' ja' ee' nimí' i 'nú'. 10 Jo uí' e dseáng' eám' nita' dsii' e cuí'baa jalé' júu' quia' Dsea' Jmaang', joba' jí' jaang' dsea' i seeng' fí' latøng' lí' se' Acaya cuøng' lí' jniñ' quie' e e éang' íaang' dsí' dsu' uí' e ja' mí' camí' i 'nú' jalé' e 'né' e. 11 Jo çjali' fá' a lala líing' 'nú'? ¿Su e í' áa'na' e ja' 'neáan' 'nú'? iU, dseáng' o' lajo! iCo' ñib' Fidiée' e eám' 'neáang' jnea' 'nú'!

12 Jo dseáng' mí' 'noo'bi nijmee' e jí' laco' jmoo'o jee' 'nú', jo lajoba' ja' nicuøø' fí' jaléng' i dsea' i ngí' 'no' uíing' jial e nijmi'íaang' dsí' jí' laco' e íaang' dsí' jnea'. 13 Co' jaléng' i dsea' í' lico' ngir' jmoo' ta' jmigøøng' dseab', dsaco' ngir' fé'r e líiñ' dsea' i casíng' Dsea' Jmaang' cuaiñ' quia', jo dsu' o' já' e líiñ' lajo.

14 Jo dsu' ja' dsigá' dsí'naa' e jmoo' lajo, dsaco' 'ñia' fí' i 'líng' i síi' Satanás cajo, jmáng' 'ñia'r e líiñ' lafa' jaang' ángel' i jing' i casíng' Fidiée'. 15 Jo ja' 'né' fa' e nidsi'gá' dsí'naa' cajo, có' lajob líng' jaléng' i dsea' i jmoo' ta' quia' fí' i 'líng'; có' jaléng' i dsea' í' jmáng' yaaiñ' e líiñ' dsea' guiúng'. Jo dsu' niguiéeb' jmí' mí' ni'íñ' iihu' lí' laco'gui catíng' cóo' jalé' e jmoo' do.

Jalé' iihu' e cangong' Paa'

16 Jo fí' túu' 'nú' calé' catú' e jí' jaang' 'nú' ni'í' áa'na' e jnea' ja' røø' lí' i; jo dsu' song lajobi' í' áa'na' e lín'n, joba' cuøø'na' jnea' fí' e nifón' 'nú' laco'gui fé' jaang' dsea' i líng' lajo, jo lajoba' cuøøng' e nijmee' jnea' e ráan' capí'. 17 Jo dsu' e jmiráang' jia' 'ñiá'a' la jmoo'o lajo e lafa' ja' røø' lí'baa jo dsu' o' laco' ta' quia' Fí'naa' Dsea' Jmaang' e nijmee' e. 18 Dsaco' fíim' dsea' seeiñ' e jmiráang' yaaiñ' cóo' jalé' e tiiñ' ngáin' fí' jmigü' la, joba' lajob nijmiráang' 'ñiá' jnea' cajo. 19 Jo e jáb' e eéang' jmí' 'nú', jo dsu' jmoo'ba' té'na' e íaang' óo'na' cóo' jaléng' i dsea' i ja' røø' lí', 20 jogui jmoo'ba' té'na' cajo cóo' jaléng' i dsea' i quia' 'nú' ta' e nijmee'na' ta' fí' quini'na', osi e jmi'í'r' jalé' e sea' quí'na', osi e jmigøøiñ' 'nú', osi e ja' jí'r' 'nú', osi e jmáin' 'nú' ga' é. 21 Jo dsu' i' líim'baa e nifí' i 'nú' e jnea' ja' caliseá' bí' quí'naa' fa' cajmó'naa' lajo cóo' 'nú'.

Jo song i dsea' i caguaang' gui do teáb' dsí' e jmiráang' yaaiñ', joba' teáb' dsí' jnea' e nijmee' e lajo cajo, nañí' fa' fá' a la fé' jaang' dsea' i ja' røø' lí'. 22 Co' jmiráang' yaang' i dsea' í' dsu' uí' e líiñ' dsea' hebreo, jo dsu' lajob líng' jnea' cajo; jogui jmiráang' yaaiñ' dsu' uí' e líiñ' dsea' Israel, jo dsu' lajob líng' jnea' cajo; jogui jmiráang' yaaiñ' dsu' uí' e líiñ' siju' 'lí' yúu' Abraham, jo dsu' lajob líng' jnea' cajo. 23 Jogui i dsea' í' jmiráang' yaaiñ' e jmoo' ta' e nicangíñ' quia' Dsea' Jmaang', jo dsu' jnea' gui eéang' gui jmoo'o e ta' e nicangíñ' quia' Dsea' Jmaang' laco'gui i dsea' í'; jo dsu' fá' a lana lafa' fé' jaang' dsea' i ja' røø' lí'. Dsaco' jnea' eéang' gui nicajmé' e e ta' jo laco'gui i dsea' í', jogui jmigui'gui ya' nica'jning' dsea' jnea' fí' dsí' 'nú' laco'gui i dsea' í', jogui eéang' gui nicabøøng' dsea' jnea' laco'gui i dsea' í', jogui cajo jmigui'gui ya' jia' ja' mí' cajún' n. 24 Jo lajee' 'ñiá' née' cabøøng' dsea'

judío jnea~ guiguí dsí ñá~ ya' cóo'~ 'nii~. ²⁵ Jogui 'ni' ya' cabóøiñ~ jnea~ cóo'~ sñ~, jogui cóo' ya' casí'ló'r' jnea~ cuu~. Jogui 'ni' ya' cango'ang' móa' fí lí' iuun~, jogui cóo' ya' cangongiñ~ n e cajáa' a fí' ni~ jmiñí' lajee' cóo' jmiñ' jogui cóo' uøø. ²⁶ Jogui eáam' nicajmé~ e ta~ ngí', jogui eáam' nicalidseáang'~ seen~ mi~ cuóo'~ o jalé' gua' jogui mi~ jín' n jaléng' h' jogui mi~ seen~ jee~ jaléng' dsea' góo' o cóo' gui mi~ seen~ jee~ jaléng' dsea' i ja' líng' lajo. Jogui lajobi nicalidseáang'~ seen~ fí' lacaang' góo' dsea' cóo' gui lacaang' jee~ mó' jogui lacaang' fí' ni~ jmiñí'. Jogui nicalidseáam'~ bi seen~ cajo fí' jee~ jaléng' dsea' i jmicaang' e líiñ' dsea' quía'~ Dsea' Jmáang~. ²⁷ Jo eáang' nicajmé~ e ta~ ii', jogui huíng' nicangojée' quíe~ e, jogui jmiguiab' ya' ja' mí' caliseá' fí' quíe~ e fa' e güññ~ laco' sí' í', jogui nicamó'~ baa oo~ cóo'~ jalé' e gó'ø jogui cóo'~ jalé' jmiñ' e gú' u, jogui jmiguiab' ya' nicajáa' e ja' mí' cagó'ø ii~, jogui nicangongiñ~ baa iihuí' mi~ tí' jii' güíi~, jogui nicangongiñ~ baa iihuí' cajo uíi' e ja' sea' sí' i. ²⁸ Jo o' cóo'~ jii' e na eáang' huíng' nicangojée' quíe~ e, co' eáang' huíng' dsijée' quíe~ e laco' jmiñ' uii~ e guing' dsii~ jial seeng' lajaléng' dsea' quía'~ Dsea' Jmáang~. ²⁹ Jo song' i líng' dsea' quía'~ Dsea' Jmáang~ ja' quí' r~ jmiñ' cóo'~ e ta~ e nicangongiñ' quía'~ Fidiée', joba' lafa' lajob líng' jnea~ cajo. Jogui song' i líng' i dsea' la' í' cajméer' e catóng' jaang' gui dsea' rúñ' fí' ni~ dsee~, joba' eáam' niliguiñ~ n. ³⁰ Jo song' seab' uing' e nijmiráang' ñiá' a, joba' lajob nijmee' e cóo'~ jalé' e cuø lí' e ja' quí' i jmiñ' jmóo' o. ³¹ Jo Fidiée', i líng' Tiquiá' Fí' naa' Dsea' Jmáang~, í'bing' i catúng' nijmiféng' naa' car' ngongí' jmiñ', jogui dsea' íb' dsea' niñí' røø' cajo e jmang' júu' ja' ba' nicafá' a. ³² Jo ie~ mi~ cataan~ n fí' Damasco, i dseata~ i quíu' ta' fí' jo i jmoo' ta' quía'~ dseata~ dsea' féng' i sii' Aretas do, casíiñ' 'léé~ quía' r~ fí' tí' jni' e lí' si' íá' cuu~ e si' lacúng' e fñ' do e laco' ja' nicuør' fí' e nijúu' u, co' lamí' iñ~ e nisáñ' jnea~ jo nitøør' jnea~ fí' dsí' 'nuñí'. ³³ Jo dsu' calisém' dsea' i cajgiáang' jnea~ fí' dse' e íá' cuu~ quía'~ e fñ' do e iuun~ fí' cóo' dsí' 'matá', jo lajoba' calí' i e caláan~ n fí' jaguó' i dseata~ do.

12

Jalé' e cangá' Paa'

¹ Jo nañí' fa' jii' cóo' ja' ee' lí' i dsu' uíi' e jmiráang' ñiá' a, jo dsu' lanagui 'né' ba' e nifñ' i 'ná' jalé' e nicamó' o lafa' mi~ quí' jogui jalé' e nicalíñ' n e ja' mí' cajmijnéeng' Fidiée' jéeng' gui. ² Co' jnea~ cuíim' baa jaang' dseañu' i líng' dsea' quía'~ Dsea' Jmáang~, jogui lana ningóo' guiquíu' jii' mi~ cajéeng' Fidiée' ír' cateá' fí' lí' catí' 'ni' yú' jmiñí'. Jo dsu' ja' ñii' si cangó' i dsea' do cóo'~ ngúu' táaiñ' osi lajii' jmiñí' quía'~ bre é, co' dseáng' lajii' Fidiée' bing' i ñí' jalé' e jo. ³⁻⁴ Jo dsu' ñib' jnea~ e i dseañu' do cangór' fí' ñifí', jo fí' jo canúur' júu' e dseáng' jii' ja' ñí' dsea' jial nifé' r' uíi' e jlo' eáang', jogui e jii' jaang' dsea' jmiñí' sea' fí' quía' r~ fa' e nifé' r' lajo; jo lifa' doba' ja' ñii' su cangó' i dsea' do cóo'~ ngúu' táaiñ' osi jii' cóo'~ jmiñí' quía'~ bre é, co' dseáng' lajii' ñiáb' Fidiée' ñir' e jo. ⁵ Jo jnea~ cuøøm' lí' jmiráang' ñiá' a uii~ quía'~ jaang' i dsea' la' í', jo dsu' o' nijmiráang' ñiá' a uii~ quíe~ e ñiá' a, lifa' nijmiráam' ñiá' a jii' quía'~ e ja' quí' i jmiñ' jmee'. ⁶ Jo nañí' fa' iim' baa e nijmiráang' ñiá' a, jo dsu' song' jmóo' o lajo, ofa' e lín' n jaang' dsea' i ja' røø' lí' í', dsuco' júu' ja' lí' jalé' e fá' a na. Jo dsu' ja' iin~ n e ni' fí' dsí' dsea' e niing' guí' jii' laco' e jnéen~ n osi laco' jii' e jmóo' o osi jii' laco' e fá' a é. ⁷ Jo dsu' e laco' ja' ni' fí' dsii' e niing' guí' laco' jii' e lín' n lana dsu' uíi' e ca' iin~ n quía'~ Fidiée' jalé' e jlo' e ja' mí' cajmijnéeiñ' jéeng' gui, joba' cangíñ' n cóo' iihuí' e lí' lafa' cóo' tóo' e ca' ién~ n, jo e jo lí' lafa' cóo' e jmáng' ta' fí' i 'líng' i sii' Satanás e jmiñí' jnea~ ga. ⁸ Jo 'ni' née'~ nicamí' i Fí' naa' Dsea' Jmáang~ e nijé' r~ e iihuí' do quíe~ e,

9 Jo dsu' ír' nicasí' r- jnea~ lala: "Lajíí~ e guiún- n cóo'~ 'nu'ba' e 'né- quií'-, co' la'eáang' cóo'~ jaléng' i dsea` i ja' quíí~ jmií~ yaang~ cóo'~ jalé' e jmóo' eáang' gui jnéeng- jial tíí 'gøn'n." Jo uíí~ e lajob líí, joba' jmi'iaam` dsii- cóo'~ jalé' e ja' quíí~ i jmií~ jmee~ e 'ñiá'a, co' la'eáang' cóo'~ e joba' jmili~ Dsea` Jmáang- jial tíí 'gøiñ'. 10 Jogui jmi'iaam` dsii- cajo uíí~ quiá'- jalé' e ja' quíí~ i jmií~ jmee~ e 'ñiá'a do, jogui lajob lín'n cajo mi~ jmineang' dsea` jnea~, jogui mi~ ja' 'ga' lí' sea` jalé' e 'né'-e, jogui mi~ jmáng' dsea` jnea~ ga, jogui mi~ dsijéé' huíng' quié'-e; jo dsu' lí'iaang` dsii- mi~ dsingín- n jalé' e na dsu' uíí~ e lín'n dsea` quiá'- Dsea` Jmáang-, dsuco' mi~ lí'i e eáang' gui ja' quíí~ jmií~ jmee- 'ñiá'a, joba' eáang' gui quií~ i jmií~ e jmóo'o.

Eáang' guíng~ dsí' Paa- jaléng' dsea` i seeng' fí' Corinto

11 Jo jnea~ lafa' jaang` dsea` i ja' røø' lí' lín'n uíí~ cóo'~ jalé' e nica'fá'-a na uii~ quié'-e; jo dsu' 'núb' dsea` nica'cuóø'~ na' jnea~ 'goo' e nica'fá'-a lana. Co' 'nú' dsea` catíng- na' e nifo'na' guiá- uii~ quié'-e. Jo nañí' fa' ja' 'ga' lí' niim- bi jnea~, dsu' ja' uøng- guíí' laco' i dsea` caguiaang- gui i güitáang- 'nú' cóo'~ do i ngí' fé' e lííñ' dsea` cóøng' i casíng' Dsea` Jmáang- cuaiñ~ quiá'r-. 12 Jo 'núb' dsea` tíí' ní'na' e lajee~ e nica'taan~ n jee~ 'nú', dseáng'- lajang' júu^ lím'baa jaang` dsea` i casíng' Dsea` Jmáang- cuaiñ~ quiá'r-, co' nica'jmé'-baa té' e cóo'~ jalé' iihuíí' e dsingín- n. Jogui cuø' lí' cajo e lím'baa jaang` dsea' la'í' uii~ cóo'~ jalé' e lí' e quíí~ i jmií~ e dsigá' dsíí' dsea` e nica'jmé'-e la'eáang' cóo'~ bí' 'gøng' quiá'- Fidiéé'. 13 Jo dsu' ofa' cajmi' uøng- guíí' 'nú' uíí~ e ja' ee' camíí~ i 'nú' fa' e nijmicóo'~ na' jnea~ lí' laco' gui nica'jmé'-e cóo'~ jaléng' dsea` quiá'- Dsea` Jmáang- i seeng' fí' lí' jié'. Joba' féng' óo'na' uii~ quié'-e fíng' song' uíí~ e joba' cajmi'quíng' óo'na'.

14 Jogui lanagui ninéeb' guiá- quié'-e e ni'ée~ túu 'nú' e catí' 'ní' ya', jo dsu' o'gui lana nimíí~ i 'nú' jalé' e 'né'-e. Dsuco' ja' 'nó' jnea~ jalé' e sea` quií- 'nú', dsuco' jíí~ 'nú'bing' i 'nán'n. Co' 'núb' dsea` líng'na' lafa' jóo'o, cofa' jaléng' tiquiá'^ dsea` 'né- to' fíím'bre jiuung~ quiá'r-, jo o' i jiuung~ quiá'r- do 'né- to' fííng' tiquiá'r^. 15 Jo jnea~ e guiá- dsí'baa nijmeáan~ n ta~ jalé' e sea` quié'-e, jo jí'gui cartí' 'ñiá'a nijmeáan~ n 'ñiá'a lajo e laco' ni'uíng- guiá- quií-na'; jo dsu' laco' ngóo' e eáang' gui lí'neáan'n 'nú', 'nú' lí' riquí' jmoo'na' cóo'~ jnea~, co' jíu'gui 'neáang'na' jnea~ laco'o' ya'.

16 Jo e jáb'- e lajee~ e cataang~ jnea~ cóo'~ 'nú' fí' na, jíí~ coo' ja' ee' camíí~ i 'nú' e 'né'-e, jo dsu' seem` i lííng' 'nú' i fé' e lico' cajmé'-e e caligóm'ba' e jíí~ ja' calilí'na' lajo. 17 Jo dseáng'- ja' mí' cajmigóøng' jnea~ 'nú' cóo'~ i dsea` i nicasín- n i nica'ngo'ee~ 'nú' fí' na. 18 Jo camíí~ i Tito jmi'ee~ e nidsi'éer~ 'nú' fí' na, jo colíng~ cóo'~ ír' casín- n i jaang'gui dsea` rú'naa' dsea` quiá'- Dsea` Jmáang-. Jo i Tito do dseáng'- ja' cajmigóøm'bre 'nú' mi~ caguiér- fí' na; jo dseáng'- e jáb'- cajo e lajì huóo'-baa' røø' nica'lee'-naa', co' conrøøb` í' dsí'naa'.

19 Jo jangám- ni'í' áa'na' cóo'~ jalé' e júu^ la e jmi'øng' yee~naa' fí' quini'na', jo dsu' dseáng'- o' lajo, co' jnea' lí' lí' fé'naa' fí' quini' Fidiéé~ jalé' e júu^ na jogui uíí~ e líí'naa' dsea` quiá'- Dsea` Jmáang- cajo. Jo jalé' e júu^ e síí'naa' 'nú', dsea` rú'naa' i 'neáan'n eáang', e lí' laco' nidsicuáng'gui quií-na' cóo'~ júu^ quiá'- Dsea` Jmáang-. 20 Jo fá'-a jalé' e júu^ na, co' 'gób'jiu e mi~ niguiéé' e ni'ee~ e 'nú' fí' na, ja' niguién'n 'nú' jíí~ laco' iin~ n e lííng'na', jogui 'nú' cajo ja' nimáang- na' jnea~ jíí~ laco' e í' óo'na' e lín'n. Co' 'gób'jiu e jmoo'na' ta~ jííng' jogui ta~ dsihuíng' quiá'- rúng' jogui ta~ guíng' quiá'- rúng' jogui ta~ guíng' dsíí' jíí~ cuaiñ~ quií-na' yaang~na', jogui e ngí'na' ta~ quié' jalé' adsee, jogui e ééng'na' dsea` rúng'na', jogui e jmiráang^ yaang~na', jogui cajo e 'lee~na' quiá'- dsea` rúng'na'. 21 Jogui 'gó'bí' cajo e mi~ niguiéé' e ni'ee~ e 'nú' fí' na calé' catú-, Fidiéé~ nijmér- e nilí' í' lín- n uii~ quií-na', jogui nijmér- cajo e nilín- n

fí' car` niquí' i uii` quiá' i fíng' 'nú' cóo' jalé' e dsee` e ñíling`na' ee`na' malíi` eáang', co' ja` mí' catúu'bi' e jmoo`na' jalé' e 'lí' e lí' dsí' ngúu' táang`na' o'gui mí' catúu'na' e jmoo`na' jalé' e ja` catíng` dsea` jmóor` cóo' ngúu' táaiñ` cóo' lí' doñí' ií` dsea', jogui cajo dseáng' ja` mí' catúu'bi' e jmoo`na' jalé' e 'lí' lana lí' laco' quí' tíng`na' e jmoo`na' latí' jmií` na.

13

Júu` ñ' 'goo` lí' cadséng` quiá'` Paa`

¹ Jo nití' 'ní' ya' e ni'ee` e 'nú' mí' niguiéé' e fí' na fí' Corinto. Jo fí' ni` jì' quiá' Fidiéé' fé' e 'neáng` gáng` osi fíng'gui dsea` i tí' ni` e laco' cuóøng` ní' í' mí' ee`go ga` jmoo` dsea'. ² Jo ie` mí' cataan`n cóo' 'nú' fí' na e catí' tú` ya', ca'í' baa' 'goo' quiá' jaléng' i nica'lee' lami` jéeng'gui, jo co' lanagui huím` táan`n laco' seeng`na', joba' í' túu' 'goo' quiá' jaléng' í' jogui quiá' jaléng' dsea` caguaang` gui cajo, e mí' niguiéé' túu' fí' na, dseáng' ngóo' e guiab' dsii` e nicuóøø` ihuú' laco' catíng` lajaléng' í', jo dseáng' ja` nijmee`baa' féng' dsii`. ³ Jo dsu' uí' e 'nú' iing`na' ñí'na' røø` e su` já' e fé' Dsea` Jmáang` la'eáang' jnea`, joba' dseáng' ni'ée`baa' 'nú' e lajob` lí'. Jo Dsea` Jmáam` ja` ua` líiñ` cóo' jalé' e jmóor` jee` 'nú', co' jmijnéem`bre jial` tí' 'gøiñ'. ⁴ Jo e` jáb' e jaang` dsea` jmigüi` i ua` líng` Dsea` Jmáang` ie` mí' cajúin` fí' dse` crúu', jo dsu' seeiñ` la'eáang' cóo' bí' 'gøng' quiá' Fidiéé'. Jogui e` já' bi' cajo e jnea' lí'naa' dsea` jmigüi` i ua` lí' laco' lami` líng' ír', jo dsu' jnea' nilisee`naa' cóo' 'nú' fí' na la'eáang' cóo' bí' 'gøng' quiá' Fidiéé' lí' laco'gui la seeng` Dsea` Jmáang` ñia'r` e laco' cuóøng` e nijmó`naa' ta` fí' quini`na'.

⁵ Jogui lana, dsea` rú'naa', fí' i 'nú' e nijáang` yaang`na' su` dseáng' lajang` júu` teá' teáang`na' cóo' júu` quiá' Dsea` Jmáang`, jogui e nijøø`na' cajo jial` í' óo'na'. Jogui cajo niñí'baa' e cøøm` seeng` Dsea` Jmáang` cóo' 'nú', jo song` ja` lí' lajo, joba' dseáng' nicalitúng` óo'na' lajii` e fí' guiá' lí' niteáang`na' cóo' júu` quiá' dsea` do. ⁶ Jogui dseáng' nitab` dsii` e jáb' líng' 'nú' e dseáng' ja` mí' calitúng` dsii` jnea' lajii` e fí' guiá' lí' nitée`naa' cóo' dsea` do. ⁷ Joba' jnea' mii`naa' Fidiéé' uii` quí'na' e lí' laco' ja` nijmée`na' jii` coo' e ga`. Jo dsu' jnea' ja` jmoo`naa' lajo e lí' laco' nijmilí'naa' fí' quini` dsea` rú'naa' e nicateá' lí'naa' lajii` fí' guiá' lí' nitée`naa' cóo' Dsea` Jmáang`, co' jnea' mii`naa' Fidiéé' e lí' laco' 'nú' nijmée`na' jmang' e guiá', nañí' fa' jnéeng`naa' e lí'naa' dsea` i nicalitúng` dsii' lajii` fí' guiá' lí' nitée`naa'. ⁸ Dsaco' jnea' catí'naa' e nijmó`naa' dseáng' jii` laco' fé' júu` quiá' Dsea` Jmáang`, co' ja` catíng` fa' e nijmó`naa' jalé' e jié' jii` laco' la fé' e júu` jo. ⁹ Joba' jnea' eáang' íaang` dsii'naa' mí' ja' 'ga' lí' quí'naa' jmií` cóo' jalé' e jmoo`naa', jo dsu' lajee` jo teáb' teáang` 'nú' lajii` fí' guiá' lí' niteáang`na' cóo' Dsea` Jmáang`. Jogui cajo dseáng' mí' 'noo'bi' nimí'naa' Fidiéé' e laco' nisíng`tu' teá' fí' guiá' cóo' dsea` do. ¹⁰ Jo uí' e lajob` lí', joba' jmo'o` e jì' la quí'na' ná'gui e ninii` i e ni'ee` e 'nú' fí' na e laco' mí' niguiéé' e fí' na, ja` ngii` lí' fa' 'né' e nijmeáan`n ta` e ta` e oo` la e nicang`n`n quiá' Dsea` Jmáang` e laco' ni'í' i 'goo' quí'na' dseáng' lahuíng'. Dsaco' Dsea` Jmáang` nicacuø'r` jnea` e ta` e oo` la e laco' nijmee` e 'nú' teá'gui nisíng`na' fí' guiá' cóo'r` jo o' e laco' niquíng`tu' tucang`na' e fí' lí' niteáang`na'.

¹¹ Jo lí' ngóo' cadséng`, dsea` rú'naa' dsea` quiá' Dsea` Jmáang`, iin`n e seeng`na' e íaang` óo'ba', jogui jmi'úung`na' e laco' nisíng`tu' teá' e fí' guiá' cóo' Dsea` Jmáang`, jogui cuóø' bí' rúng`na', jogui røø' siing`na' lajaléng`na', jogui güiliseem`ba' juguiá' júu` røø' conrøø' lajiiing`na'. Jo lajoba' Fidiéé' i 'neáang` jneaa`aa' do jogui i cuø' jneaa`aa' e see`naa' juguiá' júu` røø', dseáng' cøøm` niliseeiñ` cóo' 'nú'.

¹² Jogui féeng'~ rúng'na' e se' guoo` rúng'na' lacoq` ya' mi~ jié` jing' rúng'na'.

¹³ Jo lajim` dsea` rú'naa' dsea` quiá'- Dsea` Jmáang- i seeng` fi' la guiéiñ' júu^ guicóo'~ quií-na'.

¹⁴ Jo mí'~i Fí'naa' Dsea` Jmáang- e laco' niliñí^gui' jial tí' guiúíñ- cóo'~ 'ná' jogui e niliñí^gui' jial tí' 'neáang` Fidiéé' 'ná', jogui cajo e laco' yejí- güiliseeng` Jmiguí quiá'- Fidiéé' cøøng` cóo'~ 'ná' lajaléng'na'.

Jo lajob nilí.

Jo lana cató' e jì catí tú- quiá'- Paa- e catíng- jaléng' dsea` quiá'- Dsea` Jmáang- i seeng` fi' Corinto.

Júu[^] e toq[~] fi' ni[~] ji` quiá[']- Paa⁻ e catíng⁻ dsea[`] seeng[`] fi' GALACIA

¹ Jnea[~] Paa⁻ línⁿ jaang[`] dsea[`] apóo[^] i óo[`] ta[~] quiá[']- Dsea[`] Jmáang⁻, dsu['] o['] dsea[`] jmigüí[^] i ca'náang⁻ jnea[~] o'gui dsea[`] jmigüí[^] i casíng[`] jnea[~] e nijmee[~] e e ta[~] la, dsuco['] Dsea[`] Jmáang⁻ 'ñia['] bre cóo[']~gui Tiquí[']ii' Fidié[~], í'bing['] i cajmé[~] lajo, jo Tiquí[']ii' Fidié[~], íb[`] cajo cajmé[~] e cají[']tu Jóor['] Dsea[`] Jmáang⁻ mi[~] cangí[^] e cajúñ⁻. ² Jo jnea[~], colíng[~] cóo[']~ jaléng['] dsea[`] quiá[']- Dsea[`] Jmáang⁻ i caguiaang⁻gui i taang[~] cóo['] jnea[~] fi' la, guiéeng[']~naa['] júu[^] guicóo['] qui⁻na['] jaléng['] 'nú['], dsea[`] quiá[']- Dsea[`] Jmáang⁻ i neáang['] fi' lí[~] se['] Galacia. ³ Jo nimí['] i Tiquí[']naa['] Fidié[~] cóo[']~gui Fí[']naa['] Dsea[`] Jmáang⁻ e ni'í⁻ güea[^] quiá[']r⁻ jee[~] 'nú['] jogui e nicuó[']r⁻ 'nú['] e seeng[']na['] juguíá['] júu[^] røø. ⁴ Jo Dsea[`] Jmáam⁻bing['] i cacuøøng['] 'ñia['] e cajúñ⁻ fi' dse['] crúu[^] uí[~] dsee⁻ qui⁻naa['] e laco['] ja['] nisíng['] yee[~]naa['] fi' ga['] cóo[']~ jalé['] e 'lí[^] e sea['] fi' jmigüí[^] la, co['] lajob calí[']ing[~] Tiquí[']ii' Fidié[~] e cajmé[~]. ⁵ iMajmifém[']baa[']re lata[~]! Jo lajob 'né⁻ lí[~].

Ja['] sea['] e jié[']gui júu[^] laco['] e júu[^] quiá[']- Dsea[`] Jmáang⁻

⁶ Jo eáam['] dsigá['] dsii⁻ e lajmináb⁻ catiúung['] 'nú['] Fidié[~] e ja['] mí['] ngóo['] eáang['] e cajáang[']~ yaang[~]na['] fi' jaguór['], co['] dsea[`] dobing['] i caguíng['] 'nú['] uí[~] e eáang['] guiúng⁻ Dsea[`] Jmáang⁻ cóo[']~ 'nú[']; jo dsu['] lana, 'nú['] ninaang[']na['] e já['] líng[']na['] júu[^] e jié[']gui laco[']gui júu[^] quiá[']- Dsea[`] Jmáang⁻ e quiá[']- jial laang['] dsea[`] jee[~] dsee⁻ quiá[']r⁻. ⁷ Dsu['] dseáng[']- e já[']- e ja['] sea['] e jié[']gui júu[^], co['] dseáng[']- lají['] júu[^] quiá[']- Dsea[`] Jmáam⁻ba['] sea[']. Dsu['] lají['] e lí['] e seeng['] dsea[`] i jmicaang['] qui⁻na['] jogui iñ[~] nijmisíiñ⁻ júu[^] quiá[']- jial laang['] dsea[`] jee[~] dsee⁻ quiá[']r⁻. ⁸ Dsu['] song seeng['] dsea[`] i jmóo['] lajo, ja['] e lí['] fa['] jneab[~] osi jaang['] ángel i líng['] guotí['] Fidié[~] i jáa['] fi' yá['] jmigüí[^] i guíá['] júu[^] e jié[']gui laco['] júu[^] quiá[']- Dsea[`] Jmáang⁻ e nicaguíá[']naa['] jee[~] 'nú['], jo jnea[~] fá[']a, güigüém['] Fidié[~] fi' lí[^] 'lí[^] i dsea[`] í['] lata[~]. ⁹ Jogui fí[']túu['] 'nú['] calé['] catú['] lají['] e nicafí['] 'nú['] do: Lí[^] doñí['] i['] dsea[`] i guíá['] júu[^] e sisíng[']gui laco['] e júu[^] e nica'íng['] 'nú['] do quiá[']- jial laang['] dsea[`] jee[~] dsee⁻ quiá[']r⁻, jo güi[']naang['] i dsea[`] í['] quiá[']- Fidié[~] lata[~].

¹⁰ Jo e já['], ja['] jmóo['] jnea[~] jí['] e jmi'íáang['] dsí['] dsea[`] jmigüí[^], co['] dseáng[']- lají['] e jmi'íáang['] dsí['] Fidié[~]ba['] jmóo[']. Dsuo['] faco['] jnea[~] iin[~] e lico['] niliseen⁻ guíá['] cóo[']~ jí['] dsea[`] jmigüí[^], joba['] ja['] línⁿ jaang['] dsea[`] i jmóo['] lají['] e iing['] Dsea[`] Jmáang⁻ jóng.

Jial mi[~] ca'uíng⁻ Paa⁻ dsea[`] quiá[']- Dsea[`] Jmáang⁻

¹¹ Joba['] iin[~] e ní[']ba['], dsea[`] rú[']naa['] dsea[`] quiá[']- Dsea[`] Jmáang⁻, e lají['] e júu[^] e guíá['] jnea[~] quiá[']- jial laang['] dsea[`] jee[~] dsee⁻ quiá[']r⁻, dsu['] e júu[^] jo ja['] lí['] laco['] la í['] dsí['] moguí[~] dsea[`] jmigüí[^]. ¹² Jogui ja['] ca'íng['] jnea[~] o'gui calítín['] quiá[']- lí[^] doñí['] i['] dsea[`] jmigüí[^] cajo, co['] dseáng[']- lají['] Dsea[`] Jmáam⁻bing['] cacuøø['] jnea[~] e calicuí['] i e júu[^] jo.

¹³ Jo nicanáub⁻ 'nú['] e ie[~] lamí[~] jéeng[']gui do, lajee[~] ná[']-gui e nilicuín['] Dsea[`] Jmáang⁻, cajmé[~]-baa['] úung['] e cajmití['] røø lají['] e tíng['] dsea[`] áang['] quié⁻ e dsea[`] Israel. Jogui eáam['] ga['] cajméáan['] jaléng['] dsea[`] quiá[']- Dsea[`] Jmáang⁻ co['] cartí['] cajmé[~] e úung['] e nijúum⁻ jaléng['] i dsea[`] í[']. ¹⁴ Jo ie[~] jo, jee[~] jaléng['] dsea[`] rún['] dsea[`] Israel i conrøøng['] jiu cóo[']~ jnea[~], lají['] jnea[~]bing['] i jmití[']gui røø jalé['] e quí[']- tíng['] dsea[`] góo['] dsea[`] Israel e jmóor['], jogui cuøø[']-øre bí['] e laco['] nijmitir['] laco['] sí['] i e jo. ¹⁵ Dsu['] Fidié[~] caguíñ['] jnea[~] e ni'uín['] dsea[`] quiá[']r⁻ latí['] jí['] ie[~] ná[']-gui niliseen⁻baa['], jogui co['] eáam['] 'neáaiñ['] jnea[~] joba['] cató[']r⁻ jnea[~] e nijmee[~] e ta[~] quiá[']r⁻. Jo mi[~] catí['] í['] e iing['] ¹⁶ Fidié[~] e nilíñii⁻ e Jesús líng['] Jóor['],

joba' calicuín`nre e laco' jnea~ niguiaa~ e júu^ quiá'- jial láaiñ` dsea` jee~ jalé' dsee~ quiá'r~, jo nijmee~ e jo jee~ jaléng' dsea` i ja` líng' dsea` Israel. Dsu' ie~ jo ja` cangó-o fa' e cangojminghí' dsea` jiéng' quiá'- e júu^ jo, ¹⁷ o'gui ngó-o fí' Jerusalén ladsifí' cajo e ngosiin~n e júu^ do cóo'~ jaléng' dsea` i líng' dsea` apóo^ quiá'- Dsea` Jmáang~ lajee~ nú' gui e nilíin~n lajo cajo. Dsu' ja` cajmé~ e lajo, co' dsifí' ladob cangó-o fí' Arabia fí' lí' ja` 'ga' lí' dsea` seeng~, jo mi~ cangí jo, caquim'~túu fí' Damasco.

¹⁸ Jo mi~ cangí 'ní' jii` e calicuín`n Dsea` Jmáang~, joguiba' cangó-o fí' Jerusalén e cangojmicuín`n Tú^ Simón, jo cóo'~ íb` cataan~n jii'~ gui'ñiá' jmíi~. ¹⁹ Jo fí' jo, lajii'~ Tiáa~ i rúng' Fí'naa' Dsea` Jmáam~bing' camán~n, jo ja` camán~n dsea` apóo^ quiá'- Dsea` Jmáang~ i jiéng'gui. ²⁰ Jogui dseáng'~ nitab~ dsii' fí' quini' Fidié~ e jalé' e jmo'o la dseáng'~ e jáb'~, co' ja` fá'-a júu^ ta` júu^.

²¹ Jo mi~ cangí e táan`n fí' Jerusalén, joguiba' cangó-o fí' lí' se' Siria cóo'~ gui fí' lí' se' Cilicia. ²² Dsu' ie~ jo, jaléng' dsea` quiá'- Dsea` Jmáang~ i neáng' fí' lí' se' Judea ja` mí' cuiñ` jnea~ dseáng'~ quinií' lana. ²³ Jo lico' núu' i dsea` do e fé' dsea` jiéng' lala uii~ quié~ e: "I dseañu' i jmáng' jneaa~aa' ga' ie~ lamí~ jéeng'gui do, lana ningir' guiar' júu^ quiá'- Dsea` Jmáang~ røøb` laco' jii'~ júu^ e já'- lí' jneaa~aa' do, jo ie~ lamí~ jéeng'gui do cartí' jngam'bre jaléng' dsea` i já'- líng' júu^ jo, co' lamí~ iin~ dseáng'~ ni'ím~ e júu^ do congua'." ²⁴ Joba' i dsea` í' jmiféiñ' Fidié~ uii'~ e nicalisím~ jnea~.

2

Mí' calíng' dsea` apóo^ quiá'- Dsea` Jmáang~ i caguiaang~ gui do júu^ quiá'- Paa~

¹ Jo mi~ cangí guiquiá' jiiing' lajo, cangób~túu fí' Jerusalén colíing' cóo'~ jaang' dsea` rú'naa' dsea` quiá'- Dsea` Jmáang~ i sii' Bernabé, jo jeem~bí jaang'gui dsea` rú'naa' i sii' Tito cajo. ² Dsu' cangó-baa fí' jo, co' lajob júu^ cajmea' Fidié~ jnea~. Jo mi~ caguié~ e fí' Jerusalén, caseáng'naa' fí' cóo' lí' ja` 'ga' lí' dsea` jøø- cóo'~ cóo' tú~ máng'~ dsea` i si'neaang' i teáng~ nifí' quiá'- dsea` quiá'- Dsea` Jmáang~ fí' do, jo lajee~ jo cafí~ire lajii'~ júu^ e guiaa~ jee~ jaléng' dsea` i ja` líng' dsea` Israel e quiá'- jial laang' dsea` jee~ dsee~ quiá'r~. Dsu' cajmé~ e lajo, co' ja` iin~n e ja` ni'íng' i dsea` teáng~ nifí' do jalé' ta~ e nicajmé~ e, co' song lajo, joba' ja` ni'íng' jaléng' dsea` caguiaang~gui e ta~ e nicajmé~ e do jóng. ³ Dsu' jalém' dsea` i quie' nifí' quiá'- dsea` quiá'- Dsea` Jmáang~ fí' Jerusalén røøb` casíiñ` cóo'~ jnea~, jo ja` cajméer laguidseaang~ e ni'íng' Tito e lí' fí' ngúu' táaiñ` lí' laco' quiá'- tíng' dsea` Israel e jmóor~, co' dsea` griegob líiñ` do jo ja` líiñ` dsea` Israel. ⁴ Dsu' e já'-, i líng' dsea` i jmicaang~ e líiñ` dsea` quiá'- Dsea` Jmáang~ cali'íiñ` fa' Tito ni'íñ` e lí' fí' ngúu' táaiñ` do lí' laco' lítíng' dsea` Israel. Jo i dsea` do cangotáaiñ` jee~ jnea' e laco' cár` cuente jial guia~ se~naa' la'eáng' e cajáang' yee~naa' fí' jaguó' Dsea` Jmáang~, co' i dsea` do iin~ fa' jnea' nisí'naa' røø e dseáng'~ 'né~ nijmití~túu' e júu^ quiá' ta~ quiá'- Moi~ do e laco' ni'íng' dsee~ qui'naa'. ⁵ Dsu' dseáng'~ ja` cajmití'naa' jii'~ cóo' laco' iing' i dsea` i jmicaang~ do e laco' ja` nilisíng' júu^ quiá'- Dsea` Jmáang~ e guia'naa' jee~ 'nú' quiá'- jial laang' dsea` jee~ dsee~ quiá'r~, co' iin~naa' e ta~ óo'na' e dseáng'~ jáb'~ e júu^ jo, jo cóo'~ jii'~ e júu^ job laang' dsea` jee~ jalé' dsee~ quiá'r~.

⁶ Jo lajaléng' dsea` i si'neaang~ e teáaiñ~ nifí' quiá'- dsea` quiá'- Dsea` Jmáang~ ja` cajíñ' fa' e jnea~ nijmisín`n lajii'~ e júu^ e guiaa~ do. Dsu' ja' e lí' quié~ jnea~ i i dsea` í, co' røøb` lí'naa' lajalé'naa' fí' quini' Fidié~. ⁷ Jo ja` cajmé~ i dsea` do fa' cajmisíiñ` lajii'~ júu^ e guiaa~ do, co' calilí'bre e Fidié~bing' cacuø' jnea~ e ta~ e jmóo' la lana quiá' e guiaa~ e júu^ jo fí' quini' jaléng' dsea` i ja` líng' dsea` Israel, jo lajobi Fidié~ cajo cacuø'bre Tú^ Simón

ta~ guia' e júu^ jo fí' quini~ jaléng' dsea` i líng' dsea` Israel. ⁸ Jo calilí' i dsea` do e Fidiéé'bing' ca'náang~ Tú^ Simón e nilíin~ dsea` apóo^ quiá'- Dsea` Jmáang~ i guia' júu^ quiá'- dsea` do jee~ jaléng' dsea` Israel, jo lajob cajo ca'náang~ Fidiéé' jnea~ e nilíin~ n dsea` apóo^ quiá'- Dsea` Jmáang~ e laco' niguiaa^ e júu^ jo jee~ jaléng' dsea` i ja` líng' dsea` Israel.

⁹ Jo Tiáa~ cóo'~gui Tú^ Simón jogui Juan i si'neaang~ e líiin' dsea` teáang~ nifí' jee~ jaléng' dsea` quiá'- Dsea` Jmáang~, í'bing' i calilí' e Fidiéé'bing' i cacuo' jnea~ e ta~ jo e iáang' dsír'. Jo laco' calita~ dsír' i dsea` í' e røøb' ta~ jmoo~naa' cóo'r~, co' røøb' júu^ e guia'naa' do, joba' casá'-bre guóo'naa', jnea~ cóo'~ Bernabé, jo catigua' júu^ quí'naa' e jnea'^ nidsijmó'naa' ta~ guia' júu^ quiá'- Dsea` Jmáang~ jee~ jaléng' dsea` i ja` líng' dsea` Israel, jogui i dsea` í' nidsijméer~ ta~ lajob cajo jee~ jaléng' dsea` i líng' dsea` Israel. ¹⁰ Jo jíi'~ laba' casí'-guir jnea'^ e nijmiguie'ng' dsí'naa' e jmicóo'~naa' jaléng' dsea` quiá'- Dsea` Jmáang~ i tiñíing~ i neáang' fí' Jerusalén, dsu' jnea'^ jéem' nicajmi'úung'naa' e jmoo~naa' lajo.

Mi~ ca'gaang' Paa~ quiá'- Tú^ Simón fí' Antioquía

¹¹ Jo mi~ cangí' jo, cangó-o fí' Antioquía, jo lajee~ job caguié~ Tú^ Simón fí' jo, jo cajíim~baare dseáng' fí' quinir' lana, co' ja` dseeng' jalé' e cajméer' do. ¹² Co' lajee~ e ná'-gui niguilíing~ coo' tú~ máng' dsea` Israel i cuíing' rúng' cóo'~ Tiáa~, colíim~ gø' Tú^ Simón cóo'~ jaléng' dsea` quiá'- Dsea` Jmáang~ i ja` líng' dsea` Israel. Dsu' mi~ tí' lí' caguilíing~ í', cajíim' 'nía'r cóo'~ i dsea` i ja` líng' dsea` Israel do, o'gui gø'guir colíing~ cóo'iñ~ do cajo, co' 'gø'm'bre jaléng' dsea` Israel i quiu' ta~ e tóo' lí' fí' ngúu' táang' jaléng' dsea` i ja` líng' dsea` Israel. ¹³ Jo i dsea` Israel caguaang~gui i neáang' fí' Antioquía i líng' dsea` quiá'- Dsea` Jmáang~ canaaíñ' éer' laco'gui Tú^ Simón nañí' fa' níñi'bre'r e ja` dseeng' jalé' e jmóor' do, jo latí' Bernabé canaaíñ' éer' lajo ie~ jo cajo. ¹⁴ Dsu' mi~ calilí' i e ja` røø' ta~ ée' i dsea` do, co' ja` cøøng' røø' cóo'~ júu^ quiá'- Dsea` Jmáang~, joba' ca'gaan~ quiá'- Tú^ Simón fí' quini~ jaléng' dsea` quiá'- Dsea` Jmáang~ i teáang~ do ie~ jo, jo caffí' ire lala: "Nu' calisén' e lin' dsea` Israel, jo nicajmee' e lafa' ja` lin' dsea` Israel, dsuco' jo` jmití' laco' jíi'~ laco' quí'~ tíng' dsea` í' mi~ caquié' cóo'~ dsea` i ja` líng' dsea` Israel. Jo` zjalí' lana iin' e niquíá' ta~ laguidseaang~ quiá'- jaléng' dsea` i ja` líng' dsea` Israel e laco' nijmitir~ jíi'~ laco' quí'~ tíng' dsea` Israel jo lajoba' uíin~ dsea` quiá'- Dsea` Jmáang~? Dseáng' ja` dseeng' laco' í' o'."

Jial íng' Fidiéé' dsea' e ja` røøiñ' dsee~ fí' quinir'

¹⁵ Jogui 'nu), Tú^ Simón, colíing~ cóo'~ jnea~, dsea` Israel lí'naa' latí' mi~ cangáam'~baa', jogui ja` lí'naa' la líng' dsea` i ja` líng' dsea` Israel i í' dsí'naa' e líiin' dsea` dsee~ dsea` quí', co' ja` jmitir~ jalé' júu^ quiu' ta~ quiá'- Moi~ e quí'~ tíng'naa' dsea` lí'íi' dsea` Israel. ¹⁶ Dsu' jneaa~aa' nine~baa' røø' e ja` íng' Fidiéé' jíi'~ jaang' dsea' e líiin' dsea' i ja` røøng' dsee~ dsu' uíi' e jmitir~ e júu^ quiu' ta~ do, co' nine~baa' e jíi'~ e jáang'~ yee~naa' fí' jaguó' Dsea` Jmáam~, lajoba' íng' Fidiéé' jneaa~aa' e ja` dsee~ røø'naa' fí' quinir'. Co' Fidiéé' jíi'~ e jíi'~ jaang' dsea' líiin' dsea' i ja` røøng' dsee~ fí' quini~ dsea` do dsu' uíi' e jmitir~ júu^ quiu' ta~ quiá'- Moi~.

¹⁷ Jo song jmi'úung'naa' jial ni'íng' Fidiéé' jneaa~aa' e ja` dsee~ røø'naa' fí' quinir~ la'eáang' cóo'~ Dsea` Jmáang~, jo lajee~ job calilí'naa' e lí'íi' dsea' dsee~ dsea` quí' cajo, co' ja` cajmití'naa' e júu^ quiu' ta~ do, dsu' o' Dsea` Jmáang~ dsea` cajméer' e jneaa~aa' calilí'naa' lajo. ¹⁸ Jo dsea` dsee~ dsea` quib' lín'n song já'- nilíng'túu e ja` dsee~ røø'n fí' quini~ Fidiéé' dsu' uíi' e jmitíi' e júu^ quiu' ta~ quiá'- Moi~ do mi~ cangí' e nicajáang' 'nía'a' fí' jaguó' Dsea` Jmáang~.

19 Dsaco' jnea~, lana lí' lafa' ni'liim~baa, co' jo` seen~ e e júu^ do quiu'gui ta~ quié~e, dsu' lanagui niseen~ e jmóo'olajíi~ e iing~ Fidiée~. Jo mi~ catáng~ Dsea` Jmáang~ fi' dse' crúu^, joba' lí' lafa' røøb` catán`n cóo'r~. 20 Jo jo` seen~ e laco' iin`n 'ñiá'a lana, co' Dsea` Jmáam~ nijmicóo'~ jnea~ e seen~ laco' iing~ ír. Jo niseen~ fi' jmigüi' la la'eáang' e cajáang'~ 'ñiá'a fi' jaguó` Dsea` Jmáang~. Jo íb` cajo i cajmi'neáang` jnea~ jo cartí cacuøøng` 'ñia'r' e cajúñ~ fi' dse' crúu^ uíi' dsee~ quié~e. 21 Jo ja` niguiaa` ca' lajii~ e guiúng~ Fidiée~ cóo' jnea~. Jo faco' jaang` dsea` quíi'r~ jmíi~ e ni'íng' Fidiée~ ír e ja` røøiñ` dsee~ dsu' uíi' e jmitir~ e júu^ quiu' ta~ quiá'~ Moi~ do, joba' ja` cali'né~ e cajúng~ Dsea` Jmáang~ uíi' dsee~ qui~ii' faco' lajo.

3

Jna~ e la guíng'gui

1 i jmicang~ 'nú', dsea` gálatas! ¿Jialí' ca'uíng~ e cajgiéeng' óo'na' e jo` 'ga' lí' núu~na' júu^ quiá'~ Dsea` Jmáang~? Dsaco' lajee' e nicaguiá' jnea^ júu^ quiá'~ Dsea` Jmáang~ jee~ 'nú', røøb` nica'éé^naa' 'nú' e~ uing~ e catáng~ Dsea` Jmáang~ fi' dse' crúu^.

2 Jo jii~ jo iin`n e jmiguiéng' áa'na' e ja` ca'íng'~na' Jmiguí quiá'~ Fidiée~ la'eáang' e jmití'na' júu^ quiu' ta~ quiá'~ Moi~, co' ca'ím'~ba' dsu' la'eáang' e cajáang'~ yaang~na' fi' jaguó` Dsea` Jmáam~.

3 Dseáng'~ bó~jiu líng'na', co' la'uii' ca'uíng~na' dsea` quiá'~ Dsea` Jmáang~ la'eáang' cóo'~ Jmiguí quiá'~ Fidiéeb~, jogui lana líng~na' e quíi'~ba' jmíi~ e seem`bi' cóo'~ Dsea` Jmáang~ la'eáang' cóo'~ jii~ bí quií~na' yaang~na'. 4 Jo ja` e ta~ cali'íng' quií~na' lajii~ e ca'íng'~na' quiá'~ Fidiée~ lajee' líng'na' dsea` quiá'~ Dsea` Jmáang~ song lanagui ni'íng~na' nicá'na' fi' jieb'.

5 Joba' mi~ cuø' Fidiée~ 'nú' Jmiguí quiá'r~ laco' si'í^ jogui jmóor` jalé' e quíi'r~ jmíi~ jee~ 'nú', dsu' ja` cajméer` lajo uíi'~ 'nú' jmití'na' e júu^ quiu' ta~ quiá'~ Moi~, co' cajmée`bre lajo dsu' la'eáang' e cajáang'~ yaang~na' fi' jaguó` Dsea` Jmáang~ mi~ cangí e canúu~na' júu^ quiá'~ bre.

6 Jo güiguiéng' áa'na' jial cali~ cóo'~ 'líi~ yúu~ Abraham, co' lalab fé' Fidiée~ fi' ni~ jì quiá'r~: “Dseáng'~ jáb'~ cali'ng~ yúu~ Abraham júu^ quié~e, joba' ca'ín'~nre e líiñ` jaang` dsea` i ja` røøng` dsee~.”

7 Joba' güiguiéng' óo'na' cajo e doñi' i dsea` i dseáng'~ jáng'~ 'ñia' fi' jaguó` Fidiée~, jii~ íb` dsea` i líng' joo' 'líi~ yúu~ Abraham.

8 Co' lamí~ jéeng'gui fé' Fidiée~ fi' ni~ jì quiá'r~ e ni'ím'~bre jaléng' dsea` i ja` líng' dsea` Israel e líiñ' dsea` i ja` røøng` dsee~, dsu' lajii~ i dsea` i jáng'~ yaang~ fi' jaguó`bre. Jo lanab líi' e júu^ jlo^ quiá'~ Fidiée~ e cacuø'r' 'líi~ yúu~ Abraham mi~ cajíñ'~ fi' ni~ jì quiá'r~ lala: “Ni'ee~ guiá~ cóo'~ lajiiing` dsea` seeng' fi' la'úng~ fi' jmigüi' la'eáang' cóo'~ 'nú', Abraham.”

Jo lanab jii~ líi' júu^ quiá'~ Fidiée~.

9 Jo lajoba' jaléng' dsea` i nijáng'~ yaang~ fi' jaguó` Fidiée~ lí' laco'gui cajáng'~ 'ñia' 'líi~ yúu~ Abraham, joba' guiáb~ ni'é~ Fidiée~ cóo'~ jaléng' dsea` í.

10 Jogui jaléng' dsea` i í dsí' e Fidiéeb~ ni'íng' ír e líiñ' dsea` i ja` røøng` dsee~ la'eáang' e jmitir~ júu^ quiu' ta~ quiá'~ Moi~, joba' nibíib~ Fidiée~ quiá'~ i dsea` í, co' lalab fé' fi' ni~ jì quiá'r~: “Dseáng'~ nibíib~ Fidiée~ quiá'~ jaléng' dsea` i ja` jmiti~ dseáng'~ røø` contøøng~ jalé' júu^ quiu' ta~ quiá'r~ e ca'íng'~ Moi~”. Jo dsu' jii~ jaang` dsea` quíi'r~ jmíi~ nijmér~ lajo.

11 Joba' nine~baa' røø` e ja` íng' Fidiée~ jii~ jaang` dsea` e líiñ' dsea` i ja` dsee~ røøng` dsu' uíi' e jmitiñ' e júu^ quiu' ta~ quiá'~ Moi~; dsaco' lalab fé' fi' ni~ jì quiá'~ Fidiée~: “Jo la'eáang' e já' líng' jaang` dsea` júu^ quiá'~ Fidiée~, joba' Fidiée~ íñ' i dsea` í e líiñ' jaang` dsea` i ja` røøng` dsee~ fi' quinir~.”

12 Jo e fi' ni~ júu^ quiu' ta~ quiá'~ Moi~ do ja` fé' e 'né~ nijáng'~ yaang~ dsea` fi' jaguó` Fidiée~; dsaco' lalab fé' e júu^ quiu' ta~ do: “Jaléng' dsea` i jmiti~ dseáng'~ røø` contøøng~ e júu^ jo, joba' la'eáang'

cóo' e júu^ dob seeiñ` cajo." 13 Jo Dsea` Jmáam` caquíir' dsee` qui`-ii' e laco' ja` cabíing` Fidiée` jneaa`aa', dsu' o' uíi' e cajmiti`naa' dseáng`- røø` contøøng` laji` júu^ quiu' ta` quiá'- Moi~, co' caquíir' dsee` qui`-ii' la'eéang' e cabíing` Fidiée` ír` cuaiñ` qui` jneaa`aa', dsuco' lalab fé' fí` ni` jì` quiá'- Fidiée': "Mí` júung` dsea` fí` dse` crúu^, joba' cuø` lí` e Fidiéeb` bíi` quiá'r`". 14 Dsu' la'eéang' e caquíi' Dsea` Jmáang` dsee` qui`-ii' fí` dse` crúu^, lajoba' ée` Fidiée` guiá`- cóo'` jaléng` dsea` i` ja` líng` dsea` Israel laco'gui nica'éer` guiá`- cóo'` 'líi` yúu'` Abraham lamí` jéeng`gui eéang` cajo. Jo co' Dsea` Jmáang` caquíi' dsee` qui`-ii' fí` dse` crúu^, lajoba' ni'íng`naa' Jmiguí` quiá'- Fidiée` la'eéang' e cajáang` yee`naa' fí` jaguór`, co' lajob` júu^ nicacuø'r` jneaa`aa' lamí` jéeng`gui.

Mí` cacuø' Fidiée` júu^ 'líi` yúu'` Abraham

15 Joba' fíi` guíi` 'nú', dsea` rú'naa' dsea` quiá'- Dsea` Jmáang`, coo'gui júu^ e laco' cuøøng` lí` síng` dsea': Facó' jaang` dsea` líng` ee` júu^ sñiñ` cóo'` jaang`gui dsea`, jogui caráang` mají` quiá'r`- quiá'- e júu^ do, jogui catéer` niguóor` ni~, jo mi` ningí` jo, joba' jo` cuøøng` fa' nijgiéeng`gui jíi'` camí'` júu^ laco' jíi'` nitoo` e ni` mají` do. 16 Jogui Fidiée` cajmirø'r` júu^ cóo'` 'líi` yúu'` Abraham cóo'`gui jaang` dsea` siju` dsea` do. Güilíni`bì' cajo e ja` tóo' fí` ni` jì` quiá'- Fidiée` fa' e cajmirø'r` e júu^ do quiá'- fíng` dsea` siju` Abraham, co' quiá'- jaam` dsea` e fé' e fí` ni` jì` do, jo íb` Dsea` Jmáang`. 17 Joba' fíi` guíi` 'nú' e júu^ la: Fidiée` cacuø'r` júu^ 'líi` yúu'` Abraham jogui cajmirø'r` júu^ cóo'` dsea` do cajo. Jo mi` cangí`gui cuatrocientos treinta jíi` lajo, ca'íng` Moi` júu^ quiu' ta` quiá'- Fidiée`; dsu' e júu^ jo ja` qui'` jmíi` fa' niguiéng` ca' e júu^ e cajmirø' Fidiée` cóo'` 'líi` yúu'` Abraham do lamí` jéeng`gui, o'gui qui'` jmíi` ni'náng` e jo` ta` íng` e júu^ jo cajo. 18 Facó' jalé' e cuø' Fidiée` jneaa`aa' do íng`naa' la'eéang' e jmiti`naa' e júu^ quiu' ta` quiá'- Moi` do, joba' ja` cacuø' Fidiée` e iáang` dsíir' e jo facó' lajo. Dsu' Fidiée` cajmiti`bre e júu^ e cajmirø'r` cóo'` 'líi` yúu'` Abraham e iáang` dsíir', co' lajob` júu^ nicacuø'r` dsea` do lamí` jéeng`gui.

19 Joba' laco' cuøøng` fe`ee', ¿jie` lí` íng` ta` júu^ quiu' ta` quiá'- Moi'? Co' cacuø' Fidiée` e júu^ quiu' ta` do mi` cangí` e cajméer` júu^ cóo'` 'líi` yúu'` Abraham e laco' nililí' dsea` jmigüi' e røøiñ` dsee`. Jo cali'ím` ta` e jo cartí` cagüéng` i` dsea` sijur` do, co' e júu^ e cajmée` Fidiée` cóo'` 'líi` yúu'` Abraham lamí` jéeng`gui do fé' cuaiñ` quiá'- i` dsea` sijur` dob. Jo la'uii` cangíng` Fidiée` quiá'- jaléng` ángeles i` líng` guotíir` e júu^ quiu' ta` do, jo ígui cangíiñ` quiá'- Moi~, jo Moi`gui cartí` quini` jaléng` dsea` Israel. 20 Dsu' ja` fa' dseáng` la guíng` 'neáng` i` dsea` i` ningíng` e júu^ do mi` e júu^ jo jáa' tí' quini` jaam` dsea`, co' 'ñiab' Fidiée` cangíiñ` e júu^ jo fí' quini` Abraham.

E` uíng` e júu^ quiu' ta` quiá'- Moi`

21 Jo ¿su cuøøm` fe`ee' e e júu^ quiu' ta` quiá'- Moi` do ja` cóøng` røø` cóo'` e júu^ e cajmée` Fidiée` cóo'` 'líi` yúu'` Abraham do? ¡U~, ja` líi` lajo; Dsuco' facó' e júu^ quiu' ta` do cuø' e seeng` dsea` cøøng` cóo'` Fidiée`, joba' facó' lajo cuøøm` sea` lí'íng` Fidiée` dsea` e líiñ` dsea` i` ja` røøng` dsee` song` jmitir` jalé' e júu^ jo. 22 Dsu' lí' laco' fé' Fidiée` fí` ni` jì` quiá'r`, e lajím` dsea` jmigüi' dseáng`- jmitir` lajíi' ta` quiu' dsee` quiá'r`, jo lajoba' Fidiéeb` nicuø'r` jaléng` dsea` i` cajáng` yaang` fí` jaguó` Dsea` Jmáang` lí' laco'gui júu^ cacuø'r` lamí` jéeng`gui. Co' lajob` júu^ cajmirø' Fidiée` lajíi'` ie` mi` nú'`gui e nicuø'r`- Moi` júu^ quiá'r`.

23 Jo lajee` nú'`gui e nigüéeng` Dsea` Jmáang` fí` jmigüi' la e laco' já' nilí'naa' júu^ quiá'r`, joba' e júu^ quiu' ta` quiá'- Moi` do jéeng` jnea' lafa' 'núum`baa' la'ó' lí'naa' dsea` Israel cartí` mi` já' cali'naa' e cagüéng` Dsea` Jmáang` i` caleáang` jnea' jee` dsee` qui`-ii'. 24 Jo laco' jaang` tiquiá'` jiuung` jéeiñ` dsea` 'léeng` i` jmóo'` í` quiá'- jiuung` quiá'r`, jogui lajob` e júu^

quiá' ta~ quiá'- Moi~ do quié' nifí' quí-ii' cartí' mi~ catí' í' e calicuíng'naa' Dsea` Jmáang-, jogui ca'ing' Fidiéé' jneaa~aa' e líí'naa' dsea` i ja` røøng` dsee- la'eáang' e cajáang'~ yee~naa' fí' jaguó' Dsea` Jmáang-. ²⁵ Dsu' lanagui e nicajáang'~ yee~naa' fí' jaguó' dsea` do, joba' jo` 'ga' lí' quié' nifí' quí-naa' e júu^ quiá' ta~ do.

²⁶ Dsüco' jneaa~aa', la'eáang' e nicajáang'~ yee~naa' fí' jaguó' Dsea` Jmáang-, joba' nilíí' jój' Fidiéé' lana. ²⁷ Jo` la'eáang' e nicajgáang'naa' jmü' e cuø' lí' e líí'naa' dsea` quiá'- Dsea` Jmáang-, joba' nilíí'naa' lafa' jaam` dsea` cóo'r~ lana. ²⁸ Jo` jaléng' dsea` quiá'- Dsea` Jmáang-, ja` e líí' si líí'naa' dsea` Israel osi o' lajo` é, si dsea` si'nüim~bi é osi o' lajo` cajo, si líí'bíí' dseañü' osi dseamí' é; dsüco' song see~naa' cøøng` colüing~ cóo'~ Dsea` Jmáang-, joba' lafa' jaam` dsea` líí'naa' lajalé'naa' cóo'r~ jóng. ²⁹ Jo` co' dsea` quiá'- Dsea` Jmáam- nilíí'guíí', joba' dsea` siju` 'líí' yáü'~ Abraham lííí' cajo, joba' dseáng'- catíí'baa' lajüí'~ e cajíng'- Fidiéé' e nicuø'r- dsea` quiá'r- lamí~ jéeng'gui.

4

¹ Jo` e laba' iin~n fíí'guíí' 'nú': Facó' jaang` dsea` seeng` jaang` síming' jiuung~ quiá'r-, jo` lajüí'~ e sea` quiá'- i tiquiá'r` do, joba' i síming' jiuung~ dob nilí' quiá'- mi~ niféng'guir; jo` dsu' lajee` e jiuuiñ~ do, líí' lafa' e o' quiá'-bre, nañí' fa' e quiá'-bre'r mi~ niféíñ'. ² Jo` lajee` jo` i jiuung~ do dsea` jiém' to' fíing` ír` jogui dsea` jiém' née' ní' e sisée^ quiá'r- do. Jo` líí' mi~ catí' í' lajüí'~ júu^ casée' tiquiá' i jiuung~ do, joba' nicuøøng` jmeá'r- ta~ lajüí'~ e casée' dsea` do. ³ Jo` lajob` cangongíí' jneaa~aa' cajo, lajee` e líí'naa' lafa' jiuung~, nú'-gui e nilicuíng'naa' Dsea` Jmáang-, e dseáng'- 'né' jmití'baa' jalé' e quiá' ta~ quií-ii' e quií'- tíí'naa' fí' jmigüí' la. ⁴ Dsu' mi~ catí' í' lajo, joba' casíng' Fidiéé' Jójor' Dsea` Jmáang- fí' jmigüí' la e caliséíñ' laco' liseeng' líí' doñí' ií' dsea' jmigüí'. Jogui co' dsea` Israel líííñ', joba' 'né' jmití-bre e júu^ quiá' ta~ quiá'- Moi~ do. ⁵ Jo` lajoba' caleáaiñ' jnea'^, dsea` líí'naa' dsea` Israel e dseáng'- 'né' jmití'baa' e júu^ quiá' ta~ do e laco' ni'íng' Fidiéé' jnea' e líí'naa' jójor'. ⁶ Jogui calilí' e nilíí'naa' jój' Fidiéé', co' Fidiéé' casííñ' Jmiguí' quiá'r- la'eáang' cóo'~ Jójor' Dsea` Jmáang- fí' dsí'naa' lajaang' lajaang'naa'; joba' la'eáang' e Jmiguí' quiá'- Fidiéé' do fé'naa' lala e íaang' dsí'naa': "¡Teaa~! ¡Teaa~!" ⁷ Jo` lajob` líí', jo` líí'guíí' dsea` i jmití' jalé' ta~ quiá' e quií'- tíí'naa' fí' jmigüí' la, co' lana nilíí'naa' jój' Fidiéé' lajaang' lajaang'naa', jo` lajoba' niñíng'naa' e nicajíñ'- lamí~ jéeng'gui e nicuø'r- dsea` quiá'r-.

Jial guíng' dsíí' Paa- jaléng' dsea` quiá'- Dsea` Jmáang- i seeng' fí' lí' se' Galacia

⁸ Dsu' lamí~ jéeng'gui, lajee` nú'-gui e calicuíng' 'nú' Fidiéé', líng'na' lafa' dsea` si'nüing' uíí'~ e jmití'na' jalé' e quií'- tíng'na' jmoo'na' cóo'~ jaléng' diéé' i o' já'- . ⁹ Dsu' lanagui nicalicuíim'ba' Fidiéé', osi laco' cuøøng' fe'ee', e dsea` íb` dsea` i nicalicuíng' 'nú'. Joba' çjialí' e nijmití'tu' calé' catü- jalé' e quií'- tíng'na' do? Co' e jo` ja` jié' lí' íng' ta~ quií-na' jüí'~ coo'. ¹⁰ Co' 'nú' jmí'goo'na' jalé' jmü' osi jalé' sí' osi jalé' jüí' é. ¹¹ Joba' eáam' guíng' dsíí' 'nú' fíng song ja` calí'íng' ta~ jüí'~ coo' lajüí'~ ta~ e nicajmé- e jee' 'nú'!

¹² Joba' míí' i 'nú' la guíng', dsea` rú'naa' dsea` quiá'- Dsea` Jmáang-, e nijmée^na' laco'gui nicajmé- jnea~ e jo' jmití'tu' lajüí'~ e quií'- tíng'na' do. Dsu' 'nú'gui, eáam' guíá- nica'ee-na' cóo'~ jnea~. ¹³ Jogui niñí'bi' cajo e jmohuúb' quíee- mi~ canaan- guíaa- júu^ quiá'- Dsea` Jmáang- jee' 'nú' e quiá'- jial laang' dsea` jee~ dsee- quiá'r-. ¹⁴ Dsu' ja` e líí' e gab' e jmohuí' e quíee- do, co' 'nú' ja` cajmee'na' fa' e ja` cajmijíng'na' jnea~ o'gui ca'naang'na' jnea~ ca' dsu' uíí'~ e líí'n' e jmohuí' do. Co' 'nú' guíáb- ca'íng'na' jnea~ laco'gui íng' dsea`

jaang` ángel i líng` guotii` Fidié` i casíng` dsea` do, osi laco' Dsea` Jmáang` 'ñia'bir é. ¹⁵ Jo ¿jie` fí` ca'í` e jmi'iaang` óo' 'nú' cóo' jnea` ie` do? Co' lanagui jo` 'ga' lí` iaang` óo'na'. Dsaco' cuóom` fá'a uii` quí`na' ie` do e dseáng'` lafa' niguí` 'nú' jminí`na' e nicuó'`na' jnea` e laco' cuóong` e nijmicóo'`na' jnea`. ¹⁶ Jogui lanagui lí' lafa' e ni'ní` máam'baa 'nú' dsu' uí' e fón'n 'nú' e júu` já` la.

¹⁷ Jo i dsea` i iing` nijmisíng` e júu` e quiá'` jial laang` dsea` jee` dsee` quiá'r` iin` e nigüitáang` 'nú' cóo'r`, jo dsu' jaléng'` i dsea` í` ja` í` dsíir' laco' catíng` , co' lico' iin` e nimáang` 'nú' jnea` 'nib'`. ¹⁸ Dsu' guiáb` cajo song seeng` dsea` i iing` e nigüitáang` 'nú' cóo'r`, lifa' i dsea` í` 'né` í` dsíir' laco' catíng` jogui 'né` e contóom` éer` guiá` cóo'` 'nú' lí' laco'gui ee` jnea` mi` táan` jee` 'nú'.

¹⁹ Dsea` rú'naa' i iin`n eáang`, calé'` catú` caa` iihuí` uii` quiá'` 'nú' laco'gui iihuí` íng'` jaang` dseamí` mi` liseeng` jiuung` quiá'r`; jogui caa` e iihuí` do cartí` Dsea` Jmáang` nicuó'r` 'nú' e ni'uíng`na' dseáng'` dsea` quiá'r`. ²⁰ Jo eáam` iin`n e táan` jee` 'nú' lana, co' jíe'`gui lí' e sii`naa' dseáng'` quini`na' lana; co' ja` ñii` ee` ni'í` dsii` uii` quí`na'!

E` calí` cóo'` Agar jogui Sara

²¹ Jogui iin`n e ningii`na' quié` e e júu` la, jaléng'` 'nú' i dseáng'` iing`na' jmití`na' júu` quiu'` ta` quiá'` Moi`. Jo ¿su ja` mí` cangáng'` 'nú' jial lí' e júu` jo? ²² Co' jee` e júu` jo fé'` e i` lí' yúu'` Abraham do caliséng` gáng` jóor', jaang` i caliséng` cóo'` jaang` dseamí` i sii` Agar i si'níng` i jmóo` ta` huí'` e ja` 'léeng'`, jogui i jaang`gui do caliséng` quiá'r` cóo'` dseáng'` dseamí` quiá'r` i sii` Sara i néé` ni` jaléb'` e oor` cóo'` dseañu'` quiá'r`. ²³ Jo i jóo'` i dseamí` i si'níng` do caliséñ` laco'gui liseeng` lí' doñí` i jóo'` dsea`; jogui i jóo'` dseáng'` dseamí` quiá'` 'lí' yúu'` Abraham do caliséñ` lajób` cajo, dsu' lí' laco' niliti` lajii'` júu` e nicacuó'` Fidié` ír` lamí` jéeng`gui. ²⁴ Jo dsu' líim` ee` guóng'` jalé'` e la; dsaco' laj` gáng` i dseamí` do líim` ee` júu` siséé` quiá'r` lajaang` lajaaiñ`. Jo i dseamí` jaang` i sii` Agar do cuó` cóo'` lí' quiá'r` quiá'` lajii'` júu` e cajmiró` Fidié` cóo'` Moi` fí' yá'` mó'` Sinaí; joba' jaléng'` dsea` i níng'` la'eáang` cóo'` e júu` jo líiñ'` lafa' dsea` si'níim`. ²⁵ Jogui i dseamí` i sii` Agar do cuó` cóo'` lí' quiá'r` fí' yá'` mó'` Sinaí e sí' fí' Arabia e guóng'` e jaléng'` dsea` Jerusalén i seeng` fí' lí' se'` Israel líiñ'` lafa' dsea` si'níim`. ²⁶ Dsu' jaléng'` dsea` quiá'` Dsea` Jmáang` i catíng` e fii` Jerusalén 'mí` quiá'` Fidié` do ja` líiñ'` dsea` si'níng`. Jogui lí' lafa' niquí'`baa' e fii` jo. ²⁷ Co' lalab fé'` fí' ni` jì` quiá'` Fidié`:

Jmi'iaang` o', dseamí,

'nu` i ja` mí` cangoquieeng` yuu`;

jogui jmi'iaang` a' cajo e ja` mí` ca'lin'` iihuí'` laco' mí` liseeng` jiuung` quiá'` dsea`.

Dsaco' 'nu`, dseamí i catúu` dseañu'` quiá'`,

fíng`gui jóo'` niliseeng` laco'gui i dseamí i seeng` dseañu'` quiá'`.

Jo lanab fé'` Fidié` fí' ni` jì` quiá'r`.

²⁸ Joba' fii`guí` 'nú', dsea` rú'naa' dsea` quiá'` Dsea` Jmáang`, jneaa`aa' colíng` cóo'` i jóo'` Abraham i sii` Isaa' do lí'naa' jóo'` Fidié` e laco' niliti` lajii'` júu` quiá'r` e nicacuó'r' 'lí' yúu'` Abraham lamí` jéeng`gui. ²⁹ Jo co' ie` jo i jóo'` i dseamí si'níng` do cajmeáñ'` ga` i jóo'` dseamí quiá'` 'lí' yúu'` Abraham do i caliséng` la'eáang` cóo'` ta` quiá'` Jmiguí` quiá'` Fidié`, jo lajób` cajo jmóo` dsea` sijur` cartí` lana e jmáñ'` ga` rúñ'`. ³⁰ Jogui quie`na' cuente lajii'` júu` quiá'` Fidié` e casí'r` Abraham: "Uóong` fí` quiá'` i dseamí i si'níng` colíng` cóo'` jóor` do, co' ja` catíng` jóo'` i dseamí do lajii'` guieé` quiá'` i jóo'` dseáng'` dseamí quiá'` i néé` ni` jaléb'` e sea` quiá'`na', yúu'` Abraham." ³¹ Jo lajób` lí',

dsea` rú'naa', ja` lí'naa' lafa' jóo' dseamî i si'nning̃, co' lana nilí'î' lafa' jóo' dseáng' dseamî i ja' si'nning̃ do.

5

Dsea` Jmáam`bing' láang` jneaa`aa' e laco' ja` lí'î' dsea` i lafa' si'nning̃

¹ Joba' fî-guî' 'nú', dsea` gálatas, e Dsea` Jmáam`bing' caleáng` jneaa`aa' e laco' jo` 'ga' lí' quié' nifí' qui'î' e júu` quiu' ta` quiá'- Moi` do. Joba' 'né' e niliseeng`na' e silaam`ba', jogui jo` cuó'^tu fí' yaang`na' calé` catú` e nijmití^tu' jalé` e júu` jo.

² Jnea` Paa` , jo` núu`-na' júu` quié`-e, jogui quié`na' cuente røø` jalé` e nifî`î' 'nú', e song cacuøø` fí' yaang`na' e nitó`- lí' fí' ngúu` táang`na' laco'gui tîng` dsea` Israel, joba' ja` e ta` íng` qui'na' jalé` e cangongíng` Dsea` Jmáang` uí'` 'nú' jóng. ³ Joba' fî-túu` 'nú' e lí'^ doñí' î' 'nú' i tóo` lí' fí' ngúu` táang`, joba' 'né' nijmití^na' dseáng'- røøb` lajalé` e júu` quiu' ta` quiá'- Moi` do. ⁴ Jo` jaléng` 'nú' i í' dsí' e Fidiéeb` ni'îñ` 'nú' e líng`na' dsea` i ja` røøng` dsee` uí'` e jmití^na' e júu` jo, joba' catiúum`ba' Dsea` Jmáang` jogui ca'náam` yaang`na' e laco' jo` ni'íng`-na' lajî'` e guiúng` Fidié` do. ⁵ Dsu' jaléng` jneaa`aa' nisita` dsí'naa' e Fidié` ni'íng` jneaa`aa' e lí'naa' dsea` i ja` røøng` dsee` la'eáang` cóo`~ Jmiguí' quiá'r` jogui la'eáang` e cajáang` yee`naa' fí' jaguó` Dsea` Jmáang`. ⁶ Jogui song lí'naa' dseáng'- lajang`- dsea` quiá'- Dsea` Jmáang`, joba' ja` e lí' nañí' fa' tóo` lí' fí' ngúu` táang`naa' laco'gui litíng` dsea` Israel, dsuco' ja` e quíng` e jo; co' lajî'` e quíng` fí' quini` Fidié` e jáang` yee`naa' fí' jaguó` Dsea` Jmáam` e laco' nijmi'neáang`naa' dsea` rú'naa'.

⁷ Jogui 'nú', guiáb` lami` seeng`na' cóo`~ Dsea` Jmáang`; dsu' lanagui liim` î'` nicatáng` 'nú' júu` e nicatúu`na' e jo` núu`-na' lajî'` júu` quiá'- Dsea` Jmáang`. ⁸ Dsu' o' Fidié` i cajéng` 'nú' e cajmee`na' lajo, co' dsea` do nicató'r`- 'nú' e laco' ni'uíng`-na' dsea` quiá'-bre. ⁹ Jo` lalab júu` róo: "Coo`~ capí'^ quiéb`^ nijmé` niróo`- ca` quiá'- îñí'^." ¹⁰ Dsu' jnea` tab` dsii` e la'eáang` cóo`~ Dsea` Jmáang` ni'í^tu` áa`na' calé` catú`- laco'gui í' dsí' jnea`. Jo` Fidiéeb` nicuøø`- iihuí' i dsea` i jmigøøng` 'nú' cóo`~ jalé` e 'né' jmití^na', jo` ja` e lí' î' dsea`.

¹¹ Dsea` rú'naa' dsea` quiá'- Dsea` Jmáang`, faco' jnea` guíab`î' júu` e dseáng'- la guíim` 'né' jmé` dsea` quiá'- Dsea` Jmáang` e lí' fí' ngúu` táaiñ` lí'^ laco' litíng` dsea` Israel, joba' faco' lajo, ja` e ta` e jmáng` dsea` Israel jnea` ga` jóng. Jo` faco' lajob` jmóo`o, joba' ja` liguíng` dsea` Israel uii` quiá'- jalé` e júu` e guíaa` quiá'- jalé` e cangongíng` Dsea` Jmáang` fí' dse` crúu` jóng. ¹² Jogui jaléng` i dsea` i ngí' ta` jmigøøng` 'nú' do e quiá'- e tó`- lí' fí' ngúu` táang`na', iguíá` gui fa' nidsi'íim`bre congúia' jo` lajoba' nitiúu`îñ` 'nú'!

¹³ Jogui co' 'nú', dsea` rú'naa', Fidié` cató'r`- 'nú' e laco' jo` quiu'gui ta` qui'na' e júu` quiu' ta` quiá'- Moi` do. Jo` co' lajob` líng`na', joba' jo` jmée`na' lí'^ doñí' ee` lí' óo`na' yaang`na', co' dsea` silaam` nilíng`na'. Dsuco' guíá`-gui e jmicóo`~ rúng`na' lajee` la'ó' yaang`na' uí'` e 'neáang` rúng`na'. ¹⁴ Co' lajaléb` lí' fé' júu` quiu' ta` quiá'- Fidié`, e júu` laba' eáang`gui lití: "Jmi'neáang` jaléng` dsea` rún` lí'^ laco'gui jmi'neáang` uø'." ¹⁵ Jo` song jmoo`na' ta` jíng` osi ta` tîng` cóo`~ jalé` e síng`na', joba' ni'íim`- lajî'` juguíá`- júu` røø` e sea` jee` 'nú' e cangíng`na' e cacuø` Fidié`.

Jalé` e lí' dsí' dsea` fí' jmigúu` jogui jalé` e iing` Jmiguí' quiá'- Fidié`

¹⁶ Joba' fî-guî' 'nú' la guíng`, dsea` rú'naa': Gúiliseem`ba' contøøng`- la'eáang` cóo`~ Jmiguí' quiá'- Fidié`, jo` lajoba' ja` jmití^na' lajî'` e lí' óo`na'. ¹⁷ Dsuco' jalé` e lí' dsí'naa' do ja` cóøng` røø` cóo`~ jalé` e iing` Jmiguí' quiá'- Fidié`, jogui jalé` e iing` Jmiguí' quiá'- Fidié` ja` cóøng` røø` cóo`~ jalé` e lí'

dsi'naa' do. Dsucó' laji' tú' e na ja' røø' cøøng' quiá' , joba' ja' cuøøng' e jmée' 'nú' lajii' e lí' áa'na' do. ¹⁸ Dsu' song 'nú' seem'ba' e quie' nifi' Jmiguí' quiá' Fidiée' quií' na', joba' e júu' quiu' ta' quiá' Moi' do jo' quiu' ta' quií' na' lana jóng.

¹⁹ Jo ja' e huíng' e jóø'naa' quiá' jaléng' dsea' i cá' fi' ga' jogui jmóor' lajii' e lí' dsíir' yaaiñ' fa' jalé' e la: mi' 'lée' jaléng' dseañu' osi jaléng' dseamí' e güüiñ' cóo' dsea' i o' quiá'r' , osi mi' jmóo' dsea' jalé' e 'lí' e jié' gui, osi mi' jmóor' jalé' gui e ja' tí' ta' e qui' tiiñ' jmóor' , ²⁰ osi mi' jmiféng' dsea' lí' doñí' ee' , jogui mi' jmóor' ta' dsea' láang' , osi mi' 'ní' ní' dsea' quiá' jaléng' dsea' rúíñ' , osi mi' jmóor' ta' jíng' , osi mi' suuiñ' laco' gui la líng' jaang' gui dsea' , osi mi' jmináb' liguiñ' , osi mi' iñ' e íbre silí'r' jalé' e sea' , osi mi' 'naam'bre quiá' rúíñ' co' ja' røø' sñiñ' , osi mi' jii' la'ó' íbre tí' dsíir' sñiñ' , ²¹ osi mi' dsihuñiñ' quiá' jaléng' dsea' , osi mi' jmóor' ta' jngang' rúng' , osi mi' jmóor' ta' í' , osi mi' dsíng' cúíñ' , osi mi' jmóo' biguir jalé' e ga' e jié' cajo. Joba' fí' guí' 'nú' calé' catú' laco' gui nicafí' i 'nú' ie' lamí' jéeng' gui do e jaléng' dsea' i qui' tñng' jmóo' jalé' e ga' lajo, joba' i dsea' í' ja' niñiñ' e Fidiée' quie' nifi' quiá'r' , jogui ja' niñiñ' guíe' quiá'r' e cuø' Fidiée' jaléng' dsea' quiá'r' cajo.

²² Dsu' mi' seeng' dsea' la'eáang' cóo' Jmiguí' quiá' Fidiée' , co' la'eáang' e Jmiguí' doba' jmi'neáang' rúíñ' , jogui e íaang' dsíir' , jogui e seeiñ' juguiá' júu' røø' cóo' dsea' rúíñ' , jogui e féng' dsíir' quiá' rúíñ' , jogui e guiúñ' cóo' jaléng' dsea' rúíñ' , jogui guiáb' éer' cóo' jaléng' dsea' rúíñ' , jogui jmiti' bre lajii' júu' e cuø' , ²³ jogui ja' jmicøøng' yaaiñ' jee' dsea' rúíñ' , jogui ja' jmóor' lajii' ta' quiu'r' yaaiñ' . Jogui lajib' júu' quiu' ta' cøøng' røø' cóo' e júu' la. ²⁴ Jogui jaléng' i dsea' i líng' dsea' quiá' Dsea' Jmáang' lafa' cató' fi' dse' crúb' jalé' e ga' e jmóor' cóo' gui jalé' e lí' dsíir' yaaiñ' , jo lajoba' ca'naam'bre quiá' e jo. ²⁵ Jo co' la'eáang' cóo' Jmiguí' quiá' Fidiée' nisee' naa' , joba' 'né' cuøø' fi' yee' naa' e e Jmiguí' dob' quie' nifi' qui' ii'.

²⁶ Jogui ja' 'né' jmicøøng' yee' naa' jee' jaléng' dsea' o' gui nijmijløng' yee' naa' o' gui nijmó'oo' dsihuíng' naa' quiá' jaléng' dsea' rú'naa' cajo.

6

Jmicóo'na' jaléng' dsea' rúng'na'

¹ Joba' fí' guí' 'nú' , dsea' rú'naa' dsea' quiá' Dsea' Jmáang' , song móo' 'nú' e jaang' dsea' rúng'na' nicatóng' fi' ní' dsee' , joba' jaléng' 'nú' , dsea' seeng'na' la'eáang' cóo' Jmiguí' quiá' Fidiée' , 'né' nijmicóo'ba' i dsea' í' e laco' niliseeñ' laco' la seeng' dsea' quiá' Dsea' Jmáang' . Jo jmee'ba' e guiúng'na' cóo'r' , jogui ñiim' áa'na' e laco' ja' güilí' e la quie' 'náb' cajo nijjúng'na' fi' ní' dsee' . ² Jogui jmicóo' rúng'na' cóo' jalé' e huíng' lí' quií' na' , jo lajoba' dseáng' niliti' lajii' júu' quiá' Dsea' Jmáang' .

³ Jo song jaang' dsea' í' dsíir' e niing' guir, dsu' o' já' e lajo, co' lico' jmicøøng' 'ñia'bre song í' dsíir' lajo. ⁴ Dsucó' lajaang' lajaam' dsea' 'né' í' dsíir' su guiá' jalé' e jmóor' osi ja' dseeng' é. Jo song í' dsíir' 'ñia'r' e guiá' lajii' e jmóor' do, jo song dseáng' lajob' lí' , joba' ja' 'né' jóø'r' jial' jmóo' dsea' jiéng' . ⁵ Dsucó' lajaang' lajaam' dsea' 'né' to' fñiñ' lajii' e lí' quiá'r' . ⁶ Jogui i dsea' i jmitíng' júu' quiá' Dsea' Jmáang' 'né' cuø'bre i dsea' i e' quiá'r' do lajii' e catíiñ' do e laco' nijmicóo' rein' do.

⁷ Jo ja' jmicøøng' yaang'na' cóo' jalé' e jmoo'na' , co' jii' jaang' dsea' cuøøng' lí' jmicøøñ' Fidiée' . Cofa' lajii' e jni' dsea' fi' ní' guóo' uø' quiá'r' , e job' cajo e nisitíiñ' mi' niró' . ⁸ Jo lajob' lí' cóo' i dsea' i seeng' laco' lí' dsíir' yaaiñ' , co' mi' nití' í' quiá'r' e nijúuiñ' , ni'nám'bre quiá' Fidiée' lata' . Jogui i dsea' i seeng' laco' iing' Jmiguí' quiá' Fidiée' , joba' la'eáang' e Jmiguí' quiá' Fidiée'

dob niliseeiñ` cøøng` cõõ` dsea` do lata~. ⁹ Jogui song cuø` bî yee~naa' e jmó'oo' j Mang' e guiá~, jogui song dseáng' ja` jmitúng` dsi'naa' e jmó'oo' e jo, joba' mi~ nití` í', ni'ím'baa' guiéé` quí'ii' e cuø' Fidiéé` jaléng' dsea` quiá'r~. ¹⁰ Joba' contøøm~ 'né` jmó'naa' j Mang' e guiá~ cõõ` jaléng' dsea` jogui e jmicõõ'naa're, dsu' la guíng`gui eáang' 'né` jmó'oo' lajo cõõ` jaléng' dsea` rú'naa' dsea` quiá'~ Dsea` Jmáang~.

Júu` ñ`'goo` quiá'~ Paa~

¹¹ Jo jøø`na', dsea` rú'naa', jial tí' cõõ` e júu` e jmo'o la quí'na'! ¹² Jo jaléng' i dsea` i jmóo` úung` e nitó'na' li~ fí` ngúu' táang'na', jmóor` lajo e laco' nijér` guiá~ cõõ` jaléng' dsea` caguiaang`gui jogui e laco' ja` nijmeáng' dsea` ga` ír` uii~ quiá'~ e guiar` júu` e cajúng` Dsea` Jmáang~ fí` dse` crúu`. ¹³ Jo j'gui jaléng' i dsea` i jmóo` úung` e tóor` li~ fí` ngúu' táaiñ` do ja` jmitir` jalé' e júu` quiu' ta~ quiá'~ Moi~. Dsu' jmóor` úung` e 'nú' nitó'na' li~ fí` ngúu' táang'na' e laco' nijmér` ráaiñ` fí` quini` jaléng' dsea` jiéng' e nicalí'~bre 'nú' e nicajmee`na' li~ fí` ngúu' táang'na'. ¹⁴ Dsu' jnea~, jii' cõõ` ja' e jmóo'o ráan`n e jié'gui; co' dseáng' lajii'~ e calí~ cõõ` Dsea` Jmáang~ fí` dse` crúub~, jii' joba' sée' e teá. Co' la'eáang' e catáng` Dsea` Jmáang~ fí` dse` crúu'ba', jo` ee` ta` íng` quié` e jii' cõõ` jalé' e sea` fí` jmigüi' la lana, jogui lí' lafa' e cajúm`baa, co' jo` seen~ e quiu' ta~ jnea~ jalé' e sea` fí` jmigüi'. ¹⁵ Jogui jo` ee` ta` íng` quí'na' song tóo` li~ osi ja` tóo` li~ fí` ngúu' táang'na' é; dsaco' lajii'~ e quíng`gui quí'na' e nicaquí'~ jíng' yaang`na' fí` quini` Fidiéé`, jo joba' nilíng'na' dsea` 'mám` lana. ¹⁶ Jo jaléng' i dsea` i seeng` laco' la lí' e júu` e nica'fá'~a na, cõõ`gui jaléng' dsea` Israel i quie' Fidiéé` nifí' quiá'r~, güiliseem`bre juguiá~ júu` røø, jogui güilíb` fí' líng` Fidiéé` ír` cajo.

¹⁷ Latí' lana jogui li~ dsé`gui cajo jii'~ jaang` dsea` nicuø'~guir jnea~ iihuñ'; co' jalé' e güi' e quiee` la lana cuø` li~ e jmóo'o lajii'~ e iing` Fí'naa' Dsea` Jmáang~.

¹⁸ Joba' dsea` rú'naa', nimí'~i Fí'naa' Dsea` Jmáang~ e ni'ír` güea'^ quiá'r~ jee` 'nú'. Jo lajob` 'né` lí.

Jo lanab` jii'~ fé' jì` quiá'~ Paa~ e catíng` jaléng' dsea` quiá'~ Dsea` Jmáang~ i seeng` fí' lí` se' Galacia.

Júu^ e toq̄ fi' ni~ ji` quiá'- Paa- e catíng- dsea` seeng` fi' ÉFESO

¹ Jnea~ Paa- lín'n jaang` dsea` apóo^ i jmóo` ta~ ni' júu^ quiá'- Dsea` Jmáang-, co' lajob ta~ e cali'iaang` dsíi' Fidiée` cacuø'r' jnea~. Jo guiéen'n júu^ guicóo' qui- na', jaléng' 'nú', dsea` quiá'- Fí'naa' Fidiée` i neáang' fi' Éfeso i já' líng' júu^ quiá'- Dsea` Jmáang-. ² Jo mii' i Tiquí'naa' Fidiée` cóo' gui Fí'naa' Dsea` Jmáang- e ni'ír- güea'^ quiá'r- jee~ 'nú', jogui e nicuø'r- 'nú' e seeng'na' juguiú- júu^ røø`.

Jalé' e guiá- e nicacuø' Fidiée` jneaa~aa'

³ Jo majmifém'baa' Fidiée` i líng' Fidiée` quiá'- Fí'naa' Dsea` Jmáang- jogui i líng' Tiquiá'r' cajo, dsuco' la'eáang' e líi' lafa' jaang` dsea` cóo' Dsea` Jmáang-, lajoba' Fidiée` nicacuø'r' jneaa~aa' jalé' e guiá- e sea` quiá'r- e jáa' fi' lí' guiíñ~ e laco' uíng- guiá- qui-ii'. ⁴ Jo Fidiée` caguíñ' jneaa~aa' latí' jíi' mii' ná'-gui e nitiroo' jmi'güi' e laco' niliguiúng-naa' fi' quinir' e ja` dsee- sea` qui-ii' la'eáang' cóo' Dsea` Jmáang-. ⁵ Jo co' eáam' 'neáang' Fidiée` jneaa~aa', joba' caguiar' guiá- latí' malí' e laco' nijéiñ- jneaa~aa' laco' jóo'bre la'eáang' cóo' Dsea` Jmáang-, lí' laco'gui jíi' e cali'iaang` dsíir' 'ñia'r'. ⁶ Jo cajméer' lajo e laco' nijmiféng'naa' Fidiée`, co' eáam' guiúñ- cóo' jneaa~aa' nañí' fa' ja` catí- naa' e jo. Jo cacuø'r' jneaa~aa' e jo e ja` 'lee' jíi' cóo' la'eáang' cóo' Joor' Dsea` Jmáang- i 'neáaiñ' eáang' do. ⁷ Jo co' eáam' 'neáang' Fidiée` jneaa~aa' nañí' fa' ja` catí- naa', joba' nicaleáaiñ- jneaa~aa' jee~ dsee- qui-ii' la'eáang' cóo' jmi'øøng- Joor' Dsea` Jmáang- e catuú' fi' dse' crúu^ . Jo la'eáang' cóo' e jmi'øøng- dsea` do cali'íñ- dsee- qui- naa'. ⁸ Jo co' eáam' guiúng- Fidiée` cóo' jneaa~aa' nañí' fa' ja` catí- naa', joba' cacuø'r' jneaa~aa' e tí- naa' jogui e ngáng'naa' ⁹ jalé' e iíñ- jmóor' 'ñia'r' e ja` ní' dsea` jéeng'gui, lí' lajíi' júu^ e nicacuø' jéeng'gui quiá'- jalé' e nijmitir' la'eáang' cóo' Dsea` Jmáang-. ¹⁰ Jo lí' laco'gui jíi' e nicagua' Fidiée` guiá- jéeng'gui, dseáng'- nilitib- laco' sí'í' mii' nití' í' lajo e Dsea` Jmáam- niliñ- dsea` mogui- quiá'- lajaléng' jogui quiá'- lajalé' e sea` fi' ñífi- cóo' gui fi' ni~ guoo' uø- la.

¹¹ Jo lajíi' malí' Fidiée` nicaguíñ' jnea'^, dsea` lí'naa' dsea` Israel, e laco' ni'uíng-naa' jóor' la'eáang' cóo' Dsea` Jmáang- lí' laco'gui nica'í' dsíir' jéeng'gui e nijmér-; jo jaléb' e jmóo' Fidiée` do, jmóor' laco' jíi' e líiñ- e guiáb-. ¹² Jo nicajméer' lajo e laco' jnea'^, dsea` nita~ dsí'naa' la'uii' e Dsea` Jmáang- nileáiñ- jnea'^ jee~ dsee- qui-ii', see-naa' e nijmiféng'naa' Fidiée`, co' íb' dsea` laniing- 'gøiñ'. ¹³ Jo lajobi jaléng' 'nú', dsea` ja` líng'na' dsea` Israel, mii' canáa-naa' e júu^ já'- quiá'- Dsea` Jmáang- e quiá'- jial laang' dsea` jee~ dsee- quiá'r-, jogui ca'uíng-na' jóo' Fidiée`, joba' cacuø' Fidiée` 'nú' Jmiguí quiá'r- lí' laco'gui júu^ e nicacuø' jéeng'gui e laco' liing-na' e líng'na' dsea` quiá'r-. ¹⁴ Jo co' seem' e Jmiguí quiá'- Fidiée` do cóo' jneaa~aa', joba' lita~ dsí'naa' e ni'íng'naa' lajíi' e catí- naa' quiá'- Fidiée` cartí' mii' nileáiñ- jneaa~aa' congua' jee~ jalé' dsee- qui- naa', jneaa~aa' dsea` lí'naa' dsea` quiá'r-. Jo lajob nijmiféng'naa're, co' íbre dsea` laniing- 'gøiñ' fi' la'úng-.

Jalé' e mi' Paa- Fidiée` uii- quiá'- jaléng' dsea` quiá'- Dsea` Jmáang-

¹⁵⁻¹⁶ Jo uii- quiá'- e cajméer' Fidiée` e nilíng'naa' jóor', joba' laco' ya' mii' fón'n dsea` do, cuøø-øre gui'máang' uii' 'nú' latí' mii' cali'ñii- e cajáang' yaang-na' fi' jaguó' Dsea` Jmáang- jogui eáam' jmi'neáang' rúng'na' cóo'

jaléng' dseá quiá' Dseá Jmáang- caguiang- gui cajo. ¹⁷ Jogui má'i Fidiéé i líng' Fidiéé quiá' Fí'naa' Dseá Jmáang-, jogui i líng' Tiquí'ii' i laniing- 'gøng' do cajo, e nicuø'r- 'nú' e tíng' ngáng'na' i dseáng- Fidiéé la'eáang' cóo' Jmiguí quiá'r-, jo lajob nilicuíng'gui'r guiá- cajo. ¹⁸ Jogui má'i Fidiéé e nicuø'r- 'nú' e nijneá moguí'na' e laco' niliñí'na' e e nisijeeng'na' e nilíng'na' quiá'r-, co' dseá quiá'-bre nilíng'na', jogui jial tí' jlo' jogui niguo' jalé' e cuø' Fidiéé jaléng' dseá quiá'r- i catíng- lajo. ¹⁹ Jogui má'i Fidiéé cajo e niliñí' 'nú' jial ja' cøøng' cóo' 'gøng' Fidiéé, jo cóo' e 'gøiñ' do jmicóo' jneaa'aa', dseá lí'naa' dseá quiá'- Dseá Jmáang-. Jo cóo' e laniing- 'gøng' dseá do, cóo' e job cajo cajméer' ²⁰ e cají'tu Dseá Jmáang- mi' cangí e cajúñ-, jo caguiéeiñ' lí' lí' dsé' laco' guiiñ- 'ñia'r' fí' ñiff-. ²¹ Jo cacuø' Fidiéé Dseá Jmáang- e í'bing' laniing- gui eáang' jee' lajaléng' i seeng' fí' yú' jmigüí, fa' jaléng' dseá mogui-, jogui jaléng' i si'neaang' i quiu' ta', cóo' gui dseá laniing- i quiu' ta', lí' doñí' ii' dseá ee' ta' óor' i quiu' ta' lajee' lana osi lajee' lí' dsé- gui é. ²² Jo lajalé' niguiá- Fidiéé fí' uii' tí- Dseá Jmáang-, jo cangím'bir cajo e líng' dseá do dseá mogui- quiá'- lajaléng' dseá quiá'r-. ²³ Jo jaléng' dseá quiá'- Dseá Jmáang- líiñ' lafa' coo' ngúu' táaiñ' cóo' dseá do, joba' røøb' sea' quí-ii' laco'gui la sea' quiá'- dseá do, jo dseá íb' dseá mogui- quiá'- lajaléng' cóo' gui lajalé' e sea' fí' la'úng-.

2

Fidiéeb' dseá caleáaiñ' jneaa'aa' jee' dsee- quí-ii'

¹ Jo lami- jéeng'gui do, jaléng' 'nú' líng'na' lafa' 'liim'ba' fí' quini' Fidiéé uíi' jalé' e 'lee'na' jogui uíi' jalé' dsee- e ee'naa', ² co' caliséng'na' e jmoo'na' jialco' nirøng'na' dsee- laco'gui la jmoo' dseá jmigüí, jogui cajmití'na' lajii' ta' quiu' fí' i 'ling' i quie' niff' quiá'- jalé' guí' lí' e í' fí' yú' jmigüí. Jogui i fí' i 'ling' do née' nir- jaléng' dseá i ja' jii' Fidiéé. ³ Jo lajob cajo lami- see- jneaa'aa' lajii'naa' lami- jéeng'gui e jmoo'naa' lajii' e ja' dseeng' e ii'naa' yee'baa', co' jmoo'naa' doñí' ee' já- dsi'naa' jogui í' dsi'naa'. Jo co' lajob jmoo'naa', joba' catí- baa' e nilíng'naa' iihuí' eáang' quiá'- Fidiéé uii' quiá'- jalé' e ja' dseeng' e jmoo'naa' do lí' laco'gui iihuí' e íng' jaléng' dseá jmigüí i jmoo' jialco' nirøiñ' dsee-. ⁴⁻⁵ Dsu' Fidiéé eáam' fí' líiñ- jaléng' jneaa'aa', jogui eáam' cali'neáaiñ' jneaa'aa', joba' cangíng'naa' quiá'r- e see'naa' lafa' 'mím'baa' la'eáang' cóo' Dseá Jmáang- nañí' fa' lí'naa' lafa' e 'liim'bí' uíi' dsee- quí'naa'. Co' la'eáang' e guiúm- Fidiéé cóo' 'nú' nañí' fa' ja' catíng'na', joba' nicaleáaiñ' 'nú' jee' jalé' dsee- quí'na' lana. ⁶ Jo Fidiéé cajméer' e lafa' røøb' cají'túu' cóo' Dseá Jmáang- mi' cají'tu dseá do, jogui lafa' caguiéeiñ' jneaa'aa' colíng' cóo' dseá do fí' ñiff' quiá'r-. ⁷ Jo cajméer' e jo e laco' nicuø- lí' lata' jial tí' guiúng- Fidiéé cóo' jneaa'aa' e jii' ja' catí- naa' e eáam' 'neáaiñ' jneaa'aa' la'eáang' cóo' Fí'naa' Dseá Jmáang-. ⁸ Jo co' guiúm- Fidiéé cóo' 'nú' e jii' ja' catíng'na', joba' nicangíng'na' e nileáng'na' jee' dsee- quí'na' la'eáang' e cajáang' yaang'na' fí' jaguór'. Dsu' e jo ja' cali'- na' yaang'na', co' Fidiéé'bing' cacuø' 'nú' e jo e ja' 'lee'-. ⁹ Jo jalé' e jo ja' lí'naa' uii' quiá'- jalé' e jmoo'naa', dsuco' faco' lajo, joba' cóo' e job' nijmijløng' yee'naa' jóng. ¹⁰ Dsu' Fidiéé'bing' nicajmée' jalé' e jo quí-ii', co' cajméer' e lafa' cali'mím'baa' la'eáang' cóo' Fí'naa' Dseá Jmáang- e laco' nijmó'oo' jmang'- e guiá- lí' laco'gui jii' guiá- nicaguiar' quí-ii' jéeng'gui e nijmó'oo'.

Jial see'naa' juguiá- júu' røø' la'eáang' cóo' Dseá Jmáang'

¹¹ Jo téé' áa'na' jial líng'na' ie' lami- jéeng'gui do, 'nú' dseá ja' líng'na' dseá Israel. Jo jaléng' jnea' i líng' dseá Israel i tíng' tóo' lí' fí' ngúu' táang' lajii'

dseañu' e laco' cuo' li' e lí'naa' dsea' quiá'- Fidiée', jo jneab'^ cajo i fé' e ja' líng' 'nú' dsea' quiá'- Fidiée'. ¹² Jo jmiguiéng' áa'na' e ie' lami' jééng'gui do ja' mí' cuíng'na' Dsea' Jmáang-, jogui jmaquíim' í' óo'na' laco'gui jnea'^, dsea' lí'naa' dsea' siju' dsea' Israel, jogui ja' catíng-na' lajii' júu^ e cajmée' Fidiée' jogui cajmirø'r' cõo' jnea'^. Jo lami' jééng'gui dsea' i ja' cuíng' Fidiée' lami' líng'na', o'gui líng' ee' sijeá'na' quiá'- Dsea' Jmáang-. ¹³ Jo lami' jééng'gui ja' cuíng'na' Fidiée', dsu' lanagui nicuíim'ba' dsea' do la'eáang' cõo' Dsea' Jmáang- i catu' jmi'øøng- fí' dse' crúu^ mi' cajúin- uí' jneaa~aa'. ¹⁴ Jogui lana, la'eáang' cõo' Dsea' Jmáam-ba', røøb' ni'í' dsi'naa' lajii-naa', jogui jo' 'ní' nééng' rú'naa'. Co' lami' jééng'gui lí' lafa' si' iáb' e sijni' quí-ii' laca'íng'naa', co' 'ní' néem' rú'naa'. Jo lí' lafa' Dsea' Jmáang- cajgiéeiñ- e iá' do mi' cajúin- fí' dse' crúu^. ¹⁵ Co' mi' cajúng- Dsea' Jmáang- uí' jneaa~aa', joba' ca'uíng- e laco' jo' quie' nifí' quí-ii' e júu^ quiu' ta' quiá'- 'lí' Moi'. Jo cajméer' lajo e laco' ca'uíng-naa' coøb' 'lé' e 'mí' lajì' tú- íng'naa' do la'ó' ca'uíng-naa' dsea' quiá'- Dsea' Jmáang-. Jo lajob' cajméer' e laco' jo' 'ní' nééng' rú'naa'. ¹⁶ Jogui la'eáang' e cajúng- Dsea' Jmáang- fí' dse' crúu^ cuaiñ' quí-ii', joba' juguiá- júu^ røøb' nisee-naa' cõo' Fidiée' lana lajì' tú- íng'naa', dsea' ca'ni' nééng' rú'naa', jo' cajméer' e lafa' jaam' dsea' ca'uíng-naa'. ¹⁷ Jo Dsea' Jmáang- cajár- cajaguiar' júu^ jial niliseeng' dsea' juguiá- júu^ røø' cõo' Fidiée' laco'gui 'nú', dsea' ja' lami' cuíng'na' Fidiée', cõo'gui jnea'^, dsea' lí'naa' dsea' Israel i cuíng' Fidiée' latí' mi' uíng-. ¹⁸ Co' la'eáang' cõo' e cangongíng- Dsea' Jmáang- fí' dse' crúu^ cuaiñ' quí-ii', joba' lajaang' lajaang' jneaa~aa', dsea' lí'naa' dsea' Israel osi o' lajo é, nicuøøm' sii'naa' cõo' Tiquí-ii' Fidiée' la'eáang' e jmicõo' jneaa~aa' e Jmiguí' quiá'r- 'ñia'r' do.

¹⁹ Joba' lanagui, røøb' ni'í' dsi'naa' lajì' tú- íng'naa' do, co' dsea' quiá'- Fidiée' nilí'naa'; jogui lana lafa' coøb' fii' nilí'naa' lajì' tú- íng'naa'. Co' lanagui laco' coøb' fii' nisee-naa' cõo' dsea' do, jo laco' dsea' sinúu^ quiá'- Fidiée' nilí'naa' lana. ²⁰ Jo jaléng' jneaa~aa', dsea' lí'naa' dsea' quiá'- Fidiée', lí'naa' lafa' coø' 'núu'. Jo lafa' tí' fii' quiá'- e 'núu' do lí' jnea'^, dsea' lí'naa' dsea' apóo^ quiá'- Dsea' Jmáang- cõo'gui i dsea' i jmóo' ta' fé' cuaiñ' quiá'- Fidiée' cajo. Jogui 'ñia' Dsea' Jmáang- lí'naa' lafa' e cuiteá'^ la'uui' e dsée' quiá'- quiúung' e 'núu' do. ²¹ Jogui lajaang' lajaang' jneaa~aa', dsea' quiá'- Dsea' Jmáang-, lí'naa' lafa' cuiteá'^ e ngóo' só' røø' quiá'- e 'núu' do la'eáang' cõo' Dsea' Jmáang- cartí' ni'uui-naa' coø' 'núu' güeang'^ quiá'- Fidiée'. ²² Jo 'nú', dsea' quiá'- Dsea' Jmáang- nilíng'na' colíng' cõo' jaléng'na' jnea'^, jo ngóo' uíng-na' laco'gui ngóo' uíng- e 'núu' quiá'- Fidiée' do. Jogui jee' jaléng'na' jneaa~aa' seem' Fidiée' la'eáang' cõo' Jmiguí' quiá'r-.

3

Mí' caguia' Paa- júu^ quiá'- Dsea' Jmáang- jee' dsea' i ja' líng' dsea' Israel

¹ Jnea' Paa-, jo sijní'n fí' la lana dsu' uí' e guiaa- júu^ quiá'- Dsea' Jmáang- jee' 'nú', dsea' ja' líng'na' dsea' Israel. ² Co' niñib' 'nú' e eám' guiúng- Fidiée' cõo' jnea' nañí' fa' ja' catín-n, joba' nicacuø'r' jnea' e ta' la e laco' ni'uíng- guiá- quí-na'. ³ Dsaco' Fidiée' cajméer' e ñii' jalé' e cali'íin' e nilínee'- jééng'gui e nijmér- jee' jaléng'na' dsea' e ja' mí' ñí' dsea' jééng'gui. Jogui Fidiée' nicacuø'r' jnea' e cali'íin' lí' laco'gui e nicajmée' e capí'^ fí' ni' jì' quie' e e nicasín-n quí-na'. ⁴ Jo mi' ni'í'na' e jì' do, joba' nilí'na' e niñib' jnea' lajii' e cali'íing' Fidiée' jmér- la'eáang' cõo' Dsea' Jmáang- e ja' mí' ñí' dsea' jééng'gui. ⁵ Co' lajii' e quiá'- Fidiée' e ja' mí' cali'íi' dsea' jééng'gui do, lanagui nicacuø'r' Fidiée' jnea'^, dsea' lí'naa' dsea' apóo^ quiá'- Dsea' Jmáang-, e ngáng'naa' colíng'gui cõo' i dsea' quiá'r- i jmóo' ta' fé' cuaiñ' quiá'r- cajo.

Jø cajméer` lajō la'eáang' cóo'~ Jmiguí' quíá'-bre. ⁶ Jø e nab e ja` caliñí' dsea` jéeng' do e la'eáang' e já'~ líng' 'nú'` cóo'~gui jaléng'gui dsea` i ja` líng' dsea` Israel e júu` quíá'- Fidiéé' e quíá'- jial laang' dsea` jee` dsee` quíá'-r` la'eáang' cóo'~ Dsea` Jmáang` , jōba' jaléng' 'nú'` , dsea` quíá'- Fidiéeb' nilíng'na' laco'gui jnea`^, dsea` lí'naa' dsea` Israel. Jogui coob` 'lé'` nilí'naa' lajee` lajalé`naa' do, jogui catím`baa' e nilíng'naa' conrøø` lajii'~ e sijeeng'naa' quíá'- Fidiéé' lí' laco'gui jii'~ júu` e nicacuø' Dsea` Jmáang` jneaa`aa'.

⁷ Jø co' eáam' guiúng` Fidiéé' cóo'~ jnea` nañí' fa' ja` catín`n, jōba' cacuø'r` jnea` ta` e guíaa` e júu` jø. Jogui la'eáang' cóo'~ e laniing` 'gøiñ'` do, jōba' nicuøøm` jmee` e e ta` jø. ⁸ Jø jnea` ja` catín`n jii'~ capí' e nilí'naa' e ta` jø jee` jaléng' dsea` quíá'- Fidiéé'. Dsu' la'eáang' e guiúm` Fidiéé' cóo'~ jnea` e jii'~ ja` catín`n, jōba' cacuø'r` jnea` ta` e guíaa` júu` quíá'- Dsea` Jmáang` jee` jaléng' dsea` i ja` líng' dsea` Israel, jalé' e jlo`^ niguo`^ e 'gøng' eáang' quíá'- Fii'naa' Dsea` Jmáang` e jii'~ ja` quí'naa' jmiñ` ningáng'naa' jial lí'. ⁹ Jogui nicacuø' Fidiéé' jnea` cajo e nijmee` e e nilí'naa' dsea` lajii'~ e cali'iiñ` jmér` jee` 'nú'`, lí' lajaléng' 'nú'`, dsea` ja` líng'na' dsea` Israel, e ja` mí' ñí' dsea` lajii'~ malí', co' ja` mí' cajmijnéeng' dsea` do e jø. Jø íb` dsea` cajméer` jalé' e sea` fí' la'úng` fí' jmigüí'. ¹⁰ Jø uí'~ e nilí'naa' coo'` 'lé'` la'ó' jneaa`aa', dsea` lí'naa' dsea` quíá'- Dsea` Jmáang` , jōba' lanagui jaléng' i quí'~ jmiñ` i quí'~ ta` fí' guíá' güí' cóo'~gui jaléng' dsea` mogui` i quí'~ ta` fí' jø cajo nilí'naa' e jmiguiá' íim` tii' tii'ng` Fidiéé' jmóor` lí' laco'gui jii'~ guíá` e guiar'. ¹¹ Jø Fidiéé'bing' cajméé' jalé' e jø lí' laco' í' dsíir` malí'gui eáang' e nijmér` , lajii'~ mí' ná'gui e nitiroo' jmigüí'. Jø e jø caliti' quíá'- Fidiéé' la'eáang' cóo'~ Fii'naa' Dsea` Jmáang` . ¹² Jø co' dsea` quíá'- Dsea` Jmáang` nilí'naa', jogui la'eáang' e nicajáang` yee`naa' fí' jaguór', jōba' nicuøøm` sii'naa' cóo'~ Fidiéé', jogui nisita' dsí'naa' cajo e dseáng' ninú` bre júu` quí'ii'. ¹³ Jōba' mii'~i 'nú'` e ja` jmitúng` óo'na' uii' quíá'- jalé' iihuí' e íng'~ jnea` uí'~ 'nú'`, dsu' íin`n e iihuí' la e lí' laco' nidsijéé' guíá` quí'na'.

Mí' camí' Paa` Fidiéé' uii' quíá'- dsea` seeng' fí' Éfeso

¹⁴ Jø uii' quíá'- jalé' e jø nisí' i uø` jnií` fí' quini' Tiquí'ii' Fidiéé'. ¹⁵ Jø í'bing' líng' Tiquíá' jaléng' dsea` jmigüí' cóo'~gui jaléng' dsea` i nineáang' fí' ñí'fí'. ¹⁶ Jogui mii'~i Tiquí'ii' Fidiéé' e la'eáang' cóo'~ Jmiguí' quíá'-r` nicuø'r` 'nú'` güea` 'gøng' quíá'-r` e laco' nijmicóo'~ quí'naa', co' jii'~ íb` dsea` i sea` quíá'- jalé' e jlo`^ jogui niguo`^ e jii'~ ja` tōo` jmiñ` niguiá'. ¹⁷ Jø mii'~bii' e contøøng` guíing` áa'na' Dsea` Jmáang` la'eáang' e nicajáang` yaang`na' fí' jaguór'. Jø mii'~bii' cajo e la'eáang' e eáam' 'neáang' Fidiéé' 'nú'`, jōba' 'nú'` eáam' nilí'neáang'na' dsea` do cajo, jø ja` jmitúng` áa'na' lajii'~ fí' niteáang`na'. ¹⁸ Jø mii'~bii' cajo e ningáng' 'nú'` røø` colíng` cóo'~ jaléng'gui jnea`^, dsea` lí'naa' dsea` quíá'- Dsea` Jmáang` , jial tí' laniing` e 'neáang' Dsea` Jmáang` jneaa`aa'. ¹⁹ Jø mii'~bii' Tiquí'naa' cajo e nilí'naa' dseáng' røø` jial tí' laniing` 'neáang' Dsea` Jmáang` 'nú'`, nañí' fa' jii'~ jaang' dsea` ja` quí'~r` jmiñ` dseáng' e ningáiñ'. Co' song` niñí'ba' lajō, jōba' seab` la dsíng` quí'na' laco'gui la dsíng' e sea` quíá'- Fidiéé' 'ña'r'.

²⁰ Jø güilífém' Fii'naa' Fidiéé', i dsea` i tii'ng` jmóo` e jmiguiá'gui laco'gui jii'~ e í' dsí'naa' osi e mí'~naa'r` é, jø e jø jmóor` la'eáang' cóo'~ bí' quíá'-r` e jmicóo'~ jneaa`aa' quíá'- jalé' e jmoo`naa' do. ²¹ Jø majmífém'baa' Fidiéé' contøøng` jogui lata` jaléng' jneaa`aa', dsea` lí'naa' dsea` quíá'- Dsea` Jmáang`.

Jø lajōb` nilí'.

4

Dsea` quíá'- Dsea` Jmáang` lí'naa' lafa' jaam` dsea` lajee` la'ó' rú'na'

¹ Jnea~ Paa~, jo sijñn~n uí~ e guíaa~ júu^ quiá~ Dsea` Jmáang~ jee~ 'nú', dsea` ja` líng`na' dsea` Israel. Jo mñ~i 'nú' e güiliseem`ba' laco' sí'í e seeng` dsea` i cató~ Fidié~ i ni'uíng~ dsea` quiá~r~ lí^ laco'gui nicató~r~ 'nú' e ca'uíng~na' lajo. ² Jo ja` jmicóong~!~ yaang~na' jee~ jaléng` dsea` rúng`na', jogui ee~ba' guiá~ jee~ ír, jogui ja` jmoo`na' guíng~na' cóo'r~, jogui jmee~ba' féng` áa`na' la'ó` rúng`na' e 'neáang` rúng`na'. ³ Jo co' juguíá~ júu^ røøb` niseeng` 'nú' la'ó` 'nú', dsea` líng`na' dsea` quiá~ Dsea` Jmáang~, la'eáang` cóo~ Jmiguí quiá~ Fidié~, joba' jmi'úung`na' e seeng`gui' lajo. ⁴ Jo coob` 'lé' nilíí' la'ó` jneaa~aa', dsea` líí' dsea` quiá~ Dsea` Jmáang~, jogui dseáng~ lajii~ Jmiguí quiá~ Fidié~ba' seeng` jee~ jneaa~aa', jogui ca'ím~ e guiá~ e sijeeng`naa' e nilisee~naa' cøøng` cóo~ Fidié~ lata~. ⁵ Jo jaam` Fí'naa' Dsea` Jmáang~ i seeng`, jogui jii~ júu^ quiá~ dsea` í'ba' nijá~ lí'naa', jo uí~ joba' cajgáang~naa' jmñ. ⁶ Jo jaam` Fidié~ i seeng`, jo í'bing' líng` Tiquiá~ lajaang` lajaang` jneaa~aa', dsea` líí' dsea` quiá~r~; jogui í'bi cajo i líng` Fii` quiá~ lajii~naa' la'ó` jneaa~aa'; jogui jmáíñ` ta~ jneaa~aa' e laco' nijmé~naa' lajii~ e iññ` 'ñia'r', jogui seeíñ` cóo~ jneaa~aa' lajii~naa' cajo.

⁷ Jo Dsea` Jmáang~ cacuø'r` jneaa~aa' lajaang` lajaang`naa' lajii~ ta~ e sí'í'ii' nijmó'oo' quiá~r~ lí^ laco'gui nicali'iiñ~ e cuø'r` jaléng` dsea` quiá~r~. ⁸ Joba' fé' fí' ni~ ji` quiá~ Fidié~ cuaiñ` quiá~ e na e nidsijéé' cóo~ Dsea` Jmáang~ jo fé':

Jo cajgóo~bre fí' yá^ jmigüí e jeeíñ` jaléng` dsea` i calí'r~, jogui cacuø'r` dsea` quiá~r~ e tiiñ` lajii~ e sí'í' nicuø'r` dsea` do.

⁹ Jo ¿e~ guóng` e nisór` fí' yá^ do? Co' guóng` e la'uii~ nijgiáaiñ` fí' jmigüí la cartí' fí' nú~ uó~. ¹⁰ Jo Dsea` Jmáam~ i dsea` i cajgáng~ do, jo í'bi cajo i cangáng~tu cartí' yá^gui lí~ niniing~gui eáang` e laco' íb` nilíng~ Fii~ quiá~ lajalé~. ¹¹ Jo í'bre dsea` cacuø'r` jaléng` jneaa~aa', dsea` líí' dsea` quiá~r~, lajii~ e sí'í' nicuø'r~. Jo cacuø'r` e i líng~ jnea^ jmoo~naa' ta~ ni' júu^ quiá~ Dsea` Jmáang~, jogui e i líng~gui jneaa~aa' jmoo~naa' ta~ fé' cuaiñ` quiá~ Fidié~, jogui e i líng~gui jmoo` ta~ guiá' júu^ quiá~ jial laang` dsea` jee~ dsee~ quiá~r~, jogui e i líng~gui jmoo` ta~ quie' nifí' quiá~ ta~ quiá~ Fidié~ jogui jmoo`bir ta~ e júu^ quiá~ dsea` do cajo. ¹² Jo lajob` caguiéeng` Dsea` Jmáang~ guiá~ jaléng` jneaa~aa', dsea` líí' dsea` quiá~r~, e laco' nijmicóo~naa' dsea` rú'naa' laco' catíng~, jo lajob` nicuø~ bí' rú'naa' la'ó` jneaa~aa', dsea` nilí'naa' dsea` quiá~ Dsea` Jmáang~. ¹³ Jo lajob` né~ jmó'guí' cartí' conrøøb` nijá~ lí'naa' júu^ quiá~ Dsea` Jmáang~ jogui conrøøb` nilicuíng`naa' dsea` do i líng` Joo' Fidié~, jo lajob` nilí~naa' dsea` quiá~ Dsea` Jmáang~ i niráang` cartí' ni'ié' qui~naa' laco'gui dsea` do 'ñia'r'.

¹⁴ Jo lajob` jo` nilí~guí' laco'gui líng` jaang` jiuung~ i lajmináb~ jmisíng~ jalé' e í' dsíir` lí^ laco'gui coo` móo' fí' ni~ jmñ e dséé' lí^ doñí' jíé' fí' lí' í' guí. Co' i jiuung~ do lajmináb~ naaiñ` e jmitir~ lí^ doñí' ee' júu^ 'mñ~ cartí' nilí' e nijmigøøng` dsea` ír, fa' jaléng` dsea` i nitíng` jmigøøng` dsea` rúng`.

¹⁵ Dsu' guiá~gui e sñ~naa' jmang~ júu^ já~, jogui e nijmi'neáang` rú'naa' dsea` líí' dsea` quiá~ Fidié~, jo lajoba' nidsicuáng`gui qui~ii' dseáng~ cartí' ni'ee~naa' laco'gui la ée` Dsea` Jmáang~ 'ñia'r'; co' íb` dsea` lííñ` lafa' mogui~ quiá~ jalé'naa', dsea` líí' dsea` quiá~r~. ¹⁶ Jo jaléng` jneaa~aa', dsea` líí' dsea` quiá~ Dsea` Jmáang~, líí' lafa' coob` ngúu' táang`naa' cóo~ dsea` do; jo dsea` íb` dsea` lííñ` lafa' mogui~ quiá~ lajii~naa', dsea` líí' dsea` quiá~r~. Jo dsea` í'bi cajo dsea` cacuø'r` jneaa~aa' coo` ta~ lajaang` lajaang`naa', dsea` líí' dsea` quiá~r~; joba' mi~ guiáb~ jmoo~naa' e ta~ jo e jmi'neáang`naa' dsea` rú'naa', joba' colíim~ dsicuáng` e ee~naa' guiá~ lajii~naa'.

Jial seeng` dsea` la'eáang` cóo~ Dsea` Jmáang~

17 Jo e lab fñ-guá 'nú', dsea` rú'naa', la'eáang' cóo' júu` quiá'- Dsea` Jmáang-, e jo` güiliseeng'gui' laco'gui' la seeng` dsea` góo'na' i ja` cuíng' Fidiéé'. Co' i dsea` í seeiñ` e í dsíir' jmang'- jalé' e ja` ta` íim^, 18 jo` lí' lafa' nñb` dsíir', co' dsíng'- ja` lí'r` ni'í` dsíir' røø; jo` ja` íñ' lajii~ e cuø' Fidiéé' jaléng' jneaa`aa', dsea` lí'í' dsea` quiá'r-, uíi~ e ja` iñ~ e nilicuíñ` dsea` do, co' eáam' ue` dsíir'. 19 Jo` jii~ ja` lí'r` i' líiñ~ e cuø' fí' yaaiñ~ e jmóor` jalé' e 'li^, jo` dseáng'- ja` quié' íb' jmóor` jalé' e 'li^ e tñiñ` jmóor` do.

20 Dsu' 'nú'gui, dsea` cuíng'na' Dsea` Jmáang-, ja` calicuíng'na' dsea` do e laco' nijmée^na' jalé' e 'li^ lajo. 21 Co' dseáng'- ja` ba' nicanáa`na' júu` quiá'- dsea` do, jogui líim~ ee` calitíng'na' quiá'r- jo` lajoba' niñí'na' e jmang'- e jáb'- júu` quiá'- Dsea` Jmáang-. 22 Joba' túu'na' jalé' e 'li^ e lamí~ quí'- tñng'na' jmoo'na' do, co' cóo~ e jo` cajmée` e eáam' caligóng'na'. 23 Jogui jmísiñg'na' jalé' e í óo'na', jo` í' áa'na' jmang'- e guiá-. 24 Jogui güiliseeng'na' e nicali'mám`ba' e laco' ni'ee`na' laco'gui' la ée` Fidiéé' 'ñia'r', jogui jmée^na' jmang'^ e guiá-, jogui ee`na' røø` laco' sí'í' jee~ jaléng' dsea` rúng'na'.

25 Joba' túu'na' e quié'na' júu` e o' já-, jo` fée'ba' jmang'- júu` e já' cóo~ dsea` rúng'na', dsuco' lajii`baa' lí'naa' lafa' coo` ngúu` táang'naa' la'ó' jneaa`aa', dsea` lí'í' dsea` quiá'- Dsea` Jmáang-.

26 Jo` song' jmiguíng^ áa'na', ja` cuø' fí' yaang`na' e ni'ee`na' dsee-; jogui jmí'úung'na' e ja` huøø` ee~ e guíng`na' do cajo, 27 jo` lajob ja` cuø'na' fii` i 'ling'^ fí' e nijmigøøiñ` 'nú'.

28 Jogui jaléng' 'nú' i lamí~ jmoo` ñ, quiúum'ba' e jo` jmée^na' lajo, jo` jmee`ba' ta` guiá- cóo~ layaang` guóo'na' e laco' seab` e cuø'^na' jaléng' dsea` i 'né- quiá'- lajo.

29 Jo` ja` cá'na' júu` 'lé', co' dseáng'- lajii~ júu` e guiá- jogui e íng^ ta`ba' 'né- cá'na' e laco' nijmicóo~ quiá'- jaléng' dsea` i ninú- e júu` jo` jial nidsicuáng'gui quiá'r- e cuíñ` Dsea` Jmáang-. 30 Jo` ja` jmoo'na' e nilíng- fí'í' Jmiguí quiá'- Fidiéé', co' í'bing' seeng` cóo~ 'nú' e laco' cuø' lí' quí'na' e nilíng`na' dsea` sílaang` mí` nití- í' e nileáng- Fidiéé' jaléng' dsea` quiá'r- laco' sí'í'.

31 Jogui túu'na' jalé' e 'ní' áa'na' cóo~gui jalé' e guíng`na' quiá'- rúng'na' cóo~gui jalé' e jñng`na', jogui ja` fo'^na' júu` 'lé' quiá'- rúng'na', lí' lajalé' e 'li^ e jié'gui é. 32 Jo` ee`ba' jmang'- e guiá- cóo~ jaléng' dsea` rúng'na', jogui jmee`ba' fí' líng`na' jaléng' dsea` rúng'na', jogui íng'na' dsee- quiá'- dsea` rúng'na' lí' laco'gui' la jmoo` Fidiéé' e íñ- dsee- quí' 'nú' la'eáang' cóo~ Dsea` Jmáang-.

5

Jial 'né- seeng` dsea` quiá'- Dsea` Jmáang-

1 Jo` co' 'nú' líng'na' jóo' Fidiéé' i iñ~ eáang', joba' jmí'úung'na' e ni'ee`na' laco' 'ñia' dsea` do. 2 Jo` güiliseem`ba' e jmí'neáang'na' jaléng' dsea` rúng'na' lí' laco'gui' Dsea` Jmáang- jmí'neáaiñ` jneaa`aa' jogui cajáng' 'ñia'r' e cajúñ- fí' dse' crúu` uíi~ jneaa`aa'; jo` e cajúñ- do lí' lafa' coo` e jmeafñ` jlo^ e catíng- Fidiéé'.

3 Jo` co' dsea` quiá'- Fidiéeb` líng' 'nú', joba' jii~ ja` cuøøng` í' óo'na' fa' e síng`na' cóo~ dseañu` osi dseamí` i o' quí'na' é, o'gui e í' óo'na' jalé' e 'li^ e jié'gui cajo, o'gui suung'na' lí' doñí' ee'. 4 Jo` ja` fo'^na' júu` 'li^ o'gui júu` í' o'gui júu` ga` e ja` uíng~ sea, co' ja` catíng- jmée'^ 'nú' lajo; co' guiá-gui quí'na' e jmiféng'na' Fidiéeb'. 5 Jogui güilita~ óo'na' cajo e lí' doñí' ii` dsea` i 'léé' e güiñ` cóo~ dsea` i o' quiá'r-, osi jmóor` e 'li^ e jié'gui é, osi suuiñ` lí' doñí' ee', joba' i dsea` í ja` quí'- jmí~ e Dsea` Jmáang- cóo~gui Fidiéé' nicá' nifí' quiá'r-. Co' i dsea` i suung` lí' doñí' ee` do, joba' lí' e lafa' e job jmiféiñ'. 6 Jo` ja`

cuø' fí yaang~na' e jíi'~ jaang`dsea`nijmigóøiñ`'nú' cóo'~ jalé' júu^ e ja` íng^ ta~. Dsuo' uii~ quiá'~ jalé' e 'li'^ e nicafá'~a na, joba' cuø' Fidiéé` iihuú' eáang` jaléng' dsea` i ja` núu'~ lajii'~ júu^ quiá'r~. ⁷ Joba' ja` quíng'na' jee~ jaléng' i dsea` i jmóo` lajo.

⁸ Dsu' 'nú', lami~ jéeng'gui, fí li~ nuub` seeng'na'; dsu' lanagui, co' nilíng'na' lafa' jaam` dsea` cóo'~ Dsea` Jmáang~, joba' fí li~ jneáb` niseeng'na'. Joba' güiliseem'ba' laco'gui i dsea` i seeng` fí li~ jneá'. ⁹ Jo mi~ seeng` dsea` fí li~ jneá, joba' jmang'~ e guiá~ jmóor` cóo'~ dsea` rúíñ', jogui éer røø` cóo'~ dsea` do cajo, jogui jmang'~ júu^ jáb'~ quier'. ¹⁰ Jo fíi'~guú' 'nú', jmi'úung'na' e güiliseem'ba' laco' la iáang` dsíi' Fíi'naa' Dsea` Jmáang~. ¹¹ Jo ja` sicøøng^ yaang~na' e jmée'na' jalé' e ja` ta` íng^ laco'gui la jmóo` dsea` i seeng` fí li~ nuu; co' guiá~gui e nifí'na're e ja` dseeng` jalé' e jmóor` do. ¹² Dsuo' li'i' líim`baa' e lico' fé' bñ' uii~ quiá'~ jalé' e 'li'^ e jmóo` i dsea` la'í' fí li~ íng'. ¹³ Dsu' mi~ nifí'na're e ja` dseeng` jalé' e jmóor` do, joba' cajneáb` niing` jalé' e jo, jo lajoba' nililí' jaléng' dsea` jial lí' jalé' e jmóo` dsea` í' ¹⁴ lí' laco'gui e júu^ la:

Jmijnée` a', 'nu` dsea` lafa' güin' uii'~ dsee` quíi'~,

jo güijí' tu' la'eáang` cóo'~ Dsea` Jmáang~;

jo lajoba' dsea` do nijmér~ e niliseen' fí li~ jneá' jir~.

¹⁵ Jo fíi'~guú' 'nú', dsea` rú'naa', ñiing` áa'na' jial ni'ee'na' jmang'~ e guiá~, jo ja` güiliseeng'na' e jmoo'na' jalé' e ja` uiiing` sea, co' lí' lí' né' í' áa'na' laco' catím` cóo'~ jalé' e jmoo'na' do. ¹⁶ Jogui jmi'úung'na' e ee'na' guiá~ contøøng` cóo'~ jaléng' dsea` rúng'na', co' eám' ga` nijmóo` dsea` lajee` lana. ¹⁷ Jo ja` jmoo'na' jíi'~ cóo' e ja` mí' ca' lí' áa'na' røø` laco' catíng~, co' 'né' jmi'úung'na' e ningám'ba' lajii'~ e iing` Fíi'naa' Fidiéé` e nijmée'na'. ¹⁸ Jogui ja` jmée'na' jmang'~ ta` í', co' fí' gab` cá' jaléng' dsea` i jmóo` lajo; co' guiá~gui e jíi'~ Jmiguí' quiá'~ Fidiéé` nicá' nifí' quíi'na'. ¹⁹ Jogui mi~ føng' rúng' 'nú' la'ó' líng'na' dsea` quiá'~ Dsea` Jmáang~, féeng' rúng'na' cóo'~ jalé' júu^ quiá'~ Fidiéé` e toø` fí' ni~ jí' salmos jogui cóo'~ jalé' júu^ e ø' dsea` quiá'~ Fidiéé` cajo cóo'~gui jalé' júu^ e cuø' Jmiguí' quiá'~ Fidiéé`. Lajobi cajo, mi~ ø'na' jogui mi~ jmiféng'na' Fíi'naa' Dsea` Jmáang~, jmee'ba' car` ngocáng` óo'na'. ²⁰ Jogui ja` tiúung'na' e cuø'na' gui'máang'~ Tiquí'ii' Fidiéé` la'eáang` cóo'~ Fíi'naa' Dsea` Jmáang~ quiá'~ jalé' e dsingíng'na'.

Jial seeng`dsea` quiá'~ Dsea` Jmáang~ cóo'~ jaléng' dsea` sinúu^ quiá'r~

²¹ Jo jmée'na' núu'na' júu^ quiá'~ rúng'na' e iáang` áa'na' e laco' cuø' li~ e jmi'goo'ba' Dsea` Jmáang~.

²² Jo e laba' fíi' i 'nú', jaléng' dseamí, jmi'goo'ba' jaléng' dseañu' quíi'na'. Jo song lajob jmoo'na', joba' núu'ba' júu^ quiá'~ Fíi'naa' Dsea` Jmáang~. ²³ Dsuo' dseañu'bing' líng` dsea` mogui~ quiá'~ jaléng' dseamí quiá'r~ laco'gui Dsea` Jmáang~ líiñ' dsea` mogui~ quiá'~ jaléng' dsea` quiá'r~. Jo jaléng' i dsea` quiá'r~ do lí' lafa' coøb` ngúu' táaiñ` cóo'~ dsea` do. Jo dsea` dob dsea` láaiñ` jaléng' dsea` quiá'r~ jee~ dsee` quíiñ'. ²⁴ Jo jaléng' dseamí 'né' nú-bre júu^ quiá'~ dseañu' quiá'r~ e iáang` dsíi' lí' laco'gui jaléng' dsea` quiá'~ Dsea` Jmáang~ 'né' jmér~ núu'bre júu^ quiá'~ dsea` do cajo.

²⁵ Jo e laba' fíi' i 'nú', jaléng' dseañu', jmi'neáang'na' jaléng' dseamí quíi'na' laco'gui Dsea` Jmáang~ jmi'neáaiñ` jaléng' jneaa'aa', dsea` lí'naa' dsea` quiá'r~, jogui cajáng' 'ñia'r' e cajúñ' uii~ quíi' cajo. ²⁶ Jo cajméer` lajo e laco' ca'uíng'naa' dseáng' jíi'~ dsea` quiá'~ Fidiéé`. Jogui cajméer` e lafa' cajgíng'naa' cóo'~ e jmi' e cajgáang'naa' do cóo'~gui e júu^ quiá'r~ e caguiar` do cajo. ²⁷ Jo cajáng' 'ñia' dsea` do e cajúñ' e laco' nisíñ' jaléng' jneaa'aa' fí' quini' laco' jaang` dsea` i sijgíng` jogui i siguíng` fí' quini' dsea` do jogui

i jii~ coo` dsee- ja` sea` quiá~. 28 Jo jaléng` dseañu` 'né- 'neáam`bre jaléng` dseamf` quiá~r- lí^ laco'gui la 'neáang` yaaiñ~. Co' i dsea` i 'neáang` dseamf` quiá~, joba' 'neáaiñ` yaaiñ~ cajo. 29 Dsaco' ja` seeng` dsea` fa' e ja` to` fíng` yaaiñ~, co' lí^ lí` jmóor` í^ røøb` jogui to` fíiñ` cóo~ jalé' e 'né- quiá~r-. Jo lajob` jmóo`gui Dsea` Jmáang- cóo~ jaléng` jneaa~aa', dsea` lííí' dsea` quiá~r-, røøb` to` fíiñ` cajo, 30 co' lafa' ngúu` táam`bre líí` jneaa~aa', dsea` lííí' dsea` quiá~r-. 31 Co' lalab fé' fí` ní` jì` quiá~- Fidiéé: "Naam` jaléng` dseañu` quiá~- tiquiá~r` jogui quiá~- niquiá~r`, jo dsilíiñ- cóo~ dseamf` i nicúng` guó` cóo~bre, joba' lajì` huáaiñ- do ni'uiñ- lafa' jaam`dsea~." 32 Jo e júu^ quiá~- Fidiéé` na ja` mí` cangáng` dsea` røø` jéeng`gui, dsu' jnea~gui fá'a e júu^ la lana cuaiñ~ quiá~- Dsea` Jmáam- colíing~gui cóo~ jaléng` jneaa~aa', dsea` lííí' dsea` quiá~r-. 33 Jo lajob` líí, lajaang` lajaam` 'nú' dseañung`na', 'né- 'neáam`ba' dseamf` quiá~na' laco'gui 'neáang`na' yaang~na'; jogui lajobi jaléng` dseamf` 'né- jmi'gó`bre dseañu` quiá~r- cajo.

6

1 Jogui e laba' fíi- i 'nú', jaléng` jiuung~, jmée^na' núu~na' jalé' ta~ quiu' tiquiá~ niquiá~na', co' lajob` iing~ Fidiéé` e catíng- nijmée^na'. 2 Jogui e lab júu^ la'uii- e quiu' ta~ quiá~- Fidiéé` e song` jmiti~ dsea` e jo, joba' ni'íiñ` e nisi'íiñ` e nicuó~ Fidiéé` ír; jo lalab fé' e júu^ do: "Jmi'goo` tiquiá~ cóo~ niquiá~, 3 jo lajoba' niliseen` juguiá- jogui niñíin` e huóøb- seen` fí` jmigüí~."

4 Jogui jaléng` 'nú', dsea` líng`na' teaa~, ja` jmoo`na' e niliguiing- jaléng` jóo`na'; co' guiá~gui e jmícuang`na're e íib' 'goo` quiá~r- cóo~ jalé' e e'na're laco'gui cóøng` cóo~ júu^ quiá~- Dsea` Jmáang-.

5 Jogui lalab fíi- i jaléng` 'nú', dsea` si'níing` i jmóo` ta~ huí' i ja` 'léeng`-, jmee~ba' núu~na' jalé' ta~ quiu' fii~ quíi~na'. Jogui jmee~ba' jalé' ta~ jo e jmi'goo`ba're jogui e ngocáng` óo`na' cajo lí^ laco'gui catíng- e 'né- jmée^na' cóo~ Dsea` Jmáang- 'ñia'r'. 6 Jogui jmee~ba' ta~ røø` laco' síí^, jo o' jii~ mí~ ní` fii~ quíi~na' 'né- jmée^na' ta~ e lí^ laco' níjá`na' guiá- cóo~r-. Jo co' 'nú' dsea` i jmóo` lajii~ e iing~ Fíi`naa' Dsea` Jmáam- nilíng`na', joba' car` ngocáng` áa`ba' 'né- jmiti`na' e ta~ do, jo lajoba' íaang` dsíí' Fidiéé` cóo~ jalé' e jmoo`na' do. 7 Jo 'né- jmée^na' e ta~ do e íaang` óo`ba' laco'gui catíng- jmée^na' mí~ jmoo`na' lajii~ e iing~ Dsea` Jmáang-, jo o' laco' mí~ jmoo`na' ta~ fí` quini~ dsea` jmigüí~. 8 Co' niñíb^ 'nú' e doñí` ií` dsea', si dsea` si'níing` i jmóo` ta~ huí' e ja` 'léeng`- osi o' lajo é, ni'ím`bre lajii~ e catíiñ- e cuø` Fidiéé` quiá~- jalé' e guiá- e cajmээр` do.

9 Jogui jaléng` 'nú', dsea` líng`na' fii~, ee~ba' røø` cóo~ jaléng` dsea` jmóo` ta~ quíi~na', jo ja` jmée^na' soo` áa`na' cóo~r-. Jogui téé' óo`na' e jaam` Fíi`naa' Fidiéé` i seeng` i guíing~ fí` ñííí- i quiu' ta~ quíi~na' cóo~gui dsea` i si'níing` i jmóo` ta~ quíi~na' cajo. Co' fí` quini~ Fidiéé` røøb` líí`naa' lajaang` lajaang`naa'.

Jial jmi'óng` dsea` yaaiñ~ jee~ i 'líng`^

10 Jogui lana, dsea` rú`naa', cuóø~ bí` yaang~na' lajii~ fí` niteáang`na' la'eáng` cóo~ e bí` 'gøng` quiá~- Fíi`naa' Dsea` Jmáang-, co' dsea` quiá~- dsea` dob` nilíng`na'. 11 Jo jmi'óng` yaang~na' cóo~ jalé' e cangíng`na' e cacuø' Fidiéé` 'nú' e laco' ja` nicá`na' fí` ga` mí~ iing~ fii~ i 'líng`^ jmigøøiñ` 'nú', lafa' jaang` 'lée- quie`bre cóo~ jalé' e jmi'óng` 'ñia'r' mí~ dsээр` jee~ 'nii'. 12 Co' ja` jmoo~naa' ta~ tíng` cóo~ dsea` jmigüí, co' ta~ tíng` cóo~ jalé' guí` lí^ e eáang` óo` bí` e íí` fí` guiá~ guí`ba' jmoo~naa', co' e guí` jo quie` nífi` jogui sílíí~ jaléng` dsea` fí` la fí` na. 13 Joba' jmeáang~na' ta~ jalé' e cangíng`na' e cacuø' Fidiéé` 'nú' e nijmi'óng` yaang~na', jo lajoba' nité`na' cóo~ i 'líng`^ mí~ nití~

í' e nijmeáin' 'nú' ga. Joba' mi' calí'na' jalé' e jo, jie' mí' tú'na' lajii' fí' teáang'na' jóng.

¹⁴ Jo jie' mí' tú'na' lajii' fí' niteáang'na' e quié'ba' jmang' júu' já' quiá' Fidié'; jo e júu' já' na lí' lafa' coo' lo'ñúu' tu' e 'ñúu' teá' tu' jaang' 'lée'. Jogui ee'ba' røø' fí' quini' Fidié' contøng'; jo e na lí' lafa' coo' 'mi'qui' ní' quiá' jaang' 'lée' cóo' e jmi'óin' fí' nidsír' fí' jee' 'nií'. ¹⁵ Jogui' né' néeb' guiá' qui'na' contøng' e laco' ni'uøng'na' nigüiguiá'na' júu' quiá' Dsea' Jmáang' e quiá' jial seeng' dsea' juguiá' júu' røø' cóo' Fidié'; jo e na lí' laco'gui mi' jaang' 'lée' guieeng' guiá' 'ñia'r' e ni'ø'r' lomüir'. ¹⁶ Jo co' nicajáam' yaang'na' fí' jaguó' Dsea' Jmáang', joba' qui'ba' jmü' nijmi'øng' yaang'na' jee' jalé' e ga' e iing' fí' i' ling' nijmeáin' 'nú'; jo e na lí' laco'gui mi' jaang' 'lée' quié'bre cóo' e nijmi'øng' 'ñia'r' jee' ñisü'. ¹⁷ Jo nisilaam'ba' jee' dsee' qui'na'; jo e na lí' laco'gui coo' logui' ní' qui'na' cóo' e jmi'øng'na' moguí'na'. Jogui jmeám'ba' ta' e júu' quiá' Fidié' e nica'ling'na' do e cacuø' Jmiguí' quiá'r'; jo e júu' na lí' laco'gui coo' ñisü' e eáang' dsea' jee' 'nií'. ¹⁸ Jo lajee' jo, ja' tiúung'na' e føng'na' Fidié' jogui' mí'na' dsea' do contøng' la'eáang' cóo' Jmiguí' quiá'r' e nijmicóo'r' 'nú'. Jo contøøm' 'né' e ñiing' áa'na' e ja' nilitúng' óo'na' e mí'na' Fidié' uii' quiá' lajüng' dsea' quiá'r'.

¹⁹ Jogui' mí'na' Fidié' uii' quié' jnea' cajo, e nicuø'r' jnea' e ñi'baa' e júu' niguiáa' jee' dsea' e ja' 'gó'o' e laco' niliñi' dsea' júu' quiá' Dsea' Jmáang' e quiá' jial laang' dsea' jee' dsee' quiá'r' e ja' mí' caliñir' lami' jéeng'gui. ²⁰ Co' Fidié' casíñ' jnea' fí' la e laco' niguiáa' júu' quiá' jial laang' dsea' jee' dsee' quiá'r', jo uiiing' e joba' e sijn'ñ'n lana. Jo mí'gui' Fidié' uii' quié' e e laco' nifá'a e júu' jo jee' jaléng' dsea' e ja' 'gó'o' jii' capí'.

Júu' guicóo' lí' cadséng' quiá' Paa'

²¹ Jo Tíquico líiñ' jaang' dsea' quiá' Fidié' i' 'neáang'naa' eáang' jogui' i' ée' ta' røø' cóo' jalé' ta' quiá' Fidié'. Jo dsea' íb' nicár' júu' fí' na' jial seen' jogui' jalé' e jmóo' fí' la cajo. ²² Jo uiiing' lajoba' nisün'nre fí' na' e laco' nijmeá'r' 'nú' júu' jial see'naa' fí' la, jo lajoba' nicuø'r' 'nú' bí' e laco' ja'gui' lüng'na' fí' í' uii' jnea'.

²³ Jo mí'i' Tiquí'naa' Fidié' cóo'gui' Fí'naa' Dsea' Jmáang' e nijmér' e niliseeng' 'nú', dsea' líng'na' dsea' quiá'r', juguiá' júu' røø', jogui' e ni-jmi'neáang' rúng'na' la'eáang' e nicajáang' yaang'na' fí' jaguó' dsea' do. ²⁴ Jo mí'i' Fidié' e güi'í'bre güea' quiá'r' jee' jaléng' dsea' quiá'r' i' 'neáang' Fí'naa' Dsea' Jmáang' contøng' jogui' lata'.

Jo lanab' jii' fé' jii' quiá' Paa' e catüng' jaléng' dsea' quiá' Dsea' Jmáang' i' seeng' fí' Éfeso.

Júu^ e toq̄ fí ni~ jì quiá'- Paa- e catíng- dsea` seeng' fí FILIPOS

¹ Jnea~ Paa- cóo'~ Timoteo lí'naa' dsea` i jmóo` lajii'~ e iing~ Dsea` Jmáang-. Jogui lana guiéeng'~naa' júu^ guicóo'~ quiá'-na', dsea` quiá'- Fidié~ i neáng' fí' na fí' Filipos i líng' lafa' jaam` dsea` cóo'~ Dsea` Jmáang-. Jogui lajobi guiéeng'~naa' júu^ guicóo'~ quiá'- jaléng' dsea` mogui~ i quiá' ta~ jee~ 'ná' cóo'~ gui jaléng' i jmicóo'~ gui quiá'r- cajo. ² Jo má'~ i Tiquí'naa' Fidié~ cóo'~ gui Fí'naa' Dsea` Jmáang- e ni'ir- güea' quiá'r- jee~ 'ná' jogui e nicuó'r- 'ná' e seeng'na' juguiá- júu^ røø`.

Mi~ caféng' Paa- Fidié~ uii'~ quiá'- dsea` seeng' fí Filipos

³ Jo lacoq̄` née'~ mi~ dséng' dsii- 'ná', cuøø-ø gui'máang'~ Fidié~ uii~ quiá'-na'. ⁴ Jogui lacoq̄` née'~ mi~ fón'n Fidié~ uii~ quiá'-na' lajaléng'na', jmóo` e iáang` dsí'baa, ⁵ co' eáam' cajmicóo'~ rú'naa' e guiá'naa' júu^ quiá'- Dsea` Jmáang- jii'~ ie~ latí' mi~ caneeng~ rú'naa' jo cartí' jmí~ na. ⁶ Jo tab~ dsii- e Fidié~ bing' i canaang` jmóo` jalé' e guiá- jee~ jaléng' 'ná', jogui í'bi cajo i nijmé- gui lajo cartí' niteáiñ' e ta~ jo ie~ mi~ nití- í' e nigüéeng- tu Dsea` Jmáang- fí' jmigüi' la. ⁷ Jo dseáng'- lajob catíng- e í' dsii- uii~ quiá'-na' lajaléng'na', co' eáam' 'neáan'n 'ná' jogui røøb' nica'ling'~naa' jalé' e guiá- e cuø' Fidié~ jneaa~aa', nañí' fa' iuun- sijnín'n fí' dsí' 'nañí' osi e niguién'-n fí' quini~ dseata~ é, e jmi'ó'ø osi jmitaa' dsí' dsea` e júu^ quiá'- jial laang` dsea` jee~ jalé' dsee- quiá'r-. ⁸ Jo Fidié~ dsea` ñir' jial tí' e iin~ n nimáan~n lajaléng' 'ná' lí' laco' jii'~ e cuø' Dsea` Jmáang- jnea~ e nijmi'neáan'n 'ná'.

⁹ Jo má'~ i Fidié~ e eáang' gui nidsicuáng` e jmi'neáang` rúng'na', jogui e nicuó'~ guir 'ná' e nilijmí'na' jogui e ningáng'na' ¹⁰ e laco' lí'na' guí'na' contøøng- lajalé' e guiá-. Jo lajob quiá'-na' jmí~ e seeng'na' e ee-na' guiá- e laco' ja' nilisea` dsee- quiá'-na' mi~ nití- jmí~ e nigüéeng- tu Dsea` Jmáang- fí' jmigüi' la. ¹¹ Jo ie~ jo jaléng' 'ná' nijáa'~na' júu^ cuaiñ~ quiá'- jalé' e guiá- e cajmee'na' la'eáang' cóo'~ Dsea` Jmáang- e laco' nijmi'goo'na' Fidié~ jogui nijmiféng'na' dsea` do.

Seen- fí' jmigüi' la e jmóo` lajii'~ e iing~ Dsea` Jmáang-

¹² Jo jnea~ iin~n e niliñí' 'ná', dsea` rú'naa', e jalé' e nicangongín-n fí' la dseáng'- eáam' nicalí'ing^ ta~ e laco' nini'~ gui júu^ quiá'- jial laang` dsea` jee~ jalé' dsee- quiá'r-. ¹³ Co' jaléng' dsea` i jmóo` ta~ fí' 'nú' lí' guiing~ dseata~ dsea` féng' quiá'- dsea` romano cóo'~ jaléng' gui dsea` caguaiang-, guiáb- ñir' e sijnín'n fí' dsí' 'nañí' dsu' uii'~ e lín'n dsea` quiá'- Dsea` Jmáang-. ¹⁴ Jogui mi~ caliñí' jaléng' dsea` rú'naa' dsea` quiá'- Dsea` Jmáang- e sijnín'n fí' la, joba' e jie~ ja' lajalém' dsea` do eáang' gui nicaguaí' dsíir' e ni'r' júu^ quiá'- Dsea` Jmáang-, jogui dseáng'- ja' 'gó'bre jmóor' lajo.

¹⁵ Jo e jáb'-, i líng~ i dsea` í' guiar' júu^ quiá'- Dsea` Jmáang- dsu' e dsihuím'bre osi e 'ní' ní'-bre é, jo dsu' i líng~ gui jmóor' e ta~ jo e guiá- dsí'bre. ¹⁶ Jogui i líng~ i dsea` í' jmóor' e ta~ jo e ngocáng` dsí'bre co' eáam' 'neáiñ' Fidié~, co' ñi'bre e uing~ e iuung- jnea~ fí' la e laco' jmi'ón'n júu^ quiá'- Dsea` Jmáang-; ¹⁷ jo dsu' i líng~ i dsea` í' guiar' júu^ quiá'- Dsea` Jmáang- e lí' laco' nijmeáng- quiá'r- yaam~bre, jogui ja' jmóor' e ngocáng` dsíir' e ta~ jo, co' lico' iin~ e ni'meáang' guir jnea~ lí' iuun- fí' dsí' 'nañí' la. ¹⁸ Jo dsu' ja' e cuaiñ~ quié- e jialco' guia' dsea` e júu^ jo, si e ngocáng` dsíir' osi o' lajo é; co' jmi'íáam` dsí' jnea~ dsu' e guia' dsea` júu^ quiá'- Dsea` Jmáang-.

Jø eám'bi nili'iaang` dsii-, ¹⁹ cø' ñi'baa e nileám'baa li~ iuun- la, cø' jaléng' 'nú' mii'ba' Fidiée' uii~ quié-e, jøgui jmicóo'~bi Jmiguí' quiá'- Dsea` Jmáang- jnea~ cajo. ²⁰ Jø dsu' eám' iin~n jøgui eám' sijeem' e ja` nicuó- Fidiée' fí' e nicaa- fí'i', cø' lí' lí' eáang'gui sijeem' e teá' dsii- e guiaa- júu^ fí' quini' jaléng' dsea', jø lajòb nijmi'goo- Dsea` Jmáang- e ngocáng` dsii- jø ja` e lí' e seen- osi e júun- n é. ²¹ Cø' jnea~ seen- fí' jmigü' la e jmóo'o lajii'~ e iing~ Dsea` Jmáang-; jøgui song jún- n, jøba' guiá'-gui b ni'uíng- quié-e jóng. ²² Jø dsu' song seeng- guí' fí' jmigü' la, nili' bii' jmee' e ta~ e laco' nilifíng'gui dsea' quiá'- Dsea` Jmáang-; jøba' ja` ñii- e~ nigui'í' i, su e seeng- guí' ofa' e júum- baa é. ²³ Cø' huím' lí' quié-e e nigui'í' i cøo' lajee' e tú- júu^ la: ca'íng'~ e íaang` dsii- e nijúun- n e laco' niní' i cøo'~ Dsea` Jmáang- fí' jmigü' cøo', cø' lajòba' e eáang'gui nijmeáng- quié-e; ²⁴ jøgui e ca'íng'~gui do, eáang'gui la guíng' quií- na' e seem- bii' fí' jmigü' la. ²⁵ Jø cø' nitab~ dsii- e seem- bii' fí' jmigü' la, jøba' nija' bii' cøo'~ 'nú' fí' na e laco' nijmicóo'~ bii' 'nú' e nidsicuáng'gui quií- na' cøo'~ júu^ quiá'- Dsea` Jmáang-, jøgui e laco' eáang'gui nili'iaang` óo'na' cøo'~ e júu^ e já'- nicalíng- na' do. ²⁶ Jø mi~ niguiéng'- túu fí' jee' 'nú', nili'iaang'gui óo'na' uii'~ quiá'- jalé' e guiá'- e nicajmée' Dsea` Jmáang- cøo'~ jnea~.

²⁷ Jø jmi'úung'na' e niliseeng'na' røø' laco' cøøng' cøo'~ júu^ quiá'- Dsea` Jmáang-. Jøba' nañi' fa' e gáa'a ga'ee'e 'nú' osi huíi- bi táan' n é, dsu' tab~ dsii- e teá' teáang- na' cøo'~ júu^ quiá'- Dsea` Jmáang- jøgui e dseáng'- conrøø' siiing- na' lajaléng'na' e cuø'~ bi' bi' yaang- na' colíng- e laco' nijá'- líng' dsea' júu^ quiá'- jial laang' dsea' jee~ jalé' dsee- quiá'r-, ²⁸ jøgui e ja' føøng'na' jii'~ capí' jaléng' dsea' i' ní' 'nii- quií- na'. Cø' e na cuø' li~ quiá'- jaléng' i' dsea' do e ningoliñ- fí' lí' 'lí', jø dsu' quií- 'nú' cuø' li~ e niliseem'ba' lata~ cøo'~ Fidiée', cø' lajòb nisi'í' quiá'- dsea' do. ²⁹ Cø' dsea' quiá'- Dsea` Jmáam- líng' 'nú', jøba' ngíng'na' e já'- líng'na' júu^ quiá'r-, jøgui ngíim'ba' cajo e nimó'na' iihuí' dsu' uii'~ e nilíng'na' lajò, ³⁰ cø' conrøø' 'ní' níng- dsea' jneaa'aa' lana, jø móob- 'nú' e lajòb cajmeáng' dsea' jnea~ lamí~ jéeng'gui, jøgui niñi' bi' cajo e lajòbi jmóor' cøo'~ jnea~ latí' lana.

2

Dsea` Jmáang- cajmi'uóng- 'ñia'r' jø ca'uiñ- jaang' dsea' niing-

¹ Jø teáb' óo'na', dsu' cø' lafa' jaam' dsea' líng'na' cøo'~ Dsea` Jmáang-; jøgui ja' fí'í' líng'na', cø' Dsea` Jmáam- 'neáang' 'nú' jøgui Jmiguí' quiá'r- seem' røø' colíng- cøo'~ 'nú'; jøgui jmi'neáang' rúng'na', jøgui fí' líng- rúng'na' cajo, ² jøba' jmee- bi' bi' e laco' jmi'iaang'na' dsii- e seeng'na' colíng- juguiá- júu^ røø', jøgui 'neáam' rúng'na' lajiiing'na', jøgui cøo'ba' í' óo'na' lajii'~ fí' teáang'na'. ³ Jø jie~ mí' jmoo'na' jii'~ cøo' e móo- na' e jmóo' dsea' rúng'na' dsu' uii'~ e 'ní' máang'na' r osi e jmicøøng'~ yaang- na' é, cø' lí' lí' 'né- e jmi'uóng' yaang- na' jøgui e jmi'goo'na' dsea' rúng'na' eáang'gui laco' yaang- na'. ⁴ Jø dsu' ja' jmée'na' e lico' 'no'^na' jial ni'uíng- guiá- quií- na' yaang- na', cø' lajòb 'né- 'no'^na' cajo jial ni'uíng- guiá- quiá'- jaléng' dsea' rúng'na'.

⁵ Jø í' óo'na' røø' lajii'~ fí' teáang'na' lí' laco'gui cajmée' Dsea` Jmáang-.

⁶ Cø' ír' røøb' cøøiñ' cøo'~ Fidiée',
jø dsu' ja' cajmeáng' 'ñia'r' fa' e røø' cøøiñ' cøo'~ dsea' do,

⁷ cø' cab' caséer' lajii'~ e si'íiñ' quiá'- Fidiée',

jø ca'uiñ- e røøb' cøøiñ' laco' jaang' dsea' jmigü' i' jmóo' ta~ fí' quini' dsea' rúng',

jø caliséiñ' fí' guóo'~ uó- e líiñ' jaang' dsea' jmigü'.

⁸ Jø dsu' lajee' e ca'uiñ- lajò, cajmi'uóng- 'ñia'r' e ja' cajméer' ta~ quiá'r' 'ñia'r',

co' lajii' ta~ quiu' Fidiée'ba' cajméer` car` cartí' í' e catáin~ fí' dse' crúu^, jo fí' job cajúin~ .

⁹ Jo uí' e lajob cajméer`, joba' Fidiée' caseain' dsea` do yú'^gui, jogui cajméer` e niing`gui dsea` do lajee` lajalé' jogui lajee` lajaléng' i seeng` fí' la'úng` fí' jmiigüi'.

¹⁰ Jo cajmée` Fidiée' lajo e laco' mi~ ninú' jial tí' niing` Jesús, joba' coo' quiéeb~ nisi' dsea` uø~ jnir~ doñi' jié' seem`bre, si fí' jmiigüi' coo' osi fí' jmiigüi' la osi fí' lí' teáang'` líi~ é,

¹¹ jo nililí' lajiiing` dsea` jo nifé'r` e jáb'~ e Dsea` Jmáam~ líiñ' Fii~ i quiu' ta~ fí' la'úng` ,

jo lajoba' nijmi'gó' lajiiing` dsea` Tiquí'ii' Fidiée'.

Dsea` quiá'~ Dsea` Jmáang` líiñ' dsea` i lafa' sijing'` jee` dsea` jmiigüi'

¹² Jo lana, dsea` rú'naa' i iin~n eáang', jo lí' laco' nicajmee'na' núu~na' contøng` júu^ quiá'~ Fidiée' e nicafíi' i 'nú' lajee` e nicataan~n cóo'~ 'nú', joba' eáang'gui 'né~ jmée'na' núu~na' cajo mi~ ja` quiigeáan`n cóo'~ 'nú'. Jo jmi'goo'na' e ngocáng` óo'na' lajii' e fí' guiá~ lí' niteáang`na' cóo'~ Dsea` Jmáang` ; ¹³ co' Fidiée'bing' i cuø' 'nú' e iing`na' jmée'na' jmang'~ e guiá~ , jogui dsea` íb` cajo i jmicóo'~ 'nú' e laco' nijmée'na' jalé' e jo lí' laco' e iáang` dsíir' 'ñia'r'.

¹⁴ Jo jmée'na' lajalé' e jmoo'na' e ja` sée'na' dsee~ jogui e ja` jiiing`na', ¹⁵ jo lajoba' jii'~ jaang` dsea` niguié'r' jial ni'niñ~ 'nú' osi nicuø'r'~ 'nú' dsee~ é. Jo jmiliing` yaang`na' e líng'na' dseáng'~ jóo' Fidiée' i ja` si'ling'` jee` dsea` jmiigüi' i seeng` jmi~ na. Co' jaléng'~ i dsea` seeng` jmi~ na eáam' 'líiñ'` jogui ja` í dsíir' laco' catiiing` . Jo dsu' 'nú' líng'na' dsea` i lafa' sijing'` jee` jaléng'` dsea` jmiigüi' i seeng` fí' lí' nuu' lí' laco'gui jing'` jaléng'` núu' i sitøng'~ yú'^ jmiigüi' mi~ canuu. ¹⁶ Jo lajob líng'na', joba' ée'na' jaléng'` dsea` e júu^ quiá'~ jial niliseeng` dsea` cøng` cóo'~ Fidiée' lata~. Joba' mi~ nití' í' e nijáatu Dsea` Jmáang` fí' jmiigüi' la, eáang'gui nili'íáang` dsii~ uii~ quií'na', co' ñi'baa e eáam' nicali'íing` ta~ lajii' e ta~ huíng` e nicajmé~ e jee~ 'nú' jogui lajobi lajalé' iihuí' e nicamó~ o jee~ 'nú' cajo. ¹⁷ Jo nañi' fa' nijáang'~ 'ñiá'a e nijúun` n e laco' ni'ie' lajii' e cuø' 'nú' Fidiée' uí' e já'~ líng'na' júu^ quiá'r' , joba' eáam' nili'íáang` dsii~ fíng song calí~ lajo lí' laco' nili'íáang` óo' 'nú' cajo. ¹⁸ Jogui lajobi 'nú' nijmi'íáam` áa'na' coliiing` cóo'~ jnea~.

Mi~ cajmée` Paa` júu^ e niguiéiñ' Timoteo cóo'~ Epafrodito fí' Filipos

¹⁹ Jo song Fii'naa' Jesús cuø'r' fí' lajo, joba' lajmináb~ iin~n nisiñ`n Timoteo e nidsi'éer' 'nú' fí' na. Joba' nitíin`n bí quié~ e mi~ ni'ín'~n júu^ quií'na' e nicóo' dsea` do e quiá'~ jial seeng`na'. ²⁰ Jo jo` i dsea` seeng`gui quié~ e i jiéng'`gui laco' Timoteo i guing` dsii' dseáng'~ lajang'~ uii~ quií'na'; ²¹ co' lajalém' dsea` 'nó'r' jmóor` lali~ e tí dsíir' yaam`bre, jo ja` 'nó'r' jmóor` jalé' e guiá~ e iing` Dsea` Jmáang` . ²² Dsu' niñib` 'nú' jial tí' guiá~ nica'ée Timoteo jogui jial nicajmó~ naa' ta~ e guia'naa' júu^ quiá'~ Dsea` Jmáang` , co' nicajmicóo'r` jnea~ laco' jaang` jóo' dsea` mi~ jmóor` ta~ jmicóo'~ sejmiir'. ²³ Jo íbing'` sijeem` e nisiñ`n e dsie'er' 'nú' fí' na ladsifí' mi~ niliñii~ jial ngóo' quié~ e fí' la. ²⁴ Jo sijeem`baa cajo e Fii'naa' Dsea` Jmáang` nicuø'r' jnea~ fí' e ngóo'baa 'ñiá'a e ni'ee' e 'nú' fí' na lajminá~ .

²⁵ Jogui lín`n e la guím' 'né~ niguiéeng'~ túu' fí' na i dsea` rú'naa' dsea` quiá'~ Dsea` Jmáang` i siñ Epafrodito i nicajmée` bí cóo'~ jalé' ta~ e nicajmé~ e coliiing` cóo'r' , co' íb` dsea` i casíng` 'nú' fí' la e quiá'~ jmicóo'r` jnea~ cóo'~ jalé' e 'né~ e lí' iuun` sijniñ`n fí' la. ²⁶ Jo i Epafrodito na eáam' ni'iiñ~ e niníiñ~ 'nú', co' fí' íb` líiñ' dsu' e nicaliñi'na' júu^ e calidsée'r' eáang'. ²⁷ Jo e já' e

nicalidsée'r~ jo jie~ ja` mí cajúum~bre; jo dsu' Fidiée` calí~ fí~ lím~breiñ' do, joba' cajmi'leáam~bre, jo la quie' tí jneab~ calí~ fí~ líng~ Fidiée` cajo cóo~ jalé' fí'í^ dsí' seen~, co' nilifé'guib fí'í^ quie~e fíng song cajúñ~. ²⁸ Joba' niguiém'~ba're lajminá~ fí' na e laco' nili'íáang` áa'na' mí nimáang~na'r calé' catú~, jogui jnea~ guáa'guijiu fí'í^ quie~e cajo. ²⁹ Jo mí niguieng'tur fí' na, íng~na'r e íáang` óo'na', co' dsea` quiá~ Fí'naa' Dsea` Jmáang~ líñ'. Jogui jmi'goo'ba' jaléng` dsea` í ée` laco'gui ée` í dsea` na. ³⁰ Jo jie~ ja` mí cajúum~bre dsu' uí'~ e jmóor` ta~ e nicang`íñ~ quiá~ Dsea` Jmáang~. Co' cagua' dsír' doñ' ee` calím~bre e laco' cajméer` ta~ jmicóo'~ jnea~ uí'~ e 'nú' ja` dsítíng~ qui~na' jmée^na' lajo.

3

Jíi~ cóo` e quíng'gui eáang` e laco' e licuíng'guí Dsea` Jmáang~

¹ Jogui lana, dsea` rú'naa', jmi'íáang`gui óo'na' uí'~ e líng`na' dsea` quiá~ Fí'naa' Dsea` Jmáang~.

Jo dsu' ja` e 'ní' tñ'n` jnea~ e fí~túu` 'nú' calé' catú~ e fí' ní' jì la lajii~ e nicafí~i 'nú' lami~ jéeng`gui, co' e júu^ la eáam` nili'íng` ta~ qui~na'. ² Jo jmeáang~ í yaang~na' quiá~ jaléng` í 'ná^ dsinóo` í ja` ée` ta~ røø` jogui too~ lí' fí' ngúu` táaiñ`. ³ Jo dsu' jneaa'aab' dsea` lí'naa' í dseáng~ lajang` dsea` quiá~ Fidiée~, co' la'eáang` cóo'~ Jmiguí quiá~bre e jmiféng`naa'r jogui jmi'íáam`bi dsí'naa' cajo dsu' uí'~ e lí'naa' dsea` quiá~ Dsea` Jmáang~, jogui ja` ta~ dsí'naa' e niliguiúng~naa' fí' quini~ Fidiée` cóo~ jalé' e jmoo`naa' osi jial lí'naa' fí' jmigüí la é. ⁴ Co' nañ'í fa' jnea~ seab` uing~ e nijmee~ e ta~ dsii~ e niliguiún~n fí' quini~ Fidiée` cóo~ jalé' e jo, jo dsu' jíi~ jaang` dsea` cuøøng` lí' jmita~gui dsír' laco'gui jnea~ cóo~ jalé' e jo. ⁵ Co' jnea~, jñiá~ jmi~bi ngóo'ó mí' cató~ lí' fí' ngúu` táan`n lí' laco' quí'~ tñng` dsea` Israel; jogui lín`n síju` dsea` Israel; jogui dsea` quiá~ 'líi` yúu~ Míng~ lín`n; jogui jmi' hebreo fá'a jogui lajobi dsea` cuøøng~ quié~e cajo; jogui dsea` Israel í líng` fariseob lín`n cajo, co' cajmi'goo~ dseáng~ laco' sí'í^ jalé' júu^ quiu' ta~ quiá~ Moi~; ⁶ jogui eáam` caliguiing~ dsii~ jalé' e 'né~ jmitii^ cóo'~ dsea` góo'ó dsea` Israel, co' j'gui cajmeáan`n ga` jaléng` dsea` quiá~ Dsea` Jmáang~; jogui cajmé~baa núu~ lajii~ júu^ quiu' ta~ quiá~ Moi~, joba' jíi~ cóo` dsee~ cuøøng` lí' cuø' dsea` jnea~. ⁷ Jo dsu' jalé' e ca'í^ dsii~ lami~ jéeng`gui e eáam` quíng` quié~e, dsu' lana jo` e quíng` quié~e jíi~ cóo` jalé' e jo, co' lana Dsea` Jmáam~bing' í nicalicuíñ`. ⁸ Jo jnea~ í dsii~ e jíi~ cóo` e quíng` e níng~gui eáang` laco' e quíng` e licuíng`guí Fí'naa' Dsea` Jmáang~. Jo jalé' e lami~ í dsii~ e eáam` quíng` quié~e do, dseáng~ jo` e ta~ íng` quié~e lana, co' lafa' quib` calí~; dsuco' níng~gui eáang` quié~e e nilicuíng`guí Fí'naa' Dsea` Jmáang~ ⁹ jogui e nilín`n lafa' jaam` dsea` cóo'r~. Dsu' ofa' nijmiguiúng~ 'ñiá'a fí' quini~ Fidiée` uí'~ e jmóo'ó núu'~ e júu^ quiu' ta~ quiá~ Moi~, co' lanagui nilín`n dsea` guiúng~ fí' quini~ Fidiée` dsu' la'eáang` e nicajáang~ 'ñiá'a fí' jaguó` Dsea` Jmáang~. Co' lí' laco' cuøøng` fe`ee', e Fidiée`bing' cajméè` e caliguiún~n fí' quinir~ la'eáang` e cajáang~ 'ñiá'a fí' jaguór`. ¹⁰ Jo dsu' jnea~ iin`n e nijmicuíim`bí Dsea` Jmáang~ jogui e niñín`n e bí' 'gøng' quiá~ Fidiée` cóo~ e cajmijí'tur Dsea` Jmáang~ jee~ jaléng` 'líi~, jogui e moo~o iihu' uí'~ e lín`n dsea` quiá~ Dsea` Jmáang~, jogui cajo ca' guíaa~ jalé' e iin`n jmee~ e 'ñiá'a, co' uí'~ e cajméè` Dsea` Jmáang~ lajo, joba' cajúñ~ fí' dse' crúu'; ¹¹ jo lajob` jmóo'ó uí'~ e nitab~ dsii~ e nilí'í e nijí'túu` jee~ jaléng` 'líi~ mí' nití~ í' lajo.

Nijmi'úung`guí e laco' nilí'í lajii~ e nisi'íng` Fidiée` jnea` fí' jmigüí cóo`

12 Jo dsu' ofa' fá'-a e nilí'-i lajalé' e fá'-a na, o'gui e dseáng'- níguiún-ñ fí' quini' Fidié' cajo; dsu' jmi'úum'bñ e laco' nilí' i e jo, co' uii' e joba' catáng'^ Dsea' Jmáang- jnea' lami' jéeng'gui. 13 Dsea' rú'naa' dsea' quiá'- Dsea' Jmáang-, dsu' ofa' fá'-a e dseáng'- nicalí'-i 'ñiá'a jalé' e na; dsu' e jáb'- dseáng'- jo' ee' í'gui dsii' cuaiñ' quiá'- jalé' e nicajmé'-e lami' jéeng'gui do, co' lí'^ lí' jmi'úung'guñ e nilí' i jalé' e sijéé'gui quié'-e 14 e laco' niñiin'n jalé' e nisi'í' e nicuó'- Fidié' jneaa'aa' fí' jmigü' coo' uí' e nicaló'-r' jneaa'aa' e nica'uíng'-naa' dsea' quiá'- Dsea' Jmáang-.

15 Jo lajob 'né- í' dsi'naa' jaléng' jneaa'aa', dsea' ningóo' cuí'naa' jogui jmití'ii' júu' quiá'- Dsea' Jmáang-. Jo song sea' e í' óo' 'nú' e jíe'gui jíi' laco' e nicalá'-a na, joba' 'ñiab' Fidié' dsea' nineár- moguí'na' cuaiñ' quiá'- e jo.

16 Jo dsu' lifa' 'né- see'-naa' jialco' cóong' røø' cóo' lajii' e nicalí'-naa'.

17 Dsea' rú'naa' dsea' quiá'- Dsea' Jmáang-, jmi'úung'na' e seeng'na' røø' laco'gui la seeng' jnea', jogui jóø'-na' røø' quiá'- jaléng' dsea' i niseeng' lajii' laco' e nicalé'- jnea' 'nú'. 18 Jo jmiguiab' ya' nicalí'-i 'nú', jogui lana fñ' túu' 'nú' carji' qui' baa' uí' e fñm'bing' seeng' i e' e ja' ee' uing' sea' lajii' iihuí' e calíng' Dsea' Jmáang- mi' catáñ' fí' dse' crúu'. 19 Jo i dsea' la'í' fí' lí' 'lib'^ nidsiliñ' mi' nijúuiñ-, jo dseáng'- lajii' e lí' dsí' yaam'bre jmitir-, jogui lí'^ lí' jmi'ljong'^ yaaiñ' e lafa' nilí' i' líiñ' quiá'- jalé' e 'lí'^ e jmóor' do. Jo lí'^ guing' dsí' lajii' e dsijéé' fí' jmigü' la. 20 Jo dsu' jneaa'aa', dsea' seeng' ñifñb- nilí'naa', jogui fí' job cajo nijáa'tu Fí'naa' Dsea' Jmáang- i niseeng'naa' do i nicaléang' jneaa'aa' jee' dsee' qui' ii'. 21 Jo nijmísim'bre ngúu' táang'naa' e ja' bí' sea' quiá'- fí' jmigü' la, jo nicuó'-r' jneaa'aa' ngúu' táang'naa' e 'mí' e nigüeang'^ lí'^ laco' lí' e ngúu' táaiñ' 'ñia'r'. Jo nijmér- lajo la'eáang' cóo' e bí' 'gøng' quiá'-r' cóo' e quiar' ta' fí' la'úng-.

4

Jmi'iaang' óo'na' contøong- uí' e nilíng'na' dsea' quiá'- Dsea' Jmáang-

1 Jo uí' e lajob lí', dsea' rú'naa' i iin'n eáang', joba' fñ' i 'nú' e güiteám-bi' teá' lajii' e fí' lí' niteáang'-na' cóo' Dsea' Jmáang-. Jo eáam' iin'n 'nú' jogui dsíng'- iin'n nimáang'túu' 'nú' calé' catú-, co' jmi'iaam' dsii' cóo' 'nú' uí' e nicalíng'-na' dsea' quiá'- Dsea' Jmáang- la'eáang' cóo' ta' e nicajmé'-e jee' 'nú'.

2 Jogui liúun'-n 'nu', dseam' i sii' Evodia cóo'gui 'nu', dseam' i sii' Síntique, e nisiim'tu' røø' laco' catíng- e jmóo' dsea' quiá'- Dsea' Jmáang-. 3 Jogui 'nu', dsea' i dseáng'- i ja' calitúng- dsí' e cajmicóo' jnea' cóo' ta' guía' júu' quiá'- Dsea' Jmáang-, joba' mí' i 'nu' e nijmicóo' laji' huáang- i dseam' na i líng' dsea' quiá'- Dsea' Jmáang- e laco' nisíng'-tur røø', co' laji' huáam'-biñ' na cacuó' bí' yaaiñ' e cajmicóo'-r' jnea' lajee' e caguiá'a júu' quiá'- jial laang' dsea' jee' jalé' dsee' quiá'-r' lí' laco' cajmicóo' jnea' i dseañu' i sii' Clemente cóo'gui jaléng'gui dsea' caguiang- i cajmée' ta' colíng' cóo' jnea'. Jo jaléng' i dsea' na nicateáang' Fidié' fí' ni' jì' quiá'-r' fí' lí' nitaang' jaléng' dsea' i niliseeng' lata' cóo'-r'.

4 Jo jmi'iaang' óo'na' contøong- uí' e nilíng'na' dsea' quiá'- Dsea' Jmáang-. Jo fñ' túu' 'nú' calé' catú- e nijmi'iaang' óo'na'. 5 Jo gülicuíng' lajaléng' dsea' 'nú' e líng'na' dsea' guíu' dsí'. Jo nijaquíem' e nigüeeng'-tu Fí'naa' Dsea' Jmáang- fí' jmigü' la calé' catú-.

6 Jo ja' jmijiuung' óo'na' cóo' doñí' ee' e lí' quí'-na', co' lí'^ lí' 'né- e yejí' fong'^na' Fidié' cuaiñ' quiá'- jalé' e jo; jogui mí'na'r jalé' e 'né'-na', jo ja' tiúung'na' e cuó'na'r gui'máang' quiá'- jalé' e mí'na'r do. 7 Jo lajoba' nicuó'- Fidié' 'nú' e seeng'na' juguiá' júu' røø' e jíi' jaang' dsea' jmigü' quí'-r' jmí'

e ningáiñ'; jo cóo' e juguiá- do Fidié- nijmér- í 'nú' cóo' jalé' e í óóna' uí' e nilíng'na' lafa' jaam` dsea` cóo' Dsea` Jmáang-.

Í' áána' lali~ e guiá-

⁸ Jo lí- ngóo' cadséng- gui fí- guí' 'nú', dsea` rú'naa', e í' óóna' lali~ júu^ e já'- jogui júu^ e catíng- jmi'gó' dsea`, jogui jmang'- júu^ dséeb' 'né- cá'na'. Jogui 'né- cá'na' cajo jmang'- juguiá- cóo' gui júu^ íáang` dsí' jogui júu^ niguó'^. Jogui í' áána' lali~ e guiá- jogui jalé' e catíng- nifé' dsea` guiá- uí~ quiá'-.

⁹ Jogui jmití'na' jalé' e nica'éé- e 'nú' jogui jalé' e júu^ e nica'fí- i 'nú' jogui jalé' e nicaná- na' e nica'fá'- a jogui jalé' e nica'ñi- na' e nica'jmé- e; jo jmee- ba' lajo. Jo Fidié- i cuø' e seeng` dsea` juguiá- júu^ røø, íb` dsea` niliseeng` cøøng` cóo' 'nú'.

Jalé' e cajmicóo'~ dsea` seeng` fí' Filipos quiá'- Paa-

¹⁰ Jo eám' jmi'íáang` dsii- la'eáang` cóo' Fí'naa' Dsea` Jmáang- uí' e 'nú' nicadséng'^ tu óóna' jnea~ calé' catú-. Dsu' ofa' fí- i 'nú' cóo' e júu^ na e nica'íng- óóna' jnea~, co' niñib` jnea~ e uí' e ja` dsitíng'~ qui- baa' fa' e nica'jmico'~ na' jnea~. ¹¹ Jo dsu' ofa' fí- i 'nú' e júu^ na uí' e ja` sea` 'né- e, co' nicalitím'baa e jmi'íáang` dsii- cóo' lajii' e sea` quié- e. ¹² Co' nicalitím'baa jial seen- e tiñí' jogui lajobi mi~ eáang` sea` cajo. Jogui nicalitím'baa cajo e jmi'íáang` dsii- cóo' doñí' ee' e dsingín- n, si e røøng` tú' u osi e jø~ tú' u é. Jogui nicalitím'baa cajo e sea` lalíng` quié- e osi e ja` sea` jii' coo' é. ¹³ Jo Dsea` Jmáam- bing' i cuø' jnea~ bí' quiá' r- e laco' lí' i jmóo' o lajalé' e 'né- jmee- e. ¹⁴ Jo dsu' 'nú', eáang` guiá- cajmicóo'~ na' jnea~ ie~ lami~ cangongín- n jalé' iihuí'.

¹⁵ Jo guiáb- ñí' 'nú', dsea` líng'na' dsea` quiá'- Dsea` Jmáang- i neáang` fí' na fí' Filipos, e jii' 'nú' bing' i cajmicóo'~ jnea~ cóo' jalé' e 'né- e ie~ lami~ canaan- e caguiá' a júu^ quiá'- Dsea` Jmáang- jee~ 'nú'. Co' jii' jaang` dsea` jiéng' i cuíng` Dsea` Jmáang- cajmicóo' r~ jnea~ ie~ jo ie~ mi~ cajú- u fí' Macedonia. ¹⁶ Jogui lajobi cajo, ie~ lami~ cataan- n fí' coo' fí' e sii' Tesalónica, casím'ba' tú- 'ní' néé- jalé' e 'né- e. ¹⁷ Jo dsu' ofa' jnea~ í' dsii- jmang'- e ni'ín- n, co' jnea~ líco' iin- n e nidsicuáng` gui quií' na' cóo' jalé' e nicuø'- Fidié- 'nú' mi~ nití- í' lajo. ¹⁸ Jo dsu' jnea~ nica'ím'~ baa lajalé' e nicacuøø'- na' jnea~ e casíng'na' cóo' Epafróditó, joba' seab` lalíng` quié- e náng co' j'gui cartí' niseáang-. Jo jalé' e cacuøø'- na' jnea~ do lí' lafa' coo' e jmeafí' jlo' e cacuøø'- na' Fidié-, joba' dsea` do eám' tí' dsí' mi~ íñ'. ¹⁹ Jo co' jii' Fidié- qui- baa' dsea` sea` laj' quiá' r-, joba' íb` dsea` nicuø'- 'nú' lajalé' e 'né- na' e jlo' e ja` cøøng` cóo' la'eáang` cóo' jalé' e nica'jmé- Dsea` Jmáang- cóo' jneaa- aa'. ²⁰ Jo majmiféng'naa' car` ngongí' jmi~ Tiquí' ii' Fidié- dsea` guíng` ñif-. Jo lajob' 'né- lí'.

Júu^ guicóo'~ quiá'- Paa- lí- cadséng-

²¹ Jo lana guiéen'~ n júu^ guicóo'~ quiá'- jaléng' dsea` i seeng` fí' na i nilíng' dsea` quiá'- Fidié- la'eáang` cóo' Dsea` Jmáang-. Jogui cajo jaléng' dsea` rú'naa' dsea` quiá'- Dsea` Jmáang- i taang` cóo' jnea~ fí' la guiém- bre júu^ guicóo'~ quií' na'. ²² Jo lajobi cajo lajii'ng` dsea` i seeng` fí' la i nilíng' dsea` quiá'- Fidié- guiém'~ bre júu^ guicóo'~ quií' na', jo dsu' laniing- gui eáang` guiéng' júu^ guicóo'~ quií' na' jaléng' i dsea` i jmóo' ta~ quiá'- dseata~ dsea` féng' i quiá' ta~ fí' la fí' Roma.

²³ Jo güi' íb' Fí'naa' Dsea` Jmáang- güea'^ quiá' r- jee~ lajaléng' 'nú'.

Jo lanab jii' fé' j' quiá'- Paa- e catíng- jaléng' dsea` quiá'- Dsea` Jmáang- i seeng` fí' Filipos.

Júu[^] e toq̃ fí ni[~] jì quiá[']- Paa⁻ e catíng⁻ dsea[`] seeng[`] fí COLOSAS

¹ Jnea[~] Paa⁻, jo línⁿ jaang[`] dsea[`] apóo[^] i jmóo[`] ta[~] ni['] júu[^] quiá[']- Dsea[`] Jmáang⁻, co['] lajōb ta[~] e cali[']íang[`] dsí['] Fidié[~] e cacuø^{'r} jnea[~]. Jo lana, colíng[~] cóo['] Timoteo, jaang[`] dsea[`] rú[']naa['] dsea[`] quiá[']- Dsea[`] Jmáang⁻, ² guiéng[~]naa['] júu[^] guicóo['] qui⁻na['], dsea[`] rú[']naa['] dsea[`] quiá[']- Dsea[`] Jmáang⁻ dsea[`] neáng[']na['] fí na fí Colosas, 'nú['] dsea[`] teáng⁻na['] teá['] fí guiá⁻ cóo['] dsea[`] do. Jo mí[']i Tiquí[']naa['] Fidié[~] cóo[']gui Fí[']naa['] Dsea[`] Jmáang⁻ e ni[']r⁻ gúea['] quiá^{'r}- jee[~] 'nú['] jogui e nicuø^{'r} 'nú['] e seeng[']na['] juguiá⁻ júu[^] røø[`].

Mí[~] féng['] Paa⁻ Fidié[~] uí[']- quiá[']- jaléng['] dsea[`] quiá[']- Dsea[`] Jmáang⁻

³ Jo laco^o née['] mí[~] fōng[']naa['] Fidié[~] i líng['] Tiquí[']naa['] Dsea[`] Jmáang⁻, sojiéb['] cuø^onaa^{'r} gui[']máang['] uii[~] qui⁻na[']. ⁴ Co['] nicalíne[~]baa['] jial niteáng⁻na['] fí guiá⁻ cóo['] Fí[']naa['] Dsea[`] Jmáang⁻, jogui jial 'neáng['] rúng[']na['] cóo['] jaléng['] dsea[`] quiá[']- dsea[`] do i caguaang⁻gui cajo. ⁵ Jo jmee⁻ba['] e jo uí['] e tab[~] óo[']na['] e ni[']im[']ba['] jalé['] e sijeeng[']na['] do e si[']má['] Fidié[~] fí ñí['] quiá^{'r}-. Co['] calitab[~] óo['] 'nú['] uii[~] quiá[']- e jo mí[~] canú[']na['] júu[^] quiá[']- Fidié[~] e catíng⁻ Dsea[`] Jmáang⁻ e quiá[']- jial laang['] dsea[`] jee[~] dsee⁻ quiá^{'r}-. ⁶ Jogui e júu[^] nab e cagua['] dsea[`] jee[~] 'nú['], jo lana nicanib['] la[']úng⁻ fí jmigü[']. Jogui e júu[^] jo eáam['] cali[']íng['] ta[~] e caquí[']- jíng['] yaang[~] dsea[`] fí quini['] Fidié[~] lí['] laco['] nicalí['] jee[~] 'nú['] lajii['] mí[~] canú[']na['] jogui cangáng[']na['] e eáam['] guiúng⁻ Fidié[~] cóo['] 'nú['] nañí['] fa['] ja['] catíng⁻na[']. ⁷ Jo e júu[^] jo ca[']e['] i Epafras 'nú['], jaang['] dsea[`] i 'neáng[']naa['] eáang['] i nicajmée['] ta[~] guiá['] júu[^] quiá[']- Dsea[`] Jmáang⁻ colíng[~] cóo['] jnea[']; jo i dsea['] í líiñ['] jaang['] dsea[`] i cuø^om lí jmita[~] óo[']na['] cóo['] i jmóo['] lajii['] e iing[~] Dsea[`] Jmáang⁻. ⁸ Jogui í bre cajo dsea[`] cagüéiñ⁻ fí la e quier['] júu[^] qui⁻na['] quiá[']- jial 'neáng['] rúng[']na['] la'eáang['] cóo['] Jmiguí quiá[']- Fidié[~] e cangíng[']na['] do.

⁹ Jo uing[~] lajōba['] ja['] mí['] catiuung[~]naa['] e mí[']naa['] Fidié[~] uii[~] qui⁻na['] latí['] e jmí[~] e calíne[~]naa['] júu[^] qui⁻na[']. Jogui mí[']naa^{'r} e la'eáang['] cóo['] Jmiguí quiá^{'r}- nicuø^{'r} 'nú['] e ngáng[']na['] jogui tíng[']na['] jo lajōba['] niliñí[']na['] røø[`] e e iing[~] dsea[`] do e nijmée[']na[']. ¹⁰ Jo jmee⁻naa['] lajo e laco['] nilí[']na['] niliseeng[']na['] røø['] laco['] catíng⁻ e jmóo['] dsea[`] i cúing['] Dsea[`] Jmáang⁻: e jmoo[']ba['] lajii['] e íang['] dsí['] Fidié[~], jogui e jmoo[']gui['] cajo jmang[']- jalé['] e guiá⁻, jogui e lícúing[']gui['] Fidié[~] e eáang[']gui cajo. ¹¹ Jogui mí[']bí['] Fidié[~] e nicuø^{'r} 'nú['] bí['] la'eáang['] cóo['] e laniing⁻ 'gøiñ['] do, jo lajōb nilí['] 'nú['] nité[']na['] jogui niliféng['] óo[']na['] cóo['] jalé['] e nidsingíng[']na['], ¹² jogui nicuø[']ba['] gui[']máang['] Tiquí[']ii['] Fidié[~] e íang['] óo[']na['], co['] nicaguiéem['] bre 'nú['] guiá⁻ e laco['] niñíng[']na['] jalé['] e jlo['] e catíng⁻na['] e sea['] quiá[']- Fidié[~] fí ñí['] quiá^{'r}- e nicuø^{'r} jaléng['] dsea[`] quiá^{'r}-. ¹³ Co['] í bre caleáaiñ['] jnea[']aa['] fí lí['] n[']sø['] e laco['] jo['] see⁻naa['] e quiá['] i 'líng['] ta[~] jnea[']aa['], jogui cajáiñ['] jnea[']aa['] fí quini['] Jóor['] i eáang['] iñ['], jogui lana íbing['] quier['] ní['] qui⁻ii[']. ¹⁴ Co['] la'eáang['] e cajáng['] 'ñia['] i Jóor['] do fí dse['] crúu['], jōba['] Fidié[~] caleáaiñ['] jnea[']aa['] e caliñ['] jalé['] dsee⁻ qui⁻ii['].

Jo['] si[']naang[']gui dsea[`] cóo['] Fidié[~]

¹⁵ Jo ja['] qui[']- jmí[~] niníng⁻ dsea[`] Fidié[~], dsu['] mí[~] níng⁻ dsea[`] Dsea[`] Jmáang⁻ jōba['] líñir['] jial líng['] Fidié[~] dsea[`] guing[~] ñí[']. Jogui i Jóor['] Dsea[`] Jmáang⁻ do, íbing['] i níng⁻gui lajee['] lajalé['] jogui lajaléng['], co['] niseeiñ['] lajii['] ná[']-gui e nináng['] Fidié[~] guiar['] uing[~] jmigü[']. ¹⁶ Co['] la'eáang['] cóo['] Dsea[`] Jmáang⁻ 'ñia['] bre, Fidié[~] cajmээр['] lajalé['] e sea['] fí yú['] jmigü['] jogui lajalé['] e sea['] fí guóo[']

uó̄, jalé" e jnéeng- tá" jalé" e ja' jnéeng-, jogui lajobi cóo" jaléng" dsea' guí i ée' guiá- i líng' fii jogui jaléng" i óo' bí, jogui jaléng" i quidsí í", jogui jaléng" i quiá" ta~ cajo. Jo lajaléb" e la cajmée' Fidiée' la'eáang' cóo" Dsea' Jmáang-, jogui í'bing' i catíng- lajalé" e la. 17 Jo lajii" latí' mali"ba' e niseeng' Dsea' Jmáang-, lajii" e nú" gui e nijmé- Fidiée' lajalé" e sea' fí' jmigüí. Jogui la'eáang' í'bre cajo røø' ngóo' laca'íng' ca'íng'. 18 Jogui í'bre líiñ' dsea' mogui i quie' nifí' quiá" jaléng" dsea' quiá'r-, jogui i dsea' quiá'r- do líiñ' lafa' coob' ngúu' táaiñ' cóo" dsea' do. Jo Dsea' Jmáang- lajii" nú" gui nitiroo' jmigüí'ba' niseeiñ-, jogui í'bi cajo i la'uii- i cají"tu jee~ jaléng" líi' e laco' nicár' nifí' quiá" lajalé"ba' e sea' fí' jmigüí. 19 Co' Fidiée' cali'íiñ- e lajalé" e líiñ' 'ñia'r' líng' Dsea' Jmáang- cajo. 20 Jo la'eáang' cóo" Dsea' Jmáang- nicajmée' Fidiée' e niliseeng'tu juguiá- cóo'r- lajaléng" cóo" lajalé" e sea' fí' la'úng- fí' jmigüí, fa' jalé" e sea' fí' guóo" uó̄ jogui jalé" e sea' fí' yá" jmigüí. Jo cajmér- lajo la'eáang' cóo" jmi'øøng- Dsea' Jmáang- e catuü' mi' cajúíñ- fí' dse" crúu^ e laco' niliseeng' juguiá- júu^ røø' cóo" Fidiée' lajaléng" jogui lajalé" e sea'.

21 Jogui 'nú", lami~ jéeng'gui, dsea' si'naang' quiá" Fidiée' líng'na', jogui 'ní' máam'bi' dsea' do cajo, co' jmang' e 'lí' í' óo'na' jogui jmang' e 'lí' jmoo'na' cajo. 22 Dsu' lanagui Fidiée' nicajmээр' e niliseeng'tu dsea' juguiá- cóo" dsea' do la'eáang' cóo" jalé" iihuí' e cangá- Dsea' Jmáang- fí' ngúu' táaiñ' mi' cajúíñ- fí' dse" crúu^. Jo cajmeer' lajo e laco' nijáiñ' 'nú' fí' quinir-, dsea' nilíng-na' dseáng'- dsea' quiá'r- i ja' si'ling' jogui i ja' dsee- táang' jii" coo". 23 Dsu' 'né- jmée^na' e ja' tú^na' e ja' líng'na' júu^ quiá" Dsea' Jmáang- o'gui tú^na' e júu^ ta~ dsii' e sijeeng'na' e quiá" jial laang' dsea' jee~ dsee- quiá'r- lí' laco' jii" e nicanáa-na' lami~ jéeng'gui. Jo e júu^ nab nicaní' fí' la'úng- fí' jmigüí, jo jnea' Paa- jmicóo"bí e niguia'guí e júu^ na fí' jo.

Jalé" ta' e cangüng' Paa- quiá" Fidiée'

24 Jo íin~n iihuí' fí' ngúu' táan'n uí" e guiaa- júu^ quiá" Dsea' Jmáang- jee~ jaléng" dsea', jo 'nú" nica'íng'^na' e júu^ jo cajo. Jo dsu' íaang' dsii- e íin~n e iihuí' na, co' cóo" jalé" e jo nijmicóo" e nijmi'íe"baa lajii" iihuí' e 'né- e ni'íng'gui jaléng" dsea' i jmóo' lajii" ta~ quiá" Dsea' Jmáang-. Jo jalé" e iihuí' e íin~n lana nijmicóo" quiá" jaléng" dsea' quiá" Dsea' Jmáang- i líng' lafa' ngúu' táaiñ'. 25 Jo Fidiée' nicajmeer' e nilín'n jaang' dsea' i jmicóo" jaléng" dsea' quiá'r-. Jo dsea' do nicacuø'r' jnea~ ta~ e niguiaa- la'íe" júu^ quiá'r-, jo lajob ni'uíiing- guiá- qui-na'. 26 Jo laco' cuøøng' fé'^naa' e e júu^ quiá" Fidiée' do líib~ eáang' si'má'r^ quiá" jaléng" dsea', dseáng'- mali~gui eáang' laco' nicangongüng' jii", dsu' lanagui nicajmijnéem'bre e júu^ do jee~ jaléng" dsea' quiá'r-. 27 Jo 'ñiab' Fidiée' cali'íiñ- cacuø'r' jaléng" dsea' quiá'r- e tíiñ' ngáiñ' jial tíí' jlo" jogui jial tíí' quíng' e júu^ e lami~ si'má'r^ do e catíng- la quie'gui dsea' i ja' líng' dsea' Israel cajo. Jo e júu^ e lami~ si'maang' do, íb' Dsea' Jmáang- i seeng' cøøng' cóo" 'nú", dsea' i ja' líng'na' dsea' Israel. Jo i dsea' do cuø'r' 'nú" e jmitar~ óo'na' e ni'íng'na' lajii" e catíng-na' e nicuø" Fidiée' jaléng" dsea' quiá'r-. 28 Joba' jnea'^ guia'naa' júu^ jee~ lajiiing' dsea' jalé" e cajmée' Dsea' Jmáang-, jogui fíng'naa'r jogui ée^naa'r cartí' ningáiñ' røø, jo lajoba' niliñ- e ni'íe" quiá'r- dseáng'- laco' líng' Dsea' Jmáang- 'ñia'r'. 29 Jo uí" quiá" e la, jngáam~bí dsii- e jmóo'bí e ta~ la, co' eáam' oo- bí la'eáang' cóo" e laniing- 'gøng' quiá" Dsea' Jmáang- e nicacuø'r' jnea~.

2

1 Jo iin~n e ní'ba' e jngáam~bí dsii- e jmóo'bí bí' uí" qui-na' cóo"gui jaléng" dsea' quiá" Dsea' Jmáang- i seeng' fí' Laodicea, lí' lajaléng" dsea' rú'naa' dsea' quiá" Dsea' Jmáang- i ja' mi' calicuíng' jnea~. 2 Jo jmóo'bí bí'

e laco' jaléng' 'nú', dsea` i nilíng'na' dsea` quiá'- Dsea` Jmáang-, ni'íng' guí' bí e laco' niliseeng'na' cøøng` e 'neáang'na' rúng'na', jo lajoba' ningáng'na' dseáng'- laco' si'í' e júu` e lami` si'ma` quiá'- Fidié` do. Jo e júu` do, íb` Dsea` Jmáang- 'ñia'r'. ³ Jo jíí' íb` dsea` laniing- tíiñ` quiá'r` jmí` e cuø'r` dsea` e tíiñ` ngáiñ' lajì e jlo' e niguo' quiá'- Fidié`. ⁴ Joba' fíi` i 'nú' e júu` na e laco' jíí' jaang` ja` iij` nijmigøøng` 'nú' cóo' jalé' júu` jlo' e o' já'. ⁵ Dsu' nañí' fa' ja` seen- 'ñia'a` jee` 'nú' lana, dsu' seem` jmiguí` quié` e cóo' 'nú', jogui` iáam` dsii- e núu` júu` quií` na' e røøb` seeng'na' colíng-, jogui` e teáb` teáang- na' cóo' júu` quiá'- Dsea` Jmáang- cajo.

La'eáang` cóo' Dsea` Jmáam-ba' uíng- dsea` dsea` m'áng-

⁶ Jo co' 'nú' nica'ím'ba' Dsea` Jmáang- e líiñ' Fii` quií` na', joba' 'né` ni'ee` na' laco'gui` la` iing` dsea` do, co' dsea` quiá'-bre nilíng'na'. ⁷ Jo síng'na' teá` yaang` na' cóo' júu` quiá'r-, jogui` güiliseem`ba' la'eáang` cóo'r-, jogui` ja` jmitúng- óo'na' lajii' fí` niteáang` na' cóo'r-, co' nicajáam` yaang` na' fí` jaguór` lí' laco' jíí' júu` e nica'e' dsea` 'nú'. Jogui` cuøø'ba' gui'máang' Fidié` contøøng-.

⁸ Ñiing` óo'na' jo ja` cuø' fí` yaang` na' e dsea` jiéng' nijmigøøñ' 'nú' e laco' nitú` na' lajii' fí` niteáang` na' cóo' Dsea` Jmáang-. Co' jaléng' i dsea` la'f` e'r` dsea` jogui` féiñ' dsea` cóo' jalé' júu` quiá' ta` e jmi'uíng- dsea` jmiguí'. Jo jalé' e júu` jo ja` cøøng` røø` cóo' júu` quiá'- Dsea` Jmáang-, co' jalé' e júu` jo jmang'- júu` e caséé` jaléng' dsea` mí` áang` cóo' jalé' ta` huí' e quí' t'íng` dsea` e 'né` jmitir` fí` jmiguí` la.

⁹ Jo lajalé' e líng' Fidié`, líng' Dsea` Jmáang- 'ñia'r', jo lajjob` cajo lajee` cateáaiñ' fí` jmiguí' la. ¹⁰ Jogui` 'nú' cøøm` seeng'na' cóo' Dsea` Jmáang-, joba' dsea` si'ieem` nilíng'na' la'eáang` cóo' dsea` do. Jogui` íbre líiñ' dsea` mogui` i quiá' ta` quiá'- jaléng' dsea` jmiguí' i quié' nifí` jogui` óor` bí e quiá'r` ta` quiá'- lí' doñí' ee`. ¹¹ Jo co' cøøm` seeng'na' cóo' Dsea` Jmáang-, joba' jo` quié' nifí` quií` na' jalé' e 'lí' e lami` jmoo'na' do. Jo e la lí' e lafa' nica'ím'ba' e lí' e t'íng` dsea` Israel` tóor' fí` ngúu' táaiñ', dsu' o' lajo, co' calí- lajo uí' e Dsea` Jmáang- caleáaiñ' 'nú' jee` jalé' dsee- quií` na'. ¹² Jogui` mí` cajgáang` na' jmí, joba' lí' lafa' røøb` ca'áng` na' laco'gui` ca'áng- Dsea` Jmáang-, jogui` lafa' røøb` cají' tu' laco'gui` cají' tu' dsea` do, co' jáb'- calíng` na' e quíib` Fidié` jmí e cajmijí' tur Dsea` Jmáang- jee` jaléng' 'lí' la'eáang` cóo' e 'gøiñ' do. ¹³ Jogui` 'nú', lami` jéeng'gui` do líng'na' lafa' sijúum`ba' uí' dsee- quií` na', jogui` e job` cajo quiá' ta` quií` na'; jo dsu' lana Fidié` nicacuø'r` 'nú' e lafa' nicají' tu' laco'gui` cajmijí' tur Dsea` Jmáang-. Jo la'eáang` cóo' dsea` doba' nica'íng- Fidié` lajalé' dsee- quií` ii'. ¹⁴ Jo Fidié` cajgiéiñ` jì e caráang- e 'níng` jneaa` aa' lí' laco'gui` la ta` huí' quiá'r-, jo uí' e lafa' cabá' e jì do fí` dse' crúu` cóo' mí' clavo, lajoba' cajgiéeng- jalé' e si'níng` naa' do. ¹⁵ Jogui` la'eáang` e catáng- Dsea` Jmáang- fí` dse' crúu`, jo lajoba' Fidié` ca'íiñ- jalé' bí quiá'- dsea` jmiguí' i líng' i quié' nifí` jogui` óor` bí e quiá'r` ta`, jogui` cajmi'uøng` neiñ' do fí` quini` jaléng' dsea` e catø- laco'gui` téé` dsea` dsea` 'ñúung'. Jo lajoba' cajmijnéeng` Fidié` fí` quini` jaléng' dsea` e nicalí'-bre.

Í' óo'na' lajii' e siséé` quiá'- Fidié` fí` ñifí-

¹⁶ Jo lajjob` lí', ja` jmijí'na' mí` éeng` dsea` 'nú' cóo' jalé' e ú' cø'na', osi` e jalé' jmí e jmi'goo'na' lacoø` jii, osi` fíng` jmi'goo'na' mí` yuung` si' é, osi` jial` jmi'goo'na' jalé' jmí e jmi'íng' dsea`. ¹⁷ Co' jalé' e ta` huí' na` jíí' lico' cuø' lí' quiá'- jalé' e nidsijéé` cøøng`gui, jo lí' lafa' i' quiá'- jaang` dsea` i` ngóo' jéeng'gui laco' ngóor'. Jo dsu' i` dsea` i` líng' lafa' i` dsea` quiá'- e i' do, íb` Dsea` Jmáang- 'ñia'r'. ¹⁸ Jogui` ja` jmijí'na' mí` jíng'- dsea` e iíñ` niguir` quií` na' lajii'

e nisi'ling^na' quíá' Fidiée, fa' jaléng' dsea' i tí dsí' e jmícaaiñ e jgiáang⁻ yaaiñ, jogui jmiféiñ' jaléng' ángeles, jogui jíñ' e ngü' gui quíá' jalé' e ja' mí cangar', jogui jmicóong' yaaiñ cóo' jalé' e í dsír' quíá' fí jmígü' la. ¹⁹ Jo jaléng' i dsea' í si'naam bre cóo' Dsea' Jmáang⁻ i líng' dsea' mogui quíá' jaléng' dsea' quíá'r. Jo Dsea' Jmáang⁻ cuø'bre i dsea' quíá'r do jalé' e 'néiñ' e laco' cøøm' seeiñ cóo' dsea' do jogui cøøm' seeiñ lajee' la'ó' yaaiñ cajo lí' laco' la iing' Fidiée.

²⁰ Jo co' 'nú' lafa' røøb' cajúng⁻ na' cóo' Dsea' Jmáang⁻ fí dse' crúu, joba' jo quíu' ta' quí'na' jalé' ta' huí' e quí' tñng' dsea' e 'né' jmitir' fí jmígü' la. Joba' zjali' seeng'na' e ee'na' laco'gui la ée' dsea' jmígü' e núu'na' jalé' ta' huí' e jing' dsea' e 'né' jmée'na', ²¹ fa' mí jíñ': "Ja' güi'na' e la, ja' có'na' e na' osi ja' jmó'na' e do" é? ²² Jo jalé' e ta' huí' na' jí' lajee' cateá'ba' e íng' ta', jo cóo' mí jo' e ta' íng', co' jí' dsea' jmígü' jmóor' jalé' e ta' huí' na. ²³ Dsu' e já', jalé' e ta' huí' na cuøøm' sea' lí' dsi'naa' e guiáb', dsuco' quíu' ta' dsea' e 'né' lí' e jo' e ngocáng' dsí' laco'gui ta' quíu' fí jmígü' la. Jogui quíu' ta' cajo e lafa' e jmí'uøng⁻ yaang⁻ dsea' jogui laguidseaam⁻ quíu' ta' yaaiñ cóo' jalé' e jmóor' fí ngúu' táaiñ. Dsu' ja' e ta' íng' e ta' huí' do fa' e nijmicóo' quíá'r e jo' nijmé' guir jalé' e 'lí' e iñ' jmóor' fí ngúu' táaiñ do.

3

¹ Jo co' 'nú' lafa' nicajib' túu' colíng⁻ cóo' Dsea' Jmáang⁻, joba' 'né' jmée'na' e í' óo'na' jí' caníng⁻ e sisée' quí'na' fí lí' guíu' fí lí' guíng⁻ Dsea' Jmáang⁻ lí' lí' dsée' cáang' Tiquiá'r Fidiée' fí ñí' quíá'r. ² Jo í' óo'na' lají' e sisée' quíá' Fidiée' fí ñí', jo ja' í' óo'na' jí' cuaiñ quíá' fí jmígü' la. ³ Co' lí' lafa' nicajúm⁻ba', joba' lana Fidiée' nicajmitar' óo'na' e nilíng'na' dsea' 'míng⁻ la'eáng' cóo' Dsea' Jmáang⁻. ⁴ Jo jí' Dsea' Jmáam⁻bing' cuø' 'nú' e nilíng'na' dsea' 'míng⁻, jogui mí nijmijnéng⁻tu 'ñia'r' jee' jneaa'aa' fí jmígü' la, joba' 'nú' nijnéng'na' colíng⁻ cóo'r' jee' jalé' e níng' 'gøng' quíá'r.

Jial líng' dsea' mí cang' e calicúñ' Dsea' Jmáang⁻

⁵ Joba' jmeé'ba' e ní'ím⁻ jalé' e 'lí' e quíu' ta' quí'na' fí jmígü' la: fa' mí 'lée' dsea' e güiñ' cóo' dseañu' osi dseamí i o' quíá'r, osi jalé'gui e 'lí' e jíe' e jmoo'na' cóo' ngúu' táang'na', osi jmití'na' jalé' e iing' ngúu' táang'na', osi í' áa'na' e jmée'na' jmang' e 'lí', osi suung'na' lí' doñí' ee' e ja' catíng⁻na', co' e na' lí' lafa' e jmiféng' dsea' diée' i o' já'. ⁶ Jo co' jmóob' dsea' jalé' e na, joba' iihu' eáam' nicuø' Fidiée' jaléng' i dsea' la' í' i ja' núu' júu' quíá'r. ⁷ Jogui 'nú', lajob' lamí' seeng'na' e jmoo'na' jalé' e 'lí' na. ⁸ Dsu' lana 'né' tú'ba' jalé' e na: fa' mí liguíng⁻na', osi mí 'ní' óo'na', osi mí jmoo'na' jalé' e 'lí', osi mí fó'na' ga' uii' quíá' jaléng' dsea' rúng'na', osi mí fó'na' jalé' júu' e 'lí' e jíe'gui é. ⁹ Jogui ja' fí' rúng'na' júu' e o' já', dsuco' lana nicatú'ba' e lamí' jmoo'na' e eáng' beáng' dsee' yaang'na' cóo' jalé' e ga' e nicasi' ní' quí'na' lamí' jéeng'gui do. ¹⁰ Joba' lana dsea' 'míng⁻ nilíng'na', jo Fidiée' dsea' jmóo' e nilí'míng⁻gui' e laco' ní'ee'na' laco'gui la ée' dsea' do, jo lajoba' nilicuíng'gui' dsea' do dseáng' laco' sí'í'. ¹¹ Jo ja' e líng' fí quini' Fidiée' su líng'na' dsea' Israel osi ja' líng'na' lajo é, osi tóo' e lí' fí ngúu' táang'na' osi ja' tóo' é, osi líng'na' dsea' i jalíng⁻ tí lí' huí' osi i neáng' tí lí' huí' lí' jíe'gui é, osi líng'na' dsea' sí'niing⁻ osi fí' i quíu' ta' é. Co' lají' Dsea' Jmáam⁻bing' níng⁻gui jee' lajalé' cóo' jee' lajaléng', jogui í'bre seeiñ cøøng' cóo' jaléng' dsea' quíá'r cajo.

¹² Jo Fidiée' eáam' 'neáaiñ' 'nú', jogui nicaguíñ' 'nú' e laco' nilíng⁻na' dsea' quíá'r. Joba' güiliseem'ba' e jmoo'ba' fí' líng⁻ rúng'na', jogui e guíng⁻na' cóo' dsea' rúng'na', jogui e ja' jmicóong' yaang'na' jee' dsea' rúng'na',

jogui e ee-ba' guiá- cóo- jaléng- dsea- rúng-na', jogui e jmée-na' féng- áa-na' uii- quíá- rúng-na' cajo. ¹³ Jmee-ba' féng- óo-na' quíá- dsea- rúng-na', jogui íng-na' dsee- quíá- rúng-na' mi- ee-go 'léer- quí-na'. Jo laco-gui Dsea- Jmáang- ca'ím-bre dsee- quí-na', joba' lajob 'né- jmée- 'nú', 'né- ím-ba' dsee- quíá- jaléng- dsea- rúng-na'. ¹⁴ Dsu- e nifi-gui quíá- jalé- e la e røøb- 'né- nijmi-neáng- rúng-na' lajee- la'ó- yaang-na', co' lajoba' niliseeng-na' cøøng- dseáng- laco' si'í. ¹⁵ Jo co' Dsea- Jmáam-bing- cuø' 'nú- e seeng-na' juguiá- júu- røø, 'nú- dsea- líng-na' dsea- quíá-r-, joba' seem-bi' la'eáng- cóo- e juguiá- júu- røø do, co' uii- lajoba' catø- Fidié- 'nú- e nilíng-na' lafa' coøb- ngúu- táang-na' la'ó- 'nú-. Jo cuøø-ba' Fidié- gui'máang- cóo- lajalé- e jmóor- cóo- 'nú-.

¹⁶ Jo 'né- quie-bi nifi- quí-na' júu- quíá- Dsea- Jmáang-. Jogui ée- rúng-na' jogui cuøø- bí- rúng-na' cóo- jalé- júu- niguo- e niñi-na'. Jogui cuøø-ba' gui'máang- Fidié- e ø-na' júu- e toø- fi- ni- jì- salmos cóo-gui jalé-gui júu- e ø- dsea- quíá- Fidié- cóo-gui jalé- júu- e cuø- Jmiguí- quíá- Fidié- cajo.

¹⁷ Jogui jalé- e jmoo-na' jogui jalé- e fó-na', jmee-ba' la'eáng- cóo- júu- quíá- Dsea- Jmáang- e cuø-na' gui'máang- Tiquí-i' Fidié- la'eáng- cóo- Fii-naa' Dsea- Jmáang-.

Jial 'né- seeng- dsea- quíá- Dsea- Jmáang- jee- la'ó- rúñ'

¹⁸ Jogui 'nú-, jaléng- dseamf, jmi'goo-ba' jaléng- dseañ- quí-na', co' lajob catíng- e jmoo- dsea- quíá- Dsea- Jmáang-. ¹⁹ Jogui jaléng- 'nú-, dseañung-na', jmi'neáng-na' dseamf quí-na', jogui ja- jmoo-na' ta- jíng- cóo-r-.

²⁰ Jogui jaléng- 'nú-, jiuung-, náu-ba' jalé- ta- quí- tiquí- niquí-na', co' lajoba' e íaang- dsí- Dsea- Jmáang-. ²¹ Jogui jaléng- 'nú-, dsea- líng-na' sejmií-, ja- jmoo-na' e niligúing- jiuung- quí-na', jo lajoba' ja- nilitúng- dsír- cóo- jalé- e 'né- jmér-.

²² Jogui jaléng- 'nú-, dsea- i- jmoo- ta- e ja- ee- 'léeng-, jmee-ba' náu-ba' jalé- ta- quí- fii- quí-na' fi- jmi-gü- la; dsu- o' jii- mi- nír- 'né- cuø- áa-na' e laco' nijmiguiúng- yaang-na' fi- quinir-, co' e ngocáng- óo-ba' 'né- jmée-na' e jmi'goo-na' Fidié-. ²³ Jo lajalé- e jmoo-na', 'né- jmée-na' e ngocáng- óo-ba' lí- laco' quíá- 'ñiab- Fidié- e jmoo-na' e jo, jo o' laco' mi- jmoo-na' lajii- e iing- dsea- jmi-gü-. ²⁴ Co' niñib- 'nú- e seab- guié- quí-na' e catíng-na' fi- jmi-gü- coø- e nicuø- Fidié- 'nú-. Dsaco' jaléng- 'nú- jmoo-ba' lajii- e iing- Dsea- Jmáang-, jogui íb- dseáng- i- líng- Fii- quí-na' cajo. ²⁵ Dsu- i- dsea-gui i- jmoo- ga-, joba' Fidié- nicuø-r- iihuí- i- dsea- í- quíá- lajii- e ga- e jmooiñ- do, co' ja- jmingí- Fidié- e- líng- dsea- lajaang- lajaaiñ-, co' røøb- niquidsir- í- quíá- lajii- dsee- sea- quíá- dsea- mi- nití- í- lajo.

4

¹ Jogui jaléng- 'nú-, dsea- líng-na' fii-, ee-ba' guiá- cóo- jaléng- dsea- i- jmoo- ta- quí-na' i- ja- ee- 'léeng-, jogui quíe-na' í- júu- quí-na' cóo-r-. Jogui té- óo-na' cajo e seem- jaang- Fii- quí-na' fi- ñifi- i- quie- nifi- quí-na'.

² Jo jaléng- 'nú-, dsea- neáng-na' fi- Colosas, ja- tiúung-na' e føng-na' Fidié-, jo lajee- jo 'né- e siñiim- áa-na' cajo, jogui yeji- cuøø-ba' gui'máang- Fidié-. ³ Jogui féem-ba' Fidié- uii- quí-naa' cajo e laco' sea- fi- e guiá-naa' júu- quíá- Dsea- Jmáang- e si'ma- lamí- jéeng-gui do, co' uii- e guiaa- e júu- jo, joba' sijñn- lana. ⁴ Jogui mí-ba' Fidié- e ni'e-guá- e júu- la dseáng- laco' si'í- e laco' ningáng- jaléng- dsea-, co' lajob catíng- e nijmee- e.

⁵ Jogui ee-ba' røø- cóo- jaléng- dsea- i- ja- cúing- Dsea- Jmáang- lí- laco-gui catíng- e jmoo- dsea- quíá-r-, jogui lajee- jo jmi'oo-ba' e føng-na'r- júu- quíá-

Dsea` Jmáang- . 6 Jogui féem`ba'r cóo`~ jmang` juguiá- e nití- dsír', jogui 'né` ní`na' jial ningí-`na' quiá-` lajaang` lajaang` i dsea` i fõng`na' do.

Júu` guicóo`~ e cadséng` quiá-` Paa`

7 Jo Tíquico, jaang` dsea` rú`naa' dsea` quiá-` Dsea` Jmáang- i 'neáang`naa' eáang` i contøng- nicajmicóo`~ jnea` jogui colim-` nicajmó`naa' lajii`~ e iing` Fí`naa' Dsea` Jmáang-, jo í`bing' nicá` júu` quié-` e fí` na. 8 Jo nisín`nre fí` na cóo`~ 'nú` e laco' niliñí`na' jial see`naa' fí` la jogui e laco' nicuó`~`guir 'nú` bî` cajo. 9 Jogui cóo`~ i nab cajo nijang` Onésimo, jaang` dsea` rú`naa' dsea` quiá-` Dsea` Jmáang- i ta` dsi`naa' cóo`~ jogui i ii`naa' eáang` jogui i líng` dsea` góo`na' cajo. Jo i dsea` gáng- la nijmeá`r- 'nú` júu` jalé` e dsingí-`naa' fí` la.

10 Jogui Aristarco, jaang` dsea` rú`naa' dsea` quiá-` Dsea` Jmáang- i iuung-` 'nuñí` coling-` cóo`~ jnea` fí` la, guiéñ` júu` guicóo`~ qui-`na' cajo, jogui lajobi i sii` Marcos cajo, jaang` rúng` Bernabé. Jogui 'nú`, nicaná-`ba' júu` quiá-` Marcos; jo song dsi`eer-` 'nú`, íim`ba'r cóo`~ e guiá-` fí` na. 11 Jogui lajobi Chú`, i sii`bi cajo Justo, guiém`bre júu` guicóo`~ qui-`na' cajo. Jo jii`~ i gaang` lab dsea` Israel dsea` quiá-` Dsea` Jmáang- i nicajmé-` ta` coling-` cóo`~ jnea` cóo`~ jalé` ta` guiá` júu` quiá-` jial quié` Fidié-` nifí` quiá-` jaléng` dsea` jmigüi, jogui nicajmicóo`~ bre jnea` e catí-`gui dsii-` cajo. 12 Jogui lajobi Epafras, jaang` dsea` góo`na' i jmóo` lajii`~ e iing` Fí`naa' Jesús, guiéñ` júu` guicóo`~ qui-`na'. Jogui contøm-` féiñ` Fidié-` uii` qui-`na' e ngocáng` dsír' e laco' teáang`na' teá` lajii`~ fí` niteáang`na' e dseáng`-` nijáam` yaang`na' e jmé-`na' jalé` e iing` Fidié-` e jmé-`na'. 13 Jo niñib` jnea` jial guing-` dsíí` í` uii` 'nú` jogui uii` quiá-` dsea` neáang` fí` Laodicea cóo`~`gui fí` Hierápolis cajo. 14 Jogui Lucas, jaang` timí` i 'neáang`naa' eáang`, guiéñ` júu` guicóo`~ qui-`na' coling-` cóo`~ jaang` i sii` Demas.

15 Jogui 'nú`, dsea` neáang`na' fí` Colosas, cuóo`~ba' guicóo`~ jaléng` dsea` quiá-` Dsea` Jmáang- i neáang` fí` Laodicea cuaiñ` quié-` e, jogui lajobi Ninfa cóo`~ lajaléng` dsea` i seáng` i jmiféng` Fidié-` fí` quiá`r-. 16 Jogui mi` ningí` e ni`í` 'nú` e jii` quié-` e la fí` quini` jaléng` dsea`, síim`ba' quiá-` dsea` quiá-` Dsea` Jmáang- i neáang` fí` Laodicea, jo lajob ni`í`r-` cajo; jogui lajobi 'nú` ni`í`ba' jii` quié-` e e ni`íng`na' e jáa' fí` Laodicea cajo. 17 Jogui síi`ba' Arquipo cajo cuaiñ` quié-` e e güijmiti`bre røø` lajii`~ ta` e nicacuó`~ Dsea` Jmáang-` ír`.

18 Jnea` Paa-` jmo`o e júu` guicóo`~ qui-`na' la cóo`~ guóo`o 'ñiá`baa. Jo jmiguiéng` áa`na' cajo e sijníim`baa fí` la.

Jo mái`i Fidié-` e ni`í`r-` güea` quiá`r-` jee` 'nú`. Jo lajob nilí`.

Jo lanab jii`~ fé` jii` quiá-` Paa-` e catíng-` jaléng` dsea` quiá-` Dsea` Jmáang- i seeng` fí` Colosas.

Júu[^] e toq̄ fi' ni~ jì la'uii~ quiá'- Paa- e catíng- dsea` seeng` fi' TESALÓNICA

¹ Jnea~ Paa-, colíng~ cóo~ Silvano jogui Timoteo, jmo'naa' e jì la e catíng- jaléng' 'nú', dsea` rú'naa' dsea` quiá'- Dsea` Jmáang- i seeng` fi' na fi' Tesalónica, dsea` nilíng'na' dsea` quiá'- Tiquí'ii' Fidié~ cóo~gui Fí'naa' Dsea` Jmáang-. Jo mii'naa' Fidié~ e ní'r- güea^ quiá'r- jee~ 'nú' jogui e nicuó'r- 'nú' e niliseeng'na' juguiá- júu^ røø.

Gui'máang' Fidié~ e calicuíng` dsea` seeng` fi' Tesalónica Dsea` Jmáang-

² Jo lacoo` ya' mi~ féng'naa' Fidié~, cuøø-baa'r gui'máang' uii~ quí- 'nú' lajíng'na', jogui lacoo` ya' mi~ mii'naa' Fidié~, mii'baa'r la quie' tí uii~ quí- 'nú' cajo. ³ Jogui lacoo` ya' mi~ féng'naa' Tiquí'ii' Fidié~, jmiguiéng' dsi'naa' lajii~ ta~ quí- na' e jmoo'na' la'eáang' e nicajáang~ yaang~na' fi' jaguó` Dsea` Jmáang-; jogui jmiguiéng' dsi'naa' uii~ e ta~ e nicajmee'na' e íaang' óo'na' la'eáang' e 'neáang'na' Dsea` Jmáang-; jogui jmiguiéng' dsi'naa' cajo jial nicateá'-na' lajii~ fi' teáang~na' cóo~ Dsea` Jmáang- e sijeeng~na' mi~ nijáa'tu dsea` do. ⁴ Dsea` rú'naa', 'neáam` Fidié~ 'nú', jogui nine`bí' e íbre dsea` caguín' 'nú' e nilíng'na' dsea` quiá'r-. ⁵ Jo mi~ caguiá'naa' júu^ quiá'- Dsea` Jmáang- fi' jee~ 'nú' e quiá'- jial laang` dsea` jee~ dsee- quiá'r-, ja` cajmó'naa' cóo~ jii~ layaang~ júu^ quí'naa' yee'naa', co' caguiá'naa' e júu^ do la'eáang' cóo~ e 'gøng' quiá'- Jmiguí quiá'- Fidié~, jogui e lajam'-ba' ta~ dsi'naa' e dseáng'- jáb'- e júu^ jo cajo. Jogui nií'ba' jial nica'ee'naa' cóo~ 'nú' e laco' guiáb- ni'uíng- quí- na'.

⁶ Jo 'nú', ee-ba' laco'gui la ee- jnea^ laco'gui la ée` Fí'naa' Dsea` Jmáang- 'ñia'r' cajo. Jo ja` e lí' e cangíng'na' iihuí' uí' e ca'íng~na' e júu^ quiá'- Dsea` Jmáang- do, dsu' íaam` óo'na' la'eáang' cóo~ Jmiguí quiá'- Fidié~. ⁷ Jo co' guiáb- ee- 'nú', joba' jaléng' dsea` quiá'- Dsea` Jmáang- i seeng` fi' lí' se' Macedonia cóo~gui fi' lí' se' Acaya nií'r' jial 'né- ér- cajo. ⁸ Jo la'eáang' cóo~ 'nú', dsea` seeng'na' fi' Tesalónica, jaléng' dsea` seeng` fi' lí' se' Macedonia cóo~gui fi' lí' se' Acaya nicanúur- júu^ quiá'- Dsea` Jmáang-. Jo jaléng' dsea` seeng' doñí' jié' fi' lí' dsée'naa' nií'r' e dseáng'- nicajáam~ yaang~na' fi' jaguó` Fidié~. Jo jii~ o' 'né- fé'gui jnea^ e jo uí' quí' 'nú', ⁹ co' yaam~ i dsea` í nisí'r' jnea^ jial mi~ ca'íng~ 'nú' júu^ quiá'- Dsea` Jmáang- e léé'naa' mi~ caguié'naa' e cango'ee'naa' jaléng' 'nú', dsea` seeng'na' fi' na fi' Tesalónica. Jogui sí'r' jnea^ cajo jial mi~ catáa'na' e jmiféng'na' lí' doñí' ee' lafa' dié~ i o' já', jo lajob canaang~na' e jmoo'na' lajii~ e iing~ i Fidié~ i dseáng'- já' do. ¹⁰ Jogui fé'bir cajo e sijeem' 'nú' e nijáa'tu Jesús fi' ñif- i líng' Joo' Fidié~ i cajmijí'tu Fidié~ quiá'r- jee~ jaléng' 'lí'. Jo íb` dsea` i láang' jneaa'aa' cóo~ jalé' iihuí' eáang' e nijaquiéng' e ní'íng' dsea` uí' jalé' dsee- quiá'r- e nica'éer`.

2

Jalé' e cajmée` Paa- fi' Tesalónica

¹ Jo 'nú', dsea` rú'naa', nií'ba' guiá- e liim~ ta~ cali'íng^ jalé' e cajmó'naa' lajee~ cataang~naa' cóo~ 'nú' fi' Tesalónica. ² Co' nií'íb^ 'nú' guiá- e nú'-gui e nidsé'naa' fi' na, lajee~ cataang~naa' fi' coo` fii' e sii' Filipos, eáam' ga` cajmeáng' i dsea` í jnea^, jogui fé'r' ga` uii~ quí- naa' uí' e guia'naa' júu^ quiá'- Dsea` Jmáang-. Jo mi~ caguiá'naa' e júu^ jo jee~ 'nú', 'ní' níb- dsea` quí- naa'; dsu' ja` e lí' e jo, co' Fidiéeb~ eáang' cajmicóo~ quí- naa' e caliseá'

bí qui-naa' e caguiá-naa' e júu jo. ³ Jo lajii~ júu e caguiá-naa' jee~ 'nú' do, jming' júu jáb', jogui e car`ngocáng` dsi'baa' caguiá-naa' e júu do cajo. Jo dseáng'- ja' í dsi'baa' fa' e nijmigóøng'naa' dsea`cõo~ jalé' e júu e guia'naa' do. ⁴ Jo dseáng'- ja' jmoo-baa' lajo, co' Fidiée'bing' i caguíng' jnea' jogui cacuø'r' jnea' ta~ e guia'naa' júu quiá'- jial laang` dsea`jee~ dsee- quiá'r-; jo co' lajob líí, joba' fé'naa' e júu jo. Co' ja' 'né-naa' e lico' nijá'naa' guiá`cõo~ jii~ dsea`jmigüí, co' lajii~ e iing` Fidiée'ba' jmoo-naa', co' jii~ íb` dsea`niñir` jogui nicuír` dsi'naa' lajaang` lajaang'naa'. ⁵ Jo niñib` 'nú' guiá' e jii~ coo` née~ ja` caféng'~naa' 'nú' cõo~ júu` goo' e laco' nijmicóøng'naa' 'nú' lajee` e ngi'naa' guia'naa' júu quiá'- Dsea` Jmáang-, o'gui cajmó'naa' fa' e cajmigóøng'naa' 'nú' e lí' laco' nili'naa' cuu- qui-naa'; lí' Fidiée'bigui ninir` lajalé' e la. ⁶ Jo dseáng'- ja' mí cajmó'naa' fa' e nijmiféng' dsea` jnea' o'gui 'nú' fa' nijmiféng'na' jnea' o'gui dsea`jiéng' cajo. Co' nañi' fa' cuøøm`bre e jmó' jnea' e lí'naa' lafa' dsea`niing- i quiu' ta~ jee~ 'nú' uí' e lí'naa' dsea` i casíng` Fidiée` i quie' júu quiá'- Dsea` Jmáang- jee~ jaléng' dsea`, ⁷ dsu' ja` cajmó'naa' lajo. Co' guiáb- ca'ee-naa' jee~ 'nú' lí' laco' jaang` niquiá' jiuung` jmóo`bre í jór' jogui to' fím`bre laco' catíng- co' 'neáam`bre. ⁸ Jo co' eám' 'neáang'naa' 'nú', joba' ii'naa' e nicuøø'naa' 'nú' e júu quiá'- Fidiée` e quiá'- jial laang` dsea`jee~ dsee- quiá'r-; dsu' o' dseáng'- jii~ júu jo cajo, co' cartí` jáang' yee~baa' song 'né- lajo uí' e 'neáang'naa' 'nú'. ⁹ Jogui tóob` áa'na', dsea` rú'naa', jial cacuøø' bí yee~naa' e cajmó'naa' ta~ e quiá'- lí'jiu e 'né-naa' lajee` taang'naa' fí na. Co' ie~ jo cajmó'naa' ta~ e lico' cajneá- jogui cartí` canu e laco' ja` nicuøø'naa' iihuí` jii~ jaang` 'nú' lajee` e guia'naa' júu quiá'- Fidiée` fí na.

¹⁰ Jo niñib` 'nú', jogui niñi'bi Fidiée` cajo, e eám' guiá- nica'ee-naa' jee~ 'nú', dsea` líng'na' dsea` quiá'- Dsea` Jmáang-, jo ja' jmoo-naa' ga` cõo~ jii~ jaang` 'nú', jogui lajalé'ba' e nicajmó'naa' dseáng'- nicajmó'naa' røø` laco' si'íb, jogui jii~ coo` dsee- ja` cuøøng` cuø' dsea` jnea'. ¹¹⁻¹² Jogui ní'bi 'nú' guiá- e nicacuøø'baa' 'nú' bí jogui nicajmitii-baa' óo'na' lajaang` lajaang'na' lí' laco'gui la jmóo` jaang` tiquiá' dsea`cõo~ jór'. Jogui síi'naa' 'nú' e ee-ba' røø` laco'gui catíng- e jmóo` dsea` quiá'- Fidiée`, co' íb` catø'r- 'nú' e nimó'na' jial tíi` niing- 'gøiñ' jogui jial quiu'r' ta` fí la'úng- fí jmigüí.

¹³ Jo uí' joba' contøøng- cuøø'naa' gui'máang' Fidiée`, dsuco' mi~ la'uii` canu- 'nú' e júu quiá'- Dsea` Jmáang- e caguiá` jnea' jee~ 'nú', dsifib' ca'íng'na' e júu jo, co' calilí'ba' e quiá'- Fidiée` e júu jo, jo o' quiá'- dsea` jmigüí. Dsuco' dseáng'- lajam'-ba' e júu e caguiá'naa' do líí júu quiá'- Fidiéeb, jo la'eáang' Fidiéeb` cajo jmóo` ta~ e júu jo fí áa'na' cõo~ jalé' e jmoo'na', 'nú' dsea` já' líng'na' júu quiá'- Dsea` Jmáang-. ¹⁴ Jogui jaléng' 'nú', dsea` rú'naa', mi~ ca'íng'na' jalé' iihuí' e cacuø' dsea` góo'na' uí' e líng'na' dsea` quiá'- Dsea` Jmáang-, røøb` ca'íng'na' e jo laco'gui ca'íng' dsea` quiá'- Dsea` Jmáang- i seeng` fí lí' se' Judea, dsuco' lajob iihuí' cangá- í cajo e cacuø' dsea` góor` dsea` Israel. ¹⁵ Jo i líng- i dsea` Israel cajo, íb` i cajngang' jaléng' dsea` rú'na' i café' cuaiñ` quiá'- Fidiée` mali'gui eáang'. Jo mi~ cangígui e jo, i líng`gui i dsea` í cajngaiñ' Fí'naa' Dsea` Jmáang- i líng' dsea` góor` cajo. Jogui i líng`gui i do cajmeaiñ' ga` jnea' cajo, dsea` lí'naa' dsea` quiá'- Dsea` Jmáang-. Jo ja' jmóor` laco' tí dsi' Fidiée`, jogui 'ní' ním-bre lajaléng'gui dsea` jmigüí cajo. ¹⁶ Co' mi~ ii'naa' guiá'naa' júu quiá'- Dsea` Jmáang- jee~ jaléng' dsea` i ja` líng' dsea` Israel e laco' jial nileaiñ` jee~ dsee- quiá'r-, dsu' i dsea` Israel do ja` cacuø'r' jnea' fí lajo, jo lajoba' eám' nicajmi'miñ' dsee- quiá'r- uí' jalé' e nicajmeér` do. Joba' lanagui catí' í' quiá'- i dsea` do e ni'íñ' iihuí' e eáang' e jáa' quiá'- Fidiée`.

Mī ca' dsí' Paa- e nidsé-tur fí Tesalónica

17 Jo fí-guá 'nú', dseá' rú'naa', e mī cangohuíng-naa' quí' 'nú' e huóøm-jia, nañí' fa' ja' neeng- rú'naa' dseáng'- lana, dsu' contøøm- guing- dsí'naa' uii' quí'na', jo dseáng'- ii'naa' fa' e dsí'eeb-túu' 'nú' fí' na calé' catú-. 18 Jo cajmó'baa' quijí- e nidsé'naa' fí' na; jo jnea- Paa-, eáang'gui jmiguiá' ya' cajmé- e quijí- e niniitúu' fí' na, dsu' fii' i' líng' i' sii' Satanás cajnir' fí' quí'naa' e ja' cajmó'naa' lajo. 19 Jo yaam- 'nú' dseá' cuø'na' jnea' e tab- dsí'naa' jogui e iáang' dsí'naa' jogui e guiáb- fé'naa' uii' quí'na'. Co' dseáng'- 'nú'bing' i' nicuø'- jnea' e iáang' dsí'naa' mī tí' lí' nití- í' e nijáa'tu Fí'naa' Dseá' Jmáang- fí' jmiigü' la. 20 Dsu' e jáb-, dseáng'- 'nú'bing' i' cuø' jnea' e guiáb- fé'naa' uii' quí'na' jogui e nijmi'íáang' dsí'naa' uii' quí'na' cajo.

3

Paa- casíñ Timoteo fí Tesalónica

1 Jo co' eáam' cali'in-n e ninuu-u júu' quí'na' calé' catú-, joba' ca' dsii- e guiá-gui e cajá'baa' 'ñiá'a' fí' la fí' Atenas, 2 jo casín-n fí' na jaang' dseá' rú'naa' dseá' quíá'- Dseá' Jmáang- i' sii' Timoteo. Jo i' dseá' í' líiñ' jaang' dseá' i' jmóo' lajii' e iing- Fidié', jogui jmóor' ta- røø' cóo'- jnea' e guiá'naa' júu' quíá'- Dseá' Jmáang-. Jo casín-nre fí' na e laco' dsí'eer- 'nú' jogui tí' nir- jial seeng'na' jogui cuø'r' 'nú' bí' e laco' teáang-na' teá' cóo'- júu' quíá'- Dseá' Jmáang-. 3 Jo casín-nre fí' na e laco' jii' jaang' 'nú', dseá' seeng'na' fí' na fí' Tesalónica, nijmitúng' óo'na' cóo'- jalé' iihuí' e móo'na' uii' e nilíng'na' dseá' quíá'- Dseá' Jmáang-. Dsuo' niñí'bí' e dseáng'- nisi'í'ba' e nidsingíng-naa' iihuí' uii' e líng'naa' dseá' quíá'- Dseá' Jmáang-. 4 Jo niñí'b' 'nú' guiá- e lajee- e taam-bí' fí' na cóo'- 'nú', cajmó'baa' 'nú' júu' e dseáng'- nidsingím-baa' jalé' iihuí' uii' e lí'naa' dseá' quíá'- Dseá' Jmáang-, jo lajob lí' e calí-. 5 Jo co' lahuím' cali'in-n cali'ni- júu' quí'na', joba' casín-n Timoteo fí' na e laco' cali'ni- jial seeng'na' lajii' fí' teáang-na' cóo'- Dseá' Jmáang-. Co' jmoob- jnea' fí' í' fíng song fii' i' líng' casíñ' 'nú' fí' ga'. Dsuo' fíng song lajo, ja' e ta- nilí'íng' lajii' ta- quí'naa' e nicajmó'naa' jee- 'nú' fí' na jóng.

Mī caguiéng-tu Timoteo fí Atenas

6 Dsu' lanagui nicagüeam'- Timoteo e jaiñ' fí' na fí' Tesalónica, jo quíeer- jmang'- júu' guiáb- quí'na' e teáb' teáang-na' cóo'- júu' quíá'- Dseá' Jmáang- jogui e 'neáam'ba' dseá' rúng'na'. Jogui jing'- gui Timoteo e contøøm- dséng' óo' 'nú' jnea', co' eáam' 'neáang'na' jnea', jogui eáam' iing'na' nimáang-tu' jnea' laco'gui jnea' ii'naa' e nineeng-túu' 'nú'. 7 Jo lajob lí', dseá' rú'naa', e jee- jalé' iihuí' e íng'-naa' cóo'-gui e jmáng' dseá' ga' jnea', jee- job quíéng' e jmi'íáang' dsí'naa' mī caline-naa' e teá' teáang-na' cóo'- júu' quíá'- Dseá' Jmáang-. 8 Jo mī caline-naa' e jo, joba' cuø'gui bí' jnea' lajii' fí' téé-naa' cóo'- Dseá' Jmáang-. 9 Joba' í' dsii- jial cuøøng' e nicuøø'-naa' Fidié' jmiiguiá'gui gui'máang' uii' quí' 'nú' jogui uii' quíá'- e jmi'íáang' dsí' jnea' uii' quí' 'nú' fí' quiniñ' 'ñia'r' cajo. 10 Jogui uøø' jmíb' dseáng'- mii'naa' Fidié' e nijmicóo'r- jnea' e nineeng-tu' rú'naa' fí' na calé' catú-, jogui e nijmicóo'-guí' 'nú' jial laco' nisíng'-guí' teá' cóo'- júu' quíá'- Dseá' Jmáang- cartí' ni'íé' quí'na' laco' sí'í'.

11 Jo mii'naa' Fidié' i' líng' Tiquí'ii' do cóo'- Fí'naa' Jesús, e nijmicóo'r- jnea' e laco' nilí'naa' nineeng-tu' rú'naa' calé' catú- fí' na fí' Tesalónica. 12 Jogui mii'naa' Fí'naa' Dseá' Jmáang- e nijmicóo'r- 'nú' e nilí'neáang'gui' dseá' rúng'na' lí' lajaléng' dseá' laco'gui jnea' eáam' 'neáang'naa' jaléng' 'nú' cajo. 13 Jogui mii'naa'r' cajo e nijmicóo'r- 'nú' e laco' ja' nilítúng- áa'na'

lajjĩ~ fĩ niteáang~na' cóo~ Dsea` Jmáang~, jogui e nilíng~gui' dseáng~ dsea` quiá~ Tiquí'ii' Fidiéé` i jo` dsee~ sea` quiá~ fĩ quini~ dsea` do mi~ nitĩ` í' e nigüéeng~ tu Fí'naa' Jesús fĩ jmgüü' la colíng~ cóo~ jaléng' dsea` quiá'r~. Jo lajob` 'né` liti~.

4

Jial íáang` dsí' Fidiéé` cóo~ jneaa`aa'

¹ Jo lanagui, dsea` rú'naa', nica'ée^baa' 'nú' jial seeng`na' e laco' íáang` dsí' Fidiéé` lí^ laco'gui seeng`na' lana. Joba' mii'`bii' 'nú' jogui síi'`bii' 'nú' cajo la'eáang` cóo~ Fí'naa' Jesús e güiliseem`ba' laco'gui la íáang` dsí' Fidiéé`, jo jmée^bi' lajo cajo.

² Co' 'nú' niñi'ba' guiú~ jalé' e nica'ée^naa' 'nú', jo e jo nicajmó^naa' la'eáang` cóo~ Fí'naa' Jesús. ³ Co' lajji'~ e iing~ Fidiéé` e líng`na' dseáng~ dsea` quiáb~ dsea` do e ja` jmée^na' jalé' e lí dsí' ngúu' táang`na'. ⁴ Co' iing~ Fidiéé` e lajaang` lajaang` 'nú' ñi'na' jial 'né` ee~na' røø` cóo~ lajji'~ dseamí` quíi~na', jogui jial 'né` e jmi'goo`na're cajo laco' catíng~. ⁵ Co' ja` catíng~ e jmée^na' jalé' e ja` dseeng` lajo laco'gui la jmóo` dsea` jmgüü' i ja` cúing` Fidiéé` e suuiñ` dsea` i o' quiá'r~. ⁶ Dsea` rú'naa' dsea` quiá~ Dsea` Jmáang~, ja` cuøøng` e jii'~ jaang` dseañu` nijmér~ jalé' e ja` dseeng` lajo e nijmigøøiñ` jaang`gui dsea` rúiiñ` dsea` quiá~ Dsea` Jmáang~ lí^ laco'gui jii'~ e nicafii` i 'nú' na. Dsu' iihuú' eáam` nicuø~ Fidiéé` jaléng` i dsea` i jmóo` lajo lí^ laco'gui 'goo` nica'í'naa' quíi~na' jéeng`gui. ⁷ Dsuco' ja` catø~ Fidiéé` jneaa`aa' fa' e nijmó^naa' jalé' e 'lí', co' catø'r~ jneaa`aa' e lí^ laco' nilisee~naa' e lí'naa' dseáng~ dsea` quiá~bre. ⁸ Jo doñi'` jii' dsea` i guia' ca' e júu^ quiá~ Dsea` Jmáang~ e guia` jnea~ do, joba' ja` 'né` í` dsíir' e júu^ quiá~ dsea` jmgüü' e guiar' ca' do, co' júu^ quiá~ Fidiéé` e jo. Jo Fidiéeb` cajo i cacuø' jneaa`aa' dseáng~ Jmiguü' quiá'r~.

⁹ Jo jo` 'né` fa' jnea~gui nifi'`i 'nú' e 'né` nijmi'neáang` rúng`na' la'ó' líng`na' dsea` quiá~ Dsea` Jmáang~, dsuco' 'ñiab' Fidiéé` nica'e'r' 'nú' jial nijmi'neáang`na' dsea` rúng`na'. ¹⁰ Jogui lajob` jmoo` 'nú', dsea` rú'naa', co' 'neáang`na' jaléng` dsea` quiá~ Dsea` Jmáang~ i seeng` fí' la'úng~ lí` se' Macedonia. Jo síi'`guú' 'nú' e güili'neáang`gui rúng`na' lacoo` jmi~ lacoo` jmi~. ¹¹ Jogui jmi'úung`na' e niliseeng`na' juguiú~ júu^ røø` cóo~ jaléng` dsea', jogui ja` jmoo`na' e quíng`na' lí` ja` catíng~na', jogui jmee`na' ta~ cóo~ layaang~ guoo`na' lí^ laco'gui nicasíi'~naa' 'nú' lami~ jéeng`gui do. ¹² Jo lajob` 'né` jmée^na' e laco' nijmi'gó` jaléng` dsea` i ja` cúing` Dsea` Jmáang~ 'nú' jogui e laco' niliseab` jalé' e 'né` quíi~na' cajo.

Mi~ nijáa`tu Dsea` Jmáang~ fĩ jmgüü' la

¹³ Jo e laba' fii'`guú' 'nú', dsea` rú'naa', co' ii~ jnea^ fa' e 'nú' niliñi'na' jial lí' cóo~ jaléng` dsea` quiá~ Dsea` Jmáang~ i nicajúng~ e laco' ja` cuø^ fí'í' yaang~na' laco'gui la jmóo` dsea` i ja` já~ líng` e jí'tu jaléng` 'líi'. ¹⁴ Jo co' jáb~ líi'naa' e cajúm~ Jesús jogui cajib`tur calé' catú~, joba' lajob` já~ líi'naa' cajo e Fidiéé` cóo~gui Jesús nijmér~ e nijjítu jaléng` dsea` quiá'r~ i cajúng~ e já~ líiñ` júu^ quiá'r~.

¹⁵ Joba' síi'`guú' 'nú', dsea` rú'naa', lí^ laco'gui júu^ e ca'e' Fí'naa' Dsea` Jmáang~, e jaléng` jneaa`aa', dsea` lí'naa' dsea` quiá'r~, e see~bii' mi~ tí' lí' nití' í' e nigüéeng~tur fĩ jmgüü' la calé' catú~, ja` nidseá^naa' cóo'r~ jéeng`gui laco'gui dsea` quiá'r~ i nicajúng~ lami~ jéeng`gui. ¹⁶ Jo ie~ jo nijgiáang` Fí'naa' Dsea` Jmáang~ fí' lí' guiiñ` fí' ñifi~. Jo lajee` jo niná' luu~ Fidiéé` e quiar' ta~ fí' yá^ jmgüü', jogui niná' e guinifé' jaang` ángel i niing~gui lajee` lajaléng`, jogui niná' e ni'ii~ lúu' trompé^ quiá~ Fidiéé` fí' yá^ jmgüü' cajo. Jogui jaléng`

dsea` quiá'- Dsea` Jmáang- i nicajúng-, í'bing' i nijí'tu la'uii~ mi~ nití- e í' jo. ¹⁷ Jo mi~ ningí jo, jaléng' jneaa~aa', dsea` i jí'gui, colim~ nidseá'^naa' cóo'r~ fí' guiá'^ güi, jo nijí' rú'naa' cóo'~ Fí'naa' Dsea` Jmáang- fí' yú'^ jmigüi, jo lajob nilisee~naa' cóo'r~ lata~. ¹⁸ Joba' fii-i 'nú' e cuóø'~ bí' rúng'na' cóo'~ lajalé' e júu^ na.

5

¹ Joba' fá'guí, dsea` rú'naa', ja` 'né- jmée'~e quí-na' e fí' ni~ jì' la lana lí' dseáng'- nidsijéé' jalé' e fá'a la. ² Co' niñib^ 'nú' røø' e jíi~ jaang` dsea` ñir' jéeng'gui e~ jmí~ e nigüéeng-tu Fí'naa' Dsea` Jmáang-, lí'^ laco'gui mi~ jaang` dsea` ja` ñir' jéeng'gui lí' nigüiéé' jaang` ñi i dsi'lee~ fí' quiá'r- mi~ uóø'. ³ Jo mi~ nijíng'- jaléng' dsea` i ja` cúing` Dsea` Jmáang-: "Tiib- í' jogui juguiáb- sea", dsu' ie~ job dseáng'- ni'íñ' iihuí' e jo` tóo` jmí~ nileáiñ` lajee' e ja` ñiing~ dsíir', lí'^ laco'gui jaang` dseamí i quíéeng` jiuung` jíi'~ ja` ñir' lí' dseáng'- nináng` e dseá` jmohuí' quiá'r- e niliseeng` yuu` quiá'r-. Jo ie~ jo, jíi~ jaang` i dsea` í' quí'- jmí~ nileáng`guir e ja` ni'íñ' e iihuí' do. ⁴ Dsu' 'nú'gui, dsea` rú'naa', jo` seeng'gui' e ja` 'ga' lí' ñí'na' laco'gui la líng' dsea` i seeng` fí' lí' nuu, joba' ja` nidsigá` óo'na' mi~ tí' lí' nití- í' e nijáa'tu Dsea` Jmáang- fí' jmigüi la laco'gui dsigá` dsí' jaang` dsea` mi~ guíéé' jaang` i dsijmée- ñi fí' quiá'r- mi~ uóø'. ⁵ Co' lajalém' 'nú', dsea` rú'naa', líng'na' dsea` quiá'- Dsea` Jmáang- i jmóo` jmang'- e guiá-, jo fí' lí' jneáb' seeng'na'. Jo ja` líng'na' dsea` i ja` cúing` Dsea` Jmáang- i jmóo` jalé' e 'lí', co' fí' lí' nuub' seeng` i la'í; ⁶ joba' 'né- e ja` sijlí' jminí'na' laco'gui la líng' dsea` i ja` cúing` Dsea` Jmáang-, dsu' 'né- e sijnéeb` dsí'naa' contøng- jogui 'né- e í' dsí'naa' dseáng'- laco' catím- cajo. ⁷ Co' jaléng' dsea` i ja` cúing` Dsea` Jmáang- líiñ' la líng' dsea` i sijlí' jminí' mi~ uóø', jogui jmóor` ta` í' mi~ uóø' cajo. ⁸ Dsu' jneaa`guí, dsea` see~naa' fí' lí' jneá, contøom- 'né- í' dsí'naa' dseáng'- laco' catím-. Jo co' nicajáam~ yee~naa' fí' jaguó' Fidiéé' jogui jmi'neáam`bí' dsea` do cajo, joba' e jo` lí' lafa' coo` 'mi'quí' ñí' cóo'~ e jmi'øng' yee~naa'. Jo co' nitab~ dsí'naa' e dseáng'- nileám`baa' jee~ dsee- quí'naa', joba' e la lí' lafa' coo` logui` ní' cóo'~ e lí'øng' mogui'naa'. ⁹ Co' ja` sí'íng'naa' quiá'- Fidiéé' e nicuó'r- jneaa~aa' iihuí', dsu' sí'ím`baa' quiá'r- e laco' nileáng'naa' jee~ jalé' dsee- quí'naa' la'eéang` cóo'~ Fí'naa' Dsea` Jmáang-. ¹⁰ Co' Dsea` Jmáang- cajúñ- cuaiñ~ quí-ii' e laco' nilisee~naa' cøøng` cóo'r~ lata~, song see~naa' tá'- sa` see~naa' mi~ nijáa'tur. ¹¹ Joba' fii-guí 'nú', dsea` rú'naa', cuóø'~ bí' rúng'na' jogui jmicóo'~ rúng'na' e ja` tiúung`na' lajíi' fí' niteéang`na' lí'^ laco'gui la jmoo'na' lana.

Jalé' e casí'- Paa- dsea` quiá'- Dsea` Jmáang-

¹² Jo fii-guí 'nú', dsea` rú'naa', e jmi'goo'ba' dsea` quiá'- Dsea` Jmáang- i jmóo` ta~ jmicóo'~ 'nú' e quier' nifí' quí-na' jogui e'r' 'nú' jial laco' catíng- e niliseeng'na', dsea` líng'na' dsea` quiá'- Dsea` Jmáang-. ¹³ Jo eáam' 'né- ee~na' guiá- cóo'r~, jogui 'né- jmi'neáang'na're quiá'- jalé' e ta~ e jmóor` jee~ 'nú'. Jo güiliseem`ba' juguiá- júu^ røø' cóo'~ jaléng' dsea` rúng'na'.

¹⁴ Jogui síi'guí 'nú' cajo, dsea` rú'naa', e jíng-na' jaléng' dsea` i ja` iing~ jmé- ta~, jogui cuóø'~na' bí' jaléng' dsea` i litúng- dsí' cóo'~ júu^ quiá'- Fidiéé', jogui jmicóo'~na' jaléng' dsea` i ja` mí' sea` bí' quiá'- la'íé' fa' dseáng'- nilíiñ' dsea` quiá'- Dsea` Jmáang-, jogui jmee'na' féng' óo'na' cóo'~ lajíng` dsea`.

¹⁵ Jo ñiing~ óo'na' e jíi~ jaang` dsea` quí- cóo'~ e ga` quiá'- jaang'gui dsea` rúíñ' uii~ quiá'- e ga` e jmóo` í' quiá'r-. Co' lajíi' e 'né- jmée'na' e jmi'úung'na' jmée'na' jmang'- e guiáb- cóo'~ jaléng' dsea` rúng'na', lí'^ lajaléng' dsea` jmigüi.

16 Jo jmi'iaang` óona' contøøng-. 17 Jo féeng'~na' Fidiée` yejí-. 18 Jogui cuøø'~ba'r gui'máang`~ quiá'- lí^ doñí ee` catíng-na', co' lajoba' iin~ e ni-jmée^na' laco'gui catíng- e jmóo`dsea` quiá'- Dsea` Jmáang-.

19 Jo ja` jniing~na' lajii'~ e iing~ Jmiguí` quiá'- Fidiée` e jmér- jee~ 'ná'. 20 Jo ja` guiá^na' ca' jalé` e fé` i dsea` i fé` cuaiñ~ quiá'- Fidiée`. 21 Dsu' quie`na' cuente lajii'~ júu^ quiá'- i dsea` í, su dseeng`osi ja` dseeng`é, jo 'mea`baa' lajii'~ e guiá-. 22 Jo 'naang- yaang~na' cóo'~ jalé` e 'lí^ e sea` fí` jmigüi'.

23 Jo máí~naa' Fidiée` i cuø` juguiá- júu^ røø` e nijmeáiñ` 'ná` dseáng'- jii'~ dsea` quiá'-bre. Jogui máí~naa'r cajo e nijmér- í` 'ná` lajii'~ fí` niteáang-na' cóo'~ jalé` e í` áa`na', jogui e nijmér- í` 'ná` jial laco' seeng`na' fí` ngúu' táang-na' e laco' ja` dsee- nilisea` quíi-na' jii'~ coo` mi` nití- í` e nijáa`tu Fíi`naa' Dsea` Jmáang- fí` jmigüi' la. 24 Jo Fidiéeb` dsea` cató'r- jneaa`aa' e laco' ni'uúing-naa' dsea` quiá'r-, jogui dseáng'- jmiti~bre e jo.

Júu^ guicóo`~ quiá'- Paa- lí` cadséng-

25 Dsea` rú`naa' dsea` quiá'- Dsea` Jmáang-, féem'~ba' Fidiée` uii~ quí-ii'.

26 Jo røøng- rúng`na' e ngocáng` óona' cóo'~ jaléng` dsea` quiá'- Dsea` Jmáang- i neáang` fí` na.

27 Jo fíi`-i 'ná', la'eáang` cóo'~ Fíi`naa' Dsea` Jmáang-, e í`na' e jì` la fí` quini` jaléng` dsea` quiá'- Dsea` Jmáang- i seeng` fí` na.

28 Güi'íib` Fíi`naa' Dsea` Jmáang- güea`^ quiá'r- jee~ 'ná'.

Jo lanab jii'~ fé` jì` la'uii~ quiá'- Paa- e catíng- jaléng` dsea` quiá'- Dsea` Jmáang- i seeng` fí` Tesalónica.

Júu[^] e toq̃ fi' ni~ jì catî tú⁻ quiá⁻ Paa⁻ e catíng⁻ dsea` seeng` fi' TESALÓNICA

¹ Jnea⁻ Paa⁻, colíng⁻ cóo[~] Silvano jogui Timoteo, jmo'naa' e jì la e catíng⁻ jaléng[^] 'nú', dsea` rú'naa' dsea` quiá⁻ Dsea` Jmáang⁻, dsea` neáang'na' fi' na fi' Tesalónica, i seeng` cøong` cóo[~] Tiquí'ii' Fidié[~] jogui cóo[~] Fí'naa' Dsea` Jmáang⁻. ² Jo mî'naa' Tiquí'ii' Fidié[~] cóo[~]gui Fí'naa' Dsea` Jmáang⁻ e ni'ír⁻ güea[^] quiá⁻r⁻ jee⁻ 'nú' jogui e nicuó⁻r⁻ 'nú' e niliseeng'na' juguiá⁻ júu[^] røø.

Fidiéeb[~] niquidsí' í' quiá⁻ jaléng[^] dsea` røøng` dsee⁻

³ Dsea` rú'naa' dsea` quiá⁻ Dsea` Jmáang⁻, yejib⁻ 'né⁻ cuøø[~]naa' gui'máang[~] Fidié[~] uii[~] qui⁻ 'nú', co' lajob catíng⁻ 'né⁻ jmó[^]naa', co' eáang'gui já⁻ líng[^] 'nú' júu[^] quiá⁻ Dsea` Jmáang⁻ laco^o jmî[~] jogui eáang'gui jmi'neáang'na' dsea` rúng[^]na' laco^o jmî[~] laco^o jmî[~] cajo. ⁴ Jo lajoba' fé'naa' júu[^] uii[~] qui⁻na' jee⁻ jaléng[^] dsea` quiá⁻ Dsea` Jmáang⁻ e íaang` dsi'baa'; jo fé'naa' e téb[^] 'nú' lajii[~] fi' teáang⁻na' cóo[~] Dsea` Jmáang⁻, jogui já⁻bi líng[^]na' júu[^] quiá⁻ dsea` do cajo jalí[^] lí[^] móo⁻na' jalé[^] iihuí[^] cóo[~]gui jalé[^] e jmáng[^] dsea` ga` 'nú' uii[~] e cuíng[^]na' Dsea` Jmáang⁻. ⁵ Jo cóo[~] e job cuø[^] lí[^] e dseáng[^] røøb` quidsí Fidié[~] í' quiá⁻ jaléng[^] dsea` jmigüí[^], jo la'eáang` e iihuí[^] e íng[^]na' do, lajoba' nitíng⁻na' e Fidié[~] nicár⁻ nifí[^] qui⁻na'.

⁶ Co' Fidié[~] laco^o catíng⁻ jmóor[^], joba' nicuó⁻r⁻ iihuí[^] jaléng[^] dsea` i cuø[^] iihuí[^] 'nú'. ⁷ Jogui 'nú', dsea` móo⁻na' iihuí[^] lana, Fidiéeb[~] nicuó⁻r⁻ 'nú' e jo` nidsingíng⁻na' jii[~] co^o iihuí[^], jogui lajobi jnea[^] cajo, jo` nine'naa' iihuí[^]. Jo jalé[^] e la nidsijéé[^] mî[~] nití⁻ í' e nigüéeng⁻tu Fí'naa' Jesús fi' jmigüí[^] la colíng⁻ cóo[~] jaléng[^] ángeles i 'gøng' quiá⁻r⁻, jo nijgiáaiñ[^] fi' yá[^] jmigüí[^] e quiñ[~] jee⁻ niing⁻ jì. ⁸ Jo nijáar[^] fi' jmigüí[^] la e laco^o nicuó⁻r⁻ iihuí[^] jaléng[^] dsea` i ja` iing[~] jmicuíng[^] Fidié[~] o'gui jí⁻r⁻ júu[^] quiá⁻ jial nileáang[^] dsea` jee⁻ jalé[^] dsee⁻ quiá⁻r⁻ la'eáang[^] cóo[~] Fí'naa' Dsea` Jmáang⁻. ⁹ Jo jaléng[^] dsea` íbing[^] ni'íng[^] iihuí[^] e eáang[^] mî[~] nijúuiñ⁻ e jo` tóq[^] jmî[~] tíñ[^], co' huí[~]b⁻ eáang[^] ni'náañ⁻ cóo[~] Fidié[~] jogui cóo[~] e laniing⁻ 'gøng' dsea` do. ¹⁰ Jo lajob nilí[^] mî[~] nijáa[^]tu Fí'naa' Dsea` Jmáang⁻. Jo ie[~] jo, jaléng[^] dsea` quiá⁻r⁻ nijmi'gób[^]re dsea` do jogui nijmiféiñ[^] dsea` do cajo; jogui lajobi 'nú' cajo, lajob nijmée[^]na', co' eáam[^] já⁻ nicalíng⁻na' lajalé[^] júu[^] e nicaguiá[^]naa' jee⁻ 'nú'.

¹¹ Joba' eáam[^] féng[^]naa' Fidié[~] uii[~] qui⁻na', jogui mî'naa're e nijmicóo⁻r⁻ 'nú' e niliseeng'na' røø lí[^] laco^o catíng⁻ e jmé⁻ dsea` i nicatø⁻r⁻ e ni'uíñ⁻ do dsea` quiá⁻r⁻. Jogui mî'naa're e nijmicóo⁻bre 'nú' cóo[~] e 'gøiñ[^] do e laco^o guiáb⁻ ni'uíng⁻ jalé[^] e iing[~] 'nú' jmée[^]na' cóo[~]gui jalé[^] ta[~] jmoo[^]na' la'eáang[^] e cajáang[^] yaang[^]na' fi' jaguó[^] Dsea` Jmáang⁻. ¹² Jo féng[^]naa' Fidié[~] lana e laco^o eáam[^] nijmi'gób[^] dsea` Fí'naa' Jesús la'eáang[^] cóo[~] 'nú', jogui Fí'naa' Jesús eáam[^] nijmi'gób[^] 'nú' cajo. Jo nilí[^] jalé[^] e jo dsuco^o eáam[^] guiúng⁻ Fidié[~] cóo[~]gui Fí'naa' Dsea` Jmáang⁻ cóo[~] 'nú'.

2

Júu[^] quiá⁻ mî[~] nijáa[^]tu Dsea` Jmáang⁻ fi' jmigüí[^] la

¹⁻² Jogui lana, dsea` rú'naa', nifí[^]guí[^] 'nú' quiá⁻ mî[~] nijáa[^]tu Fí'naa' Dsea` Jmáang⁻ fi' jmigüí[^] la, jogui mî[~] nijí[^] rú'naa' cóo[~]r⁻ cajo, jaléng[^] jneaa[~]aa', dsea` lí'naa' dsea` quiá⁻r⁻. Jogui mî'naa' 'nú' e ja` jmísiñg[^]na' lajii[~] e í' óo[^]na', o'gui fòøng[^]na' mî[~] nijíng[^] dsea` e nicagüém⁻ Dsea` Jmáang⁻ fi' jmigüí[^] la. Co' seem[^] dsea` i nijíng[^] e fé⁻r⁻ cuaiñ[^] quiá⁻ Fidié[~] e júu[^] jo, dsu[^] o' já⁻. Jogui seem[^]bi

dsea` i fé' e quiá'- Fidiéé` e júu` jo, dsu' o' já'- e lajo. Jo seem`bi dsea` cajo e jíñ'- e jneab` cajméé' e fí' ni` jì' quié'- e júu` jo, dsu' o' já'- e lajo cajo. ³ Joba' fíi` guí' 'nú', dsea` rú'naa', e ja` jmigóøng` yaang`na' jii` cõo` mi` fé' dsea` e nicagüéng`tu Dsea` Jmáang`. Dsucõ' lajee` ná'gui e jmii` jo, dseáng'- cab' niguiéng` dsea` Fidiéé`, jo ie` job cajo nijmijnéeng` 'ñia' i dsea` i 'ling'^ do fí' jmigüi` la, jo Fidiéé` dseáng'- nibíim`breiñ' do fí' li` 'li'^. ⁴ Jo i dsea` i 'ling'^ do dseáng'- cab' niguiár` jalé' e jmiféng' dsea` laco'gui mi` jmiféiñ' e quiá'- Fidiéé`. Jõgui iing` i dsea` i 'ling'^ do fa' e nijmiféng' dsea` ír` cartí' nijmér` e nigüear` li` si' éé` quiá'- Fidiéé` fí' dsíi` sinúu` guá'-, jõgui nijmeáng' 'ñia'r` e íbre`gøng'guir laco' Fidiéé`.

⁵ Já` tóo` áa' 'nú', dsea` rú'naa', e cafíi` i 'nú' jalé' e la ie` lami` cataang`naa' colíing` cõo` 'nú' fí' na fí' Tesalónica? ⁶ Jõgui lana niñíi` 'nú' e` e nicajníng` quiá'- i dsea` i 'ling'^ do e laco' ja` mí' cajmijnéeng` 'ñia'r` jééng'gui jii` laco' jmii` e si'í' e nijmijnéeng` 'ñia'r'. ⁷ Jo lana fíim` dsea` nijmóor` jalé' e 'li'^, jo jii` Fidiéé` dsea` cuø'r` jneaa`aa' e ngáng'naa' jiali'` jmóo` dsea` jalé' e 'li'^ do. Jo lico' 'né`gui e ja` iij` nijníng` quiá'- jalé' e 'li'^ do e laco' nidsijéé` jalé' e nicafá'- a na. ⁸ Jo mi` nijmijnéeng` 'ñia' i dsea` i 'ling'^ do jee` jaléng' dsea` jmigüi`, job mi` nití' í' e nijjáa`tu Fíi'naa' Jesús fí' jmigüi` la calé' catú` e quiá'- nijmigüieeíñ` quiá'- i 'ling'^ do la'eáang` cõo` e jiiñ' eáang` do jõgui cõo` capí' guí' e nijjáur` fí' mo'oor`. ⁹ Jo mi` nijjáa` i dsea` i 'ling'^ do la'eáang` cõo` bí' quiá'- i fii` i 'ling'^ rúíñ' i sii` Satanás, joba' nijmigóøiñ` dsea` cõo` jalé' e li` e nijmér` cõo`gui jalé' e quí'r` jmii` la'eáang` cõo` e bí' quiá'- fii` i 'ling'^ do. ¹⁰ Jo nijmigóøiñ` jaléng' dsea` i niteáang` fí' e nidsilíiñ` fí' li` 'li'^ cõo` jalé' e 'li'^ e quí'r` jmii` jmér`. Jo jaléng' i dsea` í niteáaiñ` e fí' jo, cõ' ja` cali'iñ` fa' ca'íñ` lajii` júu` quiá'- Dsea` Jmáang` e laco' nileáiñ` jee` jalé' dsee` quiá'r`. ¹¹ Jo uing` e ja` ca'íng' i dsea` do e júu` jo, joba' cuø'b` Fidiéé` fí' e jáb'- líng` i dsea` do jalé' e o' já'- e nijmigóo` i dsea` i 'ling'^ do. ¹² Joba' dseeb` nicuø'- Fidiéé` jaléng' i dsea` í mi` tí' li` nití' í' lajo, cõ' cali'iñ` e cajméer` jalé' e 'li'^ do jõgui ja` cali'iñ` fa' já'- caliñ` lajii` júu` quiá'- Dsea` Jmáang`.

Jial guíng' Fidiéé` jaléng` dsea` i nileáang`jee` jalé' dsee` quiá'-

¹³ Dsea` rú'naa' dsea` quiá'- Dsea` Jmáang`, eám' 'neáang` Fidiéé` 'nú'. Jo jnea`, sojiéb' 'né` cuø'naa' gui'máang' Fidiéé` cuaiñ` quií' 'nú', dsucõ' Fidiéé` caguíñ' 'nú' latí' mi` uing` e quiá'- nileáang`na' jee` jalé' dsee` quií'na'. Jo cajméer` lajo la'eáang` cõo` e ta` quiá'- Jmiguí' quiá'r` e cuø' e uing`na' dseáng'- dsea` quiá'r` jõgui la'eáang` e já'- nicalíng`na' júu` quiá'- Dsea` Jmáang` cajo. ¹⁴ Jo uing` e laba' caguíng' Fidiéé` 'nú' la'eáang` cõo` júu` quiá'- Dsea` Jmáang` e guia` jnea` jee` 'nú' e laco' nilí'na' nilisea` quií'na' fí' li` niing` 'gøng' Fíi'naa' Dsea` Jmáang`.

¹⁵ Joba' fíi` guí' 'nú', dsea` rú'naa', jie` mí' tú'na' lajii` fí' niteáang`na' cõo` Dsea` Jmáang`, jo ja` tú'na' lajii` júu` quiá'- Dsea` Jmáang` e nica'éé'naa' 'nú' lajee` cataang`naa' colíing` o'gui jalé' e toq` fí' ni` jì' e nicasing`naa' quií'na' fí' na cajo. ¹⁶⁻¹⁷ Jo cõ' eám' guiúng` Fidiéé` cõo` jneaa`aa', nañí' fa' ja` catíi`naa', dsu' cajmi'neáam`bre jneaa`aa' jõgui nicacuø'r` jneaa`aa' e tab` dsi'naa' lata` lajii` fí' téé`ee' cõo` Dsea` Jmáang`, jõgui jmang'- e guiá'-ba' sijeeng`naa' quiá'r` cajo. Joba' míi`naa' Fíi'naa' Dsea` Jmáang` cõo`gui Tiquí'ii' Fidiéé` e nicuø'r` 'nú' bí' lajii` fí' niteáang`na' e jmee`ba' jmang'- e guiá'- jõgui e fó'na' jmang' júu` guiáb` cajo.

3

Míi`na' Fidiéé` uíi` jnea`

¹ Jo lí ngóo' cadséng' gui fíi' i 'nú', dsea' rú'naa', féeng'na' Fidiée' uíi' jnea'^ e laco' jminá' gui nini' júu' quíá' Dsea' Jmáang' fí' la'úng' fí' jmigüí. Jogui féeng'na' dsea' do cajo e jaléng' dsea' i ninú' e júu' do ni'ím'bre e ngocáng' dsíir' lí' laco'gui cajmee' 'nú' mí' canúu'na' júu' quíá' Dsea' Jmáang'. ² Jogui mii'na' Fidiée' cajo e laco' nileáiñ' jnea'^ jee' jaléng' dsea' i 'ling' i soo' dsíi', co' ja' lajñng' dsea' já' líiñ' júu' quíá' Dsea' Jmáang'. ³ Jo dseáng' jmitib' Fidiée' lajii' júu' cuør', jo jmicóo'bir 'nú' e ja' nijmitúng' óóna' lajii' fí' teáng'na' cóo' Dsea' Jmáang', jogui nijmi'óiñ' 'nú' e laco' ja' nijmigóøng' fii' i 'ling' 'nú' cajo. ⁴ Jogui nisita' dsí'naa' e Fí'naa' Dsea' Jmáang' nijmicóo'r' 'nú' e jmoo'ba' jogui e jmée'bi' jalé' e nicasíi'naa' 'nú' do. ⁵ Jo mii'naa' Fí'naa' Dsea' Jmáang' e nicuør' 'nú' e lí'na' jial tíi' neáng' Fidiée' 'nú' jogui e nicuør' 'nú' bí' quíá'r' e nité'na' e féng' óóna' lajii' fí' teáng'na' laco'gui cateá' Dsea' Jmáang' 'ña'r'.

La guím'ba' 'né' e jmé' dsea' ta'

⁶ Jo síi'guíi' 'nú', dsea' rú'naa' dsea' quíá' Dsea' Jmáang', la'eéang' cóo' júu' quíá' Fí'naa' Dsea' Jmáang', e ja' quing' yaang'na' jee' jaléng' dsea' quíá' Dsea' Jmáang' i ja' iing' jmé' ta', co' i dsea' í' ja' seeiñ' cøøng' cóo' jalé' júu' e casíi'naa' 'nú' lami' jéeng'gui. ⁷ Co' niñb' 'nú' guíá' jial dseáng' 'né' niliseeng'na' lí' laco'gui nicalisé' jnea'^ jee' 'nú'; dsuco' jmoob' jnea'^ ta' lajee' calisé'naa' jee' 'nú', ⁸ jo jii' coo' née' ja' camí'naa' e niquiee'naa' quíá' dsea' e ja' niquí'naa' quíá'r'. Co' lí' lí' cajmi'úung'naa' e cajmó'naa' ta' uóø' jmáb' e laco' ja' cacuóø'naa' iihu' jii' jaang' 'nú'. ⁹ Dsu' ofa' ja' catñng'naa' e nimii'naa' 'nú' e nijmicóo'na' jnea'^, co' lí' lí' cali'ii'naa' e ni'éé'naa' 'nú' jial dseáng' 'né' jmée'na' tab'. ¹⁰ Co' mí' cataang' jnea'^ jee' 'nú', cacuóø'baa' 'nú' lajii' e júu' la e fé' lala: Doñi' ii' dsea' i ja' iing' jmé' ta', ja' cuó'na'r e nidør'. ¹¹ Dsu' lanagui nicalineb' jnea'^ e seem' 'nú' e fñng'na' jmée'na' ta', jo lico' tí' óóna' e quíng'na' lí' ja' catñm'ba'. ¹² Jo jaléng' i dsea' í' nisíi'naa'r, la'eéang' cóo' júu' quíá' Fí'naa' Dsea' Jmáang', e güijmée'bre ta' laco' catñng', jo lajoba' nilí'r' jalé' e 'né' lajee' e taaiñ' fí' jmigüí la.

¹³ Joba' fii'guíi' 'nú', dsea' rú'naa' dsea' quíá' Dsea' Jmáang', jie' mí' tú'na' e jmoo'na' e guíá' lí' laco'gui jii' fí' niteéang'na'.

¹⁴ Jogui song seeng' jaang' lajee' 'nú' i ja' núu' lajii' júu' e fé' jnea'^ e fí' ní' jii' la, joba' quie'na' cuente røø' i' í' jo jo' sicøøng'gui yaang'na' cóo'r', jo lajoba' i dsea' í' nilí' i' líiñ' quíá' jalé' e jmóor' do. ¹⁵ Dsu' o' uíi' jo 'ní' nimáang'na're cajo, co' lí' lí' 'né' føng'na'r jial laco' catñng' e niliseem'bre lí' laco'gui la catñng' e føng'na' jaang'gui dsea' rúng'na' dsea' quíá' Dsea' Jmáang'.

Júu' lí' cadséng' quíá' Paa' e catñng' dsea' seeng' fí' Tesalónica

¹⁶ Jo 'ña' Fidiée' i cuø' juguiá' júu' røø' güijmée'bre lajo cóo' 'nú' contøøng' cóo' doñi' ee'go' jmoo'na'; jogui güiliseem' dsea' do contøøng' cóo' 'nú' cajo.

¹⁷ Jnea' Paa' jmo'o e júu' guicóo' e catñng' 'nú' la cóo' layaang' guó'o. Jo jii' lanaba' e tñn'n jmó'o cóo' jalé' jii' quíé' e caguiee'gui cajo e laco' líiñ' dsea' e jneab' dsea' jmo'o. ¹⁸ Jo güi'lib' Fí'naa' Dsea' Jmáang' güea'^ quíá'r' fí' jee' 'nú' lajaléng'na'.

Jo lanab' jii' fé' jii' tí' tú' quíá' Paa' e catñng' jaléng' dsea' quíá' Dsea' Jmáang' i seeng' fí' Tesalónica.

Júu^ e toq̄ fi' ni~ jì la'uii~ quiá'- Paa- e catíng- TIMOTEO

¹ Jnea~ Paa-, jo lín'n jaang` dsea` apóo^ i jmóo` ta~ ni' júu^ quiá'- Dsea` Jmáang-. Jo Fidié~ i láang` jneaa~aa' jee~ dsee- qui' ii' cóo' gui Dsea` Jmáang- i cuo' jneaa~aa' e nita~ dsi'naa' cóo'r~, íbing' caquiú' ta~ lajo. ² Jo jmo'o e jì la e catíng- 'na, Timoteo, co' 'nub` lin' lafa' dseáng'- joo`o i dseáng'- lajang'^ nicajáng' uo' fi' jaguó' Dsea` Jmáang-. Jo míi~ i Tiquí'ii' Fidié~ cóo' gui Fíi'naa' Dsea` Jmáang- e ni'ír- güea'^ quiá'r- fi' lí- táan', jogui e nilí fi' líiñ- 'na, jogui cajo e nicuór- e niliseen' juguiá- júu^ røø.

Júu^ # 'goo` quiá'- jaléng` dsea` i jmi'gøøng` dsea` cóo' jalé' e er'

³ Jo lí' lacq' jii~ e nicafii- i 'na, Timoteo, ie~ cangó-o fi' lí se' Macedonia, jo fá'túu lana, e dobi nijá^ e fi' fii Éfeso e lacq' niliúun' jaléng' i dsea` i e júu^ e ja` cóøng` røø cóo' júu^ quiá'- Dsea` Jmáang- e jo' nijmé- guir lajo. ⁴ Jogui nifi'^ re cajo e ja' 'né- cár` cuente lajii~ júu^ cuento quiá'- dsea` mí áang' qui'naa' o'gui jalé' júu^ e ja' tóo` jmi~ té' cuaiñ~ quiá'- dsea` mí áang' qui'naa'. Co' cóo' jalé' e júu^ la lico' uing~ e sea` jii~ ta~ jím` jo ja' e jmicóo' e jo fa' nidsicuáng' gui lacq' si'í e júu^ quiá'- Fidié~ e quiá'- jial já- líng` dsea` júu^ quiá'- Dsea` Jmáang-.

⁵ Dsu' e lab uing~ quiá'- e júu^ quiá'- Fidié~ do e 'né- nijmi'neáang'naa' dsea` rú'naa' e guiá- dsi'naa', jogui e tñng'naa' guí'naa' jnang~ e guiá- e catíng- jmé'naa', jogui cajo e já- líng'naa' júu^ quiá'- Dsea` Jmáang- e ngocáng` dsi'naa'. ⁶ Co' seem` i líng~ dsea` i nicatá e júu^ la jo nicár- fi' jié' jo nifé'r` jman' júu^ e ja' uing~ sea'. ⁷ Dsaco' lico' iñ~ jmeáng' yaaiñ~ tifa' i e júu^ quiú' ta~ quiá'- dsea` Israel, dsu' ja' ngáiñ' do e guøng' lacqo' lacqo' e júu^ e er' la úung` do.

⁸ Co' nínēbaa' guiá- jalé'naa' e eám' íng- ta~ e júu^ quiú' ta~ do e cajme' Moi~ do fíng song jmán'g' dsea` ta~ dseáng'- lacq' si'í quiá'- . ⁹ Jogui 'né- e tóo` dsi'naa' cajo e jii~ cóo' júu^ quiú' ta~ ja' calí fa' e catíng- jaang` dsea` i jmóo` jman'g' e guiá-; dsuco' e júu^ e quiú' ta~ do calí e catíng- jaléng' dsea` soo` dsí' cóo' gui jaléng' dsea` i laang` mí ee'go ta~ huí', jogui cóo' jaléng' dsea` i jmóo` jalé' e 'lí' e lacq' jmirøng` dsee- yaaiñ~, jogui jaléng' dsea` i ja' jmi'gó' Fidié~ o'gui jmi'gór` júu^ quiá'- dsea` do cajo, jogui jaléng' dsea` i jngang' tiquiá'^ niquiá', osi lí' doñí i dsea` i jmóo` ta~ jngang' dsea` rúng', ¹⁰ lí' lajaléng' dsea` i 'léé e güiñ` cóo' dsea` i o' quiá'r-, osi dseañu' 'léer' e güiñ` la'ó' dseañuiñ', osi dseam' 'léer' e güiñ` la'ó' dseam'iiñ` é, jogui jaléng' dsea` i jmóo` ta~ lóøng` jogui ta~ 'nñng` dsea', jogui jaléng' dsea` i ngí ta~ quié' jalé' júu^ adsee, jogui jaléng' dsea` i éeng' fi-, jo dsu' o' já- jalé' e fé'r` do. Jo lí' lacq' cuøøng` fe'ee', e e júu^ quiú' ta~ do catíng- jaléng' i jmóo` lí' doñí ee' e ja' cóøng` røø cóo' júu^ niguó' quiá'- Fidié~. ¹¹ Jo e júu^ niguó' do røøb` cóøng` cóo' e júu^ jlo' quiá'- jial laang` dsea` jee~ jalé' dsee- quiá'r-. Jo i Fidié~ dsea` güea'ng' nicacuø'r' jnea~ ta~ e niní'guí e júu^ jo.

Gui'máang' Fidié~ e fii- líiñ- jnea~

¹² Jo cuøø-ø gui'máang' Fíi'naa' Dsea` Jmáang- car` ngocáng` dsii- e nicacuø'r' jnea~ bí e lacq' niní'guí júu^ quiá'r-, co' eám' nita~ dsí' cóo' jnea~, joba' nicacuø'r' jnea~ e ta~ jo. ¹³ Jo nañí fa' jnea~ malii~ gui eáang' gab` cafá'- a uii~ quiá'- Fíi'naa' Dsea` Jmáang-, jogui gab` cajmeáan' n jaléng' dsea` quiá'r-, jogui caløøm` bí jaléng' i dsea` í cajo, dsu' ie~ jo eám' calí- fii- líng-

Fidiéé' jnea~, co' ja` mí' cuín`n Dsea` Jmáang` ie~ jo, jogui ja` ñii~ cajo e~ jalé' e ga` e jmóo`o do. ¹⁴ Jo dsu' Fíi'naa' Fidiéé' eáam' caliguiúñ~ cóo'~ jnea~, jo cajméer' e nicajáang'~ 'ñiá'a' fí' jaguór' jogui e nijmi'neáan`nre cajo e ngocáng' dsii~ uíi'~ e cøøng` see~naa' cóo'~ Dsea` Jmáang`.

¹⁵ Dsuo' dseáng'~ e jáb'~ e júu^ la, jogui dseáng'~ la guíim' 'né~ nilí' já' líng' jaléng' dsea` e júu^ la cajo; Fíi'naa' Dsea` Jmáang` cajar~ fí' jmigüí' la e laco' nileáiñ~ jaléng' dsea` røøng` dsee~, jo lajee' lajaléng' dsea` røøng` dsee~, jnea~bing' i eáang'gui líng' lajo. ¹⁶ Jo uíi'~ e lajob líí, joba' Fidiéé' eáam' calí' fíi' líiñ~ jnea~; jo cajméer' lajo e laco' Fíi'naa' Dsea` Jmáang` cajmijnéeiñ' fí' quini' jaléng' dsea` jiéng' jial tíi' e féng' dsíir' uii~ quié~e. Jo cajméer' lajo cóo'~ jnea~ e laco' cuø' lí' quiá'~ jaléng' dsea` i nabi nijáng' yaang~ fí' jaguó' dsea` do, jo lajoba' niliseeiñ' cøøng` cóo'~ Fidiéé' lata~. ¹⁷ Joba' majmi'goo~naa' Fidiéé' jogui majmiféng'naa're cajo, co' íb' Fidiéé' i quiu' ta' fí' la'úng' fí' jmigüí' lata~, jogui íb' cajo i ja' cuøøng' lí' júung' jogui ja' quí'~ jmíi' fa' e nineeng~naa're, jogui jíi'~ íb' Fidiéé' i já'~! Jo lajob líí.

¹⁸⁻¹⁹ Joba' fíi'guíi' 'nu', Timoteo, 'nu' i lín' lafa' jóo`o, lí' laco'gui jíi'~ júu^ e nicafé' jaléng' dsea` quiá'~ Dsea` Jmáang` lamí~ jéeng'gui uii~ quií'~, e la'eáang' cóo'~ e júu^ jo nijmi'úun' e nijméé' røø' lajii'~ ta' e nicang`n'. Jo jméé' e ta' jo la'eáang' e nisin' teá' fí' guíá'~ cóo'~ Dsea` Jmáang` jogui e nitíin' guíi'~ e guíá' e catíin'~ e nijme'^. Dsu' i líng'~gui dsea` niñi'bre jalé' e guíá' e 'né~ jmér' dsu' ja' cajméer' lajo, joba' ja' té'r' e teáaiñ' teá' fí' guíá'~ cóo'~ Dsea` Jmáang`. ²⁰ Jo lajob nicalí' cóo'~ gáng' dseañu', jaang' i sii' Himeneo jogui jaang'gui i sii' Jaang~, jo nicajáan'~n i dsea` la fí' jaguó' fíi' i 'líng' e laco' nijmitíiñ' e ja' cár' júu^ ga' uii~ quiá'~ Fidiéé'.

2

Jial 'né~ nimí'~ dsea' Fidiéé' uii~ quiá'~ dsea' rúíiñ'

¹ Jo e laba' la guíng' e liúun'~n jaléng' dsea` rú'naa', e mí' féiñ' Fidiéé', 'né~ mír'~ jmí'ee' uii~ quiá'~ jaléng' dsea` rúíiñ' e laco' sea` jalé' e 'néiñ~, jogui e cuø'r' gui'máang' Fidiéé' cóo'~ jalé' e jmóo' dsea` do. ² Jogui 'né~ bí' mí'r' Fidiéé' cajo uii~ quiá'~ jaléng' dsea` cøøng'~ i quiu' ta' cóo'~gui quiá'~ lí' doñi' iñ' dseata~ cajo, e laco' cuøøng' e nilisee~naa' juguiá' júu^ røø' e ja' jmoo~naa' ta' jíng', jogui e jmí'goo~naa' Fidiéé' e ngocáng' dsí'naa', jogui e see~naa' e jmoo~naa' jmang'~ e guíá'. ³ Co' e joba' guíá', jogui cajo lajoba' e iáang' dsí' Fidiéé' i caleáang' jneaa'aa' jee~ jalé' dsee~ qui'~ii', ⁴ co' Fidiéé' iñ~ e lajím' dsea` nileáiñ' jee~ dsee~ quiá'r~, jogui iñ~ e niliñi' dsea' lajii'~ júu^ quiá'r~ e catíng' Dsea` Jmáang`. ⁵ Dsuo' jo' seeng'gui Fidiéé' i fíng'gui, co' jaam' Fidiéé' i seeng'; jogui ja' seeng' fíng' i quií'~ jmíi' i í' í' uíi'~ quiá'~ dsea' jmigüí' fí' quini' Fidiéé', co' jíi'~ Dsea` Jmáam'bing' i quií'~ jmíi' jmé' lajo. ⁶ Jo íb' dsea' i cajáng' 'ñia' car' cajúíñ' e laco' niquíir' cuaiñ' quiá'~ jalé' dsee~ quiá'~ jaléng' dsea' jmigüí', jo jalé' e jo cajmijnéem' Fidiéé' mí' catí' í' lajo. ⁷ Jo uíi'~ e joba' e ca'náang' Fidiéé' jnea~ e lín'n jaang' dsea' apóo' i quie' júu^ quiá'~ Dsea' Jmáang` jogui i ni' júu^ quiá'~ dsea` do. Jo casíiñ' jnea~ e laco' ni'ée'e jaléng' dsea' i ja' líng' dsea' Israel e júu^ sea' contøøng' e catíng' Dsea' Jmáang` jogui jial nijáng' yaaiñ' fí' jaguó' Fidiéé' cajo. Jo dseáng'~ já'~ e júu^ e cafá' a na, co' ja' jmigóo`o.

⁸ Jo lajoba' iing~ jnea~ e jaléng' dsea' güijmifém'bre Fidiéé' fí' doñi' jíé' fí' lí' seeiñ' e í' dsíir' jmang'~ e guíá' jogui e o' guíiñ' o'gui e jíiñ' cajo. ⁹ Jogui lajoba' iing~ jnea~ cajo e jaléng' dseam' güiquí'bre sí'r' laco' catíng~, jogui e ja' 'né' fa' e cár' 'mí' e 'goo' e toø~ jalé' e 'mo'^, o'gui 'né' fa' e nijmi'íing' 'ñia'r' e nijmér' e jlo'^gui jñuguir~ o'gui 'né' e cár' jalé' ní' e 'mo'^ eáang' lafa' cunée'

osi cuu~ e 'mo^ eáang' o'gui si'r^ e 'mo^ eáang' cajo. ¹⁰ Jo dsu' ja 'né- jmér- lajo, co' lí^ lí' 'né- e jmér- jmang'- e guiáb- laco' catíng- e jmóo' jaléng' dseamf i dseáng'- nijáng' yaang~ fí' jaguó' Fidiée'. ¹¹ Jo lajaléng' dseamf 'né- e nú- bre lajalé' e e' dsea' quiá'- Dsea' Jmáang- e ja' séer' teá' jii~ coo', jogui cajo 'né- e náu~ bre lajii~ e ta~ e si'í^ e nijmitir~. ¹² Jo o'gui jnea~ cuøø- fí' e jaléng' dseamf ni'é- fí' lí' siseáng' dsea' o'gui e nisór' yá' gui laco' dseañu', co' iing~ jnea~ e tiib- nijér- mi~ nití- lí' siseáng' dsea' quiá'- e nijmiféiñ' Fidiée'. ¹³ Dsaco' cuøøng' Adámbing' i cajméaang' Fidiée', joguiba' cajmeáaiñ' i dseamf i sii' Eva do. ¹⁴ Jogui o' Adán i caligóng', co' i dseamf i sii' Eva do, íb' i caligóng' quiá'- fii' i 'ling'^ do ie~ jo, jogui mi~ caligóñ' quiá'- i 'ling'^ do, job mi~ ca'uíng- dsee- fí' jmigüi la. ¹⁵ Dsu' nileám' jaléng' dseamf jee~ dsee- quiá'r- song nijmitir~ lajii~ e jmóo' jaang' niquíá'^ dsea', jogui song e ngocáng' dsíir' nijáng' yaaiñ' fí' jaguó' Dsea' Jmáang- e ja' litúng- dsíir' jogui song nijmi'neáaiñ' jaléng' dsea' rúíñ', jogui cajo song seeiñ' laco' catíng- e jmóo' dsea' i cúing' Dsea' Jmáang-.

3

Jial 'né- lãng' dsea' i quie' nifí' quiá'- dsea' quiá'- Dsea' Jmáang-

¹ Jo lajob fíi- guíi 'nu', Timoteo, jo dseáng'- e jáb'- e júu^ la: song jaang' dsea' iññ e nicár' nifí' quiá'- dsea' quiá'- Dsea' Jmáang-, joba' coo' ta~ guiáb- jøø- e iññ nijmér- jóng. ² Co' i dsea' i quie' nifí' do 'né- jmér- jmang'- e guiáb- e laco' ja' cuøøng' e nicuó'- dsea' dsee- ír'. Jogui ja' 'né- e seeng' fíing' dseamf quiá'r-, jogui 'né- e iu~ dsíir' cóo'~ jalé' ta~ quiá'r- jogui e guíng~ dsíir' cóo'~ jalé' ta~ e nijmér-, jogui 'né- e nijmi'gó' dsea' ír'. Jogui 'né- e si'íiñ' e cuó'r- lí^ doñí' iñ dsea' e nidóñiñ- jogui lí~ nijéiñ- mi~ iñ guilíng- fí' quiá'r-; jogui eáang' 'né- tiiñ' e e'r' jaléng' dsea' cajo; ³ jo ja' cuøøng' fa' e líiñ' jaang' dsea' íng' o'gui e jmóor' ta~ títng' cóo'~ dsea' rúíñ', co' 'né- e líiñ' jaang' dsea' i jmicóo'~ dsea' rúng', jogui e ja' 'nóor' má'~; jogui 'né- e líiñ' jaang' dsea' i ja' dsináang' cuu- cajo. ⁴ Jo i dsea' í' 'né- e tiiñ-bre quiu'r' ta~ sináa^ quiá'r-, jogui 'né- e quiu'r' ta~ røø' jaléng' jóor' e laco' nijmitiñ- røø' jalé' ta~ huí'; ⁵ dsaco' song jaang' dseañu' ja' tiiñ' quiu'r' ta~ røø' sináa^ quiá'r-, joba' zjial nilí'r' e niquíu'r- ta~ jaléng' dsea' quiá'- Dsea' Jmáang- jóng? ⁶ Jo lajob líí', co' i dsea' i quie' nifí' do ja' cuøøng' e líiñ' jaang' dsea' i tá' caqui'- cajíng' 'ñia' e ca'uiiñ' dsea' quiá'- Dsea' Jmáang-, co' jial fíng cabíng- Fidiée' ír' uíi~ e cajmijlóng' 'ñia'r' lí^ laco' calí- cóo'~ fii' i 'ling'^ malii~ gui eáang'. ⁷ Jogui 'né- e líiñ' jaang' dsea' i catíng- e nijmi'gó' i dsea' i ja' líng' dsea' quiá'- Dsea' Jmáang- do ír', jo lajoba' ja' nicuó'- dsea' dsee- ír' o'gui nijmigøøng' fii' i 'ling'^ ír' cajo.

Jial 'né- lãng' jaléng' i dsea' i née' ni~ jaléng' dsea' quiá'- Dsea' Jmáang-

⁸ Jogui lana iin~ n fá'^ a quiá'- jaléng' dsea' i jmóo' ta~ née' ni~ jaléng' dsea' quiá'- Dsea' Jmáang-. Jo jaléng' í' 'né- líiñ' dseañu' i guíung- i jmi'gó' dsea' quiá'-, jogui 'né- e quier' jmang'^ júu^ e já'-, jogui ja' cuøøng' fa' e nijmér- ta~ í' o'gui e jmér- ta~ jmigøøng' dsea' cajo e laco' nilí'r' cuu-. ⁹ Jogui 'né- e dseáng'- e jáb'- líiñ' car' ngocáng' dsíir' e júu^ quiá'- Dsea' Jmáang- e já'- lí'naa' do, jogui 'né- ñi~ bre jnang- e guiá- e nijmér-. ¹⁰ Dsu' la'uii~ jang'- 'né- ñiñ' coo' ta' jiiab e fí' lí' seáng' dsea', jo song guiá- nijmér- e ta~ jo, joguiba' nicuøøng' e niliñ' dsea' i née' ni~ dsea' quiá'- Dsea' Jmáang-. ¹¹ Jogui lajobi jaléng' dseamf quiá'- jaléng' i dseañu' i née' ni~ jaléng' dsea' quiá'- Dsea' Jmáang- 'né- e líiñ' dseamf i catíng- e nijmi'gó' dsea' ír', jogui 'né- e ja' quier' jalé' adsee, jogui dseáng'- eáang' 'né- e iu~ dsíir' cóo'~ jalé' ta~ jmóor', jogui 'né- e éer' laco' catíng- cóo'~ jalé' e jo. ¹² Jo i dseañu' i née' ni~ do ja' cuøøng' fa' e seeng' fíing' dseamf quiá'r-, jogui 'né- e tiiñ' quiu'r' ta~ røø' jaléng' jóor' cóo'~ gui jaléng'

dsea`sinúu` quiá'r` i caguaang`gui. ¹³ Dsucó' mi` jmóo` jaléng' i dsea` i néé' ni` do røø` jalé' ta` quiá'r`, joba' lí'bre e jmi'gó' jaléng' dsea` ír` jogui e eáang`gui líta` dsíir' e teáaiñ` teá' fí' guiá- cóo' Dsea` Jmáang`.

Júu` laniing` e caliñi` dsea` quiá'- Dsea` Jmáang`

¹⁴ Jo eám' iin`n e ninii`i fí' na lajee` lajmináb` e nimáang`túu` 'nu` calé' catú-; dsu' lana jmo'o e jì' la, ¹⁵ dsucó' song cacøøng`guí e ja` mí' guiéé' e fí' na, joba' niñi`ba' jial`né` ée` jaléng' dsea` quiá'- Dsea` Jmáang` i líng' laco' dsea` sinúu` quiá'- Fidiéé` i jí' jogui i seeng` contøøng` do. Jo jaléng' i dsea` íbing' i se' teá' jogui e jmi'ó'r` lajii` e júu` já'- e cajmée` Fidiéé` la'eáang` cóo' Dsea` Jmáang`. ¹⁶ Jo dseáng'- eám' laniing` 'gøng' jalé' e júu` jo e ja` cajmijnéeng` Fidiéé` lami` jéeng`gui do. Jo lalab` lí' e júu` jo: Dsea` Jmáang` cajmijnéeiñ` 'ñia'r' fí' jmigüi` la e líiñ` jaang` dsea` la jneaa`aa', jo e Jmiguí` quiá'- Fidiéé` do cuø` lí' e Dsea` Jmáang` líiñ` jaang` dsea` i ja` røøng` dsee- júi` cóo'. Jo cangám` jaléng' ángeles` ír'. Jo eáang` cani` júu` quiá'r` fí' la'úng` fí' jmigüi`, jogui i fíim` eáang` já'- calíng` júu` quiá'r`, jo cangám`-tur` fí' ñiff` calé' catú-.

4

Jial` lí' cóo' jaléng' dsea` i tú' e teáaiñ` fí' guiá- cóo' Dsea` Jmáang`

¹ Jo dseáng'- lí' laco' fé' Jmiguí` quiá'- Fidiéé` e mi` tí' lí' jaquiéeng` e ni'íng` jmigüi`, jo ie` jo niliseeng` i líng` dsea` i nitú' e teáaiñ` fí' guiá- cóo' Dsea` Jmáang`, có' nijmér` náu'r` lajii` júu` e ni'é` jalé' guí' lí' e jmigóo'; jo jalé' e nijmigóo` do jáa' quiá'- jaléng' i 'lim'`. ² Jo jaléng' i dsea` i e' jalé' e júu` jo líiñ` dsea` i jmicaang` jogui i adsee` cajo, jo lajii` e í' dsíir' do ja` quiá'` jmí` e niliñir` su guiá- osi ja` dseeng` é, có' contøøm` jmóor` jalé' e ja` dseeng` e cóob` mi` jáb'- niliñ` e guiáb` jalé' e jmóor` do. ³ Jo jaléng' i dsea` lala quiá'r` ta` e ja` cuøøng` nicúng' dsea` guóor` o'gui cuøøng` e nidó'- dsea` lí' doñi` ee` jmiñi`; dsu' Fidiéé`bing' i cuø' fí' jaléng' dsea` i níling` dsea` quiá'r` i nicuí' jalé' júu` já'- quiá'r` cajo e cuøøm` dóiñ` do doñi` ee` jmiñi`, lífa' 'né` e niñiñ` gui'máam` quiá'- jalé' e jo. ⁴ Dsucó' guiáb` laji` e cajmée` Fidiéé` fí' jmigüi` la, joba' ja` cuøøng` fa' e nífé'naa' e ja` dseeng` song ni'íng`naa' jalé' e jo e cuøø-naa' gui'máang` Fidiéé`. ⁵ Có' la'eáang` cóo' e júu` quiá'- Fidiéé` e fé' dsea` mi` féiñ' dsea` do, ligüeam` jalé' e jo.

Jial` líng' jaang` dsea` i jmóo' lajii` e iing` Dsea` Jmáang`

⁶ Jo song ni'é` jaléng' dsea` quiá'- Dsea` Jmáang` e júu` la, jogui eám' tí' o' e jmitím`bi' e júu` quiá'- e teáang` dsea` teá' cóo' Dsea` Jmáang` jogui jalé' e júu` jlo' e nicañi` jmitín', joba' ni'uín` jóng` jaang` dsea` i jmóo' guiá- lajii` e iing` Dsea` Jmáang`. ⁷ Jo dsu' 'nu` 'né` jméé' e ja` já'- líñ' jalé' júu` e ja` e uiing` sea` lí' laco'gui la fé' i líng` dsea` áang` qui`naa'; có' lí' lí' 'né` e nijmi'úun` e jmi'goo`bi' Fidiéé` car` ngocáng` o' cóo' jalé' e jmoo' jogui cóo' jalé' e fó', có' e lajoba' e íng` ta` quiá'- . ⁸ Jo íim`jiá ta` quiá'- dsea` mi` jmóor` e cuø'r` bí` ngúu` táaiñ`, jo dsu' eáang`gui íng` ta` fíng` e jmi'gó' dsea` Fidiéé` car` ngocáng` dsíir', dsucó' e jo eám' íng` ta` quiá'r` fí' jmigüi` la jogui fí' jmigüi` cóo' cajo. ⁹ Jo lajaléb' e fá'a na dseáng'- lajam`ba' e já'-, joba' lajiiim` dsea` 'né` e jáb'- niliñ` e júu` jo cajo. ¹⁰ Jo uiing` e lajoba' e cuø' bí' yee`naa' jogui eám' íng`naa' iihuí` jee` e ta` la, có' nita` dsí'naa' cóo' i Fidiéé` i jí' do e íbing' i láang` dsea`

jee` dsee` quiá'r`, lifa' eáang'gui jee` jaléng` dsea` i ja` líng` júu` quiá'` Dsea` Jmáang`.

11 Jo lajalé` e júu` la 'né` fí` jaléng` dsea` jogui 'né` é`re cajo. 12 Jo jie` mí` cuø' fí` uø' fa' e nijmé` dsea` e ja` ja` líng` júu` quiá'` dsu' uí' e simim`bí` laco'gui yaaiñ`. Co' lí` lí` 'né` e nisín` nifí` jee` jaléng` dsea` quiá'` Dsea` Jmáang` cóo'` lajalé` e fó'` jogui cóo'` lajalé` e jmoo` jogui cóo'` jial 'neáan` dsea` rún`. Jogui 'né` e sin'` teá' fí` guiá` cóo'` Dsea` Jmáang` jogui e jmée'` jmang'` e guiá` e laco' ja` ni'ee'` dsee`. 13 Jo lajee` e ja` mí` guiéé` e fí` na, cuøø'` bí` uø' e ni'fí` jalé` júu` quiá'` Fidiéé` fí` lí` seáng'` dsea`, jogui cuøø'` gui' bí` jaléng` i dsea` í` cóo'` e júu` jo, jogui éé'` guir cajo. 14 Jogui jmée'` ta` røø` lajii'` e tíin` ngán` e cacuø'` Fidiéé` 'nu` mí` caquidsí` jaléng` yáuu'` dsea` cóøng'` quiá'` dsea` quiá'` Dsea` Jmáang` guóor` fí` moguí'` jo lajee` jo fé'r` júu` quiá'` dsea` do.

15 Jogui quie` cuente røø` cóo'` jalé` e na, jo lajoba' cuøøng` e niliñí` dsea` jiéng` jial jmícuáan` e sin'` teá' cóo'` júu` quiá'` Dsea` Jmáang`. 16 Jo tíng` cóo'` lajalé` e jmoo` jogui cóo'` lajalé` e e'` dsea` jiéng` cajo, jogui ja` jmitúng` o' e sin'` teá' cóo'` júu` quiá'` Dsea` Jmáang`. Jo song jmití`ba' lajalé` e júu` na, joba' Fidiéé` nileáng` 'nu` jee` jalé` dsee` quiá'`, jogui lajob nijmér` cajo cóo'` jaléng` dsea` i núu` jogui núu'` júu` quiá'`.

5

Jial 'né` éé` dsea` cóo'` dsea` quiá'` Dsea` Jmáang`

1 Jo fí` guí` 'nu`, Timoteo, jie` mí` jmoo'` e jíin'` jaléng` dsea` cóøng`, co' lí` lí` 'né` e cuø'`re bí` cóo'` júu` røø` lafa' mí` siin'` cóo'` tiquí`ba'. Jogui 'né` siin'` røø` cóo'` jaléng` siming'` e lafa' siin'` cóo'` rún` dsea` ngáang'` cóo'`ba'. 2 Jogui 'né` jmí'goo'` jaléng` dseamf` i nidseáng` lafa' niquí`ba', jogui cajo 'né` jmí'goo'` jaléng` simí` e lafa' rúm`ba' jo ja` cuøøng` e í` a' e ga` cóo'r`.

3 Jogui cajo jmí'goo'` jaléng` dseamf` 'nii` i ja` seeng` i nijmicóo'` quiá'r` cóo'` jalé` e 'né'r`. 4 Jo song i dseamf` 'nii` do seeng` jóor` osi guieer` é, joba' í`bing' i catúng` i 'né` nijmé` í` ír` e laco' nijmitíñ` do la'uii` jial e 'né` nijmicóo'r` jaléng` dsea` sinúu` quiá'r` jogui jial e nijmér` lí` laco' cato' fíng` sejmiir` ír`, dsuco' lajoba' e guiá` jogui cajo lajoba' e íáang` dsí' Fidiéé`. 5 Jo i dseamf` i dseáng'` ja` i 'níng` i ja` i seeng` i nijmé` í` ír`, dsu' nitab` dsír` e Fidiéé`bing' i nijmé` í` ír` contøøng`, joba' yejib` féiñ` dsea` do jogui uøø` jmúb` mí'r` dsea` do jmí'ee` e nijmicóo'`reiñ`. 6 Dsu' i dseamf` 'nii` i suung` la jmang'` e jlo'` e sea` fí` jmigüü` la líiñ` lafa' ni'liim`bre cóo'` jalé` e lí` dsír` do. 7 Jo fí` guí` 'nu`, Timoteo, íi` 'goo` cóo'` jaléng` dsea` quiá'` Dsea` Jmáang` e júu` e nicafá'` a na e laco' ja` cuøøng` nicuø'` dsea` dsee` ír`. 8 Jo song ii` dsea` ja` guing` dsír` fa' e nijmicóo'r` dsea` rúñ` lí` la quie` cartí` dsea` sinúu` quiá'r` ja` iñ` fa' e nijmér` lajo, joba' i dsea` í` nicatú`bre lajii'` e siñ'` teá' fí` guiá` cóo'` Dsea` Jmáang`, jo dseáng'` ga`gui`b` lí` quiá'r` laco'gui jaang` dsea` i ja` mí` ja` líng` júu` quiá'` dsea` do.

9 Jo lajii'` dseamf` 'nii` i nitaang` fí` ni` jì` quiá'` e nilicóo'r` cóo'` jalé` e 'né'r` 'né` e ngoliñ` lí`gui laco' sesenta jii` jogui e jaam` dseañu` quiá'r` caliséng` lajee` cateáaiñ` fí` jmigüü` la. 10 Jo i dseamf` 'nii` do 'né` e ñib` dsea` e líiñ` jaang` dsea` i guiúng` cóo'` jalé` e guiá` e nicajméer`; lafa' song nicato' fíiñ` røø` jaléng` jóor`, jogui song nica'éer` e guiá` cóo'` jaléng` dsea` i guilíng` fí` quiá'r`, jogui song nicaru'r` tíi` jaléng` dsea` quiá'` Dsea` Jmáang`, jogui song nicajmicóo'r` jaléng` dsea` i nica'íng` iihuí`, lí` lajee` lajì` e guiá` e nicacuø'` bí` 'ñia'r` e nicajméer`.

11 Jogui ja` 'né` fa' e nitáang` fí` ní` jì` do jaléng` i dseamf` 'nái` i ja` mí` ngolíng` sesenta jii` e laco' nilicóo`r` cóo` jalé` e 'né`r` ; dsuco' coob` mí` nili`iín` e nidsihuíín` cóo` júu` quiá`- Dsea` Jmáang` , jo iín` e nicúm` tur guóor` calé` catú` , 12 joba' dseeb` nilisea` quiá`r` jóng` quiá`- e ja` nijmitir` lajii` e sí`í` e catíín` e nijmér` . 13 Jogui cajo jmóor` ta` ngí` la gui` 'núu` e o' e ta` , jo lajoba' e uíng` e lifíín` ; jogui o' jii` e lifíín` do cajo, co' ngír` ta` quie` adsee` lí` doñí` lacaang` jié` lí` ja` catíín` , jogui fé`r` jalé` júu` e ja` catíng` nijmér` lajo. 14 Joba' iing` jnea` e nicúm` tu guoo` calé` catú` jaléng` dseamf` 'nái` i bí`bi` dsí` , jogui e niliseeng` jóor` , jogui e niquiá`-bre ta` røø` sínúu` quiá`r` , jo lajoba' jii` jaang` dsea` cuóøng` nicuø`-reiñ` dsee` . 15 Dsuco' seem` i líng` dseamf` 'nái` i nica'naam` yaang` fí` guiá` cóo`- Dsea` Jmáang` jo nicanaaiñ` e síng` yaaiñ` fí` ga` cóo` fii` i 'líng` .

16 Jo jaléng` dsea` quiá`- Dsea` Jmáang` i seeng` dseamf` 'nái` jee` dsea` sínúu` quiá`r` , güijmée` breiñ` í` , jo lajoba' ja` 'né` e nicá` i dsea` quiá`- Dsea` Jmáang` i caguaiang`-gui do ta` e nijmicóo`-reiñ` cóo` jalé` e 'néiñ` .

17 Jogui jaléng` dsea` cóøng` i quiu` ta` røø` jee` jaléng` dsea` quiá`- Dsea` Jmáang` 'né` e niquib` e 'léeiñ` lacó` catíng` , dsu` eáang` gui guíng` 'né` lí` lajo cóo` jaléng` dsea` i jmóo` ta` guía` jogui ta` e júu` quiá`- Fidiée` . 18 Dsuco' lalab` fé` fí` ní` jì` quiá`- Fidiée` : "Ja` jn` mo'oo` jó` núu` qui`- lajee` e ø`re' cui`iee` ." Jogui fé` gui cajo : "Jaang` dsea` i jmóo` ta` dseáng` 'né` quib` e 'léeiñ` lacó` catíng` ."

19 Jogui ja` jmijii` cajo fíng` song` jmóo` dsea` dsee` quiá`- jaang` lajee` i dsea` cóøng` i quie` nífi` quiá`- dsea` quiá`- Dsea` Jmáang` song` ja` mí` caguilíng` gáng` gaang` dsea` jiéng` i tí` ní` i nija` júu` røø` cuaiñ` quiá`- jalé` e jo .

20 Jogui jaléng` dsea` quiá`- Dsea` Jmáang` i ja` quiu` dsí` e jmóo` bir` jalé` e 'lí` , joba' 'né` fí` re` fí` quini` jaléng` dsea` quiá`- Dsea` Jmáang` e ja` dseeng` jalé` e jmóor` do, jo lajoba' ní`f` 'gó` quiá`- i caguaiang`-gui i iing` jmé` lajo .

21 Joba' fí`-guí` 'nú` , Timoteo, jalé` e júu` la fí` quini` Fidiée` quí`-ii` jogui fí` quini` Dsea` Jmáang` cóo`-gui fí` quini` jaléng` ángeles, e dseáng` 'néb` e contøøm` tóo` o' jalé` e júu` e nica`fí`-i` 'nú` la, jo ja` jmo` cuente jalé` e fé` dsea` , jo cóo` gui`náb` 'né` í` í` . 22 Jogui jie` mí` quidsi` guóo` fí` mogui` jii` jaang` dsea` lajminá` e ja` mí` ca'íi` o' røø` , jo lajoba' ja` niquin` jee` dsee` quiá`- i dsea` í` , jogui jmí`úun` e ja` nitén` fí` ní` dsee` .

23 Jo fí`-guí` 'nú` , Timoteo, e mí` ja` 'goo` dseeng` tu` jo ja` u` layaang` jmí` , co' guiá`-gui ní`u` capí` jmí` mí` huíng` jó` e nicó` .

24 Jo seab` dsee` quiá`- i líng` dsea` e dsifib` líñi` dsea` nú`-gui e nití` fí` lí` nití`dsí` í` quiá`r` , dsu` sea`bi` dsee` cajo e ja` líñi` dsea` cartí` mí` niguiée` i dsea` i óo` dsee` do fí` quini` dseata` . 25 Jo lajob` lí` cóo` jalé` e guiá` e cajmée` dsea` , sea`ba' e dsifib` lílír` , jo sea`bi` cajo e ja` nilílír` dsifí` jo cøøng` gui` nilílír` , dsuco' ja` cuóøng` fa` lí` nijé` lajo e sí`maang` .

6

1 Jogui jaléng` dsea` quiá`- Dsea` Jmáang` i jmóo` ta` quiá`- dsea` 'né` e eám` nijmí`gór` fíir` e lí` jmóor` ta` do, jo lajoba' ja` ní`uíng` e nífé` dsea` ga` uii` quiá`- Fidiée` jogui uii` quiá`- júu` quiá`r` cajo. 2 Jogui song` i líng` dsea` quiá`- Dsea` Jmáang` i jmóo` ta` quiá`- dsea` do seeng` fíir` i líng` dsea` quiá`- Dsea` Jmáang` cajo, jo jie` mí` tár` e jmí`gó`reiñ` , dsuco' røøb` teáaiñ` fí` guiá` cóo`- Dsea` Jmáang` . Co' lí` lí` 'né` e nijmitir` røø`-gui jalé` ta` quiu` i fíir` do, dsuco' dsea` quiá`- Dsea` Jmáang` i 'neáang` rúng` líng` i dsea` i íng` e ta` e jmóo` i dsea` i jmóo` ta` quiá`r` do. Joba' fí`-guí` 'nú` , Timoteo, ée`-gui dsea` jalé` e júu` na jogui sí`-guir` cajo e güijmiti`-bre lajii` e júu` jo .

Jial lá' mi' dsináang' dsea' cuu'

³ Jo song seeng' i e' júu^ e jié'gui e ja' cóong' røø' cóo' jalé' júu^ e ca'e' Dsea' Jmáang' jogui cóo' jalé' júu^ quiá' jial niliseeng' dsea' cóong' cóo' Fidié',
⁴ joba' i dsea' í líiñ' jaang' i jløm^ i ja' e tiing' jii' cóo'. Co' dsea' lafa' jmohuá' quiá'r' e jmóor' ta' tiing' júu^ quiá'r' e ja' cuø'r' júu^ rúin' cóo' lí' doñí' e síiñ'; jo fí' job lí' uíng' jalé' dsihuá' jogui e ja' seeiñ' røø' jogui e jmiguiñ' dsea' rúin' jogui e ja' sea' júu^ ta' dsí' quiá' rúin',
⁵ jogui jmóor' ta' tiing' e ja' guiéng' jee' jaléng' dsea' rúin', co' jmang' jalé' e 'lí'ba' í' dsír', jogui ja' cuír' lajii' júu^ sea' contøng' e catíng' Dsea' Jmáang', jo jmáin' ta' e júu^ jo e laco' nilí'r' cuu'. Jo jie' mí' jmoo' e niquin' jee' jaléng' i dsea' í'.
⁶ Jo e jáb' dseáng' lajob lí', co' eám' jlo' jogui eám' quíng' cajo e júu^ quiá' Fidié' quiá' jial niliseeng' dsea' cóong' cóo'r', dsu' lí' lajo jii' quiá' jaléng' dsea' i jmi'iaang' dsí' cóo' jii' e sea' quiá'-bre.
⁷ Dsaco' jii' cóo' ja' ee' mí' sea' qui'naa' mí' caliséng'naa' fí' jmigü' la, jogui jii' cóo' ja' e cuøng' lí' lé'naa' fí' jmigü' la mí' nidseá'naa' fí' jmigü' cóo';
⁸ jogui song seab' jalé' e quiee'naa' jogui jalé' sí'naa', joba' cóo' jii' e job' né' e nijmi'iaang' dsí'naa'.
⁹ Jo dsu' jaléng' dsea' i eáang' iing' jmeáng' yaang' e nilisea' cuu' quiá'r', ja' té'r' e iin' nijmér' jalé' e ja' dseeng' e laco' nilí'r' e cuu' do. Jo job lí' uíng' e nisi' fí' ga' quiá'r' e nijmér' jalé' e ja' uíng' sea' jogui eáang' 'léé' quiá'r' cajo. Jo mí' jmóo' dsea' jalé' e jo, job lí' uíng' e íng' quiá' dsea' jogui e nidsilíiñ' fí' lí' 'lí' mí' nití' oor' quiá'r'.
¹⁰ Dsaco' mí' dseáng' eáang' dsináang' dsea' cuu', job lí' uíng' quiá'r' e iin' nijmér' jalé' e 'lí'; jogui i líng' dsea' nicatú'bre e teáaiñ' fí' guiá' cóo' Dsea' Jmáang' dsu' uí' e jmóor' lajo, joba' lana eám' ja' juguiá' niseeiñ'.

Júu^ laniing' quiá' Paa' e casí'r' Timoteo

¹¹ Jo fii'guá' 'nu', Timoteo, 'nu' i líng' dsea' quiá' Fidié', jmihuíng' uø' quiá' jalé' e 'lí' na. Jo güiliseem'ba' fí' jmigü' la e ee' jmang' e guiá', jogui contøom' né' guíng' o' e jme' jii' e íaang' dsí' Fidié' jogui e sin' teá' cóo' júu^ quiá'r' jogui e jmi'neán' dsea' rún' jogui e féng' o' cóo' jalé' iihuá' e íin' jogui e ja' jmijløng' uø' cóo' dsea' rún'.
¹² Jogui cuøø' bí' uø' e contøng' sín' teá' fí' guiá' cóo' Dsea' Jmáang'; jogui jie' mí' tiun' jalé' e júu^ na, joba' nitin' fí' lí' guiá' mí' nijúun', dsaco' uíng' e lajoba' e cató' Fidié' 'nu', jogui uíng' e joba' cajo cajmee' 'nu' júu^ fí' quini' fíng' dsea' e dseáng' e já'ba' e sin' teá' cóo' Dsea' Jmáang'.
¹³ Jogui lana fii'guá' 'nu', Timoteo, fí' quini' Fidié' i cuø' e jí' dsea' fí' jmigü' la, jogui cajo fí' quini' Dsea' Jmáang' i café' juguiá' quiá' Fidié' fí' quini' Poncio Pilato,
¹⁴ joba' fii'guá' 'nu' e jmée'ba' náu' jalé' e nifí' 'nu', jo ja' jmisín' jalé' e jo cóo' e jié', jo lajoba' ja' e uíng' sea' e nijin'. Jo jmee'bí' lajo cartí' mí' nití' í' e nigüéng' tú' Fii'naa' Dsea' Jmáang' fí' jmigü' la.
¹⁵ Jo nijmé' Fidié' lajo mí' nití' e í' jo, dsaco' jii' íb' dsea' i güeang' jogui i néé' ní' lajalé' cóo' lajaléng' jogui i níng' gui eáang' jee' jaléng' dsea' mogui', jogui jii' íb' Fii' féng' quiá' jaléng' dsea' quiá' ta' cajo.
¹⁶ Jogui jii' íb' i ja' tóo' jmí' e nijúuiñ', jogui contøom' seeiñ' e guíñ' lí' jlo' jneá' jí' e jii' jaang' dsea' jmigü' cuøng' lí' dsiquiéeiñ' fí' jo, o'gui jii' jaang' dsea' mí' cangáaiñ' dsea' do o'gui lí'r' fa' e niníiñ' dsea' do cajo. Jo majmifém'baa're lata', co' jii' íb' dsea' i 'gøng'! Jo lajob nilí'.

¹⁷ Jo fii'guá' 'nu', Timoteo, e júu^ la: Sí' jaléng' dsea' i eáang' sea' cuu' fí' jmigü' la e ja' güijmjiløng' yaaiñ' e eáang' ta' dsír' cóo' jalé' cuu' quiá'r', dsaco' jalé' e jo seab' mí' ja' ee' quíng' jii' cóo'. Dsu' ja' né' jmér' lajo, co' lí' lí' né' jmér' e ta' dsír' jii' cóo' Fidiéeb', co' jii' íbing' dseáng' i cuø' jalé' e né'naa' quiá' e see'naa' fí' jmigü' la.
¹⁸ Jo sí' jaléng' i dsea' sea' cuu' do e güijmée'bre jmang' jalé' e guiá', jogui e eáang' güijmicóo'r' jaléng' dsea' rúin', jogui e contøng' guíng' dsír' e nijmicóo'r' cóo' jalé' e sea' quiá'r'

jaléng' dsea` i ja` sea` jalé' e 'né'. ¹⁹ Jogui song nijmicóo' i dsea` sea` cuu` do jaléng' dsea` rúin' cóo' jalé' e sea` quiá'r-, joba' sea` uiing` quiá'r- e nitíin' fí' lí' guiá- mi~ nijúuin' e niliseeiñ` juguiá- júu^ røø` lata~.

Júu^ lí' cadséng- quiá'- Paa-

²⁰ Jo fí-guá' 'na, Timoteo, jie~ mí' jmitúng- o' lajii' ta~ e nica'íin' quiá'- Fidié'. Jogui jie~ mí' já'- nuu' jalé' júu^ 'lí'^ e ja` uiing` sea, o'gui e jmée' ta~ jing` cóo' jaléng' dsea` i jing'- e tiiñ` ngáin'. ²¹ Dsucó' i líing` dsea` i já'- nicalíng- e júu^ jmigóo` do nīcatábre e já'- líin' júu^ quiá'- Dsea` Jmáang-.

Jo mii' i Fí'naa' Fidié' e ni'ír- güea'^ quiá'r- fí' lí' seeng'na'. Jo lajob nilí'. Jo lanab jii' fé' jì la'uii~ quiá'- Paa- e catíng- Timoteo.

Júu[^] e toq[~] fi' ni[~] ji' catí tú⁻ quiá'⁻ Paa⁻ e catíng⁻ TIMOTEO

¹ Jnea[~] Paa⁻, jo jaang[`] dsea[`] apóo[^] i jmóo[`] ta[~] ni' júu[^] quiá'⁻ Dsea[`] Jmáang⁻ línⁿ, co' lajob íáang[`] dsí' Fidié[~] cajméer[`] cóo[~] jnea[~]. Jo la'eáang[`] e niseen⁻ cøng[`] cóo[~] Fí'naa' Jesús, joba' Fidié[~] nicacuø'r' jnea[~] e niliseen⁻ cøng[`] cóo[~] r[~] lata[~] lí' laco' lí' júu[^] quiá'⁻ e nicacuø'r' lami[~] jéeng[~]gui. ² Jo jmo'o e jí' la e catíng⁻ 'nu', Timoteo, co' lín' lafa' jóo^o i eáang[`] iin[~]. Jo mí' i Tiquí'naa' Fidié[~] jogui Fí'naa' Dsea[`] Jmáang⁻ e ni'í' r⁻ güea[^] quiá'⁻ fi' lí' táan[~] jogui e nilí' fí' lí' iin[~] 'nu' jogui e nicuø'r⁻ 'nu' e niliseen⁻ juguí⁻ júu[^] røø.

'Né⁻ guiá⁻ dsea[`] júu[^] e jalé[^] jmóo[`] Dsea[`] Jmáang⁻ cóo[~] r[~]

³ Jo laco^o née[~] mí' fónⁿ Fidié[~], dséng['] dsii⁻ 'nu', Timoteo, jo uøø[`] jmí^b cuøø⁻ ø[~] gui'máang['] dsea[`] do uii[~] quí'⁻. Jo dseáng['] lajii[~] e iing[~] Fidié[~] jmóo^o lí' laco^o gui la cajmée[~] jaléng['] 'lí' dsea[`] áang['] quié⁻e, jo tab[~] dsii⁻ e guiáb⁻ jmóo^o jalé[^] e ta[~] jo fi' quini[~] Fidié[~]. ⁴ Jo tóob[~] dsii⁻ jial fi' í' calín⁻ mí' ca' í' júu[^] rú'naa', joba' iim[~] baa máang['] túu⁻ 'nu' calé[^] catú⁻ e laco' nilí' íáang['] túu⁻ dsii⁻. ⁵ Jo tóob[~] dsii⁻ cajo e dseáng['] e lajam⁻ ba' teá[~] sin['] cóo[~] júu[^] quiá'⁻ Dsea[`] Jmáang⁻ e ngocáng^o. Co' la' uii[~] cajmée[~] lajo i niyúng['] quí'⁻ i sii' Loida jogui niquí' i[^] i sii' Eunice, jo tab[~] dsii⁻ e lajob nilíng['] 'nu' cajo.

⁶ Joba' fí' guí' 'nu', Timoteo, jmeáang['] gui' ta[~] lajii[~] e quí' jmi[~] e cangíng['] quiá'⁻ Fidié[~] mí' caquidsii⁻ guóo^o fi' yá[^] moguí[^]. ⁷ Dsaco' Fidié[~] ja' cacuø'r' jneaa[~]aa', dsea[`] lí'naa' dsea[`] quiá'⁻ Dsea[`] Jmáang⁻, Jmiguí' quiá'⁻ e laco' nijmó[^]naa' 'gó'naa', co' cacuø'r' jneaa[~]aa' Jmiguí' quiá'⁻ e 'gøng['] e laco' quí'naa' jmi[~] jogui e nijmi'neáang['] rú'naa' jogui e lajang['] í' dsí'naa' røø cóo[~] jalé[^] e jmoo⁻naa'. ⁸ Joba' ja' jmoo^o e í' lín⁻ e niguiá[^] júu[^] jalé[^] e cajmée[~] Fí'naa' Jesús, o'gui jmoo^o í' lín⁻ uii[~] quié⁻e cajo dsu' uí' e sijnínⁿ fi' dsí' 'nu' í' dsu' e guíaa⁻ júu[^] quiá'⁻ dsea[`] do. Dsu' lí' lí' né⁻ e guiab^o e ni'íin[~] jalé[^] iihuí' lí' laco' la íin[~] jnea[~] uí' e guí'naa' júu[^] quiá'⁻ Dsea[`] Jmáang⁻ quiá'⁻ jial laang['] dsea[`] jee[~] jalé[^] dsee⁻ quiá'⁻. Jo Fidié[~] bing['] i jmicóo[~] 'nu' cóo[~] bí quiá'⁻ jee[~] jalé[^] e dsingín⁻ do. ⁹ Jo Fidié[~] b[~] dsea[`] i caleáang['] jneaa[~]aa' jee[~] dsee⁻ quí' ii' jo nicatø'r⁻ jneaa[~]aa' e laco' dseáng['] lajang['] ni'uíng⁻naa' dsea[`] quiá'⁻ i jmóo^o jmang['] e iin[~]. Jo lajii[~] nú' gui e nitiroo[~] jmigú'ba' e ca' í' dsí' e nijmér⁻ lajo; dsu' ja' cajméer['] lajo uí' e nicajmó[^]oo' e guíá⁻, co' cajméer['] lajo uí' e lajob cali' iin[~] jogui co' eáam['] guíúin[~] cóo[~] jneaa[~]aa' la'eáang['] cóo[~] Dsea[`] Jmáang⁻. ¹⁰ Jo lana Fidié[~] nicajmilir[~] e eáam['] guíúin[~] cóo[~] jneaa[~]aa', co' casíin[~] Dsea[`] Jmáang⁻ fi' jmigú' la e laco' nileáin[~] jneaa[~]aa' jee[~] jalé[^] dsee⁻ quí' ii' jogui e ca' íim⁻bre bí quiá'⁻ 'mó⁻ cajo. Jo la'eáang['] cóo[~] e júu[^] e quiá'⁻ jial laang['] dsea[`] jee[~] jalé[^] dsee⁻ quiá'⁻ do, cajmijnéeng['] Fidié[~] jee[~] jneaa[~]aa' jial e nilisee⁻naa' cøng['] cóo[~] r[~] lata[~].

¹¹ Jo Fidié[~] bing['] i nica'náang⁻ jnea[~] e laco' niguíaa⁻ jalé[^] e júu[^] na, jogui e nicasíin[~] jnea[~] e línⁿ jaang['] dsea[`] apóo[^] jogui e línⁿ jaang['] tífa['] i e jalé[^] e júu[^] jo. ¹² Jo uíng[~] e joba' e dsingín⁻ iihuí' lana. Dsu' ja' jmóo^o í' lín⁻ cuaiin[~] quiá'⁻ jalé[^] e jo, dsaco' dseáng['] lajam⁻ nicuíinⁿ Dsea[`] Jmáang⁻ jo fi' jaguó[~]bre nicajáang['] 'nía'a. Jogui eáam['] nita[~] dsii⁻ e quí'bre jmi[~] e ni'méin[~] jalé[^] ta[~] e nicangínⁿ quiá'⁻ cartí' mí' nijáa[~]tur calé[^] catú⁻ fi' jmigú' la.

¹³ Jo fí' guí' 'nu', Timoteo, jmee⁻ e quí' nifi' quí' jalé[^] e nica'ée⁻ e 'nu' lami[~] jéeng[~]gui e quiá'⁻ jial teáang⁻ dsea[`] teá[~] cóo[~] júu[^] quiá'⁻ Dsea[`] Jmáang⁻ jogui jial jmi'neáang['] dsea[`] rúin[~]. ¹⁴ Jogui la'eáang['] cóo[~] Jmiguí' quiá'⁻ Fidié[~] e seeng[']

jee~ jneaa~aa', jmee- í^ lajii~ e juguiá- quía'- Dsea` Jmáang- e nicaguiar' fí jaguó'.

¹⁵ Jo niñib^ 'nu` guiá- e jaléng' dsea` quía'- Dsea` Jmáang- i seeng' fí li` se' Asia catiúum-bre jnea~; jo jee- í quíng' i dsea` i sii` Figelo cóo' gui Hermógenes. ¹⁶ Jo mii~ i Fii'naa' Dsea` Jmáang- e nilí fí' líiñ- jaléng' dsea` sinúu` quía'- i dseañu` i sii` Onesíforo, dsuco' jmiguiab' ya' cajmicóo'r~ jnea~, co' cajár- e jajmitii'r~ dsii-, jogui ja` cajmeer' i' líiñ- uii~ quie~ e dsu' uii~ e sijññ'n. ¹⁷ Co' mi~ cagüeiñ- fí la fí' Roma, jo dsifí lajob canaañ- 'naíñ' jnea~ car` cadséiñ' jnea~, jo ja` cajmi'íñ' jii~ capi^ lajee~ jo. ¹⁸ Joba' mii~ i Fidiée~ uii~ quía'- i Onesíforo do e nilí fí' líng- neiñ' mi~ nití- jmii~ e nijáa'tu Dsea` Jmáang- fí jmigüi la. Jo niñib^ 'nu` guiá- e eáam' cajmicóo' i dsea` do jneaa~aa' lajee~ cataang~naa' fí Éfeso.

2

'Né- e jmó'naa' té'baa' cóo' jalé' iihuú'

¹ Jo fii-guii 'nu`, Timoteo i líng' lafa' jóo'o, teá sin' uø' e fí nisín' la'eáang' cóo' e bí e nicangñn' quía'- Dsea` Jmáang-. ² Jogui jalé' júu^ e canúu'- e nicafá'- jnea~ fí quini~ jaléng' dsea` fíng', joba' fii- i 'nu` lana e ni'é^ dsea` jiéng' e júu^ jo. Jo 'né- jmée^ lajo jii~ cóo' dsea` i ta` o' cóo', lí^ lajaléng' dsea` i lí quii~ jmii~ e ni'é'r- jaléng' dsea` jiéng'.

³ Jogui jmee- té' cóo' jalé' iihuú' e dsingñn'- uii~ e lin' dsea` quía'- Dsea` Jmáang- lí^ laco'gui la jmoo' jaang' 'lée- té'r- cóo' jalé' e dsingñiñ-. ⁴ Dsuco' jii~ jaang' 'lée-, e lajee~ e jmóor' ta~, catíng- e nijmér- núu'r~ lajii~ ta~ quii' jaang' dsea` jiéng' i ja` líng' fii'r~, co' lajii~ fii-bre 'né- e nijmi'iaaiñ' dsiiñ'. ⁵ Jogui lajobi cajo, fa' jaang' dsea` cóo' bóø', ja` catíng- e ni'íñ' lajii~ e calí'r- do fíng song ja'gui cajmitir~ røø' laco'gui jii~ e sí'í e cóo' dsea'. ⁶ Jogui lajobi cajo, fa' jaang' dsea` jmóor' ta~ jenuu', catíim-bre e ni'íñ' guiee^ quía'r- la'uii mi~ niró' jalé' e jnir'. ⁷ Joba' fii-guii 'nu`, Timoteo, í' o' røø' lajii~ e júu^ e fii- i 'nu` lana, jo lajoba' Fii'naa' Dsea` Jmáang- nijmicóo'r- 'nu` e ningán' røø' lajii~ e júu^ na.

⁸ Jo contøøng- jmiguién' o' jalé' e cangongíng- Dsea` Jmáang-, i dsea` i cají'tu la'uii- jee~ jaléng' 'lí~, jogui i líng' dsea` siju~ dseata~ dsea` féng' Daví'; jo lanab jii~ lí' júu^ e guia' jnea~ quía'- jial laang' dsea` jee~ jalé' dsee- quía'r-. ⁹ Jogui uii~ e guiaa- júu^ laba' e íin~ n jalé' iihuú', jo jiguí e 'ñúum~ baa iuun- fí dsí' 'nuñí^ lafa' jaang' dsea` i nica'lée'; dsu' e júu^ quía'- Dsea` Jmáang- e guiaa- la ja` lí' fa' e ja` cuøøng' líñí dsea` dsuco' ja` jié' sijñí quía'- . ¹⁰ Jo uii~ e lajob lí', joba' jmoo'baa té'e cóo' jalé' e iihuú' la e laco' jaléng' dsea` i nicaguíng' Fidiée~ i nilíng- dsea` quía'r- nilí'r- e nileáiñ' jee~ jalé' dsee- quía'r- jo niliseeiñ' fí ñifí- lata~ la'eáang' cóo' Fii'naa' Dsea` Jmáang-.

¹¹ Jo dseáng'- e jáb'- lajii~ e júu^ e fii- i 'nu` la:
Song nijúu- naa' uii~ e lí'naa' dsea` quía'- Dsea` Jmáang-,
joba' nilisee~ baa' cóo'r~ lata~ cajo.

¹² Jogui song jmoo~baa' té'naa' cóo' jalé' iihuú' e ngíng'naa',
joba' ni'í- baa' í' røø' cóo'r~ fí jmigüi cóo'.
Jogui song fé'^naa' e ja` cuíng'naa'r,
joba' lajob nijíñ- cajo e ja` cuíiñ' jneaa~aa' mi~ tí' lí' jo.

¹³ Jogui song jmoo~naa' e ja` já'- líng'naa' júu^ quía'r-,
dsu' ír~ contøøm- jmitir~ jalé' e nicajíñ'-,
co' ja` cuøøng' fa' e ja` jmitir~ jalé' júu^ quía'r-.

Jaang' dsea` i jmoo' ta~ e íaang' dsí' Fidiée~

14 Jo fñ-guñ 'nu, Timoteo, jmiguién' dsí' jaléng' dsea` quiá'- Dsea` Jmáang` jalé' júu` e nifá'^a la, jo liúung'~ jaléng' í fí quini` Fidiéé` e ja` gñiquiñ' e tñng` júu` quiá'r- cóo'~ lí'^ doñí' ee` júu`. Dsúco' jalé' e júu` jo ja` e ta` íng` jii'~ cóo'; jo lico'` léeb' jogui` jmóo` e dsicam'` jaléng' i dsea` i núu` jalé' e jo. 15 Jo jmee` quiji` car` ngocáng` o' e nili'íang` dsí' Fidiéé` cóo'~ jalé' ta` jmoo', jo lajoba' ja` nilí' i' lín'~ quiá'- jalé' e jo. Jogui` ée'~ røø` jaléng' dsea` júu` sea` contøøng` quiá'- Fidiéé`. 16 Jogui` jie` mí` jmoo'` fa' e quín'` jee` jaléng' dsea` i fé'` jalé' júu` e ja` uiing` sea`; dsúco' jaléng' dsea` i jmóo` lajo, eáang` gui` dsihuíñ` quiá'- Fidiéé` lacoø` jmi` lacoø` jmi`, 17 jogui` eáam' ni'r` jalé' e júu` 'li'^ e er` do lí' laco'` lí' cóo'` jmohuí' e dsicuáng` jminá`. Jo lajob` cangong`ing` i dseañu'` i sii` Himeneo cóo'~ gui` i sii` Fileto, 18 co' i dsea` gáng` la nicacár` fí` ga` lajee` e cuiñ` Dsea` Jmáang`, jo lana` ningir` fé'r` júu` e nicajib'`tu jaléng' dsea` i nicajúng`. Jo cóo'~ jalé' e júu` e fé'r` do, nicaligóm` i lñng` dsea` i já'- lñng` e júu` e sea` contøøng` quiá'- Fidiéé`. 19 Dsu' Fidiéé` lafa' catá'r- cóo'` tñ` fñ` quiá'- 'núu` e té' huøø` e ja` ni'íng`, jo e tñ` fñ` do lí' la lí' e júu` la e ja` tóo` jmi` ni'íng`, jo lalab` fé': "Jo nicuíim` Fí'naa' Fidiéé` jaléng' dsea` i lñng` dsea` quiá'r-"; jogui` fé'`bi` cajo: "Jaléng' dsea` i jing'` e lññ' dsea` quiá'- Fí'naa' Fidiéé` 'né` nitá`bre e jo` jmér` jalé' e ja` dseeng` e lamí` jmóor` do."

20 Dsúco'` fa' cóo'` dsí' sinúu` quiá'- jaang` dsea` i sea` cuu-, o' laji` e jmáñ' ta` do lí' cóo'~ cunéé` o'gui` cóo'~ cutee`, co'` seab` cajo e lí' cóo'~ 'ma` jogui` cóo'~ guoo'~. Dsu' e lñng` e jmáñ' ta` do jmáñ' ta` mí` jmóor` jmi` laniing`, jogui` e lñng` gui` e do jmáñ' ta` contøøng`. 21 Jo song` jaang` dsea` contøøng` jmi'úuiñ` e laco'` ja` nitéñ' fí` ni` dsee-, joba' ni'úuiñ` jaang` i si'íng` jogui` i íng` ta` quiá'- Fidiéé`. Jo Fidiéé`bing' i nijmeáng' ta` ír` e laco'` nijmér` jman' e guiá`.

22 Jo fñ-guñ 'nu` jie` mí` quín'` jee` jalé' e ja` dseeng` e litíng` jaléng' siming' cóo'~ simí' e jmóor`, jo teá'gui` sin'` uø' e jmóo` jman' jalé' e guiá-, jo e já'-gui` lín'` júu` quiá'- Dsea` Jmáang`, jogui` e jmi'neáang`gui' jaléng' dsea` rún', jogui` e seeng`gui' juguiá- júu` røø'. Jo jmee` jalé' e jo colíng` cóo'~ jaléng' dsea` i 'náng' Fidiéé` e ngocáng` dsí'r'. 23 Jogui` jie` mí` quín'` jee` jalé' júu` í' e ja` uiing` sea`, co'` niñí'ba' guiá- e jalé' e júu` jo quíéé` jii'~ ta` jñm'. 24 Jo jaang` dsea` i jmóo` lajii'~ e iing` Fí'naa' Dsea` Jmáang` ja` cuøøng` e ningir` ta` tñng` cóo'~ jaléng' dsea`, co'` o' lajo e catíng` e nijmér-. Co'` lí' lí' 'né` jmér` jman' e guiá- cóo'~ lí'^ doñí'` ii` dsea`, jogui` 'né` e quí'~bre jmi` jial` ni'é'r- dsea`, jogui` 'né` e féng'` dsí'bre cóo'~ jaléng' dsea` rúñ', 25 jogui` 'né` e ja` jmi'jløng`^ ñia'r` mí` liúñ' jaléng' dsea` i ja` jí' júu` quiá'- Dsea` Jmáang`; jo la'eáang` cóo'~ e jo, jangám` nijmicóo'~ Fidiéé` quiá'- jaléng' i dsea` í e laco'` niquí'` jing'` yaaiñ` fí` quini` dsea` do, jogui` e nijá'- líñ` júu` quiá'- Dsea` Jmáang`, 26 jo lajoba' ni'í-tu` dsí'r` røø` e laco'` nijmihuíng` yaaiñ` cóo'~ fii` i 'ling'`, dsúco'` í'bing' i lamí` 'mé' quiá'r- e jmóor` lí'^ doñí' ee` e iing` í.

3

Jial` nilíng` dsea` mi` nijaquíéeng` e tí` lí` ni'íng` jmigüí`

1 Jogui` fñ-guñ 'nu, Timoteo, 'né` ñí'ba' e mí` nijaquíéeng` e tí` lí` ni'íng` jmigüí, eáam` huíng` nilí. 2 Dsúco' jaléng' dsea` i niliseeng` ie` jo lico'` nijmijíñ` jii'~ yaam`bre jo jo` jmijíñ` jaléng' dsea` jiéng'gui, jogui` eáam` nilí` dsináaiñ` cuu-, jogui` nijmijløng`^ yaaiñ, jogui` eáang` nijmiráang` yaaiñ` cóo'~ jalé' e nicajmér. Jogui` gab` nifé'r` quiá'- dsea` jogui` quiá'- Fidiéé` cajo, jogui` ja` nijmér- núu'r` cóo'~ jalé' ta` quiá'` sejmiir, jogui` ja` nicuø'r- gui'máang' dsea` mí` ee`go` ngíñ` o'gui` nijmi'gór` Dsea` Jmáang` cóo'~ jalé' júu` quiá'- dsea` do cajo. 3 Jogui` ja` nijmi'neáaiñ` o'gui` nilí` fñ` lññ` jaléng' dsea`, jogui` nifé'r` júu` adsee` e 'ñíñ` jaléng' dsea` rúñ', jogui` ja` téeng` yaaiñ` e iñ` nijmér-

lajjí~ e 'li^ e lí dsíir', jogui eáam' nijmér~ saang` dsíir' cóo~ jaléng' dsea` rúin', jogui nijmér~ e 'ní' ním~bre lajalé' e guiá~ e jmóo' dsea'. ⁴ Jogui gab` nifé'r' e 'niiñ` jaléng' dsea` i seeng` røø` cóo'r~, jogui eáang' niliteá' dsíir' e nijmér~ jalé' e ga` e lí dsíir', jogui eáang' nijmér~ e nijmijløng'^ yaaiñ` cóo~ jalé' e í dsíir' e tíiñ~, jogui eáang'gui ni'nó'r' jalé' e jmi'iaang` dsíir' e lafa' nijmiféiñ' Fidiée'. ⁵ Jogui cóo~ jalé' e jmóo' i dsea` do, eáang' nijmigøøiñ` jaléng' dsea` e líiñ` dsea` quiá'- Dsea` Jmáang~, dsu' dseáng'- ja` já'- e líiñ` lajo, co' ja` jmóor' laco' catíng~ e jmóo' dsea` quiá'- Dsea` Jmáang~ i seeng` la'eáang' cóo~ e 'gøng' quiá'- dsea` do.

Joba' fíi~guíi 'nu', Timoteo, jie~ mí' jmoo' fa' e niquin'^ jee~ jaléng' i dsea` lana. ⁶ Dsuo' i líing~ i dsea` la'í lico' jmóor' ta~ ngí' quiá'- dsea` jo jmi'gøøiñ` jaléng' dseamí i ja` huíng' tøng' fí' ní~ dsee~. Jo jaléng' i dseamí í eáam' røøiñ` dsee~, co' lico' jmóor' lajíi~ e ga` e lí dsíir' yaam~bre, ⁷ jo contøøm~ tí' dsíir' jmitíiñ` mí' ee'go júu^ 'mí~ sea', dsu' dseáng'- ja` tóo' jmíi~ e quí'r' jmíi~ fa' e ningáiñ' e júu^ já'- quiá'- Fidiée' e catíng~ Dsea` Jmáang~. ⁸ Joba' fíi~guíi 'nu' e júu^ la, e lí^ laco' cajméé' i dsea` láang' gáng~ i caliséng' malíi~ do i sií' Janes cóo~gui Jambres ie~ lamí~ cajníiñ' quiá'- Moi~, jo lajob cajo nijmé~ jaléng' i dsea` i seeng' mí~ nijaquíéng' e tí' lí~ ni'íng~ jmi'güi, co' nijním~bre quiá'- e júu^ já'- quiá'- Fidiée' e catíng~ Dsea` Jmáang~. Jo jaléng' i dsea` í líiñ` dsea` i í dsíi' jmang'- e 'li^ jogui i nicajgiéng~ dsíi' e teáaiñ~ teá' fí' guiá~ cóo~ Dsea` Jmáang~. ⁹ Jo dsu' ja` huíi~ dsilíiñ` cóo~ e jmi'gøor' do, co' jalém' dsea` niliñir' guiá~ e jaléng' i dsea` la'í ja` í dsíir' røø' lí^ laco' calí~ cóo~ i dsea` gáng~ i sií' Janes cóo~gui Jambres ie~ lamí~ cajníiñ' quiá'- Moi~ do.

Júu^ e ca'íi~ Paa~ quiá'- Timoteo

¹⁰⁻¹¹ Dsu' 'nu', Timoteo, guiáb~ niñí'^ lajíi~ júu^ e ée~ e dsea`, jogui jial seen~ røø' laco' seeng' dsea` quiá'- Dsea` Jmáang~, jogui niñí'^bi' cajo lajíi~ e í dsii~ e nijmee'e, jogui jial já'- lín'n e nisín'n teá' cóo~ júu^ quiá'- Dsea` Jmáang~ e car` ngocáng' dsii~, jogui jial féng' dsii~ cóo~ jaléng' dsea` jiéng', jogui jial e 'neáan'n jaléng' dsea` rún'n, jogui jial nicateá'-a cóo~ jalé' iihuí' e nica'ín'n. Jogui niñí'^bi' cajo e cateá'-baa cóo~ jalé' e ga` e nicajmeáng' dsea` jnea~ fí' Antioquía cóo~gui fí' Iconio jogui fí' Listra; dsu' cateá'-baa, co' Fíi'naa' Dsea` Jmáam~bing' i caleáang' jnea~ jee~ jalé' e jo. ¹² Dsu' dseáng'- e jáb'- jalé' e la, e jaléng' dsea` i iing~ seeng' e sí'naaiñ` jee~ jalé' e 'li^ uíi~ e líiñ` dsea` quiá'- Dsea` Jmáang~, joba' 'né~ nidsingím~bre iihuí' e jmó' dsea` quiá'r-. ¹³ Jo dsu' jaléng' dsea` i jmóo' ga` jogui i jmi'gøøng' jaléng' dsea` rúng', ga'gui' nidsijéé' quiá'r- laco' jmíi~ jogui eáam' nijmigøøiñ` jaléng' dsea` rúin' lí^ laco' jmi'gøøiñ` yaaiñ~.

¹⁴ Dsu' fíi~guíi 'nu', Timoteo, teá' sing' uø' lí^ laco' jmoo' cóo~ jalé' e nicajmitíin', co' dseáng'- niñí'^ba' e dseáng'- jáb'- jalé' e jo. Jogui niñí'^bi' guiá~ cajo i dsea` i ca'e' 'nu' jalé' e jo, ¹⁵ co' e júu^ güeang'^ quiá'- Fidiée' e niñí'^ catí' ie~ lamí~ jiuun~ do, e joba' e nili'íng' ta~ quíi' e niliñí'^ jial e nileán' cóo~ jalé' dsee~ quíi' la'eáang' e nicajáang' uø' fí' jaguó' Dsea` Jmáang~. ¹⁶ Jo lajib' e júu^ quiá'- Fidiée' cajme' dsea' la'eáang' cóo~ 'ñiab' Jmiguí' quiá'- Fidiée'; jo jalé' e júu^ jo eáam' íng' ta~ e e' jneaa~aa' jmang'- jalé' e já', jogui e jmicóo~ jneaa~aa' e line~naa' mí~ ee~naa' dsee~ jogui jial cuøøng' e nisíng'-túu' teá' fí' guiá~ cóo~ Dsea` Jmáang~; jogui e' jneaa~aa' cajo jial e nijmó'oo' lajíi~ e iing~ dsea` do. ¹⁷ Jo jalé' e júu^ jo íng' ta~ e laco' jaang' dsea` quiá'- Fidiée' néé' guiá~ quiá'r- laco' catíng~, jo lajoba' cuøøng' nijmér~ jalé' e guiá~.

4

¹ Jōba' fīi-guūi 'nū, Timoteo, fī quini' Fidiée' jogui fī quini' Fī'naa' Dsea' Jmáang- i nijáa'tu mi' tí li' ni'íng- jmigūi' e laco' niquidsir' í' røø' jō nicár' nifí' quíá'- lajaang' lajaang' dsea', ja' e líi' su seeng'guir' osi nijúm-bre é, ² jō fīi- i 'nū' car' ngocáng' dsii- e niguiá'bi' júu' quíá'- Dsea' Jmáang- jee' jaléng' dsea'; jō dseáng'- jmi'úung' e jme' lajō mi' li' sea' fī' osi mi' ja' sea' é. Jogui 'né- jmitá'ba' dsíi' jaléng' dsea' i ja' 'goo' já'- líng' júu' quíá'- Dsea' Jmáang-, jogui 'né- fī'ba' 'goo' mi' jmóor' doñí' ee' e ja' dseeng', jogui 'né- cuø'- bir' bí' e laco' nilitíi' dsíir', jō 'né- é' re lajō dseáng'- e féng' óo'ba'. ³ Dsuo' coob' mi' nití- í' e jō té' dsea' e núur' lajii' júu' niguó' quíá'- Fidiée'; dsuo' ie' jō lí' iin' e nijmitir' lajii' ta' quíu'r' yaam-bre, jogui nijmér' quijí- cabøø' tifa' i ni'é- quíá'r- lí' doñí' ee' jalé' e iin' ninúr-. ⁴ Jogui jō iin' fa' e ninúr- lajii' e júu' niguó' do, co' lajii' júu' cuento quíá'- dsea' áam'ba' iin' e ninúr-. ⁵ Dsu' e laba' fīi-guūi 'nū, Timoteo, jang'- í' o' røø' mi' ee'gō' nijme', jogui jmee- té'bi' cóo' jalé' iihuú' e dsing'in-, jogui cuøø'-bi' bí' uø' e quíá'- niguiá'gui' júu' e quíá'- jial laang' dsea' jee' jalé' dsee- quíá'r-, jogui jmiti- røø' jalé' ta' e nicang'ng'.

⁶ Jō tí li' nití- í' e nijngáng'- dsea' jnea~, co' nijaquíém' oor' quíe- e e tí li' nijúun-n. ⁷ Jō teáb' eáng' nicasín-n fī' guíá- cóo' Dsea' Jmáang-, jogui lana nicatí- í' e nicadsín-n cóo' jalé' ta' quíe- e, jō jii' cateá' ja' calitúng- dsii- cóo' júu' quíá'- Dsea' Jmáang-. ⁸ Jō lana nisijeeng' jnea' e ni'íin-n lajii' e catín-n. Jō Fidiée', i dsea' i quidsí' í' røø', íb' i nicuø'- jnea' e jō uíi' e nica'íin' jnea' e lín'n jaang' dsea' i ja' røøng' dsee- fī' quini'. Jō o' jii' jnea' ni'íin-n e jō, co' lajō ni'íng' cajo jaléng' dsea' i nigüijeeng' e iáang' dsíir' e nijáa'tu Dsea' Jmáang- calé' catú- fī' jmigūi' la mi' nití- í' lajō.

Júu' e cajíng'-gui Paa'-cas'r- Timoteo

⁹ Jō fīi-guūi 'nū, Timoteo, e jmee- úung' e niñí'ba' lajmináb- e niñi'ee' jnea~; ¹⁰ dsu' i dseañu' i sii' Demas do eáng'gui catí' dsíir' e nijmér- jalé' e jmóo' dsea' fī' jmigūi' la, jō uing' e jōba' nicatiúuiñ- jnea~, jogui lana nicangór- fī' Tesalónica fī' lí' se' Macedonia. Jō i dseañu' i sii' Crescente nicangór- fī' lí' se' Galacia, jogui i sii' Tito nicangór- fī' lí' se' Dalmacia. ¹¹ Jō lajii' Lucasbing' i táang' cóo' jnea' fī' la lana. Jogui fīi- i 'nū' e nigüi'ném'ba' Marcos jō nijóøm'ba'r fī' la mi' niñi', dsuo' llim' ee' ta' nili'íin' quíe- e cóo' jalé' ta' guia' júu' quíá'- Dsea' Jmáang- e jmóo'o' fī' la. ¹² Jogui nicasín-n i dseañu' i sii' Tíquico do fī' na fī' Éfeso. ¹³ Jō fīi- i 'nū, Timoteo, e mi' niñí'tu' calé' catú- fī' la, jō cá'gō' e 'mijñú' iá' luu- do quíe- e e casee' e fī' quíá'- i dseañu' i sii' Carpo i seeng' fī' Troas; jogui cá'bi' cajo jalé' jii' quíe- e, jō dsu' e laniing'-gui eáng' e 'né- cá' e mají' e sibéeng' e lí' tōø' júu' quíe- e do.

¹⁴ Jō fīi-guūi 'nū' uii' quíá'- jaang' dseañu' i líng' tiñí' i sii' Jaang- e eám' ga' nica'éer' cóo' jnea~; dsu' Fidiée'bing' i niquí' laco' catíng- quíá'r- cóo' jalé' e ga' e nicajméer' do. ¹⁵ Jō uíi' e jōba' e fīi- i 'nū' e jmeáng' í' uø' cóo' i dseañu' do, dsuo' eám' ga' 'ní' níin- júu' quíá'- Dsea' Jmáang- e guia'naa'.

¹⁶ Jogui la'uii' néé' mi' cangó-o' fī' quini' dseata~ i quidsí' í' e laco' nijmi'óng' 'niá'a, jii' jaang' dsea' ja' i cajmicóo' jnea' ie' jō, co' lajii' dsea' catiúuiñ- jnea~. Jō mii' Fidiée' uii' quíá'- jaléng' i dsea' í' e ja' güjme'r- ciente cóo' jalé' e cajméeiñ' do. ¹⁷ Dsu' eám' cajmicóo' Fí'naa' Dsea' Jmáang- jnea~, jogui cacuø'r' jnea' jalé' bí' quíá'r- e laco' cateá- dsii- e caguiaa- júu' quíá'r- e quíá'- jial laang' dsea' jee' jalé' dsee- quíá'r-; jō lajōba' canúu- jaléng' dsea' i ja' líng' dsea' Israel jalé' e júu' jō. Jō Fí'naa' Dsea' Jmáam-bing' i caleáng' jnea' ie' jō jee' jaléng' i dsea' i 'ní' níi- quíe- e fa' laco' mi' laang' jaang' dsea' e ja' cu' ie' quíá'r-; ¹⁸ jogui dsea' í'bi' cajo i nileáng- jnea~ jee' jalé' e 'lí', jogui dsea' í'bi' cajo i nito' fíng' jnea~ cartí' mi' nitøø'r' jnea' fī'

lí~ quiá'r ta~ fí' ñíí~ quiá'r. Jɔgui majmifém'baa' dsea` do car` ngongí` jmíí~!
 Jɔ lajob 'né~ lí.

Júu^ guicóo~ quiá'- Paa- lí~ cadséng-

¹⁹ Jɔ lí~ ja` quiéeng' niguéng' fíí~ guíí 'nə, Timoteo, e guicóob~ ɔ dseamf ɔ sɔi` Prisca cóo~gui ɔ dseañu' quiá'r- ɔ sɔi` Aquila, jɔgui guicóob~ cajɔ jaléng' dsea` sínúu^ quiá'- ɔ dseañu' ɔ sɔi` Onesíforo. ²⁰ Jɔ ɔ dseañu' ɔ sɔi` Erasto do, dob cajer' fí' Corinto, jɔgui ɔ dseañu' ɔ sɔi` Trófimo, dob caseaan~nre e dsée'r~ fí' Mileto. ²¹ Jɔ fíí~i 'nə e nijmi'úung' quií'- e niñi' fí' la ná'-gui e nití~ jii` güíí-. Jɔ ɔ dseañu' ɔ sɔi` Eubulo jɔgui Pudente jɔgui Lino cóo~gui ɔ dseamf ɔ sɔi` Claudia, lí^ lajaléng' dsea` quiá'- Dsea` Jmáang- ɔ caguaaang~gui ɔ seeng' fí' la, guiéiñ' júu^ guicóo~ quií'-.

²² Jɔ güiliseem` Fí'naa' Dsea` Jmáang- contøøng- cóo~ 'nə. Jɔgui míí~i Fidiée~ e ni'ír- güea'^ quiá'r- fí' lí~ seeng'na', dsea` líng'na' dsea` quiá'- Dsea` Jmáang-.

Jɔ lanab jii~ fé' jì catí tú~ quiá'- Paa- e catíng- Timoteo.

Júu[^] e toq[~] fi[~] ni[~] ji[~] quiá[']- Paa⁻ e catíng⁻ TITO

¹ Jnea[~] Paa⁻ línⁿ jaang[^] dsea[^] i jmóo[^] lajii[~] e iing[~] Fidié[~], jogui línⁿ cajo jaang[^] dsea[^] apóo[^] i jmóo[^] ta[~] ni['] júu[^] quiá[']- Dsea[^] Jmáang⁻. Jo oo⁻ e ta[~] la e laco['] ni[']é[^]e jaléng['] dsea[^] i nicaguíng['] Fidié[~] lami[~] jéeng[']gui e quiá[']- jial nijáng['] yaaiñ[~] fi['] jaguó[^] dsea[^] do, jogui jial niliñir['] lajii[~] e júu[^] e sea[^] contøng⁻ quiá[']- Fidié[~] e laco['] nijmér⁻ dseáng[']- laco['] iing[~] dsea[^] do. ² Jo nitab[~] dsinaa['] e niliseem⁻baa['] cøng[^] cóo['] Fidié[~] lata[~], co['] lajob júu[^] e cacuø Fidié[~] lami[~] jéeng[']gui lajii[~] mi[~] ná[']-gui e nitiroo[~] jmigüf['], jo dsea[^] do dseáng[']- ja fé[']bre júu[^] ta[~] júu[^]. ³ Jo lana nicatib['] í['] e nicacuø[']r jneaa[~]aa['] e niline[~]naa['] lajii[~] e júu[^] ta[~] dsí['] do, jo cajmér['] lajo la'eáang['] cóo['] e júu[^] quiá[']- e guiaa⁻, co['] lajob ta[~] caquiá['] e nijmee[~]e. Jo dsea[^] íb['] i láang['] jneaa[~]aa['] jee[~] jalé['] dsee⁻ qui[']-ii['].

⁴ Jo jmo[']o e ji['] la e catíng⁻ 'nua['], Tito, jo lafa['] jóo[']baa lín['], co['] laji['] gó[']-baa['] já['] lí[']naa['] júu[^] quiá[']- Dsea[^] Jmáang⁻. Jo má[']i Tiquí[']naa['] Fidié[~] jogui Fíi[']naa['] Dsea[^] Jmáang⁻ i láang['] jneaa[~]aa['] jee[~] jalé['] dsee⁻ qui[']-ii['] do, e güi[']bre güea['] quiá[']- fi['] lí['] seen['], jogui e nicuø[']r 'nua['] e niliseen['] juguiá['] júu[^] røø['].

Lajii[~] ta[~] e cajmée['] Tito fi['] Creta

⁵ Jo caseaan['] nua['] e fi['] ni[~] guóo['] uø['] e róo['] fi['] ni[~] jmiñí['] do e sii['] Creta e laco['] nijmité['] røø['] lajii[~] e ta[~] e 'né⁻ niliti⁻gui do, jogui e fi['] laco['] fi['] ni[']nan['] dsea[^] cøng['] i niné⁻ ni[~] dsea[^] quiá[']- Dsea[^] Jmáang⁻ lí['] laco[']gui jii['] e nicafii['] i 'nua['] lami[~] jéeng[']gui. ⁶ Jo i dsea[^] i ni['] nang['] do 'né⁻ e røøb['] seeiñ['] e lí['] laco['] ja['] cuøng['] fa['] e nicuø[']- dsea[^] dsee⁻ ír['], jogui ja['] cuøng['] fa['] e seeng['] fíing['] dseamí['] quiá[']-r, jogui jaléng['] jóo[']r 'né⁻ e jáb[']- líiñ['] júu[^] quiá[']- Dsea[^] Jmáang⁻, jogui 'né⁻ e ja['] jméiñ['] do saang['] dsíir['], jogui 'né⁻ jmér⁻ náu[']-bre cóo['] jalé['] ta[~] quiá['] dsea[^] cøng['] quiá[']-r cajo. ⁷ Co['] jaléng['] i dsea[^] i néé['] ni[~] do, íb['] dsea[^] i néé['] ni[~] jalé['] ta[~] quiá[']- Fidié[~], joba['] dseáng[']- la guíim['] 'né⁻ e jmér⁻ lajii[~] e guiá['] e laco['] ja['] cuøng['] fa['] e nicuø[']- dsea[^] dsee⁻ ír[']. Jogui ja['] 'né⁻ fa['] e ráaiñ['] uii['] quiá[']-r o[']gui líiñ['] dsea[^] i ní['] dsíí, o[']gui cuøng['] fa['] e jmér⁻ ta[~] í['] méé['], o[']gui fa['] e jmér⁻ ta[~] jíing['] ta[~] tíing['], o[']gui fa['] e jmér⁻ e dsináaiñ['] cuu⁻ tá['] sea[']. ⁸ Dsuo['] o['] lajo e 'né⁻ jmér⁻, co['] lí['] lí['] 'né⁻ e eáam['] guiá['] ni[']íñ['] jaléng['] dsea[^] i guilíng['] fi['] quiá[']-r, jogui 'né⁻ e tí['] dsíir['] jmóor['] lajii[~] e guiá['], jogui 'né⁻ e quier['] júu[^] røø['] contøng⁻, jogui 'né⁻ e éer['] røø['] contøng⁻, jogui 'né⁻ e jmér⁻ dseáng[']- lajii[~] e tí['] dsíí Fidié[~] jogui contøng⁻ íu['] dsíir['] e jmitir['] jalé['] e qui[']- tiiñ['] jmóor[']. ⁹ Jo jaléng['] i dsea[^] i néé['] ni[~] do eáam['] teá['] 'né⁻ teáaiñ['] cóo['] e júu[^] sea[^] contøng⁻ quiá[']- Fidié[~] lí['] laco['] jii['] e nica[']é⁻ere lami[~] jéeng[']gui, jo lajoba['] cuøng['] e nijmitíir['] dsíí jaléng['] dsea[^] jéng['] cóo['] e júu[^] jo, jogui e nisí[']r jaléng['] dsea[^] i ní['] níng['] júu[^] quiá[']- Dsea[^] Jmáang⁻ e ja['] dseeng['] laco['] jmóoiñ['] do.

¹⁰ Joba['] fi['] i 'nua['], Tito, jalé['] e júu[^] na, dsuo['] fíim['] dsea[^] seeiñ['] i ja['] iing[~] nijmé⁻ náu['] e júu[^] quiá[']- Dsea[^] Jmáang⁻ do, jogui fé[']r jalé['] júu[^] e ja['] oo⁻ ni[~] sea['] e lí['] laco['] cóo['] e jo jmóor['] e jmigøøiñ['] jaléng['] dsea[^]. Jo jee[~] i dsea[^] í['] quíng['] jaléng['] dsea[^] i jíng['] e dseáng[']- la guíim[']ba['] 'né⁻ e niliti⁻ lajii[~] e qui[']- tíing['] dsea[^] Israel. ¹¹ Jo jaléng['] i dsea[^] í['] 'né⁻ e ni['] í['] tiib⁻ mo[']oor['], dsuo['] eáam['] cøøiñ['] dsíí dsea[^] jiguí['] latøng⁻ cóo['] sinú['] e laco['] jmigøøng['] neiñ['], co['] e['] reiñ['] jalé['] e ja['] catíng⁻ ni[']ér['] e lí['] laco['] lí[']r['] cuu⁻ tá['] sea['].

¹² Jo malí[']gui eáang['] caliséng['] jaang[^] dsea[^] i eáang['] tíing['] fé['] e fi['] Creta na, jo lalab fé[']r e éeiñ['] dsea[^] góor['] jo jíñ[']: “Jaléng['] dsea[^] góo[']o dsea[^] seeng['] fi['] Creta contøm⁻ quier['] júu[^] adsee['], jogui líiñ['] lafa['] jó['] núu['], co['] dsíng[']- soo['] dsíir['] jogui dsíng[']- cúiñ['], jogui eáam['] iñ['] e tá[']- séiñ['] cajo.” ¹³ Jo dseáng[']- e já[']-ba['] e líng['] i dsea[^] seeng['] fi['] na laco['] cajíng['] i dsea[^] í[']. Jo uí['] joba['] fi['] i 'nua['], Tito, e dseáng[']-

cóo' júu^ teáb` 'né- liúun'~ jaléng' i dsea` í, jo lajoba' e nidsicuáng`gui quiá'r- e teáiñ- teá` cóo' júu^ quiá'- Dsea` Jmáang-. ¹⁴ Jo 'né- liúum'~ba're cajo e laco' ja` nijmi'gór` jalé' júu^ cuento e jmi'uúing- jaléng' dsea` Israel, o'gui jalé' ta~ quiu' jaléng' dsea` i nicatú e teáiñ- teá` cóo' e júu^ sea` contøng- quiá'- Fidié.

¹⁵ Jo jaléng' dsea` i í dsí' j mang'- e guiá-, joba' lajib` e nír` guiáb- cajo; dsu jaléng'gui dsea` i ja` já'- líng` júu^ quiá'- Dsea` Jmáang- jogui í dsíir' j mang'- e 'li', joba' lajib` e nír` do 'lib' cajo, dsuco' jí' ja` lír` gui'r` su dseeng` osi ja` dseeng` lajalé' e 'li' e í dsíir' do. ¹⁶ Jogui fé'r` e cuím`bre Fidié, dsu o' já'- e líiñ` lajo, co' j mang'- jalé' e ja` dseem`ba' jmóor`; jo ja` iñ` jmér- náu'r` jalé' ta~ huí', jogui dseáng' ja` quí'~bre jmi' fa' e nijmér- coo` e guiá-.

2

Jalé' e 'né- é'- Tito dsea` rúñ'

¹ Jo fñ- guí' 'nu, Tito, e lajalé' júu^ e e' dsea` 'né- e cóom` røø` cóo' júu^ quiá'- Fidié. ² Jo 'né- é' jaléng' dsea` cóong'~ e ja` 'né- jmér- ta` í', jogui e 'né- ér- røø` cóo' jalé' e jmóor', jogui e 'né- iu~ dsíir' e jmitir` cóo' jalé' e quí'- tñiñ` jmóor', jogui e 'né- e jmi'neáaiñ` jaléng' dsea` rúñ', jogui e 'né- cajo e nicuó'- bí yaaiñ~ e laco' nijmér- té'r` cóo' jalé' iihuí' e íñ'. ³ Jo 'né- é' bi' cajo jaléng' dseamí i nidseáng- e 'né- ér- laco' iing~ Fidié, jogui 'né- e ja` ngír` ta~ quie' adsee, o'gui 'né- jmér- ta` í' méé' cajo. Co' lí' lí' 'né- e ni'é'r- dsea` j mang'- jalé' e guiáb-, ⁴ jogui 'né- é' ba' jaléng' dseamí i li'eáng`gui e 'né- nijmi'neáaiñ` jaléng' dseañu' quiá'r- cóo'gui jaléng' jóor'; ⁵ jogui 'né- é' bir cajo e iu~ dsíir' e jmitir` cóo' jalé' e quí'- tñiñ` jmóor', jogui 'né- e í dsíiñ` contøng- j mang'- e guiá-, jogui 'né- e iu~ dsíir' cóo' jalé' ta~ sea` fí sinúu` quiá'r-, jogui 'né- e eám` guiúñ- cóo' dseañu' quiá'r- jogui e nijmér- náu'r` jalé' ta~ quiu' dsea` do cajo, jo lajoba' jí' jaang` dsea` cuøng` lí fé'r` ga` uii` quiá'- júu^ quiá'- Fidié.

⁶ Jo fñ- guí' 'nu, Tito, e 'né- liúun'~ jaléng' siming', jo fí're e jang'- 'né- ni'í' dsíir` røøb` mí ee`go nijmér-. ⁷ Jogui 'nab', Tito, dsea` 'né- ee'- røø` laco' catíng- fí quini` jaléng' dsea`. Jogui mí' e' dsea', 'né- jméé' cóo' j mang'- júu^ røø', jogui ja` fí're júu^ e sicáng'; ⁸ jogui 'né- é' re cóo' júu^ já'- quiá'- Fidié e laco' jí' jaang` dsea` cuøng` lí fé'r` ga` uii` quí'. Jo lajoba' nil` í' líng- jaléng' i dsea` i 'ní' ní- quí-naa', dsuco' jo` niguié'r` júu^ ga` e nifé'r` uii` quiá'- jalé' júu^ quí-naa'.

⁹ Jo lajob fñ- guí' 'nu, Tito, sí' go jaléng' dsea` i jmóo` ta~ e güijmée`bre náu'r` cóo' jalé' ta~ quiu' fíir~, jogui e güijmi'úum`bre e nijmér- j mang'- e guiá- cóoiñ` do, co' ja` catíng- e niñír- júu^ 'ní' quiáiñ'- do. ¹⁰ Jogui 'né- fí're cajo e ja` güijmée'r` i, jo lajoba' tab` dsí' dsea` cóo'r` contøng-. Jo mí` niní dsea` jíéng' jial seeiñ, joba' guiá- nifé' dsea` quiá'- e júu^ jlo' quiá'- Fidié, dsea` i láang` jneaa`aa' jee` jalé' dsee- quí-ii'.

¹¹ Jo 'né- see-naa' lajo, dsuco' Fidié` nicajmijnéem`bre e ja` cóong` cóo' jial tí' 'neáaiñ` jneaa`aa', jo jee` jo quieéng` e cuøng` lí leáiñ- dsea` jee` jalé' dsee- quiá'r-. ¹² Jo dsuco' eám` 'neáng` Fidié` jneaa`aa', jo uing~ e joba' e jo` ií-naa' e nijmó`guí' jalé' e 'li' cóo'gui jalé' e ga` e jmóo` dsea` fí jmi'gü' la, co' lí' lí' ií-naa' e see-naa' fí jmi'gü' la e jang'- ni'í' dsí-naa' røø` mí ee`go nijmó`oo', jogui e see-naa' e ee-naa' lajii'~ e guiá-, jogui e jmó`naa' lajii'~ e iing~ Fidié. ¹³ Jo lajee` jo, sijeeng`naa' e nití- e jmi' iáang` dsí' mí` nijáa`tu fí jmi'gü' la Fí-naa' Dsea` Jmáang- i líng` Fidié` i láang` jneaa`aa' jee` jalé' dsee- quí-ii'. Jo mí` nijáar', joguiba' nijnéng- jial dseáng'- jlo' e ja` cóong` cóo' líiñ'. ¹⁴ Jo dsea` íbing' i cajáng' 'ñia' e cajúñ- cuaiñ` quí-ii' e laco' caleáaiñ`

jneaa~aa' jee~ jalé' e 'li'. Jo ca'naaiñ` jneaa~aa' jee~ jalé' dsee~ quí~ii' e laco' nilí~naa' dseáng'~ dsea` quiá'r~ i iing~ Jmé^ jmang'~ e guiá~.

¹⁵ Jōba' fii~guá' 'nua', Tito, e é^'bi' dsea' e júu^ e nicafá'~ a na, jōgui cuóø'~biguir bí cajo, jōgui íi~ 'goo' laco' catíng~ mi~ ee'gō jmóor' e ja` dseeng', cō' lajōb ta` siná^'. Jo song jmoo' lajō, jōba' nijmi'gób` dsea` jalé' júu^ e e' jōng.

3

Lajii~ e catíng~ e nijmé~ dsea` quiá'~ Dsea` Jmáang~

¹ Jo fii~guá' 'nua', Tito, e jmiguiéng'gō dsí' jaléng' dsea` quiá'~ Dsea` Jmáang~ e ja` gūisēer` teá' cōo'~ jaléng' dseata` osi cōo'~ jaléng' dsea` quie' nifí' é, jōgui e gūijmēe~bre nūu'r~ contøøng~ cōo'~ lajalé' ta` quiañ', jōgui e iu~ dsíir' contøøng~ cōo'~ lajii~ ta` e guiá~ e catíng~ nijmér~. ² Jōgui 'né' fí^'bi' jaléng' i dsea' í' e ja` gūifé'r' ga` uii~ quiá'~ lí^ doñi' ii` dsea', jōgui ja` gūijmēer' ta` jíng', jōgui e gūijmēe~bre guiúñ~ cōo'~ jaléng' dsea` rúñ', jōgui cajo ja` gūijmēer' e jløñ'^ cōo'~ lí^ doñi' ii` dsea`.

³ Jo lalab lami~ lí' jneaa~aa' ie~ lami~ jéeng'gui do, cō' saam` dsi'naa' cōo'~ júu^ quiá'~ Fidié', jōgui ja` nūu'~naa' e júu^ jō cajo, jōgui dseáng'~ jmang'~ fí' gab` tée^naa', jōgui jmoo~naa' lajii~ ta` quia' yee~baa' cōo'~gui lajalé' e ja` dseeng' e tí' dsi'naa'. Jōgui lami~ jmoo~naa' jmang'~ e ga`, jōgui e lami~ dsihuíng'naa' cōo'~ jaléng' dsea', jōgui lami~ 'ní' neeng~naa' jaléng' dsea` rú'naa' jōgui lajōb lami~ líng' í' cōo'~ jneaa~aa' cajo. ⁴ Jo ie~ lami~ jmoo~naa' jalé' e ja` dseeng' do, lajee` jōb mi~ cajmijnéeng' Fidié' i láang' jneaa~aa' jee~ jalé' dsee~ quí~ii' jial tí' e guiúñ~ jōgui jial tí' e 'neáaiñ` jaléng' dsea'. ⁵ Jo uí'~ e lajōb líñ~ cōo'~ jneaa~aa', jōba' nicaleáaiñ` jneaa~aa' jee~ jalé' dsee~ quí~ii', dsu' ofa' uí'~ e jneaa~aa' cajmé^naa' cōo' e guiá~. Jo cajmēer' lajō cōo'~ jneaa~aa' la'eáang' e nica'íñ~ dsee~ quí~ii', jōba' lana nilí'naa' lafa' dsea' i nicaliséng'túu calé' catú~, jōgui cajo la'eáang' cōo'~ e Jmiguí' quiá'r~ dob e nilí'naa' lajō. ⁶ Jo la'eáang' cōo'~ Fí'naa' Dsea` Jmáang~ i caleáang' jneaa~aa' jee~ jalé' dsee~ quí~ii', nicacuøb' Fidié' jneaa~aa' Jmiguí' quiá'r~ lalíng'. ⁷ Jo uí'~ e eáam' 'neáang' Fidié' jneaa~aa', jōba' nicajmēer' cōo'~ jneaa~aa' e lí'naa' dsea' i ja` røøng' dsee~ fí' quini'r', jō nicacuø'r' jneaa~aa' e nita~ dsi'naa' e nilíng'~naa' lajii~ e sijeeng'naa' do e nilisee~naa' cøøng' cōo'r~ lata~.

⁸ Jo fii~guá' 'nua', Tito, dseáng'~ e jáb~ jalé' e júu^ e nicafá'~ a na, jō uí'~ jōba' iin~n e ja` tú' e fí^ dsea' jalé' e jō e laco' jaléng' dsea' i dseáng'~ lajang'^ nijá'~ líng' e júu^ quiá'~ Fidié' 'né' cuó'~ dsíir' e nijmér~ contøøng~ jalé' e guiá~. Jo eáam' jlo^ e júu^ jō jōgui eáam' íng' ta` cajo quiá'~ lí^ doñi' ii` dsea'. ⁹ Jōgui e lab iin~n fii~guá' 'nua', Tito, e jie~ mí' quín' jee~ jaléng' dsea' i fé' júu^ íi' e ja` uing~ sea` jōgui jee~ jalé' júu^ e quí'~ tíng' jaléng' dsea' áang', jōgui jie~ mí' jmoo' ta` jíng' ta` tíng' uí'~ e júu^ quia' ta` quiá'~ Moi~, dsuco' jalé' e jō ja` ee' ta` íng' jii' cōo' jōgui ja` ee' uing~ sea` cajo.

¹⁰ Jōgui song jaang' dsea` jmóor' 'niñ` lajee` la'ó' dsea` quiá'~ Dsea` Jmáang~, jōba' tú~ 'ní' ya' sít' gōr e ja` gūijmēer' lajō. Jōgui song ja` nūu'r~ jii' cōo' e júu^ quiá'~ do, jōba' guiñ~ jee~ 'ná'. ¹¹ Jo cōo'~ jii' e jōb nilíñ'^ guiá~ e i dsea' í' nicajgiéem~ dsíir' jōgui 'ñia'bre ninaang' beáng' dsee~ 'ñia'r'.

Júu^ quiá'~ Paa~ e casí'~guir Tito

¹² Jōgui mi~ nisín^n fí' na i Artemas osi i Tíquico é, jōba' jmee~ úung' jōng e niguó' fí' Nicópolis e nigüi'ee'~ jnea~, dsuco' fí' jōb nica'í dsii~ e ningün~n lajee` jii' gūi'. ¹³ Jōgui i dsea` quidsí' í' i sii' Zenas cōo'~gui i Apolos jmicóo'~bre cōo'~ jalé' e 'né' lí^ jie' jii' lí~ quí'~ jmíi~ e jme'^, jō lajōba' seab` jalé' e 'né' e laco' cuóøng' e niguilíñ~ fí' lí' sí'í' e ngolíñ~. ¹⁴ Jo 'né' e nijmitíng' jaléng'

dsea` rú'naa' dsea` quiá'⁻ Dsea` Jmáang⁻ e nijmér⁻ jmang'⁻ e guiá⁻ jogui e nijmicóo'r⁻ jaléng'⁻ dsea` i` 'né⁻ quiá'⁻ lajō, jō lajōba' nili'íing⁻ ta⁻ quiá'r⁻ lajee⁻ e taaiñ⁻ fí' jmigüí' la.

Júu⁻ guicóo'⁻ lí' cadséng⁻ quiá'⁻ Paa⁻

¹⁵ Jō lajüim⁻ dsea` quiá'⁻ Dsea` Jmáang⁻ i` taang⁻ cóo'⁻ jnea⁻ fí' la guiéiñ'⁻ júu⁻ guicóo'⁻ quiá'⁻. Jogui jnea⁻ guiéen'⁻ n júu⁻ guicóo'⁻ quiá'⁻ jaléng'⁻ dsea` quiá'⁻ Dsea` Jmáang⁻ i` seeng⁻ fí' na cajo.

Jō güi'íib⁻ Fidiée⁻ güea'⁻ quiá'r⁻ jee⁻ jaléng'⁻ 'nú'⁻. Jō lajōb nilí'.

Jō lanab júi'⁻ fé'⁻ jì' quiá'⁻ Paa⁻ e catíng⁻ Tito.

Júu[^] e toq̄ fi' ni~ jì quiá'- Paa- e catíng- FILEMÓN

¹ Jnea~ Paa-, jo fi' 'nuñib[^] sijñnⁿ dsu' uíi~ e guiaa- júu[^] quiá'- Dsea` Jmáang-. Jo sínⁿ e jì la colíng~ cóo~ jaang`gui dsea` rú'naa' dsea` quiá'- Dsea` Jmáang- i sii` Timoteo. Jo fi' ni~ e jì la toq̄ júu[^] quié- e e catíng- 'nu, Filemón, co' lin' jaang` dsea` rú'naa' dsea` quiá'- Dsea` Jmáang- i 'neáang`naa' eáang' jogui i jmóo` ta~ colíng~ cóo~ jnea[^] jee~ ta~ guía' júu[^] quiá'^ Dsea` Jmáang-.
² Jogui catím- e jì la cajo jaléng[^] dsea` quiá'- Dsea` Jmáang- i seáng' fi' quií'- e jmiféiñ' Fidié~, jogui lajobi cajo catím- i dseamf i sii` Apia cóo' gui i dseañu' i sii` Arquipo. Jo i dseañu' na eáam' cuø' bí' ñia'r' jee~ ta~ e cangñiñ` quiá'- Dsea` Jmáang- lí' laco'gui la jmóo` jnea[^].
³ Jo mñi~naa' Tiquí'ii' Fidié~ jogui Fíi'naa' Dsea` Jmáang- e ni'ír- güea[^] quiá'r- jee~ 'nú' jogui e nicuø'r- 'nú' juguiá- júu[^] røø`.

Jial 'neáang` Filemón jaléng` dsea` rúñi'

⁴ Jo lacoø` ya' mi~ fónⁿ Fíi' Fidié~, contøøm- cuøø-øre gui'máang[^] uii~ quií'-, Filemón, ⁵ dsuco' nica'íim~baa júu[^] quiá'- jial tíi' e 'neáan' jaléng[^] dsea` rún' dsea` quiá'- Dsea` Jmáang- jogui jial já'- línⁿ júu[^] quiá'- Dsea` Jmáang- cajo. ⁶ Jo uíi~ e já'- lí'naa' e júu[^] jo, joba' mñi~i Fidié~ e nicuø'r- 'nu' e guiá- gui níngánⁿ jial tíi' jlo[^] niguó[^] e ngúng`naa' quiá'- Fidié~ la'eáang' e se~naa' cøøng` cóo~ Dsea` Jmáang-. ⁷ Jo uíi~ e 'neáan' jaléng[^] dsea` rún', joba' eáam' iáang` dsii- jogui nicatíi~tu dsii- cajo, co' la'eáang' cóo~ 'nu' jaléng[^] dsea` rú'naa' dsea` quiá'- Dsea` Jmáang- nicalitíi~tu dsíir' calé' catú-.

Mi~ cami' Paa- jmi'ee~ uii~ quiá'- Onésimo

⁸⁻⁹ Jo co' eáam' 'neáan' jaléng[^] dsea` rún' jogui uíi~ e coøb' fi' tí'-naa' cóo~ Dsea` Jmáang-, joba' lín- n e seab' fi' quié- e e níñi~i 'nu' coø' e 'né- jme[^]. Dsu' ja' iin~n jmee- lajo, co' lín- n e guiá- gui e nimñi~i 'nu' jmi'ee~ uíi~ e eáang' 'neáan' 'nu'. Joba' jnea~, Paa-, mñi~i 'nu' coø' jmi'ee~, nañi' fa' jaang` dsea` fémm' nilíñⁿ, jo lana lab iuun- sijñnⁿ fi' dsíi' 'nuñi[^] dsu' uíi~ e guiaa- júu[^] quiá'- Dsea` Jmáang-. ¹⁰ Joba' mñi~i 'nu' e jmi'ee~ jo cuaiñ~ quiá'- i dseañu' i sii` Onésimo, co' i dsea` la, lajee~ iuun- jnea~ fi' la, jáb'- nicalíiñ- júu[^] quiá'- Dsea` Jmáang-, joba' lana lafa' joo`baa nica'uíiñ-.

¹¹ Jo lami~ jéeng'gui i Onésimo la lami~ líiñ' jaang` dsea` i jmóo` ta~ quií'- e ja' 'léiñ~ i ja' 'ga' lí' ta~ íing[^] quií'- . Jo dsu' lanagui, eáam' ni'íiñⁿ ta~ quií'- jogui quié- jnea~ cajo. ¹² Jo niguiéem~túyure cóo~ 'nu' calé' catú- fi' na, jo cóo~ e guiáb- 'né- ín~re lí' laco'gui la jmoo' cóo~ jnea~. ¹³ Jo eáam' lami~ iing~ jnea~ e nijé- guir fi' la cóo~ jnea~ e laco' nijmicóo'r~ jnea~ cuaiñ~ quií'- lajee~ e iuun- e sijñnⁿ fi' la uíi~ e guiaa- júu[^] quiá'- Dsea` Jmáang-. ¹⁴ Dsu' ja' iing~ jnea~ jmee- laco' tñnⁿ 'ñiá'a' fa' e nijé- guir cóo~ jnea~ fi' la, co' jang'- iing~ jnea~ e nisñi~naa' røø, jo lajoba' ja' cuøøng' fo[^] fa' e nijmicóo~ jnea~ e laguidseang~, co' iing~ jnea~ e nijme[^] jíé' jíi~ e iáang' óo'ba'. ¹⁵ Jo jangám- i Onésimo la ca'naaiñ` quií'- e huøøb- jiu e lí' laco' lanagui nitíng[^] tur jo niliseeiñ` cóo~ 'nu' contøøng-. ¹⁶ Dsu' jo' 'né- jmeáan~re lafa' jaang` dsea` i jmóo` ta~ quií'- i ja' 'léen~, co' 'né- e guiá- guib nijmeáan~re laco' jaang` i dsea` la'í, co' lana nilíiñ' jaang` dsea` rú'naa' dsea` quiá'- Dsea` Jmáang- i 'neáang`naa' eáang'. Jo jnea~, eáam' 'neáan`re, dsu' 'nu', eáang'gui nili'neáan`re, dsu' o' uíi~ e nilíng[^] tur jaang` dsea` i nijmé- ta~ quií'-, co' lana nilíim`bre cajo jaang` dsea` rú'naa' dsea` quiá'- Dsea` Jmáang-.

17 Jo lajob líí, uíí' e líí'naa' dsea` quiá' Dsea` Jmáang-, joba' íim' i Onésimo la cóo' e guiá' líí' lafa' mí' íin' jnea~. 18 Jogui song líing~ ee` nica'léer' quií' osi ee` nicarøøiñ` quií' é, joba' jneab~ niquí' i cuaiñ~ quiá'r-. 19 Jnea~ Paa- jmo'o e júu^ la cóo' layaang~ guó'o. Jogui dseáng' e jáb-, jneab~ niquí' i jalé' e nicarøøng` i Onésimo la quií'. Jo lín-n e ja` ngii` lí fa' 'né- e nijmigiéén'n o' e lafa' 'nub` røøñ' quié-e, dsuco' la'eáang' jnea~ba' e calín- dsea` quiá' Dsea` Jmáang-. 20 Jo máí' i 'nu' lajo uíí' e coob` fí' tí'-naa' cóo' Dsea` Jmáang-, joba' jmee-gó uíí' diée~ e ni'íim'ba' i Onésimo la cóo' júu^ røø uíí' e lín' dsea` quiá' Dsea` Jmáang-; jo mí' nijme'^ lajo, joba' eáam` nili'íáang` dsii- jóng.

21 Jo guiéén'n e jì' la quií' e catín-, dsuco' dseáng' nitab~ dsii- e nijmití'ba' e jmi'ee~ e nicamíí' i 'nu', jogui niñí' bñi cajo e jmiguiú'guiú' nijmée'^ laco' jii' e nicafá'-a na. 22 Jogui jmee-gó uíí' diée~ quií' e niguiá'^ guiá' jíé' fí' lí' nijaa- fí' na, dsuco' nitab~ dsii- e nijmitib~ Fidiée~ lajii' e nicamíí'-na're uii~ quié-e e nicuó'r- jnea~ fí' e ninii-túu fí' na e ni'ee'e 'nú' calé' catú-.

Júu^ guicóo' lí' cadséng- quiá'- Paa-

23 Jo lí' ngóo' cadséng-gui fíí' i 'nu', Filemón, e guiéng' i Epafras la júu^ guicóo' quií', jaang` dsea` rú'naa' dsea` quiá' Dsea` Jmáang- i sijníng` colíing~ cóo' jnea~ fí' la uíí' e guia'naa' júu^ quiá' Fíí'naa' Dsea` Jmáang-.

24 Jogui lajobi cajo i dsea` quiá' Dsea` Jmáang- caguiaang-gui i seeng` fí' la i nicajmicóo' jnea~ jee~ ta~ e guia' júu^ quiá' Dsea` Jmáang- guiéiñ' júu^ guicóo' quií'-na' cajo; jo jaléng' i dsea` la siir` Marcos jogui Aristarco jogui Demas cóo' gui Lucas.

25 Jo máí'-naa' Fíí'naa' Dsea` Jmáang- e ni'í'r- güea'^ quiá'r- jee~ jaléng' 'nú'. Jo lajob nilí.

Jo lanab jii' fé' jì' quiá' Paa- e catíng- Filemón.

Coo` ji` e catoeing` jaléng` dsea` Israel i loeing` dsea` quiá'- Dsea` Jmáang`

Nicacuø Fidié` júu` quiá'r` la'eáang` cóo` i Joor` camúng` do

1 Lajíi` lamali`gui eáang`, jmiguiub` ya` cangúng` Fidié` júu` quiá'r` fí quini` jaléng` dsea` áang` qui`-ii' la'eáang` cóo` fíng` dsea` i café` cuaiñ` quiá'r`. Jo jalé` e júu` e ca'íng` jaléng` i dsea` do, jmaquíim` lí' jial ca'íñ` lajaang` lajaaiñ`. 2 Jo dsu' lanagui, lajee` lí` ngóo` cadséng`, Fidié` cangúñ` júu` quiá'r` condsée` qui`-ii' la'eáang` cóo` i Joor` camúng` do. Jogui la'eáang` cóo` i Joor` do cajo cajméer` latøøng` yá^ jmigüi` cóo` gui guóo` uó` latí` mi` uing~, jogui nicangúñ` fí jaguó` i Joor` camúng` do dseáng` lajalé`ba' e sea` fí jo. 3 Jogui i Joor` camúng` do, íb` i dseáng` jing` güeang` i 'gøng` quiá'r`, jogui dseáng` laco' líiñ` 'ñia`bre líng` dsea` do cajo; jo íb` i neé` ni` lajalé` e sea` cóo` lajaléng` i seeng` la'eáang` cóo` e júu` 'gøng` quiá'r`. Jo mi` cangf` e nicajáng` 'ñia`r` e laco' nicaleáaiñ` jneaa`aa' jee` jalé` dsee` qui`-ii', nicangám` tur fí ñifí`, jo lana dob niguiñ` lí^ lí` dsée` cáang` lí` lí' ée` quiá'- Fidié`.

'Gøng`gui i Joo' Fidié` i camúng` do laco'gui jaléng` ángeles

4 Jo Fidié` cajméer` e 'gøng`gui i Joor` camúng` do laco'gui jaléng` ángeles, co' nicangúñ` quiá'- dsea` do e líiñ` jaang` dsea` i niing`gui laco'gui líng` jaléng` ángeles i líng` jíi` guotíi` Fidié`. 5 Co' Fidié` jíi` coo` ya` ja` cajíñ` e sí'r` jíi` jaang` ángel lala:

'Nub` dseáng` lin` Joo`o;

jogui jmíi` na nijmee` e e niliñí` dsea` e jneab` lín`n Tiquíi`.

Jogui cajo ja` cajíñ` lala e éeiñ` jíi` jaang` ángel:

Jneab` nilíin`n Tiquíi` dsea` do,

jogui dsea` do nilíiñ` Joo`o.

6 Jo fé`bi Fidié` fí lí` jíé` cuaiñ` quiá'- i Joor` camúng` do ie` mi` cacuøøng`neiñ` do fí jmigüi` la, jo lalab` cajíñ`-:

'Né` nijmifém` jaléng` ángeles quié` e i Joo`o na.

7 Jogui cajíng`-guir cajo cuaiñ` quiá'- jaléng` ángeles mi` cajíñ` lala:

Jmóo`o e jaléng` ángeles quié` e líiñ` laco' guí,

jogui jmóo`o e lajaléiñ` do líiñ` laco' mi` sóng` niing` jíi`.

8 Jogui dsu' jíng`-gui Fidié` uii` quiá'- i Joor` camúng` do mi` fé`r` lala:

'Nub` líng` Fidié`, jogui car` ngongíi` jmíi`ba' e nicá^ nifí` quiá'- jaléng` dsea` quií`-,

jogui dseáng`- røøb` íi` í` quiá'- jaléng` dsea` do cajo.

9 Jogui eáam` tí` a' jalé` e guiá`-

jogui eáam` 'ní` man` jalé` e 'lí`;

jo uíi` joba' jnea~, i líng` Fidié` quií`-, caguín`n 'nu`

jo cajmé` e lajo e laco' nilí`iáang`gui o' laco'gui lajaléng` dsea` i seeng` røø` cóo` 'nu`.

10 Jogui jíi`-bigui Fidié` cajo cuaiñ` quiá'- i Joor` do mi` fé`r` lala:

Janú` 'nu`, Fíi`, 'nub` cajmee`- e catiøø` jmigüi` latí` mi` uing~,

jogui 'nu`bi cajo dsea` cajmee`- yá^ jmigüi`.

11 Jo jalé` e jo tóob` jmíi` ni'íng`, dsu' 'nu`, latab` seen`.

Co' jalé` e jo niguiáb` mi` nití` í`

laco'gui la dsea` lí^ doñí` ee` 'mi`;

12 jogui nijmée` laco' tú`- ju` jalé` e jo laco'gui mi` júng` dsea` coo` 'mi`,

jogui nijmisín^l jalé^l e jo laco'gui mi[~] jmising⁻ dsea^l sí^r.

Dsu^l 'nu^lgui, røøb^l lin^l contøøng⁻, co^l ja^l sisín^l jí^l capí^l,
jogui cajo ja^l tóo^l jmii[~] fa^l e ní^lín⁻.

¹³ Jo jí^l coo^l née^l ja^l cajíng^l Fidiée[~] fa^l sí^r jaléng^l ángeles quiá^r mi[~] fé^r lala:
Ní^l lí^l dsée^l laco^l guiin[~]n,

cartí^l nijmee[~] e jaléng^l dsea^l i^l ní^l níng⁻ 'nu^l

nisí^r uø⁻ jnir[~] fí^l quini^l e laco^l nijmi^lgór^l 'nu^l.

¹⁴ Jo jaléng^l ángeles dsea^l jmiguí^b líiñ^l i^l jmóo^l lají^l ta[~] e iing[~] Fidiée[~], jogui
jaléng^l íb^l cajo i^l síng^l Fidiée[~] i^l jmicoo^l jaléng^l dsea^l i^l cangíng^l e nileáiñ^l jee[~]
jalé^l dsee⁻ quiá^r.

2

Ja^l 'né⁻ jmitúng[^] dsí^lnaa^l e fí^l lí[~] nitée⁻naa^l cóo^l Dsea^l Jmáang⁻

¹ Jo co^l lajob lí^l, joba^l eáang^lgui guíng^l 'né⁻ e nicuøø^l bí^l yee[~]naa^l e
nijmi^lgoo⁻naa^l lají^l júu[^] e nicajá^l lí^lnaa^l do e laco^l ja^l ní^lnáng^lnaa^l lají^l
fí^l guíá⁻ lí[~] nitée⁻naa^l cóo^l Dsea^l Jmáang⁻. ² Jo dseáng^l røøb^l í^l jalé^l e
júu[^] e cacuø^l Fidiée[~] lamí[~] jéeng^lgui la'eáang^l cóo^l jaléng^l ángeles, joba^l jaléng^l
dsea^l i^l ja^l cajmi^lgó^l o'gui cajméer^l náu^r jalé^l e júu[^] jo, dseáng^l iihuú^b ca'íñ^l
laco^l catíng⁻. ³ Jo dseáng^l ja^l nileáng^lnaa^l jee[~] jalé^l iihuú^l e catí^lnaa^l do
song jmitúm⁻ bí^l dsí^lnaa^l e júu[^] e cacuø^l i^l Jóor^l camíng^l do e quiá^l jial laang^l
dsea^l jee[~] jalé^l dsee⁻ quiá^r. Co^l 'ñiab^l Fí^lnaa^l dseáng^l cacuø^l e júu[^] jo
la'uii[~], jo mi[~] cangíng^lgui lajo, cajme^l jneaa[~]aa^l júu[^] jaléng^l dsea^l i^l canúu⁻ e
júu[^] jo, jo casí^r jneaa[~]aa^l e dseáng^l lajob cangojée^l. ⁴ Jo lajobi Fidiée[~] cajo
cajméer^l e calita[~] dsí^lnaa^l e dseáng^l jáb^l e júu[^] jo la'eáang^l cóo^l jalé^l e lí[~] e
cajméer^l colíng[~]gui cóo^l jalé^l e 'gøng^l e dsigá^l dsí^l dsea^l e quí^l jmii[~] jmóor^l,
jogui cajméé^l bí^r cajo e ta[~] dsí^lnaa^l e lajo, co^l cacuø^l jneaa[~]aa^l Jmiguí^l quiá^r
lajaang^l lajaang^lnaa^l jmaquíng^l lí^l laco^l la íaang^l dsí^r 'ñia^l.

Mí[~] calíng⁻ Dsea^l Jmáang⁻ jaang^l dsea^l jmigüí^l

⁵ Jo ja^l cacuø^l Fidiée[~] jaléng^l ángeles quiá^r ta[~] fa^l e niné⁻ niñ^l lajalé^l e sea^l
fí^l jmigüí^l lí^l laco^lgui jí^l e sí[~]naa^l lana. ⁶ Dsu^l o^l lajo, co^l lalab fé^l fí^l ni[~] jí^l
quíá^r lí[~] fé^l jaang^l cuaiñ[~] quiá^l dsea^l jmigüí^l:

Fidiée[~], ¿e[~] líng^l dsea^l jmigüí^l e laco^l eáang^l iin^l e nijmicoo^lre?

jogui ¿e[~] líng^l dsea^l dsee⁻ dsea^l qui^l e laco^l niné⁻ ní^lre?

⁷ Jo lajee[~] cateá^lba^l cajméé^l e ja^lgui níng⁻ dsea^l jmigüí^l laco^l jaléng^l ángeles;
jo mi[~] cangí^l jo, cacuøø^lre coo^l ta[~] e jlo^l e níng⁻,

jogui cajméé^l e cajmi^lgó^l dsea^l í^r,

⁸ jo cacuøø^lre ta[~] e cané⁻ nir[~] lajalé^l e sea^l fí^l jmigüí^l.

Jo mi[~] cacuø^l Fidiée[~] e née^l ni[~] dsea^l jmigüí^l jalé^l e jo, jí^l coo^l ja^l e caséer^l
ca^l fa^l e ja^l cané⁻ niñ^l. Dsu^l doñí^l fa^l e cajméer^l lajo, dsu^l ja^l mí^l ne[~]bí^l fa^l
e ninéé^l ni[~] dsea^l dseáng^l laco^l sí^l. ⁹ Dsu^l e já^l, nine^lbaa^l e Fidiée[~]bing^l
cajmeáang^l Jesús ja^lgui fa^l dseáng^l níiñ⁻ laco^lgui jaléng^l ángeles lajee[~] e calíñ⁻
dsea^l jmigüí^l. Jo co^l eáam^l 'neáang^l Fidiée[~] jneaa[~]aa^l, joba^l cajméer^l e cajúng⁻
Jesús cuaiñ[~] quí^lii^l. Jo la'eáang^l cóo^l e iihuú^l e cangíng^l Jesús mi[~] cajúíñ⁻ do,
joba^l lana nine[~]naa^l e nicajméé^l Fidiée[~] e dsea^l do ca'uíñ⁻ jaang^l dsea^l 'gøng^l
i^l 'né⁻ nijmi^lgó^l jaléng^l dsea^l jmigüí^l jogui i^l 'né⁻ nijmiféng^l dsea^l cajo.

¹⁰ Jo Fidiée[~] dsea^l cajméer^l lajalé^l e sea^l fí^l latøøng⁻ jmigüí^l, jogui la'eáang^l
cóo^l íbre cajo e sea^l bí^l jalé^l e sea^l. Jo co^l iñ[~] e lajaléng^l dsea^l i^l nilíng^l dsea^l
quíá^r niliseeng^l cøøng^l cóo^l lata[~] fí^l ñifí⁻ fí^l lí[~] níng⁻ 'gøíñ^l, joba^l la'eáang^l
cóo^l e iihuú^l e cangíng^l Dsea^l Jmáang⁻ mi[~] cajúíñ⁻, Fidiée[~] cajméer^l e ca'uíng⁻
dsea^l do dseáng^l laco^l sí^l. Jo lajoba^l ca'uíng⁻ Dsea^l Jmáang⁻ jaang^l i^l íng⁻

dsee` quiá'~ jaléng' dsea` quiá'r~. ¹¹ Jo cajmée` i Jóor' camúing'~ do e nilí'naa' dsea` i jo` røøng`gui dsee` fí` quini` Fidiée` lí' la líiñ' 'ñia'r'; joba' colúing` cóo'~ i Jóor' do cajmée` Fidiée` e nilí'naa' lafa' coob` sinúu` cóo'r~, co' jaam` Tiquí'naa' niseeng`. Jo uii` joba' ja` e i' líng` i Jóo' Fidiée` do jíi'~ coo` e sí'r` jaléng' dsea` quiá'r~, rú'u, ¹² co' lalab fé'r` fí` ni` jì` quiá'~ Fidiée`:

Nifí'i jaléng' rún'n jial líng' 'na`,

jogui ni'øø` quiá'~ e jmifén'n 'na` jee` jaléng' dsea` i seáng' e jmiféiñ' 'na`.

¹³ Jo lalab cajíng'~ guir cajo:

Dseáng'~ fí` jaguó` Fidiéeb` seen~, co' íb` dsea` i quie` nifí` quie` e.

Jogui jíim'~ biguir cajo lala:

Lab seen` colúing` cóo'~ jaléng' dsea` quie` e i líng' jóo`o` i nicacuøng' Fidiée` jnea`.

¹⁴ Jo jaléng' jneaa`aa', dsea` lí'naa' dsea` jmigüi, røøb` sea` ngúu` táang`naa' cóo'~ gui jmi'øøng`naa'. Jo lajob cajo mi` cajá` Jesús fí` jmigüi la, seab` ngúu` táaiñ` cóo'~ gui jmi'øøiñ` lí' laco'gui la líng' dsea` jmigüi. Jo dsea` do ca'uiñ` lajo e laco' la'eáang` cóo'~ e cajúin` e líiñ` jaang` dsea` jmigüi, ca'íiñ` bí` quiá'~ fii` i 'líng' i líng' fii` quiá'~ 'mó'. ¹⁵ Jo la'eáang` e nica'íing` Jesús bí` quiá'~ i fii` i 'líng' do, joba' nicaleáam`bre jaléng' dsea` jmigüi i lí' jó' jmi` táang` fí` jmigüi e 'gó'r` nijúuiñ`. ¹⁶ Co' dseáng'~ e jáb'~ e ja` cajá` Jesús fí` jmigüi la e laco' nijmicóo'r` jaléng' ángeles, dsu' cajá`bre e laco' nijmicóo'r` jaléng' dsea` i líng' sijü` 'líi` yúu`~ Abraham. ¹⁷ Jo e laco' nijmicóo'~ Jesús jaléng' i dsea` rúin` dsea` jmigüi do, joba' la guím` 'né` e ca'uiñ` røøb` laco' dsea` do. Jo uii` lajoba' ca'uiñ` fí` quini` Fidiée` jaang` jmidsea` i laniing`gui eáang` i ée` røø`lata` jogui i eáang` fíi` líng` i dsea` rúin` dsea` jmigüi do, jogui cajáng' 'ñia'r` e cajúin` fí` dse' crúu` e laco' ni'íing` jalé' dsee` quiá'~ dsea` jmigüi. ¹⁸ Jo lí' laco' cangúing` Jesús jee` jalé' iihuí` e laco' nitéiñ` fí` ni` dsee~, dsu' ja` calí` lajo, joba' lana dsea` do nicuøøm` nijmicóo'r` jneaa`aa' mi` ngúing`naa' jee` jalé' e jo e laco' ja` nijjá'naa' fí` ni` dsee`.

3

'Gøng'gui Jesús laco' Moi`

¹ Jo co' lajob líi, dsea` rú'naa' dsea` quiá'~ Dsea` Jmáang` i nicatø'~ Fidiée` e laco' ni'uíng`na' dsea` quiá'r~, joba' 'né` jmiguiém' áa'na' car` ngocáng` óo'na' e Jesús i casíng` Fidiée` fí` jmigüi la cuaiñ` quiá'r~, ca'uiñ` jaang` jmidsea` i laniing`gui jee` jaléng' jmidsea` e laco' nifé'r` fí` quini` Fidiée` dsea` guing` fí` ñifí` uii` qui`-ii', dsea` já'~ lí'naa' júu` quiá'r~. ² Jo dseáng'~ eám` røø` ée` Jesús jalé' ta` e cangúin` quiá'~ Tiquiá'r` Fidiée`, jogui røø` ca'ée` Moi` cajo lajíi'~ ta` e cajmée'r` jee` jaléng' dsea` quiá'~ Fidiée`. ³ Dsu' eáang`gui catúing` e nijmi'gó` dsea` Jesús laco'gui Moi` lí' laco'gui la lí' quiá'~ jaang` dsea` i née` ni` coo` sinúu` eáang`gui catúing` e nijmi'gó` dsea` i dsea` í` laco'gui e 'núu` do 'ñia'. ⁴ Jo dsea` jmigüi'bing' jmo' jalé' 'núu', jo dsu' Fidiée`bing' i cajmée` lajalé' e sea` fí` la'úng`. ⁵ Jo dseáng'~ røøb` dseáng'~ ca'ée` Moi` lajíi'~ ta` e ca'íiñ` quiá'~ Fidiée` jee` jaléng' dsea` quiá'~ dsea` do; jo jalé' ta` e cajmée'r` do quiá'~ e fé'r` fí` quini` jaléng' dsea` jalé' e nijmé` Fidiée` cøøng`gui. ⁶ Jo dsu' Dsea` Jmáang` dseáng'~ røøb` éer` ta` quiá'r~ e líiñ` Jóo' Fidiée` e née` nir` dsea` quiá'~ Tiquiá'r`. Jo jnea`^bi dsea` lí'naa' i dsea` quiá'~ dsea` do song já'~ bi lí'naa' júu` quiá'r~ car` ngocáng` dsi'naa', jogui song sijeeng`naa' e nita` dsi'naa' e ni'íing`naa' lajíi'~ e catúing`naa' mi` nití` í' lajo.

Jial niñing` dsea` e jmi'íñ' cóo'~ Fidiée` laco' ngóo' jmi`

⁷ Jo lí' laco' fé' fí` ni` jì` quiá'~ Fidiée` lí' fé' Jmiguí quiá'r~ lala:

Jø song lana ninúu^na' lajii~ júu^ quiá^- Fidié~,

⁸ joba' ja` jmoo`na' saang` áa`na'

laco'gui cajmée` dsea` áang` quií~na', dsea` Israel, mi~ cajméer` saang` dsíir`
còo~ Fidié~ ie~ lami~ cangir` fí` jee~ uó~ quiú~,
mi~ cali'iiñ~ caliñir` jial tíí` féng` dsíí` Fidié~ còo~ jaléng` dsea` do.

⁹ Jø fé`bi Fidié~:

Jø ie~ jø jaléng` 'lii~ dsea` áang` quií~na' contøøm~ cajméer` e cali'iiñ~ e caliñir`
e su dseáng`- já`-ba' e quíí~i jmi~ e nijmicóo~`ore,
doñí` fa' lajee~ e cangí` jaléng` i dsea` do fí` jee~ uó~ quiú` cangá~bre jalé` e guiá~
e quíí~i jmi~ e cajmé~ e còo~r~ lajee~ tuló~` jii`.

¹⁰ Joba' ie~ jø eám` caliguín~n còo~ jaléng` i dsea` í` jø cafí~`ire lala:

“Contøøm~ i dsea` quié~ e la ja` mí` ca`íñ` e jnea~ quiee~ nifí` quiá`r~
o`gui iiñ~ e nijmitir~ jalé` júu^ quié~ e.”

¹¹ Jø cò` eám` siguíñ~n quiá^- jaléng` i dsea` quié~ e do,

joba' cacuø` júu^ quié~ e quiá^- i dsea` do lala:

“Dseáng`- ja` niñiiñ` e nijmi`íñ` e seeiñ` cøøng` còo~` jnea~ laco' ngóo` jmi~”.

¹² Joba' fíi~guí` 'nú`, dsea` rú`naa' dsea` quiá^- Dsea` Jmáang~, jmiñiing~
óo`na' e laco' jii~` jaang` 'nú` ja` nijmée`na' saang` áa`na' còo~ Fidié~ e laco'
nijmitúng~ áa`na' fí` lí` niteáang~na' còo~r~, cò` jii~` dsea` íb` i já`- i cuø` e
see~naa' fí` jmi~guí` la. ¹³ Cò` lajee~ lana, lajee~ e fém`bi dsíí` Fidié~, lí` lí`
'né~ e cuø`gui bí` rúm`ba' lacoø` jmi~ lacoø` jmi~ e laco' jii~` jaang` 'nú` ja`
nijmi~øøng` yaang~na' e niténg`na' fí` ní` dsee~, cò` fíng song cajmee`na' lajò,
joba' ni`uíng~na' e saam`tu` óo`na' còo~ Fidié~ jóng. ¹⁴ Jø lata~ nilisee~naa'
cøøng` còo~` Dsea` Jmáang~ song teá`bi tee~naa' lajii~` fí` guiá~ lí` nitée~naa'
còo~r~ lata~ see~naa' fí` jmi~guí` la lí` laco'gui nicajmée~naa' latí` mi~ uing~.

¹⁵ Jø lalab fé`gui fí` ní` jii` quiá^- Fidié~ lí` fé` lala:

Jø song lana ninúu^na' júu^ quiá^- Fidié~,

joba' ja` jmoo`na' saang` áa`na' laco'gui cajmée` dsea` áang` quií~na' dsea`
Israel mali~gui eáang` mi~ cajméer` saang` dsíir` còo~ Fidié~ lajee~
cangir` fí` jee~ uó~ quiú`.

¹⁶ Jø çí~ i dsea` i cajmée` saang` dsíí` còo~ Fidié~ mi~ cangí` e canúur~ júu^
quiá^- dsea` do? Cò` jaléng` dsea` Israel i ca`uøøng` Moí~ fí` Egipto, dsea` í`bing`
i cajmée` saang` dsíí` còo~ Fidié~. ¹⁷ Jogui çí~ còo~ jaléng` dsea` cajmée` Fidié~
guíñ~ lajee~ tuló~` jii`? Còo~ jaléng` i dsea` íb`, cò` í`bing` i cabeáng` dsee~
yaang~ ie~ jø, joba' cajúñ~` tá`- jáiñ` fí` jee~ uó~ quiú` cartí` cadsem~bre. ¹⁸ Jogui
çí~ còo~ jaléng` dsea` i cacuø` Fidié~ júu^ quiá`r~ e ja` nijmi`íñ` e seeiñ` cøøng`
còo~ dsea` do? Còo~ jaléng` íb` cajo, cò` ja` cajméer` náur~ júu^ quiá^- dsea` do.

¹⁹ Jø lajòb calilí`naa' e ja` calí` jaléng` i dsea` do fa' e nijmi`íñ` e seeiñ` cøøng`
còo~ Fidié~, cò` ja` já`- calíñ~` júu^ quiá^- dsea` do.

4

¹ Joba' fíi~guí` 'nú`, dsea` rú`naa', e lajee~ e sea`bi fí` qui~ii' e jmi`íng`naa'
e see~naa' cøøng` còo~ Fidié~, joba' lajee~ jø 'né~ e nijmiñiim~ dsí`naa' e laco'
jii~` jaang` jneaa`aa' ni`náng`naa' fa' e ja` ni`íng`naa' e jø. ² Cò` nicaguiab` dsea`
júu^ fí` jee~ jneaa`aa' quiá^- jial láang` Fidié~ dsea` jee~ jalé` dsee~ quiá`r~ lí`
laco' jii~` júu^ e canúur~ jaléng` i dsea` i cangí` fí` jee~ uó~ quiú` do mali~gui
eáang`. Dsu' ja` e ta~ cali`íng` jii~` còo` e jø quiá^- i dsea` í, cò` ja` já`- calíñ~`
e júu^ e canúur~ do o`gui calinúur~ cajo. ³ Jø dsu' jneaa`guí`, dsea` nijá^- lí`ñi`
júu^ quiá`r~, niñim`baa' e nijmi`íng`naa' e see~naa' cøøng` còo~ Fidié~, jø o`
laco' i dsea` i éeng` Fidié~ fí` ní` jii` quiá`r~ mi~ fé`r` lala:

Jø cò` eám` siguíñ~n quiá^- jaléng` i dsea` i saang` dsíí` do,

jōba' cacuøθ jūu^ quié~ e quiá~ i dsea` do lala, e dseáng~ ja` niñiñ` e nijmi'íñ' e seeiñ` cøøng` cōo~ jnea~ laco' ngóo' jmñ~.

Jō cajíng~ Fidié~ lajō nañí' fa' cartí' mi~ canaang` uiiñ~ jmigüi'ba' catáñ' jalé' ta~ quiá'r~ e cajméer` latøøng~ jmigüi'. ⁴ Cō' nine~baa' e lajalé'ba' ninéé' guiá~ quiá~ Fidié~ lami~ uing~ lí' laco' la fé' fí' ni~ jì quiá'r~ lí' fé' lala:

Jō lajee~ jñuu~ jmñ~ catób' jalé' ta~ quiá~ Fidié~, jōba' cajmi'ím'bre mi~ catí' e jmñ~ guié~ do.

⁵ Jō lalab cajíng~ gui Fidié~ cajo fí' ni~ jì quiá'r~ cuaiñ~ quiá~ jaléng' i dsea` i cajméé` saang` dsíí' cōo'r~ do:

Ja` niñíng` i dsea` na e nijmi'íñ' e seeiñ` cøøng` cōo~ jnea~ laco' ngóo' jmñ~.

⁶ Jō jaléng' i dsea` i canúu~ lami~ jéeng'gui jūu^ quiá~ Fidié~ e quiá~ jial laang` dsea` jee~ jalé' dsee~ quiá'r~, dsu' ja` cangñiñ` e seeiñ` cøøng` cōo~ Fidié~, cō' saam` dsíir' cajméer` cōo~ dsea` do. Dsu' latí' lana tí'bi e ni'íng' dsea` e jō, cō' cuø'bi Fidié~ fí' e nijmi'íng' dsea` cōo'r~. ⁷ Jō cō' lajōb líí, jōba' Fidié~ nicatéer` cōo'gui jmñ~ lí' lí' dsea` e ni'íñ' e seeiñ` cøøng` cōo~ dsea` do, jō e jmñ~ jōb líí lana. Cō' Fidié~ nicasí'r~ jneaa~aa' la'eáang' cōo~ jūu^ quiá'r~ e cajme' dseata~ Daví' fí' ni~ jì ie~ lami~ casúung~ jmiguiá' jii` e cajméé` dsea` Israel saang` dsíir' cōo~ Fidié~:

Jō song lana ninúu^na' lajii~ jūu^ quiá~ Fidié~, jōba' ja` jmoo'na' saang` áa'na' cōo~ dsea` do.

⁸ Cō' faco' 'líi~ yáuu~ Josué cacuø'r' dsea` góor` dsea` Israel fí' e nijmi'íñ' ie~ jō lí' laco'gui cajíng~ Fidié~ lami~ jéeng'gui e nicuø'~reiñ', jōba' ja` ee' ta~ café' Fidié~ e nilisea` cōo'gui jmñ~ e nijmi'íng' dsea` lana faco' lajō. ⁹ Jō cō' lajōb líí, jōba' sea'bi fí' e niñíng` i dsea` i nijá' líng' jūu^ quiá~ Fidié~ e nijmi'íñ' e seeiñ` cøøng` cōo~ dsea` do. ¹⁰ Cō' jaléng' dsea` i ngáing` e nijmi'íñ' e seeiñ` cøøng` cōo~ Fidié~, jōba' nijmi'íñ' e nicatáñ' jalé' e 'né~ jmér~ lí' laco'gui cajmi'íng' Fidié~ mi~ cangí' e catáñ' ta~ quiá'r~ e cajméer` latøøng~ jmigüi'.

¹¹ Jōba' 'né~ e nicuø'~bi bí' yee~naa' e laco' niñíng`naa' e nijmi'íng'naa' e see~naa' cøøng` cōo~ Fidié~ e laco' jii~ jaang` jneaa~aa' ja` nijmó'oo' laco'gui cajméé` i dsea` Israel do ie~ maliñ'gui do mi~ ja` já' calíñ~ jūu^ quiá~ Fidié~ o'gui calínúu'r~ e jūu^ quiá~ dsea` do cajo.

¹² Cō' eáam' 'gøøng' jūu^ quiá~ Fidié~ jogui cuø' e seeng` dsea`. Jō eáang'gui jlo' bí' quiá~ jogui íng~gui ta~ cajo laco'gui cōo' ñisu' e 'mé~ lajì tú~ taang`, jogui cuø' e ngáng' dsea` jial laco' catíng~ e í' dsíir' fí' dsíir' jogui jial e í' dsíir' cōo~ jmigüi' quiá'r~; jogui cuø' e líñí' dsea` su guiá~ osi ja` dseeng` jalé' e í' dsíir' jogui su guiá~ osi ja` dseeng` jalé' e iñ~ nijmér~. ¹³ Jō jii~ cōo' e sea' fí' la'úng~ fí' jmigüi' lí' 'meá~ dsea` e ja` ñí' Fidié~ osi e ja` jøør~ é, cō' jaléb' e jmoo~naa' niñír' jogui nijøør~ cajo, jogui dseáng~ fí' quini'bre cajo lí' ni'í' í' røø' quí~ii' mi~ nití' í' lajō.

Jesús líiñ' jmidsea` dsea` féng' i laniing~gui

¹⁴ Jō cō' Jesús dsea` líiñ' Joo' Fidié~ i camíng~ do, jogui íb' cajo i jmidsea` dsea` féng' i laniing~gui do quí~ii', jō íb' dsea` i nicangáng~ tu fí' ñifí' fí' lí' guing~ Tiquiá'r~ Fidié~, jōba' 'né~ e téé~naa' teá' fí' guiá~ lí' nitéé~naa' e já' lí'naa' jūu^ quiá~ dsea` do. ¹⁵ Jō i jmidsea` dsea` féng' i laniing~gui quí~ii' do quí'bre jmñ~ e nilí' fñ~ líiñ~ jneaa~aa', dsuco' niñí'bre jial dseáng~ huíng' see~naa' fí' jmigüi' la e ja` nité'naa' fí' ni~ dsee~. Cō' dsea` í' cajo cangím'bre jee~ jalé' iihuí' lajee~ cateáañ' fí' jmigüi' la, lífa' ír' jii~ cōo' dsee~ ja' ca'éer'. ¹⁶ Jō uii~ e lajōb líí, jōba' nita~ dsí'naa' e nidsiquiéeng'naa' fí' quini' éé' lí' guing~ Fidié~ e laco' nilí' fñ~ líiñ~ jneaa~aa' jogui e laco' nijmicōo'r~ jneaa~aa' mi~ dseáng~ 'né~ quí~ii' lajō; dsuco' i dsea` í' eáang' 'neáañ' jneaa~aa' jogui dsíng~ eáang' guiúñ~ cōo~ jneaa~aa' cajo.

5

¹ Jo jee~ jaléng' dsea`jmigüib`li~ 'náang` dsea`jaléng' jmidsea`laniing~ e laco' ni'é~ ta~ quie` júu^ quiá'- jaléng' dsea` do fí' quini` Fidiéé~, jogui e niguiár~ guiá~ jalé' feá' e nicuó'r~ Fidiéé~, jogui e nijngáin~ jaléng' jó' i catúng~ dsea` do e laco' ni'íng~ dsee~ quiá'- jaléng' i dsea` do. ² Jo co' jaléng' i jmidsea` do ñi`bre jial huíng' e ja` niténg' dsea` fí' ni~ dsee~, joba' tím~bre e nilí` fii~ líiñ~ jaléng' i dsea` i ja` ñi' e dseeb~ éer` cóo'~ jalé' e jmóor` do; ³ jo co' dsea` dsee~ dsea` quib` líng' jaléng' i jmidsea` do, joba' 'né~ líng' e feá'- niji'r~ fí' quini` Fidiéé~ e laco' ni'íng~ dsee~ quiá'r~ yaaiñ~ jogui jalé' dsee~ quiá'- jaléng' dsea` caguaang~gui cajo. ⁴ Jo júi~ jaang` dsea` cuóøng` lí jmeáng' 'ña'r' e ni'é~ e ta` 'goo` la e ni'uíñ~ jaang` jmidsea` laniing~, co' Fidiéé`bing' 'náang` dsea` e laco' ni'é~ e ta` 'goo` jo lí' laco'gui cajmée` Fidiéé~ cóo' i jmidsea` la'uii` i caliséng` malii`gui eáang` i calisí` Aarón. ⁵ Jo lajob` líi` cajo cóo'~ Dsea` Jmáang~, co' o' 'ña'r' dsea` ca'náng` 'ña'r' e ni'é~ e ta` 'goo` jo e ca'uíñ~ jmidsea` dsea` féng' i laniing~gui, dsu'co' Fidiéé`bing' i ca'náng~ ír` e ni'é~ e ta` 'goo` jo car` ngongá~ jmi~, co' 'ñiab' Fidiéé~ dsea` cajíñ~ lala malii`gui eáang': 'Nub` dseáng' lin' Jóo' o;

jogui jmi~ na jneab~ dseáng' lín'n Tiquíi' cajo.

⁶ Jo cajím` biguir cajo fí' ni~ jì' quiá'r~ mi~ cajíñ~ casí'r~ i Joor` Dsea` Jmáang~ do lala:

Jo car` ngongá~ jmiib~ óo' ta~ e lin' jmidsea` dsea` féng' i laniing~gui,

lí' laco' calíng~ i jmidsea` i sií` Melquisedec ie~ malii`gui do.

⁷ Jo lajee~ cateáng` Dsea` Jmáang~ fí' jmigüi` la, eám' teá` caféeiñ~ Fidiéé~ jogui camí'r' dsea` do e ngocáng` dsíir` carji` qui'bre e quíi~ dsea` do jmi~ e nileáng~nein' fí' ni~ 'mó'; jo uii~ e cajmíti` Dsea` Jmáang~ car` ngocáng` dsíir` lajúi~ e iing~ Fidiéé~, joba' jáb' canúu~ dsea` do lajúi~ júu^ quiá'r~. ⁸ Jo doñi' fa' e Dsea` Jmáang~ líiñ` dseáng' i Joo' Fidiéé~ camíng' do, dsu' dseáng' 'né`ba' e cangongúñ~ jalé' e iihuí' do e laco' calíi'r` jial 'né~ jmér~ núu'r~ mi~ quíu' Tiquiá'r` ta` lajo. ⁹ Jo mi~ ca'uíñ~ dseáng' laco' júi~ e si'íñ` quiá'- Tiquiá'r` Fidiéé~, joba' nicuóøng` leáiñ~ lata` jee~ jalé' dsee~ jaléng' i dsea` i jmóo' lajúi~ e iing~ dsea` do. ¹⁰ Joba' Fidiéé~ ca'náañ~ dsea` do e óor` ta` 'goo` e líiñ` jmidsea` dsea` féng' i laniing~gui lí' laco'gui calíng~ i jmidsea` i sií` Melquisedec ie~ malii`gui do.

Jial dseáng' e nilitúng` dsíi' dsea` cóo' júu^ quiá'- Dsea` Jmáang`

¹¹ Jo jmigui`bi jalé' e ii~naa' e nisíi'guí' 'nú' uii~ quiá'- jalé' júu^ e nicasi~naa' na, lifa' huím`jiu qui~naa' e ni'é^naa' 'nú' e júu^ jo, co' eám' tá'~jiu ngáng' 'nú' e júu^ jo. ¹² Jo ñingóob` eáang' e ca'íng' 'nú' júu^ quiá'- Dsea` Jmáang~, joba' lana nidsi` í' e nilíng'na' tifab' quiá'- e júu^ jo; dsu' lí' riquib' líi` quíi' 'nú' lana, co' 'nú' ni'neáng~tu' jaang` tifab' i ni'é'-tu' 'nú' jalé' júu^ quiá'- Fidiéé~ e nicanáa'na' lami~ jéeng'gui. Co' lanagui eám' jo` teá` teáng~na' cóo' júu^ quiá'- Dsea` Jmáang~, co' nilíng'na' lafa' yuu` pí' e jmang' fib' iing~na' u^na', jo ja` iing~na' cø^na' laco' gø' dsea` cóøng'. ¹³ Jo jaléng' dsea` i líng' lafa' yuu` pí' i j' jmang' fi', lajob` líng' jaléng' dsea` i ja` lí' gui' su guiá~ osi ja` dseeng` jalé' e jmóor` do. ¹⁴ Dsu' jaléng' i líng' laco' dsea` cóøng'~, lafa' jmiñib` táng' í' gø'r', co' í'bing' nitíng' gui' e~ e guiá~ jogui e~ e ja` dseeng`, jo nisitím~bre e jmóor` júi~ e guiá~.

6

¹ Joba' fii`guí' 'nú', dsea` rú'naa' dsea` quiá'- Dsea` Jmáang~, matée`guí' fí' guiá~ lí' nitée^naa' carti' ni'uíng~naa' dseáng' laco' si'í' fí' quini` Fidiéé~. Jo ja` jmiti`túu' lajúi~ júu^ tíi` fii` quiá'- Dsea` Jmáang~ e caná^naa' la'uii~ do quiá'-

jial quí' j́ng' yaang~ dsea' fí quini' Fidié' jogui quiá'- jial mi' tú dsea' jalé' e lí' e si' j́i' fí 'mó', jogui jial já'- l'ng' dsea' júu' quiá'- Fidié', ² osi jial mi' saang' dsea' jmí, osi e' uing' mi' quidsí dsea' guóor' fí yá' mogui' jaléng' dsea' quiá'- Dsea' Jmáang-, osi jial lí' mi' nijí'tu jaléng' dsea' quiá'- Dsea' Jmáang- i nicajung-, osi jial mi' niquidsí Fidié' í' quiá'- jaléng' dsea' cóo' jalé' dsee- e nica'éer'. ³ Jo majmó'guí' bí e ni'uíng-naa' dsea' quiá'- Dsea' Jmáang- dseáng'- laco' sí'í', lí' jialco' iing' Fidié' e nilí-naa'.

⁴ Jo jaléng' i dsea' i cang'ng' quiá'- Fidié' e nijá'- caliñ- júu' quiá'- Dsea' Jmáang-, jogui e nicajmi'íang' dsír' cóo' lajalé' e guiá- e nicajmée' Fidié' cóo'r-, jogui e nica'íñ' laj́i' e cuø' Jmiguí' quiá'- dsea' do, ⁵ jogui e niñi'bre jial tí' dseáng'- guiá- e júu' quiá'- Fidié' jogui jial tí' 'gøng' e jmigü' 'mí- e nilisea' ie~ jo, ⁶ jo jaléng' i dsea' i ca'íng' jalé' e na, jo dsu' mi' cang' jo, catú'tur laj́i' e nica'íñ' do, joba' jo' quí' jmí jóng e niquí'- j́ng'tu yaaiñ' fí quini' Fidié', co' fíng song jmóor' lajo, joba' lí' lafa' e íbre niteáng-tur i Joo' Fidié' cam'ng' do fí dse' crúu' calé' catú-, co' fíng song jmóor' lajo, joba' niløng-tur dsea' do jóng. ⁷ Jo jaléng' dsea' i ca'íng' júu' quiá'- Dsea' Jmáang- do, jo mi' cang' jo catú'tur fí teaiñ-, joba' i dsea' í líiñ' la lí' cóo' guóo' uø- e ca'íng' jalé' jmí e tuu; jo mi' niró' jalé' e cangojneaa' e fí ni' guóo' uø- do, joguib nilí'íng' ta' quiá'- i dsea' i cajní' do; ⁸ jo dsu' song e fí ni' guóo' uø- do ca'íang' laj́i' 'matóo' cóo'gui jalé' onuu' guí-, joba' ja' e ta' íng' j́i' cóo' e uø- do jóng; joba' lí' lafa' e tí' lí' nijéb'- Fidié' e güeang' quiá'r- e cata'r' e fí ni' guóo' uø- do, jo ni'ím- cartí' nicó'.

E lab e júu' e cuø' ta' dsí' e téé-naa' teá' fí' guiá- cóo' Dsea' Jmáang-

⁹ Dsea' rú'naa' dsea' quiá'- Dsea' Jmáang- i 'neáan'n eáang', dsu' doñí' fa' e nica'fí- i 'nú' cóo' e júu' jo, dsu' ofa' nica'fá'- a uii' quí'na', co' eám' nita' dsii- e dseáng'- teáb' teáang' na' fí' guiá- cóo' Dsea' Jmáang- e nileáang'na' jee' jalé' dsee- quí'na'. ¹⁰ Jo dseáng'- eám' guiung- Fidié', joba' ja' quí'- jmí fa' e ni'íng- dsír' jalé' e guiá- e nicajmee- 'nú' e nicajmicóo'na' jaléng' dsea' rúng'na' dsea' quiá'- Dsea' Jmáang- jogui e nicajmi'neáang'na' jaléng' í' cajo lí' laco'gui la jmoo'na' lana. ¹¹ Jo ii'naa' e lajaang' lajaang' 'nú' jmée'bi' e íang' óo'na' e jmico' rúng'na' lata' seeng'na', jo lajoba' niñíng'na' laj́i' e nisijeeng'na' e cat'ng'na' e nicuø'- Fidié' 'nú' mi' nití' í' lajo. ¹² Jo ja' ii'naa' e 'nú' nijmée'na' fíng'na' e fí' guiá- lí' niteáang'na' cóo' Dsea' Jmáang-, co' lí' lí' 'né- e 'nú' nijmée'na' laco'gui la jmoo' jaléng' i dsea' i já'- l'ng' júu' quiá'- Dsea' Jmáang- e ja' litúng- dsír' doñí' ee' dsijée' fí' lí' nicasíng' yaaiñ-, jo la'eáang' e joba' e nidsijée' guiá- quiá'r- e ninaaiñ' íñ' laj́i' e cat'íñ- e nicajíng'- Fidié' e nicuø'-reiñ' lamí' jéeng'gui.

Laj́i' júu' e cacuø' Fidié' jaléng' dsea' quiá'r-

¹³ Jo ie~ malí'gui eáang' Fidié' cacuø'r' 'lí' yá'u' Abraham júu' quiá'r-, jo e jo dseáng'- cajmitir- 'ñia'r', co' ja' ii' seeng' i 'gøng'gui laco' ír' i nicuø'r- júu' quiá'r- 'ñia'r'. ¹⁴ Jo e lab júu' e cacuø'r' dsea' do ie~ jo mi' cajíñ'- lala: "E jáb'-, jneab' nijmigüean' n 'nú' jogui nijmee' e niliseeng' i 'leáang- dsea' sijú'." ¹⁵ Jo mi' ca'íng' 'lí' yá'u' Abraham e júu' jo, joba' cajéem'bre e féng' dsír' e nijmití' Fidié' laj́i' e nicajíñ'-; jo mi' cang' jo, ca'ím' 'lí' yá'u' Abraham laj́i' e nicajíng'- Fidié' e nicuø'-reiñ' lamí' jéeng'gui do. ¹⁶ Co' mi' cuø' doñí' ii' dsea' júu' quiá'r- e l'ng- e nijmitir-, joba' e jo jmóor' fí' quini' jaang'gui dsea' i niing-gui laco' ír'. Jo mi' cuø' dsea' júu' quiá'r- fí' quini' jaang' dsea' i niing-gui, joba' la guím' 'né- nijmitir- e júu' quiá'r- do. ¹⁷ Jo co' Fidié' cali'íñ- e cacuø'r' júu' quiá'r- condséeb' fí' quini' jaléng' i dsea' i nisí'íng' e ni'íng' jalé' e nicajíñ'- lamí' jéeng'gui e nicuø'-reiñ' do, joba' cacuø'r' júu'

quíar' fí quinir' ñia'r e ja' quí' jmi' fa' e nijgiéeng' gui lajii' e nicajii' lamí' jéeng' gui e nicuø'r' jaléng' dsea, jogui dseáng' 'né' e guiab' dsír' e nijmitir' jalé' e jo e ja' jmisiiñ' jii' coo. ¹⁸ Jo la'eáang' cóo' e tú' íng' júu' na e cacuø' Fidié' e ja' jmisiiñ' jii' coo' jogui e já' lí' cajo, co' dseáng' ja' quie'bre júu' adsee, joba' la'eáang' cóo' e tú' íng' júu' na nitab' dsi'naa' e íbre nito' fiiñ' jneaa'aa', jogui nisitab' dsi'naa' cajo e ni'íng' naa' lajii' e catii'naa' e sijeeng'naa' e nicuø'r' jneaa'aa' lí' laco'gui jii' júu' e nicacuø'r' jneaa'aa' lamí' jéeng'gui. ¹⁹ Jo la'eáang' cóo' e júu' ta' dsí' na nitée'naa' teá' fí' guiá' cóo' Dsea' Jmáang' jogui nitab' dsi'naa' cóo' dsea' do cajo; jo e jo lí' lafa' 'lo' ñí' quíá' coo' móo' e quíng' dsea' teá' fí' 'ni' jmi'ñí' e laco' nijé' tii' e móo' do. Jo nitab' dsi'naa' cóo' Jesús, jo íb' dsea' i nicang'íng' fí' lafa' 'mi' e íí', jogui lana dob guiiñ' fí' lí' laniing' 'gøng' quíá' Fidié' fí' ñifí'. ²⁰ Co' job e fí' e caneaa' Jesús lamí' jéeng'gui e laco' cuøng' e niguié'naa' dseáng' fí' quini' ée' lí' guing' Fidié', jo lajoba' cang'íiñ' e óor' ta' 'goo' e ca'uíiñ' i jmidsea' dsea' féng' i laniing' gui quí'ii' car' ngong'í jmi' lí' laco'gui calíng' i jmidsea' i sii' Melquisedec ie' malí' gui do.

7

Jesús líiñ' i jmidsea' dsea' féng' i laniing' gui lí' laco'gui la calíng' Melquisedec

¹ Jo i Melquisedec na calíiñ' dseata' dsea' féng' fí' coo' fii' e calisí' Salem ie' lamí' jéeng'gui eáang', jogui calíiñ' cajo jmidsea' laniing' quíá' Fidié' dsea' guing' ñifí'. Jo ie' jo i 'lí' yúu' quí'ii' Abraham do ni'iuuiñ' fí' e jaiñ' fí' lí' cangór' fí' jee' 'nii' fí' lí' calí'r' jaléng' dseata' dsea' féng' i seeng' fí' fii' lí' jíé'; jo lajee' job cangó' Melquisedec e cangojmijíng' neiñ' jo cajmigüeam' bre cajo; ² jo mi' cangí' e jo, i yúu' Abraham do cacuø'r' i Melquisedec do coo' lajee' guí' íng' jalé' e calí'r' jee' e 'nii' do. Jo i Melquisedec la guøng' "jaang' dseata' dsea' féng' i í' laco' catíng'"; jogui co' líiñ' dseata' dsea' féng' quíá' e fii' do e sii' Salem e guøng' "juguiá' júu' røø", joba' cajo sii'bre "jaang' dseata' dsea' féng' i quie' juguiá' júu' røø". ³ Jo jii' coo' ja' e ñí' dsea' quíá' i Melquisedec do fa' i' calíng' niquíar' jogui i' calíng' tiquíar' jogui i' jaléng' 'lí' dsea' cøng' quíá' caguiaang' gui cajo; o'gui ñí' dsea' lí' cangáang' i Melquisedec do o'gui lí' cajúiiñ'. Jo latab' líiñ' jmidsea' laniing' lí' laco'gui la líng' i Jóo' Fidié' camíng' do e latab' líiñ' jmidsea' dsea' féng' i laniing' gui.

⁴ Jo lana quie'na' cuante, dsea' rú'naa', jial tí' laniing' calíng' i Melquisedec do e jii' gui 'lí' yúu' quí'ii' Abraham cacuø'r' dsea' do coo' lajee' guí' íng' quíá' lajalé' e calí'r' jee' 'nii' mi' catíiñ' cóo' jaléng' dseata' dsea' féng'. ⁵ Jo lí' laco'gui la fé' e júu' quíu' ta' e casée' Moi' malí' gui eáang' e lajii' dsea' i teáang' jee' 'lé' dsea' Israel i sii' Levíbing' cuøng' líng' jmidsea', jo lajii' dsea' íbing' i sea' fí' quíá' i ni'íng' quíá' jaléng' dsea' góor' coo' lajee' guí' íng' lajalé' e sea' quíá'íñ', doñí' fa' e jaléng' i dsea' do líiñ' dsea' siju' 'lí' yúu' Abraham lí' laco'gui la líiñ' yaaiñ' cajo. ⁶ Jo dsu' i Melquisedec do ja' líiñ' dsea' siju' 'lí' yúu' Leví, dsu' ca'ím' bre coo' lajee' guí' íng' quíá' lajalé' e calí' 'lí' yúu' Abraham, jogui cajmigüeam' bre cajo. Jogui téé' óo'na' cajo e i 'lí' yúu' Abraham dobing' i calíng' jalé' júu' lajii' e cajíng' Fidié' e nicuø'r' reiñ'. ⁷ Jo jii' jaang' ja' cuøng' jíng' e o' lajo e júu' la: Niing' gui jaang' dsea' i jmigüeam' jaang' dsea' rúng' laco'gui i dsea' i jmigüeam' ír' do. ⁸ Jo jaléng' jmidsea' quíá' dsea' Israel líiñ' siju' quíá' 'lí' yúu' Leví, jo ím'bre quíá' dsea' góor' coo' lajee' guí' íng' quíá' lajalé'; jo dsu' mi' nití' í' e nijúuiñ', joba' júum' bre jóng' lí' laco'gui doñí' ii' dsea' jmigüí; jo dsu' lí' laco' fé' fí' ni' jii' quíá' Fidié' e lafa' seem'bi i Melquisedec do latí' lana. ⁹ Joba' laco' cuøng' fe'ee' e jaléng' jmidsea' i líng' dsea' siju' Leví, dsea'

íbing' íng' lana lajii' e coo' lajee' guí' íng' e catíin' do, jo lí' lafa' e caquíib' jaléng' i jmidsea' do e jo e catíng' i Melquisedec do ie' lamí' caquí' yúu' Abraham quiá' dsea' do. ¹⁰ Jo e jáb', ja' mí' calisémbi i Leví do ie' jo ie' lamí' cacuø' Abraham i Melquisedec do coo' lajee' guí' íng' lajii' e catíin' do; dsu' cuøøng' fe' ee' e jobi lafa' ni quie' Abraham mijú' quiá' jaléng' dsea' sijur' i niliseeng' cøøng' gui, co' i Leví do líin' jaang' dsea' siju' dsea' do.

¹¹ Jo jaléng' dsea' Israel cangíin' jalé' e júu' quiá' ta' quiá' Fidié' la'eáang' cóo' jaléng' jmidsea' i líng' dsea' siju' Aarón i líng' siju' yúu' Leví do cajo. Jo faco' e ta' e cajmée' jaléng' i jmidsea' do íng' ta' e íng' dsee' e laco' liguiúng' dsea' fí' quini' Fidié', joba' ja' 'neáng' jmidsea' i jíéng' gui faco' lajo; dsu' dseáng' la guíim' 'neáng' jaang' gui jmidsea' lí' laco' calíng' Melquisedec, jo o' laco' líng' i jmidsea' siju' Aarón do. ¹² Co' mí' jmííng' dsea' lajii' ta' óo' jmidsea', joba' 'né' jmííim' bre cajo lajii' e júu' quiá' ta' quiá'r'. ¹³ Jo uii' quiá' Fí'naa' fé' fí' ní' jì quiá' Fidié' e dsea' í' líin' siju' quiá' coo' gui 'lé' dsea' quiá' dsea' Israel; jo jii' jaang' dsea' ja' i mí' calíng' jmidsea' fí' jee' e 'lé' jo lamí' jéeng' gui. ¹⁴ Jo nitab' dsí'naa' e Fí'naa' Dsea' Jmáang' cajár' fí' jee' 'lé' dsea' Israel i sii' Judá, jo ja' cajár' fí' jee' 'lé' dsea' Israel i sii' Leví; jogui nine' bii' røø' cajo e Moi' ja' cajíin' jii' coo' uii' quiá' e 'lé' dsea' Judá do ie' lamí' cafér' uii' quiá' jaléng' jmidsea'.

¹⁵ Jo eáang' gui nita' dsí'naa' røø' lana cóo' jalé' e nicafá' a na, co' nicagüém' i jmidsea' dsea' féng' i laniing' gui do i cøøng' laco' i jmidsea' Melquisedec do, jogui i quíng' jee' 'lé' lí' jíe' laco' gui jee' 'lé' dsea' Leví. ¹⁶ Jo Fí'naa' calíin' jmidsea' dsea' féng' i laniing' gui dsu' o' uii' laco' ta' huí' e 'né' güí'ir' jee' dsea' siju' quiá' dsea' Leví, co' calím' bre jmidsea' dsea' féng' i laniing' gui dsu' la'eáang' cóo' e 'gøng' quiá' e seeíin' do e ja' tóo' jmíi' ní' íng'. ¹⁷ Co' lalab' fé' Fidié' fí' ní' jì quiá'r' e éeiñ' dsea' do:

Jo car' ngongíi' jmíib' oo' ta' e lin' jmidsea' dsea' féng' i laniing' gui

lí' laco' calíng' i jmidsea' i sii' Melquisedec ie' malí' gui do.

¹⁸ Jo Fidié' cab' caguiar' jalé' e júu' quiá' ta' e cacuø'r' Moi', co' e júu' jo jo' ta' íng' jogui jo' bí' sea' quiá' cajo fa' e nijmé' e nileáng' dsea' jee' jalé' dsee' quiá'r'. ¹⁹ Jo jalé' e júu' quiá' ta' e calíng' Moi' ie' lamí' jéeng' gui do ja' caquíi' jmíi' fa' e cajmée' e caliséng' dsea' cøøng' cóo' Fidié' dseáng' laco' sí'í'. Jo dsu' lana nisea' coo' e nita' dsí'naa' e 'gøng' gui e laco' nijmicóo' jneaa' aa' e niííng'na' e nilisee' naa' cøøng' cóo' Fidié'.

²⁰ Jogui cajo Fidié' cacuø'r' júu' ta' dsí' quiá' e júu' jo la'eáang' cóo' júu' quiá'r' e cacuø'r' 'ñia'r' ie' lamí' cajíin' e Jesús ní' uiiñ' jmidsea' dsea' féng' i laniing' gui. Dsu' i jmidsea' caguiang' gui do ja' cacuø' Fidié' júu' quiá'r' 'ñia'r' e ní' uiiñ' do lajo. ²¹ Jo Fí'naa' Jesús ca' uiiñ' jmidsea' dsea' féng' i laniing' gui uii' e cacuø' Fidié' júu' quiá'r' 'ñia'r' lí' laco' la fé' fí' ní' jì quiá'r' lí' fé' lala:

Fí'naa' cacuø'r' júu' quiá'r' 'ñia'r' e 'né' niliti'

jo ja' quí' jmíi' fa' e nijgiéeng' gui e júu' jo.

Co' lalab' fé' cuaiñ' quiá' i Joor' camíng' do:

“Car' ngongíi' jmíib' líng' 'nu' jmidsea' dsea' féng' i laniing' gui lí' laco' la líng' i Melquisedec do.”

²² Jo co' Fidié' cacuø'r' e júu' quiá'r' 'ñia'r' do, joba' nitaa' dsí'naa' e Jesús tí' ní' e júu' tigua' catí' tú' do e 'gøng' gui laco' gui júu' e cacuø' Fidié' lamí' jéeng' gui do. ²³ Jo jaléng' i jmidsea' caguiang' gui do cajúm' bre mí' catí' oor' quiá'r', joba' i jíém' caguá' ée' quiá'r'. ²⁴ Jo dsu' Jesús latab' seeíin', joba' latab' líin' jmidsea' dsea' féng' i laniing' gui, jo uii' joba' jo 'neáng' gui jmidsea' i jíéng' gui i ní' íng' ée' quiá'r'. ²⁵ Jo co' lajob' líng' Jesús, joba'

la'eáang' íbre cuøøng' e leáiñ- jaléng' dsea` jee~ jalé' dsee- quiáiñ'- lata~ e laco' niliseeiñ` cøøng` cóo' Fidiée', co' car` ngongñi` jmib~ seeiñ` e laco' mi'r' Fidiée' cuaiñ~ quiá'- jaléng' dsea`.

²⁶ Jōba' Jesús líiñ' dseáng'- i` jmidsea` dsea` féng' i` laniing-gui do i` 'neáng-naa' do, co' íbre dsea` caneáar' fí e laco' cuøøng' nilisee-naa' cøøng` cóo' Fidiée'. Jō dseáng'- dsea` güeam'^ líng' dsea` do fí quini` Fidiée', jō jíi' coo' dsee- ja` táaiñ, jōgui ja` líiñ' laco' la líng' dsea` dsee- dsea` qui'. Jō lana dob niguiiñ' fí ñifi' lí'^ lí' dsée' ée^ laco' guing- Tiquiá'r^ Fidiée'. ²⁷ Jō Jesús ja` líiñ' laco'gui i` jmidsea` caguaang-gui i` caliséng' lami~ jéeng'gui do, co' jaléng' jmidsea` í lacoo' jmib~ lacoo' jmib~ 'né- jngáiñ'- jaléng' jó' e quiá'- nicuóiñ'- Fidiée', jō lajōba' ni'íng- dsee- quiá'r- la'uii~, jō mi~ ningf' jō, 'né- nijmé-guir e laco' ni'íng- dsee- quiá'- jaléng' dsea` rúíñ'. Dsu' Jesús coo' née'ba' 'né- e cajáng' 'ñia'r' e laco' ni'íng- dsee- quiá'- dsea` jmigüi' lata~. ²⁸ Jō jalé' e júu^ quiu' ta~ e ca'íng' Moi~ do dsea` dsee- dsea` qui'bing' guíng' i` i` ni'uíng- jmidsea` laniing-; jō e júu^ e cacuø' Fidiée' 'ñia'r' do e café'r' mi~ cangf' e cacuø'r' Moi~ jalé' e júu^ quiu' ta~ do lami~ jéeng'gui, jō dsu' cóo' e júu^ e café' Fidiée' doba' ca'náaiñ- i` Jōor' camíng'- do e laco' ni'uíñ- jmidsea` dsea` féng' i` dseáng'- laniing-gui i` dseáng'- lata~ ée^ ta~ røø' cóo' lajalé' e cangñiñ' quiá'- Tiquiá'r^ Fidiée'.

8

Jesús ca'uíñ- jmidsea` dsea` féng' i` laniing-gui qui-ii'

¹ Jōba' fh- guñ' 'nú', dsea` rú'naa' dsea` quiá'- Dsea` Jmáang-, e lab e uiing~ e niing-gui eáang' quiá'- lajii' e júu^ e síi'naa' 'nú', e Jesúsbing' líng' i` jmidsea` dsea` féng' i` laniing-gui qui-ii', jōgui íb' cajo i` niguiing~ lana fí ñifi' lí'^ lí' dsée' laco' guing- Fidiée' dsea` laniing- 'gøiñ'. ² Jō guíñ~ fí jō e éer' ta~ e líiñ' jmidsea` dsea` féng' i` laniing-gui, co' fí jōba' dseáng'- lí' lí' ée^ já'- quiá'- Fidiée' fí lí' cajméer' 'ñia'r' jō o' fí lí' cajmée' dsea` jmigüi'.

³ Jō jaléng' jmidsea` laniing- si'neaaiñ~ e nicuør- lajii' feá'- e catíng- Fidiée' jōgui e nijngáiñ'- jaléng' jó' e laco' nicuóiñ'- dsea` do; jō lajōb lí' cóo' Fí'naa' Dsea` Jmáang-, co' la guím'ba' 'né- líng' ee' nicacuø'r' fí quini` Fidiée' uíi' dsee- quiá'- jaléng' dsea` jmigüi'. ⁴ Jōgui faco' ír' táam'bir fí jmigüi' la, jōba' ja` qui' jmi~ jóng e líiñ' jmidsea` faco' lajō, co' fí jmigüi' la niseem' jmidsea` i` cuøøng' lí' cuø' feá'- fí quini` Fidiée' lí'^ laco'gui e ta~ e caquiui' Fidiée' e cajme' Moi~ fí ni~ jì quiá'r-. ⁵ Co' jalé' ta~ e cajmée' jaléng' i` jmidsea` do fí jmigüi' la, rúm'jiu lí'^ laco'gui la lí' fí ñifi-, co' cajméer' lajō fí jmigüi' la e lí'^ laco' cuø' lí' e quiá'- jial dseáng'- lí' fí ñifi-. Jō nine'baa' røø' e jalé' e la e lico' cuø' lib~; dsuco' ie~ malii'gui do, ie~ lami~ caquiui' Fidiée' ta~ quiá'- Moi~ e nijméiñ'- coo' 'núu' 'mi' fí lí' jmiféng' jaléng' dsea` Israel Fidiée', jō ie~ jō casí'r- Moi~ lala: "Moi~, quie` cuente røø', jō jmée' e 'núu' jō lí'^ laco'gui jíi' e nica'ée- e 'nu' e fí yá'^ mó' Sinaí do." ⁶ Jō dsu' Jesús i` líng' jmidsea` dsea` féng' i` laniing-gui qui-ii' do, íb' dsea` i` nica'íng' e ta~ e 'gøng'gui eáang' laco'gui e ta~ quiá'- jaléng' jmidsea` i` seeng' fí jmigüi' la; co' dsea` íb' i` caneáa' fí e laco' cuøøng' e dseáng'- niliseeng' dsea` jmigüi' cøøng' cóo' Fidiée' lata~. Jō cajméer' lajō la'eáang' cóo' e júu^ e cajmirø' Fidiée' cøøng'gui do, co' e jō 'gøng'gui laco'gui e júu^ tigua' e cacuø'r' Moi~ lami~ jéeng'gui do. Jō e júu^ e cajmirø'r' cøøng'gui do lí' coo' júu^ tii' fh' e guiá'-gui, co' eáang'gui cuø' e ta~ dsíi' dsea`.

⁷ Jō faco' cali'íng' ta~ dseáng'- laco' si'í' e júu^ tigua' la'uii~ e cacuø' Fidiée' malii'gui do, jōba' jō cali'né-gui jóng e júu^ tigua' e cacuø' Fidiée' cøøng'gui do faco' lajō. ⁸ Jō dsu' mi~ calilí'^ Fidiée' e ja` jíi' jaléng' i` dsea` quiá'r- do e júu^

tigua˘ la'uii˘ quiá'r˘ do, j_oba' cajmiquím˘ dsíir' có_oiñ˘ do, j_o lalab cajíñ˘ fí' nĩ˘ jì' quiá'r˘:

Lalab fá'a: Niguiéeb' jmĩ˘ mi˘ nicuøø˘ jaléng˘ dsea˘ Judá có_˘gui jaléng˘ dsea˘ Israel caguaang˘gui có_˘gui júu˘ tigua˘ e 'mĩ˘.

⁹ J_o e júu˘ tigua˘ e 'mĩ˘ e nicuøø˘ i dsea˘ í e jiéeb˘ lí' laco' e júu˘ tigua˘ la'uii˘ do e cacuøø˘ jaléng˘ dsea˘ áang' quiá'r˘ mi˘ cacá_a nifí' quiá'r˘ e ca'uøø˘n˘ re fí' nĩ˘ guóo˘ uø˘ quiá'˘ dsea˘ Egipto; j_o dsuco' jaléng˘ i dsea˘ áang' quiá'r˘ do ja˘ calinúu'r˘ lajúi˘ júu˘ tigua˘ e cacuøø˘re do, j_oba' ca'náam˘ 'ñiá'a quiá'r˘ j_ong.

¹⁰ J_o e lab e júu˘ tigua˘ e 'mĩ˘ e nicuøø˘ dsea˘ Israel mi˘ niguiéé' e jmĩ˘ j_o: Nicuøø˘ jaléng˘ i dsea˘ í e laco' ni'í' dsíir' røø˘ lajúi˘ júu˘ quiu' ta˘ quié'e j_ogui e ni'íñ˘ car˘ ngocáng˘ dsíir' jalé' e júu˘ j_o cajo.

J_ogui dsea˘ do nijmiféiñ˘ jnea˘, co' júi˘ jneab˘ nilíin˘ n Fidiéé˘ quiá'r˘, j_ogui júi˘ íb˘ nilíing˘ dsea˘ quié'e cajo.

¹¹ J_oba' ie˘ j_o j_o 'né˘gui fa' e nijmeá˘gui dsea˘ júu˘ rúin˘ jial laco' nijmicuíñ˘ jnea˘, co' lajmĩm˘ dsea˘ nilicuíñ˘ jnea˘ ie˘ j_o, nañí' fa' líiñ˘ dsea˘ níing˘ osi ja˘ líiñ˘ laj_ó é.

¹² J_o ie˘ j_o ni'ím˘baa dsee˘ quiá'r˘ uii˘ quiá'˘ jalé' e ga˘ e nicajméer˘, j_o j_o˘ nijmiguiéng˘gui dsii˘ jalé' dsee˘ e nica'éer˘ lamĩ˘ jéeng˘gui.

¹³ J_o mi˘ fé' Fidiéé˘ e nicuør˘ e júu˘ tigua˘ e 'mĩ˘ do, j_oba' cuø˘ lí˘ j_ong e nicadseáb˘ bí quiá'˘ e júu˘ tigua˘ e la'uii˘ do e cacuør˘ lamĩ˘ jéeng˘gui do; j_ogui jalé' e niyúu˘ j_ogui e j_o ta˘ íng˘, capí'ba' 'né˘gui quiá'˘ e tí lí˘ ni'íing˘ conguia˘.

9

Jial lí' fí' lí' jmiféng˘ dsea˘ Fidiéé˘

¹ J_ogui lanagui fíi˘guí' 'nú', dsea˘ rú'náa' dsea˘ quiá'˘ Dsea˘ Jmáang˘, e mi˘ cacuø˘ Fidiéé˘ e júu˘ tigua˘ quiá'r˘ lamĩ˘ jéeng˘gui do, j_o cacuør˘ e júu˘ j_o e laco' jial 'né˘ jmé˘ dsea˘ mi˘ jmiféiñ˘ Fidiéé˘, j_o jalé' e j_o 'né˘ jmér˘ fí' có_˘ dsíi' 'núu' 'mi' e cajme' yaang˘ dsea˘ jmigüi'. ² J_o e 'núu' 'mi' do quiéeng˘ tú˘ jnáng˘, j_o e jnáng˘ la'uii˘ do, fí' j_ob lí˘ si' e ní' cunéé˘ e fí' lí˘ téé' candíi' e coo˘ do; j_o fí' j_ob cajo fí' lí˘ si' có_˘ mes˘ fí' lí˘ néé' íñi' güeang˘ e catíng˘ Fidiéé˘. J_o e jnáng˘ la'uii˘ la sié˘ Éé˘ lí' Güeang˘ quiá'˘ Fidiéé˘. ³ J_o e jnáng˘ e catí˘ tú˘ quiá'˘ e 'núu' do lí' có_˘ có_˘ 'mi' fé' e niguo˘ e í' e fí' dsíi' 'núu' do, j_o e fí' dsíi' j_ob lí˘ sié˘ Éé˘ e Laniing˘ Güeang˘ quiá'˘ Fidiéé˘. ⁴ J_o e fí' j_o sea˘ có_˘ nife' e lí' có_˘ layaang˘ cunéé˘, j_o fí' j_ob lí˘ jír˘ sũ; j_o fí' quiá'˘ j_ob cajo si' e guóo' e fí' lí˘ téé' júu˘ tigua˘ quiá'˘ Fidiéé˘ e caráaiñ˘ lamĩ˘ jéeng˘gui do, j_o e guóo' j_o sibé' dse' có_˘ layaang˘ cunéé˘. J_o e fí' dsíi' guóo' do iu˘ có_˘ dsu˘ e lí' có_˘ layaang˘ cunéé˘; j_o e fí' dsíi' j_ob lí˘ si'ma˘ capí' e maná e cacuø˘ Fidiéé˘ jaléng˘ dsea˘ Israel mi˘ cangiñ˘ do fí' nĩ˘ guóo˘ uø˘ quiú'. J_o fí' dsíi' guóo' j_ob cajo fí' lí˘ si'ma˘ e 'ma'u˘ quiá'˘ 'lí' yúu' Aarón e ca'íéetü má' quiá'˘ calé' catú˘; j_ogui e fí' dsíi' guóo' j_ob cajo lí˘ iu˘ e cuu˘ e lí˘ too˘ júu˘ tigua˘ quiá'˘ Fidiéé˘ e cacuør˘ malĩ˘gui do. ⁵ J_o e fí' nĩ˘ e guóo' e sibé' cunéé˘ do teáng˘ gáng˘ i dsí˘ cuéé', j_o e fí' nú' lí˘ dsí˘ cueiñ˘ do cuø˘ lí˘ e dob seeng˘ Fidiéé˘, j_ogui e fí' nú' j_ob cajo fí' lí˘ íng˘ dsee˘ quiá'˘ dsea˘. J_o dsu' lana j_o ngĩ˘ lí' fa' 'né˘gui e nifí˘guí' 'nú' dseáng˘ la'uiing˘ cuaiñ˘ quiá'˘ jalé' e j_o.

⁶ J_o mi˘ tí' lí˘ cató' e guia˘ dsea˘ guíu˘ lajalé' e ni'né˘ e fí' dsíi' 'núu' 'mi' do, j_oba' jaléng˘ jmidsea˘ nicuøøm˘ dsitáaiñ˘ j_ong laco˘ jmĩ˘ laco˘ jmĩ˘ e fí' e

jnáng'~ la'uii~ quiá'- e 'núu' 'mi' do e laco' niguiár- guiá- lajii~ e feá'- e catíng- nicuø'r- Fidié~. ⁷ Jøgui e jnáng'~ li~ catí tú- quiá'- e 'núu' 'mi' do dseáng'- lajii~ jmidsea` laniim`bing' i cuøng` lí î e fí dsí' jø cø` née' lacø` jii~; joba' mi~ tí li~ nití- í' e ni'ír' e fí jø, 'né- e niquier' feá'- e lí' cø'~ jmi~ jó' núu^ e laco' nicuø'r- Fidié~, jø lajoba' dsea` do ni'íiñ- jalé' dsee- quiá'- i jmidsea` do 'ña'r' cø'~ gui jalé' dsee- quiá'- jaléng' dsea` góor` caguiaang- gui mi~ éeiñ' dsee- e ja' líl'r^ lajø. ⁸ Jø cø'~ jalé' e na, la'eáang' cø'~ Jmiguí quiá'- Fidié~ ba' jmicø'~ jneaa`aa' e laco' line`naa' e ja' mí sea` fí e ngíng' dsea` e catí dsí' Êe^ lí~ Laniing- Güeang^ do lajee~ e jmáang` ta~ e fí lí~ lí' jnáng'~ la'uii~ do. ⁹ Jø lajaléb' e la cuø' cø' li~ quiá'- jial lí' lana; dsu'cø' jalé' e calí- e fí dsí' 'núu' 'mi' do; fa' jaléng' jó' i cajíng' jmidsea` fí quini~ Fidié~ cø'~ gui jalé' e feá'- e jié'gui e cacuø'r' Fidié~, jø dsu' jalé' e jø ja' quí~ jmi~ fa' e niliguiá- dsí' dsea` i jmféng' Fidié~ cø'~ jalé' e feá'- do dseáng'- laco' sí'í' fí quini~ dsea` do. ¹⁰ Cø' jalé' e quí'- tíng` dsea` fí quini~ Fidié~ la'eáang' e júu^ tigua` la'uii~ do e cacuø' dsea` do lamí~ jéeng'gui do, dsu' e jø quí' ta~ jii~ quiá'- jalé' e jmóob` dsea`, fa' jalé' e gø' dsea` cø'~ gui jalé' e í' dsea` osi jalé' e jié'gui é, e laco' niliguiá- dsí' dsea` laco' sí'í' fí quini~ Fidié~; jø dsu' jalé' e jø íng^ ta~ jii~ cartí mi~ nicuø- Fidié~ e júu^ tigua` e 'mí- do.

¹¹ Jø dsu' lana nicagüem- Dsea` Jmáang- e nilíiñ i jmidsea` dsea` féng' i laniing- gui e laco' nijmicø'r- jneaa`aa' e niñíng`naa' jalé' e guiá- e sí'í'naa' quiá'- Fidié~. Jø e fí lí~ éer' e ta~ 'goo' e cangíiñ do, fí jøb lí~ 'gøng'gui jøgui niing- gui cajo, cø' ø' dsea` jmigüí i cajme', ø'gui cajme'r' cø'~ e sea` fí jmigüí cajo. ¹² Dsu' lanagui nicangím- Dsea` Jmáang-, joba' dob niguiiñ e fí Êe^ lí~ Laniing- Güeang^ do dsu' ø' uíi~ e cacuø' fí quini~ Fidié~ jmi'øøng- jø'chí' osi jmi'øøng- güitá^ jiuung~ é, cø' cangím`bre fí jø dsu' la'eáang' e cacuø' jmi'øøiñ- 'ña'bre, jø lajoba' calí'r- e nileáang`naa' jee~ dsee- qui-ii' lata~. ¹³ Dsu' e jáb'-, e lajee~ e jmáang` ta~ e júu^ tigua` la'uii~ e cacuø' Fidié~ lamí~ jéeng'gui do, ie~ lamí~ jmáang` ta~ jalé' jmi'øøng- güitá^ jiuung~ cø'~ gui jø'chí' colíng~ gui cø'~ fa' quiá'- jaang` güitá^ iee~ mi~ níngí e cáng`ne' fí nife', joba' cø'~ jalé' e jø seab`jiu capí'^ bí e laco' nijláb- Fidié~ dsee- quiá'- dsea`, jø lajoba' niliguiúíñ- lajee~ cateá' fí quini~ dsea` do. ¹⁴ Jø e já'-, e jalé' e jmi'øøng- jó' do óob`jiu bí, jø dsu' e jmi'øøng- Dsea` Jmáang- 'ña'r' do dseáng'- eáang'gui laniing- 'gøng' jøgui eáang'gui óo' bí cajo, cø' dseáng'- conguiab` íng- dsee- qui-ii' fí quini~ Fidié~ lata~. Cø' la'eáang' cø'~ Jmiguí quiá'- Fidié~ e sea` lata~ do, Dsea` Jmáang-, dsea` ja' dsee- røøiñ jii~ cø', cajáng' 'ña'r' e cajúíñ- jøgui cacuø' jmi'øøiñ-. Jøgui la'eáang' e jmi'øøiñ- do calilí'naa' e jø` né- nijmó'guí jii~ cø' e lamí~ quí'- tíng`naa' jmoo`naa' do e sí' jii~ fí 'mó-, jø lajoba' cuøng` nijmó'oo' dseáng'- laco' iing~ Fidié~ i dsea` i seeng` car` ngongí~ jmi~.

¹⁵ Jø la'eáang' e cajáng' 'ña' Dsea` Jmáang- e cajúíñ- fí dse' crúu^, joba' niseab` fí qui-ii' e nilisee`naa' cøng` cø'~ Fidié~ la'eáang' cø'~ e júu^ tigua` e 'mí- do, jø lajoba' ni'íng- e iihuí' e catí- naa' do uíi~ jalé' dsee- qui-ii' lí' laco' la fé' fí ni~ e júu^ tigua` la'uii~ do. Jø la'eáang' cø'~ e cajúng- Dsea` Jmáang- do, joba' jalém' dsea` i nicagúng' Fidié~ i ni'uíng- dsea` quiá'r- cuøng` e nilí'r' e ni'íñ' jalé' e guiá- e catíiñ- lí' laco'gui jii~ júu^ e nicacuø' Fidié~ lamí~ jéeng'gui do. ¹⁶ Jø facø' jaang` dsea` iñ~ níngíñ- jalé' e sea` quiá'r- fí jaguó' jaang'gui dsea` mi~ níngí e nijúuiñ-, dsu' ja' cuøng` e ni'íng' i dsea` í jalé' e jø lajee~ e seem`bí i dsea` i nicuø- do, cø' jang'- 'né- líta~ dsí' song nicajúng- i dsea` i nicuø- e do, jøguiba' nicuøng` e níngíng- fí jaguó' i dsea` i catíng- do. ¹⁷ Cø' ja' bí sea` e níngíng- fí jaguó' i dsea` i catíng- jalé' e jø lajee~ e seem`bí i dsea` i nicuø- do, dsu' mi~ níngí e nijúum- i dsea` i nicuø-

do, joguiba' nisea` fí e ni'ing` i dsea` i catiing` do. ¹⁸ Jo co' lajob líí, joba' e júu` tigua` e cacuø' Fidiée` dsea` lami` jéeng`gui do la guim` 'né` jmi'øøng` jó' núu` e laco' sea` bí` quiá'- fí` quini` Fidiée`. ¹⁹ Jo ie` malí` do Moi` cajme'r` júu` jaléng` dsea` góor` dsea` Israel jalé` júu` quiu' ta` quiá'- Fidiée` e 'né` nijmitiñ` do fí` quini` Fidiée`; jo mi` cangi` e café'r` e júu` jo, joba' cacár` coo` si` e silíng` e 'ñuu` ñí` yúu`, jo cajgiéer` jmi` jó' núu` e nisicang`' còo` jmi` fí` ni` lí` too` júu` quiá'- Fidiée` e cajme'r` do, jogui cajgiéer` bre quiá'- lajüing` dsea` do cajo. ²⁰ Jo mi` cató' e jo, lalab cajíng`- Moi` casí'r` jaléng` i dsea` góor` dsea` Israel do: "E jmi'øøng` la cuø' e tí' ní` e júu` quiá'- Fidiée` e cacuø'r` jneaa`aa' e dseáng`- 'né` e nijmiti`baa'." ²¹ Jogui ca'ée`-bi Moi` e jmi'øøng` do cajo fí` dsí' e 'núu` 'mi' güeang`' lí` jmiféng` dsea` Fidiée` còo`-gui fí` ni` jalé' e jmáang` ta` e fí` dsí' 'núu` do. ²² Jo lí` laco' la fé' júu` quiu' ta` quiá'- Fidiée` e cajme' Moi`, e còo`-lajú' jmi'ba' ligüeang`' lí` do ñí' ee`; jogui cajo ja` qui' jmi` ni'ing` Fidiée` dsee` song ja` catu` jmi'øøng`.

La'eaang` e cajúng` Dsea` Jmáang` fí` dse' crúu`, joba' laang`naa' jee` dsee` quí`-ii'

²³ Jo e 'núu` 'mi' güeang`' lí` jmiféng` dsea` Fidiée` còo` jalé' e jmáang` ta` fí` dsí' jo lí' lafa' rúm` jiu` còo` jalé' e sea` fí` ñí' fí` lí` guing` Fidiée`, jo jalé' e sea` e fí` dsí' 'núu` do ligüeang`' còo` jmi'øøng` jó' núu`; jo dsu' jalé' gui e sea` fí` ñí' fí` quiá'- Fidiée` dseáng`- lajib` nigüeang`', joba' 'né` jmi' e 'gøng` gui laco' jmi` jó' núu`. ²⁴ Jo dsu' Fí'naa' Dsea` Jmáang`- ja` ca'ír` fí` Ée` Laniing` Güeang`' quiá'- e 'núu` 'mi' e cajme' dsea` jmigüi, co' e 'núu` jo lí' jú' lafa' coo` e lí` e sea` fí` ñí' fí` lí` Laniing` Güeang`' quiá'- Fidiée`. Co' Dsea` Jmáang` dseáng`- fí` ñí'fb` lí` cagüeiñ`, jo lana dob nigüiñ` còo` Fidiée` e mi'r` dsea` do uii` quí`-ii'. ²⁵ Jo lacoo` jú' lacoo` jú' jaléng` jmidsea` laniing` quiá'- dsea` Israel 'né` e dsitáañ` e fí` Ée` lí` Laniing` Güeang`' quiá'- e 'núu` 'mi' do e dsijú'r` jmi` jó' núu` fí` quini` Fidiée`. Jo dsu' ja` cajmée` Dsea` Jmáang` laco' gui cajmée` i jmidsea` í, co' coo` ya' ba' ca'í` dsea` do fí` Ée` lí` nigüeang`' gui fí` ñí' fí` e cacuø'r` jmi'øøñ`, jo ja` ca'ír`- jmigui` ya'. ²⁶ Co' faco' lajob líí, joba' jmiguiab` ya' catí` jóng e cajúng` Dsea` Jmáang` ie` lami` catiroo` jmigüi faco' lajo; dsu' lajee` lana jo cartí` mi` nigüiá' jmigüi, coo` née`-ba' dseáng`- cagüéng` dsea` do fí` jmigüi la, jogui coo` néeb` cajo e cajáng` 'ñia'r` e cajúñ` e laco' ni'ing`- congüiá' jalé' dsee` quiá'- dsea` jmigüi. ²⁷ Jo co' coo` née`-ba' e júung` jaléng` dsea`, jo mi` ning` jo, nigüiñ` fí` quini` Fidiée` e laco' nití` dsí' í' quiá'-r` uii` quiá'- jalé' e nicajméer` lajee` ie` lami` seeng`guir fí` jmigüi la, ²⁸ jo lajob Fí'naa' Dsea` Jmáang` coo` née`-ba' si'ñiñ` quiá'- Tiquiá'r` Fidiée` e cajáng` 'ñia'r` e cajúñ` e laco' congüiá' ca'ñiñ` jalé' dsee` quiá'- i fíng` dsea` jmigüi. Jo mi` nijáa`tur fí` jmigüi la calé' catú-, jo` nijáar` fa' e nijúung`-tur uii` dsee` quiá'- dsea` jmigüi, co' nijáa`bre dsu' e jaleaaiñ` jaléng` dsea` quiá'-r` i nisijeeng` ír` i nisita` dsí' e nigüéeng`-tur calé' catú-.

10

¹ Jo e júu` quiu' ta` quiá'- Fidiée` e cajme' Moi` do cuø' lí` e laco' líñi` jiu` dsea` jalé' e guíu` e nidsijéé` cøøng`gui, dsu' o' dseáng`- jial laco' líí e jo. Joba' jalé' e feá'- e cuø' jaléng` i jmidsea` do lacoo` jú' lacoo` jú' ja` qui' jmi` fa' dseáng`- e niligüiá` dsí' dsea` dseáng`- laco' si'í` fí` quini` Fidiée`. ² Co' faco' e júu` quiu' ta` quiá'- Fidiée` do dseáng`- e já'- qui' jmi` e ni'ing` jalé' dsee` quiá'- dsea`, joba' jo` í` dsí' dsea` jóng e líñiñ` dsea` óo` dsee-, jogui nitú`bre cajo e nicuø'r` jmi` jó' núu` uii` dsee` quiá'-r` faco' lajo. ³ Jo uing` e dsicar` e jmi` jó' núu` do fí` quini` Fidiée` lacoo` jú' lacoo` jú' e lí' laco' jmigüiéng` dsí'r` lacoo` jú' e

lím'bir dsea` óo` dsee⁻. ⁴ Co' dseáng' e jáb'~, e jmi~ güitá^ jiuung~ do cóo'~gui jmi~ jaléng' jo'chí'~ dseáng'~ ja` quí'~ jmi~ fa' e ni'íng~ jalé' dsee~ quiá'~ dsea` jmi'güi'.

⁵ Jo co' ja` quí'~ jmi~ yaang~ e jmi'øøng~ jó' do e ni'íng~ dsee~ quiá'~ dsea`, joba' mi~ cagüéng~ Fí'naa' Dsea` Jmáang~ fí' jmi'güi' la, lalab cas'r~ Tiquiá'r^ Fidié'~:

Jo co' ja` tí' óo' 'nu' e j' dsea` jmi'øøng~ jó' 'li~ fí' quini'~
o'gui e j' dsea` lí' doñí' ee' feá'~ e laco' jmi'féiñ' 'nu',
joba' 'nu' nicacuóø'~ jnea~ ngúu' táan'n cóo'~gui jmi'øøng~
e laco' nijmitii~ laj'í'~ e iing~ 'nu', Fí'i Fidié'~.

⁶ Jo co' ja` tí' óo' 'nu' mi~ jing' dsea` jó' núu^ i nicacáang~ fí' nife' osi jalé' feá'~ e jié'gui e cuø' dsea` 'nu' e laco' ni'íin'~ dsee~ quiá'r~,

⁷ joba' lalab cafá'~ a: "Lab cagüén~ n fí' jmi'güi' la e laco' nijmitii~ j'í'~ laco' iing~ 'nu', Fí'i Fidié'~,

lí' laco'gui la fé' fí' ni~ j' qui'~ lí' fé' cuaiñ~ quié~ e."

⁸ Jo nicajing' Dsea` Jmáang~ e ja` iing~ Fidié'~ o'gui tí' dsír' e j' dsea` jmi'øøng~ jó' núu^ fí' quinir' o'gui jalé' feá'~ quiá'~ jaléng' jó' i nicacáang~ fí' nife' e laco' ni'íng~ dsea` do dsee~ quiá'~ dsea`. Jo cajíñ'~ lajo doñí' fa' e lajob ta~ quiu' fí' ni~ j' quiá'~ Fidié'~ e cacuø'r' Moi~ ie~ malí'gui do, e dseáng'~ lajob guíng' 'né' jmé~ dsea` jmi'güi'. ⁹ Jo cajím'~ bigui Dsea` Jmáang~ cajo e cas'r~ Tiquiá'r^ Fidié'~ lala: "Teaa~, lana lab nicagüén~ n fí' jmi'güi' la e laco' nijmee~ e dseáng'~ j'í'~ laco' e iing~ 'nu'." Jo laco' cuøøng' fe'ee' e mi~ cagüéng~ Dsea` Jmáang~ fí' jmi'güi' la, caséer' coø' e guiá'gui jogui e 'gøng'gui eáang' cajo, jogui cab' ca'naang' e feá'~ e lami~ quí'~ t'ng' dsea` jmóor' lami~ jééng'gui do. ¹⁰ Jo uí'~ e Dsea` Jmáang~ nicajmitir~ laj'í'~ e iing~ Fidié'~ e cajáng' 'ñia'r' coø' néé'~ e cajúñ'~ fí' dse' crúu^ e laco' ni'íng~ dsee~ quí'~ii' lata~, joba' uí'~ e jo Fidié'~ nicajméer' e nilí'naa' dsea` guiúng~ fí' quinir'~.

¹¹ Jo lajalém' jmidsea` quiá'~ dsea` Israel quí'~ t'íñ' e dsijíñ'~ jó' fí' quini'~ Fidié'~ lacoø' jmi~ lacoø' jmi~; jo jmóor' lajo, co' lajob júu^ tigua~ e cacuø' Fidié'~ ír' lami~ jééng'gui. Dsu' jalé' e jmóor' do, ja` quí'~ jmi~ fa' e ni'íng~ jalé' dsee~ e røøng' dsea` jmi'güi'. ¹² Jo dsu' Dsea` Jmáang~gui cajáng' 'ñia'r' e cajúñ'~ coø' néé'~ 'ñiab' carta' róo' jmi'güi', jo e jo íng' ta~ e ni'íng~ dsee~ quí'~ii' lata~. Jo mi~ cang' e cajméer' e jo, cangám'~ bre jóng jo cangogüear' lí' lí' dsée' laco' guíng~ Tiquiá'r^ Fidié'~ fí' ñí'f'. ¹³ Jo fí' job niguiñ'~ lana e sijeeiñ'~ e Tiquiá'r^ Fidié'~ nijmé~ e nijmi'gó' jaléng' dsea` i 'ní' ní' quiá'r' jogui e nisí' jaléng' dsea` do uó'~ jnir~ fí' quiniñ'~ e laco' nijmiféng'neiñ'. ¹⁴ Jo coø' néé'~ 'ñia'ba' cajáng' 'ñia'r' e cajúñ'~ e laco' ca'íñ'~ dsee~ quiá'~ jaléng' dsea` jmi'güi', jo lajoba' cajmigüéang'~ neiñ' laco' sí' fí' quini'~ Fidié'~ car' ngong'í' jmi~. ¹⁵ Jo lalab tí' ni~ Jmiguí' quiá'~ Fidié'~ e jáb'~ e júu^ la mi~ fé' lala:

¹⁶ Jo lalab jing'~ Fí'naa' Fidié'~:

Jo e lab e júu^ tigua~ e 'mí' e nijmirøø' cóo'~ jaléng' dsea` Israel mi~ niguié' e jmi~ jo:

Nicuøø' jaléng' dsea` quié~ e e nilí'ñir' jalé' júu^ quiu' ta~ quié~ e, jogui nijmee~ e e nijmér' náu'~ bre jalé' e júu^ jo laco' sí'.

¹⁷ Jo dseáng'~ jo' nijmiguiéng' dsii~ jalé' dsee~ e nica'éer' fí' quini'~ cóo'~gui jalé' dsee~ e nica'éer' cóo'~ jaléng' dsea` rúíñ', co' dseáng'~ latab~ ni'íin'~ jalé' e dsee~ jo.

¹⁸ Jo co' dseáng'~ conguiab' nica'íng~ Fidié'~ jalé' dsee~, joba' dseáng'~ jo' 'né' fa' ee' líng~ feá'~ nij'~ gui dsea` fí' quini'~ dsea` do e laco' ni'íin'~ jalé' dsee~.

Nicuøøng' e ningüing~naa' fí' Ée^ Laniing~ Güéang'^ quiá'~ Fidié'~

19 Jogui lana fñi-guá 'nú', dsea` rú'naa' dsea` quiá'- Dsea` Jmáang-, e cóo~ e jmi'øøng- Dsea` Jmáang- e catuú' fí dse' crúu^ mi~ cajúñ- cuaiñ~ qui~ii', la'eáang' cóo~ e joba' lana nisea` fí qui~ii' e nicuøøng' e ningñing~naa' e ja` 'gó'naa' jii~ capí^ fí Ée^ li~ Laniing- Güeang^ fí li~ guing~ Fidié~ fí ñiff-. 20 Co' la'eáang' e cajáng' 'ña' Dsea` Jmáang- e cajúñ- fí dse' crúu^ uii~ qui~ii', joba' nicaneáa~bre cóo' fí 'má- e laco' cuøøng' e ningñing~naa' fí li~ guing~ Fidié~, co' cajéb' e lafa' 'mi' e sijní fí jo. 21 Jo co' Jesús ca'uíñ- i jmidsea` dsea` féng' i laniing-gui qui~ii' i niquie' nifí quiá'- lajaléng' dsea` quiá'- Fidié~, 22 joba' madsiquiéeng'naa' cóo~ Fidié~ car` ngocáng' dsi'naa' jogui e nita~ dsi'naa' e dseáng'- nijmitib~ dsea` do jalé' júu^ quiá'r-. Jo madsiquiéeng'naa' cóo~ Fidié~ cajo e jo` røø-naa' dsee- jogui e niñí'naa' lafa' dsea` sijgñng^ cóo~ jmi~. 23 Jo dseáng'- teáb' 'né- téé-naa' fí guíá- li~ nitée-naa' cóo~ Dsea` Jmáang-, e dseáng'- ta~ dsi'naa' e jáb'- júu^ quiá'- dsea` do, co' dseáng'- nijmitib~ Fidié~ lajii~ júu^ quiá'r- e nicacuø'r' jneaa~aa' lamí- jéeng'gui do. 24 Jo 'né- nijmi'úum~bí' jial e nijmicóo~naa' jaléng' dsea` rú'naa' e nijmi'neáaiñ- rúñ' jogui jial e nijmér- jmang^ e guíá-. 25 Jo fñi-guá 'nú', dsea` rú'naa' dsea` quiá'- Dsea` Jmáang-, e ja` dseeng' fa' e nijmi'naang- yee~ee' e ja` seáng'- rú'naa' lí^ laco' jmóo~ i liing~ dsea`, co' o' lajo e 'né- jmó^ jneaa~aa'; co' lí^ lí 'né- e nicuøø'gui bí rú'baa' e laco' ja` nitá^uu' fí li~ nitée-naa' cóo~ Dsea` Jmáang-, jo eáang'gui 'né- jmi'úung'naa' e jo lana, co' ninee- jøø^baa' e nijaquíém' e tí lí nigüéeng-tu Fii'naa' Dsea` Jmáang- fí jmigüi' la calé' catú-.

26 Jogui fñn'n 'nú', dsea` rú'naa', e song la ee~bí' dsee- e guita~ dsi'naa' mi~ cangí e nicalicuíng'naa' Dsea` Jmáang-, joba' jo` sea` feá'- jóng e laco' cuøøng' e ni'íing-gui jalé' e dsee- jo` fíng song jmoo~naa' lajo. 27 Co' song la ee~bí' dsee-, joba' eáam' nisijéé qui~ii' lajii~ iihuí' e nicuø- Fidié~ mi~ tí lí niquidsir' í' quiá'- lajaang' lajaang' dsea` mi~ nibíñ- jaléng' i dsea` i 'ní' ní- quiá'r- fí lí coo' jì e ja` tóo' jmi~ yu'. 28 Jogui nine~baa' e mi~ jaang' dsea` ja` jmitir~ laco' catíng- e júu^ quiá' ta~ quiá'- Fidié~ e cajme' Moi~, jogui song seeng' gáng- si gaang' dsea` i tí' ní- quiá'- lajii~ e dsee- e ca'ée' i dsea` do, joba' dseáng'- ja` má' seab' jóng, co' dseáng'- ja` fí'íb^ 'né- júung- i dsea` do uii~ e dsee- e nica'éer' do. 29 Jo dsu' iihuí' eáang'guib ni'íng' jaléng' i dsea` i jmóo' ta~ 'ní' níng- i Jóo' Fidié~ camíng' do cóo~gui jaléng' i dsea` i ja` jmi'gó' e jmi'øøng- dsea` do cóo~gui jaléng' i dsea` i fé' ga' uii~ quiá'- Jmiguí' quiá'- Fidié~ e 'neáang' jneaa~aa' do cajo. Co' la'eáang' cóo~ e jmi'øøng- dsea` dob e jmita~ dsi'naa' e júu^ tigua~ e 'má- e cacuø' Fidié~, jogui la'eáang' cóo~ e jmi'øøng- dsea` dob cajo e caligüeang'^naa' fí quini~ Fidié~. 30 Jogui nine~baa' e lalab cajíng'- Fii'naa': "Jneab~ dsea` catíñ n e ni'í~i í' laco' catíng- jogui e niquí~ táa' lí^ jialco' ée` dsea`." Jogui cajím'- biguir cajo: "'Ñía'baa dsea` niquidsii' í' quiá'- jaléng' dsea` jmigüi'." 31 Jo dseáng'- eáam' ga` ni'í' fø' quiá'- jaléng' i dsea` røøng' dsee- mi~ ni'í- Fidié~ i seeng' car` ngongí~ jmi~ í' quiá'r-!

32 Jogui jmiguiéng' áa'na' cajo e ie~ mi~ tá' já'- calíng-na' júu^ quiá'- Dsea` Jmáang-, jmiguiá' íng' iihuí' ca'íng'-na', lifa' cajmee-ba' té'na' cóo~ jalé' e jo, jo ja` calitúng- óo'na' lajii~ fí lí niteáang-na' cóo~ Dsea` Jmáang-. 33 Jo ie~ jo, i liing~ 'nú' gab` café' dsea` uii~ quiá'na' jogui gab` cajmeáng' dsea` 'nú' fí quini~ fñi cajo. Jo mi~ cangá- dsea` quiá'- Dsea` Jmáang- i caguiaang-gui e dsingñng-na' lajo, joba' caquim^bre cajo e ca'íñ' iihuí'. 34 Jogui eáam' calí fñi- líng-na' jaléng' dsea` rúng'na' dsea` quiá'- Dsea` Jmáang- i cajníng- fí dsí' 'nuñí' ie~ jo, jogui ja` calíng-na' fí'í' mi~ cajmée' dsea` ñi jalé' e sea` qui~na', co' niñí'ba' guíá- e fí ñiffb- nisijéé jalé' e jlo^ qui~na' e ja` quí' jmi~ fa' e ni'íng-. 35 Joba' fñi- 'nú' lana e teá'gui síng' yaang~na' e ja` jmitúng^ óo'na' lajii~ fí niteáang-na', dsuco' la'eáang' cóo~ e joba' e ni'íng'-na' jalé' e jlo^ e

nicuó' Fidiée' 'nú' mi~ nití' í' lajo. ³⁶ Jogui fíi-guú' 'nú' e la guím'ba' 'né' e cóo' e féng' óo'ba' 'né' nijmití'na' lajii' e iing' Fidiée' e nijmée'na', jo lajoba' cuóøng' e ni'íng'na' lajii' e nijíñ' e nicuó'r' 'nú' lamí' jéeng'gui. ³⁷ Co' lalab fé'r' fí' ni~ jì' quiá'r':

Jo dseáng' lajee' lajminá' nijáa'tu fí' jmígüi' la i sí'í' nijáa', jo jo' fa' dseáng' li'íng'guir eáang'.

³⁸ Jo doñi' ii' dsea' i jmóo' lajii' e iing' jnea~, joba' niliseeiñ' la'eáang' e já' líiñ' júu' quié'e; jo dsu' song ii' dsea' ni'náng' 'ñia'r' lajii' fí' li' nisíñ' cóo' jnea~, joba' jnea~, Fidiée', ja' iáang' dsii' cóo' i dsea' í' jóng.

³⁹ Jo dsu' jneaa'aa' ja' lí'naa' dsea' i jmí'náng' yaang' e fí' guiú' li' nitée'naa' cóo' Dsea' Jmáang' e laco' nibíng' Fidiée' jneaa'aa' fí' li' 'lí'; dsuco' jneaa'aa' nilí'naa' dsea' i nita' dsí' cóo' Fidiée', joba' dsea' do nileáiñ' jneaa'aa' jee' jalé' dsee' qui'ii' la'eáang' e já' lí'naa' júu' quiá'r'.

11

Jial lí' mi' dseáng' já' líng' dsea' júu' quiá' Fidiée'

¹ Jo e laba' fíi-guú' 'nú', dsea' rú'naa' dsea' quiá' Dsea' Jmáang', e mi' jaang' dsea' dseáng' já' líiñ' júu' quiá' Fidiée', joba' dseáng' nitab' dsí' jóng e nijmitib' dsea' do jalé' júu' e sí'reiñ', jogui dseáng' lafa' nica'ím'bre lajii' e nicamír' do nañi' fa' ja' mi' nírer. ² Jo eáam' cali'iáang' dsí' Fidiée' cóo' jaléng' 'lí' dsea' áang' qui'naa' uí' e jáb' calíng' jaléng' dsea' do júu' quiá' dsea' do.

³ Jo uí' e já' lí'naa' júu' quiá' Fidiée', joba' nitab' dsi'naa' e la'eáang' cóo' júu' quiá' bre cajméer' lajalé' e sea' fí' la'úng' fí' jmígüi', jo lí' laco' cuóøng' fe'ee' e lajalé' e ne'naa' lana ca'uíng' cóo' jalé' e ja' cuóøng' ne'naa'.

⁴ Jo i dseañu' i calisí' Abel i caliséng' malii'gui eáang', la'eáang' e jáb' caliñ' júu' quiá' Fidiée', joba' cacuø'bre dsea' do coo' feá' e guiú'gui laco'gui e feá' e cacuø' i rúñ' i calisí' Caín do, jo ca'ím' Fidiée' i Abel do e líiñ' jaang' dsea' i ja' røøng' dsee', jogui ca'ím'bir lajii' e cacuøiñ' do cajo. Jo ja' e lí' e maliib' eáang' nicajúng' i Abel do, dsu' sea'bi júu' quiá'r' latí' lana la'eáang' e jáb' caliñ' júu' quiá' Fidiée'.

⁵ Jogui la'eáang' e jáb' calíng' júu' quiá' Fidiée' i dsea' i calisí' Enoc i caliséng' malii'gui eáang', joba' condsée' cató' Fidiée' dsea' do fí' ñíff' e jii' ja' cajúñ'. Jo co' condséeb' cangáiñ' fí' ñíff', joba' jo ii' cangá'gui quiá'r' mi' cangá' jo. Jo lí' laco' la fé' fí' ni~ jì' quiá' Fidiée', e lajee' e nú'gui nitøø' dsea' do í' fí' ñíff', jmang' e cali'iáang' dsí' Fidiée' cajméer'. ⁶ Jogui ja' qui' jmí' e nijmó'oo' e nilí'iáang' dsí' Fidiée' song ja' já' lí'naa' júu' quiá'r', co' doñi' ii' dsea' i iing' nijáng' yaang' fí' jaguó' Fidiée', jang' 'né' e jáb' nilíiñ' e dseáng' seem' dsea' do, jogui e cuø'bre jmang' e guiú' jaléng' i dsea' i cuø' bí' yaang' i iing' nijmicuíng' í'.

⁷ Jo lajob cajo i 'lí' yáa' i calisí' Noé, la'eáang' e jáb' caliñ' júu' quiá' Fidiée', joba' jáb' caliñ' mi' cajíng' Fidiée' e nidsijée' jalé' e iihu' e nijaquíeng' e jii' ja' mi' ní' dsea' jéeng'gui, jo Noé cajmée'bre náa'r' lajii' júu' quiá' Fidiée' ie' jo, jo cajméer' coo' móo' dsée' e ni'í' fí' ni~ jmí' lí' laco'gui la ta' e caqui' Fidiée' e nijmér', jo cóo' e job nilí'r' nileáiñ' jaléng' dsea' sináa' quiá'r' mi' tí' lí' nitú' e jmí' dsiing' do. Jo co' jáb' calíng' Noé júu' quiá' Fidiée', joba' dsea' ja' røøm' dsee' ca'uíñ' fí' quini' dsea' do, jo dsu' jaléng' dsea' jmígüi' caguaang'gui ca'naam'bre quiá' Fidiée' lata'.

⁸ Jogui 'lí' yáa' Abraham la'eáang' e jáb' caliñ' júu' quiá' Fidiée', joba' cajmée'bre náa'r' mi' cajíng' dsea' do e 'né' nitár' góor' jo nidsér' nidsigüear'

fí guóo'~ uó' fí lí~ huíí' fí lí~ nicajíng'~ Fidiée' e nicuó'~reíñ' lamí~ jéeng'gui. Joba' cagüi'ñ'bre e fí góor' do colíng'~ cóo'~ jaléng' dsea' sinúu' quiá'r~ cóo'~ gui jalé' e sea' quiá'r~ e jíí'~ ja' ñir' jie' fí lí~ ngóor'. ⁹ Jo la'eáang' e jáb'~ calíñ'~ júu' quiá'- Fidiée', joba' cangó'~bre cangogüear' e fí guóo'~ uó' fí lí~ cajíng'~ dsea' do lamí~ jéeng'gui e nicuó'~reíñ' e nigüear' lafa' dsea' i jáa' fí lí~ jie'. Jo 'núu' 'mib' cajme'r' e caguár', jogui lajob calí'~ nu' i jóor' i sii' Isáa' do jogui i guieer' i sii' Jacóo' do cajo, jo laji' huáang'~ i dseañu' na ca'ím'~bre lajíí'~ e cajíng'~ Fidiée' e nicuó'~reíñ' lamí~ jéeng'gui lí'~ laco' ca'íng' dsea' cóong'~ quiá'r~ cajo. ¹⁰ Jo i 'líi' yúu'~ Abraham do dseáng'~ lamí~ sijeem'bre e nigüear' e fí fíi' 'míi' e ja' tóo' jmi'~ ni'íng'~ e cajíng'~ Fidiée' e nicuó'r' dsea' do. Jo 'ñiab' Fidiée' dsea' caguiar' guiá'~ jogui cajme'r' e fíi' jo.

¹¹ Jo la'eáang' e já'~ calíng'~ Abraham júu' quiá'- Fidiée', joba' caquí'~bre jmi'~ e caliséng' jóor' cóo'~ dseam' quiá'r'~ i sii' Sara, nañí' fa' eáam' nídseáaiñ' laji' huáaiñ' do. Jo lajob calí', co' dseáng'~ jáb'~ calíñ' e nijmitib' Fidiée' lajíí'~ júu' e nicacuó'~reíñ' lamí~ jéeng'gui. ¹² Jo ja' e líi' e eáam' nídseáang'~ 'líi' yúu'~ Abraham mí' tí' lí' canaang' e liseeng' jóor', dsu' mí' cang'gui lajo, i 'leáam' dsea' sijur' caliséng' lí'~ laco'gui la fíng'~ núu' i sitóng'~ fí yú'~ jmi'güi' mí' canu', osi lí'~ laco' la jmi'gui'~ tóo'~ e néé' 'ni' jmi'ñí'~ e jíí'~ ja' quí'~ dsea' jmi'~ nijmi'í'~.

¹³ Jo jalém'~ i dsea' í' cajúm'~bre mí' catí' í' lajo quiá'- lajaang' lajaaiñ', jo jíí'~ ja' mí' ca'ím'~bir lajíí'~ e cajíng'~ Fidiée' e nicuó'~reíñ' do lamí~ jéeng'gui. Jo co' jaléng'~ i dsea' do jáb'~ calíñ'~ júu' quiá'- Fidiée', joba' líi' e lafa' ca'ím'~bre jalé' e jo; jo cóo'~ jalé' e jo cajmée' e íaam' dsír', co' calilí'~bre e o' dseáng'~ góor' fí jmi'güi' la, co' lí'~ cateá'ba' ngíng'~tear fí jmi'güi' la lafa' jaang' dsea' i iuung' fí.

¹⁴ Jo jaléng' dsea' i í' dsíi' e o' dseáng'~ góor' fí jmi'güi' la, joba' cuó'~ lí' quiá'r' e sijeem'bre e nidsilíñ' e fí fíi' 'míi' quiá'- Fidiée'. ¹⁵ Co' faco' jaléng'~ i dsea' do guim'~bi dsír' uui' quiá'- e fí lí' ca'uóñ' do, joba' caquim'~tur jóng e fí jo faco' mí' cajmээр' lajo. ¹⁶ Dsu' jaléng'~ i dsea' í' eáang'gui b calí'íiñ' e nidsigüear' e fí fíi' 'míi' e jlo' eáang' quiá'- Fidiée' e sea' fí ñifí'. Jo uing'~ e joba' Fidiée' ja' jáa' e í' líiñ' e líiñ' Fidiée' quiá'- i dsea' do, co' nicagua'bre guiá' e fíi' 'míi' jo fí lí' nidsigüea' i dsea' quiá'r' do lata'.

¹⁷ Jogui la'eáang' e jáb'~ calíng'~ Abraham júu' quiá'- Fidiée', joba' calinúu'~bre lajíí'~ e camí' Fidiée' ír' mí' calí'iing'~ dsea' do e ñir' su dseáng'~ nijmiti' Abraham lajíí'~ e nicajíng'~ dsea' do e nijngáiñ'~ i jóor' Isáa' do e laco' nicuó'ñ' dsea' do. Joba' ie' jo dseáng'~ ni'íi' ñijlí'~ quiá'r' e si'í'~ nijngám'~bre i jóor' do, jo ja' e líi' e Fidiée' nicacuó'r' júu' quiá'r' lamí~ jéeng'gui mí' cajíñ'~ lala: ¹⁸ "La'eáang' cóo'~ i jóo' Isáa' nab niliseeng' i fíng' dsea' sijú' lí' laco' júu' quié' e e cacuó'~ ò' nu' lamí~ jéeng'gui." ¹⁹ Jo co' niñib' 'líi' yúu'~ Abraham ie' jo e quí'~b' Fidiée' jmi'~ nijmér' doñí' ee' j'gui e nijmijí'r' jaléng'~ 'líi'~ joba' lajob cuó'ng' lí' fe' ee' quiá'- i jóor' Isáa' do e lafa' cajíb'~tuiñ' do, co' ja' cajúíñ' ie' jo, jo e jo líi' coo' lí' e nidsijée' cøong'gui.

²⁰ Jogui la'eáang' e jáb'~ calíng'~ i Isáa' do júu' quiá'- Fidiée', joba' cacuó'bre júu' quiá'r'~ i jóor' gáng' do i sii' Jacóo' jogui i sii' Esaú e guiáb' nidsijée' quiá'ñ' do.

²¹ Jogui la'eáang' e jáb'~ calíng'~ i Jacóo' do júu' quiá'- Fidiée', joba' lajee' e tí' lí' nijúuiñ'~, cajmigüeam'~bre lajaang'~ lajaang'~ i guieer'~ i líng' jóo' Sé' do, jo lajee' jo cajmiféiñ' Fidiée' e siñúuiñ' e cuó'~ 'ma'u' quiá'r' do.

²² Jogui la'eáang' e jáb'~ calíng'~ i Sé' í' júu' quiá'- Fidiée', joba' cajíñ'~ casí'r' jaléng' dsea' sinúu' quiá'r' lajee' e niráaiñ' e tí' lí' nijúuiñ' e fí Egipto do e ni'uóm' jaléng' dsea' góor' dsea' Israel mí' n'ngóo'gui jíi' lajo, jo nidsilíñ' fí guóo'~ uó' lí' nicajíng'~ Fidiée' e nicuó'~reíñ' lamí~ jéeng'gui. Jogui casí'~gui Sé' jaléng'~ i dsea' sinúu' quiá'r' do e nicóo'~biñ' do e móo' teáaiñ'~ fí coo' dsíi'

guóo' mi~ tí li~ nitaiñ'~ fí e nidsiliñ' e fí jo, co' jo' seeng' i Sé^ do mi~ nití~ e í' jo.

²³ Jogui la'eáang' e jáb'~ calíng~ sejmii' Moi~ júu^ quiá'~ Fidiéé', joba' ca'méem~bre i yuu' Moi~ do quiá'r~ lajee' gaang' si' mi~ cangf' e caliséiñ' do; co' calilí'~bre e Fidiéeb' caguíng' i yuu' do quiá'r~, jogui ja' cajmi'gór' lajii'~ ta' caquiá' dseata~ dsea' féng' ie~ jo e 'né~ nijúung~ jaléng' yuu' siñuu^ quiá'~ dsea' Israel.

²⁴ Jogui la'eáang' e jáb'~ calíng~ i Moi~ do júu^ quiá'~ Fidiéé', joba' mi~ tí li~ cacuaíñ~, ja' cali'iiñ~ fa' e nifé' dsea' e calí~ niquiá'r^ i dseamf' i líng' jóo' dseata~ dsea' féng' do, i dseamf' i cajmicuóo' quiá'r~ jii'~ ie~ latí' mi~ cadséng' neiñ' do e fí 'ni' gua' Nilo. ²⁵ Jo ja' cali'iiñ~ fa' e calíñ~ dsea' sináuu^ quiá'~ i dseata~ dsea' féng' quiá'~ Egipto do, jo cóo'~ dsea' góor' dsea' Israel cangotáaiñ~, co' eáang'gui cali'iiñ~ e ni'íñ' iihu' lí^ laco' la íng' dsea' góor' e lafa' e caliséiñ' juguiá' e nijmi'óor'~ cateá' jalé' e ja' dseeng' e sea' fí jmi'gü' la. ²⁶ Co' ie~ jo ca'f' dsí' i Moi~ do e guiá'~ guib ni'uúing~ quiá'r~ e ni'íñ' iihu' uí' e sijeeiñ' i dsea' i nisíng~ Fidiéé' i nileáang~ ír' cóo'~ gui jaléng' i dsea' góor' dsea' Israel e lafa' e niliseeñ' juguiá' e nijmi'óor'~ jalé' e jlo' e sea' fí quiá'~ i dseata~ dsea' féng' quiá'~ Egipto do; jo ja' cajméer' lajo, co' nitab' dsír' e ni'ím'bre lajii'~ e catíiñ~ e nicuó'~ Fidiéé' ír'.

²⁷ Jogui la'eáang' e jáb'~ calíng~ i Moi~ do júu^ quiá'~ Fidiéé', joba' cagü'í'bre cóo'~ jaléng' dsea' góor' e fí Egipto do e jii'~ ja' lí'r^ 'gór' doñí' fa' dsíng'~ caligúing~ i dseata~ dsea' féng' do; jo ja' caquúíñ'~ tucaiñ' fí li~ nisiñ', co' náuu'~bre cajméer' laco' si'í' júu^ quiá'~ Fidiéé' lí^ laco' cuóong' fe'ee' e fa' dseáng'~ lanab níiñ~ i Fidiéé' i seeng' car' ngong' jmi'. ²⁸ Jogui la'eáang' e jáb'~ calíñ~ júu^ quiá'~ Fidiéé' ie~ jo, joba' coo' jmi' ná'~gui e ni'uóíñ' cóo'~ jaléng' dsea' góor' e fí Egipto do, cajmées'bre náur' júu^ quiá'~ Fidiéé' mi~ caquiá' dsea' do ta' quiá'~ lajaléng' dsea' Israel e nisúuiñ'~ capí' jmi' jó' núu' fí dse' jni' quiá'r~ lajaang' lajaañ~, jo lajoba' ja' nijúung~ i jiuung~ siñuu^ la'uii' quiá'r~ do mi~ tí li~ ningíng~ i dsea' mojí' i nijngáng'~ jaléng' i jiuung~ siñuu^ la'uii' quiá'~ dsea' Egipto lí^ laco'gui la ta' caquiá' Fidiéé' lamí' jéeng'gui.

²⁹ Jogui la'eáang' e jáb'~ calíng~ dsea' Israel júu^ quiá'~ Fidiéé', joba' mi~ tí li~ ca'uóóíñ' fí Egipto e cangotáaiñ'~ fí, jo lajee' teáaiñ'~ fí cacuo'r' e jmi'í' e sií' mar Rojo lí^ lafa' mi~ ngir' fí ni~ guóo'~ uó' quiá'; jo co' ngolíng~ dsea' Egipto e óom'bre dsea' do, jo dsu' mi~ tí li~ caguilíng~ i dsea' Egipto e nicuá'r' e jmi' jo, jo lajee' e ningolíñ'~ guiá'~ jóob' jmi'í'~ mi~ cajgó'r' jmi', joba' conguiab' cajúíñ~ lajiiñ' jóng.

³⁰ Jogui la'eáang' e jáb'~ calíng~ dsea' Israel júu^ quiá'~ Fidiéé', joba' cangir' coo' ya' lacoo' jmi' lajee' guié' jmi' fí lacúng' lajíng' e iá' cuu' e ní'í' eáang' e si' lacúng' e fii' Jericó. Jo mi~ catí' e jmi'~ guié' do, job mi~ caqui'~ e iá' cuu' do.

³¹ Jogui la'eáang' e jáb'~ calíng~ i dseamf' i calisí Rahab do júu^ quiá'~ Fidiéé', joba' ja' cajúíñ'~ colíing~ cóo'~ i dsea' góor' i seeng' fí Jericó do mi~ tí li~ ca'íng~ e fii' jo; co' i dseamf' do guiáb'~ ca'íñ'~ coo' tú~ máng'~ dsea' Israel i caguilíng~ fí quiá'r~ lamí' jéeng'gui i cangoquie' cuente jial lí' e fí jo. Jo i Rahab do lamí' jmóor' ta' 'níng' 'ñia'.

³² Jo jmi'guiá'bi sea' e 'né~ fii' i 'nú'~ faco' dsitíng'~ quié' e lajo: fa' jalé' júu^ quiá'~ jaléng' i dsea' la i já'~ calíng~ júu^ quiá'~ Fidiéé' ie~ malí'~gui eáang' do lí^ lajaléng' i dseañu' la: jaang' i calisí Gedeón cóo'~gui jaang' i calisí Barac jogui jaang' i calisí Sansón cóo'~gui jaang' i calisí Jefe' jogui jaang' i calisí dseata~ Daví' cóo'~gui jaang' i calisí Samuel, jogui jaléng' dsea' i café' cuaiñ' quiá'~ Fidiéé' cajo. ³³ Jo la'eáang' e jáb'~ calíng~ jaléng' i dsea' na júu^ quiá'~ Fidiéé', joba' calí'bre jalé' 'ni' e catíiñ' cóo'~ dsea' jéng', jogui ca'í'bre í' røø

jee~ jaléng' dsea, jogui ca'ím'bre jalé' e guiá~ e cajíng' Fidié~ e nicuó' reiñ' lamí~ jéeng'gui, jogui caquí~bre jmí~ e caláaiñ~ e ja` cajmeáng' ie' ír' jii~ coo` mí~ cangotáaiñ~ fí' jee~ i jó' í. ³⁴ Jogui calisémbi cajo i líng~ dsea i caquí~ jmí~ i cayu' jí jo ja` cacáaiñ~ cóo' e jí do, jogui calisémbi i caquí~ jmí~ i caleáng' yaang~ e ja` cajúíñ~ cóo' ñisu', jogui calisémbi dsea i caguá~ fong', joba' dsea laniim~ ca'uíñ~ quiá' jalé' jee' 'nií jogui calí'bre jaléng' dsea i 'ní' ní~ quiá'r~ cajo. ³⁵ Jo calisémbi jaléng' dseam' ie~ jo e la'eáng' e jáb' calíñ~ júu^ quiá' Fidié~, joba' cangáb~tur e cají'tu jaléng' dsea sinúu^ quiá'r~ mí~ cang' e nicajúíñ~.

Jogui i líng~gui i dsea i já' calíng~ júu^ quiá' Fidié~ do ca'ím'bre iihuí' e eáng' cartí cajúíñ~, co' cajmeáng'gui quiá'r~ e cajúíñ~ e laco'gui e nileáiñ' ní' 'mó' fíng catúr~ júu^ quiá' Dsea Jmáang~, co' calilí'bre e guiá~gui nidsijé' quiá'r~ mí~ nijí'tur calé' catú' fí' ñiff'. ³⁶ Jogui i líng~gui i dsea do eám' ga' ca'ée' dsea cóo'r~ co' cartí cabóong~neiñ' jogui calóong~neiñ' cajo, jogui i líng~gui ca'ñung' cóo' ñí' cadena, jogui i líng~gui cajo cangotáang' fí' dsí' 'nañí'. ³⁷ Jogui i líng~gui i dsea i já' calíng~ júu^ quiá' Fidié~ do cajngab' dsea quiá'r~ cóo' layaang~ cuu~ osi cajméer' tú' 'náang' dsea do cóo' ñí' sieer' é, osi cajúíñ~ e caliéíñ~ ñisu' é. Jogui calisémbi i dsea í cajo i ja' 'ga' lí caliseá' jalé' e 'né', jogui cangir' fí' la fí' na e jii~ loo~ jó'ba' lí' sí'r^, jogui eám' ga' cajmeáng' jaléng' dsea ír', jogui cacuó'reiñ' iihuí' e eáng' cajo. ³⁸ Jo jaléng' i dsea í jii~ ja' catííñ~ e nidsingííñ~ jalé' e iihuí' do e fí' jmigüí' la fí' lí' seeng' dsea dsee~ dsea qui', jo dsu' jaléng' i dsea í eám' calíñ' iihuí' e ngir' fí' la fí' na fí' jee~ mó' jogui fí' ní' guóo' uó~ quiú', jogui e jar' fí' ná' lí' sitá' 'loo' cuu~ fí' lí' í' quiá' osi lacaang' lí' sitá' quiá' fí' 'náang' uó~ é.

³⁹ Jo nañí' fa' ca'ím' Fidié~ jaléng' i dsea do e lííñ' dsea i ja' røong' dsee~ fí' quinir' uí' e jáb' calíñ~ júu^ quiá' dsea do, dsu' jii~ jaang' i dsea do lajee~ taaiñ' fí' jmigüí' la calíñ' lajii~ e nicajíng' Fidié~ e nicuó'reiñ' lamí~ jéeng'gui quiá' e nisíñ~ jaang' i nileáng~ ír' jee~ jalé' dsee~ quiá'r~; ⁴⁰ dsuco' Fidié~ nicagui'r' e guiá~gui qui' jneaa'aa', joba' jaléng' i dsea i cajúng~ lamí~ jéeng'gui do ja' mí' calíñ' lajii~ e nicajíng' Fidié~ lamí~ jéeng'gui e nicuó'reiñ' cartí mí~ niñíng'naa' lajalé'naa' e nicajíng' Fidié~ e nicuó'r~ jneaa'aa' lamí~ jéeng'gui.

12

Jesúsbing' i 'né~ quie' nif' qui' ii'

¹ Jo co' fíim' jaléng' dsea quiá' Fidié~ i nicaliséng' ie~ malí' do tí' nir~ fí' quini'naa' lana jial dseáng' já' calíñ~ júu^ quiá' Fidié~ e car' ngocáng' dsíir', joba' jneaa'aa' lanagui 'né~ e nisée~naa' cab' jalé' e ja' dseeng' e jmóo' jii' qui' ii' jogui jalé' dsee~ e jnáng' qui' ii' e ja' cuó' fí' e nijmó'naa' e guiá~, jogui 'né~ e nijmí'úung'naa' e teá'gui nisíng'naa' lajii~ fí' guiá~ lí' nitée~naa' lí' laco' catíng~ e nijmé~ jaléng' dsea quiá' Dsea Jmáang~. ² Joba' fí' i 'nú', dsea rú'naa', e lí' laco' ca'éé' Jesús, lajob 'né~ quie'naa' cuente e ni'ee~naa' cajo, co' la'eáng' dsea dobing' canaang' e já' lí'naa' júu^ quiá' Fidié~, jogui la'eáng' íb' cajo i jmi'ie' e laco' sí'í' e já' lí'naa' do. Jo Jesús ja' caquííñ'~ tucaiñ' mí~ ca'íñ' jalé' iihuí' lajee~ e catíñ~ fí' dse' crúu^ nañí' fa' e eám' ga' fí'í' quiá' jaléng' dsea i júung~ fí' jo. Co' niñí'bre e mí~ ning' e ni'íñ' e iihuí' jo, eám' guiá~ ni'uíng~ quiá'r~; jo e jáb', lajob calí', co' lana dob niguiíñ' fí' ñiff' lí' lí' dsée' laco' guiíng~ Tiquiá'r^ Fidié~.

³ Jo uí' joba' íi' óóna' jalé' e guiá~ e cajmée' Jesús lajee~ e ga' cajmeáng' jaléng' dsea dsee~ dsea qui' ír', jo uí' joba' ja' 'né~ fa' e nijmí'fíng' yaang~na' o'gui fa' e nijmitúng^ áa'na' e teáng~na' fí' guiá~ cóo'r~. ⁴ Co' 'nú' ja' mí'

calíng'na' fa' e nicajúng-na' uí' e cuø'na' bí yaang-na' e ja`nijiúng'na' fí ni` dsee-. ⁵ Jogui 'né- e tóob`áa'na' cajo jalé' e cajíng'- Fidiéé' fí ni` jì quiá'r- e sí'r jaléng' 'nú', dsea`líng'na' jóor', co' lalab fé'r' fí ni` e jì jo:

Jóo`o, ja`jmoo' laan' mi` ñi' 'goo`quí'-'
o'gui jmitúng`o' cajo mi` jín`n 'nu`.

⁶ Co' ñb`jneá` 'goo`quíá'- i dsea` i 'neáan'n,
jogui røøb`quidsii` í' cajo quiá'- i dsea` i líng' jóo`o.

⁷ Joba' fí`i 'nú' e ni'ím'`ba' lajii'~ e 'goo' e ñ' Fidiéé', jo lajoba' dsea` do nito' fíim`bre 'nú' e líng'na' jóor'; co' ja`jie' lí` seeng` jaang` jóo` dsea` i ja` ñ' tiquiá'^ 'goo'. ⁸ Co' song Fidiéé' ja` ñr` 'goo`quí-na' mi` 'né- lajo lí'^ laco' jmóor` cóo'~ jaléng' jóor', joba' cuøøng` fe`ee' jóng e jaléng' 'nú' ja` líng'na' dseáng'- jóo' Fidiéé' jóng. ⁹ Co' ie` lamí` jiuung`naa' do, ñb` tiquí'ii' 'goo`quí-ii' laco' catíng-, joba' jmi'goo`baa're. Jo eáang`guib 'né- e nijmi'goo`naa' Tiquí'ii' Fidiéé' dsea` guíng` ñifí` mi` ñr` 'goo`quí-ii', jo lajoba' nilí'naa' e nilisee`naa' cøøng` cóo'r` lata`. ¹⁰ Jo lajee` e seeng`teáa' fí` jmigüí` la, ñb` tiquí'ii' 'goo` cajo lí'^ laco' jii'~ e í` dsír' e guiá`gui qui`ii'. Dsu' Fidiéé'gui ñbre 'goo`quí-ii' e lí'^ laco' nilí'íng` ta` qui`ii' car` ngong` jmi`~, jo lajoba' ni'uíng`naa' dseáng'- dsea` guíng` lí'^ laco' líiñ` 'ñia'r'. ¹¹ Dsu' e já'-, ja` cuø' e íaang` dsí'naa' dseáng'- ladsifí` mi` ñ' Fidiéé' 'goo`quí-ii', co' huím`jiá` lí' lajee` jo; jo dsu' song ni'íng'naa' e jo e ja` sée'naa' dsee-, joba' guiáb- ni'uíng` qui`ii' jóng, co' lajoba' e niíng'naa' e nilisee`naa' juguiá` cóo'~ Fidiéé' e jmoo`naa' lajii'~ e iing` dsea` do.

Dseáam'~ mi` ja` iing` dsea` núr` júu` quiá'- Fidiéé'

¹² Jo fí`guí` 'nú', dsea` rú'naa' dsea` quiá'- Dsea` Jmáang-, cuøø'gui bí yaang-na' e laco' ja` nilitúng` áa'na' mi` í' óo'na' e eáam` huíng` lajii'~ e fí` guiá` lí` niteáang`na', ¹³ jogui jmi'úung'na' e teá'gui nisíng`na' e fí` jo, jo lajoba' cuøøng` e nijmicóo'na' jaléng' i dsea` rúng'na' i ja` 'goo`teáang` teá' e fí` guiá` jo e laco' teá'gui nisíñ'- fí` jo.

¹⁴ Jo jmi'úung'na' e seeng`na' juguiá` júu` røø` cóo'~ jaléng' dsea` rúng'na', jogui jmi'úung'na' cajo e laco' ja` nijiúng'na' fí` ni` dsee-, co' jii'~ jaang` dsea` cuøøng` liseeiñ` cøøng` cóo'~ Fidiéé' song ja` ni'náng` 'ñia'r` jee` jalé' dsee` quiá'r-. ¹⁵ Jo jmi'úung'na' lajaléng'na' e laco' ja` nitá'na' lajii'~ e guiá` e ngíng'na' quiá'- Fidiéé'. Jo ja` cuø' fí` yaang-na' cajo fa' e nijmée'na' guíng`na' uii` quiá'^ jaléng' dsea` rúng'na', co' e jo lí' lafa' e nilíng'na' cóo' onuu` e guí-; co' fíng` líng'na' lajo, joba' dseáam'~ e ni'lee`na' quiá'- jaléng' dsea` rúng'na' jogui e nidsicuáng`gui dsee` qui`na' cóo'~ jaléng' dsea` caguaang`gui. ¹⁶ Jo jii'~ jaang` 'nú' jie` mí` 'lee`na' e nigüíng'na' cóo'~ dsea` i o' qui`na', jogui jie` mí` jmoo'na' e ja` nijmi'goo'na' lajii'~ ta` quiu' Fidiéé' lí'^ laco' cajmée` jaang` dseañu' i calisí` Esaú ie` malí`gui eáang` mi` ja` cajmi'gór` lajii'~ e catíiñ` quiá'- Fidiéé'; co' i dseañu' í` líiñ` síñu` la'uii` quiá'- tiquiá'r', jo dsu' catábre e líiñ` lajo ie` lamí` casiúíñ` cóo' huí' e a` jmiñi'. ¹⁷ Jo ñib` 'nú' guiá` e mi` cangí`gui lajo, mi` cali'íng` tiquiá'r` e nicuø'-reiñ` lajii'~ e catíiñ` do dsu' uí' e líiñ` jóor' la'uii~, dsu' ja` caquí'~ jmi` fa' e calíng`guir e jo, co' catábre e líiñ` lajo lajii'~ lamí` jéeng`gui; jo nañí` fa' eáam` camir` jmi'ee` cartí` caqui'r' ie` jo, dsu' jo` e mí` caliseá` quiá'- lajii'~ e cajmээр` do.

¹⁸ Jo fí`guí` 'nú', dsea` rú'naa' dsea` quiá'- Dsea` Jmáang-, e ja` caguiquiéeng'na' fí` quini` Fidiéé' laco'gui cajmée` dsea` áang` qui`naa' dsea` Israel ie` lamí` cangoquiéeiñ` e fí` tí` mó' Sinaí ie` lamí` cangíiñ` e júu` quiu' ta` quiá'- Fidiéé'; co' ie` jo e fí` jee` mó' do uøø` níng` jì jogui sibé' jnii' e nuu` só' jogui e eáang` ñ' guí` jogui e quie' güi'ñiá' cajo; ¹⁹ jogui canúur` cajo jial tí' teá' ca'ii` lúu' trompé'^ jogui canúur` jial tí' teá' caná' luu` Fidiéé'. Jo jaléng'

dsea` i canúu~ luu~ Fidiée` ie~ jo camir' jmi'ee` e niqiuúm'~ dsea` do lajii~ e fé'r' do, ²⁰ co' ie~ jo dseáng'~ eáam' cafóng' jaléng' i dsea` do mi~ canúur~ e caquiú' Fidiée` ta` lala: "Doñi' i~ dsea` i nisi' tii~ e fi' mó' la 'né~ nijúum~ bre cóo'~ layaang~ cuu~ osi cóo'~ ñisú' é, jo ja' e lí' doñi' fa' jaang' jó', lajob 'né~ líng~ne' cajo." ²¹ Jo dseáng'~ eáam' cafóng' jaléng' dsea` áang' qui~naa' mi~ cangár~ jalé' e jo, co' j'gui carti' Moi~ cajiñ'~ ie~ jo e 'gó'r' carti' jléeiñ'.

²² Jo dsu' jaléng' 'nú' ja' calíng~na' lajo, co' niseab` fi' quií~na' e nigüiquiéeng'na' dseáng'~ condsée' e fi' yú' mó' Sión fi' dseáng'~ lí' guíng~ Fidiée` i seeng` car` ngongú' jmi~, jo e fi' job lí' sii Jerusalén 'mú~ e sea` fi' ñifi' fi' lí' siseáng' i 'leáng~ ángeles i jmféng' Fidiée`. ²³ Jogui lana niseab` fi' quií~na' e niseáng'na' colíng~ cóo'~ jaléng' dsea` quiá'~ Dsea` Jmáang~ i caliséng' ie~ malii~gui do jo i nitaang~ fi' ni~ j' quiá'~ Fidiée` fi' ñifi'. Jogui cajo niseab` fi' quií~na' e nigüiquiéeng'na' fi' quini' Fidiée` i quidsi' í' laco' catíng~ quiá'~ jaléng' dsea` jmigüí; jogui niseab` fi' quií~na' e niseáng'na' colíng~ fi' ñifi' cóo'~ jalé' jmigüí quiá'~ jaléng' dsea` i nicaláang~ jee~ jalé' dsee~ quiá', jo lana nilíiñ' dseáng'~ laco' iing~ Fidiée` e líiñ'. ²⁴ Jo niseab` fi' quií~na' cajo e cuøøng` e nigüiling'na' dseáng'~ condsée' fi' quini' Fidiée` fi' lí' nigüing~ Jesús lana, i dsea` i caneáa' e fi' jo. Jogui íb` dsea` cajo i cacuø' jmi'øøng~ e laco' sea` fi' quiá'~ jaléng' dsea` lana e niliseeñ' cøøng` cóo'~ Fidiée` la'eáang' cóo'~ e júu' tigua` e 'mú~ e cacuø' Fidiée'; co' e jmi'øøng~ Jesús do eáang'gui laniing~ laco'gui e jmi'øøng~ Abel i caliséng' ie~ malii~gui do.

²⁵ Joba' fii' i 'nú', dsea` rú'naa' dsea` quiá'~ Dsea` Jmáang~, e contøøm~ 'né~ ñiing~ óo'na' e nijmée'na' núu'na' lajii~ júu' e sí' Fidiée` jneaa'aa', dsuco' ne'baa' e ie~ malii~gui do jaléng' i dsea` i ja' calinúu' júu' quiá'r~ ja' caláaiñ~ jee~ jalé' iihuí'. Jogui jneaa'aa' eáang'guib ja' quií~naa' jmi~ fa' e nileáng'naa' jee~ jalé' iihuí' e catii~naa' song nijmó'naa' laang'naa' lajii~ e júu' e sí' Fidiée` jneaa'aa' e cangúñ' cóo'~ Jóor' Jesús fi' jmigüí la e jáa' tí' ñifi'. ²⁶ Jo ie~ malii~ do e luu~ Fidiée` do cajmée' e cajlé' guoo'~ uø' fi' mó' Sinaí, dsu' lanagui jing'~ Fidiée` e o' jii~ guoo'~ uø' nijmér~ e nijlé~tu, co' la quie' tí' yú' jmigüíb' nijmér~ e nijlé'. ²⁷ Jo mi~ fé' Fidiée` e nijmér~ e jo calé' catú', joba' niñi' dsea` e ni'ím~ dsea` do jalé' e cajméer' mi~ caguia' uiiñ~ jmigüí, jo nisé~guir fi' jmigüí la lajii~ e ja' qui'~ jmi~ e ni'íing~. ²⁸ Jo ja' qui'~ jmi~ fa' e ni'íing~ e Fidiée` quier' nifi' quiá'~ jaléng' dsea` quiá'r~, joba' lana 'né~ nicuøø'baa' gui'máang' dsea` do jogui e nijmféng'naa'r e ngocáng' dsí'naa' jogui e nijmi'goo~naa'r e nijmó'oo' jmang'~ jalé' e tí' dsír'. ²⁹ Joba' majmé'naa' lajo, co' Fidiée` quií~ii' líiñ' lafa' cóo' j' e íng~ congua' lajalé'.

13

Jalé' e iáang' dsí' Fidiée'ba' 'né~ jmó'oo'

¹ Jo lalab fii' guí' 'nú', dsea` rú'naa' dsea` quiá'~ Dsea` Jmáang~, ja' tiúung'na' e jmi'neáang'na' jaléng' dsea` rúng'na' lí' laco' catíng~ e jmóo' jaléng' dsea` quiá'~ Dsea` Jmáang~. ² Jogui íng'na' e iáang' óo'na' jaléng' dsea` i guíling~ fi' quií~na' i jalíng~ fi' lí' jé', co' mi~ cajmée' dsea` lajo lamí' jéng'gui, i líng~ i dsea` i caguíling~ fi' quiá'r~ do líiñ' ángeles e jii~ ja' calilí'r' e líiñ' do lajo.

³ Jogui jmicóo'na' jaléng' dsea` i sijníng' fi' dsí' 'núñi' lí' laco' iing~na' e nijmé~ dsea` cóo'~ 'nú' fa' mi~ 'nú' sijníng'na'. Jogui jmicóo'na' cajo jaléng' dsea` i nicajmé' dsea` ga' quiá'~ lí' laco'gui iing~na' e ni'é~ dsea` guíá~ cóo'~ 'nú' song cajmeáng' dsea` 'nú' lajo.

⁴ Jo lajaléng' 'nú' eáam' 'né' e nijmi'goo'na' quiá'~ e cung' guoo' dsea`, jogui jie~ mí' lee'na' e güíng'na' cóo'~ dseañu' osi dseamí' i o' quií~na'; co' Fidiée` niquidsi' í' laco' catíng~ quiá'~ jaléng' i dsea` i güíng' cóo'~ dseañu' osi

dseamí mi~ nú-gui e nicúng' guór` osi jaléng' i dsea` i jmoo` lajō cóo~ dsea` i o' quíar- mi~ ningí e nicúng' guór`.

⁵ Jō ja` jmoo`na' e eáang' suung`na' jalé` cuu-, cō' lí' lí' 'né- e nijmi'iaang' óo`na' cóo~ lajii~ capí^ e sea` quíi-ba', cō' lalab fé` Fidiée` fí ni` jì quíar-: "Ja` quíi- jmii~ fa' e nijmihuíng` 'ñiá`a cóo~ 'nua` o'gui fa' e nitiúun`n 'nua` cajo."

⁶ Joba' lalab cuøng` fé`naa' e dseáng' ta~ dsi`naa':

Fíi` Fidiée` dsea` i jmicóo~ jnea~;

jōba' ja` gó'o jii~ capí^ ee` iing~ dsea` jmigüi` nijmér- cóo~ jnea~.

⁷ Jogui jmiguiéng' áa`na' cajo quíar- jaléng' dsea` rúng`na' dsea` quíar- Dsea` Jmáang- i nicajmicóo~ 'nú` lamí~ uii~ quíar- jial já- calíng`na' júu^ quíar- Fidiée`; jogui íi` óo`na' jial caliséiñ` cøng` cóo~ Fidiée` cartí catí í' e cajúñ-, jōba' teágui síng' yaang`na' cóo~ júu^ quíar- Dsea` Jmáang- lí' laco'gui cajmée` i dsea` í cóo~ júu^ quíar- dsea` do.

⁸ Jō ja` sisíng` jii~ capí^ Fí`naa' Dsea` Jmáang-, cō' røøb` líng' dsea` do lati' lajii~ lamí~ nú-gui e nitiroo` jmigüi` jogui lana lí' car` ngongí` jmii~ lajōb` líng' dsea` do. ⁹ Jō ja` cuø' fí yaang`na' fa' e nijmi'goo`na' jalé` júu^ e ja` cøøng` røø` cóo~ júu^ quíar- Dsea` Jmáang-. Cō' eáang`gui quíng' e tée`naa' teá fí` guíar- cóo~ Dsea` Jmáang- la'eáang' e 'neáang' Fidiée` jneaa`aa' e lafa' e jmití`naa' júu^ cuaiñ~ quíar- jalé` e cuøøng` osi e ja` cuøøng` dō' dsea` é; cō' jalé` e jō ja` ee` ta~ íing` jii~ cōo' fa' e nijmicóo~ quí`ii' fí lí' nitée`naa'.

¹⁰ Jogui jneaa`aa', dsea` lí`naa' dsea` quíar- Dsea` Jmáang-, seab` lafa' feá'- quí`ii' e jii~naa' fí` quini` Fidiée` mi~ jmiféng`naa're. Jō dsu' ja` fí` sea` quíar- jaléng' jmidsea` i lamí~ jii' jalé` feá'- fí` quini` Fidiée` lamí~ jéeng`gui fa' e nidø'r- e lafa' feá'- quí`ii' do. ¹¹ Cō' ie~ lamí~ jéeng`gui do, e ta~ quíar- jmidsea` laniing- quíar- dsea` Israel quíar- e nidsicar' jii~ jmí` jó' catí` Ée` lí' Laniing- Güeang` quíar- e 'núu' 'mi' e lí~ jmiféng' jaléng' dsea` do Fidiée`, jō cuø'r' Fidiée` e jō e laco' la'uii~ ni'íng- dsee- quíar- 'ñia'r', jogui mi~ ningí jō, ni'íng- dsee- quíar- jaléng' dsea` góor'; jō dsu' i jó' i ca'uøø` jmi'øøng- do, cartí caluu` fii`b` dsijiiñ` í. ¹² Jō lajōb` calí- cóo~ Jesús cajo, fí` caluu` fii` Jerusalén cajúñ- e laco' cóo~ e jmi'øøiñ- e catuu` do cajmээр` cóo~ jaléng' dsea` quíar- e jō røøng`guiiñ` dsee-. ¹³ Joba' fii`-i 'nú', dsea` rú`naa' dsea` quíar- Dsea` Jmáang-, 'né- e lafa' e nidsé`naa' cóo~ dsea` do fí` caluu` fii` e ja` í' lí`naa' fa' jialgui la fé` dsea` ga` uii~ quí`ii' lí' laco'gui cajmée` dsea` cóo~ dsea` do. ¹⁴ Cō' ja` sea` quí`ii' fí` jmigüi` la lí` see`naa' lata~, dsu' sijeem`baa' e nilisee`naa' e fí` fii` 'má- quíar- Fidiée` e néé` fí` ñifi- quíar-, cō' e jōb` fii` e sea` lata~. ¹⁵ Jō uíi~ e jōba' contøøm- 'né- jmiféng`naa' Fidiée` la'eáang` cóo~ Fí`naa' Dsea` Jmáang-, jō e lab lí' lafa' e feá'- e 'né- e nijjii~naa' fí` quini` Fidiée`. jō contøøm- 'né- e nijmiféng`naa're cóo~ lajalé` e fé`naa'! ¹⁶ Jō e laba' 'né- cajo e contøøng- 'né- jmée`na' e ni'ee`na' guíar- cóo~ jaléng' dsea` rúng`na' jogui e nijmicóo~na'r cóo~ jalé` e sea` quíi`na'; dsu' jalé` e naba' lí' lafa' e feá'- e nijjii~na' fí` quini` Fidiée` e laco' cuø' e íaang` dsír'.

¹⁷ Jō 'nú', jmee`ba' núu`na' cóo~ jaléng' dsea` quíe' nifi` quíi`na' jogui jmí'goo`na' dsea` do cajo, cō' íb` dsea` i néé` ni~ 'nú` contøøng-; cō' niñib` i dsea` do guíar- e fí` quini` Fidiée` niguiéer` cuente jalé` e jmóor` cóo~ 'nú`. Jogui cuøø~ bí` yaang`na' e guíar- ta~ nijmée`na' fí` quini` i dsea` do, jō ja` jmeáang` yaang`na' e nijmée`na' laguidseaang` doñi' ee` jmoo`na', cō' fíng song` jmoo`na' lajō, jōba' ja` e ta~ nilí'íng` quíi`na' jii~ cōo' jalé` e jō.

¹⁸ Joba' síi~naa' 'nú', dsea` rú`naa' dsea` quíar- Dsea` Jmáang-, e nimíi~na' Fidiée` uii~ quí`naa'. Jō nitab~ dsi`naa' e Dsea` Jmáam`bing' i nica'íng- congua' jalé` dsee- quí`naa', jō uíi~ jōba' ii~naa' e contøøm- ni'ee`naa' e guíar- cóo~ lí' doñi' ee` jalé` e jmoo`naa'. ¹⁹ Jogui la guím` má`i 'nú' cajo

e nifóng[^]na' Fidiée[˘] uii[˘] quié⁻e e laco' dsea` do nicuó[˘]r⁻ jnea[˘] fí' e lajee[˘] lajminá⁻ niliseeng⁻túu cóo[˘]' 'nú' calé' catú⁻.

Júu[^] lí[˘] ngóo' cadséng⁻ e catúng⁻ dsea` Israel

²⁰ Jo má[˘]i[˘] Fidiée[˘] i cuó' e see⁻naa' juguiá⁻ júu[^] røø, jogui i cajmée⁻ e cají[˘]tu Fí[˘]naa' Jesús jee[˘] jaléng[˘] 'lí[˘], jogui i jmóo[˘] í[^] jneaa[˘]aa', dsea` lí[˘]naa' lafa' jo'se[˘] quiá[˘]r⁻; joba' má[˘]i[˘] la'eáang' cóo[˘]' jmi'øøng⁻ Dsea` Jmáang⁻ e catuu[˘] fí' dse[˘] crúu[^] e tí[˘] ni[˘] lata[˘] e júu[^] tigua[˘] e 'má[˘] e cajmée⁻ Fidiée[˘] cóo[˘]' jneaa[˘]aa', ²¹ joba' má[˘]i[˘] ire e la'eáang' cóo[˘]' e job nijmér⁻ e ni'uíng⁻na' dsea` guiúng⁻ i ée⁻ røø laco' sí[˘]í[^], jo lajoba' cuóøng⁻ e jmée[^]na' dseáng⁻ lají[˘]' e iin[˘]; jogui má[˘]i[˘] dsea` do e nijmér⁻ lají[˘]' e iin[˘] cóo[˘]' jneaa[˘]aa' e íaang' dsíir' la'eáang' cóo[˘]' i Jóor' Dsea` Jmáang⁻. Jo majmifém[˘]baa' Dsea` Jmáang⁻ lata[˘]! Jo lajob 'né⁻ lí.

²² Jo má[˘]i[˘] 'nú', dsea` rú[˘]naa' dsea` quiá[˘]' Dsea` Jmáang⁻, e ni'ím[˘]ba' e féng[˘] óo[˘]na' lají[˘]' capí[˘]' júu[^] cuó' bí e nicafí[˘] i 'nú' e fí' ni[˘] jì quié⁻e la. ²³ Jogui jmóo[˘]'o 'nú' júu[^] cajó e i dsea` rú[˘]uu' dsea` quiá[˘]' Dsea` Jmáang⁻ i sii Timoteo nicagüi[˘]bre fí' dsíí' 'nañí[^]; jo song cagüéiñ⁻ fí' la lajminá⁻, joba' nijøøm[^]baare fí' na mi[˘] ninii[˘] ni'ee[˘] e 'nú' jóng.

²⁴ Jogui guicóob[˘]' jaléng[˘] dsea` quiá[˘]' Dsea` Jmáang⁻ i quié' nifí' quií⁻na' fí' na, lí[^] lajaléng[˘] dsea` rú[˘]naa' dsea` quiá[˘]' Dsea` Jmáang⁻ caguiaang⁻gui i seeng[˘] fí' na. Jogui guicóo[˘]'baa' jíng[˘] jaléng[˘] dsea` rú[˘]naa' dsea` quiá[˘]' Dsea` Jmáang⁻ i neáang' fí' la fí' lí[˘] se' Italia.

²⁵ Jo güi[˘]lib[˘] Fidiée[˘] güea[˘] quiá[˘]r⁻ fí' jee⁻ 'nú' lajaléng[˘]na'. Jo lajob nilí.

Ji` e cajme` TIÁA~

¹ Jnea~ sii` Tiáa~, jaang` dsea` i jmoó` lajii~ e iing~ Fidiée` cóo~ gui Fíi'naa' Dsea` Jmáang~, jo jmo'o e ji` la e catíng~ laji` guitu' 'lé' dsea` Israel i líng' dsea` quia'~ Dsea` Jmáang~ i sisoo` sijóng^ fi' la'úng~ fi' jmigüi'. Guicóo~'baa' lajaang` lajaang`na'.

Fidiée`bing' i jmicóo~ dsea` e ñir' e~ nijmér~

² Dsea` rú'naa' dsea` quia'~ Dsea` Jmáang~, güili'iaang` óo'na' mi~ íng'~na' lí^ doñi' ee' e huíng', ³ dsuco' niñib^ 'nú' guiá~ e mi~ móo~na' jalé' e huíng' do, joba' eáang'gui sea` bí quíi'na' e té'na' fi' guiá~ lí niteáang`na' cóo~ Dsea` Jmáang~. ⁴ Jo có' jmi'úum`ba' e dseáng~ té'ba' e nisíng'~na' teá'gui e fi' guiá~ do cóo~ jalé' e dsingúng~na' do, joba' niliguiúng~na' laco' si'í^ fi' quini' Fidiée`.

⁵ Jo song jaang` dsea` lajee` la'ó' 'nú' ja` ñir' e~ nijmér~ quia'~ lí^ doñi' ee', joba' 'né~ e nimí'r~ Fidiée` e nijmicóo~ quia'r~ e ni'í^ dsír' e~ jalé' e nijmér~ quia'~ jalé' e camir' do; có' í'bing' cuø' jaléng' dsea' lalíng' jogui e íaang' dsír' mi~ mi' dsea' ír' e jmicóoiñ~ do quia'r~, jogui ja' e 'gaañ` jii~ cóo' quia'~ jalé' e jo cajo. ⁶ Dsu' mi~ nimí'r~ Fidiée` lajo, 'né~ e jáb~ niliñ` e nijmicóob~ dsea` do quia'r~, jogui ja' í^ dsír' jii~ cóo' fa' e dsea` do ja' nijmicóo'r~ cóo~ e jo; có' song ii~ dsea' ja' oor' júu^ ta` dsír' e nijmicóo~ Fidiée` quia'r~, joba' i dsea' í líiñ` lafa' jmi' mi~ dsiguíng~ cóo~ guí fi' la fi' na. ⁷ Jo i dsea` i líng' lajo ja' güi'í^ dsír' fa' líng~ ee' nijmicóo~ Fidiée` quia'r~, có' ja' niñiñ` jii~ cóo' e jo quia'~ dsea` do. ⁸ Có' i dsea' la'í, lana' í dsír' cóo' jogui dsa'ó' e jiéb' ni'í^ dsír', jogui ja' iu~ dsír' cóo~ jalé' e jmoór' do cajo.

⁹ Jo fii~ guí 'nú', dsea` rú'naa' dsea` quia'~ Dsea` Jmáang~, e ii~ lajee` la'ó' 'nú' i ja' 'ga' lí sea` quia'~ fi' jmigüi' la, joba' 'né~ e nijmi'iaam' dsír' i dsea' la'í, có' Fidiée`bing' i niseáng' i dsea` do yá^ mi~ nití~ oor~ quia'r~. ¹⁰ Jogui lajobi cajo ii~ lajee` la'ó' 'nú' i sea` cuu~, 'né~ e nijmi'iaam' dsír' dsea` do fíng' cajméé` Fidiée` e nijgiáañ` dsea` do, có' i dsea` sea` cuu~ do líiñ` lafa' cóo' lí^ quia'~ lí^ doñi' ee' onuu', có' ja' huøø~ té' e jii'. ¹¹ Có' mi~ niliguií~ iee', dsifí' lajob lífíng'^ lí^ quia'~ e onuu' do, jo dsifí' ladob nité' fi' ni' uø~, jogui íim~ lajii~ e ía' do. Jo lajob lí' cóo~ i dsea` sea` cuu~, có' mi~ nití~ oor~ quia'r~ e nidséiñ~ fi' jmigüi' cóo', catúbre lajalé' e sea` quia'r~ fi' jmigüi' la.

Mi~ dsingúng~ dsea` jalé' e huíng'

¹² Juguiá~ jia quia'~ jaléng' dsea` i jmoó` té' cóo~ jalé' huíng' e dsingúñ~ uíi~ e ja' jmoór' jalé' e ja' dseeng', dsuco' mi~ níng' e cajméer' e jo, joguiba' ni'íñ' lajii~ e guiá~ e catíiñ~ e niliseeiñ` cøng` cóo~ Fidiée` lata~, có' lajob júu^ cacuø' Fidiée` lamí~ jééng'gui quia'~ jaléng' dsea` i jmi'neáang` ír'.

¹³ Jogui mi~ iing~ jaang` dsea` e nijmér~ e ja' dseeng', jo ja' güi'í^ dsír' e Fidiée`bing' i jmoó` e iñ~ e nijmér~ lajo, có' Fidiée` ja' catíiñ~ jii~ capí^ fa' e nijmér~ e ja' dseeng', o'gui jmoór' fa' e lajob nijmé~ dsea` jiéng' cajo. ¹⁴ Dsu' ja' lí' lajo, có' lí^ lí yaam~ dsea' í dsír' ga', jogui yaam~bre cajo iñ~ e nijmér~ jalé' e ja' dseeng', có' job líquieé' quia'r~ e niligøøiñ` e nijmér~ jalé' e ja' dseeng' do. ¹⁵ Jo cóo~ jalé' e ga' e í dsír' do, e joba' jmoó` e jmiróng` dsee~ yaaiñ~. Jogui mi~ ni'míng'~ eáang' e dsee~ do, joba' i dsea' í ni'nám`bre cóo~ Fidiée` lata~ jóng.

¹⁶ Joba' fii~ guí 'nú', dsea` rú'naa' i 'neáan`n eáang', ja' jmigøøng` yaang~na' cóo~ jalé' e jo. ¹⁷ Jo Fidiée`bing' i cuø' jneaa~aa' jalé' e guiá~ jogui jalé' e niguo', jo íb` cajo i cajmeáang` jaléng' i jmi'neá' jii' i seeng' fi' yá^ jmigüi' e laco' sea` jmi' jogui sea` uøø. Jogui 'ña' Fidiée` ja' tóo` jmi' fa' e nilisiñ~

laco'gui lisíng̃ jalé' jî̃ i seeng' fí' yá' jmígüü', co' ja` quí' jmî̃ e nilí' lajo, co' dseáng' røøb` líng' dsea` do lata. ¹⁸ Jo co' Fidiée' 'ñia'bre cali'iiñ̃, joba' cacuør' e nilisee-naa' cøøng' cóo'r~ la'eéang' cóo' e já' lí'naa' júu' quiá' Dsea' Jmáang̃. Jo cajméer' lajo e laco' jaléng' jneaa'aa', dsea' lí'naa' dsea' quiá'r~, nisíng'naa' fí' quini'gui jee~ jaléng' dsea' i nijmé' Fidiée' i nilíng' dsea' quiá'r~.

Jial lí' mî̃ dseáng' e já' e licúing' dsea' Dsea' Jmáang̃

¹⁹ Jo téé' óo'na' jalé' e júu' la, dsea' rú'naa' i 'neáan'ne éang', e lajîim' 'nú' 'né' guiéeng' guíá' yaang'na' e ninúu'na' røøb'; dsu' ja' 'né' fo'na' ladsifí' e ja' mí' ca'íi' óo'na' røø, o'gui cuó' fí' yaang'na' e jmée'na' guíng'na' quiá' doñí' ee' e jmóo' dsea' cóo' 'nú'. ²⁰ Dsuco' mî̃ jmiguíng' dsea' rúñ', joba' ja' éer' røø' laco' catíng' e jmóo' dsea' quiá' Dsea' Jmáang̃, co' ja' jmóor' laco' iáang' dsíí' Fidiée' e nilí'. ²¹ Joba' fî̃-i 'nú' e 'né' tú'ba' jalé' e ja' dseeng' e jmoo'na' fí' jmígüü' la, jogui ca' 'naang'na' cajo jalé' e 'lí' e sea' fí' jmígüü' la, jo líng'na' e ngocáng' óo'na' lajîí' júu' quiá' Dsea' Jmáang̃ e nicanúu'na', dsuco' e júu' joba' e quí' jmî̃ e nileáng'na' jee~ jalé' dsee' quí'na'.

²² Jo dsu' ja' e ta' íng' quí'na' lico' nuu'na' e júu' jo song ja'gui jmití'na'. Dsuco' song ja' jmití'na' e jo, joba' lí' jmígøøng' yaam'ba' jóng e líng'na' dsea' quiá' Dsea' Jmáang̃. ²³ Jo jaléng' i dsea' i lico' núu' e júu' jo dsu' ja'gui jmitir' laco' catíng', joba' i dsea' í' líiñ' lafa' jaang' dsea' mî̃ jøøng' 'ñia'r' dsíí' sî̃ jo jnéem' jial laco' íir'; ²⁴ jo dsu' dsifí' mî̃ cang' e cangáng' 'ñia'r' dsíí' e sî̃ do, ca'ím' dsír' jialco' líiñ' ladsifí' lado jóng. ²⁵ Jo dsu' i dsea' i ja' íng' dsíí' jalé' e júu' quiá' Dsea' Jmáang̃ e núur' do, jogui núu'bir e ngocáng' dsír' e jo, joba' dsea' í'bing' i contøøm' tóo' dsíí' e nileáñ' jee~ jalé' dsee' quiá'r' la'eéang' cóo' júu' quiá' Dsea' Jmáang̃, jogui íb' cajo i niliseeng' juguíá' cóo' Fidiée'.

²⁶ Jogui song jaang' dsea' í' dsír' e líiñ' dsea' quiá' Dsea' Jmáang̃ jo dsu' mî̃ 'noo'bi fé'r' júu' e ja' dseeng', joba' i dsea' í'bing' i jmígøøng' yaang' e líiñ' dsea' quiá' dsea' do, jo dseáng' ja' ee' ta' íng' jî̃ cóo' quiá'r' cóo' lajîí' e fé'r' do e cuiñ' Dsea' Jmáang̃.

²⁷ Jo lajîí' dsea' i ja' beáng' dsee' yaang' cóo' jalé' e 'lí' e sea' fí' jmígüü' la, jogui jmicóo'r~ jaléng' jiuung' 'nî̃ jogui jaléng' dseam' i 'nî̃ cóo' jalé' fí'í' dsíí' e sea' quiáñ' do, jo lajîí' dsea' í'bing' i dseáng' lajang' líng' dsea' quiá' Dsea' Jmáang̃, jogui ja' ee' s'líiñ' jî̃ cóo' fí' quini' Fidiée' cajo.

2

'Né' ée' dsea' røøb' cóo' jaléng' dsea' rúñ'

¹ Jogui fî̃-guî̃ 'nú', dsea' rú'naa' dsea' quiá' Dsea' Jmáang̃, co' 'nú' líng'na' dsea' quiá' Dsea' Jmáang̃ i dsea' i laniing' 'gøng' do, joba' 'né' e ee'na' røøb' cóo' jaléng' dsea' jmígüü'. ²⁻³ Cofa' lí' lí' lala: e cóo' lí' siseáng'na' fíng'na' colíng', jo lajee' e siseáng'na' do niguiée' jaang' dsea' i sea' cuu' i qui' 'mî' e jlo' jogui quier' ní' iu' niguoo' e 'mo' éang', jo joba' eám' guíá' ni'íng'na're, jogui jaang' 'nú' nifí'na're lala: "Ní' e fí' lí' jlo'gui la." Dsu' lajee' job cajo niguiée' jaang' dsea' tiñíng' e fí' lí' siseáng'na' do i qui' 'mî' e sito', jo jaang' 'nú' nifí'na're lala: "Do güinootea 'nu' lí' doguijî̃", osi "Güiguieeng'tea uó' lí' ni' uó' lí' do." ⁴ Jo song lajobi fó'na', joba' gab' lí' quí'na', co' nijmoo'na' e niguíim'ba're jóng uí' e ní'í' óo'na' e dsea' sea' cuu'bing' i niing'gui, dsu' o' lajo.

⁵ Jo núu'na' jalé' e nifí'guî̃ 'nú' la, dsea' rú'naa' dsea' quiá' Dsea' Jmáang̃: 'Né' nicá' 'nú' cuente e Fidiée'bing' nicaguíng' jaléng' dsea' tiñíng' fí' quini' jaléng' dsea' jmígüü' e laco' ni'uíñ' do dsea' i lajang' teáng' teá' fí' guíá'

cóo'~ Dsea` Jmáang- laco' si'í^, jogui lajoba' e ni'ing^ i dsea` í e Fidiée^ quie' nifí' quíá'r- lí^ laco' jii'~ e nicajíng'- dsea` do lamí` jééng'gui e nicuó'r- jaléng' dsea` i 'neáang' ír'. ⁶ Jo dsu' 'nú' lí- lí' jmi'uóng^na' jaléng' dsea` tiñíng-, co' ja` jmi'goo'na're. Jo` ja` ca'na' cuente e jaléng' dsea` sea` cuu`bing' i jmáng' 'nú' ga', jogui í'bing' cajo i dsijeáang- 'nú' laguidseaang^ fi' quini` dseata~? ⁷ Jo téé' óo'na' cajo e i dsea` sea` cuu`bing' i fé' júu^ 'lí' quíá'- Dsea` Jmáang- cóo'~ jaléng' dsea` quíá'r-.

⁸ Jo e guiá'ba' jmoo` 'nú' song dseáng'- e lajang'- núu'~na' lajii'~ júu^ e laniing- eáang' lí^ laco'gui la fé' fi' ni` jii' quíá'- Fidiée^ lí- fé' lala: "Jmi'neáang` jaléng' dsea` rún' lí^ laco'gui jmi'neáan' uo'." ⁹ Dsu' fing song ja` røø` jmoo'na' cóo'~ lajaang`lajaang`dsea` rúng'na', joba' nilí' e nibeáang'na' dsee- yaam`ba' jóng, jogui ni'oo`ba' dsee-, co' ja` cajmití'na' júu^ quíu' ta~ quíá'- Fidiée^ . ¹⁰ Jo fa' núu'~ jaang`dsea` jalé' e júu^ quíá'- Fidiée^ do dsu' ja` jmitir~ fa' coob` e júu^ do, joba' dseáng'- óo`bre dsee- jóng, co' ja` jmitir~ dseáng'- lajalé' e júu^ quíá'- dsea` do. ¹¹ Co' 'ñiab' Fidiée^ dsea` cajíñ'- lala cajo: "Ja` 'lee'~ e güín' cóo'~ dseañu' osi dseamí' i o' quíi'~." Jogui cajím'- biguir cajo: "Ja` jngan^ dsea` rún'." Joba' jia` fing ja` mí' cajméé` dsea` e güiññ` cóo'~ dsea` i o' quíá'r-, jo dsu' song nicajngam'bre dsea` rúññ', joba' nicabeám' dsee- 'ñia'r` jóng, co' ja` mí' calínúu'r~ dseáng'- lajalé' júu^ quíá'- Fidiée^ . ¹² Jo lí^ doñí' ee` e nifo'^na' osi lí^ doñí' ee` e nijméé^na', 'né- ni'ee`na' røø` laco' catíng- e jmóo` dsea` quíá'- Dsea` Jmáang-, co' Fidiée^bing' i niquidsí' í' quíi'na' cóo'~ e júu^ e nileáang'naa' jee~ jalé' dsee- quí-i' do. ¹³ Jo jaléng' dsea` i ja` mí' fii- calíng- jaléng' dsea` rúng', joba' lajob`nijmé- Fidiée^ cóo'~ ír` cajo mí' tí' lí- nití- í' quíá'r'; jo dsu' jaléng'gui dsea` i nicalí- fii- líng- jaléng' dsea` rúng', guiáb- nidsijée' quíá'r- mí' nití- oor~ e niquidsí' Fidiée^ í' quíá'- jaléng' dsea` jmigüf.

'Né- e jmitib` dsea` o' lico' fé'r`

¹⁴ Jo lajoba' fii- guí' 'nú', dsea` rú'naa' dsea` quíá'- Dsea` Jmáang-, dseáng'- ja` ee` ta` íng^ quíi'na' e fó'na' e já'- líng'na' júu^ quíá'- Dsea` Jmáang- song ja`gui jmití'na' lajii'~ júu^ quíá'- dsea` do. Co' i dsea` i fé' e já'- líññ` júu^ quíá'- Dsea` Jmáang- jo dsu' ja` núu'r~ e fa' jmitir~ e júu^ jo, joba' dseáng'- ja` nileám`bre jee~ jalé' dsee- quíá'r-. ¹⁵⁻¹⁶ Fa' majméé'~duu' cuente e jaang` dseamí' osi jaang` dseañu' i líng' dsea` quíá'- Dsea` Jmáang- i ja` sea` jalé' e 'né-, fa' la si'r` osi jalé' e dó'r- e lalíng`laco` jmi~ laco` jmi~, jogui jaang` lajee` 'nú' nifí'^na're lala: "Guóng' cóo'~ e guiá' guiá' fi', jo ja` güilí' güiquín'~, jogui quie' la tí' e já- o'." Jo dsu' fing song i dsea` i cajíng'- do ja` ee` cuo'r` jii'~ coo' i dsea` í' lajii'~ e 'né- quíá'r- e táaiñ` fi' jmigüf la, joba' dseáng'- ja` ee` ta` íng^ e jo jii'~ coo' quíá'r- fing song lajobi` jmóor`. ¹⁷ Jo lajob` lí' mí' jíng'- dsea` e já'- líññ` júu^ quíá'- Dsea` Jmáang-, dsu' fing song ja`gui núu'~ dsea` dseáng'- lajalé' e júu^ quíá'- dsea` do, joba' ja` ee` ta` íng^ quíá'r- e jíñ'- e já'- líññ` e júu^ jo. Co' song ja` éer` laco' si'í^ cóo'~ e júu^ e já'- líññ` do, joba' ja` ee` ta` íng^ quíá'r- jii'~ coo'.

¹⁸ Jo jialfa' i líng- dsea` nifé'r': "Nu' fó' e já'- lín' júu^ quíá'- Dsea` Jmáang-, jogui jnea` fá' a e núu'~baa e júu^ jo." Joba' fii- i 'nú', ee'~du' jnea` e já'- lín' júu^ quíá'- Dsea` Jmáang- nañí' fa' e ja` núu'~ e júu^ jo, jogui jnea`gui ni'ée^duu' 'nu' e dseáng'- e jáb'- lín' n júu^ quíá'- Dsea` Jmáang-, co' dseáng'- núu'~baa e júu^ jo.

¹⁹ Jogui 'nu' nijá'- nilín' e seem` Fidiée^, jo guiáb- jmóo` song lajob` í' o', co' e já'- e júu^ jo. Dsu' 'né- e tóo' o' cajo e la quie' tí' jaléng' i 'lim' já'- líññ` e jo, joba' dsíng'- jléeiñ` dsu' uíi'~ e 'góiñ' Fidiée^ . ²⁰ Jo jie~ mí' jmicaan'~ melé-, co' ja` ee` ta` íng^ jii'~ coo' quíi'~ e já'- lín' júu^ quíá'- Dsea` Jmáang- song ja`gui núu'~ e júu^ jo. ²¹ Co' 'né- e tóob` o' cajo e ca'ím' Fidiée^ i 'líi' yúu'~ quí'i' i sii'

Abraham do e líiñ' jaang` dsea` guiúm` fí` quinir`, co' cajmée`bre núu`r` júu`
 quía' Fidiée` mi` cacuõñ' i jór' i sii` Isáa' do e si'í` nijngáñ' do fí` quini`
 dsea` do. ²² Jõba' niñ'bi e i` 'lii` yúu` Abraham do cajmilir` e já' líiñ' júu`
 quía' Fidiée` uí'` cóo'` jalé' e cajméer` do. Jõ la'eáang' cóo'` e jõ, jõba' cuó`
 lí' e ca'ie' e dseáng' e jáb' líiñ' júu` quía' dsea` do laco' si'í'. ²³ Jõ lajõba'
 calití` jalé' e fé' fí` ni` jì` quía' Fidiée` lí' fé' lala: "I` 'lii` yúu` Abraham do
 jáb' caliñ' júu` quía' Fidiée`, jõba' Fidiée` ca'íñ' dsea` do e líiñ' jaang` dsea`
 i ja` carøong` dsee`." Jõba' calisí` i` 'lii` yúu` Abraham do jaang` dsea` i` eáang`
 iing` rúng' cóo'` Fidiée`.

²⁴ Jõ niñ'bi` 'nú'` guiá' cajo e ím' Fidiée` dsea` e líiñ' dsea` i ja` røong` dsee`
 jaléng' i` núu` jalé' júu` quía'r`, jõ o' i` dsea` i` jii' lico' fé' e já' líiñ' júu` quía'`
 dsea` do.

²⁵ Jõ lajõb` calí' cajo cóo'` jaang` dseamí` i` sii` Rahab i` caliséng` malii`gui
 eáang' i` cajmée` ta` 'níng` 'ñia'. Co' ie` jõ Fidiée` ca'ím'breiñ' do e líiñ' jaang`
 dsea` i ja` røong` dsee` fí` quinir` uí'` e cajméer` e cacuør' lí' nijé` dsea` Israel
 i` casíng` dsea` góo' Josué`nú'`gui e ningíng` jaléng' dsea` Israel do fí` lí' se'
 Canaán. Jõ i` dseamí` la cajmicóo'`bre i` dsea` do e caguiéng'neiñ' fí` lí' jié'
 e laco' caláiñ' do cóo'` jaléng' dsea` i` 'ni'` ní'` quía'r`. ²⁶ Jõ lajõb` líi', fa' mi`
 cango'` jmiguí` quía'` jaang` dsea` jõ júum`bre, jõba' jò` ee` ta` íng` jii' coo' e
 ngúu` táaiñ' do jóng. Jõ lajõb` líi' cajo, ja` ee` ta` íng` mi` fé' dsea` e já' líiñ' júu`
 quía' Fidiée` song ja`gui` núu`r` fa' e nijmitir` e júu` quía'` dsea` do.

3

'Né` e quie' í'ba' jalé' e fé' dsea`

¹ Dsea` rú'naa' dsea` quía'` Dsea` Jmáang`, ja` í` óo'na' fa' e ja` huíng' e
 líng'na' tifa' i` e` júu` quía'` Fidiée`, co' nine`ba' guiá' e eáang'gui ni'í' Fidiée`
 í'` quí'ii' jaléng'` jneaa`aa' dsea` lí'naa' tifa' mi` ja` núu`naa' e júu` jõ laco'gui
 i` dsea` caguiang`gui i` ja` e' e júu` jõ. ² Jõ e jáb'`, e lajii`baa' dsea` lí'naa' dsea`
 jmigüi` ee`naa' dsee`. Jõ dsu' song seeng` jaang` dsea` i ja` røong` jii' coo' dsee`
 cóo'` jalé' e fé'r', jõ i` dsea` í'bing' i` guiúng` laco' si'í' fí` quini` Fidiée`, jõgui` íb`
 cajo i` lí'` jmé` e ja` nitéiñ' fí` ni` dsee` cóo'` lí'` doñi' ee` e lí' dsí'` ngúu` táaiñ' do
 cajo.

³ Fa' laco' mi` iing` jaang` dsea` e nilinúu`` cuea` quía'r` lajii' ta` quíu'r',
 jõba' ta'r' coo'` ñi'` freno fí` mo'oo` i` cuea` do e laco' nilinúu`re' lajii' ta` quíu'r`
 fii`re'. Jõ cóo'` jii'` e ñi'` dob e jmóo' dsea` e núu` i` cuea` do mi` ee`gõ iing` dsea`
 e nijmé`re'. ⁴ Jõgui lajõbi` líi' cajo cóo'` jalé'` móo', e nañi' fa' jialgui la tíi' cóo'`,
 jõgui` 'lea'` gui' e huíng' eáang' e móo' do e laco' ningí', dsu' cóo'` coo'` ñi'`jiaba'
 e sii' timón e e' fí` jié' fí` lí' iing` i` dsea` i` quie' do e nidsé` e móo' do.

⁵ Jõ lajõb` líi' cóo'` nisii'naa' cajo, co' coo' e pí'gui líi' jee` lajalé'` guotii`naa',
 dsu' cóo'` e jõ dseáng'` jmigui`ba' e cuøøng` fé'` dsea` e guiá'` jõgui e ja` dseeng`.
 Jõgui lajõbi` cajo cóo'` capí'` 'ma'` jî` cuøøm` e nijmé` e nicó` móo' e fe' eáang',
 ¿já` já'`? ⁶ Jõ e nisii'naa' do líi' lafa' jib`; jõgui cajo líi' lafa' coo' e 'li' e 'lée' mi`
 fé'` dsea` e ja` dseeng`. Jõ mi` litíng` e fé'` dsea` lajõ, gab` uíng` quía'r` jóng
 lajee` e seeiñ' fí` jmigüi` la, jõ jalé' e 'li' e fé'r' do jáa' fí` lí' 'li'.

⁷ Jõgui seem` i` líng` dsea` i` tíng` e' jaléng'` jó' e laco' nilinúu`re', fa' jaléng'
 jó' i` ngí` jee` móo' jõgui jaléng'` ta' jõgui jaléng'` jó' i` dsijñúung` uø` cóo'` jaléng'
 jó'` teáang'` jmii'. ⁸ Dsu' jii'` jaang` dsea` jmigüi` quí'r` jmii` e ni'é'r` nisii'r` e
 laco' nilinúu``, co' e nisii'r` do líi' lafa' nó` mi', co' contøøm` íi'` jleng' e 'lée' cóo'`
 jalé' e fé'` dsea`.

⁹ Jõ cóo'` nisii'baa'` jmiféng'naa' Tiquí'ii' Fidiée` dsea` guíng` ñiff`, jõgui
 cóo'` e jõb` cajo` 'lee`naa' mi` ee`gõ fé'naa' ga` uii` quía'` jaléng'` dsea` rú'naa'

ĩ cajmeáang` Fidiéẽ lí lacq' líiĩn' 'ñia'r'. ¹⁰ Jo lajob líí, dsea` rú'naa', dsuco' fí mo'oo` jaang` dsea` cuóom` lí uó` júu` e jmiféiĩn' Fidiéẽ jogui júu` e fé'r` ga` quiá'` dsea` rú'naa' cajo, jo dseáng'` ja` dseeng` e nijmé` dsea` lajo. ¹¹ Jo lajob líí, dsea` rú'naa', co' ja` cuóong` e fa' coo` ojmí` nicuó` tú` 'lé'` jmíi, ca'íing` e ráang` jogui ca'íing` e ñii. ¹² Jogui lajobi cajo fa' coo` 'ma` güiĩn'`, ja` cuóong` fa' nicuó` ofiĩ e jie', co' jii` güiĩn'`ba' e cuóong` ni'í` yá'; o'gui huĩng` güiĩng` jó'` cuóong` fa' e nicuó` güiĩn'` yá', o'gui coo` ojmí` ñii` cuóong` cuó` jmíi e ráang`, co' jii` lajob líí, ¿já` já'`?

Jial líng` dsea` mi` dseáng'`-já'` e cangíiĩ` e tiiĩ` ngáiĩ'

¹³ Jo lajob fii`guíi` 'nú', dsea` rú'naa', song seeng` i líng` lajee` la'ó'` 'nú' i dseáng'` lajang'` e ngíiĩ` e tiiĩ` jogui e ngáiĩn', joba'` né` e nijmilib` i dsea` do e líiĩn'` lajo la'eéang` e éer` røø` jee` la'ó'` dsea` rú'naa' jogui la'eéang` e jmicóo'r` dsea` rú'naa' cajo, dsu' ja` tĩng` e jmicóong` yaaiĩ. ¹⁴ Jogui song ii` 'nú' í óo'na' e tĩng`na' ngáng`na' dsu' contøom` guĩng`na' dsea` rúng`na' jogui jmoo'na' jløng`na' cóo'r`, jogui lajii` e jmoo'na' do lí'` jii` e líng`na' yaam`ba', joba'` gab` líí song jmoo'na' lajo, co' júu` ta` júu` e líng`na' jaang` dsea` i cangíing` e tĩng` ngáng` song jmoo'na' lajo. ¹⁵ Dsu' mi` líng`na' lajo, o' e cacuø` Fidiéẽ e tĩng`na' do, co' laji` e na` jii` e jmoo` dsea` dsee` dsea` qui' fí jmigüi` lab e náu'r` lajii` ta` quiu'` 'ñia'` fi` i` 'lim'`. ¹⁶ Co' mi` seeng` dsea` i dsihuĩng` quiá'` rúng` osi` jmijløng` yaaiĩ` é, jo job` lí` uíng` e có'` ga` quiá'` i dsea` la'í, jogui uing` quiá'` e jmoo`guir` jalé'` e 'lí'` e jie'`gui e sea` fí jmigüi` la cajo. ¹⁷ Dsu' jaléng`gui dsea` i dseáng'` lajang'` cangíing` quiá'` Fidiéẽ e tiiĩ` ngáiĩn', joba'` jmang'` e guiá'`ba' jmóor`, jogui juguiá'` júu` røø` seeiĩ, jogui guiáb` dsíir', jogui fém'`bi dsíir'` cóo'` jaléng` dsea` rú'naa', jogui eáam`bi fí'` líiĩn'` jaléng` dsea` rú'naa' jogui jmicóo'`bre jaléng` í cajo, jogui jmang'` júu` jáb'` fé'r'. ¹⁸ Co' jaléng` dsea` i cuø'` bí` yaang` e seeiĩ` røø` cóo'` jaléng` dsea` rú'naa' jogui e jmicóo'`biguir` jaléng` dsea` rú'naa' cajo e lacq' lajim`bre niliseeiĩ` lajo, joba'` i dsea` í nilí'r` e líiĩn'` dsea` guiúng` fí` quini` Fidiéẽ.

4

Güiliseem`ba' cóo'` Fidiéẽ

¹ Jo lalab fii`guíi` 'nú', dsea` rú'naa' dsea` quiá'` Dsea` Jmáang` : ¿Jie` fí lí` naang` uing` jalé'` e jmiquíng'` óo'na' jogui jalé'` míi` e jmoo'na' la'ó'` rúng`na'? Jo jmoo'na' lajo co' contøom` suung`na' jalé'` e lí` óo'na' fí` jmigüi` la, jogui jmang'` e gab` í` óo'na', ¿já` já'`? ² Co' mi` ee`go` iing`na' e sea` fí` jmigüi`, jo mi` lí'`na' e ja` cuóong` nilí'`na' e jo, joba'` jie` ja` nijngám'`ba' dsea` rúng`na' jóng. Jogui eáam` dsihuĩng`na' mi` ee`go` sea` quiá'` dsea` rúng`na', jo dsuco'` ja` lí'`gui e jo, joba'` eáam` jmoo'na' 'niĩ` cóo'r`, ¿já` já'`? Dsu' ja` mí` cali'`na' jalé'` e iing`na' do co' ja` mí` camíi`na' Fidiéẽ e nicuø'r` 'nú' e jo. ³ Jo dsu' mi` míi`na're ee`go` iing`na', ja` nicuø'r` 'nú' jalé'` e míi`na're do, dsuco'` míi`na'r lajii` e ja` dseeng` e lico'` jmi'iaang` óo'na' yaam`ba'.

⁴ iDsea` 'líng'` 'nú', co' líng`na' dsea` i tú` í'`! ¿Já` ní'` 'nú' e mi` iing`na' e jmi'iaang` óo'na' cóo'` lajii` e sea` fí` jmigüi` la, joba'` ní'` máam`ba' Fidiéẽ jóng dsea` guiĩn` ñiif`? Cofa' lí'` doñi` ii` dsea` i iing` e nijmi'iaang` dsíir' cóo'` lajii` e sea` fí` jmigüi` la, joba'` ni'`uúĩn` jóng jaang` dsea` i 'ní'` níng` Fidiéẽ. ⁵ Co' e líng` uiim`ba' e tóo'` fí` ni` jii` quiá'` Fidiéẽ lala: "Fidiéẽ dseáng'` e lajam'`ba' eéang` 'neáaiĩ` jneaa`aa', co' í'bing'` cacuø'` lajaang` lajaang` jneaa`aa' e jmigui` cóo'` e see`naa'." ⁶ Dsu' eáam` jmicóo'` dsea` do jneaa`aa', co' dsíng'` guiúĩn` cóo'` jneaa`aa', dsea` ja` catíi`naa' lajo, co' lalab fé'` fí` ni` jii` quiá'r` : "Dseáng'` teáb` sée` Fidiéẽ quiá'` jaléng` dsea` i jmicóong` yaang`, dsu' eáam` guiá'` jmicóo'r` jaléng` dsea` i ja` jmoo' lajo co' ní'bre e 'né` e nijmicóo'` Fidiéẽ quiá'r`."

7 Joba' jáang~ yaang~na' fi' jaguó` Fidiée~, jogui ja` cuø'na' fi' yaang~na' e jmijíng^na' i fi~ i 'ling', jo lajoba' i do nidsihuíñ~ fi' li~ seeng~na'.
 8 Güiquiéeng'gui' fi' quini~ Fidiée~, jo dsea` do nijaquíéeng'guir fi' quini^na' cajo. Jogui jaléng' 'nú', dsea` dsee~ dsea` qui', túu'na' jalé' e ja` dseeng` e jmoo'na', jo jmisíng^na' jalé' e ga` e í' óo'na', co' jaléng' 'nú' líng'na' dsea` i tú~ neáang` dsíí, dsuco' iing~na' teáang~na' fi' guiá~ cóo'~ Dsea` Jmáang~ jogui iim~bi' cajo e jmée^na' jalé' e ga` e sea` fi' jmigüi` la. 9 Quíi~na', jogui jmée^na' e líng~na' fi'í^ quiá~ jalé' dsee~ e nica'ee~na' do. Jogui ja` dseeng` fíng song ningíi^na' uíi~ quiá~ jalé' e dsee~ jo, co' 'né~ e qui'ba' uíi~ quiá~ e dsee~ quíi~na' do. Jogui fíng song e iáang` óo'na' cóo'~ jalé' dsee~ quíi~na' e nicarøøng~na' do, joba' 'né~ e nilíng~na' e fi'íb^ jóng uíi~ quiá~ jalé' e jo.
 10 Jogui mi~ lí'na' e røøng~na' dsee~, joba' 'né~ e ja` nijmiráang~ yaang~na' fi' quini~ Fidiée~, jo lajoba' dsea` do nijmicóo'r~ 'nú' e seeng~na' cøøng` cóo'r~.

Ja` cuø'na' dsee~ jaléng' dsea` rúng'na'

11 Dsea` rú'naa' dsea` quiá~ Dsea` Jmáang~, ja` fó'na' ga` uii~ quiá~ jaléng' dsea` rúng'na'. Dsuco' i dsea` i fé' ga` uii~ quiá~ dsea` rúng' osi cuø'reiñ' dsee~ é, joba' lí' laco' e fé'r` ga` uii~ quiá~ júu^ quiá~ Fidiée` jóng, jo o'gui jmitir~ lajii~ e júu^ quiá~ dsea` do. Co' jaléng' i dsea` i ja` jmi'gó' jalé' e júu^ do, joba' lí' laco' gab` nifé'r` uii~ quiá~ e júu^ jo e lafa' e nijmér~ núu'r~ e jo laco' si'í'. 12 Jo jaam` dsea` féng' seeng`, jo íb` i cacuø' e júu^ do. Jogui íbi cajo i tting` quidsí' í' røø` quiá~ dsea, jo lajii~ íbi cajo dsea` i tting` láang` dsea` jmigüi` jee~ jalé' dsee~ quiáñ~ osi cuø'r` dsea` iihuí' laco' catíng~ é uíi~ quiá~ jalé' e jo. Jogui 'nu, ¿i~ lín~ e lín' e sea` fi' e nicuø' dsea` rúng' dsee~?

Ja` ne~naa' e~ nidsijéé' dsa'ó` iéé'

13 Jogui lana, dsea` rú'naa' dsea` quiá~ Dsea` Jmáang~, núu~na' jalé' e nifíi' 'nú' la, jaléng' 'nú', dsea` jmicøøng~ yaang~na' e fó'na' lala: “Dsa'ó` iéé' nidsé^naa' fi' fi~ la osi fi' fi~ do é, jo fi' job nitaang~naa' coo` jii` e jmó'naa' ta~ li' cuu~.” 14 Jo ¿jiali' í' óo'na' lajo?, co' jii~ ja` mí' ní'bi' e~ nidsingíng~na' li' dsa'ó' li' iéé'. Co' 'nú' líng'na' lafa' jni' tii, co' e joba' e jnéeng` jii~ lajee` cateá` jo ni'íim~ jóng. 15 Joba' ja` dseeng` e fo^na' lajo, dsu' lalaba' e catíng~ e nifo'na': “Song cuø' Fidiée` fi' lajo e see~ guíi' fi' jmigüi` la, joba' nilí jalé' e 'né~ lí' jóng.” 16 Dsu' 'nú' gui lí' riquib' í' óo'na', joba' eámam` jmicøøng~ yaang~na' cóo'~ jalé' e fó'na' e nijmée^na'. ¿Su ja` ní'na' e mi~ jmoo'na' e jmicøøng~ yaang~na' lajo, gab` líh'? 17 Jo 'né~ e tóo` óo'na' e la cajo: Song ñib' jaang` dsea` jalé' e guiá~ e 'né~ jmér~, jo dsu' song ja`gui jmitir~ jalé' e jo, joba' jmirøm` dsee~ 'ña'r` jóng.

5

Júu^ í' 'goo' quiá~ jaléng' dsea` sea` cuu~

1 Jogui fi~ guíi' 'nú', jaléng' dsea` rú'naa' dsea` i sea` cuu~, núu^na' jalé' e júu^ e nifíi' i 'nú' la: Quíi~na' jogui oo~na' quiá~ e fi'í' e nilíng~na' cóo'~ jalé' iihuí' e nabi nidsingíng~na' mi~ niquidsí' Fidiée` í' quiá~ dsee~ quíi~na'.
 2 Co' ni'íim~ lajalé' e 'mo' e nisis'mó'na', jo jo` e ta~ nilí'íng` jii~ coo` quíi~na'; jogui jalé' sii~ quíi~na' cajo ni'íim~ e nidó'~ jaléng' jó' fi'. 3 Jogui jalé' cutee` cóo'~ cunée` e si'má^na' nisó'` lee, jo jo` ee` ta~ nilí'íng`gui quíi~na' jóng. Jo e 'lee' e só'` dob nicuø' li~ quiá~ jalé' e ja` dseeng` e jmoo'na' e cajmi'óo'na' yaang~na' jalé' e sea` fi' jmigüi` la, jo e jo lí' lafa' nicáng` 'nú' cóo'~ jí, co' eámam` nicajmi'óo'na' jalé' e jo lajee` lana e nijaquíéeng` e tí' li~ ni'íng~ jmigüi`.

4 Núu~na' e jaléng' i dsea` i cajmée` ta~ quíi~na' i ja` caquí'na' e 'léeiñ~ laco' catíng~, joba' lana múb~ nitáng' i dsea` do 'nú', dsu' nicanúub~ 'ña' Fidiée` dsea` 'gøøng' i guíng~ fi' ñifí~ jalé' e júu^ e nicafé' teá jaléng' i dsea` í. 5 Jogui

lajee˘ e taang˘ 'nú' fí jmiǵüŷ la, nicaliséng˘na' lí˘ laco' jaang˘ dsea` 'goo' eáang˘ e jmoo˘na' la tí' e já˘ óóna', jogui e sea` jalé' e iing˘na' e laco' jmi'íáang˘ óóna' laco' jaang˘ jó' i jmi'úng' dsea` quiá' e nijngáñ'. Jjo dsu' lana nıcatı' í' quiı˘na'! ⁶ Jo 'nú', eáam' nıcacuøø'na' dsee˘ jaléng' dsea` i ja` dsee˘ røøng˘ cartı' nıcajngam'baa're, jo ja` ee` teá casée` i dsea` do cóo' 'nú' jji' capı'.

'Né- jmó'oo' féng' dsi'baa'

⁷ Jo fii-guı' 'nú', dsea` rú'naa' dsea` quiá' Dsea` Jmáang˘, jmée˘na' féng' óóna' cóo' jalé' e dsingıng˘na' cartı' mi˘ nigüéeng˘tu Fı'naa' fí jmiǵüŷ la. Jo 'né- jmée˘na' e jo laco' jaang˘ dsea` i jmóo' ta˘ jenuu` e sijeem˘bre lajji' e nıró' fí guóo' uø˘ quiá'r˘ car' mi˘ nitı' jji' jmıı', co' lajoguıba' e nıcuáng˘ laco' sı'ı' lajalé' e cajnır' do. ⁸ Jo e laco' e féng' dsı' i dsea` í, lajobı 'né- e féng' óó' 'nú' cajo, jogui cuøø'gui' fí yaang˘na' e teáang˘gui' teá fí guiá' cóo' Dsea` Jmáang˘, co' lajee˘ lajmináb˘ nigüéeng˘tu Fı'naa' fí jmiǵüŷ la calé' catı'.

⁹ Jo lajob fii-guı' 'nú', dsea` rú'naa': Ja` jmoo˘na' e jmiquíng' óóna' la'ó' rúng˘na', co' lajoba' ja` nıcuø' Fıdıéé˘ 'nú' dsee˘; co' nıjaquíém' e nigüéeng˘tu Fıdıéé˘ fí jmiǵüŷ la calé' catı' e nıquıdsır' í' quiá' dsea` jmiǵüŷ.

¹⁰ Jo lajob lí' dsea` rú'naa', jmiǵuíéng' óóna' jalé' e cajmée` jaléng' i dsea` i café' cuaiñ˘ quiá' Fıdıéé˘ malıı'gui eáang˘ mi˘ cangár˘ jalé' iihuıı', co' cajméeb˘ dsea` do e féng' dsı' cóo' jalé' e jo. ¹¹ Jo fé'naa' e juguíı' jıı quiá' jaléng' i dsea` i cajmée` té' cóo' jalé' e iihuıı' e ca'ıñ' do. Jo nıcanıub˘ 'nú' cajo jalé' júu˘ e café' dsea` quiá' jaang˘ dseañu' i calısı' Job i calıséng˘ malıı'gui eáang˘, co' ie˘ jo i dsea` í eáam' calıféng' dsı' cóo' jalé' iihuıı' e cangár˘. Jogui ñı'bi 'nú' guiá' cajo jıal cajmıcóo' Fı'naa' Fıdıéé˘ e nı'uııng˘ guiá' quiá'r˘ mi˘ cangı jalé' e jo; co' eáam' guiúng˘ Fıdıéé˘ cóo' jaléng' dsea` jogui eáam' fı' líıñ˘ cajo. ¹² Jo lí' lajee˘ lajalé' e niıng˘gui, dsea` rú'naa', e lab e jo; mi˘ cuø˘na' júu˘ quiı˘na', ja` ééng˘na' fıı quiá' lí' doñı' ee˘: ja` ééng˘na' fıı ñıfı' o'gui ééng˘na' fıı guóo' uø˘ o'gui quiá' lí' doñı' jíé' é. Dsu' mi˘ cuø˘na' júu˘ quiı˘na' e jmée˘na' lí' doñı' ee˘, jo dseáng' 'né- e jmitı'ba' jóng; jogui mi˘ cuø˘na' júu˘ quiı˘na' e ja` jmée˘na' lí' doñı' ee˘, joba' dseáng' 'né- e ja` jmée˘ba' jóng. Jo fıng song jmitı'na' jalé' e júu˘ quiı˘na' do, joba' ja` nıcuø' Fıdıéé˘ 'nú' dsee˘ quiá' jalé' e jo.

Dsıng' íng˘ ta˘ e féng' dsea` Fıdıéé˘

¹³ Jo fii-guı' 'nú', dsea` rú'naa' dsea` quiá' Dsea` Jmáang˘, fıng song jı' la'ó' 'nú' móo˘na' iihuıı', joba' i dsea` í 'né- mı'r˘ Fıdıéé˘ e nijmıcóo' dsea` do quiá' jalé' e jo. Jogui fıng song jı' la'ó' 'nú' e íáang˘ óóna', joba' 'né- e ø˘bre quiá' e jmi'féıñ' Fıdıéé˘. ¹⁴ Jogui song jaang˘ dsea` la'ó' 'nú' ráaiñ˘ dsée'r˘, joba' 'né- e nitø'r˘ jaléng' dsea` i quıé' nıfı' quiá' dsea` quiá' Dsea` Jmáang˘ e laco' i dsea` í nımı'r˘ Fıdıéé˘ uıı' quiá' i dsea` dsée' do e nı'leáam˘biñ' do, jo la'eáang˘ cóo' júu˘ quiá' Dsea` Jmáang˘ nı'súur˘ capı' noo˘ fı' guıaquı' i dsea` dsée' do, jo lajoba' nı'leáaiñ˘ do. ¹⁵ Jogui mi˘ já' líıñ˘ e Fıdıéé˘ nıñır˘ lajji' e mı'ı'ı'ı' do, joba' nı'leáam˘ i dsea` dsée' do jóng, jo la'eáang˘ cóo' Fı'baa' e nıtııng˘tur calé' catı'. Jogui fıng song nıca'ée' i dsea` i lamı' dsée' do dsee˘, joba' nı'ıim˘ Fı'naa' dsee˘ quiá'r˘ jóng. ¹⁶ Jo fii-guı' 'nú', dsea` rú'naa', jmée˘na' júu˘ la'ó' rúng˘na' quiá' jalé' dsee˘ e nıcarøøng˘na', jo mı'ı'na' Fıdıéé˘ uıı' quiá' rúng˘na' cajo e laco' nıtııng˘na'. Co' mi˘ jaang˘ dsea` sıng' teá fı' guiá' cóo' Dsea` Jmáang˘ jo féng' i dsea` do Fıdıéé˘ dseáng' e canııng˘ fı' dsı'ı', joba' eáam' íng˘ ta˘ e 'gøng' e júu˘ jo fı' quıni' Fı'naa'.

¹⁷ Jo jmiǵuíéng' óóna' quiá' e calı' ie˘ malıı' do ie˘ cateáang˘ jaang˘ dsea` i café' cuaiñ˘ quiá' Fıdıéé˘ fı' jmiǵüŷ la i calısı' Líı'. Jo i dseañu' í líıñ˘ jaang˘ dsea` jmiǵüŷ laco' líng˘ jneaa˘aa', dsu' mi˘ camı' dsea` do Fıdıéé˘ la'eáang˘ cóo'

Jmiguí quíá' dsea` do e niquiúng' e tuu` jmí', jō lajōb calí'. Jōba' lajee` 'ní jii` dsí ca'ná' ja` catuu` jmí' fí e guóo' uó' jō. ¹⁸ Jō mí` cangí jō, i Líí` do camí` tur Fidiée` e nitá tu` jmí', jōba' lajōb calí', catuub` tu` jmí', jōgui canaam` tu` cuó` jalé' e jní dsea` fí guóo' uó'.

¹⁹ Jō fíi` guí` 'ná', dsea` rú` 'naa' dsea` quíá' Dsea` Jmáang', e song jaang` la'ó' 'ná' i casíng' fí guíá` cóo' Dsea` Jmáang', jō dsu' lajee` jō ninaang` i dsea` do e nilitúng` dsír' cóo' júu` quíá' dsea` do, jō song jaang` guí dsea` la'ó' 'ná' cajméer` e calínáa' tu` i dsea` do júu` quíá' Dsea` Jmáang', ²⁰ jōba' güiliñí` 'na' guíá', dsea` rú` 'naa', e doñí` i dsea` i niquí' nijíng' jaang` guí dsea` rúng' i ngóo' fí ga, jōba' i dsea` i jmóor` e ní'ím` jalé' dsee` e nirøøng` i dsea` do, jōgui nileám` i dsea` do e ja` nidséiñ' fí lí` 'lí'` mí` nití` oor` quíá'r` e nidséiñ' fí jmigüí` coo`.

Jō lajōb nilí`.

Jō júi` lanab fé' jì` quíá' Tiáa`.

Ji' la'uii~ e cajme' TŮ^ SIMÓN

Júu^ guicóo~ e cat#ng~ dsea` quiá'- Dsea` Jmáang~

¹ Jnea~ sií TŮ^, jogui lín'n jaang` dsea` i casíng` Fíi'naa' Dsea` Jmáang~ e quiá'- niníi~i júu^ quiá'r~, jo jmo'o e ji' la e cat#ng~ jaléng` 'nú', dsea` quiá'- Dsea` Jmáang~, i neáang` sisoo` sijong` fi' caluu` fi' góona', i neáang` fi' li~ se' Ponto cóo~gui fi' li~ se' Galacia jogui fi' li~ se' Capadocia cóo~gui fi' li~ se' Asia jogui fi' li~ se' Bitinia. ² Jo Tiquí'ii' Fidiée` nicaguíng` jaléng` 'nú' lamí~ jéeng`gui e laco' nilíng~na' dseáng` dsea` quiá'r~ lí^ laco' júi~ e nica'f` dsíir'; jo e jo nicajméer` la'eáang` cóo~'ñia' Jmiguí quiá'-bre e laco' nijmée^na' núu~na' júu^ quiá'r~. Jo la'eáang` cóo~' jmi'øong~ Dsea` Jmáang~ e catuü` fi' dse' crúu^ba' nica'íng~ jalé` dsee~ quiá'na'.

Jo güi'ím~ba' güea'^ quiá'r~ lalíng` e laco' niliseeng`na' juguiá~ júu^ røø.

Nitab~ dsí'naa' e seë~naa' cøong` cóo~' Fidiée~

³ Jo majmifém'baa' Fidiée~, Tiquiá'^ Fíi'naa' Dsea` Jmáang~, dsuco' la'eáang` e eáam` guiúíñ~ cóo~' jneaa~aa', joba' nicajméer` e lafa' nicangáang`~naa' calé' catú~ la'eáang` e cají'tu Dsea` Jmáang~ mi~ cangí e cajúíñ~. Jo e jo nicuø` júu^ ta~ dsíib` quí'naa' e seë~naa' cøong` cóo~' Fidiée~ ⁴ lajee~ e sijeeng`naa' e nilíng`~naa' lajii~ jalé` e niguo^ e catí~naa' do e nicuø' Fidiée~ jneaa~aa' e nisi'má'r~ fi' ñifi~ quiá'r~. Jo jalé` e sijeeng`naa' do ja` tóo` jmi~ fa' e nilíng~ o'gui tóo` jmi~ fa' e nili'li^ o'gui fa' e nilíng`^ laco'gui cóo` lí^ ⁵ Jo có' jáb'~ líng` 'nú' lajii~ júu^ quiá'- Fidiée~, joba' dsea` íbing` jmóo` í^ 'nú' la'eáang` cóo~' e eáang` 'gøiñ' do; jo lajjoba' nilí'na' e nileáang`na' jee~ jalé` iihuí e catíng~ jaléng` dsea` dsee~ dsea` qui' cartí mi~ tí li~ nití- í' e Fidiée~ nileáiñ~ lajaléng` jogui lajalé` e sea`.

⁶ Jo la'eáang` e joba' iáang` óo` 'nú' lalíng`, nañí fa' lajee~ cateá` jangám~ dsing#ng~na' jmigui#b` jalé` e huíng` fi' jmigüí la. ⁷ Jo e uíng~ e dsing#ng~na' lajo e laco' cuø` li~ e ne`duu' su dseáng`- já'- líng`na' júu^ quiá'- Dsea` Jmáang~. Có' e já'- líng`na' e júu^ quiá'- Dsea` Jmáang~ do lí' lafa' cunée~: có' song` iing~ dsea` nilita~ dsíir` su dseáng`- já'- cunée~ e do osi o' lajo é, joba' jang`- 'né- nisigui' do ni~ jib~, joguiba' nilili~. Jo eáang`gui quíng` laco' cunée~ e já'- líng`na' júu^ quiá'- Dsea` Jmáang~ mi~ eegø` huíng` dsing#ng~na'. Jo nañí fa' e cunée~ do cuøong` lí' íng~, dsu' e júu^ quiá'- Dsea` Jmáang~ ja` lí' lajo, có' seab` lata~. Joba' song` ja` nilitúng~ óo'na' e já'- líng`na' e júu^ jo, joba' ni'ím` Fidiée~ 'nú' e guiúm~ba', jogui e yáb'^ niseáiñ` 'nú' mi~ nití- í' e nigüéeng~ tu Fíi'naa' Dsea` Jmáang~ fi' jmigüí la calé' catú~.

⁸ Jo 'nú'gui, nañí fa' ja` mí cañíng`na' Fíi'naa' Dsea` Jmáang~, dsu' eáam` iing~na'r; jogui lana dseáng`- jáb'~ líng`na' júu^ quiá'r~, nañí fa' ja` mí cañíng`na' dsea` do. Jogui dseáng`- laniim~ eáam` iáang` óo'na' la'ie` e júi~ ja` sea` júu^ jial nifo'na' uii~ quiá'r~, ⁹ có' la'eáang` íbre e caláang~na' jee~ jalé` dsee~ quiá'na'; có' lajjoba' e íng`na' mi~ já'- calíng`na' júu^ quiá'- dsea` do.

¹⁰ Jo lajii~ malí'gui eáang` jaléng` dsea` i café' cuaiñ~ quiá'- Fidiée~ cajmitíiñ` jogui ca'no'r~ e quiá'- jial nileáang` dsea` jee~ jalé` dsee~ quiá'r~, jo cajím`-biguir quiá'- jial guiúng~ Fidiée~ nijmér~ cóo~' 'nú'. ¹¹ Jo cajmeab` Jmiguí quiá'- Dsea` Jmáang~ júu^ jaléng` i dsea` i café' cuaiñ~ quiá'- Fidiée~ malí'gui eáang` do lajii~ e iihuí e 'né- nidsing#ng~ Dsea` Jmáang~ jogui jial nili'gøiñ` mi~ ningí jo; jogui jaléng` i dsea` í cajméer` quijí- i~ i dsea` i nijáa` do, jogui e~ jmi~ e jíng`- e Jmiguí quiá'- Fidiée~ do e nijáa` i dsea` do. ¹² Dsu' Fidiée~

cajmea'bre i dsea` í júu` e lajii~ júu` e guiaiñ' do o' e quiaíñ' do yaaiñ~, co' e jmicóo~ 'núb' e júu` do cajo. Jogui lanagui e lab e júu` jo e canáú`na' e nicagua' yaam~ i dsea` i cagua' júu` quia'~ jial nileáng` dsea` jee~ dsee~ quia'r- la'eáang` cóo~ Jmiguí quia'~ Fidiéé` e jáa' fí ñifi~ quia'r-. Jo lajalé" e la yaam~ ángeles i líng' guotii~ Fidiéé` cali'iiñ~ cangár~ jogui cangáñ' cajo.

Fidiéé` iñ~ e ni'náng`naa' jee~ dsee~ quí`naa'

¹³ Jo fí~ guíi` 'nú', dsea` rú`naa' dsea` quia'~ Dsea` Jmáang~, guieeng~ guia~ yaang~na' jogui íi` óo`na' røø` lajii~ e nijmée`na' dseáng'~ e ngocáng` óo`ba', jogui güiliseeng`na' e ta~ óo`na' e ni'ling'~na' lajii~ e íaang` dsíi' Fidiéé` e nicuø'r- 'nú' mi~ nití- í' e nijáa'tu Dsea` Jmáang~ calé" catú-. ¹⁴ Jo co' lanagui nilíng`na' dsea` i náú~ júu` quia'~ Dsea` Jmáang~, joba' jo` jmée`na' lajii~ e lí' e lí` áa`na' yaang~na' laco'gui lami~ jmoo`na' ie~ nú`gui e nilicuíng`na' Fidiéé`. ¹⁵ Co' 'né` niliseeng`na' laco' jaang` dsea` güeang` e ni'naang`na' jee~ jalé' dsee~ quí`na', dsuco' Fidiéé`bing' i catø' 'nú' e ca'uíng`na' dsea` quia'r-, jo íb` dsea` i líng' jaang` i güeang` i ja` dsee~ røøng` jii~ cóo; ¹⁶ co' lajob fé' fí ni` jii` quia'~ Fidiéé`: "Güi'naang`na' jee~ jalé' dsee~ quí`na' e laco' nilíng`na' dsea` güean`, dsuco' jnea` lín`n jaang` i güeang` i ja` dsee~ røøng` jii~ cóo."

¹⁷ Jo niñib' 'nú' e røøb` ée` Fidiéé` cóo~ lajaléng` dsea`, jo quidsir` í' quia'~ lajaang` lajaang` dsea` lí' jialco' líi` dsee~ quia'~ dsea`, jogui ja` jmóor` ta` guíng` dsea` cajo. Jo song` 'nú' fó`na' Teaa` fí'na' Fidiéé`, joba' contøøm~ 'né` e nijmiféng`na'r carjó' jmi~ e ngúing`na' taang~na' fí` jmigüi` la. ¹⁸ Jo co' calíéé`na' laco' líng` dsea` cóøng` quí`na' e seeng`na' e ja` uíing~ sea, joba' Fidiéeb` nicaleáaiñ` 'nú' jee~ dsee~ quí`na'. Jo dsu' 'nú' niñi`ba' guia~ e ja` caquf` e caláang`na' jee~ dsee~ quí`na' do cóo~ jalé' e tóo` jmi~ ni'ling-, fa' cunée` osi cutee` é, ¹⁹ dsu' caláam`ba' jee~ jalé' dsee~ quí`na' la'eáang` cóo~ jmi`øøng~ Fíi`naa' Dsea` Jmáang~ e niing~ eáang` e catuú` mi~ catáñ` fí` dse" crúu`. Jo dsea` do, i líng' Jo'se' Jiuung` i guiúng` i ja` si'ling` jii~ cóo, cajúñ` uii~ dsee~ quí`ii'. ²⁰ Dsuco' lajii~ mali`ba' nisi'ling` Dsea` Jmáang~ e nidsing`iiñ` lajo, lajii~ mi~ nú`gui e nitiroo` jmigüi, dsu' lanagui nicatib` í', joba' nicagüém`bre fí` jmigüi` la e laco' nijmér~ lajii~ ta~ e si'íiñ` e laco' nijmicóo'r- 'nú'. ²¹ Jo la'eáang` cóo~ Fíi`naa' Dsea` Jmáang~, 'nú' nicajáang` yaang~na' fí` jaguó` Fidiéé`; jo i dsea` íbing' i cajmée` e cají'tu Fíi`naa' Dsea` Jmáang~, jogui cajmээр` e casáng` dsea` do yú`^; joba' 'nú' jáb`- nicalíng`na' júu` quia'~ Fidiéé` jogui nisita`bi' óo`na' cóo~ dsea` do cajo.

²² Jogui 'nú', la'eáang` e nicalinúu`ba' júu` quia'~ Fíi`naa' Dsea` Jmáang~, joba' lana nilíng`na' dsea` i jo` beáng`gui dsee~ yaang~ jogui i 'neáang` rúng` la'ó" dsea` quia'~ Dsea` Jmáang~; jo lajob` 'né` cajo e nijmi'neáam`bi' dsea` rúng`na' dseáng'~ e ngocáng` óo`na' jogui cóo~ jalé' bí` quí`na'. ²³ Co' 'nú' lanagui nilíng`na' lafa' e nicangáang`tu' calé" catú-, dsu' o' e laco' nicangáang`tu' fí` jmigüi` la e seeng` tiquíi` niquíi`na' i cuøøng` lijúung~; co' la'eáang` cóo~ e júu` quia'~ Fidiéé` e ca'ling`na' do, cóo~ e joba' nicalí` lajo. Jo e júu` jo ja` tóo` jmi~ ni'ling-, co' latab~ sea. ²⁴ Co' lalab fé' fí ni` jii` quia'~ Fidiéé`:

Co' lajii~ dsea` jmigüi` líiñ` lafa' onuu`;

jogui e 'gøiñ' do líi` lafa' lí` quia'~ e onuu` do.

Co' e onuu` do cateáb` té", co' niliqui`b`;

jogui e lí` quia'~ do nijiáb` cajo.

²⁵ Jo dsu' e júu` quia'~ Fidiéé` do ja` tóo` jmi~ ni'ling-, co' latab~ sea.

Jo e lab júu` e quia'~ jial laang` dsea` jee~ dsee~ quia'r- e nicagua' dsea` jee` 'nú'.

2

¹ J_oba' fii-guú' 'nú', dsea` rú'naa' dsea` quiá'- Dsea` Jmáang-, túu'na' jalé' e 'li' e qui' jmoo'na' fí' jmigüi' la, fa' mi' jmigóøng'na' jaléng' dsea` rúng'na', jogui mi' jmicaang'na' cóo'~ jalé' júu' e fo'na', jogui mi' jmoo'na' e dsihuúng'na' quiá'- jaléng' dsea` rúng'na', jogui mi' quié'na' júu' adsee` cajo. ² Jmeáang'~ yaang'na' laco'gui jiuung~ i tá' cangáang'~ e 'nór' yaang' fi' quiá'- niquiá'r' e ni'í'r', co' la'eáang' cóo'~ e j_oba' e cuaaiñ'; j_o laj_obi 'nú' cajo, cuøø'~ fí' yaang'na' e ni'íng'na' layaang' júu' quiá'- Fidiéé' la'eáang' cóo'~ Jmiguí' quiá'r' e laco' nidsicuáng'gui qui'na' cóo'~ jalé' e júu' j_o, j_o laj_oba' niléang'na' jee' jalé' dsee' qui'na'. ³ Co' lana lajam'-ba' eáang' já'- nicalilí'na' e dsím'-ba' guiúng' Fí'naa' Dsea` Jmáang-.

Dsea` Jmáam-bing' i caguíng' Fidiéé'

⁴ J_oba' fii-guú' 'nú', dsea` rú'naa' dsea` quiá'- Dsea` Jmáang-, jmée'na' e nilicuíng'gui' Fí'naa' Dsea` Jmáang-, co' doñí' fa' ja' jíi'~ dsea` jmigüi' i dsea` do, dsu' í'bing' i caguíng' Fidiéé' e laco' líiñ' lafa' e cuu' e nisiguó' jogui e quíng' eáang'. ⁵ J_o laj_oba' 'nú' cajo, Fidiéé' cajméer' e nilíng'na' lafa' cuu' e quíng', j_oba' cuøø'~ fí' yaang'na' e Fidiéé' nijmeaiñ' 'nú' ta' e lafa' nilí' coo' guá'- güeang'~ quiá'- Fidiéé', jogui e nilíng'na' lafa' jmidsea` quiá'- Fidiéé' i jmóo' laj_oi' e iing' dsea` do, co' la'eáang' cóo'~ Fí'naa' Dsea` Jmáang- cuø'na' Fidiéé' jalé' e catíñ' e laco' iáang' dsír'. ⁶ Co' e laj_oba' fé' fí' ni' jì' quiá'- Fidiéé' mi' fé' cuaiñ' quiá'- Dsea` Jmáang- lala:

Jnea'~ niquiee' e coo' cuu' quiá'- tíi' fii' quiá'- 'nú' fí' Sión

jogui e cuu' j_ob e nisiguó' quié' e jogui eáam' quíng' cajo;

j_o dsu' jaléng' dsea' i já'- líng' júu' quiá'- Dsea` Jmáang-,

ja' niligøøiñ' cóo'~ e j_o, co' Dsea` Jmáam-bing' líng' lafa' e cuu' do.

⁷ J_o jaléng' 'nú', dsea' i já'- líng'na' júu' quiá'- Dsea` Jmáang-, eáam' quíng' e cuu' do qui'na'; j_o dsu' qui' 'nú', dsea' i ja' já'- líng'na' e j_o, j_oba' nilitib' laco' fé' fí' ni' jì' quiá'- Fidiéé' lí' fé' lala:

E cuu' e ja' calijí'~ dsea' jmigüi' quiá'- tíi' fii' quiá'- 'nur',

lanagui dseáng'~ cuu' laniim' nica'uíng' quiá' 'nú'.

⁸ Jogui litib' cajo laco' fé'gui fí' ni' jì' quiá'- Fidiéé':

J_o cóo'~ e cuu' j_o

seem' dsea' i niquiung'.

J_o co' uí' e ja' jíi'~ i dsea` do júu' quiá'- Dsea` Jmáang-, j_oba' caquiuiñ', dsuco' laj_ob dseáng'~ si'íñ'.

⁹ Dsu' 'nú'gui nilíng'na' dsea' i nicaguíng' Fidiéé' e laco' nilíng'na' dsea' quiá'r', jogui nilíng'na' lafa' jmidsea' i jmóo' laj_oi' e iing' Fidiéé', jogui nilíng'na' lafa' coo' fii' güeang'~ quiá'r'. J_o laj_ob lí' e laco' niguiá'na' júu' quiá'- jalé' e guiá' e cajméé' Fí'naa' Dsea` Jmáang- cóo'~ 'nú', co' í'bre dsea' cató'r' 'nú' e laco' nilíng'na' dsea' quiá'r' i seeng' fí' lí' jneá' jir' e laco' j_o seeng'na' fí' lí' nnu' só' fí' lí' jmoo'na' ta' quiá' i 'líng'. ¹⁰ J_o 'nú', lamí' jéeng'gui, dseáng'~ ja' lám'ba' dsea' fii' quiá'- Fidiéé', dsu' lanagui dsea' fii' quiá'- dsea' dob nilíng'na'; jogui lamí' jéeng'gui ja' mí' catíng'na' e fii' líng' Fidiéé' 'nú', dsu' lanagui nicatíim'ba' laj_o.

'Né' liseeng'na' e jmoo'na' laj_oi' e iing' Fidiéé'

¹¹ J_o fii-guú' 'nú', dsea` rú'naa' dsea` quiá'- Dsea` Jmáang- i iin'na' eáang', dsea' i seeng'na' fí' jmigüi' la e sisoo' sijóng'na' fí' caluu' fii' góo'na', j_oba' fii' 'nú' e ja' cuø' fí' yaang'na' e nijméé'na' jalé' e ga' e iing' ngúu' táang'na', co' mi' jmoo'na' laj_o, j_oba' ni'íng' qui'na' yaam'ba' jóng. ¹² J_o ee'na' guiá' jee' jaléng' dsea' i ja' mí' cuíng' Fidiéé', co' nañí' fa' lana gab' fé' i dsea' í' uii'

quí-na' e lafa' 'nú' líng-na' dsea` i jmóo` ta` 'léé, dsu' mi` nití- í' e nijáatu Dsea` Jmáang- calé' catú- fí' jmi'güi' la, joba' i dsea` í' nijmifém' bre Fidiéé' cajo co' nilí' bre lajii' e guiá- e jmoo` 'nú' fí' jmi'güi' la.

¹³ Jo la'eáang' Fí'naa' Dsea` Jmáang- jmi'goo'na' jogui jmití'na' jalé' ta` quiá' jaléng' dseata` quiá'na': fa' jaléng' dseata` dsea` mogui` quiá'- latøng- gó'na', ¹⁴ jogui i dsea` i casíng' i dseata` dsea` mogui` do e laco' dsea` do niquidsir' í' quiá'na' jogui e nicuó'r- iihuí' jaléng' dsea` i jmóo` ta` 'léé jogui e nijmí'gór' cajo jaléng' dsea` i jmóo` jalé' e guiá-. ¹⁵ Dsuo' iing~ Fidiéé' e ni'ee-na' røð laco' sí'í, jo lajoba' nitá dsea` e fé'r ga` uii` quiá'na', jo i dsea` i 'léé ja` mí cangáin' røð jalé' e jmóor` do.

¹⁶ Jo güiliseeng'na' e jo` quié'gui nifí quiá'na' jalé' dsee-. Jo dsu' lajee` e seeng'na' lajo, ja` cuø' fí' yaang'na' e sí' nifí e nijmíe'na' e ga`. Joba' fí' i 'nú' e ee-na' guiá- laco'gui ée' dsea` i jmóo` lajii' e iing~ Fidiéé'. ¹⁷ Jogui jmi'goo'na' jaléng' dsea` dseáng'- laco' sí'í, jogui jmi'neáang'na' jaléng' dsea` rúng'na' dsea` quiá'- Dsea` Jmáang- laco' catíng-, jogui jmi'féng'na' Fidiéé', jogui lajobi jmi'goo'na' dseata` dsea` féng' quiá'- latøng- gó'na' cajo.

E` uing~ e cacá- Dsea` Jmáang- iihuí'

¹⁸ Joba' fí' guí jaléng' 'nú', dsea` rú'naa' i líng' dsea` 'léeng' quiá'- dsea`, e jmi'goo'ba' jaléng' fii` quiá'na' jogui jmití'na' jalé' júu` quiá'r-, dsu' o' dseáng' jii' cóo' fii'na' i féng' dsí' cóo' 'nú' 'né- jmíe'na' lajo, dsu' lajob 'né- jmíe'na' cóo' i fii'na' i soo' dsí' cajo. ¹⁹ Co' guiá-guib fing song jaang' dsea', la'eáang' e iin~ jmér- lajii' e iing~ Fidiéé', nijmér- té'r cóo' jalé' e huíng' e cangáin' e ja` catáin-. ²⁰ Co' song cangóng'na' e huíng' dsu' uii' e nicajmíe'na' e ga, joba' ja` ee` ta` íng' quiá'na' jii' cóo' e nijmíe'na' féng' áa'na' quiá'- e huíng' do jóng. Jo song 'nú' cangóng'na' e huíng' dsu' uii' e nicajmíe'na' e guiá-, jogui e jmoo'ba' té'na' cóo' jalé' e huíng' do, joba' e jo eáang'gui quíng' fí' quini' Fidiéé'. ²¹ Co' uii' e lajoba' e cató'- Fidiéé' 'nú', co' mi` ca'íng' Dsea` Jmáang- iihuí' uii` quiá'na', ca'e'r 'nú' jial e 'né- té'na' cóo' jalé' e huíng' lí' laco'gui cajmíer` 'ñia'r' mi` ca'ín' iihuí'. ²² Jo Fí'naa' Dsea` Jmáang- ja` ca'éer' jii' cóo' dsee- o'gui cajmigóøin' jii' jaang' dsea` cóo' jalé' e fé'r. ²³ Jo mi` casí- dsea` júu` 'lé' dsea` do, dsu' ja` cañír cóo' júu` 'lé' quiá'- dsea` í; jogui mi` cacuø' dsea` jalé' iihuí' dsea` do, dsu' ja` cañír e cuø'r dsee- i dsea` í, dsuo' lí- lí e cajáng' 'ñia'r' fí' jaguó' Fidiéé', co' niñír e quidsí dsea` do í' quiá'- lajng' dsea` laco' catím-.

²⁴ Jo cacó- Dsea` Jmáang- jalé' dsee- quiá'naa' mi` cacár' jalé' iihuí' fí' dse' crúu` e laco' jneaa'aa' lafa' nicajúm-baa', co' jo` quiá'gui ta` qui-ii' jalé' dsee-, jogui e laco' nisee-naa' e ee-naa' røð laco' catíng-. Dsuo' Fí'naa' Dsea` Jmáang- calihuíin' e catáin- fí' dse' crúu` e lí' laco' 'nú' nilí'na' e niliseeng'na' røð laco' sí'í. ²⁵ Dsuo' 'nú' lamí` jéng'gui ngí'na' laco' ngí' jo'se' i sí'im` i ja` seeng' fii~, dsu' lanagui nicaqui' jím' yaang'na' e nicajmicuíng'na' Dsea` Jmáang-, jogui lana íb' dsea` i ninéé' ni` 'nú' jogui i nijmóo' í' 'nú' laco'gui jaang' dsea` i jmóo' í' guiá- jo'se' quiá'- contøng-.

3

Jial 'né- seeng' jaléng' dsea` sícúng' guó'

¹ Joba' fí' guí 'nú', dsea` rú'naa' dsea` quiá'- Dsea` Jmáang-, jaléng' 'nú' dseamí 'né- nijmí'goo'ba' jaléng' dseañu` quiá'na'. Co' song ii' lajee` la'ó' dseañu` ja` já- mí calíin- júu` quiá'- Fí'naa' Dsea` Jmáang-, dsu' song guiáb- ee-na' cóo'r~, jangám- já- nilíin' e júu` jo doñí' fa' ja` mí casí'na'r jii' camí' júu` quiá'- dsea` do. ² Co' mi` niní jaléng' i dseañu` do e eám' guiá- jalé' e

jmoo`na' jogui e eáam' jmi'goo` rúng`na' cajo, joba' jangám` ni'íñ' e júu` do jóng. ³ Dsu' o' jíí~ e jmáang~ guiá~ yaang~na' lí' caluu', fa' jalé' e si'náang~ gui`na' e jlo'` osi quié`na' jalé' ñí' cunéé` é osi jalé' mi'ñúung~ e niguó`^.
⁴ Co' guiá~gui jogui niing~gui fí' quini` Fidiéé` e jial guiá~ jmáang~ yaang~na' cóo~ jalé' e í' óo`na', jogui e ja` jmicøøng~ yaang~na' cóo~ dsea` rúng`na', jogui e seeng`na' juguiá~ júu` røø, co' lajíí~ e naba' e eáang`gui quíing' fí' quini` Fidiéé`. ⁵ Jo lajob líing' jaléng` dseamí` i caliséng` malíi~ i calicuíing' Fidiéé`, co' jaléng` i dseamí` í` cajáng` yaaiñ` fí' jaguó` Fidiéé` jogui cajmi'gó`bir dseañu` quiá'r` cajo. ⁶ Jo lajob cajmée` jaang` dseamí` i caliséng` malíi~ i calisí` Sara, cajmée`bre núur~ júu` quiá'` dseañu` quiá'r` i calisí` Abraham jo eáam' cajmi'gór` í'. Jogui 'nú', dseamí, lafa' jóo' i Sara dob líing`na' song jmoo`na' jmang`- e guiá~ jogui e ja` 'gó`na' jíí~ cóo` e jmoo`na' jalé' e jo.

⁷ Jogui jaléng` 'nú', dsea` líing`na' dseañu`, jmee`na' féng' áa`na' cóo~ jaléng` dseamí` quíi`na'. Jmi'goo`na'r dseáng`- laco' si'í' e jmi'gó` dsea` jaang` dseamí, jo o' uíí~ lajíí~ e dseamí dseáng`- guir laco' dseañu` e 'né` jmée`na' lajo, dsu' lajob 'né` jmée`na' cajo uíí~ e røøb` íng` Fidiéé` jneaa`aa' e see`naa' cøøng` cóo`r` lata~, doñí' fa' dseañu` osi dseamí` é. Joba' jmee`ba' lajo e laco' ja` ee` jnáng` quiá'` júu` quíi`na' mi` føng`na' Fidiéé`.

Jaléng` i íng` iihuí' uíí~ e jmóor` jalé' e guiá~

⁸ Joba' fíi` guí` 'nú', dsea` rú`naa', e güiliseem`ba' e guiá~ la'ó' rúng`na', jogui e siing`na' røø, jogui e iing` rúng`na' laco' catíng` e jmóo` dsea` quiá'` Dsea` Jmáang`. Jogui jmée`na' e guiúng`na' cóo~ jaléng` dsea` jogui e ja` jmi'jløng`^ yaang~na' cajo. ⁹ Jogui song i líing` dsea` éer` ga` cóo~ 'nú', joba' ja` jmée`na' qui` táa' lajo cóo`r`, jogui song sí'r` 'nú' 'leáang`, dsu' 'nú'gui ja` 'né` e ngíi`na' lajo quiá'r`, dsuco' o' lajo e 'né` jmée`na'. Co' lí' lí' 'né` míi`na' Fidiéé` uii~ quiáb'` i dsea` la'í' e laco' nijmigüeang`^neiñ, co' Fidiéé`bing` i nicató`- 'nú' e ni'íing`na' güea`^ quiá'r`. ¹⁰ Dsuco' lalab fé' fí' ni` jì quiá'` Fidiéé`:

Ii dsea` iing` e niliseeng` guiá~ fí' jmi'güí` la

jogui e seeiñ` juguiá~ laco` jmíi~,
 'né` nijmeáiñ` í' nisíi`bre e laco' ja` nifé'r` ga`,
 jo lajobi losuær~ cajo e laco' ja` nifé'r` júu` adsee`.

¹¹ Jo 'né` e nitú`na' e jmoo`na' jalé' e ga`,
 jo 'né` nijmée`na' jmang`- e guiá~

jogui 'né` nijmi'úung`na' e seeng`na' juguiá~ júu` røø cóo~ dsea` rúng`na'.

¹² Co' Fíi`naa' jmóo`bre í' jaléng` dsea` quiá'r` i jmóo` jalé' e guiá~,
 jogui jáb'` núur` jalé' júu` quiá'` dsea` í' mi` ee`go mi'r` dsea` do,
 dsu' 'ní' níim`bre jaléng` i dsea` i jmóo` ga`.

¹³ Co' jíí~ jaang` dsea` cuøøng` lí' jmeáiñ` 'nu` ga` song jmi'úung`na' e jmoo`na' jmang`- e guiá~. ¹⁴ Dsu' car` jíí~ e ee`na' e guiá~ do ni'íim`ba' e huíing', dsu' eáam' juguiá~ quíi` 'nú' song lajo. Joba' ja` føøng`na' quiá'` i dsea` i jmáng` 'nú' ga`, o'gui jmoo`na' 'gó`na' cajo. ¹⁵ Co' lí' lí' 'né` e nijmi'goo`na' Fíi`naa' Dsea` Jmáang` e car`ngocáng` óo`ba', jogui 'né` e néeb' guiá~ quíi`na' contøøng` e ningíi`na' quiá'` jaléng` dsea` i iing` niliñí` cuaiñ` quiá'` lajíí~ e nisita` óo`na' e nicuó`- Fidiéé` 'nú'. ¹⁶ Dsu' mi` ngíi`na' quiá'` i dsea` í', 'né` jmée`na' e jmi'goo`ba're jogui 'né` e ja` jmi'jløng`^ yaang~na' cóo`r`, jogui lajobi 'né` ee`na' guiá~ e jo` í' áa`na' jalé' e ga` e lamí~ jmoo`na' lamí~ jéeng`gui, jo lajoba' jaléng` i dsea` i fé' ga` uii~ quiá'` jalé' e guiá~ e jmoo`na' do nilí` í' líim`bre quiá'r` yaaiñ` cóo~ lajíí~ e fé'r` do.

¹⁷ Co' guiá~gui e ni'íing`naa' iihuí' uíí~ e jmoo`naa' e guiá~ song lajo iing` Fidiéé`, dsu' ga`guib líí' e ni'íing`naa' iihuí' uíí~ e jmoo`naa' jalé' e ga`. ¹⁸ Co' 'ñiab` Fíi`naa' Dsea` Jmáang` cacár` iihuí' cartí' cajúíñ` uíí~ dsee` quíi`naa',

co' lajo nisi'lb^ e nidsinguiñ- coo` ya' lata~ roo` jmiigüi. Dsuo' ír' líiñ' jaang` i ée` røø` i ja` dsee- røøng`, dsu' cajám' 'ñia'r' e cacár- iihuú' uii~ quía'- jaléng' jneaa~aa', dsea` líng'naa' dsea` dsee- dsea` quí', e laco' nitøø' jneaa~aa' fí' quini~ Fidiéé. Jo ír' cajnga' dsea` quía'r- lafa' jaang` dsea` jmiigüib, dsu' cajib'tur la'eáang' cóo~ Jmiguí quía'- Fidiéé. ¹⁹ Jo la'eáang' cóo~ e Jmiguí quía'- Fidiéé do e jmicóo~ quía'r- do cangór- e cangoguiar~ júu^ quía'- Fidiéé jee~ jaléng' 'líi~ i sijnáng' cartí' mi~ nití- í^ e Fidiéé quidsí' í^ quía'r-. ²⁰ Jo jaléng' i dsea` í laam` bre cajméer' ie~ mali~ gui do, ie~ lamí' seeng` gui Noé, ie~ lamí' cajéeng' Fidiéé e féng' dsíir' cóo~ ír' do lajee' e lí' e móo' dsée- do e fí' lí' caláang- jñíng- dsea` sináú^ quía'- Noé la'eáang' fí' dsíi' e móo' do mi~ ca'á' jmií' fí' jmiiguí la. ²¹ Co' e jmií' jo guóng' lafa' jmií' cóo~ e saang` dseab, dsuo' la'eáang' cóo~ e joba' e cuø' lí' e caláang- naa' jee~ dsee- quí-ii'. Dsu' e saang` dsea` jmií' do ofa' guóng' e jgíng- nguú' táang' dsea', co' lí' lí' guóng' e 'né' mii~ naa' Fidiéé e ni'liñ- dsee- quí-ii' e laco' jo lí' guí' dsea` dsee-. Jo dsu' jo lí' naa' lajo, co' nicajgáang- naa' jmií' uii~ e cají'tu Fí'naa' Dsea` Jmáang- mi~ cangí' e cajúñ-. ²² Jo mi~ cangí' e cají'r' do, cangám'-tur fí' ñíff-, jo lana dob niguiiñ- lí' lí' dsée' laco' guíng- Tiquía'r^ Fidiéé, jo fí' job quier' nifí' quía'- jaléng' ángeles i líng' guotíir- cóo~ gui jaléng' gui dsea' guí' i 'gøng' jogui jaléng' i óo' ta~ cajo.

4

Majmicóo~naa' dsea` rú'naa' lí' laco' e cangíng'naa' e cacuø' Fidiéé' jneaa~aa'

¹ Joba' fí' guí' 'ná', dsea` rú'naa' dsea` quía'- Dsea` Jmáang-, e lí' laco' gui cangongíng- Dsea` Jmáang- iihuú' lajee' táaiñ' fí' jmiigüi la, joba' lajob 'ná' cajo 'né- e jmée^na' té'ba' jogui e féng' óo'na' mi~ ningíng~na' e huíng'. Jo doñí' ií' dsea` quía'- Dsea` Jmáang- i ngíng' e huíng' fí' jmiigüi la, nica'ím- bí' quía'- dsee- quía'- i dsea` í. ² Jo co' lajob lí', joba' jo 'né- jmér- lajii~ e iing~ nguú' táaiñ' laco' gui la jmoo' dsea` i si'niim~bi cóo~ dsee- quía'-, dsu' lana 'né- nijmitir~ lajii~ e iing~ Fidiéé' lata~ seeiñ'. ³ Dsu' té' jii~ lana e jmoo'na' laco' gui la jmoo' dsea` i ja` cuíng' Fidiéé'; co' 'ná', ie~ ná' gui e calicuíng'na' dsea` do, cajmee~na' jalé' e ga' e ja' dseeng', fa' mi~ suung'na' jalé' e sea' fí' jmiigüi, jogui jmoo'na' ta~ güíng' cóo~ dseañu' osi dseamí' i o' quí-na', jogui jmoo'na' ta' í', jogui jmoo'na' ta' gø' cúng', jogui eáang' ta'na' mii~ fí' lí' néé' júu^, jogui jmiiféng'na' jaléng' diéé~ i o' já'. ⁴ Jo laco' 'ná' nica'ú'ba' lana e jmoo'na' jalé' e ga' do, joba' eám' dsigá' dsíi' jaléng' i dsea` i jmoo'bi e 'lí' do cóo~ 'ná', jogui gab' nífé'r' uii~ quí-na' cajo. ⁵ Jo dsu' jaléng' i dsea` í niguiéeb' jmií' mi~ niguiéer- cuente quía'r- fí' quini~ Fidiéé, dsea` ninéé' guíá- quía'r- e niquidsir' í' quía'- jaléng' dsea` jmiigüi i seeng` gui cóo~ gui jaléng' dsea` i nicajúng- cajo. ⁶ Jo dsu' uii~ e lajob lí', joba' nicagua' dsea` júu^ quía'- Dsea` Jmáang- jee~ jaléng' i dsea` i nicajúng- do e laco' e caliséiñ' fí' quini~ Fidiéé' e cajmicóo~ Jmiguí quía'- Fidiéé' quía'r-, nañí' fa' nica'idsib' í' quía'r- lajee' e seeiñ' fí' jmiigüi la.

⁷ Jo jo' huøø- roo' gui jmiigüi e nidsijéé' lajii~ e si'í' quía'- Fidiéé' e nidsijéé'. Joba' fí' i 'ná', dsea` rú'naa', íi' óo'na' laco' catíng-, jogui ñiim~bi óo'na' e laco' lí'na' e føng'na' Fidiéé' e ngocáng' óo'na' mi~ ee'go mii~na'r. ⁸ Dsu' niing- gui eáang' e nijmi'neáang'na' dsea` rúng'na' e ngocáng' óo'na', dsuo' mi~ jmi'neáang'na' rúng'na', joba' nilí' niliféng' óo'na' quía'- rúng'na' doñí' fa' sea' jmiigui dsee- quía'r-. ⁹ Jogui íim~ba' e iáang' óo'na' jaléng' dsea` cóo~ júu^ røø' mi~ ií' guilíng- fí' quí-na'. ¹⁰ Jogui 'né- jmicóo~ rúng'na' laco' si'í', dseáng- lí' laco' jii~ e catíng- e cangíng'na' quía'- Fidiéé' lajaang'

lajaang`na'. ¹¹ Jogui song *ii* `nú` cangúing`na' e guia`na' júu` quiá'- Fidiéé, `né` fo`na' e júu` jo laco' iing` Fidiéé e fo`na'. Jogui mi` *ii* jaang` `nú` ngúing`na' e jmoo`na' co` ta` e jmoo`na' lajii` e iing` Fidiéé, `né` jméé`na' e jo dseáng'- la'eáang' cóo` bí e cuo` dsea` do `nú`. Jo lajaléb` e jmoo`na', jmee`ba' dseáng'- laco' nijmiféng`na' Fidiéé la'eáang' cóo` Fii`naa' Dsea` Jmáang-, co' íb` dsea` i féng' jogui i `gøng` lata`. Jo lajob `né` niliti`.

Mi` íng` dsea` quiá'- Dsea` Jmáang- jalé` iihuí`

¹² Jo lalab fii` túu `nú`, dsea` rú`naa' dsea` quiá'- Dsea` Jmáang-, ja` jmoo`na' e dsi`gó` óo`na' mi` ngúing`na' jee` jalé` iihuí` uí` e líng`na' dsea` quiá'- dsea` do, jogui ja` í` áa`na' e jii` `nú` dsingúing`na' lajo. ¹³ Dsaco' o' lajo e `né` jméé`na', co' lí` lí` `né` e cuo` bí` rúng`na' e jmi`iáang` óo`ba' lajii` e iihuí` do, co' lajob e cangongúing` Dsea` Jmáang- fí` jmigüi` la, jo lajoba' nili`iáang` óo`na' mi` nimó`na' e nijáa`tu Dsea` Jmáang- fí` jmigüi` la cóo` e laniing` `gøin` do. ¹⁴ Jo juguiá- quiá`na' song *ii* dsea` i sí` `nú` júu` lí` uí` e líng`na' dsea` quiá'- Dsea` Jmáang-, co' contøom- seeng` cóo` `nú` e Jmiguí` jlo` niing` quiá'- Fidiéé do. ¹⁵ Jogui song *ii* `nú` móo`na' iihuí`, dsu' gab` lí` song e iihuí` do ca'íng`na' uí` quiá'- e cajngang`na' dsea`, osi quiá'- e jmoo`na' *ii*, osi quiá'- e nica`lee`na' é, osi quiá'- e quíng`na' jee` jalé` e ja` e cuaiñ` quiá`na'. ¹⁶ Jo dsu' song e iihuí` e móo`na' do ca'íng`na' uí` quiá'- e líng`na' dsea` quiá'- Dsea` Jmáang-, joba' ja` `né` jméé`na' e í` líng`na', co' lí` lí` `né` e jmiféng`gui' Fidiéé uí` quiá'- e jo.

¹⁷ Jo lanagui nicatíb` í` e Fidiéé` niquidsir` í` quiá'- jaléng` dsea` jmigüi`, jogui nináng` lajee` la'ó` jneaa`aa', dsea` lí`naa' dsea` quiá`r-. Jo co' lajob lí`, joba' *zjialgui* tí` ga` iihuí` nidsingúing` jaléng` dsea` i ja` núu` júu` quiá'- Fidiéé? ¹⁸ Jogui laco' fé` fí` ni` jì` quiá'- Fidiéé lala: "Song jaléng` i dsea` i guiúng` laco' sí` huim` nileáiñ` jee` dsee` quiá`r-, joba' *zjialgui* tí` ga` nidsijéé cóo` jaléng` dsea` i líng` jogui cóo` i beáng` dsee` yaang`?" ¹⁹ Jo song cuo` Fidiéé fí` e íng` jaléng` dsea` quiá'- Dsea` Jmáang- iihuí`, joba' jaléng` i dsea` í` `né` jméé`bir` jmang` e guiá-, jogui nijáng` yaaiñ` car` ngocáng` dsír` fí` quini` Fidiéé i cajmeáang` ír` do, co' dseáng` jmitib` Fidiéé jalé` júu` quiá`r-.

5

Júu` í` `goo` e catúing` jaléng` dsea` quiá'- Dsea` Jmáang-

¹ Jo lanagui iin`n nifón`n jaléng` dsea` cóong` i` quie` nifí` quiá`na' jee` la'ó` `nú`, dsea` líng`na' dsea` quiá'- Dsea` Jmáang-, co' jnea` lín`n jaang` i` quie` nifí` laco' í`bre cajo, jogui camó`bí` jalé` iihuí` e cangongúing` Dsea` Jmáang- fí` dse` crúu`, jogui nitím`baa cajo laco' i dsea` í` e nimoo`o e laniing` `gøng` quiá'- Dsea` Jmáang- mi` nijáa`tur fí` jmigüi` la. ² Joba' fii` i` `nú`, dsea` líng`na' dsea` cóong` i` quie` nifí`, jmee`na' í` jaléng` dsea` i cangúing`na' i nicane` ní`na' i nicacuøng` Fidiéé `nú`, co' i dsea` í` líiñ` lafa' jo'se` quiá'- Fidiéé. Jogui jmee`ba' e jo e ngocáng` óo`na' laco'gui iing` Fidiéé, jo ja` jméé`na' e laguidseaang` o`gui e laco' dsináang`na' cuu` cajo. Dsu' jmee`ba' jalé` e jo e íaang` óo`na'; ³ jo ja` `né` jméé`na' lafa' dsea` fii` i` laguidseaang` quiá' ta` quiá'- jaléng` dsea` quiá', dsu' lí` lí` `né` e nijmi`úung`na' e ni'ee`na' røø, jo lajoba' cuøng` nijøø` i dsea` quiá`na' do e nijmér` laco' sí` cajo. ⁴ Joba' mi` tí` lí` nijáa`tu Dsea` Jmáang-, i dsea` i laniing` do i jmóo` lafa' ta` ní` jo'se', joba' `nú` ni`líng`na' lajii` e sí`líng`na' quiá'- Fidiéé e jlo` eáang` e ja` tóo` jmi` fa' e ni`líng`.

⁵ Jogui lajobi 'nú' cajo, jaléng' siming', 'né- jmée^na' núu~na' jogui e jmi'goo'na' jaléng' dsea` cóong'. Jo lajing' 'nú' ja` 'né- jmée^na' jløng'^na' quiá'- rúng'na', dsuco' lalab fé' fí' ní' jì' quiá'- Fidiéé' lí' fé' lala:

Dseáng'- teá' sée' Fidiéé' quiá'- jaléng' dsea` i jmicóong' yaang',

dsu' eáam' guiá- jmicóo'r~ jaléng' dsea` i ja` jmóo' lajo dsu' ñi'bre e 'né- e nijmicóo'~ Fidiéé' quiá'r-.

⁶ Joba' cuøø'~ fí' yaang'na' e Fidiéé' nicár' nifí' quií-na', co' íb` dsea` laniing- 'gøng' cajo, jo lajoba' niseáiñ' 'nú' yá'^ mí' nití- í' quií-na'. ⁷ Joba' fíi- i 'nú', dsea` rú'naa' dsea` quiá'- Dsea` Jmáang-, 'naang'na' ca' jalé' fí'í' dsí' e seeng'na' fí' jmi'güi' la jo guiá^na' jalé' e jo fí' jaguó' Fidiéé', dsuco' dsea` dobing' i eáang' to' fíing' 'nú' contøøng-.

⁸ Jogui 'né- e í' áa'na' røø, jogui cajo 'né- e siñiing' áa'na' contøøng- e laco' ja' nijmigøøng' fíi' i 'ling'^ 'nú', dsuco' í' dseáng'- 'ní' níim-bre jneaa~aa' e ngir' fí' la fí' na lafa' jaang' ie' e 'náng'ne' líing~ i nisáng'ne'. ⁹ Dseáng'- ja` cuø'na' fí' e fíi' i 'ling'^ do nijmér- e nijmigøøiñ' 'nú' lajo, jogui jie~ mí' tiúung'na' e já'- líng'na' júu^ quiá'- Dsea` Jmáang-, co' niñí^na' e jaléng' rúng' dsea` quiá'- Dsea` Jmáang- i seeng' fí' la'úng- fí' jmi'güi' røøb' ngíiñ' iihu' laco' 'nú'. ¹⁰ Dsu' mí' ningí' e nica'ling' 'nú' jalé' iihu' lajee' cateá, job mí' nijmé- Fidiéé' e ni'uíng'na' dsea` guiúng- dseáng'- laco' si'í', jogui nijmér- e nisíng'-na' teá'gui fí' guiá- cóo'~ Dsea` Jmáang-, jogui e nita' óo'na' e Fidiéeb' dsea` nicá' nifí' quií-na'. Dsuco' dsea` dobing' i eáang' 'neáang' jneaa~aa', jo nicató'r- jneaa~aa' cajo e laco' ni'uíng'na' dsea` i seeng' cøøng' cóo'r~ lata~ colíng' cóo'~ Jóor' Dsea` Jmáang-. ¹¹ Jo eáang' laniing- 'gøng' dsea` do lata~ jee~ jalé' e sea` fí' jmi'güi'. Jo lajob 'né- niliti'.

Júu^ guicóo' e lidséng^

¹² Jo la'eáang' cóo'~ Silvano, jaang' dsea` rú'naa' i dseáng'- i lajang'- líng' dsea` quiá'- Dsea` Jmáang-, nicajmée'~e e jì'jiu la e laco' nifón'^n 'nú' jogui e nicuøøø' 'nú' bí' e laco' nijmitaa^ óo'na' e lajalé' e güea'^ e nica'ling'na' do cuø' lí' dseáng'- e lajam'-ba' 'neáang' Fidiéé' 'nú'. Joba' fíi- i 'nú' e lajob 'né- jmée^na' e teáam-bi' teá' fí' lí' niteáang'na' cóo'~ Dsea` Jmáang-. ¹³ Jogui jaléng' dsea` quiá'- Dsea` Jmáang- i neáang' fí' Babilonia i nicaguíng' Fidiéé' do laco'gui nicaguíñ' 'nú', guiéiñ' júu^ guicóo'~ quií-na' cajo, jogui lajobi i jóo'o i sií' Marcos. ¹⁴ Jogui se'na' guoo' rúng'na' mí' jíng' rúng'na' uii~ e 'neáang' rúng'na'. Jogui güiliseem'ba' juguiá- júu^ røø' lajing'na' dsea` líng'na' dsea` quiá'- Fíi'naa' Dsea` Jmáang-.

Jo júi~ job quiá'- lana.

Jo lanab júi~ fé' jì' la'uii~ quiá'- Tú^ Simón.

Ji` e catí tú` e cajme' TŨ^ SIMÓN

¹ Jnea` Tú` Simón, jaang` dsea` i jmóo` lajii` e iing` Fíinaa' Dsea` Jmáang` jogui i siiiñ` cuaiñ` quiá'r-, jmo'o e ji` la e catíng` 'nú', dsea` i røø` nicangíng`na' e já`- líng`na' júu` quiá` Fíinaa' Dsea` Jmáang` laco'gui nicangíng` jnea' e já`- línaa' júu` quiá` dsea` do cajo, co' eáang` guiúng` Fidié` cóo`~ jneaa`aa' e nicaleáaiñ` jneaa`aa' jee` dsee` qui`ii' la'eáang` cóo`~ Fíinaa' Dsea` Jmáang`. ² Jogui íim`ba' lalíng` e güea` quiá` Fíinaa' Dsea` Jmáang`, jogui güiliseeng`na' juguiá` júu` røø` la'eáang` e nicuíng`na' Fidié` cóo`~ gui`ña' Dsea` Jmáang` cajo.

Jial líng` dsea` quiá`- Dsea` Jmáang`

³ Jo lalab fii`i 'nú', dsea` rú`naa' dsea` quiá`- Dsea` Jmáang`, e la'eáang` cóo`~ güea` 'gøng' quiá`- Fidié`ba' nicangíng`naa' jalé` e 'né`naa' e quiá`- jial nilisee`naa' laco' catíng` e seeng` dsea` quiá`- Dsea` Jmáang`, co' nicató` i dsea` do jneaa`aa' la'eáang` cóo`~ güea` quiá`r- jogui la'eáang` cóo`~ e eám` guiúñ` e laco' nilicuíng`naa'r. ⁴ Joba' la'eáang` cóo`~ jalé` e nicangíng`naa' do, nicacuø` Fidié` júu` quiá`r- e niñíng`naa' jalé` e jlo` niguó` quiá`r-, jo jalé` e júu` e nicacuø` Fidié` do eám` 'gøng' jogui eám` quíng` cajo, co' la'eáang` cóo`~ e júu` joba' e nicangíng`na' e nica`naam`ba' jee` jalé` e 'lí`, fa' jalé` e lí` dsí` yaang` dsea` e sea` fí` jmigü` la, jogui nicangíng`na' e nilíng`na' dsea` i seeng` cøøng` cóo`~ dsea` do. ⁵ Jo uí` e cajmée` Fidié` jalé` e jo qui`na', joba' 'né` e jmi`úung`na' e jmicuáam`bi' e já`- líng`na' júu` quiá`- Dsea` Jmáang`; jo cóo`~ e jo 'né` jmée`bi' lajii` e guiá` cóo`~ dsea` rúng`na' laco' catíng`; jo cóo`~ e jo 'né` nijmée`bi' quií`- jial e laco' nilicuíng`gui' Fidié`; ⁶ jo cóo`~ e jo 'né` jmée`na' jialco' ja` lí` áa`na' yaang`na'; jo cóo`~ e jo 'né` cuø` bí` yaang`na' e féng` áa`na' nañí` fa' e ngíng`na' iihuú; jo cóo`~ e jo 'né` e dseáng`- lajang`- nijáang` yaang`na' fí` jaguó` Fidié` e nijmee`na' lajii` e iing` dsea` do; ⁷ jo cóo`~ e jo 'né` jmée`bi' quií`- e nijmicóo`- rúng`na'; jo cóo`~ e jo 'né` jmée`na' e nijmi`neáang`na' dsea` rúng`na'.

⁸ Joba' song` 'nú' jmi`úung`na' e jmoo`na' jalé` e la, jogui jmoo`bi' jalé` e jo laco' sí`í, joba' íim` ta` qui`na' e nilicuíng`gui' Fíinaa' Dsea` Jmáang` jogui cajo seab` uing` quiá`- jalé` e jmoo`na' do. ⁹ Jo dsu' jaléng`gui dsea` i ja` jmóo` jalé` e júu` la líiñ` lafa' jaang` dsea` tiuum` osi jaang` dsea` i jo` jné` røø` é, co' nica`ím` dsíir` e Fidié`bing' ca'íng` jalé` dsee` quiá`r- e laco' ca'uíng` dsea` do jaang` dsea` guiúng` mi` calí` já`- líiñ` júu` quiá`- dsea` do.

¹⁰ Joba' fii`guí` 'nú', dsea` rú`naa' dsea` quiá`- Dsea` Jmáang`, e 'né` jmi`úung`na' e niliseeng`na' e laco' cuø` lí` e dseáng`- nicató`- Fidié` 'nú' jogui e nicaguíñ` 'nú' cajo. Jo song` jmoo`ba' lajo, joba' ja` dseáng` qui`na' e nijjúng`na' fí` ni` dsee`. ¹¹ Jogui song` jmée`na' jalé` e jo cajo, jo lajoba' nilita` óo`na' e Fidié`bing' ni`íng` 'nú' cóo`~ e guiá` fí` jmigü` coo` fí` lí` guiing` Fíinaa' Dsea` Jmáang` quiá`r` ta` lata~, i dsea` i caleáang` jneaa`aa' jee` jalé` dsee` qui`ii'.

¹² Joba' dseáng`- nijmee`bí` e nijmigiém`bí` áa`na' jalé` e júu` na contøøng`, nañí` fa' lajam` e niñí`na' e júu` jo jogui e niteáang`na' teá` fí` guiá` cóo`~ dsea` do lí` laco' jii` e nica`e` dsea` 'nú'. ¹³ Dsu' jnea`gui lajee` e seen` fí` jmigü` la lín`n e catím`baa e niliúun`n 'nú' e niguiéng` áa`na' jalé` e júu` na. ¹⁴ Dsu' lanagui Fíinaa' Dsea` Jmáang` nicajmea`r` jnea` júu` e jo` huøø` seeng`guí` fí` jmigü` la, ¹⁵ joba' dseáng`- nijmee`bí` bí` e niguiém`bi` áa`na' e júu` la mi` ningá e ningán`n fí` jmigü` coo`.

Mi~ cangá dsea` jial tí' 'gøng' Dsea` Jmáang`

¹⁶ Jo nica'él'naa' 'nú', dsea` rú'naa', quiá'- jial tí' 'gøng' Fí'naa' Dsea` Jmáang` jogui jial lí' mi~ nijáa'tur fí' jmi'güí' la calé' catú', jo dseáng'- lajang'- e júu^ jo, jo o' júu^ e cuøøng` nijmi'uíng` dsea` e nijmé'r` e ja` mí' cangar', co' dseáng'- e já'- e cane~naa' cóo'~ jmini'naa' yee~baa' jial tí' 'gøng' Fí'naa' Dsea` Jmáang`. ¹⁷ Co' cane~baa' mi~ ca'e' Tiquí'ii' Fidiéé` jnea` jial líng' Dsea` Jmáang` cóo'~ jalé' e niing` 'gøiñ' do, jogui ie~ job canú'na' mi~ café' Fidiéé` catí' ñifí' quiá'r` lala cuaiñ` quiá'- Dsea` Jmáang`: "I lab Jóo' o' i' neáan` eáang', jo dsíng'- iáang` dsii` cóo'r`." ¹⁸ Jo jneab` dsea` canú'naa' e júu^ jo e jáa' tí' yá'^ jmi'güí', co' taam~baa' cóo'~ Fí'naa' Dsea` Jmáang` e fí' yá'^ mó' e güeang'^ do ie~ jo.

¹⁹ Jo e jo dseáng'- e lita~gui dsi'naa' e já'- e júu^ e cagua' jaléng' i dsea` i café' cuaiñ` quiá'- Fidiéé` mali~gui eáang', jo e júu^ job dseáng'- 'né' e jmi'goo' 'nú' cajo, co' e júu^ jo lí' lafa' cóo' jì' quiá'- candíí', jo e joba' jmáng' dsea` ta~ mi~ canuu`. Jo e jo jneá' cartí' nijneá' e jmi~ e nití' mi~ nijáa'tu Dsea` Jmáang` fí' jmi'güí' la e líiñ' lafa' i núu' ée^ i camíng' i jnéng' fí' yá'^ jmi'güí' mi~ la'ee'. Jo ie~ jo jaléng' 'nú', dsea` líng'na' dsea` quiá'r`, jo` niliseeng`gui' lafa' fí' lí' nuu, co' ni'uíng`na' dseáng'- laco' la líng' dsea` do 'ñia'r'. ²⁰ Jo dsu' e júu^ laba' iin`n e niliñ'na', e jii~ cóo' júu^ e cajme' jaléng' dsea` i café' cuaiñ` quiá'- Fidiéé` fí' ni~ jì' quiá'r` dseáng'- ja` café'r` o'gui cajméer` júu^ e~ guøng' e júu^ jo dseáng'- laco' iin` yaaiñ`. ²¹ Co' jaléng' i dsea` i café' cuaiñ` quiá'- Fidiéé` do ja` café'r` júu^ dseáng'- laco' i dsí' yaaiñ`, co' lí' lí' café' jaléng' i dsea` do la'eáang' cóo'~ 'ñia' Jmi'guí' quiá'- Fidiéeb`.

2

*Jaléng' dsea` i e' júu^ e o' já'-
(Judas 4-13)*

¹ Jo lala fíi-guú' 'nú', dsea` rú'naa' dsea` quiá'- Dsea` Jmáang`, e lami~ jéeng`gui caliséng` dsea` jee~ dsea` Israel i cajmícaang` e café'r` cuaiñ` quiá'- Fidiéé`, dsu' o' já'-, co' e júu^ e caguiar` do jman'g' júu^ e o' já'-; jogui lajee` lanab cajo niliseeng` dsea` i nijmícaang` e líiñ' tifa' i e' júu^ quiá'- Fidiéé`, dsu' júu^ e o' já'-ba' ni'ér` jee~ 'nú', dsea` líng'na' dsea` quiá'- Dsea` Jmáang`. Jo jaléng' i dsea` la'í' e ñm` ni'ér` e júu^ e 'léé' do e o' já'-, jogui nifé'r` ga` uii~ quiá'- Fí'naa' Dsea` Jmáang`, jogui i dsea` la'í' fé'r` e ja` cuíiñ` i dsea` i caquí' jalé' dsee` quiá'- dsea` jmi'güí'. Joba' lajmináb` niquidsí' Fidiéé` í' quiá'- i dsea` la'í', jogui nicuø'~reiñ' iihu'í' cajo e catíiñ` uí'~ quiá'- jalé' e nicajméer` jogui e mí' 'noo'bi jmóor`. ² Jo fíim' dsea` niligøøiñ` cóo'~ e júu^ e o' já'- do, jo nisíng'tu yaaiñ` e fí' ga` do, jo uí'~ jaléng' i dsea` la'í' gab` nifé' dsea` uii~ quiá'- fí' guiá' quiá'- Dsea` Jmáang`. ³ Jo uí'~ e lí' dsí' jaléng' i dsea` i e' jalé' e 'lí' do cuub`, joba' nilí'r` e nijmi'gøøiñ` 'nú' cajo cóo'~ jalé' e júu^ e o' já'- e er' do. Jo dsu' nisijéeb` e fí' lí' 'lí' do quiá'r` fí' lí' jo` mii' sea`gui, dsu'co' tí' nití' í' e Fidiéé` niquidsí' í' quiá'r`.

⁴ Jo nine~naa' guiá' e ja` ca'íng` Fidiéé` dsee` quiá'- jaléng' ángeles i ca'ée' dsee`, dsu' lí' lí' cangojéiñ` fí' lí' 'lib' jaléng' í' jo fí' lí' nuu` sób' caseáang`neiñ' do e si'ñúu'ñ' do cóo'~ ñí' cadena cartí' mi~ niquidsí' Fidiéé` í' quiá'ñ' do. ⁵ Jogui lajobi nine~naa' guiá' e ja` ca'íng` Fidiéé` dsee` quiá'- jaléng' dsea` dsee` dsea` qui' i caliséng` mali', co' ie~ jo Fidiéé` cacuø'reiñ' do iihu'í' e cajméer` e ca'á' jmi~ fí' la'úng` fí' jmi'güí' e quiá'- cajúm` lajii~ dsea` i soo` dsí' i cajmíe` ga` do. Jo dseáng'- lajii~ Noébing' i caseáang`gui, co' jii~ í'bing' i ca'ée' e guiá' laco' catíng` fí' quini' Fidiéé`, jo lajob cajo caseáam`bi guiáng`gui dsea` sinúu' quiá'r` ie~ jo. ⁶ Jogui lajob cajo ca'ím` Fidiéé` jaléng' dsea` i seeng` fí'

fiñ Sodoma cóo'gui fiñ Gomorra e cacóo e éang' fi' jo cartí' cajé' yaang' fa' e laco' niliñí' jaléng' dsea' i niliseeng' cøng'gui e lajob iihuñí' ni'ing' jaléng' dsea' i jmóo' ga' i 'ní' níng' Fidié'. ⁷ Dsua' ie' jo caleám' bre jaang' dseañu' i sií' Lot, co' jaang' dsea' guiúm' líng' í', jogui eám' óor' fi' í' cóo' jalé' e 'li' e nír' e jmóo' jaléng' i dsea' i seeng' fi' lí' táaiñ' do.

⁸ Jo laco' jmiñ' i dsea' guiúng' i sií' Lot do seeñ' e eám' óor' fi' í' cóo' i dsea' i soo' dsí' do uí' e nír' jogui e núur' jalé' e 'li' e jmóo' i dsea' 'ling' do. ⁹ Jo co' já' jalé' e la, joba' nine'naa' guiú' e ja' huñg' quiá' Fí'naa' Fidié' e láaiñ' jaléng' dsea' jee' jalé' iihuñí'. Jo nine'naa' cajo jial cuø' Fidié' iihuñí' jaléng' i dsea' i jmóo' ga' cartí' miñ' niquidsir' í' 'ñia'r' quiá' i dsea' la'í'. ¹⁰ Jo lajee' lajaléng' dsea', eáang'gui nicuø' Fidié' iihuñí' quiá' jaléng' dsea' i lí' dsí' e jmóor' jalé' e 'li' lajee' la'ó' yaaiñ' jogui i ja' iing' e Fí'naa' Fidié' quier' nifí' quiá'r'. Jo jaléng' i dsea' la'í' íib' líiñ', jogui teáb' dsí' jmér' lí' doñí' ee' e 'li', jogui ja' 'gór' e fé'r' ga' uii' quiá' jaléng' i 'gøng' i ja' jnéng' i seeng' fi' yá' jmiñí'. ¹¹ Jo jaléng' ángeles i líng' guotí' quiá' Fidié', nañí' fa' í'bing' dseáng' e sea'gui bí' quiá' laco' i dsea' i e' júu' e o' já' do, jogui nañí' fa' sea'gui fi' quiá'r' cajo laco'gui i dsea' í', dsua' niñí'bre e ja' dseeng' fa' e nifé'r' ga' fi' quini' Fí'naa' Fidié' uii' quiá' jaléng' i 'gøng' do i ja' jnéng' i seeng' fi' yá' jmiñí'.

¹² Jo dsua' jaléng' i dsea' i e' júu' e o' já' do líiñ' lafa' jó' núub' co' ja' e ngáiñ' jii' coo', co' lí' seeñ' lajob; co' jó' núu'bing' i líng' e lico' ngáang' ne' e sáang' dsea' í're' jo jngaiñ', joba' lajob líng' jaléng' i dsea' la'í', co' fé'r' ga' uii' quiá' jalé' e ja' ngáiñ' do. Dsua' lajob nidsingíiñ' e ni'ím' quiá'r' cajo miñ' nití' í' quiá'r' laco'gui júung' jaléng' i jó' í', ¹³ jo røøb' ni'ing' i dsea' la'í' iihuñí' laco'gui nicajmeaiñ' jaléng' dsea' rúíñ' i jién'gui. Jo dseáng' ja' í' líng' jaléng' i dsea' í' e jmóor' lajo miñ' jmiñ', co' lico' í' dsí' e eám' juguiú' seeñ' e lí' dsí' jalé' e sea' fi' jmiñí' la; dsua' dseáng' gab' lí' e seeng' jaléng' i dsea' la'í' jee' 'nú' i tá' mii' lajee' ee' go jmiñ' jmoo'na', jo i dsea' la'í' lico' jmi'íang' dsí' lajii' e lí' dsí' yaam' bre fi' jmiñí' la miñ' ee' go jmiñí' dsea'.

¹⁴ Jo jaléng' i dsea' la'í' ja' lí' níñ' jaang' dseamí' e fa' ja' suuiñ'; jo dseáng' ja' fim'bre e beáng' dsee' yaaiñ'. Jogui eám' jmóor' ta' jmi'óo' e cøñ' dsí' jaléng' dsea' i ja' mí' teáng' teá' cóo' júu' quiá' Dsea' Jmáang', jogui dseáng' tí' i dsináang' cuub' líiñ'. Jo uí' quiá' jalé' e 'li' e jmóo' i dsea' la'í', joba' dseáng' 'ñiab' Fidié' nibíñ' jaléng' i dsea' í'. ¹⁵ Jo sí'ím' dsea' do lana, co' nicatú'bre e teáiñ' fi' guiú' cóo' Dsea' Jmáang'. Jo nicajméer' laco' cajméé' jaang' dsea' i sí'í' café' cuaiñ' quiá' Fidié' malí'gui i calisí' Balaam, jóo' jaang' dseañu' i calisí' Beor, co' i dsea' í' lí' lí' cajméer' lí' doñí' ee' e ga' e laco' nilí'r' cuub' lamí' líiñ', ¹⁶ jo dsua' i dsea' í' cajím' bre uí' e dsee' e ca'éer' do, co' cajím' bú' quiá'r' ír', co' i bú' do café're' laco' fé' dseab', jo job' miñ' cajníng'ne' lajii' e lí' dsí' i dsea' do.

¹⁷ Jo jaléng' i dsea' í' i e' júu' e o' já' do líiñ' laco' dsea' i ja' ta' íng', co' líiñ' lafa' coo' ojmí' lí' ja' a' jmiñ', osi lafa' jní' e dsigúing' cóo' gui' e ja' quie' jmiñ' é; jo Fidié'bing' cacuø' e nisí'ing' i dsea' do dseáng' e nidsilíiñ' fi' lí' nuu' sò' lata'. ¹⁸ Co' yaam' bre guiar' júu' e róo' jogui júu' e ja' uing' sea', jo cóo' e ga' e sí'íiñ' jmóor' do jogui cóo' jalé' e lí' dsí' yaaiñ' do cøñ' dsí' jaléng' dsea' i nabi' lé' já' líng' júu' quiá' Dsea' Jmáang' jogui e nabi' nicanaaiñ' e 'naaiñ' yaaiñ' jee' jaléng' i dsea' dsee' dsea' qui' do. ¹⁹ Co' i dsea' i e' júu' e o' já' do sí'r' jaléng' i dsea' do e cuøøm' lí' jméiñ' jalé' e iñ', jogui ja' 'né' jmiñí' júu' quiá' Fidié', dsua' o' já' e júu' e ca'er' do, co' yaam' bir' líiñ' lafa' dsea' i sí'níng' cóo' jalé' e 'li' e sea' fi' jmiñí' la; co' niñí' dsea' e lí' doñí' i dsea' i nicajáng' 'ñia' e nijmér' jalé' e 'li' e sea' fi' jmiñí' la líiñ' lafa' i dsea' i nicalí'

e quiu' ta' quiá'r- jalé' e 'li' e jmóor` do. ²⁰ Jo dsu' jaléng' dsea` i nicalicuíng' Fí'naa' Dsea` Jmáang- i láang' dsea` jee` jalé' dsee- quiá'r-, jo la'eáang' cóo' e joba' nica'naang' yaaiñ~ jee` jalé' e 'li' e jmóo` dsea` fí' jmigüi' la, jo dsu' song caquing'-tu i dsea` do e fí' ga` do jo cajmée'tur jalé' e 'li', jogui niquíá'-tu ta' quiá'r- jalé' e jo, joba' eáang'gui ga` ni'uíng- quiá'r- laco'gui lami~ jéeng'gui ie~ lami~ ná'-gui e nilicuíñ` Dsea` Jmáang-. ²¹ Joba' guiá'-gui quiá'- jaléng' i dsea` la'í fa' e ja` mí' canaaiñ` e teáaiñ- fí' guiá- cóo' Dsea` Jmáang- laco'gui catú'tur jalé' e nicanquíñ` do mi~ nicalicuíñ` dsea` do jogui e nicasíñ` yaaiñ` fí' guiá- cóoiñ~ do. ²² Co' nicalitib~ cóo' jaléng' i dsea` la'í lajii~ júu^ e róo` e fé' lala: "Yaam~ dsii` gø'ture' ñu~ quiáa-re' e ñú're' do"; jogui "Jaang' cú' i dseáng'- lalí- calá'- nitáang'-tu 'ña're' jee~ jmijii~".

3

Mi~ nijáa'tu Fí'naa' Dsea` Jmáang- fí' jmigüi' la

¹ Joba' fii-gui 'nú', dsea` rú'naa' dsea` quiá'- Dsea` Jmáang- i iin~n eáang', la catí túb- e jì la e jmo'o e catíng-na'. Jo e jì la cóo'gui e lami~ jéeng'gui do jmo'o e laco' ni'í- áa'na' røø jogui e ni'ee-na' guiá- laco' catíng- e jmóo` dsea` quiá'- Dsea` Jmáang-. ² Jogui iin~n e jmiguiéng' áa'na' jalé' e júu^ e casée' jaléng' i dsea` i café' cuaiñ~ quiá'- Fidiée' mali~gui eáang', jogui cajo iin~n e nitó` óo'na' lajii~ júu^ quiá'- Fí'naa' Dsea` Jmáang- i láang' jneaa'aa' jee~ dsee- qui'ii'; jo jaléng' i dsea` apóo`bing' i ca'e' jneaa'aa' jalé' e júu^ jo.

³ Jo e lab e niing-gui e 'né- e nitó` áa'na' nifí' quiá'- e júu^ la, e mi~ tí li~ nijaquíéeng' e ni'íng- jmigüi', nijalíng- jaléng' dsea` e lí' niliseeiñ` e jmóor` lajii~ e ga` e lí' dsíir' yaam~bre, jogui jaléng' i dsea` la'í nijmér- ta' lóø` cóo' jalé' júu^ güeang'^ quiá'- Fidiée' jogui cóo' dsea` quiá'r- cajo, ⁴ jo nijmér- ta' jmíng' lala cóo' júu^ e lóø` : "¿E~gui calí- cóo' lajii~ júu^ e sisée^ e quiá'- sí'í e nijáa'tu Dsea` Jmáang- calé' catú- fí' jmigüi' la? Dsu' ningóo'jiu jii' e cajúng- Dsea` Jmáang- do, jo ja` e lí' e nigüéeng-tu dsea` do fí' la, dsuco' ja` ee' sisíng^ jii~ cóo' jalé' e sea` fí' jmigüi' la, co' røøb' lí' laco' lí' lami~ uíng~ do lí' lana cajo." ⁵ Jo dsu' o' já'- e laco' fé' i dsea` do, co' 'né- e ní- 'nú' e jaléng' i dsea` la'í ja` iin~ fa' e nicár` cuente e latí' lajii~ mali'ba' nisea' latøøng- yá' jmigüi' la'eáang' cóo' júu^ quiá'- Fidiée', jo la'eáang' cóo' ta' e caquiá' Fidiée'ba' cajo e cagüi'fí' guóo' uó^ fí' é' jmii, jogui la'eáang' cóo' jmii'ba' cajmээр e jo cajo. ⁶ Jo ie~ mali' do ca'ím- jaléng' dsea` jmigüi' la'eáang' cóo' jmii' cajo, co' ca'á' jmii' fí' ni' la'úng- guóo' uó-. ⁷ Jo dsu' latøøng- jmigüi' cóo'gui guóo' uó- e sea` lana nisisée^ e quiá'- e nicób', co' lajob ta' e caquiá' Fidiée' e nilí. Jo cóo' e jì job nicáng' dsea` mi~ tí li~ nití' í' e niquidsí' Fidiée' í' quiá'- lajaang' lajaang' dsea` jmigüi', jo ie~ job mi~ ni'íng^ jaléng' dsea` i ja` calinúu~ jalé' júu^ quiá'- Fidiée'.

⁸ Jogui fii-bii 'nú' e la, dsea` rú'naa' i iin~n eáang', jie~ mí' íng- áa'na' e la: Røøb' tí' quiá'- Fí'naa' Dsea` Jmáang- e cóo' jmii' osi cóo' mil jii' é, co' líng- dsea` do e lafa' cóo' jmii'b~ quiá'r- e cóo' mil jii' do, jogui e cóo' mil jii' do líiñ~ lafa' cóo' jmii~ tøøm-. ⁹ Jo ofa' jmi'íng- Fí'naa' Dsea` Jmáang- e nijmitir~ lajii~ júu^ e nicacuø' lami~ jéeng'gui laco'gui í' dsí' i líng- dsea', dsu' o' lajo, co' e eáang' féng' dsíib' dsea` do, co' ja` iin~ fa' lí' e nidsilíng' jii~ jaang' dsea` lajo fí' lí' 'li', dsu' iing~ dsea` do e lajim` dsea` niquí'- nijíng' yaaiñ` fí' quini' Fidiée', jo lajoba' ni'náng' dsea` jee~ jalé' dsee- quiá'r-.

¹⁰ Dsu' dseáng'- jáb'- e nijaquíéem' e jmii~ e nijáa'tu Fí'naa' Dsea` Jmáang- calé' catú- fí' jmigüi' la, jo jii~ ja` ii~ nililí', co' nijáar' lajee' ja` ñiiñ` dsí' dsea` laco' mi~ ngí' jaang' dsea` i jmóo` ii~ mi~ uóø. Jo ie~ job mi~ ni'ii~ eáang' car' niféng' dsea` mi~ ninga' la'úng- fí' yá' jmigüi', jogui ni'ím- jaléng' i seeng' fí'

yá' do cajo, cō' nicám`bre cōo' jì, jogui lajōbi guóo' uó' cōo' jalé' e sea` fí' jō, nicób' cōo' jì cajo.

¹¹ Jō cō' lajib` e sea` fí' latøng` jmigüi` nicó` cartí' ni'ling`, jōba' 'né` e ni-jmiñing` áa'na' e ni'naang` yaang`na' jee` jalé` dsee` quí'na', jogui contøom` 'né` jmée`na' lajii` e iing` Fidiée` car` ngocáng` óo'na'. ¹² Jō jmée`na' jalé` e jō lajee` e nisijeem`ba' e jmii` e nijáa`tu Fidiée` fí' jmigüi` la, jō jmi'úum`ba' e nigüea` lajminá` e jmii` jō. Jō mi` nití` e jmii` jō, ni'ím` la'úng` jmigüi` cō' nicób', jogui jaléng' i seeng` fí' yá' jmigüi` nijmám`bre cōo' e niing` jì do cajo. ¹³ Dsu' jneaa`guí', dsea` lí'naa' dsea` quía'` Dsea` Jmáang`, sijeeng`naa' jmigüi` e 'máb` cōo'`gui guóo' uó' e 'máb` cajo lí' laco' lajii` júu` e nicacuø' Fidiée` lami` jéeng`gui e nicacuø'r` jneaa`aa', jō lajalém` i niliseeng` e fí' jmigüi` 'mii` do líiñ` i guiúng` i jmóo' lajii` e iing` dsea` do jogui i güeang`.

¹⁴ Jōba' fii`guí' 'nú', dsea` rú'naa' i iin`n eáang', e lajee` e sijeeng`na' jalé` e jō, jmee`ba' úung` quí'na' e nijmée`na' jmang'` e guiá` e laco' mi` nigüéeng`tu Fidiée` fí' jmigüi` la calé` catú`, e niguiéiñ` 'nú' e seem`ba' juguiá` júu` røø` e ja` si'ling`na' fí' quinir` jogui e ja` dsee` røøng`na' jii` cōo'. ¹⁵ Jogui téé` áa'na' e contøom` féng'` dsí' Fí'naa' Dsea` Jmáang` e laco' tí'bi niquí'` nijíng` yaang`na' fí' quini` dsea` do e laco' nilí'na' nileáng`na' jee` jalé` dsee` quí'na'. Jō quía'` lajōbi cajo, jaang` dsea` rú'naa' dsea` quía'` Dsea` Jmáang` i i'naa' eáang' i sii` Paa` nicajme'r` jalé` jì e quía'` jial laang` dsea` jee` dsee` quía'r` lí' laco' jii` e cacuø' Fidiée` quía'r` e tiiñ` ngáiñ`. ¹⁶ Jō fí' ni` jalé` e jì e nicajme'` dsea` do, røø` nicaféiñ` 'nú' cuaiñ` quía'` lajì e júu` e quía'` jial laang` dsea` jee` dsee` quía'r`, nañí' fa' jee` e jì jō sea`bi e huíng` e ningáng'` jaléng'` i dsea` i ja` ngáng` e júu` jō cōo'`gui jaléng'` dsea` i ja` mí teáng` teá cōo'` jalé` e júu` jō cajo, cō' jaléng'` i dsea` la'í lí' riquib'` fé'r` e` guóng'` e júu` e er` do, jogui jmisím`bre cajo e` guóng'` e júu` quía'` Fidiée` caguiee`gui do, dsu' mi` jmóor` lajō lico' guiéng'` yaaiñ` fí' lí' 'lí'` latab`.

¹⁷ Jōba' fii`guí' 'nú', dsea` rú'naa' dsea` quía'` Dsea` Jmáang` i iin`n eáang', cō' 'nú'` dseáng'` niñí'ba' guiá` jial lí' e júu` la, jōba' fii`i 'nú' e jmeéang`na' í' yaang`na' e laco' ja` nijmigøøng` dsea` 'nú' e laco' fa' e nilí'r` e nitiúung`na' Fí'naa' Dsea` Jmáang`. ¹⁸ Dsu' 'nú' lí' lí' 'né` e nijmicuíim`bi' eáang`gui Fí'naa' Dsea` Jmáang`, cō' íb` dsea` láang` jneaa`aa' jee` jalé` dsee` quí'ii', jogui 'né` e niline`guí' jial tí' 'neáng` dsea` do jneaa`aa', dsea` i ja` catíng` lajō. Jōba' majmifém'`baa' dsea` do contøøng` jogui lajōbi lata`!

Jō lajōbi nilí'.

Jō lanab` jii'` fé' jì e catí` tú` quía'` Tú` Simón.

Ji' la'uii~ e cajme' JUAN

E~ uiing~ e calt~ e ji' la

¹ Lalab fii~i 'nú' e fi' ni~ ji' la cuaiñ~ quiá'- jaang~ i niseeng~ lajii~ mi~ nú'-gui nitiroo~ jmigüi. Jo dsea` í dseáng'- nicaná'baa' jial fé'r, jogui nicanem~baa'r dseáng'- quini~naa' lana, jogui nicalé'naa' cuente e dsea` la jneaa~aab' líiñ', co' quiá'- lanab nicalisé'naa' cóo'r~ la'ó' jnea'^, dsea` oo~naa' ta~ quiá'- Fidié'. Jo dsea` íb` Dsea` Jmáang~ i cuø' e ee~ dsea` lata~ cóo'~ Fidié'. ² Jo i dsea` i cuø' e jo dseáng'- nica'éem' 'ñia'r' fi' jmigüi la, jo nicanem~baa'r, joba' nicaníi~naa' júu^ quiá'- jalé' e nicané'naa' quiá'r~; jogui lana guía'naa' júu^ jee~ 'nú' quiá'- i dsea` i cuø' e ee~ dsea` lata~ cóo'~ Fidié' do, jo dsea` íb` cajo i caguá' fi' ñiff~ lamí~ jéeng'gui cóo'~ Tiquiá'r^, jogui i Tiquiá'r^ do nica'éem~bre dsea` do jee~ jneaa~aa' fi' jmigüi la. ³ Jo lajob júu^ e guía'naa' jee~ 'nú' quiá'- lajii~ e nicané'naa' jogui lajii~ e nicaná'naa' quiá'- dsea` í, co' ii~naa' e 'nú' seeng'na' cøøm` cóo'~ jnea'^ laco'gui jnea'^ cøøm` see~naa' cóo'~ Tiquí'ii' Fidié' dsea` guing~ ñiff~ colüing~gui cóo'~ Jóor' Dsea` Jmáang~. ⁴ Joba' jmo'naa' jalé' e júu^ la quí'na' e laco' nicuø' e íaang` dsi'naa' laco' si'í'.

Fidié' líiñ' jaang~ i jing' jlo'

⁵ Jo e lab e júu^ e ca'e' Dsea` Jmáang~ jnea'^, jo e job e ee~naa' 'nú' lana, e Fidié' líiñ' jaang~ i jing' jlo', jo jii~ capí' e nuu` só' ja` sea` quiá'r~. ⁶ Jo mi~ fé'naa' e cøøm` see~naa' cóo'~ Fidié', jogui dsu' lajee~ jo beám~ dsee~ yee~naa' laco'gui la jmoo` i dsea` i seeng' fi' lí' nuu` só', joba' jmigøøm` yee~naa' cóo'~ e fé'naa' do jóng, co' ja` jmoo~naa' laco'gui la iing~ Fidié' e nijmó'oo'. ⁷ Dsu' song see~naa' cøøng` cóo'~ Fidié' i jing' jlo' do, joba' cøøm` see~naa' lajee~ la'ó' rú'naa', dsea` lí'naa' dsea` quiá'- Dsea` Jmáang~, jogui nileám'baa' jee~ dsee~ quí'ii' la'eáng` cóo'~ jmi'øøng~ Jesús i líng' Jóo' Fidié' e catuu~ mi~ cajúñ~.

⁸ Jo mi~ fé'naa' e ja` dsee~ røø~naa' jii~ coo', joba' lí' lí' jmigøøng` yee~baa' jóng, co' ja` lé'ee' júu^ já' quiá'- Fidié'. ⁹ Jo dsu' song jmoo~baa' júu^ røø` uii~ quiá'- jalé' dsee~ quí'ii' fi' quini~ Fidié', joba' dseáng'- nisita` dsi'naa' e guiáb~ ee' Fidié' cóo'~ jneaa~aa', jogui jmiti~bre júu^ quiá'r~ e ím~bre jalé' dsee~ quí'ii' jogui láaiñ' jneaa~aa' jee~ jalé' e ga' e jmoo~naa'. ¹⁰ Jo dsu' song fé'naa' e ja` dsee~ mi' ca'ee~naa' jii~ coo', joba' lí' e lafa' fé'naa' e adseaam` Fidié' song lajo; jo ja` lé'ee' dseáng'- lajang'- júu^ já' quiá'- dsea` do song lajob fé'ee'.

2

Dsea` Jmáam~bing' mi' Fidié' cuaiñ~ quí'ii'

¹ Dsea` rú'naa' i 'neáan`n eáng', jmo'o e júu^ la e catüing~na' e laco' ja` ee~na' dsee~. Jo nañi' fa' sea~bre mi~ jüing'na' ni~ dsee~, dsu' seem` jaang~ i jmicóo'~ jneaa~aa' i mi' Tiquí'ii' dsea` guing~ ñiff~ cuaiñ~ quí'ii', jo íb` Dsea` Jmáang~ i ee' guiá' do. ² Jogui dsea` íb` i cajúng~ fi' dse' crúu^ e laco' ca'íng~ lajii~ dsee~ quí'ii' e røø~naa' fi' quini~ Fidié'. Dsu' o' jii~ dsee~ quí'ii' yee~ee' dsea` lí'ii' dsea` quiá'- Dsea` Jmáang~ e ca'íñ~, co' lajob ca'íñ~ dsee~ quiá'- lajüing` dsea` jmigüi cajo.

³ Jo song núu'baa' jalé' júu^ quiá'- Fidié', joba' nisita` dsi'naa' e nicalicuim~baa're jóng. ⁴ Jo song seeng` dsea` jín' e cuim~bre Fidié' jo dsu' ja` núu'r~ lajii~ júu^ quiá'- dsea` do, joba' i dsea` í líiñ' jaang~ i adseaang~, co'

ja`quier` júu`já`-` quiá`-` Fidiéé` . 5 Jo dsu' song seeng`gui dsea` i contøom` núu` júu`já`-` quiá`-` dsea` do, joba' lita` dsi`naa' e dsea` i` 'neáam`bre Fidiéé` laco' si'í'; jo song jmoo`baa' lajo, joba' line`naa' e cøom` see`naa' cóo`-` Fidiéé` . 6 Jo song seeng` dsea` i` jing`-` e cøom` seeiñ` cóo`-` Fidiéé`, joba' 'né` ni`ér` laco'gui ca'ée` 'ñia'` Dsea` Jmáang` fi` jmigüí` la.

Júu`'né` liti` e nisea` lati` mi` uiing`

7 Dsea` rú`naa' i` 'neáan`n eáang`, ja` lí' laco' coo` júu` 'máí` e júu` e 'né` liti` quiá`-` Fidiéé` e jmo`o la e catíng`na', co' e lab cajo e ca'íng`-` 'nú'` lati` mi` calicuíng`na' Dsea` Jmáang` . Jo e júu` e 'né` liti` do ja` sisíng` cóo`-` e júu` e ca'íng`-` 'nú'` lami` jéeng`gui do. 8 Jogui dsu' e júu` e 'né` liti` e jmo`o la quí`na' lana laco' coo` júu` 'máí` lí'; jo dseáng`-` jáb`-` e júu` jo, jo cajmitib` Dsea` Jmáang` laco'gui jmití` 'nú'` cajo, co' nicango'ím' e nuu` só' do, jo lana nicanaang` jing` i` jing` jlo`^ do.

9 Jo song seeng` dsea` i` jing`-` e cøom` seeiñ` cóo`-` i` jing` jlo`^ do jo dsu' 'ní'` níim`bre dsea` rúíñ', joba' i` dsea` i` fi` lí` nuu` só'`bi seeiñ`. 10 Jogui i` dsea` quiá`-` Dsea` Jmáang` i` jmi`neáang` rúng`, cøom` seeiñ` cóo`-` i` jing` jlo`^ jo ja` e uiing` sea` quiá`r` e nitéiñ` fi` ni` dsee` . 11 Jo dsu' i` dsea` i` 'ní'` níng`-` rúng` do, seem`bir e jmóor` laco'gui la jmóo` dsea` i` seeng` fi` lí` nuu` só'; jo jíí` ja` ñir` jie` fi` lí` ngóor`, co' fi` lí` nuu` só'` dob seeiñ`, joba' lí' lafa' tiuum`bre.

12 Dsea` rú`naa' i` lafa' jóo`o, jmo`o e júu` la e catíng`-` 'nú'` quiá`-` e jmiguiéng` áa`na' e nica'ím`-` Fidiéé` dsee` quí`na' la'eáang` cóo`-` jalé` e calíng`-` Dsea` Jmáang` fi` dse` crúu` . 13 Jogui jmo`guí` e júu` la quí`-` 'nú'`, dsea` líng`na' dsea` cóong`-` jee` dsea` quiá`-` Dsea` Jmáang`, quiá`-` e jmiguiéng` áa`na' e nicuíim`ba' i` niseeng` lajíí`-` mi` nú`-`gui nitiroo` jmigüí` do. Jogui jmo`guí` e júu` la quí`-` 'nú'`, dsea` i` ni`lé` cuíng`na' Dsea` Jmáang`, quiá`-` e jmiguiéng` áa`na' e nicalí`-`ba' e jo` lí' fi` i` 'ling`^ jmigóoiñ` 'nú'`.

14 Dsea` rú`naa' i` lafa' jóo`o, nab nicajméé`-` e quí`na' e laco' nijmiguiéng` áa`na' e nicalicuíim`ba' Tiquí`ii' Fidiéé`. Jogui nicajméé`baa` quí`na' cajo jaléng` 'nú'`, dsea` líng`na' dsea` cóong`-` jee` dsea` quiá`-` Dsea` Jmáang`, e jmiguiéng` áa`na' e nicuíim`ba' i` niseeng` lajíí`-` mi` nú`-`gui nitiroo` jmigüí` do. Jogui nicajméé`bá quí`-` 'nú'`, dsea` i` ni`lé` cuíng`na' Dsea` Jmáang`, e jmiguiéng` áa`na' e nica'ím`-`ba' júu` quiá`-` Fidiéé` car` ngocáng` óo`na', jo ja` mí` catiúung`na' jíí`-` capí`^, jo nicalí`-`ba' e jo` lí' fi` i` 'ling`^ jmigóoiñ` 'nú'`.

15 Joba' fí`-`guí` jaléng` 'nú'` e ja` síng` yaang`na' fi` ga, o'gui jmoo`na' dsináang`na' jalé` e 'lí`^ e sea` fi` jmigüí`; jo song seeng` dsea` i` jmóo` lajo, joba' i` dsea` i` ja` 'neáaiñ` Tiquí`ii' Fidiéé`. 16 Co' jalé` e 'lí`^ e lí` dsií` dsea` fi` jmigüí` la ja` jáa` quiá`-` Tiquí`ii' Fidiéé`, co' quiá`-` i` 'lim`^ lí` jáa` do cofa' jalé` e la: mi` lí` dsií` dsea` jalé` e iing`-` ngúu` táaiñ` fi` jmigüí` la, jogui mi` dsináaiñ` lí`^ doñí` ee` 'lí`^ cangár` fi` jmigüí` la, jogui mi` iíñ` e í`bre silí`r` jalé` e jlo`^ e sea` fi` jmigüí` la e laco' jmiféng` dsea` ír` . 17 Dsu' coob` mi` nití`-` í' e ni`íng`-` lajíí`-` bí` e sea` quiá`-` i` 'ling`^ fi` jmigüí` la colíng`-` cóo`-` jalé` e 'lí`^ e dsináang` jaléng` dsea` jmigüí`. Jogui jaléng` i` dsea` i` jmóo` jíí`-` e iing`-` Fidiéé`, latab` niliseeiñ` cóong` cóo`-` dsea` do.

Jial`ñí` dsea` jnang` júu` e já`-` jogui` jnang` júu` e o'`já`-`

18 Dsea` rú`naa' i` 'neáan`n eáang`, lana nijaquíéng` e tí` lí` ni`ím`-` jmigüí`. Jogui nicanúub`-` 'nú'` e nú`-`guijia e jo, nijáa` jaang` dsea` i` 'ling`^ i` 'ní'` ní`-` quiá`-` Dsea` Jmáang` . Jo nicaliñí`baa` røø` e téeb`-` róo`gui jmigüí`, co' lati` lanab nicanaang` ngí` fíng` dsea` i` 'ní'` ní`-` quiá`-` Dsea` Jmáang` . 19 Jo jaléng` i` dsea` í` cangotáam`-`bre jee` jneaa`aa' lami` jéeng`gui, dsea` lí`íí` dsea` quiá`-` Dsea` Jmáang`, dsu' catiúum`-`tur jneaa`aa'; cofa' mi` ja` cajméer` lajo, joba' quíim`-`bir

jee~ jneaa~aa' latí lana jóng, dsu' catiúum~bre jneaa~aa'. Jo calí~ lajo e laco' calíñí' dseá' røø' e jíí'~ jaang' i dseá' do lííñ' laco' jneaa~aa', dseá' lííñ' dseá' quiá'~ Dseá' Jmáang~.

²⁰ Dseá' rú'naa', Dseá' Jmáang~ nicaguíñ' jneaa~aa', dseá' líí'naa' dseá' quiá'r~, e nicangíng'naa' Jmiguí' quiá'r~, jo lajoba' nine~naa' jnang~ dseáng'~ júu^ já'-. ²¹ Jo uíing~ joba' jmo'o e jí' la e catíing~ 'nú', dsu' ofa' uii' e ja' mí' cuí'na' jnang~ júu^ já'~; co' 'nú', dseáng'~ røøb' niñí'na' e jo. Jogui' ñí'bi' 'nú' cajo e jíí'~ coo' júu^ já'~ ja' cuøøng' nigüí'íng' jee~ júu^ e o' já'-. ²² Joba' fá' jnea~: ¿í' i dseá' adseaang' do? Co' íb' i dseá' i fé' e o' já'~ e Jesús lííñ' Dseá' Jmáang~. Jo íb' i dseá' i 'ní' ní' quiá'~ dseá' do, dsuco' mí' 'ní' nííñ' Joo' Fidiéé' joba' 'ní' níim~bre la quie' Tiquiá'~ dseá' do cajo. ²³ Jo doñí' íi' i 'ní' níing~ Joo' Fidiéé', lajob 'ní' nííñ' Tiquiá'~ dseá' do cajo; dsu' i dseá' gui' i fé' e jáb'~ e Dseá' Jmáang~ cagüéíñ' e lííñ' jaang' dseá' jmigüí', joba' dseá' do e já'~ba' cuííñ' Dseá' Jmáang~ jóng, jogui' nicuíim~bre la quie' Tiquiá'~ dseá' do cajo.

²⁴ Jo fíi'~guí' 'nú', jie~ mí' tú'na' e júu^ já'~ quiá'~ Dseá' Jmáang~ e canúu'~na' latí' mí' uíing~ do. Jo song ja' catiúung'na' e júu^ jo, joba' cøøm' niliseeng'na' cóo'~ Joo' Fidiéé' jogui' lajobi' cóo'~ Tiquiá'~ dseá' do cajo. ²⁵ Jo e lab e júu^ e dseáng'~ nicacuø' Dseá' Jmáang~ jneaa~aa', e nilisee~naa' cøøng' cóo'~ Fidiéé' lata~. ²⁶ Jo nicajmée'~e e júu^ la quí'~na' e laco' nilíñí'na' quiá'~ jaléng' dseá' i iing~ nijmigøøng' 'nú' e nisíñ' 'nú' fí' ga'. ²⁷ Jo dsu' la'eáang' e seem' Jmiguí' quiá'~ Fidiéé' cøøng' cóo'~ 'nú' e cangíng'na' cacuø' Dseá' Jmáang~ do, joba' ja' 'neáng'~na' e dseá' jíéng' ni'é'~ 'nú' laco'gui' jíí'~ e niñí'na', co' 'ñiab' Jmiguí' quiá'~ Fidiéé' e e' 'nú' jalé' e 'né'~ nilíñí'na'. Jo jalé' e er' do jmang'~ júu^ jáb'~, jo jíí'~ coo' fa' líí' júu^ e o' já'-. Joba' fíi'~ i 'nú', jie~ mí' tú'na' e seeng'na' cøøng' cóo'~ Dseá' Jmáang~ laco'gui' nica'e' Jmiguí' quiá'~ Fidiéé' 'nú'.

²⁸ Joba' fá'guí' dseá' rú'naa' i 'neáan'n eáang', jie~ mí' tiúung'na' e seeng'na' cøøng' cóo'~ Dseá' Jmáang~, jo lajoba' nisita' dsí'naa' e jo' 'gó'naa' o'gui' i' líng'naa' fí' quinir'~ mí' nigüéeng'~tur fí' jmigüí' la. ²⁹ Co' niñí'bi' 'nú' guíá' e Dseá' Jmáam~bing' i dseáng'~ ée' guíá', jogui' niñí'bi' 'nú' cajo e doñí' íi' dseá' i ée' guíá'~ contøøng~, dseá' íb' dseáng'~ i líng' joo' Fidiéé'.

3

Jial lí' mí' uíing~ dseá' joo' Fidiéé'

¹ Joba' fíi'~guí' 'nú', dseá' rú'naa' dseá' quiá'~ Dseá' Jmáang~ i 'neáan'n eáang', ñí'~na' jial tí' 'neáang' Tiquí'~ii' Fidiéé' jneaa~aa', co' í'bing' nicacuø' jneaa~aa' e líí'ñ' laco' joo'bre. Co' e já'~, dseáng'~ joo'bre líí'ñ'. Jo uíí'~ e lajob líí'naa', joba' jaléng' i dseá' i ja' mí' calicuíng' Fidiéé' ja' cuííñ' jneaa~aa' cajo. ² Jogui' lana, dseáng'~ joo' Fidiéé' nilíí'ñ'; dsu' ja' ne'ee' røø' ee' e nidsijéé' quí'~ii' cøøng'gui, lífa' nisítá'~ dsí'naa' e mí' nigüéeng'~tu Dseá' Jmáang~ fí' jmigüí' la, joba' ie~ jo nilí'~naa' laco'gui' la líng' Fidiéé' 'ñia'r', dsuco' nilíne~baa' jial dseáng'~ líng' dseá' do. ³ Jo doñí' íi' dseá' i nita' dsí' e nilííñ' laco'gui' Fidiéé' mí' nijáa'tu Dseá' Jmáang~, joba' nijmí'úuiñ' e ni'é'~ guíá'~ laco'gui' dseá' do 'ñia'r'.

⁴ Dsu' doñí' íi' dseá' i beáng' dsee~ yaang~, joba' jmóor' laco'gui' dseá' i 'líng' i 'ní' níing' Fidiéé', dsuco' dseeb~ mí' 'ní' níing~ dseá' Fidiéé'. ⁵ Jo 'náb' niñí'na' guíá' e cajá' Dseá' Jmáang~ fí' jmigüí' la e cajú'ííñ' dsee~ quí'~baa', jo dseá' íb' dseá' i ja' røøng' jíí'~ coo' dsee~. ⁶ Jogui' doñí' íi' i contøøm~ seeng' cøøng' cóo'~ Dseá' Jmáang~, joba' ja' beáng' dsee~ yaaiñ~. Jogui' doñí' íi' i beáng' dsee~ yaang~, joba' dseáng'~ ja' mí' cangáaiñ' dseá' do o'gui' cuííñ' dseá' do cajo. ⁷ Joba' fíi'~guí' 'nú', dseá' rú'naa' i 'neáan'n eáang', ja' cuø' fí' yaang'~na' e nijmigøøng' dseá' 'nú'; co' song jaang' dseá' éer' guíá'~ laco' catíng' e jmóo' jaang' dseá' quiá'~ Dseá' Jmáang~, joba' dseá' guíum~ lííñ', co' guíáb' éer'

laco'gui 'ñia' dsea` do. ⁸ Jogui song seeng` dsea` i ja` tú e beáng' dsee` 'ñia'r', joba' dsea` quiá'- fi` i 'lim`^ líiñ', dsuco' í'bing' i beáng' dsee` 'ñia' latí' mi` uiing~. Jo uiing~ joba' cajá- Jóo' Fidiée` fi' jmgüi' la e laco' ni'liñ` jalé' ta` quiá'- fi` i 'ling`^ do.

⁹ Jo jíi'~ jaang` dsea` i líng' jóo' Fidiée` jmóor` ta` jmiróng'gui dsee` 'ñia', dsuco' i dsea` í seeiñ` la'eáang` cóo'~ Jmiguí quiá'- Fidiéeb'; joba' jo` catíiñ` fa' ni'é` guir dsee` , co' jóo' Fidiéeb` nilíiñ'. ¹⁰ Co' nine`baa' røø` i` i líng' jóo' Fidiée` jogui` i` i líng' jóo' fi` i 'ling`^ cajo, co' doñí` i` dsea` i ja` ée` guiá' fi' quini` Fidiée` o'gui jmi'neáañ` dsea` rúñ', joba' i` dsea` í ja` já'- e líiñ` jóo' Fidiée`.

'Né` nijmi'neáam`baa' dsea` rú'naa'

¹¹ Jo latí' mi` uiim` nicanáa` 'ná' e 'né` jmi'neáang`naa' dsea` rú'naa'. ¹² Jo ja` güjmeáang' yee`naa' laco' Caín, dsea` cali'iiñ` e caliñ` dsea` quiá'- fi` i 'ling`^; jo uíi' e lajoba' cajngaiñ' jaang` rúñ' dsea` ngáang' cóo'r~, co' jmang'~ e guiáb` ca'ée` i` líi` rúñ' do, jogui 'ñia'r' jmang'~ e gab` ca'éer`.

¹³ Joba' fíi` guí 'ná', dsea` rú'naa' dsea` quiá'- Dsea` Jmáang~, ja` güidsigá` óóna' e 'ní' níng` jaléng` dsea` jmgüi' i` ja` cúing` Dsea` Jmáang` 'nú'. ¹⁴ Jo nine`baa' e jo` líi` guí lafa' 'líng`naa' uíi` dsee` quí-ii', co' lanagui cøøm` nisee`naa' cóo'~ Fidiée`. Jo guiáb` nine`ee' e jo, co' jmi'neáam` rú'naa' la'ó' jneaa`aa', dsea` líi` dsea` quiá'- Dsea` Jmáang~. Jogui i` dsea` i` ja` jmi'neáang` dsea` rúng', lafa' 'líim`bir` líiñ` uíi' dsee` quiá'r~. ¹⁵ Jogui doñí` i` dsea` i` jmóo` ta` 'ní' níng` rúng' líiñ` laco' jaang` dsea` i` jmóo` ta` jngang' rúng'. Jogui 'náb' niñí`na' cajo e jíi'~ jaang` dsea` i` jmóo` ta` jngang' rúng' cuøøng` liseeñ` cøøng` cóo'~ Fidiée` lata`. ¹⁶ Jo nicuí'baa' jial lí' e jmi'neáang` dsea` rúñ' do, co' lajob` cajmée` Dsea` Jmáang~ e 'neáañ` jneaa`baa' mi` cajáng' 'ñia'r' e cajúñ` fi' dse' crúu` uíi' dsee` quí-ii'. Jo lajob` 'né` jmó` jneaa`aa' cajo e nijáang' yee`naa' e nijmicóo' rú'naa', jo lajoba' cuø` lí` e jmi'neáam` rú'naa'. ¹⁷ Facó' jaang` dsea` i` seab` jalé' e 'né`, jogui ñi`bre cajo e seem` dsea` dseáng'~ laniing` 'né` e licóo'r~, jo dsu' jíi'~ cóo' ja` e jmicóo'r` i` dsea` í, joba' ja` 'neáang` i` dsea` do Fidiée`, co' ja` jmicóo'r` i` dsea` rúñ' do.

¹⁸ Joba' fíi` guí 'ná', dsea` rú'naa' i` lafa' jóo'o, ja` cá`na' júu` ta` júu` e fó`na' e jmi'neáang`na' dsea` rúng`na'; co' la tí' la líb` júu` 'né` cá`na', jo lajoba' nilili` e dseáng'~ jmi'neáam` rúng`na'.

Jial ta` dsí' e se`naa' cóo'~ Fidiée`

¹⁹ Jo song jmi'neáam` rú'naa', joba' dseáng'~ nitab` dsí'naa' e líi` dsea` quiá'- Fidiée`, jo lajoba' nine`naa' røø` e jo` i' líi`naa' mi` nití' fi' quini` dsea` do, co' jmi'neáam` rú'naa'. ²⁰ Jo song i' líim`baa' fi' quini` Fidiée` uíi' e jmoo`naa' jalé' e ja` catíng` do, joba' güiguiéng' dsí'naa' e dseáng'~ dsea` féng' líiñ` jogui niñir` lajalé'. ²¹ Joba' fíi` guí 'ná' dsea` rú'naa' i` 'neáan` eáang', song ta` dsí'naa' e ja` i' líng`naa' fi' quini` Fidiée`, joba' nitab` dsí'naa' e ja` 'né` jmó`oo' 'gó'naa' fi' quinir` mi` féng'~naa'r` jóng. ²² Joba' mi` míi`naa' Fidiée` lí' doñí` ee`, núu`bre júu` quí-ii' jo lajoba' ngím`baa', co' núu`baa' júu` quiá'r~ e 'né` liti` do, jogui jmoo`baa' jalé' e iáang` dsíir` cajo. ²³ Jo e lab e júu` quiá'- Fidiée` e 'né` liti` do, e nijáang'~ yee`naa' fi' jaguó' Fíi'naa' Dsea` Jmáang~, jogui e nijmi'neáang`na' dsea` rú'naa' laco' ta` quiu' Fidiée`. ²⁴ Jo doñí` i` dsea` i` núu` jalé' júu` e 'né` liti` quiá'- Fidiée`, joba' cøøm` seeiñ` cóo'~ Fidiée`, jogui dsea` do seem`bre cøøng` cóo'iñ` do cajo. Jo ne`baa' e seem` Fidiée` cóo'~ jneaa`aa' la'eáang` cóo'~ Jmiguí quiá'r~ e nicangíng`naa' do.

4

Jial líi` Jmiguí quiá'- Fidiée` jogui jial líi` bí' quiá'- dsea` i` 'ling`^

¹ Joba' fñ-guñ 'nú', dsea' rú'naa' i 'neáan'n eáang', ja' já'- güilíng'na' quiá'- jaléng' dsea' i fé' e la'eáang' cóo' Jmiguí' quiá'- Fidié'ba' guiar' e júu' quiá'r- do, co' la'uii~ jang'- cá'na' cuante su e júu' e guía' i dsea' do guiar' la'eáang' cóo' Jmiguí' quiá'- Fidié' osi la'eáang' cóo' bñ quiá'- i dsea' i 'ling'^ dob é. Co' fñm' dsea' niseeiñ' lana e jmigóor' e fé'r' cuaiñ~ quiá'- Fidié', dsu' o' já'- e lajo. ² Jo niliñib^ 'nú' i i guía' júu' la'eáang' cóo' Jmiguí' quiá'- Fidié': co' doñí' i i jing'- e já'-ba' cagüéng- Dsea' Jmáang- fí' jmigüi' e líiñ' jaang' dsea' la jneaa~aa', dsea' líi' dsea' jmigüi', joba' dsea' íb' i guía' júu' la'eáang' cóo' Jmiguí' quiá'- Fidié'. ³ Jo doñí' i i fé' e ja' já'- e Jesús cagüeiñ- lajo, joba' i dsea' í ja' fé'r' la'eáang' cóo' Jmiguí' quiá'- Fidié', dsuco' fé'r' la'eáang' cóo' jmigüi' quiá'- i 'ling'^ i 'ní' ní- quiá'- Dsea' Jmáang-. Co' nináub- 'nú' lamí' jééng'gui e dseáng'- nisi'í' quijgeáam' bñ quiá'- i dsea' i 'ling'^ do jee~ dsea' jmigüi', jo latí' lana, lab niqijgeáaiñ' fí' jmigüi' la.

⁴ Dsea' rú'naa' i lafa' jóo'o, 'nú' seeng'na' la'eáang' cóo' Jmiguí' quiá'- Fidié', joba' ja' mí' calí' i dsea' i ngí' ta~ jmigóo' do fa' nicajmigóoiñ' 'nú'; dsuco' 'gøng'gui Jmiguí' quiá'- Fidié' e seeng' jee~ 'nú' laco'gui bñ quiá'- i dsea' i 'ling'^ i quijgeáang' jee~ dsea' i ja' cuíng' Fidié'. ⁵ Jo jaléng' i dsea' i ngí' ta~ jmigóo' do líiñ' dsea' i ja' cuíng' Fidié', jogui fé'r' quiá'- laji' e ia' e ligøøng' dsea' e sea' fí' jmigüi' la, joba' jaléng'gui dsea' i ja' cuíng' Fidié' tib' dsír' núur' e júu' jo. ⁶ Dsu' jneaa~guñ', dsea' quiá'- Fidiéeb' líi', joba' doñí' i i dsea' i cuíng' Fidié' tib' dsír' núur' júu' qui' ii'. Jogui i dsea' i ja' cuíng' Fidié' ja' jí'r' júu' qui' ii'. Jo job lí' line~naa' i i dsea' i fé' la'eáang' cóo' Jmiguí' quiá'- Fidié' jogui i i fé' la'eáang' cóo' bñ quiá'- i dsea' i 'ling'^ do.

Jaang' i 'néeb' líng' Fidié'

⁷ Jo fñ-guñ 'nú', dsea' rú'naa' i 'neáan'n eáang', e dseáng'- 'né' e ni- jmi'neáang'naa' dsea' rú'naa', dsuco' lajob cangüing'naa' cacuø' Fidié' jneaa~aa'. Jo jalém' dsea' i jmi'neáang' rúng', dseáng'- já'-ba' nicuíim'bre Fidié', joba' jóo' dsea' dob nilíiñ'. ⁸ Co' doñí' i i ja' jmi'neáang' rúng', joba' ja' mí' calicuíiñ' Fidié', co' jii' dsea' íb' dsea' líiñ' jaang' i 'néeb'. ⁹ Jogui laco' nililí'naa' jial tí' 'neáaiñ' jneaa~aa', joba' Fidié' casíiñ' i jóor' camíng' do fí' jmigüi' la e laco' la'eáang' ír', cøøm' nilisee~naa' cóo' Fidié' lata'. ¹⁰ Jo lajob líe~naa' jial tí' 'neáang' Fidié' jneaa~aa'; dsu' jneaa~aa' ja' cajmi'neáang'naa' dsea' do la'uii~, co' íbre dsea' cajmi'neáaiñ' jneaa~aa' la'uii~, jo uíing~ lajoba' casíiñ' i jóor' i cajúng- fí' dse' crúu' do e laco' ca'íng- dsee~ qui' ii'.

¹¹ Joba' fñn'túu' 'nú', dsea' rú'naa' i 'neáan'n eáang', e laco' nicajmi'neáang' Fidié' jneaa~aa', lajob cajo jneaa~aa' 'né' nijmi'neáang'naa' dsea' rú'naa'. ¹² Dsu' e já', jii' jaang' dsea' ja' quí'r~ jmí~ níiñ- Fidié' dseáng'- lana, jo dsu' song jmi'neáang'naa' rú'naa', joba' seem' Fidié' cóo' jneaa~aa' contøøng-, jogui dsea' do jmi'neáam'bre jneaa~aa' laco' sí'í'. ¹³ Jo ne~baa' røø' e cøøm' see~naa' cóo' Fidié' jogui dsea' do cøøm' seeiñ' cóo' jneaa~aa' contøøng- la'eáang' cóo' Jmiguí' quiá'r- e nicangüing'naa'. ¹⁴ Jo co' jnea'^ dseáng'- nicane~baa', joba' cuøøng' fe'ee' e já'- e Tiquí'ii' Fidié' casíiñ' jóor' Dsea' Jmáang- fí' jmigüi' la e laco' nileáiñ- dsea' jmigüi' jee~ dsee~ quiáiñ'. ¹⁵ Jogui doñí' i i jáb'- líng' jogui fé'r' e já'-ba' e Jesús líiñ' i jóo' Fidié' camíng' i cagüéng- fí' jmigüi' la, joba' i dsea' í cøøm' seeiñ' cóo' Fidié', jogui Fidié' cøøm' seeiñ' cóo' dsea' do cajo.

¹⁶ Jo co' lajob líi', joba' dseáng'- nicaline~baa' jogui jáb'- líi' cajo, e eáam' jmi'neáang' Fidié' jneaa~aa'. Jogui co' jáb'- e dsea' do líiñ' jaang' i 'néeb' qui' ii', joba' doñí' i i dsea' i seeng' i jmi'neáang' rúng', seem'bre cøøng' cóo' Fidié' jogui Fidié' seem'bre cøøng' cóo' dsea' do cajo. ¹⁷ Jo co' nisitab' dsi'naa' e jmi'neáam' Fidié' jneaa~aa' laco' sí'í', joba' jo 'né' jmó'naa' 'gó'naa' mí' nití'

í' e niquidsí Fidiéé' í' quiá'- jalé' dsee- quiá'- dsea, co' laco'gui líng' Dsea' Jmáang- 'ñia'r', lajob lí' jneaa~aa' fí' jmigüü' la cajo. ¹⁸ Jo song see~baa' e Fidiéé' jmi'neáaiñ` jneaa~aa', joba' ja` 'gó'naa' fí' quini~ dsea` do mi~ niquidsir' í' quiá'-ii'. Jo co' dseáng'- laco' si'í'b^ jmi'neáang` dsea` do jneaa~aa', joba' jgiéem- e 'gó'naa' do. Jo song ii` jneaa~aa' jáa' quiá'-ii' e 'gó'naa', dsu' e jo lí' uii~ quiá'- jalé' dsee- e 'né- quiá'baa'. Joba' song eáang' lí'naa' e 'gó'naa', joba' ja` mí' calita~ dsinaa' e 'neáam` Fidiéé' jneaa~aa' dseáng'- laco' si'í'.

¹⁹ Jo co' Fidiéeb~ dsea` la'uii~ cajmi'neáaiñ` jneaa~aa', joba' jmi'neáam`baa' dsea` rú'naa' jogui jmi'neáam`baa' Fidiéé' cajo. ²⁰ Jo song seeng` dsea` i` jing'- e já'-ba' 'neáaiñ` Fidiéé', jo dsu' lajee` jo ta` 'ní' níng- jaléng' dsea` rúm' jmóor', joba' i` dsea` í' líiñ' jaang` i` adseaam`. Co' song jaang` dsea` ja` jmi'neáaiñ` dsea` rúíñ' i` níiñ- contøøng~, joba' ja` quí'r~ jmí~ nijmi'neáaiñ` Fidiéé', co' dsea` dogui ja` mí' cangáaiñ` jíi~ coo' néé'. ²¹ Jo 'ñiab' Dsea` Jmáang- cajíñ'- e júu^ quiá'- Fidiéé' e 'né- liti~ na: "Doñí' ii` dsea` i` jmi'neáang` Fidiéé', lajob 'né- jmi'neáaiñ` dsea` rúíñ' cajo."

5

Jial lí'naa' e ja` ligøøng-naa' cóo'~ jalé' e 'lí' e sea' fí' jmigüü'

¹ Jo doñí' ii` 'nú' e dseáng'- jáb'- líng'na' e Jesús líiñ' Dsea` Jmáang- i` casíng` Fidiéé' fí' jmigüü' la, joba' i` dsea` í' jóo' Fidiéeb~ líiñ'; cofa' jneaa~aa' jmi'neáam`baa' jaléng' tíquí'ii', joba' la quie' tí' jaléng' rúm'baa' jmi'neáang`naa' jóng. ² Jo nitab~ dsinaa' e dseáng'- jmi'neáam`baa' jaléng' dsea` i` líng' jóo' Fidiéé' mi~ jmi'neáam`bá' Fidiéé' 'ñia'r' jogui núu~bá' dseáng'- laco' catíng- jalé' júu^ 'né- liti~ quiá'r-. ³ Jo song jmi'neáam`baa' Fidiéé', joba' náu~baa' e júu^ quiá'r- do; jo o' júu^ ii` e jo fa' ja` quí'~ jmí~ nijmití'ii'. ⁴ Jo jaléng' dsea` i` líng' jóo' Fidiéé', lí'bre e ja` ligøøiñ` cóo'~ jalé' e 'lí' e sea' fí' jmigüü'. Jogui la'eáang' e jáb'- lí'naa' e Jesús líiñ' Dsea` Jmáang-, joba' calí'-baa' e ja` caligøøng`naa' cóo'~ jalé' e 'lí' e sea' fí' jmigüü'. ⁵ Jo jíi~ i` dsea` i` já'- líng' e Jesús líiñ' jóo' Fidiéé', jíi~ í'bing' lí' e ja` ligøøng` cóo'~ jalé' e 'lí' e sea' fí' jmigüü'.

Júu^ e cacuø' Fidiéé' quiá'- Jóor' Dsea' Jmáang-

⁶ Jo i` Jesús i` líng' Fí'naa' Dsea` Jmáang-, dsea` íb` i` cagüéng- fí' jmigüü' la jo cajgáaiñ- jmí~ jogui catuü` jmi'øøiñ- mi~ cajúíñ- e laco' cuø' lí' quiá'- jalé' ta~ quiá'r- e cajajméer^ fí' jmigüü' la. Dsu' o' jíi~ e cajgáaiñ- jmí~ do, co' 'né- lajì` túb- colíng~, e cajgáaiñ- jmí~ do cóo'~gui jmi'øøiñ- e catuü` mi~ cajúíñ-. Jo e Jmiguü' quiá'- Fidiéé' do tí' ni~ jogui cuø' júu^ quiá'- jalé' e jo, jogui jmang'- júu^ jáb'- cuø' e Jmiguü' quiá'- Fidiéé' do. ⁷ Jo lí' laco' 'ní' líng' e tí' ni~ do jogui cuø' júu^ quiá'- e jo: ⁸ jo ca'íng' do Jmiguü' quiá'- Fidiéé', jo ca'íng'~gui e cajgáang- Dsea` Jmáang- jmí~, jogui e ca'íng'~gui do e jmi'øøng- e catuü` quiá'- Dsea` Jmáang- mi~ cajúíñ-, jo røøb` júu^ quiá'- laca'íng' do. ⁹ Jogui jáb'- lí'naa' lajíi~ júu^ e cuø' dsea` jmigüü' quiá'- lajíi~ e cangár-, dsu' e júu^ e cuø'gui Fidiéé' eáang'gui 'né- já'- nilí'naa', co' laniing-gui lí', dsuco' Fidiéé' cuø' júu^ uii~ quiá'- Jóor' Dsea` Jmáam-. ¹⁰ Jo ii` i` já'- líng' e júu^ e cacuø' Fidiéé' quiá'- Jóor', joba' dseáng'- ím'bre e júu^ jo car` ngocáng` dsír'. Jogui ii` i` ja` já'- líng' lajíi~ e júu^ e cacuø' Fidiéé' do, joba' lí' lafa' fé'r' e Fidiéé' líiñ' jaang` i` adsee, co' ja` já'- líiñ' lajíi~ júu^ e cacuø' dsea` do uii~ quiá'- Jóor' Dsea` Jmáang-. ¹¹ Jo e lab júu^ e cacuø' Fidiéé' jneaa~aa' e cuøøng` see~naa' cøøng` cóo'r~ lata~, jo e jo cacuø'r' jneaa~aa' la'eáang` cóo'~ Jóor' Dsea` Jmáang-. ¹² Jo doñí' ii` i` seeng` cøøng` cóo'~ i` jóo' Fidiéé' do, joba' seem`bre cøøng` cóo'~ Fidiéé' lata~; jogui ii` i`

ja`seeng`cøøng`còo' i Jòo' Fidié` do, joba' ja`seeiñ`cøøng`còo' dsea`do lata`cajo.

Júu`lí`cadséng`e`lá' Juan

¹³ Joba' jmo'o jalé' júu` e tōo` fí` nî` jî` la e catíng` jaléng` 'nú' e laco' niliñ`na' e seeng`na' cøøng`còo' Fidié` lata~, 'nú' dsea`jáb' líng`na' e Jesús dseáng`-jáb' líiñ` Jòo' Fidié`.

¹⁴ Jogui nitab` dsì'naa' mi` líng` ee` mî'naa' Fidié` e cøøng`còo' lajii` e iñ` 'ñia'r, joba' núu`bre júu` quí`ii'. ¹⁵ Jo mi` dseáng`-nine`baa' røø` e jáb' núu` Fidié` jalé' júu` quí`ii', lajoba' nita` dsì'naa' e dseáng`-nicang`m`baa' lajii` e nicamî'naa're do.

¹⁶ Jo song jaang` dsea`nir` e jaang`gui dsea`rúin` éer` dsee-, jo song e dsee- jo ja`jmóo` e 'naang` dsea`còo' Fidié` lata~, joba' 'né` nim'r` Fidié` uii` quiá'- i dsea` í` e laco' nitúin` do e jo, jo lajoba' Fidié` nicuør` e niliseem`biñ` do cøøng`còo'r` song e dsee- e sea` quiá'- dsea`do ja` lí' quiá'- cōo` dsee- e jmóo` e 'naang` dsea`còo' Fidié` lata~. Dsu' e já'-, seab` dsee- cajo e jmóo` e 'naang` dsea`còo' Fidié` lata~, jo ja`fá'a e 'né` mî'naa' Fidié` uii` quiá'- e dsee- jo. ¹⁷ Dsu' jaléb` e ga` e jmóo` dsea`, dseeb` lí' fí` quini` Fidié`; dsu' seab` e dsee- do e ja`jmóo` e 'naang` dsea`còo' Fidié` lata~.

¹⁸ Jo nine`baa' røø` e jaléng` dsea` i fé' e já'-ba' Fidiéeb` dseáng`-líng` Tiquiá'r, joba' jo` beáng`gui dsee- yaaiñ~, dsuco' 'ñia' i Jòo' Fidié` dob nijmóo` í` ír, jo lajoba' jo` dsiquiéeng` fii` i 'líng` cáaiñ` e nijmeáng`neiñ` ga`.

¹⁹ Jogui nine`baa' røø` e jòo' Fidiéeb` lí'í', jogui lajüng` dsea` i ja`jii` Fidié`, fii` i 'líng`bing' quie` nifi` quiá'r. ²⁰ Jogui nine`bí' cajo e nicagüem` i 'ñia' Jòo' Fidié` do fí` jmigüí` la e laco' cacuør` jneaa`aa' e nilicuíng`naa' dseáng`-i Fidié` i já'- do. Jo lana cøøm` nisee`naa' còo' i Fidié` i já'- do jogui còo' i Jòo'r` Dsea` Jmáng` do cajo. Jo í'bing' líng` dseáng`-i Fidié` i já'- do, jo la'eáng` còo' íb` cajo ngíng`naa' e see`naa' cøøng`còo' Fidié` lata~. ²¹ Joba' liúung`guí` 'nú', dsea`rú'naa' i lafa' jòo'o, jmee` í` yaang`na', jo ja` güiligøøng`na' e nijmiféng`na' dié` i o' já'-.

Jo lajob` nilí`.

Jo lanab`jii` fé' jî` la'uii` quiá'- Juan.

Ji e cati tú e cajme' JUAN

Jial 'neáng dsea` rúñ' la'eáng e já' lúñ' júu` quiá' Dsea` Jmáng`

¹ Jnea` sii` Juan, jo` lín`n jaang` dsea` féng` i` quie` nifí` jee` dsea` quiá'` Dsea` Jmáng` , jo` jmo`'o e` jì` la e` catíng` 'nú', dsea` i` nicaguíng` Fidié` e` ca'uíng` na' dsea` quiá'` Dsea` Jmáng`. Jo` dseáng`- lajam`-ba' e` 'neáng` jnea` 'nú', jo` o' jíi` jnea` cajo, co' lajob` jaléng` guí` dsea` i` nica'íng` júu` quiá'` i` Fidié` i` já'` do.

² Jo` dseáng`- 'neám`baa` 'nú', co' seem` fí` dsi`naa' e` júu` quiá'` i` Fidié` i` já'` do, jo` dseáng`- contøøm` nilisea` e` júu` jo` fí` dsi`naa'. ³ Jo` mñi` i` Tiquí`ii' Fidié` colíng` guí` cóo'` Jóor` Dsea` Jmáng` e` nijmigüeiñ` 'nú' jogui` e` nilí` fñi` lúñ` 'nú' jogui` e` nicuó`r` 'nú' juguiá` júu` røø. Jo` jaléb` e` na` nicuó`r` 'nú', dsea` jáb`- líng`na' júu` quiá'` i` Fidié` i` já'` do jogui` jmi`neám`bi` rúng`na' cajo.

⁴ Jo` eám` cali`iáng` dsii` mi` calicuíng` rú`naa' cóo'` cóo'` tú` máng` dsea` quiá'` Dsea` Jmáng` i` neáng` fí` na e` seem` bir` cøøng` cóo'` júu` quiá'` i` Fidié` i` já'` do, co' lajob` júu` e` 'né` liti` e` nica'íng`-naa' quiá'` dsea` do. ⁵ Jo` lana` fñi`-guí` 'nú', dsea` rú`uu', e` 'né` nijmi`neám`ba' dsea` rú`naa'. Jo` lajaléb` e` júu` e` jmo`'o na` quií`-na' ja` lí' cóo'` júu` e` 'né` liti` e` 'mñi`, co' e` job` cajo e` ca'íng`-naa' latí` mi` uiing` do. ⁶ Jo` song` see`-naa' e` jmi`neám`baa' Fidié` cóo'` guí` jaléng` dsea` rú`naa', lajoba' náu`-naa' jalé' júu` e` 'né` liti` quiá'` Fidié`. Jo` e` lab e` júu` e` 'né` liti` e` caná`naa' latí` mi` uiing` do e` quiá'` nilisee`-naa' e` jmi`neám`baa' Fidié` cóo'` guí` jaléng` dsea` rú`naa'.

Jial lúng` dsea` i` ngí` ta` jmigóo`

⁷ Jo` fñi` i` 'nú' cajo e` fñim` dsea` ngír` ta` fé' e` o' já' e` caguéng` Fí`naa' Dsea` Jmáng` fí` jmi`güi` la e` lúñi` jaang` dsea` jmi`güi`. Jo` jaléng` i` dsea` íb` ngí` ta` jmi`góo` jogui` 'ní' níim`-bre Dsea` Jmáng` cajo. ⁸ Jo` ñiing` áa`na' jo` ja` güilígøøng`na' quiá'` i` jmi`góo` do, co' song` lajo, joba' ja` uiing` nilisea` lajii` ta` quií`-na'. Jo` ñiing` áa`na' cajo jie` mí` tú`na' lajii` guíe` quií`-na' e` nisi`í' Fidié` e` nicuó`r` 'nú', dsea` líng`na' dsea` quiá'r`. ⁹ Jo` doñi` ii` dsea` i` ja` náu` o'gui` seeiñ` cøøng` cóo'` jalé' júu` e` e' Dsea` Jmáng`, joba' i` dsea` í` ja` seeiñ` cøøng` cóo'` Fidié`; jo` dsu` i` dsea` guí` i` seeng` cøøng` cóo'` e` júu` e` e' Dsea` Jmáng` do, joba' seem`-bre cøøng` cóo'` Tiquí`ii' Fidié` colíng` guí` cóo'` i` Jóor` dsea` do. ¹⁰ Jo` song` ii` dsea` jalíng` i` iing` ní`é' 'nú' júu` e` ja` cøøng` cóo'` e` júu` quiá'` Dsea` Jmáng` do, joba' ja` ní`íng`-na're fí` sináú` quií`-na' o'gui` fong`-na're, ¹¹ dsucó' song` ca'íng`-na're, joba' lí' lafa' røøb` cøøng`na' cóo'r` jogui` cóo'` jalé' e` jmóor` do.

Júu` lí` cadséng` quiá'` Juan

¹² Jo` jmi`gui`bi` sea` jalé' e` 'né` nifí`i` 'nú' lí` ja` 'goo` tí` dsii` e` nijméé' e` jalé' e` jo` fí` ní` jì` la; co' eáng` guí` iin`n e` nii`baa` ní`ee` e` 'nú' fí` na e` laco' cuøøng` sií`naa' dseáng`- quini`naa' lana, jo` lajoba' nili`iáng` dsi`naa' dseáng`- laco' sí'í'.

¹³ Jo` jaléng` dsea` i` nicaguíng` Fidié` i` líng` dsea` quiá'` Dsea` Jmáng` i` neáng` fí` la guíeiñ` júu` guicóo'` quií`-na', dsea` neáng`na' fí` na.

Jo` lanab` jíi` fé' jì` e` cati` tú` quiá'` Juan.

Ji' e catí 'ní e cajme' JUAN

Júu' e catíng- jaang' dseañu' i sii' Gayo

¹ Jnea' sii' Juan, jo lín'n jaang' dseañu' fég' i quie' nifí jee' dseañu' quiá' Dseañu' Jmáang-, jo jmo'o e ji' la e catíng- 'nu', Gayo, jaang' dseañu' rún'n i 'neáan'n eáang'.

² 'Nu' Gayo lín'n jaang' dseañu' rún'n i 'neáan'n eáang', jo mí'i Fidié' e guiá' bi nidsijé' quiá' lí' lajii' fí' nisin' cóo' Dseañu' Jmáang-, jogui e guiúm' ba' contøng- cajo. ³ Jo eáam' lí' íaang' dsii- mí' güilíng' tu i líng' dseañu' rú' naa' dseañu' quiá' Dseañu' Jmáang- fí' la e jma'r' jnea' júu' e sim' ba' fí' guiá' cóo' Dseañu' Jmáang- jogui e seem' ba' cøng' cóo' e júu' quiá' i Fidié' i já' do. ⁴ Jo ja' sea' quie' e e íaang' gui dsii- laco' gui e íaang' dsii- mí' lí' i e dseañu' quiá' Dseañu' Jmáang- i líng' lafa' joo' seem' bre cøng' cóo' e júu' quiá' i Fidié' i já' do.

⁵ Jo fí' guí' 'nu', rú' u i 'neáan'n eáang', íaam' dsii- e guiá' ee' e jmicóo' jaléng' dseañu' rú' naa' dseañu' quiá' Dseañu' Jmáang-, jo ja' e lí' e i dseañu' i cajmicóo' do ja' mí' cuín' re jéeng' gui. ⁶ Jo mí' cagüilíng' i dseañu' do fí' jee' jaléng' dseañu' quiá' Dseañu' Jmáang- fí' la, nicasíiñ- jial tí' 'neáang' 'nu' dseañu' do mí' cajmicóo' re. Joba' fí' 'nu', jgié' o' e jmicóo' bire cóo' jalé' e 'né' quiá' r- e laco' cuøng' ningí' guir ta' guía' júu' quiá' Dseañu' Jmáang-, co' lajob íaang' dsii' Fidié'. ⁷ Jo jaléng' i dseañu' í, huím- nicangir' e jmóor' ta' guía' júu' quiá' Dseañu' Jmáang-, jo ja' mí' camir' fa' e dseañu' i ja' cuíng' Dseañu' Jmáang- nijmicóo' quiá' r-. ⁸ Joba' jneaa' aa', dseañu' lí' dseañu' quiá' Dseañu' Jmáang-, 'né' nijmicóo' baa' i dseañu' i guía' júu' quiá' Dseañu' Jmáang- do e laco' conrøø' niní' guí' júu' quiá' Fidié' i já' do.

Jalé' e ga' e cajmé' Diótré'fes

⁹ Jnea' nicajmé' e coo' ji' e catíng- dseañu' quiá' Dseañu' Jmáang- i seeng' fí' na, dsu' i dseañu' i sii' Diótré'fes do jnám' bre quie' e jo ja' íñ' jalé' e júu' quié' e do, co' 'ñia' bre íñ' cár' nifí' quiá' jaléng' dseañu' quiá' Dseañu' Jmáang- i neáang' fí' na. ¹⁰ Joba' mí' niguiéng' jnea' fí' na, nifí' baa' i Diótré'fes do fí' quini' na' jiali' jmóor' lajo, co' ngir' ta' quie' júu' ga' jogui júu' adsee' e éeiñ' jnea'. Jo o' jii' e jo e jmóor' cajo, co' ja' íñ' jaléng' dseañu' quiá' Dseañu' Jmáang- i dsilíng' dsii' ee' ír' fí' quiá' r-, jogui jnám' bir quiá' jaléng' dseañu' i iing' jmé' lajo, jogui øøm' bre congua' fí' jee' dseañu' quiá' Dseañu' Jmáang- jaléng' i dseañu' i jmóo' lajo.

¹¹ Dseañu' rún'n i 'neáan'n eáang', ja' jmoo' laco' jmóo' i dseañu' ga' do, dsu' jmee' laco' jmóo' jaang' dseañu' guiúng-. Co' jaléng' dseañu' i jmóo' lajii' e guiá-, joba' dseañu' quiá' Fidié' lí' iñ'; dsu' jaléng' gui dseañu' i jmóo' e ga', joba' dseañu' í ja' mí' calicuiñ' Fidié'.

¹² Jo lajii' dseañu' fé' r' guiá- uii' quiá' i dseañu' i sii' Demetrio do, jo la quie' gui jalé' e jmóor' do fé' guiá- uii' quiá' r-. Jogui lajii' jnea' fé' naa' guiá- uii' quiá' i dseañu' í cajo, jogui 'nu' ní' ba' e jmang' júu' jáb' fé' naa' contøng-.

Júu' lí' cadséng' quiá' Juan

¹³ Jo jmiguiab' jalé' e sea' e 'né' nifí' 'nu', dsu' ja' 'ga' lí' tí' dsii- e jalé' e jo nitóo' fí' ní' ji', ¹⁴ dsuco' lajmináb- ni' iin' n máan' n 'nu', jo joguiba' nisí' naa' jalé' júu' qui' i' dseañu' quini' naa' lana.

¹⁵ Jo güiliseem' ba' juguiá- júu' røø'. Jo guicóo' ba' jing' jaléng' dseañu' quiá' Dseañu' Jmáang- i cuíng' na' fí' la. Jogui guicóo' ba' lajaléng' dseañu' rú' uu' i cuíng' naa' fí' na e fá' jnea'.

Jo lanab' jii' fé' ji' e catí' 'ní' quiá' Juan.

Ji e cajme' JUDAS

Júu^ guicóo~ e cat#ng- dsea` quiá'- Dsea` Jmáang-

¹ Jo jnea~ sií Judas, jogui lán'n jaang` dsea` ngáang~ cóo~ Tiáa~, jogui lajii~ e iing~ Fíi'naa' Dsea` Jmáang~ jmóo'o. Jo jmo'ó e ji' la e cat#ng- jaléng~ 'nú', dsea` i nicató'- Tiquí'ii' Fidié~ e laco' ni'uíng~ na' dsea` quiá'r~, jo Fidié~ bing' i 'neáang~ 'nú' jogui Fíi'naa' Dsea` Jmáang~ bing' i jmóo` 'nú' í cajo. ² Jo fii~ i 'nú' lana e ni'íing~ na' lalíng~ e fii~ líng~ Fidié~ 'nú' jogui e nicuó'r~ 'nú' e seeng~ na' juguiá~ júu^ røø` jogui e jmi'neáaiñ` 'nú' cajo.

E~ uing~ e cal#~ e ji' la

(2 Pedro 2:1-7)

³ Dsea` rú'naa' dsea` quiá'- Dsea` Jmáang~, eáang~ nicali'iin~ n e nijmée'~ e ji' e cat#ng~ na' lí fé' cuaiñ~ quiá'- e júu^ quiá'- jial nicaláang~ naa' jee~ jalé' dsee~ qui' ii'; jo dsu' lanagui nicalilí' i e dseáng~ la guím~ 'né' nijmée'~ e ji' qui' na' lí fii~ i 'nú' e dseáng~ nijmi'úung~ na' e cuó' óo'na' e jmi'ø'na' e júu^ quiá'- Dsea` Jmáang~ e nicacuø' Fidié~ jaléng~ dsea` quiá'r~ latí mi~ uing~. ⁴ Co' i líng~ dsea` i jmigóo` nicaquiñ~^ jee~ 'nú' lí^ laco' la fé' fí ni~ ji' quiá'- Fidié~ latí mi~ uing~ lí fé' e nisi'íing~ jaléng~ i dsea' la'í e nidsiliñ~ fí lí' lí'; jo jaléng~ i dsea' í eáam~ éer' ga, co' jmi'óo'r~ jial tí' guiúng~ Fidié~ e laco' jmóor~ lí^ doñí' ee' lí^ lí dsíir', jogui cajo ja' jmi'gór' Fíi'naa' Dsea` Jmáang~, jo jii~ dsea' íb~ i quie' nifí qui' jneaa~ aa'.

⁵ Jo niñí' 'nú' jial calí' mali~, jo dsu' lana iin~ n nijmiguién' n óo'na' calé' catú~ e doñí' fa' caleám~ Fíi'naa' Fidié~ jaléng~ dsea' Israel e fí Egipto do, jo dsu' mi~ cangf~ jo, jaléng~ i dsea' í i ja' calinúu~ júu^ quiá'r~ ie~ jo dseáng~ ca'ím~ breiñ' do conguaí. ⁶ Jo lajob calí' cajo cóo~ jaléng~ ángeles i ja' caguá' fa' cajmée'r~ ta~ quiá'r~ laco' sí'í lí' lajii~ lí catíiñ~, jo dsu' fí lí' nuu' sób' caseáang~ Fidié~ jaléng~ í, jogui fí job nijér~ e 'ñúuiñ~ cóo~ ñí' cadena cartí mi~ nití' í' e nitidsí' í' quiá'r~ cuaiñ~ quiá'- lajii~ e dsee~ e ca'éer' do. ⁷ Jogui lí' laco' ja' calinúu~ i ángeles na, lajob cajo cajmée' jaléng~ dsea' seeng~ fí Sodoma cóo~ gui fí Gomorra cóo~ gui fí jalé' fii' e néé' lacúng~ lajiiing~; jo jaléng~ i dsea' í cajmée'r~ jalé' e 'lí' cóo~ dseañu' jogui cóo~ dseam~ i o' quiá'r~, jogui cajmée'bre cajo jalé' e 'lí' e jié'gui e lí dsíir' ngúu' táaiñ~ fí jmigü' la. Jo uí' e lajob cajmée' jaléng~ i dsea' í, joba' cacár~ iihuí' e cacáaiñ~ fí ni~ ji' e ja' tóo~ jmi~ yu'. Jo e jo cajmée' Fidié~ e laco' nililí' jaléng~ dsea' i jalíng~ cøng'gui quiá'- jial laniing~ 'né' nijmi'gó' dsea' Fidié~.

⁸ Jo lí' la lí' jalé' e 'lí' e cajmée' jaléng~ i dsea' na, lajob lí' cajo jalé' e jmóo' jaléng~ i dsea' i jmóo' ta~ jmigóo' do, co' lí' tí dsíir' fé'r' jalé' e nir' lafa' mi~ quir', jo dsu' o' já' jalé' e fé'r' do; jogui jmi'ling~ yaaiñ~ cóo~ jalé' e tí dsíir' jmóor' fí ngúu' táaiñ~, jogui gab' fé'r' quiá'- jaléng~ i güeang~ quiá'- Fidié~ i seeng~ fí ñifí. ⁹ Jogui i fii~ féng' quiá'- jaléng~ ángeles quiá'- Fidié~ i sii' Yé^ do, doñí' fa' eáang~ 'gøiñ' jogui sea' bí quiá'r~, jo dsu' ja' cajmée'r~ fa' cabíiñ~ i fii' i 'ling~ do cóo~ júu^ lí' mi~ catíñ' ngúu' táang~ Moi~, co' jii~ júu^ laba' casí' reiñ' do: "¡Fíi' Fidié~ dsea' ni'gaiñ~ qui'!" ¹⁰ Jo jaléng~ i dsea' i jmóo' ta~ jmigóo' do lí' jmine'r~ lajii~ e ja' ñí'bre; jo dsu' jalé' e ñir' lí' fé'r' jial líiñ~ yaam~bre lí' laco' líng~ jaléng~ jó', co' jaléng~ í ja' í dsíir'e'; jo dsu' cóo~ jalé' e fé' jaléng~ i dsea' do, cóo~ e job nidsijéeng~ yaaiñ~ fí lí' lí' car' ngongü' jmi~.

¹¹ Jo e ngi~ fii^ jaléng~ i dsea' i jmigóo' do, co' nicasíng~ yaaiñ~ fí ga' lí' laco' cajmée' jaang~ dseañu' i calisí Caín ie~ mali' do, jogui laco' cajmée' jaang~ i calisí Balaam i cajmée' lí' doñí' ee' e ja' dseeng~ e lí' laco' calí'r~ cuu~. Jo

jaléng' i dsea i jmigóo do nidsingúin lî' laco' cangongúing jaang dsea i calisí Coré ie~ mali' do, co' i dsea í ja' cajméer' núu'r~ júu' quíá' Fidiéé. ¹² Jogui jaléng' i dsea i jmigóo do jmi'li' bre fí lî~ jmoo' 'nú' jmi~ lî~ seang' rúng' na' e có' na' í' na' coling. Co' lî' tî' dsír' e teáaiñ~ ta~ jmi'iaang dsí' e í' gø'r', jogui ja' ee' jmi'gór' jii' capí' lajee' e jmoo' 'nú' e jmi~ do. Jogui i dsea i jmigóo do líiñ' lafa' dsea i nî' jo'se' i eáang' gui jmoo' í' 'ñia' e lafa' nijmér' í' jo'se' quíá'r~; jogui líiñ' cajo lî' laco' lí' jni' e dsiguíng cóo' guí lajo, jo jii' ja' tuu' jmi~; osi líiñ' lafa' 'ma' ofii' e ja' cuø' ofii' mi~ nití' jii' quíá'. Jo co' lajob líing' gui i dsea do, joba' lana líiñ' lafa' 'ma' ofii' e nicagüitøø' catí' jmó' quíá', jo ninéé' guíá' e nidsitoo' fí' ni~ jî' e ja' tóo' jmi~ yu'. ¹³ Jogui jaléng' i dsea i jmigóo do líiñ' la lí' ja' e róo' fí' 'ni' jmiñí' mi~ í' guí teá, co' jnéeng' jøø' baa' jalé' e ga' e jmóor. Jogui líiñ' cajo lafa' núu' i nica'ing lajii' ée' quíá', jogui lana niteáaiñ' fí' e nidsiliiñ' fí' lî~ núu' sò' car' ngongú' jmi~.

¹⁴ Jo i dsea i calisí Enoc i caliséng' ie~ mali~ do mi~ catí' guíé' 'lé' dsea' mi~ cangí' e cajmeáang' Fidiéé i Adán do, jo i Enoc do café'r' cuaiñ' quíá' Fidiéé e éeiñ' jaléng' i dsea i jmigóo do mi~ cajíng' lala: "Nicamám' baa Fí'naa' e nijáar cóo' i 'leáang' ángeles quíá'r' ¹⁵ e niquidsir' í' quíá' lajaang' lajaang' dsea jmi'güi jogui mifíng' nicuø'r' iihu' jaléng' dsea' soo' dsí' uii' quíá' jalé' e ga' e nicajméer' jogui uii' quíá' jalé' júu' 'li' e nicafé'r' uii' quíá' Fidiéé." ¹⁶ Jo jaléng' i dsea' soo' dsí' do contøom' jmóor' ta~ jíng' cóo' dsea' rúin', jogui jmóor' ta~ éeng' jaléng' í' cajo, jogui lî' jmitir' lajii' e lî' dsí' ngúu' táam' bre. Jo eáam' jmicøong' yaaiñ' jogui fé'r' jalé' júu' róo' e laco' lî'r' cóøiñ' dsí' dsea' rúin', jo lajoba' lî'r' jalé' e iin' quíá' i dsea' rúin' do.

Júu' í' 'goo' e catíng' dsea' quíá' Dsea' Jmáang'

¹⁷ Jo dsu' fii' guí' 'nú', dsea' rú'naa' dsea' quíá' Dsea' Jmáang', e téé' óo'na' lajii' e júu' e nicafé' jaléng' i dsea' i síng' Fí'naa' Dsea' Jmáang' cuaiñ' quíá'r' ¹⁸ ie~ mi~ casí'r' 'nú' lala: "Mi~ tî' lî~ nijaquíéeng' e ni'íing' jmi'güi nigüeam' dsea' i nijmine' jalé' e güeang' quíá' Fidiéé, jo lî' nijmitir' lajii' e 'li' e lî' dsír' yaam' bre." ¹⁹ Jo jaléng' i dsea' la'íb' jmóo' ta~ 'naang' dsea' quíá' rúin', jogui caníng' jmóor' lajii' e lî' dsí' ngúu' táam' bre, jogui ja' seeng' Jmiguí' quíá' Fidiéé cóo'r' cajo.

²⁰ Joba' fii' guí' 'nú', dsea' rú'naa' dsea' quíá' Dsea' Jmáang' i iin' eáang', e cuøø' gui bí' rúng' na' e laco' nidsicuáng' gui' quí'na' cóo' júu' quíá' Dsea' Jmáang' lî' lajii' e fí' güeang' lî' niteáang' na' cóo'r'. Jogui féeng' na' Fidiéé la'eáang' cóo' Jmiguí' quíá'r'. ²¹ Jogui contøong' jmi'guiéng' óo'na' jial tii' 'neáang' Fidiéé jneaa'aa' jogui jeeng' na' e nití' e jmi~ e ni'íing' na' quíá' Fí'naa' Dsea' Jmáang' e niliseeng' na' cóong' cóo' Fidiéé lata' uii' e fii' líiñ' jneaa'aa'. ²² Jogui jmee' na' úung' e laco' ningáng' jaléng' dsea' i ja' gui mi' ngáng' røø' laco' sí' júu' quíá' Dsea' Jmáang'. ²³ Jogui jmicóo' na' cajo jaléng' dsea' e laco' nileáiñ' jee' jalé' dsee' quíá'r', jo lajoba' ja' nidsiliiñ' fí' lî' 'li' fí' lî' cóo' jî' e ja' tóo' jmi~ yu'. Jogui jmee' na' fii' líng' na' jaléng' dsea' cajo, jo dsu' 'né' ñiim' óo'na' jie' mí' síng' yaang' na' fí' ga' lî' teáang' jaléng' i dsea' i jmigóo do, jogui jie' mí' jmée' na' e jmeáang' na' ta~ jalé' sí'r', co' jî' gui cartí' jalé' e jo 'li' uii' e jmóor' jalé' e ja' dseeng'.

Júu' lî' cadséng' quíá' e jmi'féng' dsea' Fidiéé'

²⁴ Jo dsu' jaam' Fidiéé i seeng', jogui íb' i nicaleáang' jneaa'aa' jee' jalé' dsee' quí'ii', jogui íb' i jmóo' í' jneaa'aa' cajo e laco' ja' nijjá'naa' fí' ni' dsee', co' eáam' 'gøiñ', jo jmóor' lajo e laco' niguiéiñ' jneaa'aa' fí' quinir' e ja' sí'ling' naa' cóo' jii' cóo' dsee'. Joba' eáang' íaang' dsi'naa' mi~ nití' fí' lî' jlo' niin' fí' ñiff' quíá'r'. ²⁵ Jo jii' íb' dsea' catíng' nijmi'féng' dsea', co' jii'

íb` dsea` líng' Fí`naa' dsea` féng' dsea` ñíng' fí' la'úng-, jogui dsea` íb` dsea`
 cuøøng` lí jmér- lí^ doñí' ee, jogui jíí~ íb` dsea` óor` ta~ e quiu'r' ta~ fí' la'úng-
 la'eáang' cóo'~ Fí`naa' Dsea` Jmáang-, jo lajob jmóor` lajíí~ ná'-gui e nitiroo`
 jmigüí, jogui lajob jmóor` lana jogui tí lí dsé^gui cajo lí'^ dseáng'- car` ngongí`
 jmíí. Jo lajob nilí.

Jo lanab jíí~ fé` jí` quiá'- Judas.

Lajíi' júu^ e cajíng' Dsea` Jmáang- e nidsijéé'

¹ Jalé' júu^ e fé' e fí' nî jî la lí' júu^ e cacuø Fí'naa' Dsea` Jmáang- e ca'íñ' quiá'- Fidiéé' e ja` mí' cajmijnéeng` dsea` do lamî jéeng`gui. Jo Fidiéé' cacuø'r dsea` do jalé' e júu^ la e laco' ni'é'- dsea` do jaléng' dsea` quiá'r- e jalé' e nidsijéé' lajee' lajmináb- jia fí' jmigüû la. Jo Dsea` Jmáang- casíñ' jaang` ángel quiá'r- e laco' cajmééiñ' do júu^ fí' quini' jaang` dsea` quiá'r- i sii Juan. ² Jo i dsea` ígui guiar' jalé' e júu^ quiá'- Fidiéé' do jee` jaléng' dsea` jmigüû cuaiñ' quiá'- jalé' e cangár- do lafa' mí' quir', jogui tíb' nîr` cajo lajii' e júu^ e cacuø Fidiéé' e caliti' la'eáang` cóo' Dsea` Jmáang-.

³ Jo juguiá- o' quiá'- i dsea` i jalé' e júu^ la jogui juguiá- o' cajo quiá'- jaléng' i dsea` i jmoo` náu' mí' núur` jalé' e júu^ e silí' e fí' nî jî la, co' jalé' e júu^ la lí' júu^ e jáa' quiá'- 'ñiab' Fidiéé', dsu' nijaquíém' e jmí' e niliti' lajii' e júu^ e fé' e fí' nî jî la.

Júu^ e cajme' Juan e catíng- lajì guié- 'lé' dsea` quiá'- Dsea` Jmáang-

⁴ Jnea` sii Juan, jo jmo'o e jî la e catíng- lajì guié- 'lé' dsea` rú'naa' dsea` quiá'- Dsea` Jmáang- i neáang' fí' lí' se' Asia. Íng'na' güea'^ quiá'- Fidiéé' jogui güiliseeng`na' juguiá- júu^ røø' la'eáang` cóo' dsea` do, co' lajii' íb' dsea` i seeng` lajii' latí' mí' uíng` jogui latí' lana jogui i nijáa'tu calé' catú-. Jogui lajobi cajo ím'ba' güea'^ quiá'- lajì guíang- jmiguí' i seeng` fí' quini' lí' lí' éé' laniing- fí' lí' guíng- Fidiéé' quiá'r' ta-. ⁵ Jogui cajo ím'ba' güea'^ quiá'- Dsea` Jmáang-, co' íb' dsea` i dseáng'- tí' nî røø' jalé' e júu^ la, jogui íbi dsea` i la'uii' cají'tu jee` jaléng' 'lí', jogui íb' dsea` niing- i quie' nifí' jee` jaléng' dsea` i oo' ta` i seeng` fí' la'úng- fí' jmigüû. Jogui cajo íb' i eáang' 'neáang' jneaa`aa', jogui cajáng' 'ñia'r' e cajúñ' e laco' caleáaiñ' jneaa`aa' jee` jalé' dsee- quí-ii' la'eáang` cóo' e jmí'øøiñ- e catúu' do. ⁶ Jogui nicajméer` e jaléng' jneaa`aa', dsea` lí'naa' dsea` quiá'r-, nilí'naa' coo' 'lé' dsea` i líng' lafa' jmidsea` i jmoo' lajii' e iing` Tiquiá'r^ Fidiéé'. Jo majmí'goo`baa' jogui majmifém'baa' dsea` do, co' íb' dsea` i eáang' 'gøng' jogui i güeang'^ car` ngongí' jmí'! Jo lajob nilí'.

⁷ Joøø-na' jogui quie'na' cuente!

Dob nijáa' Dsea` Jmáang- fí' jee` cabøø` jní',
jo lajím' dsea` niníñ- dsea` do, jo jî'gui jaléng' i dsea` i líng` ee' ca'íééiñ- dsea` do niníng- neiñ';

jo ie` job mí' niquí'- jogui nilijiu` dsí' jaléng' dsea` i seeng` latøøng- fí' jmigüû uí' dsea` do, jo e jáb'- e jo.

Jo lajob nilí'.

⁸ Jo lalab jíng'- Fí'naa' Fidiéé': "Jneab` i la'uii' do jogui jnea`bi i lí' cadséng- do cajo, co' jneab` Fidiéé' i 'gøng' i quí' jmí' jmé- lí' doñí' ee', jogui jnea`bi cajo i seeng` lajii' latí' mí' uíng` jogui latí' lana jogui i nijáa'tu calé' catú-."

Mí' cangá- Juan jial tí' jlo' jnéng- Dsea` Jmáang-

⁹ Jnea` sii Juan, jogui la'ó' rú'baa' lí'naa' uí' e nilí'naa' dsea` quiá'- Dsea` Jmáang-. Jo røøb' íng'naa' iihuí' dsu' uí' e lí'naa' dsea` quiá'- dsea` do, jogui røøb' cajo catí'naa' e quie' Fidiéé' nifí' quí-ii', jogui røøb' jmoo`naa' té'naa' cóo' jalé' iihuí' e dsingíng-naa' do. Jo uí' e guíaa- júu^ quiá'- Fidiéé' e caliti' la'eáang` cóo' Dsea` Jmáang-, joba' casíng` dsea` do jnea` fí' coo' guoo' uø` jia e sii Patmos e néé' fí' nî jmí'ñí'. ¹⁰ Jo cangojéé' e lajee' e jmí' domiing- e jmiféng' dsea` Fidiéé' cajá'a jee` Jmiguí' quiá'- dsea` do jo canú- u lí' calúu

coō luū e féⁿ teáⁿ eáangⁿ l^h laco^l mī iī coō lúu^l trompé^h, jo lalab cajíng^l síⁿ jneā:

11 —Jo fiī iⁿ 'nū, Juan, e nijmée^l fí coō nī jì lajaléⁿ e móo^l la jmī na, jo mī ning^h jo, nisín^h jaléⁿ e jì jo quiá^l lajī guiéⁿ 'léⁿ dseaⁿ quiéⁿ e i neáangⁿ fí e fiī e siī Éfeso, jogui e fiī e siī Esmirna, jogui e fiī e siī Pérgamo, jogui e fiī e siī Tiatira, jogui e fiī e siī Sardis, jogui e fiī e siī Filadelfia, jogui e fiī e siī Laodicea; jo lajī guiéⁿ e fiī na néeⁿ fí lí se^l Asia.

12 Jo mī cang^h e canú^u e luū do, joba^l cajíi^l iⁿ niī l^h calúu^u e laco^l nicaa^h cuate iⁿ gui iⁿ tó^l jneā do; jo job mī camó^o guiéⁿ candeléerⁿ e jìⁿ e líⁿ cóo^l layaangⁿ cunéeⁿ. 13 Jo jeengⁿ e guiéⁿ candeléerⁿ e jìⁿ do camánⁿ jaangⁿ iⁿ jnéengⁿ dseáng^l laco^l jaangⁿ dseaⁿ jmigüi^l iⁿ qui^l coō 'mī' e cueeⁿ e tíⁿ cartí uiī tiīrⁿ, jogui 'ñúú^l nú^l dsíir^l coō e líⁿ cóo^l layaangⁿ cunéeⁿ, 14 jogui teeⁿ jñuguirⁿ l^h laco^l teeⁿ 'moo^l osi joo^l é, jogui jminirⁿ líⁿ lafa^l sóng^l jì, 15 jogui tiīrⁿ líⁿ dseáng^l lafa^l coō ñíⁿ e siī bronce e dseáng^l jíngⁿ jìⁿ lafa^l mī iū fí nī jì, jogui júu^h quiá^l rⁿ ná^l l^h laco^l iī coō lóo^l e féⁿ eáangⁿ. 16 Jogui e fí jaguórⁿ dséeⁿ do teáang^l guiángⁿ núú^l, jogui fí mo^loorⁿ güi^h coō ñisú^l e dsíng^l 'méⁿ lajī túⁿ taangⁿ. Jogui nirⁿ dseáng^l jíngⁿ jìⁿ l^h laco^l jnéengⁿ ieeⁿ mī íiñⁿ guieñí^l jóoⁿ.

17 Jo mī camánⁿ iⁿ dseaⁿ do, joba^l dseáng^l caquím^l baa fí uiī tiīrⁿ lafa^l jaangⁿ 'lī. Jo dsu^l írⁿ caquidsirⁿ guóorⁿ dséeⁿ fí yú^h moguiiⁿ jo casí^l rⁿ jneā lala:

—Jaⁿ fóøñ^l jiī^l coō; co^l jneabⁿ dseaⁿ iⁿ la'uiī jogui jneā biⁿ dseaⁿ iⁿ tíⁿ lí cadséngⁿ do cajo, 18 jo jneā biⁿ cajo iⁿ dseaⁿ iⁿ seengⁿ lana; jogui e já^l ba^l e cajúnⁿ cateáⁿ, dsu^l cajíb^l túu^l caléⁿ catúⁿ, jo dsu^l carⁿ ngong^h jmī seenⁿ náng; jogui jneabⁿ dseaⁿ quieeⁿ joñíⁿ quiá^l 'móⁿ jogui joñíⁿ quiá^l fí lí 'li^h cajo. 19 Joba^l lana nijmée^l fí nī jì lajiī^l e nicañí^l jogui jaléⁿ e móo^l jmī na cóo^l gui jaléⁿ e nimó^h gui^l cøøng^l gui. 20 Jo lalab guóngⁿ iⁿ guiángⁿ núú^l iⁿ nicañin^l fí jaguóo^o dséeⁿ la, jogui lalab guóngⁿ cajo lajī guiéⁿ candeléerⁿ e jìⁿ e líⁿ cóo^l layaangⁿ cunéeⁿ do: iⁿ guiángⁿ núú^l do guóngⁿ quiá^l jaléngⁿ dseaⁿ iⁿ quieⁿ nifiⁿ quiá^l dseaⁿ quiéⁿ e iⁿ seengⁿ fí lajī guiéⁿ fiī e néeⁿ fí lí se^l Asia, jogui laco^o e candeléerⁿ e tíⁿ guiéⁿ do guóngⁿ iⁿ guiéⁿ 'léⁿ dseaⁿ quiéⁿ e iⁿ seengⁿ fí laco^o e fiī jo.

2

Júu^h e catúngⁿ dseaⁿ quiá^l Dseaⁿ Jmáangⁿ iⁿ neáangⁿ fí Éfeso

1 Jo fiī guí^h 'nū, Juan, e nijmée^l coō jì e catúngⁿ iⁿ dseaⁿ iⁿ quieⁿ nifiⁿ quiá^l dseaⁿ quiéⁿ e iⁿ neáangⁿ fí fiī Éfeso, jo lalab jmée^l: “Lalab jíng^l iⁿ dseaⁿ iⁿ teáang^l lajī guiángⁿ núú^l fí jaguórⁿ dséeⁿ jogui iⁿ ngíⁿ fí jeeⁿ lajī guiéⁿ candeléerⁿ e jìⁿ e líⁿ cóo^l layaangⁿ cunéeⁿ do: 2 Jo lalab fiī iⁿ 'nū e guiúⁿ ñiī lajaléⁿ e jmoo^l lafa^l jaléⁿ e la; e eáam^l cuø^l bíⁿ uø^l e jmoo^l taⁿ jogui e eáam^l iū ní^h cóo^l jaléⁿ e jo cajo, jogui ñiⁿ baa cajo e jaⁿ cuø^l fí e nijméⁿ dseaⁿ jaléⁿ e jaⁿ dseengⁿ lí^h eeⁿ jáⁿ dsíir^l. Jogui ñiⁿ baa guiúⁿ e nicajøø^l su^l já^l laco^l féⁿ jaléngⁿ iⁿ dseaⁿ iⁿ jíng^l e líiñⁿ dseaⁿ apóo^h iⁿ ni^l júu^h quiéⁿ e, jo dsu^l o^l já^l e líiñⁿ lajo, jo 'nū nicalilí^h ba^l e jaléngⁿ iⁿ dseaⁿ iⁿ jmang^h iⁿ adseaamⁿ. 3 Jogui eáam^l nicajmee^l féng^l a^l jogui nicateá^l lí^h bi^l cóo^l jaléⁿ iihu^h e nica^l lin^l uiīⁿ jneā, jo dseáng^l jaⁿ mī calitúngⁿ o^l e sin^l teáⁿ fí guiúⁿ cóo^l jneā. 4 Jo dsu^l seabⁿ coō júu^h e ni^l leeⁿ qui^l lana, jo e lab e jo: joⁿ guieeⁿ e 'neáanⁿ jneā o^l gui dseaⁿ rún^l laco^l gui lamíⁿ uiingⁿ do ieⁿ lamíⁿ canaanⁿ e cuínⁿ jneā. 5 Joba^l fiī iⁿ 'nū e ni^h du^o o^l jieⁿ líⁿ nica^l leeⁿ qui^l lana, jo quí^h jíng^l túⁿ uø^l caléⁿ catúⁿ fí quiniⁿ Fidiéeⁿ, jogui jmeeⁿ tú^l lajaléⁿ l^h laco^l gui lamíⁿ qui^l tñnⁿ e jmoo^l latíⁿ mī uiingⁿ do. Jo song jaⁿ nijmée^l lajo, joba^l lajminábⁿ nigáa^h fí na jo nijé^l baa ée^h quiá^l e candeléerⁿ do qui^l, jo dsu^l jaⁿ nilíⁿ lajo song niqú^l jíng^l túⁿ uø^l fí quiniⁿ Fidiéeⁿ. 6 Jo dsu^l e laba^l guiúⁿ e jmicóo^l qui^l, e 'níbⁿ man^l jaléⁿ e jmoo^l iⁿ dseaⁿ nicolaíta l^h laco^l gui jneā

'nib' máan'nre cajo. ⁷ Joba' fá'a: Ii jaléng' dsea` dsi` logua~, güinú^bre lajii` júu^ e jing' Jmiguí' quiá'- Fidiéé' e catúng' laji' guié' 'lé' dsea` quié'-e: Jaléng' i dsea` i nité' lí' cóo'~ jalé' iihuú' jogui ja` nitiúuúñ` jnea~, joba' nicuóó^baare e nidó'r- lajii` e sea` quiá'- e 'ma` e cuó' e seeng` dsea` lata` e si' fi' ñifi' quiá'- Fidiéé'."

Júu^ e catúng' dsea` quiá'- Dsea` Jmáang' i neáang' fi' Esmirna

⁸ Jo fii' guú' 'nu', Juan, e nijméé'~ coo` jì e catúng' i dsea` i quié' nifi' quiá'- dsea` quié'- e i neáang' fi' fii' Esmirna, jo lalab jméé': "Lalab fé' i dsea` la'uii` do jogui i dsea` tí lí' dséng' gui do, i dsea` i cajúng' do jogui i cají' tu mi` catí' 'ní' jmií~ lajo: ⁹ Jo lalab fii' i 'nu' e guiúb- ñii- lajii` iihuú' e íin'~ jogui jial tiñín'- cajo, nañí' fa' eáam'bre jmicóo'~ Fidiéé' 'nu' cóo'~ jalé' e lí' quií'. Jogui ñi'bá' guiá- cajo jial fé' dsea` ga` uii` quií', fa' jaléng' i dsea` i jing' e líiñ' dsea` Israel, jo dsu' o' já'- e líng' i dsea` í lajo, co' i dsea` í lico' líiñ' dsea` i jmiféng' fii' i 'lim'-. ¹⁰ Jo fii' i 'nu' e ja' fóon'~ lajii` iihuú' e tí lí' ni'íin'; co' fii' i 'ling'^ nijmér- e i líng'~ 'nú' nigüitáang'~na' fi' dsí' 'nuñí' e laco' nijmér- quijí' jial nitú^na' e teáang'-na' teá' fi' guiá- cóo'~ jnea~; jo e iihuú' jo ni'íing'~na' lajee' gui- jmií~. Jo dsu' fii' i 'nu' dseáng'- jie` mí' litúng' o' e sin' teá' fi' guiá- cóo'~ jnea~, doñí' fa' iing'~ dsea` jngaiñ' 'nu' uii` e jo, joba' jneab~ nicuóó^ø' nu' lajii` e catúin'- e niliseen' cøong' cóo'~ jnea~ car` ngongú' jmií~. ¹¹ Jo jaléng' 'nú', dsea` dsi` loguá^na', núu- na' lajii` e júu^ e jing' Jmiguí' quiá'- Fidiéé' e catúng' laji' guié' 'lé' dsea` quié'-e: Jo jaléng' dsea` i ja' nilitúng' dsí' e teáaiñ' teá' fi' guiá- cóo'~ jnea~, joba' i dsea` í jo` tóo' jmií~ fa' e nitúñ' fi' lí' 'lí' mi` nití' fi' fii' coo'."

Júu^ e catúng' dsea` quiá'- Dsea` Jmáang' i neáang' fi' Pérgamo

¹² Jo fii' guú' 'nu', Juan, e nijméé'~ coo` jì e catúng' i dsea` i quié' nifi' quiá'- dsea` quié'- e i neáang' fi' fii' Pérgamo, jo lalab jméé': "Lalab fé' i dsea` i quié' e ñisu' e 'mé- laji' tú- taang' do: ¹³ Jo lalab fii' i 'nu', e guiúb- ñii- lajaléb' e jmoo', jogui ñi'baa cajo e seen' fi' lí' quiu' fii' i 'ling'^ ta~, dsu' ja` mí' catiun' e dseáng'- já'- lín'- lajii` júu^ quié'-e. Jogui ja` mí' catiun' jnea~ fa' e ja` mí' jmití'^ lajii` ta~ quiá' u, o'gui mí' catiun' jnea~ ie` mí' cajngang' dsea` i dsea` quié'- e i sií' Antipas i cajmiti~ júu^ quié'- e e fi' fii' e fi' lí' quiu' fii' i 'ling'^ i sií' Satanás ta~ do. ¹⁴ Dsu' fii' guú' 'nu' e seab' coo` tú- íng' e 'léé' quií', jo e lab e jo: ja` mí' cajniin'~ quiá'- coo` tú- máng'~ dsea` i seeng' fi' na i ja` mí' catú' e jmitíiñ' lajii` júu^ 'lí' e caguia' Balaam, co' i dsea` na ca'e'r' jaang'gui dsea` i sií' Balac, jo i dsea` í guib i cajmigóøng' jaléng' dsea` Israel e laco' éeiñ' dsee- e gø'r' ngu` jó' i nicacuóñ' diéé' i o' já' jogui e 'léer' e güiñ' cóo'~ dseañu' osi dseamf i o' quiá'r-. ¹⁵ Jo lajobi cajo seem'bi coo` tú- máng'~ dsea` la'ó' 'nú' i neáang' fi' na i ja` mí' catú' jalé' e 'lí' e quí'- túng' e jmoo' jaléng' dsea` nicolaíta. ¹⁶ Joba' fii' i 'nu' lana e quí'- jing'~ uø' fi' quini' Fidiéé'; jo dsu' song ja` nijme' lajo, joba' lajmináb- nigáa' a fi' lí' guuin' e nitúñ' n cóo'~ jaléng' i dsea` í cóo'~ e ñisu' e iu` fi' mo'óo'. ¹⁷ Jo jaléng' 'nú', dsea` dsi` loguá^na', núu- na' lajii` júu^ e jing' Jmiguí' quiá'- Fidiéé' e catúng' laji' guié' 'lé' dsea` quié'-e: Jo i dsea` i ja' nilitúng' dsí' e núu'r' júu^ quié'-e, joba' nicuóó^baare coo` e lafa' iñí' e catúñ' e sil'ma` fi' ñifi'; jogui nicuóó^baare cajo coo` cuu~ e tee', jo e fi' ni` e cuu~ do nijé- coo` júu^ e 'mí- laco' sií' i dsea` do, jo dsu' jii` jaang' dsea` jiéng' ja` niliñí' e júu^ jo, co' jii` i dsea` i ni'íng' do, jii` í'bing' i niliñí' e júu^ jo."

Júu^ quiá'- Fidiéé' e catúng' dsea` quiá'- Dsea` Jmáang' i neáang' fi' Tiatira

¹⁸ Jo fii' guú' 'nu', Juan, e nijméé'~ coo` jì e catúng' i dsea` i quié' nifi' quiá'- dsea` quié'- e i neáang' fi' fii' Tiatira, jo lalab jméé': "Lalab jing' i Jóo' Fidiéé' camúng'~ do i quié' jmini' e lí' lafa' sóng' jì jogui tír- jnéeng' lafa' ñí' e jing' jì' jlo' e sií' bronze: ¹⁹ Jo lalab fii' i 'nu', e guiúb- ñii- lajaléb' e jmoo', jogui

e eáam' 'neáan' dsea` rún', jogui e teáb` sin' fí` guiá` cóo'~ jnea~, jogui eáam' la'úung` nicajmee'~ lajii' ta` e iin`n, jo ja` mí` cajmitúng` o' lajii' e ta` jo, co' dseáng'~ nicateá'~ba', jo ñi'baa guiá` e eáang'gui nicuø' bí` uø' lana e røø'gui nijmoo' ta` laco'gui lamí` jmoo' lamí` uuing` do. ²⁰ Lí'~ jii' e laba' e 'lée' quí' e ga: ja` mí` cajníin'~ quiá'~ i dseam' i sii` Jezabel e sí' 'ñia'r' e líiñ` jaang` dseam' i fé' cuaiñ` quiá'~ Fidiée', jo dsu' i dseam' i lí'~ jmigøøiñ` jaléng' dsea` quié` e cóo'~ jalé' e e'r' do, co' iin` e nisíng' tu jaléng' dsea` quié` e fí` gab` e jmé` tur ta` 'lée' cóo'~ jaléng' dseañu' osi dseam' i o' quiá'r', jogui e jmé` tur ta` gø' jalé' e nicuø'r' diée' i o' já'. ²¹ Jo huøøb` nicacuøø` øre fí` fa' e niquí'~ jíng' 'ñia'r' fí` quini' e laco' jo` nijmér` e ga` lajo, jo dsu' ja` mí` cali'iiñ` fa' e nicajméer` lajo e jo` nibeáng'gui 'ñia'r' dsee~, co' ja` iiñ` fa' nicatúr` jalé' e 'li' e jmóor` do. ²² Jo dsu' lalab fá'a uii` quiá'~ jaléng' i dsea` i jmoo' ta` 'lée' cóo'~ i dseam' i, e song ja` niliúng` yaaiñ` e jmóor` jalé' e jo, joba' nijmee` e e nilidsée'~bre lajaléiñ` do, co' eáam' nicár` iihuú', jogui huúim' nidsijée' quiá'r'. Jo jalé' e iihuú' nab nidsingúñ` song ja` niquí'~ jíng' yaaiñ` uii` quiá'~ jalé' e dsee` e nica'éer` do. ²³ Jogui nijngám'~baa jaléng' joo' i dsea` i e laco' jaléng' dsea` i líng' dsea` quié` e niliñir' e jneab` dsea` móo'o jogui cuí'i jial lí' dsí' dsea` lajaang` lajaaiñ`; jo jneab` dsea` catín` n e nicuøø`ø` 'nú' lajii' e catíng` na' lajaang` lajaang` na' uii` quiá'~ lajii' ta` e nicajmee` na' fí` jmigüi` na. ²⁴ Jo fii` i jaléng' 'nú' caguaang`gui dsea` i seeng` fí` na fí` Tiatira; ii` i ja` mí` casíng' yaang` fí` ga` cóo'~ i dseam' ga` do o'gui mí` cajmitir` lajii' e fé' dsea` e lí' júu` nuu` quiá'~ fii` i 'líng' i sii` Satanás, joba' lalab fii` i 'nú' e jo` nicuø`guú' 'nú' ta` ii` e jie'gui. ²⁵ Joba' lí'~ jie` mí` tú' na' lajii' e guiá` e jmoo' na' na cartí' mí` nití` í' e ninii` túu` calé' catú` fí` jmigüi` na. ²⁶ Jo jaléng' dsea` i nigüeáng' e jmitir` lajii' e iing` jnea` e nijmér`, joba' nicuøø`baare ta` e niquiá'r` ta` fí` jalé' fii` e sea` fí` jmigüi` na; ²⁷ jogui dseáng'~ lí' laco'gui nicacuø' Tiquié` e jnea` fí` e niquiá'~u ta` quiá'~ jaléng' dsea` jmigüi`, lajob i dsea` i cajo niñiñ` lafa' 'ma'u` quiá'~ dseata~, jo cóo'~ e job niquiá'r` ta` fí` jalé' fii` cartí' nijmér` jmiguiú' cuí'~ laco'gui mí` fíing` coo' tu'. ²⁸ Jogui cajo nicuøøm`baa 'nú' i núu' i jnéeng` mí` la'ee'. ²⁹ Jogui fii` i 'nú', ii` 'nú' dsea` dsi` loguá' na', núu` na' lajii' júu` e jíng'~ Jmiguí' quiá'~ Fidiée' e catíng` laji` guié` 'lé' dsea` quié` e.”

3

Júu` quiá'~ Fidiée' e catíng` dsea` quiá'~ Dsea` Jmáang` i neáang' fí' Sardis

¹ Jo fii` guú' 'nu', Juan, e nijmée'~ coo' jii' e catíng` i dsea` i quié' nifí' quiá'~ jaléng' dsea` quié` e i neáang' fí' fii' Sardis, jo lalab jmée': "Lalab jíng'~ i dsea` i quié' laji` guié` jmiguí' quiá'~ Fidiée' jogui i teáang'~ guiáng` núu' fí' jaguór': Lalab fá'a e dseáng'~ ñi'baa guiá` lajalé' e jmoo', jo fii' dsea` i dsíir' e dseáng'~ lajam' e lin' jaang` dsea` i seeng` cøøng` cóo'~ jnea~, jo dsu' o' já' e lin' lajo, co' ñi'baa guiá` e lin' jaang` dsea` lafa' i sijúung` i si'naang` cóo'~ jnea`. ² Joba' fii` i 'nu' e í' a' røø` jogui cuøø' bí` uø' e nijmée'~ laco' sí'í' lajii' e sisée' e 'né` jmée'gui'; jo song ja` nijme'~ lajo, joba' dseáam'~ seen' e nilíng` conguaí' qui'~; co' lí' lajii' e móo'o e jmoo' na dseáng'~ ja` dseem` lí' fí' quini' Fidiée'. ³ Jo téé' a' lajii' júu` quié` e e nica'íin'~ jogui e nicanúu'~; jo jmee` lajii' e jo, jogui qui'~ jíng' uø' fí' quini' Fidiée'. Co' song ja` nijmée'~ lajalé' e fii` i 'nu' na, joba' niguiéeb' jmiñ` mí` niguié` e fí' quini' lajee` e ja` ñiing` o', lafa' mí` ngí' jaang` ii` e dsijméer` ii` quiá'~ dsea` e jii' ja` ñiing` dsí' i dsea` do lí' niguiéiñ' do. ⁴ Jo dsu' e fí' fii' Sardis na seem`bi coo' tú` máng'~ dsea` i la'ó' røø` cuíng` na' jnea~, jo i dsea` i ja` mí` cajmi'ling' yaaiñ` fí' quini' Fidiée', joba' i dsea` i catím`bre e ningír` cóo'~ jnea~, co' ja` sí'liiñ`~ jii' capí'. ⁵ Jo jaléng' dsea` i nité' lí' e já'~ líiñ` jalé' júu` quié` e, joba' niquí'bre sí'r` e tee' e laco' cuø' lí' e

niguiúm-bre fí quini Fidiée, jogui ja' tóo jmi~ fa' e ni'uóng'guir li~ niteáaiñ~ fí ni~ jì li~ nitaang~ jaléng' dsea` quié-e, jogui nijmee~ e júu^ fí quini Tiquié'e dsea` guing~ ñifi~ jogui fí quini jaléng' ángeles quiá'r- e jaléng' i dsea` í dsea` quié` baa nilíiñ. ⁶ Joba' fí-i 'nú', iñ 'nú' dsea` dsi~ loguá'na', núu-na' lajii~ e jing'- Jmiguí quiá'- Fidiée e catíng- laji guié- 'lé' dsea` quié-e."

Júu^ quiá'- Fidiée e catíng- dsea` quiá'- Dsea` Jmáang- i neáang' fí Filadelfia

⁷ Jo lalab fíi-guú 'nú, Juan, e nijmee~ coo` jì e catíng- i dsea` i quié' nifi quiá'- jaléng' dsea` quié-e i neáang' fí fíi Filadelfia, jo lalab jmée~: "Lalab jing'- i dsea` güeang'^ jogui i fé' jmang'^ júu^ já'- contøøng- jogui i quié' joñí^ quiá'- dseata~ dsea` féng' Daví^; jo mi~ náa i dsea` i quié' e joñí^ do, joba' jii~ jaang` dsea` jo` iñ nilí' fa' e nijnír-; jogui mi~ jnír', joba' jii~ jaang` dsea` ja` iñ nilí' fa' e nineár-. ⁸ Jo jnea~ ñi'baa guiú- lajalé' e jmoo'. Jogui lana lafa' nicaná'a coo` jn'í fí quini^ e jii~ jaang` ja` iñ qui' jmi~ fa' nijní-tu, jo nañí' fa' ja` leáang- bí quií'- sea, dsu' nicajmee-ba' núu~ lajii~ júu^ quié-e, jo ja` mí cajmee'- fa' e ja` jmicuíñ' jnea~. ⁹ Jogui jnea~ nijmee~ e e jaléng' i dsea` i teáang'- jee~ 'lé' quiá'- Satanás, jaléng' i adsee` i fé' e líiñ dsea` Israel jo dsu' o' já'- e líiñ lajo, jo nijmee~ e e nisí' jaléng' i dsea` í uó- jnir~ fí quini^, jo lajob niliñir' e eám' 'neáang' jnea~ 'nú. ¹⁰ Jo co' contøøm- nicateá'- e jmoo' núu~ lajii~ júu^ quié-e e ja` mí calitúng- o' e júu^ jo, jo uí' e joba', jnea~ nijmee~ e í 'nú mi~ nijaquíeng' e niní dsea` iihuí' fí latøøng- jmi~ guí, co' ie~ job mi~ nijøø` jial líng' lajaang` lajaang` dsea` seeng' fí ni~ guóo~ uó- na, jo ne`duu' su teáaiñ^ teá' fí guiú- coo~ jnea~ osi o' lajo é. ¹¹ Jo lajee~ lajmináb- nigáa'túu fí jmi~ guí na, lí^ jie~ mí tá' lajii~ e jmoo', jo lajoba' jii~ jaang` ja` iñ cuøøng' niguí quií'- lajii~ e catíñ- quiá'- Fidiée. ¹² Jo jnea~ nijmee~ e e iñ i nité' lí' jogui e ja` nitár' júu^ quié-e, íb` dsea` i nilí' e nilíiñ- jaang` i niing- i niliseeng' colíng- coo~ jnea~ fí li~ guing~ Tiquié'e Fidiée, jo jo' quií'- jmi~ fa' e nidsihuíng- guir fí jo; jogui jnea~ nijmee~ e e jaléng' i dsea` í nilíiñ- dsea` quié-e jogui e nilíiñ- dsea` góo' Tiquié'e fí fíi li~ sii' Jerusalén e 'mí- e jáa' fí ñifi~ quiá'- Fidiée, jogui nijmee~ e e nilíiñ jaléng' i dsea` do e júu^ 'mí- e nilisii- ie~ jo. ¹³ Jo fíi-i 'nú', iñ 'nú' dsea` dsi~ loguá'na', núu-na' lajii~ júu^ e jing'- Jmiguí quiá'- Fidiée e catíng- laji guié- 'lé' dsea` quié-e."

Júu^ quiá'- Fidiée e catíng- jaléng' dsea` quiá'- Dsea` Jmáang- i neáang' fí Laodicea

¹⁴ Jo fíi-guú 'nú, Juan, e nijmee~ coo` jì e catíng- i dsea` i quié' nifi quiá'- jaléng' dsea` quié-e i neáang' fí fíi Laodicea, jo lalab jmée~: "Lalab jing'- i dsea` i líng' dseáng'- lajang'^ Fíi'naa' Fidiée, jogui i dseáng'- tíi ni~ røø` i fé' jmang'^ júu^ já'-, jogui cajo la'eáang' coo~ íb` cajmee' Fidiée lajalé' e sea` fí jmi~ guí: ¹⁵ Jo lalab fá'a e niñib- jnea~ guiú- lajalé' e jmoo', joba' ñi'baa e ja` mí 'naan' coo~ jnea~ o'gui cuøø' bí uø' fa' e nisíng- gui' teá' coo~ jnea~. Dsu' e laba' fíi-i 'nú e 'né- e ni'í o' røø` jnang' fí e iin~ e nicá^; su e nisín- teá' coo~ jnea~, osi e 'ní' man' jnea~ é. ¹⁶ Jo dsuco' lí' í o' e ja` ee` lí' quií'- jie' fí sin', uí' joba' e nibiñ~ 'nú fí caluu'. ¹⁷ Co' 'nú fó' e lin' jaang` dsea` sea` cuu-, jogui guiáb- nicangojée' quií', jo jo' e 'né- quií'- jii~ coo; dsu' ja` ca' cuente uø' fa' e huím' lí' quií'- coo~ jalé' e í o', jo dseáng'- fí-ba' co' lafa' tiñim-ba' lin', jogui lafa' fí'í, jogui lafa' tiuun-, jogui lafa' ringúum-ba' cajo. ¹⁸ Jo uí' e joba' liúun~ 'nú e lá^ cunée' quié-e e nicaguo'- jlo^ fí ni~ jì, jo lajoba' e nilíin- lafa' jaang` dsea` sea` cuu-; jogui la'eáang' jneab~ cajo e lafa' nilá' sí' e jlo^ e tee' e niquí', jo lajoba' ja` nilí' í' lin' e ngi' lafa' ringun'; jo lajob cajo lafa' nilí' m'í quiá'- jminí^ e laco' cuøøng' e nilijné' røø. ¹⁹ Jo jnea~ liúum'-baa jogui ñi'baa 'goo' quiá'- jaléng' dsea` i 'neáan'. Joba' fíi-i 'nú e cuøø' bí uø'

e ngocáng` o' laco' catíng` , jogui quí' jíng' uø' fí' quini` Fidié` . 20 Janú'! Núu` e júu` la: jnea` tóø`-ø dsea` catí' o'nú` ; jo ii` dsea` i ninú` júu` quié` e jogui nineár` jní` e laco' ni'íñ` e júu` do quié` e mi` nitóø`øre, joba' ni'ú`baa fí' dsí' sinúu` quiá'r` , jo colíim` niquiee`naa' i`naa' cóo` i dsea` do. 21 Jo ii` dsea` i nité` lí` e já`- líiñ` jalé` júu` quié` e, joba' nicuøø`baare fí' lí` nigüear` colíing` cóo` jnea` fí' ñifí` lí` laco' nicalí` jnea` e guiin`n cóo` Tiquié` e fí' ñifí` quiá'r` fí' lí` quiu'r` ta` . 22 Jo fíi` i 'nú' , ii` 'nú' dsea` dsi` loguá`na' , núu`-na' lajii` júu` e jíng' Jmiguí` quiá' Fidié` e catíng` laji` guié` 'lé` dsea` quié` e.”

4

Jial lá' lí' jmiféng' dsea` Fidié` fí' ñifí`

1 Jo mi` cangí` e jo, lalab jíng'-gui Juan e cangár` : Jo camó` o e óob` coo` jní` quiá'` ñifí` , jo canú`-u e guica`ii` fí' yá` jmi`güi` coo` luu` e ii` lafa' coo` lúu` trompé` lí` laco' canú`-u lamí` uii` do, jo lalab casí' jnea` :

—Ñiquiéeng` fí' la, jo nijmé`e` e 'nu` júu` lajii` e 'né` nidsijé` lajee` mi` ningíng` e la.

2 Jo ladsifí` lajob cajá` a jee` Jmiguí` quiá'` Fidié` , jo lajee` jo camán`-n jaang` dsea` fí' ñifí` ; jo i dsea` í` guiiñ` e fí' éé` e lí` gua` dsea` i laniing` i quiu'r` ta` . 3 Jo camán`-nre e jnéeng`-nir` laco'gui la lí' coo` cuu` jlo` e jí` eáang` e sii` cornalina, jogui jnéeiñ` cajo laco' coo` cuu` e sii` jaspe e jíng` jí` ; jogui lacúng' lajíng` e lí` guing` i dsea` 'ñia' do camó` o e lafa' sí' coo` cuu` e jnéng` mi` dséé` jmi`gui` e tí' ié` , jo e jo jíng` jí` jlo` laco' coo` cuu` rø` e sii` esmeralda. 4 Jo fí' job camó`-guí` cajo jíé` guí` guiequiúung` yáú` dsea` cóøng` e neáaiñ` fí' jo, jo lajii` i dsea` í` qui'r` 'mi' té` , jogui téé` fí' moguir` lajaang` lajaaíñ` jmá'` có` lí` corona e lí' cóo` layaang` cunéé` . 5 Jo e fí' lí` guing` i dsea` laniing` do jnéeng` lafa' mi` líji` güi`ñiá` , jogui núb' mi` nii` cajo, jo dseáng'- eáam` téé` mí` ; jogui e fí' quini` lí` guing` i dsea` laniing` do jnéeng` coo` guié` bóø` jí` , jo e jo guøng` quiá'` laji` guiáng`- jmi`guí` quiá'` Fidié` . 6 Jo e fí' quini` e lí` guing` i dsea` do, fí' job jnéeng` cajo laco' la jnéeng` fí' ni` jmi`ñí' , jo jnéeng` ta' jmi` lafa' coo` sí' jí' . Jo dseáng'- guiá'` jóo` jogui lacúng' lajíng` e fí' lí` guing` i dsea` laniing` do, neáang` quiúung` i jí' i dsi` jmi`gui` jmini` lí' quini` jogui lajobi` lí' caluu` cajo. 7 Jo i jí' i la'uii` do jnéeiñ` lafa' jaang` ie` , jogui i jí' i catí` tú` do jnéeiñ` lafa' jaang` güitá` , jogui i jí' i catí` 'ni' do, í`bing' líng` laco' jaang` dsea` jmi`güi` la jneaa`aa' , jogui i jí' i lí` catí` quiú` do jnéeiñ` lafa' jaang` mii` i íng` guiá'` güi` . 8 Jo lajaang` lajaang` i quiúung` do dsi` jnúu` cuéer` , jogui dsi` jmi`gui` jminir` lí' lí' ni` jogui lí' lí' nú' cajo; jo dseáng'- uøø` jmi`b` ja` tár` e fé'r` lala:

Dseáng'- ja` cóøng` cóob` güeang` Fí'ii' ,

Fidié` dsea` guing` ñifí` .

Dseáng'- dsea` güeam` dsea` do,

dseáng'- dsea` guiúm` dsea` do, jo íb` dsea` 'gøng' , jogui tiiñ` jmér` lí' doñí` ee` .

Jo íb` Fidié` i seeng` lajii` latí` malí`-gui, lajii` nú'-gui e nitíroo` jmi`güi` jogui latí` lana jogui cajo i nijáa` tu calé` catú` , i seeng` car` ngongí` jmi` .

9 Jo lacoo` néé` mi` jmiféng' i quiúung` do Fidié` e cuø'r` dsea` do gui'máang' , jogui mi` jmi`gór` dsea` do dsea` guing` fí' ñifí` , dsea` i seeng` car` ngongí` jmi` , 10 jo mi` jmóor` lajo, joba' fí' quini` i dsea` i guing` fí' lí` niing` do, laji` guiequiúung` i dsea` cóøng` do jmiféiñ' dsea` do e téé` uø`-jnir` , jogui uø'r` e lí' corona cunéé` e téé` fí' moguir` lajaang` lajaaíñ` , jo guiar` fí' quini` dsea` do jo fé'r` lala:

11 Fí'naa' Fidiéé, 'nub`dseáng' dsea`féng' dsea`ñíng' fí' la'úng' fí' jmi'güü',
 joba' 'nub`dsea`catíng' e nijmiféng' dsea`'nu',
 jogui e nijmi'gó`dsea`'nu',
 jogui e nifé' dsea` e eáam' 'gø'n' cajo,
 co' 'nub`dsea`cajmeé' lajalé' e sea` fí' jmi'güü',
 jo`jaléb' e cajmeé`'nu` caliseá' dseáng' laco' la iin' uø'.

5

Jì`quíá' Fidiéé` e róo` fí`ñifí`

1 Jogui camó`guíi cajo e fí' jaguó`dséé`quíá' i dsea` i guíng' fí' lí` níng' do e iá` coo` jì e sibéeng' e silíi' lí' lí' dsíi' jogui lí' caluu` cajo, jogui sijni' røø` cóo` guié` sello e laco' ja` sea` fí' e nineá` lí' doñi' ii. 2 Jo camám`bíi cajo jaang` ángel i 'gøng' eáang' quíá' Fidiéé, jo jmi'ngüü` cóo` luu` teá' lala:

—¿i` dsea` i catíng' i nineá' e jì do jogui e nifíi` laji` guié` e sello quíá' e ja` cuøøng` nineá' do?

3 Jo dsu' ja` jìé' lí` seeng` jaang` i catíng' i nijmé` lajo, o'gui fí' yá' jmi'güü` o'gui fí' guóo' uø` o'gui fí' ná' uø` cajo fa` seeng` jaang` i catíng' i nineá' e jì do o'gui e ír` cajo. 4 Jogui jnea~, Juan, dob sín'n quí' i jii' ja` ñii` ee` nijmeé, co' ja` mí` caliséng' jii' jaang` fa' i catíng' i nineá' e jì do o'gui e nijøø` o'gui e ni'ír` cajo. 5 Dsu' jaang` lajee` i dsea` cóøng' i tíi' guiequíúung` do casí'r` jnea` lala:

—Jo` quí'gui, co' ja` ee` fí'í' sea, co' i do i líng' i Ie' i iuung` jee` 'lé' quíá' dsea` quíá' Judá jogui i líng' dsea` sijü` dseata` dsea` féng' Daví', íb' i nicalí', joba' lana nicuøøm` nifíi` laji` guié` e sello do, jo lajoba' nilí'r` nineár` e jì do.

6 Jo mi` cangí e café' i dsea` do, joba' camán` n i Jo'se' Jiuung` i sing' fí' guíá' joo` e fí' lí` guíng' i dsea` laniing` do cóo` guí e lí` neáang` i quíúung` do jogui e fí' guíá' joo` e fí' lí` neáang' i guiequíúung` dsea` cóøng' do. Jo i Jo'se' Jiuung` do líng'ne' lafa' jaang` i nicajung` i nicajnga' dsea` quíá'. Jogui dsí` guié` fí're' jogui guié` jmini're' cajo; jo e job` lí' lafa' laji` guíang` jmi'güü` quíá' Fidiéé e casíiñ' fí' la'úng' fí' jmi'güü'. 7 Jo i Jo'se' í` cangó`re' jo catíng`ne' casá`re' e jì e iá` fí' jaguó`dséé`quíá' i dsea` féng' i guíng' fí' lí` níng' do. 8 Jo dsifí` mi` catíng`ne' e jì do, i quíúung` do jogui laji` guiequíúung` i dsea` cóøng' do casíng' yaaiñ` e téé` uø` jnir` fí' quini' i Jo'se' Jiuung` do. Jo lajaang` lajaaíñ` do quier` cóo` lúu' e sií` arpa, jogui quier` úu' e lí' cóo` layaang` cunée` e téé` su` e coo', jo e joba' lí' jalé' e júu` quíá' dsea` quíá' Dsea` Jmáang` mi` jmi'fíiñ' Fidiéé. 9 Jogui ør` júu` e 'míi` e ngóo` lala:

'Nub`dseáng' i catíng' i nisó' e jì do, jogui i nifíng` jalé' e sello quíá' do, co' cajngang' dsea`'nu', jo cóo` e jmi'øøñ' e catüü` do íng` ta` quíá' jaléng' dsea` e laco' ni'uíiñ` dsea` quíá' Fidiéé;

jo jee` i dsea` do quíng' jmaquíng' 'lé' dsea`,

jogui jmaquíng' íng' jmi' e fé'r',

jo jaléng' i dsea` í` jalíiñ` fí' jmaquíng' fii' e sea` fí' la'úng' fí' jmi'güü'.

10 Jo cajmeé` cóo` lajaléng' i dsea` í` e 'nub`dsea` quíé' nifí' quíá'r` lajaang` lajaaíñ`.

Jogui cajmeé' cajo e jaléng' i dsea` í` líiñ' laji' jmidsea` quíá' Fidiéé.

Jogui coob` mi` niguiéé` jmi' e niquíá'r` ta` fí' latøøng` jmi'güü'.

11 Jo mi` cangí e jo, jo cajø`ø jo canú` u luu` dseáng' i 'leáang` eáang` ángeles i teáang` lacúng' lajíng' e lí` guíng' i dsea` níng' quíá' ta` do jogui lacúng' lajíng' e lí` neáang' i quíúung` do jogui i dsea` cóøng' i tíi' guiequíúung` do, 12 jo guicaná' e guicaféiñ' do lala cóo` júu` teá' eáang':

I Jo'se' Jiuung` i cajung` do dseáng' catíim`bre'

e ni'íng'ne' jalé' e 'gøng' jogui jalé' e jlo' e sea' fí' la'úng' fí' jmígüi
 jogui e tíng'ne' eáang,
 jogui catím-bre' e íng'ne' jalé' bí' cajo,
 jogui e nijmi'gó' dsea' íre',
 jogui e nijmi'íang' dsí' dsea' cóo're',
 jogui e nijmiféng' dsea' íre' contøng- cajo.

¹³ Jo mi~ cangí jo, canú-biguí cajo —jíng'- Juan— e lajib' e cateáa' Fidié' fí' yá'^ jmígüi jogui fí' ni~ guóo' uó' la jogui fí' lí' ná' uó' jo lajobi fí' lí' ná' jmiñí' cajo, jo lalab guicajíng':

Í dsea' quie' nifí' i guíng' fí' lí' níng' quiu' ta~ do, jogui i Jo'se' Jiuung' do cajo, íbing' i catíng' i nijmiféng' dsea' jogui i nijmi'gó' dsea' cajo, có' dsea' íb' dsea' i 'gøng' i tíng' jmé' lí' doñí' ee', joba' dseáng'- catím-bre e nijmér- lajii' e íang' dsír' lata~ róo' jmígüi.

¹⁴ Jogui i quiúung' do cañír' lala:

—¡E jáb'~, lajob lí'!

Jogui laj' guiequiúung' i dsea' cóøng' do casí'r' uó' jnir~ jogui ja' quiuiñ' e jmiñéiñ' dsea' do.

6

Mi~ cañing- laj' guie' sello

¹ Jo mi~ cangí jo, camó-guí —jíng'- Juan— jial i Jo'se' Jiuung' do cañing'ne' la'uii~ e guie' sello do. Jo mi~ calí jo, jo canú-u e guicafé' jaang' lajee' i quiúung' do, jo dseáng'- canú' lafa' e líng' ee' cóo' guicaniib' dseáng' e teá' eáang' jo cajíñ':

—¡Nea' jo jøø- e la!

² Joba' cajøø- jnea~ ladsifí' lana, jo camán-n jaang' cuea~ teaang', jo i dsea' i guíng' fí' mocóo're' do se'r' cóo' lí'. Jo i dsea' í cangíiñ' cóo' e lí' corona e nitó'r' fí' moguir~ jo líiñ' jaang' dsea' i calí- jogui i nilí'bi' cajo.

³ Jo mi~ tí lí' cañing' i Jo'se' Jiuung' do e sello e catí tú- do, joba' canú-u e guicajíng' i catí tú- do lajee' i quiúung' do, jo lalab cajíñ' do:

—¡Nea' jo jøø- e la!

⁴ Joba' cajøø- jnea~ ladsifí' lana, jo camán-n jaang' cuea~ i yúung', jo i dsea' i guíng' fí' mocóo're' do cangíiñ' e tíiñ' e ni'nór- 'nií' quiá'- dsea' e laco' niliseeng' dsea' mii' fí' jmígüi la, jogui e nijmér- e nijngáng'- rúng' dsea' lajee' la'ó' rúñ'; jo mifíng' cangíiñ' cóo' ñisú' e niguó'- quiá'- jee' 'nií'.

⁵ Jo mi~ tí lí' cañing' i Jo'se' Jiuung' do e sello e catí 'ní' do, joba' canú-u e guicajíng' i catí 'ní' lajee' i quiúung' do, jo lalab cajíñ' do:

—¡Nea' jo jøø- e la!

Joba' cajøø- jnea~ ladsifí' lana, jo camán-n jaang' cuea~ i uíng'-, jo i dsea' i guíng' fí' mocóo're' do se'r' cóo' cue'í'. ⁶ Jo jee' laco' neáang' i quiúung' do canú-u lafa' luu~ dsea' jo guicajíng'- lala:

—Dseáng'- cóo'b' kiil~ micui'íee' jii' e tíng' dsea' quiá'- e 'léeiñ' cóo' jmiñ' ta~, jogui jii' 'ní' kiil~ micui'í' cebadaba' e 'léeiñ' quiá'- cóo' jmiñ' ta~ cajo; dsu' ja' cuøøng' e lí' nidsi'í' lajo e aceite o'gui e jmí' m'í' huíng' jó'^ cajo.

⁷ Jo mi~ tí lí' cañing' i Jo'se' Jiuung' do e sello e catí quiú' do, joba' canú-u e guicajíng' i catí quiú' do lajee' i quiúung' do, jo lalab cajíñ' do:

—¡Nea' jo jøø- e la!

⁸ Joba' cajøø- jnea~ ladsifí' lana, jo camán-n jaang' cuea~ i iuung' i' rø' uaang~, jo i dsea' i guíng' fí' mocóo're' do siir' 'mó'. Jo caluu' i dsea' í jaa' jaang'gui i líng' fii' quiá'- 'mó'; jo cangíiñ' e tíiñ' e quiu'r' ta~ latøøng' caquiúung' fí' jmígüi e nijngáiñ'- dsea' cóo' jalé' ñisú', jogui niseáiñ'- dsea' e

jo` sea` dóniñ´, jogui nitó`r` jalé` j mohuñ´, jogui nitáñ´ jaléng` jó` nuu` e laco` nijngáng`-ne` dsea`.

⁹ Jo mi` cafiing` i Jo`se` Jiuung` do e sello e catí` ñiá` do, joba` camán`-n` fí` ná` nife` jaléng` i dsea` i cajúng` i cajnga` dsea` quiá`- uí` e cani`r` júu` quiá`- Fidié` . ¹⁰ Jo fé` jaléng` i dsea` í` cóo` júu` e teá` eáang`, jo lalab` jíñ`- do:

—Fí`naa`, 'nab` dsea` i güean` i ja` dsee` røøng` jíñ` cóo` jogui dseáng` i jmiti` júu` quiá`- contøøng` . Jo ¿lí` catí` niquidsi` í` quiá`- jaléng` dsea` jmigüi` jogui nicuó`re` iihuñ´ uii` quiá`- e cajngaiñ´ jnea`^?

¹¹ Jo lajaang` lajaang` i dsea` do cangüñ` si`r` e tee` jlo`, jogui canúur` e `né` nijmi`ím`bir` cateá` lajo, co` `né` e nijém`bir` jaléng`gui` dsea` caguaang`gui` quiá`- Dsea` Jmáang` i jmóo` ta` quiá`r` e nijúuiñ` lí` laco` cajúng` jaléng` í`r` cajo, jo lajoguiba` nidsíng` i si`íng` lajo.

¹² Jo dob` sín`n` jóø`ø` mi` tí` lí` cafiing` i Jo`se` Jiuung` do e sello e catí` jñáa` do. Jo lajee` job` mi` cajó` uó` dseáng`- e eáang`. Jo iee` dseáng`- caliniúm`bre` dseáng`- lafa` cóo` `ná` `mi` uí` e qui` dsea` mi` líñ` fí`í` ; jogui si` dseáng`- caliyúuiñ` lafa` jmi`, ¹³ jogui jaléng` náa` i sitóng`- fí` yú` jmigüi` cajiúm`bre` fí` ni` uó` lí` laco`gui` sijiá` güñí` sí` fí` yú` `ma` quiá`- mi` í` guí` e teá` eáang`.

¹⁴ Jogui yú` jmigüi` ca`ím` e casitíng` yaang` laco`gui` mi` béeng` cóo` mají, jogui lajalé` mó` cóo`gui` jalé` guóo` uó`-ji` e née` ni` jmiñí` calisím` ée` quiá`- laco` laco`. ¹⁵ Jo jaléng` dseata` dsea` féng` cóo`gui` jaléng` dsea` laniing` i quiu` ta` fí` jmigüi` na, jogui jaléng` `lé`- laniing` i quie` nifí, cóo`gui` jaléng` dsea` sea` cuu`, jogui jaléng` dsea` laniing` i quie` nifí jogui jaléng` dsea` i silaang`, cóo`gui` jaléng` dsea` i si`niing` i jmóo` ta`, jo jaléng` dsea` íb` i canaang` `méeng` fí` dsí` tó` jogui lacaang` jee` jiáa` fí` jee` mó` cajo, ¹⁶ jogui canaaiñ` sí`r` jalé` e mó` do cóo`gui` jalé` e jiáa` do:

—Jliing` jnea`^ jo `meeng` jnea` quiá`- i dsea` i laniing` i guing` quiu` ta` do jogui quiá`- i Jo`se` Jiuung` do cajo, co` eáam` niguiñ` qui`naa` joba` iihuñ´ eáam` nicuó`r` lana.

¹⁷ Dsaco` lanab` cadsíng` jmñ` e nidsijé` iihuñ´ e eáang`, joba` ¿í` nité` lí` cóo` e jo?

7

Lají` dsea` quiá`- Fidié` i nisi`íng`

¹ Jo mi` cangí` e jo, camán`-n` —jín`- Juan— quiúung` ángeles i teáang` laji` quiu` quiúung` ni` guóo` uó` jmigüi` e se`r` laji` quiu` quiúung` jmigüi` e laco` jo` ni`f`-gui` guí` fí` ni` guóo` uó` o`gui` fí` ni` jmiñí`^ o`gui` fí` jee` `ma` cajo. ² Jo camám`biguñ` cajo jaang`gui` ángel i jaa` fí` lí` lí` guo` iee`, jo jaar` se`r` e sello quiá`- Fidié` i seeng` car` ngongñ` jmñ` do. Jo i ángel do cóo` júu` teáb` eáang` cató`r` laji` quiúung` i ángeles i cangíng` e tññ` quiá`- e ni`lér` fí` ni` guóo` uó` jogui fí` ni` jmiñí`^ cajo. ³ Jo i ángel i jaa` fí` lí` lí` guo` iee` do casí`r` i ángeles i quiúung` do jo lalab` cajíñ`-:

—Ja` lee`na` jíñ` cóo` fí` ni` guóo` uó` osi` ni` jmiñí`^ osi` jalé` `ma` é cartí` mi` nité`naa` e sello quiá`- Fidié` qui`-ii` fí` guiaquí` lajaang` lajaang` dsea` i jmóo` lajii` e iing` Fidié` .

⁴ Jogui canú`bñ` cajo` jié` jíñ` tí` i dsea` i ni`íng` e sello quiá`- Fidié` do, jo i dsea` í` tíir` ciento cuarenta y cuatro mil jee` jaléng` `lé` dsea` Israel. ⁵ Jo jaléng` i dsea` í` quíng` guitu` mil dsea` i teáang` jee` `lé` quiá`- dsea` siju` Judá, jogui guitu` mil dsea` i teáang` jee` `lé` quiá`- dsea` siju` Rubén, jogui guitu` mil dsea` i teáang` jee` `lé` quiá`- dsea` siju` Gad, ⁶ jogui guitu` mil dsea` i teáang` jee` `lé` quiá`- dsea` siju` Aser, jogui guitu` mil dsea` i teáang` jee` `lé` quiá`- dsea` siju` Neftalí, jogui guitu` mil dsea` i teáang` jee` `lé` quiá`- dsea` siju`

Manasés, ⁷ jogui guitu' mil dsea` i teáang' jee` 'lé' quiá'- dsea` siju` Simeón, jogui guitu' mil dsea` i teáang' jee` 'lé' quiá'- dsea` siju` Leví, jogui guitu' mil dsea` i teáang' jee` 'lé' quiá'- dsea` siju` Isacar, ⁸ jogui guitu' mil dsea` i teáang' jee` 'lé' quiá'- dsea` siju` Zabulón, jogui guitu' mil dsea` i teáang' jee` 'lé' quiá'- dsea` siju` Sé, jogui guitu' mil dsea` i teáang' jee` 'lé' quiá'- dsea` siju` Míing`.

Jaléng' dsea` i nitee` sí'

⁹ Jo mi` cangí e jo —jínng'-gui Juan— camán-n dsea` i dseáng'- i 'leáang'- eáang', jo jíi'~ jaang` dsea` ja` i' quíi'~ jmíi' fa' e nijmi'íiñ^ jónng' i dsea` do tíir'. Jo jee` i dsea` do quíing'~ dsea` i seeng` fí' lajalé' fii', jogui laca'íing'~ ca'íing'~ dsea`, jogui laca'íing'~ fii' e sea` fí' jmígüí, jogui lajalé' jmíi' e fé' dsea` e sea` fí' jmígüí. Jo lajiiñ` do, dob teáaiñ` fí' quini` e ée` e lí' guíing` i dsea` laniing` do jogui fí' quini` i Jo'se' Jiuung` do cajo. Jo lajiiim`bre qui'r` sír^ e tee` jogui se'r` guo' moo` quíee` lajaang` lajaañ`. ¹⁰ Jo lalab féiñ` do cóo'~ júu^ e teá':

i nab Fidiéé` quí-naa' colíing` cóo'~ i Jo'se' Jiuung` do i nicalí'- cacuó'r` jnea'^ e nicaláang`-naa' jee` jalé' iihuí' e catíing`-naa' uí'~ jalé' dsee` quí-naa',

co' i nab dsea` i guíing` e fí' lí' níing` do fí' lí' quiu'r` ta'!

¹¹ Jo lajiiim` ángeles teáaiñ` lacúng' lajínng` e lí' guíing` i dsea` laniing` quiu'r` ta` do jogui lacúng' lajínng` e lí' neáang` jaléng' dsea` cóong'~ jogui e lí' neáang` i quiúung` do; jo lajiiing` i ángeles do catúuiñ` cartí' cajnúu` dsequíir` e fí' quini` e lí' guíing` i dsea` níing` do e jmiféng'neiñ` lala:

¹² ¡Lajob nilí'!

Jo catíim` Fidiéé` quí-i' e nijmiféng'naa'r,
jo catíim`-bre e ni'íiñ` dseáng'- lajii'~ e 'gøng',
jogui íb' dsea` i tíing` ngáng',
jogui catíim`-bre e nicuóø'naa're gui'máang'
jogui e nijmi'goo`-baa're cajo jo tíim`bre jmér` lí'^ doñí' ee`,
jogui seab` bí' quiá'r` cajo car` ngongí' jmíi'.

¡Jo lajob nilí'!

¹³ Jo jaang` lajee` guiequiúung` i dsea` cóong'~ do cajming'í'r` jnea` lala jo cajíiñ`-:

—¿Í' jaléng' i dsea` i qui' 'mi' té' na? ¿Jo jie` fí' lí' cajalíiñ`- na?

¹⁴ Joba' lalab cangíi` jnea` quiá'r`-:

—Ée', 'nub` dsea` ní'^.

Joba' cañí'tur quié` e lala:

—I nab jaléng' dsea` i nicangíng` jee` jalé' iihuí', jogui nicaru'bre sír^ jo teeb` nicaséer' la'eáang` cóo'~ jmí'øong` i Jo'se' Jiuung` do.

¹⁵ Jo uíi'~ joba' teáaiñ` fí' quini` laco' lí' guíing` Fidiéé` quiu'r` ta`.

Jo uóø` jmíib` jmicóo'r` fí' sináuu` guá'- quiá'- Fidiéé`,
jo nijméb` i dsea` i guíing` fí' laniing` do í' jaléng' i dsea` í'.

¹⁶ Jo ja` tóo` jmíi' fa' niguiá' jmí'aañ`

o'gui jmíjmíiñ` calé' catú` ,

o'gui nilí' guí'r` iee`

o'gui e guiné'r` cajo,

¹⁷ co' i Jo'se' Jiuung` i guíing` dseáng'- fí' quini` e lí' guíing` i dsea` níing` quiu'r` ta` do,

íb` i nilíing` dsea` i jmóo` í' jaléng' i dsea` í' lafa' jaang` dsea` i jmóo` í' jo'se' quiá'r` ,

jo íb` i nijé` quiá'r` cajo fí' lí' sea` lafa' jmíi` jlo'^ e jmóo` e seeng` dsea` cóong` cóo'~ Fidiéé` lata`;

jo Fidiée˘ nijmér˘ e jo` niquí˘li jaléng˘ i dsea` í.

8

Mi˘ caŕŕing˘ e sello e catí˘ guié˘ do

¹ Jo mi˘ cangí˘ jo, jo camó˘ o mi˘ tí˘ lí˘ caŕŕing˘ i Jo'se˘ Jiuung˘ do e sello e catí˘ guié˘ quiá˘ e jì˘ do, jo dsifí˘ mi˘ calí˘ lajo dseáng˘ tiib˘ ca'í˘ fí˘ yá˘ jmigüi˘ lajee˘ ca'ná˘ oor˘. ² Jo lajee˘ job, camán˘ n lajì˘ guiáng˘ ángeles e teáaiñ˘ fí˘ quini˘ Fidiée˘, jo cangíiñ˘ do lajaang˘ lajaaiñ˘ jmacó˘ lúu˘ trompé˘. ³ Jo mi˘ cangí˘ jo, cajnéng˘ jaang˘ gui˘ ángel, jo casíñ˘ do 'ñia'r˘ fí˘ nife˘ jo quier˘ coo˘ úu˘ e lí˘ cóo˘˘ layaang˘ cunée˘, jo róòm˘ téé˘ sù˘ e silíng˘. Jo jmiguiab˘ e sù˘ do cangíiñ˘, jo cacang˘ niung˘ cóo˘˘ jalé˘ júu˘ e jmiféng˘ dsea˘ Fidiée˘ quiá˘ jaléng˘ dsea˘ i nilíng˘ dsea˘ quiá˘ dsea˘ do. Jo jalé˘ e jo, fí˘ dob cajé˘ fí˘ nife˘ e lí˘ silí˘ cóo˘˘ layaang˘ cunée˘ e si˘ fí˘ quini˘ e lí˘ lí˘ éé˘ e lí˘ guing˘ i dsea˘ laniing˘ i quiu˘ ta˘ do. ⁴ Jo mi˘ cacóo˘ e sù˘ e silíng˘ do e téé˘ e fí˘ dsí˘ úu˘ quiá˘ sù˘ do e se˘ i ángel do, joba˘ e jmiñi˘ quiá˘ do canaang˘ soo˘ fí˘ quini˘ Fidiée˘ colíng˘ cóo˘˘ jalé˘ júu˘ e fé˘ dsea˘ mi˘ féiñ˘ Fidiée˘. ⁵ Jo mi˘ cangí˘ jo, i ángel do cajmiróoiñ˘ e úu˘ do cóo˘˘ mí˘ jito˘ quiá˘ nife˘, jo ngí˘ jo coo˘ cafeá˘bre fí˘ ní˘ guóo˘˘ uó˘; jo job mi˘ caná˘ e gab˘ caníi˘ jogui˘ catá˘ mí˘ eéang˘ jogui˘ caquie˘ güi˘ñiá˘ jo cajó˘ uó˘ e eéang˘ cajo.

Mi˘ cali˘ jalé˘ lúu˘ trompé˘

⁶ Jo mi˘ cangí˘ jo, lajì˘ guiáng˘ ángeles i quie˘ jmacó˘ lúu˘ trompé˘ caguiéeng˘ guiá˘ yaaiñ˘ e nijíuu˘ bre.

⁷ Joba˘ i ángel la'uii˘ do cajiúur˘ lúu˘ trompé˘ quiá˘r˘, jo dsifí˘ lajob canaang˘ cabi˘ fí˘ ní˘ guóo˘˘ uó˘ jalé˘ dsí˘ cóo˘˘ jì˘ e sicáng˘ cóo˘˘ jmi˘. Jo cacóob˘ jie˘ ja˘ ca'ná˘ fí˘ latøng˘ guóo˘˘ uó˘, jogui˘ lajobi jalé˘ 'ma˘ cacóob˘ jie˘ ja˘ condseá˘, lí˘ lajalé˘ onuu˘ rø˘ e sea˘ lajob calí˘.

⁸ Jo i ángel i catí˘ gaang˘ do cajiúur˘ e lúu˘ trompé˘ quiá˘r˘, jo dsifí˘ lajob camó˘ o —jíng˘ Juan— coo˘ e lí˘ la lí˘ cóo˘ mó˘ e fé˘ e íu˘ jì˘ eéang˘, jo e jo fí˘ dob cabi˘ fí˘ ní˘ jmiñi˘, jogui˘ jie˘ ja˘ condseá˘ jmiñi˘ ca'uíng˘ jmi˘. ⁹ Jogui˘ cajo jie˘ ja˘ condseá˘ jaléng˘ jó˘ teéang˘ é˘ jmiñi˘ cajúm˘ bre˘, jogui˘ ca'ím˘ cajo jie˘ ja˘ condseá˘ jalé˘ e móo˘ e ngí˘ fí˘ ní˘ jmiñi˘.

¹⁰ Jo i ángel i catí˘ gaang˘ do cajiúur˘ lúu˘ trompé˘ quiá˘r˘, jo dsifí˘ lajob catóng˘ jaang˘ núu˘ féng˘ i íng˘ fí˘ yá˘ jmigüi˘ i caang˘ lafa˘ coo˘ bøji˘. Jo i la catóñiñ˘ jie˘ ja˘ condseá˘ fí˘ ní˘ lajalé˘ gua˘ jogui˘ lacaang˘ fí˘ lí˘ níng˘ jmiñi˘ cajo.

¹¹ Jo gab˘ jiu ná˘ júu˘ jí˘ laco˘ e si˘ i núu˘ do, co˘ siir˘ Coo˘ e Guí˘; jogui˘ jie˘ ja˘ condseá˘ lajee˘ lajalé˘ jmiñi˘ cali˘ lib˘ e caligui˘, jo i fíim˘ jaléng˘ dsea˘ cajúng˘ dsu˘ e ca'í˘r˘ e jmiñi˘ e cacáng˘ lafa˘ oguí˘ do.

¹² Jo mi˘ cangí˘ jo, i ángel i catí˘ quiúung˘ do cajiúur˘ lúu˘ trompé˘ quiá˘r˘, jo dsifí˘ lajob jie˘ ja˘ condseá˘ iee˘ jogui˘ jie˘ ja˘ condseá˘ sí˘ jogui˘ jie˘ ja˘ condseá˘ lajee˘ lajaléng˘ núu˘ calé˘b˘ quiá˘r˘, lí˘ jie˘ ja˘ condseá˘ tøng˘ laca'íng˘ ca'íiñ˘ do, jo jo˘ e jir˘ caliseá˘ gui˘ jí˘ capí˘. Joba˘ jie˘ ja˘ ca'ná˘ jmiñi˘ jogui˘ jie˘ ja˘ ca'ná˘ uó˘ jo˘ ee˘ jì˘ caliseá˘ jí˘ capí˘.

¹³ Jo ngí˘ jo, camán˘ n jaang˘ jó˘ i jnéng˘ lafa˘ miñi˘ e cangíng˘ ne˘ íng˘ ne˘ fí˘ guiá˘ güí˘. Jo lalab cajíng˘ ne˘ cóo˘˘ júu˘ teá˘:

—iE ngí˘ fíib˘ jaléng˘ dsea˘ i seeng˘ gui˘ fí˘ ní˘ guóo˘˘ uó˘ jmigüi˘ mi˘ tí˘ lí˘ nití˘ í˘ e ní˘ lúu˘ trompé˘ e nabi˘ nijíuu˘ i gaang˘ gui˘ ángeles do!

9

¹ Jo mi˘ cangí˘ jo, i ángel i catí˘ 'ñíng˘ do cajiúur˘ lúu˘ trompé˘ quiá˘r˘, joba˘ camán˘ n ladsifí˘ lado jaang˘ núu˘ i íng˘ fí˘ yá˘ jmigüi˘ jo catóñiñ˘ fí˘ ní˘ guóo˘˘ uó˘; jogui˘ cangíiñ˘ do e joñi˘ quiá˘ too˘ lí˘ nuu˘ só˘. ² Jo mi˘ caná˘ e too˘ jo,

dseáng' ca'uøø jmiñi' ñuu lafa' jmiñi' e uøø fi' dsí' too` hornob dseáng'; jogui e jmiñi' e ca'uøø e fi' too` nuu sò' do cajmée e calinú, co' caquiáam' iee` cóo' e jmiñi' do. ³ Jo i' leáang' miñi' ca'uøøng' jee e jmiñi' do jo caning' ne' fi' ni' guóo' uøø; jo cangúng' i' jó' do e ca'uing' ne' jó' i' guím' jogui e í're' lafa' tacúb'. ⁴ Jo cahuí' ta' quiá' i' jó' do e ja' ni' lé' re' jii' coo' onuu, dseáng' jii' ca'ling' onuu rø' o'gui jalé' ma'. Jo dseáng' lajii' dsea' i' ja' too' sello quiá' Fidiée' fi' guiaquí', lajii' í'bing' i' ni'ing' i' jó' do. ⁵ Jo dsu' jaléng' i' miñi' do ja' cangúng' ne' fi' fa' dseáng' e nijngáng' ne' jaléng' dsea, co' lajii' fi' e cangúng' ne' e lico' nicuø' re' dsea' iihu' eáam' lajee' ñíng' si'; jo e li' ni'í're' do cu' laco'gui cu' li' í' jaang' tacú' guíng'. ⁶ Jo ie' jmí' jo jaléng' dsea' nijmé-bre quií' jial nijúuiñ', jo dsu' ja' niguié'r' e' uíng' e nijngáng' yaaiñ'; co' iim-bre e nijúuiñ', dsu' ja' mó' nilisea' quiá'r'.

⁷ Jo i' miñi' do jnéeng' ne' laco' cuea' i' ni'ing' guiá' quiá' e nidsilíng' ne' fi' jee' nií; jo téé' mogui' re' lajaang' lajaang' ne' lí' corona e lí' cóo' layaang' cunée', jogui ni' re' líb'jiu laco' lí' ni' dsea' jmigüí. ⁸ Jogui jñú're' líb'jiu laco' lí' jñugui' dseamí, jogui maja' re' lí' la lí' maja' ie'. ⁹ Jogui lacaang' nidsí're' sibé' layaang' ní' e laco' jmi'øng' yaang' ne', jogui lajii' e mí' e ta' cuée' re' do laco' íng' ne' ná' lafa' mi' i' jalí' bøø' carreta e jñú' cuea' e ningolí' fi' jee' nií. ¹⁰ Jogui nicú're' lí' laco' lí' nicú' tacú', jo cóo' e job í're'. Jo cangúng' ne' e líng' ne' jó' guíng' e laco' ni'ing' ne' jaléng' dsea' lajee' ñíng' si'. ¹¹ Jo seem' jaang' i' quie' nifi' quiá' jaléng' i' miñi' do i' quiá' ta' quiáa' re', jo íb' i' ángel i' ling' laniing' do i' née' ni' e fi' too' nuu sò' do. Jo Abadón siir' cóo' jmí' hebreo, jogui Apolión siir' cóo' jmí' griego, jo e jo guøng' jaang' i' léé'.

¹² Jo lanab cadséng' la'uii' coo' lé' e iihu' do; dsu' lí' uiim' bi' jóng, co' nabi jalí' tú' lé' gui iihu' e eáang' gui.

¹³ Jo mi' tí' lí' cajiú' i' ángel i' catí' jñúung' do lúu' trompé' quiá'r', jo dsifí' lajob canú' u luu' dsea' e guicajá' e fi' lí' téé' laj' quiá' fi' fi' laj' quiá' quiúung' quiá' nife' e lí' cóo' layaang' cunée' do e si' fi' quini' Fidiée'. ¹⁴ Jo e luu' jo casí' lala i' ángel i' catí' jñúung' do i' quie' lúu' trompé' jo cajiñ':

—Leaang' laj' quiúung' i' ángeles i' ñúung' cóo' ní' cadena do e fi' gua' fé' e sii' Éufrates.

¹⁵ Jo caláam' i' ángeles i' quiúung' do e laco' nijngáiñ' jie' ja' condseá' tøøng' jaléng' dsea' i' seeng' fi' jmigüí, co' jéem' nicané' guiá' quiá' do e oor' jogui e' jmí' jogui e' si' jogui e' jii' e nijméiñ' do lajo. ¹⁶ Jo i' léé' i' neáang' cuea' do canú' baa e tír' doscientos millones.

¹⁷ Jo lajoba' camó' o lajii' e iing' Fidiée' e nimoo' do e camán' n jaléng' i' cuea' do, jo jaléng' i' dsea' i' neáang' fi' mocóo' re' do quier' fi' ni' dsí' chulé' e lí' cóo' ní' e laco' jmi'øng' yaaiñ'. Jo e jo jnéeng' laco' jnéeng' j' jogui azul lí' laco' lí' coo' cuu' e sii' jacinto, jogui e née' laco'gui lí' azufre. Jogui mogui' jaléng' i' cuea' do lí' laco' lí' mogui' ie', jogui fi' mo'oo' re' uøø' j' jogui jmiñi' jogui azufre cajo. ¹⁸ Jo jie' ja' condseá' tøøng' lajii'ng' dsea' jmigüí' cajúñ' cóo' e j' do cóo' gui e jmiñi' do jogui cóo' e azufre do e uøø' fi' mo'oo' i' jó' do. ¹⁹ Dsuo' e oo' i' cuea' do e qui' re' jmí' fi' mo'oo' re' cóo' gui fi' nicú're', co' nicú're' lí' laco' lí' mogui' mi', jo cóo' e job e cú' re' car' jngang' ne' dsea'.

²⁰ Jo jaléng' dsea' i' ja' cajúng' cóo' jalé' e iihu' e caliseá' do, dsu' ja' catá' bir e jmóor' jalé' e lí' e tá' jmóor', o'gui catár' e jmiféiñ' jaléng' i' ling', o'gui catár' e jmiféiñ' jaléng' diée' i' o' já' i' líng' cóo' layaang' cunée' osi cóo' cutee' osi cóo' ní' bronce osi cóo' jalé' cuu' osi cóo' jalé' ma' é; jo jii' jaang' i' diée' i' o' já' do cuøøng' lí' jøø' o'gui cuøøng' lí' núr' o'gui cuøøng' lí' ngír' cajo. ²¹ Jo dseáng' ja' cali' iing' i' dsea' do fa' catár' e jmóo' bir jalé' ta' jngang'

jaléng' dsea` rúng' jogui jalé' ta` dsea` láang` jogui jalé' ta` 'lée' cóo' dseañu`
osi dseamf i o' quia'r` jogui jalé' ta` jmoo` h cajo.

10

Jaang` ángel cóo' coo` jiji

¹ Jo mi` cangf jo —j'ing' Juan— camáng` guí jaang` ángel i 'gøng' i jajgiáng`
fí yá' jmi'güi i quíng' jee` cabøø` jni', jo e fí lacúng' moguir` si' coo` cuu` e
jneeng` mi` dsée' jmi'gui` jogui e tí' iee`. Jogui nir` j'ing' j' lacó' j' iee`, jogui
tír` lí' laco' mi` s'ong' niing` j' e cuee`. ² Jogui se'r' coo` j'ji e sina', jo casí' i
ángel do tír` dsée' fí ni` jmi'ni', jogui e tír` tuung` do casí'r' fí ni` guóo' uó`.
³ Jo teá' eáng' ca'óor` lí' laco'gui mi` óo` jaang` ie'; jo mi` tí' lí' ca'óor`, e luur`
do canú' lafa' e caquie' güi'niá' guié` ya'. ⁴ Jo mi` cangf e canii' e guié` ya' do,
jneá' lamí' sí' ni' jmi'ee' baa jalé' e jo fí ni` j'; dsu' lajee` job mi` tí' lí' canú` u
coo` luu` e jaa' fí yá' jmi'güi jo casí' jnea` lala:

—Juan, lico' 'meeng` fí dsí' mogui' lajalé' júu` e canú' quia' e guié` ya'
e nicanii` do, jo jie` mí' í' a' fa' e nijméé'.

⁵ Jo i ángel i camán` n do i casí' t' e dsée' fí ni` jmi'ni' jogui tír` e tuung`
fí ni` guóo' uó`, caséer` guóor` dsée' fí yá' jmi'güi ⁶ jo cacuør` júu` quia'r` uii`
quia' i dsea` i seeng` car` ngong` jmi' do, i dsea` i cajméé` yá' jmi'güi jogui
jaléng' i seeng` fí jo, cóo' gui guóo' uó` cóo' jalé' e sea' fí jo jogui jalé' jmi'ni'
lí' lajaléng' i seeng` fí la'úng` fí jmi'güi, jo lalab cají' :

—Jo` 'né` fa' e nili' h' gui e niliti` jalé' e na; ⁷ co' mi` tí' lí' nití' í' e i ángel i catí'
guiáng` do nináin` nijiáur` lúu' trompé' quia'r', jo ie` job mi` nilili' lajii' e
si' má' Fidié' e 'né` niliti' e ja' ní' dsea` jéeng'gui, lí' laco' jii' júu` e casí'r`
jaléng' dsea` quia'r` i café' cuaiñ` quia'r` mali' gui eáng'.

⁸ Jo lajii' e luu` e canú` u la'uii` do e jaa' fí yá' jmi'güi, caléb' catú` caféng' tu
jneá' jo casí' jnea` lala:

—Juan, gua` jo quie` e j'ji e sina' do e iu` fí jaguó' i ángel i si'ø' fí ni` jmi'ni'
jogui fí ni` guóo' uó`.

⁹ Joba' cangób` jnea` fí lí' sing' i ángel do, jo camí' ire e j'ji e óo' do, jo lalab
cañir` quie` e:

—Jó' o jo quie'. Jo lifa' fí mo'oo' niliróob` laco'gui la róo` ta', jo dsu' fí dsí'
tú' niligui'.

¹⁰ Jo mi` cangf e jo, catim` baa' e j'ji do e fí lí' se' i ángel do jo cagó' baa;
jo já' ba' e fí mo'óo' jlob' róo` e do, lifa' mi` catí' fí dsí' tú' u, gab` guí' e do.

¹¹ Joba' guicanú' coo` luu` e guicajíng' casí' jnea` lala:

—Nu' 'né` niguiá' tu calé' catú` jalé' júu` e j'ing' Fidié' cuaiñ` quia'
jaléng' dsea` i seeng` fí jalé' fí jogui laco' sinú' jogui laca'íng' jmi' e fé'
dsea` jogui fí quini' jaléng' dseata` dsea` cóøng' i quie' nifí' cajo.

11

Gáng` dsea` i tí' ni`

¹ Jo mi` cangf jo —j'ing' gui Juan— cangin` coo` s' e quia' guia' í' e lí'
lafa' coo` cui'ni', jo canú` u e líng` ii' casí' jnea` lala:

—Raan' jo quie` e s' guia' í' na quí' jo quie' í' jé' jii' tí' e guá' quia'
Fidié' jogui jé' jii' tí' e fí nifé' quia'r` cajo, jogui nijmi'im` ba' cajo jaléng' i
dsea` i dsilíng` fí jo e dsijmiféin' Fidié'. ² Dsu' lifa' jie` mí' guia' í' fí siguí'
quia' e guá' do, co' e fí jo nicangíng` jaléng' dsea` i ja' mí' cuíng' Fidié'
e laco' dsea` íb` i niso'óng' fí jee` fí güeang' quia' Fidié' lajee` 'ní' jii' dsí'
ca'ná'. ³ Jo jnea`, Fidié', nisín` n gáng` lajee` dsea` quie` e i tí' ni`, jo i dsea`

í qui'r 'mi' e qui' dsea` mi` líiñ' fi'í, jo jneab` cajo nicuøø`øre e nifé'r` cuaiñ` quié` e lajee` mil doscientos sesenta jmiñ`.

⁴ Jo i dsea` gáng` i tí' ni` do líiñ' lafa' laji` tú` e 'ma` olivo cóo'`gui laji` tú` e candeléer` do e téé` fi' quini` Fí'naa' dsea` née' nir' fi' la'úng` fi' ni` guóo'` uø` jmiñ'güí. ⁵ Jo doñi' i dsea` i iing` nijmeáng' ga` i dsea` gáng` do, joba' i gáng` do uøø` ji' fi' mo'oor` jo cóo'` e job` jñiñ` dseáng'` congua' jaléng'` dsea` i 'ní' ní` quiá'r`, jo lajob` nijúung` doñi' i dsea` i iing` nijmeáiñ'` do ga`. ⁶ Jo i dsea` gáng` i tí' ni` do ngám`bre fi' e laco'` quí'r` jmiñ` e jmér` e nijná` yá'` jmiñ'güí e laco'` jo` nitú`gui jmiñ' lajee` e taaiñ` e jmóor` ta` e fé'r` cuaiñ` quiá'` Fidiéé`, jogui cajo seab` fi' quiá'r` e lí'r` e nijmi'uíiñ` jmi' jalé'` jmiñ', jogui seab` fi' quiá'r` cajo e nicuø'r` lajñng` dsea` jmiñ'güí lí' doñi' ee` iihu' lí'` jó' ya' e cali'iñ` lajo. ⁷ Jo dsu' mi' tí' lí' cató'` ta` quiá'` i dsea` gáng` do e nicafé'r` cuaiñ` quiá'` Fidiéé`, joba' i jó'` 'ling'` i dsée` i nigüí'fi' too` nuu` só'` do, íb` i nitíng` cóo'r` jogui íb` i nilí'` ír` jogui nijnga'`bing'` do quiá'r`. ⁸ Jo i 'lí'` gáng` do fi' dob` nrisaaiñ` fi' jee` 'núu' quiá'` e fi' fé'` e lí'` catáng` Fiir` fi' dse'` crúu`. Jo e fi' jo lí'` lafa' fi' Sodoma osi lí'` lafa' Egipto é. ⁹ Jo lajee` 'ni' jmiñ` dsí` condseá'` niní` lajñng` dsea` i seeng` fi' fi' pí'` osi fi' fi' cóo'` é, jo laco'` laco'` sinúu` jogui laca'ling'` laca'ling'` jmi' e fé'` dsea`, e dob` risaang` i dsea` gáng` i ni'`ling` do fi' jee` 'núu'. Jo jaléng'` i dsea` do ja` nicuø'r` fi' fa' e ni'áng` i dsea` i teng'` 'líng` do. ¹⁰ Jo ie` jo jaléng'` dsea` i seeng` fi' ni` guóo'` uø` eáam' nilí'`iáng` dsíir` dsu' e nicajúng` i dsea` gáng` do, jo jmiñb` nidsitáaiñ'` e laco'` cuø'` lí' e eáam' iáng` dsíir', jo nicuø'` rúin'` jalé'` e iáng` dsíir' la'ó'` ír'. Jo nijmér` lajo uí'` e i dsea` gáng` do eáam' jmiñ'guí` jalé'` iihu' cacuø'r' jaléng'` dsea` seeng` fi' jmiñ'güí.

¹¹ Jo dsu' mi' cangí e 'ní' jmiñ` dsí` condseá'` do, Fidiéé` cajméer` e cajíb'tu` i dsea` gáng` i tí' ni` do, jo caráam` tuiñ'` do calé'` catú`; jo jaléng'` dsea` i cangá` e cají'` tuiñ'` do, dsíng'` cafóin'`. ¹² Jo i dsea` gáng` do canúur` coo'` luu` teá' e jáa' fi' yá'` jmiñ'güí jo lalab` guicajíng'` e luu` do:

—Hu'` na' fi' la!

Joba' lajob` cajméeiñ'` do, cajgóo`bre e quiñ'` jee` cabøø` jni', jo jaléng'` dsea` i 'ní' ní` quiá'r` cangá`bre jalé'` e jo. ¹³ Jo ladsifí` lajob` cajó'` uø` e eáang', jo cóo'` e job` cajléng'` guóo'` uø` jo calím` caquiúung'` jiu e fi' jo, co'` caquíb'` jalé'` 'núu' jo guié` mil dsea` cajúng`. Jogui lajii'` i ja` cajúng` cóo'` e jo, eáam' cafóin', jo joguib` mi' canaaiñ` e jmiñ'féiñ'` Fidiéé` dsea` guing` ñiff`.

¹⁴ Jo casúum` jiu e iihu' e catí` tú` do; dsu' jo` huøø` dsé` gui e nijáa' e iihu' e catí` 'ní' do.

Mi' ca'ii` lúu' trompé'` e catí` guié` do

¹⁵ Jo coob` mi' cajiúu` i ángel i catí` guiáng` do lúu' trompé'` quiá'r`, jo job` mi' tí' lí' caná'` jmiñ'guí` luu` e teá' eáang' fi' yá'` jmiñ'güí jo lalab` nú'` guicajíng'`: Lanab` catí` í' e Fí'naa' Fidiéé`,

colíng` cóo'` i jóor` Dsea` Jmáng` i casíiñ` do,

niquiá'r` ta` fi' latøøng` fi' ni` guóo'` uø` jmiñ'güí, jo car` ngongí'` jmiñ` nijmér` lajo.

¹⁶ Jogui laji` guiequiúung` i yá'u` dsea` cóøng'` i neáang'` éé` quiá'` fi' quini` laco'` guing` Fidiéé` 'ña'r', lajñm` i dsea` cóøng'` do catúuiñ'` cartí` cajnúu` nir` fi' ni` uø`, jo lajob` cajmiñ'féiñ'` Fidiéé` ¹⁷ jo fé'r`:

Cuøø`naa' 'nu' gui'máng'`, Fí'naa' Fidiéé`,

'nu' dsea` féng'` dsea` ñin'` i quí'` jmiñ` jmé'` lí'` doñi' ee`,

jo 'nu' dsea` i seeng` lajii'` latí` malí'` lajii'` ná'` gui e nitiroo'` jmiñ'güí jogui cajo cartí` lana,

jogui i nijáa'tu` calé'` catú`,

dsuco'` 'nu' nicangám`ba' e tiin'` e quí'` jmiñ` lí'` doñi' ee`,

jogui latí lanab nicanaan' e quiá' ta~.

18 Jo lajalém' dsea` seeng` fí jmigüi' eáam' nicaliguíñ' quiá';
jo dsu' lanab catí í' e nijmiguíng' uó' uui~ quiá'r- cajo,
jogui lanab cajo catí í' e niquidsi' í' quiá' jaléng' dsea` i nicajúng~;
jogui lanab catí í' e nicuó' guiéé' quiá' jaléng' i dsea` i cajmée' ta~ quiá' i
café' cuaiñ~ quiá'
colíng~ cóo'~ jaléng' dsea` i calíng- dsea` quiá' i cajmí'gó' 'næ, nañí' su
dsea` i niing~ osi ja` niñ- é.

Jogui lanab catí í' cajo e ni'ím~ba' jaléng' i nica'lee',
jaléng' i nicacuó' jalé' iihuí' fí ni~ guóo'~ uó' jmigüi'.

19 Jo ngí jo, joguib cana' e guá' quiá' Fidiéé' e si' fí ñiff~, jogui fí dsí' job
si' e guóo' e silíng~ e lí' si'ma' lajii' júu' tigua' quiá' Fidiéé'. Jo lajee~ jo
dsíng' líj~ güi'ñiá', jogui dsíng' nií, jo téé' mí' eáang' cajo, jogui cajó' uó',
jo dseáng' dsí' e cóob' cajiá' fí ni~ guóo'~ uó' cajo.

12

Jaang` dseamí cóo'~ jaang` jó' guié- mogui~

1 Jo mi~ cangí e jo —jíng' Juan— cóo'gui e lí' e dsigá' dsí'naa' eáang' cajnéng~
fí yá' jmigüi': jo cajnéng~ jaang' dseamí i quíng' iee' lafa' e qui'r' sí'r', jo
lí' uui~ tír- do líng' sí' jogui iu~ moguir~ cóo' lí' corona e taang~ guitúung~
núu'. 2 Jogui yuu' bi' niquiéeng' i dseamí do cajo, jo dseáng' teá' eáang' óor', có'
tí lí' niliseem' i yuu' do quiá'r-. 3 Jo mi~ cangí e jo, cóo'gui lí' e cajnéng~ fí
yá' jmigüi': jo cajnéng~ jaang' jó' 'líng'^, jo i jó' do latøøm-bre' yúung~ne', jo
guié- mogui~re' tí' jogui guí' fí're' cajo, jo lacóo' e mogui~re' do téé' jmacó'
lí' corona. 4 Jo cóo'~ nicúub' i jó' 'líng'^ do ca'íng~ne' jie~ ja' condseá' tøøng~
lajaléng' núu' i sitøng' fí yá' jmigüi' jo cabíng~ne' fí ni~ guóo'~ uó'. Jo i jó'
'líng'^ do casíng' 'ñia're' fí quini' i dseamí i tí' lí' niliseeng' yuu' quiá' do; jo
i jó' do nisijeeng~ne' e nijngám~-bre' i yuu' quiá' i dseamí do e nicúng~ne'
ladsifí mi~ niliseeiñ' do. 5 Jo cóob' mi~ tí' lí' catí í' e cangáam' i yuu' quiá' i
dseamí do, jo jaang' jiuung~ siñuub' caliséng', jo íb' i niquiá' ta~ fí la'úng~ fí
jmigüi', jo nijmeáiñ' ta~ e 'ma'u' e lí' cóo'~ layaang~ ní'. Jo dsu' i jiuung~ do
condsée' cangáiñ' fí lí' guíng~ Fidiéé' e fí lí' lí' éé' lí' niing~ do; 6 jo i dseamí
do cacui'bre' cangór' fí ni~ guóo'~ uó' quiá', có' fí jo caguia' Fidiéé' guiá' e
nilíñ' do í' lajee~ mil doscientos sesenta jmí~.

Mí~ caliseá' nií' fí yá' jmigüi'

7 Jo mi~ casúung~ e jo, canaang' 'nií' fí yá' jmigüi'. Jo i ángel i eáang' 'gøng' i
sií' Yé' cóo'~ jaléng' ángeles quiá'r- catíñ' cóo'~ i jó' 'líng'^ i guié- mogui~ do
colíng~ cóo'~ jaléng' ángeles i 'líng'^ quiá' i jó' do. 8 Jo dsu' i jó' 'líng'^ do
cóo'~ gui jaléng' ángeles i 'líng'^ quiáa' re' ja' sea' bí' quiáa' re' fa' e calí' re' e
'nií' do. Joba' jo caliseá' gui éé' quiáa' re' fí ñiff' fa' e nigüéa' re' fí jo. 9 Jo lajoba'
catóm' i jó' guié- mogui~ do, jo í'bing' líng' fí i 'líng'^, jo sií' bire' Satanás cajo,
jo íb' i jmóo' ta~ jmigøøng' jaléng' dsea` seeng' fí la'úng~ fí jmigüi'. Jo tí' yá'
jmigüi' cabiíng~ne' cartí ni~ guóo'~ uó' colíng~ cóo'~ jaléng' ángeles i 'líng'^
quiáa' re'.

10 Jo job mi~ tí' lí' canú-túu cóo' luu~ e teá' eáang' fí yá' jmigüi' e guicajíng'-
lala:

Jo lanab nicatí í' e Fidiéeb' nileáiñ- jaléng' dsea` jmigüi',
jo nicár' ní'fí quiá' dsea' la'eáang' cóo'~ e 'gøiñ' do.

Jogui i jóo' Dsea' Jmáang~ i casíng' Fidiéé' do
lana niquiá'r- ta~ røø' quiá' jaléng' dsea` jmigüi',

- co' nicabiim~ i lami~ 'n#ng` jaléng` dsea` rú'naa' dsea` quiá'- Dsea` Jmáang`
 i lami~ 'n#ng` jaléng` i fí' quini~ Fidiée~ e uóø` jm#i~.
- 11 Jo jaléng` i dsea` rú'naa' dsea` quiá'- Dsea` Jmáang` do nicalí'-bre i do la'eáang' cóo'~ e jmi'øøng` i Jo'se' Jiuung` do e catuü` fí' dse' crúu` jogui la'eáang' cóo'~ jalé' júu` quiá'- Fidiée~ e nicaguiar', jo ja` cafóin' fa' e nijúuiñ` , co' caguiab' dsíir' e doñí' ee` calíb`.
- 12 Jo uíi~ joba' güili'iaám` dsíi' fí' ñifí` , jogui jaléng` 'nú' , dsea` nineáang`na' fí' jo, güili'iaám` óo'na' cajo! Jo dsu' e ngi~ f#ib` jaléng` i seeng` fí' ni~ guóo'~ uóø` jmigüi' cóo'~ gui jaléng` i seeng` fí' ni~ jmiñí' , dsuco' nicajgáng` fii~ i 'ling'` fí' jee` 'nú' e eáang' nisigüiñ` quií-na' , co' guiáb` ñiñir' e si'í' jm#i~ba' seeng`guir' fí' jmigüi' na!
- 13 Jo mi~ calilí' i jó' guié` mogui~ do e cabiing`ne' fí' ni~ guóo'~ uóø` , joba' canaang`ne' ngi're' 'nám'bre' i dseamí' i cangoquieeng` i yuu` siñuu` do. 14 Jo dsu' i dseamí' do cangüiñ` quiá'- Fidiée~ e sea` tú` cuéer' e fe' , jo e jo lí' laco' lí' cuéé' jaang` m#i~ , jo cóo'~ e jo nilí'r' ni'ñiñ` jo nidsér` fí' quiá'r` e fí' ni~ guóo'~ uóø` quiá' do, jo lajoba' niliseeñ` huíi`-gui laco' seeng` i jó' guié` mogui~ do, jo fí' guóo'~ uóø` job cangüiñ` jalé' e 'néer` lajee` 'ní' jii` dsí' ca'ná' . 15 Jo i jó' guié` mogui~ do canaang`ne' ñá're' jmiguiá' jm#i~ e fí' lí' taang` i dseamí' do e lí' laco' nijúung` i dseamí' do e nijgiér' jm#i~ ; 16 jo dsu' 'ña' guóo'~ uóø` cajmicóob' i dseamí' do co' canab' lafa' mo'oo` , jo fí' guóo'~ uóø` canaang` ya' e jm#i~ quiá' e gua` do e catuü` fí' mo'oo` i jó' 'ling'` do. 17 Jo dsu' cóo'~ e jo i jó' 'ling'` do dseáng' e eáam' caligüing`ne' quiá' i dseamí' do, jogui cangó-bre' e cangotíng`ne' cóo'~ jaléng` dsea` siju` i dseamí' do i seeng`gui fí' guóo'~ uóø` , jaléng` i dsea` i jmiti~ jalé' júu` quiá'- Fidiée~ jogui i teáang` teá' fí' guiá' cóo'~ Jesús cajo. 18 Jo i jó' guié` mogui~ do fí' dob cajé're' fí' 'ni' jmiñí' .

13

Gáng`gui jó' dsée` i 'ling'`

- 1 Jo mi~ cangí' e jo —jíng'— Juan— camó-gu#i e cagüi'í' jee` é' jmiñí' jaang` jó' dsée` , jo guié` mogui`re' tí' jogui dsi~ guí' fí're' cajo. Jo laco` laco` e fí're' do téel' jmacó' lí' corona, jogui e fí' laco` mogui`re' do tóo` júu` e ga` e jmineang` Fidiée` . 2 Jo i jó' dsée` i camán`n do jnéem`bre' la jnéeng` jaang` ie' i sii' leopardo; jogui ti~re' líb'jiu la lí' ti~ jó' i sii' oso, jogui mo'oo`re' lí' la lí' mo'oo` ie' . Jo i jó' guié` mogui` la'uii~ do cacuø'bre' i jó' dsée` do lajii~ e bí' quiáa`re' jogui lajii~ ée` lí' guing`ne' , jogui cacuø're' fí' e quiñiñ' do ta` . 3 Jo cóo` mogui` i jó' dsée` do jnéeng` lafa' e sicuí' e jo tóo` jm#i~ nijíng` m#i~ ; jo dsu' ca'lóob` e lí' sicuí' quiáa`re' do, joba' lajim` dsea` jmigüi' eáam' cangogá' dsíir' jo lajim` dsea` casíñ' uii~ quiá' i jó' dsée` do. 4 Jo cajmifém' dsea` i jó' guié` mogui` la'uii~ do dsuco' cacuø'bre' i jó' dsée` do fí' e quiñiñ' do ta` , jo cajmifém'bi dsea` i jó' dsée` do cajo, jo lalab casí`-reiñ' : —Jo` jíe' lí' seeng` jaang`gui laco' i jó' dsée` la, jo jii~ jaang` ja` ii` qu#i~ jm#i~ e nilí' i jó' dsée` do mi~ ii` nitíng` cóo'`re' .
- 5 Jogui cangüim`bi i jó' dsée` do fí' e nifé're' júu` róo` jogui jalé' júu` ga` uii~ e 'ní' níng`ne' Fidiée` , jogui cangüing`bire' fí' cajo e niquiá'`re' ta` lajee` tuló` dsí' gáng` si' . 6 Jo lajob cajmée're' ; café'bre' júu` ga` uii~ quiá' Fidiée` cóo'~ gui fí' lí' guing` dsea` do, jo café'bire' júu` ga` cajo uii~ quiá' jaléng` i neáang' fí' ñifí' . 7 Jogui cangüim`bre' fí' cajo e nijmé`re' 'nií' cóo'~ jaléng` dsea` i líng` dsea` quiá' Fidiée` cartí' nilí'bre' jaléng` i dsea` í' ; jo dseáng' i jó' dsée` dobing' i

quia' ta~ lí' doñí' ìi' dsea' ì seeng' fí' fíi' cóo'~ osi fí' fíi' pí' é osi lí' doñí' ee' jmí' e fé' dsea' é. ⁸ Jo ì fíim' dsea' ì seeng' fí' ni' guóo'~ uó'~ jmi'gü' nijmiféiñ' ì jó' dsée' do, dsu' nijmé' lajo lajaléng' ì dsea' ì ja' sijnéeng' fí' ni' jì' latí' mĩ' catiroo'~ jmi'gü' e fí' lí' taang'~ jaléng' dsea' ì nisiguáng' quíá' ì Jo'se' Jiuung' do ì cajúng' fí' dse' crúu'.

⁹ Jo ìi' 'nú' sea' loguá'na', joba' núu'na' jalé' e júu' na:

¹⁰ Jo ì jaléng' dsea' ì nisi'íng' quíá'~ Fidié' e nidsiliñ' fí' 'nuñí',
joba' fí' 'nuñí' nidsiliñ';

jogu' jaléng' dsea' ì nisi'íng' quíá'~ dsea' do e nijnga'~ dsea' quíá'r',
jo lajob nijmé' Fidié' e nijúuiñ'~ do cajo lí' laco'gui cóo'~ e jngang' dsea'
rúñ'.

Jo uí'~ cóo'~ jalé' e na, joba' jaléng' dsea' ì nilíng' dsea' quíá'~ Dsea' Jmáang'
'né' teáiñ'~ teá cóo'~ júu' quíá'~ Fidié' jogui e ja' nilitúng' dsír' cóo'~
e júu' jo.

¹¹ Jo mĩ' cang' e jo —jíng'~ Juan— camán'~ n jaang'gui jó' dsée' ì 'líng', jo ì jó' í' cagü'í' re' fí' guóo'~ uó'. Jo dsí' tú' fí' re' e lí' jia' la lí' fí' jaang' jo'se' jiuung', dsu' fé' re' laco' fé' ì jó' guié' mogui'~ la'uii' do. ¹² Jo ì jó' dsée' la ì cagü'í' fí' ni' guóo'~ uó'~ seab' fí' quíáa' re' fí' quini' ì jó' dsée' la'uii' do e quia' re' ta~, jo cajmée' re' e lajím' dsea' seeng' fí' ni' guóo'~ uó'~ jmi'gü' cajmiféiñ' ì jó' dsée' ì la'uii' do ì lamí' jnéeng'~ dseáng'~ e sicu'ng'ne' e la hu'ng' e jo' nijíng' mĩ', dsu' calláam'~ ture'. ¹³ Jo ì jó' dsée' do ì cagü'í' fí' guóo'~ uó'~ quí'~ bre' jmi' e jmóo' re' jalé' e lí' e dsigá' dsí' dsea', co' lí' bre' e nijmé' re' e nijjá' jì' fí' yá' jmi'gü' jo nisojía' fí' ni' guóo'~ uó'~ dseáng'~ laco' la ní' dsea' lana. ¹⁴ Jo cóo'~ jalé' e lí' e jmóo' re' do fí' quini' ì jó' dsée' la'uii' do cajmigóong'ne' jaléng' dsea' seeng' fí' ni' guóo'~ uó', jo caquia' re' ta' e calíng'~ jaang' dié' dsea' guóo'~ quíá' ì jó' dsée' la'uii' do ì sicu'ng' lahu'ng' cóo'~ nisú' e ja' mĩ' nijíng'~ quíáa' re', dsu' calláam'~ bre'. ¹⁵ Jo ì jó' dsée' ì cagü'í' fí' ni' guóo'~ uó'~ do cang'ng'ne' e quí' re' jmi' e nijmé' re' e jí' ì dié' dsea' guóo'~ quíá' ì jó' dsée' ì la'uii' do e laco' ì dié' do lí' bre' e nífé' r' jogui e nijmér' e nijúung' jaléng' dsea' ì ja' nijmiféng' ír'. ¹⁶ Lajobi cajo cajmée' e coo' gui'náb'~ nité' dsea' coo' e lí' fí' guóo' dsée' osi fí' guiaquí' é, na ì le'eáng' jogui na ì cóong'~, na ì tiñíng' jogui na ì sea' cuu', na jaléng' dsea' ì silaang' jogui na jaléng' dsea' ì si'níng' ì jmóo' ta' tá'~ jmóo' quíá'~ dsea'. ¹⁷ Jo jí'~ jaang' dsea' cuóong' ee' lí' lár' o'gui ee' lí' 'nár' song ja' quier' e lí' do o'gui táaiñ' e júu' quíá' ì jó' dsée' la'uii' do osi e número quíá'~ jial siñ' do é.

¹⁸ Jo 'né' dseáng'~ e tím' dsea' e laco' ningáiñ' e júu' la; jo ì dsea' ì ngáng' do, áam' bre' í' e número quíá' ì jó' dsée' la'uii' do, jo e job número quíá'~ dsea' jmi'gü', jo e número jo lí' seiscientos sesenta y seis.

14

Lajú' e ca'ø' ì dsea' ì tí' ciento cuarenta y cuatro mil

¹ Jo mĩ' cang'gui e jo —jíng'~ Juan— camáng'~ túu' ì Jo'se' Jiuung' do e sing'ne' si'ø' re' fí' yá' mó' Sión. Jo dob teáng'~ colíng' cóo' ì Jo'se' Jiuung' do ciento cuarenta y cuatro mil dsea' quíá'r' ì tóo' e lí' quíá'r' fí' guiaquí' jial si' ì Jo'se' Jiuung' do jogui jial si' Tiquíáa' re' cajo. ² Jo mĩ' cang' jo, canú' u coo' e guica'íi' e jáa' fí' yá' jmi'gü', jo e jo nú' laco' nú' lí' í' coo' lóo' e fé' jogui canú' ca'íi' laco'gui la nú' mĩ' quie' gü'í'niá' e teá' eáng', jo nú' bi cajo laco' la nú' fa' mĩ' teáng'~ dsea' fíng' ì bó' jalé' lúu' quíá'r' e si' arpa. ³ Jo jaléng' ì dsea' do ø' coo' e ø' e 'mĩ' fí' quini' e lí' lí' ée' e lí' guíng' ì dsea' níng' do jogui fí' quini' ì quiúung' do jogui fí' quini' jaléng' ì yá' dsea' cóong' do cajo. Jo jí'~ jaang' dsea' ja' niquí' r' jmi' fa' e nilitíiñ' e ø' do, co' dseáng'~ lajú'~

ī dseá f̄ing' ī tí' ciento cuarenta y cuatro mil dob j̄i' ī quí' j̄m̄ n̄l̄it̄ing', co' j̄i' í'bing' ī caláang' jee' jalé' dsee' quiá' lajee' lajaléng' dseá ī seeng' fí' n̄i' guóo' uó' j̄m̄ḡi'f̄. ⁴ J̄o' jaléng' ī dseáñu' nab ī ja' cajmeáng' yaang' fa' e ca'léer' cóo' dseam̄f̄, j̄o' jaléng' ī dseá nab ī teáang' uui' quiá' ī Jo'se' J̄iuung' do jogui dseá quiá' īb' líiñ' jogui contøøm' seeiñ' cóo' dseá do. J̄o' jaléng' ī dseá nabing' ī caláang' jee' jalé' dsee' quiá' lajee' lajaléng' dseá j̄m̄ḡi'f̄, j̄o' e j̄o' guóng' lafa' coo' e cacuø'r' la'uii' e cat̄ing' Fidié' cóo' gui ī Jo'se' J̄iuung' do. ⁵ J̄o' jaléng' ī dseá í' j̄i' coo' júu' e o' ja' ca'uøø' fí' mo'oor', j̄o'ba' dseáng' ja' e si'liiñ' j̄i' coo' fí' quini' Fidié'.

Laj̄i' júu' e quie' ī ángeles ī gaang' do

⁶ J̄o' m̄i' canḡf̄ j̄o' —j̄ing' Juan— camáng' guí' jaang'gui ángel ī ngang' f̄ing' fí' guiá' j̄o' yá' j̄m̄ḡi'f̄. J̄o' ī ángel do quier' júu' quiá' Fidié' e ja' tóo' j̄m̄i' n̄i'ing' e quiá' n̄idsiguiar' jee' jaléng' dseá ī seeng' fí' n̄i' guóo' uó' j̄m̄ḡi'f̄ lí' lacoo' lacoo' f̄i' e pí' osi e cóo' é, jogui laca'ing' ca'ing' dseá, jogui laca'ing' ca'ing' j̄m̄i' e fé' dseá cajo. ⁷ J̄o' lalab fé'r' cóo' júu' teá':

—J̄m̄i'goo'na' Fidié' dseá guing' ñif̄ jogui j̄m̄iféng'na'r, co' lanáb cat̄ í' e niquidsir' í' quiá' lajaang' lajaang' dseá j̄m̄ḡi'f̄. J̄o' j̄m̄iféng'na' ī dseá í', co' í'bing' ī cajm̄é' yá' j̄m̄ḡi'f̄ cóo' guóo' uó' jogui j̄m̄i'ñí' lí' lacaang' lí' níng' j̄m̄i'.

⁸ J̄o' m̄i' canḡf̄ j̄o', jaang'gui ángel cajíñ' cóo' júu' teá' lala:

—īLanáb cat̄ í'! īLanáb cat̄ í' e dseáng' n̄i'ing' e f̄i' fé' e sii' Babilonia, co' jaléng' ī dseá ī seeng' fí' j̄o' n̄icajm̄i'liiñ' jaléng' dseá ī seeng' fí' la'ung' fí' j̄m̄ḡi'f̄ e j̄m̄oor' lí' doñí' ee' e lí' dsí' ngúu' táaiñ'!

⁹ J̄o' m̄i' canḡf̄ j̄o', cangoquiéeng' jaang'gui ángel, j̄o' cóo' ī la cat̄ gaaiñ', j̄o' lala cajíñ' do cóo' júu' teá':

—Sonḡ ī j̄m̄iféng' ī j̄o' dsé' la'uii' do cóo' gui ī dié' guóo' quiáa-re' do, jogui e n̄i'ñ' e nitó' e lí' quiáa-re' fí' guiaquí' osi fí' guóor' é, ¹⁰ j̄o'ba' jaléng' ī dseá í' 'né' e n̄i'ím'bre e guing' Fidié' e jo' té'guir uí' e dsee' e j̄m̄iróng' yaaiñ' do, j̄o' e j̄o' lafa' n̄icajm̄i'ñí' fí' dsí' cóo' quiá'r', co' eám' n̄isiguiñ' quiá' jaléng' ī dseá í'; j̄o'ba' iihu' e eám' n̄i'ñ' do e n̄idsitáaiñ' fí' n̄i' j̄i' e quieeng' azufre lí' coo' e ja' tóo' j̄m̄i' yá', j̄o' e j̄o' nilí' fí' quini' jaléng' ángeles ī güeang' quiá' Fidié' jogui fí' quini' ī Jo'se' J̄iuung' do cajo. ¹¹ J̄o' e j̄m̄i'ñí' quiá' e lí' coo' e lí' teáang' ī dseá'ing' iihu' do jo' tóo' j̄m̄i' fa' e niquiung' gui, jogui ja' tóo' j̄m̄i' sí' e j̄m̄i' osi e uøø' fa' e nijm̄i'ing'gui jaléng' ī j̄m̄iféng' ī j̄o' dsé' la'uii' do cóo' gui ī dié' guóo' quiáa-re' do jogui jaléng' ī nica'ing' laj̄i' e lí' quiáa-re' do cajo. ¹² J̄o' jaléng' ī dseá ī líng' dseá quiá' Fidié' ī náu' jalé' júu' quiá'r' jogui teáaiñ' teá' fí' guiá' cóo' Jesús, j̄o' jaléng' ī dseá í'bing' ī 'né' cuø' bí' yaang' e ja' nitár' laj̄i' e fí' niteáaiñ' do.

¹³ J̄o' m̄i' canḡf̄ e j̄o', canú' u coo'gui luu' fí' yá' j̄m̄ḡi'f̄ e cajíng' lala:

—Juan, j̄m̄é' e júu' la: “Juguí' j̄i' latí' j̄m̄i' na jogui lí' dsé'gui quiá' jaléng' ī dseá ī júung' uí' Fí'naa' Dseá' J̄m̄áng'.”

—Laj̄o' lí' —cajíng' J̄m̄igui' quiá' Fidié'— lana nijm̄i'ím' jaléng' ī dseá í' uí' jalé' ta' e n̄icajm̄éer', co' e j̄o'ba' cuø' lí' fí' quini' Fidié' e guiá' jalé' e j̄o'.

Laj̄i' e sit̄ing' dseá fí' n̄i' guóo' uó'

¹⁴ J̄o' cajøø' guí' j̄ong' —j̄ing' Juan— j̄o' camó'o cabøø' j̄n̄i' e tee'; j̄o' fí' n̄i' e j̄n̄i' do camó'o e guing' jaang' ī j̄néem' j̄iu' la j̄néeng' jaang' dseá la j̄neaa'aa'. J̄o' iá' fí' moguir' coo' lí' corona e lí' cóo' layaang' cuné' jogui se'r' coo' ñí' hoz e 'mé'. ¹⁵ J̄o' cagü'í' jaang'gui ángel fí' dsí' sináa' guá' e si' fí' ñif̄, j̄o' ī ángel do óor' teá' lala e áiñ' ī dseá ī guing' fí' n̄i' e j̄n̄i' do, j̄o' casí' reiñ' do lala:

—jMée' ta~ e ñí^ hoz na quíi'~, jò sitíng' lajii'~ e nicaroo', cò' lanab catí í', jogui lajii'~ e lafa' e cajní dsea' fí' ní' guóo'~ uó'~, lanab nicaroo'!

¹⁶ Jòba' i dsea' i guing~ e fí' ní' jní' do cangúm'bre e ñí^ hoz do quiá'r' fí' ní' guóo'~ uó'~, jò casití'bre lajii'~ e lí' e lafa' e caroo' fí' jò.

¹⁷ Jò mí~ cangí jò, cagüi'í' jaang'gui ángel fí' dsí' sinúu^ guá'~ e sí' fí' ñiff~, jò í' quie'bre cajo cò' ñí^ hoz e 'mé'. ¹⁸ Jò e fí' nife' do cagüi'í' jaang'gui ángel i quí'~ jmí~ nijmé~ e nicò', jò cató'r' cò'~ júu^ teá' i ángel i quie' e ñí^ hoz e 'mé' do, jò casí'~ reiñ' do lala:

—jMée' ta~ e ñí^ hoz e 'mé' na quíi'~, jò quiúu'~ jalé' guáng' huíng' jó'^ e sea' fí' ní' guóo'~ uó'~, dsucò' nicatí'b' í' quiá'~ e nilí lajò, cò' nifí'b' mí'^ huíng' jó'^ quiá'~!

¹⁹ Jò i ángel do caquiú'bre e huíng' jó'^ do cò'~ e ñí^ hoz e 'mé' do, jò cató'r' cò'~ lí' cató'r', jò fí' job lí' niyé'~ do, jò e la guóng' lajii'~ e iihuí' sóong^ e nicuó'~ Fidié' jaléng' dsea' jmigüí'. ²⁰ Jò e mí'^ huíng' jó'^ do fí' lí'^ caluu' fí'b' cangolí' e cayé'~, jò e fí' lí' cangotóo'~ e niyé'~ do jmí'b' ca'ién'g', jò e jmí' jò cadsí'~ cartí' mo'oo'~ cuea' lí' íu' e ñí^ e sií' freno quiáa'~re', jò caní'~ e jmí' do lí'b'jiu la trescientos kilómetros.

15

Laji' guié' iihuí' lí' cadséng'

¹ Jò mí~ cangí jò, camó'~ guí' fí' yú'^ jmigüí' cò'gui e lí' e dsigá' dsí' dsea' eáang', jò camán'~ n guiáng'~ ángeles i quie' jé'gui guié'gui íng'~ iihuí' e cartí' lí' dséng'~, jò cò'~ e job e niguiá' féng'~ dsí' Fidié'~ quiá'~ lajii'~ e nisiguiñ'~ do.

² Jogui camó'~ b'í' cajo cò' lí' jnéng'~ lacò' la jnéng'~ jmiñí'^ e jnéng'~ lacò' jnéng'~ sí' e sicáang'~ cò'~ jì; jò quiá'~ e jmiñí'^ e jnéng'~ la jnéng'~ sí' do teáang'~ lajii'ng' dsea' i calí'~ e ja' caquiú' ta~ quiá'r' i jó' dsé' la'uii' do cò'~ gui i dié'~ guóo'~ quiáa'~re' do, jogui e ja' ca'í'ñ' cajo e lí' quiá'~ i jó' do o'gui lajii'~ e número e sií're' do cajo. Jogui quier' lúu' e sií' arpa e cangíiñ' e cacuø' Fidié'. ³ Jò i dsea' í' ø'r' cò' e ca'ø' Moí~, jaang' dsea' i cajmé' lajii'~ ta~ e iing'~ Fidié', jogui ca'ø'r' cajo cò' e ca'ø' i Jo'se'~ Jiuung' do, jò lalab ngóo' e jò:

Eáam' jlo'^ jogui niguo'^ laji' e nicajmee' 'nu', Fí'ii',

cò' 'nub' Fidié' dsea' féng' dsea' ñíng' i 'gøng' fí' jmigüí' i quí'~ jmí~ jmé' lí'^ doñí' ee;

jò jmang'~ júu^ jáb'~ quié' 'nu',

jogui jmang'~ fí' røøb' sin' cajo,

cò' 'nub' lin' Fí' féng' fí' la'úng' fí' jmigüí'.

⁴ Jò lajii'm' dsea' 'né'~ nijmí'gór' 'nu', Fí'ii',

jò lajii'm' dsea' 'né'~ nijmiféiñ' 'nu' cajo.

Cò' dseáng'~ lajii'~ 'nub' dsea' güeang'~;

jò lajii'm' dsea' seeng' fí' la'úng' fí' jmigüí' nijalíiñ' e nijajmiféiñ' 'nu',

cò' nicajmilí'ba' e dseáng'~ røøb' quidsí' í' quiá'~ lajaang' lajaang' dsea' jmigüí'.

⁵ Jò mí~ cangí e jò, camó'~ guí' e cana' fí' yú'^ jmigüí', jò camó'~ o fí' ñiff' fí' lí' lí' e 'núu' güeang'~ quiá'~ Fidié' fí' lí' sí'ma' e lí' tóo' júu^ tigua'~ quiá'~ Fidié' cò'~ dsea' jmigüí'. ⁶ Jò e fí' dsí' sinúu^ do, fí' job lí' ca'uøøng' i ángeles i guiáng'~ do i quie' laji' guié' íng'~ iihuí' lí' cadséng'~ do. Jò lajii'm' bre qui'r' 'mí' e tee' jlo'^ e niguo'^ e jlo'^ jíng' jì', jogui cajo 'ñúu'~ nú'~ dsí' cò' e lí' cò'~ layaang'~ cuné'. ⁷ Jò jaang' lajee' i quiúung'~ do cacuø'r' lajaang' lajaang' i ángeles i guiáng'~ do jmacó' còo' e lí' cò'~ layaang'~ cuné', jò fí' dsí' job lí' sí'øøng' e iihuí' quiá'~ e guíng'~ Fidié' i seeng' car' ngongí' jmí' do. ⁸ Jò e fí' dsí' sinúu^ güeang'~ do

dseáng' caróm e téé' jmiñi, jo e jo calí la'eáang' cóo' güea' e 'gøng' quiá' Fidiée, jo jii' jaang' ja' ii' quii' jmiñ' fa' e ni'ír' e fi' jo lajee' e ná' gui e nité' lajii' e guié' iihuí' do e quie' i ángeles i guiáng' do.

16

Lajii' cóo' e sirøøng' iihuí'

¹ Jo mi' cangí jo, canú-u cóo'gui luu' teá' e jáa' fi' dsí' sinúu' güeang' do quiá' Fidiée, jo lalab jing' sí' laji' guiáng' i ángeles do:

—Güilíng' na' fi' ni' guóo' uó' jmigüi, jo fi' job nigüi'íng' na' e cóo' e li' a' e iihuí' quiá' e eáang' guíng' Fidiée cóo' jaléng' dsea' jmigüi.

² Jo dsifi' lajob cangó' i ángel la'uii' do, jo cangojiim'bre e cóo' quiá'r' do fi' ni' guóo' uó', jo lajim' dsea' i quie' e li' quiá' i jó' dsée' la'uii' do jogui i cajmiféng' i diée' guóo' quiáa' re' do, lajalém' i dsea' í ca'ieeiñ' cóo' íng' 'mi' e 'li' e dseáng' eáang' ga' cu'.

³ Jo mi' cangí jo, i ángel i catí gáng' do cangojiim'bre e cóo' quiá'r' do fi' ni' jmiñi', jo ladsifi' lanab ca'uíng' jmi' e jmiñ' do laco'gui la lí' jmi' quiá' jaang' dsea' i cajnga' dsea' quiá', jo cóo' gui'náb' cajúng' jaléng' i seeng' fi' dsí' e jmiñi' do.

⁴ Jo mi' cangí jo, i ángel i catí gaang' do cangojiim'bre e cóo' quiá'r' do fi' lacaang' gua' jogui lacaang' li' níng' jmiñ', jo ladsifi' lanab ca'uíng' jmi' e jmiñ' do.

⁵ Jo mi' cangí jo, canú-u e cajíng' i ángel i jmóo' í jalé' jmiñ' do lala:

Fidiée' qui' ii', ja' dsee' røøñ' jii' cóo';

có' nicaquidsí'ba' í' laco' catíng',

jo 'nab' i seeng' jogui niseem'ba' cajo lajii' ná' gui e nitiroo' jmigüi,

⁶ có' jaléng' i dsea' í nicaingaiñ' jaléng' dsea' qui' cóo' gui jaléng' dsea' áang' i café' cuaiñ' qui' malí' gui eáang',

joba' 'nu' lana nicacuøø'ba' re e ni'ír' jmi'øøng' e laco' ni'íñ' lajii' e catíñ'.

⁷ Jo mi' cangí jo, canú-gui cóo'gui luu' e jáa' fi' nife' e jing' lala:

—Jáb', lajob lí', Fí'naa' Fidiée, 'nab' dsea' i quii' jmiñ' jmé' lí' doñi' ee', có' nicaquidsí'ba' í' laco' catíng' jogui laco' sí' í' cajo.

⁸ Jo mi' cangí jo, i ángel i catí quiúung' do cangojiin' cóo' quiá'r' fi' li' íng' iee', jo iee' cangíñ' e quii'r' jmiñ' e cóo' e ji' e jmiñeár' do nijíñ' jaléng' dsea' seeng' fi' jmigüi. ⁹ Joba' dseáng' cóo' gui'náb' eáang' cacáng' dsea'; dsu' car' jii' jo ja' caqui' jim'bi yaaiñ' fi' quini' Fidiée' o'gui cajmiféñ' dsea' do cajo, có' lí' lí' jmang' júu' ga'guib café'r' uii' quiá' dsea' do ie' jo, doñi' fa' quí' b' Fidiée' jmiñ' e nijmihuiñ' jalé' e iihuí' do facó' mi' caqui' jing' yaang' i dsea' do.

¹⁰ Jo mi' cangí jo, i ángel i catí 'níng' do cajíñ' cóo' quiá'r' fi' li' lí' éé' li' guíng' i jó' dsée' la'uii' do, jo ladsifi' lanab cango'íng' lajii' e quii' i jó' do jmiñ' e quia're' ta', jo nuu' sòb' ca'uíng' fi' la'úng' fi' li' lami' quia're' ta'. Joba' lajaléng' dsea' canaiñ' cu'r' nisí'r' uii' e iihuí' eáang' e cangíñ' do; ¹¹ jo dsu' car' jii' jo ja' catú'bir e jmóor' jalé' e ga', có' lí' lí' eáang' gui caligüim'bre quiá' Fidiée' dsea' guíng' ñifí', jogui fé'bir jmang' jalé' júu' ga' quiá' dsea' do uí' e ca'íñ' jalé' e iihuí' do cóo' gui jalé' e 'mi' e ca'ieeiñ' do.

¹² Jo mi' cangí jo, i ángel i catí jñúung' do cajíñ' e cóo' quiá'r' do fi' li' iu' gua' laniing' e sií' Éufrates, jo ladsifi' lanab caliquiú' jmiñ' e sea' e fi' gua' jo, jo lajoba' caliseá' fi' e cangíng' jaléng' dseata' dsea' féng' i neáang' lí' lí' 'ngóo' lí' guo' iee'.

¹³ Jo mi' tí' lí' cangí e jo, camán' n gaang' i 'ling' i jnéem' jiu' la jnéeng' tee', jo ca'uøøng'ne' tá' jáng'ne' fi' mo'oo' i jó' guié' mogui' do cóo' gui fi'

mo'oo- i jó' dsée- la'uii~ do cóo'~gui fí mo'oo- i jó' dsée- i catí tú- i jmicaang- i fé' cuaiñ~ quíá'- Fidiée~. ¹⁴ Jo jaléng' i 'ling'^ do i jnéem~jiu la jnéeng- tee~ quíá'~bre' jmíi~ e jmóore' jalé' e lí' e dsigá' dsí' dsea, jo jaléng' i 'ling'^ í uøng'ne' e seáng'ne' lajing' dseata~ dsea féng' i quíá' ta~ fí la'úng- fí jmigüi, jo jmóore' lajo e laco' nitíñ'- do jee~ cóo' 'nií, jo job mi~ nití' e jmíi~ e nisi'í' quíá'- Fidiée~ dsea féng' dsea ñíng' i quíá'~ jmíi~ jmé- lí' doñí' ee' e niquidsir' í'.

¹⁵ Jo lalab cajíng' Dsea' Jmáang-: "Quié'na' cuente e jíi'~ ja' ñíng' dsí' dsea' jmigüi mi~ nigáa'túu calé' catú' fí jmigüi na, lí' laco' lí' mi~ guiéé' jaang' íi' i jmóo' íi'. Joba' fá'a: juguíá'-jiu quíá'- i dsea' i sijnéé' dsí' ie~ jo jogui néé' guíá'- quíá'r- e qui'bre sí'r^ e laco' ja' nilí' í' líiñ- uíi' e ja' néé' guíá'- quíá'r- mi~ niguiéé' e jmíi~ jo."

¹⁶ Jo ie~ jo, jaléng' i 'ling'^ do i jnéeng- la jnéeng- tee~ caseáng'ne' lajing' dseata~ dsea féng' i quíá' ta~ fí la'úng- fí jmigüi e laco' nitíñ- e fí lí' síi' Armagedón cóo'~ jmíi' hebreo.

¹⁷ Jo mi~ cangí e jo, i ángel i catí guíang- do cajmijø'bre e cóo' quíá'r- do fí guíá' güi; jo tí dsí' sínúu' güeang'^ e sí' fí ñífi' guicaná' cóo' luu~ e teá' e jáa' e fí lí' lí' éé' e lí' guíng' i dsea' níng' i quíá' ta~ do jo fé' lala:

—iLanab nicatí' í' e nicató' lajalé'!

¹⁸ Joba' ladsifí lanab canaang' quie' güi'ñiá' e teá' eáang', jogui líji' re' cajo, jogui eáang' téé' míi', jogui cajó' uø- dseáng'- e teá' eáang' e jíi'~ cóo' néé' ja' mí' cajó' lajo lajíi'~ tí' mi~ caliséng' dsea' fí jmigüi. ¹⁹ Jogui e fí' fé' laniing- do 'ní' dseá' ca'uíng-, jogui lajalé' guí fí' e sea' fí' jmigüi síi' cangolí' lí' néé'; joguib mi~ tí' lí' cadse' dsí' Fidiée~ e fí' laniing- e síi' Babilonia do e laco' nicuø'r- jaléng' i dsea' seeng' fí' jo e méé' do e ni'íiñ' do laguidseang' e guøng' jalé' iihuí' e casíng' Fidiée~ quíá'- jaléng' i dsea' í' uíi' e eám' nisigüiñ' quíá'iñ'- do. ²⁰ Jo ie~ jo cango'ím' lajalé' uø'-jiu e néé' lacaang' ni~ jmíiñ' cóo'~gui jalé' mó'. ²¹ Jogui cajiá' fí' ni~ guóo' uø- dsí' e cóo' eáang' e íi' lí' guí' cuarenta kiil' laco'. Joba' café' jaléng' dsea' jmang'- júu' ga' uii~ quíá'- Fidiée~ uíi' e ca'íñ' e iihuí' e cajiá' e dsí' cóo' do, dsuco' cóo' iihuí' e huím' eám' dseáng'- cangár-.

17

Mí' cangíng' iihuí' i dseamí' i ca'éé' dsee- do

¹ Jo jaang' lajee' i ángeles i guíang- do i quie' guíé' e cóo' do cajár- fí' lí' sín'n jo casí'r- jnea~ lala:

—iJuan, nea' fí' la! Jo lab ni'éé' e 'nu' lajíi'~ iihuí' e catíng- ni'íng' i dseamí' i jmóo' ta~ 'níng' 'ñia' i guíng' fí' lacaang' ni~ jmíi' e sea' fí' la'úng- fí' jmigüi. ² Jo i fíim' dseata~ dsea féng' i quíá' ta~ fí' jmigüi dseeb- nica'éer' cóo' i dseamí' í' cóo' jalé' e lí' dsí' ngúu' táaiñ'. Jo i fíim' dsea' jmigüi cajo lafa' nicadseá' íim'bre cóo' jalé' e 'lí' e jmóo' i dseamí' do.

³ Jogui jnea~ —jíng'- Juan— dseáng'- lafa' dsea' quib' dseáng'- camó-guá' e cajá' guí jee~ Jmiguí quíá'- Fidiée~, jo i ángel do cangojéeiñ' jnea' fí' cóo' lí' lí' jee' guóo' uø- quíá', jo fí' job camán- n jaang' dseamí' i guíng' fí' mocóo' jaang' jó' dsée- i yúung- i sea' guíé- moguí' jogui guí' fí're'. Jo fí' latøng- i jó' do tóo' jmang'- júu' e gab' e jmineang'^ Fidiée~. ⁴ Jo i dseamí' i jmóo' ta~ 'níng' 'ñia' do qui'r' sí'r^ e ía' i' nú' cóo' e yúu', jogui quier' jalé' cunéé' cóo' guí jalé' cuu' jí' e jíé' e 'mo' eáang'. Jo ngóor' se'r' cóo' cóo' e lí' cóo' layaang' cunéé~, jo fí' dsí' jo sírøng' jmang'- júu' e 'ní' ní- cóo' guí jalé' dsee- e éer' quíá'- e jmóor' ta~ 'níng' 'ñia'r' do; ⁵ jogui quie'bre cajo cóo' júu' e tóo' fí' guiaquí'r', jo líim~ ee' guøng' do quíá'r- lífa' ja' íi' ní' lí' lajíi'~ 'ñia'bre dsea' ñir', jo lalab tóo':

“Eáam fé' niing jogui 'gøng' fi' fé' e sii Babilonia, co' e joba' e lí' lafa' niquiá' lajaléng' dseamf i ée' dsee e jmóor' ta' 'nning' yaang, jogui e job cajo lí' lafa' niquiá' lí' lajalé' e 'li' e sea' fi' jmigüi' la.” ⁶ Job mi' calilí' i jóng—jíng' Juan— e íim' i dseamf do cóo' jmi' jaléng' dsea' i líng' dsea' quiá' Fidié' jogui cóo' jmi' jaléng' gui dsea' i cajúng' uí' e guiar' júu' quiá' jalé' e cajmée' Jesús.

Jø mi' camó' o jalé' e jø, eáam' cangogá' dsii'. ⁷ Joba' cajíng' i ángel do casí'r' jnea' lala:

—Juan, ¿jiali' dsigá' o'? Lab nijmée' duu 'nu' júu' e guóng' lajii' e tóo' fi' guiaquí' i dseamf do, jogui e uing' e guiiñ' fi' mocóo' i jó' dsée' i yúung' i sea' guié' mogui' do jogui guí' fi' re' cajo. ⁸ Jø i jó' dsée' i niñin' i seeng' lajii' lati' malib' na, dsu' lana jø' seeng' ne'; jø dsu' lifa' nigüi' bre' e fi' lí' 'li' lí' lí' too' nuu' só' nú' gui e ni'ling' ne' congua'. Jø jaléng' dsea' i seeng' fi' ni' guóo' uø' jmigüi' i ja' mí' taang' fi' ni' jì' quiá' Fidié' lajii' mi' canaang' uing' jmigüi' fi' lí' nitaang' jaléng' dsea' quiá'r' i nitøor' mi' nití' í' lajø, jø jaléng' íb' i eáang' nidsigá' dsii' mi' tí' lí' niniiñ' i jó' dsée' i guié' mogui' i lami' seeng' do jogui lana jø' seeng' ne', dsu' lifa' nijab'ture' mi' tí' lí' nití' í' lajø.

⁹ Jø lalab nililí' i dsea' i quí' jmi' ningáng': E mogui' re' e guié' do guóng' guié' mó', jø e fi' ni' job guing' i dseamf do; jø guóm' bi' cajo e guié' mogui' re' do guiáng' dseata' dsea' féng' i quiá' ta'. ¹⁰ Jø 'níing' lajee' i dseata' dsea' féng' do nicajúm' bre, jø jaang' lajee' ír' quiá' bir' ta' lati' lana, jø i jaang' gui do ja' mí' catí' í' fa' mí' güeeiñ'. Jø dsu' mi' nití' í' e nigüéeng' i lí' cadséng' lajee' ír' do, ja' huøø' nigüear' niquiá'r' ta'. ¹¹ Jogui i jó' dsée' i yúung' i seeng' lami' jéeng' do jogui e lana jø' seeng' ne', íb' i dseata' dsea' féng' i lí' catí' jñing' do; jø iuum' bir' cajo jee' i guiáng' do, jø lifa' ningóor' dseáng' e ni'ím' bre congua'.

¹² Jogui lajii' guí' fi' re' e cañii' do guóng' guing' dseata' dsea' féng' i ja' mí' canaang' quiá' ta'; jø dsu' jii' lajee' cóo' oor' niñiiñ' fi' e niquiá'r' ta' colíng' cóo' i jó' dsée' i yúung' do, jø nilisea' fi' quiá'r' e niquiá'r' ta' laco' jaang' dseata' dsea' féng'. ¹³ Jø lajee' lajii' guing' i dseata' dsea' féng' la røøb' síiñ', jogui cuø' bre i jó' dsée' i yúung' do lajii' bí' quiá'r' jogui e tiiñ' quiá'r' ta'. ¹⁴ Jø nitím' bre cóo' i Jo'se' Jiuung' do; dsu' lifa' i Jo'se' Jiuung' dob nilí' ír' colíng' cóo' jaléng' dsea' i nicaguíng' Fidié' i dseáng' lajang' eáang' teáang' teá' cóo' júu' quiá' dsea' do; dsuco' i Jo'se' Jiuung' do Fii' quiá' jaléng' fiib' líng' ne' jogui Dseata' Dsea' Féng' quiá' jaléng' dseata' dsea' féng' líng' ne' cajo.

¹⁵ Jø cajím' bigui i ángel do casí'r' jnea' lala cajo:

—Lajii' e jmi' e cañii' do e fi' lí' guing' i dseamf i jmóo' ta' 'nning' 'ñia' do, e jø guóng' jalé' fi' pí' osi jalé' fi' cóo' é jogui laca'íng' ca'íng' dsea' jogui laca'íng' ca'íng' jmí' e fé' dsea' cajo. ¹⁶ Jogui lajii' guí' fi' e cañii' quiá' i jó' yúung' do 'nib' niníng' i dseamf i jmóo' ta' 'nning' 'ñia' do, jogui cab' nijmi' náng' neiñ' do, jogui nijmér' ringúuiñ' do; jogui nidó'r' ngúu' táaiñ', jogui cajo nijím' bre cóo' jì' mi' ningf' jø. ¹⁷ Jø Fidiéeb' nicuø' jial' ni'í' dsii' jaléng' i dseata' dsea' féng' do e laco' nijmitir' lajii' e iing' Fidié' e nijméiñ' do, jø røøb' nisíng' jaléng' i dseata' dsea' féng' do e laco' nija'r' i jó' dsée' do lajii' ta' óor' cartí' niliti' lajii' júu' e nicajíng' Fidié'. ¹⁸ Jogui i dseamf i cañin' do, íbing' líng' lafa' e fi' fé' e laniing' e quí' jmi' quiá' ta' jaléng' dseata' dsea' féng' i quiá' ta' fi' ni' guóo' uø' jmigüi'.

18

Mi' ca'íng' fi' Babilonia

¹ Jo mi~ cangf e jo —j'ing' Juan— camán n jaang`gui ángel i jajgiáng` fí yá'` jmigüi. Jo eám' 'gøng' i ángel do e quiu'r ta~; jo mi~ tí lí~ catisiñ' fí ni~ guóo'` uø~, dseáng' jlo'` cajneá` cóo'` lajii'` e jiiñ' do. ² Jo café'r` cóo'` júu` teá lala: ¡Lanab catf í! ¡Lanab catf í! e dseáng' ni'ling` e fi' fé' e 'gøng' eáang` e sii` Babilonia!

¡Co' j mang' jaléng' i 'lim'`bing' i seeng` do jmii` na,
jo j mang' jalé' e 'li'`ba' jmóor`,

jogui lí' lafa' 'núu' fí lí~ seáng' jaléng' i 'ling'`;

jo e fi' jo lí' cajo lafa' sii` jaléng' i 'ní'` níi` i jmóo` j mang' e ja` dseeng'!

³ Co' lajiiim` dsea` i seeng` fí la'úng` fí jmigüi` nicadseá` íim`bre cóo'` e lafa' méé' e jmóo' e ée` dsea` dsee` e 'léer` cóo'` dseañu'` dseamf i o'` quiá'r`;

jogui jaléng' dseata` dsea` féng' i quiu'` ta~ fí jmigüi` nica'ée`bre dsee` cajo cóo'` i dseamf i 'ling'` do.

Jogui jaléng' dsea` i seeng` fí ni~ guóo'` uø` jmigüi` i jmóo` ta~ 'nfi` jogui ta` láa', eám' nicaliseá` cuu` quiá'r` la'eáang` cóo'` jalé' e nical'r` lajee` e nicajméer` jalé' ta~ e 'léé' do.

⁴ Jo ngf jo canú` u cóo'`gui luu` e jáa' fí yá'` jmigüi, jo lalab cajíng' e do:

Uøøng`na' e fí jee` fi' na, 'nú'` dsea` líng`na' dsea` quié`e,

jo lajoba' ja` nibeáang'` dsee` yaang`na' e nijméé`na' ta~ 'léé',

jo lajobi cajo ja` nitíng`na' jalé' iihu' e catíng` jaléng' i dsea` seeng` e fi' fi' jo.

⁵ Dsaco' lajii'` dsee` e nica'ée` jaléng' i dsea' í,
dseáng' e ñib' eáang` e tí' cartf yá'` jmigüi.

Jo nitóob` dsí' Fidiéé` jalé' dsee` e nica'éeiñ' do,

joba' lana ninéeb' guiá` quiá'` Fidiéé` e nicuø'` reiñ' do iihu' uí'` quiá'` jalé' e jo.

⁶ Jo qui`na' quiá'` jaléng' i dsea` do laco'gui ír` nicajméer` cóo'` dsea` jiéng',

jo cuøø'`na'r tú` 'lé'`gui iihu' laco'gui jii'` e nicajméer`;

jo cáang'`na' fí dsí' cuéé'` hu' tú` ya'`gui iihu' e lí' lafa' méé' guí',

jo cuøø'`na'r e jo lí'` laco' jii'` e nicacuø'r` dsea` jiéng' lamí` jéeng'gui.

⁷ Jo jmeáang'`na'r ga` jogui cuøø'`na'r jalé' iihu',

dsaco' lajob cali'iiñ` 'ñia'r` e cateaaiñ` juguiá` fí jmigüi` e cajméer` ta` 'níng` 'ñia' jogui e jmiféng'` 'ñia'r'; co' lalab fé'r` e jmijløng'` 'ñia'r':

“Fí lab guing` jnea` dseáng'` laco' guing` jaang` dseamf níng` i quiu'` ta~;

co' ja` líng` jnea` jaang` dseamf i 'ní',

jo dseáng'` ja` e fi'` níj'aa' quié`e jii'` cóo'`.”

⁸ Jo uii` quiá'` jalé' e jo, joba' eám' huíng` nidsijéé` quiá'r` lajee` ta` jii;

co' eám' ni'íñ' iihu' e cu'` jnga' jogui ninír` oo`

jogui eám' nilíñ` fi'`

jogui nicám`bre cóo'` j' mi~ nití` í' lajo,

dsaco' 'ñia' Fí'naa' Fidiéé` dsea` 'gøng'` dsea` níng' fí la'úng` fí jmigüi,

íb` dsea` nicajíng'` e nidsing`ng` i dseamf do lajo uí'` jalé' dsee` e nica'éer`.

⁹ Jo mi~ cangf`gui lajo, jaléng' dseata` dsea` féng' i quiu'` ta~ i cajméé` ta` 'léé` cóo'` i dseamf do jogui eáang` cajmi'íáang` dsíir` cóo'` jalé' e 'li'` e sea` quiá'ñ' do, eám' nijmér` fí'` jogui ta` qui'` mi~ tí lí~ ninír` jalé' jmiñi` quiá'` mi~ nicáiñ' do. ¹⁰ Jo dsu' huíim` ni'náng` yaaiñ` quiá'` i dseamf do, co' 'gó'bre e ninír` lajii'` iihu' e catíñ' do. Jogui yaam`bi jaléng' i dseata` dsea` féng' do fé'r` lala:

¡E ngi` fiib` 'nu! ¡E ngi` fiib` 'nu, fi' fé' e laníng` 'gøng' e sii` Babilonia!

Dsaco' cóo' lajee` jalí` lanab cagüéa` iihu' qui'`.

11 Jogui jaléng^l dseaⁱ seeng^g fiⁱ niⁿ guóo^l uó^o jmi^güiⁱ jmoó^o ta^t láa^a jogui ta^t 'náiⁱ, eáam^a fiⁱ níⁱ níⁱñⁿ cō^o carjiⁱ niquíⁱ-bre, dsuco^o jo^o jíe^e líⁱ seeng^gguiⁱ iⁱ nijmé^e ta^t láa^a jalé^e e^e iñⁿ e^e nidsiⁱ'náiⁱ quiá^a-r^r do. 12 Dsuco^o lamiⁱ jéeng^gguiⁱ eáang^g cajméer^r ta^t 'náiⁱ cunée^e cō^oguiⁱ cutede^e líⁱ lajalé^e cuu^u jíⁱ e^e jlo^o e^e 'mo^o eáang^g, joguiⁱ 'náiⁱ jalé^e 'miⁱ jlo^o e^e niguo^o eáang^g joguiⁱ 'miⁱ e^e niung^g cō^oguiⁱ 'miⁱ e^e yúu^u e^e líⁱ cō^o layaang^g níⁱ e^e 'mo^o eáang^g, jo^o langíng^g íimⁱ jalé^e 'ma^a e^e jmeafíiⁱ, jogui 'náiⁱ bir cajo^o jalé^e e^e tíⁱ dsíⁱ dsea^a e^e líⁱ cō^o yaang^g maja^a jaléng^g jó^o, jo^o 'náiⁱ bir cajo^o jalé^e e^e jmiⁱñⁿ cō^o yaang^g jalé^e 'ma^a e^e quíng^g cuu^u eáang^g, jo^o 'náiⁱ bir cajo^o jalé^e níⁱ bronce líⁱ langíng^g íing^g cuu^u e^e quíng^g cuu^u. 13 Jogui jmoó^o ta^t 'náiⁱ langíng^g íing^g jalé^e oo^o quiá^a- jmiⁱñⁿ jogui jalé^e jmiⁱ jmeafíiⁱ, jo^o 'náiⁱ bir cajo^o langíng^g íing^g jalé^e méé^e cō^oguiⁱ jalé^e aceite joguiⁱ fiⁱ cuiⁱ'íee^e, líⁱ langíng^g íing^g jalé^e fiⁱ. Jo^o 'náiⁱ bir cajo^o jaléng^g jó^o iⁱ cá^a lee^e cō^oguiⁱ jaléng^g jo^o'se^e jogui jaléng^g cuea^a cō^oguiⁱ jalé^e carreta e^e jñá^are^e, jo^o cajmées^e bir cajo^o ta^t 'náiⁱng^g la quíe^eguiⁱ jaléng^g dsea^a iⁱ jmoó^o ta^t tá^a- jmoó^o e^e ja^a ee^e 'léeiⁱñⁿ jíⁱ capíⁱ. 14 Jo^o jaléng^g iⁱ dsea^a íⁱ, lalab nisíⁱ-r^r e^e fiⁱ fé^e do:

Lajíⁱ e^e jlo^o e^e lamiⁱ sea^a quíⁱ- do, lajíⁱ e^e jo^o nisíⁱ'íimⁱ quíⁱ- lana.

Jogui lajíⁱ cuu^u quíⁱ- cō^oguiⁱ jalé^e e^e síⁱ óo^o fiⁱ jmi^güiⁱ nisíⁱ'íimⁱ quíⁱ- cajo.

Jo^o jo^o tō^o jmiⁱ fa^a e^e nitíng^g-tu^u jalé^e e^e jo^o.

15 Jo^o jaléng^g dsea^a iⁱ cajmées^e ta^t 'náiⁱ jogui ta^t láa^a jalé^e e^e jo^o, jogui e^e ca^a'uíⁱñⁿ dsea^a sea^a cuu^u la^a eáang^g e^e fiⁱ fé^e do, jaléng^g íb^b iⁱ nijmihuíng^g yaang^g dsu^u uíⁱ- e^e 'gó^o-r^r lajíⁱ iihu^u e^e jó^o do. Jo^o ie^e job^b eáam^a nijmér^r ta^t quiⁱ jogui ta^t jmiⁱjuung^g dsíⁱ, 16 jo^o lalab níⁱfé^e-r^r ie^e jo^o:

iE ngíⁱ fíⁱb^b 'náiⁱ, e^e ngíⁱ fíⁱb^b 'náiⁱ, fiⁱ fé^e laniing^g 'gøng^g e^e siiⁱ Babilonia!

Cō^o lamiⁱ jéeng^gguiⁱ líⁱ lafa^a jaang^g dseamíⁱ iⁱ quiⁱ 'miⁱ niguo^o e^e jlo^o eáang^g, jogui iⁱ quiⁱ cajo^o 'miⁱ e^e niung^g jogui e^e yúu^u jogui iⁱ síng^g 'ñia^a jlo^o e^e quier^r jalé^e cunée^e cō^oguiⁱ jalé^e cuu^u jíng^g jíⁱ jlo^o e^e quíng^g cuu^u eáang^g.

17 iDsu^u cō^o lajee^e jaliⁱ lanab ca^a'íng^g lajalé^e e^e sea^a quíⁱ-!

Jo^o jaléng^g iⁱ dsea^a iⁱ jmoó^o ta^t quíe^e jalé^e móo^o cō^oguiⁱ jaléng^g dsea^a iⁱ jmoó^o ta^t cō^o e^e móo^o do colíng^g cō^o jaléng^g dsea^a iⁱ teáang^g dsíⁱ móo^o do cajo^o iⁱ ngíⁱ fiⁱ la^a fiⁱ na^a cō^oguiⁱ jaléng^g dsea^a iⁱ jmoó^o ta^t caguíee^e-guiⁱ fiⁱ niⁿ jmiⁱñⁿ, jaléng^g íⁱ ca^a'náam^a yaaiⁱñⁿ quiá^a- e^e fiⁱ jo^o. 18 Jo^o míⁱ tíⁱ líⁱ cangár^r jmiⁱñⁿ quiá^a- e^e nicoo^o e^e fiⁱ do, jo^o lalab canaaiⁱñⁿ fé^e-r^r e^e teá^a eáang^g:

—Jíⁱ cō^o ya^a ja^a míⁱ caliseá^a cō^o fiⁱ e^e laniing^g 'gøng^g e^e cóøng^g røø^o cō^o e^e fiⁱ Babilonia do.

19 Jo^o canaaiⁱñⁿ jgiéer^r 'lee^e fiⁱ moguir^r, jo^o canaaiⁱñⁿ quiⁱ-r^r dseáng^g e^e lijjuung^g dsíⁱ jo^o lalab fé^e-r^r:

iE ngíⁱ fíⁱb^b 'náiⁱ, e^e ngíⁱ fíⁱb^b 'náiⁱ, fiⁱ fé^e e^e laniing^g 'gøng^g!

Cō^o fiⁱ nab líⁱ ca^a'uíng^g dsea^a sea^a cuu^u jaléng^g dsea^a iⁱ líng^g fiⁱ jalé^e móo^o.

iDsu^u lanagui náng^g cō^o lajee^e jalib^b nica^a'íng^g lajíⁱ e^e jo^o!

20 Jo^o jaléng^g 'nú^u, dsea^a seeng^g na^a fiⁱ níⁱñⁿ, eáang^g jmiⁱ'iáang^g óo^o na^a colíng^g cō^o jaléng^g dsea^a iⁱ café^e cuaiⁱñⁿ quiá^a- Fidiée^e malíⁱguiⁱ eáang^g

jogui colíng^g cō^o jaléng^g dsea^a quiá^a- Fidiée^e

jogui cō^o jaléng^g dsea^a apó^o iⁱ síⁱíng^g e^e níⁱ júu^u quiá^a- Dsea^a Jmáang^g;

jo^o jmiⁱ'iáang^g óo^o na^a jóng^g uiiⁱ e^e nicacuø^o Fidiée^e iihu^u laco^o catíng^g jaléng^g iⁱ dsea^a seeng^g e^e fiⁱ fiⁱ fé^e do iⁱ eáang^g cajmeáng^g 'nú^u ga^a.

21 Jo^o míⁱ cangíⁱ jo^o, jaang^g ángel^l iⁱ 'gøng^g eáang^g caséer^r cō^o cuu^u 'loo^o e^e líⁱ laco^oguiⁱ la líⁱ e^e cuu^u tō^o quiá^a- líⁱ dsíⁱ micuiⁱ'íee^e, jo^o e^e cuu^u 'loo^o do cabír^r fiⁱ dsíⁱ jmiⁱñⁿ, jo^o lalab cajíⁱñⁿ míⁱ cabíⁱ-re^e do:

Jo^o 'nú^u, fiⁱ fé^e e^e laniing^g 'gøng^g e^e siiⁱ Babilonia, lanab nibíⁱñⁿ é^e jmiⁱñⁿ cajo^o líⁱ laco^oguiⁱ cabíⁱ e^e cuu^u 'loo^o do,

jo^o jo^o tō^o jmiⁱ fa^a e^e iⁱ níⁱng^g-guiⁱ 'nú^u.

- 22 Jɔgui jalé' lúu' e bó' jaléng' dsea' fí jee' fii' na,
 fa' jalé' lúu' e sii' arpa
 cóo'~gui jalé' lúu' tá'
 jɔgui jalé' lúu' trompé'^,
 jo' tɔo' jmi' fa' e ninú'gui e ni'ii' jalé' e jo.
 Jo ie' jo jo' nijnéng'gui jíi' camíng' dsea' i jmóo' ta',
 o'gui e ii' e cuu' 'loo' do ninú'gui fí quini'^ cajo.
 23 Jɔgui jo' nilijneá'gui jíi' cóo' j' fí quíi'^,
 o'gui ninú'gui cajo jalé' juguiá' júu' jlo'^ quía'^ jial mi' cúng' dsea' guóor'
 fí quini'^.
 Jo jaléng' dsea' i caliséng' fí na i cajmée' ta' láa' jɔgui ta' 'nii',
 íb' dsea' i lamí' líng' i laniing' eáang' fí jmi'güi'.
 Jo 'nab' dsea' i cajmée' ta' jmi'gøng' jaléng' dsea' jmi'güi' e cajmi'gøng're cóo'~
 jalé' ta' dsea' láang' quíi'^.
 24 Jɔgui e fí fii' nab cajo lí' nicajnéng' jmi'øng' jaléng' yúu' dsea' cóong'
 i café' cuaiñ' quía'^ Fidiée' malí'gui eáang', lí' lajaléng' i líng' dsea' quía'^
 Fidiée' jɔgui lí' lajaléng' dsea' i cajúng' i cajnga' dsea' quía'^ fí ni' guóo' uó'
 jmi'güi'.

19

Jial jmi'féng' dsea' Fidiée' fí' ñifí'

- 1 Jo mi' cangí' jalé' e la —j'ing' Juan— jo canú' túu cóo' luu' e teá' lí' laco'gui
 la ná' luu' i 'leáang' dsea', jo e jo canú' u e jaa' fí' ñifí', jo lalab fé' do:
 Majmiféng'naa' Fidiée' quí-i', có' íb' dsea' láaiñ' jneaa'aa'
 e laco' ja' ni'íng'naa' iihu' uí' quía'^ dsee' quí-i';
 jo majmi'goo'naa'r,
 dsuco' íb' dsea' féng' dsea' i níng' i 'gøng' fí' jmi'güi',
 2 dsuco' íbing' i tíng' í' laco' catíng',
 có' nisi'í'bre jial tí' iihu' e catíng' lajaang' lajaang' dsea';
 jɔgui íbre cajo dsea' nicacuø'r' iihu' jaléng' dsea' i seeng' fí' e fii' e lí' lafa' i
 dseam' i cajmée' ta' 'níng' 'ña' do,
 có' cóo'~jalé' e 'lí' e nicajmээр' do ca'íe'r' ta' e laco' cajmi'ling' yaang' jaléng'
 dsea' jmi'güi';
 jo uii' joba' Fidiée' nicacuø'r' iihu' jaléng' i dsea' i cajngang' jaléng' dsea'
 quía'r'
 i jmóo' lajii' ta' e iing' Fidiée' 'ña'r'.
 3 Jo mi' cangí' jo, canú' túu e guicafé' tu calé' catú' i dsea' 'leáang' do, jo
 cajíñ':
 iMajmiféng'naa' Fidiée' quí-i'!
 Co' e jmi'ñi' quía'^ e caang' i dseam' do
 ja' tɔo' jmi' fa' e ni'quiúng'gui.
 4 Jɔgui laji' guiequiúung' i yúu' dsea' cóong' do cóo'~gui i quiúung' do
 catúu'ín' cartí' ni' uó' e cajmiféiñ' Fidiée' dsea' guing' e fí' ée' lí' niing' lí'
 quiu'r' ta' do, jo lalab café'r': "iLajob nilí' iMajmifém'baa' Fí'naa' Fidiée'!"
 5 Jo cartí' e lí' lí' ée' quía'^ Fidiée' e fí' lí' niing' guíiñ' quiu'r' ta' do guicaná'
 cóo' luu' dsea' jo guicajíng' lala:
 iMiféng'na' Fidiée' quí-i' laj'ing' 'nú',
 dsea' jmoo'na' jíi' laco' iing' dsea' do 'ña'r' jɔgui núu'na' jalé' ta' quiu'r'
 cajo, nañi' su líng'na' dsea' niing' osi ja' líng'na' lajo' é!

Jmí' e cung' guó' i Jo'se' Jiuung' do

⁶ Jo canú bñ cajo —jíng' Juan— coo'gui luu~ mi~ cangf e jo e ná' laco' luu~ dsea` i fñng', jo ii~ laco' ii~ coo' lóo' e fé' e ñ' jmñ, jogui ii~ cajo lafa' mi~ quie' güi'ñiá e teá eáang', jo lalab fé' e luu~ do:

¡Majmifém'baa' Fíi'naa' Fidié~ dsea` féng',
dsea` 'gøng' i quí~ jmñ jmé- l' doñí ee'!

Co' lanab nicatí í' e dsea` do nináin` niquiú'r- ta~ fí jee~ dsea` jmigüí.

⁷ Jo 'né- e nijmi'iaang` dsi'baa', jogui e nilisee~naa' juguiá- jogui e ni-
jmiféng'naa'r cajo,

co' lanab catí í' e nicúng' guó i Jo'se' Jiuung~ do.

Jo 'ñiab' i nilí dseamf quiáa-re' do nicaguiar' guiá- quiá'r-;

⁸ jo lana i dseamf do nicangm'bre fí e niqui'r' si'r' e jlo' jogui e 'mo' eáang'
jogui e tee' e jíng' j' jlo' eáang' cajo.

Jo e 'mi' e niguo' do cuó li' e jaléng' i dsea` i lñng' dsea` quiá'- Fidié~ teáaiñ-
teá fí guiá- cóo' dsea` do.

⁹ Jo mi~ cangf jo, i ángel do casí'r- jnea~ lala:

—Juan, jmé'e e júu' la: “Juguiá- jñ quiá'- jaléng' dsea` i nisimíng' quiá'- e
nidsiliñ- jmñ l' nicúng' guó i Jo'se' Jiuung~ do.”

Jo cajíng'- guir:

—Jo e lab júu' já'- quiá'- Fidié~.

¹⁰ Joba' casí'i uó- jñii- fí uii~ tñ- i ángel do e laco' nijmifén'nre, dsu' ír' cañír'
quie~ e lala:

—Juan, ja' jmoo' lana; co' jnea~ jaang` i jmoo' ta~ quiá'- Fidiéeb' lñ'n' cajo,
co' røøb' lí'naa' cóo' 'nñ' cóo' gui jaléng' dsea` rún' i teáang- teá i jmiti~
dseáng'- lajang' júu' quiá'- Jesús. Jo fñ- i 'ná' e lajii' Fidié~bing' i 'né-
nijmifén'.

Jogui lajii' e júu' já'- e guia' dsea` quiá'- Jesús, e job cajo e cagua' jaléng' i
'lii' yáa' i café' cuaiñ~ quiá'- Fidié~ malii~ gui eáang'.

Jaang` i guíng' fí mocóo' cuea~ teaang`

¹¹ Jo ngf jo, camó-o e óo' fí ñifí-; jo fí job cajnéng- jaang` cuea~ teaang`, jogui
i dsea` i guíng~ fí mocóo'-re' do líiñ' jaang` dsea` i dseáng'- lajang' jmiti~ jalé'
júu' quiá'r- jogui jmang'- júu' já'- ba' fé'r' cajo, dsuco' lajii' ta~ e quiar' jogui
jalé' 'nii' e guiar', dseáng'- røøb' jmóor' dseáng'- l' laco' sí'í'. ¹² Jogui jminir'
dsíng'- jíng' j' co' uøø niing- j', jogui fí moguir~ tée~ jmiguiá' l' corona, jo
fí dse' jo silí coo' júu' e jii' 'ñia'bre dsea` ngáin' e~ guóng' e do. ¹³ Jo ngóor'
qui'r' si'r' e siñí' jmi'øøng- dsea', jogui siir' lajii' Júu' quiá'- Fidié~. ¹⁴ Jo i fñm'
'lée- i neáang' fí ñifí- t'leáang' laco' ngóor', jo lajii'm'biñ' do qui'r' 'mi' e niguo'
e jlo' tee', jo lajii'm'bre neáaiñ' fí mocóo' jaléng' cuea~ teaang' cajo. ¹⁵ Jogui
fí mo'oo- i dsea` quie' nifí do güi'ñ' coo' ñisu' e 'mé- jlo' e laco' nijmihuñiñ'
jaléng' dsea` seeng' fí la'úng- fí jmigüí cóo' e ñí jo. Jo íbre niquiú'r- ta~ jee~
i dsea` í e jmeaiñ' ta~ 'ma'u' quiá'- dseata~ e lí' cóo' ñí. Jogui niquidsir' í'
quiá'- lajaang' lajaang' dsea` lafa' mi~ ngí dsea' jee~ lí- sea' mí' huíng' jó' fí
lí- jmi'uíñ- méé' guí-. Jo e méé' guí- do lí' lafa' iihuí' e jáa' quiá'- Fidié~ i
'gøng' i quí~ jmñ jmé- l' doñí ee', jogui e iihuí' do catíng- jaléng' i dsea` í
uii~ e eáang' niguíng- Fidié~ quiá'r-. ¹⁶ Jo fí ni' 'mi'qui'r' jogui fí dse' quiar~,
fí job lí- silí e júu' la: “¡Dseata~ Dsea' Féng' quiá'- jaléng' dseata~ dsea' féng',
jogui Fii' quiá'- jaléng' fi'!”

¹⁷ Jo mi~ cangf jo, camán- n jaang'gui ángel i sing' sí'ø' fí lí- íng' iee' i ca'áng'
teá eáang' jaléng' mi~ i ngí fí guiá' güí, jo lalab casí' reiñ' do:

—Seáang' yaang~na' jo ñilíng'na' fí la, co' fí lab nicatø'- Fidié~ 'ná' e
niñiquié'na' í'na'. ¹⁸ Ñilíng'na' jo ñiquié'na' ngu~ jaléng' dseata~ dsea' féng',

cóo'~gui ngu~ jaléng' fii~ quiá'~ 'lée~, cóo'~gui ngu~ jaléng' dsea` i teá táang` dsíí, cóo'~gui jalé' ngu~ cuea~ cóo'~gui ngu~ jaléng' i gua` fí mocóo'~re' do cajo, jogui ngu~ jaléng' dsea` lí' cóo' gui' ná'^, nai niing` osi nai ja niing` é, nai líng' dsea` silaang` jogui na i líng' dsea` si' niing` i jmóo` ta` tá'~ jmóo` e ja` 'léeiñ'~ jí'~ capí'^.

¹⁹ Jo mi~ cangîgui lajo, camán~n i jó' dsée~ i la'uii~ do cóo'~gui jaléng' dseata~ dsea` féng' i seeng` fí jmgüi coling` cóo'~ jaléng' 'lée~ quiá'r~. Jo nicaseáiñ' yaaiñ~ e laco' nitíñ~ cóo'~ i guing` fí mocóo'~ i cuea~ teaang` do cóo'~gui jaléng' 'lée~ quiáiñ'~ do cajo. ²⁰ Jo job catáng' i jó' dsée~ la'uii~ do coling` cóo'~ i jó' dsée~ catî tú~ do i cajmícaang` i café' cuaiñ~ quiá' Fidié~, co' i jó' lab i cajmíe` jalé' e quí'~re' jmi~ dseáng'~ fí quini` i jó' dsée~ la'uii~ do. Jo la'eáang` cóo'~ jalé' e lí e cajmíe`re' do, cóo'~ e job cajmígøng`ne' jaléng' i cacuøng` yaang` e catáiñ~ e lí quiá'~ i jó' dsée~ do e laco' líiñ~ e líiñ' dsea` quiá'~ i jó' dsée~ la'uii~ do. Jogui cajo jaléng' i cajmífém'bre i dié~ guóo'~ quiáiñ'~ do cajo. Jo fí ni` jì lí coo` jì e quiéng` azufre e jo` tóo` jmi~ ya' cabiing`ne' laco' jí'bre' i jó' dsée~ la'uii~ do coling` cóo'~ i jó' dsée~ catî tú~ do i cajmícaang` e líng`ne' dsea` i café' cuaiñ~ quiá' Fidié~. ²¹ Jogui i dsea` caguaang`gui do cajúm~bre cóo'~ e ñisü' e iü' fí mo'oo~ i dsea` i guing` fí mocóo'~ i cuea~ teaang` do, jo lajim` tusü'~ cóo'~gui jaléng' tujlá' cajmí'óo'~re' dseáng'~ la guiúm~ jalé' nguú` táaiñ' do.

20

Lajee` cóo` mil jii`

¹ Jo mi~ cangîgui lajo —cajín'~ Juan— camán~n jaang`gui ángel i jajgiáang` fí yá'^ jmgüi jo quier` joñí' quiá'~ e fí lí' 'lí' fí lí' lí' too` nua` só', jogui se'r' cóo` ñí' cadena e fé'. ² Jo i ángel la ca'ñúñ' i jó' guié~ mogui~ do i líng' jó' 'líng'^ i níngoo' seeng`, jo íb` i líng' fii` i 'líng'^ i sií Satanás, jo ca'ñúng'neiñ' do cóo'~ ñí' cadena lajee` mil jii'. ³ Jo fí dob cabíng~neiñ' do e fí lí' lí' too` nua` só' do, jo fí job cajniñ'~ do lajee` cóo` mil jii', jo catéer` cóo` sello fí dse' jnî' e laco' jo` quí'~ jmi~ fa' e nijmígøng`guiñ' do dsea` jmgüi cartí níngíng` e cóo` mil jii` do. Jo mi~ níngî jo, joguiba' e nicuøng` nileáiñ' do cateá'.

⁴ Jo mi~ cangî jo, camó~guí ée` lí' gua` jaléng' dsea` i nicangíng` fí e quidsir' í' quiá'~ dsea` jmgüi. Jo dob camó~o cajo ni~ jaléng' 'lí' i nicajúng` e caquiá' dsea` moguir` uí' e teáiñ~ teá cóo'~ e júu` e casée` Jesús jogui cóo'~ jalé' e fé' júu` quiá'~ Fidié~. Jo jaléng' i dsea` í ja` cajmíféiñ' i jó' dsée~ la'uii~ do o'gui cajmí'gór` i dié~ guóo'~ quiáiñ'~ do cajo o'gui cacuøng` yaaiñ` fa' e catáiñ~ lajii'~ e lí quiá'~ i 'líng'^ do fí guiquíir' osi fí guóor` é. Jo camó~o e cajíb'tu jaléng' i dsea` í calé' catú~, jo røb` caquiá'r' ta` coling` cóo'~ Dsea` Jmáang` lajee` cóo` mil jii'. ⁵ Jo dsü' e naguib e la'uii~ e jí'tu dsea` jee~ jaléng' 'lí'. Co' jaléng'gui i 'lí' i caguaang`gui do ja` cají'tu cartí mi~ cangî e cóo` mil jii` do. ⁶ Juguiá` jia quiá'~ jaléng' dsea` i níngíng` mi~ nití' í' e nijí'tu dsea` la'uii~ jee~ jaléng' 'lí', dsuco' jaléng' i dsea` íb` dseáng'~ dsea` quiá'~ Fidiéeb` nilíiñ'! Jo ja` ee` bí sea` quiá'~ e 'mó~ e catî tú~ ya' fa' e níngíng`gui jaléng' i dsea` í, co' jaléng' í ni'uíñ~ jmidsea` quiá'~ Fidié~ jogui quiá'~ Dsea` Jmáang~, jo colim` niquiá'r~ ta` cóo'~ dsea` do lajee` cóo` mil jii'.

Mi~ cacá~ quiá'~ fii` i 'líng'^ dseáng'~ congua'

⁷ Jo mi~ tí lí casúung` e cóo` mil jii` do, job mi~ catî í' e nileáng` i fii` i 'líng'^ do fí lí' sjniiñ'. ⁸ Jo job mi~ tí lí níngíng` e nijmígøiñ` jaléng' dsea` i seeng` fí la'úng` fí jmgüi, jo jaléng' íb` i sií Gog cóo'~gui Magog, jo lajim` í niseáiñ' ie~

jo e quiá' nisér' 'nii. Jo dsea' 'leám'bing' niseáng' e jmí~ jo lí' laco' tí' too' e née' 'ni' jmiñí'.

⁹ Jo jaléng' i dsea' í la'úm' fí' ni' guóo' uó' jmiñí' niniñ' mi' nití' í' lajo, jogui cajo lacúng' lajín' lí' neáng' jaléng' dsea' quiá' Fidié', jogui lacúng' lajín' e fí' e lí' iing' Fidié'. Jo dsu' lajee' job canaang' jiá' jí' fí' yá' jmiñí', jo lajím' i dsea' í cacáañ' ie' jo dseáng' congua'. ¹⁰ Jogui i fí' i 'líng' i cajmigóong' jaléng' dsea' jmiñí' lamí' jéeng'gui do, fí' dob cabíñ' fí' é' guíé' lí' coo' jí' e téé' azufre e jo' too' jmiñ' niyá', jogui fí' job cajo lí' cabíng' i jó' dsée' la'uii' do cóo'gui i jó' dsée' catí' tú' do i cajmicaang' e café' cuaiñ' quiá' Fidié'. Jo fí' job lí' nicá' jaléng' í iihu' e uó' jmiñ' dseáng' car' ngongí' jmiñ'.

Jial mi' ni'ing' iihu' jaléng' dsea' i røong' dsee'

¹¹ Jo mi' cangí' jo —jín' Juan— camó'o cóo' éé' e jlo' tee', jo fí' jo guíng' i dsea' i quidsí' í'. Jo fí' quini' i dsea' í camó'o e dseáng' conguiab' ca'íng' guóo' uó' cóo'gui yá' jmiñí', jo jo' jié' lí' cajnéng'gui jii' cóo'. ¹² Jogui camán' n lajín' 'lí' e teáañ' fí' quini' e éé' do, na i niing' jogui na i ja' niing'; jogui canab' jalé' jí', jo mi' cangí' jo, jié'gui cóo' jí' cana' cajo, jo e jí' job e lí' nitáang' jaléng' dsea' quiá' Fidié'. Jo joguib mi' tí' lí' catídsí' í' quiá' jaléng' i 'lí' do lí' laco' jii' e cajméer' ie' lamí' seeíñ' fí' jmiñí' lí' laco'gui jii' la fé' e fí' ni' jalé' e jí' quiá' Fidié' do. ¹³ Jo camó'o e cajang' jmiñí' jaléng' 'lí' i catíng', jogui i fí' e lí' teáang' jaléng' 'lí' cajam'bre lajii' i 'lí' i catíñ' cajo. Jo lajaang' lajaang' i dsea' í catídsí' í' quiá'r' lí' laco' jii' e cajméer' ie' lamí' seeíñ' fí' jmiñí'. ¹⁴ Joguib e 'mó' cóo'gui e fí' lí' teáang' jaléng' 'lí' do, fí' dob cabíñ' e fí' é' guíé' fí' lí' coo' jí' e téé' azufre e ja' too' jmiñ' niyá'. Jo e guíé' do, e job e guóng' 'mó' e catí' tú' do. ¹⁵ Jo jaléng' dsea' i ja' sijnéng' e fí' ni' jí' lí' taang' jaléng' dsea' quiá' Fidié', fí' dob bíñ' cajo e fí' é' guíé' e fí' lí' iá' jí' e quiéng' azufre e ja' too' jmiñ' niyá'.

21

Yá' jmiñí' 'mí' cóo'gui guóo' uó' 'mí'

¹ Jo mi' cangí' jo —jín' Juan— camó'o cóo' yá' jmiñí' e 'mí' cóo'gui cóo' guóo' uó' e 'mí' cajo; dsuco' e yá' jmiñí' e la'uii' do cóo'gui e guóo' uó' e la'uii' do nica'ím', jo lajobi jalé' jmiñí' cajo nica'ím'. ² Jo camó'bí' e fí' e güeang' quiá' Fidié' do e sií' Jerusalén 'mí' e cajgó' fí' yá' jmiñí' e fí' lí' guíng' dsea' do. Jo dseáng' e eám' jlo' sili' e fí' do lí' laco'gui la líng' jaang' simí' ie' jmiñ' e nicung' guór'. ³ Jo mifíng' canú' u cóo' luu' e jáa' fí' lí' lí' éé' e fí' lí' guíng' i laniing' quiá' ta' do, jo lalab cajíng' cóo' júu' e teá' eáang':

—Lana Fidié' niseeíñ' jee' jaléng' dsea' jmiñí', jo contøom' niliseeíñ' cóo' dsea' do, jo jaléng' dsea' íb' ni'uíng' dsea' quiá'r', jogui 'ñiab' Fidié' niliseeíñ' cóo'íñ' do, jogui jii' íb' ni'uíng' Fidié' quiá'r' cajo. ⁴ Jogui Fidiéeb' cajo dsea' nijmiquí'r' jmiñ' í' jmini' lajaang' lajaang' dsea', jogui jo' too' jmiñ' fa' e nilisea'gui 'mó' quiá'r', o'gui jalé' fí'í', o'gui jalé' ta' jmiquíng' dsíí', o'gui jalé' e cu' jnga'; dsuco' lajib' e lamí' sea' fí' jmiñí', caquium' e sea' jalé' e jo.

⁵ Jo i dsea' i guíng' e fí' lí' lí' éé' e fí' lí' niing' quiá'r' ta' do cajíñ' lala:

—Jnea' jmó'o e 'mí' lajalé' e sea' fí' latøong' jmiñí'.

Jogui cajím' biguir cajo:

—Juan, jmée' lajalé' e júu' la, có' lajalé'ba' la lí' júu' dseáng' e laniing' e já', jogui dseáng' catím' e nilí'goo' cajo.

⁶ Jo mi' cangí', jo casí' tur' jnea' lala:

—Lajib`nicaliti~. Jo jneab~ lín`n i la'uii~ do jogui jnea~ bilín`n i ti'li~ cadséng~ do cajo. Jo lí' doñí' i dsea` i jmi`míng~, jneab~ nicuøø`e e jmi` e jmóo` e seeng` dsea` cøøng` cóo~ Fidié` lata~, jo e jmi` jo ja` e quíng` jii~ cóo` 'ñiá' quíá' i dsea` i iing` ni'í' e jo. ⁷ Jo i dsea` i nigüéang` i nité' lí' e siñ' teá' cóo~ júu^ quíe`e, ni'ím`bre lajalé' e la; jo jneab~ niliín`n Fidié` quíá'r~, jogui íbre niliñ` joo` cajo. ⁸ Jo dsu' jaléng`gui dsea` i 'gó' fí' quini` dsea` jiéng` uíi~ júu^ quíe`e, jogui jaléng`gui dsea` i ja` já' líng` júu^ quíe`e nañí' fa' nicalíñ`bre, cóo~ gui jaléng` dsea` i 'ní' níng` rúng', cóo~ gui jaléng` dsea` i jmóo` ta~ jngang` dsea` rúng', cóo~ gui jaléng` dsea` i 'léé' cóo~ ngúu` táaiñ~, cóo~ gui jaléng` dsea` i jmóo` ta~ dsea` láang`, cóo~ gui jaléng` dsea` i jmiféng` diéé` i o' já', jogui lajobi jaléng` dsea` i jmóo` ta~ quíe' júu^ e o' já' cajo, fí' dob nibíñ` e fí' é' guíeé' lí' coo` jì e téé' azufre e ja` too` jmi` yu'. Jo e lab e 'mó` e catí tú` do.

Jerusalén e 'mí`

⁹ Jo mí` cangí jo, camán`n jaang` lajee` i guiáng` ángeles i lami~ quíe' e guíe` cóo` do e lami~ sirøøng` guíe` íng` iihuí' e lí' cadséng~ do, jo cangoquíeéiñ` fí' lí' sín`n, jo cóo~ júu^ lalab casí'r` jnea~:

—Juan, nea' fí' la, jo lab ni'éen`n 'nu` i simí` i nicúng` guó` cóo~ i Jo'se' Jiuung~ do.

¹⁰ Jo lajee` job —jíng` Juan— e Jmiguí' quíá' Fidié` cajmée` e camó`o e i ángel do cangojééiñ` jnea~ fí' cóo` yá' mó' e fé' jogui e ñií', jo fí' job ca'e'r` jnea~ e fiñ` laniing` e güeang` e siñ` Jerusalén e ñigó' fí' ñií' fí' lí' guiing` Fidié`.

¹¹ Jo dseáng` eáam` jlo' jíng` jì' e fiñ` do la'eáang` cóo~ güea` niing` jì' quíá' Fidié`, jo jnéng` lajo lí' laco' la lí' cóo` cuu` e jì' e siñ` jaspe, jogui cajo lí' laco' lí' cóo` sñ' e ta' jmí'. ¹² Jogui lacúng` lajíng` e fiñ` do sijñib` cóo~ cóo` iá' cuu` fé' e ñií' eáang`, jo e iá' do sea` guitu' jn' quíá' lí' cuøøng` dsitáang` dsea`, jo lacoo` lacoo` e jn' do seeng` jaang` ángel i jmóo` í'; jogui e fí' lacoo` dse' jn' do too` jial siñ` ca'lé' jee` lajì' guitu' 'lé' dsea` seeng` fí' Israel. ¹³ Jo 'ní' e jn' do jøø` lí' lí' guo' iee', jogui 'ní' jøø` lí' lí' ñií', jogui 'ní' gui jøø` lí' lí' uøø`, jogui 'ní' lí' lí' dsea' iee'. ¹⁴ Jo e iá' cuu` e si' fí' lacúng` e fiñ` do téé' guitu' cuu` e lafa' quíá' tñ` fiñ`, jo fí' lacoo` e cuu` do too` jmacó` jial siñ` lajaang` lajaang` lajee` guitúung` i dsea` apóo` i sí' íng` i cajmée` ta~ ni' júu^ quíá' i Jo'se' Jiuung~ do.

¹⁵ Jo i ángel i síng` cóo~ jnea~ do quier` cóo` siñ` e lí' cóo~ layaang` cunée` e laco' niguiár` í' e jee` fiñ` fé' do cóo~ gui jalé' jn' quíá' jogui e iá' cuu` do cajo. ¹⁶ Jo e fiñ` fé' do quiúum` lí', jo røøb` í' óo` lí' lí' cuee` cóo~ gui lí' lí' ú. Jo i ángel do caguiar` í' e fiñ` do cóo~ e siñ` cunée` e quier` do; jo mí' caguiar` í', jo óo` tú` mil la dsí tú` ciento kilómetro; jo røøb` óo` lí' lí' cuee` jogui lí' lí' ú jogui røøb` cajo lí' lí' ñií'. ¹⁷ Jo mí' cangí jo, caguiar` í' e iá' cuu` do, jo lalab í' óo` e jo: óo` sesenta y cinco metros. Jo i ángel do cacór` í' lí' laco' jii' í' quíá' dsea` jmigüi` e jmáiñ` ta~.

¹⁸ Jo e iá' cuu` do lí' cóo~ j mang` cuu` jì' e siñ` jaspe, jogui e fiñ` do lí' cóo~ j mang` cunée` yaang` e lí' lafa' sñ' e jlo' huí'. ¹⁹ Jo jalé' cuu` tñ` fiñ` quíá' e iá' cuu` do jlo' síñ` cóo~ jalé' cuu` e jlo'; jo e la'uii` do lí' cóo~ cuu` e jì' e siñ` jaspe; jogui e catí tú` do lí' cóo~ cuu` jlo' e iñ` í' azul e siñ` zafiro; jogui e catí 'ní' do lí' cóo~ cuu` e jlo' e iñ` í' teá' langíng` e siñ` ágata; jogui e cuu` e catí quíe' do lí' cóo~ cuu` jlo' e iñ` í' rø` e siñ` esmeralda; ²⁰ jogui e cuu` lí' catí 'ñiá' do lí' cóo~ cuu` e siñ` ónice; jogui e cuu` lí' catí jñáñ` do lí' cóo~ cuu` e yúu` e siñ` cornalina; jogui e cuu` lí' catí guíe` do lí' cóo~ cuu` e siñ` crisólito; jogui e cuu` e lí' catí jñiá` do lí' cóo~ cuu` e siñ` berilo; jogui e cuu` e catí ñá` do lí' cóo~ cuu` ue' e jing` e neáang` e siñ` topacio; jogui e cuu` lí' catí guí` do lí' cóo~ cuu` e siñ` crisoprasa; jogui e cuu` lí' catí guicó` do lí' cóo~ cuu`

e sii` jacinto; jogui e cuu~ e li~ cati~ guitu~ do líí cóo~ cuu~ e sii` amatista. ²¹ Jo laji~ guitu~ e jni~ do líí cóo~ cóo~ cuu~ e ji~ jlo~ e sii` perla. Jogui e fi~ laniing~ e ngóo~ jee~ 'núu~ e sea` e fi~ jee~ fi~ fé~ do líí cóo~ layaang~ jmang~^ cunée~, jogui dseáng~ jlob~^ ta~ jmf lí~ laco~gui la líí cóo~ síí.

²² Jo ja` camó~ o jii~ cóo~ guá~ e fi~ jee~ fi~ do, có~ Fii~naa~ Fidiée~ dsea` féng~ dsea` níing~ fi~ jmigüi~ i quii~ jmi~ jme~ lí~ doñi~ ee` cóo~gui i Jo~se~ Jiuung~ do, íbing~ líng~ laco~ guá~ quiá~ e fi~ do. ²³ Jo ja` ngii~ lí fa~ dseáng~ 'né~ ji~ iee~ e fi~ jee~ fi~ do osi~ ji~ si~ é e laco~ nijneá~, dsaco~ lajii~ e güea~^ quiá~ Fidiée~ do, e joba~ jmóo~ e jneá~ jlo~, jo i Jo~se~ Jiuung~ dobing~ líng~ e ji~ quiá~ e fi~ do. ²⁴ Jo jaléng~ dsea` seeng~ fi~ ni~ guóo~ uó~ jmigüi~ cóo~ e ji~ job~ ningir~, jogui jaléng~ dseata~ dsea` féng~ i seeng~ fi~ jmigüi~, fi~ dob~ nija~r~ jalé~ bí quiá~r~ fi~ quini~ Fii~naa~ Fidiée~ e laco~ e nijmiféiñ~ dsea` do jogui~ nijmi~gó~reiñ~ cajo. ²⁵ Jogui jalé~ e o'nú~ quiá~ e fi~ do jo` nijni~gui lajee~ jmi~, jogui cajo jo` nilisea~gui uóø~ e fi~ jo. ²⁶ Jo job~ nijá~^ dsea` jmigüi~ jalé~ e niguo~^ e sea` quiá~r~ cóo~gui lajalé~ e jlo~ e sea` fi~ jmigüi~; ²⁷ jo dsu~ ja` quí~ jmi~ fa~ e ni~í fi~ jo jii~ cóo~ e 'lí~ o~gui jii~ jaang~ i ee~ dsihu~ osi~ jaléng~ i jmigóo~ é. Có~ dseáng~ lajii~ dsea` i nitaang~ e fi~ ni~ ji~ quiá~ i Jo~se~ Jiuung~ do li~ nitaang~ jaléng~ dsea` i si~íng~ seeng~ lata~, jo jii~ íbing~ cuóøng~ nidsitaang~ fi~ jo.

22

Coo~ tú~gui júu~^ quiá~ fi~ Jerusalén e 'mii~ do

¹ Jo mi~ cangí~gui lajo, i ángel do ca'e'r~ jnea~ cóo~ gua` fi~ lí~ sea~ jmi~ e jmóo~ e seeng~ dsea` cøøng~ cóo~ Fidiée~ lata~. Jo e jmi~ jo dseáng~ jlo~^ ji~, có~ lí~ dseáng~ laco~ líí cóo~ síí e ta~ jmf. Jo e fi~ ná~ e li~ lí~ ée~ e fi~ lí~ niing~ lí~ guiing~ Fidiée~ quiá~r~ ta~ colíng~ cóo~ i Jo~se~ Jiuung~ do, fi~ job~ fi~ lí~ níng~ e jmi~ do. ² Jo guiá~^ joo~ e fi~ guiá~ fi~ laniing~ quiá~ e fi~ do jogui lacataang~ cataang~ e gua~ do, fi~ job~ lí~ cuaang~ e 'ma~ e jmóo~ e seeng~ dsea` cøøng~ cóo~ Fidiée~ lata~. Jo e 'ma~ jo cuø~ guitu~ íng~^ ofii~ laco~ jii~, cóo~ íng~^ ofii~ lajaang~ si~. Jogui mamó~ quiá~ e 'ma~ ofii~ do íng~^ ta~ e jmi~leáang~ jaléng~ dsea` jmigüi~. ³ Jo jii~ cóo~ jo` e nilisea~gui e fi~ jee~ fi~ do e ja` dseeng~ e nijmé~ e ni~é~ dsea` dsee~. Jo fi~ job~ nijé~ e ée~ lí~ niing~ lí~ guiing~ Fidiée~ cóo~gui i Jo~se~ Jiuung~ do, jogui jaléng~ i dsea` i jmóo~ lajii~ e iing~ dsea` do caniing~ jii~ ta~ jmiféng~ dsea` dobing~ nijmér~. ⁴ Jo fi~ joguib~ lí~ niníng~ rúng~ Fidiée~ fi~ quini~ lana cóo~ jaléng~ dsea` quiá~r~, jo fi~ guiaquí~ jaléng~ i dsea` í nitó~ jialco~ si~ dsea` do. ⁵ Jo e fi~ jo jo` nilisea~gui uóø~; jo jaléng~ i dsea` i nigüea~ fi~ jo, jo` nili~né~ guir~ ji~ o~gui ji~ iee~, có~ contøøm~ Fii~naa~ Fidiée~ nicuør~ jir~, jo jaléng~ i dsea` í contøøm~ niquiá~r~ ta~ car~ ngongí~ jmi~.

Lajmináb~ nijá~tu Dsea` Jmáang~

⁶ Jo mi~ cangí~ jo, cajíng~^gui i ángel do casí~r~ jnea~ lala:

—Juan, lajii~ e júu~ la dseáng~ laniim~ e já~ jogui dseáng~ catim~ e nili~goo~ cajo. Jo Fii~naa~ Fidiée~bing~ i cacuo~ júu~ jaléng~ dsea` i café~ cuaiñ~ quiá~r~ mali~gui eáang~, joba~ lana nicasiñ~ jaang~ ángel quiá~r~ e laco~ niliñ~ jaléng~ dsea` i jmóo~ ta~ quiá~r~ lajii~ e nidsijee~ lajee~ lajminá~.

⁷ Jo cajíng~ Fii~naa~ Dsea` Jmáang~:

—iNúu~ na! Lajee~ lajminá~ nigáa~túu. iJo juguiá~ jia quiá~ jaléng~ dsea` i jmiti~ lajii~ e fé~ e fi~ ni~ ji~ la!

⁸ Jo jnea~, Juan, nicanú~ u jogui nicamó~ o lajalé~ e la. Jo mi~ cangí~ jalé~ e la, casí~i uó~ jnii~ fi~ uii~ tii~ i ángel i ca'e~ jnea~ jalé~ e jo e laco~ e nijmifén~ nre si~í. ⁹ Jo dsu~ cajíñ~ casí~r~ jnea~ lala:

—Juan, ja`jmoo` lana, co`jnea` lín`n jaang` i`jmoo` ta` quía` Fidiéeb` cajo, jo røøb` lí`naa' cóo` 'nu` colíng` cóo` gui jaléng` dsea` rún` i` café` cuaiñ` quía` Fidié` malí` gui eáang` lí` lajaléng` i` jmiti` jalé` e` júu` e` fé` e` fí` ni` jì` la. Jo fí` i` 'nu` e` lajii` Fidié`bing` i` 'né` nijmifén`.

¹⁰ Jogui casí` gui i` ángel do jnea` lala:

—Juan, jie` mí` jmoo` e` ja` nijmijnéen` e` ni`meá` e` ñng` lajii` e` júu` quía` Fidié` e` fé` e` fí` ni` jì` la, dsuco` lajee` lajminá` nidsijéé` lajalé` e` la. ¹¹ Joba' fí` guí` 'nu` e` jaléng` dsea` i` dsí` jalé` e` ga`, güijmée` bre lajii` e` 'lí` rúin` e` iin` jmér` ; jogui jaléng` dsea` i` teáang` fí` ga`, güiteáam` bir fí` jo; jo dsu` jaléng` dsea` i` seeng` røø` cóo` Fidié`, güijmée` bre lajii` e` guiá` e` jmóor` do; jogui jaléng` dsea` i` jmoo` lajii` e` iing` Fidié`, güijmée` bre lajo cajo.

¹² Jo lalab cajíng` gui Dsea` Jmáang`:

—i`Núu` na! Lajee` lajminá` nigáa` túu; jo joguib` nigáa` a quiee` lajii` e` catíng` jaléng` dsea` lí` jialco` jii` lí` e` nicajméer` lami` jéeng` gui. ¹³ Jo jneab` dsea` i` la`uii` do jogui jnea` bi` i` tí` lí` cadséng` do cajo, jo jneab` i` seeng` ie` lajii` mí` catiroo` jmigüí, jogui jnea` bi` cajo i` seeng` cartí` mí` ni` íng` jmigüí.

¹⁴ Jo juguiá` jia quía` jaléng` dsea` i` lafa' ru' jalé` sí` e` laco' nilisea` fí` quía` e` nidsitáaiñ` e` fí` lí` lí` o`nú` quía` e` jee` fí` quía` Fidié` do, co' lajoba' nilisea` fí` quía` r` e` nidó`r` e` ofí` quía` e` 'ma` e` cuø` e` seeng` dsea` cøøng` cóo` Fidié` lata`. ¹⁵ Jo dsu' fí` lí` caluu` e` fí` do nijé` jaléng` i` jmoo` jalé` e` 'lí`, lafa' jaléng` dsea` i` jmoo` jalé` ta` dsea` láang`, jogui jaléng` dsea` i` ée` dsee` e` 'léer` cóo` jalé` e` lí` dsí` ngúu` táaiñ, jogui jaléng` i` jmoo` ta` jngang` jaléng` dsea` rúng`, jogui jaléng` dsea` i` jmoo` ta` jmiféng` jaléng` dié` i` o' ja', jogui jaléng` dsea` i` tí` dsí` jmoo` ta` jmigoo`.

¹⁶ Jo mí` cangí` jo, lalab cajíng` Jesús:

—Jneab` dsea` nicasín`n ángel quie` e` fí` quiní` e` quier` jalé` e` júu` la e` catíng` jaléng` i` líng` dsea` quie` e`. Jo jneab` lín`n dsea` siju` dseata` dsea` féng` Daví`, jogui jnea` bi` cajo lín`n lafa' i` núu` jing` i` jnéeng` jlo` mí` la`ee`.

¹⁷ Jo Jmiguí` quía` Fidié` jogui i` líng` lafa' dseamí` quía` i` Jo`se` Jiuung` do lalab fé`r` jo jín`:

—i`Nea' fí` la!

Jo lajob` nijíng` jaléng` i` ninú` cajo:

—i`Nea' fí` la!

Jo doñí` i` dsea` i` jmijmíng`, güijalím` bre jo güija` í`r` e` jmí` e` jmoo` e` seeng` dsea` cøøng` cóo` Fidié` lata~, jo e` jmí` jo jii` cóo` ja` ee` quíng` quía`r`.

¹⁸ Jo jaléng` dsea` i` núu` e` júu` quía` Fidié` e` tóo` e` fí` ni` jì` la, joba' jmiñiim` baa dsí`r` lala: Song` i` líng` iin` nijmingí` guir lajii` e` júu` e` dseáng` fé` e` fí` ni` jì` la, joba' Fidié` nijmingí` bre cajo jalé` iihuí` quía` i` dsea` í` lí` laco' la fé` e` fí` ni` jì` la. ¹⁹ Jogui song` i` líng` dsea` iin` e` nijé` guir fa' camí` e` júu` e` fé` e` fí` ni` jì` la, joba' Fidié` nijé` bre cajo quía` i` dsea` í` lajii` e` 'ma` e` jmoo` e` seeng` dsea` cøøng` cóo` Fidié` lata~, jogui cajo ja` nitíñ` e` nigüear` e` fí` fí` güeang` quía` Fidié` e` fé` e` fí` ni` jì` la.

²⁰ Jo i` dsea` i` jmita` dsí` jalé` e` júu` la jín` lala:

—Dseáng` e` jáb`, lajee` lajminá` nigáa`a.

Jo lalab jíng` dsea` quía` Dsea` Jmáang`:

—Lajob` nilí. i`Nea' fí` la, Fí`naa' Jesús!

²¹ Jo güi` íb` Fí`naa' Jesús güea` quía`r` fí` jee` jneaa`aa' lajalé`naa'.

Jo lajob` nilí!

Jo jii` lanab jii` fé` jì` e` cajme` Juan.